

SC.17.P1.7.



AR 315









D I V I  
T H O M A E  
A Q U I N A T I S  
D O C T O R I S A N G E L I C I  
O R D I N I S P R A E D I C A T O R U M  
O P E R A .

EDITIO ALTERA VENETA  
ad plurima exempla comparata, & emendata.

A C C E D U N T

Vita, seu Elogium eius a IACOBO ECHARDO diligentissime concinnatum,  
& BERNARDI MARIAE DE RUBEIS in singula Opera  
Admonitiones praeviae.

TOMUS DECIMUSTERTIUS

complectens SCRIPTUM in reliquis viginti & octo DISTINCTIONES  
LIBRI QUARTI SENTENTIARUM.



V E N E T I I S ,

M D C C L .

---

Cudebat IOSEPH BETTINELLI  
EX PRIVILEGIO EXCELLENTISSIMI SENATUS:



## FR. IO. FRAN. BERNARDI MARIAE

D E R U B E I S


ORDINIS PRAEDICATORUM

## ADMONITIO PRAEIVIA.

in qua

*I. Petri Zornii, Hamburgensis Heterodoxi, Programma de varia fortuna S. Thomae Aquinatis in Scholis Pontificiorum, praesertim Gallorum, ad examen vocatur, & refellitur.*

*II. Paria commenta, & alia refelluntur diſſeria Adami Tribbechorvii, Heterodoxi Saxo-Gothani.*

I.  Petri Zornii Hamburgensis, Heterodoxi hominis, *Programma* incidit in manus, inſcriptum *De varia fortuna Sancti Thomae Aquinatis in Scholis Pontificiorum, praesertim Gallorum*, quod prima vice Rostochii anno 1706. editum est, tum inter eiusdem Scriptoris *Opuscula Sacra* Tomo I. semel & iterum recusum Altonoviae, & Flesburgi anno 1743. Ad muneris mei partes, qui Admonitionibus in eiusdem Thomae opera ac doctrinam Venetae Bettinellianae editioni inferendis qualescumque labores confero, maxime spectare censui, ut variam hanc Doctoris Angelici fortunam ab homine Heterodoxo enarratam diligentius expendere. Legi libellum: quem si dixerio indigestam-confusamque scriptionem, crisi vacuum & ineptam, suaeque sectae praediciis plenam, lucidissimam veritatem proferam, moderati-que animi limites ne latum quidem unguem excedam.

Quod equidem notissimum ut fiat compertumque, integrum *Programma*, ac singulas partes eius ad examen, quod partium studio prorsus eliminato instituendum est, advocare liceat. „ Quamvis Scriptores ( initio libelli inquit ) „ modo adducti, *Guillelmus de Tocco, Bernardus Guidonis, Nicolaus Trivetius*, „ ( quos veteres dumtaxat cum aliquibus recentioribus laudat ) de Thomae „ multa observaverint; primus tamen Scriptor, qui hic utramque facere pot- „ erit paginam, & cui non pauca nos debere grati proſitemur, est Petrus de „ Alva & Astorga, celeberrimus ex ordine Minorum scriptor. “ Utramque ergo paginam *Programmat*is efficiet Petrus de Alva & Astorga? Virum nempe intellige, qui medio saeculo praecedente elapso, animo palam inſenso in Aquinatem scripsit. Optimas criticae leges violat Zornius, quae iubent, synchronos suppareſque factis, quae narrantur, consulendos esse scriptores: neque si- dem vel ipsis praestandam clausis oculis, non antea diligentius perpenſis eorum conditione, ac peritia, & studio, & animi affectibus. Has ego leges iure stric- tissimo servandas mihi impono, *Programma* Zornii expendenti, & refellenti.

Iustam & obviam, quae contra Petrum de Alva & Astorga, tamquam du- cem *Programmat*is delectum, fieri querela poterat, vidit Heterodoxus Auctor: satisque querenti cuique facere studet: „ Dicit aliquis ( inquit ) cum Io.

## ( IV. )

„ Andrea Schmidio in *Prolesionum Marianarum prima*, studio partium insectum „ parum favere ( Petrum illum. ) Sit ita licet; tamen multa præclara obser- „ vavit, ad veritatis lancem exigenda, sine ulla gratia in Thomam, & odio. “ Equidem non pauca, in suo Programmate transcripta, se debere Petro illi, gra- „ tus proficetur Zornius. Num eadem ad veritatis lancem exegerit, mox constabit. Abiit sane, ut par est, in varia Thomæ fortuna enarrandi, gratia quæque „ erga ipsum: abiit & odium. An vero vacuum affectibus gesserit animum Scri- „ ptor Hamburgensis, qui Petrum de Alva legit, iustravit, corrastique; Scripto- „ rum vero, qui apologetica scripta ediderunt, nemini nuspium? Opera tamen „ pro Aquinate prostant, a Francisco Ianssens Elinga anno 1664. & 1665. vul- „ gata, a Martino Harneyo & Ioanne Casalas eodem anno 1664. a Vincenzio „ Baron anno 1666. a Seraphino Piccinardo anno 1687. ab aliis etiam. Quis fue- „ rit Petrus de Alva, quid in ipsum præstiterint laudati Apologistæ, iudicium „ ferat Casimirus Oudinus, minime bono, sed iniquo comparatus animo in A- „ quinatem. Plura habet ille in Dissertatione de Scriptis eiusdem Doctoris: u- „ nam, vel alteram animadversionem subicio. Verba eius sunt capite xx. *Ita* „ *quidem Petrus de Alva ad emulationem, & invidiam Sancto Thomæ conciliandam.* „ Et capite xxv. *Probat thesim suam modicissimis coniecturis, litterato homine indig- „ nis. . . . Utitur præterea negativis argumentis, nihil concludentibus: itaque Mss. „ codicibus anonymis, quos omnes Originalia novitius appellat semper. Vidisse me hu- „ minem recolo olim dum iunior essem, varias percurrentem Bibliothecas, sed festinan- „ ter. . . . Unde nihil mihi mirum, quod tam modicam ex tot locis inspectis erudi- „ tionem hausserit. Hunc mirum egregie decotavit Franciscus Ianssens Ordinis Fratrum „ Prædicatorum. . . . Idem præstitit Fr. Martinus Harneyus ex eodem Ordine. Ac „ Oudino fidei ne adhibeas, per me licet: lucidissime namque patebit veritas, „ purioribus collustrata radiis.*

Opus ipsum auspicatur Zornius a bona & propitia quæ Thomæ viventi ar- „ rilis fortuna. „ Thomas( inquit ) quoad vixit, extra omnem dubitationis a- „ leam, puriorem de sacris rebus sensum habuit: sed idem post mortem, „ quæ in annum 1274. incidisse dicitur, suos manes demum, & sinistra pas- „ sus est fata. “ Mors Thomæ incidisse dicitur, inquit, in annum 1274. Enor- „ tualem epocham certissimam, quam nemo unus vocavit indubium, sibi mini- „ me compertam fuisse indicat Zornius. Inscitia est, cuius pudeat hominem, „ qui de varia Aquinatis fortuna singulari Programme agit. Laudes excipio; „ queis purior, quem de rebus sacris Thomas habuit, sensus celebratur: at Homi- „ nis Heterodoxi præconium cum suspectum esse queat, puriorem sensum in rebus „ sacris, benevole Lector, intellige Catholicæ, Apostolicæ, Romanæ Ecclesiæ „ semper & ubique in Operibus eius omnino consonum.

Hanc vero bonæ Thomæ Aquinatis fortunæ partem quis non videat ni- „ mium icune a Zornio expositam? Nonnulla profero certissima documenta, „ quæ doctrinæ eius præstantiam & puritatem patefaciunt. Hanc noverat Can- „ cellarius Parisiensis, qui anno 1256. ineunte, nequidquam factiosus quibusdam „ Academicis repugnantibus, *licentiam* Thomæ Baccalaureo, ut aiebant, concessit „ Commentarios in Sententias Petri Lombardi nomine suo, proque Magistri „ munere, coram palamque tradendi in Gymnasio Sanicobæo. Hac de re cer- „ tior factus Alexander IV. summus Pontifex, litteras ad Cancellarium scripsit „ eodem anno v. idus Martii, quibus *delectabile* sibi fuisse auditu testatur: quod „ *Dilecto Filio Fratri Thomæ de Aquino Ordinis Prædicatorum, viro utique nobilitate „ generis, & morum honestate conspicuo, ac thesaurum litteralis scientiæ per Dei gra- „ tiam affectu, dederit licentiam in Theologica facultate docendi.* Studiorum cursu in „ Pari-

Parisiensi Universitate expleto, in Italiam anno 1261. remigravit. Quo eius Doctrina haberetur in pretio, plura docent Opera, quæ ad petitionem Urbani IV. teste Ptolomæo de Luca Libro XXII. Hist. Eccl. capite xxiv. elucubravit: nempe *Opus continuum in Quatuor Evangelia*, *Examen Theologicum libelli ab eodem Pontifice oblato contra errores Græcorum*, & *Officium Corporis Christi*. Pro zelo, quo Sanctus Raimundus de Pennafort Saracenorum & Infidelium salutem æternam deperibat, opus Aquinati iniunxit, Petro Martilio eius ævi teste, quod eorum ad conversionem utile foret: illudque perfecit S. Thomas inscriptum, de *Veritate Fidei Catholica*. Tantum Doctorem diutius absentem passa non est Universitas Parisiensis: iterumque docentem ab anno 1269. ad 1271. ipsum audivit. Eodem ad finem vergente anno, cum in Italiam remigrasset, ipsum ad regendas Neapoli Scholas accivit Rex Carolus Andegavensis, lato Diplomate prima Indictione Mensis Octobris. Principes Viri, Rex Cypro, & Comitissa Flandriæ, Archiepiscopus Panormitanus, Archidiaconus Tridentinus, Magister Generalis Ordinis Prædicatorum, Cantor Antiochenus, Sacræ Theologiæ Lectores, plures alii oraculum Thomæ adibant, ut responsa in dubiis, quæ emergabant, controversiis obtinerent: ipsique factum, satis, egregiis Opusculis elucubratis. Sancti Doctoris obitum litteris anno 1274. datis indoluit Universitas Parisiensis, in quibus præstantissimi Theologi testantur: ab collegio suo requisitum Thomam anno 1272. ut tertia vice docentem audirent, non potuisse obtinere, utpote Scholas Neapolitanas regentem. Cum vero degentem inter vivos habere ipsum non potuerint, eiusdem iam defuncti ossa pro maximo munere postulant: quoniam omnino est indecens & indignum, iniquitas, ut altera natio, aut locus, quam omnium studiorum nobilissima Parisiensis civitas, quæ ipsum diu educavit, nutrit, fovit, & postmodum ab eodem doctrinæ documenta, & ineffabilia fomenta suscepit, ossa inhumata habeat & sepulta. Demum humiliter supplicamus ( ad Generalia Ordinis Comitia scribebant ) ut eum quadam scripta, ad Philosophiam pertinentia & spectantia, Parisius inchoata ab eo, in suo recessu reliquerit imperfecta.... nobis benevolentia vestra communicare curetis. Tam magno scilicet in pretio Opera Thomæ habebant Magistri Parisenses, ut minimis etiam carere quibusdam Tractatibus non paterentur. Hæc abs scriptore, quiariam Thomæ fortunam enarrat, absque nota prætermitti potuisse, dixerit nemo.

Quinam fuerint manes, quænam sinistra fata, quæ post Aquinatis obitum fama, & doctrina eius passa sit? „ Cum in Academia Parisiensi pessimi qui-  
 „ que errores post Thomæ obitum sensim pullulare inciperent ( inquit Zor-  
 „ nius ) Stephanus de Tempier Episcopus Parisiensis anno 1277. errores  
 „ cccxii. publicis litteris damnavit ipse, & ab aliis damnandos curavit. Ru-  
 „ mor tum nescio quis in vulgus exiit, in illa Stephani epistola doctrinam  
 „ Thomæ, sive maiorem partem, sive integram fere species, tangi: maxime  
 „ cum errores, quorum sensum explicationemque reiecerat Stephanus, ad lit-  
 „ teram in Thomæ scriptis reperiri crederentur .... Iam igitur de Thoma,  
 „ eiusque æstimatione videbatur actum: sed cum anno 1323. Thomas a Ioanne  
 „ XXII. in Sanctorum numerum adscriberetur, & tunc temporis Stephanus  
 „ de Borreto Episcopus Parisiensis esset, Patres Prædicatorum per suos Nuncios,  
 „ publico totius Ordinis sui nomine, & consilio, anno 1324. a Stephano con-  
 „ ceptissimis verbis petierunt, ut prædicta Antecessoris anathemata, quæ vel  
 „ tangebant, vel tangere saltem videbantur doctrinam Thomæ de Aquino, e  
 „ medio tolleret. Neque vero abnuvit Stephanus de Borreto: sed relicto præ-  
 „ cibus loco, Antecessoris excommunicationem per litteras obliteravit pro-  
 „ fus. „

„ sus. “ Imminuta sunt aliqua, alia falsa: ac his mala fides immixta. Dicuntur pessimi quique errores post Thomæ obitum sensim pullulare incepisse. Gratulandum Aquinati, qui tam validum hæc commentis, dum Scholæ Parisiis regeret, sanæ doctrinæ præsidium opposuerit, ut nonnisi post eius obitum pullulare ipsa inceperint. Rumor tamen nescio quis in vulgus exiit, in Epistola Stephani, quæ plurimas anathemati subiecerat theses, doctrinam Thomæ tangi: at rumoris æscio cui prudens nemo fidem adhibeat. Par erat, ut pro munere sibi imposto litteras Antistitis Parisiensis adiret Zornius, ipsiusque mentem, vanitatemque rumoris addiceret. Hæc enim disertissime scripta leguntur: *Magnum & gratum personarum crebra, zeloque fidei accensa insinnavit relatio, quod nonnulli Parisius studentes in Artibus, propriæ facultatis limites excedentes, quosdam manifestos & execrabiles errores, imo potius vanitates & insanias falsas .... quasi dubitabiles in Scholis tractare, & disputare præsumunt. An Thomas fuerit, qui inter Parisius studentes in artibus numerari debeat? An ille, qui cum sacras doctrinas tradiderit e suggestu, ac plurimis editis operibus illustraverit, propriæ nihilominus facultatis limites excesserit? An ille demum manifestos & execrabiles errores, vanitates & insanias falsas invexerit, a quo se doctrinæ documenta, & ineffabilia fomenta suscepisse, integra & grata proficitur Universitas Parisiensis? Hæc Stephani verba luculentissimum perhibent innoxie a Thomæ traditæ doctrinæ testimonium. An obieceris cum Petro de Alva & Astorga, theses damnatæ, de modo differentię inter Angelos intercedentis, auctorem alicubi ennunciari Fratrem Thomam? At manus interpolatricis audaciam, & fraudem evincunt edita plurima thesium damnatarum exempla, ac Manuscripti Sorbonici codices a Carolo Dupleffi d'Argentré allati in Collectione iudiciorum de novis erroribus, in quibus verba illa desiderantur.*

Rumor attamen nescio quis in vulgus exiit, in illa Stephani Epistola doctrinam Thomæ, sive maiorem partem, sive integram fere species, tangi. Aiebat Petrus de Alva, doctrinam Divi Thomæ fuisse interdictam quo ad ducentos viginti duos articulos: buccas rumpere videtur Petrus Zornius, maiorem doctrinæ Thomæ partem, sive integram fere, in eadem epistola tactam effluens. Thomæ doctrinam, quam damnatam ait, ad articulos ducentos viginti duos redigit ille: integram fere, a Thomæ traditam in operibus suis doctrinam, anathemati subiectam refert iste. Nempe illud insanum, insanius istud: ac mirum, quomodo vel Petri de Alva, vel Petri Zornii assertio ( ut verbis utar Oudini ) in mentem honesti hominis ingredi, atque e lingua egredi potuerit! Sed vestigia ducis sui sequens homo Heterodoxus: Maxime, inquit, cum errores, quorum sensum explicationemque reiecerat Stephanus, ad litteram in Thomæ scriptis reperiri crederentur. Sunt aliquæ theses, quibus inest adiuncta pravi sensus damnata, ac boni & innoxii explicatio. Cur hanc explicationem a Stephano reiectam, imponis? Imo Thesum damnatarum collector explicationem addidit, ut Stephani mens in ea censura innotesceret, Sylvio animadvertente in Oratione Apologetica pro S. Thomæ Aquinate. Quod si doctrinam Thomæ damnaverit Stephanus, aut integram fere, aut quo ad articulos ducentos viginti duos; ad litteram ergo probabit in eius operibus Articulus primus, quod Deus non est trinus & unus: ac secundus, quod Deus non potest generare sibi similem: & tertius, quod Deus non cognoscit alia a se: & quartus, quod nihil est æternum a parte finis, quod non sit æternum a parte principii: & quintus, quod omnia separata, coeterna sunt primo principio, & similes alii quamplures. Insani capitis hæc sunt deliria.

Rumorem, qui contra Thomæ doctrinam in vulgus exiit, refert Zornius. Cur silentio præterit rumoris auctores? Cur gravissimos Thomæ Apologistas non

non memorat? Hæc utique ad variam eius fortunam, si qua fuit, omnino pertinent. Ignorat nemo, rumoris præcipuum auctorem fuisse Guillelmum *la Mare*, vel de *Mare*, seu de *la Mare*, quem Wadingus, nobilis Annalium Ordinis Minorum Scriptor, ad Annum 1290. num. 18. vocat *serium nimis indagatorem eorum*, quæ obicere posset contra Sanctum Thomam. Librum edidit anno 1284. inscriptum, *Correctorium Fratris Thomæ*: cui sine mora Apologiam, quam inscribere *Correctorium corruptorii Fratris Thomæ*, opposuerunt intrepidi vindices, Ricardus Clapoe Anglus, Ioannes Parisiensis huius nominis alter, Aegidius de columna Romanus, alique Anonymi. Hæc vero quisquis animadverrat serio, minime cum Zornio dixerit, de Thomæ, eiusque existimatione fere actum fuisse. Imo Thomæ existimatio incrementa habuit maxima. Stephanus quippe de Boureto, & ipse Antistes Parisiensis, rumorem, qui contra Thomam exiit in vulgus, cohibuit compressitque, litteris datis apud Gentiliacum anno Domini 1324. die Iovis ante sacros cineres, stylo novo 1325.

In his Antecessoris anathemata, quæ vel tangebant, vel tangere saltem videbantur doctrinam Thomæ de Aquino, obliuiscitur prorsus. Zornii verba sunt, quæ minime Stephani sententiam expriment. Hæc ita se habet: *Supradictam articulorum condemnationem, & excommunicationis sententiam, inquantum tangunt, vel tangere asseruntur sanam doctrinam Sancti Thomæ... totaliter annullamus*. Persuasum erat Viro doctissimo, ea mente Stephano de Tempier quosdam articulos damnassee, ne forsitan eos male intelligentes caderent in errorem. Siquidem petulantes quidam studentes in artibus, a propria facultatis limites excedentes, putida Averrois, & Arabum commenta vulgabant in Scholis; eademque ut facilius inveharent, innoxiarum cortice thelumi tegebant. Tres, vel quatuor, paucissimæ sine dubio, littera inspecta, prostabant in operibus Thomæ, sed alio sensu: hinc in tuto ut poneret ab eodem Doctore propugnata dogmata, sive Philosophica, sive Theologica, obliterare articulorum condemnationem, & excommunicationis sententiam, censuit Vir prudentissimus sub his verbis: *inquantum tangunt, vel tangere asseruntur* ( non videntur, ut Zornius ) *sanam doctrinam Sancti Thomæ*. Tactam revera ab Antecessore doctrinam Aquinatis, minime existimabat: infensum tamen aliquorum animum noverat, qui id aderebant. Lata sententia hostes debellavit, animumque suum aperuit præconio laudum, quo Thomam celebrat: *Fuit*, inquit, *universis Ecclesiis lumen præfulgidum, gemmarum radians Clericorum, seu Doctorem, Universitatis nostræ Parisiensis speculum clarissimum, & candelabrum insigne & lucens: per quod omnes, qui vias vitæ, & Scholæ doctrinæ sacre ingrediuntur, lumen vident: claritate vitæ, fama clara, & scientiæ lucida, velut stella splendida & matutina, resurgens*.

1. At Patres Prædicatores, inquit Zornius, per suos Nuncios, publico totius Ordinis sui nomine & consilio, a Stephano conceptissimis verbis petierunt, ut prædicta Antecessoris anathemata e medio tolleret. Neque vero abnuvit Stephanus, relicto præcibus loco, Commune Prædicatorum Ordinis votum istud fuisse, pro certo habeo: at supplices libellos a Viris dignitate, & doctrina clarissimis oblatos, eiusdem Stephani de Boureto litteræ docent. Cur eas non legerit Zornius? Habeo: Venerabiles Viros, Decanum, & Capitulum Ecclesiæ Parisiensis, per Venerabilem Virum Magistrum Annibaldum Decanum, Atrabatensem Archidiaconum, Sacra Theologia Doctorem, & Dominum Petrum de Flagello Parisiensem Canonicum, eorum propter hoc Nuncios ad nos specialiter destinatos, nos requisivisse, nobisque supplicasse &c. Habeo etiam, supplices libellos datos a Venerabili Patre Domino Guillelmo Dei gratia Viennensi Archiepiscopo Sacra Theologia professore, & aliis viginti tribus Magistris in Theologia. Habeo demum litteras triginta novem Barcalaureos.

laureorum in Theologia, super hac re consulentium, & rogantium. Pollicitus erat Zornius, nihil se ex libellis Petri de Alva & Astorga transcripturnum, quod ad veritatis lanceam non exigeret. Transcripsit sine dubio omnia: ad veritatis lanceam exegit nihil.

„ Ex eo tempore ( pergit ille ) Thomæ scripta in scholis publice cæpta sunt perlegi, & commendari ( ad negotium usque, quod anno 1387. habuit Ioannes de Montefono cum Academia Parisiensis. ) Quæ ( Universitas ) obiecit Thomæ tot in fide errores, tot contrarietates, tot repugnationes, etiam in materia ad fidem pertinente. „ Nota legitur in Margine: „ Ante alios Petrus de Alliaco in Libro contra Ioannem de Montefono contradictiones in Thoma apparentes collegit. Sed ad illas repugnantias conciliandas testatur Ioannes Vitalis Doctor Parisiensis, Thomam ipsum scripsisse librum *Retractionum*. „ Dubium nullum, ad lanceam veritatis haud curasse Petrum Zornium ea examinare, quæ ex Petro de Alva colligebat. Thomæ obiecerit Academia Parisiensis in fide errores? Magistros, qui contra Montefonum anno 1387. stylo novo 1388. die 14. Mensis Februarii apud S. Matherinum sententiam tulere, luculentissime testantes habeo: *Nos millesies diximus . . . qualiter Sancti Thomæ doctrinam in dicta nostra condemnatione nequaquam reprobamus. Quid? quod ipse Petrus de Alliaco, qui plus nimio calamum acuit, in Actione sua dicta Avenione in Consistorio num. 2. sic ait: Protestamur, quod contra honorem, & reverentiam Sancti Thomæ de Aquino, aut doctrinæ ipsius nihil omnino proponimus. Dixerat etiam in Sermone 1. coram Papa Clemente, in eius obedientia VII. Quod nulla earum ( thesium, quæ damnandæ proponebantur contra Montefonum ) ex dictis Sancti Thomæ dogmatizanda sit, quamvis possem ostendere, nunc omitto. Hæc sunt inconcussa documenta, quibus non varia, sed bona semper ac propitia pro meritis fortuna Thomæ innititur.*

Candido tamen fateor animo, minus æquum in Sanctum Doctorem præbere se Petrum Alliaccensem in fusiore, quem edidit, hac dere Tractatu. Exemplum errorum Divi Thomæ capite 1. & exempla contrarietatum etiam in materia ad fidem pertinente capite III. adducit ille. Iudicem ego postulo æquissimum, qui sine gratia & odio sententiam ferat. „ Primum exemplum errorum I. P. Summæ quæst. XLVII. art. ult. in Resp. ult. arg. quod non est possibile aliam terram esse quam istam, quia omnis terra naturaliter ad hoc medium fervetur, ubi, cumque esset. „ Quæ præcedunt verba Thomæ, hæc sunt: *mundus constat ex tota sua materia: quibus innotescit, de uno illo Sanctum Doctorem loqui mundo, qui est. Hinc verba quæ sequuntur, par est intelligi debere secundum potentiam mundi materiale, ut ait Sylvius, & spectato eo rerum cursu qui nunc est: non autem secundum potentiam Dei Creatoris, neque spectato illo rerum cursu, quem ipse potest pro suo beneplacito dare. Consule ibidem, quæ aptissima Thomæ documenta asserunt. Iam primus error in auras abit. „ Secundum exemplum „ infra quæst. I. art. 4. & quæst. lxxv. art. ult. quod impossibile est duos Angelos esse eiusdem speciei. „ Theism innoxiam pro genio ingenioque vel tuerentur, vel reiiciunt Theologi, ac Philosophi in Scholis. Nihil enim divinitus Ecclesiæ Catholica traditum est, quod Angelorum differentiam, quælis ea demum constituenda sit, clare detegat. „ Tertium exemplum infra quæst. lxxvi. art. 3. & 8. de unitate forme substantialis in homine. „ Iudicium accipe Guillelmi Ochami in Dialogis I. P. Libro II. capite XXIV. Dicunt quidam, quod damnatio ( prædictæ thesæos, similiumque, a Roberto de Kildvvardbi Archiepiscopo Cantuariensi lata ) temeraria existebat, eo quod veritates, ut dicunt, condemnasset. Unde & quidam alius Archiepiscopus [ Corinthi, Guillelmus de Morbecka ] ipsum*



de dicta damnatione acriter reprehendit . . . . . Plures alii ipsam ( damnationem ) fuisse temerariam putarunt. Plures enim Parisienses Doctores, & Scholares assertiones damnatas ( a Kildvvardbio, & postea a Ioanne Pekamo ) publice tenuerunt.

„ Primum exemplum contrarietatum in materia fidei, I. Sent. dist. xi. art. „ 9. quod Pater & Filius possunt dici sicut duo Spiratores. In prima vero parte „ Summæ quæst. xxxvi. art. ult. quod sunt unus spirator, & non duo. “ Nempe utrobique duorum spirantium annuntiatio sustinetur: etiam duorum spiratorum priore in loco, minus proprie: at spiratoris unius loco posteriore, melius, & salva substantivi nominis proprietate. Quid reprehensione dignum? „ Secundum „ exemplum, quia in II. Sent. dist. i. dicit, quod creatio instrumentaliter com- „ municari potuit creaturæ, sustinens in hoc opinionem Magistri. In prima „ vero parte Summæ quæst. xlv. art. 5. dicit, quod non. “ Nimirum genus est controversiæ, quod ad fidem non attinet. Opinionem Magistri Sententiarum, quam non reiecit Thomas Commentator, reiecit postea proveclus ætate. Nodum in scirpo quærit qui hæc obiecit. „ Tertium exemplum, quia in III. Sent. dist. vi. quæst. ii. art. 2. dicit, quod prima opinio ibi posita a „ Magistro non est hæretica, licet sit falsa: scilicet, quod Filius Dei assumpsit „ hominem, ex humana carne & anima rationali constitutum . . . . in tertia „ vero parte quæst. ii. art. 3. in fine dicit, quod est hæretica, & condemna- „ ta in Concilio. “ Opinabantur nonnulli apud Magistrum Sententiarum, Filium Dei adsumpsisse naturam humanam, non individuum solum, verumetiam aliquo modo subsistentem, minime vero personam; subsistentiam in homine a persona subtilius distinguentes. Opinionem passim insequitur Doctor Aquinas, tamquam intelligibilem, & impossibilem: ab inurenda hæreses censura primo loco abstulit: thesim notat loco altero, veluti erroneam, & incidentem in hæresim Nestorii in Ephesino Concilio damnatam. In his antilogias somnias, quæ nulla est. „ Quartum exemplum, quia in IV. Sent. dist. xxxviii. art. „ 4. ad 3. dicit, quod potest Papa dispensare in voto ( solemnî ) continentia. Et 2. „ 2. quæst. lxxxviii. art. ii. dicit, quod non . . . . Sed hæc secunda opinio „ videtur esse erronea in fide, cum sit contra observantiam Ecclesiæ, quæ in „ tali voto quandoque dispensavit. “ Animadvertite, Thomam loco priore alios referre, qui dicunt probabilius, in voto continentia, & in voto religionis dispensari posse, si communis utilitas totius Ecclesiæ, aut unius Regni, vel Provinciæ exposceret: loco altero verba eius esse moderatione plena, ideo aliter, inquisitis, videtur dicendum. Alterutram opinionem pro libito amplectuntur Theologi, ac tuentur: quæve dispensationum exempla asserri solent, ad criticorum leges exacta, dubia sunt. Quis vero non admiretur, tam pauca in operibus Thomæ post improbam perquisitionem ab Alliacenti inveniri potuisse, quæ vellicarentur? Sane imprudens ille fuit, qui doctrinas innoxias, veluti errores traducere nimia confidentia voluit: illi vero infani, qui veteres calumnias, toties profligatas insinquare nituntur. Hac de re egimus uberiore calamo in alia Prævia Admonitione.

Sed alias plurimas in operibus Thomæ proflare antilogias, indicat Zornius: ad quas, inquit, conciliandas, testatur Iornes Vitalis, Thomam ipsum scripsisse librum Retractionum. Ipse Petrus Alliacentis post superiora allata exempla, postremum generale profert: quod sumitur, inquit, ex quodam Tractatu Sancti Thomæ de Concordiis quorundam dictorum suorum inter se discordantium, qui incipit: Pertransibunt pluriini, & multiplex erit scientia; ubi multa diversa, quæ iudithina sua continentur, corrigis, & exponis. Zornium, qui criticum agit, compello, num ad veritatis lanceni exegerit quod profert? Cur vero non animad-

verterit, opusculum istud, quod in Editione Romana Lxxii. numeratur, minutis characteribus expressum fuisse? Cur synchronos suppareque Nomenclatores non adierit, Guillelmum de Tocco, Nicolaum Trivetum, Bernardum Guidonis, Bartholomæum Logothetam, Petrum Rogerium, Sanctum Antoninum, qui nullam prædicti libelli mentionem ingerunt? An opponat Ptolomæum Lucensem, item dicitur, iniquentem, scisse *Tractatum de Concordantia dictorum suorum*? Verba synchroni Auctoris agnosco, sed ex incerta fama scribentis. Leander Albertus testatur, simile opus elucubratum fuisse a Benedicto de Assignano, qui anno 1339. ad plures abiit. Quidni laudato Scriptori opusculum istud, nomini Thomæ suppositum, tribui debeat? Opus aliud eiusdem argumenti, quod vocat *magnum librum*, profert Petrus de Alva & Astorga, ab *Hervæo de Landis* (ut ait ille, corrige vero & lege de Cauda) compositum. Quid facilius, quam Thomæ supponi potuisse Opusculum, quod eius discipuli elucubrarent? At *magnum librum*, quem vocat Petrus ille, animadvertite, *unico folio totum & integrum comprehendit*, quod propriis vidit oculis Iacobus Echardus in Codicibus Mss. duobus, Viëtorino, & Sorbonico. Quid vero demum? Thomæ doctrinæ detraxerint quidpiam huiusmodi opera ab eius discipulis concinnata? „ Non in isto ( verba sunt laudati Echardi in eiusdem Hervæi elogio ) hinc „ adversus Sancti Thomæ doctrinam sequi nihil. Quot apparentes Sacræ Scri- „ pturæ *anthyias* in concordiam reducere studuerunt? Imo argumentum est „ summæ de aliquo Auctore existimationis, cum omnia eius verba expendun- „ tur: & quæ variis locis ab eo dicta in speciem repugnare videntur, plane „ consentire offenduntur. De auctoribus, quorum non est usus quotidianus, „ non tanta est cura. “ Cæterum *Retractionem* operum suorum aliquam fecisse Thomam, fateamur omnes: illam scilicet, non aliam, quæ aliquibus paucis in locis prolat in *Theologica Summa*, postremo veluti eius testamento.

Ad vindicias gradum facit Zornius, quas pro Aquinate adornavit Vincentius Bandellus, non ascripto proprio nomine. Tum „ Bandello tamquam *parastatas* adiungo ( inquit ) Ioannem Capreolum, Aegidium de Columna in *Defensorio*, seu *Correctorio Librorum Sancti Thomæ contra Guillelmi Lamarenfis Thomæ Mastygis corruptorium*, Diegum Dezam in *Defensionibus* adversus loca aliquot, in quibus Nicolaus de Lira Thomæ adversatur, Natalem Alexandrum &c. “ Quam inepta sunt, & chronico rerum ordini repugnantia, quæ disserit Hamburgensis Auctor? Liceat docere ipsum, *Libellum de veritate conceptionis Gloriosæ Virginis Mariæ a Vincentio Bandello*, nomine proprio non ascripto, anno 1475. typis Mediolani mandatum fuisse apud Christophorum Valdarfer Ratispontensem. Nomine eius proprio ascripto, *Libellus alter De singulari puritate, & prærogativa conceptionis Salvatoris nostri Iesu Christi per Fratrem Vincentium de Castro novo* ( nomen habes, & patriam ) prodiit Bononiæ anno 1481. Mortem Bandellus obiit anno 1506. Unde festivum sane, quod huic *parastatam*, socium, opitulatorem, auxiliarem, adiunxerit Zornius *Ioannem Capreolum*, qui anno 1444. vita migraverat. Festivius etiam, eidem Bandello, & Capreolo *parastatam* adiungi *Aegidium de Columna* anno 1316. denatum. Genuinum Operis, quod huic tribuitur, titulum præfert Editio Veneta anno 1516. *Correctorium corruptorii Fratris Thomæ*. Titulum interpolatum editionis Colonienfis a Gualtero Strevesdorf anno 1644. curatæ, exprimit Zornius. Cur vero Bandello *parastatam* adiungis Didacum Dezam, qui vindicias licet Aquinatis egerit, longe tamen diversum argumentum versavit? Operis eius titulus est: *Defensorium Doctoris Angelici Sancti Thomæ Aquinatis contra invectivas Matthiæ Durini in Rejectionibus contra Parvum Burgensem super Biblia*. Natalis demum Alexander

der postremitus est, qui perperam Bandello adiungitur parastata.

Hæcenus de varia doctrina a Thoma tradita fortuna apud Zornium: non variam, sed constantem fortunam eius dixerim ego, secundam semper. „ De „ genuinis Sancti Thomæ scriptis .... variam eiuſdem fortunam, inquit, vi- „ dere liceat. In principio tantum vera Thomæ *Opuscula* vii. erant numero: „ deinde sæculo a morte Thomæ secundo, idest circa annum 1330. usque ad „ xx. augebantur: mox sæculo tertio ad numerum LVIII. & denique sæculo „ quarto accessio facta est *Opusculorum* cxxviii. aut secundum alios clxx. „ ne dicam ex illo tempore magis magisque in dies novas sub Thomæ „ nomine merces obtrusas esse. “ Petrum de Alva & Astorga transcribit ille: depravat etiam. Hæc eadem namque profert ille de Thomæ operibus genera- tim, siue maiora, siue minora intelligas, quæ vulgo *Opuscula* dicuntur: tum rationem aliam de hisce *Opusculis* ineundam proponit. Verba eius accipe in Nodo indissolubili. *Opera* ( non *Opuscula* ) *Sancti Thomæ*, quæ ab initio tantum erant vii. admissa ut legitima, sæculo secundo creverunt usque ad xx. & sæculo ter- tio ascenderunt usque ad LVIII. & modo circumferuntur cxxviii. vel secundum al- liam suppositionem clxx. *Opuscula* item parva, ubi initio tantum erant tria, creve- runt usque ad septuaginta tria. Hæc effluisse potuit Petrus ille, probare num- quam: eiusdemque adserta ad veritatis lancem minime exegit Zornius. No- titratum Dissertationes uberrimæ prostant: quo etiam de argumento a me ac- tum præviis hisce in Admonitionibus. Quam egregie vero Zornius subducit rationes suas, admonendum est. Nempe *sæculum a morte Thomæ secundum* definit circa annum 1330. Ad superos evolavit Doctor Angelicus anno 1274. unde colligo ego, ad annum 1330. nonnisi medium primum sæculum post mortem eius effluxisse.

„ Tanto malo mederi voluit Pius V. Pontifex: eius enim iussu, a Patribus „ Prædicatoribus Thomæ Opera iunctim sunt edita, eo quidem ordine, & „ consilio, ut quæ genuina essent, maioribus litteris & typis excuberentur, & „ falsa & suspecta minoribus. “ Ad genuina discernenda, ac suspecta, non o- pera quæque Thomæ, sed *Opuscula* tantum, tota pertinet hæc Romanorum e- ditorum cura. Non ex fonte hauriebat aquam Zornius, sed insecto ex rivulo. „ Constat hanc ipsam editionem plerisque Scriptoribus Pontificiis exigui ponde- „ ris videri .... Ioannes Ludovicus Schonlebenius Tomo III. de *Virginis con- „ ceptione*, ludi operam ait ab illis, qui vera a falsis, genuina a subditiis di- „ stinguere allaborent .... Cælestinus Sfondratus in *Innocentia vindicata* toties „ regerit, vitiata & corrupta esse Thomæ scripta. “ Vitia typographica pas- sim occurrere in Romana editione Pii V. inficiatur neino. Huiusmodi preli- errantis labes detergere præsertim in *Commentario Sententiarum*, in *Catena Au- rea*, in *Summa Theologica*, in *Opusculis* curarunt Franciscus Garzia anno 1578. Cosmas Morelles anno 1612. Gregorius Donatus anno 1619. tum Lovanienses & Duacenses Theologi, Petrus Pellican anno 1656. Ioannes Nicolaius anno 1657. & 1660. Editores Patavini anno 1698. His addo Thomam Madalenam anno 1719. Quod si Romanam istam editionem maculatam dixeris vitiis inter- polatricis manus, quæ sententias mutaverit, aut alienas invexerit, calumniam iustitias toties protritram. Huiusmodi vitiolorum exempla adduci solent ex capite v. ad Romanos lectione 111. & capite 111. ad Galatas lectione vi. & *Opuscu- lo* de Salutatione Angelica, & I. Sent. Dist. xlii. quæst. unica art. 3. ad 3. & III. dist. 111. quæst. 1. art. 1. quæst. 11. & III. P. quæst. xxvii. art. 4. Satis Petro Zornio fuit admonuisse, *vitiata & corrupta* dici Thomæ scripta. Indicata loca ad trutinam ego redegei omnia, vetusta edita exempla lustravi, manuscrip- tos, qui inveniri potuerunt, perlegi codices, textus antecedentes contuli & con-

sequentes : eademque deprehendi variata nunquam , nec intrusa , nec mutilata . Prævias Animadversiones nostras consule . Adeo-ne vero laboriosum opus fuerit , *opera genuina Thomæ discernere a subditiis ?* Præsidia præsto sunt omnia , quæ ad similes argumenti examen requiruntur . Peculiaris Thomæ stylus , dictio , methodus , doctrina , doctrinæ consonantia totidem sunt canones , qui lucem afferunt ad huiusmodi opera discernenda . Synchroni & suppare adfunt Nomenclatores plures , qui diligentissimos operum eius indices texuerunt . Hinc audiendi non sunt ( Oudini verbis utor capite xiiii. ) *Scriptores recentes , qui Sancto Thomæ Aquinati scripta ab antiquis collata auferunt ex proprio carite , absque rationibus idoneis , aut demonstrativis , uti nostro ipso seculo a nonnullis factum est .* Intellige S. honlebenium , Petrum de Alva & Astorga , Launoium , ipsum Casimirus Oudinum , aliosque , passim Præviis nostris in Admonitionibus reprehensos , & exagitatos .

„ Inter tot rerum vicissitudines ( cæpto pergit Zornius ) tandem fama atque „ auctoritas Sancti Thomæ se exeruit . Scotus tamæ surgenti invidere sustinuit . „ Audiamus , quæ hanc in rem observavit celeberrimus Buddæus in Commen- „ tario Historico-Theologico de Pelagianismo in Ecclesiâ Romana per Bullam „ Antiquesnellianam triumphante . “ Thomam scilicet a Pelagianis commentis alienissimum ostendit , his adhærentem Scotum . Vicissitudines te narraſſe putas fortunæ Thomæ : quæ imo una semper constantissima fuit uti apud amicos & benevolos , ita contra æmulos aliquos , & hostes . Mirum vero , *inter tot rerum vicissitudines* obrudi Scotum , veluti invidentem Thomæ ! Reſſus chronicus ordo expoſcebat , ut poſt cenſuras a Stephano Tempier latas , & ante negotium Ioannis de Montefono , ageretur de Ioanne Duns Scoto , cuius a Thomistica differens iam anno 1320. schola vigeſſat , dicta *Scotiſtarum* , ut Pagius ostendit ad annum M.c.xc. num. 10. Nolim ego Scoti Sancto Thomæ adſerſantis conſilium penitus perquirere , & ſcrutari : illud vero certum , diſſidium omne in opinionibus aut Philoſophicis , aut Theologicis , quæ minime ad fidem pertinent , propugnatis ab Aquinate ſiſtere .

Buddæum , a Zornio vocatum , audiamus . „ Exiſtit Thomas de Aquino , vir „ magno & excellenti ingenio præditus , qui veriora rectioraque perſpexit : & „ Auguſtini veſtigiiſ inſiſtendo , Pelagianismo torrentis inſtar orbem inunda- „ turo , ſe oppoſuit . Virum hunc non in hoc modo , ſed in aliis quoque doctri- „ næ celeſtis capitibus veritatem cognitam & perſpectam habuiſſe , adeoque lon- „ ge rectius ſentire , quam hodie Romana Eccleſia ſentit , iam pridem docuit „ Ioannes Georgius Dorſchæus in Libro , quo Thomam de Aquino confeſſorem „ veritatis evangelicæ exhibuit ſeſſione viii. cap. 111. His verba ſua adiecit Zornius : *inquit Buddæum , inſiſtendo , producto in medium uno , alterove teſtimonio de- clarare , quæ de viribus liberi arbitrii , deque neceſſitate , & efficacia gratiæ mens eius fuerit : ipſeque Zornius theſim illam addit , quæ hominem enunciat in negotio converſionis paſſive ſaltem , ut Theologi loqui ſolent , ſe habere .* Pro meritis Aquinas celebratur vir magno , & excellenti ingenio præditus . Elogium eius Eraſmus , gratia nulla in ipſum ductus , his verbis texuerat in Annotationibus ad caput 1. Epistolæ ad Romanos : *Meo quidem animo nullus eſt recentium Theologorum , cui par ſit diligentia [ ſicuti Thomæ ] cui ſanius ingenium , cui ſolidior eruditio : planeque dignus erat . cui linguarum quoque peritia , reliquaſque bonarum litterarum ſup- plex conſtingeret , qui iis quæ per eam tempeſtatem dabantur , tam dextre ſit uſus .* Auguſtini veſtigiiſ inſiſtentem ipſum , Opera eius palam faciunt : ac Pelagianismo adſerſa tradidiſſe documenta , res eſt compertiffima . Sed Aquinatein noſtrum longe rectius in eo , quod ad gratiæ divini auxilia pertinet , ſenſiſſe dogmata ,

quam

quam hodie Romana Ecclesia sentit, commentum est Heterodoxorum audacissimum, & insanum. Rectissimum ille in ea fidei catholice parte sensum habuit, propterea quod egregie expressit docuitque quod olim, quod hodie, quod semper eadem tenuit Ecclesia Romana. Liberum arbitrium, sicut ipsa docet, tuetur Thomas ac illustrat, post Adæ culpam intactum sane, sed attenuatum, immune tamen a necessitate & coactione. Gratia divinæ auxilia, sicut Romana Ecclesia sentit, necessaria docet ad opus quodcumque salutare, ad poenitentiam, ad dilectionem Dei, ad conversionem, ad omnem quæ iustificationem præcedit dispositionem, ad meritum. Gratiæ efficacem agnoscit, sufficientem distinguit, quæ possumus præcepta servare: quod utrumque dogma ab Ecclesia Romana accepit. Hæc anathemate perculit efficaciam illius modos, qui postea inveci sunt, Lutheranos, Calvinianos, Iansenianos, ac etiam prædamnaverant Thomas, arbitrii scilicet libertati inimicos. Modos alios efficaciam, qui salva liberi arbitrii potestate dissentiendo propugnantur in Scholis, eadem permittit Romana Ecclesia: modumque suum exponit Aquinas, quem Doctissimi Viri amplectuntur, ac Romani Pontifices commendant.

Nihil ergo iuvat Buddæum, nihil Zornium, prædicta indicare exempla, ut Thomam cum Romana Ecclesia committerent. Dorschzeit, quem laudant, vanissimos conatus in eodem tractando argumento iam olim compresserat Thomas Leonardi, qui singulare contra Doctorem Lutheranium edidit opus Bruxellis anno 1661. Diligentius liceat examine thesım expendere, quım Thomæ Aquinati attribuit Zornius. Putat ille docuisse Præceptorem Angelicum, *hominem in negotio conversionis passivę se habere*. Inficitia, & infania est puridissima. Inquit ille 1. 2. Q. cxiii. art. 3. *utrum ad iustificationem impii requiratur motus liberi arbitrii?* Responsum accipe. „ Dicendum, quod iustificatio impii fit, Deo movente hominem ad iustitiam: ipse enim est qui iustificat „ impium, ut dicitur Rom. iiii. Deus autem movet omnia secundum modum „ uniuscuiusque: sicut in naturalibus videmus, quod aliter moventur ab ipso „ gravia, & aliter levia ( Philosophiæ Aristotelicę exempla æquo pariaris „ animo ) propter diversam naturam utriusque. Unde & hominem ad iustitiam movet secundum conditionem humanę naturę. Homo autem secundu- „ dum propriam naturam habet, quod sit liberi arbitrii: & ideo in eo, qui „ habet usum liberi arbitrii, non fit motio a Deo ad iustitiam, absque motu „ liberi arbitrii. Sed ita infundit donum gratiæ iustificantis, quod etiam simul „ cum hoc movet liberum arbitrium ad donum gratiæ acceptandum in his, qui „ sunt huius motionis capaces. “ Motu istum, & actum liberi arbitrii mi- „ gis ut explanet, inquit art. 4. *utrum ad iustificationem impii requiratur motus fidei?* „ Dicendum [ inquit ] quod sicut dictum est ( art. præc. 3. ) *motus liberi „ arbitrii requiritur ad iustificationem impii, secundum quod mens hominis „ movetur a Deo*. Deus autem movet animam hominis, convertendo eam „ ad seipsum, ut dicitur in Psal. lxxxiv. ( vers. 7. ) secundum aliam litteram ( apud Augustinum, & antiqua Psalteria: ) *Deus tu convertens vivificas „ bis nos*. Et ideo ad iustificationem impii requiritur motus mentis, quo con- „ vertitur in Deum. Prima autem conversio in Deum fit per fidem, secun- „ dum illud ad Hebræos ii. *Accedentem ad Deum oportet credere, quia est*. Et „ ideo motus fidei requiritur ad iustificationem impii. “ Hec non sinit do- „ ctрина Thomæ. Rem splendidius declarat art. 5. inquires, *utrum ad iustifica- „ tionem impii requiratur motus liberi arbitrii in peccatum?* Nihil hæsitans aientem „ sententiam profert: „ Dicendum, inquires, quod iustificatio impii est quidam „ motus, quo humana mens movetur a Deo a statu peccati in statum iusti- „ tiæ.

„tie. Oportet igitur quod, humana mens se habeat ad utrumque extremo-  
 „rum secundum motum liberi arbitrii, sicut se habet corpus, localiter motum  
 „ab aliquo movente, ad duos terminos morus. Manifestum est autem, in  
 „motu locali corporum, quod corpus motum recedit a termino a quo,  
 „& accedit ad terminum ad quem. Unde oportet quod mens hu-  
 „mana, dum iustificatur, per motum liberi arbitrii recedat a peccato,  
 „& accedat ad iustitiam. Recedit autem, & accessus in motu liberi  
 „arbitrii accipitur secundum detestationem, & desiderium. Dicit enim Augu-  
 „stinus ( tract. xlv. in Ioan. num. 8. ) exponens illud, *Mercenarius autem*  
 „*fugit: Affectiones nostre motus animorum sunt. Letitia, animi diffusio . . . .*  
 „*timor, animi fuga est . . . Progredieris animo, cum appetis: fugis animo, cum*  
 „*metuis.* Oportet igitur quod in iustificatione impii sit motus liberi arbitrii  
 „duplex: unus, quo per desiderium tendat in Dei iustitiam: & alius, quo  
 „detestetur peccatum. “ Utrumque vero actum una caritatis virtus exercet:  
 „quoniam ad eandem virtutem pertinet prosequi unum oppositorum, &  
 „refugere aliud ( ut ait ipse Thomas ad 1. ) Et ideo sicut ad caritatem per-  
 „tinet diligere Deum, ita etiam detestari peccata, per quæ anima separatur  
 „a Deo. “ Disertissime Thomas docet, in impii conversione & iustificatione  
 „motum requiri, & actum liberi arbitrii, liberam fidem in Deum, liberam Dei  
 „dilectionem, liberam detestationem peccati. Quæ cum ita splendida sint, cæ-  
 „cutierit Zornius oportet, imo deliraverit Sæclæ præiudicii occupatus, thesism  
 „Thomæ tribuens, quæ hominem enunciat in negotio conversionis passivæ se ha-  
 „bere.

Recte sentienti Thomæ in eo dogmate, quod gratiæ divinæ necessitatem  
 „spectat ad actus exerendos salutares, veluti adversantem inducit Scotus: „Ioan-  
 „nes Duns Scotus, inquit, fuit ut in aliis, ita hac quoque in re, ab eo  
 „dissentiens . . . Docuisse nimirum Scotum nonnulli observant ( vide Chem-  
 „nitiū Loc. Theolog. Loco de Libero arbitrio cap. viii. ) *Homines sine*  
 „*gratia nature viribus posse exercere opera moraliter bona, quibus de congruo me-*  
 „*reatur gratiam gratum facientem: addita ratione, nisi ponatur meritum congrui,*  
 „*non posse Deum defendi ab acceptione personarum.* Quo ipso a Pelagiana hæresi  
 „non procul se abesse, Doctor subtilissimus satis testatus est. “ Quis umquam  
 „excogitasset, hæc in Programma suum intrudi a Zornio potuisse, variam *Thomæ*  
 „*fortunam in Scholis Pontificiorum, præsertim Gallorum, enarranti?* Quæ veluti  
 „Scoti verba ex Chemnitio afferuntur, locum indicant in IV. Sent. Dist. xiv.  
 „Q. 11. ubi sic ait Doctor subtilis. „Peccator . . . potest ex naturalibus cum  
 „communi influentia considerare peccatum commissum, ut offensivum Dei, &  
 „contra legem divinam, & ut aversum a Deo, & ut impeditivum præmii,  
 „& ut inductivum supplicii . . . Et potest voluntas ipsum sub aliqua illarum  
 „rationum . . . detestari . . . Potest etiam ista detestatio esse totaliter circum-  
 „stantiata circumstantiis moralibus debitis . . . Iste autem motus dicitur at-  
 „tritio, & est dispositio, sive meritum de congruo ad deletionem peccati mor-  
 „talis . . . Si est attritio perfecte circumstantiata in genere moris, videtur o-  
 „mnino dispositio sufficiens ad iustitiam, in termino illius attritionis acqui-  
 „rendam . . . Vel enim oportet dicere, quod iustificetur peccator sine omni  
 „dispositione sufficienti de congruo ex parte eius: & per consequens difficile est  
 „salvare, quod apud Deum non sit acceptio personarum. “ Animadvertite, mini-  
 „me fidum fuisse Chemnitii calamum in decerpendo Scoti textu: ipsumque de  
 „suo addidisse verba illa, *sine gratia*, & illa, *non potest Deus defendi.* Scotum  
 „suum pro virili nobiles eius discipuli vindicarunt: fatique memorare mihi  
 „fuerit

fuerit Vegam, Delphinum, Faventinum, & Antonium Hiquæum in latiore eius loci commentario. Admonent omnes, *viribus naturalibus* addidisse subtillem Doctorem præsidium *influentiæ communis*: & hanc *influentiam Dei* ideo *communem* dictam, quod *secundum legem ordinariam divinæ sapientiæ datur iuxta exigentiam causæ, & operis, & motivi*: adeoque demum auxilia gratiæ divinæ non excludi. Textus afferunt quamplures, qui mentem Scoti patefaciunt, Pelagianis commentis omnino adversam. Hæc ne intellexerit Zornius?

A Scoto transiit ille ad Nominales: *quorum doctrinam, ait, ipsi Auctores collegio & facultate Parisiensi ecclesiis, publice proponi vetuerunt Thomistæ*. Tum ex Baluzio Libro IV. Miscellaneorum *Defensionem Nominalium* refert, Ludovico XI. (anno 1473.) oblatam, qui *postulantibus Thomistis, Okami & Nominalium libros e scholis eliminandos edixerat*. Ignoscant mihi, si vagari cogor, vagantem ut insequar Petrum Zornium. Ignarum se præbet adversæ fortunæ, quam passus est Guillelmus Okamus, qui post Roscellinum Compensensem, Nominalium scholam erexit. „Vir quidem acris ingenii erat (minime suspectum Wadingi testimonium accipe in Bibliotheca) sed minime sobrius: „plus enim volebat sapere quam oportebat, nec tinnit in cælum os suum „ponere, & sacram deprimere Pontificiam, nimiumque extollere Imperatoriam dignitatem. Insuperanti zelo, & nimis ardenti defendere volens Franciscanæ paupertatis excellentiam, timens incidere in manus Ioannis XXII. „valde contrarii Minorum sententiæ, fugit cum Michaele Casenate ad Ludovicum Bavarum, qui tunc Cæsarem agebat: scripsitque intemperanter nimis contra Ioannem. „Patebat attamen post eius obitum scola Nominalium: qui nedom Thomistas, sed etiam Scoti afflectas, aliosque scholasticos nacli sunt adversarios. Plus æquo vero faventes Okamo, & Ioannis XXII. memoriæ iniquiores fuisse Auctores articulorum, qui anno 1473. oblatis fuerunt Regi Christianissimo Ludovico XI. sine partium studio adnotavit Natalis Alexander in Historia Ecclesiæ. Sæculi XIII. capite v. articulo 111. Nominalium historiam molli & propenso calamo narrat Jacobus Bruckerus in Historia critica Philosophiæ Tomo III. Periodo 11. Parte 11. Libro 11. capite 111. sectione 111. §. xxviii. Cur non vero, cum *Melancthon*, ut ipse ait, *Lutherus, alique Nominalibus addicli essent*? At ipse demum testis est Tomo IV. Periodo 111. Parte 1. Libro 11. capite 11. §. 1x. *Hanc denique sectam si non totam expiravisse, certe ad incitatas redactam, momentum non amplius inter Scholasticos recentiores mereri*.

„Eadem ferme fata (inquit Zornius) habuit *Ioannes VVesselus Hermannî*, „qui & *Basilius* cognomine *Gransfortius*, gente Friso. Is enim, cum soli Scripturæ fidem omnem haberi vellet, neglecta Thomæ, quem in disputando sæpius flocci fecerat, auctoritate, ignis periculum adiit, donec apud Gerhardum Eltenium, & Iacobum Sprengerum ex Ordine Prædicatorum Inquisitorum, res, errores eiuraret, veniamque impetrasset. „Ad annum 1479. negotium spectat: quo Moguntia typis excusa prodierunt *Paradoxa D. Ioannis de VVesalia, sacrarum litterarum Doctoris, ac concionatoris VVormatiensis, cum Examine Magistrali eiusdem Ioannis de VVesalia*. Novis typis impressa leguntur apud Orthavinum Gratium in *Fasciculo Rerum expectandarum*, Coloniz anno 1535. & Londini anno 1690. & apud Dargentæum anno 1729. in Collectione Iudiciorum de Novis erroribus. Animadvertite, in his omnibus editionibus *Ioannem de VVesalia* vocari: quem a *Ioanne VVesselo Hermannî*, alias *Basilio Gransfortio* distinguendum iubet Guillelmus Cave in editione Colonienfi Allobrogum 1720. & Anonymus in Notis ad novissimam editionem. Quid hocce de negotio senserit ipse Gratius, ex eius epistola profero ad *Leſſorem Apologetica*, quæ in calce

Lon-

Londinensis editionis prostat. „ Quid tandem de Ioanne [Wesaliensi Theologo  
 „ dicemus? Humana certe creatura, & inveteratus siliernus. Itaque quas pu-  
 „ tidas ille proliit vomicas, condemnatae sunt. Geronticos enim in omnibus  
 „ loquitur, senecionem sese delirum, ac vetulum indicans insensatum. Cuius  
 „ etiam verba, germanice ab eodem prolata, si iusta lance ponderaverimus,  
 „ temerarium fuisse hominem, nemo non cognoscet. Quapropter in sempiter-  
 „ num illorum dedecus, & in bonorum omnium edificationem, conviciæ &  
 „ condemnatae eorum hæreses in medium proferuntur. “ Quænam fuerint  
 hæreses istæ, profert Guillelmus Cave: „ E scriptis illius, inquit, excerpti  
 „ errores in medium sunt prolati, de Regula fidei: *nihil enim credendum esse*  
 „ *velut, quod in sacra Scriptura non habeatur*. De Sacramento Eucharistiæ: *in*  
 „ *quo substantiam panis non manere credit*. De indulgentiis: *quas parum approbavit*.  
 „ De Concilii generalis auctoritate: *quam fallibilem esse docuit*. De processio-  
 „ ne Spiritus Sancti: *quam Filio, æque ac Patri deberi negavit*. Deque aliis  
 „ Theologiæ placitis quam plurimis. Hofce (pergit Cave) primum tueba-  
 „ tur Wesselus (Wesalius:) cum vero ignem ab Inquisitoribus intentari sen-  
 „ tiret, ad palidioniam descendit. Maxime id displicuit Theologis magni no-  
 „ minis quibusdam Academicis: “ qui nempe plus iusto Wesalio favebant.  
 An hæc inter varia Theologorum placita, quæ utrinque pro libito sustinen-  
 tur, numeraverit Zornius?

„ Thomæ adversarii aliquandiu oppressis (verba eius sunt) vel in or-  
 „ dinem saltem cracis, idem Doctor Angelicus & irrefragabilis ad *hærenasias*  
 „ evedus est culmen. “ Tum refert ille miracula, visiones, revelationes,  
 quæ ad approbationem doctrinæ Sancti Thomæ spectant: itemque Romanorum  
 Pontificum elogia in Bullis, Ordinum leges & constitutiones, ac Salmanti-  
 censium Academiæ iusiurandum pro tutanda Thomæ auctoritate propositum, &  
 emissum. Cum homine Hæretico non egerim ego, ut pii que narrantur,  
 historiis fidem conciliem, ac elogia vindicem Romanorum Pontificum. Uber-  
 rimi hac de re prodierunt Tractatus. Egregie spartam hanc ornavit Iohannes  
 a S. Thoma in Tractatu *De approbatione & auctoritate Doctrinæ Angelicæ Divi*  
*Thomæ*, qui Tomo I. Theologiæ præmissus prostat, ac seorsim etiam prodit  
 Augustæ Ubiorum, typis Ioannes Busei anno 1658. Neque tamen sodales ac  
 discipuli somniarunt unquam, *ad culmen hærenasias evedum fuisse Magistrum*  
*suum*. Laudati Ioannis a S. Thoma sententia est Disp. 1. Art. 111. *Dico ter-*  
*tio: Doctores catholicos, qui sine irreverentia, vel contemptu, sed ex alio motivo*  
*Divi Thomæ doctrinam deserunt, & aliam sequuntur etiam oppositam, nullam cen-*  
*suram mereri: sed unumquemque in sensu suo posse abundare, sicut Scotus in multis*  
*Divi Thomæ doctrinam impugnavit, sed hoc cum magna modestia, & nulla irre-*  
*verentia, sola disputatione, non aliis verbis agens.* Hæc Zornius ignorabat, aut  
 dissimulavit certe ad invidiam constandam.

Quorum vero hæc omnia? „ Queretis, amici optimi (inquit) quid utilita-  
 „ tis ex hoc Programmate ad vos queat redundare? Nimirum, cum constet  
 „ ex Petri de Alva & Astorga libro, miraculis, visionibus, & revelationibus  
 „ pro Sancto Thoma allatis nullam fidem haberi a Franciscanis ... non indi-  
 „ gnari nobis posse quemquam, si Scriptoribus Pontificiis miracula, visio-  
 „ nes, & revelationes in medium adducentibus nullam fidem posthac præbue-  
 „ rimus. Quam fluxa, dubiaque, & ambigua sint Pontificum edicta, Bullæ,  
 „ Brevia, & privilegia, ex iis magno numero apud Alvam utrinque citatis,  
 „ assatim apparere credimus.... Sed mittamus Petri de Alva & Astorga librum:  
 „ vatum enim eiusdem usum esse videmus. “ Quis unquam credidisset, hunc  
 deni-



denique finem *Programmati* imponendum fore, de *Varia fortuna Sancti Thomæ Aquinatis in Scholis Pontificiorum*? Fatetur Zornius, *varium* libri Petri de Alva & Astorga *usum* esse: noveratque ex Io. Andrea Schmidio, Scriptorem istum *studio partium infelici* opuscula elucubrasse in Sanctum Thomam. Quis ergo non miretur, unam eiusdem Petri de Alva & Astorga auctoritatem afferri ad elevandam miraculorum fidem, & visionum, ac revelationum, quæ pro Sancto Thomâ adducuntur? Subit etiam miratio, Romanorum Pontificum diplomata traduci, veluti *fluxa & ambigua* ob ea, quæ *magno numero apud Alvam utrinque titantur*. Pollicitus erat Zornius, non admissurum se Petri de Alva & Astorga asserta, nisi prius *ad veritatis lancem exigenda*. At unum, ut video, Petrum illum transcripsit, instituto nullo examine, neque oppositis vindiciis indicatis, quas expenderit, pro Thomâ Aquinate. Fac vero, miraculum aliquod, aut aliud quidpiam pro Thomâ allegatum validis argumentis dubium fecisse Petrum de Alva & Astorga: an inde consequitur, Heterodoxis hominibus non indignandum, si *Scriptoribus Pontificiis miracula, visiones, & revelationes in medium adducentibus nullam fidem præbeant*? Mira, & insana Zornii *Lutherani Dialectica*! Nihil ergo anceps dixerim ego, *nihil utilitatis* ex eius *Programmate*, sive ad Heterodoxos, sive ad Catholicos, qui doctrinæ Aquinatis minus favent, *redundare posse*.

Patellæ denique suæ operculum imponit Zornius: „Iam observemus, „inquit, quo tendant Romani Pontificis in componendis, definiendisque „litibus contilia. Scilicet, cum Iansenii scēlatores indignis modis ubique „agitantur a Romano Pontifice: Dominicanis vero eadem docentibus, nam „utrique tum Iansenistæ, tum Thomistæ Augustinum sequuntur ducem, li- „ceat esse salvis; Romanus Pontifex eo vela dare creditur, quocumque re- „rum secundarum flatus in hoc, vel illo Monachorum ordine spiraverit. „Adeo, inquit Schmidius in *Histor. Bullar. Iudis aula Romana dogmatibus sa-* „*cris, eaque secundum utilitatem suam dimittit*. “ Deliræ mentis hæc sunt commenta. Non ludit dogmatibus sacris Ecclesia Romana. Dogmata fidei discernit a Theologicis Doctorum opinionibus: eaque credenda proponit, ac illibata ut custodiantur invigilat: ac illas pro libito tradendas tuendasque permittit, utpote divina revelatione, quam Sacra Biblia ac genuinæ traditiones complectuntur, minime detectas. His innixa inconcussis regulis, dissona quæ procuduntur, & a quocumque procudantur, ferit anathemate dogmata, superseminata zizania evellens, bonumque triticum servans. Iansenianas theses reprobatur, quas novit sacre Scripturæ, ac omnium sæculorum Patrum consensui ex diametro repugnantes: hinc vero, ut in Catholicorum scholis placita Theologica tradantur, quæ divinæ gratiæ economiam, & efficaciam ita exponunt, ut salva sint divinæ fidei dogmata de gratiæ necessitate ad salutares omnes aclus, deque libertate arbitrii. *Iansenistæ*, inquit, & *Dominicani eadem docent*: Neque Iansenii, neque Thomæ Aquinatis, neque Dominicanorum opera salutaverit, qui sic effluat. *Utrique*, reponis, *tum Iansenistæ, tum Thomistæ, Augustinum sequuntur ducem*. Par esset argumentum eius, qui Lutheranos, & Calvinistas, & Catholicos eadem sentire contenderet, proptereaquod ex eisdem sacris Scripturis omnes, genuina fidei dogmata isti, errores & hæreses illi depromant. Satis vero hæcenus egisse contra Zornium ineptientem, & delirantem.

II. Deliria, & commenta, quæ a Petro Zornio Heterodoxo cusa & vulgarita refutavimus plura, passim etiam occurrunt apud huiusce surfuris homines, pro data qualibet occasione bilem effundentes in Clarissimos Viros, quos  
S. Th. Oper. Tom. XIII. c Do-

*Doctores scholasticos* vocant. Centies inconcussis argumentis tametsi protrita fuerint a nostratibus, centies nihilominus ab illis refricantur, auritoque gregi proponuntur veluti indubia: ac veteribus immo commentis nova semper adiunguntur. Ita se gerentem video *Adamum Tribbechorium*, qui *Theologus primarius in Ducatu Saxo-Gothano* dicitur, in *Libro singulari*, quem edidit, de *Doctoribus scholasticis* &c. Secunda utor editione, quæ lenz anno 1719. curata fuit.

Ad Sanctissimum Aquinatem pertinent, quæ scripta leguntur capite v., Si mul ac vero e medio Thomas excessit .... vocata in examen eius scripta, nec obstante Pontificia ( ut vocant ) canonizatione, multa ex iis hæreseos postulata, proscriptaque fuerunt. Videri de his poterit Henricus de Erphordia, qui & diploma Stephani Parisiensis Episcopi de anno 1324. recenset, provocantis ad mccc. suffragia, & Prædecessorum suorum Episcoporum auctoritatem, Thomæ doctrinam convellentium. Extat præterea Catalogus errorum Thomæ, ut & Lombardi, a Parisiensibus condemnatorum, adiunctus editioni Lombardi, quam Iacobus Almainus Doctor Parisiensis lucicomisit. " Tot scilicet puridissima sphalmata, quot verba.

1. *Vocata*, inquis, *in examen scripta* Aquinatis, ac multa ex iis hæreseos postulata, proscriptaque fuisse. Mendacia tria paucis hisce effertur verbis: neque enim Scriptorum Thomæ peculiare examen institutum umquam fuit: neque ex iis hæreseos postulata sive multa, sive pauca: neque tandem eorundem lata proscriptio. 2. Hæc attamen intentata narras, non obstante Pontificia, ut vocant, canonizatione, de anno 1324. Immo post sacram Aquinatis apotheosim, quam Ioannes XXII. die 18. Iulii anno 1323. decrevit, integritati doctrinæ eius consulens Stephanus de Bourreto Episcopus Parisiensis, litteris Gentiliaci datis anno 1324. ( stylo novo 1325. ) die lxxv ante sacros cineres, idest die 14. Februarii, pro comperto habet: dictum Confessorem Beatum, & Doctorem egregium ( Thomam ) nihil sensisse, docuisse, seu scripsisse, quod scientia fidei, vel bonis moribus adversetur: ac præterea quorundam articulorum condemnationem, & excommunicationis sententiam ( a Stephano Tempier Prædecessore anno 1277. latas ) inquantum tangunt, vel tangere asseruntur sanam doctrinam sancti Thomæ, ex certa scientia totaliter annullat. 3. Hinc patet inscitia Tribbechorii, qui Parisiensis Episcopus duos, ac litteras eorum diversas, ac distincta tempora imperitissime confundit. Neque tamen putes, Parisiensem Ecclesiam regente Stephano Tempier, Thomæ scripta hæreseos postulata fuisse, eademque proscripta. Proscriptos equidem novemdecim supra ducentos articulos complectuntur eiusdem Antislitis epistolæ: simulque errantes auctores indicant, sciolos ac impudentes quosdam studentes in artibus, propria facultatis limites excedentes, quos inter Aquinatem numerare infamia foret. Consule, quæ numero superiore contra Zornium disseruimus.

4. Inter eos damnatos articulos plurimi sunt, aut certe vani & insani, aut execrabiles, & erronei, ac hæretici: quos docuit numquam Sanctus Thomas, immo suis in operibus data opera profligavit. Sunt etiam theses aliquæ paucissimæ, ut summum quatuor vel quinque, quas verborum cortice tenuis in Operibus Thomæ proflare, negat nemo: ipso etiam sensu, nedum verbis, putant aliqui. At satis absque dubio utrique factum suis in litteris a Stephano de Bourreto, qui articulorum condemnationem irritam, nullamque habuit, inquantum tangit, vel tangere asseritur sanam doctrinam sancti Thomæ. Adeo nempe Aquinatis dogmata, sive Philosophica, sive ad Theologiam pertinentia, integra pronunciantur & ab errore aliena, ut si qui inter articulos a Stephano Tempier

damna-

damnatos, reperirentur, quos ipse Thomas propugnauerit, non ipsi erroris damnandi sint, sed lata censura tollenda. Hac de re nos uberius egimus in Præliis nostris Admonitionibus in primum, & secundum Librum Sententiarum 3. Iamvero infanum illud exfusilatur commentum de *Stephano Parisiensi Episcopo*, qui de anno 1324. ( 1325. ) provocaverit ad MCCC. suffragia, & Prædecessorum suorum Episcoporum auctoritatem, Thomæ doctrinam convellentium. Ecclesiam Parisiensem anno 1324. regebat Stephanus de Bourreto, qui Thomæ doctrinam minime convulsit; sed ipsum nihil sensit, docuisse, vel scripsisse coram palamque pronunciavit, quod scientie fidei, vel bonis moribus adversaretur. Quinam sunt illi Prædecessores Episcopi, qui Thomæ doctrinam convulsisse dicuntur? Ubina profiant, aut edita, aut manu exarata, illa MCCC. suffragia contra Aquinatem, ad quæ provocaverit Parisiensis Antistes? Somnia sua venditat Tribbechovius. 6. Testem advocat *Henricum de Erphordia*. At unus est, qui hoc ævo floruerit, *Henricus de Hervordia*, civitate Imperiali Dioeceseos Mindenensis in Comitatu Ravensburgensi. Trithemium sequutus, qui vocat ipsum *Henricum de Erfordia*, Turingiæ civitate, in errorem Tribbechovius incidit, aliis etiam Nomenclatoribus communem. Ordinis Prædicatorum alumnus fuit, qui *Chronicon* elucubravit ab orbe condito ad annum Domini 1355. Eius calamo putida excidisse commenta, quæ profert Heterodoxus homo, credat nemo.

7. Pari demum inficitia, & audacia catalogum recenset errorum Thomæ, ut & Lombardi, a Parisiensibus condemnatorum, adiunctum editioni eiusdem Lombardi. Prostat nimirum catalogus nonnullarum Theſium, quas a Magistro Sententiarum adfertis communis Doctorum sensus reprobat: quamplurium articulorum, quos Parisiensis, & Oxoniensis Facultates damnarunt, catalogi profant: errorum index, in quos inciderit Thomas, quosque prædictæ sacræ Facultates proscripserint, nullus extat. 8. Præterire non licet eiusdem Tribbechovii verba, quæ eodem quinto capite habentur: *Franciscus de Mara Franciscanus, Parisiensis Doctor, edidit librum anno 1288. quem Reprehensorium Thomæ inscripsit*. Egrege. *Guillelmo de la Mare* pro sua auctoritate nomen indit *Francisci*: itemque *Professorem & Doctorem Oxoniensem* creat *Parisensem Doctorem*: ac opus, quod Auclor inscripserat *Correctorium Fratris Thomæ*, inscriptum profert *Reprehensorium*: atque demum nobiles vindices plures, qui Lamaræum castigarunt, silentio præterit omnes.

Ironia sequitur, qua eodem in capite textum quemdam Aquinatis excipit, ac fugillat: „ Quam egregie ( inquit ) & acute Thomas Scholasticorum, antesignanus distinguit II. Sent. dist. ix. num. 4. inter *Cherubim*, *Cherubin*, „ & *Cherub*. “ Indicatum Aquinatis locum assero ex Q. 1. art. 4. ad 7. „ Dicendum, quod nomina ista desinentia in *im*, ut *Cherubin*, *Seraphim*, sunt „ neutri generis, pluralis numeri: & ponuntur pro toto collegio unius Ordinis. Desinentia autem in *im* ( *Cherubim*, *Seraphim* ) sunt masculini generis, & pluralis numeri: & ponuntur pro pluribus personis unius Ordinis. „ Sed *Cherub*, & *Seraph* sunt masculini generis, & singularis numeri: & significant unam personam illius ordinis. “ Animadvertendum est, rem aliter legi in Comentario in caput vi. Isaïæ vers. 2. „ Item notatur, quod „ *Seraphim* scriptum per *m*, pluralis est, & neutri generis: & significat totum agmen illius ordinis. Sed *Seraphin* singularis numeri est, & masculini generis: & significat unum tantum de ordine illo. “ Locum istum corruptum puto, corrigendumque iuxta priorem. Vulgatam ævo illo hanc fuisse regulam grammaticalem, satis indicat Albertus Magnus, qui eadem nona distinctione Libri II. Sent. art. 3. ad 3. sic habet: „ Dicendum, quod in N ter-

„minata illa ( *Seraphim*, *Cherubin* ) neutri generis sunt, & significant inter-  
 „grum agmen unius ordinis: & ideo pluralis sunt numeri. In M autem ter-  
 „minata sunt pluralis numeri, & masculina: & significant plures personas  
 „de agmine illo. Sed *Seraph*, & *Cherub* dicitur singularis aliqua persona de  
 „agmine. Unde verius: *Hæc Seraphim, dic hi Seraphim, dic hic Seraph illum.* “  
 „Inigne eiusdem latinitatis, quæ obtinebat ævo medio, aut infimo, testimo-  
 „nium perhibet Ioannes de lanua, eiusdem ævi Scriptor, in Catholico: „*Ch-*  
 „*erub*, inquit, ( *Cherubis*, *Cherubi* ) *Cherubim*, *cherubim*, *cherub*, *cherube* :  
 „& pluraliter *Cherubin* per omnes casus, masculini generis per *m* scriptum.  
 „Item *Cherub* indeclinabiliter in singulari, & in plurali pro eodem. Item  
 „hic *Cherubim* indeclinabiliter masculini generis, & scriptum per *m* tantum  
 „in singulari numero: & significat unumquemquam Angelorum de illo or-  
 „dine. Et tunc debet dici: *Sancte Cherubim ora pro nobis*. Item pluraliter  
 „hæc *Cherubin*, & indeclinabiliter, & neutri generis, & tantum in plurali  
 „scribitur per *n*: & significat illum ordinem Angelorum. Et tunc debet di-  
 „ci: *Sancta Cherubin ora te pro nobis*. Et secundum primam declinationem pot-  
 „est dici: *Sancti Cherubim orate pro nobis*. “ Hæc ignorasse videtur omnia ir-  
 „risor Tribbechovius. Haud me latet, ab Erasino acerbè fugillari ac rideri  
 „Ioannis nostri latinitatem: at cordati quique Viri animadvertant cum Doctis-  
 „simo Echardo, eiusdem Vocabularium esse non tam prime, sed mediæ, & infimæ  
 „latinitatis: quod & suo, & nostro seculo apprimè necessarium.

Huiusce tamen grammaticalis regulæ rationem sumi nullam posse fateor ex  
 lingua hebræa, quæ Isaïæ capite vi. hanc unam vocem habet שרפים, *Seraphim*:  
 & Ezechielis capite x. כרובים, *Cherubim*, itemque כרוב, *Cherub*. Ad genus  
 quod attinet ac terminationem, liberius egisse constat Græcos Interpretes.  
 Adnotat Hieronymus in Epistola ad Damasum Papam de *Seraphim* num. 17.  
*Septuaginta, Aquilam, & Theodotionem Seraphim neutro genere transulisse, Sym-*  
*machum masculino: habentque Dictionaria latina, Seraphim, & Cherubim plura-*  
*lis esse numeri, ac generis tam masculini, quam neutri.* In Hexaplis Orige-  
 nis apud Montfauconium, & in Codice Alexandrino, & in Polyglottis Wal-  
 toni, voces illæ utroque modo per M, & per N desinentes occurrunt: ni-  
 mirum *שראפמי* vel *שראפמי*, & *חרובמי* vel *חרובמי*, ac *שראפמי* & *חרובמי*. Hinc er-  
 go anfa fortasse data, ut latini ætatis mediæ vel infimæ Grammatici regu-  
 lam statuerent, de qua agimus.

Hanc itaque vocum illarum distinctionem quo ad genus, diversamque ter-  
 minationem, neque Thomas, neque eius ætatis Theologi, veluti quid-  
 piam egregium, & acutum excogitarunt. Vulgata apud Grammaticos latinitate  
 usi sunt, ut maioris claritatis gratia *Seraphim*, & *Cherubim* ordines, ac plu-  
 res ex eodem ordine, ac unum denique & singularem triplici voce appella-  
 rent. Neque tamen eidem regulæ, ac latinitati semper hæsit Aquinas, qui  
 I. P. quest. cxi. art. 5. supremos duos Angelorum ordines vocat ordines  
*Seraphim*, & *Cherubim*, non *Seraphin*, & *Cherubin*. Hinc immerito Aquina-  
 tem irridet Tribbechovius, merito ipse irridendus.

# INDEX

## DISTINCTIONUM, & PARTITIONUM

### QUARTI LIBRI SENTENTIARUM

MAGISTRI PETRI LOMBARDI,

hoc in volumine contentatum.

#### DISTINCTIO XXIII.

**D**E sacramento unctionis extreme. **3**  
A quibus sit institutum hoc sacramen-  
tum.

De iteratione huius sacramenti.

#### DISTINCTIO XXIV.

De ordinibus ecclesiasticis.

Quales assumendi sunt ad clerum.

De Ostiariis.

De Lectioribus.

De Exorcistis.

De Acolytis.

De Subdiaconis.

De Diaconis.

De Presbyteris.

Quid sit quod hic dicitur ordo.

De nominibus dignitatis, vel officii.

De quadripartito ordine Episcoporum.

#### DISTINCTIO XXV.

De ordinatis ab hæreticis.

De simonia, unde dicatur, & quid sit.

De his qui a simoniacis scienter ordinantur.

De his qui dicunt se emere corporalia, non  
spiritualia.

Distinctio simoniacorum.

De ætate ordinandorum.

#### DISTINCTIO XXVI.

De sacramento coniugii, cuius institutio,  
& causa ostenditur.

De duplici institutione coniugii.

Quando secundum præceptum, quando se-  
cundum indulgentiam contractum sit con-  
iugium.

Quibus modis accipiatur indulgentia.

Quod nuptiæ sunt bonæ.

Cuius rei sacramentum sit coniugium.

Qualiter intelligendum sit illud: *Mulier il-*

*la non pertinet ad matrimonium cum que  
non est consensio sexuum.*

#### DISTINCTIO XXVII.

Quæ sint consideranda in coniugio.

Quid sit coniugium.

De consensu qui efficit coniugium.

Quod solus consensus facit matrimonium.

Quando incipiat esse coniugium.

Secundum quosdam non est coniugium an-  
te carnalem copulam; sed sponsi, & spon-  
se sunt.

Quod coniugatus, vel coniugata nequeant  
continentiam profiteri sine alterius con-  
sensu.

Responsio ad prædicta cum determinatione  
superiorum.

Quomodo accipiatur sponsa in supradictis  
capitulis.

Quod aliter accipitur in his, ac aliis capi-  
tulis sponsa.

Quare non statim tradantur sponsæ.

Quæ sponsa sit vidua, mortuo sponso, &  
quæ non.

Quid alterius sponsam eo mortuo ducit, ad  
sacros ordines accedere potest.

#### DISTINCTIO XXVIII.

Si consensus de futuro cum iuramento fa-  
ciat coniugium.

De qua re sit consensus ille: an de carna-  
li copula, an de cohabitatione.

#### DISTINCTIO XXIX.

Coactio excludit consensum coniugalem.

#### DISTINCTIO XXX.

De errore qui evacuat consensum.

De coniugio Mariæ & Ioseph.

Quod perfectum inter eos fuit coniugium.

De

# I N D E X.

De causa finali coniugii.  
Quod malus finis non contaminat sacramentum.

## DISTINCTIO XXXI.

De tribus bonis coniugii.  
De duplici separatione.  
De his qui procurant venena sterilitatis.  
Quando sunt homicidæ qui procurant abortum.  
De excusatione coitus.  
Indulgentia Apostoli quomodo sit accipienda.  
Quod non omnis delectatio carnis peccatum est.

## DISTINCTIO XXXII.

De solutione carnalis debiti.  
Quod neuter contineri valeat nisi ex communi consensu.  
Quibus temporibus cessandum sit a coitu.  
Quibus temporibus non sunt celebranda nuptiæ.

## DISTINCTIO XXXIII.

De diversis coniugii legibus.  
Non præfertur virginitas Ioannis castitatis Abrahæ.  
Cui licebat habere plures uxores, vel non.  
De virginitate mentis, & carnis.

## DISTINCTIO XXXIV.

De personis legitimis.  
De frigidis separandis.  
De his qui impediti maleficiis coire non possunt.  
De furiosis.  
De his qui cum duabus sororibus dormiunt.  
Non est dimittenda uxor pro aliqua macula, seu deformitate corporis.

## DISTINCTIO XXXV.

Eodem iure utitur vir, & mulier,  
Quod fornicariam nequit dimittere vir, nisi ipse expers fuerit, & e converso.  
Quod possunt reconciliari qui separantur causa fornicationis.  
Quæ prædictis videntur obviare.  
De his qui ante polluerunt se propter adulterium.

## DISTINCTIO XXXVI.

Si pro extrema conditione valeat uxor separari a viro, & e converso.  
De copula servi & ancillæ diverforum dominorum.  
De viro qui se facit servum, ut dividatur ab uxore.  
De ætate contrahentium.

## DISTINCTIO XXXVII.

In quo ordine nequeat fieri coniugium.  
De interfectoribus suarum coniugum.

## DISTINCTIO XXXVIII.

De votorum differentiis.  
De virginibus non velatis.  
Quam grande malum sit adulterium.  
De illis qui post longam captivitatem redeunt.

## DISTINCTIO XXXIX.

De dispari cultu.  
De coniugio fidelis & infidelis, & duorum infidelium.  
De fornicatione spirituali ob quam potest dimitti coniux.  
Pro quibus vitiis possit dimitti.  
Si fidei liceat aliam ducere, infidei discedente, vel dimissa.  
An coniugium sit inter infideles.  
Quod legitimum sit coniugium infidelium, sed non ratum, & quare.

## DISTINCTIO XL.

De cognatione carnali, & spirituali, & prius de carnali.  
De comparatione graduum consanguinitatis.  
Quare sex gradus computantur.

## DISTINCTIO XLI.

De gradibus affinitatis.  
Variæ traditiones de affinitate.  
Si coniugium sit inter eos qui nota consanguinitate dividuntur.

## DISTINCTIO XLII.

De spirituali cognatione.  
Qui sunt filii spirituales.  
De copula spiritualium, vel adoptivorum, & naturalium filiorum.  
Si filii qui ante compaternitatem, vel post nati sunt, valeant coniungi.  
Si quis ducere possit duas commatres, absteram post alteram.

De

## D I S T I N C T I O N U M.

De secundis, & tertiis nuptiis.  
Si vir, & uxor possint simul tenere puerum.

### D I S T I N C T I O X L I I I.

De resurrectionis, & iudicii conditione.  
De voce tubæ.  
De media nocte.  
De memoria electorum, si tunc præcedentia mala teneat.  
De his qui vivi reperientur.  
Quomodo intelligitur Christus iudex vivorum, & mortuorum.  
Quomodo omnes resurgent incorrupti.

### D I S T I N C T I O X L I V.

De ætate, & statura resurgentium.  
Quod resurget quicquid fuit de substantia, & natura corporis, & in eadem parte corporis.  
Quod sancti sine omni deformitate resurgent.  
Si mali tunc habent quas hic habuerunt deformitates.  
Quod non consumentur corpora, quæ tunc ardebunt.  
Si demones corporali igne cremabuntur.  
Si animæ sine corporibus sentiunt ignem corporalem.  
De abortivis foetibus, & monstris.

### D I S T I N C T I O X L V.

De suffragiis defunctorum.  
De diversis animarum receptaculis.  
De officiis sepulturæ.  
De duobus bonis quorum alter plura post mortem habet auxilia.  
Quibus suffragiis iuvabuntur mediocriter boni qui in fine inveniuntur.  
Quomodo sancti glorificati audiunt preces supplicantium, & quomodo intercedunt pro nobis ad Dominum.  
Quod dictum est de Angelis, attribuitur sanctis animabus.

### D I S T I N C T I O X L V I.

Si valde malis detur mitigatio pœnæ.

De iustitia, & misericordia Dei.  
Quædam iustitia, quædam misericordiæ, quædam bonitati attribuantur.  
Quomodo universæ viæ Domini dicantur misericordia, & veritas.

### D I S T I N C T I O X L V I I.

De sententia iudicii.  
Quod sancti iudicabunt, & quomodo.  
De ordinibus eorum qui iudicandi erunt.  
De ordine iudicii, & ministerio Angelorum.  
Si post iudicium demones præerunt hominibus ad puniendum.

### D I S T I N C T I O X L V I I I.

De forma iudicis.  
Quod apparebit tunc in forma servi.  
Quare secundum formam servi dicatur Christus suscitaturus corpora.  
De loco iudicii.  
De qualitate luminarium, & temporis post iudicium.

### D I S T I N C T I O X L I X.

De differentia mansionum in cælo, & inferno.  
Si omnes homines volunt esse beati.  
Si quid de Deo cognoscit aliquis quod ibi non intelligunt omnes.  
De paritate gaudii.  
Si maior sit beatitudo sanctorum post iudicium.

### D I S T I N C T I O L.

Si mali in inferno peccabunt.  
Quare dicuntur tenebræ exteriores.  
De animabus damnatorum, si quam habent notitiam eorum quæ hic sunt.  
Quomodo accipienda sunt quæ de Lazaro, & divite leguntur.  
Si se vident boni, & mali.  
De chaos inter bonos, & malos.  
Quod visa impiorum pœna non minuit beatorum gloriam.

# INDEX

## QUAESTIONUM, ARTICULORUM, ET QUAESTIUNCULARUM

SANCTI THOMAE

IN QUARTUM LIBRUM SENTENTIARUM,

quae in hoc volumine continentur.

### DISTINCTIONIS XXIII.

Quaestio 1.

Art. 1. **U**trum extrema unctio sit sacramentum.

Quaest. 2. Utrum extrema unctio sit unum sacramentum, vel plura.

Quaest. 3. Utrum hoc sacramentum fuerit institutum a Christo.

Art. 11. Utrum extrema unctio valeat ad remissionem peccatorum.

Quaest. 2. Utrum sanitas corporalis sit effectus huius sacramenti.

Quaest. 3. Utrum hoc sacramentum characterem imprimat.

Art. 111. Utrum oleum olivae sit conveniens materia huius sacramenti.

Quaest. 2. Utrum oporteat esse oleum consecratum.

Quaest. 3. Utrum oporteat esse consecratum ab Episcopo.

Art. 1v. Utrum hoc sacramentum habeat aliquam formam.

Quaest. 2. Utrum forma huius sacramenti debeat proferri per orationem indicativam, vel deprecativam.

Quaest. 3. Utrum oratio illa, *Per istam unctionem &c.* sit competens forma huius sacramenti, & de partibus eius.

Quaestio 11.

Art. 1. Utrum laicus possit conferre hoc sacramentum.

Quaest. 2. Utrum diaconi possint.

Quaest. 3. Utrum solus Episcopus possit.

Art. 11. Utrum sanis debeat conferri hoc sacramentum.

Quaest. 2. Utrum in qualibet infirmitate conferendum sit.

Quaest. 3. Utrum furiosis, & amentibus debeat dari.

Quaest. 4. Utrum debeat dari pueris.

Art. 111. Utrum totum corpus iniungi debeat in hoc sacramento.

Quaest. 2. Utrum convenienter ordinatur sic, quod tantum oculi, & nares, & pedes inungantur &c.

Quaest. 3. Utrum mutilati, vel carentes illis membris inungendi sint in illis locis.

Art. 1v. Utrum hoc sacramentum debeat iterari.

Quaest. 2. Utrum in infirmitate eadem debeat iterari.

### DISTINCTIONIS XXIV.

Quaestio 1.

Art. 1. Utrum in Ecclesia debeat esse sacramentum ordinis.

Quaest. 2. Utrum definitio qua diffinitur ordo, *Ordo est signaculum &c.* sit conveniens secundum omnes partes suas.

Quaest. 3. Utrum ordo sit sacramentum.

Quaest. 4. Utrum forma huius sacramenti convenienter exprimitur in littera.

Quaest. 5. Utrum hoc sacramentum habeat materiam.

Art. 11. Utrum in sacramento ordinis conferatur gratia gratum faciens.

Quaest. 2. Utrum in hoc sacramento imprimatur character.

Quaest. 3. Utrum character ordinis praesupponat characterem baptismalem.

Quaest. 4. Utrum de necessitate praesupponat characterem confirmationis.

Quaest. 5. Utrum character unius ordinis de necessitate praesupponat characterem alterius ordinis.

Art. 111. Utrum in suscipientibus ordines requirenda sit bonitas vitae.

Quaest. 2. Utrum scientia totius sacrae Scripturae in ordinandis requiri debeat.

Quaest. 3. Utrum aliquis ex ipso merito vitae ordinem consequatur.

Quaest. 4. Utrum promovens indignos ad ordines peccet.

Quaest. 5. Utrum aliquis in peccato existens possit sine peccato uti ordine suscepto.

Quaest.



# ARTIC. & QUÆSTIUNC.

## Quæstio 11.

Art. 1. Utrum in hoc sacramento debeant esse plures ordines.

Quæst. 2. Utrum debeant esse tantum septem ordines, vel plures.

Quæst. 3. Utrum convenienter distinguatur per sacros, & non sacros.

Art. 11. Utrum actus ordinum convenienter assignetur cuilibet ordini per Magistrum in littera.

Art. 111. Utrum character sacerdotii imprimatur in ipsa calicis datione.

## Quæstio 111.

Art. 1. Utrum ordinarium debeant habere coronæ rasantem.

Quæst. 2. Utrum corona sit ordo.

Quæst. 3. Utrum per acceptioem coronæ abrenuntiet corporalibus bonis.

Art. 11. Utrum supra sacerdotalem ordinem debeat esse potestas episcopalis.

Quæst. 2. Utrum episcopatus sit ordo.

Quæst. 3. Utrum supra Episcopos possit esse aliqua potestas superior.

Art. 111. Utrum vestes ministrorum convenienter institutæ sint.

## DISTINCTIONIS XXV.

### Quæstio 1.

Art. 1. Utrum Episcopus ordinis sacramentum conferre possit.

Art. 11. Utrum hæretici, & ab Ecclesia præcisi possint ordinare.

### Quæstio 11.

Art. 1. Utrum sexus femineus impediatur ordinis susceptionem.

Quæst. 2. Utrum putri, & qui carent usu rationis, impediatur.

Art. 11. Utrum servitus impediatur a susceptione ordinis.

Quæst. 2. Utrum propter homicidium aliquis impediatur.

Quæst. 3. Utrum illegitime nati impediatur.

Quæst. 4. Utrum propter defectum membrorum quis impediatur.

### Quæstio 111.

Art. 1. Utrum distinctio de simonia sit competens secundum omnes partes.

Quæst. 2. Utrum simonia sit hæresis.

Quæst. 3. Utrum simoniacus perdat executionem ordinis.

Art. 11. Utrum sacramenta possint emi, & vendi sine simonia.

Quæst. 2. Utrum in emptione, & venditione aliorum spiritualium committatur simonia.

Quæst. 3. Utrum committatur simonia in emptione, & venditione eorum quæ spiritualibus sunt annexa.

Art. 111. Utrum istis tribus modis possit committi.

S. Tb. Oper. Tom. XIII.

mitti simonia, scilicet lingua, manu, & obsequio.

## DISTINCTIONIS XXVI.

### Quæstio 1.

Art. 1. Utrum matrimonium sit naturale, vel de iure naturali.

Art. 11. Utrum matrimonium adhuc maneat sub præcepto.

Art. 111. Utrum actus matrimonialis semper sit peccatum.

Art. 11. Utrum actus matrimonii possit esse meritorius.

### Quæstio 11.

Art. 1. Utrum matrimonium sit sacramentum.

Art. 11. Utrum matrimonium debuit institui ante peccatum, & quando fuit institutum.

Art. 111. Utrum conferat gratiam.

Art. 11. Utrum carnalis commixtio sit de integritate matrimonii.

## DISTINCTIONIS XXVII.

### Quæstio 1.

Art. 1. Utrum matrimonium sit in genere coniunctionis.

Quæst. 2. Utrum matrimonium congrue nominetur.

Quæst. 3. Utrum convenienter diffiniatur matrimonium a Magistro in littera.

Art. 11. Utrum consensus sit causa efficiens matrimonii.

Quæst. 2. Utrum consensus oporteat per verba de præsentem exprimi.

Quæst. 3. Utrum consensus per verba de futuro faciat matrimonium.

Quæst. 4. Utrum consensus per verba expressus sine interiori consensu faciat matrimonium.

Art. 111. Utrum post carnalem copulam alter coniugum religionem possit intrare alio invito.

Quæst. 2. Utrum ante carnalem copulam possit intrare.

Quæst. 3. Utrum mulier possit cubare alteri, si vir religionem ingrediatur ante carnalem copulam, vel e converso.

### Quæstio 11.

Art. 1. Utrum convenienter sponsalia describantur quod sint futurarum nuptiarum promissio.

Art. 11. Utrum convenienter tempus septennii sponsalibus coarraheodis assignetur.

Art. 111. Utrum sponsalia dirimi possint altero religionem intrante.

Utrum dirimantur per aegritudinem quam aliquis incurrit post contracta sponsalia.

Utrum possint dirimi altero ad regiones longinquas eunte.

Utrum dirimantur per affinitatem intervenientem.

Utrum possint se invicem absolvere.

d Utrum

# INDEX QUÆSTIONUM,

Vtrum dirimantur sponsalia propter unius coniugum fornicationem.

Vtrum contractum cum alio vel alia per verba de presenti dirimantur.

Vtrum per defectum ætatis dirimi possint.

## Quæstio 11.

Art. 1. Vtrum illi bigamie quæ est ex hoc quod aliquis duas uxores successive habuit, sit irregularitas annexa.

Quæst. 2. Vtrum incurret irregularitatem qui simul duas uxores habuit, vel successive.

Quæst. 3. Vtrum aliquis fiat irregularis ex hoc quod ducit uxorem non virginem.

Art. 11. Vtrum bigamia solvatur per baptismum.

Art. 111. Vtrum cum bigamo liceat dispensare.

## DISTINCTIONIS XXVIII.

### Quæstio 1.

Art. 1. Vtrum iuramentum adiunctum consensui per verba de futuro faciat matrimonium.

Art. 11. Vtrum carnalis copula post verba de futuro consensum exprimentia faciat matrimonium.

Art. 111. Vtrum consensus factus in occulto per verba de presenti faciat matrimonium.

Art. 111. Vtrum consensus qui facit matrimonium, sit consensus in carnalem copulam.

## DISTINCTIONIS XXIX.

### Quæstio 1.

Art. 1. Vtrum aliquis consensus possit esse coactus.

Art. 11. Vtrum coactio, vel metus cadat in constantem virum.

Art. 111. Vtrum consensus coactus tollat matrimonium.

Quæst. 2. Vtrum consensus coactus saltem ex parte cogentis faciat matrimonium.

Quæst. 3. Vtrum per consensum conditionatum fiat matrimonium.

Art. 11. Vtrum aliquis præcepto patris possit compelli ad contrahendum matrimonium.

## DISTINCTIONIS XXX.

### Quæstio 1.

Art. 1. Vtrum error debeat poni impedimentum matrimonii per se.

Art. 11. Vtrum omnis error matrimonium impediatur.

Art. 111. Vtrum possit esse ubi est consensus propter inhonestam causam.

## Quæstio 11.

Art. 1. Vtrum beata Virgo debuerit virginitatem voveri.

Quæst. 2. Vtrum debuerit matrimonio esse iuncta.

Quæst. 3. Vtrum causæ matrimonii beatæ Virginis in littera assignatæ sint convenientes.

& generaliter quæritur de causis matrimonii, & sufficientia.

Art. 11. Vtrum matrimonium illud beatæ Virginis fuerit perfectum.

Art. 111. Vtrum matrimonium illud aliquando fuerit consummatum.

## DISTINCTIONIS XXXI.

### Quæstio 1.

Art. 1. Vtrum matrimonium debeat habere aliqua bona quibus excusetur, & quæ sint illa bona.

Art. 11. Vtrum convenienter assignentur illa bona matrimonii, fides, proles, & sacramentum.

Art. 111. Vtrum sacramentum sit principalis bonum inter matrimonii bona.

## Quæstio 11.

Art. 1. Vtrum actus matrimonii possit excusari per illa bona.

Art. 11. Vtrum actus matrimonii possit excusari sine illis bonis.

Art. 111. Vtrum vir peccet mortaliter quotiescumque cognoscit uxorem suam, vel e converso, non intendens aliquod bonum matrimonii, sed solam delectationem.

## DISTINCTIONIS XXXII.

### Quæstio 1.

Art. 1. Vtrum alter coniugum teneatur alteri ad redditionem debiti ex necessitate præcepti.

Art. 11. Vtrum vir teneatur reddere uxori debitum non petenti.

Quæst. 2. Utrum liceat mulieri menstruatæ debitum petere.

Quæst. 3. Vtrum mulier menstruatæ debeat reddere debitum petenti.

Art. 111. Vtrum vir, & mulier sint in actu matrimonii æquales.

Art. 11. Vtrum vir, & mulier possint votum emittere contra debitum matrimonii sine consensu mutuo.

Art. 11. Vtrum temporibus sacris possit aliquis impediri ne debitum petat, vel reddat.

Quæst. 2. Vtrum mortaliter peccet petendo in tempore sacro.

Quæst. 3. Vtrum teneatur reddere in tempore sacro.

Quæst. 4. Vtrum nuptiæ sint prohibendæ temporibus in littera determinatis.

## DISTINCTIONIS XXXIII.

### Quæstio 1.

Art. 1. Vtrum habere plures uxores sit contra legem naturæ.

Art. 11. Vtrum habere plures uxores potuerit aliquando esse licitum.

Art. 111. Vtrum habere concubinam sit contra legem naturæ.

Quæst. 2. Vtrum accedere ad concubinam sit peccatum mortale.

Quæst. 3.

## ARTIC. & QUÆSTIUNC.

Quæst. 3. Vtrum fuit aliquando licitum habere concubinam.

Quæstio 11.

Art. 1. Vtrum inseparabilitas viri, & uxoris sit de lege naturæ.

Art. 11. Vtrum uxorem dimittere per dispensationem licitum esse possit.

Quæst. 2. Vtrum sub lege Moyfi fuerit licitum dimittere uxorem.

Quæst. 3. Vtrum liceat uxori repudiare accipere alium.

Quæst. 4. Vtrum liceat viro repudiatam a se recipere iterum.

Art. 111. Vtrum causa permissionis libelli repudii fuerit uxoris odium.

Quæst. 2. Vtrum causæ repudii debeant in libello scribi.

Quæstio 111.

Art. 1. Vtrum bene diffiniatur virginitas quod est in carne incorruptibili &c. & de partibus diffinitionis.

Art. 11. Vtrum virginitas sit virtus.

Art. 111. Vtrum virginitas sit maior omnibus virtutibus.

### DISTINCTIONIS XXXIV.

Quæstio 1.

Art. 1. Vtrum matrimonio debeant aliqua impedimenta assignari.

Art. 11. Vtrum frigiditas matrimonium impediat contrahendum, & contractum dirimat.

Art. 111. Vtrum maleficio impedimentum matrimonii esse possit.

Art. 11. Vtrum furia matrimonium impediat.

Art. v. Vtrum incestus quo quis cognoscit sororem, vel consanguineam uxoris, vel e converso, sit impedimentum dirimens.

### DISTINCTIONIS XXXV.

Quæstio 1.

Art. 1. Vtrum propter fornicationem liceat viro uxorem dimittere.

Art. 11. Vtrum vir repeat ex præcepto uxorem fornicariam dimittere.

Art. 111. Vtrum proprio iudicio possit vir uxorem fornicantem dimittere absque requisitione Ecclesiæ.

Art. 11. Vtrum vir, & uxor in causa divortii debeant ad paria iudicari.

Art. v. Vtrum post divortium vir alteri nubere possit.

Art. vi. Vtrum post divortium vir, & uxor possint reconciliari.

### DISTINCTIONIS XXVI.

Quæstio 1.

Art. 1. Vtrum conditio servitutis impedit matrimonium.

Art. 11. Vtrum servus possit matrimonium contrahere sine consensu domini.

Art. 111. Vtrum aliquis postquam uxorus est, possit se servum facere sine consensu uxoris.

Art. 11. Vtrum filii debeant sequi conditionem patris, vel matris.

Art. v. Vtrum defectus ætatis sit impedimentum matrimonii.

### DISTINCTIONIS XXXVII.

Quæstio 1.

Art. 1. Vtrum ordo impediatur matrimonium.

Art. 11. Vtrum aliquis post matrimonium sacrum ordinem suscipere possit.

Quæstio 11.

Art. 1. Vtrum viro liceat uxorem interficere in adulterio comprehensam.

Art. 11. Vtrum uxoricidium impediatur matrimonium.

### DISTINCTIONIS XXXVIII.

Quæstio 1.

Art. 1. Vtrum votum convenienter a Magistro diffiniatur, & de partibus diffinitionis.

Quæst. 2. Vtrum votum tantum sit de meliori bono.

Quæst. 3. Vtrum ille qui non est sui iuris, possit aliquid votum.

Art. 11. Vtrum votum convenienter dividatur in commune, & in singulare.

Quæst. 2. Vtrum votum convenienter dividatur in privatum, & solemne.

Quæst. 3. Vtrum votum solemnizetur per professionem ad certam regulam, & per ordinis sacri susceptionem.

Art. 111. Vtrum votum obliget ut semper necesse sit illud observari.

Quæst. 2. Vtrum per obligationem voti simplicis matrimonium dirimatur.

Quæst. 3. Vtrum solemne votum dirimat matrimonium.

Art. 11. Vtrum in voto possit fieri dispensatio.

Quæst. 2. Vtrum quilibet prelatum possit in voto dispensare.

Quæst. 3. Vtrum aliquod votum possit commutari.

Quæst. 4. Vtrum aliquis propria auctoritate possit votum commutare.

Art. v. Vtrum virginibus voventibus continentiam speciale velum debeat.

Quæstio 11.

Art. 1. Vtrum diffinitio data de scandalo quæ ponitur Matth. xviii. super illud, *Ve mundo a scandalis*, sit competens secundum omnes partes suas.

Art. 11. Vtrum scandalum sit peccatum semper.

Quæst. 2. Vtrum sit speciale peccatum.

d 2 Quæst. 3.

# INDEX QUÆSTIONUM,

Quæst. 3. Vtrum semper sit mortale peccatum.

Art. 111. Vtrum scandalum passivum sit tantum pusillorum.

Quæst. 2. Vtrum perfectis competat scandalum activum.

Quæst. 3. Vtrum soli perfecti possint scandalizare.

Art. 1v. Vtrum veritas sit propter scandalum dimittenda.

Quæst. 2. Vtrum consilia sint dimittenda propter scandalum.

Quæst. 3. Vtrum res temporales sint propter scandalum dimittendæ.

## DISTINCTIONIS XXXIX.

### Quæstio 1.

Art. 1. Vtrum fidelis possit cum infideli matrimonium contrahere.

Art. 11. Vtrum inter infideles possit esse matrimonium.

Art. 111. Vtrum coniux conversus ad fidem possit commanere cum uxore infideli nolente converti.

Art. 1v. Vtrum fidelis conversus possit dimittere uxorem infidelem nolentem cohabitare sibi sine contumelia Creatoris.

Art. v. Vtrum fidelis conversus ad fidem qui habuit uxorem infidelem, & eam dimisit, possit aliam uxorem ducere.

Art. vi. Vtrum alia vitia quam infidelitas solvant matrimonium.

## DISTINCTIONIS XL.

### Quæstio 1.

Art. 1. Vtrum definitio qua diffinitur consanguinitas, quod consanguinitas est *vinculum ab eodem* &c. sit competens secundum omnes partes.

Art. 11. Vtrum consanguinitas convenienter distinguatur per lineas, & gradus.

Art. 111. Vtrum consanguinitas de iure naturali matrimonium impediat.

Art. 1v. Vtrum gradus consanguinitatis ab Ecclesia potuerint taxari, maxime illi qui impediunt matrimonium.

## DISTINCTIONIS XLI.

### Quæstio 1.

Art. 1. Vtrum affinitas ex matrimonio consanguinei causetur.

Quæst. 2. Vtrum affinitas maneat post mortem viri vel e converso.

Quæst. 3. Vtrum illicitus concubitus causet affinitatem.

Quæst. 4. Vtrum ex sponsalibus aliqua affinitas contrahatur.

Quæst. 5. Vtrum affinitas sit causa affinitatis.

Art. 11. Vtrum affinitas matrimonium impediat.

Quæst. 2. Vtrum affinitas habeat per seipsam gradus.

Quæst. 3. Vtrum gradus affinitatis extendantur sicut gradus consanguinitatis.

Art. 111. Vtrum filii qui nascuntur extra verum matrimonium sint illegitimi.

Quæst. 2. Vtrum filii illegitimi ex hoc debeant aliquod incommodum reportare.

Quæst. 3. Vtrum tales possint legitimi.

Art. 1v. Vtrum incestus differat specie ab aliis speciebus luxuriz.

Quæst. 2. Vtrum convenienter Magister dividat in littera species luxuriz.

Quæst. 3. Vtrum bene ordinet ista peccata luxuriz.

Art. v. Vtrum matrimonium quod est inter consanguineos, & affines contractum semper sit dirimendum per divortium.

Quæst. 2. Vtrum ad dirimendum tale matrimonium per viam accusationis sit procedendum.

Quæst. 3. Vtrum in tali causa procedendum sit per testes.

## DISTINCTIONIS XLII.

### Quæstio 1.

Art. 1. Vtrum spiritualis cognatio matrimonium impediat.

Art. 11. Vtrum per solum baptismum spiritualis propinquitas contrahatur.

Art. 111. Vtrum spiritualis cognatio contrahatur inter suscipientem sacramentum baptismi & levantem de sacro fonte.

Quæst. 2. Vtrum cognatio spiritualis transeat a viro in uxorem.

Quæst. 3. Vtrum transeat ad filios carnales patris spiritualis.

### Quæstio 11.

Art. 1. Vtrum convenienter adoptio diffiniatur.

Art. 11. Vtrum per adoptionem contrahatur aliquod vinculum impediens matrimonium.

Art. 111. Vtrum talis cognatio sit tantum inter patrem adoptantem & filium adoptatum.

### Quæstio 111.

Art. 1. Vtrum secundæ nuptiæ sint licitæ.

Art. 11. Vtrum secundum matrimonium sit sacramentum.

## DISTINCTIONIS XLIII.

### Quæstio 1.

Art. 1. Vtrum resurrectio corporum sit futura.

Quæst. 2. Vtrum resurrectio sit omnium generaliter.

Quæst. 3. Vtrum resurrectio sit naturalis, vel miraculosa.

Art. 11.

## ARTIC. & QUÆSTIUNC.

Art. 11. Vtrum resurrectio Christi sit causa nostræ resurrectionis.

Quæst. 2. Vtrum vox tubæ sit causa resurrectionis nostræ.

Quæst. 3. Vtrum Angeli operentur ad resurrectionem nostram.

Art. 111. Vtrum resurrectio debeat differti usque ad finem mundi.

Quæst. 2. Vtrum tempus resurrectionis sit occultum, vel manifestum.

Quæst. 3. Vtrum resurrectio fiet subito, vel successive.

Quæst. 4. Vtrum resurrectio sit noctis tempore.

Art. 1v. Vtrum mors sit terminus a quo resurrectionis in omnibus.

Quæst. 2. Vtrum resurrectio omnium sit a cineribus vel pulveribus.

Quæst. 3. Vtrum pulveres illi habeant naturalem inclinationem ad animam.

Art. v. Vtrum post resurrectionem cognoscat quilibet homo omnia peccata quæ fecit.

Quæst. 2. Vtrum quilibet possit legere conscientiam alterius.

Quæst. 3. Vtrum omnia merita, vel demerita uno intuitu possint videri.

### DISTINCTIONIS XLIV.

#### Quæstio 1.

Art. 1. Vtrum anima resumat idem corpus numero in resurrectione.

Quæst. 2. Vtrum idem corpus numero resurget.

Quæst. 3. Vtrum oporteat pulveres ad eandem partes in quibus fuerant ante dissolutionem, reverti.

Art. 11. Vtrum omnia membra corporis humani resurgent.

Quæst. 2. Vtrum capilli, & ungues resurgent in homine.

Quæst. 3. Vtrum humores in corpore resurgent.

Quæst. 4. Vtrum totum quod fuit in corpore de veritate humanæ naturæ, resurget in ipso.

Quæst. 5. Vtrum quicquid fuit materialiter in membris hominis, totum resurget.

Art. 111. Vtrum omnes resurgent in eadem ætate.

Quæst. 2. Vtrum omnes resurgent eiusdem naturæ.

Quæst. 3. Vtrum omnes resurgent in sexu virili.

Quæst. 4. Vtrum omnes resurgent in vita animali.

#### Quæstio 11.

Art. 1. Vtrum corpora sanctorum post resurrectionem erunt passibilia.

Quæst. 2. Vtrum impassibilitas in omnibus erit æqualis.

Quæst. 3. Vtrum impassibilitas sensum in actu a corporibus gloriosis excludat.

Quæst. 4. Vtrum sint ibi omnes sensus in actu.

Art. 11. Vtrum subtilitas quæ erit in corporibus glorificatis, sit proprietas corporis glorificati, idest ut sit subtilius luce, & vento.

Quæst. 2. Vtrum ratione huius subtilitatis competat corpori glorioso quod sit in eodem loco cum corpore non glorificato.

Quæst. 3. Vtrum per miraculum possit fieri quod duo corpora sint simul in eodem loco.

Quæst. 4. Vtrum corpus gloriosum possit esse in eodem loco cum alio glorioso.

Quæst. 5. Vtrum ex subtilitate sua careat necessitate existendi in æquali loco.

Quæst. 6. Vtrum corpus gloriosum ratione suæ subtilitatis sit impalpabile.

Art. 111. Vtrum corpora gloriosa futura sint agilia.

Quæst. 2. Vtrum corpora illa sua agilitate utantur, ut scilicet moveantur.

Quæst. 3. Vtrum moveantur in instanti.

Art. 1v. Vtrum corporibus gloriosis conveniat claritas.

Quæst. 2. Vtrum claritas corporis gloriosi possit videri ab oculo non glorioso.

Quæst. 3. Vtrum corpus gloriosum necessario videatur in corpore non glorioso.

#### Quæstio 111.

Art. 1. Vtrum corpora damnatorum resurgent cum deformitatibus suis.

Quæst. 2. Vtrum corpora damnatorum erunt corruptibilia.

Quæst. 3. Vtrum futura sint impassibilia.

Art. 11. Vtrum ignis infernalis quo corpora cruciabuntur, sit corporeus.

Quæst. 2. Vtrum ignis ille sit eiusdem speciei cum igne quem videmus.

Quæst. 3. Vtrum ignis ille sit sub terra.

Art. 111. Vtrum potentie sensitivæ remaneant in anima separata.

Quæst. 2. Vtrum actus sensitivarum potentialium remaneant.

Quæst. 3. Vtrum anima separata possit pati ab igne corporeo.



## ARTIC. & QUÆSTIUNC.

Quæst. 4. Vtrum post diem iudicii dæmones exequantur sententiam iudicis in damnatis.

Art. 111. Vtrum homines in iudicio comparere debeant.

Quæst. 2. Vtrum aliqui boni iudicandi sint.

Quæst. 3. Vtrum aliqui mali iudicandi sint.

Quæst. 4. Vtrum Angeli iudicandi sint in futuro iudicio.

Quæstio 11.

Art. 1. Vtrum aliqua mundi purgatio futura sit.

Quæst. 2. Vtrum hæc purgatio sit futura per ignem.

Quæst. 3. Vtrum ille ignis sit eiusdem speciei cum igne elementari.

Art. 11. Vtrum ille ignis conflagrationis purgaturus sit cælos superiores.

Quæst. 2. Vtrum consumpturus sit alia elementa.

Quæst. 3. Vtrum per ignem illum elementa omnia purganda sint.

Art. 111. Vtrum ignis ultimæ conflagrationis sequi debeat iudicium.

Quæst. 2. Vtrum per ignem illum consumendi sint homines, ut in littera dicitur.

Quæst. 3. Vtrum ignis ille debeat involvere malos.

### DISTINCTIONIS XLVIII.

Quæstio 1.

Art. 1. Vtrum Christus in forma servi sit iudicaturus.

Art. 11. Vtrum apparere debeat in forma humanitatis gloriosa.

Art. 111. Vtrum divinitas a malis sine gaudio videri possit.

Art. 1v. Vtrum adventum Domini ad iudicium præcedere debeant aliqua signa.

Quæst. 2. Vtrum circa diem iudicii secundum veritatem sol, & luna obscurari debeant.

Quæst. 3. Vtrum veniente Domino virtutes cælorum movendæ sint.

Quæst. 4. Vtrum iudicium fiet in valle Josaphat, aut in loco circumstanti.

Quæstio 11.

Art. 1. Vtrum mundus aliquando innovabitur.

Art. 11. Vtrum innovato mundo motus corporum cælestium cessabit.

Art. 111. Vtrum corporibus cælestibus claritas augeatur per innovationem.

Art. 1v. Vtrum elementa renoventur per receptionem alicuius claritatis.

Art. v. Vtrum plantæ, & animalia remaneant post innovationem.

### DISTINCTIONIS XLIX.

Quæstio 1.

Art. 1. Vtrum beatitudo in bonis corporis consistat.

Quæst. 2. Vtrum beatitudo magis consistat in his quæ sunt voluntatis, quam in his quæ sunt intellectus.

Quæst. 3. Vtrum magis consistat in actu intellectus practici quam speculativi.

Quæst. 4. Vtrum beatitudo in hac vita habeatur.

Art. 11. Vtrum beatitudo sit quid creatum, vel increatum.

Quæst. 2. Vtrum sit actus.

Quæst. 3. Vtrum beatitudo hominis sit idem quod vita æterna.

Quæst. 4. Vtrum sit idem quod pax.

Quæst. 5. Vtrum sit idem quod regnum Dei.

Art. 111. Vtrum omnes appetant beatitudinem.

Quæst. 2. Vtrum aliquis possit miseriam appetere.

Quæst. 3. Vtrum aliquis appetendo, beatitudinem mereatur.

Quæst. 4. Vtrum omne quod aliquis vult, propter beatitudinem velit.

Art. 1v. Vtrum beatitudo sanctorum sit maior futura post iudicium quam ante.

Quæst. 2. Vtrum beatitudo æqualiter participanda sit ab omnibus.

Quæst. 3. Vtrum gradus diversi beatitudinis mansiones dici debeant.

Quæst. 4. Vtrum mansiones distingui debeant penes gradus caritatis.

Quæstio 11.

Art. 1. Vtrum intellectus humanus possit pervenire ad videndum Deum per essentiam.

Art. 11. Vtrum sancti post resurrectionem Deum corporalibus oculis sint visuri.

Art. 111. Vtrum sancti videndo Deum comprehendant ipsum.

Art. 1v. Vtrum eorum qui vident per essentiam, unus alio videat perfectius.

Art. v. Vtrum sancti videntes Deum per essentiam omnia videant quæ Deus in se ipso videt.

Art. vi. Vtrum aliquis intellectus creatus ex propriis naturalibus possit Deum per essentiam videre.

Art. vii. Vtrum Deus in statu viæ possit videri per essentiam.

Quæstio 111.

Art. 1. Vtrum delectatio sit passio.

Quæst. 2. Vtrum delectatio in parte intellectiva animæ, vel in aliis substantiis spiritualibus possit esse.

Quæst.

## INDEX QUAESTIONUM &c.

Quæst. 3. Vtrum delectatio sit in tempore.  
Quæst. 4. Vtrum delectatio, & gaudium sint penitus idem.

Art. 11. Vtrum causa delectationis sit solum operatio connaturalis habitus non impedita.

Art. 111. Vtrum delectationi tristitia sit contraria.

Quæst. 2. Vtrum delectationi quæ est in considerando, sit aliqua tristitia contraria.

Quæst. 3. Vtrum tristitia fortius afficiat quam delectatio.

Art. 1v. Vtrum omnis delectatio sit bona.

Quæst. 2. Vtrum omnis tristitia sit mala.

Quæst. 3. Vtrum aliqua delectatio sit optimum.

Art. v. Vtrum delectationes corporales sint potiores spiritualibus.

Quæst. 2. Vtrum inter delectationes corporales sit potissima quæ est secundum tactum.

Quæst. 3. Vtrum inter spirituales potior sit delectatio quæ est in operibus activæ, quam quæ contemplativæ.

Quæst. 4. Vtrum in beatis hominibus sit æqualis delectatio.

### Quæstio 1v.

Art. 1. Vtrum in hominibus beatis ponenda sint aliquæ dotes.

Art. 11. Vtrum dos idem quod beatitudo sit.

Art. 111. Vtrum Christo competat habere dotes.

Art. 1v. Vtrum Angeli habeant dotes.

Art. v. Vtrum convenienter ponantur tres animæ dotes, scilicet dilectio, visio, fruitio.

Quæst. 2. Vtrum sint aliquæ dotes in corpore præter dotes animæ.

Quæst. 3. Vtrum dotes corporis convenienter assignentur quatuor, scilicet subtilitas, agilitas, claritas, & impassibilitas.

### Quæstio v.

Art. 1. Vtrum aureola sit aliud præmium ab essentiali præmio, quod dicitur aurea.

Art. 11. Vtrum aureola differat a fructu.

Quæst. 2. Vtrum fructus soli virtuti continentie debeatur.

Quæst. 3. Vtrum convenienter tres fructus tribus partibus continentie debeantur.

Art. 111. Vtrum virginitati debeatur aureola.

Quæst. 2. Vtrum martyribus aureola debeatur.

Quæst. 3. Vtrum doctoribus aureola debeatur.

Art. 1v. Vtrum Christo aureola debeatur.

Quæst. 2. Vtrum Angelis aureola debeatur.

Quæst. 3. Vtrum aureola corpori debeatur.

Art. v. Vtrum convenienter tres aureolæ assignentur, scilicet virginum, martyrum, & doctorum.

Quæst. 2. Vtrum aureola virginum sit prior, vel aureola doctorum, vel martyrum.

Quæst. 3. Vtrum unus aureolam virginitatis, vel martyrii, vel doctoris alio excellentius habeat.

## DISTINCTIONIS L.

### Quæstio 1.

Art. 1. Vtrum anima separata possit aliquid intelligere.

Art. 11. Vtrum anima separata aliquid intelligat per species quas corpori coniuncta abstraxit.

Art. 111. Vtrum anima separata singularia cognoscat.

Art. 1v. Vtrum distantia localis cognitionem animæ separatæ impediat.

### Quæstio 11.

Art. 1. Vtrum omnis voluntas damnatorum sit mala.

Quæst. 2. Vtrum damnati aliquando poeniteant de malis quæ fecerunt.

Quæst. 3. Vtrum damnati recta ratione, & deliberativa possint velle se non esse.

Quæst. 4. Vtrum damnati velint aliquos esse damnatos qui damnati non sunt.

Quæst. 5. Vtrum damnati habeant odio Deum.

Quæst. 6. Vtrum damnati demereantur.

Art. 11. Vtrum damnati possint uti nutritia quam in hoc mundo habuerunt.

Quæst. 2. Vtrum aliquando cogitent de Deo.

Quæst. 3. Vtrum damnati gloriam beatorum visuri sint.

Art. 111. Vtrum damnati in inferno sola poena ignis affligantur.

Quæst. 2. Vtrum vermis quo affliguntur, sit vermis corporalis.

Quæst. 3. Vtrum stertus qui erit in damnatis, erit corporalis.

Quæst. 4. Vtrum damnati sint in tenebris corporalibus.

Art. 1v. Vtrum sancti videant poenam damnatorum post diem iudicii.

Quæst. 2. Vtrum beati miseris damnatorum compatiantur.

Quæst. 3. Vtrum beati lætentur de poenis impiorum.

## F I N I S.

S C R I.



# LIBRI QUARTI

## SENTENTIARUM

### MAGISTRI PETRI LOM'BARDI

#### DISTINCTIO XXIII.

##### *De sacramento unctionis extremae.*

**P**Ræter præmissa est etiam aliud sacramentum, scilicet unctio infirmorum, quæ fit in extremis, oleo per Episcopum consecrato: & sunt tria genera unctionis. Est enim unctio quæ fit chrismate, quæ dicitur principalis unctio, quia in ea principaliter Paraclytus datur. Unde & propter abundantiam gratiæ duos liquores mixtos habet, oleum scilicet, & balsamum; oleum conscientiæ, balsamum bonæ fidei. Chrisma vero græce, unctio latine dicitur. Nec tamen omne oleum ad unctionem sanctificationis chrisma vocatur, sed illud solum quod miscetur cum balsamo; quo capita Regum, & Pontificum unguntur; quo etiam baptizatos sacerdos ungit in vertice, & Pontifex per impositionem manus confirmandos ungit in fronte. Est & alia unctio qua catechumeni, & neophyti unguntur in pectore, & inter scapulas in perceptione baptismi. Tertia vero unctio est quæ dicitur oleum infirmorum, de qua nunc agitur.

##### *A quibus institutum sit hoc sacramentum.*

**H**Oc sacramentum unctionis infirmorum ab Apostolis institutum legitur. Ait enim Iacobus (cap. v. 14.) „Infirmatur aliquis in vobis? inducat presbyteros „Ecclesiæ, & orent super eum, ungentes eum oleo in nomine Domini: & alleviabit eum Dominus, & si in peccatis fuerit, dimittentur ei.“ In quo ostenditur duplici ex causa sacramentum hoc institutum, scilicet ad peccatorum remissionem, & ad corporalis infirmitatis alleviationem. Unde constat eum qui hanc unctionem fideliter, devoteque percipit, & in corpore, & in anima alleviari, si tamen expedit ut in utroque allevietur. Quod si forte corporis valetudinem illi habere non expedit, illam quæ est animæ sanitatem in hoc sacramento acquirit. Et sicut in aliis sacramentis, ita & in isto aliud est sacramentum, aliud res sacramenti. Sacramentum est ipsa unctio exterior, res sacramenti unctio interior, quæ peccatorum remissione, & virtutum ampliatione perficitur. Et si ex contemptu, vel negligentia sacramentum hoc prætermittitur, periculosum est, & damnabile.

##### *De iteratione huius sacramenti.*

**Q**Uærent aliqui, si hoc sacramentum iterari possit, cum baptismus, & alia quædam sacramenta semel suscepta non iterentur. Augustinus (1) dicit (Lib. II. contra epist. Parmeniani cap. xiii.) sacramentum non iterandum, & sacramentum non faciendam esse iniuriam. Sed hoc dicit ubi (2) agit de sacramento baptismi, & ordinationis. Unde non videtur illud generaliter accipiendum, sed de sacramento baptismi, & confirmationis, & ordinationis, quæ nullatenus sunt repetenda: quia semel tantum, & non sæpius datur baptismus, & confirmatio, & ordinatio. Sacramentum vero altaris, & poenitentiae, & coniugii sæpe iterari videtur: quia sæpe sacramentum corporis percipitur, frequenter poenitentia agitur, coniugium sæpe contrahitur. Quare ergo unctio similiter non potest iterari? Si morbus non revertitur, medicina non iteretur. Si vero morbus non potest cohiberi, quare medicina debet prohiberi? Sicut oratio iterari potest, ita & unctio iterari posse videtur: utramque enim illic commemorat Iacobus, & utrumque illic cooperatur (3) ad conferendam alleviationem corporis, & animæ. Cur ergo negatur unctionem super infirmum pos-

*S. Th. Oper. Tom. XIII.*

**A** **le**

(1) Nicolai addit utique. (2) Al. ait. (3) Al. ferendam.

se iterari ad impetrandam sæpius sanitatem mentis, & corporis, cum propter infirmitatem eadem sæpe iteranda sit oratio? Quidam autem de omni sacramento intelligi volunt, quod non sit iterandum, scilicet secundum totum illud quod pertinet ad sacramentum, dicentes, quædam sacramenta sæpius posse suscipi, quædam vero non. Nec tamen quæ sæpius sumuntur, totaliter iterantur, ut sacramentum altaris, & unctionis; quæ licet sumantur sæpius, tamen quia non iterum benedicitur eadem hostia, vel idem oleum, non iteratur sacramentum cum iniuria. Sed dicit quis: Sic & baptismus non iteratur, etsi aliquis frequenter baptizatur, dum eadem aqua non iterum benedicitur. Sed aliud est, inquit illi, de benedictione aquæ, quæ fit baptisimus, aliud de benedictione panis, & olei. Potest enim baptisimus celebrari in aqua etiam non benedicta: quia illa benedictio pro reverentia tantum fit, & decore, non virtute sacramenti. Sed corpus Christi non potest confici nisi de pane consecrato; nec unctio illa fieri potest nisi de oleo ab Episcopo consecrato: ideoque illa sanctificatio ad virtutem sacramenti pertinere videtur. In coniugio quoque semel tantum benedicitur quisque, non sæpius. Benedicitur enim, ut ait Ambrosius (Ambrosiaster in I. Corinth. cap. vii.) cum prima, & non cum secunda uxore. Si ergo cum dicitur, sacramentum non esse iterandum, nec iniuriam ei esse faciendam, rationem dicti referas ad sanctificationem rei, quæ sacramentum expletur, de omni sacramento generaliter id verum est. Si vero ad susceptionem sacramenti, de quibusdam verum est, quod non iterantur crebra susceptione; de aliis vero quibusdam non, quia frequenter sumuntur, ut hoc unctionis sacramentum, quod in omni pene Ecclesia sæpe repetitur.

## DIVISIO TEXTUS.

Postquam determinavit Magister de baptismo, qui est sacramentum intrantum, & de confirmatione, eucharistia, penitentia, quæ sunt sacramenta progredientium, hic quinto loco determinat de extrema unctione, quæ est sacramentum exeuntium, & dividitur in partes duas. In prima determinat de ipso sacramento; in secunda de usu ipsius, ibi, *Querunt aliqui, si hoc sacramentum iterari possit.* Prima in duas. In prima distinguit hoc sacramentum ab aliis unctionibus. In secunda determinat omnia quæ ad hoc sacramentum pertinent, ibi, *Hoc sacramentum unctionis infirmorum ab Apostolis institutum legitur.* Et circa hoc tria facit. Primo determinat institutionem; secundo effectum, ibi, *In quo ostenditur duplici ex causa sacramentum hoc institutum;* tertio conformitatem istius sacramenti ad alia, ibi, *Et sic in aliis sacramentis, ita & in ipso aliud est sacramentum, aliud res sacramenti.*

*Querunt aliqui, si hoc sacramentum iterari possit.* Hic determinat de usu istius sacramenti: & dividitur in duo secundum duas opiniones quas tangit de iteratione istius sacramenti, & aliorum per consequens. (a) Secunda ostenditur ibi, *Quidam autem de omni sacramento intelligi volunt quod non sit iterandum.*

## QUAESTIO I.

Hic est duplex questio. Prima de ipso sacramento extremæ unctionis. Secunda de administratione, & usu ipsius. Circa primum quaruntur quatuor. Primo. De ipsa extrema unctione. Secundo. De effectu eius. Tertio. De materia ipsius. Quarto. De forma.

## ARTICULUS I.

*Utrum extrema unctio sit sacramentum.*

*IV. cont. Gentiles cap. 111.*

1. AD primum sic proceditur. Videtur quod extrema unctio non sit sacramentum. Quia sicut oleum assumitur ad infirmos, ita ad catechumenos. Sed unctio quæ fit oleo ad catechumenos non est sacramentum. Ergo nec extrema unctio quæ fit oleo ad infirmos.

2. Præterea. Sacramenta veteris legis fuerunt signa sacramentorum novæ legis. Sed extrema unctio non habuit aliquam figuram in veteri lege. Ergo non est sacramentum novæ legis.

3. Præterea. Secundum Dionysium (de eccl. hier. cap. v. part. 1.) omne sacramentum

(a) Nihil aliud. Prima ostenditur ibi, *Quare ergo unctio &c.* Secunda &c.

tum est vel ad purgandum, vel ad illuminandum, vel ad perficiendum. Sed extrema unctio non ponitur neque ad purgandum; neque ad illuminandum, quia hoc soli baptismo attribuitur; neque ad perficiendum, quia hoc secundum ipsum pertinet ad christum, & eucharistiam. Ergo extrema unctio non est sacramentum.

Sed contra. Sacramenta Ecclesiae sufficienter subveniunt defectibus hominum secundum quemlibet statum. Sed exeuntibus non subvenit aliud quam extrema unctio. Ergo ipsa est sacramentum.

Præterea. Sacramenta, ut supra dictum est dist. 1. nihil aliud sunt quam quædam spirituales medicinæ. Sed extrema unctio est quædam spiritualis medicina: quia valet ad remissionem peccatorum, ut habetur Iac. v. Ergo est sacramentum.

### QUAESTIUNCULA II.

1. Ulterius. Videtur quod extrema unctio non sit unum sacramentum. Quia unitas rei est ex sua materia, & ex sua forma, cum ex eodem res esse habeat, & unitatem. Sed forma huius sacramenti frequenter iteratur etiam eadem vice, & materia pluries in uncto adhibetur secundum diversas partes. Ergo non est unum sacramentum.

2. Præterea. Ipsa unctio est sacramentum: ridiculum enim est dicere, quod oleum sit sacramentum. Sed sunt plures unctiones. Ergo sunt plura sacramenta.

3. Præterea. Unum sacramentum ab uno ministro perfici debet. Sed in aliquo casu extrema unctio non potest perfici uno ministro, sicut si post primam unctionem factam sacerdos moriatur, tunc enim alius sacerdos debet ulterius procedere. Ergo extrema unctio non est sacramentum unum.

Sed contra est, quia sicut immersio se habet ad baptismum, ita se habet unctio ad hoc sacramentum. Sed plures immersiones sunt unum sacramentum baptismi. Ergo & plures unctiones sunt unum sacramentum.

Præterea. Si non esset unum sacramentum, tunc facta prima unctione non oporteret ad perfectionem sacramenti quod fieret secunda: quia quodlibet sacramentum per se habet esse perfectum. Sed hoc falsum est. Ergo est unum sacramentum.

### QUAESTIUNCULA III.

1. Ulterius. Videtur quod hoc sacramentum non fuit institutum a Christo. Quia de institutione sacramentorum quæ Christus in-

stituit, fit mentio in Evangelio, sicut de eucharistia, & baptismo. Sed nulla fit mentio de extrema unctione. Ergo non est a Christo instituta.

2. Præterea. Magister expresse dicit in littera, quod est institutum ab Apostolis. Ergo ipse Christus per se non instituit.

3. Præterea. Sacramentum eucharistiae, quod Christus instituit, etiam ipse per se exhibuit. Sed hoc sacramentum ipse nulli exhibuit. Ergo per se non instituit.

Sed contra. Sacramenta novæ legis sunt digniora quam sacramenta veteris legis. Sed omnia sacramenta veteris legis sunt ab ipso Deo instituta. Ergo multo fortius omnia sacramenta novæ legis habent institutionem ab ipso Christo.

Præterea. Eiusdem est statuere, & statuta removere. Sed Ecclesia quæ in successoribus Apostolorum habet eandem auctoritatem quam Apostoli habuerunt, non posset auferre sacramentum extremæ unctionis. Ergo Apostoli non instituerunt, sed ipse Christus.

### SOLUTIO I.

Respondeo dicendum ad primam questionem, quod in his quæ Ecclesia visibiliter operatur, quædam sunt sacramenta, ut baptismus; quædam sacramentalia, ut exorcismus, ut supra dist. vi. dictum est: quorum hæc est differentia, quia sacramentum dicitur illa actio Ecclesie quæ attingit ad effectum principaliter intentum in administratione sacramentorum; sed (\*) sacramentale dicitur illa actio quæ quamvis non pertingat ad illum effectum, tamen ordinatur alii quo modo ad illam actionem principalem. Effectus autem intentus in administratione sacramentorum est curatio morbi peccati. I. saiz xxvii. 9. (b) *Hic est omnis fructus, ut auferatur peccatum.* Et ideo cum ad hunc effectum pertingat extrema unctio, ut ex verbis Iacobi patet, nec ordinatur ad aliud sacramentum quasi ei annexum, constat quod extrema unctio non est sacramentale, sed sacramentum.

Ad primum ergo dicendum, quod oleum quo catechumeni unguuntur, sua unctione non perducit ad peccati remissionem, quia hoc ad baptismum pertinet; sed aliquo modo ad baptismum disponit, ut supra dist. vi. dictum est: & ideo non est sacramentum illa unctio, sicut unctio extrema.

Ad secundum dicendum, quod hoc sacramentum immediate hominem ad gloriam

A 2 dispo-

(a) -1, sacramentaliter. (b) Vulgata: & iste omnis fructus.

disponit, cum exeuntibus a corpore detur : & quia in veteri lege non erat adhuc tempus perveniendi ad gloriam, quia neminem ad gloriam adduxit lex ; ideo illud sacramentum ibi praefigurari non debuit per aliquod sacramentum sibi respondens, sicut per figuram eiusdem generis ; quamvis per figuras remotas aliquo modo figuratum sit in omnibus curationibus quae leguntur in veteri testamento.

Ad tertium dicendum, quod Dionysius non facit aliquam mentionem de extrema unctione, sicut nec de poenitentia, nec de matrimonio : quia ipse non intendit determinare de sacramentis, nisi quatenus per ea innotescere possent ecclesiasticae hierarchiae ordinata dispositio quantum ad ministros, & actiones ministrorum, & recipientes. Tamen cum per extremam unctionem aliquis consequatur gratiam, & remissionem peccatorum, non est dubium quod habet vim illuminativam, & purgativam, sicut baptismus, quamvis non ita plenam.

#### SOLUTIO II.

Ad secundam quaestionem dicendum, quod unum numero, per se loquendo, dicitur tripliciter. Uno modo sicut indivisibile, quod nec actu, nec potentia est plura, ut punctus, & unitas. Alio modo sicut continuum, quod quidem est unus actu, sed plura potentia, ut linea. Sed tertio modo sicut perfectum aliquid quod ex pluribus partibus constituitur, ut domus, quod est multaque modo etiam actu, sed illa multa conveniunt in aliquo uno : & hoc modo quodlibet sacramentum dicitur unum, inquantum multa quae sunt in uno sacramento, adunantur ad unum significandum, vel causandum, quia sacramentum signando causat. Et ideo quando una actio sufficit ad perfectam significationem, unitas sacramenti consistit in illa actione tantum, sicut patet in confirmatione : quando autem significatio sacramenti potest esse & in una, & in multis actionibus, tunc sacramentum perfici potest & una actione, & pluribus, sicut baptismus in una immersione, & tribus : quia ablutio quae significatur in baptismo, potest esse per unam immersionem, vel per multas. Quando autem perfecta significatio non potest esse nisi per plures actiones, tunc plures actiones sunt de perfectione sacramenti, sicut patet de eucharistia : quia refectio corporalis, quae significat spirituales, non potest esse nisi per cibum, & potum : & similiter est in hoc sacramento, quia curatio interiorum vulnerum non

potest perfecte significari nisi per appositionem medicinae ad diversas vulnerum radices : & ideo plures actiones sunt de perfectione huius sacramenti.

Ad primum ergo dicendum, quod unitas totius perfecta non tollitur propter diversitatem materiae, aut formae, quae est in partibus totius ; sicut constat quod non eadem materia est carnis & ossis, ex quibus constituitur unus homo, nec eadem forma : & similiter etiam in sacramento eucharistiae, & in hoc sacramento pluralitas materiae, & formarum unitatem sacramenti non tollit.

Ad secundum dicendum, quod quamvis illae actiones sint plures simpliciter, tamen uniuntur in una perfecta actione, quae est unctio omnium exteriorum sensuum, quibus hauritur morbus interior.

Ad tertium dicendum, quod quamvis in eucharistia, si post consecrationem panis moriatur sacerdos, alius sacerdos possit ad consecrationem vini incipere ubi ille dimisit, vel etiam incipere a capite supra materiam ; tamen in extrema unctione non potest a capite incipere, sed debet semper procedere : quia unctio in eadem parte facta, tantum valet ac si consecraretur bis eadem hostia, quod nullo modo sciendum est. Nec tamen ministrorum pluralitas tollit unitatem sacramenti, quia instrumentaliter tantum operantur ; mutatio autem martellorum non tollit unitatem operationis fabri.

#### SOLUTIO III.

Ad tertiam quaestionem dicendum, quod circa hoc est duplex opinio. Quidam enim dicunt, quod sacramentum illud, & confirmationis, Christus non instituit per se, sed Apostolus instituendum dimisit : quia haec duo propter plenitudinem gratiae quae in eis confertur, non potuerunt ante Spiritus sancti missionem plenissimam institui : unde sunt ita sacramenta novae legis, quod in veteri lege figuram non habuerunt. Sed haec ratio non multum cogit : quia sicut Christus ante passionem promisit plenam Spiritus sancti missionem, ita potuit instituire haec sacramenta. Et ideo alii dicunt, quod omnia sacramenta Christus instituit per seipsum ; sed quaedam per seipsum promulgavit, quae sunt maioris difficultatis ad credendum ; quaedam autem Apostolis promulganda reservavit, sicut extremam unctionem, & confirmationem. Et haec opinio pro tanto videtur probabilior, quia sacramenta ad fundamentum legis pertinent, & ideo ad legislatorem pertinet eorum institutio : & iterum quia ex institutio-

ne efficaciam habent, quæ eis non nisi divinitus est.

Ad primum ergo dicendum, quod multa Dominus fecit, & dixit quæ in Evangeliiis non continentur. Illa enim præcipue curaverunt Evangelistæ tradere quæ ad salutis necessitatem, (a) & ad ordinem ecclesiasticæ dispositionis pertinent: & ideo potius institutionem baptismi, & poenitentiae, & eucharistiæ, & ordinis a Christo factam narrauerunt, quam extremæ unctionis, vel confirmationis, quæ neque sunt de necessitate salutis, neque ad dispositionem, sive distinctionem Ecclesiæ pertinent. Tamen etiam de olei unctione fit mentio in Evangelio Matth. vi. ubi dicitur, quod Apostoli oleo ungebant infirmos.

Ad secundum dicendum, quod Magister dicit ab Apostolis institutum, quia per doctrinam Apostolorum nobis promulgata est eius institutio.

Ad tertium dicendum, quod Christus, sicut in præcedenti dist. (quaest. 11. art. 3. quaest. 3.) dictum est, non exhibuit aliquod sacramentum, nisi quod ipse accepit in exemplum. Accipere autem poenitentiam, & extremam unctionem sibi non competebat, quia sine peccato erat: & ideo ipse non exhibuit.

## ARTICULUS II.

*Utrum extrema unctio valeat ad remissionem peccatorum.*

*IV. contra Gentil. ubi supra.*

1. **A**D secundum sic proceditur. Videtur quod extrema unctio non valeat ad remissionem peccatorum. Ad hoc enim quod per unum potest effici, aliud non exigitur. Sed in eo qui extremam unctionem accipit, requiritur ad peccatorum remissionem poenitentia. Ergo per extremam unctionem non dimittuntur peccata.

2. Præterea. In peccato non sunt nisi tria, macula, reatus poenæ, & reliquæ peccati. Sed per extremam unctionem non remittitur peccatum quo ad maculam sine contritione, quæ etiam sine unctione remittit; nec iterum quo ad poenam, quia adhuc si convalescat, tenetur perficere satisfactionem iniunctam; nec quo ad reliquias culpæ, quia adhuc remanent dispositiones ex actibus præcedentibus relictæ, ut patet post convale-

scientiam. Ergo nullo modo per extremam unctionem fit peccatorum remissio.

3. Præterea. Remissio peccatorum non fit successive, sed in instanti. Sed extrema unctio non fit tota simul, quia plures unctiones requiruntur. Ergo eius effectus non est remissio peccatorum.

Sed contra est quod dicitur Iac. v. 15. *Si in peccatis est, dimittentur ei.*

Præterea. Omne sacramentum novæ legis gratiam confert. Sed per gratiam fit remissio peccatorum. Ergo extrema unctio, cum sit sacramentum novæ legis, operatur ad remissionem peccati.

## QUAESTIUNCULA II.

1. Ulterius. Videtur quod sanitas corporalis non sit effectus huius sacramenti. Omne enim sacramentum est medicina spiritualis. Sed spiritualis medicina ad spirituales sanitates ordinatur, sicut corporalis ad corporalem. Ergo sanitas corporalis non est effectus huius sacramenti.

2. Præterea. Sacramentum semper habet effectum suum in eo qui non sic accedit. Sed quandoque non sanatur corporaliter suscipiens hoc sacramentum, quantumcumque devotus accipiat. Ergo sanitas corporalis non est effectus eius.

3. Præterea. Efficacia huius sacramenti Iacob v. nobis ostenditur. Sed ibi non attribuitur (b) sanationis effectus unctioni, sed orationi: dicit enim: (c) *Oratio fidei sanabit infirmum.* Ergo corporalis sanatio non est effectus huius sacramenti.

Sed contra. Operatio Ecclesiæ habet maiorem efficaciam post Christi passionem quam ante. Sed ante oleo iniuncti per Apostolos sanabantur, ut patet Matth. vr. Ergo & nunc habet effectum in corporali sanatione.

Præterea. Sacramenta significando efficiunt. Sed baptismus per ablutionem corporalem, quam exterius facit, significat, & efficit spirituales. Ergo & extrema unctio per sanationem corporalem, quam exterius efficit, significat, & causat spirituales.

## QUAESTIUNCULA III.

1. Ulterius. Videtur quod hoc sacramentum characterem imprimat. Character enim est signum distinctivum. Sed sicut baptizatus distinguitur a non baptizato, ita unctus a non uncto. Ergo sicut baptismus imprimat characterem, ita extrema unctio.

2. Præterea. In ordinis, & confirmationis

(a) M. & ecclesiasticæ &c. (b) M. sanatio. Nicolai: sanatio quasi effectus. (c) Vulgata; & oratio fidei sanabit infirmum.

nis sacramentis est unctio, sicut & in hoc sacramento. Sed in illis imprimitur character. Ergo & in isto.

3. Præterea. In omni sacramento est aliquid quod est res tantum, aliquid quod est sacramentum tantum, aliquid quod est res & sacramentum. Sed non potest aliquid assignari in hoc sacramento quod sit res. & sacramentum nisi character. Ergo in hoc sacramento imprimitur character.

Sed contra. Nullum sacramentum imprimens characterem iteratur. Hoc autem iteratur, ut dicitur. Ergo non. Imprimitt characterem.

Præterea. Distinctio quæ fit secundum characterem sacramentalem, est distinctio eorum qui sunt in presenti Ecclesia. Sed extrema unctio conferitur ei qui de presenti Ecclesia exit. Ergo non decet quod in eo. character conferatur.

#### SOLUTIO I.

Respondeo dicendum ad primam questionem, quod quolibet sacramentum est institutum principaliter ad unum effectum, quamvis etiam alios ex consequenti inducere possit, quia sacramentum efficit quod figurat: ideo ex ipsa significatione sacramenti debet accipi eius principalis effectus. Adhibetur autem hoc sacramentum secundum modum cuiusdam medicationis, sicut baptismus per modum abluionis. Medicina autem est ad pellendum infirmitatem: unde principaliter hoc sacramentum est institutum ad sanandum infirmitatem peccati, ut sicut baptis- mus est quædam spiritualis regeneratio, & poenitentia quædam spiritualis suscitatio; ita & extrema unctio sit quædam spiritualis sanatio, vel medicatio. Sicut autem corporalis medicatio præsupponit corporalem vitam in medicato, ita spiritualis spiritualem: & ita hoc sacramentum non datur contra defectus quibus spiritualis vita tollitur, scilicet peccatum originale, & mortale, sed contra illos defectus quibus homo spiritualiter infirmatur, ut non habeat perfectum vigorem ad usum vite gratiæ, vel gloriæ: & hic defectus nihil est aliud quam quædam debilitas, & ineptitudo quæ in nobis relinquitur ex peccato actuali, vel originali; & contra hanc debilitatem homo roboratur per hoc sacramentum. Sed quia hoc robur gratia facit, quæ secum non compatitur peccatum, ideo ex consequenti si invenit peccatum ali- quod vel mortale, vel veniale quo ad culpam, tollit ipsum, dummodo non ponatur obex ex parte recipientis, sicut etiam de eu-

charistia, & confirmatione supra dictum est: & ideo etiam Iacobus de remissione peccati conditionaliter loquitur dicens: *Si in peccatis sit, dimittentur ei* quo ad culpam: non enim semper delet peccatum, quia non semper invenit; sed semper remittit quo ad debilitatem prædictam, quam quidam reliquias peccati dicunt. Quidam vero dicunt, quod principaliter est institutum propter veniale, quod quidem non potest, dum hæc vita agitur, perfecte curari: & ideo sacramentum exeuntium specialiter contra veniale ordinatur. Sed hoc non videtur verum: quia poenitentia sufficienter est iam in hac vita delet veniale quo ad culpam. Quod autem non possunt evitari post peccatum poenitentiam, non auferit præcedenti poenitentia suum effectum: & iterum hoc pertinet ad debilitatem prædictam. Unde dicendum, quod principalis effectus huius sacramenti est remissio peccatorum quo ad reliquias peccati, ex consequenti autem quantum ad culpam, si eam inveniat.

Ad primum ergo dicendum, quod quamvis effectus principalis alicuius sacramenti possit haberi sine actuali perceptione illius sacramenti, vel sine sacramento, vel per aliud sacramentum ex consequenti; numquam tamen potest haberi sine proposito illius sacramenti: & ideo quia poenitentia est principaliter instituta contra actuale culpam, quodcumque aliud sacramentum actuale culpam deleat ex consequenti, non excludit necessitatem poenitentia.

Ad secundum dicendum, quod extrema unctio aliquo modo quantum ad illa tria remittit peccatum. Quamvis enim culpa quo ad maculam sine contritione non dimittatur, tamen hoc sacramentum per gratiam quam infundit, facit quod ille motus liberi arbitrii in peccatum sit contritio, sicut etiam in eucharistia, & confirmatione potest accidere. Similiter etiam & reatum poenæ temporalis dimittit, sed ex consequenti, in quantum debilitatem tollit: quia eandem poenam levius portat fortis quam debilis: unde non oportet quod propter hoc minuat satisfactoris mensura. Reliquæ autem peccati non dicuntur hic dispositiones ex actibus reliquæ, quæ sunt quidam habitus inchoati; sed quædam spiritualis debilitas in ipsa mente existens, quæ sublata, etiam eisdem habitibus, vel dispositionibus manentibus, non ita potest inclinari mens. ad peccata.

Ad tertium dicendum, quod quando sunt mul-

multae actiones ordinatae ad unum effectum, ultima est formalis respectu omnium praecedentium, & agit in virtute earum: & ideo in ultima unctione gratia infunditur, quae effectum sacramenti praebet.

## SOLUTIO II.

Ad secundam quaestionem dicendum, quod sicut baptismus per ablutionem corporalem facit spirituales emundationem a maculis spiritualibus; ita hoc sacramentum per medicationem sacramentalem exteriorem facit sanationem interiore. Et sicut ablutio baptismi habet effectum corporalis ablutionis, quia etiam corporalem mundationem facit; ita etiam extrema unctio habet effectum corporalis medicationis, scilicet corporalem sanationem. Sed haec est differentia: quia corporalis ablutio ex ipsa naturali proprietate elementi facit corporalem mundationem, & ideo semper eam facit; sed extrema unctio non facit corporalem sanationem ex proprietate naturali materiae, sed ex virtute divina, quae operatur rationabiliter. Et quia ratio operans numquam inducit secundarium effectum, nisi secundum quod expedit ad principalem; ideo ex hoc sacramento non sequitur corporalis sanatio semper, sed quando expedit ad spirituales sanationem; & tunc semper eam inducit, dummodo non sit impedimentum ex parte recipientis.

Ad primum ergo dicendum, quod obiectio illa probat quod corporalis sanitas non sit effectus principalis huius sacramenti; & hoc verum est.

Ad secundum patet solutio ex dictis.

Ad tertium dicendum, quod oratio illa est forma istius sacramenti, ut dicitur: & ideo hoc sacramentum ex sua forma habet efficaciam, quantum est de se, ad sanitatem corporalem.

## SOLUTIO III.

Ad tertiam quaestionem dicendum, quod, sicut supra dist. xv. (quaest. 1. art. 4. quaest. 1. & 2.) dictum est, character non imprimitur nisi in illis sacramentis quibus homo ad aliquod sacrum deputatur. Hoc autem sacramentum est solum in remedium, & non deputatur per ipsum homo ad aliquod sacrum agendum, vel suscipiendum: & ideo non imprimitur in eo character.

Ad primum ergo dicendum, quod character facit distinctionem statuum quantum ad ea quae in Ecclesia agenda sunt; & talem

distinctionem homo non habet ab aliis per hoc quod ipse est inunctus.

Ad secundum dicendum, quod unctio quae fit in ordine, & confirmatione, est unctio consecrationis, qua homo deputatur ad aliquod sacramentum; sed haec unctio est unctio medicationis: & ideo non est simile.

Ad tertium dicendum, quod in hoc sacramento res, & sacramentum non est character, sed quaedam interior devotio, quae est spiritualis (a) unctio.

## ARTICULUS III.

*Utrum oleum olivae sit conveniens materia huius sacramenti.*

*IV. contr. Genr. ubi sup.*

1. **A**D tertium sic proceditur. Videtur quod oleum olivae non sit conveniens materia huius sacramenti. Quia hoc sacramentum immediate ad corruptionem ordinatur. Sed incorruptio signatur (b) per balsamum, quod in chrismate ponitur. Ergo chrisma esset convenientior huius sacramenti materia.

2. Praeterea. Hoc sacramentum est spiritualis medicatio. Sed spiritualis medicatio per vini appositionem significatur, sicut patet Luc. x. in parabola de faciatore. Ergo vinum esset convenientior huius sacramenti materia.

3. Praeterea. Ubi est maius periculum, ibi debet communius remedium adhiberi. Sed oleum olivae non est commune remedium, quia non invenitur in qualibet terra. Ergo cum hoc sacramentum detur exentibus, qui sunt in maximo periculo, videtur quod oleum olivae non sit materia conveniens.

Sed contra est quod Iac. v. oleum materia huius sacramenti determinatur. Sed solum proprie non dicitur nisi oleum olivae. Ergo est materia huius sacramenti.

Praeterea. Spiritualis sanatio per olei unctionem significatur, ut patet Isa. i. ubi dicitur: *Plaga tumens non est . . . curata medicamine, neque fota oleo*. Ergo conveniens materia huius sacramenti est oleum.

## QUAESTIUNCULA II.

1. Ulterius. Videtur quod non oporteat esse oleum consecratum. Quia hoc sacramentum habet unam sanctificationem in usu per formam verborum. Ergo superfluum alia

san.

(a) *id. deest* unctione. (b) *id.* per baptismum qui chrismate.

saſſificatio, ſi ad materiam ipſius fiat.

2. Præterea. Sacramenta habent efficaciam, & ſignificationem in ipſa materia. Sed ſignificatio effectus huius ſacramenti competit oleo ex naturali proprietate, efficacia autem ex inſtitutione divina. Ergo non eſt neceſſaria aliqua ſanctificatio materię.

3. Præterea. Baptiſmus eſt perfectius ſacramentum quam extrema unctio. Sed in baptiſmo non præſignitur materię ſanctificatio, quantum eſt de neceſſitate ſacramenti. Ergo nec in extrema unctione.

Sed contra eſt, quia in omnibus aliis unctionibus eſt materia conſecrata prius. Ergo eum hoc ſacramentum ſit quædam unctio, requiritur materiam conſecratam.

### QUAESTIUNCULA III.

r. Ulterius. Videtur quod non oporteat materiam huius ſacramenti eſſe conſecratam per Episcopum. Quia dignior eſt conſecratio materię in ſacramento eucharistię quam in hoc ſacramento. Sed in eucharistia materiam ſacerdos poteſt conſecrare. Ergo & in hoc ſacramento.

2. Præterea. In operationibus corporali- bus ars dignior numquam præparat materiam inferiori: quia dignior eſt quæ utitur quam quæ materiam præparat, ut dicitur in II. Phyc. (text. com. xxv.) Sed Episcopus eſt ſupra ſacerdotem. Ergo non præparat materiam in illo ſacramento quo ſacerdos utitur. Sed ſacerdos diſpenſat hoc ſacramentum, ut dicitur. Ergo conſecratio materię non pertinet ad Episcopum.

Sed contra eſt, quia etiam in aliis unctionibus materia per Episcopum conſecratur. Ergo debet ita eſſe in iſta.

### SOLUTIO I.

Reſpondeo dicendum ad primam quæſtionem, quod ſpiritalis curatio quæ in ſine adhibetur, debet eſſe perfecta, quia poſt eam alia non relinquatur, & lenis, ut ſpes, quæ exeuntibus maxime eſt neceſſaria, non frangatur, ſed foveatur. Oleum autem lenitivum eſt, & penetrativum uſque ad intima, & etiam diſſuſivum: & ideo quantum ad utrumque prædictorum eſt conveniens materia huius ſacramenti: & quia oleum principaliter nominatur olivę liquor, cum alii liquores ex ſimilitudine ad ipſum olei nomen accipiant; ideo oleum olivę etiam debet eſſe quod aſſumitur in materiam huius ſacramenti.

Ad primum ergo dicendum, quod incorruptio glorię eſt res non contenta in hoc

ſacramento; nec oportet quod tali rei ſignificatio materię reſpondeat: unde non oportet quod baſſamum ponatur in materia huius ſacramenti, quia baſſamum propter odorem pertinet ad bonitatem ſamę, quæ de cetero non indiget propter ſe exeuntes, ſed indigent tantum nitore conſcientię, qui per oleum ſignificantur.

Ad ſecundum dicendum, quod vinum ſanatur mordicando, oleum leniendo: & ideo curatio per vinum magis pertinet ad poenitentiam, quam ad hoc ſacramentum.

Ad tertium dicendum, quod oleum olivę quamvis non ubique creſcat, tamen de ſacriſanctiſſimo poteſt ad quemlibet locum transferri: & præterea hoc ſacramentum non eſt tantę neceſſitatis, quod exeuntes ſine hoc ſacramento non poſſint ſalutem conſequi.

### SOLUTIO II.

Ad ſecundam quæſtionem dicendum, quod quidam dicunt, quod oleum ſimplex eſt materia huius ſacramenti, & in ipſa ſanctificatione olei, quæ fit per Episcopum, perſicitur ſacramentum. Sed hoc patet eſſe falſum ex his quæ de eucharistia diſta ſunt, ubi oſenſum eſt quod ſolum illud ſacramentum conſiſtit in conſecratione materię. Et ideo dicendum, quod hoc ſacramentum conſiſtit in ipſa unctione, ſicut baptiſmus in ablutione: & materia huius ſacramenti eſt oleum ſanctificatum. Poteſt autem triplex ratio aſſignari, quare exigitur materię ſanctificatio in hoc ſacramento, & in quibuſdam aliis. Prima eſt, quia omnis efficacia ſacramentorum a Chriſto deſcendit: & ideo ſacramenta illa quibus ipſe eſt uſus, habent efficaciam ex ſuo uſu, ſicut taſtu ſuę carnis vim regenerativam contulit aquis. Sed hoc ſacramento non eſt uſus, nec aliqua corporali unctione: & ideo in omnibus unctionibus requiritur ſanctificatio materię. Secunda cauſa eſt propter plenitudinem gratię quæ conſertur non ſolum ut culpam tollat, ſed etiam reliquias, & infirmitatem corporis. Tertia eſt ex hoc quod effectus eius corporalis, ſcilicet ſanatio corporalis, non cauſatur ex materię naturali proprietate: & ideo oportet quod hæc efficacia ſibi per ſanctificationem detur.

Ad primum ergo dicendum, quod prima ſanctificatio eſt materię ſecundum ſe; ſed ſecunda magis pertinet ad uſum ipſius, ſecundum quod eſt actu conferens effectum ſuum: & ideo neutra ſuperfluit: quia etiam inſtrumenta efficaciam accipiunt ab artifice & dum ſunt, & dum ad actum applicantur.

Ad



Ad secundum dicendum, quod illa efficacia quae est ex institutione sacramenti, applicatur huic materiae per sanctificationem.

Ad tertium patet solutio ex dictis.

### SOLUTIO III.

Ad tertiam questionem dicendum, quod minister sacramenti non propria virtute effectum sacramenti inducit ut principale agens, sed per efficaciam sacramenti quod dispensat: quae quidem efficacia primo est a Christo, & ab ipso in alios descendit ordinate, scilicet in populum mediantibus ministris qui sacramenta dispensant, & in ministris inferioribus mediantibus superioribus qui materiam sanctificant: & ideo in omnibus sacramentis quae indigent materia sanctificata, prima sanctificatio materiae fit per Episcopum, & usus quandoque per sacerdotem, ut ostendatur sacerdotalis potestas ab episcopali derivata, secundum illud Psalm. cxxxii. 2. *Sicut unguentum in capite*, quod prius descendit in barbam, deinde usque ad oram vestimenti.

Ad primum ergo dicendum, quod sacramentum eucharistiae consistit in ipsa materiae sanctificatione, non autem in usu: & ideo proprie loquendo, illud quod est materia sacramenti non est quid consecratum: unde non praexigitur aliqua sanctificatio circa materiam per Episcopum facta; sed exigitur sanctificatio altaris, & huiusmodi, & etiam ipsius sacerdotis, quae non nisi per Episcopum fieri potest. Unde in illo etiam sacramento ostenditur potestas sacerdotalis ab Episcopo derivata, ut Dionysius dicit (de eccles. Hierar. cap. 111. part. 3.) Ideo autem illam consecrationem materiae potest facere sacerdos quae est in se sacramentum, & non illam quae ut sacramentale quoddam ordinatur ad sacramentum quod consistit in usu fidelium, quia quantum ad corpus Christi verum nullus ordo est supra sacerdotium, sed quantum ad corpus Christi mysticum episcopalis ordo est supra sacerdotalem, ut in sequenti dist. dicitur.

Ad secundum dicendum, quod materia sacramenti non est talis materia ut in qua fiat aliquid per eum qui ea utitur, sicut est in artibus mechanicis; sed ut cuius virtute aliquid fiat: & sic participat aliquid de ratione causae agentis, inquantum est instrumentum quoddam divinae operationis, ut supra dist. 1. (quaest. 1. art. 4. quaest. iunc. 1.) dictum est: & ideo oportet quod a superiori arte, vel potestate talis virtus materiae acquiratur: quia in causis agentibus

quanto aliquod agens est prius, tanto perfectius; in causis autem pure materialibus, quanto materia est prior, tanto imperfectior.

### ARTICULUS IV.

*Utrum hoc sacramentum habeat aliquam formam.*

*Opusc. xxx. cap. 7.*

1. **A**D quantum sic proceditur. Videtur quod hoc sacramentum non habeat aliquam formam. Cum enim efficacia sacramentorum sit ab institutione, & item a forma, oportet quod forma tradatur ab ipso qui sacramentum instituit. Sed forma huius sacramenti non invenitur tradita neque a Christo, neque ab Apostolis. Ergo sacramentum non habet aliquam formam.

2. Praeterea. Quae sunt de necessitate sacramenti, observantur eodem modo apud omnes. Sed nihil est magis de necessitate sacramenti habentis formam quam ipsa forma. Ergo cum non sit aliqua forma communiter observata ab omnibus in hoc sacramento, quia diversi diversis verbis utuntur, videtur quod hoc sacramentum non habeat aliquam formam.

3. Praeterea. In baptismo non requiritur forma nisi ad sanctificationem materiae, quia est aqua verbo vitae diluendis criminibus sanctificata, ut supra dictum est. Sed hoc sacramentum habet materiam prius sanctificatam. Ergo non indiget aliqua forma verborum.

Sed contra est quod Magister supra dixit dist. 1. quod omne sacramentum novae legis consistit in rebus, & in verbis. Verba autem sunt forma sacramenti. Ergo cum hoc sit sacramentum novae legis, videtur quod habeat formam.

Praeterea. Ad hoc est titulus universalis Ecclesiae, quae quibusdam verbis utitur in collatione huius sacramenti.

### QUAESTIUNCULA II.

1. **U**lterius. Videtur quod forma huius sacramenti debeat proferri per orationem indicativam, & non per deprecativam. Quia omnia sacramenta novae legis habent certum effectum. Sed certitudo effectus non exprimitur in formis sacramentorum, nisi per orationem indicativam, ut cum dicitur. *Hoc est corpus meum*; vel, *Ego baptizo te*. Ergo debet esse forma huius sacramenti oratio indicativa.

B

1. PR-

2. Præterea. In formis sacramentorum oportet exprimi intentio ministri, quæ requiritur ad sacramentum. Sed intentio confrendi sacramentum non exprimitur nisi per orationem indicativam. Ergo &c.

3. Præterea. In quibusdam Ecclesiis dicuntur huiusmodi verba in collatione huius sacramenti: *Ungo hos oculos oleo sanctificationis, in nomine Patris &c.* \* & hoc est conforme aliis formis sacramentorum. Ergo videtur quod in hoc consistat forma huius sacramenti.

Sed contra. Illud quod est forma sacramenti, ab omnibus oportet quod servetur. Sed verba prædicta non dicuntur secundum consuetudinem omnium Ecclesiarum, sed tantum verba deprecativa, scilicet, *Per infusionem, & suam piissimam misericordiam indulget tibi Dominus quidquid deliquisti per visum &c.* Ergo forma huius sacramenti est oratio deprecativa.

Præterea. Hoc videtur ex verbis Iacobi ( cap. III. 15. ) qui attribuit efficaciam huius sacramenti orationi. *Oratio*, inquit, *fidei* ( a ) *sanabit infirmum*. Ergo cum efficacia sacramenti sit ex forma, videtur quod forma huius sacramenti sit prædicta oratio.

### QUAESTIUNCULA III.

1. Ulterius. Videtur quod prædicta oratio non sit competens forma huius sacramenti. Quia in formis aliorum sacramentorum fit mentio de materia ( sicut patet in confirmatione ) quæ non fit in verbis prædictis. Ergo non est conveniens forma.

2. Præterea. Sicut effectus huius sacramenti provenit in nos per misericordiam divinam, ita & aliorum sacramentorum. Sed in forma aliorum sacramentorum non fit mentio de misericordia divina, sed magis de Trinitate, & de passione. Ergo similiter debet hic esse.

3. Præterea. Duplex effectus huius sacramenti in littera ponitur. Sed in verbis prædictis non fit mentio nisi de uno, scilicet remissione peccatorum; non autem de corporali sanatione, ad quam Iacobus ordinat orationem fidei dicens ( loc. cit. ) *Oratio fidei sanabit infirmum*. Ergo forma prædicta est incompetens.

### SOLUTIO I.

Respondeo dicendum ad primam quæstio-

nem, quod quidam dixerunt, quod nulla forma est de necessitate huius sacramenti. Sed hoc videtur derogare effectui huius sacramenti: quia omne sacramentum efficit signando; signatio autem materiæ non determinatur ad effectum determinatum, cum ad multa se possit habere, nisi per formam verborum: & ideo in omnibus sacramentis novæ legis, quæ efficiunt quod figurant, oportet esse & res, & verba, ut supra distinct. t. Magister dixit. Et præterea Iacobus totam vim huius sacramenti videtur consistere in oratione, quæ est forma huius sacramenti, ut dicitur: & ideo prædicta opinio præsumptuosa videtur, & erronea. Et præterea hoc dicendum, sicut communiter dicitur, quod habet formam determinatam, sicut & alia sacramenta.

Ad primum ergo dicendum, quod sacra Scriptura omnibus communiter proponitur: & ideo forma baptismi, quia ab omnibus dari potest, debet in sacra Scriptura exprimi: & similiter forma eucharistiæ, quæ exprimit fidem illius sacramenti, quæ est de necessitate salutis. Sed formæ aliorum sacramentorum non inveniuntur in Scriptura tradita, sed Ecclesia ex traditione Apostolorum habet, qui a Domino acceperunt, ut dicit Apostolus I. Corinth. XI. 23. *Ego enim accepi a Domino quod & tradidi vobis*.

Ad secundum dicendum, quod illa verba quæ sunt de essentia formæ, scilicet oratio deprecativa, ab omnibus dicuntur; sed alia quæ sunt de bene esse, non observantur ab omnibus.

Ad tertium dicendum, quod materia baptismi habet quamdam sanctificationem per se ex ipso tactu carnis Salvatoris; sed ex forma verborum accipit sanctificationem actu sanctificantem: & similiter post sanctificationem materiæ huius sacramenti secundum se, requiritur sanctificatio in usu, per quam actu sanctificet.

### SOLUTIO II.

Ad secundam quæstionem dicendum, quod forma huius sacramenti est oratio deprecativa, ut patet per verba Iacobi, & ex usu Romanæ Ecclesiæ, quæ solum verbis deprecativis utitur in collatione huius sacramenti: cuius ratio multiplex assignatur. Primo quia suscipiens sacramentum hoc, est viribus propriis destitutus, unde indiget orationibus sublevari. Secundo quia datur exeuntibus, qui

( a ) Vulgata, *salvabit*.

\* EX EDIT. P. NICOLAI. Sic in antiquo Rituali Ratoldi, quod in suis ad Gregorii Sacramentarium notis Menardus refert, cum hac tamen conclusione, *Per Dominum nostrum Iesum Christum*.

qui iam desinunt de foro Ecclesiae esse, & in solius Dei manu (a) requiescunt: unde & ei per orationem committuntur. Tertio quia hoc sacramentum non habet aliquem effectum qui semper ex operatione ministrum consequatur, omnibus quoque sunt de essentia sacramenti, rite peractis, sicut character in baptismo, & confirmatione, & transubstantiatio in eucharistia, & remissio peccati in poenitentia existente contritione, quae est de essentia sacramenti poenitentiae, (b) non autem de essentia huius sacramenti: & ideo in hoc sacramento non potest esse forma indicativi modi, sicut in praedictis sacramentis.

Ad primum ergo dicendum, quod hoc sacramentum, sicut & praedicta, quantum est de se, habet certitudinem; sed potest impediri ex fictione recipientis (etiam si se sacramento subiiciat per intentionem) quod nullum effectum consequatur: & propter hoc non est simile de hoc, & de aliis sacramentis, in quibus semper aliquis effectus consequitur.

Ad secundum dicendum, quod per ipsum actum qui ponitur in forma, scilicet, *Per istam sanctam unctionem*, satis exprimitur intentio.

Ad tertium dicendum, quod verba illa indicativi modi, quae secundum morem quorundam praemittuntur orationi, non sunt forma huius sacramenti; sed sunt quaedam dispositio ad formam, in quantum intentio ministrum determinatur ad actum illum per illa verba.

## SOLUTIO III.

Ad tertiam questionem dicendum, quod praedicta oratio est competens (c) forma huius sacramenti: quia tangit sacramentum in hoc quod dicitur, *Per istam unctionem*, & illud quod operatur in sacramento, scilicet divinam misericordiam, & effectum, scilicet remissionem peccatorum.

Ad primum ergo dicendum, quod materia huius sacramenti potest intelligi per actum unctionis, non autem materia confirmationis per actum in forma expressum: & ideo non est simile.

Ad secundum dicendum, quod misericordia respicit misericordiam, quia hoc sacramentum datur in statu miseriae, scilicet infirmitatis: ideo potius hic quam in aliis sit de misericordia mentio.

Ad tertium dicendum, quod in forma debet exprimi effectus principalis, & qui semper inducitur ex sacramento, nisi sit dese-

ctus ex parte recipientis. Non autem talis effectus est corporalis sanitas, ut ex dictis patet; quamvis quandoque sequatur: ratione cuius Iacobus hunc effectum attribuit orationi, quae est forma huius sacramenti.

## QUAESTIO II.

Deinde quaeritur de administratione huius sacramenti; & circa hoc quaeruntur quatuor.

Primo. Quis sit minister huius sacramenti.

Secundo. Cui debeat conferri.

Tertio. In qua parte.

Quarto. Utrum debeat iterari.

## ARTICULUS I.

*Utrum laicus possit hoc sacramentum conferre.*

1. Ad primum sic proceditur. Videtur quod etiam laicus possit hoc sacramentum conferre. Quia hoc sacramentum habet efficaciam ex oratione, ut Iacobus dicit. Sed oratio laici quandoque est (d) aeque Deo accepta sicut sacerdotis. Ergo potest hoc sacramentum conferre.

2. Praeterea. De quibusdam patribus in Aegypto legitur, quod oleum ad infirmos transmittabant, & sanabantur: & similiter dicitur de beata Genovefa, quod oleo infirmos ungebat. Ergo hoc sacramentum potest conferri etiam a laicis.

Sed contra est, quia in hoc sacramento fit remissio peccatorum. Sed laici non habent potestatem dimittendi peccata. Ergo &c.

## QUAESTIUNCULA II.

1. Ulterius. Videtur quod diaconi possint hoc sacramentum conferre. Quia secundum Dionysium (de eccles. Hier. cap. v. part. 1.) diaconi habent virtutem purgativam. Sed hoc sacramentum est institutum ad purgandum tantum ab infirmitate mentis, & corporis. Ergo diaconi possunt conferre.

2. Praeterea. Dignius sacramentum est baptisimus quam hoc de quo agimus. Sed diaconi possunt baptizare, ut patet de beato Laurentio. Ergo & possunt hoc sacramentum conferre.

Sed contra est quod dicitur Iac. v. 14. *Inducas presbyteros Ecclesiae.*

## QUAESTIUNCULA III.

1. Ulterius. Videtur quod solus Episcopus possit hoc sacramentum conferre. Quia hoc sacramentum unctione perficitur, sicut & confirmatio. Sed solus Episcopus potest confirmare. Ergo solus potest hoc sacramentum conferre.

2. Præterea. Qui non potest quod est minus, non potest quod est maius. Sed maius est usus materiz sanctificatz quam sanctificatio eius, quia est finis ipsius. Ergo cum sacerdos non possit sanctificare materiam, nec potest materia sanctificata uti.

Sed contra. Huius sacramenti minister inducendus est ad eum qui suscipit sacramentum, ut pater Iacob. v. Sed Episcopus non posset accedere ad omnes infirmos suæ diocesis. Ergo non solus Episcopus potest hoc sacramentum conferre.

## SOLUTIO I.

Respondeo dicendum ad primam quætionem, quod secundum Dionysium in eccles. hier. (cap. v. par. 1.) sunt quidam excentes actiones hierarchicas, & quidam recipientes tantum, qui sunt laici: & ideo nullius sacramenti dispensatio laico ex officio competit; sed quod baptizare possunt in casu necessitatis, est divina dispensatione factum, ut nulli regenerationis spiritualis facultas desit.

Ad primum ergo dicendum, quod oratio illa non fit a sacerdote in persona sua: quia cum sit quandoque peccator, non esset exaudibilis: sed fit in persona totius Ecclesie, in cuius persona orare potest quasi persona publica; non autem laicus, qui est persona privata.

Ad secundum dicendum, quod illæ unctiones non erant sacramentales, sed ex quadam devotione recipientem talem unctionem, & meritis ungentium, vel oleum mitiscentium consequatur effectus sanitatis corporalis per gratiam sanitatum, non per gratiam sacramentalem.

## SOLUTIO II.

Ad secundam quætionem dicendum, quod diaconus habet vim purgativam tantum, non autem illuminativam: unde cum illuminatio sit per gratiam, nullum sacramentum in quo gratia conferatur, potest diaconus ex officio dare: & ideo nec hoc, cum in eo gratia conferatur.

Ad primum ergo dicendum, quod hoc sa-

cramentum illuminando per collationem gratiz purgat: & ideo diaconis eius non competit collatio.

Ad secundum dicendum, quod hoc sacramentum non est necessitatis sacramentum, sicut baptismus: unde non ita committitur dispensatio eius omnibus in articulo necessitatis, sed solum illis quibus ex officio competit; diaconis autem etiam baptizare non competit ex officio.

## SOLUTIO III.

Ad tertiam quætionem dicendum, quod secundum Dionysium (ubi sup.) Episcopus proprie habet perficiendi officium, sicut sacerdos illuminandi: unde illa sacramenta dispensanda solis Episcopis reservantur quæ (a) suscipientem in aliquo statu perfectionis super alios ponunt: hoc autem non est in hoc sacramento, cum omnibus detur: & ideo per simplices sacerdotes potest administrari.

Ad primum ergo dicendum, quod confirmatio imprimit characterem, quo collocatur homo in statu perfectionis, ut supra (dist. vii. quæst. ii. art. 1. quæstiunc. 1.) dictum est: non autem hoc est in hoc sacramento: & ideo non est simile.

Ad secundum dicendum, quod quamvis in genere causæ finalis usus materiz sanctificatz sit potior quam sanctificatio materiz, tamen in genere causæ efficientis sanctificatio materiz est potior, quia ab eodem pendet usus sicut ab activa causa: & ideo sanctificatio requirit altiorum virtutem activam quam usus.

## ARTICULUS II.

*Utrum etiam sanis debeat conferri hoc sacramentum.*

*IV. cont. Gent. cap. lxxiii.*

1. **A**D secundum sic proceditur. Videtur quod etiam sanis debeat conferri hoc sacramentum. Quia principalior effectus huius sacramenti est sanatio mentis quam sanatio corporis, ut dictum est. Sed etiam sani corpore indigent sanatione mentis. Ergo eis debet hoc sacramentum conferri.

2. Præterea. Hoc sacramentum est exeuntium, sicut baptismus intrantium. Sed omnibus intrantibus baptismus datur. Ergo omnibus exeuntibus debet dari hoc sacramentum. Sed quandoque illi qui sunt in propinquo exitus, sunt sani, sicut illi qui decapitandæ sunt.

(a) *Ad suscipiendum.*

sunt. Ergo talibus debet hoc sacramentum dari.

Sed contra est quod dicitur Iacob. v. 14. *Infirmatur quis in vobis? Cr.* Ergo solis infirmis competit.

### QUAESTIUNCULA II.

1. Ulterius. Videtur quod in qualibet infirmitate hoc sacramentum dari debeat. Quia Iacob. v. ubi hoc sacramentum traditur, nulla infirmitas determinatur. Ergo omnibus infirmitatibus debet hoc sacramentum conferri.

2. Præterea. Quanto remedium est dignius, tanto debet esse generalius. Sed hoc sacramentum est dignius quam medicina corporalis. Cum ergo medicina corporalis omnibus infirmis datur, videtur quod etiam hoc sacramentum.

Sed contra. Hoc sacramentum dicitur ab omnibus extremæ unctionis. Sed non omnis infirmitas ad extremum vitæ perducit, cum quædam infirmitates sint causæ longioris vitæ, ut dicit Philosophus (Lib. de brevitate vitæ circa princ.) Ergo non omnibus infirmantibus debet hoc sacramentum dari.

### QUAESTIUNCULA III.

1. Ulterius. Videtur quod furiosis, & amentibus hoc sacramentum dari debeat. Quia tales zgritudines sunt periculosissima, & cito ad mortem dispossunt. Sed periculo debet adhiberi remedium. Ergo hoc sacramentum, quod est in remedium infirmitatis humanæ, debet talibus conferri.

2. Præterea. Dignius sacramentum est baptismus quam istud. Sed baptismus datur furiosis, ut supra dictum est. Ergo & hoc sacramentum eis debet dari.

Sed contra. Hoc sacramentum non est dandum nisi recognoscentibus ipsum. Sed tales non sunt furiosi, & amentes. Ergo eis dari non debet.

### QUAESTIUNCULA IV.

1. Ulterius. Videtur quod debeat dari pueris. Quia eisdem infirmitatibus quandoque laborant pueri, & adulti. Sed eidem morbo debet adhiberi idem remedium. Ergo sicut adultis, ita & pueris debet hoc sacramentum conferri.

2. Præterea. Hoc sacramentum datur ad purgandum reliquias peccati, ut prædictum est, tam originalis, quam actualis. Sed in pueris sunt reliquiae originalis peccati. Ergo eis debet hoc sacramentum dari.

Sed contra est quod nulli debet dari sacra-

mentum cui non competit forma sacramenti. Sed forma huius sacramenti non competit pueris, qui non peccaverunt per visum, & auditum, ut in forma exprimitur. Ergo eis non debet dari hoc sacramentum.

### SOLUTIO I.

Respondeo dicendum ad primam questionem, quod hoc sacramentum est quædam spiritalis curatio, ut prius dictum est; quæ quidem per quemdam corporalis curationis modum significatur: & ideo illis quibus corporalis curatio non competit, scilicet saeis, non debet hoc sacramentum conferri.

Ad primum ergo dicendum, quod quavis spiritalis sanitas sit principalis effectus huius sacramenti, tamen oportet quod per curationem corporalem significetur curatio spiritalis, etiam si corporalis sanatio non sequatur: & ideo solum illis hoc sacramentum sanitas spiritalis dari potest quibus curatio corporalis competit, scilicet infirmis; sicut ille solus potest baptismum suscipere qui potest corporalis ablutionis esse particeps, non autem puer in venire matris existens.

Ad secundum dicendum, quod baptismus etiam non est ovis illorum intrantium qui corporali ablutioni subici possunt: & ideo hoc sacramentum illorum tantum exeuntium est quibus corporalis curatio competit.

### SOLUTIO II.

Ad secundam questionem dicendum, quod hoc sacramentum est ultimum remedium quod Ecclesia potest conferre, quasi immediate disponens ad gloriam: & ideo illis tantum infirmantibus debet exhiberi qui sunt in statu exeuntium, propter hoc quod zgritudo nata est mortem inducere, & de periculo timetur.

Ad primum ergo dicendum, quod quilibet infirmitas augmentata potest mortem inducere: & ideo si genera infirmitatum pensantur, in qualibet zgritudine potest dari hoc sacramentum, quia Apostolus non determinat infirmitatem aliquam; sed si pensetur infirmitatis modus, & status, non semper debet infirmantibus hoc sacramentum dari.

Ad secundum dicendum, quod medicina corporalis habet pro principali effectu sanitatem corporalem, qua omnes infirmi in quolibet statu indigent; sed hoc sacramentum habet pro principali effectu illam sospitatem quæ excurtib, & iter ad gloriam agentibus est necessaria: & ideo non est simile.

## SOLUTIO III.

Ad tertiam quaestionem dicendum, quod ad effectum huius sacramenti percipiendum plurimum valet devotio suscipientis, & personale meritum conferentium, & generale totius Ecclesiae: quod patet ex hoc quod per modum deprecationis forma huius sacramenti confertur: & ideo illis qui non possunt recognoscere, & cum devotione suscipere, hoc sacramentum dari non debet, & praecipue furiosis, & amentibus, qui possunt irreverentiam sacramento per aliquam immunditiam facere; nisi haberent lucida intervalia, in quibus sacramenta recognoscerent, & sic eis conferri in statu illo possent.

Ad primum ergo dicendum, quod quavis in periculo mortis tales quandoque sint, tamen remedium per devotionem propriam non potest eis applicari; & ideo non debet eis conferri.

Ad secundum dicendum, quod baptismus non requirit motum liberi arbitrii, quia datur contra originale principaliter, quod non curatur in nobis ex nostro libero arbitrio; sed in hoc sacramento requiritur motus liberi arbitrii: & ideo non est simile. Et praeterea baptismus est sacramentum necessitatis, non autem extrema unctio.

## SOLUTIO IV.

Ad quartam quaestionem dicendum, quod hoc sacramentum exigit actualem devotionem in suscipiente, sicut & eucharistia: unde sicut eucharistia non debet dari pueris, ita nec hoc sacramentum.

Ad primum ergo dicendum, quod non datur contra reliquias originales peccati, nisi secundum quod sunt per actualia peccata quodammodo confortata: unde principaliter contra actualia peccata datur, ut ex ipsa forma patet, quae non sunt in pueris.

Ad secundum dicendum, quod infirmitates in pueris non sunt ex peccato actuali causatae, sicut in adultis; & contra illas praecipue infirmitates hoc sacramentum datur quae sunt ex peccato causatae, quasi peccati reliquiae.

## ARTICULUS III.

*Utrum hoc sacramento totum corpus inungi debeat.*

**A**D tertium sic proceditur. Videtur quod hoc sacramentum totum corpus inungi debeat. Quia secundum Augustinum (Lib.

de immortalitate animae (cap. xvi.) anima tota est in toto corpore. Sed praecipue datur hoc sacramentum ad sanandum animam. Ergo in toto corpore debet inunctio fieri.

2. Praeterea. Ubi est morbus, ibi debet apponi medicina. Sed morbus est universalis in toto corpore, sicut t. bis. Ergo totum corpus inungi debet.

3. Praeterea. In baptismo totum corpus immergitur. Ergo & hic totum deberet inungi.

Sed contra est universalis Ecclesiae ritus, secundum quem non inungitur infirmus nisi in determinatis partibus corporis.

## QUAESTIUNCULA II.

1. Ulterius. Videtur quod inconvenienter determinentur istae partes, ut scilicet infirmus ungatur in oculis, in auribus, in naribus, in labiis, in manibus, & pedibus. Quia sapiens medicus curat morbum in radice. Sed de corde exeunt cogitationes, quae coinquant hominem, ut dicitur Matth. xiv. Ergo in pectore debet fieri unctio.

2. Praeterea. Puritas mentis non minus est necessaria exeuntibus quam intrantibus. Sed intrantes unguntur chrismate in vertice a sacerdote ad significandum puritatem mentis. Ergo & exeuntes hoc sacramentum debent ungi in vertice.

3. Praeterea. Ibi debet adhiberi remedium ubi est maior vis morbi. Sed spiritualis morbus praecipue viget in senibus viris, & mulieribus in umbilico, ut patet Job xl. 11. (a). *Potestas eius in lumbis eius*, secundum expositionem Gregorii (Lib. XXXII. Moral. cap. xi.) Ergo ibi debet fieri inunctio.

4. Praeterea. Sicut per pedes peccatur, ita & per alia membra corporis. Ergo sicut unguntur pedes, ita & alia corporis membra inungi debent.

## QUAESTIUNCULA III.

1. Ulterius. Videtur quod mutilati non sunt ungendi illis unctionibus quae partibus illis competunt. Quia sicut hoc sacramentum exigit determinatam dispositionem in suscipiente, ut scilicet sit infirmus, ita & determinatam partem. Sed ille qui non habet infirmitatem, non potest inungi. Ergo nec ille qui non habet partem illam in qua debet fieri inunctio.

2. Praeterea. Ille qui est cecus a natiuitate, non delinquit per visum. Sed in unctione quae fit ad oculos, fit mentio de defectu per visum. Ergo talis inunctio caecato non deberet fieri; & sic de aliis.

Sed contra est quod defectus corporis non

(a) Vulgata, *feriendo*.

impedit aliquid aliud sacramentum. Ergo nec istud impedire debet. Sed de necessitate istius sacramenti est qualibet unctio. Ergo omnes debent fieri mutilato.

## SOLUTIO I.

Respondeo dicendum ad primam questionem, quod hoc sacramentum per modum curationis exhibetur. Curatio autem corporalis non oportet quod fiat per medicinam toti corpori appositam, sed illis partibus ubi est radix morbi: & ideo unctio etiam sacramentalis debet fieri in illis partibus tantum in quibus est radix spiritualis infirmitatis.

Ad primum ergo dicendum, quod anima quamvis sit tota in qualibet parte corporis quantum ad essentiam, non tamen quantum ad potentias, quae sunt radices actuum peccati: & ideo oportet quod in determinatis partibus unctio fiat, in quibus illarum potentiarum habent esse.

Ad secundum dicendum, quod non semper apponitur medicina ubi est morbus; sed congruentius ubi est radix morbi.

Ad tertium dicendum, quod baptizmus fit per modum ablutionis; ablutio autem corporalis non purgat maculam ab aliqua parte nisi cui apponitur, & ideo baptizmus toti corpori exhibetur: secus autem est de extrema unctione, ratione iam dicta.

## SOLUTIO II.

Ad secundam questionem dicendum, quod principia peccandi in nobis sunt eadem quae & principia agendi: quia peccatum in actu consistit. Principia autem agendi in nobis sunt tria. Primum est dirigens, scilicet vis cognoscitiva: secundum est imperans, scilicet vis appetitiva: tertium est exequens, scilicet motiva. Omnis autem nostra cognitio a sensu ortum habet: & quia ubi est in nobis prima origo peccati, ibi debet unctio adhiberi: ideo unguuntur loca quinque sensuum, scilicet oculi propter visum, aures propter auditum, nares propter odoratum, os propter gustum, manus propter tactum, qui in pulpis digitorum praecipue viget. Sed propter appetitivam unguuntur a quibusdam renes: propter motivam unguuntur pedes, qui sunt principalis eius instrumentum. Et quia primum principium est cognoscitiva, ideo illa unctio ab omnibus observatur quae fit ad quinque sensus quasi de necessitate sacramenti. Sed quidam non servant alias: quidam vero illam servant quae ad pedes, & non quae ad renes: quia appetitiva, & motiva sunt secundaria principia.

Ad primum ergo dicendum, quod cognitio a corde non exit nisi per aliquam imaginationem, quae est motus a sensu factus, ut dicitur in II. de Anima (text. clx.) & ideo cor non est prima radix cogitationis, sed organa sensuum, nisi quatenus cor est principium totius corporis; sed hoc principium est radix remota.

Ad secundum dicendum, quod intrantes debent acquirere puritatem, sed exeuntes eam purgare: & ideo exeuntes debent inungi in illis partibus quibus contingit puritatem mentis inquinari.

Ad tertium dicendum, quod secundum quorundam consuetudinem fit in renibus propter hoc quod ibi maxime viget appetitus concupiscibilis; sed appetitiva non est prima radix, ut dictum est.

Ad quartum dicendum, quod organa corporis quibus actus peccati exercentur, sunt pedes, manus, & lingua, quibus etiam unctio exhibetur, & membra genitalia, quibus propter immunditiam illarum partium, & honestatem sacramenti non debet unctio adhiberi.

## SOLUTIO III.

Ad tertiam questionem dicendum, quod mutilati inungi debent quanto propinquius esse possent ad partes illas in quibus unctio fieri debuerat: quia quamvis non habeant membra, habent tamen potentias animarum quae illis membris debentur, saltem in radice, & interius peccare possunt per ea quae ad partes illas pertinent, quamvis non exterius.

Et per hoc patet solutio ad obiecta.

## ARTICULUS IV.

*Utrum hoc sacramentum debeat iterari.*

1. **A**d quantum sic proceditur. Videtur iterari. Quia dignior est unctio quae fit homini quam quae fit lapidi. Sed unctio altaris non iteratur, nisi altare illud fractum fuerit. Ergo nec unctio extrema, quae adhibetur homini, debet iterari.

2. **P**raeterea. Post ultimum nihil est. Sed haec unctio dicitur extrema. Ergo non debet iterari.

Sed contra. Hoc sacramentum est quidam spiritualis curatio per modum curationis corporalis exhibita. Sed curatio corporalis iteratur. Ergo & hoc sacramentum iterari potest.

QUAE.

## QUAESTIUNCULA II.

1. Ulterius. Videtur quod in eadem infirmitate non debeat iterari. Quia uni morbo non debetur nisi una medicina. Sed hoc sacramentum est quidam spiritualis medicina. Ergo contra unum morbum non debet iterari.

2. Præterea. Secundum hoc posset aliquis infirmus tota die inungi, si in eodem morbo posset iterari inunctio; quod est absurdum.

Sed contra est quod aliquando morbus diu durat post sacramenti perceptionem, & sic reliquæ peccatorum contrahuntur, contra quas principaliter hoc sacramentum datur. Ergo debet iterato inungi.

## SOLUTIO I.

Respondeo dicendum ad primam questionem, quod nullum sacramentale, nec sacramentum quod habet effectum perpetuum, debet iterari: quia ostenderetur sacramentum non fuisse efficax ad faciendum illum effectum, & sic fieret iniuria illi sacramento. Sacramentum autem quod habet effectum non perpetuum, potest iterari sine iniuria, ut effectus deperditus iterato recuperetur. Et quia sanitas corporis, & mentis, quæ sunt effectus huius sacramenti, possunt amitti postquam fuerunt per sacramentum effecta; ideo hoc sacramentum sine sui iniuria potest iterari.

Ad primum ergo dicendum, quod inunctio lapidis fit ad ipsius altaris consecrationem, quæ est perpetua in lapide, quamdiu altare manet, & ideo non potest iterari; sed hæc unctio non fit ad consecrationem hominis, cum non imprimatur character: & ideo non est simile.

Ad secundum dicendum, quod illud quod secundum æstimationem hominum est extremum, quandoque secundum rei veritatem non est extremum; & sic dicitur hoc sacramentum extrema unctio, quia non debet iterari nisi illis quorum mors est propinqua secundum æstimationem hominum.

## SOLUTIO II.

Ad secundam questionem dicendum, quod hoc sacramentum non respicit tantum infirmitatem, sed etiam infirmitatis statum: quia non debet dari nisi infirmis qui secundum humanam æstimationem videntur morti appropinquare. Quadam ergo infirmitas non sunt diuturnæ: unde si in eis datur hoc sacramentum, tunc cum homo ad illum statum perveniat, quod sit in periculo mortis, non recedit a statu illo nisi infirmitate cu-

rata, & ita iterum non debet inungi. Sed si recidivum patiat, erit alia infirmitas, & poterit fieri alia inunctio. Quædam vero sunt ægritudines diuturnæ, ut (a) hectica, & hydropisis, & huiusmodi; & in talibus non debet fieri inunctio, nisi quando videntur perducere ad periculum mortis: & si homo illum articulum evadat eadem infirmitate durante, & iterum ad similem statum per illam infirmitatem reducatur, iterum potest inungi: quia iam est quasi alius infirmitatis status, quamvis non sit alia infirmitas simpliciter.

Et per hoc patet solutio ad obiecta.

## EXPOSITIO TEXTUS.

**P**raterea præmissa est etiam aliud sacramentum, scilicet unctio infirmorum. Videtur quod male ordinetur: quia cum hoc sacramentum exeuntibus detur, debet ultimo poni. Et dicendum, quod alia duo quæ sequuntur, ordinantur ad bonum commune Ecclesiæ, vel totius humanæ speciei. Bonum autem unius est prius quam bonum multorum, quod ex singularibus bonis confurgit: unde hoc sacramentum debuit ultimo poni inter illa quæ ordinantur ad bonum unius personæ, & ante illa quæ ordinantur ad bonum multitudinis.

*Quæ dicitur principalis: (b)* quia in ea sola imprimitur character, & datur Spiritus sancti plenitudo ad robur.

*Capita Regum, & Pontificum unguuntur.* Contra est quod Reges non unguantur secundum consuetudinem Ecclesiæ christiæ in capite, sed oleo in scapulis. Et dicendum, quod illa unctio Regum non est sacramentum, & ideo secundum diversas consuetudines potest diversimode fieri. Vel dicendum, quod exponendum est, *Regum, & Pontificum*, id est eorum qui habent sacerdotium regale, ut pro eodem sumatur utraque (c) gens.

*Sed ex contemptu, vel negligentia.* Contra. Negligentia in his quæ non sunt de necessitate salutis, non est damnabilis. Hoc autem sacramentum non est de necessitate salutis. Et dicendum, quod hoc magis accipiendum est copulative quam disjunctive: non enim qualibet negligentia, sed ex contemptu procedens, vel contemptum inducens, damnabilis est.

*Non potest confici nisi de pane consecrato:* non quod panis consecratus sit materia sacramenti, sed quod ipse panis consecratus sit sacramentum.

D I.

(a) *M. ethica.* (b) *M. quia eo solo.* (c) *Forte vox.*



## DISTINCTIO XXIV.

De ordinibus ecclesiasticis.

**N**unc ad considerationem sacræ ordinationis accedamus. Septem sunt spirituum officiorum gradus, sive ordines, sicut ex sanctorum Patrum dictis aperte traditur, & capitis nostri, scilicet Iesu Christi, exemplo monstratur, qui omnium officia in semetipso exhibuit, & corpori suo, quod est Ecclesia, eosdem ordines observandos reliquit. Septem autem sunt propter septiformem gratiam sancti Spiritus, cuius qui non sunt participes, ad gradus ecclesiasticos indigne accedunt. Illi vero in quorum mentibus diffusa est septiformis gratia Spiritus sancti, cum ad ecclesiasticos ordines accedunt, in ipsa spiritualis gradus promotione ampliorem gratiam percipere creduntur.

Quales assumendi sunt ad clerum.

**T**ales autem ad ministerium spirituale eligendi sunt clerici, qui digne possint dominica sacramenta tractare. Melius est enim (1) Domini sacerdoti paucos habere ministros, qui possint digne opus Dei exercere, quam multos inutiles, qui ordinatori grave onus inducant. Tales enim decet esse ministros Christi qui septiformis gratia Spiritus sancti sint decorati, ex quorum doctrina, & conversationis forma, eadem gratia in alios transfundatur; ne cælestes margaritas (2) spiritualium verborum, officiorumque divinorum (3) sordidæ vitæ pedibus conculcent. In sacramento ergo septiformis Spiritus septem sunt gradus ecclesiastici, scilicet ostiarii, lectiones, exorcistæ, acolythi, subdiaconi, diaconi, sacerdotes. Omnes tamen clerici vocantur, id est sortiti. Corona enim signaculum est, quo signantur in partem sortitis ministerii divini. Corona (4) quippe regale decus significat, (5) quia servire Deo regnare est. Unde ministri Ecclesiæ, reges esse debent, ut se, & alios regant; quibus Petrus ait (1. Petr. II. 9) „Vos estis genus electum, regale sacerdotium &c.“ Summitas capitis desuper nudatur, ut eorum mens ad Dominum libera monstretur, (6) qua revelata facie gloriam Dei contemplantur. Summitas enim capitis est eminentia mentis, denudatio capitis est revelatio mentis. Clericus enim secretorum Dei non ignarus esse debet. Tondentur etiam capilli ulque ad revelationem sensuum, scilicet oculorum, & aurium, ut vitia in corde, & opere pululantia doceantur præcidendæ, ne ad audiendum, & intelligendum verbum Dei præpediatur mens, pro quo servato reddetur in excelsis corona. Tonsuræ autem ecclesiasticæ usus a Nazaræis exortus videtur, qui prius crine servato, deinde ob vitæ continentiam caput radebant, & capillos in igne sacrificii ponebant. Hinc unus inolevit ut qui divinis cultibus mancipantur, quasi Nazaræi, id est sancti, crineposito inveniantur, sicut ad Ezechielem dicitur (cap. v. 1.) „Fili hominis fume gladium acutum, & duc super caput tuum, & barbam.“ In Actibus etiam Apostolorum (cap. xviii.) Priscillam, & Aquilam hoc fecisse legimus. Paulus quoque, & alii quidam discipuli Christi hoc fecerunt (Act. xxii.) (7) Recte ergo in quibuslibet gradibus constituti clerici vocantur, quorum nomina, & rationes nominum Ildorus exponens ait (Lib. VII. etym. tir. de clericis) „Cleros, & clericos hinc appellatos esse credimus, quia Mathias electus est sorte, quem primum per Apostolos legimus ordinatum. Cleros enim græce, latine fors, vel hereditas dicitur. Ideo ergo dicti sunt clerici, quia de sorte sunt Domini, vel quia Deum (8) patrem habent (9). Generaliter vero clerici nuncupati sunt

S. Tb. Oper. Tom. XIII.

C

sunt

(1) *Al.* Domino sacerdoti in Magistri textu separatim iussu; melius est enim Episcopo paucos &c. (2) *Al.* spiritualia. (3) *Al.* ordines vitæ &c. (4) *Al.* deest quippe. (5) *Al.* de servire. (6) *Magistri textus* 2. que revelata facie gloriam Dei contemplantur. (7) *Adit. Nicæni* (ut ait Hugo lib. II. de sacram. part. 2. cap. 2. a: deinceps.) (8) *Forre* patrem. (9) *Nicæni* (sive Domini) patrem habent.

sunt omnes qui in Ecclesia Dei serviunt, quorum gradus, & nomina sunt hæc; ostiarius, lector, exorcista, acolythus, subdiaconus, diaconus, sacerdos.

*De ostiariis.*

**O**stiarii iidem & ianitores sunt, qui in veteri testamento ( Paral. I. cap. xxv. ) electi sunt ad custodiam templi, ut non ingrederetur in illud immundus; dicitur autem ostiarii, eo quod præsent ostiis templi. Ipsi enim tenentes clavem, omnia intus, & extra custodiunt, atque inter bonos & malos habentes iudicium, dignos recipiunt, indignos respuunt. Unde & eis, cum ordinantur, claves Ecclesiæ dantur ab Episcopo, & dicitur eis: „ Sic agite tamquam rationem Deo reddituri pro rebus quæ clavibus „ istis recluduntur. “ \* Hoc officium Dominus in sua persona suscepit, quando flagello de funiculis facto vendentes & ementes eiecit de templo. Ipse enim ostiarium significans, dicit ( Ioan. x. 9. ) „ Ego sum ostium: per me si quis in- „ troierit salvabitur, & ingreditur, & egredietur, & pascua inveniet. “ ( 1 )

*De lectoribus.*

**S**ecundus est gradus lectorum. Lectores a legendo, sicut psalmistæ a psalmis cā-  
nendis vocati sunt. Illi enim prædicant populis quid sequantur, isti cantant ut  
excitent ad compunctionem animos audientium; licet quidam lectores ita miserabi-  
liter pronuntient, ut quosdam ad luctum, lamentationemque compellant. Iidem et-  
iam pronuntiatores vocantur, ( 2 ) qui porro apte nuntiant: quia tam erit clara  
eorum vox ut etiam longe positorum aures adimpleant. Ad lectores autem per-  
tinet lectiones pronuntiare, & ea quæ Prophetæ nuntiaverunt; populis prædicare,  
ut iam ex officio in Ecclesia legant prophetias, & lectiones: unde & ei vidente  
populo traditur ab Episcopo codex divinarum lectionum, & dicitur ei: „ Accipe,  
„ & esto verbi Dei relator, habiturus, si fideliter impleveris officium, partem cum  
„ his qui bene verbum Dei ministraverunt. “ \*\* Qui ad hunc gradum provehitur,  
litterarum scientia debet esse instructus, ut sensum verborum intelligat, vim accen-  
tuum sciat, distincte legat, ne confusione prolationis intellectum auditoribus aufe-  
rat. Attendat quid indicative, quid interrogative sit legendum, ubi sit in oratio-  
ne facienda distinctio. Hæc enim male servata intellectum turbant, & alios ad ri-  
sum provocant. Auribus, & cordi consulere debet vox lectoris. Hoc officium im-  
plevit Christus, cum in medio seniorum librum Isaïæ aperiens, distincte ad intel-  
ligendum legit: „ Spiritus Domini super me &c. “ ( Isaï. lx. 1. ) Ex quo lecto-  
ribus datur intelligi, quia gratia spirituali clarere debent qui aliis verbum Dei an-  
nuntiant. Hic ordo formam, & initium a Prophetis accepisse videtur, quibus  
dicitur ( Isaï. lviii. 1. ) „ Clama, ne cesses, quasi tuba exalta vocem  
„ tuam. “

*De exorcistis.*

**T**ertius est ordo exorcistarum. Exorcistæ autem ex græco in latinum, adiuran-  
tes, vel increpantes vocantur. ( Ex Isidoro ut supra, & in Decr. cap.  
„ Cleros. “ ) Invocant enim super catechumenos, & super eos qui habent spiri-  
tum immundum, nomen Domini, adiurantes per eum, ut egredietur ab eis. Ad  
exorcistam pertinet exorcismos memoriter retinere, manusque super energumenos in  
exorcizando imponere. Debet autem habere spiritum mundum qui spiritibus im-  
mundis imperat, & malignum expellere de corde suo, quem expellit de corpore  
alieno; ne medicina quam alii facit, sibi non profit, & dicatur ei: „ Medice  
„ cura teipsum. “ ( Luc. iv. 23. ) Hi cum ordinantur, accipiunt de manu Epi-  
scopi librum exorcismorum, & dicitur eis: „ Accipite, & habetote potestatem

( 1 ) Nicolai (sic Hugo ut supra cap. vi. ) ( 2 ) Idem: quod porro annuntiant: item al. qui porro  
ante nuntiant.

EX EDIT. P. NICOLAI. \* Ut ex Concilio Carthagenensi IV. cap. 15. in Decretis referunt dist. xxviii. cap.  
Ostiarius. \*\* Ex cap. viii. Concilii Carthagenensis IV. & in Decretis dist. xxviii. cap. Lector.

„imponendi manus super energumenos, vel catechumenos.“ (1) Hoc officio usus est Dominus, quando saliva sua tetigit aures, & linguam surdi, & muti, dicens (Marc. vii. 34) „Ephphetha, quod est adaperire:“ per hoc docens nos spirituatiter debere aperire aures praeceptorum hominum ad intelligendum, & ora ad confitendum, ut pulso daemone Spiritus sanctus vas suum recipiat. (2) Hoc etiam officio usus est Christus cum daemoniacos multos sanavit. Hic ordo a Salomone videtur descendisse, qui quemdam modum exorcizandi invenit, quo daemones ad iurati ex obfessis corporibus pellebantur. (3) Huic officio mancipati exorcistae vocati sunt, de quibus Christus in Evangelio (Lucæ xi. 19.) „Si ego in Beelzebub „eiicio daemonia, filii vestri (scilicet exorcistae) in quo eiiciunt?“

#### De acolythis.

Quarto loco succedunt acolythi. Acolythi vero graece, latine ceroferarii dicuntur a deportandis cereis quando legendum est Evangelium, vel sacrificium offerendum. Tunc enim accenduntur luminaria, & deportantur ab eis, non ad effugandas aeris tenebras, cum sol eo tempore rutilet, sed ad signum laetitiae demonstrandum, ut sub typo luminis corporalis illa lux ostendatur de qua legitur (Ioan. i. 9.) „Erat „lux vera quae illuminat omnem hominem venientem in hunc mundum.“ Ad acolythum pertinet praeparatio luminarium in sacrario. Ipse ceream portat, ipse urceolum cum vino, & aqua suggesta pro eucharistia subdiaconis praeparat. Hi cum ordinantur, cum edocti fuerint ab Episcopo qualiter in officio suo agere debeant, ab Archidiacono accipiunt candelabrum cum cereo, (4) & urceolum vacuum (5). Hoc officium Dominus se habere testatur dicens (Ioan. viii. 12.) „Ego sum lux mundi: qui sequitur me, non ambulat in tenebris.“ (6) Huic officii formam illi gerebant in veteri testamento (Exod. xxxiii. & Levit. viii.) qui lucernas candelabri componebant, & accendebant igne caelesti ad illuminandas tenebras aquilones. (7)

#### De subdiaconis.

Quintus est ordo subdiaconorum. Graece hypodiacones vocantur, quos nos subdiacones dicimus. Qui ideo sic appellantur, quia subiacent praeceptis, & othiciis levitarum. Oblationes enim in templo a fidelibus suscipiunt, & levitis (8) superponendas altaribus deferunt. Hi apud Hebraeos (9) Nathingi vocabantur, idest in humilitate Domino servientes. Ad subdiaconum pertinet calicem, & patenam ad altare Christi deferre, & levitis tradere, eisque ministrare. Urceolum quoque (10) cum aqua, manile, & manutergium tenere; Episcopo, & presbyteris, & levitis pro lavandis ante altare manibus, aquam praebere. His lex continentiae imponitur, quia altari propinquantes vasa corporis, & sanguinis Christi portant. Unde illud (Isai. lxx. 11.) implere debent: „Mundamini qui fertis vasa Domini.“ Ad hos etiam pertinet tantum de oblationibus ponere in altari quantum sufficere possit populo, nec non corporales, & pallas, & substratoria lavare. Hi cum ordinantur, accipiunt de manu Episcopi patenam, & calicem vacuum, ab Archidiacono vero urceolum cum aqua, & manile, & manutergium. Hoc officio

C 2

ficio

(1) Nicetai (ait Augustinus, & ex Concilio Carthaginiensi IV. cap. vii. in Decretis refertur ubi supra cap. Exorcista.). (2) Idem (ait iterum Hugo ubi supra.) (3) Idem (ut insinuat Hugo, & ex Iosepho Lib. VIII. Antiquit. Induc. colligi potest.) (4) Nicetai addit (ut sciant se ad accendenda Ecclesiae luminaria mancipari.) (5) Idem (ad infundendum vinum in calicem, ex quo consecrandus est sanguis Christi.) (6) Idem (ait etiam Hugo.) (7) Idem. Quamvis autem in Concilio Carthaginiensi IV. & in Decretis ubi supra cap. Acolythus nulla forma verborum praescribitur, sed solummodo ceroferarium (seu candelabrum) cum cereo accipere dicatur, ut sciat se ad accendenda Ecclesia luminaria mancipari & accipere item urceolum ad suggerendum vinum in Eucharistiam corporis Christi, tamen in Ordine Romano praescribuntur haec verba, quae simul illis dicenda sunt: Accipite ceroferarium cum cereo, ut sciat vos ad accendenda Ecclesia luminaria mancipari; & in Sacramentario Gregorii: Accipite hoc gestarium luminis, ut possitis volantes adversariorum tenebras effugare, & verissimum lumen, quod illuminat omnem hominem, invenire. (8) Idem (sive diaconis.) (9) Idem (sive potius Nathingi.) (10) Abie & infra cum aqua manili.

ficio usus est Dominus quando linteo se præcinxit, & mittens aquam in pelvim, pedes discipulorum lavit, & linteo terisit. (Ioan. xiii.)

*De diaconis.*

**D**iaconorum ordo sextum tenet locum propter senarii perfectionem. Hic ordo in veteri testamento a tribu Levi nomen accepit, vel traxit: dicuntur enim & levitæ. Præcepit quippe Dominus Moyſi (Num. iiii.) ut post ordinationem Aaron, & filiorum eius, (1) rursus tribus Levi ad divini cultus ministeria ordinaretur, consecraretur Domino, & serviret pro Israel coram Aaron, & filiis eius in tabernaculo: ipsique gestarent arcam, & tabernaculum, & omnia vasa eius, & in circuitu tabernaculi excubarent, & in transportando tabernaculo ipsi deponerent, rursusque componerent. A vigintiquinque vero annis & supra iussi sunt servire in tabernaculo (Num. viiii.) quam regulam in novo testamento sancti Patres constituerunt, quia hæc ætas ad serenda onera est robusta. (2) Levitæ ergo ex nomine auctoris vocati sunt. De Levi enim Levitæ exorti sunt, a quibus in templo mystici sacramenti mysteria explebantur. Hi græce diacones, latine ministri dicuntur: quia sicut in sacerdote (3) consecratio, ita in diacono ministerii dispensatio habetur. Ad diaconum pertinet assistere sacerdotibus, & ministrare in omnibus quæ aguntur in sacramentis Christi, scilicet in baptismo, in chrismate, in patena, & calice: oblationes quoque inferre, & disponere in altari. Componere etiam mensam Domini, & vestire, crucem ferre, & prædicare Evangelium, & Epistolam ad populum. Nam sicut lectoribus vetus testamentum, ita diaconibus novum prædicare præceptum est. Ad ipsum etiam pertinet officium precum, & recitatio nominum catechumenorum. Ipse præmonet aures habere ad Dominum, ipse donat pacem, & ipse annuntiat. Quod autem huic ordini a Moyſe statutum est, hoc etiam in novo testamento præsentatur, cum diacono super laevum humerum stola ponitur, & csula in diebus ieiunii complicatur: quia quidquid laboris, & sustinentiæ in hac vita toleratur, quasi in læva portatur, donec in dextera, idest in æternitate, requies habeatur. Hic ordo ab Apostolis celebratus est, quando, ut legitur in Actibus Apostolorum (cap. vi.) septem viros plenos Spiritu sancto ad hoc officium elegerunt, & oratione præmissa manus eis imposuerunt. Unde & consuetudo inolevit ut in omni matrice Ecclesia septem diacones circa Christi aram quasi septem columnæ assistant. Hi sunt septem Angeli tuba canentes in Apocalypsi: qui quales esse debeant, Apostolus docet Timotheo scribens. (4) Hi cum ordinantur, solus Episcopus eis manum imponit, quia ad ministerium applicantur. Ponit eis orarium, idest stolam, super laevum humerum, ut per hoc intelligant se accepisse iugum Domini suave, quo ad sinistram pertinentia divino timori subiciantur. Accipiunt & textum Evangelii, ut intelligant se esse (5) præcones Evangelii Christi. (6) Hi autem, antequam ordinentur, probentur, ut docet Apostolus, & sic ministrent nullum crimen habentes. Hoc officio usus est Christus, quando post cenam sacramentum carnis, & sanguinis discipulis dispensavit, & quando Apostolos dormientes ad orationem excitavit, dicens (Matth. vi. 41.) „Vigilate, & orate, ut non intretis in tentationem.“ (7)

*De presbyteris.*

**S**eptimus est ordo presbyterorum. Presbyter græce, senior interpretatur latine. Non modo pro ætate, vel decrepita senectute, sed propter honorem, & dignitatem quam acceperunt, presbyteri nominantur, qui morum prudentia, & maturi-

(1) *Al. profus.* (2) *Niclaus* (ut Hugo ait ubi supra.) Et istudor: Levitæ ergo &c. (3) *In ed. Niclaus* consecrato. (4) *Niclaus*: cum eos L. ad Timoth. xii. iubet esse pudicos, non bilingues, non multo vino deductos, non turpe lucrum sectantes, habentes mysterium fidei in conscientia puta, probatos primum, ut sic ministrent nullum crimen habentes. Cum ordinantur porro, Episcopus &c. (5) *Al. præcones.* (6) *Niclaus* omittit quæ sequuntur usque ad Hoc officio. (7) *Niclaus* (ait Hugo ut supra cap. xii.)

turitate conversationis præcellere dicuntur in populo. Unde scriptum est ( Sapient. 14. 8. ) „ Senectus venerabilis est, non diuturna, nec annorum numero computa. „ ita : cani enim sunt sensus hominum, & ætas senectutis vita immaculata. “ ( 1 ) Ideo autem etiam presbyteri sacerdotes vocantur, quia sacra dant : qui licet sint sacerdotes, tamen pontificatus apicem non habent sicut Episcopi : quia ipsi nec chrismate frontem signant, nec Paraclytum dant, quod solis deberi Episcopis lectio Actuum Apostolorum demonstrat. Unde & apud veteres iidem Episcopi & presbyteri fuerunt : quia illud est nomen dignitatis, non ætatis. Sacerdos nomen habet compositum ex græco, & latino, quod est sacrum dans, sive sacer dux. Sicut enim rex a regendo, ita sacerdos a sanctificando dictus est : consecrat enim & sanctificat corpus Christi. Antistes vero sacerdos dictus est ab eo quod ante stat : primus enim est in ordine Ecclesiæ. ( 2 ) Ad presbyterum autem pertinet sacramentum corporis & sanguinis Domini in altari Dei conficere, orationes dicere, & dona Dei benedicere : qui cum ordinantur, inunguntur eis manus, ut intelligant se accepisse gratiam consecrandi, & caritatis opera debere extendere ad omnes. Accipiunt & stolam, quæ utrumque tenet latus, quia debent esse muniti armis iustitiæ contra adversa, & prospera. Accipiunt etiam calicem cum vino, & patenam cum hostiis, ut per hoc sciant se accepisse potestatem placabiles Deo hostias offerendi. ( 3 ) Hic ordo a filiis Aaron sumpsit initium. Summos enim Pontifices, & minores sacerdotes instituit Deus per Moysen, qui ex præcepto Dei Aaron in summum Pontificem, filios vero eius unxit in minores sacerdotes ( Exod. xxix. Christus quoque duodecim elegit discipulos prius, quos & Apostolos vocavit ( Luc. vi. ) quorum vicem gerunt in Ecclesia maiores Pontifices : deinde alios septuaginta duos discipulos designavit ( ibidem x. ) quorum vicem in Ecclesia tenent presbyteri. Unus autem inter Apostolos Princeps extitit Petrus, cuius vicarius, & successor est Pontifex summus : unde dicitur apostolicus, qui & Papa vocatur, scilicet pater patrum. Qualis autem eligi debeat presbyter, Apostolus scribens Timotheo ostendit ( 1. Tim. 111. ) ubi nomine Episcopi presbyterum significat ( 4 ). Hoc autem officio usus est Christus, cum seipsum in ara crucis obulit, idem sacerdos, & hostia : & quando post coenam panem, & vinum in corpus suum, & sanguinem commutavit. ( 5 ) Ecce de septem Ecclesiæ gradibus brevier elocuti, quod ad quemque pertineat, innuimus. Cumque omnes sint spirituales, & sacri, excellenter tamen canones duos tantum sacros ordines appellari consent, diaconatus scilicet, & presbyteratus : quia hos solos primitiva Ecclesia legitur habuisse, & de his solis præceptum Apostoli habemus. Apostoli enim in singulis civitatibus Episcopos, & presbyteros ordinarunt. Levitas etiam ab Apostolis ordinatos legimus, quorum maximus fuit beatus Stephanus. Subdiaconos vero, & acolythos procedente tempore Ecclesia sibi constituit.

*Quid sit quod hic dicitur ordo.*

**S**I autem queritur, quid sit quod hic vocatur ordo ; sane dici potest, signaculum esse, idest sacramentum quoddam, quo spiritualis potestas traditur ordinatis, & officium. Character ergo spiritualis, ubi sit promotio potestatis, ordo, vel gradus vocatur. Et dicuntur hi ordines sacramenta, quia in eorum perceptione res sacra, idest gratia, confertur, quam figurant ea quæ ibi geruntur.

*De nominibus dignitatis, vel officii.*

**S**unt & alia quædam non ordinum, sed dignitatum, vel officiorum nomina. Dignitatis simul, vel officii nomen est Episcopus. Episcopatus autem vocabulum inde dictum est, quod ille qui Episcopus efficitur, superintendat, curam scilicet

( 1 ) Nicelai ( Ex Hugone ut supra. ) ( 2 ) Nicelai ( sic ut supra Isidorus. ) ( 3 ) Nicelai ( sic iterum Hugo. ) ( 4 ) Nicelai : cum irreprehensibilem vult esse, ac prudentem, & cetera virtutibus ornatum ( ad Timoth. 111. ubi supra. ) Hoc autem deo. ( 5 ) Idem ( ut Hugo rursus ubi supra. )



Ecce subditorum gerens. Scopin enim græce, latine intendere dicitur. Episcopi autem græce, latine speculatores interpretantur. Nam speculator est præpositus in Ecclesia dictus, eo quod speculetur, atque prospiciat populorum infra se positorum mores, & vitam. Pontifex est princeps sacerdotum quasi via sequentium: ipse & summus Sacerdos nuncupatur: ipse enim levitas, & sacerdos efficit, ipse omnes ecclesiasticos ordines, disponit. (1)

*De quadripartito ordine Episcoporum.*

**O**rdō autem Episcoporum quadripartitus est, scilicet in Patriarchis, Archiepiscopis, Metropolitanis, & Episcopis. Patriarcha græce, summus patrum interpretatur, quia primum, idest apostolicum, tenet locum, ut Romanus, An- tiochenus, Alexandrinus; sed omnium summus est Romanus. Archiepiscopus Prin- ceptus Episcoporum: archon enim græce, latine Princeps dicitur. Metropolitæ au- tem a mensura civitatum dicuntur: singulis enim provinciis præminent, quorum auctoritati, & doctrinæ ceteri sacerdotes subiecti sunt. Solitudo enim totius provincie ipsis Episcopis commissa est. Omnes autem superius designati ordines Episco- pi nuncupantur. (2) Nota quod Archiepiscoporum nomine Primates superius si- gnificasse videtur, & Metropolitanorum, quos nunc Archiepiscopos dicimus. Horum autem discretio a Gentilibus introducta videtur, qui suos flamines alios simpliciter flamines, (3) alios archiflamines, alios protosflamines appellabant. Sacerdotes e- nim Gentilium (4) flamines dicebantur, qui habebant in capite pileum, in quo erat brevis virga desuper habens aliquid lanæ, quod cum per æstus ferre non possent, solum tantum in capite ligare cœperunt: nudis enim capitibus eis in- cedere nefas erat. Unde a filo quo utebantur, flamines dicti sunt, quasi flamines: Sed festivis diebus filo deposito pileum imponebant pro sacerdotii eminentia. Vates a vi mentis appellati sunt, cuius significatio multiplex est. Modo enim sacerdotem, modo prophetam, modo poetam significat. Cantor vero vocatur qui vocem modulatur in cantu. Huius sunt duo genera, præcentor, & succentor. Præcentor qui vocem præmittit in cantu, succentor qui subsequenter canendo respondet. Con- centor autem dicitur qui consonat, (5) vel concinit. Qui autem non con sonat, nec con- cinit, concentor non erit. His breviter tractatis, admonendi sunt Christi mini- stri, quatenus sicut excellunt ordinis dignitate, ita præcellant vitæ sanctitate, ut plebs eis commissa, eorumque disciplinis edocta, gratanter eis obediat, & eorum imitatione de die in diem proficiat, a quibus divina sacramenta percipiunt, & Mis- sarum solemnia audiunt. Missa autem dicitur, vel quia missa est hostia, cuius com- memoratio fit in illo officio: unde dicitur: „Ite, missa est;“ idest, sequimini ho- stiam, quæ missa est ad cælestia, tendentes post eam: vel quia missus cælestis ve- nit ad consecrandum dominicum corpus, per quem ad altare cælestis deferatur ho- stia. Unde & dicitur, „Missa est.“

**DIVISIO TEXTUS.**

**P**ostquam determinavit Magister de sacra-  
mentis quæ ordinantur in remedium hu-  
manis personæ, hic determinat de sacramentis  
quæ ordinantur in remedium totius Ecclesiæ:  
& dividitur in partes duas. In prima deter-  
minat de sacramento ordinis, quod ordina-  
tur ad spirituales multiplicationem, & gu-  
bernationem Ecclesiæ; in secunda de matri-  
monio, quod ordinatur ad multiplicationem

materiale fidelium, xxvi. dist. ibi, *Cum  
alia sacramenta post peccatum, & propter pec-  
catum exordium sumpserint, matrimonii sacra-  
mentum etiam ante peccatum legitur institutum  
a Domino*. Prima in duas. In prima deter-  
minat de sacramento ordinis; in secunda de  
conferentibus hoc sacramentum, dist. xxv.  
ibi, *Solet queri, si heretici .... possint tra-  
dere sacra ordines*. Prima in duas. In pri-  
ma de ordinibus; in secunda de quibusdam  
officiis, vel dignitatibus quæ ad ordines con-  
sequuntur.

(1.) *Nicelai* (ait ut supra Ildorus.) (2.) *Nicelai* (ut Ildorus rursus ait.) (3.) *Item*: alios archi-  
flamines (idest flamines principales) alios protosflamines (idest primos flamines) appellabant. (4.) *Ibidem*  
(ut Ildorus quoque notat.) (5.) *Idest* vel concinit.

sequuntur, ibi, *Sunt & alia quedam non ordinum, sed dignitatum, vel officiorum nomina*. Prima in duas. In prima determinat de ordinibus distinctis; in secunda, (a) quid inter se commune habeant, ibi, *Si autem queratur, quid sit quod hic vocatur ordo; sane dici potest, signaculum esse*. Prima in duas. In prima ponit numerum distinctorum ordinum. In secunda de eis prosequitur, ibi, *In sacramento igitur septiformis Spiritus septem sunt gradus ecclesiastici*. Circa primum tria facit. Primo ponit numerum ordinum; secundo effectum quem habent in suscipientibus, ibi, *Illi vero in quorum mentibus diffusa est septiformis gratia Spiritus sancti, cum ad ecclesiasticos ordines accedunt, in ipsa spiritualis gradus promotione, ampliore gratiam percipere creduntur*; tertio conditiones quas in eis requirunt, ibi, *Tales autem ad ministerium spirituale eligendi sunt clerici, qui digne possint dominica sacramenta tractare*.

In sacramento ergo septiformis Spiritus septem sunt gradus ecclesiastici. Hic prosequitur de ordinibus, & circa hoc facit tria. Primo determinat quoddam quod præxigitur ad ordines, scilicet corona. Secundo de ipsis ordinibus prosequitur, ibi, *Officarii iidem & ianitores sunt*. Tertio ostendit quoddam ordinum dictorum differentiam, ibi, *Cumque omnes sint spirituales & sacri, excellenter tamen canones duos tantum sacros ordines appellari consensit*. Secunda pars in septem partes dividitur, secundum quod de septem ordinibus prosequitur, quæ partes per se patent in littera.

*Sunt & alia quedam non ordinum, sed dignitatum, vel officiorum nomina*. Hic determinat de nominibus, quibus non ordines, sed dignitates, vel officia exprimuntur, & circa hoc duo facit. Primo determinat de nominibus dignitatum; secundo de nominibus officiorum, ibi, *Vates a vi mentis appellati sunt*. Circa primum tria facit. Primo exponit nomen Episcopatus, quod ad dignitatem pertinet. Secundo ponit eius distinctionem, ibi, *Ordo autem Episcopatus quadrivarius est*. Tertio ponit distinctionis originem, ibi, *Horum autem distinctio &c. a gemilibus introducta videtur*.

*Vates a vi mentis appellati sunt*. Hic ponit nomina diversa officiorum, & circa hoc tria facit. Primo exponit diversa officiorum nomina. Secundo ostendit qualiter in officiis se habere debeant, ibi, *Hic breviter tractatis admonendi sunt Christi ministri &c.* Tertio

exponit nomen Missæ, ad quam officia distincta requiruntur, ibi, *Missæ autem dicitur &c.*

## QUÆSTIO I.

**H**ic est triplex questio. Prima de ordine in communi. Secunda de distinctione ordinum. Tertia de his quæ sunt ordinibus annexa.

Circa primum queruntur tria.

Primo. De ipso ordine.

Secundo. De effectu eius.

Tertio. De recipientibus ipsum.

## ARTICULUS I.

*Utrum ordo in Ecclesia esse debeat.*

**A**D primum sic proceditur. Videtur quod ordo in Ecclesia esse non debeat. Ordo enim requirit subiectionem, & prælationem. Sed subiectio videtur repugnare libertati, in quam vocati sumus per Christum. Ergo ordo in Ecclesia esse non debet.

1. Præterea. Ille qui in ordine constituitur, alio superior fit. Sed in Ecclesia quilibet debet se altero inferiori reputare: Phil. 11. 3. *Superiores invicem abstantes*. Ergo non debet in Ecclesia esse ordo.

3. Præterea. Ordo invenitur in Angelis propter distinctionem eorum in bonis naturalibus, & gratiis. Sed omnes homines sunt in natura unum: gratiarum etiam dona quis eminentius habeat, ignotum est. Ergo ordo in Ecclesia esse non potest.

Sed contra. Rom. xiii. 1. *Que a Deo sunt, ordinata sunt*. Sed Ecclesia a Deo est, quia ipse eam edificavit sanguine suo. Ergo ordo in Ecclesia esse debet.

Præterea. Status Ecclesiæ est medius inter statum naturæ & gloriæ. Sed in natura invenitur ordo, quo quædam aliis superiora sunt, & similiter in gloria, ut patet in Angelis. Ergo in Ecclesia debet esse ordo.

## QUÆSTIUNCULA II.

1. Ulterius. Videtur quod inconvenienter ordo in littera diffiniatur, ubi dicitur: *Ordo est signaculum quoddam Ecclesiæ, per quod spiritualis potestas traditur ordinate*. Pars enim non debet poni genus totius. Sed character, qui per signaculum exponitur in consequenti diffinitione, est pars ordinis: quia dividitur contra id quod est res tantum, vel sa-

crat.

(a) id. quid esse commune.

cramentum tantum, cum sit res, & sacramentum. Ergo signaculum non debet poni quasi genus ordinis.

2. Præterea. Sicut in sacramento ordinis imprimatur character, ita in sacramento baptismi. Sed in diffinitione baptismi non ponebatur character. Ergo nec in diffinitione ordinis poni debet.

3. Præterea. In baptismo etiam quædam spiritualis potestas datur accedendi ad sacramenta: & iterum est quoddam signaculum, cum sit sacramentum. Ergo hæc diffinitio convenit baptismo; & sic inconvenienter assignatur de ordine.

4. Præterea. Ordo relatio quædam est, quæ in utroque extremorum salvetur. Extrema autem huius relationis sunt superior, & inferior. Ergo inferiores habent ordinem sicut & superiores. Sed in eis non est aliqua potestas præminentiæ, qualis ponitur hic in diffinitione ordinis, ut patet per expositionem sequentem, ubi ponitur *promotio potestatis*. Ergo inconvenienter diffinitur hic ordo.

### QUAESTIUNCULA III.

1. Ulterius. Videtur quod ordo non sit sacramentum. Sacramentum enim, ut dicit Hugo de sancto Viatore (Lib. I. de sacramentis part. viii. cap. xii.) est materiale elementum. Sed ordo non nominat aliquid huiusmodi, sed magis relationem, vel potestatem: quia ordo est pars potestatis secundum prælatum. Ergo non est sacramentum.

2. Præterea. Sacramenta non sunt de Ecclesia triumphante. Sed est ibi ordo, ut patet de Angelis. Ergo ordo non est sacramentum.

3. Præterea. Sicut prælatio spiritualis, quæ est ordo, datur cum quadam consecratione, ita & prælatio secularis: quia & Reges inunguntur, ut supra (dist. xxiii.) dictum est. Sed regia dignitas non est sacramentum. Ergo nec ordo de quo loquimur.

Sed contra est, quia ab omnibus enumeratur inter septem Ecclesiæ sacramenta.

Præterea. Propter quod unumquodque, & illud magis. Sed propter ordinem efficitur homo dispensator aliorum sacramentorum. Ergo ordo habet magis rationem quod sit sacramentum quam alia.

### QUAESTIUNCULA IV.

1. Ulterius. Videtur quod forma huius sacramenti inconvenienter in littera exprimitur. Quia sacramenta efficaciam habent ex forma. Sed efficacia sacramentorum est ex

virtute divina, quæ in eis secretius operatur salutem. Ergo in forma huius sacramenti deberet fieri mentio de virtute divina per invocationem Trinitatis; sicut in aliis sacramentis.

2. Præterea. Imperare est eius qui habet auctoritatem. Sed auctoritas non residet penes eum qui sacramenta dispensat, sed ministerium tantum. Ergo non deberet uti imperativo modo, ut diceret, *Sic agite*; vel *accipite* hoc, vel illud; aut aliquid huiusmodi.

3. Præterea. In forma sacramenti non debet fieri mentio nisi de illis quæ sunt de essentia sacramenti. Sed usus potestatis acceptæ non est de essentia huius sacramenti, sed consequitur ad ipsum. Ergo non debet de eo fieri mentio in forma huius sacramenti.

4. Præterea. Omnia sacramenta ordinant ad æternam remunerationem. Sed in formis aliorum sacramentorum non fit mentio de remuneratione. Ergo nec in forma huius sacramenti deberet de ea fieri mentio, sicut fit cum dicitur: *Habituus partem, si fideliter officium tuum impleveris, cum sit qui verbum Dei bene ministraverunt*.

### QUAESTIUNCULA V.

1. Ulterius. Videtur quod hoc sacramentum non habeat materiam. Quia in omni sacramento quod habet materiam, virtus operans in sacramento est in materia. Sed in rebus materialibus quæ hic adhibentur, sicut sunt claves, candelabra, & huiusmodi, non videtur esse aliqua virtus sanctificandi. Ergo non habet materiam.

2. Præterea. In isto sacramento confertur plenitudo gratiæ septiformis, ut in littera dicitur, sicut in confirmatione. Sed materia confirmationis præexigit sanctificationem. Cum ergo ea quæ in hoc sacramento videntur esse materialia, non sint præsanctificata, videtur quod non sint materia huius sacramenti.

3. Præterea. In quolibet sacramento habente materiam requiritur contactus materiæ ad eum qui suscipit sacramentum. Sed, ut a quibusdam dicitur, contactus ditorum materialium ab eo qui suscipit sacramentum, non est de necessitate sacramenti, sed solum porrectio. Ergo prædictæ res materiales non sunt materia huius sacramenti.

Sed contra est, quia omne sacramentum consistit in rebus, & verbis. Sed res in quolibet



libet sacramento sunt materia ipsius. Ergo res quæ in hoc sacramento adhibentur, sunt materia huius sacramenti.

Præterea. Plus requiritur ad dispensandum sacramenta quam ad suscipiendum. Sed baptisimus, in quo datur potestas ad suscipiendum sacramenta, indiget materia. Ergo & ordo, in quo datur potestas ad ea dispensanda.

## SOLUTIO I.

Respondendo dicendum ad primam questionem, quod Deus sua opera in sui similitudinem perducere voluit, quantum possibile fuit, ut perfecta essent, & per ea cognosci posset: & ideo ut in suis operibus repræsentaretur non solum quod in se est, sed etiam secundum quod aliis influit, hanc legem naturalem posuit omnibus ut ultima per media pericerentur, & media per prima, ut Dionysius dicit (de eccle. Hierar. cap. ix.) Et ideo ut ista pulchritudo Ecclesiæ non decederet, posuit ordinem in ea, ut quidam aliis sacramenta traderent, suo modo Deo in hoc assimilati, quasi Deo cooperantes, sicut etiam in corpore naturali quædam membra aliis influant.

Ad primum ergo dicendum, quod subiectio servitutis repugnat libertati; quæ servitus est quando aliquis dominatur ad sui utilitatem subiectis utens. Talis autem subiectio non requiritur in ordine, per quem qui præsent, salutem subditorum querere debent, non propriam utilitatem.

Ad secundum dicendum, quod quilibet se debet reputare inferiore merito, sed non officio. Ordines autem officia quædam sunt.

Ad tertium dicendum, quod ordo in Angelis non attenditur secundum distinctionem naturæ, nisi per accidens, in quantum addistinctionem naturæ sequitur in eis distinctio gratiæ. Attenditur autem per se secundum distinctionem in gratia, quia eorum ordines respiciunt participationem divinorum, & communicationem in statu gloriæ, quæ est secundum mensuram gratiæ, quasi gratiæ finis, & effectus quodammodo. Sed ordines Ecclesiæ militantis respiciunt participationem sacramentorum, & communicationem, quæ sunt causa gratiæ, & quodammodo gratiam præcedunt: & sic non est de necessitate nostrum ordinum gratia gratum faciens, sed solum potestas dispensandi sacramenta: & propter hoc etiam ordo non attenditur per distinctionem gratiæ gratum facientis, sed per distinctionem potestatis.

Ad secundam questionem dicendum, quod distinctio quam Magister de ordine ponit, convenit ordini secundum quod est Ecclesiæ sacramentum: & ideo duo ponit: signum exterius, ibi, *Signaculum quoddam*, id est signum quoddam; & effectum interiore, ibi, *Quo spiritualis potestas traditur ordinatis*.

Ad primum ergo dicendum, quod signaculum non ponitur hic pro characterem interiore, sed pro eo quod exterius geritur, quod est signum interioris potestatis, & causa: & sic etiam sumitur character in alia definitione. Si tamen pro interiori characterem sumeretur, non esset inconveniens: quia divisio sacramenti in illa tria non est in partes integrales proprie loquendo: quia illud quod est res tantum, non est de essentia sacramenti; quod est etiam sacramentum tantum transit, & sacramentum manere dicitur. Unde relinquitur quod ipse character interior sit essentialiter, & principaliter ipsum sacramentum ordinis.

Ad secundum dicendum, quod baptisimus, quamvis in eo conferatur aliqua spiritualis potentia recipiendi alia sacramenta (ratione cuius characterem imprimit) non tamen hoc est principalis eius effectus, sed ablutio interior, propter quam baptisimus fieret etiam priori causa non existens; sed ordo potestatem principaliter importat: & ideo character, qui est spiritualis potestas, ponitur in definitione ordinis, non autem in definitione baptisimi.

Ad tertium dicendum, quod in baptismo datur quædam potentia spiritualis ad recipiendum, & ita quodammodo passiva: potestas autem proprie nominat potentiam activam cum aliqua præminentia: & ideo hæc distinctio non convenit baptismo.

Ad quartum dicendum, quod nomen ordinis dupliciter accipitur. Quandoque enim significat ipsam relationem; & sic est tam in inferiori quam in superiori, ut obiectio tangit: & sic non accipitur hic. Aliquando autem accipitur pro ipso gradu, qui ordinem primo modo acceptum facit: & quia ratio ordinis, prout est relatio, invenitur ubi primo aliquid superius altero occurrit; ideum gradus eminentes per potestatem spirituales ordines nominatur.

## SOLUTIO III.

Ad tertiam questionem dicendum, quod sacramentum, ut ex supra dictis patet, nihil est aliud quam quædam sanctificatio homini

mini exhibita cum aliquo signo visibili: unde cum in susceptione ordinis quorundam consecratio homini adhibeatur per visibilia signa, constat ordinem esse sacramentum.

Ad primum ergo dicendum, quod quavis ordo in suo nomine non exprimat aliquod materiale elementum, tamen ordo non confertur sine aliquo elemento materiali.

Ad secundum dicendum, quod potestates proportionari debent illis ad quae sunt. Communicatio autem divinorum, ad quam datur spiritualis potestas, non fit in Angelis per aliqua sensibilia signa, sicut in hominibus contingit: & ideo potestas spiritualis, quae est ordo, non adhibetur Angelis cum aliquibus signis visibilibus, sicut hominibus: & ideo in hominibus est ordo sacramentum, sed non in Angelis.

Ad tertium dicendum, quod non omnis benedictio quae adhibetur homini, vel consecratio, est sacramentum: quia & Monachi, & Abbates benedicuntur, & tamen illae benedictiones non sunt sacramenta: & similiter nec regalis inunctio, quia post huiusmodi benedictiones non ordinantur aliqui ad dispensationem divinorum sacramentorum, sicut per benedictionem ordinis: & ideo non est simile.

#### SOLUTIO IV.

Ad quartam quaestionem dicendum, quod hoc sacramentum principaliter consistit in potestate tradita. Potestas autem a potestate traducitur, sicut simile ex simili: & iterum potestas per usum innotescit, quia potentiae notificantur per actus: & ideo in forma ordinis exprimitur usus ordinis per actum qui imperat, & exprimitur traductio potestatis per impetrativum modum.

Ad primum ergo dicendum, quod alia sacramenta non ordinantur principaliter ad effectus similes potestati secundum quam sacramenta dispensantur, sicut hoc sacramentum: & ideo in hoc sacramento est quasi quidam communicatio anivoca. Unde in aliis sacramentis exprimitur aliquid ex parte divinae virtutis, cui effectus sacramenti

assimilatur, non autem in hoc sacramento.

(a) Quamvis enim in Episcopo, qui est minister huius sacramenti, non sit auctoritas respectu collationis huius sacramenti, tamen habet aliquam potestatem respectu potestatis ordinis quae confertur per ipsum, inquantum a sua potestate derivatur.

Ad tertium dicendum, quod usus potestatis est effectus potestatis in genere causae efficientis: & sic non habet quod in distinctione ordinis ponatur; sed est quodammodo causa in genere causae finalis: & ideo secundum hanc rationem ponitur potestas in distinctione ordinis. (b)

#### SOLUTIO V.

Ad quintam quaestionem dicendum, quod materia in sacramentis exterius adhibita significat virtutem in sacramentis agentem ex extrinseco omnino adventivam: unde cum effectus proprius huius sacramenti, scilicet character, non percipiatur ex aliqua (c) operatione ipsius qui ad sacramentum accedit, sicut erat in poenitentia, sed omnino ex extrinseco adveniat; competit ei materiam habere, tamen diversimode ab aliis sacramentis quae materiam habent: quia hoc quod in sacramento confertur, in aliis sacramentis derivatur tantum a Deo, non a ministro qui sacramentum dispensat; sed illud quod in hoc sacramento traditur, scilicet spiritualis potestas, derivatur etiam ab eo qui sacramentum dat, sicut potestas imperfecta a perfecta: & ideo efficacia illorum sacramentorum principaliter consistit in materia quae virtutem divinam & significat, & continet ex sanctificatione per ministerium adhibita; sed efficacia huius sacramenti principaliter residet penes eum qui sacramentum dispensat. Materia autem adhibetur magis ad determinandum potestatem quae traditur particulariter ab habente eam complete, quam ad potestatem causandum; quod patet ex hoc quod materia competit usui potestatis.

Et per hoc patet solutio ad primum.

Ad secundum dicendum, quod materiam in aliis sacramentis oportet sanctificari propter

(a) Ita exempla omnia, & etiam codices quos vidit Nicolaus; ipse tamen hoc supplet. Ad secundum dicendum, quod propter causam specialem hoc sacramentum praeter ceteris per modum imperativi exhibetur. Quamvis enim hoc. (b) Supplet iterum Nicolaus: Ad quartum dicendum, quod aliter se habet in aliis, & in hoc sacramento. Nam per hoc sacramentum confertur officium aliquod, vel potestas aliquid faciendi: & ideo convenienter fit mentio remunerationis acquirendae, si fideliter administratur: in ceteris autem sacramentis non confertur simile officium, vel similis potestas; & ideo in illis nulla remunerationis mentio fit. Ad alia igitur sacramenta velut passive quodammodo se habet suscipiens, quia recipit ea propter proprium statum perficiendum tantum; sed ad hoc sacramentum se habet quodammodo active, quia illud suscipit propter hierarchicas functiones in Ecclesia exercendas. Unde quamvis alia eo ipso quod gratiam conferunt, ordinant ad salutem, propter tamen ad remunerationem non ordinant, sicut hoc sacramentum.

(c) Al. opinione.

pter virtutem quam continet; sed non est ita in proposito.

Ad tertium dicendum, quod sustinendo illud dictum, apparet ex dictis causa eius. Quia enim potestas ordinis non accipitur a materia, sed a ministro principaliter; ideo potestati materię magis est de essentia sacramenti quam tactus. Tamen ipsa verba formę videntur ostendere quod tactus materię sit de essentia sacramenti, quia dicitur: *Accipe hoc, vel illud.*

## ARTICULUS II.

*Utrum in hoc sacramento ordinis conferatur gratia gratum faciens.*

1. **A**D secundum sic proceditur. Videtur quod in hoc sacramento ordinis non conferatur gratia gratum faciens. Quia communiter dicitur, quod sacramento ordinis ordioatur contra defectum igoorantię. Sed contra ignorantiam non datur gratia gratum faciens, sed gratia gratis data: quia gratia gratum faciens magis respicit affectum. Ergo in sacramento ordinis non datur gratia gratum faciens.

2. Pręterea. Ordo distinctionem importat. Sed membra Ecclesię non distinguuntur per gratiam gratum facientem, sed secundum gratiam gratis datam, de qua dicitur I. Cor. xii. 4. *Divisim gratiarum sunt.* Ergo in ordine non datur gratia gratum faciens.

3. Pręterea. Nulla causa pręsupponit effectum suum. Sed in eo qui accedit ad ordines, pręsupponitur gratia, per quam sit idoneus ad executionem ordinis. Ergo talis gratia non confertur in ordinis collatione.

Sed contra. Sacramenta novę legis efficiunt quod figurant. Sed ordo per numerum septenarium significat septem Spiritus sancti dona, ut in littera dicitur. Ergo dona Spiritus sancti, quę non sunt sine gratia gratum faciente, in ordine dantur.

Pręterea. Ordo est sacramentum novę legis. Sed in distinctione talis sacramenti ponitur, ut gratia causa (\*) existat. Ergo causat gratiam in suscipiente.

## QUAESTIUNCULA II.

1. Ulterius. Videtur quod in sacramento ordinis non imprimatur character quantum ad omnes ordines: Quia ordinis character est quidam spiritalis potestas. Sed quidam ordines non ordinantur nisi ad quosdam actus

corporales, scilicet ostiarii, vel acolythi: Ergo in eis non imprimitur character.

2. Pręterea. Omnis character est indelebilis. Ergo per characterem homo ponitur in statu a quo non possit recedere. Sed illi qui habent aliquos ordines, possunt licite redire ad laicatum. Ergo non imprimitur character in omnibus ordinibus.

3. Pręterea. Ut supra dist. xii. dictum est, per characterem homo ascribitur ad aliquod sacramentum dandum, vel accipiendum. Sed ad susceptionem sacramentorum sufficienter homo ordinatur per characterem baptismalem; dispensator autem sacramentorum non constituitur homo ois in ordine sacerdotali. Ergo in aliis ordinibus non imprimitur character.

Sed contra. Omne sacramentum in quo non imprimitur character, est iterabile. Sed nullus ordo est iterabilis. Ergo in quolibet ordine imprimitur character.

Pręterea. Character est signum distinctivum. Sed in quolibet ordine est aliqua distinctio. Ergo quilibet ordo imprimit characterem.

## QUAESTIUNCULA III.

1. Ulterius. Videtur quod character ordinis non pręsupponat characterem baptismalem. Quia per characterem ordinis homo efficitur dispensator sacramentorum, per characterem baptismalem susceptivus eorumdem. Sed potestas activa non pręsupponit de necessitate passivam, quia potest esse sine ea, sicut patet in Deo. Ergo character ordinis non pręsupponit de necessitate characterem baptismalem.

2. Pręterea. Potest contingere, quod aliquis non sit baptizatus, qui se baptizatum æstimat probabiliter. Si ergo talis ad ordines accedat, non consequitur characterem ordinis, si character ordinis pręsupponat baptismalem: & sic ea quę faciet vel in consecratione, vel in absolutione, nihil erunt; & in hoc Ecclesia decipietur: quod est inconveniens.

Sed contra. Baptismus est ianua sacramentorum. Ergo cum ordo sit quoddam sacramentum, pręsupponit baptismum.

## QUAESTIUNCULA IV.

1. Ulterius. Videtur quod pręsupponat de necessitate characterem confirmationis. Quia in his quę sunt ordinata ad invicem, sicut medium pręsupponit primum, ita ultimum pręsupponit medium. Sed character confir-

D 2 matio-

(\*) cf. cor. xii. 4.

mationis præsupponit baptismalem quasi primum. Ergo character ordinis præsupponit characterem confirmationis quasi medium.

2. Præterea. Qui ad alios confirmandos ponuntur, maxime debent esse firmi. Sed illi qui sacramentum ordinis suscipiunt, sunt aliorum confirmatores. Ergo ipsi maxime debent habere sacramentum confirmationis.

Sed contra. Apostoli receperunt potestatem ordinis ante ascensionem, Ioan. xx. 22. ubi dictum est eis: *Accipite Spiritum sanctum*. Sed confirmati sunt post ascensionem per adventum Spiritus sancti. Ergo ordo non præsupponit confirmationem.

### QUAESTIUNCULA V.

1. Ulterius. Videtur quod character unius ordinis præsupponat de necessitate characterem alterius. Quia maior est convenientia ordinis ad ordinem quam ordinis ad aliud sacramentum. Sed character ordinis præsupponit characterem alterius sacramenti, scilicet baptismi. Ergo multo fortius character unius ordinis præsupponit characterem alterius.

2. Præterea. Ordines. sunt quidam gradus. Sed nullus potest pervenire ad posteriore gradum, nisi prius priorem conscenderit. Ergo nullus potest accipere characterem ordinis sequentis, nisi primum accipiat ordinem præcedentem.

Sed contra. Si omittatur aliquid in sacramento, quod sit de necessitate sacramenti, oportet quod sacramentum iteretur. Sed si aliquis accipiat sequentem ordinem prætermisso primo, non reordinatur, sed confertur si bi quod deerat, secundum statuta canonum. Ergo præcedens ordo non est de necessitate sequentis.

### SOLUTIO I.

Respondeo dicendum ad primam questionem, quod *Dei perfecta sunt opera*, ut dicitur Deuter. xxxii. 4. & ideo cuiusque datur potentia aliqua divinitus, datur ea per quæ executio illius potentie potest congrue fieri: & hoc etiam in naturalibus patet: quia animalibus dantur membra quibus animæ potentie possunt exire in actus suos, nisi sit defectus ex parte materie. Sicut autem gratia gratum faciens est necessaria ad hoc quod homo digne recipiat sacramenta, ita etiam ad hoc quod homo digne dispense: & ideo sicut in baptismo, per quem homo fit susceptivus aliorum sacramentorum, datur gratia gratum faciens; ita in sacramento ordinis, per quod homo ordinatur

ad aliorum sacramentorum dispensationem.

Ad primum ergo dicendum, quod ordo datur non in remedium unius persone, sed totius Ecclesie: unde quod dicitur contra ignorantiam dari, non est intelligendum ita: quod per susceptionem ordinis pellatur ignorantia in suscipiente, sed quia suscipiens ordinem præficiatur ad pellendum ignorantiam in plebe.

Ad secundum dicendum, quod quamvis dona gratiæ gratum facientis sint communia omnibus membris Ecclesie, tamen actus illorum donorum, secundum quæ attenditur distinctio in membris Ecclesie, idoneus susceptor aliquis esse non potest, nisi caritas addit; quæ quidem sine gratia gratum faciente esse non potest.

Ad tertium dicendum, quod ad idoneam executionem ordinum non sufficit bonitas, quantumcumque, sed requiritur bonitas excellens; ut sicut illi qui ordinem suscipiunt, super plebem constituuntur gradu ordinis, ita & superiores sint merito sanctitatis: & ideo præxigitur gratia quæ sufficiebat ad hoc quod digne connumerarentur in plebe Christi; sed confertur in ipsa susceptione ordinis, amplius gratiæ munus, per quod ad maiora reddantur idonei.

### SOLUTIO II.

Ad secundam questionem dicendum, quod circa hoc fuit triplex opinio. Quidam enim dixerunt, quod in solo ordine sacerdotali character imprimitur. Sed hoc non videtur verum: quia actum diaconi nullus potest exercere licite, nisi diaconus: & ita patet quod habet aliquam spirituales potestatem in dispensatione sacramentorum, quam alii non habent. Et propter hoc alii dixerunt, quod in sacris ordinibus imprimitur character, non autem in minoribus. Sed hoc nihil iterum est: quia per quemlibet ordinem aliquis constituitur super plebem in aliquo gradu potestatis ordinatæ ad sacramentorum dispensationem. Unde cum character sit signum distinctivum ab aliis, oportet quod in omnibus character imprimatur, cuius etiam signum est quod perpetuo manent, & nunquam iterantur. Et hæc est tertia opinio, quæ communior est.

Ad primum ergo dicendum, quod quilibet ordo vel habet actum circa ipsum sacramentum, vel ordinatur ad sacramentorum dispensationem; sicut offitium habent actum admiuendi homines ad divinarum sacramentorum institutionem, & sic de aliis: & ideo in omnibus requiritur specialis potestas.

Ad secundum dicendum, quod quantumcumque ad laicatum se transferat, semper tamen manet in eo character: quod patet ex hoc quod si ad clericatum revertatur, non iterum ordinem quem habuerat, suscipit.

Ad tertium dicendum, sicut ad primum.

### SOLUTIO III.

Ad tertiam questionem dicendum, quod nihil potest aliquid recipere cuius receptivam potentiam non habet. Per characterem autem baptismalem efficitur homo receptivus aliorum sacramentorum: unde qui characterem baptismalem non habet, nullum alterum sacramentum suscipere potest; & sic character ordinis baptismalem characterem præsupponit.

Ad primum ergo dicendum, quod in eo qui habet potentiam activam a se, potentia activa non præsupponit passivam; sed in eo qui habet potentiam activam ab altero, præxigitur ad potentiam activam potentia passiva, quæ recipere possit potentiam activam.

Ad secundum dicendum; quod talis si ad sacerdotium promoveatur, non est sacerdos, nec conficere potest, nec absolvere in foro poenitentiali: unde secundum canones debet baptizari iterato, & ordinari. Et si etiam in Episcopum promoveatur, illi quos ordinat, non habent ordinem. Sed tamen pie credi potest quod quantum ad ultimos effectus sacramentorum summus sacerdos supplet defectum, & quod non permetteret hoc ita latere quod periculum Ecclesiæ imminere posset.

### SOLUTIO IV.

Ad quartam questionem dicendum, quod ad susceptionem ordinis præxigitur aliquid quasi de necessitate sacramenti, & aliquid de congruitate. De necessitate enim sacramenti præxigitur quod ille qui accedit ad ordines, sit ordinis susceptivus, quod competit ei per baptismum: & ideo character baptismalis præsupponitur de necessitate sacramenti, ita quod sine eo sacramentum ordinis (a) conferri non potest. Sed de congruitate requiritur omnis perfectio, per quam aliquis reddatur idoneus ad executionem ordinis; & unum de istis est ut sit confirmatus: & ideo de congruitate character ordinis characterem confirmationis præsupponit, & non de necessitate.

Ad primum ergo dicendum, quod non est similis habitudo huiusmodi medi ad ulti-

um, & primi ad medium: quia per characterem baptismalem fit homo susceptivus sacramenti confirmationis; non autem per sacramentum confirmationis fit homo susceptivus sacramenti ordinis: & ideo non est similis ratio.

Ad secundum dicendum, quod illa ratio procedit de idoneitate quantum ad congruitatem.

### SOLUTIO V.

Ad quintam questionem dicendum, quod non est de idoneitate superiorum ordinum quod aliquis minores ordines prius habeat: quia potestates sunt distinctæ, & una, quantum est de sui ratione, non requirit aliam in eodem subiecto: & ideo etiam in primitiva Ecclesia aliqui ordinabantur in presbyteros qui prius inferiores ordines non susceperant; & tamen poterant omnia quæ inferiores ordines possunt: quia inferior potestas comprehenditur in superiori virtute, sicut sensus in intellectu, & ducatus in regno. Sed postea per constitutionem Ecclesiæ determinatum est quod ad maiorem se non ingrat qui prius in minoribus officiis se non humiliavit. Ex inde est quod qui ordinantur per saltum, secundum canones non reordinantur; sed id quod omisissum fuerat de præcedentibus ordinibus, eis conferuntur.

Ad primum ergo dicendum, quod magis conveniunt ordines ad invicem secundum similitudinem speciei quam ordo cum baptismo; sed secundum proportionem potentie ad actum magis convenit baptismus cum ordine quam ordo cum ordine: quia per baptismum acquirit homo potentiam passivam recipiendi ordines, non autem per ordinem inferiorem datur potentia passiva recipiendi maiores ordines.

Ad secundum dicendum, quod ordines non sunt gradus qui occurrant in actione una, vel in uno motu, ut oporteat ad ultimum per primum devenire; sed sunt sicut gradus in diversis rebus constituti, sicut est gradus inter hominem & Angelum: nec oportet quod ille qui sit Angelus, prius fuerit homo. Similiter etiam est gradus inter caput & omnia membra corporis: nec oportet quod illud quod est caput, prius fuerit pes: & similiter est in proposito.

## ARTICULUS III.

*Utrum in suscipiensibus ordinem requiratur bonitas vitae.*

1. **A**D tertium sic proceditur. Videtur quod in suscipiensibus ordines non requiratur bonitas vitae. Quia per ordinem aliquis ordinatur ad dispensationem sacramentorum. Sed sacramenta possunt dispensari a bonis, & a malis. Ergo non requiritur bona vita.

2. Præterea. Non est maius ministerium quod Deo in sacramentis exhibetur quam quod ipsi corporaliter adhibetur. Sed a ministerio eius corporali non repulit Dominus mulierem peccatricem, & infamem, ut patet Luc. vii. Ergo nec a ministerio eius in sacramentis tales sunt amovendi.

3. Præterea. Per omnem gratiam datur aliquod remedium contra peccatum. Sed illis qui habent peccatum, non debet aliquod remedium. denegari quod eis valere possit. Cum ergo in sacramenta ordinis gratia conferatur, videtur, quod debeat etiam peccatoribus hoc sacramentum dari.

Sed contra. Levit. xxi. 21. (a) *Homo de semine Aaron qui habuerit maculam, non offerat panes coram Domino, nec accedat ad ministerium eius.* Sed per maculam, ut dicit Glossa, omne vitium intelligitur. Ergo ille qui est aliquo vitio irretitus, non debet ad ministerium ordinis adhiberi.

Præterea. Hieronymus dicit (super. Epist. ad Titum, cap. 11. in fine.) quod non solum Episcopi, & presbyteri, & diaconi debent magnopere providere ut, cunctum populum cui præsent, sermone, & conversatione præcedant, verum etiam inferiores gradus, & omnes qui Domini (b) oraculo deserviunt: & quia vehementer Ecclesiam Dei destruit, meliores esse laicos quam clericos. Ergo, in omnibus ordinibus requiritur sanctitas vitae.

## QUAESTIUNCULA II:

1. Ulterius. Videtur quod requiratur scientia totius sacre Scripturæ. Quia, ille debet habere legis scientiam, a cuius ore lex requiritur. Sed legem requiritur de ore sacerdotis, ut patet Malach. ii. Ergo ipse debet totius legis habere scientiam.

2. Præterea. I. Petr. ii. 15. *Parati semper ad satisfactionem, omni poscenti vos rationem de ea quæ (c) in vobis est fide, & spe.* Sed reddere rationem de his quæ sunt fidei, & spei,

est illorum qui perfectam scientiam sacrarum Scripturarum habent. Ergo talem scientiam debent habere illi qui ponuntur in ordinibus, quibus verba prædicta dicuntur.

3. Præterea. Nullus congrue legit qui non intelligit quod legit: quia legere, & non intelligere, negligere est, ut dicit Cato. Sed ad lectores, qui est quasi infimus ordo, pertinet legere vetus testamentum, ut in littera dicitur. Ergo ad eos pertinet habere totius veteris testamenti intellectum, & multo fortius ad alios superiores ordines.

Sed contra est quod multi promoveuntur ad sacerdotium qui penitus de talibus nihil sciunt, etiam in religionibus multis. Ergo videtur quod talis scientia non requiratur.

Præterea. In vitis patrum legitur, aliquos simplices monachos ad sacerdotium promotos, qui erant sanctissimæ vitæ. Ergo non requiritur prædicta scientia in ordinandis.

## QUAESTIUNCULA III.

1. Ulterius. Videtur quod ex ipso merito vitæ aliquis ordinis gradum consequatur. Quia, sicut dicit Chrysostomus (Auctor operis imperfecti in Math. hom. xliii.) non omnis sacerdos sanctus est, sed omnis sanctus sacerdos est. Sed ex vitæ merito aliquis efficitur sanctus. Ergo & sacerdos, & multo fortius alios ordines habens.

2. Præterea. In rebus naturalibus ex hoc ipso aliqua in gradu superiori collocantur: quod Deo appropinquant, & magis de eius bonitatibus participant, ut Dionysius dicit iv. cap. ecclesiasti. Hier. Sed ex merito sanctitatis, & scientiæ aliquis efficitur Deo propinquior, & plus de eius bonitatibus recipiens. Ergo ex hoc ipso in gradu ordinis collocatur.

Sed contra. Sanctitas semel habita potest amitti. Sed ordo semel habitus numquam amittitur. Ergo ordo non consistit in ipso merito sanctitatis.

## QUAESTIUNCULA IV:

1. Ulterius. Videtur quod promovens, indignos ad ordines non peccet. Quia Episcopus indiget coadiutoribus in minoribus officiis constitutis. Sed non posset eos invenire in sufficienti numero, si talem idoneitatem in eis requireret, qualis a sanctis describitur. Ergo si aliquos non idoneos promovet, videtur quod sit excusabilis.

2. Præterea. Ecclesia, non solum indiget ministris ad dispensationem spiritualium, sed etiam

(a) Vulgata: Omnis qui habuerit maculam de semine Aaron sacerdos, non accedat offerre hostias Domino nec panes Dei sui. (b) Hieronymus: regni domini. (c) Vulgata: in vobis est spe.

etiam ad gubernationem temporalium. Sed quandoque illi qui non habent scientiam, vel sanctitatem vitae, possent esse utiles ad gubernationem temporalium, vel propter potentiam facultatem, vel propter iudicium naturalem. Ergo videtur quod tales possent sine peccato promovetur.

3. Præterea. Quilibet tenetur peccatum vitare quantum potest. Si ergo Episcopus peccat indignos promoveos, debet adhibere maximam diligentiam ad sciendum an illi qui accedunt ad ordines, sint digni, ut fieret diligens inquisitio de moribus, & scientia eius; quod non videtur alicubi observari.

Sed contra. Peius est promovere malos ad sacra ministeria quam iam promotos non corrigere. Sed Heli mortaliter peccavit non corrigens efficaciter filios suos de malitia sua: unde & retrosum cadens mortuus est, ut dicitur I. Reg. (cap. iv.) Ergo multo fortius mortaliter peccat Episcopus qui indignum promovet.

Præterea. Spiritualia temporalibus sunt præponenda in Ecclesia. Sed mortaliter peccaret qui res Ecclesie temporales scienter sub periculo poneret. Ergo multo fortius peccaret qui poneret res spirituales sub periculo. Sed sub periculo ponit res spirituales quicumque indignos promovet: quia cuius vita despiciatur, ut dicit Gregorius (hom. xii. in Evang.) necesse est ut prædicatio eius contemnatur, & eadem ratione omnia spiritualia ab eis exhibita. Ergo indignos promovens, mortaliter peccat.

#### QUAESTIUNCULA V.

1. Ulterius. Videtur quod aliquis in peccato existens possit sine peccato ordine suscepto uti. Quia peccat, si non utatur, cum ex officio teneatur. Si ergo utendo peccat, non potest peccata vitare; quod est inconveniens.

2. Præterea. Dispensatio est iuris relaxatio. Ergo quamvis de iure esset el illicitum uti ordine suscepto, tamen ex dispensatione ei liceret.

3. Præterea. Quicumque communicat alicui io peccato mortali, peccat mortaliter. Si ergo peccator in usu ordinis peccat mortaliter, tunc etiam peccat mortaliter qui ab eo aliquid divinatorum accipit, vel ab eo exigit; quod videtur absurdum.

4. Præterea. Si utendo ordine suo peccat, ergo quilibet actus ordinis quem facit, est peccatum mortale; & ita, cum in una executione ordinis multi actus concurrant, videtur quod multa peccata committat; quod valde durum videtur.

Sed contra est quod dicit Dionysius in epistola (vii.) ad Demophilum. *Talis, scilicet qui non est illuminatus, audax videtur sacerdotibus manum apponens; & non times, neque verecundatur divina præter dignitatem exequens, & putans Deum ignorare quod ipse in seipso cognovit; & decipere assmat falso nomine patrem ab ipso appellatum; & audeat ipsius muneris immundis infamias (non enim dicam orationes) super divina signa christiformiter emulare.* Ergo sacerdos est quasi blasphemus, & dicitur deceptor qui indigne suum ordinem exequitur, & sic mortaliter peccat; & eadem ratione quilibet alius ordinatus.

Præterea. Sanctitas requiritur in susceptione ordinis, ut sit idoneus ad exequendum. Sed peccat mortaliter qui cum peccato mortali ad ordines accedit. Ergo multo fortius peccat mortaliter in qualibet executione sui ordinis.

#### SOLUTIO I.

Respondeo dicendum ad primam questionem, quod, sicut Dionysius dicit in vii. cap. ecclesiast. *Hier. ut subtiliores, & clariiores essentia repleat influxu solarium splendorem lumen in eis supereminens ad similitudinem solis in alia corpora irruerunt; sic in omni divino non est audendum aliis dux esse, nisi secundum omnem habitum suum factus Dei simillimus, & Deo simillimus.* Unde cum in quolibet ordine aliquis constituitur dux aliis in rebus divinis, in quolibet quasi presumptuosius mortaliter peccat qui cum conscientia peccati mortalis ad ordines accedit: & ideo sanctitas vitae requiritur ad ordinem de necessitate præcepti, sed non de necessitate sacramenti. Unde si malus ordinatur, nihilominus ordinem habet, tamen cum peccato.

Ad primum ergo dicendum, quod sicut vera sacramenta sunt quæ peccator dispensat, ita verum sacramentum ordinis recipit; & sicut indigne dispensat, ita indigne recipit.

Ad secundum dicendum, quod illud ministerium erat tantum in executione corporalis obsequii; quod etiam licite peccatores facere possunt; secus autem est de ministerio spirituali, ad quod applicantur ordinati, quia per ipsum efficiuntur medii inter Deum & plebem: & ideo debent bona conscientia niteri quo ad Deum, & bona fama quo ad homines.

Ad tertium dicendum, quod aliquæ medicinae sunt quæ exiguo robore naturæ, alias

cum

rum periculo mortis assumuntur; & aliae sunt quae debilibus dari possunt. Ita etiam in spiritualibus quaedam sacramenta sunt ordinata ad remedium peccati, & talia peccatoribus sunt exhibenda, sicut baptisumus, & poenitentia; illa vero quae perfectionem gratiae conferunt, requirunt hominem per gratiam confortatum.

### SOLUTIO II.

Ad secundam quaestionem dicendum, quod in quolibet actu hominis, si debeat esse ordinatus, oportet quod addit directio rationis. Unde ad hoc quod homo ordinis officium exequatur, oportet quod habeat tantum de scientia quae sufficiat ad hoc quod dirigatur in actu illius ordinis: ideo talis scientia requiritur in eo quia ad ordines promoveri debet, & non quod universaliter in tota Scriptura sit instructus; sed plus & minus secundum quod ad plura vel pauciora se eius officium extendit, ut scilicet illi qui aliis praeposunt curam animarum suscipientes, scient ea quae ad doctrinam fidei, & morum pertinent, & alii scient ea quae ad executionem sui ordinis spectant.

Ad primum ergo dicendum, quod sacerdos habet duos actus: unum principale supra corpus Christi verum, & alterum secundarium supra corpus Christi mysticum. Secundus autem actus dependet a primo, sed non convertitur: & ideo aliqui ad sacerdotium promoveantur, quibus committitur primus actus tantum, sicut religiosi quibus cura animarum non committitur; & a talium ore non requiritur lex, sed solum quod sacramentaificent: & ideo talibus sufficit, si tantum de scientia habeant quod ea quae ad sacramentum perficiendum spectant, rite servare possint. Alii autem promoveantur ad alium actum qui est supra corpus Christi mysticum; & a talium ore populus legem requirit: unde scientia legis in eis esse debet, non quidem ut scient omnes difficiles quaestiones legis, quia in his debet ad superiores haberi recursus; sed scient quae populus debet credere, & observare de lege. Sed ad superiores sacerdotes, scilicet Episcopos, pertinet ut etiam ea quae difficultatem in lege facere possunt, scient, & tanto magis, quanto in maiori gradu collocantur.

Ad secundum dicendum, quod ratio reddenda de fide, non est intelligenda talis quae sufficiat ad probandum quae fidei, vel spei sunt, cum utrumque de invisibilibus sit; sed ut sciat in communi probabilitatem utrius-

que ostendere, ad quod non requiritur melius magna scientia.

Ad tertium dicendum, quod ad lectorem non pertinet tradere intellectum sacrae Scripturae populo, quia hoc est superiorum ordinum; sed solum pronuntiare: & ideo ab eo non exigitur quod habeat tantum de scientia quod sacram Scripturam intelligat, sed solum quod recte pronuntiare sciat: & quia talis scientia de facili addiscitur, & a multis; ideo probabiliter aestimari potest quod ordinatus talem scientiam acquirat, si etiam tunc eam non habeat, maxime si in via ad hoc esse videatur.

### SOLUTIO III.

Ad tertiam quaestionem dicendum, quod causa debet esse proportionata suo effectui: & ideo sicut in Christo, a quo descendit gratia in omnes homines, oportet quod sit gratiae plenitudo; ita in ministris Ecclesiae, quorum non est dare gratiam, sed gratiae sacramenta, non constituitur gradus ordinis ex hoc quod habeat gratiam, sed ex hoc quod percipit aliquod gratiae sacramentum.

Ad primum ergo dicendum, quod Chrysostomus accipit sacerdotis nomen quantum ad nominis interpretationem, secundum quod sacerdos idem est quod sacra dans. Sicut enim quilibet iustus, in quantum sacra merita alicui in auxilium dat, sacerdotis interpretationem habet. Non autem loquitur secundum nominis significationem: est enim hoc nomen *sacerdos* institutum ad significandum enim qui sacra dat in sacramentorum dispensatione.

Ad secundum dicendum, quod res naturales efficiuntur in gradu super alia secundum quod in ea agere possunt ex forma sua: & ideo ex hoc ipso quod formam nobiliorum habent, in altiori gradu constituuntur. Sed ministri Ecclesiae non praeposunt aliis ut eis ex propria sanctitatis virtute aliquid tribuant, quia hoc solius Dei est, sed sicut ministri, & quodammodo instrumenta illius effluxus qui fit a capite in membra: & ideo non est simile quantum ad dignitatem ordinis, quamvis sit simile quantum ad congruitatem.

### SOLUTIO IV.

Ad quartam quaestionem dicendum, quod a Domino describitur fidelis qui est servus constitutus super familiam, ut det illis tristici mensuram: & ideo infidelitatis reus est qui aliter supra mensuram eius divina tradit. Hoc autem facit quicumque indignum prom-



Promovet: & ideo mortale crimen committitur, quasi summo Domino infidelis; & precipue cum hoc in detrimentum Ecclesiæ vergat, & honoris divini, qui per bonos ministros promovetur. Effe enim infidelis domino terreno qui in eius officio aliquos inutiles poneret.

Ad primum ergo dicendum, quod Deus numquam ita deserit Ecclesiam suam, quin inveniantur idonei ministri sufficienter ad necessitatem plebis, si digni promoverentur, & indigni repellerentur. Et si non possent tot ministri inveniri quot modo sunt, melius esset habere paucos ministros bonos quam multos malos, ut dicit beatus Clemens (& habetur dist. xxiii. cap. *Tales ad ministerium.*)

Ad secundum dicendum, quod temporalia non sunt querenda nisi propter spiritualia: unde incommodum temporale debet negligi, & omne lucrum sperni propter spirituale bonum promovendum.

Ad tertium dicendum, quod ad minus hoc requiritur quod nesciat ordinans aliquid contrarium sanctitati in ordinando esse; sed etiam exigitur amplius ut secundum mensuram ordinis, vel officii iniungendi diligentior cura apponatur, ut habeatur certitudo de qualitate promovendorum, saltem ex testimonio aliorum: & hoc est quod Apostolus dicit I. Timoth. v. 22. *Manus cito nemini imponas.*

### SOLUTIO V.

Ad quintam quæstionem dicendum, quod lex precipit ut homo iuste ea quæ sunt iusta exequatur: & ideo quicumque homo quod sibi competit ex ordine, facit indigne, quod iustum est, iniuste exequitur, & contra præceptum legis facit, ac per hoc mortaliter peccat. Quicumque autem eum peccato mortali aliquod sacrum officium pertrahat, non est dubium quin indigne illud faciat: unde patet quod mortaliter peccat.

Ad primum ergo dicendum, quod non est perplexus ut necessitatem peccandi habeat: quia potest peccatum dimittere, vel officium resignare ex quo obligatur ad executionem ordinis.

Ad secundum dicendum, quod ius naturæ est in dispensabile. Hoc autem est de iure naturali ut homo sancta sancte pertrahat: unde contra hoc nullus potest dispensare.

Ad tertium dicendum, quod quamdiu minister Ecclesiæ qui est in mortali, ab Ecclesiâ sustinetur, ab eo sacramenta recipere eius subditus debet, quia ad hoc est ei ob-

ligatus; sed tamen præter necessitatis articulum non esset tutum quod eum induceret ad aliquid sui ordinis exequendum, durante tali conscientia quod ille in peccato mortali esset; quam tamen deponere posset, quia in instanti homo a divina gratia emendatur.

Ad quartum dicendum, quod quodcumque exhibet se in aliquo actu ut ministrum Ecclesiæ, mortaliter peccat; & toties mortaliter peccat, quoties huiusmodi actum facit: quia, ut dicit Dionysius i. cap. *caelest. Hierar. immundis nec symbola*, id est sacramentalia signa, *tangere fas est*: unde quando tangunt res sacras, quasi suo officio utentes, peccant mortaliter. Secus autem esset, si in aliqua necessitate aliquod sacrum contingeret, vel exqueretur, in illo casu in quo etiam laicus liceret, sicut si baptizaret in articulo necessitatis, vel si corpus Christi in terra proiectum colligeret.

### QUÆSTIO II.

Deinde queritur de distinctione ordinum: & circa hoc queruntur tria.

Primo. De distinctione eorum.

Secundo. De actibus singulorum.

Tertio. Quando imprimatur character in singulis ordinibus.

### ARTICULUS I.

*Utrum debeant plures ordines distingu.*

1. Ad primum sic proceditur. Videtur quod non debeant plures ordines distingu. Quanto enim aliqua virtus est maior, tanto minus est multiplicata. Sed hoc sacramentum est dignius aliis sacramentis, in quantum constituit suscipientes in aliquo gradu super alios. Cum ergo alia sacramenta non distinguantur in plura quæ recipiant prædicationem totius, nec hoc sacramentum debet distingu in plures ordines.

2. Præterea. Si dividitur, aut est divisio totius in partes integrales, aut in partes subiectivas. Non in partes integrales: quia sic non reciperent prædicationem totius. Ergo est divisio in partes subiectivas. Sed partes subiectivæ recipiunt in plurali prædicatione generis remoti sicut generis proximi, sicut homo, & asinus sunt plura animalia, & plura corpora animata. Ergo & sacerdotium, & diaconatus sicut sunt plures ordines, ita & plura sacramenta, cum sacramentum sit quasi genus ad ordines.

E 3. Præ-

3. Præterea. Secundum Philosophum in VIII. Ethic. (cap. x. vel xii.) regimen quo unus tantum principatur, est nobilissimum. Ergo non deberet esse in Ecclesia distinctio ordinum ad diversos actus; sed tota potestas deberet apud unum residere; & sic deberet esse tantum unus ordo.

Sed contra. Ecclesia est corpus Christi mysticum, simile corpori naturali secundum Apostolum (I. Corinth. xii.) Sed in corpore naturali sunt diversa membrorum officia. Ergo & in Ecclesia debent esse diversi ordines.

Præterea. Ministerium novi testamenti est dignius quam ministerium veteris, ut patet II. Corinth. xii. Sed in veteri testamento non solum sacerdotes, sed etiam ministri eorum levitæ sanctificabantur. Ergo & in novo testamento debent consecrari per ordinis sacramentum non solum sacerdotes, sed etiam ministri eorum; & ita oportet quod sint plures ordines.

#### QUAESTIUNCULA II.

1. Ulterius. Videtur quod non sint septem ordines. Ordines enim Ecclesie ordinantur ad actus hierarchicos. Sed tres sunt tantum actus hierarchici, scilicet purgare, illuminare, & perficere, secundum quos Dionysius distinguit tres ordines (b) in v. cap. eccl. Hierar. Ergo non sunt septem.

2. Præterea. Omnia sacramenta habent efficaciam, & auctoritatem ex institutione Christi, vel saltem Apostolorum eius. Sed in doctrina Christi, & Apostolorum non fit mentio nisi de presbyteris, & diaconis. Ergo videtur quod non sint alii ordines.

3. Præterea. Per sacramentum ordinis constituitur aliquis dispensator aliorum sacramentorum. Sed alia sacramenta sunt sex. Ergo debent esse tantum sex ordines.

4. Sed contra. Videtur quod debeant esse plures. Quia quanto aliqua virtus est altior, tanto est minus multiplicabilis. Sed potestas hierarchica est altiori modo in Angelis quam sit in nobis, ut Dionysius dicit (de celesti Hierar. cap. viii.) Ergo cum in hierarchia angelica sint novem ordines, totidem deberent esse in Ecclesia, vel plures.

5. Præterea. Prophetia Psalmorum est nobilior inter alias prophetias. Sed ad pronuntiandum in Ecclesia alias prophetias est unus ordo, scilicet lectorum. Ergo & ad

pronuntiandum Psalmos deberet esse alius ordo, & præcipue cum in decretis (dist. xxiii. cap. Psalmista) Psalmista secundus ab oliario inter ordines ponatur.

#### QUAESTIUNCULA III.

1. Ulterius. Videtur quod ordines non debeant distingui per sacros, & non sacros. Omnes enim ordines sacramenta quedam sunt. Sed omnia sacramenta sunt sacra. Ergo omnes ordines sunt sacri.

2. Præterea. Secundum ordines Ecclesie non deputatur aliquis nisi ad divina officia. Sed omnia talia sunt sacramenta. Ergo omnes ordines sunt sacri.

Sed contra est quod ordines sacri impediunt matrimonium contrahendum, & dirimunt contractum. Sed quatuor inferiores ordines non impediunt contrahendum, nec dirimunt contractum. Ergo non sunt sacri ordines.

#### SOLUTIO I.

Respondeo dicendum ad primam questionem, quod ordinum multitudo (c) inducitur est in Ecclesia propter tria. Primo propter sapientiam Dei commendandam, quæ in distinctione ordinata rerum maxime relictur tam in naturalibus, quam in spiritualibus; quod significatur in hoc quod Regina Saba videns ordinem ministrantium Salomoni non habebat ultra spiritum, deficiens in admiratione sapientie ipsius (III. Reg. cap. x.) Secundo ad subveniendum humane infirmitati: quia per unum non poterant omnia quæ ad divina mysteria pertinebant, expleri sine magno gravamine: & ideo distinguuntur ordines diversi ad diversa officia. Et hoc patet per hoc quod Dominus Numer. xi. dedit Moyse septuaginta senes populi in adiutorium. Tertio ut via proficiendi hominibus amplior detur, dum plures in diversis officiis distribuuntur, ut omnes sint Dei cooperatores, quoniam est divinus, ut Dionysius dicit (de eccl. Hier. cap. v. part. i.)

Ad primum ergo dicendum, quod illa sacramenta dantur ad effectus aliquos percipiendos; sed hoc sacramentum datur principaliter ad actus aliquos agendos: & ideo secundum diversitatem actuum oportet quod ordinis sacramentum distinguatur, sicut potentie distinguuntur per actus.

Ad secundum dicendum, quod distinctio ordinum non est totius integralis in partes, neque totius universalis, sed totius potestativæ;

(a) scilicet. quam regimen. (b) scilicet. in quinque capitulis. (c) scilicet. ducta.

sivi; cuius hæc est natura quod totum secundum completam rationem est in uno, in aliis autem est aliqua participatio ipsius; & ita est hic: tota enim plenitudo huius sacramenti est in uno ordine, scilicet sacerdotio, sed in aliis est quedam participatio ordinis: & hoc significatum est in hoc quod Dominus dicit Num. xi. 17. *Moyſi: Auferam de spiritu tuo, & tradam eis, ut ſuſtineant onus populi.* Et ideo omnes ordines sunt unum sacramentum.

Ad tertium dicendum, quod in regno, quamvis tota potestatis plenitudo residet penes Regem, non tamen excluduntur ministrorum potestates, quæ sunt participationes quedam regis potestatis: & similiter est in ordine. In aristocratia autem apud nullum residet plenitudo potestatis, sed apud omnes.

## SOLUTIO II.

Ad secundam questionem dicendum, quod quidam sumunt sufficientiam ordinum per quamdam adaptationem ad gratias gratis datas, de quibus habetur I. Corinth. xii. Dicunt enim quod *sermo sapientie* competit Episcopo, quia ipse aliorum ordinator est, quod ad sapientiam pertinet: *sermo scientie* sacerdoti, quia debet habere clavem scientie: *fides* diacono, qui prædicat Evangelium: *opera virtutum* subdiacono, qui se ad opera perfectionis extendit per votum continentie: *interpretatio sermonum* acolytho, quod significatur in lumine quod desert: *gratia sanitarum exorcista*: & *genera linguarum* psalmista: *propheta* lectori: *discretio spirituum* ostiario, qui quosdam repellit, & quosdam admittit. Sed hoc nihil est: quia gratie gratis datæ non dantur eidem, sicut ordines dantur eidem: dicitur enim I. Corinth. xii. 4. *Divisiones gratiarum sunt.* Et iterum ponuntur quedam quæ ordines non dicuntur, scilicet episcopatus, & psalmistatus.

Et ideo alii assignant secundum quamdam assimilationem ad cælestem hierarchiam, in qua ordines distinguuntur secundum purgationem, illuminationem, perfectionem. Dicunt enim, quod ostiarius purgat exterius segregando bonos a malis etiam corporaliter: interius vero acolythus, quia per lumen quod portat, significat se interiores tenebras pellere; sed utroque modo exorcista, quia diabolum quem expellit, utroque modo perturbat. Sed illuminario quæ fit per doctrinam, quantum ad doctrinam propheticam fit per lectores, quantum ad evangelicam fit per diaconos, quantum ad apostolicam fit per subdiaconos. Sed perfectio communis utpote

quæ est poenitentia, baptismi, & huiusmodi; fit per sacerdotem; excellens vero per Episcopum, ut consecratio sacerdotum, & virginum; sed excellentissima per summum Pontificem, in quo est plenitudo auctoritatis. Sed hoc nihil est: tum quia ordines cælestis hierarchie non distinguuntur per prædictas actiones hierarchicas, cum quolibet cultibet ordinum conveniat: tum quia secundum Dionysium (de eccles. hierar. cap. v. part. 3.) solis Episcopis convenit perficere, illuminare autem sacerdotibus, purgare autem ministris omnibus.

Et ideo alii appropriant ordines septem donis, ut sacerdotio respondeat donum sapientie, quæ nos pane vite, & intellectus cibis, sicut sacerdos nos pane cælesti reficit; sed rimor ostiarii, quia nos separat a malis: & sic intermedii ordines respondent mediis donis. Sed hoc iterum nihil est: quia in quolibet ordine sepius formis gratia datur.

Et idem aliter dicendum est, quod ordinis sacramentum ad sacramentum eucharistie ordinatur, quod est sacramentum sacramentorum, ut dicit Dionysius (ubi supra cap. iv.) Sicut enim templum, & altare, & vasa, & vestes, ita & ministeria quæ ad eucharistiam ordinantur, consecratione indigent; & hæc consecratio est ordinis sacramentum: & ideo distinctio ordinum est accipienda secundum relationem ad eucharistiam: quia potestas ordinis aut est ad consecrationem eucharistie ipsius, aut ad aliud quod ministerium ordinandum ad hoc. Si primo modo, sic est ordo sacerdotum: & ideo cum ordinantur, accipiunt calicem cum vino, & patenam cum pane, potestatem accipiendo consecrandi corpus, & sanguinem Christi. Cooperatio autem ministrorum est vel in ordine ad ipsum sacramentum, vel in ordine ad suscipientes. Si primo, sic tripliciter. Primo enim est ministerium quo minister cooperatur sacerdoti in ipso sacramento quantum ad dispensationem, licet non quantum ad consecrationem, quam solus sacerdos facit; & hoc pertinet ad diaconum: unde in littera dicitur, quod ad diaconum pertinet ministrare sacerdotibus in omnibus quæ aguntur in sacramentis Christi: unde ipsi sanguinem dispensant. Secundo est ministerium ordinatum ad materiam sacramenti ordinandam in sacris vasibus ipsius sacramenti: & hoc pertinet ad subdiaconum: unde in littera dicitur, quod vasa corporis, & sanguinis Domini portant, & oblationes in altari ponunt: & ideo accipiunt calicem de manu Episcopi, sed vacuum, cum ordi-

nentur. Tertio est ministerium ordinatum ad præsentandum materiam sacramenti; & hoc competit acolytho: ipse enim, ut in littera dicitur, uteroolum cum vino, & aqua præparat: unde accipiunt uteroolum vacuum. Sed ministerium ad præparationem recipientium ordinatum non potest esse nisi super immundos: quia qui mundi sunt, iam sunt ad sacramenta recipienda idonei. Triplex autem est genus immundorum, ut Dionysius dicit (de eccles. Hierar. cap. xii. part. 1. 2. & 3.) Quidam enim sunt omnino infideles, credere non volentes; & hi totaliter etiam a visione divinorum, & a cœtu fidelium arcendi sunt; & hoc pertinet ad ostiarios. Quidam vero sunt volentes credere, sed nondum sunt instructi, scilicet catechumeni; & ad horum instructionem ordinatur ordo lectorum: & ideo prima rudimenta ad doctrinam fidei, scilicet verus testamentum, eis legendum committitur. Quidam vero sunt fideles, & instructi, sed impedimentum habentes ex dæmonis potestate, scilicet energumēni; & ad hoc habet ministerium ordo exorcistarum. Et sic patet ratio, & numerus, & gradus ordinum.

Ad primum ergo dicendum, quod Dionysius loquitur de ordinibus non secundum quod sunt sacramenta, sed secundum quod ad hierarchicas actiones ordinantur: & ideo secundum actiones illas tres ordines distinguuntur: quorum primus habet omnes tres, scilicet Episcopus; secundus habet duas, scilicet sacerdos; sed tertius habet unam (scilicet purgare) scilicet diaconus, qui minister dicitur: & sub hoc omnes inferiores ordines comprehenduntur. Sed ordines habent quod sint sacramenta ex relatione ad maximum sacramentorum: & ideo secundum hoc numerus ordinum accipi debet.

Ad secundum dicendum, quod in primitiva Ecclesia propter paucitatem ministeriorum omnia inferiora ministeria diaconis committebantur, ut patet per Dionysium xii. cap. eccle. Hier. ubi dicit: *Ministrorum alii sunt ad portas templi claustris; alii aliud quid proprii ordinis operantur; alii cum sacerdotibus proponunt super altare sacrum panem, & benedictionis calicem.* Nihilominus erant omnes prædictæ potestates, sed implicite in una diaconi potestate. Sed postea amplius est cultus divinus, & Ecclesia quod implicite habebat in uno ordine, explicite tradidit in diversis; & secundum hoc dicit Magister in littera, quod Ecclesia alios ordines sibi instituit.

Ad tertium dicendum, quod ordines or-

dinantur principaliter ad sacramentum eucharistiæ, ad alia autem per consequens; quia etiam alia sacramenta ab eo quod in hoc sacramento continetur, derivantur: unde non oportet quod distinguantur ordines secundum sacramenta.

Ad quartum dicendum, quod Angelis differunt specie, & propter hoc in eis potest esse diversus modus accipiendi divina; & ideo etiam diversæ hierarchiæ in eis distinguuntur: sed in hominibus est tantum una hierarchia propter unum modum accipiendi divina qui consequitur humanam speciem, scilicet per similitudines rerum sensibilium; & ideo distinctio ordinum in Angelis non potest esse per comparisonem ad aliquod sacramentum, sicut est apud nos; sed solum per comparisonem ad hierarchicas actiones quas in inferiores exercet quilibet ordo in eis; & secundum hoc nostri ordines eis respondent, quia in nostra hierarchia sunt tres ordines, secundum hierarchicas actiones distincti, sicut in qualibet hierarchia una Angelorum.

Ad quintum dicendum, quod psalmista non est ordo, sed officium ordini annexum. Quia enim psalmi cum cantu pronuntiantur, ideo dicitur psalmista, & cantor. Cantor autem non est nomen ordinis specialis: tum quia cantare pertinet ad totum chorum; tum quia non habet aliquam specialem relationem ad eucharistiæ sacramentum; tum quia officium quoddam est quod inter ordines largo modo acceptos computatur quandoque.

### SOLUTIO III.

Ad tertiam quæstionem dicendum, quod ordo dicitur sacer dupliciter. Uno modo secundum se; & sic quilibet ordo est sacer, cum sit sacramentum quoddam: alio modo ratione materie circa quam habet aliquem actum; & sic ordo sacer dicitur qui habet aliquem actum circa rem aliquam consecratam; & sic sunt tantum tres ordines sacri, scilicet sacerdos, & diaconus, qui habet actum circa corpus Christi, & sanguinem consecratum, & subdiaconus, qui habet actum circa vasa consecrata: & ideo etiam, eis continentia indicitur, ut sancti, & mundi sint qui sancta tractant.

Et per hoc patet solutio ad obiecta.

## ARTICULUS II.

*Utrum actus ordinum convenienter in littera assignentur.*

1. **A**D secundum sic proceditur. Videtur quod actus ordinum inconvenienter in littera assignentur. Quia per ablutionem aliquis preparatur ad corpus Christi sumentum. Sed preparatio sumentum sacramentum pertinet ad inferiores ordines. Ergo inconvenienter ablutio a peccatis ponitur inter actus sacerdotis.

2. Præterea. Homo per baptismum est Deo figuratus, characterem configurantem suscipiens. Sed orare, & offerre oblationes sunt actus immediati ad Deum ordinati. Ergo quilibet baptizatus potest hos actus facere, & non soli sacerdos.

3. Præterea. Diversorum ordinum diversi sunt actus. Sed oblationes in altari ponere, & epistolam legere ad subdiaconum pertinet; crucem etiam ferunt subdiaconi coram Papa. Ergo hi non debent poni actus diaconi.

4. Præterea. Eadem veritas continetur in novo, & veteri testamento. Sed legere vetus testamentum est lectorum. Ergo & eadem ratione legere novum, & non diaconorum.

5. Præterea. Apostoli nihil aliud prædicaverunt quam Evangelium Christi, ut patet Rom. 1. Sed doctrina Apostolorum committitur subdiaconis annuntianda. Ergo & doctrina Evangelii.

6. Præterea. Quod est superioris ordinis, secundum Dionysium de celest. hierar. cap. v. par. 111. non debet inferiori convenire. Sed ministrare cum urceolo est actus subdiaconorum. Ergo non debet acolythis attribui.

7. Præterea. Actus spirituales debent corporalibus præminere. Sed acolythus non habet nisi actum corporalem. Ergo exorcista non habet actum spirituales pellendi demones, cum sit inferior.

8. Præterea. Quæ magis conveniunt, iuxta se ponenda sunt. Sed legere vetus testamentum maxime debet convenire cum lectione novi testamenti, quæ competit superioribus ministris. Ergo legere vetus testamentum non debet poni actus lectoris, sed magis acolythi; & præcipue cum lumen corporale quod acolythi deferunt, significet lumen spirituale doctrinæ.

9. Præterea. In quolibet actu ordinis spiritualis debet esse aliqua vis spiritualis, quam

habeant ordinati præ aliis. Sed in apertione, & clausione ostiorum non habent aliam potestatem spirituales ostiaris quam alii homines. Ergo hoc non debet poni actus ipsorum.

## SOLUTIO.

Respondeo dicendum, quod cum consecratio quæ fit in ordinis sacramento, ordinatur ad sacramentum eucharistiæ, ut dictum est, ille est principalis actus uniuscuiusque ordinis secundum quem magis proxime ordinatur ad eucharistiæ sacramentum; & secundum hoc etiam unus ordo est eminentior alio secundum quod unus actus magis de proximo ad prædictum sacramentum ordinatur. Sed quia ad sacramentum eucharistiæ quasi dignissimum multa ordinantur, ideo non est inconveniens ut præter principalem actum, etiam multos actus unus ordo habere, & tanto plures, quanto est eminentior: quia virtus quanto est superior, tanto ad plura se extendit.

Ad primum ergo dicendum, quod duplex est preparatio suscipientium sacramentum. Quædam est remota, & hæc per ministros perficitur; quædam proxima, qua statim efficiuntur idonei ad sacramentorum susceptionem, & hoc pertinet ad sacerdotes: quia etiam in naturalibus ab eodem agente fit materia in ultima dispositione ad formam, & recipit formam. Et quia in proxima dispositione ad eucharistiæ fit aliquis per hoc quod a peccatis purgatur, ideo omnium sacramentorum quæ sunt instituta principaliter ad purgationem peccatorum, est minister proprius sacerdos, scilicet baptisus, pœnitentiæ, & extremæ unctionis.

Ad secundum dicendum, quod actus aliqui immediati ad Deum ordinantur dupliciter. Uno modo ex parte unius personæ tantum, sicut facere singulares orationes, & vovere, & huiusmodi; & talis actus competit cuilibet baptizato. Alio modo ex parte totius Ecclesiæ; & sic solus sacerdos habet actus immediati ad Deum ordinatos, quia ipse solus potest gerere actus totius Ecclesiæ: qui consecrat eucharistiæ, quæ est sacramentum universalis Ecclesiæ.

Ad tertium dicendum, quod oblationes a populo oblatae per sacerdotem offeruntur: & ideo duplex ministerium circa oblationes est necessarium: unum ex parte populi, & hoc est subdiaconi, qui accipit oblationes a populo, & in altari ponit, vel offerendia; aliud ex parte sacerdotis, & hoc est diaconi, qui oblationes ministrat ipsi sacerdoti, & in

& in hoc est actus principalis utriusque ordinis, & propter hoc ordo diaconi est superior. Legere autem epistolam non est actus diaconi, nisi secundum quod actus inferiorum ordinum superioribus attribuantur: similiter etiam crucem ferre: & hoc secundum consuetudinem aliquarum Ecclesiarum, quia in actibus secundariis non est inconveniens diversas consuetudines esse.

Ad quartum dicendum, quod doctrina est remota preparatio ad suscipiendum sacramentum; & ideo pronuntiatio doctrinae ministris committitur: sed doctrina veteris testamenti est adhuc magis remota quam doctrina novi, quia non instruit de hoc sacramento nisi in figuris; & ideo novum testamentum superioribus ministris pronuntiandum committitur, vetus autem inferioribus. Doctrina etiam novi testamenti perfectior est quam Dominus per seipsum tradidit, quam ipse manifestavit per Apostolos: & ideo Evangelium diacono, epistola subdiacono committuntur.

Et secundum hoc patet solutio ad quintum.

Ad sextum dicendum, quod acolythi habent actum super urceolum tantum, non super ea quae in urceolo continentur; sed subdiaconus habet actum super contentis in urceolo, quia aqua utitur, & vino ad ponendum in calice, & aquam iterum manibus sacerdotis praebet, & diaconi; sicut & subdiaconus habet actum solum super calicem, non super contenta; sed sacerdos super contenta: & ideo sicut subdiaconus in sui ordinatione accipit calicem vacuum, sacerdos plenum; ita acolythus urceolum vacuum, sed subdiaconus plenum. Et sic est quaedam connexio in ordinibus.

Ad septimum dicendum, quod corporales actus acolythi magis de proximo ordinantur ad actum sacrorum ordinum quam actus exorcistarum, quamvis sit aliquo modo spiritalis: quia habent acolythi ministerium super vasa in quibus materia sacramenti continetur quantum ad vinum, quod vase continente indiget propter sui humiditatem: & ideo inter minores ordines ordo acolythorum est superior.

Ad octavum dicendum, quod actus acolythorum se habet propinquius ad principales actus superiorum ministrorum quam actus aliorum minorum ordinum, ut parte patet & similiter etiam quantum ad actus secundarios, quibus populum per doctrinam docent: quia acolythus doctrinam novi testamenti visibiliter figurat lumen portans, acoly-

thor recitando figuras alias; & ideo acolythus est superior. Similiter etiam exorcista: quia sicut se habet actus lectorum ad actum secundarium diaconi, & subdiaconi; ita se habet actus exorcista ad secundarium actum sacerdotis, scilicet ligare, & solvere, per quem totaliter homo a servitute diaboli liberatur. Et in hoc patet ordinatissimus ordinis progressus: quia sacerdoti quantum ad actum eius principale, scilicet consecrare corpus Christi, cooperantur tantum tres superiores ordines; sed quantum ad actum eius secundarium, qui est absolvere, & ligare, cooperantur superiores, & inferiores.

Ad nonum dicendum, quod quidam dicunt quod in susceptione ordinis, ostiario datur quaedam vis divina, ut arcere possit alios ab introitu templi, sicut & in Christo fuit quando eiecit vendentes de templo. Sed hoc magis pertinet ad gratiam gratis datam quam ad gratiam sacramenti. Et ideo dicendum, quod suscipit potestatem ut ex officio hoc agere possit; quamvis etiam & hoc ab aliis fieri possit, sed non ex officio: & ita est in omnibus actibus minorum ordinum, quod possunt per alios licite fieri, quamvis illi non habeant ad hoc officium, sicut etiam in domo non consecrata potest dici Missa, quamvis consecratio Ecclesiae ad hoc ordinetur ut in ea Missa dicatur.

### ARTICULUS III:

*Utrum sacerdotii character imprimatur in ipsa calicis porrectione.*

1. Ad tertium sic proceditur. Videtur quod sacerdotii character non imprimatur in ipsa calicis porrectione. Quia consecratio sacerdotis fit quadam unctione, sicut & confirmatio. Sed in confirmatione in ipsa unctione imprimitur character. Ergo & in sacerdotio, & non in calicis porrectione.

2. Praeterea. Dominus dedit discipulis sacerdotalem potestatem quando dixit: *Accipite Spiritum sanctum: quorum remiseritis peccata, remittuntur eis*: Ioan. xx. 22. Sed Spiritus datur per manus impositionem. Ergo in ipsa manus impositione imprimitur character ordinis.

3. Praeterea. Sicut consecratur minister, ita & vestes ministrorum. Sed vestes sola benedictione consecrat. Ergo in ipsa benedictione Episcopi consecratio sacerdotis perficitur.

4. Praeterea. Sicut sacerdoti datur calix, ita & vestis sacerdotalis. Si ergo in datione

calicis imprimatur character, eadem ratione & in datione calicis; & sic habet duos characteres, quod falsum est.

5. Præterea. Ordo diaconi conformior est ordini sacerdotis quam subdiaconi ordo. Sed si character imprimeretur sacerdoti in ipsa calicis potestione, subdiaconus esset conformior sacerdoti quam diaconus: quia subdiaconus characterem recipit in ipsa calicis potestione, non autem diaconus. Ergo character sacerdotalis non imprimitur in ipsa calicis potestione.

6. Præterea. Acolythorum ordo magis appropinquat ad actum sacerdotis per hoc quod habet actum super urceolum quam per hoc quod habet actum super candelabrum. Sed magis imprimatur character in acolythatu quando accipiunt candelabrum quam quando accipiunt urceolum, quia nomen acolythi ceteri portationem significat. Ergo nec in sacerdotio imprimatur character quando calicem accipit.

Sed contra. Principalis actus sacerdotis est consecrare corpus Christi. Sed ad hoc datur sibi potestas in acceptione calicis. Ergo tunc imprimatur character.

### SOLUTIO.

Respondeo dicendum, quod, sicut dictum est, eiusdem est formam aliquam inducere, & materiam de proximo preparare ad formam. Unde Episcopus in collatione ordinum duo facit: preparat enim ordinandos ad ordinis susceptionem, & ordinis potestatem tradit. Preparat quidem & instruendo eos de proprio officio, & aliquid circa eos operando, ut idonei sint potestatem accipiendi: quæ quidem preparatio in tribus consistit, scilicet benedictione, manus impositione, & unctione. Per benedictionem divinis obsequiis mancipatur, & ideo benedictio omnibus datur. Sed per manus impositionem datur plenitudo gratiæ, per quam ad magna officia sint idonei; & ita solis diaconibus, & sacerdotibus fit manus impositio: quia eis competit dispensatio sacramentorum, quamvis uni ut principali, & alteri sicut ministro. Sed unctione ad aliquod sacramentum tractandum consecrantur: & ideo unctio solis sacerdotibus fit, qui propriis manibus corpus Christi tangunt, sicut etiam calix inungitur qui continet sanguinem, & patena quæ continet corpus. Sed potestatis collatio fit per hoc quod datur eis aliquid quod ad proprium actum pertinet: & quia principalis actus sacerdotis est consecrare corpus, &

sanguinem Christi, ideo in ipsa datione calicis sub forma verborum determinata character sacerdotalis imprimatur.

Ad primum ergo dicendum, quod in confirmatione non datur officium operandi super aliquam materiam exteriorem, & ideo ibi character non imprimitur in aliqua exhibitione alicuius rei, sed in sola manus impositione, & unctione; sed in ordine sacerdotali aliter est: & ideo non est simile.

Ad secundum dicendum, quod Dominus discipulis dedit sacerdotalem potestatem quantum ad principalem actum ante passionem in cæna, quando dixit (Matth. xxvi. 26.) *Accipite, (a) & manducate: unde subiunxit (Lucæ xxi. 19.) Hoc facite in meam commemorationem*. Sed post resurrectionem dedit eis sacerdotalem potestatem quantum ad actum secundarium, qui est ligare, & absolvere.

Ad tertium dicendum, quod in vestibus non requiritur alia consecratio, nisi quod divino cultui mancipentur, & ideo sufficit eis pro consecratione benedictio; sed aliter est de ordinatis, ut ex dictis patet.

Ad quartum dicendum, quod vestis sacerdotalis non significat potestatem sacerdoti datam, sed idoneitatem quæ in eo requiritur ad actum potestatis exequendum: & ideo nec sacerdoti, nec alicui alii imprimatur character in alicuius vestis datione.

Ad quintum dicendum, quod potestas diaconi est media inter potestatem subdiaconi, & sacerdotis. Sacerdos enim directe habet potestatem super corpus Christi, subdiaconus autem super vasa tantum, sed diaconus super corpus in vase contentum: unde eius non est tangere corpus Christi, sed portare corpus Christi in patena, & dispensare sanguinem cum calice: & ideo eius potestas ad actum principalem non potuit exprimi nec per dationem vas tantum, nec per dationem materiæ; sed exprimitur potestas eius ad actum secundarium in hoc quod datur sibi liber Evangeliorum, & in hac potestate intelligitur alia: & ideo in ipsa libri datione imprimatur character.

Ad sextum dicendum, quod principalior actus acolythi est quo ministrat in urceolo quam quo ministrat in candelabro, quamvis denominetur ab actu secundario propter hoc quod est magis notus, & magis proprius ei: & ideo in datione urceoli imprimatur character virtute verborum ab Episcopo pronuntiatorum.

(a) Vulgata, & comedite.

## QUAESTIO III.

**D**Einde quaeritur de quibusdam quae sunt ordinibus annexa: & circa hoc quaeruntur tria.

Primo. De corona.

Secundo. De episcopatu.

Tertio. De vestibus sacris.

## ARTICULUS I.

*Utrum ordinati debeant coronam tonsuram habere.*

**1.** **A**D primum sic proceditur. Videtur quod ordinati non debeant coronam tonsuram habere. Quia Dominus captivitatem comminatur, & dispersionem his quibus attunditur, ut patet Deuter. xxxii. 42. *De captivitate nudati inimicorum capitis: & Hierem. xlix. 32. Dispergam in omnem ventum eos qui in comam attossi sunt.* Sed ministris Christi non debetur captivitas, sed libertas. Ergo corona, tonsura, & rasura eis non competit.

**2.** Præterea. Veritas debet respondere figuræ. Sed figura coronæ præcessit in veteri lege in tonsura Nazæorum, sicut in littera dicitur. Cum ergo Nazæi non essent ordinati ad ministerium divinum, videtur quod ministris Ecclesiæ non debeat tonsura, vel rasura coronæ: & hoc etiam videtur per hoc quod conversi, qui non sunt ministri Ecclesiæ, tondentur in religionibus.

**3.** Præterea. Per capillos superflua signantur, quia capilli ex superfluis generantur. Sed ministris altaris omnes superfluitates a se debent abicere. Ergo totaliter debent caput tondere, & non in modum coronæ.

Sed contra. Quia secundum Gregorium servire Deo, regnare est. Sed corona est signum regni. Ergo illis qui ad divinum ministerium applicantur, corona competit.

Præterea. Capilli in velamentum dati sunt, ut patet I. Corinth. xi. Sed ministri altaris debent habere mentem (\*) revelatam. Ergo competit eis rasura coronæ.

## QUAESTIUNCULA II.

**1.** Uterius. Videtur quod corona sit ordo. Quia in actibus Ecclesiæ spiritualia corporalibus respondent. Sed corona est quoddam corporale signum quod Ecclesia adhibet. Ergo videtur quod signum interius respondeat ei: & ita etiam in coronatione imprimetur character, & erit ordo.

**2.** Præterea. Sicut ab Episcopo solum datur confirmatio, & alii ordines, ita & corona. Sed in confirmatione, & aliis ordinibus imprimitur character. Ergo & in corona: & sic idem quod prius.

**3.** Præterea. Ordo importat quemdam dignitatis gradum. Sed clericus hoc ipso quod clericus est, in gradu supra populum constituitur. Ergo corona per quam efficitur clericus, est aliquis ordo.

Sed contra. Nullus ordodatur nisi in Missæ celebratione. Sed corona datur etiam absque officio Missæ. Ergo non est ordo.

Præterea. In collatione cuiuslibet ordinis fit mentio de aliqua potestate data; non autem in collatione coronæ. Ergo non est ordo.

## QUAESTIUNCULA III.

**1.** Uterius. Videtur quod per acceptionem coronæ aliquis renuntiet temporalibus bonis. Ipsi enim dicunt cum coronantur: *Dominus pars hereditatis meæ.* Sed, sicut dicit Hieronymus (epist. 11. ad Nepotianum) Dominus cum istis temporalibus pars fieri designatur. Ergo abrenuntiat temporalibus.

**2.** Præterea. Iustitia ministrorum novitamenti debet abundare super ministros veteris, ut patet Matth. v. Sed ministri veteris testamenti, scilicet levites, non acceperunt partem hereditatis cum fratribus suis. Ergo nec ministri novi testamenti habere debent.

**3.** Præterea. Hugo dicit (Lib. II. de sacramentis part. 111. cap. 11.) quod postquam aliquis factus est clericus, deinceps debet de stipendiis Ecclesiæ sustentari. Sed hoc non esset, si patrimonium suum retinere. Ergo videtur quod abrenuntiet in hoc quod clericus fit.

Sed contra est quod Hieremias fuit de ordine sacerdotali, ut patet Hierem. 1. Sed ipse habuit possessionem ex hereditatis iure, ut patet Hierem. xxxix. Ergo clerici possunt habere patrimonialia bona.

Præterea. Si hoc non posset, non videretur tunc differentia inter clericos seculares & religiosos.

## SOLUTIO I.

Respondeo dicendum ad primam questionem, quod eis qui ad divina ministeria applicantur, competit tonsura, & rasura in modum coronæ, & ratione figuræ, quia corona est signum regni; & perfectionis, cum

fit

(\*) *id. velatam.*



fit circularis. Illi autem qui divinis ministeriis applicantur, adipscentur regiam dignitatem, & perfecti in virtute esse debent. Competit etiam eis ratione subtractionis capillorum, & ex parte superiori per rasuram, ne mens eorum temporalibus occupationibus a contemplatione divinatorum retardetur; & ex parte inferiori per tonsuram, ne eorum sensus temporalibus obvolvatur.

Ad primum ergo dicendum, quod Dominus comminatur illis qui hoc ad cultum demonum faciebant.

Ad secundum dicendum, quod ea quæ fiebant in veteri testamento, imperfecte representant ea quæ sunt in novo testamento: & ideo ea quæ pertinent ad ministros novi testamenti, non solum significantur per officia levitarum, sed per omnes illos qui aliquam perfectionem profitebantur. Nazarei autem profitebantur perfectionem quamdam in dispositione comæ, significantes temporalium contemptum; quamvis non in modum coronæ deponerent, sed omnino totum: quia nondum erat tempus regalis, & perfecti sacerdotii. Et similiter etiam conversi tonduntur propter renuntiationem temporalium; sed non raduntur, quia non occupantur divinis ministeriis, in quibus divina oporteat eos mente contemplari.

Ad tertium dicendum, quod non solum debet significari temporalium abiectio, sed etiam regalis dignitas in forma coronæ: & ideo non debet totaliter coma tolli; & etiam ne indecens videatur.

## SOLUTIO II.

Ad secundam quæstionem dicendum, quod ministri Ecclesiæ a populo separantur ad vacandum divino cultui. In cultu autem divino quedam sunt quæ per potentias determinatas sunt exercenda; & ad hæc datur spiritalis potestas ordinis: quedam autem sunt quæ communiter a toto ministrorum collegio fiunt, sicut dicere divinas laudes; & ad hoc non præxigitur aliqua potestas ordinis, sed solum quedam deputatio ad tale officium, & hoc fit per coronam: & ideo non est ordo, sed præambulum ad ordinem.

Ad primum ergo dicendum, quod corona habet interius aliquod spirituale quod ei respondet, sicut signum signato; sed hoc non est aliqua spiritalis potestas: & ideo in corona non imprimitur character, nec est ordo.

Ad secundum dicendum, quod quamvis per coronam non imprimatur character, ta-

*S. Th. Oper. Tom. XIII.*

(a) *id. quia.*

men deputatur homo ad divinum cultum: & ideo talis deputatio debet fieri per summum ministrorum, scilicet Episcopum, qui etiam vestes benedicit, & vasa, & omnia quæ ad cultum divinum applicantur.

Ad tertium dicendum, quod ex hoc quod aliquis est clericus, est in altiori statu quam laicus; non tamen habet ampliorem potestatis gradum, quod ad ordinem requiritur.

## SOLUTIO III.

Ad tertiam quæstionem dicendum, quod clerici in hoc quod coronam accipiunt, non renuntiant patrimonio, neque aliis rebus temporalibus: quia terrenorum possessio non contrariatur divino cultui, ad quem clerici deputantur, sed nimia eorum sollicitudo: quia, ut dicit Gregorius (Lib. X. Moral. cap. xvii.) affectus in crimine est.

Ad primum ergo dicendum, quod Dominus designatur pars fieri, ut ex æquo cum aliis diligatur, ita scilicet quod aliquis ponat finem suum in Deo, & in rebus mundi; non tamen designatur fieri pars eorum qui res mundi ita possident quod per eas a cultu divino non retrahuntur.

Ad secundum dicendum, quod levitæ in veteri testamento habebant ius in hereditate paterna; sed ideo non acceperunt partem cum aliis tribubus, quod erant per omnes tribus dispergendi; quod fieri non potuisset, si unam determinatam partem terræ accepissent, sicut alie tribus.

Ad tertium dicendum, quod si sint indigentes clerici ad sacros ordines promoti, Episcopus qui eos promovet, debet eis providere, alias non tenetur; ipsi autem ex ordine suscepto tenentur Ecclesiæ ministrare. Verbum autem Hugonis intelligitur quando non habent unde sustententur.

## ARTICULUS II.

*Utrum supra sacerdotalem ordinem debeat esse aliqua potestas episcopalis.*

1. Ad secundum sic proceditur. Videtur quod supra sacerdotalem ordinem non debeat esse aliqua potestas episcopalis. Quia, sicut in littera dicitur, ordo sacerdotialis ab Aaron sumpsit exordium. Sed in veteri lege nullus erat supra Aaron. Ergo nec in nova lege debet aliqua potestas esse supra sacerdotalem.

2. Præterea. Potestates ordinantur secundum actus. (a) Sed nullus actus sacer pot-

F est

est esse maior quam consecrare corpus Christi, ad quod est potestas sacerdotalis. Ergo supra sacerdotalem potestatem non debet esse episcopalis.

3. Præterea. Sacerdos in offerendo gerit figuram Christi in Ecclesia, qui se Patri pro nobis obtulit. Sed in Ecclesia nullus est maior Christo, quia ipse est caput Ecclesiae. Ergo nulla potestas debet esse supra sacerdotalem potestatem.

Sed contra. Potestas tanto est altior, quanto ad plura se extendit. Sed potestas sacerdotalis, ut dicit Dionysius (cap. v. eccles. Hierarch.) extendit se ad purgandum, & illuminandum tantum; episcopalis autem ad hoc, & ad perficiendum. Ergo supra sacerdotalem potestatem debet esse episcopalis.

Præterea. Divina ministeria debent esse magis ordinata quam humana. Sed humanorum officiorum ordo exigit ut in quolibet officio præponatur unus qui sit princeps illius officii, sicut præponitur militibus dux. Ergo & sacerdotibus debet aliquis præponi qui sit sacerdotum princeps, & hic est Episcopus. Ergo episcopalis potestas debet esse supra sacerdotalem.

#### QUAESTIUNCULA II.

1. Ulterius. Videtur quod episcopatus sit ordo. Primo per hoc quod Dionysius (ubi supra) assignat hos tres ordines ecclesiasticæ hierarchiæ, Episcopum, sacerdotem, & ministrum. In littera etiam dicitur, quod est ordo Episcoporum quadripartitus.

2. Præterea. Ordo nihil aliud est quam quidam potestatis gradus in spiritualibus dispensandis. Sed Episcopi possunt dispensare aliqua sacramenta, quæ non possunt dispensare sacerdotes, sicut confirmationem, & ordinem. Ergo episcopatus est ordo.

3. Præterea. In Ecclesia non est aliqua spiritualis potestas, nisi ordinis, vel iurisdictionis. Sed ea quæ pertinent ad potestatem episcopalem, non sunt iurisdictionis; alias possent committi non Episcopo, quod est falsum. Ergo sunt potestatis ordinis: ergo Episcopus habet aliquem ordinem quem non habet sacerdos simplex; & sic episcopatus est ordo.

Sed contra, quia unus ordo non dependet a præcedenti quantum ad necessitatem sacramenti. Sed episcopalis potestas dependet a sacerdotali: quia nullus potest recipere epi-

scopalem, nisi prius habeat sacerdotalem. Ergo episcopatus non est ordo.

Præterea. Maiores ordines non conferuntur nisi in sabbatis. Sed episcopalis potestas traditur in dominicis. Ergo non est ordo.

#### QUAESTIUNCULA III.

1. Ulterius. Videtur quod supra Episcopos non possit aliquis esse superior in Ecclesia. Quia omnes Episcopi sunt Apostolorum successores. Sed potestas quæ est data uni Apostolorum, scilicet Petro, Matth. xvi. est etiam data omnibus Apostolis, Ioan. xx. Ergo omnes Episcopi sunt pares, & unus non est super alterum.

2. Præterea. Ritus Ecclesiae magis debet esse conformis ritui Iudæorum quam ritui Gentilium. Sed distinctio episcopalis dignitatis, & ordinatio unius super alium, ut in littera dicitur, est a Gentilibus introducta; in veteri autem lege non erat. Ergo nec in Ecclesia Episcopus unus super alium esse debet.

3. Præterea. Superior potestas non potest conferri per inferiorem, neque æqualis per æqualem: quia *sine ulla contradictione quod minus est, a meliore benedicitur*: Heb. vii.

7. unde etiam sacerdos non promovet Episcopum, neque sacerdotem, sed Episcopus sacerdotem; & Episcopus potest quemlibet Episcopum promovere, quia etiam Ostiensis Episcopus consecrat Papam. Ergo episcopalis dignitas in omnibus est æqualis; & sic unus Episcopus non debet aliis subesse, ut in littera dicitur.

Sed contra est quod legitur in Concilio Constantinopolitano (1. can. v.) *Veneramus secundum Scripturas, & canonum distinctiones sanctissimum antiquæ Romæ Episcopum primum esse, & maximum Episcoporum; & post ipsum Constantinopolitanum Episcopum*. Ergo unus Episcopus est super alium.

Præterea. Beatus Cyrillus Episcopus Alexandrinus \* dicit: *Ut membra maneamus in capite nostro apostolico stirpe Romanorum Pontificum, a quo nostrum est querere quid credere, & quid tenere debeamus, ipsum venerantes, ipsum rogantes pro omnibus: quoniam ipsius solius est reprebendere, corrigere, statuere, disponere, solvere, & ligare, loco illius quæ ipsum edificavit; & nulli alii quod suum est plenum, sed ipsi soli dedit: cui omnes iure divino caput inclinant, & primates mundi*, tam-

EX EDIT. P. NICOLAI. \* Refert & ipse S. Thomas in opus. contra Græcos cap. lxxviii. ut ex Lib. b. Theuzi; quamvis in his Libris qui nunc extant, non habeatur; sed exidisse multos, ex Auctoribus possum constare: & aliqui quod Cyrillus de summo Pontifice præclarissime sit locutus, ex Concilio Florentino scilicet. viii. colligitur.

*tamquam ipsi Domino Iesu Christo obedimus.*  
Ergo Episcopi alicui subiungunt etiam iure di-  
vino.

## SOLUTIO I.

Respondeo dicendum ad primam quæstionem, quod sacerdos habet duos actus: unum principale, scilicet consecrare, verum corpus Christi; alium secundarium, scilicet præparare populum ad susceptionem huius sacramenti, ut prius dictum est. Quantum autem ad primum actum actus sacerdotis non dependet ab aliqua superiori potestate, nisi divina; sed quantum ad secundum dependet ab aliqua superiori potestate, & humana. Omnis enim potestas que non potest exire in actum, nisi præsuppositis quibusdam ordinationibus, dependet ab illa potestate quæ illas ordinationes facit. Sacerdos autem non potest absolvere, & ligare, nisi præsupposita prælationis iurisdictione, qua sibi subdantur illi quos absolvit; potest autem consecrare quamlibet materiam a Christo determinatam; nec aliud requiritur quantum est de necessitate sacramenti, quamvis ex quadam congruitate præsupponatur actus episcopalis in consecratione altaris, & vestium eius. Et ita patet quod oportet esse supra sacerdotalem potestatem episcopalem quantum ad actum secundarium sacerdotis, non autem quantum ad primum.

Ad primum ergo dicendum, quod Aaron sacerdos fuit, & pontifex, idest sacerdotum princeps. Sumpsit ergo sacerdotalis potestas ab ipso exordium, in quantum fuit sacerdos sacrificia offerens, quod etiam (a) minoribus sacerdotibus licebat; sed non ab ipso in quantum fuit pontifex, per quam potestatem poterat aliqua facere, ut ingredi semel in anno in sancta sanctorum, quod aliis non licebat.

Ad secundum dicendum, quod quantum ad illum actum non est aliqua potestas superior, sed quantum ad alium, ut dictum est.

Ad tertium dicendum, quod sicut omnium rerum naturalium perfectiones præexistunt exemplariter in Deo, ita Christus fuit exemplar officiorum ecclesiasticorum. Unde unusquisque minister Ecclesie quantum ad aliquid gerit typum Christi, ut ex littera patet; & tamen ille est superior qui secundum maiorem perfectionem Christum representat. Sacerdos autem representat Christum in hoc quod per seipsum aliquod ministerium implevit; sed Episcopus in hoc quod alios mi-

nistros instituit, & Ecclesiam fundavit. Unde ad Episcopum pertinet mancipare aliquid divinis obsequiis, quasi cultum divinum ad similitudinem Christi statuens; & propter hoc etiam Episcopus specialiter sponsus Ecclesie dicitur, sicut Christus.

## SOLUTIO II.

Ad secundam quæstionem dicendum, quod ordo potest accipi dupliciter. Uno modo secundum quod est sacramentum; & sic, ut prius dictum est, ordinatur omnis ordo ad eucharisticum sacramentum; unde cum Episcopus non habeat potestatem superiorem sacerdotis quantum ad hoc, non erit episcopatus ordo. Alio modo potest considerari ordo secundum quod est officium quoddam respectu quarundam actionum sacrarum; & sic cum Episcopus habeat potestatem in actionibus hierarchicis respectu corporis mystici supra sacerdotem, episcopatus erit ordo; & secundum hoc loquuntur auctoritates inducæ.

Unde patet solutio ad primum.

Ad secundum dicendum, quod ordo, secundum quod est sacramentum imprimens characterem, ordinatur (b) specialiter ad sacramentum eucharistie, in quo ipse Christus continetur, quia per characterem ipsi Christo configuratur; & ideo licet detur aliqua potestas spiritalis Episcopo in sui promotione respectu aliorum sacramentorum, non tamen illa potestas habet rationem characteris; & propter hoc episcopatus non est ordo, secundum quod ordo est quoddam sacramentum.

Ad tertium dicendum, quod potestas episcopalis non est tantum iurisdictionis, sed etiam ordinis, ut ex dictis patet, secundum quod ordo communiter accipitur.

## SOLUTIO III.

Ad tertiam quæstionem dicendum, quod ubicumque sunt multa regimina ordinata in unum, oportet esse aliquod universale regimen supra particularia regimina: quia in omnibus virtutibus, & artibus, ut dicitur in I. Ethic. (cap. i.) est ordo secundum ordinem finium. Bonum autem commune divinius est quam bonum speciale; & ideo super potestatem regitivam quæ coniecit bonum speciale, oportet esse potestatem regitivam universalem respectu boni communis; alias non posset esse colligatio ad unum; & ideo cum tota Ecclesia sit unum corpus, oportet, si ista unitas debet conser-

F 2 vari,

(a) scilicet maioribus. (b) scilicet spiritualiter.

vari, quod sit aliqua potestas regitiva respectu totius Ecclesiæ supra potestatem episcopalem, qua unaquæque specialis Ecclesia regitur; & hæc est potestas Papæ: & ideo qui hanc potestatem negant, schismatici dicuntur, quasi divisores ecclesiasticæ unitatis. Et inter Episcopum simplicem & Papam sunt alii gradus dignitatum correspondentes gradibus unionis, secundum quos, una congregatio, vel communitas includit aliam; sicut communitas unius provincie includit communitatem civitatis, & communitas regni communitatem unius provincie, & communitas totius mundi communitatem unius regni.

Ad primum ergo dicendum, quod quavis omnibus Apostolis data sit communiter potestas ligandi, & solvendi; tamen ut in hac potestate ordo aliquis significaretur, primo soli Petro data est, ut ostendatur quod ab eo in alios debeat illa potestas descendere, propter quod etiam ei dixit singulariter (Luc. xxii. 32.) *Confirma fratres tuos*; & (Ioan. xxi. 17.) *Pasce oves meas*, id est loco mei, ubi Chrysostomus \* dicit: *Præpositus, & caput esto fratrum, ut ipsi te in loco meo assumentes, ubique terrarum te in throno tuo sedentem prædicent, & confirmant.*

Ad secundum dicendum, quod ritus Iudæorum non erat diffusus in diversis regnis, & provinciis, sed tantum in una gente: & ideo non oportebat quod sub eo qui habebat potestatem principalem, alii pontifices distinguerentur. Sed Ecclesiæ ritus, sicut & Gentilium, per diversas nationes diffunditur: & ideo oportet quod quantum ad hoc magis Gentilium ritui, quam Iudæorum, status Ecclesiæ conformetur.

Ad tertium dicendum, quod potestas (a) Episcopi excedit a potestate Papæ quasi a potestate eiusdem generis: & ideo omnem actum hierarchicum quem potest facere Papa in ministratore sacramentorum, potest facere Episcopus; non autem omnem actum quem potest facere Episcopus, potest facere sacerdos in sacramentorum collatione: & ideo quantum ad ea quæ sunt episcopalis ordinis, omnes Episcopi sunt æquales, & propter hoc quilibet alium potest consecrare.

(a) *Al. Sacerdotis.*

EX EDIT. P. NICOLAI. \* In Chrysostomo non occurrunt nisi quod hom. 111. in Acta. Apost. dicit de Merito Petri auctoritatem primus usurpare, ut qui omnes habeas in manu; ad hunc enim dicitur: *Confirma fratres tuos*. Et hom. lxxxviii. in Ioan. Princeps Apostolorum erat Petrus, & ceteris vixit. Hinc fratrum communitatem, et commisit &c.

*Utrum vestes ministrorum convenienter in Ecclesia institutæ sint.*

1. AD tertium sic proceditur. Videtur quod vestes ministrorum non convenienter in Ecclesia institutæ sint. Ministri enim novi testamenti magisterentur ad castitatem quam ministri veteris. Sed inter alias vestes ministrorum veteris testamenti erant feminalia in signum castitatis. Ergo multo fortius nunc esse debent inter vestes ministrorum.

2. Præterea. Sacerdotium novi testamenti est dignius quam veteris sacerdotium. Sed veteres sacerdotes habebant mitras, quod est signum dignitatis. Ergo sacerdotes novæ legis eas debent habere.

3. Præterea. Sacerdos est propinquior ordinibus ministrorum quam ordo episcopalis. Sed Episcopi utuntur vestibus ministrorum, scilicet dalmatica, quæ est vestis diaconi, & tunica, quæ est vestis subdiaconi. Ergo multo fortius simplices sacerdotes debent uti eis.

4. Præterea. In veteri lege pontifex deferbat superhumerali, quod significabat omnis Evangelii, ut dicit Beda. Hoc autem maxime nostris Pontificibus incumbit. Ergo debent habere superhumerali.

5. Præterea. In rationali quo utebantur pontifices veteris legis, scribebatur: *Doctrina, & veritas*. Sed veritas maxime in nova lege declarata est. Ergo Pontificibus novæ legis competit.

6. Præterea. Lamina aurea, in qua scriptum erat nomen Dei, erat dignissimum ornamentum veteris legis. Ergo illud maxime debuit transferri in novam legem.

7. Præterea. Ea quæ exterius geruntur in ministris Ecclesiæ, sunt signa interioris potestatis. Sed Archiepiscopus non habet alterius generis potestatem quam Episcopus, ut dictum est. Ergo non debet habere pallium, quod non habent Episcopi.

8. Præterea. Potestatis plenitudo residet penes Romanum Pontificem. Sed ipse non habet baculum. Ergo nec alii Episcopi debent habere.

#### SOLUTIO.

Respondeo dicendum, quod vestes ministrorum, ut supra dictum est, designant indonei.

doneitatem quæ in eis requiritur ad tractandum divina. Et quia quædam sunt quæ in omnibus requiruntur, & quædam quæ in superioribus, quæ non ita exiguntur in inferioribus; ideo quædam vestes sunt omnibus ministris communes, quædam autem superiorum tantum: & ideo omnibus ministris competit amictus, humeros regens, quo significatur fortitudo ad divina officia exequenda, quibus mancipantur. Et similiter alba, quæ significat puritatem vitæ, & cingulum, quod significat repressionem carnis. Sed subdiaconus (a): ulterius habet manipulum in sinistra, quo significatur exterius minimarum macularum, quia manipulus est quasi sudarium ad extergendum vultum: ipsi enim primo ad sacra tractanda admittuntur. Habent etiam tunicam striatam, per quam doctrina Christi significatur: unde & in veteri lege in ipsa tintinnabula pendebant. Subdiaconi enim primo admittuntur ad doctrinam novæ legis annuntiandam. Sed diaconus habet amplius stolam in sinistro humero, in signum quod applicatur ad ministerium in ipsis sacramentis; & dalmaticam, quæ est vestis larga, sic dicta, quia in Dalmatiæ partibus primo usus eius fuit, ad significandum quod ipse primo dispensator sacramentorum ponitur: ipse enim sanguinem dispensat: in dispensatione autem largitas requiritur. Sed sacerdoti stola in utroque humero ponitur, ut ostendatur quod plena potestas dispensandi sacramenta ei datur, non ut ministro alterius; & ideo stola descendit usque ad inferiora: habet etiam & causulam, quæ significat caritatem, quia sacramentum consecrat caritatis, scilicet eucharistiam. Sed Episcopi addunt novem ornamenta supra sacerdotes, quæ sunt caligæ, sandalia, succinctorium, tunica, dalmatica, mitra, chirothecæ, anulus, & baculus; quia novem sunt quæ supra sacerdotem possunt, scilicet clericos ordinare, virgines benedicere, Basilicas dedicare, clericos deponere, Synodos celebrare, crisma consecrare, (b) confirmare, vestes, & vasa consecrare. Vel per caligas significatur restitudo gressuum: per sandalia, quæ pedes tegunt, contemptus terrenorum: per succinctorium, quo stola ligatur cum alba, amor honestatis: per tunicam perseverantia, quia Ioseph tunicam talarem habuisse legitur quasi descendentem usque ad talos, per quos significatur extremitas vitæ: per dalmaticam largitas in operibus misericordie: per chirothecas cautela in opere: per mitram scientia

utriusque testamenti, unde & duo cornua habet: per baculum cura pastoralis, qua debet colligere vagos, quod significat curvitas in capite baculi; sustentare infirmos, quod significat ipse stipes baculi; sed pungere lentos, quod significat stimulus in pede baculi: unde versus:

*Collige, sustenta, stimula vaga, morbi-  
da, lenta.*

Per annulum sacramenta fidei qua Ecclesia desponsatur Christo: ipsi enim sunt Ecclesiæ sponsi loco Christi. Sed ulterius Archiepiscopi habent pallium in signum privilegii potestatis: significat enim torquem auream quam solebant legitime certantes accipere.

Ad primum ergo dicendum, quod facer, doctoribus veteris legis indicabatur continentia illo tantum tempore quo ad suum ministerium accedebant, & ideo in signum castitatis tunc servandæ in sacrificio oblatione feminalibus utebantur; sed ministris novi testamenti indicitur perpetua continentia: & ideo non est simile.

Ad secundum dicendum, quod mitra illa non erat signum alicuius dignitatis: fuit enim sicut quoddam galerum, ut Hieronymus dicit (epist. ad Fabiolam) sed cydaris, quæ erat signum dignitatis, solis pontificibus dabatur, sicut & nunc mitra.

Ad tertium dicendum, quod potestas ministrorum est in Episcopo sicut in origine; non autem in sacerdote, quia ipse non confert illos ordines: & ideo magis Episcopus quam sacerdos vestibus ministrorum utitur.

Ad quartum dicendum, quod loco superhumeralis utitur stola, quæ ad idem significandum est ad quod erat superhumeralis.

Ad quintum dicendum, quod pallium succedit loco rationalis.

Ad sextum dicendum, quod pro illa lamina habet Pontifex crucem, ut Innocentius (Lib. I. mysteriorum Missæ cap. 111.) dicit, sicut pro feminalibus habet sandalia, pro linea albam, pro baltheo cingulum, pro podete tunicam, pro ephod amictum, pro rationali pallium, pro cydari mitram.

Ad septimum dicendum, quod quamvis non habeat alterius generis potestatem, tamen eandem habet ampliorem; & ideo ad hanc perfectionem designandam sibi pallium datur, quo undique circumdatur.

Ad octavum dicendum, quod Romanus Pontifex non utitur baculo, quia Petrus misit ipsum ad suscitandum quemdam discipulum suum, qui postea factus est Episcopus Trevirensis; & ideo in diocesi Trevirensi Papa

(a) Al. ultimus. (b) Al. deest confirmare.

Papa baculum portat, & non in aliis: vel etiam in signum quod non habet coarctatam potestatem, quod curvatio baculi significat.

### EXPOSITIO TEXTUS.

**N**unc ad considerationem sacre ordinationis accedamus. Videtur quod male ordinatur: quia hoc sacramentum est ad dispensandum alia sacramenta, & ita ante alia deberet ordinari. Et dicendum, quod Magister ordinat secundum hoc ad quod ordinantur: & quia (\*) bonum commune, ad quod ordinatur hoc sacramentum, presupponit bonum personarum, ad quod ordinantur præcedentia; ideo de hoc non debuit prius determinare.

In sacramento ergo septiformis Spiritus septem sunt gradus ecclesiastici. Adaptatio quidam est: quia in quolibet ordine omnia dona Spiritus sancti dantur: quia Mathias e-

lectus est forte, de quo Dionysius dicit v. cap. eccles. Hierar. „ De divina sorte Mathias data alii alia dixerunt, nec recte „ ut existimo. Meum & ipse sensum dicam „ Videtur enim mihi Scriptura: fortasse non minasse divinum quoddam donum declarans Mathiam quasi divina electione ornatum. „

Habituus partem... cum his qui bene verbum Dei ministraverunt. Ergo habet omnis lectio aureolam. Et dicendum, quod verum est, si impleat officium ut non solum legat, sed etiam interpretetur per prædicationem; quod tamen non videtur suum officium: & ideo etiam non dicit simpliciter, quod habeat illorum meritum, sed cum illis, in quantum aliquid de actu eorum participat.

Canonem duos tantum sacros ordines appellari censens: propter hoc quod hi duo tantum ordines habent actum super ipsum sacramentum, sed subdiaconus super sacra vasa tantum.



## DISTINCTIO XXV.

*De ordinatis ab hæreticis.*

**S**olet etiam queri, si hæretici ab Ecclesiâ præcisi, & damnati possint tradere sacros ordines; & si ab eis ordinati redeunt ad Ecclesiæ unitatem debeant reordinari. Hanc questionem perplexam, ac pene insolubilem faciunt doctorem verba, qui plurimum dissentire videntur. Videntur enim quidam tradere hæreticos sacros ordines dare non posse, nec illos qui ab eis ordinantur, videntur gratiam recipere. Dicit enim Innocentius, „ Arianorum clericos non videri suscipiendos cum sacerdotii, vel ministerii alicuius dignitate, quibus solum baptisma rorum esse permittit, quod in nomine Patris, & Filii, & Spiritus sancti percipitur. Dicit etiam, eos non posse dare Spiritum sanctum, quem amiserunt, & ordinatos ab hæreticis caput habere vulneratum, & eorum qui honorem amisit, honorem dare non posse, nec illum aliquid accepisse: quoniam in dante nihil erat quod ille posset accipere. Tradit etiam, venientibus ab hæreticis per manus impositionem laicam tantum tribuendam communionem, nec ex his aliquem in clericatus honorem vel exiguum turrogare. Gregorius etiam dicit ( Lib. III. Dialog. cap. xxxi. & refertur in Decretis causa 1. quæst. 1. cap. „ Superveniente. „ ) sacrilegam esse Arianorum consecrationem, cum ex eorum manu communicatur. Cyprianus etiam dicit ( ut refertur cap. „ Si quis. „ ) omnia quæcumque faciunt hæretici, carnalia, & inania, & sacrilega esse; & eorum altaria falsa, & illicita sacerdotia, & sacrificia sacrilega, qui more simiarum, quæ eum homines non sint, formam imitantur humanam, vultum Ecclesiæ catholicæ, & auctoritatem sibi vendicant, cum ipsi in Ecclesia non sint; & cum sint sacrilegi sacerdotum administrant, & altare ponunt, cum nec sacrificari oblatio illic possit, ubi Spiritus sanctus non sit, nec cuiquam Dominus per eius preces, & orationes prosit qui Dominum ipsum violavit. Hieronymus quoque asserit ( in cap. 11. Aggæi „ & re-

(\*) Ad hoc bonum.

EX EDIT. P. NICOLAI. \* Nempe Innocentius I. in epist. xviii. ad Alexandrum scripta cap. 11. ubi & refertur in decretis causa 1. quæst. 1. cap. „ Arianorum. „

& refertur in Decret. ubi sup. cap. „ Sit populus “ ) omnia quæ offeruntur ab hæreticis , contaminata esse in conspectu Domini : quia licet sancta videantur specie sui , tamen quia contacta sunt ab illo qui pollutus est , polluantur omnia . Idem ( super Amos cap. v. & habetur ubi sup. cap. „ Odit “ ) „ Odit Deus sacrificia hæreticorum , & a se proicit ; & quoties in nomine eius congregati fuerint , de- testatur fetorem eorum , & claudit nares suas . “ Idem ( in Osee vi. & refertur cap. „ Illi “ ) „ Illi offerunt panem sacrilegum &c. “ Leo “ etiam testatur extra Ecclesiam nec rata esse sacerdotia , nec vera esse sacrificia . Idem etiam dicit : „ Per crudelissimam vesaniam in Alexandrina sede omne sacramentorum lumen extin- ctum ( 1 ) est . Intercepta est sacrificii oblatio , defecit chrismatis sanctificatio , & parricidalibus manibus impiorum omnia se subtraxere mysteria . “ His , aliisque testimoniis astrui videtur , sacramenta ecclesiastica , præcipue corporis & sanguinis , ordinationis , & confirmationis , per hæreticos non posse ministrari .

*Auſoritates ponit quæ videntur præmissis obviare.*

**C**ontra autem alii sentire videntur , quod ab hæreticis etiam præcis sacri ordi- nes , sicut & baptismus tradi valeant ; nec ab hæreticis redeunt , qui illi ordi- nati sunt , & baptizati , iterum ordinandi sint , sicut nec baptizandi . Unde Augu- stinus ( Lib. II. contra epistolam Parmeniani cap. xlii. & habetur in Decr. cap. 1. quæst. 1. cap. „ Quod quidam “ ) de hæreticis ( 2 ) etiam condemnatis dicit : „ Quod quidam dicunt t Baptisma quod accepit , non amittit qui recedit ab Ec- clesia ; ius dandi quod accepit , amittit : multis modis apparet inaniter dici . Pri- mo quia nulla offenditur causa cur ille qui illud baptismum amittere non pot- est , ius dandi possit amittere : utrumque enim sacramentum est , & quadam consecratione utrumque homini datur ; illud cum baptizatur , & illud cum ordinatur : ideo non licet in catholica Ecclesia utrumque iterari . Nam si quan- do ex ipsa parte venientes etiam præpositi pro bono pacis , correcto schisma- tis errore , suscepti sunt , etsi visum est opus esse ut eadem officia gererent quæ agebant , non sunt rursus ( 3 ) ordinandi . Sed sicut baptismus in eis , ita in eis mansit ordinatio integra : quia in præcissione fuerat vitium , quod in unitate pacis est correctum , non in sacramentis , quæ ubicumque sunt , ibi vera sunt . Et cum ipsi expedire videtur Ecclesiae ut præpositi eorum venientes ad catho- licam societatem , honores suos ibi non administrent ; non eis tamen ipsa ori- dinationis sacramenta detrahuntur , sed super eos manent . Ideoque non eis ( 4 ) manus imponitur , ne non homini , sed ipsi sacramento fiat iniuria . Sicut au- tem in baptismo est ius quod per eos dari possit , sic in ordinatione ius dandi est , utrumque quidem ad perniciem suam ( 5 ) . Sed aliud est non habere , aliud per- niciose habere , aliud salubriter habere . “ Idem ( ibidem inferius ) „ De his qui ab Ecclesiae unitate separati sunt , nulla iam questio est , quin habeant , & dare possint . Sed perniciose habent , pernicioseque dant ; quia extra vinculum pacis sunt . Neutri sacramento facienda est iniuria . Sicut non recte habet qui ab unitate re- cedit , sed tamen habet , & ideo redeunti non redditur ; sic etiam non recte dat qui ab unitate recedit , & tamen dat : & ideo ( 6 ) quod ab eo accepit , venienti ad unitatem non iteratur . “ Idem “ ( ubi supra . ) „ Aliud est non habere aliquid ; aliud est non iure habere , vel illicite usurpare . Non ergo ideo non sunt sacramen- ta Christi , & Ecclesiae , quia eis illicite utantur non modo hæretici , sed etiam om- nes impii . Sed illi corrigendi sunt , & puniendi ; illa autem sunt agnoscenda , & veneranda . “ Item Gregorius ( Lib. II. epist. xxxii. ) Quod dicitis , ut qui or- dinatus est , iterum ordinetur , valde ridiculum est . Utenim baptizatus semel , ite- rum

( 1 ) *M. amittitur est .* ( 2 ) *M. etiam damnatis quod quidam dicunt &c. ( 3 ) Parte ordinati .* ( 4 ) *Nicelai addit in populo .* ( 5 ) *Idem ( quædam caritatem non habent unitatis . )* ( 6 ) *M. qui ab eo accipit .*  
 EX EDIT. P. NICOLAI . \* Quod subiungitur ex Leone , partim ex epist. xlviii. cap. xii. partim ex epist. lxxvii. desumptum est , ut cap. *De Ecclesia Dei* , & cap. seq. *Manifestum* . \*\* De baptismo contra Donatistas Lib. III. cap. x.

rum baptizari non debet; ita qui consecratus est semel, in eodem ordine non valet iterum consecrari. "His, alique auctoritatibus videtur asseri, in omnibus impiis, etiam in hæreticis præcis, & damnatis, Christi sacramenta permanere cum iure dandi. Possunt enim dare, sed perniciose; & quibus dederint, non sunt iterum ordinandi: quæ præmissis ex opposito obviare videntur.

*Determinatio præmissæ contradictionis auctoritatum.*

**H**Æc autem quidam ita determinant. Dicunt enim hæreticos, accepta sacerdotali, vel episcopali unctione, ab Ecclesia recedentes, baptismi quidem dandi ius retinere; sed non habere facultatem tribuendi sacros ordines, vel consecrandi dominicum corpus, postquam præcis, & damnati sunt ab Ecclesia: sicut degradatus Episcopus non habet potestatem largiendi sacros ordines; facultatem tamen baptizandi non amisit. Quod vero Augustinus ait, intelligunt dictum de hæreticis, qui non sententia Ecclesiæ, sed pravitate sensus sui a fidei veritate, ac doctrinæ unitate divisi sunt. Qui licet tales sint, ius tamen ordinandi, & consecrandi habent; & qui ab eis ordinantur ante manifestam præcisionem, etiamsi cum eis aperte exierint, & sententia Ecclesiæ damnati fuerint, tamen si redierint, iterum ordinandi non sunt. Et ubicumque legitur de ordinatis ab hæreticis, quod servatis eis ordinibus ministrare valeant, vel iterum ordinandi non sint, de huiusmodi accipiendum dicunt. Nam postquam præcis fuerint, & damnati iudicio Ecclesiæ, ius ordinandi, & consecrandi eis detractum asserunt, ut degradatis, vel excommunicatis. Alij vero dicunt, sacramenta ab hæreticis, & præcis secundum formam Ecclesiæ, celebrata, vera esse, & rata: quia recedentes ab Ecclesia ius dandi, & consecrandi non perdidērunt: & qui sic ab hæreticis ordinantur, cum redeunt, iterum ordinandi non sunt. Quæ vero ab hæreticis aliter quam in Ecclesia fiunt, falsa sunt, & inania; & qui a talibus ordinari videntur, non munus, sed vulnus accipiunt. Et secundum hanc differentiam varie de his loquuntur doctores. Quidam vero dicunt, eadem sacramenta ab hæreticis præcis posse celebrari quæ a catholicis, si ab illis forma Ecclesiæ servetur, & ab eis celebrata vera esse, & rata quantum ad se, quantum vero ad effectum, falsa esse, & inania & in his qui male tractant, & in his qui male suscipiunt; & ideo irrita, & falsa: quia quod promittunt, & conferre credunt, non tribuunt. Damnanda etiam dicuntur, quia illicite dantibus, vel accipientibus sunt in iudicium. Polluta etiam dicuntur non quantum ad se, sed propter indignam hæreticorum tractationem. Ideo Gregorius (Lib. III. Dialog. cap. xxxi.) communionem Arij vocat execrationem: & Innocentius (1) Bonosii ordinationem damnationem: non quod ita in se sint, sed quia male dantes, vel accipientes tales faciunt. Sicut etiam Hieronymus sacrificia eorum panem luctus vocat (super Osee cap. ix.) non quantum ad se, sed quantum ad effectum. Nonnulli vero tradunt, illos hæreticos qui in Ecclesia ordinati sunt, ius ordinandi, & consecrandi, etiam cum separati fuerint, habere. Qui vero in schismate, vel hæresi positi ab eis ordinati, & inuncti fuerint, illo iure carent: ideoque cum ordinare volunt, vulnus peius insunt quam gratiam conferunt.

*De simonia, unde dicatur, & quid sit.*

**D**E simoniis vero non est ambigendum quin sint hæretici; qui tamen ante sententiam degradationis & ordinant, & consecrant. Et licet simoniaci proprie dicantur qui instar Simonis magi (2) impretiabilem gratiam pretio conducere volunt; & qui pro ministerio sacro pretium recipiunt in modum Giezi, Gieziæ vocandi sint; omnes tamen & dantes, & accipientes simoniaci dicuntur, & utriusque eadem sententia percipiuntur.

(1) M. Honorii. (2) Nicolai inappretabilem.



*De his qui scienter a simoniacis ordinantur.*

**D**iffert tamen inter eos qui ordinantur a simoniacis scienter, & eos qui ignorant. Qui enim scienter a simoniacis se permiserit consecrari, immo execrari, eorum consecratio omnino irrita est. \* Qui vero ordinantur a simoniacis, quos cum ordinantur, nesciunt esse simoniacos, qui & tunc pro catholicis habentur, eorum ordinatio misericorditer sustinetur.

*De his qui dicunt se emere corporalia, non spiritalia.*

**S**i vero aliqui obiecerint, se non consecrationes emere, sed res ipsas quæ ex consecratione proveniunt, penitus desipere probantur. Nam quisquis horum alterum vendit sine quo alterum non habetur, neutrum vendere derelinquit.

*Distinctio simoniacorum.*

**S**imoniace autem hæresis tripartita est distinctio. Alii enim simoniace a simoniacis ordinantur: alii simoniace a non simoniacis: alii non simoniace a simoniacis. Unde Nicolaus Papa: \*\* Statuimus decretum de simoniaca tripartita hæresi: idest de simoniacis simoniace ordinantibus, vel ordinatis: & de simoniacis simoniace a non simoniacis: (1) & de simoniacis non simoniace a simoniacis. Simoniaci simoniace ordinati, vel ordinatores secundum canones \*\*\* a proprio gradu decedant. Simoniaci etiam simoniace a non simoniacis ordinati similiter ab officio removeantur. Simoniacos vero non simoniace a simoniacis ordinatos misericorditer per manus impositionem pro temporis necessitate in officio permittimus permanere. " Quod intelligendum est de his qui ordinantur a simoniacis, ignorantes eos esse simoniacos: (2) quia hos facit simoniacos (3) non reatus criminis, sed ordinatio simoniaci.

*Alexander Papa de his qui violententer a simoniacis, vel ab hæreticis ordinantur.*

**S**imiliter cum decernit Alexander Papa \*\*\*\*, simoniacos omnino damnandos, ac deponendos; subintelligendum est, nisi violententer quæ attractus fuerit. De his enim, & a quibuslibet hæreticis violententer ordinatis dicit Innocentius, \*\*\*\*\* quod possunt habere aliquem colorem excusationis, si statim discedunt ab eis, & pessimo eorum conciliabulo renuntiant.

*De ætate ordinandorum ita decrevit Nicolaus Papa. \*\*\*\*\**

**S**acri (inquit) canones sanxerunt ut subdiaconus non ordinetur ante quatuordecim annos, nec diaconus ante vigintiquinque, nec presbyter ante triginta. Deinde si dignus fuerit, ad Episcopatum eligi potest: quod nos etiam Pari modo servare iubemus. " Item Bonifacius. \*\*\*\*\* Si quis triginta ætatis non impleverit annos, nullo modo presbyter ordinetur, etsi valde sit dignus: quia & ipse Dominus triginta annorum baptizatus est, & sic cœpit docere. " \*\*\*\*\*

(1) Nicolaus de de simoniace a simoniacis. (2) A. desit. (3) A. amittit non.

EX EDIT. P. NICOLAI. \* Sic loquitur Urbanus Papa, & sic decernitur in Concilio Placentino cap. iv. ex quo refertur in Decretis, ut supra, causa 1. quæst. 1. cap. Si quis Simoniaci. Sequens vero appendix est ex Paschali Papa cap. Si quis ab hereticis, eodem causa 1. quæst. 117. \*\* scilicet Nicolaus II. ad Episcopos omnes scribens, ut auriis in Decretis refertur ubi supra cap. Statuimus decretum. \*\*\* Quod dicitur de canonicis, sumptum est ex cap. Qui audit, & Si quis Episcopus, & cap. Si quis, & cap. Quicumque causa 1. & ex alia passim. \*\*\*\* Nempe Alexander II. causa 1. quæst. 1. cap. Ex simoniaco. \*\*\*\*\* Unique primus ubi supra cap. Causas multas ex epist. 223. cap. v. \*\*\*\*\* Ea Nicolaus non occurrat, sed in Petr. dist. lxxv. cap. In singulis refertur ex Zozymo, etsi contrarie, cum debeat potius legi non quod subdiaconus quatuordecim annis sit, sed quod cum viginti annis exerceat (iuxta cap. Subdiaconus, & Summus, immediate sequens) quatuordecim annis in subdiaconatus gradu perseveret, ut ex versu Gratiani codice, ac Rabano appendix ibi notari: & sic etiam Tom. I. Conciliorum part. 2. epistola Zozyimi ad Hefybiu habet, ut & apud Rabanum lib. 1. de insinuat. clericorum cap. 211. Tom. X. Bibliotheca PP. videre est. \*\*\*\*\* Vel Fabianus in Decretis dist. lxxv. cap. 2. \*\*\*\*\* Ut etiam in cap. Presbyter ex Concilio Neocesæniensi cap. 2. in eadem dist. sublinguius.

## DIVISIO TEXTUS.

**P**ostquam determinavit Magister de sacramento ordinis, hic determinat de conferentibus, & suscipientibus hoc sacramentum: & dividitur in partes duas. In prima determinat de conferentibus; in secunda de suscipientibus, ibi, *Sacri canonis sanxerunt ut Subdiaconus non ordinetur ante quatuordecim annos &c.* Prima in duas. In prima inquirat de hæreticis, utrum possint ordinare; secundo specialiter de simoniaci, ibi, *De simoniaci vero non est ambigendum quin sint hæretici.* Prima in tres. In prima ponit autoritatem ad ostendendum quod hæretici non possunt hoc sacramentum conferre. In secunda ponit auctoritates ad contrarium, ibi, *Contra autem alii sentiri videntur.* In tertia solvit, ibi, *Hæc autem quidam ita determinant.* Et ponit quatuor solutiones diversorum, ut in littera patet.

*De simoniaci autem non est ambigendum quin sint hæretici.* Hic inquit de simoniaci, & circa hoc duo facit. Primo ostendit qui sunt simoniaci; secundo utrum possint ordinare, ibi, *Differunt tamen inter eos qui ordinantur a simoniaci scienter, & eos qui ignorant.*

## QUÆSTIO I.

**H**ic est triplex quæstio. Prima de ordinantibus. Secunda de ordinatis. Tertia de simoniaci.

Circa primum quærentur duo.

Primo. Utrum solus Episcopus possit conferre ordinis sacramentum.

Secundo. Utrum hæreticus, vel quicumque ab Ecclesia præcisus.

## ARTICULUS I.

*Utrum tantum Episcopus ordinis sacramentum conferat.*

**A**d primum sic proceditur. Videtur quod non tantum Episcopus ordinis sacramentum conferat. Quia manus impositio aliquid ad consecrationem facit. Sed sacerdotes qui ordinantur, non solus Episcopus manus imponit, sed sacerdotes astantes. Ergo non solus Episcopus confert ordinis sacramentum.

2. Præterea. Tunc unicuique datur potestas ordinis, quando ei exhibetur quod ad actum sui ordinis pertinet. Sed subdiacono

datur urceolus cum aqua, manili, & manutergio ab Archidiacono: similiter acolythis candelabrum cum cereo, & urceolus vacuus. Ergo non solus Episcopus confert ordinis sacramentum.

3. Præterea. Illa quæ sunt ordinis, non possunt alicui committi qui non habet ordinem. Sed conferre ordines minores committitur aliquibus qui non sunt Episcopi, sicut presbyteris cardinalibus. Ergo conferre ordines non est episcopalis ordinis.

4. Præterea. Cuicumque committitur principale, & accessorium. Sed ordinis sacramentum ordinatur ad eucharistiam sicut accessorium ad principale. Cum ergo sacerdos consecret eucharistiam, ipse etiam poterit ordinem conferre.

5. Præterea. Plus distat sacerdos a diacono quam Episcopus ab Episcopo. Sed Episcopus potest consecrare Episcopum. Ergo & sacerdos potest promovere diaconum.

Sed contra. Nobilitiori modo applicantur ad divinum cultum ministri per ordines quam vasa sacra. Sed consecratio vasorum pertinet ad solum Episcopum. Ergo multo fortius consecratio ministrorum.

Præterea. Sacramentum ordinis est excellentius quam confirmationis. Sed solus Episcopus confirmat. Ergo multo magis solus confert ordinis sacramentum.

Præterea. Virgines per benedictionem non constituuntur in aliquo gradu spiritualis potestatis, sicut ordinati constituuntur. Sed virgines benedicere est solius Episcopi. Ergo multo magis solus ipse potest alios ordinare.

## SOLUTIO.

Respondeo dicendum, quod potestas episcopalis se habet ad potestatem omnium inferiorum sicut politica, quæ consecrat bonum commune, ad inferiores artes, & virtutes, quæ consecrant aliquod bonum speciale, ut ex dictis patet. Politica autem, ut dicitur in I. Ethic. ponit legem inferioribus artibus, scilicet quis quam debeat exercere, & quantum, & qualiter: & ideo ad Episcopum pertinet in omnibus divinis ministeriis alios collocare. Unde ipse solus confirmat, quia confirmati in quodam officio consistendi fidem constituuntur: ideo etiam solus ipse virgines benedicit, quæ figurat gerunt Ecclesia Christo desponsatæ, cuius cura ipsi principaliter committitur: ipse etiam (a) in ministeriis ordinum ordinandos consecrat, & vasa quibus uti debent, eis determinat sua consecratione:

(a) Ad. in ministris.

tione; sicut etiam officia secularia in civitatibus distribuuntur ab eo qui habet excellentiorem potestatem, sicut a Rege.

Ad primum ergo dicendum, quod in impositione manuum non datur character sacerdotialis ordinis, ut ex dictis patet, sed gratia, secundum quam ad exequendum ordinem sunt idonei: & quia indigent amplissima gratia, ideo sacerdotes cum Episcopo manus imponunt eis qui in sacerdotes promoveantur; sed diaconus solus Episcopus.

Ad secundum dicendum, quod Archidiaconus est quasi princeps ministrorum, ideo omnia quae ad ministerium pertinent ipse tradit, sicut cereum quo acolythus diacono servit ante Evangelium ipsum portando, & urceum quo servit subdiacono; & similiter dat subdiacono ea quibus superioribus ordinibus servit: & tamen in illis non consistit principaliter adus subdiaconi, sed in hoc quod operatur circa materiam sacramenti, & ideo characterem accipit in hoc quod datur ei calix ab Episcopo. Sed acolythus accipit characterem ex verbis Episcopi in hoc quod accipit praedicta ab Archidiacono, & magis in acceptione utceoli quam candelabri. Unde non sequitur quod Archidiaconus ordinem conferat.

Ad tertium dicendum, quod Papa, qui habet plenitudinem potestatis pontificalis, potest committere non Episcopo ea quae ad episcopalem dignitatem pertinent, dummodo illa non habeant immediatam relationem ad verum corpus Christi: & ideo ex eius commissione aliquis sacerdos simpliciter potest conferre minores ordines, & confirmare, ut supra dist. 411. (quaest. 1. art. 1. quaest. 3.) dictum est; non autem aliquis non sacerdos; nec iterum sacerdos maiores ordines, qui habent immediatam relationem ad corpus Christi, supra quod consecrandum Papa non habet maiorem potestatem quam simplex sacerdos.

Ad quartum dicendum, quod quamvis sacramentum eucharistiae sit maximum sacramentum in se; tamen non collocat in aliquo officio, sicut ordinis sacramentum: & ideo non est similis ratio.

Ad quintum dicendum, quod ad communicandum alteri quod quis habet, non exigitur solum propinquitas, sed completio potestatis. Sed quia sacerdos non habet completam potestatem in hierarchicis officiis, sicut Episcopus, ideo non sequitur quod possit diaconus facere, quamvis ille ordo sit sibi propinquus.

*Utique haeretici, & ab Ecclesia praevisi possunt ordines conferre.*

1. **A**D secundum sic proceditur. Videtur quod haeretici, & ab Ecclesia praecisi non possint ordines conferre. Plus enim est aliquem promovere ad ordines quam aliquem absolvere, vel ligare. Sed haeretici non possunt absolvere, vel ligare. Ergo nec ordines conferre.

2. Praeterea. Sacerdos ab Ecclesia separatus potest conficere: quia in eo character indelebiter manet, per quem hoc potest. Sed Episcopus non accipit aliquem characterem in sui promotione. Ergo non est necesse quod episcopalis potestas in eo remaneat post separationem eius ab Ecclesia.

3. Praeterea. In nulla communitate ille qui a communitate repellitur, potest communitatis officia disponere. Sed ordines sunt quaedam officia Ecclesiae. Ergo ille qui extra Ecclesiam ponitur, non potest ordines conferre.

4. Praeterea. Sacramenta habent efficaciam ex passione Christi. Sed haeticus non continuatur passioni Christi neque per propriam fidem, cum sit infidelis, neque per fidem Ecclesiae, cum sit ab Ecclesia separatus. Ergo non potest sacramentum ordinis conferre.

5. Praeterea. In ordinis collatione exigitur benedictio. Sed haeticus non potest benedicere, quinimmo benedictio sua in maledictionem vertitur, ut patet per auctoritates in littera inducias. Ergo non potest ordines conferre.

Sed contra est, quia aliquis Episcopus in haeresim lapsus, quando reconciliatur, non iterum consecratur. Ergo non amisit potestatem quam habebat ordines conferendi.

Praeterea. Maior potestas est potestas conferendi ordines quam potestas ordinum. Sed ordinum potestas non amittitur propter haeresim, vel aliquid huiusmodi. Ergo nec potestas ordines conferendi.

Praeterea. Sicut baptizans exhibet tantum ministerium exterius, ita & confersens ordines, Deo interiori operante. Sed nulla ratione aliquis ab Ecclesia praecisus amittit baptizandi potestatem. Ergo nec ordines conferendi.

## SOLUTIO.

Respondeo dicendum, quod circa hoc ponuntur in littera quatuor opiniones.

G 2 Qui

Quidam enim dicunt, quod hæretici quamvis ab Ecclesia tolerentur, habent potestatem ordines conferendi; non autem potestatem quam ab Ecclesia fuerint præcisi; & similiter nec degradati, & alii huiusmodi: & hæc est prima opinio. Sed hoc non potest stare: quia omnis potestas quæ datur cum aliqua consecratione, nullo casu contingente tolli potest, sicut nec ipsa consecratio annullari: quia etiam altare, vel chrisma semel consecrata perpetuo sacra manent. Unde cum episcopalis potestas cum quodam consecratione detur, oportet quod perpetuo maneat, quantumcumque aliquis peccet, vel ab Ecclesia præcideretur.

Et ideo alii dixerunt, quod præcisi ab Ecclesia qui in Ecclesia potestatem episcopalem habuerunt, retinent potestatem alios ordinandi, & promovendi; sed promoti ab eis hoc non habent: & hæc est quarta opinio. Sed hoc etiam esse non potest: quia si illi qui fuerunt in Ecclesia promoti, retinent potestatem quam acceperunt, patet quod ex equando suam potestatem, veram consecrationem faciunt, & ideo vere tribuunt omnem potestatem quæ consecratione datur; & si ordinati ab eis, vel promoti habent eandem potestatem quam & ipsi.

Et ideo alii dixerunt, quod etiam præcisi ab Ecclesia possunt ordines, & alia sacramenta conferre, dummodo formam debitam, & intentionem servant, & quantum ad primum effectum, qui est collatio sacramenti, & quantum ad ultimum, qui est collatio gratiæ: & hæc est secunda opinio. Sed hoc etiam non potest stare: quia ex hoc ipso quod aliquis hæretico præciso ab Ecclesia in sacramentis communicat, peccat; & ita si quis accedit, & gratiam consequi non potest, nisi forte in baptismo in articulo necessitatis.

Et ideo alii dicunt, quod vera sacramenta conferunt, sed cum eis gratiam non dant, non propter inefficaciam sacramentorum, sed propter peccata recipientium ab eis sacramenta contra prohibitionem Ecclesiæ: & hæc est tertia opinio, quæ vera est.

Ad primum ergo dicendum, quod effectus absolutionis non est alius quam remissio peccatorum, quæ per gratiam fit: & ideo hæreticus non potest absolvere, sicut nec gratiam in sacramentis conferre: & iterum quia ad absolutionem requiritur iurisdicctio, quam non habet ab Ecclesia præcisi.

Ad secundum dicendum, quod in promotione Episcopi datur sibi potestas quæ perpetuo manet in eo; quamvis dici non pos-

sit character, quia per eam non ordinatur homo directe ad Deum, sed ad corpus Christi mysticum; & tamen indelebiter manet sicut character, quia per consecrationem datur.

Ad tertium dicendum, quod illi qui ab hæreticis promoventur, quamvis accipiant ordinem, non tamen recipiunt executionem, ut licite possint in suis ordinibus ministrare ratione illa quam obiectio tangit.

Ad quartum dicendum, quod per fidem Ecclesiæ continuantur passioni Christi: quia quamvis in ea non sint secundum se, sunt tamen in ea quantum ad formam Ecclesiæ, quam servant.

Ad quintum dicendum, quod hoc est referendum ad ultimum effectum sacramentorum, ut tertia opinio dicit.

## QUAESTIO II.

Deinde quaeritur de ordinatis: & circa hoc quaeruntur duo.

Primo. Utrum aliquis impediatur propter leseffectum naturæ.

Secundo. Utrum impediatur propter conditionem fortunæ exterioris.

## ARTICULUS I.

*Utrum sexus femineus impediat ordinis suspensionem.*

1. **A**D primum sic proceditur. Videtur quod sexus femineus non impediat ordinis suspensionem. Quia officium prophetiæ est maius quam sacerdotii officium: quia propheta est medius inter Deum & sacerdotem, sicut sacerdos inter Deum & populum. Sed prophetiæ officium aliquando mulieribus est concessum, ut patet IV. Reg. (cap. xxi.). Ergo & sacerdotii officium eis competere potest.

2. Præterea. Sicut ordo ad quandam perfectionem pertinet, ita & prælationis officium, & martyrium, & religionis status. Sed prælatio committitur mulieribus in novo testamento, ut patet de Abbatissis, & in veteri, ut patet de Debbora quæ iudicavit Israel, Iudicum iv. competit etiam eis martyrium, & religionis status. Ergo & ordo Ecclesiæ.

3. Præterea. Ordinum potestas in anima fundatur. Sed sexus non est anima. Ergo diversitas sexuum non facit distinctionem in receptione ordinum.

Sed contra est quod dicitur I. Tim. 11. 12.

*Aliter*

*Mulierem docere in Ecclesia non permisso, nec dominari in virum.*

Præterea. In ordinandis præxigitur corona, quamvis non de necessitate sacramenti. Sed corona, & tonsura non competit mulieribus, ut patet I. Corinth. xi. Ergo nec ordinum suscepcio.

### QUAESTIUNCULA II.

1. Ulterius. Videtur quod pueri, & qui carent usu rationis, non possint ordines suscipere. Quia, ut in littera dicitur, sacra-  
nones in suscipientibus ordines certum ætatis tempus determinaverunt. Sed hoc non esset, si pueri recipere possent ordinis sacramentum. Ergo &c.

2. Præterea. Sacramentum ordinis est dignius quam matrimonium. Sed pueri, & alii carentes usu rationis non possunt contrahere matrimonium. Ergo nec ordines suscipere.

3. Præterea. Cuius est potentia, eius est actus, secundum Philosophum in Lib. de somno, & vigilia (cap. 1.) Sed actus ordinis requirit usum rationis. Ergo & ordinis potestas.

Sed contra. Ille qui ante annos discretionis est promotus ad ordines, sine iteratione ipsorum quandoque in eis conceditur ministrare, ut patet Extra de clerico ordinato per saltum. Hoc autem non esset, si ordinem non suscepisset. Ergo puer potest ordinem suscipere.

Præterea. Alia sacramenta in quibus character imprimitur, possunt pueri suscipere, ut baptismum, & confirmationem. Ergo pari ratione ordinem.

### SOLUTIO I.

Respondeo dicendum ad primam questionem, quod quædam requiruntur in recipiente sacramentum quasi de necessitate sacramenti, quæ si desint, non potest aliquis suscipere neque sacramentum, neque rem sacramenti; quædam vero requiruntur non de necessitate sacramenti, sed de necessitate præcepti propter congruitatem ad sacramentum; & sine talibus aliquis suscipit sacramentum, sed non rem sacramenti. Dicendum ergo, quod sexus virilis requiritur ad suscepcionem ordinis non solum secundo modo, sed etiam primo. Unde esset mulieri exhibeantur omnia quæ in ordinibus sunt, ordinem non suscipit: quia cum sacramentum sit signum, in his quæ in sacramento aguntur, requiritur non solum res, sed significatio rei; sicut dictum est, quod in extrema unctione exigitur quod sit infirmus, ut significetur curatione

indigens. Cum ergo in sexu femineo non possit significari aliqua eminentia gradus, quia mulier statum subiectionis habet; ideo non potest ordinis sacramentum suscipere. Quidam autem dixerunt, quod sexus virilis est de necessitate præcepti, sed non de necessitate sacramenti: quia etiam in Decretis fit mentio de diaconissa, & presbytera. Sed diaconissa dicitur quæ in aliquo actu diaconi participat, sicut quæ legit homiliam in Ecclesia; presbytera autem dicitur vidua, quia presbyter idem est quod senior.

Ad primum ergo dicendum, quod prophetia non est sacramentum, sed donum Dei: unde non exigitur ibi significatio, sed solus res. Et quia secundum rem in his quæ sunt animæ, mulier non differt a viro, cum quandoque mulier invenitur melior quantum ad animam multis viris; ideo donum prophetiæ, & alia huiusmodi potest accipere, sed non ordinis sacramentum.

Et per hoc patet solutio ad secundum, & tertium. De abbatissis tamen dicitur, quod non habent prælationem ordinariam, sed quasi ex commissione propter periculum cohabitationis virorum ad mulieres. Debbora autem præfuit in temporalibus, non in sacerdotalibus, sicut & nunc mulieres possunt temporaliter dominari.

### SOLUTIO II.

Ad secundam questionem dicendum, quod per pueritiam, & alios defectus, quibus tollitur usus rationis, præstatur impedimentum actui: & ideo omnia illa sacramenta quæ actum requirunt suscipientis, talibus non competunt, sicut poenitentia, matrimonium, & huiusmodi. Sed quia potestates infusæ sunt prioribus actibus, sicut & naturales, quamvis acquisitæ sint posteriores; remoto autem posteriori non tollitur prius: ideo omnia sacramenta in quibus non requiritur actus suscipientis de necessitate sacramenti, sed potestas aliqua spiritalis divinitus datur, possunt pueri suscipere, & alii qui usu rationis carent; hac tamen distinctione habita, quod in minoribus ordinibus requiritur discretionis tempus de honestate propter dignitatem sacramenti, sed non de necessitate præcepti, neque de necessitate sacramenti. Unde aliqui, si necessitas addit, & spes profectus, ad minores ordines possunt ante annos discretionis promoveri sine peccato, & suscipiunt ordinem: quia quamvis tunc non sint idonei ad officia quæ eis committuntur, tamen per assuetudinem idonei reddentur. Sed ad maiores ordines requiritur usus rationis & de honestate.

itate, & de necessitate præcepti. propter votum continentie quod habet annexum, & quia etiam eis sacramenta tractanda committuntur. Sed ad episcopatum, ubi in corpore mysticum accipitur potestas, requiritur ætus suscipientis curam pastoralem: & ideo est etiam de necessitate consecrationis episcopalis quod usufructus habeat. Quidam autem dicant, quod ad omnes ordines requiritur usus rationis de necessitate sacramenti; sed eorum dictum ratione, vel auctoritate non confirmatur.

Ad primum ergo dicendum, quod non omne quod est de necessitate præcepti, est de necessitate sacramenti, ut dictum est.

Ad secundum dicendum, quod matrimonium causat consensus, qui sine usu rationis esse non potest; sed in receptione ordinis non requiritur aliquis ætus ex parte recipientis, quod patet ex hoc quod nullus ætus ex parte eorum exprimitur in eorum consecratione: & ideo non est simile.

Ad tertium dicendum, quod eiusdem est ætus, & potentia; sed tamen aliquando potentia præcedit, sicut liberum arbitrium usum suum; & sic est in proposito.

## ARTICULUS II.

*Utrum servitus impediat aliquem a susceptione ordinis.*

1. Ad secundum sic proceditur. Videtur quod servitus non impediat aliquem a susceptione ordinis. Subiectio enim corporalis non repugnat prælationi spirituali. Sed in servo est subiectio corporalis. Ergo non impeditur quin debeat suscipere prælationem spiritualem, quæ in ordine datur.

2. Præterea. Illud quod est occasio humilitatis, non debet impedire susceptionem aliquis sacramenti. Sed servitus est huiusmodi: unde Apostolus consulit quod si aliquis possit, magis utatur servitute, I. Corinth. VII. Ergo non debet impedire a promotione ordinis.

3. Præterea. Magis est turpe clericum in servum vendi quam servum in clericum promoveri. Sed licite clericus in servum vendi potest: quia Episcopus Nolanus, scilicet beatus Paulinus, seipsum in servum vendidit, ut in Dialogis legitur (Lib. III. cap. 1.) Ergo multo fortius potest servus in clericum promoveri.

4. Sed contra. Videtur quod impeditur quantum ad necessitatem sacramenti. Quia

mulier non potest suscipere sacramentum ratione subiectionis. Sed maior subiectio est in servo: quia mulier non datur viro in ancillam, propter quod non est de pedibus sumpta. Ergo & servus sacramentum non suscipit.

5. Præterea. Aliquis, ex quo suscipit ordinem, tenetur in ordine ministrare. Sed non potest simul ministrare domino suo carnali, & in spirituali ministerio. Ergo videtur quod non possit ordinem suscipere, quia dominus debet conservari indemnis.

## QUAESTIUNCULA II.

1. Ulterius. Videtur quod propter homicidium aliquis non debeat prohiberi a sacris ordinibus. Quia ordines nostri sumptur a iocundis a levitarum officis, ut in precedenti dictum est. Sed levites consecretaverunt manus suas in sanguinis effusione fratrum suorum, ut patet Exod. xxxi. Ergo & in novo testamento non debent aliqui a susceptione ordinum prohiberi propter sanguinis effusionem.

2. Præterea. Propter actum virtutis nullus debet impediri ab aliquo sacramento. Sed aliquando sanguis effunditur per iustitiam, sicut a iudice; & peccaret habens officium, si non effunderet. Ergo non impeditur propter hoc a sacramenti susceptione.

3. Præterea. Pœna non debetur nisi culpa. Sed aliquis sine culpa quandoque homicidium committit, sicut se defendendo, vel etiam casualiter. Ergo non debet incurrere irregularitatis pœnam.

Sed contra hoc sunt plura canonum statuta, & Ecclesie consuetudo.

## QUAESTIUNCULA III.

1. Ulterius. Videtur quod illegitime nati non debeant impediri a susceptione ordinum. Quia filius non debet portare iniquitatem patris. Portaret autem, si propter hoc impediretur ab ordinibus suscipiendis. Ergo &c.

2. Præterea. Magis impeditur aliquis propter defectum proprium quam alienum. Sed a susceptione ordinum propter illicitum concubitus suum non semper aliquis impeditur. Ergo nec propter illicitum concubitus patris sui.

Sed contra est quod dicitur Deuter. xxiii.

2. *Mamzer non ingreditur, hoc est de scortis natus, (a) Ecclesiam Dei usque in decimam*

(a) Vulgata: Non ingreditur Mamzer, hoc est de scortis natus, in Ecclesiam Domini usque ad tre.

*generationem*. Ergo multo minus debent promovetur ad ordines.

## QUAESTIUNCULA IV.

1. Ulterius. Videtur quod propter defectum membrorum non debeat aliquis impediri. Quia assistio non debet addi assistio. Ergo non debet privari ordinis gradu propter penam corporalis defectus.

2. Præterea. Plus exigitur ad actum ordinis integritas discretionis quam integritas corporis. Sed aliqui possunt promoveri ante annos discretionis. Ergo & cum corporis defectu.

Sed contra est quod tales prohibebantur a ministerio veteris legis. Ergo multo fortius debent in nova lege prohiberi.

De bigamia dicitur in tractatu de matrimonio dist. xxvii.

## SOLUTIO I.

Respondeo dicendum ad primam questionem, quod in susceptione ordinis mancipatur homo divinis officiis. Et quia nullus potest aliter dare quod suum non est, ideo servus qui non habet potestatem sui, non potest ad ordines promoveri; si tamen promoveatur, ordinem suscipit: quia libertas non est de necessitate sacramenti, licet sit de necessitate præcepti; cum non impediat potestatem, sed actum tantum. Et similis ratio est de omnibus qui sunt alius obligati, ut rationibus detenti, & huiusmodi personæ. (a)

Ad primum ergo dicendum, quod in susceptione spiritualis potestatis est aliqua obligatio ad aliqua etiam corporaliter agenda; & ideo per corporalem subiectionem impeditur.

Ad secundum dicendum, quod ex multis aliis quæ non præstant impedimentum executioni ordinum, potest aliquis occasionem humilitatis accipere: & ideo ratio non sequitur.

Ad tertium dicendum, quod beatus Paulinus ex abundantia caritatis spiritu Dei actus hoc fecit; quod rei eventus probat, quia per eius servitutem multi de grege suo sunt a servitute liberati; & ideo non est ad consequentiam trahendum: quia *ubi spiritus Domini, ibi libertas*: II. Corinth. 111. 17.

Ad quartum dicendum, quod signa sacramentalia ex naturali similitudine repræsentant; mulier autem ex natura habet subiectionem, & non servus: & ideo non est simile.

Ad quintum dicendum, quod si est promotus scientie domino suo, & non reclamante, ex hoc ipso efficitur ingenuus. Si autem eo nesciente, tunc Episcopus, & ille qui præsentavit, tenentur domino in duplum quam sit pretium servi, si sciverint ipsum esse servum: alias si servus habeat peculium, debet seipsum redimere; alioquin redigetur in servitutem domini sui, non obstante quod ordinem suum exequi non potest.

## SOLUTIO II.

Ad secundam questionem dicendum, quod omnes ordines referuntur ad sacramentum eucharistiæ, quod est sacramentum pacis nobis per sanguinem Christi effusum factæ. Et quia homicidium maxime contrariatur paci, & homicidæ magis conformantur occidentibus Christum quam ipsi Christo occiso, cui omnes ministri prædicti sacramenti debent conformari; ideo de necessitate præcepti est quod non sit homicida qui ad ordines promovetur, quamvis non sit de necessitate sacramenti.

Ad primum ergo dicendum, quod vetus lex interebat penam sanguinis, non autem lex nova: & ideo non est simile de ministris veteris, & novæ legis, quæ est iugum suave, & onus leve.

Ad secundum dicendum, quod irregularitas non incurritur propter peccatum tantum, sed principaliter propter ineptitudinem personæ ad sacramentum eucharistiæ ministrandum: & ideo iudex, & omnes qui in causa sanguinis ei participant, sunt irregulares propter hoc quod effusio sanguinis non debet ministris dicti sacramenti.

Ad tertium dicendum, quod nullus facit nisi illud cuius causa est, quod est voluntarium in homine: & ideo ille qui ignoranter hominem occidit homicidio casuali, non dicitur homicida, nec irregularitatem incurrit; nisi dederit operam rei illicitæ, vel nisi omiserit debitam diligentiam, quia iam quodammodo efficitur voluntarium. Nec hoc est propter hoc quod culpa careat, quia etiam sine culpa incurritur irregularitas: & ideo etiam ille qui se defendendo in aliquo casu non peccat homicidium committendo, nihilominus irregularis est.

## SOLUTIO III.

Ad tertiam questionem dicendum, quod ordinati, in quadam dignitate præ aliis constituentur: ideo ex quadam honestate requiritur

) a) Ad id Nicolaï. Extra tit. xiv. cap. Migne.

ritur in eis claritas quædam, non de necessitate sacramenti, sed de necessitate præcepti, ut scilicet sint bonæ famæ, bonis moribus ornati, non publice penitentes. Et quia obscuratur hominis claritas ex vitiosa origine, ideo etiam de illegitimo thoro nati a susceptione ordinum repelluntur, nisi cum eis dispensetur: & tanto est difficilior dispensatio, quanto eorum origo est turpior.

Ad primum ergo dicendum, quod irregularitas non est pœna iniquitati debita: & ideo patet quod illegitime nati non portant iniquitatem patris ex hoc quod irregulares sunt.

Ad secundum dicendum, quod ea quæ per actum committuntur, possunt per penitentiam, & actum contrarium aboleri; non autem ea quæ ex natura sunt: & ideo non est simile de vitioso actu, & vitiosa origine.

#### SOLUTIO IV.

Ad quartam questionem dicendum, quod, sicut ex dictis patet, aliquis efficitur ineptus ad susceptionem ordinis vel propter impedimentum actus, vel propter impedimentum claritatis personæ: & ideo patientes defectum in membris impediuntur a susceptione ordinis, si sit talis defectus qui maculam notabilem inferat, per quem obscuretur personæ claritas, ut abscondit nati, vel periculum in executione facere possit; alias non impediuntur. Hæc autem integritas exigitur de necessitate præcepti, sed non de necessitate sacramenti.

Et per hoc patet solutio ad obiecta.

#### QUAESTIO III.

Deinde queritur de simonia: & circa hoc queruntur tria.

Primo. Quid sit.

Secundo. In quibus fiat.

Tertio. Qualiter.

#### ARTICULUS I.

*Utrum diffinitio data de simonia sit competens.*

2. 2. quæst. c. art. 2.

1. **A**D primum sic proceditur. Videtur quod diffinitio de simonia data sit

incompetens, scilicet: *Simonia est studiosa voluntas emendi, vel vendendi aliquid spirituale, vel spirituali annexum.* Quia ex simonia aliquis efficitur irregularis. Sed pro sola voluntate nullus efficitur irregularis. Ergo simonia non consistit in sola voluntate.

2. Præterea. Illa sola peccata sunt per studium quæ ex certa malitia committuntur. Sed simonia non semper committitur ex certa malitia; sed quandoque ex infirmitate, vel ignorantia. Ergo in diffinitione eius *studiosum* poni non debet.

3. Præterea. Omne peccatum in electione principaliter consistit. Sed voluntas eligens non est de impossibili, ut dicitur in III. Ethic. (cap. iv. vel v.) Cum ergo emere spirituale sit impossibile, quia donum Dei pecunia non possidetur, ut dicitur Act. viii. in diffinitione peccati simoniz, voluntas emendi spirituale poni non debet.

4. Præterea. Simonia a Simone mago dicitur. Sed ille noluit vendere spiritualia, sed emere. Ergo non debet poni venditio in diffinitione simoniz.

5. Præterea. Omnibus temporalibus propter spiritualia uti debemus. Si ergo in emptione annexorum spiritualibus simonia consistit, omnis emptio, vel venditio simonia erit; quod falsum est.

#### QUAESTIUNCULA II.

1. Ulterius. Videtur quod simonia sit hæresis. Quia Gregorius in Registro \* dicit: *Altare, decimas, & Spiritum sanctum emere, vel vendere simoniacam hæresim esse nullus fidelium ignorat.*

2. Præterea. Nullum peccatum est gravius infidelitate. Sed simonia est gravior: quia in Decretis dicitur causa 1. quæst. 12. *quod (a) impia hæresis Macedonii, & eorum qui circa ipsum sunt, est tolerabilior quam simonia.* Ergo simonia est hæresis.

Sed contra. Omnis hæresis est contra aliquem articulum fidei, de quo non recta opinio habetur. Sed aliquis simoniacus potest habere rectam opinionem de omnibus articulis fidei. Ergo non est hæresis.

#### QUAESTIUNCULA III.

1. Ulterius. Videtur quod simoniacus non perdat executionem ordinis. Quia contingit in ordinatione alicuius committi simoniam eo ignorante. Sed homicidium casuale propter hoc quod est per ignorantiam commissum

(a) Nicolai ipsa.

XX EDIT. P. NICOLAI. \* Sive potius Gregorius VII. Lib. VI. ut cap. Presbyter causa 1. non appen-  
dix. \*\* Ex Tazari ad Adrianum Papam epistola desumptum est cap. I.



sum, non facit irregularitatem. Ergo & similiter ille qui simoniace ordinatur.

2. Præterea. Ab eo qui non habet executionem ordinis, nullus debet accipere sacramentum. Sed ab eo quem scio simoniacum, debeat ordinem accipere, si mihi præcipiatur, ne inobediens sim. Ergo non amittit ordinis executionem.

3. Sed contra. Videtur quod simoniacus nec ordinem recipiat. Quia defectus intentionis evacuat sacramentum. Sed ille qui pretio aliquid intendit acquirere in susceptione ordinis, non intendit suscipere quod Ecclesia tradit, quia illud non cadit sub pretio. Ergo non suscipit ordinem.

## SOLUTIO I.

Respondeo dicendum ad primam questionem, quod materia moralium virtutum dividitur in passionem, & actionem, ut in III. Lib. distinct. xxxiii. dictum est. Sicut autem in passionibus potest esse peccatum ex eo quod est circa quod non oportet, vel quantitas, vel quomodo, & sic de aliis circumstantiis; ita & in actionibus: unde in emptione, & venditione, quæ sunt quædam actiones, potest esse peccatum vel in quid, vel in quantum. Si in quantum, sic est iniustitia; sicut cum quis emit, aut vendit non iusto pretio: si autem in quid, ut cum vendit, aut emit quod non cadit sub pretio, sic est peccatum simoniaci. Et quia omne peccatum in actu voluntatis consistit, ideo in diffinitione simoniæ hæc tria prædicta ponuntur: & primo actus voluntatis in hoc quod dicit, *Studiose voluntas*; secundo materia proxima huius peccati, scilicet emptio, & venditio, ibi, *Emendi, vel vendendi*: tertio materia remota, scilicet obiectum actionis prædictæ, ibi, *Spirituale, aut spirituum li annexum*.

Ad primum ergo dicendum, quod homines iudicant ea quæ foris parent, sed Deus intrinsecus cor, ut dicitur I. Reg. xvi. & ideo in simonia, & in omnibus aliis peccatis ex sola voluntate efficitur aliquis peccator secundum reatum pænæ quæ ad iudicium Dei pertinet, sed non quantum ad reatum pænæ quæ pertinet ad iudicium Ecclesiæ: unde homicida voluntate incurrit reatum pænæ æternæ, sed non irregularitatem, vel excommunicationem, vel aliquid huiusmodi: & similiter dicendum est de simoniaco.

Ad secundum dicendum, quod unumquodque debet diffiniri secundum completum essentiam. *Tb. Oper. Tom. XIII.*

se suum. Complementum autem peccati, & virtutis consistit in electione, & ideo electio ponitur & in diffinitione virtutis, & in diffinitione peccati: & hæc electionem importat studiosa voluntas.

Ad tertium dicendum, quod aliquid dicitur spirituale dupliciter. Uno modo per essentiam, sicut gratia, & virtutes; & ista non possunt aliquo modo vendi; nec super hoc voluntas deliberata emptionis cadere potest. Alio modo dicitur aliquid spirituale per causam, sicut sacramenta quæ sunt causa gratiæ; & ista, in quantum sunt corporalia quædam, habent speciem quod vendi possunt, quamvis non ex hoc quod sunt spiritualia; & sic in eis committitur simonia.

Ad quartum dicendum, quod Simon magus spiritualia emere voluit, ut postea venderet: & ideo in eius emptione etiam venditio continebatur implicite: & propter hoc secundum communem usum loquendi uterque vocatur simoniacus, emens, & vendens; sed tamen, si distincte loqui volumus, ementes dicuntur simoniaci, vendentes Giezi: quia Giezi spiritualia vendere veluit, ut patet IV. Reg. xv.

Ad quintum dicendum, quod spiritualia in prædicta diffinitione accipiuntur, ut dictum est, quæ sunt spiritualis gratiæ causa, sicut sacramenta; sed spiritualibus annexa, quæ ad usum horum sunt deputata, sicut calices, & bona ecclesiastica, quæ sunt deputata ad usum ministrorum: non autem dicuntur spiritualibus annexa, quibus potest esse usus in spiritualibus, si non sint ad hoc specialiter deputata.

## SOLUTIO II.

Ad secundam questionem dicendum, quod aliquid attribuitur alteri dupliciter. Uno modo simpliciter, alio modo propter similitudinem actus; sicut dicit Philosophus in VII. Ethic. (cap. iv.) quod incontinentes quandoque dicuntur intemperati, quia faciunt quæ intemperati, sed non eodem modo; sicut etiam dicit quod Milesii stulti non sunt, sed operantur qualia stulti: & secundum hoc dicendum, quod simoniaci non sunt proprie & per se loquendo hæretici, cum non habeant aliquam falsam opinionem; sed dicuntur hæretici propter similitudinem actus, quia ita operantur ac si existimarent donum Spiritus sancti pecunia possideri; quæ assertio esset hæretica. Unde Gregorius in Registr. \* dicit: *Cum omnis avaritia*

H  
ritia

EX EDIT. P. NICOLAI. \* Nimirum Lib. IX. Epist. Indict. xv. epist. lxxi. Theodorico Regi Francorum scripta, ex qua refertur in Decretis cap. Cum omnis causa 1. quæst. 2.

*vitia su idolorum servitus, quisquis hanc in ecclesiasticis dignitatibus dandis non preceperit, infidelitatis perditioni subicitur, etiam si fidei quam negligit, tenere videatur.*

Ad secundum dicendum, quod ratione falsae estimationis quam simoniacus in actu demonstrat, dicitur simonia esse gravior quam Macedonii haeresis, qui posuit Spiritum sanctum esse Patris, & Filii servum. Simoniaci autem ostendunt in suo actu se estimare quod sit servus hominis, si ab homine potest emi, & vendi. Vel dicendum, quod dicitur gravius peccatum propter pronitatem ad ipsum ex cupiditate humana, & propter nocuum mentum maius, quia totum ordinem Ecclesiae pervertit.

### SOLUTIO III.

Ad tertiam questionem dicendum, quod efficacia sacramentorum non est ex humano merito, & ideo propter hominis peccatum non impeditur sacramentum: unde peccatum simoniae nec sacramentum suscipiendum impedit, nec susceptum tollit. Potest tamen impedire ultimum rem sacramenti, si sit peccatum ex parte recipientis. Sed tamen per simoniam aliquis ab executione ordinis, aut officii suspenditur. Sed in hoc distinguendum est. Quia si dicatur simoniacus ex hoc quod recipit ordinem per simoniam, non recipit executionem, & est ipso iure suspensus & quo ad se, & quo ad alios: & puniatur ulterius per depositionem, quando constituitur de crimine iudici. Si autem dicatur simoniacus, quia contulit ordinem simoniace, vel quia dedit, vel recepit simoniace beneficium, vel quia mediator fuit simoniae, si sit occultum, suspensus est ipso iure quo ad se; si autem manifestum est, suspensus est quo ad se, & quo ad alios. Et iterum ille qui recipit beneficium per simoniam, tenetur ad restitutionem omnium fructuum perceptorum, & beneficio renuntiare.

Ad primum ergo dicendum, quod propter homicidium non fit aliquis defectus in ipsa ordinatione, sed in ordinato tantum; & ideo sufficit quod ordinatus sit immunis ab homicidio: sed per simoniam fit defectus in ipsa ordinatione; & ideo etiam si ipse sit immunis, tamen est suspensus, quando ad notitiam eius devenit.

Ad secundum dicendum, quod quando est manifestum crimen simoniae, tunc amittit executionem, & suspensus est quo ad se, & quo ad alios; sed quando est occultum,

tunc est suspensus quo ad se tantum: & ideo si sit manifestum, secundum quod in iure aliquid dicitur manifestum, tunc nullo modo aliquis debet obedire, nec ab eo ordinem suscipere. Si autem non sit manifestum, si non potest subterfugere, debet obedire, etiam si ipse sciat eum esse simoniacum qui ordines celebrat.

Ad tertium dicendum, quod ipse non intendit emere illud quod est per se spirituale, ut characterem; sed operationem ministri, quae est corporalis, & causa sacramentalis rei spiritualis.

### ARTICULUS II.

*Utrum sacramenta possint emi, & vendi sine simonia.*

*Ubi supra.*

1. **A**D secundum sic proceditur. Videtur quod sacramenta possint emi, & vendi sine simonia. Quia finis omnium sacramentorum est regnum caelorum, & remissio peccatorum. Sed tegnum caelorum emitur, ut Gregorius dicit (hom. v. in Evang.) *Regnum caelorum tantum valet, quantum habes*: & Dan. xv. 24. dicitur: *Peccata tua elemosinis redime*. Ergo multo fortius sacramenta emi possunt absque vitio simoniae.

2. Praeterea. Matrimonium sacramentum quoddam est. Sed matrimonium aliquando contrahitur interveiente passione de aliqua pecunia solvenda sine peccato. Ergo sacramenta licite possunt emi.

3. Praeterea. Baptismus est sacramentum primum. Sed in aliquo casu, scilicet quando sacerdos sine peccato puerum baptizare nollit, aliquis posset emere baptismum sine peccato simoniae, ne puer in aeternum periret (a) a baptismo decedens. Ergo sacramenta possunt emi sine peccato.

4. Praeterea. In Missa conficitur eucharistia, quae est sacramentum sacramentorum. Sed licet cantare Missam pro aliquo pretio, quia nemo debet suis stipendiis militare, ut dicitur I. Corinth. ix. Ergo &c.

5. Praeterea. Extra de praebend. (cap. Significatum est) dicitur, quod quidam canonici sacerdoti cuidam unam praebendam in Ecclesia dederunt, ut Missam de beata Virgine quotidie celebraret, & Papa (b) quotidie confirmat illam petitionem. Ergo idem quod prius.

6. Præ-

(a) sine baptismo. (b) Nicolai omittit quotidie, notatque ad marginem: scilicet Alexander III. P. 120. & Capitulum Insulense rescissit.

6. Præterea. Absolutio quoddam sacramentale est. Sed quidam accipiunt pecuniam, ut ab excommunicatione absolvant. Ergo &c.

7. Præterea. Episcopalis potestas, quamvis non sit ordo, tamen quoddam sacramentale est. Sed licet in aliquo casu dare pecuniam, ut ad episcopatum perveniat, sicut cum quis malitiose impedit, ut ab impedimento cesset. Ergo sacramentalia licite vendi possunt.

## QUAESTIUNCULA II.

1. Ulterius. Videtur quod etiam in emptione, vel venditione aliorum spiritualium non committatur simonia. Quia totum ecclesiasticum officium quoddam spirituale est. Sed quidam recipiunt certos redditus ad anniversarium celebrandum. Ergo spiritualia possunt sine simonia emi, & vendi.

2. Præterea. Oratio est maxime spiritualis. Sed aliquis potest dare pecuniam bonis viris, ut orent pro eo, secundum illud quod dicitur in Luc. xvi. 9. *Facite vobis amicos de mammona iniquitatis.* Ergo &c.

3. Præterea. I. Reg. ix. dicitur de Saul, & III. Reg. xiii. de uxore Hieroboam, quod attulerunt pretium sanctis Prophetis. Sed prophetia est (a) spirituale donum Spiritus sancti. Ergo idem quod prius.

4. Præterea. Prædicatio est res spiritualis. Sed Paulus prædicabat pro temporalibus, ut fieret collecta pauperibus, ut patet I. Corinth. ult. Ergo &c.

5. Præterea. Prædicatori licet accipere stipendia pro sua predicatione, ut patet II. Corinth. ix. Sed Apostolus stipendia nominat ibi temporalia quæ prædicatoribus debentur. Ergo licet temporalia pro spiritualibus accipere.

6. Præterea. Correctio est quid spirituale, & visitatio. Sed prælati pro visitationibus accipiunt temporalia, quidam etiam pro pecunia occultant peccatum quod manifestare tenentur. Ergo &c.

7. Præterea. Religionis status quoddam bonum spirituale est. Sed in quibusdam monasteriis, præcipue monialium, exigitur ali quid ab eis quæ ibi recipi debent. Ergo licet spiritualia dare pro temporalibus.

8. Præterea. Scientia est quoddam spirituale bonum. Sed licet magistris artium accipere aliquid pro doctrina sua. Ergo &c.

9. Præterea. Iudicium spirituale bonum est, similiter patrocinium in causis, & testimonium ferendum. Sed pro omnibus his

potest accipi pecunia, vel munus aliquod. Ergo &c.

## QUAESTIUNCULA III.

1. Ulterius. Videtur quod etiam non committatur simonia in venditione eorum, & emptione quæ sunt spiritualibus annexa. Nihil enim est magis spiritualibus annexum quam vasa sacra. Sed illa necessitate vendi possunt licite. Ergo &c.

2. Præterea. Ius sepulture spiritualibus annexum est. Sed Abraham emit ab Emor speluncam duplicem in sepulturam (cap. xxi. 1.) Ergo sine simonia emi potest quod est spiritualibus annexum.

3. Præterea. Ius patronatus est quoddam spirituali annexum. Sed potest sine simonia vendi, quia transit cum universitate, ut Decretalis (Alexandri III. Extra de iurepat.) dicit, & in feudum concedi potest. Ergo annexum spiritualibus potest licite vendi.

4. Præterea. Decimæ sunt annexæ spiritualibus. Sed licet emere eas: quia possunt in feudum laicis concedi, & ab eis redimi. Ergo possunt vendi, & emi annexa spiritualibus.

5. Præterea. Ius primogenituræ spiritualibus annexum videtur: unde primogeniti ante legem sacerdotis officio fungebantur. Sed Iacob emit ius primogenituræ ab Esau (Gen. xxv.) Ergo idem quod prius.

## SOLUTIO.

Respondetur dicendum ad primam questionem, quod cum sacramenta contineant, & causent gratiam, non possunt licite vendi, aut emi propter tria. Primo quia dispensator sacramenti non est dominus, sed minister; emptio autem debet fieri a domino rei. Secundo quia pretium emptionis ponitur quasi mensura adæquans illud quod emitur: unde a mensutando numisma dicitur, secundum Philosophum in V. Ethic. (cap. viii. vel ix.) gratia autem non potest commensurari alicui corporali bono: unde iniuriarum gratia facit qui sacramenta gratie vendit, aut emit. Tercio quia gratia ex hoc nomen accipit quod gratis datur: unde contra rationem gratia facit qui sacramenta gratie quasi venalia trahat.

Ad primum ergo dicendum, quod locutiones illæ sunt metaphoricæ, & per similitudinem de emptione loquentes, ipsum meritum emptionem vocantes: quod quidem emptio non est, quia Deo ex nostro merito nihil accrescit, nec meritum nostrum est æquivalens premio.

Ad secundum dicendum, quod matrimonium non solum est sacramentum, sed etiam naturæ officium: & ideo ex illa parte qua est sacramentum, in dispensatione ministrorum Ecclesiæ consistens, non cadit sub exemptione: unde secundum canones committitur simoniam qui pro benedictione nubentium pecuniam exigit; sed ex illa parte qua est in officium naturæ, nihil prohibet pro matrimonio pretium accipere, vel conditionem de re temporali accipiendi interponere, sicut nec in aliis officiis civilibus, & corporalibus.

Ad tertium dicendum, quod in casu illo debet aliquis emere aquam a sacerdote, & ipsemet puerum baptizare, quia in casu necessitatis licet baptizare etiam mulieri; nec debet aliquo modo pro ipso baptismo sacerdoti pecuniam dare: & similiter est de adultis, nisi quando potest differri quousque ad superiorem recurratur, ut ab eo baptismus suscipiat, cui ex officio competit dare.

Ad quartum dicendum, quod facere passionem de Missa celebranda est simoniacum semper. Si tamen non habet alios sumptus, & non tenetur ex officio Missam cantare, potest accipere denarios, sicut conducti sacerdotes faciunt, non quasi pretium Missæ, sed quasi sustentamentum vite.

Ad quintum dicendum, quod ibi non fuit aliqua passio, sed illi præbendæ annexum fuit illud officium cantandi Missam talem.

Ad sextum dicendum, quod pro absolutione non debet exigi pecunia; sed tamen ei qui absolvitur, potest imponi pecuniaria poenitentia: unde licet aliquid exigere quasi peccati poenam: in quo tamen cavendum est ne talis exactio magis cupiditati quam correctioni adscribatur.

Ad septimum dicendum, quod ibi est distinguendum: quia si non est sibi acquisitum per electionem, nullo modo potest pecuniam dare adversario ut desistat; si autem est ei acquisitum ius, potest aliquid dare, non ut pretium prælationis, sed ut redemptionem vexationis propriæ.

## SOLUTIO II.

Ad secundam quæstionem dicendum, quod actus aliquis potest spiritualis dici vel quantum ad suum principium quod competit alicui ex aliquo spirituali dono, vel officio; vel quantum ad sui finem, ut quando per actum ad aliquid spirituale pervenitur. In actibus ergo qui primo modo spirituales sunt, quia spirituale est ex parte agentis, nullo modo sine simonia potest aliquis locare actus suos; sed potest aliquid accipere in

sustentationem vite: in secundis autem actibus, quia spiritualitas non est ex parte agentis, potest etiam emere, vel vendere operastus, sed non vendere hoc spirituale quod ex eius actu acquiritur.

Ad primum ergo dicendum, quod anniversarium celebrare est spiritualis actus primo modo, & ideo nullo modo licet pacisci pro eo celebrando; si tamen cum devotione aliquid detur Ecclesiæ, Ecclesia tenetur celebrare pro illis pro quibus rogatur.

Ad secundum dicendum, quod oratio est spiritualis primo, & secundo modo, quia ex spirituali devotione efficaciam habet, & aliquid spirituale debet in ea fieri: unde nullo modo debet sub pretio poni; nec illi qui dant pecuniam pauperibus, ut pro eis orent, orationem emunt, sed animos pauperum alliciunt ad orandum pro se, & eos sibi faciunt debitores.

Ad tertium dicendum, quod, sicut dicit Hieronymus super Michæam (cap. iiii.) cetera munera exhibebantur Prophetis magis in sustentationem eorum, ut spiritualibus vacarent libere, quam ad emendum munera prophetarum: quia ad prophetarum spirituales sunt primo modo.

Ad quartum dicendum, quod predicare pro pecunia potest intelligi dupliciter. Uno modo ut pecunia sit pretium predicationis, & sic nullo modo licet; alio modo ut pecuniæ datio sit res quedam predicata, & ita potest aliquis predicare pro pecunia, sicut pro aliis operibus meritoriis, in quantum meretur dans, & sublevari defectus recipientis: & sic Apostolus pro collectis faciendâ predicavit: non tamen in pecuniæ collatione ponendus est predicationis finis.

Ad quintum dicendum, quod stipendia debentur predicantibus ad sustentationem vitæ, ne cogantur relinquere verbum Dei, & circa procuranda vita necessaria occupari; non autem debentur eis quasi pretium predicationis.

Ad sextum dicendum, quod correctio, si ve visitatio est spiritualis actus primo modo, quia alicui ex spirituali officio competit: unde simoniam committit qui pecuniam accipit, ut peccatum quod tenetur revelare, aut punire, non revelet, nec puniat: nec etiam pro visitatione faciendâ accipiendâ est procuratio quasi pretium visitationis, sed quasi debita ex ordinatione Ecclesiæ ad sustentationem: & similiter est de procuratione moderata quam accipere possunt Episcopi in consecratione Ecclesiarum secundum Ecclesiæ determinationem.

Ad septimum dicendum, quod cum possessiones alicuius loci religiosi non sufficiunt ad sustentandum plures, tunc potest exigi ab eo qui in loco illo vult Deo servite, non quasi pretium religionis, sed ut habeat monasterium unde ei possit providere: & ideo non committitur simonia. Si autem sine gravamine Ecclesie potest recipi, simonia cum est aliquid pro receptione exigere.

Ad octavum dicendum, quod docete artes liberales est actus spiritualis secundo modo: & ideo licet magistris artium vendere labores suos, sed non scientiam, sive veritatem, quæ spiritualis est: unde dicitur Prov. xxiii. 23. *Noli vendere (a) scientiam, & doctrinam, & gloriam.*

Ad nonum dicendum, quod iudex ex officio suo tenetur iudicium reddere: similiter etiam quilibet tenetur ex hoc quod est iudicio subditus, ad verum testimonium reddendum. Sed advocatus non tenetur patrocinium suum causæ præstare, nec iurisperitus dare consilium: & ideo, sicut dicit Augustinus ad Macedonium (epist. ltv. prope finem) non debet iudex vendere verum iudicium, aut testis verum testimonium, quia advocatus vendit iustum patrocinium, & iurisperitus verum consilium. Non enim advocatus vendens iustum patrocinium, iustitiam vendit, quæ est spiritualis, sed actum suum: & similiter dicendum est de consilio iurisperiti. Sed iudex vendendo verum iudicium, simoniam committit, si sit spiritualis iudex: alias non committit simoniam, sed graviter peccat: & similiter dicendum est de teste.

### SOLUTIO III.

Ad tertiam questionem dicendum, quod, sicut ex dictis patet, spirituale quod sub pretio poni non debet, est duplex, scilicet ipsa res sacra, ut sacramenta; & actus competens alicuius officio sacro: & secundum hoc etiam est duplex spirituali annexum: quoddam annexum est ipsis sacramentis, sicut vasa sacra, & huiusmodi; quedam sunt annexa officiis sacris, sicut decimæ, & iuspatronatus, secundum quod iuspatronatus est portestas præstemandi clericum ad beneficium ecclesiasticum; & in utroque committitur simonia quantum ad id quod de spiritualitate habet.

Ad primum ergo dicendum, quod vasa sacra nullo modo ratione consecrationis vendenda sunt, ut scilicet pro consecratione eorum aliquid plus exigatur; tamen in necessitate Ecclesie possunt vendi ex parte eius quod in eis est non spirituale, scilicet ma-

teria auri, & tunc si venduntur ecclesiasticæ personæ, possunt integra vendi; si autem venduntur aliis non ad usum Ecclesie, debent prius frangi præmissa oratione, ne sancta ab aliis tractentur quam a ministris Ecclesie.

Ad secundum dicendum, quod venditio sepulture potest intelligi dupliciter. Uno modo quod vendatur terra sacra in sepulturam; & de hoc est similis ratio ac de venditione sacrorum valorum, quia cimiterium consecratum potest vendi ratione terræ in necessitate Ecclesie, sicut & calix ratione materię, non autem potest vendi ratione consecrationis, ut scilicet aliquis pro pecunia ibi sepeliatur. Abraham autem non peccavit emens speluncam duplicem: quia spelunca illa non erat consecrata in sepulturam: vel si erat consecrata, transivit possessio eius in iurisdictionem cum universitate agri. Emor autem reprehenditur, quia decidit a bona intentione quam prius habuit, volens gratis dare, cum postea eam carissime vendiderit: vel, ut quidam dicunt, Abraham non peccavit redimens ius quod habebat sepeliendi mortuum, quod quamvis ei Emor non denegaret, tamen sciebat Abraham quod ille moleste acciperet, nisi pretium daretur. Sed primum melius videtur. Alio modo dicitur vendi sepultura, si pro officio quod a sacerdotibus in sepultura funeris dicitur, aliquid exigatur; & hoc non licet, ut ex dictis patet. Tamen si consuetudo est quod aliquid detur, potest per superiorem correctio adhiberi in illos qui denegant dare quod consuetudo exposcit.

Ad tertium dicendum, quod iuspatronatus per se vendi non potest, nec in feudum dari. Si autem villa vendatur, & in feudum detur, cui annexum est iuspatronatus, transit cum universitate ad illum cui villa datur, vel qui eam emit, non quasi iuspatronatus sub venditione cadat.

Ad quartum dicendum, quod ius percipiendi decimas sequitur spirituale officium, quia debetur ministris Ecclesie: nec laici possunt habere huiusmodi ius, quamvis aliquando ad tempus fructus decimarum laicis concessus sit propter aliquam Ecclesie necessitatem: & tunc hoc modo quo facis dari potest, ab eis potest redimi ex auctoritate Episcopi. Tameo una Ecclesia non potest ab alia emere ius percipiendi decimas.

Ad quintum dicendum, quod ius primogenituræ debebatur Iacob ex divina institutione: & ideo non peccavit emens, sed red-

amir

(a) Vulgata: *sepieniam, & doctrinam, & intelligentiam.*

aut vexationem suam. Sed Esau vendens peccavit.

## ARTICULUS III.

Utrum simonia committatur illis tribus modis quos Urbanus Papa determinat.

## 1. 2. quest. c. art. 5.

1. **A**D tertium sic proceditur. Videtur quod simonia non committatur illis tribus modis quos Urbanus Papa determinat, dicens (cap. *Saluator* causa 1. quest. xii.) *Quisquis res ecclesiasticas non ad quod instituta sunt, sed ad propria lucra munere linguae, vel indebiti obsequii, vel pecunie largitur, vel adipiscitur, simoniacus est.* Quia, ut supra dictum est, iudex spiritualis, si vendit iudicium, facit simoniam. Sed licet iudici spirituali aliquid munus accipere pecunie, vel alicuius huiusmodi, ut dicitur extra de simonia cap. *Et si questiones*. Ergo simonia non semper committitur per munus a manu.

2. Præterea. Papa potest etiam munus a manu suscipere pro aliquo spirituali. Sed, ut quidam dicunt, Papa non potest committere simoniam, maxime cum aliqua persona ecclesiastica, quia res Ecclesie sunt sue. Ergo non semper committitur simonia per munus a manu.

3. Præterea. Gregorius dicit (Lib. IV. Epistol. indict. xi. epist. xviii.) *Ecclesiasticis utilitatibus deservientes dignum est ecclesiastica remuneratione gaudere.* Ergo si datur aliqua præbenda alicui pro obsequio impenso, non est simonia.

4. Præterea. Unusquisque licite potest petere quod sibi debetur de iure. Sed ordinato, qui non habet beneficium competens, tenetur de iure ordinator eius providere. Ergo non peccat, si petat beneficium: & hoc vocatur munus linguae, scilicet rogatio.

5. Præterea. Si fiant preces pro digno, non committitur simonia ex hoc. Sed preces sunt munera linguae, sive fiant pro digno, sive pro indigno. Ergo munus a lingua non semper facit simoniam.

6. Præterea. Hypocritæ faciunt bona spiritualia propter laudes hominum, & tamen non dicuntur simoniaci. Ergo munus a lingua non facit simoniam.

7. Præterea. Sicut amor pecunie est cupiditatis, ita amor consanguineorum est carnalitatis. Sed si intuitu pecunie detur alicui

præbenda, est simonia. Ergo similiter si detur intuitu consanguinitatis; & tamen ibi non est aliquis prædictorum modorum: ergo sunt insuficientes.

8. Præterea. In commutationibus etiam dignitatum, vel ecclesiasticorum beneficiorum committitur simonia. Sed ibi non est aliquid munus. Ergo &c.

9. Præterea. Aliqui prælati recipiunt fructus Ecclesiarum vacantium, & postea conferunt, retenta sibi parte preventum; in quo non videtur aliquid munus esse, & tamen est ibi simonia. Ergo &c.

## SOLUTIO.

Respondeo dicendum, quod simonia, ut dictum est, consistit in erptione, & venditione spiritualium, vel eorum quæ sunt eis annexa. Emptio autem, vel venditio consistit non solum in datione, & acceptione pecunie, sed omnium eorum quorum potest pretium numismate mensurari: in his enim est liberalitas secundum Philosophum. Constat autem quod in eisdem est liberalis datio, & venditio, quæ est ei contraria. Omnis autem temporalis commodi pretium potest numismate mensurari: & ideo quicumque pro aliquo temporali commodo dat aliquid spirituale, vel annexum, simoniam committit. Bonum autem temporale quod potest aliquis ab alio expectare, vel est ex parte animæ, sicut amicitia, aut favor aliquis; & quantum ad hoc est munus a lingua: vel ex parte corporis, sicut aliquis actus corporaliter exercitus, vel obsequium aliquid exhibitum; & quantum ad hoc est munus ab obsequio: vel est aliquid exteriorum bonorum; & sic est munus a manu. (a) quod consistit in exterioribus bonis. Quantum ad primum, committitur simonia per munus a lingua, quia lingua opinionem exprimit, & gratiam conceptam; quantum ad secundum, per munus ab obsequio; quantum ad tertium per munus a manu.

Ad primum ergo dicendum, quod Ecclesie iudicium est quantum ad exteriora: & quia non est probabile quod animus iudicis spiritualis sestet ad aliquid faciendum pro parvo munere, ideo in parvis muneribus iudici datus non iudicat simoniam committi. Sed apud Deum, qui cor videt, simonia est & in parvis, & in magnis muneribus, si animus iudicis ex eis sestet.

Ad secundum dicendum, quod opinio illa erronea est. Si enim Papa pro aliquo spirituali munus acciperet, simoniam committeret.

(a) *Id.* sicut obsequium aliquid exhibitum (quod amittitur paulo supra) vel consistit &c.

ret, sicut & alius homo : quia sub Petro, cui Papa succedit, simoniæ virtum damnationem inchoavit in novo testamento : & quamvis res Ecclesiæ sint aliquo modo Papæ, non sunt tamen eius omnibus modis habendi, sicut illud quod ad manum habet. Non est autem dubium quod simoniam committeret, si quis aliquod spirituale debitori suo daret, ut quod suum est recuperaret : & ita etiam in proposito Papa a simonia non excusaretur, si ( quod absit ) spiritualia pro temporalibus rebus Ecclesiarum daret.

Ad tertium dicendum, quod obsequium aut est honestum, aut inhonestum. Si quidem sit honestum obsequium, ex ipso obsequio quandoquidem redditur homo dignus beneficio ecclesiastico, sicut & aliis bonis operibus ; & tunc si pæctio non intervenit, potest absque simonia beneficium ecclesiasticum dare ei qui obsecutus est, ut non habeatur oculus ad obsequium principaliter, sed ad dignitatem personæ : & sic loquitur Gregorius. Si autem sit inhonestum, tunc est omnino simonia.

Ad quartum dicendum, quod munus linguæ duplex est : vel quod in ipso actu linguæ consistit, sicut laus ; vel quod ex lingua initium sumit, sicut cum quis ex hoc quod precibus alicui satisfacit, favorem expectat. Qui enim dat aliquod spirituale pro favore, vel laude acquirenda, non est dubium quin simoniam committeret. Quando ergo preces sunt pro indigno, satis apparet quod nihil aliud movet nisi favor, aut etiam periculum evitandum : quia etiam carere malo quoddam bonum est, ut dicit Philosophus in V. Ethic. ( cap. vi. vel vii. ) Et ideo quando fiunt preces pro indigno, vel aliquo potente qui periculum comminatur, quæ dicuntur preces armatæ ; manifeste simonia committitur, si propter hoc beneficium ecclesiasticum detur. Si autem pro digno fiant quantum ad iudicium hominum, probabile est quod dans magis moveatur intuitu dignitatis personæ quam favore precum : & ideo non reputatur simonia. Si tamen principaliter moveatur favore precum, vel timore rogantis, quantum ad divinum iudicium simoniam committit & rogatus, & rogans, si hoc intendat, sive aliquis pro se roget, sive pro alio. Potest enim aliquis pro se petere, si dignus sit, beneficium ecclesiasticum : non habens curam animarum, si indiget ; sed non si habeat curam animarum, quia præsumptuosum est. Nec tamen est simonia nisi pro tanto quod ex ipsa præsumptione indignus reddatur : & tunc preces suæ ex

hoc ipso quod rogat, pro indigno fiunt.

Et per hoc pater solutio ad quintum.

Ad sextum dicendum, quod emptio, & venditio, in quibus simonia consistit, sunt voluntariæ communicationes, quia ex consensu utriusque fiunt. Sed hypocrita per ea quæ facit, favorem humanum sibi usurpat per modum furti, quod est involuntaria communicatio : & ideo proprie loquendo simoniam non committit.

Ad septimum dicendum, quod ille qui dat ratione consanguinitatis præbendam alicui principaliter, aut intendit temporale bonum illius cui datur, & non alterius ; & sic peccat graviter, sed simoniam non committit, quia non vendit, cum nihil accipiat : aut intendit aliquod bonum in seipsum redundans sic quod magnificetur per hoc ; & nobiliter domus suæ ; vel quod ipse in consanguineis sit fortior ; & sic ipse aliquid accipere sperat pro quæ spiritualia dat, & simoniam committit, & reducitur ad id munus in quo continetur commodum quod ex tali datione sperat.

Ad octavum dicendum, quod in tali permutatione est simonia, si pro aliquo terreno commodo utriusque, vel alterius, talis commutatio fiat ; si autem pro aliquo spirituali, utpote quia hic in illo loco melius possit Deo servire, non est simonia : unde tunc potest fieri commutatio ex auctoritate Episcopi diocesani.

Ad novum dicendum, quod in hoc distinguendum est : quia si ante donationem præbendæ proventus percipiat pro aliqua iusta causa, & non intervenit aliqua conventio cum eo cui dare disponit, non est simonia ; si autem pæctio intervenit, ut ante receptionem, vel post accipiat, simoniacum est.

#### EXPOSITIO TEXTUS.

**N**Equè ex his aliquem in clericatus bonorem vel exiguum surrogare : non quia ordinem non receperit, sed quia male promotus est ; quod contingit dupliciter. Uno modo ex parte ordinantis, sive cum est hæreticus, sive simoniacus ; vel quocumque alio modo ab Ecclesiâ separatus ; & sic est in proposito : sive cum ordinatur a non suo Episcopo sine licentia, & auctoritate proprii Episcopi ; & tunc debet deponi, nisi Episcopus ponat spem in tatihibitione alterius Episcopi, sicut de beato Epiphanio in epistola sua ( apud Hieronymum ) legitur : sive ordinetur ab Episcopo qui abrenuntiavit officio, & loco. Si enim officium sibi reti-

reti-

retinuerit, loco abrenuntians, potest conferre minores ordines, & de licentia Episcopi etiam maiores. Alio modo (a) est male promotor, quia non promovetur sicut debet; quod contingit dupliciter. Primo quia furtive accipit ordinem, ut cum accipit duos ordines sacros una die, vel unumquemque sine licentia Episcopi; & poena talium est depositio: & tunc si fuit super hoc lata excommunicatione, solus Papa potest eum eo dispensare; si autem non fuit, potest etiam Episcopus dispensare, praecipue in minoribus ordinibus, vel si claustrum intraverit. Secundo quia praetermittit aliquem ordinem: & tunc si ex malitia facit, debet deponi, quamvis characterem recipiat; si vero ignoranter, debet sibi imponi poena ab Episcopo, & interim careat executione ordinis, quousque ordinem praetermissum recipiat.

*Quisquis horum alterum vendit sine quo alterum non habetur, neutrum vendere delinquit.* Hoc est intelligendum de illis quorum unum quod venditur, ordinatur ad alterum, quod sub pretio cadere non potest: sic beneficia ecclesiastica sunt ordinata ad ministrorum Ecclesiae sustentationem; & sic non potest (a) ministrari de iure patronatus, quod per se non venditur, quamvis transeat cum venditione villae: quia dominium villae non est ordinatum ad ius patronatus.

*Simoniaca autem heresis triparsita est distinctio.* Simoniacus proprie dicitur qui est reus huius peccati vel dando, vel accipiendo aliquid sacrum pro pretio. Contingit autem quandoque in ipsa datione simoniam intervenire per mediores, altero, vel utroque ignorante; & tunc fit simoniace ordinatio, quamvis non sit simoniacus qui ordinat, vel ordinatur. Quandoque etiam potest esse simoniacus ex alia causa, & nulum vitium ex ipsa datione spiritualium intervenire; & tunc non simoniace ordinatur aliquis, quamvis sit simoniacus vel ordinans, vel ordinatus: & secundum hoc distinguuntur modi in littera positi.

*Sacri canones sanxerunt &c.* Hic nota,

(a) Al. etiam. (b) Foris iurati.

quod tria tempora sunt observanda in ordinibus. Primo tempus aetatis ordinandi: circa quod sciendum est, quod secundum antiqua iura a septimo anno usque ad duodecimum potest accipere omnes minores ordines; a duodecimo usque ad vigesimum primum potest recipere acolythatum, & subdiaconatum, ita quod in vigesimo primo subdiaconatum recipiat; in vigesimo sexto potest recipere diaconatum, in trigesimo presbyteratum; & postmodum potest fieri Episcopus. Sed nunc abbreviatum est tempus: quia subdiaconatum potest recipere quando pervenerit ad annos discretionis, ut possit cognoscere votum continentiae, & presbyter fieri in vigesimo quinto anno, & diaconatum circa vigesimum primum annum (& praecipue in religiosis) Episcopus autem in trigesimo anno. Secundo debet considerari tempus determinatum anni, in quo fiunt ordines: circa quod sciendum est, quod maiores ordines in sex temporibus anni possunt celebrari, scilicet in quatuor sabbatis quatuor temporum, & in sabbato ante dominicam de passione, & in vigilia resurrectionis. Papa tamen in die dominico, & festis praecipuis confert subdiaconatum, & in his etiam diebus quibus Episcopus potest conferre minores ordines. Episcopi autem in die dominico consecrandi sunt. Tertium tempus est distantia inter ordines suscipiendos: circa quod sciendum est, quod aliquis potest accipere omnes minores ordines una die, non tamen unum de minoribus cum subdiaconatu, nec duos de maioribus simul. Potest tamen in dominica consecrari in Episcopum qui praecedenti die factus est sacerdos. De illis autem qui gradatim ad clericalatum accedunt, sciendum est, quod possunt in octo annis recipere omnes ordines; ita quod in primis duobus recipiant minores, in aliis quinque tres maiores. Monachus tamen posset omnes recipere per annum, & etiam alii dispensative propter necessitatem Ecclesiae.



## DISTINCTIO XXVI.

*De sacramento coniugii, cuius institutio, & causa ostenditur.*

Cum alia sacramenta post peccatum, & propter peccatum exordium sumpserint, matrimonii sacramentum etiam ante peccatum legitur institutum a Domino, non tamen ad remedium, sed ad officium. Refert enim Scriptura Gen. 11. in Adam misso sopore, atque una de costis eius sumpta, & exinde muliere formata, virum, in spiritu intelligentem, ad quem usum mulier facta esset, post extasim prophetice dixisse: „Hoc nunc os ex ossibus meis, & caro de carne mea: propter hoc relinquet homo patrem, & matrem, & adhærebit uxori suæ; & erunt duo in carne una.“

*De duplici institutione coniugii.*

Coniugii autem institutio duplex est. Una ante peccatum ad officium facta est in paradiso, ubi esset torus immaculatus, & nuptiæ honorabiles, ex quibus sine ardore conciperent, sine dolore parerent: altera post peccatum ad remedium facta extra paradysum propter illicitum motum devitandum. Prima ut natura multiplicaretur; secunda ut natura exciperetur, & vitium cohiberetur. Nam & ante peccatum dixit Deus (Gen. 1. 28.) „Crescite, & multiplicamini:“ & post peccatum omnibus pene hominibus per diluvium consumptis. Quod vero ante peccatum institutum fuerit coniugium ad officium, post peccatum vero ad remedium concessum, Augustinus testatur, dicens (super Gen. ad litteram Lib. IX. cap. vii.) „Quod sanis est ad officium, ægrotis est ad remedium. Infirmis enim, incontinentiæ, quæ est in carne per peccatum mortua, ne cadat in ruinam flagitiorum, excipitur honestate nuptiarum.“ Si vero non peccassent primi homines, sine carnis incentivo, ac fervore libidinis ipsi, ac successores eorum convenirent. Et sicut remunerabile esset aliquod bonum opus, sic coitus eorum bonus esset, & remunerabilis. Quia vero propter peccatum letalis concupiscentiæ lex membris nostris inhæsit, sine qua carnalis non sit commixtio, reprehensibilis est, & malus coitus, nisi exculatur per bona coniugii.

*Quando secundum præceptum, quando secundum indulgentiam contractum sit coniugium.*

Prima institutio habuit præceptum, secunda indulgentiam. Didicimus enim ab Apostolo (1. Corinth. vii.) humano generi propter vitandam fornicationem indultum esse coniugium. Indulgentia vero, quia meliora non eligit, remedium habet, non præmium; a quo si quis declinaverit, meretur exitiale iudicium. Quod secundum indulgentiam conceditur, voluntarium est, non necessarium: alioquin transgressor esset qui illud non faceret. Et potest sane intelligi illud sub præcepto dictum hominibus primis ante peccatum (Gen. 1. 28.) „Crescite, & multiplicamini:“ quo etiam post peccatum tenebantur usquequo est facta multiplicatio, post quam secundum indulgentiam (1.) matrimonii contractus fuit. Ita etiam post diluvium, quo universum pene humanum genus deletum est, secundum præceptum dictum est filiis Noe (Gen. ix. 1.) „Crescite, & multiplicamini.“ Multiplicato vero homine, secundum indulgentiam contractum est, non secundum imperium.

*Quibus modis accipiat indulgentia.*

Indulgentia autem diversis modis accipitur; scilicet pro concessione, pro remissione, per promissionem. Et est permissio in novo testamento de minoribus bonis.

*S. Tb. Oper. Tom. XIII.*

*I*

*& de*

(1) Fere matrimonium contractum fuit.

& de minoribus malis . De minoribus bonis est coniugium , quod non meretur palmam , sed est in remedium . De minoribus malis , idest de venialibus , est coitus qui fit causa incontinentiæ . Illud , scilicet coniugium , indulgetur , idest conceditur ; istud vero , idest coitus talis , permittitur , idest toleratur , ita quod non prohibetur .

*Quod nuptiæ sint bonæ .*

**F**uerunt autem nonnulli hæretici nuptias detestantes , qui Tatiani appellati sunt : hi nuptias omnino damnant , ac pares fornicationibus , aliisque corruptionibus faciunt , nec recipiunt in suorum numero coniugio utentem marem , vel feminam . ( Ex Augustino Lib. de hæresibus hæ. xxv. ) Quod autem res bona sit coniugium , non modo ex eo probatur quod Dominus legitur coniugium instituisse inter primos parentes , sed etiam quod in Cana Galilææ nuptiis interfuit Christus , easque miraculo commendavit , aqua in vinum conversa : qui etiam postea virum dimittere uxorem prohibuit , nisi causa fornicationis . Apostolus etiam ait ( I. Corinth. vii. 36. ) „ Virgo non peccat , si nubat . “ Constat ergo rem bonam esse matrimonio ; alioquin non esset sacramentum : sacramentum enim sacrum signum est .

*Cuius rei sacramentum sit coniugium .*

**C**um ergo coniugium sacramentum sit , & sacrum signum est , & sacræ rei , scilicet coniunctionis Christi & Ecclesiæ , sicut ait Apostolus ( Ephes. v. 31. ) „ Scriptum est ( inquit ) Relinquet homo patrem & matrem , & adhærebit uxori suæ ; & erunt duo in carne una . Sacramentum hoc magnum est ( I. Corinth. xii. 12. ) dico in Christo & in Ecclesia . “ Ut enim inter coniuges coniunctio est secundum consensum animorum , & secundum permutationem corporum ; sic Ecclesia Christo copulatur voluntate , & natura , quia idem vult cum eo , & ipse formam sumpsit de natura hominis . Copulata est ergo sponsa sponso spiritualiter , & corporaliter , idest caritate , ac conformitate naturæ . Huius utriusque copulæ figura est in coniugio . Consensus enim coniugum copulam spiritualem Christi & Ecclesiæ , quæ fit per caritatem , significat ; commixtio vero sexuum illam significat quæ fit per naturæ conformitatem .

*Qualiter intelligendum sit illud : Mulier illa non pertinet ad matrimonium cum qua non est commixtio sexuum .*

**I**nde est quod quidam doctorum dixerunt , illam mulierem non pertinere ad matrimonium quæ non experitur carnalem copulam . Ait enim Augustinus \* ( & habetur in Decr. xxvii. quæst. 11. cap. „ Non est dubium . “ ) „ Non dubium est , illam mulierem non pertinere ad matrimonium cum qua docetur non fuisse coniunctio sexus . “ Item Leo Papa : „ Cum societas nuptiarum ita a principio sit instituta ut præter commixtionem sexuum non habeat in se Christi & Ecclesiæ sacramentum , non dubium est illam mulierem non pertinere ad matrimonium in qua docetur non fuisse nuptiale mysterium . “ Item Augustinus ( Lib. de bono coniug. cap. xvi. ) „ Non est perfectum coniugium sine commixtione sexuum . “ Hoc si secundum superficiem verborum quis acceperit , inducitur in errorem tantum ut dicat , sine carnali copula non posse contrahi matrimonium , & inter Mariam & Ioseph non fuisse coniugium , vel non fuisse perfectum ; quod nefas est sentire . Tanto enim sanctius fuit , atque perfectius , quanto a carnali opere immunius . Sed superius posita , ea ratione dicta intelligendum est , non quin pertineat

EX EDIT. F. NICOLAI. \* Apud Augustinum non occurrat : & summam esse sententiæ Leonis quæ cap. cum societas ibidem subiungitur , appendix notat . Sumptum est autem caput illud ex epist. x. Leonis ad Rusticum .

tineat mulier illa ad matrimonium cum qua non est permixtio sexuum, sed non pertineat ad figuram coniunctionis Christi & Ecclesiae. Figuratur enim illam unionem Christi & Ecclesiae quae est in caritate, sed non illam quae est in naturae conformitate. Est ergo & in illo matrimonio typus coniunctionis Christi & Ecclesiae; sed illius tamen qua Ecclesia Christo caritate unitur, non illius qua per suscepio- nem carnis capiti membra ununtur. Nec ideo tamen minus sanctum est coniu- gium: quia, ut ait Augustinus (loc. cit.) in nuptis plus valet sanctitas sacra- menti quam secunditas ventris. Est etiam coniugium signum spiritualis coniunctio- nis, & dilectionis animorum, qua inter se coniuges uniri debent: unde Aposto- lus ait (Ephes. v.) Viri diligite uxores vestras ut corpora vestra.

## DIVISIO TEXTUS.

Postquam determinavit Magister de sa- cramento ordinis, quod ordinatur ad spirituales multiplicationem Ecclesiae, hic incipit determinare de matrimonio, quod ordinatur ad materiale multiplicationem fidelium: & dividitur in partes duas. In prima determinat de matrimonio; in secun- da de personis contrahentibus matrimonium, xxxiv. distinct. ibi, *Nunc superest attendere quae personae sint legitime ad contrahendum matrimonium*. Prima in duas. In prima deter- minat ea quae pertinent ad matrimonium, inquantum est sacramentum; in secunda de- terminat causas matrimonii, xxvii. distinct. ibi, *Post hoc advertendum est quid sit coniu- gium*. Prima in duas. In prima determinat de institutione matrimonii; in secunda si- gnificationem ipsius: haec enim duo omni- bus sacramentis communia sunt, ibi, *Cum alia sacramenta &c.* Circa primum tria fa- cit. Primo ostendit duas matrimonii insti- tutiones. Secundo ostendit differentiam illa- rum, ibi, *Prima institutio habuit praeceptum*. Tertio excludit quendam errorem qui po- test ex praedictis habere occasionem, ibi, *Fuerunt autem nonnulli haeretici nuptias detestantes*. Circa secundum duo facit. Primo ostendit differentiam inter secundam insti- tutionem & primam per hoc quod prima fuit in praecepto, secunda habuit (a) indulgentiam. Secundo ostendit qualiter haec indulgentia sumatur, ibi, *Indulgentia autem diversis modis accipitur*.

Cum ergo coniugium sacramentum sit, sa- crum signum est, & sacra rei. Hic determi- nat de significatione matrimonii, & circa hoc duo facit. Primo determinat matrimo- nii significationem. Secundo excludit quam- dam falsam opinionem, quae ex praedictis ortum habuit, ibi, *Inde est quod quidam do- ctorum dixerunt, illam mulierem non pertine- re ad matrimonium quae non experitur carna-*

*lem copulam*. Circa quod tria facit. Primo ponit illa quae videntur esse pro dicta opi- nione. Secundo ostendit opinionem esse fal- sam, ibi, *Hoc ergo si secundum verborum su- perficiem quis acceperit, inducitur in errorem*. Tertio respondet ad probationem, ibi, *Sed superius posita, ea ratione dicta intelligendum est &c.*

## QUAESTIO I.

Hic est duplex quaestio. Prima de ma- trimonio secundum quod est in officium naturae. Secunda de eo secundum quod est sacramentum.

Circa primum quaeruntur quatuor.

Primo. Utrum matrimonium sit natu- rale.

Secundo. Utrum nunc sit in praecepto.

Tertio. Utrum actus eius sit licitus.

Quarto. Utrum possit esse meritorium.

## ARTICULUS I.

Utrum matrimonium sit naturale.

III. cont. Gen. cap. cxxiii.

1. AD primum sic proceditur. Videtur quod matrimonium non sit natu- rale. Quia ius naturale est quod natura omnia animalia docuit. Sed in aliis anima- libus est coniunctio sexuum absque matri- monio. Ergo matrimonium non est de iure naturali.

2. Praeterea. Id quod est de iure natu- rali, invenitur in hominibus secundum quem- libet eorum statum. Sed matrimonium non fuit in quolibet statu hominum: quia, sicut dicit Tullius in principio Rhetor. (sive de invent. Lib. I.) homines a principio silve- stres erant, & tunc nemo scivit proprios li- beros, nec certas nuptias, in quibus matri- monium consistit. Ergo non est naturale.

1 2

3. Prae-

(a) id. indignationem.

3. Præterea. Naturalia sunt eadem apud omnes. Sed non eodem modo est matrimonium apud omnes, cum pro diversis legibus diversimode matrimonium celebretur. Ergo non est naturale.

4. Præterea. Illa sine quibus potest salvari naturæ intentio, non videntur esse naturalia. Sed natura intendit conservationem speciei per generationem, quæ potest esse sine matrimonio, ut patet in fornicariis. Ergo matrimonium non est naturale.

Sed contra est quod in principio Digestorum (in Digesto veteri Lib. I. tit. 1. leg. 1.) dicitur: *Ius naturale est maris & femine coniunctio, quæ nec matrimonium appellamus.*

Præterea. In VIII. Ethic. (cap. xii. vel xiv.) dicit Philosophus, quod homo magis est naturaliter coniugale animal quam politicum. Sed homo est naturaliter animal politicum, & gregale, ut ipse dicit. Ergo naturaliter est coniugale; & sic coniugium, sive matrimonium est naturale.

#### SOLUTIO.

Respondeo dicendum, quod aliquid dicitur esse naturale dupliciter. Uno modo sicut ex principiis naturæ ex necessitate causatum; ut moveri sursum est naturale igni &c. & sic matrimonium non est naturale, nec aliquid eorum quæ mediante libero arbitrio complentur. Alio modo dicitur naturale ad quod natura inclinat, sed mediante libero arbitrio complentur, sicut actus virtutum dicuntur naturales; & hoc modo etiam matrimonium est naturale, quia ratio naturalis ad ipsum inclinat dupliciter. Primo quantum ad principalem eius finem, qui est bonum proles: non enim intendit natura solum generationem eius, sed translationem, & promotionem usque ad perfectum statum hominis, in quantum homo est, qui est virtutis status. Unde secundum Philosophum (VIII. Ethic. cap. xi. vel xii.) tria a parentibus habemus, scilicet esse, nutrimentum, & disciplinam. Filius autem a parente educari, & instrui non posset, nisi determinatos & certos parentes haberet; quod non esset, nisi esset aliqua obligatio viri ad mulierem determinatam, quæ matrimonium facit. Secundum quantum ad secundarium finem matrimonii, qui est mutuum obsequium sibi a coniugibus in rebus domesticis impensum. Sic enim naturalis ratio dicitur ut homines simul cohabitent, quia unus homo non sufficit sibi in omnibus quæ ad vitam pertinent, ratione cuius dicitur homo naturaliter politicus; ita etiam eorum quibus indiget ad

humanam vitam, quædam opera sunt competentia vitæ, quædam mulieribus: unde natura monet ut sit quædam associatio viri ad mulierem, in qua est matrimonium. Et has duas causas ponit Philosophus in VIII. Ethic. (cap. xii. vel xiv.)

Ad primum ergo dicendum, quod natura hominis ad aliquid inclinat dupliciter. Uno modo quia est conveniens naturæ generis; & hoc est commune omnibus animalibus: alio modo quia est conveniens naturæ differentie, quæ species humana abundat a genere, in quantum est rationalis, sicut actus prudentiæ, & temperantiæ. Et sicut natura generis quamvis sit una in omnibus animalibus, non tamen est eodem modo in omnibus: ita etiam non inclinat eodem modo in omnibus, sed secundum quod unicuique competit. Ad matrimonium ergo inclinat natura hominis ex parte differentie quantum ad secundam rationem assignatam: unde Philosophus hanc rationem assignat hominibus supra alia animalia. Sed quantum (a) ad primam rationem inclinat ex parte generis: unde dicit, quod filiorum procreatio communis est omnibus animalibus. Tamen ad hoc non inclinat eodem modo in omnibus animalibus: quia quædam animalia sunt quorum filii statim nati possunt sibi sufficienter victum querere, vel ad quorum sustentationem alter sufficit; & in his non est aliqua determinatio masculi ad feminam. In illis autem quorum filii indigent utriusque sustentatione, sed ad parvum tempus, invenitur aliqua determinatio quantum ad tempus illud, sicut in avibus quibusdam patet. Sed in homine, quia indiget filius cura parentum usque ad magnum tempus, est maxima determinatio masculi ad feminam, ad quam etiam natura (b) generis inclinat.

Ad secundum dicendum, quod verbum Tullii potest esse verum quantum ad aliquam gentem; si tamen accipitur principium proprium ipsius gentis per quod ab aliis gentibus est distincta, quia non in omnibus perducitur ad effectum hoc ad quod naturalis ratio inclinat: non autem est verum universaliter, quia a principio humani generis sacra Scriptura recitat fuisse coniugia.

Ad tertium dicendum, quod secundum Philosophum in VI. Ethic. natura humana non est immobilis, sicut divina: & ideo diversificantur ea quæ sunt de iure naturali, secundum diversos status, & conditiones hominum: quamvis ea quæ sunt in rebus divinis naturaliter nullo modo variantur.

Ad:

(a) Ad ad potentiam, rationem. (b) Ad genus.

Ad quartum dicendum, quod natura non tantum intendit esse (a) in prole, sed esse perfectum; ad quod exigitur matrimonium, ut ex dictis patet.

## ARTICULUS II.

*Utrum matrimonium adhuc maneat sub praecepto.*

1. AD secundum sic praeceditur. Videtur quod matrimonium adhuc maneat sub praecepto. Quia praeceptum obligat quamdiu non revocatur. Sed prima institutio matrimonii fuit sub praecepto, ut in littera dicitur; nec umquam hoc praeceptum legitur revocatum, immo confirmatum Matth. xix. 6. (b) *Quos Deus coniunxit, homo non separet.* Ergo adhuc matrimonium est sub praecepto.

2. Praeterea. Praecepta iuris naturalis secundum omne tempus obligant. Sed matrimonium est de iure naturali, ut dictum est. Ergo &c.

3. Praeterea. Bonum speciei melius est quam bonum individui: quia bonum gentis est divinius quam bonum unius hominis, ut dicitur in I. Ethic. (cap. 1.) Sed praeceptum primo homini datum ad conservationem individui per actum nutritivum, adhuc obligat. Ergo multo magis praeceptum de matrimonio, quod pertinet ad conservationem speciei.

4. Praeterea. Ubi manet eadem ratio obligans, eadem obligatio manere debet. Sed propter hoc obligabantur homines ad matrimonium antiquo tempore, ne multiplicatio generis humani cessaret. Cum ergo hoc idem sequatur, si quilibet libere potest a matrimonio abstinere, videtur quod matrimonium sit in praecepto.

Sed contra est quod dicitur I. Corinth. vii. 37. *Qui non iungit matrimonio virginem suam, melius facit*, scilicet quam qui iungit. Ergo contraclus matrimonii nunc non est sub praecepto.

Praeterea. Nulli debetur premium pro transgressione praecepti. Sed virginibus debetur speciale premium, scilicet aureola. Ergo matrimonium non est sub praecepto.

## SOLUTIO.

Respondeo dicendum, quod natura inclinat ad aliquid dupliciter. Uno modo sicut ad id quod est necessarium ad perfectionem

unius; & talis inclinatio quemlibet obligat quia naturales perfectiones omnibus sunt communes. Alio modo inclinat ad aliquid quod est necessarium ad perfectionem multitudinis; & cum multa sint huiusmodi, quorum unum impedit aliud, ex tali inclinatione non obligatur quilibet homo per modum praecepti; alias quilibet homo obligaretur ad agriculturam, & edificatoriam, & huiusmodi officia, quae sunt necessaria communitati humanae: sed inclinationi naturae satisficit cum per diversos diversa complentur de praedictis. Cum ergo ad perfectionem humanae multitudinis sit necessarium aliquos contemplativae vitae inservire, quae maxime per matrimonium impeditur, inclinatio naturae ad matrimonium non obligat per modum praecepti, etiam secundum Philosophos: unde Theophrastus (apud Hieronymum Lib. I. contra Iovin. cap. xxviii.) probat quod sapienti non expedit nubere.

Ad primum ergo dicendum, quod praeceptum illud non est revocatum; nec tamen obligat unumquemque ratione iam dicta, nisi illo tempore quo paucitas hominum exigeret ut quilibet generationi vacaret.

Ad secundum, & tertium patet solutio ex dictis.

Ad quartum dicendum, quod natura humana communiter ad diversa officia, & actus inclinat, ut dictum est. Sed quia est diversimode in diversis, secundum quod individuatur in hoc, vel in illo, unum magis inclinatur ad unum illorum officiorum, alium ad aliud: & ex hac diversitate simul cum divina providentia, quae omnia moderatur, contingit quod unus eligit unum officium, ut agriculturam, alius aliud; & sic etiam contingit quod quidam eligunt matrimonialem vitam, & quidam contemplativam. Unde nullum periculum imminet.

## ARTICULUS III.

*Utrum actus matrimonialis semper sit peccatum.*

1. AD tertium sic proceditur. Videtur quod actus matrimonialis semper sit peccatum. I. Corinth. vii. 29. (a) *Qui nubunt, sicut tamquam non nubentes.* Sed non nubentes non habent actum matrimonialem. Ergo etiam nubentes peccant in actu illo.

2. Praeterea. Isaia lxx. 2. *Iniquitates vestras dividerunt inter vos & Deum vestrum.* Sed actus

(a) Al. personale: item personarum. (b) Vulgata: Quod ergo Deus coniunxit. (c) Vulgata: Ut & qui nubunt, sicut tamquam non nubentes sunt.

actus matrimonialis dividit hominem a Deo: unde Exod. xix. præcipitur populo qui debebat Deum videre, quod non accedat ad uxores suas, & Hieronymus dicit (epist. xi.) quod in actu matrimoniali Spiritus sanctus Prophetarum corda non tangit. Ergo est iniquitas.

3. Præterea. Illud quod secundum se est turpe, nullo modo potest bene fieri. Sed actus matrimonialis habet concupiscentiam adiunctam, quæ semper turpis est. Ergo semper est peccatum.

4. Præterea. Nihil excusatur nisi peccatum. Sed actus matrimonialis indiget excusari per bona matrimonii, ut Magister dicit. Ergo est peccatum.

5. Præterea. De similibus specie idem est iudicium. Sed concubitus matrimonialis est eiusdem speciei cum actu adulterii, quia ad idem terminatur, scilicet speciem humanam. Ergo cum actus adulterii sit peccatum, & actus matrimonii.

6. Præterea. Superfluum in passionibus corrumpit virtutem. Sed semper in actu matrimonii est superfluitas delectationis, adeo quod absorbet rationem, quæ est principale hominis bonum: unde Philosophus in VII. Ethic. (cap. xix. vel xiv.) dicit, quod impossibile est hominem aliquid in ipsa intelligere. Ergo semper actus matrimonialis est peccatum.

Sed contra. I. Corinth. vii. 36. *Virgo non peccat, si nubat*: & I. Timoth. v. 14. *Volo (a) iuvenculas nubere, filios procreare*. Sed procreatio filiorum non potest fieri sine carnali coniunctione. Ergo actus matrimonialis non est peccatum: alias Apostolus non voluisset illud.

Præterea. Nullum peccatum est in præcepto. Sed actus matrimonialis est in præcepto. I. Corinth. vii. 3. *Uxori vir debitum reddat*. Ergo non est peccatum.

### SOLUTIO I.

Respondetur dicendum, quod supposito quod natura corporalis sit a Deo bono instituta, impossibile est dicere, quod ea quæ pertinent ad conservationem naturæ corporalis, & ad quæ natura inclinat, sint universaliter mala: & ideo cum inclinatio sit naturæ ad ipsius procreationem, per quam natura speciei conservatur, impossibile est dicere, quod actus quo procreatur proles, sit universaliter illicitus, ut in eo medium virtutis inveniri non possit; nisi ponatur secundum quorundam insaniam, quod res

corporales causatæ sunt a deo malo; ex quo forte ista opinio derivatur quæ in littera tangitur, & ideo est pessima hæresis.

Ad primum ergo dicendum, quod Apostolus in verbis illis non prohibuit matrimonii actum, sicut nec rerum possessionem, cum dicit: *Qui utuntur hoc mundo, sint quasi non utentes*. Sed in utroque frustionem prohibuit; quod patet ex ipso modo loquendi: non enim dixit: *Sint non utentes*, vel *non habentes*: sed *quasi non utentes*, vel *non habentes*.

Ad secundum dicendum, quod Deo coniungimur & secundum habitum gratiæ, & secundum actum contemplationis, & amoris. Quod ergo primam coniunctionem separat, semper est peccatum, non autem quod separat secundam: quia aliqua occupatio licita circa res inferiores animum distrahit, ut actu Deo coniungi non sit idoneus, & hoc præcipue accidit in carnali coniunctione, in qua detinetur mens propter delectationem intensam; & propter hoc illis quibus competit divina contemplari, aut sacra tractare, indicitur pro tempore illo continentia ab uxoribus: & secundum hoc etiam dicitur quod Spiritus sanctus quantum ad actum revelationis secretorum non tangebatur mentes Prophetarum in usu matrimonii.

Ad tertium dicendum, quod turpitudine illa concupiscentiæ quæ actum matrimonii semper concomitatur, non est turpitudine culpæ, sed pænæ ex peccato primo proveniens, ut scilicet inferiores vires, & membra corporis rationi non obediunt: & propter hoc ratio non sequitur.

Ad quartum dicendum, quod illud proprie dicitur excusari quod aliquam similitudinem mali habet, & tamen non est malum, vel non tantum quantum apparet: quorum quædam excusantur a toto, quædam a tanto: & quia actus matrimonialis propter corruptionem concupiscentiæ habet similitudinem actus inordinati, ideo pro bono matrimonii excusatur a toto, ut non sit peccatum.

Ad quintum dicendum, quod quamvis sint idem specie naturæ, tamen differunt in specie moris, quam una circumstantia variat, scilicet accedere ad suam, vel non suam; sicut etiam occidere hominem per violentiam, vel per iustitiam facit diversam speciem moris, quamvis sit una species naturæ; & tamen unum est licitum, aliud illicitum.

(a) Vulgata *iuvencule*.

Ad sextum dicendum, quod superfluum passionis quod virtutem corrumpit, non solum impedit rationis actum, sed tollit rationis ordinem, quod non facit delectationis intensio in actu matrimoniali, quia etiam si tunc non ordinetur homo, tamen est a ratione præordinatus.

## ARTICULUS IV.

*Utrum actus matrimonialis sit meritorius.*

1. **A**D quartum sic proceditur. Videtur quod actus matrimonialis non sit meritorius. Chrysostomus enim dicit super Matth. (Auctor opet. imperf. hom. t.) *Matrimonium estis utentibus se panem non infert, mercedem tamen non præstat.* Sed meritum respectu mercedis dicitur. Ergo actus matrimonialis non est meritorius.

2. Præterea. Illud quod est meritum dimittere non est laudabile. Sed laudabilis est virginitas, per quam matrimonium dimittitur. Ergo matrimonialis actus non est meritorius.

3. Præterea. Qui utitur indulgentia sibi facta, beneficio recepto utitur. Sed ex hoc quod alicui præstatur beneficium, non meretur. Ergo actus matrimonialis non est meritorius.

4. Præterea. Meritum in difficultate consistit, sicut & virtus. Sed actus matrimonialis non habet difficultatem, sed delectationem. Ergo non est meritorius.

5. Præterea. Illud quod non potest fieri sine peccato veniali, numquam est meritum: quia non potest homo simul mereri, & demereri. Sed in actu matrimoniali semper est peccatum veniale: quia etiam primus motus in huiusmodi delectatione est peccatum veniale. Ergo actus prædictus non potest esse meritorius.

Sed contra. Omnis actus in quo impletur præceptum, est meritorius, si ex caritate fiat. Sed actus matrimonialis est huiusmodi: quia dicitur 1. Corinth. vii. 3. *Uxori vir debitum reddat.* Ergo &c.

Præterea. Omnis actus virtutis est meritorius. Sed actus prædictus est actus iustitiæ, quia dicitur redditio debiti. Ergo est meritorius.

## SOLUTIO.

Respondeo dicendum, quod cum nullus actus ex deliberata voluntate procedens sit indifferens, ut in II. Libr. (dist. xl. quæst. unic. art. 5.) dictum est, actus matrimo-

nialis semper est peccatum, vel meritorius in eo qui gratiam habet. Si enim ad actum matrimonialem virtus inducat, vel iustitiæ, ut debitum reddat, vel religionis, ut proles ad cultum Dei procreetur, est meritorius. Si autem moveat libido sistens infra bona matrimonii, ut scilicet nullo modo ad aliam accedere vellet, est peccatum veniale. Si autem extra bona matrimonii effluatur, ut scilicet cum quatuor muliere id facere proponeret, est peccatum mortale. Natura autem movere non potest quin vel ordinetur ratione, & sic erit motus virtutis; vel non ordinetur, & sic erit motus libidinis.

Ad primum ergo dicendum, quod radix merendi quantum ad præmium substantiale est ipsa caritas, sed quantum ad aliquod accidentale præmium ratio meriti consistit in difficultate actus; & sic actus matrimonii non est meritorius, sed primo modo.

Ad secundum dicendum, quod homo potest mereri in minoribus bonis, & in maioribus: unde quando aliquis minora bona dimittit, ut maiora faciat, laudandus est a minus meritorio actu discedens.

Ad tertium dicendum, quod indulgentia quandoque est de minoribus malis; & sic indulgetur actus matrimonii prout ad ipsum movet libido infra terminos matrimonii consistens, sic enim est veniale peccatum; sed prout ad ipsum movet virtus, ut est meritorius, non habet indulgentiam nisi secundum quod est indulgentia de minoribus bonis, quæ idem est quod concessio. Nec est inconveniens quod ille qui tali concessione utitur, mereatur: quia bonus usus beneficiorum Dei meritorius est.

Ad quartum dicendum, quod difficultas laboris requiritur ad meritum præmii accidentalis; sed ad meritum præmii essentialis requiritur difficultas consistens in ordinatione mediis; & hoc est etiam in actu matrimoniali.

Ad quintum dicendum, quod primus motus, secundum quod dicitur peccatum veniale, est motus appetitus in aliquod inordinatum delectabile, quod non est in actu matrimoniali: & ideo ratio non sequitur.

## QUÆSTIO II.

**D**Einde queritur de matrimonio secundum quod est sacramentum: & circa hoc queruntur quatuor.

Primo. Utrum sit sacramentum.

Secundo. De institutione ipsius.

Tertio.

Tertio. De effectu.

Quarto. De integritate.

## ARTICULUS I.

*Utrum matrimonium sit sacramentum.*

1. **A**D primum sic proceditur. Videtur quod matrimonium non sit sacramentum. Omne enim sacramentum novae legis habet aliquam formam quae est de essentia sacramenti. Sed benedictio quaerit per sacerdotes in nuptiis, non est de essentia matrimonii. Ergo non est sacramentum.

2. Præterea. Sacramentum secundum Hugonem (Lib. I. de sacram. par. ix. cap. xi.) est materiale elementum. Sed matrimonium non habet pro materia aliquod materiale elementum. Ergo non est sacramentum.

3. Præterea. Sacramenta habent efficaciam ex passione Christi. Sed per matrimonium non conformatur homo passioni Christi, quia fuit poenalis, cum habeat delectationem ad iunctam. Ergo non est sacramentum.

4. Præterea. Omne sacramentum novae legis efficit quod figurat. Sed matrimonium non efficit conjunctionem Christi & Ecclesiae quam significat. Ergo matrimonium non est sacramentum.

5. Præterea. In aliis sacramentis est aliquid quod est res, & sacramentum. Sed hoc non potest inveniri in matrimonio, cum non imprimat characterem, alias non iteraretur. Ergo non est sacramentum.

Sed contra est quod dicitur Ephes. v. 32. *Sacramentum hoc magnum est &c.*

Præterea. Sacramentum est sacrae rei signum. Sed matrimonium est huiusmodi. Ergo &c.

## SOLUTIO.

Respondendo dicendum, quod sacramentum importat aliquod remedium sanctitatis homini contra peccatum, exhibitum per sensibilia signa, ut in 1. dist. (quaest. 1. art. 2. quaestunc. 1.) dictum est: unde cum hoc invenitur in matrimonio, inter sacramenta computatur.

Ad primum ergo dicendum, quod verba quibus consensus matrimonialis exprimitur, sunt forma huius sacramenti; non autem benedictio sacerdotis, quae est quoddam sacramentale.

Ad secundum dicendum, quod sacramentum matrimonii perficitur per actum eius qui sacramentum illud utitur, sicut poenitentia:

& ideo sicut poenitentia non habet aliam materiam nisi ipsos actus sensui subiectos, qui sunt loco materialis elementi, ita est de matrimonio.

Ad tertium dicendum, quod quamvis matrimonium non conformet passioni Christi quantum ad poenam, conformatur tamen ei quantum ad caritatem, per quam pro Ecclesia sibi in sponsam coniungenda passus est.

Ad quartum dicendum, quod unio Christi ad Ecclesiam non est res contenta in isto sacramento, sed res significata non contenta: & talem rem nullum sacramentum efficit, sed habet aliam rem contentam, & significatam, quam efficit, ut dicitur. Magister autem posuit rem non contentam: quia erat huius opinionis, quod non haberet rem aliquam contentam.

Ad quintum dicendum, quod etiam in hoc sacramento sunt illa tria: quia sacramenta tantum sunt actus exterioris apparentes; sed res, & sacramentum est obligatio quae innascitur viri ad mulierem ex talibus actibus; sed res ultima contenta est effectus huius sacramenti; non contenta autem est res quam Magister determinat.

## ARTICULUS II.

*Utrum matrimonium debuit institui ante peccatum.*

1. **A**D secundum sic proceditur. Videtur quod matrimonium non debuit institui ante peccatum. Quia illud quod est de iure naturali, non indiget institutione. Sed matrimonium est huiusmodi, ut ex dictis patet. Ergo non debuit institui.

2. Præterea. Sacramenta sunt quaedam medicinae contra morbum peccati. Sed medicina non praeparatur nisi morbo. Ergo ante peccatum non debuit institui.

3. Præterea. Ad idem sufficit una institutio. Sed matrimonium fuit institutum etiam post peccatum, ut in littera dicitur. Ergo ante peccatum non fuit institutum.

4. Præterea. Institutio sacramenti debet esse a Deo. Sed ante peccatum verba quae ad matrimonium pertinent, determinate non sunt dicta a Deo, sed ab Adam: illa autem verba quae Deus dixit (Gen. 1. 28.) *Crescite, & multiplicamini*, dicta sunt etiam brutis, in quibus non est matrimonium. Ergo matrimonium non fuit institutum ante peccatum.

5. Præterea. Matrimonium est sacramen-

tum



tum novæ legis. Sed sacramenta novæ legis a Christo initium sumpserunt. Ergo non debuit ante peccatum institui.

Sed contra est quod dicitur Matth. xix. 4. *Non legistis, quod ab initio qui fecit hominem, masculum & feminam fecit illos &c.*

Præterea. Matrimonium est institutum ad procreationem prolis. Sed ante peccatum necessaria erat homini procreatio prolis, ut in II. Lib. dist. xx. dictum est. Ergo ante peccatum debuit matrimonium institui.

### SOLUTIO.

Respondendo dicendum, quod natura inclinat ad matrimonium, intendens aliquid bonum, quod quidem variatur secundum diversos hominum status: & ideo oportet quod secundum illud bonum diversimode in diversis statibus hominum instituitur. Et ideo matrimonium secundum quod ordinatur ad procreationem prolis, quæ erat necessaria etiam peccato non existente, institutum fuit ante peccatum; secundum autem quod remedium præbet contra vulnus peccati, institutum fuit post peccatum tempore legis naturæ; secundum autem determinationem personarum, institutionem habuit in lege Moysi; sed secundum quod repræsentat mysterium conjunctionis Christi & Ecclesiæ, institutionem habuit in nova lege; & secundum hoc est sacramentum novæ legis. Quantum autem ad alias utilitates quæ ex matrimonio consequuntur, sicut est amicitia, & mutuum obsequium sibi a coniugibus impensum, habet institutionem in lege civili. Sed quia de ratione sacramenti est quod sit signum, & remedium; ideo quantum ad medias institutiones competit ei ratio sacramenti, sed quantum ad primam institutionem competit ei quod sit in officium naturæ, quantum vero ad ultimam quod sit in officium civilitatis.

Ad primum ergo dicendum, quod illa quæ in communi sunt de iure naturali, indigent institutione quantum ad eorum determinationem, quæ diversimode competit secundum diversos status, sicut de iure naturali est quod maleficia puniantur; sed quod talis pœna tali culpæ apponatur, per determinationem iuris positivi fit.

Ad secundum dicendum, quod matrimonium non est tantum remedium contra peccatum, sed est principaliter in officium naturæ; & sic institutum fuit ante peccatum, non autem prout est remedium.

Ad tertium dicendum, quod secundum dist. Tb. Op. Tom. XIII.

(a) et oppositio.

verba quæ oportet in matrimonio determinari, non est inconveniens quod diversas habeat institutiones; & sic illa diversa institutio non est eiusdem secundum idem.

Ad quartum dicendum, quod matrimonium ante peccatum institutum fuit a Deo in hoc quod homini mulierem in adiutorium de costa formavit; & dixit eis: *Crescite, & multiplicamini &c.* quod quamvis aliis animalibus dixit, non tamen per ea eodem modo implendum sicut per homines. Adam autem verba illa protulit a Deo inspiratus, ut intelligeret matrimonii institutionem a Deo factam.

Ad quintum dicendum, quod quantum ad hoc quod matrimonium est sacramentum novæ legis, non fuit ante Christum institutum, ut ea prædictis patet.

### ARTICULUS III.

*Unum matrimonium conferat gratiam.*

1. Ad tertium sic proceditur. Videtur quod matrimonium non conferat gratiam. Quia secundum Hugonem (Lib. I. de sacram. par. ix. cap. ii.) sacramenta ex sanctificatione invisibilem gratiam conferunt. Sed matrimonium non habet aliquam sanctificationem quæ sit de essentia eius. Ergo non conferat gratia in ipso.

2. Præterea. Omne sacramentum conferens gratiam, confert ipsam ex materia, & forma sua. Sed actus qui sunt materia in hoc sacramento, non sunt causa gratiæ: verba etiam exprimentia consensum non sunt causa gratiæ, cum ex eis non sit aliqua sanctificatio. Ergo in matrimonio nullo modo gratia datur.

3. Præterea. Gratia ordinata contra vulnus peccati est necessaria omnibus habentibus vulnus illud. Sed in omnibus invenitur concupiscentiæ vulnus. Si ergo in matrimonio detur gratia contra vulnus concupiscentiæ, debent omnes homines matrimonium contrahere; & sic esset valde stultum a matrimonio abstinere.

4. Præterea. Infirmitas non accipit medicamentum ab eodem a quo accipit intensiorem. Sed per matrimonium concupiscentia accipit intensiorem: quia, sicut dicit Philosophus in III. Ethic. (cap. vii.) infirmabilis est concupiscentiæ appetitus, & per operationem congruam augeatur. Ergo videtur quod in matrimonio non conferatur remedium gratiæ contra concupiscentiam.

R. Sed

Sed contra. Diffinitio, & diffinitum debent converti. Sed in diffinitione sacramenti ponitur causalitas gratiae, ut in 1. dist. patuit. Ergo cum matrimonium sit sacramentum, erit causa gratiae.

Præterea. Augustinus dicit ( super Gen. ad litteram Lib. IX. cap. vii. ) quod matrimonium est ægrotis in remedium. Sed non est in remedium, nisi in quantum aliquam efficaciam habet. Ergo habet aliquid efficaciz ad reprimendum concupiscentiam. Sed concupiscentia non reprimitur nisi per gratiam. Ergo confertur in ipso gratia.

## S O L U T I O.

Respondeo dicendum, quod circa hoc fuit triplex opinio.

Quidam enim dixerunt, quod matrimonium nullo modo est causa gratiae, sed est tantum signum. Sed hoc non potest stare: quia secundum hoc in nullo differret a sacramentis veteris legis: unde non esset aliqua ratio quare sacramentis novæ legis annumeraretur. Quod enim remedium præbeat satisfaciendo concupiscentiæ, ne ( a ) in præceptis ruat, dum nimis arctatur, habuit etiam in veteri lege ex ipsa natura actus.

Et ideo alii dixerunt, quod confertur ibi gratia in ordine ad recessum a malo: quia excusatur actus a peccato, qui sine matrimonio peccatum esset. Sed hoc esset nimis parum: quia hoc etiam in veteri lege habuit: & ideo dicunt, quod facit recedere a malo, in quantum mitigat concupiscentiam, ne extra bona matrimonii feratur; non autem per gratiam illam sit aliquod auxilium ad bene operandum. Sed hoc non potest stare: quia eadem gratia est quæ impedit peccatum, & quæ ad bonum inclinat, sicut idem calor qui aufert frigus, & qui calefacit.

Unde alii dicunt quod matrimonium, in quantum in fide Christi contrahitur, habet ut conferat gratiam adiuvantem ad illa operanda quæ in matrimonio requiruntur: & hoc probabilis est: quia ubicumque datur divinitus aliqua facultas, dantur etiam auxilia quibus homo convenienter uti possit facultate illa, sicut patet quod omnibus potentiis animæ respondent aliqua membra corporis, quibus in actum exire possint. Unde cum in matrimonio datur homini ex divina institutione facultas utendi sua uxore ad procreationem prolis, datur etiam gratia sine qua id convenienter facere non posset, sic-

ut etiam de potestate ordinis supra dictum est: & sic illa gratia data est ( b ) ut iam res contenta in hoc sacramento.

Ad primum ergo dicendum, quod sicut aqua baptismi habet quod corpus tangat, ( c ) & cor abluit ex tactu carnis Christi; ita matrimonium hoc habet ex hoc quod Christus ita passione illud representavit, & non principaliter ex aliqua sanctificatione sacerdotis.

Ad secundum dicendum, quod sicut aqua baptismi, vel forma verborum non operatur ad gratiam immediate, sed ad characterem; ita actus exteriores, & verba exprimentia consensum directe faciunt nexum quendam: qui est sacramentum matrimonii: & huiusmodi nexus ex virtute divinæ institutionis dispositive operatur ad gratiam.

Ad tertium dicendum, quod ratio illa procederet, nisi contra concupiscentiæ morbum posset aliquod efficacius remedium adhiberi. Adhibetur autem maius remedium per opera spiritualia, & carnis mortificationem ab illis qui matrimonio non utuntur.

Ad quartum dicendum, quod contra concupiscentiam potest præstari remedium dupliciter. Uno modo ex parte ipsius concupiscentiæ, ut reprimatur in sua radice; & sic remedium præstat matrimonium per gratiam quæ in eo datur. Alio modo ex parte actus eius, & hoc dupliciter. Uno modo ut actus ad quem inclinat concupiscentia, exterius turpitudine careat; & hoc fit per bona matrimonii, quæ honestant carnalem concupiscentiam. Alio modo ut actus turpitudinem habens impediatur, quod fit ex ipsa natura actus: quia dum concupiscentia saturatur in actu coniugali, ad alias corruptelas non ira incitat: propter quod dicit Apostolus ( 1. Corinth. vii. 9. ) *Melius est nubere quam uri*. Quamvis enim opera concupiscentiæ ( d ) congrua secundum se nata sint concupiscentiam augere, tamen secundum quod ratione ordinantur, ipsam reprimunt: quia ex similibus actibus similes relinquuntur dispositiones, & habitus.

AR-

( a ) *id.* in præceptis. ( b ) *Nicolaus*: ultima res. ( c ) *In editis* & corpus. ( d ) *id.* concupiscentia.

## ARTICULUS IV.

*Utrum carnalis commixtio sit de integritate matrimonii.*

*III. P. quest. xxix. art. 2.*

**A**D quartum sic proceditur. Videtur quod carnalis commixtio sit de integritate matrimonii. In ipsa enim institutione matrimonii dictum est (Gen. 1. 24.) *Erunt duo in carne una.* Sed hoc non fit nisi per carnalem commixtionem. Ergo est de integritate matrimonii.

2. Præterea. Id quod pertinet ad significationem sacramenti, est de necessitate sacramenti, ut prædictum est. Sed carnalis commixtio pertinet ad significationem sacramenti, ut in littera dicitur. Ergo est de integritate sacramenti.

3. Præterea. Huiusmodi sacramentum ordinatur ad conservationem speciei. Sed conservatio speciei non potest fieri sine carnali commixtione. Ergo est de integritate sacramenti.

4. Præterea. Matrimonium est sacramentum, secundum quod remedium contra concupiscentiam præstat, de quo dicit Apostolus 1. Corinth. vrr. 9. *quod melius est habere quam ui.* Sed hoc remedium non præstat in his qui carnaliter non commiscuntur. Ergo idem quod prius.

Sed contra. In paradiso fuit matrimonium. Sed ibi non fuit carnalis copula. Ergo commixtio carnalis non est de integritate matrimonii.

Præterea. Sacramentum ex suo nomine sanctificationem importat. Sed sine carnali commixtione est matrimonium sanctius, ut in littera dicitur. Ergo carnalis commixtio non est de necessitate sacramenti.

## SOLUTIO.

Respondeo dicendum, quod duplex est integritas. Una quæ attenditur secundum perfectionem primam, quæ consistit in ipso esse rei; alia quæ attenditur secundum perfectionem secundam, quæ consistit in operatione. Quia ergo carnalis commixtio est quedam operatio, sive usus matrimonii, per quod

facultas ad hoc datur; ideo erit carnalis commixtio de secunda integritate matrimonii, & non de prima.

Ad primum ergo dicendum, quod Adam exposuit integritatem matrimonii quantum ad utramque perfectionem, quia res ex suo actu innoteceat.

Ad tertium dicendum, quod res non pervenit ad finem suum nisi per actum proprium; unde ex hoc quod finis matrimonii non habetur sine carnali commixtione, ostenditur quod sit de secunda integritate, & non de prima.

Ad quartum dicendum, quod ante commixtionem carnalem est matrimonium in remedium ex gratia quæ in eo datur, quamvis non ex actu, quod pertinet ad integritatem secundam.

## EXPOSITIO TEXTUS.

**C**um alia sacramenta post peccatum, & propter peccatum exordium sumpsissent, maximam sacramentum etiam ante peccatum legitur institutum a Domino. Videtur quod de matrimonio debuerit determinare ante ordinem: quia prius est quod animale est quam quod spirituale est, ut dicitur 1. Corinth. xv. Et dicendum, quod quamvis sit primum in via generationis, tamen in via sanctitatis, & perfectionis est posterius: & ideo illud sacramentum quod habet minimum de spiritualitate, ultimo debet inter sacramenta ordinari.

*Una de coelis eius sumpta, & exinde muliere formata.* De hoc dictum est in II. Lib. dist. xviii.

*Prophetae dixisse,* ut prophetia referatur ad mysterium Christi & Ecclesie, quod prævidit, non ad usum mulieris (a) quæ solo sensu percipi poterat (b) naturali ratione. Nec consequitur quod si incarnationis mysterium prævidit, suum casum præserverit, etiam supposito quod Christus non fuisset incarnatus homine non peccante: quia multa sunt quorum unum non est sine altero, quamvis unum sine altero possit intelligi.

*Remedium habet, non premium,* scilicet accidentale, quale habet virginitas, scilicet aureolam.

(a) Ad quæ consensus percipi dec. (b) Naturali; seu naturali ratione.

## D I S T I N C T I O XXVII.

*Quæ sint consideranda in coniugio.*

**P**ost hoc advertendum est, quid sit coniugium, & quæ sit efficiens causa coniugii, & causa propter quam contrahi debeat, & quæ sint bona coniugii, & quomodo per ea excusetur coitus carnalis, & quæ sint legitimæ personæ ad matrimonium. Sunt & alia plura in matrimonio consideranda, quæ sub compendio perscrutemur.

*Quid sit coniugium.*

**S**unt ergo nuptiæ, vel matrimonium, viri mulierisque coniunctio maritalis inter legitimas personas, individuam vitæ consuetudinem retinens. Ad individuam consuetudinem vitæ pertinet quod absque consensu alterius neuter continentiam proptèri potest, vel orationi vacare; & quod inter eos, dum vivunt, vinculum coniugale permanet, ut alii se copulare non liceat, & ut invicem alter alteri exhibeat quod quisque sibi. Hac autem descriptione legitimorum, & fidelium tantum matrimonium includitur.

*De consensu qui efficit coniugium.*

**E**fficiens autem causa matrimonii est consensus; non quilibet, sed per verba expressus, nec de futuro; sed de præterito. Si enim consentiunt in futurum, dicentes: Accipiam te in virum, & ego te in uxorem: non est iste consensus efficax matrimonii. Item si consentiant mente, & non exprimant verbis, vel aliis certis signis, nec talis consensus efficit matrimonium. Si autem verbis explicant quod tamen corde non volunt, si non sit coactio ibi, vel dolus; obligatio illa verborum, quibus consentiunt dicentes: Accipio te in virum, & ego te in uxorem: matrimonium facit.

*Auctoritatibus probat quod solus consensus facit matrimonium.*

**Q**uod autem consensus matrimonium faciat, subditis probatur testimoniis. Ait enim Isidorus: \* „ Consensus facit matrimonium. “ Item Nicolaus Papa: \*\* „ Sufficiat solus secundum leges eorum consensus de quorum coniunctionibus agitur: qui solus si forte in nuptiis defuerit, cetera etiam cum ipso coitu celebrata frustrentur. “ Item Ioannes Chrysostomus: \*\*\* „ Matrimonium non quidem facit coitus, sed voluntas: & ideo non solvit illud separatio corporis. “ Item Ambrosius: \*\*\*\* „ Non desolatio virginittis facit coniugium, sed pactio coniugalis. “ Ex his apparet quod consensus, idest pactio coniugalis, matrimonium facit, & ex tunc coniugium est, etiam si non præcessit, vel secuta est copula carnalis.

*Quando incipiat esse coniugium.*

**Q**uod enim ab ipsâ desponsatione, in qua pactio coniugalis exprimitur, coniuges sint, sanctorum testimonia probant. Ait enim Ambrosius (ut sup.), „ Cum initiatur coniugium, coniugii nomen asciscitur; cum coniugitur viro, coniugium est, non cum viri admixtione cognoscitur. “ Item Isidorus (ut sup.) „ Coniuges verius appellantur a prima desponsationis fide, quamvis adhuc inter eos ignoretur coniugalis concubitus. “ Item Augustinus (Lib. 1. de nupt. & concup. cap. 21.) „ Coniux vocatur ex prima desponsationis fide, quam concubitu non cognoscit,

,, verat,

**EX EDIT. P. NICOLAI.** \* In Isidoro non occurrir, sed tantum Lib. 1. etymol. vel origin. tit. de coniugis, inde *spousum* & *spousum* dici, quod de iura matrimonii consensu. \*\* Primus ad consulta Bulgareti cap. 111. & habetur in Decret. causa xxvii, quæst. 11. cap. Sufficit, cap. Matrimonium, cap. Cum in nuptiis, & cap. Coniux. \*\*\* Sive Auctor operis linguæcæ hom. xxviii. in Marthum. \*\*\*\* Lib. de institutione vii, tit. cap. 72.

verat, nec fuerat agnitus: nec perierat, nec mendax manserat coniugis appellatio, (1) ubi non fuerat, nec futura erat carnis ulla commixtio: propter quod fidele coniugium ambo parentes Christi vocari meruerunt, non solum illa mater, sed etiam ille pater eius, sicut coniux matris eius; utrumque tamen mente, non carne. Ex his evidenter insinuat, quod ex tempore quo intercedit consensus voluntarius, ac maritalis, qui solus coniugium facit, veri coniuges sunt sponsus, & sponsa.

*Secundum quosdam non est coniugium ante carnalem copulam, sed sponsi, & sponsa sunt.*

Quidam tamen asserunt, verum coniugium non contrahi ante traductionem, & carnalem copulam, nec vere coniuges esse aliquos antequam intercedat commixtio sexus; sed a prima fide desponsationis vir sponsus, & mulier sponsa est, non coniux. Sponsos autem, & sponfas coniuges frequenter appellari dicunt, non quia sint, sed quia futuri sunt; cuius rei sponsonem invicem fecerunt: & secundum hoc verba præmissarum auctoritatum intelligenda fore tradunt.

*Qua ratione nituntur.*

Quod vero inter sponsam & coniugem plurimum intersit, ex eo astruunt, quia licet sponsæ ante carnalem copulam inconsulto, vel nolente sponso monasterium eligere: quo facto, sponso etiam licet aliam ducere: coniugatus vero, vel coniugata nec continentiam nisi ex communi consensu servare valet, nec monasterium petere, nisi uterque continentiam pariter profiteatur. Quod vero liceat sponsæ monasterium eligere, auctoritatibus sanctorum probatur. Ait enim Eusebius Papa: \* „ Desponsatam puellam non licet parentibus alii viro tradere; tamen licet si „ bi monasterium eligere. “ Item Gregorius: \*\* „ Decreta legalia desponsatam, si „ converti voluerit, nullo penitus (1) censuerunt damno multari. “ Refert etiam Hieronymus, \*\*\* quod Macarius inter Christi eremitas præcipuus, celebrato nuptiali convivio, cum vespere thalamum esset ingressurus, ex urbe egrediens transmarina petiit, & eremi solitudinem sibi elegit. Beatus etiam Alexius similiter ex nuptiis divina gratia vocatus, sponfam deseruit, & nudus Christo famulari cœpit. His auctoritatibus, & exemplis liquet licere sponsis sine consensu suarum sponstarum, & e converso, continentiam profiteri.

*Quod coniugatus, vel coniugata nequeant continentiam profiteri sine alterius consensu.*

Hoc autem coniugatis nullatenus licet. Non enim potest vir melioris vitæ propositum sumere sine uxoris consensu, & e contrario. Unde Gregorius scribens Theodistæ Patriciæ: \*\*\*\* „ Sunt qui dicunt religionis gratia coniugia debere solvi. „ Unde sciendum est, quia etsi hoc lex humana concessit, tamen lex divina prohibuit. Si vero utrique conveniat continentem vitam ducere, hoc quis audeat accusare? Sic enim multos sanctorum novimus cum suis coniugibus & prius continentem vitam duxisse, & post ad sanctæ Ecclesiæ regimina migrasse. Si vero continentiam quam vir appetit, mulier non sequitur, aut quam uxor appetit, vir recusat; coniugium dividi non potest, quia scriptum est (1. Corinth. vii. 4.) Mulier potestatem suæ carnis non habet, sed vir: similiter & vir potestatem suæ carnis non habet, sed mulier. “ Idem: \*\*\*\*\* „ Agathola latræ præsentium quæstus „ est virum suum contra voluntatem suam in monasterium esse convertum: quæ „ pro-

(1) In edit. Nicolai: ubi non futura erat. (2) J. M. consueverat.

EX EDIT. P. NICOLAI. \* Tom. I. Concil. part. 1. & refertur in Decret. causa xxvii. quest. 12. cap. Desponsatam. \*\* Lib. VI. Epistolæ indit. xv. epist. xx. & refertur in Decretis loc. cit. cap. Duritia legalia. \*\*\* Hæc appendix a Gastiano addita est post cap. Scriptis nobis ex Nicolao Papa sumptum; sicut & quod sequitur de Alexio. Non autem Hieronymi est, sed aliorum trium, qui Macarii Romani vitam conscripserunt, sicut in vitis Patrum videre est. \*\*\*\* Lib. IX. Epistolæ indit. iv. epist. xxxix. \*\*\*\*\* Eod. Lib. epist. xlv.

propter experientiae tuae praecipimus ut diligenti inquisitione discutas, ne forte eius voluntate conversus sit, vel ipsa mutare se promiserit. Et si hoc reperiis, & illum in monasterio permanere provideas, & hanc, sicut promisit, mutare vitam compellas. Si vero nihil horum est, nec quondam fornicationis crimen, propter quod licet uxorem dimittere, praedictam mulierem commississe cognoveris; ne illius conversio uxori reliquae in saeculo fieri possit perditionis occasio, volumus ut maritum suum, illum, etiam si iam tonsuratus est, reddere debeas, omni excusatione cessante. Quia nisi fornicationis causa virum uxorem dimittere nulla ratio concedit. Postquam enim copulatione coniugii viri & mulieris unum corpus efficitur, non potest ex parte converti, & ex parte remanere in saeculo. Item ex VIII: Synodo: \* „ Si quis coniugatus converti ad monasterium velit, non est recipiendus, nisi prius a coniuge castimoniam profitente fuerit absolutus. Tales ergo tunc sine culpa sequuntur Christum relicto saeculo, si habent ex pari voluntate castitatis consensum. Item. (1) „ Si vir, & uxor divertere pro sola religiosa inter se consenserint vita, nullatenus sine consensu Episcopi fiat, ut ab eo singulariter provisum constituatur loco. Nam uxore nolente, vel altero illorum, etiam pro tali re matrimonium non solvitur. Item Augustinus: (2) „ Si abstines sine uxoris voluntate, tuis ei fornicandi licentiam, & peccatum illius tui impurabitur abstinentiae. Item Nicolaus Papa: (3) „ Scripsit nobis (4) Thaberga Regina regia, se velle dignitate, vel copula exui, & sola vita privata esse contentam desiderare: cui scripsimus, non hoc aliter fieri posse, nisi eandem vitam vin eius Lotarius elegerit. Ex his patet quod coniugati sine communi consensu monasterium eligere, continentiam profiteri, vel habitum religionis sumere non valent: & si fecerint, revocari debent. Sponsi vero possunt sine communi consensu monasterium eligere. Unde videtur inter sponsum & sponsam coniugium non esse. Ideoque asserunt, a prima fide desponsationis coniuges appellari, non re praesentium, sed sponso futurorum: quia ex fide quam ex desponsatione sibi invicem debent, postea efficiuntur coniuges. Praemissas autem auctoritates, quibus asseritur quod consensus matrimonium facit, ita intelligi volunt, ut consensus, vel pactio coniugalis, non ante coitum faciat matrimonium, sed in coitu. Sicut enim defloratio virginis non facit matrimonium, nisi praecedat pactio coniugalis; ita nec pactio coniugalis, antequam adsit copula carnalis. Ex pactio ergo coniugali sponsi, & sponsae sunt ante coitum, in coitu vero efficiuntur coniuges. Facit enim pactio coniugalis ut quae prius erat sponsa, in coitu fiat coniux.

*Responsio ad praedicta cum determinatione superiorum.*

**H**is autem ita respondemus. Fit aliquando desponsatio ubi est compromissio viri & mulieris de contrahendo matrimonio; non est autem ibi consensus de praesenti: & est desponsatio habens consensum de praesenti, id est pactiorem coniugalem, quae sola facit coniugium. In illa ergo desponsatione ubi est pollicitatio contrahendi matrimonium, sponsi tantum, & sponsae sunt, non coniuges; & talibus sponis licet sine communi consensu continentiam profiteri, & monasterium eligere. In ea vero desponsatione ubi est consensus de praesenti, coniugium contrahitur; & ab illius desponsationis prima fide veri coniuges appellantur. Secundum hanc distinctionem desponsationis de sponis varie loquuntur doctores.

(1.) *Nicolas*: In alia Synodo. Eugenii II: (2.) *Idem*: de adulterinis coniugiis Lib. I. cap. xv. vel expressius Chrysostomus hom. 1. in Psalm. I. (3.) *Idem*: Carolo Regi scribens. (4.) *Idem* Thaberga. EX EDIT. P. NICOLAI. \* Nec in vera & legitima modo exstet, nec in ea etiam qua Photii, praefatus synodus appellatur. Ex Basilico autem in Regulis saeculi disputatio cap. xix. colligi potest, ut & causa, xlviii. quae. 11. cap. si quis appendix notat.

*Quomodo accipitur sponsa in subditis capitulis.*

**A**liquando enim sponsas vocant quæ talem habuerunt desponsationem ubi fuit pactio coniugalis de præfenti; & illæ vere coniuges sunt. Unde Gregorius (& habetur in Decret. causa 11. cap. „ Si quis uxorem. “ ) „ Si quis uxorem desponsaverit, vel subarrhaverit, quamquam postmodum, præveniente die mortis eius, nequiverit eam ducere in uxorem; tamen nulli de consanguinitate eius licet accipere eam in coniugio; & si inventum fuerit, factum separatur omnino. “ Item Iulius Papa ( ibid. cap. „ Si quis desponsaverit. “ ) „ Si quis desponsaverit uxorem, & subarrhaverit, & vel præveniente die mortis, vel irruentibus quibusdam causis eam non cognoverit; nec frater eius, nec ullus de consanguinitate eius eandem sibi tollat in uxorem ullo umquam tempore. “ Item Gregorius \* ( ubi supra cap. „ Qui desponsatam. “ ) „ Qui desponsatam proximæ suæ puellam cepit in coniugio, anathema sit ipse, & omnes consentientes ei: quia secundum legem Dei novi decernitur. Nam divinæ legis mos est sponsas appellare coniuges, ut in Evangelio ( Matth. 1. 20. ) Accipe Mariam coniugem tuam: & in Deuteronomio ( cap. xxii. 25. ) Si quis alterius sponsam in agro, vel quolibet loco oppresserit, vel adduxerit in domum suam, moriatur: quia uxorem proximi sui violavit; non quæ iam uxor erat, sed quæ a parentibus uxor fieri debebat. “ Ex his colligitur quod sponsequædam coniuges sunt ante commixtionem sexuum. Sed forte illud movet quod in fine capituli dicitur: „ Non quæ iam uxor erat, sed quæ uxor fieri debebat. “ Quod non ita debet intelligi, quasi uxor vere non fuerit, ex quo pactio coniugalis intercessit; sed quia nondum traducta fuerat, nec res uxoria intercesserat, scilicet concubitus coniugalis.

*Quod aliter accipitur in his aliis capitulis sponsa.*

**H**AEC etiam sponsa est quæ sic viro desponsata est ut non intercesserit consensus de præfenti, sed sponsio futuri; secundum quem modum illud decretum \* intelligitur: „ Si quis sponsam filii oppresserit, & post filius eius eam duxerit; pater postea non habeat uxorem, nec mulier virum: filius qui patris facinus ignoravit, aliam ducat. “ Si coniux illa fuisset, quod utique foret, si in sponsalibus pactio coniugalis intercessisset, non permitteretur sponso aliam ducere. Mæchis autem poena non nubendi ex rigore infligitur, ut alii terreatur. Item ex eodem. \*\*\* „ Qui dam desponsavit uxorem, & dotavit, & cum ea coire non potuit, quam clanculo frater eius corrupit, & gravidam reddidit. Decretum est ut quamvis nupta non potuerit esse legitimo viro, desponsatam tamen fratri frater habere non possit; sed mæchus & mæcha fornicationis quidem vindictam sustineant, licita vero eis coniugia non negeantur. “ De illa desponsatione hoc intelligi debet ubi non fuit consensus coniugalis de præfenti, alioquin non liceret eis alia fortiri coniugia. Secundum hoc etiam illud intelligi debet: \*\*\*\* „ Statutum est a sacro conventu ut si quis, sponsam alterius rapuerit, publica poenitentia muldetur, & sine spe coniugii maneat; & si ipsa eidem crimini consentiens non fuerit, licentia nubendi alteri non negetur. “ Apparet hanc fuisse desponsatam sine pactioe coniugali de præfenti; & ideo non fuisse coniugem, cui vivente sponso alteri nubendi licentia non negatur. Sunt enim quædam uuptialia pacta de futuro, ex quibus sponsi, & sponsæ vocantur, nec exinde coniuges sunt; & est pactio quædam coniugalis de præfenti, quæ

\* EX EDIT. P. NICOLAI. \* Manrico Imperatori. Sed nec apud Gregorium occurrit quod hic subiungitur, & in Decretis ubi supra, atque ex regulis consanguinitatis ab eo institutis Anselmus refert. \*\* Concilii Triburiensis, ut habetur in Decretis causa xxvii. quæst. 31. cap. *Si quis*. \*\*\* Triburiensi Concilio eadem causa xxvii. quæst. xxi. cap. *Quidam*, immediate ante illud quod iam proxime relatum est. \*\*\*\* Quod in Decret. causa supradicta, & eodem quæst. cap. *Statutum est*, velut ex Concilio Toletano refertur. Sed in nullo Toletano Concilio inveniri appendix notar; haberi autem in Concilio Troieiano, pro quo fortasse quidam inusitata sibi voce peritresfactus Toletanus putavit reponendum. Habetur quoque Lib. 1. Capitulum Caroli Magni cap. cv.

quæ sponsum, & sponfam etiam coniuges facit: & utraque pactio desponsatio, vel (1) sponsalia interdum dicuntur; proprie tamen sponsalia dicuntur quædam solemnia pacta nuptialia.

*Quare non statim tradantur sponse.*

**D**E nuptialibus pactis, ubi est tantum sponsio futuri, ait Augustinus: \*, „Institutum est ut iam pactæ sponse non statim tradantur, ne vilem habeat mater ritus datam, quam (2) non suspiravit sponsus dilatare.“

*Quæ sponsa sit vidua mortui sponso, & quæ non.*

**E**T est sciendum, quod illa sponsa quæ tantum in futuro est pacta, mortuo sponso non remanet vidua, quia non fuerat vir eius: unde si quis eam duxerit, ad sacros ordines conficere non prohibetur, quia non duxit viduam. Viduæ enim maritus æque sicut bigamus sacerdos fieri prohibetur. Ex tali autem copula nullus arceatur a sacris ordinibus.

*Qui alterius sponsam eo mortuo ducit, ad sacros ordines accedere potest.*

**S**ecundum hoc intelligendum est quod ait Pelagius Papa de illoqui, mortuo sponso, eius sponsam ducit in uxorem. „Nihil est (inquit) quantum ad hunc articulum attinet, quod ei obviet de canonicis institutis, quin ad sacros ordines promoveri valeat. Si vero talis sponsa fuisset inter quam & sponsum eius consensus de præsentibus intercessisset, eo mortuo vidua remansisset; cui copulatus in coniugio ulterius ad sacros ordines non accederet, cum viduam duxerit. Non est ergo ambigendum quin solus de præsentibus consensus coniugium efficiat, & exinde veri coniuges appellentur. Ideo post talem consensum, si quis alii se copulaverit, etiam si carnis commixtio illic sequatur, ad priorem copulam revocandus est.

#### DIVISIO TEXTUS.

**P**ostquam determinavit Magister de institutione matrimonii, & significatione ipsius, hic incipit determinare de causis eius: & dividitur in partes duas. In prima de causis constituentibus matrimonium; in secunda de causis honestantibus ipsum, distinct. xxxi. ibi, *Post hæc de bonis coniugii, quæ sint, & qualiter eorum excusent, dicendum est.* Prima in duas. In prima determinat de causa efficiente matrimonium; in secunda de causa finali ipsius, circa finem xxx. distinct. ibi, *Explicio quæ sit causa efficiens matrimonii, consequens est ostendere sub quam causam soleat, vel debeat contrahi matrimonium.* Prima in duas. In prima determinat de causa efficiente matrimonium. In secunda ponit impedimentum illius causæ, xxix. distinct. ibi, *Oportet autem consensum coniugalem liberum esse a coactione.* Prima in duas. In prima ostendit quod consensus facit matrimonium; in secunda ostendit qualem oporteat esse illum consensum, dist. xxviii. ibi, *Hic quare debet, utrum consensus de futuro, addito*

*etiam iuramento, coniugium efficiat.* Prima in duas. In prima, præmissis de quo est intentio, distinct matrimonium, ut causa effectui proportionata sumatur. In secunda ostendit quæ sit causa matrimonii, ibi, *Efficiens autem causa matrimonii est consensus.* Et hæc dividitur in tres. In prima proponit quod intenditur. In secunda probat propositum, ibi, *Quod autem consensus matrimonium faciat, subditis probatur testimonio.* In tertia excludit errorem, ibi, *Quidam tamen asserunt, verum coniugium non contrahi ante traditionem, & carnalem copulam.* Et dividitur in partes duas. In prima persequitur partes erroris eorum; in secunda excludit eum, ibi, *Hic autem ita respondemus.* Circa primum tria facit. Primo ponit opinionem illorum falsam. Secundo ponit probationem eius, ibi, *Quod vero inter sponsam & coniugem plurimum interfit, ex eo astringunt &c.* Tertio ponit probationem eorum ad probationem pro veritate inductam, ibi, *Premissas autem auctoritates . . . ita intelligi volunt.*

*Hic itaque respondemus.* Hic respondet ad probationem illorum positam, & circa hoc tria

(1) In edit. Nicolai desuorialis. (2) Alii desponant.

EA-DIG. P. NICOLAUS. \* Lib. VIII. Canon. cap. 111.



tria facit. Primo ponit distinctionem quamdam, qua praedictae auctoritates solvuntur. Secundo probat illam distinctionem per diversas sanctorum auctoritates, ubi, *Aliquando enim sponsus vocatur quae talem habuerunt desponsationem, ubi fuit pactio coniugalitatis de praesenti*. Tertio probat eam per rationes, ubi, *Et sciendum est, quod illa sponsa quae tantum in futuro est pacta, mortuo sponso non remanet vidua.*

## QUAESTIO L

**H**ic est triplex quaestio. Prima de matrimonio. Secunda de sponsalibus. Tertia de bigamia.

Circa primum quaeruntur tria.

Primo. Quid sit matrimonium.

Secundo. Utrum consensus sit causa matrimonii.

Tertio. Utrum matrimonium possit solvi per religionis ingressum.

## ARTICULUS I.

*Utrum matrimonium sit in genere coniunctionis.*

**1.** **A**D primum sic proceditur. Videtur quod matrimonium non sit in genere coniunctionis. Quia vinculum quo aliqua ligantur, differt a coniunctione ipsa sicut causa ab effectu. Sed matrimonium est vinculum quoddam quo matrimonio iuncti ligantur. Ergo non est in genere coniunctionis.

**2.** Praeterea. Omne sacramentum est sensibile signum. Sed nulla relatio est accedens sensibile. Ergo matrimonium, cum sit sacramentum, non erit in genere relationis, & ita nec in genere coniunctionis.

**3.** Praeterea. Coniunctio est relatio aequiparantiae, sicut aequalitas. Sed non est una numero aequalitatis relatio in utroque extremorum, ut Avicenna dicit. Ergo nec una coniunctio; & sic si matrimonium est in genere coniunctionis, non erit unum tantum matrimonium inter duos coniuges.

Sed contra. Relatio est secundum quam aliqua ad invicem referuntur. Sed secundum matrimonium aliqua ad invicem referuntur: dicitur enim maritus vir uxoris, & uxor mariti uxor. Ergo matrimonium est in genere relationis, nec est aliud quam coniunctio.

*5. Tb. Oper. Tom. XIII.*

(a) Nicolai communicationis.

Praeterea. Unio duorum ad aliquod unum non fit nisi secundum coniunctionem. Hoc autem fit per matrimonium, ut patet Genes. 11. 24. *Erunt duo in carne una*. Ergo matrimonium est in genere coniunctionis.

## QUAESTIUNCULA II.

**1.** Ulterius. Videtur quod matrimonium incongrue nominetur. Quia denominatio debet fieri a digniori. Sed pater dignior est matre. Ergo magis debet denominari a patre quam a matre coniunctio utriusque.

**2.** Praeterea. Res debet denominari ab eo quod est de essentia sua, quia ratio quam significat nomen, est disibitio, ut dicitur in IV. Metaph. Sed nuptiae non sunt de essentia matrimonii. Ergo non debet matrimonium nuptiae appellari.

**3.** Praeterea. Species non potest proprio nomine nominari ab eo quod est generis. Sed coniunctio est genus ad matrimonium. Ergo non proprie potest coniugium nominari.

Sed contrarium est communis usus loquentium.

## QUAESTIUNCULA III.

**1.** Ulterius. Videtur quod inconvenienter diffiniatur in littera. Quia in mariti diffinitione oportet quod matrimonium ponatur: quia maritus est qui est mulieri matrimonio iunctus. Sed ipse ponit matrimoniale coniunctionem in diffinitione matrimonii. Ergo videtur quod sit circulatio in diffinitionibus istis.

**2.** Praeterea. Per matrimonium sicut vir efficitur maritus mulieris, ita mulier uxor viri. Ergo non magis deberet dici coniunctio maritalis quam uxoria.

**3.** Praeterea. Consuetudo ad genus moris pertinet. Sed frequenter matrimonio iuncti sunt valde moribus diversi. Ergo non debet poni in diffinitione matrimonii: *Individuam vitae consuetudinem retinens*.

**4.** Praeterea. Inveniuntur aliae diffinitiones de matrimonio datae. Quia secundum Hugonem (Lib. II. de sacram. part. xi. cap. iv.) matrimonium est *duorum idonearum personarum legitimus de coniunctione consensus*. Secundum quosdam autem matrimonium est *consortium* (a) *communis vitae, & communicatio divini, & humani iuris*. Et quaeritur qualiter haec diffinitiones differant.

L

S O.

Tertio. De effectu.

Quarto. De integritate.

### ARTICULUS I.

*Utrum matrimonium sit sacramentum.*

1. **A**D primum sic proceditur. Videtur quod matrimonium non sit sacramentum. Omne enim sacramentum novae legis habet aliquam formam quae est de essentia sacramenti. Sed benedictio quae fit per sacerdotes in nuptiis, non est de essentia matrimonii. Ergo non est sacramentum.

2. Praeterea. Sacramentum secundum Hugonem (Lib. I. de sacram. par. ix. cap. xi.) est materiale elementum. Sed matrimonium non habet pro materia aliquid materiale elementum. Ergo non est sacramentum.

3. Praeterea. Sacramenta habent efficaciam ex passione Christi. Sed per matrimonium non conformatur homo passioni Christi, quae fuit penalis, cum habet delectationem adiunctam. Ergo non est sacramentum.

4. Praeterea. Omne sacramentum novae legis efficit quod figurat. Sed matrimonium non efficit conjunctionem Christi & Ecclesiae quam significat. Ergo matrimonium non est sacramentum.

5. Praeterea. In aliis sacramentis est aliquid quod est res, & sacramentum. Sed hoc non potest inveniri in matrimonio, cum non imprimat characterem, alias non iteraretur. Ergo non est sacramentum.

Sed contra est quod dicitur Ephes. v. 32, *Sacramentum hoc magnum est &c.*

Praeterea. Sacramentum est sacrae rei signum. Sed matrimonium est huiusmodi. Ergo &c.

### SOLUTIO.

Respondeo dicendum, quod sacramentum importat aliquid remedium sanctitatis homini contra peccatum, exhibitum per sensibilia signa, ut in 1. dist. (quaest. 1. art. 2. quæstione 1.) dictum est; unde cum hoc invenitur in matrimonio, inter sacramenta computatur.

Ad primum ergo dicendum, quod verba quibus consensus matrimonialis exprimitur, sunt forma huius sacramenti; non autem benedictio sacerdotis, quae est quoddam sacramentale.

Ad secundum dicendum, quod sacramentum matrimonii perficitur per actum eius qui sacramento illo utitur, sicut poenitentia:

& ideo sicut poenitentia non habet aliam materiam nisi ipsos actus sensui subiectos, qui sunt loco materialis elementi, ita est de matrimonio.

Ad tertium dicendum, quod quamvis matrimonium non conformet passioni Christi quantum ad penam, conformatur tamen ei quantum ad caritatem, per quam pro Ecclesia sibi in sponsam coniungenda passus est.

Ad quartum dicendum, quod unio Christi ad Ecclesiam non est contenta in isto sacramento, sed res significata non contenta; & talem rem nullum sacramentum efficit, sed habet aliam rem contentam, & significatam, quam efficit, ut dicitur. Magister autem posuit rem non contentam: quia erat huius opinionis, quod non haberet rem aliquam contentam.

Ad quintum dicendum, quod etiam in hoc sacramento sunt illa tria: quia sacramenta tantum sunt actus exterius apparentes; sed res, & sacramentum est obligatio quae innascitur viri ad mulierem ex talibus actibus; sed res ultima contenta est effectus huius sacramenti; non contenta autem est res quam Magister determinat.

### ARTICULUS II.

*Utrum matrimonium debeat institui ante peccatum.*

1. **A**D secundum sic proceditur. Videtur quod matrimonium non debuit institui ante peccatum. Quia illud quod est de iure naturali, non indiget institutione. Sed matrimonium est huiusmodi, ut ex dictis patet. Ergo non debuit institui.

2. Praeterea. Sacramenta sunt quaedam medicinae contra morbum peccati. Sed medicina non preparatur nisi morbo. Ergo ante peccatum non debuit institui.

3. Praeterea. Ad idem sufficit una institutio. Sed matrimonium fuit institutum etiam post peccatum, ut in littera dicitur. Ergo ante peccatum non fuit institutum.

4. Praeterea. Institutio sacramenti debet esse a Deo. Sed ante peccatum verba quae ad matrimonium pertinent, determinate non sunt dicta a Deo, sed ab Adam: illa autem verba quae Deus dixit (Gen. 1. 28.) *Crescite, & multiplicamini*, dicta sunt etiam brutis, in quibus non est matrimonium. Ergo matrimonium non fuit institutum ante peccatum.

5. Praeterea. Matrimonium est sacramentum

tum novæ legis. Sed sacramenta novæ legis à Christo initium sumpserunt. Ergo non debuit ante peccatum institui.

Sed contra est quod dicitur Matth. xix. 4. *Non legistis, quod ab initio qui fecit hominem, masculum & feminam fecit illos &c.*

Præterea. Matrimonium est institutum ad procreationem prolis. Sed ante peccatum necessaria erat homini procreatio prolis, ut in II. Lib. dist. xx. dictum est. Ergo ante peccatum debuit matrimonium institui.

### SOLUTIO.

Respondendo dicendum, quod natura inclinat ad matrimonium, intendens aliquod bonum, quod quidem variatur secundum diversos hominum status: & ideo oportet quod secundum illud bonum diversimode in diversis statibus hominum instituat. Er ideo matrimonium secundum quod ordinatur ad procreationem prolis, quæ erat necessaria etiam peccato non existente, institutum fuit ante peccatum; secundum autem quod remedium præbet contra vulnus peccati, institutum fuit post peccatum tempore legis naturæ; secundum autem determinationem personarum, institutionem habuit in lege Moysi; sed secundum quod repræsentat mysterium coniunctionis Christi & Ecclesiæ, institutionem habuit in nova lege; & secundum hoc est sacramentum novæ legis. Quantum autem ad alias utilitates quæ ex matrimonio consequuntur, sicut est amicitia, & mutuum obsequium sibi a coniugibus impensum, habet institutionem in lege civili. Sed quia de ratione sacramenti est quod sit signum, & remedium; ideo quantum ad medias institutiones competit ei ratio sacramenti, sed quantum ad primam institutionem competit ei quod sit in officium naturæ, quantum vero ad ultimam quod sit in officium civilitatis.

Ad primum ergo dicendum, quod illa quæ in communi sunt de iure naturali, indigent institutione quantum ad eorum determinationem, quæ diversimode competit secundum diversos status, sicut de iure naturali est quod maleficia puniantur; sed quod talis poena tali culpæ apponatur, per determinationem iuris positivi fit.

Ad secundum dicendum, quod matrimonium non est tantum remedium contra peccatum, sed est principaliter in officium naturæ; & sic institutum fuit ante peccatum, non autem prout est remedium.

Ad tertium dicendum, quod secundum dist. Tb. Op. Tom. XIII.

(a) d. oppositio.

verba quæ oportet in matrimonio determinari, non est inconveniens quod diversas habeat institutiones; & sic illa diversa institutio non est eiusdem secundum idem.

Ad quartum dicendum, quod matrimonium ante peccatum institutum fuit a Deo in hoc quod homini mulierem in adiutorium de costa formavit, & dixit eis: *Crescite, & multiplicamini &c.* quod quamvis aliis animalibus dixit, non tamen per ea eodem modo implendum sicut per homines. Adam autem verba illa protulit a Deo inspiratus, ut intelligeret matrimonii institutionem a Deo factam.

Ad quintum dicendum, quod quantum ad hoc quod matrimonium est sacramentum novæ legis, non fuit ante Christum institutum, ut ex prædictis patet.

### ARTICULUS III.

*Utrum matrimonium conferat gratiam.*

1. Ad tertium sic proceditur. Videtur quod matrimonium non conferat gratiam. Quia secundum Hugonem (Lib. I. de sacram. par. ix. cap. 11.) sacramenta ex sanctificatione invisibilem gratiam conferunt. Sed matrimonium non habet aliquam sanctificationem quæ sit de essentia eius. Ergo non conferat gratia in ipso.

2. Præterea. Omne sacramentum conferens gratiam, confert ipsam ex materia, & forma sua. Sed actus qui sunt materia in hoc sacramento, non sunt causa gratiæ: verba etiam exprimentia consensum non sunt causa gratiæ, cum ex eis non sit aliqua sanctificatio. Ergo in matrimonio nullo modo gratia datur.

3. Præterea. Gratia ordinata contra vulnus peccati est necessaria omnibus habentibus vulnus illud. Sed in omnibus invenitur concupiscentiæ vulnus. Si ergo in matrimonio detur gratia contra vulnus concupiscentiæ, debent omnes homines matrimonium contrahere; & sic esset valde stultum a matrimonio abstinere.

4. Præterea. Infirmitas non accipit medicamentum ab eodem a quo accipit intentionem. Sed per matrimonium concupiscentia accipit intentionem: quia, sicut dicit Philosophus in III. Ethic. (cap. ult.) infirmabilis est concupiscentiæ appetitus, & per operationem congruam augetur. Ergo videtur quod in matrimonio non conferatur remedium gratiæ contra concupiscentiam.

K S.d

Sed contra. Diffinitio, & diffinitum debent converti. Sed in diffinitione sacramenti ponitur causalitas gratiae, ut in 1. dist. patuit. Ergo cum matrimonium sit sacramentum, erit causa gratiae.

Præterea. Augustinus dicit (super Gen. ad litteram Lib. IX. cap. vii.) quod matrimonium est ægrotis in remedium. Sed non est in remedium, nisi in quantum aliquam efficaciam habet. Ergo habet aliquid efficacis ad reprimendum concupiscentiam. Sed concupiscentia non reprimitur nisi per gratiam. Ergo confertur in ipso gratia.

### SOLUTIO.

Respondeo dicendum, quod circa hoc fuit triplex opinio.

Quidam enim dixerunt, quod matrimonium nullo modo est causa gratiæ, sed est tantum signum. Sed hoc non potest stare: quia secundo hoc in nullo differret a sacramentis veteris legis: unde non esset aliqua ratio quare sacramentis novæ legis annumeraretur. Quod enim remedium præbeat satisfaciendo concupiscentiæ, ne (a) in præceptis ruat, dum nimis ardeat, habuit etiam in veteri lege ex ipsa natura actus.

Et ideo alii dixerunt, quod confertur ibi gratia in ordine ad recessum a malo: quia excusatur actus a peccato, qui sine matrimonio peccatum esset. Sed hoc esset nimis parum: quia hoc etiam in veteri lege habuit: & ideo dicunt, quod facit recedere a malo, in quantum mitigat concupiscentiam, ne extra bona matrimonii feratur; non autem per gratiam illam fit aliquod auxilium ad bene operandum. Sed hoc non potest stare: quia eadem gratia est quæ impedit peccatum, & quæ ad bonum inclinat, sicut idem calor qui auferit frigus, & qui calefacit.

Unde alii dicunt quod matrimonium, in quantum in fide Christi contrahitur, habet ut conferat gratiam adiuvantem ad illa operanda quæ in matrimonio requiruntur: & hoc probabilis est: quia ubicumque datur divinitus aliqua facultas, dantur etiam auxilia quibus homo convenienter uti possit facultate illa, sicut patet quod omnibus potentis animæ respondent aliqua membra corporis, quibus in actum exire possint. Unde cum in matrimonio datur homini ex divina institutione facultas utendi sua uxore ad procreationem proles, datur etiam gratia sine qua id convenienter facere non posset, sic-

ut etiam de potestate ordiis supra dictum est: & sic ista gratia data est (b) ut iam res contenta in hoc sacramento.

Ad primum ergo dicendum, quod sicut aqua baptismi habet quod corpus tangat, (c) & cor abluit ex tactu carnis Christi: ita matrimonium hoc habet ex hoc quod Christus sua passione illud representavit, & non principaliter ex aliqua sanctificatione sacerdotis.

Ad secundum dicendum, quod sicut aqua baptismi, vel forma verborum non operatur ad gratiam immediate, sed ad characterem; ita actus exteriores, & verba exprimentia consensum directe faciunt nexum quemdam, qui est sacramentum matrimonii: & huiusmodi nexus ex virtute divinæ institutionis dispositive operatur ad gratiam.

Ad tertium dicendum, quod ratio illa procederet, nisi contra concupiscentiæ morbum posset aliquid efficacius remedium adhiberi. Adhibetur autem maius remedium per opera spiritualia, & carnis mortificationem ab illis qui matrimonio non utuntur.

Ad quartum dicendum, quod contra concupiscentiam potest præstari remedium dupliciter. Uno modo ex parte ipsius concupiscentiæ, ut reprimatur in sua radice; & sic remedium præstat matrimonium per gratiam quæ in eo datur. Alio modo ex parte actus eius, & hoc dupliciter. Uno modo ut actus ad quem inclinat concupiscentia, exterius turpitudine careat; & hoc fit per bona matrimonii, quæ honestant carnalem concupiscentiam. Alio modo ut actus turpitudinem habens impediatur, quod fit ex ipsa natura actus: quia dum concupiscentia satisfit in actu coniugali, ad alias corruptelas non ita incitat: propter quod dicit Apostolus (1. Corinth. vii. 9.) *Melius est nubere quam uri*. Quamvis enim opera concupiscentiæ (d) congrua secundum se nata sint concupiscentiam augere, tamen secundum quod ratione ordinantur, ipsam reprimunt: quia ex similibus actibus similes relinquuntur dispositiones, & habitus.

AR-

(a) *Ad*, in præceptis. (b) *Nicet*: ultima res. (c) *In editis* & corpus. (d) *Ad*, cognita.

## ARTICULUS IV.

*Utrum carnalis commixtio sit de integritate matrimonii.*

*II. H. p. quest. xxix. art. 2.*

**A**D quartum sic proceditur. Videtur quod carnalis commixtio sit de integritate matrimonii. In ipsa enim institutione matrimonii dictum est (Gen. ii. 24.) *Erunt duo in carne una.* Sed hoc non fit nisi per carnalem commixtionem. Ergo est de integritate matrimonii.

2. Præterea. Id quod pertinet ad significationem sacramenti, est de necessitate sacramenti, ut prædictum est. Sed carnalis commixtio pertinet ad significationem sacramenti, ut in littera dicitur. Ergo est de integritate sacramenti.

3. Præterea. Huiusmodi sacramentum ordinatur ad conservationem speciei. Sed conservatio speciei non potest fieri sine carnali commixtione. Ergo est de integritate sacramenti.

4. Præterea. Matrimonium est sacramentum, secundum quod remedium contra concupiscentiam præstat, de quo dicit Apostolus I. Corinth. vii. 9. *quod melius est habere quam uri.* Sed hoc remedium non præstat in his qui carnaliter non commiscuntur. Ergo idem quod prius.

Sed contra. In paradiso fuit matrimonium. Sed ibi non fuit carnalis copula. Ergo commixtio carnalis non est de integritate matrimonii.

Præterea. Sacramentum ex suo nomine sanctificationem importat. Sed sine carnali commixtione est matrimonium sanctius, ut in littera dicitur. Ergo carnalis commixtio non est de necessitate sacramenti.

## SOLUTIO.

Respondeo dicendum, quod duplex est integritas. Una quæ attenditur secundum perfectionem primam, quæ consistit in ipso esse rei; alia quæ attenditur secundum perfectionem secundam, quæ consistit in operatione. Quia ergo carnalis commixtio est quædam operatio, sive usus matrimonii, per quod

facultas ad hoc datur; ideo erit carnalis commixtio de secunda integritate matrimonii, & non de prima.

Ad primum ergo dicendum, quod Adam exposuit integritatem matrimonii quantum ad utramque perfectionem, quia res ex suo actu innotebat.

Ad tertium dicendum, quod res non pervenit ad finem suum nisi per actum proprium: unde ex hoc quod finis matrimonii non habetur sine carnali commixtione, ostenditur quod sit de secunda integritate, & non de prima.

Ad quartum dicendum, quod ante commixtionem carnalem est matrimonium in remedium ex gratia quæ in eo datur, quamvis non ex actu, quod pertinet ad integritatem secundam.

## EXPOSITIO TEXTUS.

**C**um alia sacramenta post peccatum, & propter peccatum expedium sumptur, matrimonii sacramentum etiam ante peccatum legitur institutum a Domino. Videtur quod de matrimonio debuerit determinari ante ordinem: quia prius est quod animale est quam quod spirituale est, ut dicitur I. Corinth. xv. Et dicendum, quod quamvis sit primum in via generationis, tamen in via sanctitatis, & perfectionis est posterius: & ideo illud sacramentum quod habet minimum de spiritualitate, ultimo debet inter sacramenta ordinari.

*Una de costis eius sumpta, & exinde muliere formata.* De hoc dictum est in II. Lib. dist. xviii.

*Propheticæ dixisse,* ut prophetia referatur ad mysterium Christi & Ecclesie, quod prævidit, non ad usum mulieris (a) quæ solo sensu percipi poterat (b) naturali ratione. Nec consequitur quod si incarnationis mysterium prævidit, suum casum præciserit, etiam supposito quod Christus non fuisset incarnatus homine non peccante: quia multa sunt quorum unum non est sine altero, quamvis unum sine altero possit intelligi.

*Remedium habet, non premium,* scilicet accidentale, quale habet virginitas, scilicet æternale.

(a) id. quæ consensu percipi debet. (b) Naturali seu naturali ratione.

## DISTINCTIO XXVII.

*Quæ sint consideranda in coniugio.*

**P**ost hoc advertendum est, quid sit coniugium, & quæ sit efficiens causa coniugii, & causa propter quam contrahi debeat, & quæ sint bona coniugii, & quomodo per ea excusetur coitus carnalis, & quæ sint legitimæ personæ ad matrimonium. Sunt & alia plura in matrimonio consideranda, quæ sub compendio perstrin-  
gemus.

*Quid sit coniugium.*

**S**unt ergo nuptiæ, vel matrimonium, viri mulierisque coniunctio maritalis inter legitimas personas, individuum vitæ consuetudinem retinens. Ad individuum consuetudinem vitæ pertinet quod absque consensu alterius neuter continentiam propteriteri potest, vel orationi vacare; & quod inter eos, dum vivunt, vinculum coniugale permanet, ut alii se copulare non liceat, & ut invicem alter alteri exhibeat quod quisque sibi. Hac autem descriptione legitimorum, & fidelium tantum matrimonium includitur.

*De consensu qui efficit coniugium.*

**E**fficiens autem causa matrimonii est consensus; non quilibet, sed per verba expressus, nec de futuro; sed de præfenti. Si enim consentiunt in futurum, dicentes: Accipiam te in virum, & ego te in uxorem: non est ille consensus efficiens matrimonii. Item si consentiant mente; & non exprimant verbis, vel aliis certis signis, nec talis consensus efficit matrimonium. Si autem verbis explicant quod tamen corde non volunt, si non sit coactio ibi, vel dolus; obligatio illa verborum, quibus consentiunt dicentes: Accipio te in virum, & ego te in uxorem: matrimonium facit.

*Auctoritatibus probat quod solus consensus facit matrimonium.*

**Q**uod autem consensus matrimonium faciat, subditiis probatur testimoniis. Ait enim Isidorus: "Consensus facit matrimonium." Item Nicolaus Papa: "Sufficiat solus secundum leges eorum consensus de quorum coniunctionibus agitur: qui solus si forte in nuptiis defuerit, cetera etiam cum ipso coitu celebrata frustrentur." Item Ioannes Chrysostomus: "Matrimonium non quidem facit coitus, sed voluntas: & ideo non solvit illud separatio corporis." Item Ambrosius: "Non defloratio virginittatis facit coniugium, sed pactio coniugalis." Ex his apparet quod consensus, idest pactio coniugalis, matrimonium facit, & ex hac coniugium est, etiam si non præcessit, vel secuta est copula carnalis.

*Quando incipiat esse coniugium.*

**Q**uod enim ab ipsâ desponsatione, in qua pactio coniugalis exprimitur, coniuges sint, sanctorum testimonia probant. Ait enim Ambrosius (ut sup.). "Cum initiatur coniugium, coniugii nomen assecitur; cum coniugitur viro, coniugium est, non cum viri admixtione cognoscitur." Item Isidorus (ut sup.). "Coniuges verius appellantur a prima desponsationis fide, quamvis adhuc inter eos ignoretur coniugalis concubitus." Item Augustinus (Lib. I. de nupt. & concup. cap. 21.). "Coniux vocatur ex prima desponsationis fide, quam concubitus non cognoscit, verat,

**EX EDIT. P. NICOLAI.** \* In Isidoro non occurrit, sed tantum Lib. I. etymol. vel origin. sit. de coniugiis, inde sponsum & sponsam dicit, quod in iura matrimonii consistunt. \*\* Primum ad consilia Bulgaresium cap. 111. & habetur in Decret. causa xlvii. quasi. 12. cap. Sufficiat, cap. Matrimonium, cap. Cum in nuptiis, & cap. Coitus. \*\*\* sive Auctor operis imperfecti hom. xxi. in Matrimonium. \*\*\*\* Lib. de institutionibus vi. ubi cap. 72.

verat, nec fuerat agnitus: nec perierat, nec mendax manserat coniugis appellatio, (1) ubi non fuerat, nec futura erat carnis ulla commixtio: propter quod fidele coniugium ambo parentes Christi vocari meruerunt, non solum illa mater, sed etiam ille pater eius, sicut coniux matris eius; utrumque tamen mente, non carne. Ex his evidenter insinuat, quod ex tempore quo intercedit consensus voluntarius, ac maritalis, qui solus coniugium facit, veri coniuges sunt sponsus, & sponsa.

*Secundum quosdam non est coniugium ante carnalem copulam, sed sponsus, & sponsa sunt.*

Quidam tamen asserunt, verum coniugium non contrahi ante traditionem, & carnalem copulam, nec vere coniuges esse aliquos antequam intercedat commixtio sexus; sed a prima fide desponsationis vir sponsus, & mulier sponsa est, non coniux. Sponsus autem, & sponsa coniuges frequenter appellari dicunt, non quia sint, sed quia futuri sunt; cuius rei sponsonem invicem fecerunt: & secundum hoc verba præmissarum auctoritatum intelligenda fore tradunt.

*Qua ratione nituntur.*

Quod vero inter sponsam & coniugem plurimum intersit, ex eo astruunt, quia licet sponsæ ante carnalem copulam inconsulto, vel nolente sponso monasterium eligere: quo facto, sponso etiam licet aliam ducere: coniugatus vero, vel coniugata nec continentiam nisi ex communi consensu servare valet, nec monasterium petere, nisi uterque continentiam pariter profiteatur. Quod vero liceat sponsæ monasterium eligere, auctoritatibus sanctorum probatur. Ait enim Eusebius Papa: \* „Desponsatam puellam non licet parentibus alii viro tradere; tamen licet si „bi monasterium eligere. “ Item Gregorius: \*\* „Decreta legalia desponsatam, si „converiti voluerit, nullo penitus (2) censuerunt damno multari. “ Refert etiam Hieronymus, \*\*\* quod Macarius inter Christi eremitas præcipuus, celebrato nuptiali convivio, cum vespere thalamum esset ingressurus, ex urbe egrediens transmarina petiit, & eremi solitudinem sibi elegit. Beatus etiam Alexius similiter ex nuptis divina gratia vocatus, sponsam deseruit, & nudus Christo famulari cœpit. His auctoritatibus, & exemplis liquet licere sponsis sine consensu suarum sponstarum, & e converso, continentiam profiteri.

*Quod coniugatus, vel coniugata nequeant continentiam profiteri sine alterius consensu.*

Hoc autem coniugatis nullatenus licet. Non enim potest vir melioris vitæ propositum sumere sine uxoris consensu, & e contrario. Unde Gregorius scribens Theotistæ Patritæ: \*\*\*\* „Sunt qui dicunt religionis gratia coniugia debere solvi. „Unde sciendum est, quia etsi hoc lex humana concessit, tamen lex divina prohibuit. Si vero utrisque conveniat continentem vitam ducere, hoc quis audeat accusare? Sic enim multos sanctorum novimus cum suis coniugibus & prius continentem vitam duxisse, & post ad sanctæ Ecclesiæ regimina migrasse. Si vero continentiam quam vir appetit, mulier non sequitur, aut quam uxor appetit, vir recusat; coniugium dividi non potest, quia scriptum est (1. Corinth. vii. 4.) Mulier potestatem suæ carnis non habet, sed vir: similiter & vir potestatem suæ carnis non habet, sed mulier. Idem: \*\*\*\*\* „Agathola latrix præsentium quæstæ „est virum suum contra voluntatem suam in monasterium esse convertum: quæ „pro-

(1) In edit. Nicolai: ubi non futura erat. (2) A. consueverunt.

EX EDIT. P. NICOLAI. \* Tom. I. Concil. part. 1. & refertur in Decret. causa xxvii. quæst. 17. cap. Desponsatum. \*\* Lib. VI. Epistolæ ad Indul. xv. epist. xx. & refertur in Decretis loc. cit. cap. Divina legalia. \*\*\* Hæc appendix a Gratiano addita est post cap. Scriptis nobis ex Nicolao Papa sumptum; sicut & quod sequitur de Alexio. Non autem Hieronymi est, sed aliorum trium, qui Macarii Romani vitam conscripserunt, sicut in vitis Patrum videre est. \*\*\*\* Lib. IX. Epistol. indic. 17. epist. xxxix. \*\*\*\*\* Eod. Lib. epist. xlv.

propter experientiae tuae praecipimus ut diligenti inquisitione discutas, ne forte eius voluntate conversus sit, vel ipsa mutare se promiserit. Et si hoc repereris, & illum in monasterio permansere provideas, & hanc, sicut promisit, mutare vitam compellas. Si vero nihil horum est, nec quondam fornicationis crimen, propter quod licet uxorem dimittere, praedictam mulierem commisisse cognoveris; ne illius conversio uxori reliqua in saeculo fieri possit perditionis occasio, volumus ut maritum suum illi, etiam si iam tonsuratus est, reddere debeas, omni excusatione cessante. Quia nisi fornicationis causa, virum uxorem dimittere nulla ratio conceditur. Postquam enim copulatione coniugii viri & mulieris unum corpus efficitur, non potest ex parte converti, & ex parte remanere in saeculo. Item ex VIII. Synodo: "Si quis coniugatus converti ad monasterium velit, non est recipiendus, nisi prius a coniuge castimoniam profitente fuerit absolutus. Tales ergo tunc culpa sequuntur. Christum relicto, saeculo, si habent ex pari voluntate castitatis consensum." Item. (1) "Si vir, & uxor divertere pro sola religiosa inter se consenserint, vita, nullatenus sine consensu Episcopi fiat, ut ab eo singulariter proviso constituatur loco. Nam uxore nolente, vel altero illorum, etiam pro tali re matrimonium non solvitur." Item Augustinus: (2) "Si abstinent sine uxoris voluntate, tribus ei fornicandi licentiam, & peccatum illius tunc imputabitur abstinentiae." Item Nicolaus Papa: (3) "Scripsit nobis (4) Thaberga Regina regia, se velle dignitate, vel copula exui, & sola vita privata esse contentam desiderare: cui scripsimus, non hoc aliter fieri posse, nisi eandem vitam, in eius locum tharius elegerit." Ex his patet quod coniugati sine communi consensu monasterium eligere, continentiam profiteri, vel habitum religionis sumere non valent: & si fecerint, revocari debent. Sponsi vero possunt sine communi consensu monasterium eligere. Unde videtur inter sponsum & sponsam coniugium non esse. Ideoque asserunt, a prima fide desponsationis coniuges appellari, non re praesentium, sed spon futurorum: quia, ex fide quam ex desponsatione sibi invicem debent, postea efficiuntur coniuges. Praemissas autem auctoritates, quibus asseritur quod consensus matrimonium facit, ita intelligi volunt, ut consensus, vel pactio coniugalis, non ante coitum faciat matrimonium, sed in coitu. Sicut enim desponsatio virginittatis non facit matrimonium, nisi praecedat pactio coniugalis; ita nec pactio coniugalis, antequam adsit copula carnalis. Ex pactio ergo coniugali sponsi, & sponsae fiunt ante coitum, in coitu vero efficiuntur coniuges. Facit enim pactio, coniugalis ut quae prius erat: sponsa, in coitu fiat coniux.

*Responsio ad praedicta cum determinatione superiorum.*

**H**is autem ita respondemus. Fit aliquando desponsatio ubi est compromissio viri & mulieris de contrahendo matrimonio; non est autem ibi consensus de praesenti: & est desponsatio habens consensum de praesenti, id est pactiorem coniugalem, quae sola facit coniugium. In illa ergo desponsatione ubi est pollicitatio contrahendi matrimonium, sponsi tantum, & sponsae fiunt, non coniuges; & talibus sponis licet sine communi consensu continentiam profiteri, & monasterium eligere. In ea vero desponsatione ubi est consensus de praesenti, coniugium contrahitur; & ab illis desponsationis prima fide veri coniuges appellantur. Secundum hanc distinctionem desponsationis de sponis varie loquuntur doctores.

(1) *Nicolaus*: in alia Synodo. Eugenii II. (2) *Idem*: de adulterinis coniugiis Lib. I. cap. xv. vel ex praefatis Chrysostomus hom. 1. in Psalm. l. (3) *Idem*: Catalo Reg. scribens. (4) *Idem*: Thaberga. EX. EDIT. P. NICOLAUS. \* Nec in vera & legitima modo exat, nec in ea etiam qua Photii, praedodysmodus appellatur. Ex Basilio antea in Regulis suis disputatis cap. xii, colligi potest, ut & causa, xxvii, quae. 11. cap. 61 quae appendix notat.



*Quomodo accipitur sponsa in subditis capitulis.*

**A**liquando enim sponsas vocant quæ talem habuerunt desponsationem ubi fuit pactio coniugalis de præsentī; & illæ vere coniuges sunt. Unde Gregorius ( & habetur in Decret. causa 11. cap. „ Si quis uxorem. “ ) „ Si quis uxorem desponsaverit, vel subarrhaverit, quamquam postmodum, præveniente die mortis eius, nequiverit eam ducere in uxorem; tamen nulli de consanguinitate eius licet accipere eam in coniugio; & si inventum fuerit, factum separatur omnino. “ Item Iulius Papa ( ibid. cap. „ Si quis desponsaverit. “ ) „ Si quis desponsaverit uxorem, & subarrhaverit, & vel præveniente die mortis, vel irruentibus quibusdam causis eam non cognoverit; nec frater eius, nec ullus de consanguinitate eius eandem sibi tollat in uxorem ullo umquam tempore. “ Item Gregorius \* ( ubi supra cap. Qui desponsatam. “ ) Qui desponsatam proximæ suæ puellam cepit in coniugio, anathema sit ipse, & omnes consentientes ei: quia secundum legem Dei mori decernitur. Nam divinæ legis mos est sponsas appellare coniuges, ut in Evangelio ( Matth. 1. 20. ) Accipe Mariam coniugem tuam: & in Deuteronomio ( cap. xxix. 25. ) Si quis alterius sponsam in agro, vel quolibet loco oppresserit, vel adduxerit in domum suam, moriatur: quia uxorem proximæ suæ violavit; non quæ iam uxor erat, sed quæ a parentibus uxor fieri debebat. “ Ex his colligitur quod sponsequædam coniuges sunt ante commixtionem sexuum. Sed forte illud movet quod in fine capituli dicitur: „ Non quæ iam uxor erat, sed quæ uxor fieri debebat. “ Quod non ita debet intelligi, quasi uxor vere non fuerit, ex quo pactio coniugalis intercessit; sed quia nondum traducta fuerat, nec res uxoria intercesserat, scilicet concubitus coniugalis.

*Quod aliter accipitur in his aliis capitulis sponsa.*

**H**ÆC etiam sponsa est quæ sic viro desponsata est ut non intercesserit consensus de præsentī, sed sponso futuri; secundumquem modum illud decretum \* intelligitur: „ Si quis sponsam filii oppresserit, & post filius eius eam duxerit; pater postea non habeat uxorem, nec mulier virum; filius qui patris facinus ignoravit, aliam ducat. “ Si coniux illa fuisset, quod utique foret, si in sponsalibus pactio coniugalis intercessisset, non permetteretur sponso aliam ducere. Mœchis autem poena non nubendi ex rigore infligitur, ut alii terreantur. Item ex eodem. \*\*\* „ Quisdam desponsavit uxorem, & dotavit, & cum ea coite non potuit, quam clanculose frater eius corrupit, & gravidam reddidit. Decretum est ut quamvis nupta non potuerit esse legitimo viro, desponsatam tamen fratri frater habere non possit; sed mœchus & mœcha fornicationis quidem vindictam sustineant, licita veto eis coniugia non negentur. “ De illa desponsatione hoc intelligi debet ubi non fuit consensus coniugalis de præsentī, alioquin non liceret eis alia sortiri coniugia. Secundum hoc etiam illud intelligi debet: \*\*\*\* „ Statutum est a sacro conventu ut si quis sponsam alterius rapuerit, publica poenitentia mulctetur, & sine spe coniugii maneat; & si ipsa eidem crimini consentiens non fuerit, licentia nubendi alteri non negetur. “ Apparet hanc fuisse desponsatam sine pactioe coniugali de præsentī; & ideo non fuisse coniugem, cui vivente sponso alteri nubendi licentia non negatur. Sunt enim quædam nuptialia pacta de futuro, ex quibus sponsi, & sponsæ vocantur, nec exinde coniuges sunt; & est pactio quædam coniugalis de præsentī, quæ

\* EXEDIT. P. NICOLAI. \* Mauritio Imperatori, sed nec apud Gregorium occurrit quod hic subiungitur, & in Decretis ubi supra, atque ex regulis consanguinitatis ab eo inituris. Alsemas refert. \*\* Concilii Triburienfis, ut habetur in Decretis causa xxvii. quæst. 11. cap. si quis. \*\*\* Triburienfis Concilio eadem causa xxvii. quæst. 11. cap. Quidam, immediate ante illud quod iam proxime relaxatum est. \*\*\*\* Quod in Decret. causa superpredicta, & eodem quæst. cap. Statutum est, velut ex Concilio Toletano refertur. sed in nullo Tolitano Conciliorum inventis appendix notat; haberi autem in Concilio Toletano, pro quo fortasse quidam iustitiam sibi voce perterritus Toletanum putavit reponendum. Habetur quoque Lib. 1. Capitulum Caroli Magni cap. 67.

quæ sponsum, & sponfam etiam coniuges facit: & utraque pactio desponsatio, vel (1) sponsalia interdum dicuntur; proprie tamen sponsalia dicuntur quædam solemnia pacta nuptialia.

*Quare non statim tradantur sponsa.*

**D**E nuptialibus pactis, ubi est tantum sponsio futuri, ait Augustinus: \*, „Insti-  
tutum est ut iam pactæ sponse non statim tradantur, ne vilem habeat ma-  
ritus datam, quam (2) non suspiravit sponsus dilatare.“

*Quæ sponsa sit vidua mortui sponso, & quæ non.*

**E**T est sciendum, quod illa sponsa quæ tantum in futuro est pacta, mortuo spon-  
so non remanet vidua, quia non fuerat vir eius: unde si quis eam duxerit,  
ad sacros ordines consecrari non prohibetur, quia non duxit viduam. Viduæ enim  
maritus æque sicut bigamus sacerdos fieri prohibetur. Ex tali autem copula nullus  
arceatur a sacris ordinibus.

*Qui alterius sponsam eo mortuo ducit, ad sacros ordines accedere potest.*

**S**ecundum hoc intelligendum est quod ait Pelagius Papa de illoqui, mortuo spon-  
so, eius sponsam ducit in uxorem. „Nihil est (inquit) quantum ad hunc ar-  
ticulum attinet, quod ei obviet de canonicis institutis,“ quin ad sacros ordines  
promoveri valeat. Si vero talis sponsa fuisset inter quam & sponsum eius consensus  
de præsentis intercessisset, eo mortuo vidua remansisset; cui copulatus in coniugio  
ulterius ad sacros ordines non accederet, cum viduam duxerit. Non est ergo ambi-  
gendum quin solus de præsentis consensus coniugium efficiat, & exinde veri coniu-  
ges appellentur. Ideo post talem consensum, si quis alii se copulaverit, etiam si car-  
nis commixtio illic sequatur, ad priorem copulam revocandus est.

#### DIVISIO TEXTUS.

**P**ostquam determinavit Magister de insti-  
tutione matrimonii, & significatione  
ipsius, hic incipit determinare de causis  
eius: & dividitur in partes duas. In prima  
de causis constitutivis matrimonium;  
in secunda de causis honestantibus ipsum, dis-  
tinct. xxxi. ibi, *Post hac de bonis coniugii, quæ sint, & qualiter eorum excusant, dicendum est.* Prima in duas. In prima de-  
terminat de causa efficiente matrimonium;  
in secunda de causa finali ipsius, circa fi-  
nem xxx. distinct. ibi, *Expositio quæ sit causa efficiens matrimonii, consequens est ostendere sub quam causam soleat, vel debeat contrahi matrimonium.* Prima in duas. In  
prima determinat de causa efficiente matri-  
monium. In secunda ponit impedimentum  
illius causæ, xxxix. distinct. ibi, *Oportet autem consensum conjugalem liberum esse a co-  
actione.* Prima in duas. In prima ostendit  
quod consensus facit matrimonium; in se-  
cunda ostendit qualem oporteat esse illum  
consensum, dist. xxviii. ibi, *Hic queri  
debet, utrum consensus de futuro, addito*

*etiam iuramento, coniugium efficiat.* Prima  
in duas. In prima, præmissio de quo est  
intentio, distinct. matrimonium, ut causa  
essendi proportionata sumatur. In secunda  
ostendit quæ sit causa matrimonii, ibi,  
*Efficiens autem causa matrimonii est consen-  
sus.* Et hæc dividitur in tres. In prima  
proponit quod intendit. In secunda probat  
propositum, ibi, *Quod autem consensus ma-  
trimonium faciat, subditis probatur testimo-  
niis.* In tertia excludit errorem, ibi, *Qui-  
dam tamen asserunt, verum coniugium non con-  
trahi ante traditionem, & carnalem consu-  
lam.* Et dividitur in partes duas. In pri-  
ma prosequitur partes erroris eorum; in  
secunda excludit eum, ibi, *Hic autem ita  
respondemus.* Circa primum tria facit. Pri-  
mo ponit opinionem illorum falsam. Se-  
cundo ponit probationem eius, ibi, *Quod  
vero inter sponsam & coniugem fluxum inter-  
sit, ex eo asstruunt &c.* Tertio ponit respon-  
sionem eorum ad probationem pro veritate  
inductam, ibi, *Premissas autem auctorita-  
tes . . . ita intelligi volunt.*

*Hic itaque respondemus.* Hic respondet ad  
probationem illorum positam, & circa hoc  
tria

(1) In edit. Nicolai deserv. falsa. (2) Al. deserv. non.

EA - DIST. XXVII. \* LIB. VIII. CONTRA. cap. 101.

tria facit. Primo ponit distinctionem quamdam, quae praedictae auctoritates solvuntur. Secundo probat illam distinctionem per diversas sanctorum auctoritates, ibi, *Aliquando enim sponsas vocant quae talem habuerunt desponsationem, ubi suis pactis coniugalibus de presenti*. Tertio probat eam per rationes, ibi, *Et sciendum est, quod illa sponsa quae tantum in futuro est posita, mortuo sponso non remanet vidua*.

## QUAESTIO I.

**H**ic est triplex quaestio. Prima de matrimonio. Secunda de sponsalibus. Tertia de bigamia.

Circa primum quaeruntur tria.

Primo. Quid sit matrimonium.

Secundo. Utrum consensus sit causa matrimonii.

Tertio. Utrum matrimonium possit solvi per religionis ingressum.

## ARTICULUS I.

*Utrum matrimonium sit in genere coniunctionis.*

**1.** **A**D primum sic proceditur. Videtur quod matrimonium non sit in genere coniunctionis. Quia vinculum quo aliqua ligantur, differt a coniunctione ipsa sicut causa ab effectu. Sed matrimonium est vinculum quoddam quo matrimonio iuncti ligantur. Ergo non est in genere coniunctionis.

**2.** Præterea. Omne sacramentum est sensibile signum. Sed nulla relatio est accedens sensibile. Ergo matrimonium, cum sit sacramentum, non erit in genere relationis, & ita nec in genere coniunctionis.

**3.** Præterea. Coniunctio est relatio æquiparantia, sicut æqualitas. Sed non est una numero æqualitatis relatio in utroque extremorum, ut Avicenna dicit. Ergo nec una coniunctio; & sic si matrimonium est in genere coniunctionis, non erit unum tantum matrimonium inter duos coniuges.

Sed contra. Relatio est secundum quam aliqua ad invicem referuntur. Sed secundum matrimonium aliqua ad invicem referuntur: dicitur enim maritus vir uxoris, & uxor mariti uxor. Ergo matrimonium est in genere relationis, nec est aliud quam coniunctio.

*S. Tb. Oper. Tom. XIII.*

Præterea. Unio duorum ad aliquod unum non fit nisi secundum coniunctionem. Hoc autem fit per matrimonium, ut pater Genes. 11. 24. *Erunt duo in carne una*. Ergo matrimonium est in genere coniunctionis.

## QUAESTIUNCULA II.

**1.** Ulterius. Videtur quod matrimonium incongrue nominetur. Quia denominatio debet fieri a digniori. Sed pater dignior est matre. Ergo magis debet denominari a patre quam a matre coniunctio utriusque.

**2.** Præterea. Res debet denominari ab eo quod est de essentia sua, quia ratio quam significat nomen, est diffusio, ut dicitur in 14. Metaph. Sed nuptia non sunt de essentia matrimonii. Ergo non debet matrimonium nuptia appellari.

**3.** Præterea. Species non potest proprio nomine nominari ab eo quod est generis. Sed coniunctio est genus ad matrimonium. Ergo non proprie potest coniugium nominari.

Sed contrarium est communis usus loquentium.

## QUAESTIUNCULA III.

**1.** Ulterius. Videtur quod inconvenienter diffiniatur in littera. Quia in mariti definitione oportet quod matrimonium ponatur: quia maritus est qui est mulieri matrimonio iunctus. Sed ipse ponit matrimonialem coniunctionem in definitione matrimonii. Ergo videtur quod sit circulatio in definitionibus istis.

**2.** Præterea. Per matrimonium sicut vir efficitur maritus mulieris, ita mulier uxor viri. Ergo non magis deberet dici coniunctio maritalis quam uxoria.

**3.** Præterea. Consuetudo ad genus moris pertinet. Sed frequenter matrimonio iuncti sunt valde moribus diversi. Ergo non debet poni in definitione matrimonii: *Individuum vita consuetudinem retinens*.

**4.** Præterea. Inveniuntur aliz definitiones de matrimonio datæ. Quia secundum Hugonem (Lib. II. de sacram. part. xi. cap. iv.) matrimonium est *duarum idonearum personarum legitimus de coniunctione consensus*. Secundum quosdam autem matrimonium est *consortium* (a) *communis vite*, & *communicatio divini*, & *humani iuris*. Et quaeritur qualiter hæc definitiones differant.

L

S O.

## SOLUTIO I.

Respondeo dicendum ad primam questionem, quod coniunctio adunationem quamdam importat: unde ubicumque est adunatio aliquorum, ibi est aliqua coniunctio. Ea autem quae ordinantur ad aliquod unum, dicuntur in ordine ad aliud adunari, sicut multi homines adunantur ad unam militiam, vel negotiationem exequendam, ex qua dicuntur commilitones ad invicem, vel socii negotiationis: & ideo cum per matrimonium ordinentur aliqui ad unam generationem, & educationem proles, & iterum ad unam vitam domesticam, constat quod in matrimonio est aliqua coniunctio, secundum quam dicitur maritus, & uxor; & talis coniunctio ex hoc quod ordinatur ad aliquod unum, est matrimonium; coniunctio autem corporum, vel animotum ad matrimonium consequitur.

Ad primum ergo dicendum, quod matrimonium est vinculum quo ligantur formaliter, non effective: & ideo non oportet quod sit aliud a coniunctione.

Ad secundum dicendum, quod quamvis ipsa relatio non sit sensibile accedens, tamen causae eius possunt esse sensibiles: nec in sacramento requiritur quod sit sensibile id quod est res, & sacramentum (hoc enim modo se habet in hoc sacramento praedicta coniunctio) sed verba exprimentia consensum, quae sunt sacramentum tantum, & causa praedictae coniunctionis, sunt sensibilia.

Ad tertium dicendum, quod relatio fundatur in aliquo, sicut in causa, ut similitudo in qualitate; & in aliquo, sicut in subiecto, ut in ipsis similibus: & ex utraque parte potest attendi unitas, & diversitas ipsius. Quia ergo in similitudine non est eadem qualitas numero, sed specie in utroque simili, & iterum subiecta similitudinis sunt duo numero, & similiter est de aequalitate; ideo & aequalitas, & similitudo omnibus modis est alia numero in utroque similibus, & aequalium. Sed relatio quae est matrimonium, ex una parte habet unitatem in utroque extremo, scilicet ex parte causae, quia ad eandem numero generationem ordinatur; sed ex parte subiecti habet diversitatem secundum numerum: & ideo haec relatio est una, & multiplex; & secundum quod est multiplex ex parte subiecti, significatur his nominibus *uxor*, & *maritus*; secundum autem quod est una, significatur hoc nomine *matrimonium*.

## SOLUTIO II.

Ad secundam questionem dicendum, quod in matrimonio est tria considerare. Primo essentiam ipsius, quae est coniunctio; & secundum hoc nominatur coniugium. Secundo causam eius, quae est desponsatio; & secundum hoc vocatur nuptiae *nubere*, quia in ipsa solemnitate desponsationis quia matrimonium perficitur, capita nubentium velantur. Tertio effectum, qui est proles; & sic dicitur matrimonium, ut Augustinus dicit contra Faustum (Lib. XIX. cap. xxvi.) ob hoc quod mulier non debet ad aliud nubere, nisi ut sit mater. Potest etiam dici matrimonium, quasi matris munium, id est officium: quia feminis maxime incumbit officium educandae proles. Vel dicitur matrimonium, quasi matrem muniens: quia iam habet quo defendatur, & muniatur, scilicet virum. Vel dicitur matrimonium, quasi matrem monens, ne virum relinquat, alteri adhærere. Vel dicitur matrimonium, quasi materia unius, quia in eo fit coniunctio ad unam prolem materialiter inducendam, ut dicatur matrimonium a monos, & materia. Vel dicitur matrimonium, ut Isidorus (Lib. IX. etym. cap. vii.) dicit a matre, & nato: quia per matrimonium efficitur aliqua mater nati.

Ad primum ergo dicendum, quod quamvis pater sit dignior quam mater, tamen circa prolem magis officiosa est mater quam pater. Vel ideo quia mulier ad hoc principaliter facta est ut sit homini in adiutorium proles; non autem vir propter hoc factus est: unde magis pertinet ad rationem matrimonii mater quam pater.

Ad secundum dicendum, quod aliquando essentialia cognoscuntur per accidentalia; & ideo etiam per accidentalia aliqua nominari possunt, cum nomen detur causa rei innotescendae.

Ad tertium dicendum, quod aliquando species nominatur ab eo quod est generis propter imperfectionem speciei, quando scilicet habet complete generis rationem, nec tamen aliquid addit quod ad dignitatem pertineat, sicut proprium accidentale retinet nomen proprii communis. Aliquando autem propter perfectionem, quando in una specie complete invenitur ratio generis, & non in alia; sicut animal denominatur ab anima, quae competit animato corpori, quod est genus animalis; sed animatio non invenitur perfecte in animatis quae non sunt animalia: & similiter est in proposito: quia coniunctio viri ad mulierem per matrimonium

nium est maxima, cum sit & animarum, & corporum; & ideo coniugium nominatur.

## SOLUTIO III.

Ad tertiam questionem dicendum, quod, sicut supra dictum est, in matrimonio tria possunt considerari, scilicet causa ipsius, & essentia eius, & effectus; & secundum hoc tres definitiones inveniuntur de matrimonio datæ. Nam definitio Hugonis tangit causam, scilicet consensum; & per se non est. Diffinitio autem in littera posita tangit essentiam matrimonii, scilicet coniunctionem, & addit determinatum subiectum in hoc quod dicit, *Inter legitimas personas*. Ponit etiam differentiam contrahentem ad speciem in hoc quod dicit, *Maritalis*: quia cum matrimonium sit coniunctio in ordine ad aliquod unum, talis coniunctio in speciem trahitur per illud ad quod ordinatur; & hoc est quod ad maritum pertinet. Ponit etiam virtutem huius coniunctionis, quia indissolubilis est in hoc quod dicit: *Individuam vitam consuetudinem retinent*. Sed alia definitio tangit effectum ad quem ordinatur matrimonium, (a) scilicet vitam communem in rebus domesticis. Et quia omnis communicatio aliqua lege ordinatur, ideo ponitur ordinarium istius communionis, scilicet ius divinum, & humanum: alia enim communicationes, ut oregoniorum, & commilitantium, solo iure humano institutæ sunt.

Ad primum ergo dicendum, quod priora aliquando, ex quibus debet dari definitio, non sunt nominata: & ideo in diffinitione aliquorum ponuntur aliqua posteriora simpliciter, quæ sunt priora quo ad nos, sicut in diffinitione qualitaris ponitur quales a Philosopho cum dicit (Lib. prædicamentorum cap. de quantitate) *Qualitas est secundum quam quales dicuntur*: & ita etiam hic in diffinitione matrimonii ponitur coniunctio maritalis, ut sit sensus, quod matrimonium est coniunctio ad ea quæ mariti officium requirit, quæ non poterant uno nominari nomine.

Ad secundum dicendum, quod per hanc differentiam tangitur finis coniunctionis, ut dictum est: & quia, ut dicit Apostolus (I. Corinth. vii.) vir non est propter mulierem, sed mulier propter virum; ideo hæc differentia potius debet sumi a viro quam a muliere.

Ad tertium dicendum, quod sicut vita civilis non importat actum singularem huius

vel illius, sed ea quæ ad communicationem civilem pertinent; ita vita coniugalitatis nihil est aliud quam conversatio ad communicationem talem pertinens: & ideo quantum ad hanc vitam semper consuetudo est individua, quamvis sit diversa quantum ad actus singulares utriusque.

Ad quartum patet solutio ex dictis.

## ARTICULUS II.

*Utrum consensus sit causa efficiens matrimonii.*

1. **A**D secundum sic proceditur. Videtur quod consensus non sit causa efficiens matrimonii. Sacramenta enim non sunt a voluntate humana, sed ab institutione divina. Sed consensus ad voluntatem pertinet. Ergo non est causa matrimonii, sicut nec aliorum sacramentorum.

2. Præterea. Idem non est causa sui ipsius. Sed matrimonium nihil aliud videtur esse quam consensus: quia consensus ipse significat coniunctionem Christi ad Ecclesiam. Ergo non est causa matrimonii.

3. Præterea. Unus debet esse una causa. Sed matrimonium inter duos est unum, ut dictum est: consensus autem duorum sunt diversi, quia diversorum sunt etiam in diversa: ab una enim parte est consensus in virum, ex alia in uxorem. Ergo mutui consensus non est causa matrimonii.

Sed contra est quod Chrysostomus dicit (Auctor oper. imperf. & refertur in Decr. dist. xvi. quæst. xi. cap. *Matrimonium*): *Matrimonium non facit coitus, sed voluntas*.

Præterea. Unus non accipit potestatem in eo quod est libere alterius, nisi per eius consensum. Sed per matrimonium accipit uterque coniugum potestatem in corpus alterius, ut patet I. Corinth. vii. cum prius uterque sui corporis liberam potestatem haberet. Ergo consensus facit matrimonium.

## QUAESTIUNCULA II.

1. **U**lterius. Videtur quod non oporteat consensum per verba exprimi. Quia sicut per matrimonium redigitur homo in potestatem alterius, ita per votum. Sed votum obligat quo ad Deum, etiam si non exprimitur verbis. Ergo & consensus facit matrimonii obligationem etiam sine expressione verborum.

2. Præterea. Matrimonium potest esse inter aliquos qui suum consensum sibi mutuo

(a) scilicet vita communis.

verbis exprime non possunt: quia vel sunt enuti, vel diversarum linguarum. Ergo expressio consensus per verba non requiritur ad matrimonium.

3. Præterea. Si omittatur illud quod est de necessitate sacramenti quacumque ex causa, non est sacramentum. Sed in aliquo casu est matrimonium sine expressione verborum, sicut quando puella tacet præ verecundia parentibus eam viro tradentibus. Ergo expressio verborum non est de necessitate matrimonii.

Sed contra. Matrimonium est sacramentum quoddam. Sed in omni sacramento requiritur aliquod sensibile signum. Ergo & in matrimonio; & ita oportet ibi saltem esse verba exprimentia consensum sensibilibiter.

Præterea. In matrimonio fit contractus inter virum & mulierem. Sed in quolibet contractu oportet esse expressionem verborum, quibus se mutuo homines obligent. Ergo in matrimonio oportet esse consensum per verba expressum.

### QUAESTIUNCULA III.

1. Uterius. Videtur quod consensus expressus per verba de futuro, matrimonium faciat. Quia sicut se habet præsens ad præsens, ita futurum ad futurum. Sed consensus per verba de præsentibus facit matrimonium in præsentibus. Ergo consensus expressus per verba de futuro facit matrimonium in futuro.

2. Præterea. Sicut in matrimonio fit quædam obligatio per verba exprimentia consensum, ita & in aliis civilibus contractibus. Sed in aliis contractibus non differt utrum per verba de præsentibus, vel de futuro obligatio fiat. Ergo nec in matrimonio differt.

3. Præterea. Per votum religionis homo contrahit matrimonium spirituale cum Deo. Sed votum religionis fit per verba de futuro, & obligat. Ergo similiter potest fieri matrimonium per verba de futuro.

Sed contra est, quia ille qui consentit in aliquam per verba de futuro, & postea cum alia per verba de præsentibus, debet secundum iura habere secundum pro uxore. Sed hoc non est, si consensus per verba de futuro faceret matrimonium: quia ex quo verum est matrimonium cum una, ea vivente non potest contrahi cum alia. Ergo consensus per verba de futuro non facit matrimonium.

Præterea. Qui promittit se aliquid tracturum, nondum facit illud. Sed qui consentit per verba de futuro, promittit se cum a-

liqua tractaturum matrimonium. Ergo non contrahit adhuc cum illa.

### QUAESTIUNCULA IV.

1. Uterius. Videtur quod consensus expressus per verba, etiam si desit interior consensus, facit matrimonium. Quia fraus & dolus nemini debet patrocinari, secundum iura. Sed ille qui verbis consensum exprimit quem corde non habet, dolum committit. Ergo non debet sibi patrocinari, ut ab obligatione matrimonii liber reddatur.

2. Præterea. Assensus mentalis alterius non potest esse alicui notus, nisi quatenus per verba exprimitur. Si ergo expressio verborum non sufficit, sed consensus interior requiritur in utroque coniugum, tunc neuter poterit scire de altero, an sit ei verus coniugus; & ita erit fornicator quodcumque matrimonio utetur.

3. Præterea. Si aliquis probatur per verba de præsentibus in aliquam consensisse, cogitur per excommunicationis sententiam ut eam habeat in uxorem, quamvis dicat consensum mentalem defuisse; etiam si postea cum alia contraxerit consensu mentali verbis expresso. Sed hoc non esset, si requireretur consensus mentalis ad matrimonium. Ergo non requiritur.

Sed contra est quod Innocentius III. dicit in Decret. (extra de sponsal. & matrimo. cap. *Tua nos in fine*) in isto casu loquens: *Sive consensu nequeunt cetera sedus perficere coniugale*.

Præterea. Intentio requiritur in omnibus sacramentis. Sed ille qui corde non consentit, non habet intentionem matrimonium contrahendi. Ergo non fit matrimonium.

### SOLUTIO.

Respondeo dicendum ad primam questionem, quod in omnibus sacramentis est aliqua spiritualis operatio. mediante materiali operatione quæ eam significat; sicut per ablutionem corporalem in baptismo fit ablutio interior spiritualis: unde cum in matrimonio fit quædam spiritualis coniunctio, inquantum matrimonium est sacramentum, & aliqua materialis, secundum quod est in officium naturæ, & civilis vitæ; oportet quod mediante materiali fiat spiritualis virtute divina: unde cum coniunctiones materialium contractuum fiant per mutuum consensum, oportet quod hoc modo etiam fiat matrimonialis coniunctio.

Ad primum ergo dicendum, quod sacramentorum prima causa est divina virtus, quæ

## SOLUTIO III.

quæ in eis operatur salutem; sed causæ secundæ instrumentales sunt materiales operationes ex divina institutione efficaciam habentes; & sic consensus in matrimonio est causa.

Ad secundum dicendum, quod matrimonium non est ipse consensus, sed quædam unio ordinatorum ad invicem, ut dictum est, quam consensus facit: nec consensus, proprie loquendo, coniunctionem Christi ad Ecclesiam significat, sed voluntatem eius quæ factum est ut Ecclesie coniungeretur.

Ad tertium dicendum, quod sicut matrimonium est unum ex parte eius in quod fit coniunctio, quamvis sit multiplex ex parte coniunctorum; ita etiam consensus est unus ex parte eius in quod consentitur, scilicet prædictæ coniunctionis, quamvis sit multiplex ex parte consentientium: nec est directus consensus in virum, sed in coniunctionem ad virum ex parte uxoris, & similiter ex parte viri consensus in coniunctionem ad uxorem.

## SOLUTIO II.

Ad secundam questionem dicendum, quod, sicut ex dictis patet, coniunctio matrimonialis fit ad modum obligationis in contractibus materialibus. Et quia materiales contractus non possunt fieri nisi sibi invicem voluntatem suam verbis promant qui contrahunt, ideo etiam oportet quod consensus matrimonium faciens verbis exprimat, ut expressio verborum se habeat ad matrimonium sicut ablutio exterior ad baptismum.

Ad primum ergo dicendum, quod in voto non est aliqua sacramentalis obligatio, sed spiritualis tantum: & ideo non oportet quod fiat ad modum materialium contractuum ad hoc quod obliget, sicut est de matrimonio.

Ad secundum dicendum, quod quamvis non possint vtræ suæ mutuo verbis tales exprimere, possunt tamen exprimere nutibus; & tales nutus pro verbis computantur.

Ad tertium dicendum, quod sicut dicit Hugo de Sancto Vict. (ubi supra) eos qui coniunguntur, sic oportet consentire ut invicem se spontanee recipiant; quod indicatur fieri, si in desponsatione non contradicant: unde verba parentum computantur in casu illo ac si essent puellæ: sunt enim sufficiens signum quod sunt eius ex quo non contradicunt.

Ad tertiam questionem dicendum, quod causæ sacramentales significando efficiunt, unde efficiunt quod significant: & quia cum aliquis consensum suum per verba de futuro exprimit, non significat se facere matrimonium, sed promittit se facturum; ideo talis expressio consensus non facit matrimonium, sed dispositionem eius, quæ sponsalia nominantur.

Ad primum ergo dicendum, quod consensus exprimitur per verba de præsentibus, & verba sunt præsentia, & in præsens consentitur pro eodem tempore. Sed quando consensus fit per verba de futuro, verba sunt præsentia, sed consentitur in futurum: & ideo non pro eodem tempore: & propter hoc non est simile.

Ad secundum dicendum, quod etiam in aliis contractibus qui verbis futuris utitur, non transfert potestatem rei suæ in alterum, ut si dicat, Dabo tibi; sed solum quando verbis præsentibus utitur.

Ad tertium dicendum, quod in voto professionis actus spiritualis matrimonii per verba de futuro exprimitur, scilicet obedientia, vel observantia regulæ, & non ipsum matrimonium spirituale. Si autem matrimonium spirituale in futuro voveatur, non est votum spirituale: quia nondum ex hoc aliquis est monachus; sed se futurum monachum pollicetur.

## SOLUTIO IV.

Ad quartam questionem dicendum, quod sicut se habet ablutio exterior ad baptismum, ita se habet expressio verborum ad hoc sacramentum, ut dictum est. Unde sicut si aliquis ablationem exteriorem reciperet non intendens accipere sacramentum, sed ludum, & dolus facere, non esset baptizatus; ita expressio verborum sine interiori consensu matrimonium non facit.

Ad primum ergo dicendum, quod ibi sunt duo, scilicet defectus consensus, qui sibi patrocinator in foro conscientie, ut non astringatur vinculo matrimonii, quamvis non in foro Ecclesie, in quo iudicatur secundum allegata; & dolus verborum, & hic non patrocinator nec in foro penitentiae, nec in foro Ecclesie, quia in utroque pro hoc puniuntur.

Ad secundum dicendum, quod si desit consensus mentalis ex parte unius, ex neutra parte est matrimonium: quia matrimonium consistit in mutua coniunctione, ut dictum est.

est. Tamen probabiliter potest credi dolus non esse, nisi signa evidentia doli appareant; quia de quolibet est presumendum bonum, nisi probetur contrarium: unde ille ex cuius parte dolus non est, a peccato excusatur per ignorantiam.

Ad tertium dicendum, quod in tali casu Ecclesia compellit eum ad standum cum prima uxore, quia iudicat secundum ea quæ foris apparent; nec decipitur in iustitia, quamvis decipiat in facto. Sed ille debet potius excommunicationem sustinere quam ad primam uxorem accedere; vel debet in alias regiones remotas fugere.

### ARTICULUS. III.

*Utrum alter coniugum, etiam post carnalem copulam, possit altero invito ad religionem transire.*

**A**D tertium sic proceditur. Videtur quod alter coniugum, etiam post carnalem copulam, possit altero invito ad religionem transire. Quia lex divina magis debet spiritualibus favere quam lex humana. Sed lex humana hoc permisit. Ergo multo fortius lex divina permittere debuit.

**2.** Præterea. Minus bonum non impedit maius bonum. Sed matrimonii status est minus bonum quam status religionis, ut patet I. Corinth. vii. Ergo per matrimonium non debet homo impediri quin possit ad religionem transire.

**3.** Præterea. In qualibet religione fit quoddam spirituale matrimonium. Sed licet de leviori religione ad arctiorem transire. Ergo & licet de matrimonio leviori, scilicet carnali, ad arctius, scilicet matrimonium religionis, transire, etiam invita uxore.

Sed contra est quod dicitur I. Corinth. vii. ut nec etiam ad tempus vacent orationi coniuges sine mutuo consensu a matrimonio abstinentes.

Præterea. Nullus potest facere licite quod est in præiudicium alterius sine eius voluntate. Sed vorum religionis emissum ab uno coniugum est in præiudicium alterius: quia unus habet potestatem corporis alterius. Ergo unus sine consensu alterius non potest votum religionis emittere.

### QAESTIUNCULA II.

**1.** Ulterius. Videtur quod nec etiam ante carnalem copulam. Indivisibilitas enim matrimonii pertinet ad matrimonii sacramen-

tum, in quantum scilicet significat perpetuam coniunctionem Christi ad Ecclesiam. Sed ante carnalem copulam post consensum per verba de præsentia expressum, est verum matrimonii sacramentum. Ergo non potest fieri divisio per hoc quod alter ad religionem intrat.

**2.** Præterea. In ipso consensu per verba de præsentia expresso unus coniugum in alterum potestatem sui corporis transfert. Ergo statim potest exigere debitum, & alter tenetur reddere; & ita nec potest unus invito altero ad religionem transire.

**3.** Præterea. Matth. xix. 6. *Quod Deus coniunxit, homo non separat.* Sed coniunctio quæ est ante carnalem copulam, divinitus facta est. Ergo non potest separari humana voluntate.

Sed contra est quod secundum Hieronymum (alium Auctorem in prologo super Ioannem) Dominus Ioannem vocavit de nuptiis.

### QAESTIUNCULA III.

**1.** Ulterius. Videtur quod mulier non possit nubere alteri, viro ante carnalem copulam religionem ingressu. Quia illud quod cum matrimonio stare potest, non solvit matrimoniale vinculum. Sed adhuc manet matrimoniale vinculum inter eos qui pari voto religionem intrant. Ergo ex hoc quod unus intrat religionem, alter non absolvitur a vinculo matrimoniali. Sed quomodo manet vinculum matrimoniale ad unum, non potest nubere alteri. Ergo &c.

**2.** Præterea. Vir post ingressum religionis potest ante professionem redire ad sæculum. Si ergo mulier posset alteri nubere, viro intrante religionem, & ipse posset aliam ducere rediens ad sæculum; quod est absurdum.

**3.** Præterea. Per Decretalem novam (Lib. VI. tit. *De Regularibus*, cap. *Non solum*) professio ante annum emissam pro nulla reputatur. Ergo si post talem professionem ad uxorem redeat, tenetur eum recipere: ergo neque per introitum viri in religionem, neque per votum datur mulieri potestas nubendi alteri: alias una mulier haberet duos viros.

Sed contra. Nullus potest alterum obligare ad ea quæ sunt perfectionis. Sed continentia est de his quæ ad perfectionem pertinent. Ergo mulier non ardetur ad continentiam ex hoc quod vir ad religionem ingreditur; & sic potest nubere.



## SOLUTIO I.

Respondeo dicendum ad primam questionem, quod nullus potest facere (a) oblationem Deo de alieno: unde cum per matrimonium consummatum iam sit corpus viri factum uxoris, non potest absque consensu ipsius Deo ipsum offerre per continentiae votum.

Ad primum ergo dicendum, quod lex humana considerabat matrimonium solum in quantum est in officium; sed lex divina secundum quod est sacramentum, ex quo habet omnimodam indivisibilitatem: & ideo non est simile.

Ad secundum dicendum, quod non est inconueniens maius bonum impediri per minus bonum quod habet contrarietatem ad ipsum, sicut etiam bonum per malum impeditur.

Ad tertium dicendum, quod in qualibet religione contrahitur matrimonium ad unam personam, scilicet Christum, cui quantum ad plura obligatur aliquis in una religione quam in alia; sed matrimonium materiale, & religionis non sunt ad unam personam; & ideo non est simile.

## SOLUTIO II.

Ad secundam questionem dicendum, quod ante carnalem copulam est inter coniuges tantum spirituale vinculum, sed post est inter eos etiam vinculum carnale: & ideo sicut post carnalem copulam matrimonium soluitur per mortem carnalem, ita per ingressum religionis ante carnalem copulam soluitur: quia religio est mors quaedam spiritualis, qua aliquis saeculo moriens, vivit Deo.

Ad primum ergo dicendum, quod matrimonium ante carnalem copulam significat illam coniunctionem quae est Christi ad animam per gratiam, quae quidem soluitur per dispositionem spirituales contrariam, scilicet peccatum; sed per carnalem copulam significat coniunctionem ad Ecclesiam quantum ad assumptionem humanae naturae in unitatem personae, quae omnino est indivisibilis.

Ad secundum dicendum, quod ante carnalem copulam non est omnino translatum corpus unius sub potestate alterius, sed sub conditione, si interea alter coniugum ad frugem melioris vitae non conuollet; sed per carnalem copulam completur dicta translatio, quia tunc intrat uterque in corporalem

possessionem sibi tradita potestatis: unde etiam ante carnalem copulam non statim tenetur reddere debitum post matrimonium contractum per verba de praesenti, sed datur ei tempus duorum mensium propter tria. Primo ut interim possit deliberare de transigendo ad religionem. Secundo ut praeparentur quae sunt necessaria ad solemnitatem nuptiarum. Tertio ne vilem habeat maritus datam quam non suspiravit dilaram.

Ad tertium dicendum, quod coniunctio matrimonialis ante carnalem copulam est quid imperfectum quantum ad esse primum, ut supra dictum est, sed non consummata quantum ad actum secundum, qui est operatio: & similiter possessioni corporali, & ideo nec omnimodam indivisibilitatem habet.

## SOLUTIO III.

Ad tertiam questionem dicendum, quod sicut corporalis mors viri hoc modo vinculum matrimoniale solvit ut mulier nubat cui vult, secundum Apostoli sententiam; ita etiam post mortem spirituales viri per religionis ingressum poterit cui voluerit nubere.

Ad primum ergo dicendum, quod quando uterque pari voto continentiam vovet, tunc neuter coniugali vinculo abrenuntiat, & ideo adhuc manet; sed quando unus tantum vovet, tunc, quantum est in se, abrenuntiat vinculo coniugali; & ideo alter absoluitur a vinculo illo.

Ad secundum dicendum, quod non intelligitur mortuus saeculo per religionis ingressum, quousque professionem emisit; & ideo usque ad tempus illud tenetur eum uxor sua expectare.

Ad tertium dicendum, quod de professione sic emissa ante tempus determinatum a iure, est idem iudicium quod de voto simplex: unde sicut post votum simplex viri mulier ei reddere debitum non tenetur, tamen ipsa non haberet potestatem alteri nubere; ita & hic.

## QUAESTIO II.

**D**einde queritur de sponsalibus: & circa hoc queruntur tria.

Primo. Quid sint sponsalia.

Secundo. Qui possunt sponsalia contrahere.

Tertio. Utrum sponsalia dirimi possint.

(a) In edictis obligationem.

## ARTICULUS I.

*Utrum sponsalia convenienter dicantur futurarum nuptiarum promissio.*

1. **A**D primum sic proceditur. Videtur quod sponsalia non convenienter dicantur futurarum nuptiarum promissio, ut habetur ex verbis Nicolai Papæ (1. in Decretis causa xxx. quest. v. cap. *Noftrates.*) Quia, sicut dicit Ildorus (Lib. IX. etym. cap. vii.) est aliquis sponsus, non quia promittit, sed quia spondet, & sponsores dat. Sed a sponsalibus dicitur aliquis sponsus. Ergo male dicitur promissio.

2. Præterea. Quicumque promittit aliquid, debet compelli ad solvendum. Sed illi qui sponsalia contrahunt, non compelluntur per Ecclesiam ad matrimonium contrahendum. Ergo sponsalia non sunt promissio.

3. Præterea. In sponsalibus non est quandoque sola promissio, sed additur iuramentum, & aliquæ arrhæ. Ergo videtur quod non debuerint solum per promissionem dissolvi.

4. Præterea. Matrimonia debent esse libera, & absoluta. Sed sponsalia quandoque sunt sub conditione etiam accipiendæ pecuniæ. Ergo non convenienter dicuntur promissio nuptiarum.

5. Præterea. Promissio quæ est de rebus futuris, vituperatur Iacob. iv. Sed circa sacramentum non debet aliquid esse vituperabile. Ergo nec debet fieri promissio futurarum nuptiarum.

6. Præterea. Nullus dicitur sponsus nisi a sponsalibus. Sed aliquis dicitur sponsus ex præsentibus nuptiis, ut in littera dicitur. Ergo sponsalia non semper sunt futurarum nuptiarum promissio.

## SOLUTIO.

Respondetur dicendum, quod, sicut supra dictum est, consensus in conjugalem copulam per verba de futuro non facit matrimonium, sed matrimonii promissionem: & hæc promissio dicitur sponsalia a spondendo, ut Ildorus dicit (ubi supra.) Nam ante usum tabularum matrimonii cautiones dabant, quibus spondebant se invicem consentire (a) in iura matrimonii, & fideiussores dabant. Fir autem ista promissio dupliciter, scilicet absolute, & sub conditione. Absolute quatuor modis. Primo nuda promissione, ut cum dicitur, Accipiam te in meam; & e contrario. Secundo datis arrhis sponsalibus,

ut pecunia, vel huiusmodi. Tertio annuli subarrhatione. Quarto interveniente iuramento. Si autem fiat dicta promissio sub conditione, distinguendum est: quia aut est conditio honesta, ut cum dicitur, Accipiam te, si parentibus placet; & tunc stante conditione stat promissio, & non stante non stat: aut est inhonesta, & hoc dupliciter: quia aut est contraria bonis matrimonii, ut si dicam, Accipiam te, si venena sterilitatis procures; & tunc non contrahuntur sponsalia: aut non est contraria bonis matrimonii, ut si dicam, Accipiam te, si fortis meis consentias; & tunc stat promissio, sed tollenda est conditio.

Ad primum ergo dicendum, quod, ipsa sponsalia, & sponsoium datio est promissionis confirmatio: & ideo (b) ab hoc denominatur quasi a perfectiori.

Ad secundum dicendum, quod ex tali promissione obligatur unus alii ad matrimonium contrahendum; & peccat mortaliter non solvens promissum, nisi legitimum impedimentum interveniat: & secundum hoc etiam Ecclesia cogit iniungendo penitentiam pro peccato. Tamen in foro contentioso non compellitur: quia matrimonia coacta consueverunt malos exitus habere: nisi forte iuramentum intervenit: quia tunc cogendum est, ut quidam dicunt; quamvis aliis non videatur propter causam prædictam, præcipue si de uxoricidio timeretur.

Ad tertium dicendum, quod illa addita non sunt nisi ad confirmandam promissionem: unde non sunt aliud quam promissio.

Ad quartum dicendum, quod conditio illa quæ apponitur, non tollit matrimonii libertatem: quia si est inhonesta, debet abici; si autem honesta, aut de bonis simpliciter, ut si dicatur, Accipiam te, si placet parentibus; & hæc conditio non tollit libertatem sponsalium, sed augeat ei honestatem: aut est de utilibus, ut si dicatur, Contraham tecum, si dabis mihi centum; & tunc hoc non ponitur quasi ad vendendum consensum matrimonii, sed intelligitur ut promissio dotis: unde matrimonium libertatem non perdit. Quandoque autem apponitur conditio pecuniæ per modum pænæ; & tunc quia matrimonia debent esse libera, talis conditio non stat, nec potest exigi pænna illa ab eo qui non vult matrimonium complere.

Ad quintum dicendum, quod Iacobus non intendit prohibere quod omnino aliquis nul-

(a) *Id.* in iure matrimonii. (b) *Id.* ad hoc denominatur.

Iam promissionem de futuris faciat, sed quod (a) non promittat quasi fiduciam habens de vita sua: unde docet quod debet apponi conditio, Si Deus voluerit; quæ etiam si verbis non exprimitur, corde debet intelligi.

Ad sextum dicendum, quod in matrimonio potest considerari ipsa coniunctio matrimonialis, & actus eius: & a sponsione primi in futurum dicitur sponsus a sponalibus contractis per verba de futuro; & a sponsione secundæ dicitur aliquis sponsus etiam quando contractum est matrimonium per verba de presenti, quia ex hoc ipso spondet matrimonii actum. Tamen a prima sponsione dicuntur sponsalia proprie, quæ sunt quedam sacramentalia matrimonii, sicut exorcismus baptismi.

## ARTICULUS II.

*Utrum tempus septennii sit competenter assignatum sponalibus contrahendis.*

1. **A**D secundum sic proceditur. Videtur quod tempus septennii non sit competenter assignatum sponalibus contrahendis. Contractus enim qui per alios fieri potest, non requirit discretionem in illis ad quos pertinet. Sed sponsalia fieri possunt per parentes utroque illorum ignorantem quorum sunt sponsalia. Ergo ita possunt fieri ante septennium, sicut post.

2. Præterea. Sicut ad contractum sponsalium requiritur aliquis rationis usus, ita ad consentiendum in peccatum mortale. Sed sicut Gregorius narrat in IV. Dial. (cap. xviii.) quidam puer propter peccatum blasphemiam a diabolo extinctus est. Ergo etiam ante septennium possunt sponsalia contrahi.

3. Præterea. Sponsalia ad matrimonium ordinantur. Sed in matrimonio non assignatur unum tempus puellæ, & puero. Ergo nec in sponalibus septennium utrique assignari debet.

4. Præterea. Ex tunc aliqui possunt sponsalia contrahere ex quo eis possunt futuræ nuptiæ placere. Sed signa talis placentiæ frequenter apparent in pueris ante septem annos. Ergo ante possunt contrahi sponsalia.

5. Præterea. Si aliqui ante septem annos contrahunt sponsalia, & postea post septennium ante tempus pubertatis contrahunt per verba de presenti, reputantur inter eos esse sponsalia. Sed hoc non est ex secundo con-

S. Th. Oper. Tom. XIII.

(a) A. prom. stat.

tractu, quia tunc non intendunt sponsalia, sed matrimonium contrahere. Ergo ex primo; & hinc ante septennium possunt sponsalia contrahi.

6. Præterea. In his quæ communiter sunt a pluribus, quod deest uni, suppletur ab altero, sicut patet in trahentibus navem. Sed contractus sponsalium est quedam communis actio inter contrahentes. Ergo si unus sit pubes, potest contrahere cum puella quæ non habet septem annos, sponsalia: quia quod uni deficit de tempore, alteri superabundat.

7. Præterea. Si aliqui iuxta ætatem pubertatis, quamvis ante eam, contrahant per verba de presenti, reputatur inter eos matrimonium esse. Ergo pari ratione si ante septennium, dummodo sint propinqui, contrahant per verba de futuro, reputabuntur inter eos esse sponsalia.

## SOLUTIO.

Respondeo dicendum, quod septennium est tempus determinatum a iure sponsalibus contrahendis satis rationabiliter: quia cum sponsalia sint quedam promissio futurorum, ut dictum est, oportet quod illorum sint qui aliquo modo promittere possunt, quod non est nisi illorum qui habent aliquam prudentiam de futuris, quæ usum rationis requirit, respectu cuius triplex gradus notatur secundum Philosophum in I. Ethic. Primus est, cum quis neque intelligit per se, neque ab alio capere potest. Secundus status est, cum homo ab alio capere potest, sed ipse per se non sufficit ad intelligendum. Tertius est, cum homo & ab alio iam capere potest, & per seipsum considerare. Et quia ratio paulatim in homine convalescit, secundum quod quietantur motus, & fluxibilitas humorum; ideo primum statum rationis obtinet homo ante primum septennium, & propter hoc illo tempore nulli contractui aptus est, & ita nec sponsalibus. Sed ad secundum statum incipit homo pervenire in fine primi septennii, unde etiam tunc temporis pueri ad scholas ponuntur. Sed ad tertium statum incipit homo pervenire in fine secundi septennii quantum ad ea quæ ad personam ipsius pertinent, in qua ratio naturalis citius convalescit; sed quantum ad ea quæ extra ipsum sunt, in fine tertii septennii. Et ideo ante primum septennium nulli contractui homo aptus est, sed in fine primi septennii incipit esse aptus ad aliqua promittendum in futuro.

M rum

rum, præcipue de his ad quæ ratio naturalis inclinatur magis; non autem ad obligandum se perpetuo vinculo, quia adhuc non habet firmam voluntatem: & ideo possunt tali tempore contrahi sponsalia. Sed in fine secundi septennii iam potest obligare se de his quæ ad personam ipsius pertinent, vel ad religionem, vel ad coniugium. Sed post tertium septennium etiam potest de aliis se obligare, & secundum leges constituitur ei potestas disponendi de rebus suis post vigin-  
tiquinque annos.

Ad primum ergo dicendum, quod si ante annos pubertatis fiat contractus sponsalium per alium, ambo, vel alter reclamare possunt: unde tunc nihil est actum, adeo quod nec aliqua affinitas ex hoc contrahatur: & ideo sponsalia quæ inter aliquos per personas alias contrahuntur, robur habent in quantum illi inter quos contrahuntur, ad ætatem debitam venientes non reclamant, ex quo intelliguntur consentire his quæ per alios facta sunt.

Ad secundum dicendum, quod quidam dicunt, quod ille puer de quo Gregorius narrat, non fuerit damnatus, nec mortaliter peccavit; sed visio illa offensa fuit ad patrem contristandum, qui in illo peccato peccaverat non corrigens. Sed hoc est expresse contra intentionem Gregorii dicentis, quod pater pueri animam parvuli filii negligens, non parvum peccatorem gehennæ ignibus nutriti. Et ideo dicendum, quod ad peccatum mortale sufficit etiam consensus præsens; sed in sponsalibus est consensus in futurum. Maior autem rationis discretio requiritur ad providendum in futurum quam ad consentiendum in unum præsentem actum: & ideo ante potest homo peccare mortaliter quam possit se obligare ad aliquid futurum.

Ad tertium dicendum, quod in tempore contractus matrimonii non solum requiritur dispositio ex parte usus rationis, sed etiam ex parte corporis, ut sit tempus generationi aptum. Et quia puella in duodecimo anno ad hoc venit ut possit esse actui generationis apta, puer autem in fine secundi septennii, ut Philosophus dicit in IX. de animalibus (de histor. anim. Lib. V. cap. xiv.) simul autem usum discretionis accipiunt, qui tantum in sponsalibus requiritur; ideo in sponsalibus determinatur unum tempus utrique, non autem in matrimonio.

Ad quartum dicendum, quod illa placencia quæ est in pueris ante septennium, non procedit ex perfectæ rationis usu, cum nondum sint plene susceptibiles disciplinæ; sed

magis contingit ex motu naturæ quam ex aliqua ratione: & ideo non sufficit talis placencia ad sponsalia contrahendum.

Ad quintum dicendum, quod quamvis per secundum contractum in casu illo non faciant matrimonium, tamen ostendunt se ratam habere priorem promissionem: & ideo prior contractus accipit firmitatem.

Ad sextum dicendum, quod trahentes navem agunt per modum uniuscausæ; & ideo quod deest uni, potest suppleri de altero: sed sponsalia contrahentes agunt ut distinctæ personæ, quia sponsalia non nisi inter duos esse possunt: unde in utroque requiritur quod sit sufficiens ad contrahendum; & ideo defectus unius sponsalia impedit, nec ex altero potest suppleri.

Ad septimum dicendum, quod in sponsalibus etiam similiter, si appropinquant contrahentes ad tempus septennii, contractus sponsalium habet robur, quia secundum Philosophum in II. Phys. (text. lvi.) quod parum deest, nihil deesse videtur. Hæc autem propinquitas a quibusdam determinatur tempus sex mensium; sed melius est quod determinetur secundum conditionem contrahentium: quia in quibusdam magis acceleratur rationis usus quam in aliis.

### ARTICULUS III.

*Utrum sponsalia dirimi possint altero religionem intrante.*

1. **A**D tertium sic proceditur. Videtur quod sponsalia dirimi non possunt, altero religionem intrante. Quia de pecunia quam alicui promisi, non possum alteri licite obligationem facere. Sed ille qui sponsalia contrahit, corpus suum promittit mulieri. Ergo non potest se offerre Deo ulterius in religionem.

2. Item. Videtur quod nec debeant dirimi, quando alter coniugum ad longinquam regionem se transfert. Quia in dubiis semper tutior pars eligenda est. Sed tutius esset quod eum expectaret. Ergo tenetur eum expectare.

3. Item. Videtur quod nec dirimatur per ægritudinem quam aliquis incurrit post contracta sponsalia. Quia pro pena nullus debet puniri. Sed vir qui infirmitatem incurrit, puniatur in hoc quod ei ius suum auferatur quod in illam habebat quæ sibi fuerat desponsata. Ergo propter corporalem infirmitatem non debent sponsalia dirimi.

4. Item. Videtur quod nec propter affinitatem

tatem intervenientem, ut puta si sponsus confanguineam sponsæ fornicario concubitu cognoscat: quia secundum hoc sponsa puniretur pro peccato sponsi; quod non est conveniens.

5. Item. Videtur quod non possint se in vicem absolvere. Quia hoc est maxime levitatis, ut primo contrahant, & postmodum se absolvant. Sed talia non debent ab Ecclesia sustineri. Ergo &c.

6. Item. Videtur quod nec propter alterius fornicationem. Quia adhuc per sponsalia unus non accipit potestatem in corpus alterius; & ita videtur quod in nullo contra invicem peccant, si interim fornicentur; & sic sponsalia dirimi non debent per hoc.

7. Item. Videtur quod nec per contractum cum alia per verba de presenti. Quia secunda venditio non derogat venditioni primæ. Ergo nec secundus contractus potest derogare primo.

8. Item. Videtur quod nec per defectum ætatis possint dirimi. Quia quod non est, non potest dissolvi. Sed ante ætatem determinatam sponsalia contracta nulla fuerunt. Ergo dirimi non possunt.

### SOLUTIO.

Respondendum dicendum, quod in omnibus prædictis casibus sponsalia contracta dirimuntur, sed diversimode: quia in duobus, scilicet cum quis ad religionem confugit, & cum alter coniugium cum altero per verba de presenti contrahit, ipso iure sponsalia dirimuntur; sed in aliis casibus dirimi debent secundum iudicium Ecclesiæ.

Ad primum ergo dicendum, quod talis promissio solvitur per mortem spiritalem, cum sit spiritualis tantum, ut dictum est.

Ad secundum dicendum, quod dubium illud determinatur ex hoc quod alter non compareret tempore statuto ad matrimonium perficiendum: unde si ex parte eius non desuit quin matrimonium completeret, potest licite alteri nubere sine aliquo peccato; si autem per eum stetit quod matrimonium non est completum, debet agere poenitentiam de peccato fractæ promissionis, aut iuramenti, si iuramentum intervenit, & contrahere cum alia, si vult, iudicio Ecclesiæ.

Ad tertium dicendum, quod si ante contractum matrimonium aliquam gravem infirmitatem incurrat alter eorum inter quos sunt contracta sponsalia, quæ ipsum nimis debilitet, ut epilepsia, vel paralytis; aut eum deformet, ut abscissio nasi, vel orbitas

oculorum, vel aliquid huiusmodi; aut quæ sunt contra bonum proles, utpote lepra, quæ solet prolem inficere: possunt sponsalia dirimi, ne sibi invicem displiceant, & matrimonium sic contractum malum exitum sortiatur. Nec pro pœna puniatur aliquis, sed ex pœna damnum reportat; quod non est inconveniens.

Ad quartum dicendum, quod si sponsus cognovit confanguineam sponsæ, vel e converso, tunc debent sponsalia dirimi; & ad hoc probandum sola fama sufficit propter scandalum vitandum. Causæ enim quæ in futurum expectant effectus suos, impediuntur a suis effectibus non solum ex eo quod est, sed ex eo quod futurum est: unde sicut affinitas, si esset tempore contractus sponsalium, impedivisset contractum illum; ita si interveniat ante matrimonium, quod est effectus quidam sponsalium, prior contractus ab effectu suo impeditur. Nec in hoc aliquid detrahitur alteri, immo ei confertur: quia absolvitur ab eo qui per fornicationem Deo se odiosum reddidit.

Ad quintum dicendum, quod quidam non recipiunt istum casum, sed contra eos Decretalis est (Innocentii III. extra de spons. & matrim. cap. *Præterea*) quæ expresse dicit. *Ad instar, (a) inquit, eorum qui societatem (b) fidei contrahunt, & postea eandem sibi remittunt, potest in patientia tolerari, si mutuo se absolvant quæ sponsalia contraxerunt.* Sed ad hoc dicunt, quod Ecclesia magis hoc sustinet, ne perius eveniat, quam hoc sit de iure. Sed hoc non videtur exemplo convnute quod Decretalis adducit. Et ideo dicendum, quod non semper est levitatis retrahere quæ prius firmata sunt: quia incertæ sunt providentiæ nostræ, ut dicitur in Lib. Sapientię (cap. 1x.)

Ad sextum dicendum, quod quamvis nondum dederint sibi mutuo potestatem corporis sponsalia contrahentes; tamen ex hoc efficiuntur sibi invicem suspecti de non servanda fide in futurum: & ideo potest sibi præcavere unus contra alium sponsalia dirimendo.

Ad septimum dicendum, quod ratio illa teneret, si esset unius rationis uterque contractus, sed secundus contractus matrimonii est fortior primo, & ideo solvit ipsum.

Ad octavum dicendum, quod quamvis non fuerint vera sponsalia, tamen sunt ibi quidam sponsalium modus: & ideo ne videatur approbare ad annos legitimos veniens,

M 2 de-

(a) *Forse redunda* inquit. (b) Nicolai: *interpositione fidei*.

debet petere solutionem sponsalium iudicio Ecclesie faciendam, propter bonum exemplum.

### QUAESTIO III.

**D**Einde queritur de bigamia: & circa hoc queruntur tria.

Primo. Utrum bigamiae sit irregularitas adiuncta.

Secundo. Utrum selvatur per baptismum.

Tertio. Utrum possit dispensari in tali irregularitate.

### ARTICULUS I.

*Utrum illi bigamia quae est ex hoc quod aliquis duas uxores successive habuit, sit irregularitas annexa.*

**1.** **A**D primum sic proceditur. Videtur quod illi bigamiae quae est ex hoc quod aliquis duas uxores successive habuit, non sit irregularitas annexa. Quia multitudo, & unitas consequuntur ens. Ergo ens, & non ens non faciunt multitudinem aliquam. Sed ille qui habet successive duas uxores, quando una est in esse, alia non est in esse. Ergo ex hoc non efficitur vir non unus uxoris, qui secundum Apostolum ab episcopatu prohibetur.

2. Præterea. Maius signum incontinentiae apparet in eo qui plures fornicarie cognoscit quam qui plures uxores successive habet. Sed ex primo non efficitur aliquis irregularis. Ergo nec ex secundo.

3. Præterea. Si bigamia irregularitatem causat, aut hoc est ratione sacramenti, aut ratione carnalis copulae. Sed non ratione primi, quia sic si aliquis cum una contraxisset per verba de praesenti, & ea mortua ante carnalem copulam subsecutam duceret aliam, videretur irregularis; quod est contra decr. Innocentii III. (extra de bigam. cap. Nuper. §. Nos autem) nec iterum ratione secundi, quia secundum hoc etiam qui plures fornicario concubitu cognosceret, irregularis esset; quod falsum est. Ergo nullo modo bigamia irregularitatem causat.

### QUAESTIUNCULA II.

1. Uterius. Videtur quod irregularitas non sit annexa bigamiae quae contingit ex hoc quod homo habet duas uxores simul, vel successive, unam de iure, & aliam de facto. Quia ubi nullum est sacramentum, non potest esse defectus sacramenti. Sed

quando aliquis contrahit cum aliqua de facto, & non de iure, non est ibi aliquod sacramentum: quia talis coniunctio non significat coniunctionem Christi ad Ecclesiam. Ergo cum irregularitas non consequatur bigamiam nisi propter defectum sacramenti, videtur quod talem bigamiam irregularitas non consequatur.

2. Præterea. Aliquis accedens ad illam cum qua contrahit de facto, & non de iure, committit fornicationem, si non habeat aliam uxorem legitimam, vel adulterium, si habeat aliam. Sed dividere carnem suam in plures per fornicationem, vel adulterium non causat irregularitatem. Ergo nec praedictus bigamiae modus.

3. Præterea. Contingit quod aliquis antequam cognoscat carnaliter illam cum qua de iure contraxit, cum alia contrahat de facto, non de iure, & eam carnaliter cognoscat sive prima mortua, sive prima vivente. Talis contrahit cum pluribus vel de iure, vel de facto; & tamen non est irregularis, quia carnem suam non dividit in plures. Ergo ex praedicto modo bigamiae non contrahitur irregularitas.

### QUAESTIUNCULA III.

1. Uterius. Videtur quod non contrahatur irregularitas ex hoc quod aliquis non virginem ducit uxorem. Quia plus impeditur aliquis defectu proprio quam alieno. Sed si ipse contrahens non sit virgo, non sit irregularis. Ergo multo minus si uxor eius non sit virgo.

2. Præterea. Potest esse quod aliquis defloravit aliquam, & postea ducat eam in uxorem. Talis non videtur fieri irregularis, quia non dividit carnem suam in plures, nec etiam uxor eius; & tamen ducit corruptam in uxorem. Ergo talis modus bigamiae irregularitatem non causat.

3. Præterea. Nullus potest contrahere irregularitatem nisi voluntarius. Sed aliquis quandoque ducit uxorem non virginem involuntarius, ut quando credit eam virginem esse, & postea invenit eam fuisse corruptam, cognoscens eam. Ergo talis modus non semper facit irregularitatem.

4. Præterea. Corruptio sequens matrimonium est vituperabilior quam praecedens. Sed si uxor, postquam consummatum est matrimonium, ab alio cognoscatur, non efficitur vir irregularis, alias puniretur pro peccato uxoris: potest etiam esse quod postquam hoc sciat, reddat ei debitum poenitentiae antequam de adulterio accusata condemnetur.

Ergo

Ergo videtur quod ille modus bigamiz non causet irregularitatem.

Sed contra est quod Gregorius dicit (Lib. II. Epist. indist. x. epist. xxix.) *Præcipimus ne unquam illicitas ordinationes facias, ne bigamus, aut qui virginem non est sortitus uxorem, (a) aut ignoranter habens, vel qualibet parte corporis visitatum, vel penitentia, (b) vel curia cuiuslibet conditioni obnoxium, ad sacros ordines permittas accedere.*

### SOLUTIO I.

Respondeo dicendum ad primam questionem, quod aliquis per sacramentum ordinis ministrat sacramentorum constituitur: & ille qui aliis sacramenta ministrare debet, nullum defectum in sacramentis pati debet. Defectus autem in sacramento est, quando sacramenti significatio integra non invenitur. Sacramentum autem matrimonii significat coniunctionem Christi ad Ecclesiam, quæ est unus ad unam: & ideo requiritur ad perfectam significationem sacramenti ut vir sit tantum unus vir, & uxor tantum unus uxor: & ideo bigamia, quæ hoc tollit, irregularitatem inducit. Et sunt quatuor modi bigamiz. Primus est, cum quis habet plures uxores de iure successive. Secundus, cum simul habet plures, unam de iure, aliam de facto. Tertius, cum plures habet successive, unam de iure, aliam de facto. Quartus, quando viduam ducit in uxorem. (a) Et omnibus his est irregularitas adiuncta. Alia autem causa consequens assignatur: quia in illis qui accipiunt sacramentum ordinis, maxima spiritualitas debet apparere: tum quia spiritualia ministrant, scilicet sacramenta: tum quia spiritualia docent, & in spiritualibus occupari debent. Unde cum concupiscentia maxime spiritualitati repugnet, per quam totus homo caro efficitur, non debet aliquod signum concupiscentiæ permanentis in eis apparere; quod quidem in bigamis apparet, qui una uxore contenti esse nolunt. Tamen prima ratio est melior.

Ad primum ergo dicendum, quod multitudo plurium uxorum simul existentium est multitudo simpliciter; & ideo talis multitudo totaliter significationi sacramenti repugnat, & propter hoc tollitur sacramentum: sed multitudo uxorum successive est multitudo secundum quid; & ideo non tollit significationem sacramenti totaliter, nec sacramentum evacuat quantum ad sui essentiam, sed quantum ad sui perfectionem, quæ re-

quiritur in illis qui sunt sacramentorum dispensatores.

Ad secundum dicendum, quod quamvis sit in fornicariis maioris concupiscentiæ signum, non tamen concupiscentiæ ita adhaerentis: quia per fornicationem unus alteri non in perpetuum obligatur; & ideo ibi non est defectus sacramenti.

Ad tertium dicendum, quod, sicut dictum est, bigamia causat irregularitatem, inquantum tollit perfectam significationem matrimonii, quæ quidem consistit in coniunctione animorum, quæ fit per consensum, & in coniunctione corporum: & ideo ratione utriusque oportet simul esse bigamiam quæ irregularitatem faciat: unde per Decret. Innocentii (ubi supra) abrogatur id quod Magister in littera dicit, scilicet quod solus consensus per verba de presenti sufficit ad irregularitatem inducendam.

### SOLUTIO II.

Ad secundam questionem dicendum, quod in secundis duobus modis bigamiz contrahitur irregularitas: quia quamvis in altero non sit sacramentum, est tamen quedam sacramenti similitudo: unde isti duo modi sunt secundarii, & primus est principalis in irregularitate cauenda.

Ad primum ergo dicendum, quod quamvis ibi non sit sacramentum, est tamen ibi aliqua similitudo sacramenti, quæ non est in fornicario, vel in adulterino concubitu: & ideo non est simile.

Et per hoc patet solutio ad secundum.

Ad tertium dicendum, quod in tali casu non reputatur bigamus, quia primum matrimonium non habuit perfectam suam significationem. Tamen si per iudicium Ecclesiæ compellatur ad primam redire, & eam cognoscere, statim efficitur irregularis: quia irregularitatem non facit peccatum, sed imperfectio significationis.

### SOLUTIO III.

Ad tertiam questionem dicendum, quod in coniunctione Christi & Ecclesiæ unitas ex utraque parte invenitur; & ideo siue divisio carnis inveniatur ex parte viri, siue ex parte uxoris est defectus sacramenti, sed tamen diversimode: quia ex parte viri requiritur quod aliam non duxerit in uxorem, non quod sit virgo, sed ex parte uxoris requiritur etiam quod sit virgo; cuius ratio a Deo etistis assignatur: quia Episcopus signifi-

cat

(a) Gregorius tenet: aut ignoranter litteras. (b) Idem: vel curia, vel cuiuslibet conditioni obnoxium.

(c) Id. in omnibus.

erat Ecclesiam militantem, cuius curam gerit, in qua sunt multae corruptiones; sed sponsa significat Christum, qui virgo fuit: & ideo ex parte sponsae requiritur virginitas, sed non ex parte sponsi ad hoc quod aliquis Episcopus fieri possit. Sed hæc ratio est expressæ contra Apostolum Ephes. v. 2. *Viri diligite uxores vestras, sicut Christus Ecclesiam*: ex quo apparet, quod uxor significat Ecclesiam, & sponsus Christum: & iterum quia vir est caput mulieris, sicut Christus Ecclesiam. Et ideo alii dicunt, quod per sponsum significatur Christus, per sponsam significatur Ecclesia triumphans, in qua non est aliqua macula. Christus autem primo habuit synagogam quasi concubinam; & sic non tollitur aliquid de perfectione significationis sacramenti, si sponsus prius habuit (a) concubinam. Sed hoc est valde absurdum: quia sicut est una fides antiquorum, & modernorum, ita una Ecclesia: unde illi qui tempore synagogæ Deo serviebant, ad unitatem Ecclesiae in qua Deo servimus, pertinebant. Et præterea hoc est expressè contra id quod habetur Hierem. 111. Ezech. xvi. Osæ 11. 11. ubi expressè fit mentio de desponsatione synagogæ: unde non fuit sicut concubina, sed sicut uxor. Et præterea secundum hoc fornicatio esset sacramentum illius coniunctionis, quod est absurdum: & ideo gentilitas priusquam a Christo desponsaretur in fidem Ecclesiae, corrupta fuit a diabolo per idolatriam. Et ideo aliter dicendum, quod defectus in ipso sacramenta causat irregularitatem; corruptio autem carnis extra matrimonium contingens, quæ præcessit matrimonio, nullum defectum facit in sacramento ex parte illius in quo est corruptio, sed facit defectum ex parte alterius: quia actus contrahentis matrimonium non cadit supra seipsum, sed supra alterum: & ideo ex termino specificatur, quod etiam est respectu illius actus quasi materia sacramenti. Unde si mulier esset ordinis susceptiva, sicut vir efficitur irregularis ex hoc quod ducitur uxorem corruptam, non autem ex hoc quod corruptus contrahit, ita fieret mulier irregularis, si contraheret cum corrupto, non autem si contraheret corrupta, nisi in alio matrimonio prius fuisset corrupta.

Et per hoc patet solutio ad primum.

Ad secundum dicendum, quod in talibus sunt diversae opiniones; tamen probabilius est quod non sit irregularis, quia carnem suam non dividit in plures.

Ad tertium dicendum, quod irregularitas

non est poena inflicta, sed defectus quidam sacramenti: & ideo non oportet quod semper sit voluntaria bigamia ad hoc quod irregularitatem causet; & ideo ille qui uxorem ducit corruptam, quam virginem credit, irregularis est eam cognoscens.

Ad quartum dicendum, quod si mulier fornicetur post contractum matrimonium, non efficitur ex hoc vir irregularis, nisi post corruptionem adulterinam eam iterato cognoscit: quia alias corruptio uxoris nullo modo cadit sub actu matrimoniali viri. Sed si etiam per ius ei debitum compellatur redde- re, vel ex conscientia propria, illa petente debitum ante condemnationem adulterii, irregularis efficitur: quamvis de hoc sint opiniones. Sed hoc quod dictum est, est probabilius: quia hic non queritur quid sit peccatum, sed significatio tantum.

## ARTICULUS II.

*Utrum bigamia per baptismum solvatur.*

1. AD secundum sic proceditur. Videtur quod bigamia per baptismum solvatur. Dicit enim Hieronymus super Epistolam ad Titum, quod si quis ante baptismum plures uxores habuit, vel unam ante, & aliam post, non est bigamus. Ergo bigamia per baptismum solvitur.

2. Præterea. Qui facit quod maius est, facit quod minus est. Sed baptismus tollit omne peccatum, quod est gravius quam irregularitas. Ergo tollit bigamiae irregularitatem.

3. Præterea. Baptismus tollit omnem poenam ex actu proveniente. Sed irregularitas bigamiae est huiusmodi. Ergo &c.

4. Præterea. Bigamus est irregularis, in quantum deficit a representatione Christi. Sed per baptismum plene Christo conformatur. Ergo solvitur illa irregularitas.

5. Præterea. Sacramenta novæ legis sunt magis efficacia quam sacramenta veteris legis. Sed sacramenta veteris legis solvebant irregularitates, ut in I. Lib. dictum est a Magistro. Ergo & baptismus, qui est efficacissimum sacramentum in nova lege, solvit irregularitatem ex bigamia contractam.

Sed contra est quod Augustinus dicit (Lib. de bono coniug. cap. xvi. 11.) *Acutius intelligunt qui nec eum qui catechumenus, aut paganus habuit alteram, ordinandum censuerunt: quia de sacramento agitur, non de peccato.*

Præterea. Sicut idem dicit, femina si ca-

(a) *Id est concubinam.*



techumena, vel pagana vitata est, non potest inter Dei virgines post baptismum velari. Ergo eadem ratione nec bigamus ante baptismum ordinari.

## SOLUTIO.

Respondeo dicendum, quod baptismus solvit culpas, & non solvit coniugia: unde cum ex ipso coniugio sequatur irregularitas, per baptismum tolli non potest, ut dicit Augustinus (ubi supra.)

Ad primum ergo dicendum, quod in casu isto non tenetur opinio Hieronymi; nisi forte velimus eum exponere, quod loquitur quantum ad superiorum dispensationem.

Ad secundum dicendum, quod non oportet ut quod facit maius, faciat minus, nisi sit ad id ordinatum; & hoc deficit in proposito, quia baptismus ad irregularitatem tollendam non ordinatur.

Ad tertium dicendum, quod hoc intelligendum est de penis quæ consequuntur ex actuali peccato quasi indistinctæ, non infligendæ: non enim aliquis virginatatem per baptismum recuperat, & similiter nec carnis indivisionem.

Ad quartum dicendum, quod baptismus conformatur Christo quantum ad virtutem mentis, sed non quantum ad statum carnis, quæ consideratur in virginitate, vel divissione carnis.

Ad quintum dicendum, quod illæ irregularitates ex levibus causis, non perpetuis erant contractæ, & ideo etiam per illa sacramenta auferri poterant; & iterum erant ad hoc ordinata; non autem baptismus ad hoc ordinatur.

## ARTICULUS III.

*Utrum cum bigamo liceat dispensare.*

1. **A**D tertium sic proceditur. Videtur quod cum bigamo non liceat dispensare. Quia extra de bigamus (cap. Nuper, §. Nos autem) dicitur: Cum clericis, qui in quantum in ipso fuit, secundas mulieres sibi coniunxerant matrimonialiter, tamquam cum bigamis, non licet dispensare.

2. Præterea. Contra ius divinum non licet dispensare. Sed omnia que in canone dicuntur, ad ius divinum pertinent. Cum ergo Apostolus in Scriptura canonica dicat

(1. ad Timoth. iij. 2.) *Oportet (a) Episcopum non nisi unius uxoris virum esse: videtur quod non possit in hoc dispensari.*

3. Præterea. Nullus potest dispensare in his quæ sunt de necessitate sacramenti. Sed non esse irregularem, est de necessitate sacramenti ordinis, cum significatio, quæ est sacramento essentialis, deat. Ergo non potest in hoc dispensari.

4. Præterea. Quod rationabiliter factum est, non potest rationabiliter mutari. Si ergo potest rationabiliter dispensari cum bigamo, irrationabiliter est ei adiuncta irregularitas; quod est inconveniens.

Sed in contrarium est quod Lucius Papa dispensavit cum Panormitano Episcopo, qui erat bigamus.\*

Præterea. Martinus Papa dicit: *Letter si viduam uxorem accipiat, in leſſoratu permaneat; aut si necessarius fuerit, subdiaconus fiat; nihil autem supra: similiter si bigamus fuerit.* Ergo ad minus usque ad subdiaconatum cum eo dispensari potest.

## SOLUTIO.

Respondeo dicendum, quod bigamiz non est adiuncta irregularitas de iure naturali, sed de iure positivo: nec iterum est de essentialibus ordinis quod aliquis non sit bigamus; quod patet ex hoc quod si aliquis bigamus ad ordines accederet, characterem recipit: & ideo Papa potest dispensare in tali irregularitate totaliter, sed Episcopus quantum ad minores ordines. Et quidam dicunt, quod etiam quantum ad maiores in illis qui volunt Deo in religione servire propter vitandum religiosorum discursum.

Ad primum ergo dicendum, quod per illam Decretalem ostenditur eadem esse difficultas dispensandi in illis qui de facto cum pluribus contraxerunt, ac si de iure contraxissent, non quod subtrahatur simpliciter potestas Papæ in talibus.

Ad secundum dicendum, quod hoc verum est quantum ad ea quæ sunt de iure naturali, & quantum ad ea quæ sunt de necessitate sacramentorum, & fidei; sed in aliis quæ sunt de institutione Apostolorum, cum Ecclesia habeat nunc eandem potestatem statuendi, & destruendi quam tunc habuit, potest per eum qui primum in Ecclesia tenet, dispensari.

Ad tertium dicendum, quod non quolibet signi-

(a) Vulgata: *Oportet Episcopum irreprehensibilem esse, unius uxoris virum.*

EX EDIT. P. NICOLAI. \* Ut refert Glossa super dist. lxxiv. Decreti cap. *Letter*, quod mox ex Martino citatur.

significatio est de essentia sacramenti, sed tantum illa quæ pertinet ad officium sacramenti; & talis non tollitur per irregularitatem.

Ad quartum dicendum, quod in particularibus non potest inveniri ratio quæ omnibus competat æqualiter propter eorum diversitatem: & ideo quod universaliter statutum est rationabiliter consideratis istis quæ in pluribus accidunt, potest etiam per dispensationem rationabiliter removeri in aliquo casu determinato.

### EXPOSITIO TEXTUS.

**S**i autem verbis exprimant quod tamen corde non volunt, si non sit coactio ibi, vel dolus; obligatio illa verborum .... matrimonium facit. Et loquitur hic Magister quantum ad forum exterius Ecclesiæ, in quo secundum ea quæ apparent, iudicatur; & accipitur dolus non latens in corde, sed aliquo modo per signa exteriora expressus, ut cum se alio nomine vocat. Sed quantum ad forum conscientie non est verum quod Magister hic dicit.

*Eremitam solitudinem elegit &c.* Eremitæ etiam quamvis obedientiam non promittant, tamen votum continentie habent annexum, & ex mora secundum determinatum tempus eorum votum solemnizatur.

*Etiam si iam tonsuratus est.* Non tamen tenetur tonsuram, & habitum religionis deserre: quia vel non fuit vera professio seius, si contradicente uxore votum emisit; vel si ea non contradicente, & tamen in seculo remanente votum professionis emisit, quamvis fuerit verum votum, suspenditur tamen ad tempus vivente uxore, in quantum fuit in præiudicium eius. Unde post mortem uxoris tenetur ad religionem redire, nec potest aliam ducere. Interim tamen non tenetur habitum deserre, vel tonsuram, tum propter vituperium uxoris, tum propter scandalum vitandum.

*Qui copulatus in coniugio ulterius ad sacros ordines non accedet.* Magister, & Pelagius loquuntur secundum rigorem iuris: unde hodie secundum iura nova non tenetur; quia non est aliquod obflaculum ex parte sacramenti, ut prius dictum est.

## DISTINCTIO XXVIII.

*Si consensus de futuro cum iuramento faciat coniugium.*

**H**IC quæri debet, utrum consensus de futuro, addito etiam iuramento, coniugium efficiat: ut si quis promittat, vel etiam iuret alicui se usque ad tempus placitum illam ducturum, & illa promittat, vel iuret se illi nupturam; num. quid talis sponsio eos coniuges fecit? Si mutato proposito alter, vel uterque ad alienam copulam transit, numquid ob priorem sponsiorem iuramento subnixam secundæ scederationis pactum scinditur? Considera, quia longe aliud est promittere, & aliud facere. Qui promittit, nondum facit. Qui ergo promittit se in uxorem ducturum aliquam, nondum eam duxit uxorem; & quæ spondit se nupturam, nondum nupsit. Quo modo ergo coniuges appellari possunt qui nondum contrahunt, sed in futuro se contracturos iurando promittunt? Item. Si ex vi iuramenti ad futurum pertinentis mox efficiuntur coniuges, cur iurant in futuro se facturos quod in præsentem efficiunt? Item. Si ex quo iurant, mox efficiuntur coniuges, tunc rem hanc efficiunt quam iurant se facturos. Ideo dico, quod coniugium tunc non (1) fit, sed futurum promittitur. Si vero ille post uxorem duxit, & illa marito nupsit; coniugium utrimque fuit, & non potest dissolvi. Præcedens ergo mendacium vel peritium penitentia est corrigendum, sed coniugium sequens non est dissolvendum. Non autem sic est quando iuramentum coniugii præsentis consensus attestatio firmatur: quia post talem consensum, si quis alii se copulaverit, etiam si prolem procreavit, irritum debet fieri, & ipse ad priorem copulam revocari.

(1) *Id. fuit.*

*Quæ videntur obviare præmissis, (1) ex Novellarum instituto.*

**P**RÆMISSÆ autem sententiæ videtur obviare illud quod leges tradunt in Novellis, vel Authenticis apud Antecessorem Julianum. „ Si quis tacitis divinis Scripturis iuraverit mulieri se eam legitimam uxorem habiturum, vel etiam si in oratorio tale sacramentum dederit, sit illi legitima uxor; quamvis nulla dos, nulla alia scriptura interposita. “ Sed hic ostenditur quid fieri, vel esse debeat, non quid tunc fiat. Non enim per illud iuramentum tunc fit uxor; sed fieri debet, quia iuramentum est. Potest & de illo iuramento hoc dictum intelligi ubi de præsentis consentiunt, ac se invicem suscipiunt. Illi etiam sententiæ qua dictum est, solum consensum facere coniugium, videtur obviare quod Evaristus Papa \* ait: „ Aliter legitimum non fit coniugium, nisi ab his qui super seminat dominationem habere videntur, & a quibus custoditur, uxor petatur, & a parentibus sponsetur, & legibus dotetur, & a sacerdote, ut mos est, benedicatur, & a paranympis custodiatur, & solemniter accipiatur. “ Item (ibid.) „ Ista legitima scitote esse coniugia; aliter vero præsumpta, non coniugia, sed adulteria, (2) vel fornicationes sunt; nisi voluntas propria suffragata fuerit, & vota succurrerint legitima. “ Hoc autem non ita intelligendum est, tamquam sine enuñciatis non possit esse legitimum coniugium; sed quia sine illis non habet decorem, & honestatem debitam. In huius enim sacramenti celebratione, sicut in aliis, quædam sunt pertinentia ad substantiam sacramenti, ut consensus de præsentis, qui solus sufficit ad contrahendum matrimonium; quædam vero pertinentia ad decorem, & solemnitatem sacramenti, ut parentum traditio, sacerdotum benedictio, & huiusmodi; sine quibus legitime fit coniugium quantum ad virtutem, (3) non quantum ad honestatem sacramenti. Si ne his ergo non quasi legitimi coniuges, sed quasi adulteri, vel fornicatores conveniant, ut illi qui clanculo nubunt; & utique fornicatores essent, nisi eis suffragaretur voluntas verbis expressa de præsentis, quæ legitimum (4) inter eos facit matrimonium. Nam & consensus occultus de præsentis per verba expressus coniugium facit, licet non sit ibi honestus contractus; sed matrimonium (5) non sanxit consensus, qui in occulto fuit. Si enim alter alterum dimiserit, non cogitur iudicio Ecclesiæ redire, & commanere quasi cum coniuge, quia non potest probari testibus contractus qui in occulto est factus. Quod si ipsi qui in occulto sibi consenserunt, eundem consensum voluntarie in manifesto profiteantur, tunc utique propria voluntas suffragatur, & legitima vota succurrunt ad faciendum coniugium quod prius occulte fuerat contractum. Voluntas ergo verbis expressa in occulto ad hoc suffragatur ut fiat coniugium; manifeste vero expressa suffragatur, ut faciat, & roboret, ac liberum sit Ecclesiæ de hoc iudicare, si expedierit.

*De qua re fit consensus ille, an de carnali copula, an de cohabitatione, an de alio*

**H**IC quaeritur, cum consensus de præsentis matrimonium faciat, cuius rei consensus sit ille, an carnalis copulæ, an cohabitationis, an utriusque. Si cohabitationis consensus matrimonium facit, tunc frater cum sorore, (6) vel pater cum filia potest contrahere matrimonium. Si carnalis copulæ, tunc inter Mariam & Ioseph non fuit coniugium: proposuerat enim Maria in virginitate manere. nisi Deus aliter facere iuberet, secundum quod videtur Angelo dixisse (Luc. 1. 34.) „ Quomodo fiet istud, quoniam virum non cognosco? “ idest, me non cognituram proposui. Neque enim quia virum tunc non cognoscebat, necesse erat inquiri quomodo posset habere filium; sed quia se nunquam cognituram proposuerat. Dicit enim Beata (Lib. I. cap. 111. in Lucam) quod in virginitate manere disposuerat. Si ergo

*S. Th. Oper. Tom. XIII.*

*N contra*

(1) *Al. Novellarum instituto.* (2) *Nicolai* vel fornicationes potius, & supra; nisi voluntas &c.

(3) *Nicolai addit vel vitæ.* (4) *Al. in eos.* (5) *Al. desit non.* (6) *Al. desit vel.*

*EX ADIT. P. NICOLAI. \* Epist. 1. ad Episcopos Africanæ, & causa xxx. quest. v. cap. 2.*

contra suum propositum post consensit in carnalem copulam, videtur facta voti rea mente, etsi non opere violata. Dicamus ergo, quod consensus cohabitationis, vel carnalis copulae non facit coniugium; sed consensus coniugalis societatis verbis secundum praesens tempus expressis; ut cum vir dicit: Ego accipio te in meam, non dominam, non ancillam, sed coniugem. Quia enim non ancilla, vel domina datur, ideo nec de summo, nec de imo a principio formata est, sed de latere viri ob conjugalem societatem. Si de summo fieret, ut de capite, videretur ad dominationem creata. Si vero de imo, & pedibus, videretur ad servitutem subicienda. Sed quia nec in dominam, nec in ancillam assumitur, facta est de medio, id est de latere, quia ad conjugalem societatem assumitur. Cum ergo sic conveniunt, ut dicat vir, Accipio te in meam coniugem; & dicat mulier, Accipio te in meum virum: his verbis, vel aliis idem significantibus, exprimitur consensus non copulae carnalis, vel cohabitationis corporalis, sed coniugalis societatis; ex qua oportet eos cohabitare, nisi forte causa religionis pari voto corporaliter separentur (1) vel ad tempus, vel usque in finem.

## DIVISIO TEXTUS.

Postquam Magister ostendit quod consensus est causa efficiens matrimonii, hic ostendit qualis debeat esse consensus qui matrimonium facit: & dividitur in partes duas. In prima inquiritur, utrum consensus per verba de futuro, iuramento confirmatus matrimonium faciat. In secunda ostendit (a) quid sit consensus ille qui matrimonium facit, ibi, *Hic quaritur, cum consensus de presenti matrimonium faciat, cuius rei consensus su ille*. Circa primum duo facit. Primo determinat veritatem. Secundo obijcit in contrarium, ibi, *Premisse autem sententiae videtur obviare illud quod leges tradunt*. Et circa hoc duo facit. Primo obijcit contra id quod immediate determinatum est. Secundo contra id quod in praecedenti dist. habitum fuit, ibi, *Etiā sententiae illa quae dictum est, solum consensum facere coniugium, videtur obviare quod Evaristus Papa ait: & utrumque dividitur in obiectionem, & solutionem, ut per se patet in littera*.

## QUAESTIO I.

Hic quaeruntur quatuor.

Primo. Utrum iuramentum consensui expresse per verba de futuro adveniēns, matrimonium faciat.

Secundo. Utrum carnalis copula eidem adveniēns.

Tertio. Utrum occultus consensus per verba de praesenti sufficiat ad matrimonium faciendum.

Quarto. In quid sit consensus qui matrimonium facit.

## ARTICULUS I.

*Utrum iuramentum adiunctum consensui, per verba de futuro faciat matrimonium.*

1. AD primum sic proceditur. Videtur quod iuramentum adiunctum consensui per verba de futuro faciat matrimonium. Nullus enim potest se obligare ut faciat contra ius divinum. Sed implere iuramentum est de iure divino, ut patet Matth. v. 33. *Reddes autem Domino iuramenta tua*. Ergo per nullam obligationem sequentem potest evenire quod homo non debeat implere iuramentum prius factum. Si ergo post consensum in aliquam per verba de futuro iuramento firmatum, aliquis se alteri obligat per verba de praesenti, videtur quod nihilominus debeat iuramentum primum servare. Sed hoc non esset, nisi iuramento illo esset matrimonium perfectum. Ergo iuramentum adiunctum consensui de futuro facit matrimonium.

2. Praeterea. Veritas divina est fortior quam veritas humana. Sed per iuramentum veritate divina firmatur aliquid. Cum ergo verba exprimentia consensum de praesenti, in quibus est sola humana veritas, matrimonium perficiant, videtur quod multo amplius id efficere possint verba de futuro, iuramento firmata.

3. Praeterea. Secundum Apostolum ad Hebr. (cap. vi. 16.) *omnis controversia finis est iuramentum*. Ergo in iudicio saltem plus standum est iuramento quam simplici verbo. Si ergo aliquis simplici verbo consentiat in aliquam per verba de futuro, iuramento firmata, videtur quod iudicio Ecclesiae debeat compelli stare cum prima, & non cum secunda.

4. Prae-

(1) Al. vel ad tempus usque in finem, (a) Forte in quid.

## ARTICULUS II.

*Utrum carnalis copula post verba de futuro  
consensum exprimentia faciat ma-  
trimonium.*

4. Præterea. Verba de futuro simpliciter prolata sponsalia faciunt. Sed iuramentum ibi aliquid operatur. Ergo facit plus quam sponsalia. Sed ultra sponsalia non est nisi matrimonium. Ergo facit matrimonium.

Sed contra. Quod futurum est, non est. Sed iuramentum additum non facit quin verba de futuro significant consensum de futuro. Ergo adhuc matrimonium non est.

Præterea. Postquam perfectum est matrimonium, non oportet quod alius consensus interveniat ad matrimonium. Sed post iuramentum advenit alius consensus, qui matrimonium facit; alias frustra iuraretur illud esse futurum. Ergo non facit matrimonium.

## SOLUTIO.

Respondendo dicendum, quod iuramentum adhibetur pro confirmatione dictorum: unde illud tantum confirmat quod in dictis significatur, nec significatum mutat: & ideo cum verba de futuro ex ipsa significatione sua habeant quod matrimonium non faciant, quia quod futurum promittitur, nondum fit; etiam si iuramentum adveniat, nondum est matrimonium factum, sicut Magister in littera dicit.

Ad primum ergo dicendum, quod implere iuramentum licitum, est de iure divino; non autem implere iuramentum illicitum. Unde si aliqua obligatio sequens iuramentum faciat illud illicitum, cum prius fuisset licitum, non derogat iuri divino qui iuramentum prius factum non servat; & ita est in proposito. Illicite enim iuratur quod illicite promittitur; promissio autem de alieno est illicita: unde consensus sequens per verba de presenti, quo aliquis transfert dominium sui corporis in aliam, facit præcedens iuramentum esse illicitum, quod prius licitum erat.

Ad secundum dicendum, quod veritas divina efficacissima est ad firmandum illud cui adhibetur.

Unde patet solutio ad tertium.

Ad quartum dicendum, quod iuramentum operatur aliquid non novam obligationem faciens, sed factam confirmans; & sic gravius peccat qui eam violat.

1. **A**D secundum sic proceditur. Videtur quod carnalis copula post verba de futuro consensum exprimentia faciat matrimonium. Quia magis est consentire facto quam verbo. Sed ille qui carnaliter commiscetur, facto consentit promissioni quam prius fecit. Ergo videtur quod multo magis per hoc fiat matrimonium quam si solis verbis de presenti consensus fieret.

2. Præterea. Consensus non solum expressus, sed etiam interpretativus facit matrimonium. Sed nulla potest esse maior interpretatio consensus quam carnalis copula. Ergo per hoc perficitur matrimonium.

3. Præterea. Omnis coniunctio carnalis præter matrimonium facta, est peccatum. Sed mulier non videtur peccare admittens sponsum ad carnalem copulam. Ergo per hoc fit matrimonium.

4. Præterea. Non dimittitur peccatum, nisi restituatur ablatum. Sed quis non potest mulieri quam defloravit sub specie matrimonii, restituere ablatum, nisi eam in coniugium ducat. Ergo videtur quod si etiam post carnalem copulam cum alia contraxerit per verba de presenti, teneatur ad primam redire: quod non esset, nisi inter eos esset matrimonium. Ergo carnalis copula post consensum de futuro facit matrimonium.

Sed contra est quod dicit Nicolaus Papa (dist. xxvii. quest. ii. cap. Sufficiat) Si consensus in nuptiis defuerit, cetera etiam cum ipso coitu celebrata frustrantur.

Præterea. Quod consequitur ad aliquid, non facit ipsum. Sed carnalis copula sequitur matrimonium, sicut effectus causam. Ergo non potest facere matrimonium.

## SOLUTIO.

Respondendo dicendum, quod de matrimonio possumus loqui dupliciter. Uno modo quantum ad forum conscientie; & sic in rei veritate carnalis copula non habet quod perficiat matrimonium, cuius sponsalia præcesserunt per verba de futuro, si consensus interior desit: quia verba etiam de presenti exprimentia consensum, si consensus mentis deesset, non facerent matrimonium, ut supra dictum est. Alio modo quantum ad iudicium Ecclesie: & quia in exteriori iudicio secundum ea quæ foris patent, iudicatur, cum

nihil possit expressus significare consensum quam carnalis copula, secundum iudicium Ecclesie carnalis copula consequens sponsalia matrimonium facere iudicatur, nisi aliqua signa expressa doli, vel fraudis appareant.

Ad primum ergo dicendum, quod ille qui carnaliter committitur facto, consentit in carnalem copulam secundum rei veritatem; sed in matrimonium non consentit ex hoc ipso, nisi secundum interpretationem iuris.

Ad secundum dicendum, quod interpretatio illa non mutat rei veritatem, sed iudicium quod exterius de rebus fit.

Ad tertium dicendum, quod si sponsa sponsum admittit credens eum velle matrimonium consummare, excusatur a peccato, nisi aliqua signa expressa fraudis appareant; sicut si sunt multum distans conditionis, vel quantum ad nobilitatem, vel quantum ad fortunam, vel aliud signum evidens appareat. Sed tamen sponsus peccat & fornicando, & (quod plus est) fraude quam facit.

Ad quartum dicendum, quod in tali casu sponsus antequam aliam duxerit, tenetur eam ducere in uxorem, si sint æqualis conditionis, vel si sponsa sit melioris conditionis. Sed si aliam duxerit, iam factus est impotens ad solvendum illud ad quod tenebatur: & ideo sufficit, si ei de nuptiis providerit: & ad hoc etiam non tenetur, ut quidam dicunt, si sponsus sit multo melioris conditionis, aut aliquod signum evidens fraudis fuerit: quia præsumi probabiliter potest, quod sponsa non fuerit decepta, sed decipi se finxerit.

### ARTICULUS III.

*Utrum consensus in occulto factus per verba de præsenti faciat matrimonium.*

1. **A**D tertium sic proceditur. Videtur quod consensus in occulto factus per verba de præsenti non faciat matrimonium. Res enim in potestate alterius existens non transfertur in potestatem alterius, nisi consentiente illo in cuius potestate erat. Sed puella erat in potestate patris. Ergo non potest per matrimonium transire in potestatem viri, nisi patre consentiente, & ita si fiat in occulto consensus, etiam per verba de præsenti expressus, non erit matrimonium.

2. Præterea. Sicut in matrimonio est actus noster quasi de essentia sacramenti, ita in penitentia. Sed sacramentum penitentia

non perficitur nisi mediantibus Ecclesie ministris, qui sunt sacramentorum dispensatores. Ergo nec matrimonium potest perfici in occulto absque sacerdotali benedictione.

3. Præterea. Baptismus, quia potest in occulto fieri, & in manifesto, non prohibetur ab Ecclesia fieri in occulto. Sed Ecclesia prohibet clandestina matrimonia. Ergo non possunt fieri in occulto.

4. Præterea. Inter eos qui in secundo gradu sibi attinent, non potest matrimonium contrahi: quia Ecclesia prohibuit. Sed similiter Ecclesia prohibuit clandestina matrimonia. Ergo non possunt esse vera matrimonia.

Sed contra. Posita causa ponitur effectus. Sed causa efficiens matrimonii est consensus per verba de præsenti expressus. Ergo si fiat in publico, siue in occulto, matrimonium sequitur.

Præterea. Ubicumque est debita forma, & debita materia, ibi est sacramentum. Sed in occulto matrimonio servatur debita materia, quia sunt persone legitime ad contrahendum; & debita forma, quia sunt verba de præsenti consensus exprimentia. Ergo est ibi verum matrimonium.

### SOLUTIO.

Respondeo dicendum, quod sicut in aliis sacramentis quædam sunt de essentia sacramenti, quibus omisiss non est sacramentum, quædam autem ad solemnitatem sacramenti pertinent, quibus omisiss verum pericitur sacramentum, quamvis peccet qui omittit: ita etiam consensus expressus per verba de præsenti inter personas legitimas ad contrahendum, matrimonium facit: quia hæc duo sunt de essentia sacramenti, alia autem omnia sunt de solemnitate sacramenti, quia ad hoc adhibentur ut matrimonium convenientius fiat: unde si omittantur, verum matrimonium est, quamvis peccent sic contrahentes, nisi per aliquam legitimam causam excusentur.

Ad primum ergo dicendum, quod puella non est in potestate patris quasi ancilla, ut sui corporis potestatem non habeat, sed quasi filia ad educandum: & ideo secundum hoc quod libera est, potest se in potestatem alterius absque consensu patris dare, sicut etiam potest aliquis, vel aliqua intrare religionem absque consensu parentum, cum sit persona libera.

Ad secundum dicendum, quod actus noster in penitentia quamvis sit de essentia sacramenti, non est tamen sufficiens ad indu-

cendum proximum effectum sacramenti, scilicet absolutionem a peccatis: & ideo oportet quod ad perfectionem sacramenti interveniat actus sacerdotis. Sed in matrimonio actus nostri sunt causa sufficiens ad inducendum proximum effectum, qui est obligatio: quia quicumque est sibi iuris, potest se alteri obligare: & ideo sacerdotis benedictio non requiritur in matrimonio quasi de essentia sacramenti.

Ad tertium dicendum, quod etiam prohibitum est quod baptismum nullus recipiat nisi a sacerdote, nisi in articulo necessitatis. Matrimonium autem non est sacramentum necessitatis: & ideo non est similis ratio. Prohibetur autem clandestina matrimonia propter pericula quae inde evenire solent: quia frequenter in talibus est aliqua fraus ex altera parte; frequenter etiam ad alia coniugia transunt, dum penitent de istis quae subito facta sunt, & multa alia mala inde accidunt; & speciem turpitudinis praeter hoc habent.

Ad quartum dicendum, quod non sunt prohibita clandestina matrimonia quasi contra essentialia matrimonii existentia, sicut sunt prohibita matrimonia illegitimarum personarum, quae sunt materia indebita huic sacramento: & ideo non est simile.

## ARTICULUS IV.

*Utrum consensus qui facit matrimonium, sit consensus in carnalem copulam.*

*III. P. quæst. XXIX. art. 2.*

1. **A**D quartum sic proceditur. Videtur quod consensus qui facit matrimonium, sit consensus in carnalem copulam. Quia, sicut dicit Hieronymus \* (haberetur dist. xxvii. cap. *Verentibus*) *Verentibus virginitatem non solum nubere, sed velle nubere damnable est*. Sed non esset damnable, nisi esset virginitati contrarium; cui nuptiae non contrariantur nisi ratione carnalis copulae. Ergo consensus voluntatis qui est in nuptiis, est in carnalem copulam.

2. Præterea. Omnia quae sunt in matrimonio inter virum & uxorem, possunt esse licite inter fratrem & sororem, excepta carnali copula. Sed non potest licite inter eos fieri consensus matrimonialis. Ergo consen-

sus matrimonialis est consensus in carnalem copulam.

3. Præterea. Si mulier dicat viro, *Consentio in te, ut non cognoscas me*, non est consensus matrimonialis: quia aliquod est ibi contra subtilitatem praedicti consensus. Sed non esset, nisi dictus consensus esset in carnalem copulam. Ergo &c.

4. Præterea. In qualibet re initium consummationi respondet. Sed matrimonium consummatur per carnalem copulam. Ergo cum initietur per consensum, videtur quod consensus sit in carnalem copulam.

Sed contra. Nullus consentiens in carnalem copulam est virgo mente, & carne. Sed beatus Ioannes Evangelista post consensum nuptialem est virgo mente, & carne. Ergo non consentit in carnalem copulam.

Præterea. Effectus respondet causae. Sed consensus est causa matrimonialis. Cum ergo de essentia matrimonii non sit carnalis copula, videtur quod deo consensus qui matrimonium facit, sit in carnalem copulam.

## SOLUTIO I.

Respondeo dicendum, quod consensus qui matrimonium facit, est consensus in matrimonium: quia effectus proprius voluntatis est ipsum volitum: unde sicut se habet carnalis copula ad matrimonium, ita consensus qui matrimonium causat, est in carnalem copulam. Matrimonium autem, ut supra dictum est, non est essentialiter ipsa coniunctio carnalis: sed quædam associatio viri & uxoris in ordine ad carnalem copulam, & alia quæ ex consequenti ad virum, & uxorem pertinent, secundum quod eis datur potestas invicem respectu carnalis copulae; & hæc associatio conjugalis copula dicitur. Unde patet quod bene dixerunt illi qui dixerunt, quod consentire in matrimonium est consentire in carnalem copulam implicite, non explicite. Non enim debet intelligi, nisi sicut implicite continetur effectus in sua causa: quia potestas carnalis copulae, in quam consentitur, est causa carnalis copulae, sicut potestas utendi re sua est causa usus.

Ad primum ergo dicendum, quod consensus in matrimonium ideo est damnabilis, quod votum virginitatis, quia per talem consensum datur potestas ad id quod non licet; sicut peccaret qui daret potestatem alteri acci-

EX EDIT. P. NICOLAT. \* Sub Hieronymi nomine refertur hoc. c.º. sed apud illum non extare appendicis ibidem notat. Sub nomine Anguliani potius refert Glossa in Epist. L. ad Tim. cap. v. super illud, *Verentibus dicitur, quia prius non solum istam fecerunt*.

apiendi illud quod ipse in deposito habet, non solum in hoc quod ei actualiter traderet. De consensu autem beatæ Virginis infra dicitur.

Ad secundum dicendum, quod inter fratrem & sororem non potest esse potestas in invicem ad carnalem copulam, sicut nec licite carnalis copula: & ideo ratio non consequitur.

Ad tertium dicendum, quod illa conditio explicita non solum actui, sed potestati contrariatur carnalis copulæ: & ideo est contraria matrimonio.

Ad quartum dicendum, quod initiatum matrimonium respondet consummato, sicut habitus, vel potestas actui qui est operatio.

Rationes autem contrariæ ostendunt quod non sit consensus in carnalem copulam explicitæ; & hoc verum est.

## EXPOSITIO TEXTUS.

**S**ine quibus, legitime fit quantum ad virtutem, (a) non honestatem sacramenti. Contra. In secundis nuptiis non est benedictio sacerdotalis, & tamen est honestas matrimonii. Et dicendum, quod non est ibi honestas quantum ad perfectam significationem matrimonii: unde propter defectum sacramenti benedictio intermittitur.

Matrimonium non facit consensus &c. Hoc intelligitur quantum ad iudicium Ecclesiæ; sed quantum ad iudicium conscientie solus consensus matrimonium facit firmum.

Quia non de capite, nec de pedibus, sed de lateribus. Videtur quod sit de excellentissimo loco sumpta: quia cor est membrorum principalissimum, iuxta quod sunt costæ. Et dicendum, quod cor est nobilissimum quantum ad originem vitæ, sed caput quantum ad complementum victurum, quibus fit motus, & sensus, in quibus consistit vita sensitiva.



## DISTINCTIO XXIX.

*Coactio. excludit. consensum. coniugalem..*

**O**portet autem consensum coniugalem liberum esse a coactione. Coactus enim consensus, qui nec consensus appellari debet, coniugium non facit, sicut testatur Urbanus Papa scribens (1) Sanctio Regi Aragonum in hæc verba (habentur in Decr. causa xxxi. quæst. 11. cap. „ De neptis tuæ „ coniugio, „ quam te cuidam militi daturum necessitatis instante articulo. sub fidei „ pollicitatione (2) confirmasti, hoc æquitate distante (3) decrevimus, ut si illa „ virum illum omnino, ut dicitur, renuit, & in eadem voluntate persistit ut viro „ illi se prorsus deneget nupturam; nequaquam eam invitam, ac renitentem eius „ dem viri cogas coniugio copulari. „ Idem (ibid. cap. „ Si verum „) „ Si verum esse constiterit quod nobis Legati Iordanis Principis retulerunt, scilicet quod „ ipse coactus, & dolens filiam suam (4) nolentem, stentem, & pro viribus renitentem Raynaldo desponsaverit; quoniam legum, & canonum auctoritas talia sponsalia non approbat, ne ignorantibus leges, & canones nimis durum (5) videatur, ita sententiam temperamus, ut si Princeps cum assensu filiarum id quod coactum est, perficere voluerit, concedamus. Sin aliter res se habet, Legatus noster utrasque partes audiat, & si nihil fuerit ex parte Raynaldi quod amplius impediatur, ab ipso Iordane sacramentum, quo consistit hæc quæ dicta sunt, accipiat; & „ non canonum, & legum scripta sequentes, deinceps non prohibemus quin alii viro, si voluerit, prædicta eius filia tantum in Domino nubatur. „ Ex his apparet coniugium fieri inter consentientes, & spontaneos, non inter renitentes, & invitos. Verumtamen qui invitati, & coacti coniuncti sunt, si postea ab aliquo temporis spatio.

(1) M. Sacratio. (2) Nicolai firmasti. (3) Idem decrevimus. (4) M. desponsantem.

(5) Addit Nicolai id quod dicimus.

(6) Nicolai. addit (vel veritatem).



no sine contradictione, & querimonia cohabitaverint, facultate discedendi, vel reclamandi habita, consentire videntur; & consensus ille consequens supplet quod praecedens coactio tulerat. (1)

In Libro Pandectarum.

**C**onsentire autem probatur qui evidenter non contradicit, secundum illud: In sponsalibus eorum consensus exigendus est quorum in nuptiis desideratur. Intelligitur tamen semper patri filia consentire, nisi evidenter dissentiat. Item: Sponsalia, sicut nuptiae, consensu sunt contrahentium: & ideo sicut in nuptiis, ita & in sponsalibus patrifamilias filiam consentire oportet: quae si patris voluntati non repugnat, consentire intelligitur.

## DIVISIO TEXTUS.

## ARTICULUS I.

**P**ostquam ostendit Magister quod consensus sit causa matrimonii, hic ostendit quibus impediatur consensus, ne matrimonium efficere possit: & dividitur in partes duas. In prima determinat de impedimento coactionis; in secunda de impedimento erroris, xxx. dist. ibi, *Nec solum coactio impedit, vel excludit consensum, sed etiam error*. Prima in tres. In prima ostendit quod coactus consensus non facit matrimonium. In secunda ostendit quod si post coactionem liber consensus adveniat, matrimonium verum erit, ibi, *Verumamen qui invitatus, & coacte coniuncti sunt, si postea ab aliquo temporis spatio sine contradictione, & querimonia cohabitaverint, facultate discedendi, vel reclamandi habita, consentire videntur*. In tertia, qualiter intelligendus sit aliquis consentire, ibi, *Consensire autem probatur*.

## QUAESTIO I.

**H**ic queruntur quatuor.

Primo. Utrum aliquis consensus possit esse coactus.

Secundo. Utrum aliqua coactio cadat in constantem virum.

Tertio. Utrum consensus coactus faciat matrimonium.

Quarto. Utrum aliquis possit cogi a patre ad contrahendum matrimonium.

*Utrum aliquis consensus possit esse coactus.*

**A**D primum sic proceditur. Videtur quod nullus consensus possit esse coactus. Coactio enim in liberum arbitrium cadere non potest secundum aliquem statum eius, ut in II. Lib. dist. xxv. (quasi. 1. art. 1.) dictum est. Sed consensus est actus liberi arbitrii. Ergo non potest esse coactus.

2. Præterea. Violentum, quod est idem quod coactum, secundum Philosophum (III. Ethicor. cap. 111. vel 11.) est cuius principium est extra, nil conferente vim passo. Sed consensus omnis principium est intra. Ergo nullus consensus potest esse coactus.

3. Præterea. Omne peccatum per se perfitur. Sed illud quo perfitur peccatum, cogi non potest: quia secundum Augustinum (Lib. I. Retract. cap. 11.) nullus peccat in eo quod vitare non potest. Cum ergo vis a iuristis diffiniatur esse maioris rei impetus, qui repelli non potest, videtur quod consensus esse non possit coactus, vel violentus.

4. Præterea. Dominium libertati opponitur. Sed coactio ad dominium pertinet, ut patet in quadam diffinitione Tullii: dicit enim, quod vis est impetus dominantis retinens rem infra terminos alienos. Ergo vis in liberum arbitrium non cadit; & ita nec in consensum, qui est actus eius.

Sed contra. Illud quod esse non potest, non potest aliquid impedire. Sed coactio consensus impedit matrimonium, ut in littera dicitur. Ergo consensus potest cogi.

Præterea. In matrimonio est quidam contra-

tra-

(1) *Addit Michaelus. Unde Clemens III. Extra de sponsalibus, & matrimoniis cap. Ad id. Quamvis inquit undecim annos habens ab initio invita fuisset viro tradita, & retenta, tamen quia postmodum per annum & dimidium ei cohabitans consensisse videtur, ad ipsum est cogenda redire: nec de cetero recipiendi sunt testes ad probandum quod in eundem non consenserit: cum mora tanti temporis huiusmodi probationem excludat.*

EX EDIT. P. NICOLAI. \* Apud Tullium non occurrit, licet ex illo citet & Albertus Magnus in hunc locum.

tractus. Sed in contractibus potest esse voluntas coacta: unde legislator in integrum restitutionem adiudicat, ratum non habens quod vi, sive metus causa factum est. Ergo etiam in matrimonio potest esse consensus coactus.

## SOLUTIO.

Respondeo dicendum, quod duplex est coactio, vel violentia. Una quæ facit necessitatem absolutam; & tale violentum dicitur a Philosopho violentum simpliciter, ut cum quis alium corporaliter impellit ad metum. Alia quæ facit conditionatam necessitatem; & hanc vocat Philosophus violentum mixtum; sicut cum quis proicit metes in mare, ne periclitetur: & in isto violento; quamvis hoc quod fit, non sit per se voluntarium, tamen consideratis circumstantiis hic & nunc, voluntarium est. Et quia actus in particularibus sunt, ideo simpliciter voluntarium est, sed secundum quid involuntarium: unde hæc violentia, vel coactio potest esse in consensu, qui est actus voluntatis, non autem prima. Et quia hæc coactio fit ex hoc quod timetur aliquod periculum imminens, ideo ista vis idem est quod metus, qui voluntatem cogit quodammodo; sed prima vis cadit etiam in corporalibus actibus. Et quia legislator non considerat solum interiores actus, sed magis exteriores, ideo per vim intelligit coactionem simpliciter, propter quod vim contra metum dividit. Sed nunc agitur de consensu interiori, in quem non cadit coactio, seu vis, quæ a metu distinguitur: & ideo quantum ad propositum pertinet, idem est coactio quod metus. Est autem metus secundum Iurisperitos, *instantis, vel futuri periculi causa mentis trepidatio*.

Et per hoc patet solutio ad obiecta: nam primæ rationes procedunt de coactione prima; secundæ de secunda.

## ARTICULUS II.

*Utrum coactio metus cadat in constantem virum.*

1. **A**D secundum sic proceditur. Videtur quod coactio metus non cadit in constantem virum. Quia de ratione constantis est quod non trepidet in periculis. Cum ergo metus sit trepidatio mentis ratione periculi imminentis, videtur quod non cogatur metu.

2. Præterea. Omnium terribilium finis est

mors secundum Philosophum in II. Ethic. (cap. 12. vel XIV.) quasi perfectissimum inter terribilia. Sed constantes non coguntur morte: quia fortis etiam pericula mortis sustinet. Ergo nullus metus cadit in constantem virum.

3. Præterea. Inter alia pericula præcipue timetur a bonis periculum famæ. Sed timor infamiae non reputatur timor cadens in constantem virum: quia, ut dicit lex (Lib. IV. Digesti veteris tit. 11. § VII.) *timor infamiae non continetur illo edicto quod metus causa factum est*. Ergo nec aliquis alius metus cadit in constantem virum.

4. Præterea. Metus in eo qui metu cogitur, peccatum relinquit: quia facit eum promittere quod non vult solvere, & sic facit cum mentiri. Sed non est constantis aliquod etiam peccatum minimum pro aliquo timore facere. Ergo nullus metus cadit in constantem virum.

Sed contra. Abraham, & Isaac constantes fuerunt. Sed in eis edict metus: quia ratione metus dixerunt uxores suas esse sibi sorores. Ergo metus potest cadere in constantem virum.

Præterea. Ubicumque est violentum mixtum, est aliquis metus cogens. Sed aliquis, quantumcumque constans, potest pari tale violentum: quia si sit in mari, merces proicit tempore naufragii. Ergo metus potest cadere in constantem virum.

## SOLUTIO.

Respondeo dicendum, quod cadere metum in aliquem, est aliquem metu cogi. Cogitur autem aliquis metu, quando aliquid facit quod alias non vellet, ad evitandum aliquid quod timet. In hoc autem constans ab inconstanti distinguitur quantum ad duo. Primo quantum ad qualitatem periculi quod timetur: quia constans sequitur rationem rectam, per quam (a) scit quid pro quo sit dimittendum, vel faciendum. Semper autem minus malum, vel maius bonum eligendum est: & ideo constans ad minus malum sustinendum cogitur metu maioris mali; non autem cogitur ad maius malum, ut vitet minus malum. Sed inconstans cogitur ad maius malum propter metum minoris mali, sicut ad peccatum propter metum corporalis poenæ. Sed pertinax & contrario non potest cogi etiam ad minus malum sustinendum, vel faciendum, ut evitet maius malum: unde constans est medius inter inconstantem & pertinacem. Secundo differunt quoad estimationem.

(a) *Id est aliquid pro quo sit dimittendum, vel faciendum.*

mationem periculi imminens: quia constans non nisi ex forti æstimatione, & probabili cogitur; sed inconstans ex levi. Proverb. xviii. 1. *Fugit impius nequie persequente.*

Ad primum ergo dicendum, quod constans, sicut de forti Philosophus dicit (III. Ethic. cap. ix.) intrepidus est, non quod omnino non timeat, sed quia non timet quæ non oportet, vel ubi, vel quando non oportet.

Ad secundum dicendum, quod peccata sunt maxima malorum; & ideo ad hoc nullo modo potest homo constans cogi; immo magis debet homo mori quam talia sustinere, ut etiam Philosophus in III. Ethic. (cap. 1.) dicit. Sed quædam damna corporalia sunt minora quibusdam aliis, quæ sunt inter præcipua quæ ad personam pertinent, sicut mors, verbera, dehonestatio per stuprum, & servitus: & ideo ex istis constans cogitur ad alia damna corporalia sustinenda; & hæc continentur hoc versu.

*Stupri, siue status, verberis, atque necis.* Nec differt, utrum hæc pertineant ad personam propriam, vel uxoris, vel filiorum, aut aliorum huiusmodi.

Ad tertium dicendum, quod infamia quamvis sit magnus damnum, tamen ei de facili occurri potest: & ideo non reputatur cadens in constantem virum metus infamiae secundum iura.

Ad quartum dicendum, quod constans non cogitur ad mentendum, quia tunc vult dare; sed tamen postea vult petere restitutionem, vel saltem iudici (a) denunciare, si se promisit non petiturum restitutionem. Non potest autem promittere se non denuntiaturum, cum hoc sit contra bonum iustitiæ, ad quod cogi non potest, ut scilicet contra iustitiam faciat.

## ARTICULUS III.

*Utrum consensus coactus tollat matrimonium.*

1. Ad tertium sic proceditur. Videtur quod consensus coactus non tollat matrimonium. Quia sicut ad matrimonium requiritur consensus, ita ad baptismum requiritur intentio. Sed coactus timore ad accipiendum baptismum recipit sacramentum. Ergo & coactus ad consentiendum aliquo timore (b) matrimonio obligatur.

2. Præterea. Violentum mixtum, secundum Philosophum (III. Ethic. cap. 1. vel 11.) plus habet de voluntario quam de involuntario. Sed non potest aliter consensus

S. Th. Oper. Tom. XIII.

(a) Ad procurantem. (b) Nuptial: ad matrimonium.

coactus esse; nisi per violentum mixtum. Ergo non omnino excluditur voluntarium, & ita adhuc est matrimonium.

3. Præterea. Ei qui consentit in matrimonium coactus, consulendum videtur quod in matrimonio illo stet: quia speciem mali habet promittere, & non solvere, a quo Apostolus vult nos abstinere. Hoc autem non esset, si consensus coactio omnino matrimonium tolleretur. Ergo &c.

Sed contra est quod Decretalis (extra de sponsalibus) dicit: *Cum consensus locum non habeat ubi metus, vel coactio intercedit, necesse est ut ubi communis consensus requiritur coactionis materia repellatur.* Sed in matrimonio requiritur communis consensus. Ergo &c.

Præterea. Matrimonium significat coniunctionem Christi ad Ecclesiam, quæ fit secundum libertatem amoris. Ergo non potest fieri per coactum consensum.

## QUÆSTIUNCULA II.

1. Uterius. Videtur quod consensus coactus saltem ex parte cogentis faciat matrimonium. Quia matrimonium est signum spiritualis coniunctionis. Sed spiritualis coniunctio, quæ est per caritatem, potest esse ad eum qui non habet caritatem. Ergo & matrimonium ad eum qui non vult.

2. Præterea. Si illa quæ fuit coacta, postmodum consentiat, erit verum matrimonium. Sed iste qui coegit primo, ex consensu illius non ligatur. Ergo ex primo consensu ligabatur matrimonio.

Sed contra. Matrimonium est relatio æquiparantæ. Sed talis relatio est æqualiter in utroque. Ergo si sit impedimentum ex parte unius, non erit matrimonium ex parte alterius.

## QUÆSTIUNCULA III.

1. Uterius. Videtur quod nec per consensum conditionatum fiat matrimonium. Quia quod sub conditione ponitur, non simpliciter enuntiatur. Sed in matrimonio oportet esse verba simpliciter exprimentia consensum. Ergo conditio alicuius consensus non facit matrimonium.

2. Præterea. Matrimonium debet esse certum. Sed ubi dicitur aliquid sub conditione, ponitur illud sub dubio. Ergo talis consensus non facit matrimonium.

Sed contra. In aliis contractibus fit obligatio sub conditione, & stat stante conditione. Ergo cum matrimonium sit contra-

O clus

Aus quidam, videtur quod possit fieri per conditionatum consensum.

### SOLUTIO I.

Respondeo dicendum ad primam quæstionem, quod vinculum matrimonii perpetuum est: unde illud quod perpetuitati repugnat, tollit matrimonium. Metus autem qui cadit in constantem virum, perpetuitatem contrahus tollit, quia potest peti restitutio in integrum: quia talis coactio metus qui cadit in constantem virum, tollit matrimonium, & non alia. Constantem autem vir indicatur virtuosus, qui est mensura in omnibus operibus humanis, ut Philosophus dicit in III. Ethicor. (cap. ix. vel x.) Quidam autem dicunt, quod si adit consensus, quamvis coactus, interius est matrimonium quantum ad Deum, sed non quantum ad statum Ecclesiæ, quæ præsumit ibi non fuisse consensum interiorem propter metum. Sed hoc nihil est: quia Ecclesia non debet præsumere de aliquo peccatum quousque probetur. Peccavit autem, si dixit se consentire, & non consensit. Unde Ecclesia præsumit eum consensisse; sed iudicat illum consensum extortum non esse sufficientem ad faciendum matrimonium.

Ad primum ergo dicendum, quod intentio non est causa efficiens sacramenti in baptismo, sed solum eliciens actionem agentis; sed consensus est causa efficiens in matrimonio: & ideo non est simile.

Ad secundum dicendum, quod ad matrimonium non sufficit quodcumque voluntarium, sed voluntarium complete: quia debet esse perpetuum: & ideo per violentum mixtum impeditur.

Ad tertium dicendum, quod non semper debet induci ad hoc quod in matrimonio ille fiat, sed solum quando timetur periculum de dissolutione: alias autem non peccat: quia non solvere promissa quæ volens facit, non est species mali.

### SOLUTIO II.

Ad secundam quæstionem dicendum, quod cum matrimonium sit quædam relatio, & non possit innasci relatio in uno extremo sine hoc quod fiat in alio; ideo quidquid impedit matrimonium in uno, impedit ipsum in altero: quia non potest esse quod aliquis sit vir non uxoris, vel quod aliqua sit uxor non habens virum, sicut mater non habens filium: & ideo communiter (a) dicitur, quod matrimonium non claudicat.

(a) id. dicendum.

Ad primum ergo dicendum, quod quamvis actus amantis possit transire in non amantem, tamen unio inter eos non potest esse, nisi sit mutua amatio: & ideo dicit Philosophus in VIII. Ethicor. (cap. 1.) quod ad amicitiam, quæ in quadam unione consistit, requiritur redamatio.

Ad secundum dicendum, quod ex consensu libero illius qui prius coactus est, non fit matrimonium, nisi in quantum consensus præcedens in altero adhuc manet in suo vigore: unde si dissentiret, non fieret matrimonium.

### SOLUTIO III.

Ad tertiam quæstionem dicendum, quod conditio appositæ aut est de præsentia, aut de futuro. Si de præsentia, & non est contraria matrimonio, siue sit honesta, siue inhonestæ, stat matrimonium stante conditione, & ea non stante non stat; sed si sit contraria bonis matrimonii, non efficit matrimonium, sicut etiam supra de sponsalibus dictum est. Si autem sit conditio de futuro, aut est necessaria, sicut solem oriri cras; & tunc est matrimonium, quia talia futura iam sunt præsentia in suis causis: aut est contingens, sicut datio pecuniæ, vel acceptatio parentum; & tunc idem est iudicium de tali consensu sicut de consensu qui fit per verba de futuro: unde non facit matrimonium.

Et per hoc patet solutio ad obiecta.

### ARTICULUS IV.

*Utrum aliquis præcepto patris possit compelli ad matrimonium.*

1. AD quartum sic proceditur. Videtur quod aliquis præcepto patris possit compelli ad matrimonium contrahendum. Coloss. 111. 20. *Filii obedite parentibus vestris per omnia.* Ergo etiam in hoc eis obedere tenentur.

2. Præterea. Genes. xxviii. Isaac præcepit Iacob quod non acciperet uxorem de filiabus Chanaan. Non autem præcepisset, nisi de iure præcipere potuisset. Ergo filius in hoc tenetur obedire patri.

3. Præterea. Nullus debet promittere, præcipue per iuramentum, pro illo quem non potest cogere ad servandum. Sed parentes promittunt futura matrimonia pro filiis, & etiam iuramento firmant. Ergo possunt præcepto cogere filios ad implendum.

4. Præterea. Pater spiritualis, scilicet Pa-

ter,

pa, potest compellere praecepto ad matrimonium spirituale, scilicet ad episcopatum accipiendum. Ergo & pater carnalis ad carnale matrimonium.

Sed contra. Patre imperante matrimonio, filius potest sine peccato religionem intrare. Ergo non tenetur ei in hoc obedire.

Præterea. Si teneretur obedire, sponsalia per parentes contracta absque consensu filiorum essent stabilia. Sed hoc est contra iura. Ergo &c.

## SOLUTIO.

Respondeo dicendum, quod cum matrimonium sit quædam quasi servitus perpetua, pater non potest cogere filium ad matrimonium per praeceptum, cum sit liberæ conditionis, sed potest eum inducere ex rationabili causa: & tunc sicut se habet filius ad causam illam, ita se habet ad praeceptum patris; ut si illa causa cogat de necessitate, vel de honestate, & praeceptum similiter cogat; alias non.

Ad primum ergo dicendum, quod verbum Apostoli non intelligitur in illis in quibus sicut pater est liber, ita & filius: & huiusmodi est matrimonium, per quod etiam filius fit pater.

Ad secundum dicendum, quod Iacob alias tenebatur ad faciendum hoc quod mandavit Isaac, tum propter malitiam illarum mulierum, tum quia semen Chanaan de terra quæ femini patriarcharum promittebatur, erat disperdendum: & ideo Isaac præcipere poterat.

Ad tertium dicendum, quod non iurant nisi illa conditione subintellecta, Si illis placuerit; & ipsi obligantur ad eos bona fide inducendum.

Ad quartum dicendum, quod quidam dicunt, quod Papa non potest præcipere alicui quod accipiat episcopatum: quia consensus debet esse liber. Sed hoc posito, periret ecclesiasticus ordo. Nisi enim aliquis posset cogi ad suscipiendum regimen Ecclesiæ, Ecclesiæ conservari non posset; cum quandoque illi qui sunt idonei, hoc nolint suscipere nisi coacti. Et ideo dicendum, quod non est simile hinc inde: quia non est aliqua corporalis servitus in matrimonio spirituali sicut in corporali: est enim spirituale matrimonium, sicut quodam officium dispensandæ reipublicæ. I. Corinth. xv. 2. Sic nos existimes homo, ut ministros Christi.

## EXPOSITIO TEXTUS.

**L**egem Principis Iordani retulerunt. Videatur quod non possit fieri matrimonium per internuntios: quia si ante adventum nuntii alter peniteat, non erit matrimonium. Et dicendum, quod potest aliquis alterum procuratorem constituere ad consentiendum; tamen si ante peniteat quam ille consentiat, non est matrimonium nec in rei veritate, nec secundum iudicium Ecclesiæ, si aliquibus signis appareat penituisse. Sed ex quo consensus per internuntios factus est, matrimonium tenet ac si ipse fecisset.

Consentire autem probatur qui evidenter non contradicit. Hoc intelligitur quantum ad forum Ecclesiæ: quia quantum ad forum conscientiæ, si interius dissentiat, quamvis exterius non reclamet, non est matrimonium.

## DISTINCTIO XXX.

De errore qui evacuat consensum.

**N**ec solum coactio impedit, vel excludit consensum, sed etiam error. Non autem omnis error consensum impedit: est enim error alius personæ, alius fortunæ, alius conditionis, alius qualitatis. Error personæ, quando hic putatur esse homo ille, & est alius. Error fortunæ, quando putatur esse dives, qui est pauper, vel e converso. Error conditionis, quando putatur esse liber qui servus est. Error qualitatis quando putatur esse bonus qui est malus. Error fortunæ, & qualitatis, coniugii consensum non excludit. Error vero conditionis coniugalem consensum evacuat; de qua conditione postmodum tractabimus. Error quoque perso-

næ consensum conjugalem non admittit, ut si quis feminam nobilem in coniugium petat, & pro ea alia ignobilis tradatur ei, non est inter eos coniugium: quia non consentit vir in illam, sed in aliam: ut si quis promitteret mihi se venditurum aurum, & pro auro offerret mihi aurichalcum, & ita me deciperet; numquid diceret consensisse in aurichalcum? Numquam volui emere aurichalcum: nec ergo in illud consensi, quia consensus non nisi voluntatis est. Sicut ergo error materiam excludit consensum, ita & in coniugio error personæ. Sed obicitur de Iacob, qui pro Rachel septem annis servierat, & supposita est ei Lia. Numquid error personæ excludit coniugium, cum non in eam, sed in Rachel consenserit? Sed quod ibi factum est, in mysterio gestum non improbe traditur. Ibi tamen etsi non præcessit, securus est consensus: nec ex illo concubitu qui consensum præcessit, fornicarii iudicantur; cum ille maritali affectu eam cognoverit, & illa uxorio affectu debitum persolverit, putans lege primogenitarum, & paternis imperiis se illi iure copulatam. Excusatur etiam, quia Dei consilio in mysterio ita actum est. Hodie etiam excusaretur ille cui infcio uxoris soror lectulum eius ingressa se subiiceret; quæ cum sine spe coniugii perpetuo manere censeatur, ille tamen qui cognovit eam per ignorantiam, excusatur; quod per simile probatur. Si enim diabolus transfigurans se in Angelum lucis credatur bonus, non est error periculosus. Quod autem vir ille in illam mulierem non consenserit, ex simili ostenditur. Si quis hæreticus nomine Augustini, vel Ambrosii alicui catholico se offerret, eumque ad suæ fidei imitationem vocaret, si ille assentiret, in cuius fidei sententiam dicitur consensisse? Non in hæreticorum sectam, sed in integritatem fidei quam ille hæreticus se mentiebat habere. Error vero fortunæ consensum non excludit. Quæ enim nubit pauperi, putans illum esse divitem, non potest renuntiare priori conditioni, quamvis erraverit. Nec error qualitatis; ut si quis ducat uxorem meretricem, vel corruptam, quam putat esse castam, vel virginem, non potest eam dimittere (1).

*De coniugio Mariæ & Ioseph.*

**P**Ræmissis aliquid addendum est de modo illius consensus qui inter Mariam & Ioseph intercessit. Sane credi potest non solum Mariam, sed etiam Ioseph apud se disposuisse virginitatem servare velle, nisi Deus aliter iuberet; eosque sic consensisse in conjugalem societatem ut uterque de altero, revelante Spiritu sancto, intelligeret quod virginitatem servare vellet, nisi Deus aliter inspiraret. Sed illam voluntatem verbis non expresserant, postea vero expresserunt, & in virginitate permanserunt. Consensit ergo Maria in maritalem societatem, sed non in carnalem copulam, nisi de eadem specialiter Deus præciperet, cuius etiam consilio in maritalem consensit copulam, quia virginitatem servare volebat: & ideo non aliter consensisset in conjugalem societatem, nisi familiare Dei consilium habuisset: de qua Augustinus (de nupt. & concupiscen. Lib. I. cap. xi. & xii. implicate tamen: & habetur causa xxvii. quest. ii. cap. „Sufficiat,“ s. „Cum ergo;“ & cap. „Beata Maria“) sic ait: „Beata Maria proposuit se servatorem votum virginitatis in corde; sed ipsum votum non expressit in ore. Subiecit se divinæ dispositioni, proposuit se perseveratorem virginem, nisi Deus aliter ei revelaret. Committens ergo virginitatem suam divinæ dispositioni, consensit in carnalem copulam, non illam appetendo, sed divinæ inspirationi in utroque obediendo. Postea vero simul cum viro labiis expressit, & uterque in virginitate permansit.“

(1) Addit Nicolai: & aliam ducere.

*Quod perfectum inter eos fuit coniugium.*

**I**nter quos, ut ait Augustinus (ubi supra) perfectum fuit coniugium: perfectum quidem non in significatione, sed in sanctitate. Sanctiora sunt enim coniugia pari voto continentium. Unde Augustinus (epist. cxcix. ad Ecditiam.) „Quod Deo „pari voto, & consensu voveratis, ambo perseveranter reddere debuistis: a quo „proposito si lapsus est ille, tu saltem persevera. Non (1) enim quia pariter tempe- „ratatis a commixtione carnali, ideo maritus tuus esse desisterat; immo vero tan- „to sanctius coniuges manebatis, quanto sanctiora concorditer placita servabatis. “ Perfectum ergo fuit Mariæ & Ioseph coniugium in sanctitate. Perfectum etiam fuit secundum triplex bonum coniugii, fidem scilicet, prolem, & sacramentum. Omne enim nuptiarum bonum, ut ait Augustinus (Lib. I. cap. x. de nuptiis & concupisc.) impletum est in illis parentibus Christi, fides, proles, sacramentum. Prolem cognoscimus ipsum Dominum: fidem, quia nullum adulterium: sacramentum, quia nullum divorcium. Solus ibi nuptialis concubitus non fuit: quia in carne peccati fieri non poterat sine pudenda concupiscentia carnis, quæ accidit ex peccato, sine qua concupi voluit qui sine peccato futurus erat. Et licet non intercessisset coniugal- lis concubitus, coniuges tamen vere fuerunt mente, non carne, sicut & parentes: quavis Ambrosius dicit \* (Lib. I. de Patriarchis, & habetur xxvii. quæst. vii. cap.). In omni matrimonio “ perfectum fieri coniugium per carnalem copulam. „In omni (inquit) matrimonio coniunctio intelligitur spiritualis, quam confirmat, „& perficit coniunctorum commixtio corporalis. “ Sed intelligendum est coniugium perfici commixtione corporali, non quantum ad veritatem, vel sanctitatem coniugii, sed quantum ad significationem: quia perfectius unionem Christi, & Ecclesiæ tunc figurat.

*De causa finali coniugii.*

**E**xposito quæ sit efficiens causa matrimonii, consequens est ostendere ob quam causam soleat, vel debeat contrahi matrimonium. Est igitur finalis causa matrimonii contrahendi principalis procreatio proles. Propter hoc enim instituit Deus coniugium inter primos parentes, quibus dixit (Gen. 1. 28.) „Crescite, & mul- „tiplicamini. “ Secunda est post peccatum Adæ vitatio fornicationis: unde Apo- stolus (I. Corinth. vi. 2.) „Propter fornicationem unusquisque habeat uxorem „suam, & unaquæque habeat virum suum. “ Sunt & aliæ causæ honestæ, ut ini- micorum reconciliatio, & pacis reintegratio. Sunt etiam & aliæ causæ minus honestæ, propter quas aliquando contrahitur, ut viri, mulierisque pulchritudo, quæ a- nimos amore inflammatos sæpe impellit inire coniugium, ut valeant suum expleri desiderium. Quæstus quoque, & divitiarum possessio frequenter est coniugii causa; & alia multa, quæ cuique diligentiam adhibenti facile est discernere. Nec est as- sentiendum illis qui dicunt, non esse coniugium quod propter has causas minus honestas contrahitur. Constat enim ex præmissis coniugium fieri ex communi consen- su verbis de præsentibus expressio, quamvis amor ad hoc attraxerit. Cuius rei docu- mentum præstat Iacob (Gen. xxix.) qui Rachel decoram facie, & venusto corpore amavit: eamque multum diligens ait: „Serviam tibi pro Rachel septem an- „nis. “ In Deuter. xxi. 11. etiam legitur: „Si videris in medio captivorum mu- „lierem pulchram, & adnaveris eam, voluerisque uxorem habere; introduces eam „in domum tuam &c. “

(1) *scilicet deest enim.*

EX EDIT. P. NICOLAI. \* Nullibi apud Ambrosium hæc occurrunt; sed quicumque sint, vel ex- plicari debeat ut hic, vel non curari.

*Quod malus finis non contaminat sacramentum.*

**E**T licet sine non bono contrahatur coniugium, quando species contrahentis movet animum, coniugium tamen bonum est: quia vita mala, vel intentio perverfa alicuius, sacramentum non contaminat. Habuit autem coniugium Mariæ & Ioseph alias causas speciales, scilicet ut Virgo solatio viri sustentaretur, & ut diabolo partus celaretur, & ut Ioseph esset testis castitatis, defendens eam ab infamia suspicionis, ne ut adultera damnaretur.

### DIVISIO TEXTUS.

**P**ostquam ostendit Magister quod consensus matrimonii impeditur per coactionem, hic ostendit quod impeditur per errorem: & dividitur hæc distinctio in partes tres. In prima determinat de impedimento erroris; in secunda de consensu qui fuit in matrimonio B. Virginis, ibi, *Premissis aliquid addendum est*; in tertia de causa finali matrimonii, ibi, *Exposito qua sit efficiens causa matrimonii, consequens est ostendere ob quam causam soleat, vel debeat contrahi matrimonium*. Circa primum tria facit. Primo ostendit quis error matrimonium impediat. Secundo obicit in contrarium, ibi, *Sed obicitur de Iacob &c.* Tertio solvit, ibi, *Sed quod ibi factum est, in mysterio gestum non improbe traditur*.

*Premissis aliquid addendum est*. Hic determinat de consensu quod fuit in matrimonio B. Virginis, & circa hoc duo facit. Primo ostendit cuiusmodi consensus illa fuit. Secundo ostendit quod matrimonium illud fuit perfectum, ibi, *Inter quas, ut ait Augustinus, perfectum fuit coniugium*.

*Exposito qua sit efficiens causa matrimonii &c.* Hic determinat de causa finali matrimonii: & primo de causis matrimonii in generali; secundo de causis matrimonii B. Virginis, ibi, *Habuit autem coniugium Maria & Ioseph alias causas speciales*. Circa primum duo facit. Primo ponit causas finales matrimonii, & principales, & secundarias. Secundo excludit errorem, ibi, *Nec est assensendum illis qui dicunt, non esse coniugium quod propter has causas minus honestas contrahitur*. Ubi duo facit. Primo ostendit quod malus finis non facit quod non sit matrimonium. Secundo ostendit quod non facit quod non sit matrimonium bonum, ibi, *Ex licet sine non bono contrahatur coniugium, quando species contrahentis movet animum, coniugium tamen bonum est*.

### QUAESTIO I.

**H**ic est duplex quaestio. Prima de matrimonio in communi. Secunda de matrimonio beatæ Virginis.

Circa primum quaeruntur tria.

Primo. Utrum error de sui natura matrimonium impediat.

Secundo. Quis error.

Tertio. De causa finali matrimonii.

### ARTICULUS I.

*Utrum error debeat poni matrimonii impedimentum per se.*

**A**D primum sic proceditur. Videtur quod error non debeat poni matrimonii impedimentum per se. Consensus enim, qui est causa efficiens matrimonii, impeditur sicut & voluntarium. Sed voluntarium, secundum Philosophum in III. Ethic. cap. vii. ponitur impediri per ignorantiam, quæ non est idem quod error: quia ignorantia nullam cognitionem ponit; sed error ponit, eo quod approbare falsa pro veris sit error secundum Augustinum (in Enchir. ad Lauren. cap. vii.) Ergo non debuit hic poni impedimentum matrimonii error, sed magis ignorantia.

2. Præterea. Illud potest impedire matrimonium de sui natura quod habet contrarietatem ad bona matrimonii. Sed error non est huiusmodi. Ergo error de sui natura non impedit matrimonium.

3. Præterea. Sicut consensus requiritur ad matrimonium, ita intentio requiritur ad baptisum. Sed si aliquis baptizat Ioannem, & credit baptizare Petrum, nihilominus Ioannes vere baptizatus est. Ergo error non excludit matrimonium.

4. Præterea. Inter Liam & Iacob fuit verum matrimonium. Sed ibi fuit error. Ergo error non excludit matrimonium.

Sed contra est quod in Digestis dicitur: *Quid tam contrarium est consensui, quam error?* Sed consensus requiritur ad matrimonium.



nium. Ergo error matrimonium impedit.

Præterea. Consensus aliquid voluntarium nominat. Sed error impedit voluntarium: quia voluntarium secundum Philosophum (III. Ethic. cap. iv.) & Gregorium Nyssenum (Nemesium Lib. III. cap. 111.) & Damascenum (Lib. II. de Fide orthod. cap. xxiv.) est cuius principium est in aliquo scientie singulari, in quibus est actus; quod erranti non competit. Ergo error matrimonium impedit.

## SOLUTIO.

Respondeo dicendum, quod quicquid impedit causam, de sui natura impedit & effectum similiter. Consensus autem est causa matrimonii, ut dictum est: & ideo quod evacuat consensum, evacuat matrimonium. Consensus autem voluntatis est actus, qui præsupponit actum intellectus. Deficiente autem primo necessario est defectum contingere in secundo: & ideo quando error cognitionem impedit, sequitur etiam in ipso (a) consensu defectus, & per consequens in matrimonio; & sic error de iure naturali habet quod evacuet matrimonium.

Ad primum ergo dicendum, quod ignorantia differt, simpliciter loquendo, ab errore: quia ignorantia de sui ratione non importat aliquem cognitionis actum; sed error ponit iudicium rationis perversum de aliquo. Tamen quotum ad hoc quod est impedire voluntarium, non differt utrum dicatur ignorantia, vel error: quia nulla ignorantia potest impedire voluntarium, nisi quæ habet errorem adiunctum, eo quod actus voluntatis præsupponit affirmationem, sive iudicium de aliquo in quod fertur. Unde si est ibi ignorantia, oportet esse errorem: & ideo etiam ponitur error quasi causa proxima.

Ad secundum dicendum, quod quamvis non contrarietur secundum se matrimonio, contrariatur tamen ei quotum ad causam suam.

Ad tertium dicendum, quod character baptismalis non causatur ex intentione baptizantis directe, sed ex elemento materiali exterius adhibito. Intentio autem operatur solum ut dirigens elementum materiale ad effectum proprium. Sed vinculum coniugale ex ipso consensu causatur directe: & ideo non est simile.

Ad quartum dicendum, quod, sicut Magister in littera dicit, matrimonium quod fuit inter Liam & Iacob non fuit perfectum ex ipso concubitu qui ex errore contigit,

sed ex consensu qui postmodum accessit. Tamen uterque de peccato excusatur, ut in littera patet.

## ARTICULUS II.

*Utrum omnis error matrimonium impediatur.*

1. **A**D secundum sic proceditur. Videtur quod omnis error matrimonium impediatur, & non solum error conditionis, aut personæ, ut in littera dicitur. Quia quod alicui convenit secundum se, convenit ei secundum totum suum ambitum. Sed error de sui natura habet quod matrimonium impediatur, ut dictum est. Ergo omnis error matrimonium impedit.

2. Præterea. Si error, inquantum huiusmodi, matrimonium impedit, magis error magis debet impedire. Sed magis est error fidei, qui est in hæreticis non credentibus hoc sacramentum, quam error personæ. Ergo magis debet impedire quam error personæ.

3. Præterea. Error non evacuat matrimonium, nisi inquantum tollit voluntarium. Sed ignorantia cuiuslibet circumstantiæ voluntarium tollit, ut patet in III. Ethicor. (ubi sup.) Ergo non solum error conditionis, seu personæ matrimonium impedit.

4. Præterea. Sicut conditio servitutis est aliquid annexum accedens personæ, ita qualitas corporis, aut animi. Sed error conditionis impedit matrimonium. Ergo eadem ratione error qualitatis, aut fortunæ.

5. Præterea. Sicut ad conditionem personæ pertinet servitus, & libertas, ita nobilitas, vel ignobilitas, aut dignitas status, & privatio eius. Sed error conditionis libertatis, vel servitutis impedit matrimonium. Ergo & error aliorum ditionum.

6. Præterea. Sicut conditio servitutis impedit, ita etiam disparitas cultus, & impotentia coeundi, ut infra dicitur. Ergo sicut error conditionis ponitur impedimentum matrimonii, ita error circa alia huiusmodi deberet impedimentum matrimonii poni.

7. Sed contra. Videtur quod nec error personæ matrimonium impediatur. Quia sicut emptio est quidam contractus, ita & matrimonium. Sed in emptione, & venditione si detur aurum æquivalens pro alio auro, non impeditur venditio. Ergo nec matrimonium impeditur, si pro una muliere alia accipiat.

8. Præterea. Potest contingere quod per mul-

(a) A. consensus,

multos annos isto errore detineantur, & filios, & filias generent simul. Sed grave esset dicere, quod tunc essent dividendi. Ergo error primus non frustravit matrimonium.

9. Præterea. Potest contingere quod frater viri in quem se credidit consentire mulier, offeratur ei, & cum eo commisceatur carnaliter. Videtur ergo quod non possit redire ad illum in quem consentire se credidit, sed debeat stare cum fratre eius; & sic error personæ non impedit matrimonium.

### SOLUTIO.

Respondeo dicendum, quod sicut error ex hoc quod involuntarium causat, habet excusare peccatum, ita quod matrimonium impediatur ex eodem. Error autem non excusat a peccato, nisi sit illius circumstantiæ cuius appositio, vel remotio facit differentiam liciti, & illiciti in actu. Si enim aliquis percussit patrem baculo ferreo, quem credit ligneum esse, non excusatur a toto, quamvis forte a tanto; sed si credat quis percussere filium causa disciplinæ, & percussit patrem, excusatur a toto, diligentia debita adhibita. Unde oportet quod error qui matrimonium impedit, sit alicuius eorum quæ sunt de essentia matrimonii. Duo autem includit matrimonium ipsum, scilicet personas quæ coniunguntur, & mutuam potestatem in invicem, in qua matrimonium consistit. Primum autem tollitur per errorem persone; secundum per errorem conditionis, quia servus non potest potestatem sui corporis alteri tradere sine consensu domini sui: & propter hoc hi duo errores matrimonium impediunt, & non alii.

Ad primum ergo dicendum, quod error non habet ex natura generis quod impediatur matrimonium, sed ex natura differentie adiunctæ, prout scilicet est error alicuius eorum quæ sunt de essentia matrimonii.

Ad secundum dicendum, quod error infidelis de matrimonio est circa ea quæ sunt matrimonium consequentia, sicut an sit sacramentum, vel an sit licitum: & ideo error talis matrimonium non impedit, sicut nec error circa baptismum impedit acceptionem characteris, dummodo intendat facere, vel recipere quod Ecclesia dat, quamvis credat nihil esse.

Ad tertium dicendum, quod non quilibet ignorantia circumstantiæ causat involuntarium quod excusat peccatum, ut dictum est: & propter hoc ratio non sequitur.

Ad quartum dicendum, quod diversitas

sortiæ non variat aliquid eorum quæ sunt de essentia matrimonii, nec diversitas qualitatis, sicut facit conditio servitutis: & ideo ratio non sequitur.

Ad quintum dicendum, quod error nobilitatis, in quantum huiusmodi, non evacuat matrimonium eadem ratione qua nec error qualitatis. Sed si error nobilitatis, vel dignitatis redundat in errorem personæ, tunc impedit matrimonium: unde si consensus mulieris feratur in istam personam directe, error de nobilitate ipsius non impedit matrimonium. Si autem directe intendit consentire in filium Regis, quicumque sit ille, tunc si alius præsentetur ei quam filius Regis, est error personæ, & impediatur matrimonium.

Ad sextum dicendum, quod error etiam illorum impedimentorum matrimonii quantum ad ea quæ faciunt personas illegitimas, impedit matrimonium. Sed ideo de errore illorum non facit mentionem, quia illa impediunt matrimonium sive cum errore, sive sine errore sint; ut si aliqua contrahat cum subdiacono, sive sciat, sive non sciat, non est matrimonium. Sed conditio servitutis non impedit, si servitus sciatur: & ideo non est simile.

Ad septimum dicendum, quod pecunia in contractibus accipitur quasi mensura aliarum rerum, ut patet in V. Ethic. & non quasi propter se quaesita: & ideo & non detur illa pecunia quæ creditur, sed alia æquivalens, nihil obest contractui; sed si in re quaesita propter se esset error, impediretur contractus, sicut si alicui venderetur alius pro equo: & similiter est in proposito.

Ad octavum dicendum, quod quantumcumque fuerit cum ea, nisi de novo consentire velit, non est matrimonium.

Ad nonum dicendum, quod si ante non consenserat in fratrem eius, potest eum quem per errorem accepit, retinere; nec potest ad fratrem eius redire, præcipue si sit cognita carnaliter ab eo quem accepit. Si autem consenserat in primum per verba de presenti, non potest secundum habere primo vivente; sed potest (a) vel seculum relinquere, vel ad primum redire: & ignorantia facti excusat peccatum, sicut & excusaretur post consummatum matrimonium, si a consanguineo viri fraudulenter cognosceretur: quia fraus alterius non debet sibi præiudicare.

A R-

(a) id. vel secundum relinquere, & ad primum &c.

## ARTICULUS III.

*Utrum matrimonium (a) possit esse ex consensu alicuius in aliquam propter causam inhonestam.*

1. **A**D tertium sic proceditur. Videtur quod matrimonium non possit esse ex consensu alicuius in aliquam propter causam inhonestam. Unius enim una est ratio. Sed matrimonium est unum sacramentum. Ergo non potest fieri ex alterius finis intentione quam illius ad quem a Deo institutum est, scilicet ad procreationem prolis.

2. Præterea. Coniunctio matrimonii est a Deo, ut patet Matth. xix. 6. *Quos Deus coniunxit, homo non separat.* Sed coniunctio quæ fit propter turpes causas, non est a Deo. Ergo non est matrimonium.

3. Præterea. In aliis sacramentis si non servetur intentio Ecclesiæ, non est verum sacramentum. Sed intentio Ecclesiæ in sacramento matrimonii non est ad aliquam turpem causam. Ergo si ex aliqua turpi causa matrimonium contrahatur, non erit verum matrimonium.

4. Præterea. Secundum Boetium (de differentiis topicis Lib. II.) cuius finis bonus, ipsum quoque bonum. Ergo non est matrimonium, si propter malum finem fiat.

5. Præterea. Matrimonium significat conjunctionem Christi & Ecclesiæ. Sed ibi non cadit aliqua turpitudine. Ergo nec matrimonium potest contrahi propter aliquam turpem causam.

Sed contra est, quia qui baptizat alium intentione lucrandi, vere baptizat. Ergo & qui contrahit cum aliqua intentione lucri, verum est matrimonium.

Præterea. Hoc idem probatur per exempla, & auctoritates quæ ponuntur in littera.

## SOLUTIO.

Respondeo dicendum, quod causa finalis matrimonii potest accipi dupliciter, scilicet per se, & per accidens. Per se quidem causa matrimonii est ad quam matrimonium est de se ordinatum; & hæc semper bona est, scilicet procreatio prolis, & fornicationis vitatio. Sed per accidens causa finalis ipsius est hoc quod contrahentes intendunt ex matrimonio. Et quia hoc quod ex matrimonio intenditur, consequitur ad matrimonium; & priora non variantur ex posterioribus, sed e converso; ideo ex illa causa non recipit ma-

*S. Th. Op. Tow. XI II.*

(a) *id.* non possit.

trimonium bonitatem, vel malitiam; sed ipsi contrahentes, quorum est finis per se. Et quia tales per accidens sunt infinitæ, ideo infinitæ causæ causæ possunt esse matrimonii, quarum sunt quædam honestæ, & quædam inhonestæ.

Ad primum ergo dicendum, quod verum est de causa per se, & principali; sed quod habet unum finem per se, & principalem, potest habere plures fines secundarios per se, & infinitos per accidens.

Ad secundum dicendum, quod coniunctio potest accipi pro ipsa relatione quæ est matrimonium; & talis semper est a Deo, & bona est, a quacumque fiat causa: vel pro actu eorum qui coniunguntur; & sic est quandoque mala, & non est a Deo, simpliciter loquendo. Nec est inconveniens quod aliquis effectus sit a Deo, cuius causa mala est, sicut proles quæ ex adulterio suscipitur. Non enim est ex causa illa inquantum est mala, sed inquantum aliquid habet de bono, secundum quod est a Deo, quamvis non simpliciter sit a Deo.

Ad tertium dicendum, quod intentio Ecclesiæ quæ intendit tradere sacramentum, est de necessitate cuiuslibet sacramenti, ita quod ea non observata nihil in sacramentis agitur; sed intentio Ecclesiæ quæ intendit utilitatem esse sacramentum provenientem, est de bene esse sacramenti, & non de necessitate eius: unde si non observetur, nihilominus est verum sacramentum; sed prætermittens hanc intentionem peccat; sicut si in baptismo non intendatur sanitas mentis quam Ecclesia intendit. Similiter ille qui intendit matrimonium contrahere, quamvis matrimonium non ordinet ad illum finem quem Ecclesia intendit, nihilominus verum matrimonium contrahit.

Ad quartum dicendum, quod illud malum intentum non est finis matrimonii, sed contrahentium.

Ad quintum dicendum, quod ipsa unio est signum coniunctionis Christi & Ecclesiæ, & non operatio unitorum; ideo ratio non sequitur.

## QUAESTIO II.

**D**Einde queritur de matrimonio beatæ Virginis: & circa hoc queruntur tria.

Primo. De voto, & matrimonio beatæ Virginis.

Secundo. Utrum fuerit illud matrimonium perfectum.

P

Ter-

Tertio . Utrum fuerit aliquando consummatum, ut Elvidius dixit.

## ARTICULUS I.

*Utrum beata Virgo debuerit virginitatem vov-  
vere.*

*II. P. quest. XXIX. art. 1.*

1. **A**D primum sic proceditur . Videtur quod beata Virgo non debuerit virginitatem vovere . Quia in lege maledictio debebatur illis qui semen non relinquebant super terram, ut patet Deuter. vii. Sed adhuc durabat status legis . Ergo non debuit virginitatem vovere .

2. Præterea . Votum virginitatis pertinet ad perfectionem consiliorum . Sed talis perfectio debuit a Christo inchoari, qui venit legem consilii adimplere . Ergo ante Christi adventum non debuit virginitatem vovere .

Sed contra . In matre Christi debebat omnis esse perfectio . Sed votum virginitatis est de maximis perfectionibus . Ergo non debuit ei deesse .

## QUAESTIUNCULA II.

1. Ulterius . Videtur quod non debuit esse matrimonio iuncta . Quia voventibus virginitatem non solum nubere, sed velle nubere est damnabile, ut Hieronymus ( Augustinus ) dicit . Sed nihil damnabile debuit esse in beata Virgine . Ergo postquam virginitatem vovit, nubere non debuit .

2. Præterea . Vovens virginitatem periculo se exponeret, si se in potestatem viri traderet . Sed hoc est peccatum . Ergo beata Virgo non debuit sui potestatem alteri tradere nubendo : ergo nec nubere .

3. Præterea . Quicumque consentit in matrimonium, consentit aliquo modo in carnalem copulam, ad minus implicite . Sed consensus in carnalem copulam aliquid diminuit de puritate virginitatis, ad minus iniquitatem ad virginitatem mentis . Cum ergo matri Dei deberetur talis puritas qua maior sub Deo nequit intelligi, ut Anselmus dicit ( de conceptu virginali cap. xviii. ) videtur quod non debuit nubere .

Sed contra est quod dicitur Matth. i. 18. *Cum esset desponsata mater Iesu Maria Ioseph* : in textu, & Glossa .

Præterea . Christus sua natiuitate debuit ita virginitatem commendare, quod nuptiis non derogaret . Non autem melius potuit utrum-

que approbare quam ut de virgine nupta nasceretur . Ergo &c.

## QUAESTIUNCULA III.

1. Ulterius . Videtur quod causæ matrimonio ei assignatæ in littera non sint convenientes . Quia diabolus, cum habeat lucida naturalia, plura potest cognoscere naturali cognitione quam homo . Sed homo etiam sensu potest cognoscere de aliqua an sit virgo . Ergo multo fortius diabolus hoc scire poterat .

2. Præterea . Diabolus bene scit quod illa est virgo quæ numquam coniuncta est viro . Sed diabolus scire poterat quod Ioseph numquam carnaliter ei coniunctus fuerat . Ergo per hoc quod erat nupta, non occultabatur ei virginitas matris Dei .

3. Præterea . Mysterium Divinitatis Christi non minus miraculis quam virginitate matris demonstratum est . Sed illa miracula diabolus vidit . Ergo non oportuit quod mysterium incarnationis eius ei per nuptias matris celaretur .

4. Item . Si non esset nupta, non poterat lapidari propter suspicionem fornicationis, quasi adultera . Ergo videtur quod non propter hoc oportebat eam nubere .

5. Præterea . Ex hoc quod nupta fuisset, Iudeis magis edificati fuissent ad fidem, qui scriptum invenerunt ( Isai. vii. 14. ) *Ece virgo concipiet* : & ita virginitas matris non debuit eis per nuptias occultari .

6. Item . Christus venit ut labores nostros sustineret, & per hoc auferret . Ergo non oportuit quod haberet mater eius virum ad eius obsequia .

## SOLUTIO I.

Respondeo dicendum, quod in beata Virgine debuit apparere omne illud quod perfectionis fuit . Virginitas autem, quamvis in se optima, tamen pro tempore illo ei matrimonium præferrebat propter expectationem benedicti seminis per viam generationis venturi : & ideo beata Virgo vovit virginitatem tamquam optimum, & sibi acceptissimum ; non tamen simpliciter, sed sub conditione honestissima, hac scilicet, nisi Deus aliter ordiaret : nec istam conditionem apposuit, ut dubitaret an vellet virgo permanere, sed an deberet : & hoc est quod Augustinus in littera dicit, quod proposuit se perseverantiam virginem, nisi Deus aliter ordinaret .

Ad primum ergo dicendum, quod beata Virgo fuit confinium veteris, & novæ legis, sicut

sicut aurota diei, & noctis : & ideo votum eius sapuit novam legem, inquantum virginitatem vovit, & veterem, inquantum conditionem apposuit.

Ad secundum dicendum, quod perfectio consiliorum quantum ad consummationem incipere debuit a Christo, sed quantum ad aliquam inchoationem convenienter a matre eius incepit.

## SOLUTIO II.

Ad secundam questionem dicendum, quod conveniens fuit matrem Christi matrimonio esse iunctam tum propter causas in littera assignatas, tum etiam propter alias causas: quarum prima est, ut significaret Ecclesiam, quae est virgo, & sponsa. Secunda, ut per Ioseph genealogia Mariae reteretur: non enim erat consuetudo apud Hebraeos ex parte mulierum genealogiam computare. Tertia, ut virginibus excusatio tolleretur, si de fornicatione infamantur. Quarta, ut nuptias Christus sua nativitate approbaret. Quinta, ut maior perfectio virginitatis in beata Virgine ostenderetur, dum in ipso matrimonio virgo permansit.

Ad primum ergo dicendum, quod post votum virginitatis absolute factum non potest aliquis in matrimonium consentire sine peccato: quia si sit votum solemne, non fit verum matrimonium; si autem sit votum simplex, verum matrimonium est quod sequitur, tamen peccant contrahentes. Votum autem beatae Virginis non fuit solemne, sed simplex in corde expressum; nec absolutum, sed sub conditione, ut in littera patet: & ideo potuit sine peccato ex speciali Spiritus sancti consilio, cuius dispositio conditionaliter in suo voto cadebat, in matrimonium consentire.

Ad secundum dicendum, quod beata Virgo antequam contraheret cum Ioseph, fuit certificata divinitus quod Ioseph in simili proposito erat; & ideo non se commisit periculo nubens. Nec tamen propter hoc aliquid veritatis deperit: quia illud propositum non fuit conditionaliter in consensu appositum: talis enim conditio cum sit contra matrimonium bonum, scilicet prolem procreandam, matrimonium tolleret.

Ad tertium dicendum, quod copula carnalis cecidit implicite sub consensu beatae Virginis, sicut actus implicite continetur in potentia, ut ex supra dictis (dist. xxviii. quæst. 1. art. 4.) patet. Potentia autem ad carnalem copulam non contrariatur virginitati, nec diminuit aliquid de puritate ipsius

nisi ratione actus: qui quidem numquam fuit in proposito beatae Virginis, sed erat iam certificata quod actus numquam sequeretur.

## SOLUTIO III.

Ad tertiam questionem dicendum, quod rationes quae in littera ponuntur, convenientes sunt: quarum una accipitur ex parte conceptus, scilicet ut partus diabolo celaretur; secunda ex parte matris, ut scilicet non lapidaretur; tertia ex parte Ioseph, scilicet ut obsequeretur & matri, & puero, & testimonium præberet virginitati.

Ad primum ergo dicendum, quod diabolus cognitione naturali bene potuisset pendere virginitatem matris Dei cum toto hoc quod nupta erat, nisi prohibuit fuisset a diligenti examinatione eorum quae circa ipsam erant, divina virtute.

Et similiter dicendum ad secundum.

Ad tertium dicendum, quod per alia etiam miracula non aperte poterat cognoscere ipsum esse Filium Dei: quia simul videbat in eo signa infirmitatis, & virtutis: unde si aliquando aliquid de Divinitate eius constebatur, magis ex presumptione quam ex certitudine precedebat. Sed hoc propter præcedens vaticinium fuisset certissimum signum Filii Dei viventis.

Ad quartum dicendum, quod intelligitur de lapidatione infamiae: vel quia erat de stirpe sacerdotali ex parte matris; quod patet ex hoc quod Elisabeth, quae erat de filiabus Aaron, dicitur eius cognata, Luc. i. Filia autem sacerdotis, etiam non nupta, deprehensa in stupro exurebatur, ut patet Lev. xxi. sed ex parte patris erat de stirpe David. Bene enim poterant per matrimonium coniungi filiae Aaron illis de tribu regia, vel etiam quibuslibet alterius tribus, eo quod non acceptant hereditatem divisam ab aliis tribubus: & sic ex hoc non potuit confusio sortium provenire, quae erat causa prohibitionis matrimonii contrahendi inter illos qui erant de diversis tribubus.

Ad quintum dicendum, quod Dominus maluit permittere Iudeos dubitare de Deitate sua quam de castitate matris, sciens lubricam esse virginitatis famam, ut Ambrosius dicit (super Lucam cap. 1.)

Ad sextum dicendum, quod Christus non debuit necessitatis solatium refutare: quia hoc pervertitatis magis est quam humilitatis.

## ARTICULUS II.

*Utrum matrimonium praedictum fuerit perfectum.*

*III. P. quest. XXXI. art. 2.*

1. **A**D secundum sic proceditur. Videtur quod matrimonium praedictum non fuerit perfectum. Perfectum enim matrimonium ex absoluto consensu procedit. Sed beata Virgo non absolute in matrimonium consensisse videtur, sicut nec absolute vovisse; cum in utroque se dispositioni divinae commiserit, ut in littera dicitur. Ergo non fuit perfectum matrimonium.

2. Praeterea. Significatio est de essentia matrimonii, inquantum est sacramentum. Sed matrimonium illud non fuit perfectum in consignificatione, ut in littera dicitur. Ergo non fuit perfectum sacramentum.

3. Praeterea. Ubi deest ultima consummatio, non est vera perfectio. Sed matrimonium beatae Virginis numquam fuit consummatum. Ergo non fuit vere perfectum.

4. Praeterea. Perfectum dicitur esse matrimonium ex eo quod habet bonum prolis. Sed illud matrimonium non habuit bonum prolis, quia proles quae fuit in illo matrimonio educata, non fuit effectus illius matrimonii, sicut nec filius adoptivus dicitur bonum matrimonii. Ergo non fuit perfectum matrimonium.

5. Praeterea. Post perfectum matrimonium non licet alicui sponsam dimittere. Sed Ioseph, quamvis esset iustus, volebat eam occulte dimittere, ut dicitur Matth. 1. Ergo mundum erat perfectum matrimonium.

Sed contra. *Dei perfecta sunt opera*: Deut. XXXII. 4. Sed illud matrimonium fuit divinitus inspiratum. Ergo fuit perfectum.

Praeterea. Per matrimonium non dicuntur aliqui coniuges, nisi sit perfectum. Sed Maria dicitur coniux Ioseph, Matth. 1. Ergo fuit inter eos perfectum matrimonium.

## SOLUTIO.

Respondendo dicendum, quod duplex est perfectio matrimonii. Una quantum ad esse ipsius, quae fit per consensum verbis de praesenti expressum; & tali perfectione matrimonium illud perfectum fuit. Alia est perfectio quantum ad operationem; & sic non fuit perfectum, quia actus proprius matrimonii est carnalis copula.

Ad primum ergo dicendum, quod beata

Virgo absolute in matrimonium consensit; ut certificata divinitus; sed in matrimonium sic consentiens virginitatem suam Deo commisit in littera dicitur.

Ad secundum dicendum, quod significatio non quilibet est de essentia sacramenti, sed illa quae significat effectus sacramenti: & ideo ratio non sequitur.

Ad tertium dicendum, quod ratio illa procedit de secunda perfectione, quae consummatio dicitur matrimonii.

Ad quartum dicendum, quod proles non dicitur bonum matrimonii solum inquantum per matrimonium generatur, sed inquantum in matrimonio incipit, & educatur; & sic bonum illius matrimonii fuit proles illa, & non primo modo. Nec tamen de adulterio natus, nec filius adoptivus qui in matrimonio educatur, est bonum matrimonii: quia matrimonium non ordinatur ad educationem illorum, sicut hoc matrimonium fuit ad hoc ordinatum specialiter quod proles illa susciperetur in eo, & educaretur.

Ad quintum dicendum, quod Ioseph non fuit eam dimittere quasi aliam ducturus, vel propter aliquam suspensionem, sed quia timebat tantam sanctitatem cohabitare propter reverentiam: unde dictum est ei: *Noli timere*: Matth. 1. 20.

## ARTICULUS III.

*Utrum matrimonium illud fuerit aliquando consummatum.*

1. **A**D tertium sic proceditur. Videtur quod matrimonium illud fuerit aliquando consummatum. Dicitur enim Matth. 1. 18. *Antequam convenirent, inventa est in utero habens de Spiritu sancto*. Et item 25. *Non cognoscebat eam donec peperit filium suum primogenitum*. Ergo videtur quod post cognoverit eam.

2. Praeterea. Primum dicitur respectu secundi. Sed Christus in auctoritate inducitur primogenitus filius Virginis. Ergo post primum habuit alium; & sic matrimonium illud, saltem post Christi nativitatem, consummatum fuit.

3. Praeterea. Non desuerunt verba Evangelistae ad exprimendum suam intentionem. Sed numquam expresserunt quod Ioseph amplius eam non cognosceret. Ergo post Christi generationem matrimonium fuit consummatum.

4. Praeterea. Ioseph dicitur pater Christi  
in

in pluribus Evangelii locis, & dicitur etiam habere fratres; quod non esset, si matrimonium illud nunquam fuisset consummatum. Ergo &c.

5. Præterea. Duo corpora non possunt simul esse in eodem loco. Ergo Christus non potuit exire de ventre matris integritate virginittatis manente; & sic non fuit inconveniens quod matrimonium illud consummaretur.

6. Præterea. Abraham, & alii patres qui coniugiis usi sunt, maximæ dignitatis fuerunt. Ergo nihil deperisset matri Christi, si matrimonium consummasset.

7. Præterea. Helvidius obiicit. Si turpe est Christo matrem cognoscere post partum, quanto magis per genitalia virginis essentatum?

Sed contra. Virginitas corruptioni præponitur. Sed mater Christi debuit esse in excellentissimo statu. Ergo debuit esse virgo, & sic non debuit illud matrimonium consummari.

Præterea. Non est probabile quod Ioseph aunderet uterum quem templum Dei noverat, attingere, ut Hieronymus dicit (cont. Helvid.)

## SOLUTIO.

Respondeo dicendum, quod mater Christi ante partum, & in partu, & post partum in æternum virgo permanit. Sed eius virginittati ante partum Iudei, & Ebionitæ derogant, dicentes, Christum ex Ioseph semine esse natum. Eius autem virginittati in partu Philosophi derogabant, dicentes, non posse duo corpora esse in eodem loco. Sed virginittati eius post partum Helvidius quidam idiota, & sacerdos ausus est derogare, quod loquacitatem facundiam æstimans, accepta materia disputandi, a blasphemii matris Dei inceptit, dicens eam post partum a Ioseph cognitam; & contra quem Hieronymus librum conscripsit.

Ad primum ergo dicendum, quod *antequam* non semper denotat ordinem ad illud quod futurum est secundum rei veritatem, sed quandoque ad illud quod futurum speratur secundum communem cursum, secundum quod dicitur: Ille, antequam haberet viginti annos, mortuus est: & sic est in proposito. Et similiter ly *donec*, quandoque significat hoc quod præcessit, terminari veniente eo quod expectatur, ut cum dicitur: Sede hic, donec veniam: quandoque autem non sic, ut cum dicitur I. Corinth. xv. 25. O-

portet illum regnare, donec ponat omnes inimicos sub pedibus eius: non quod tempus regni eius finiat ad subiectionem inimicorum; sed subiectio inimicorum in tempore regni includitur.

Ad secundum dicendum, quod primogenitus dicitur ante quem nullus, quamvis post ipsum non sit alius: alias unigeniti ius primogenituræ non haberent, nec debuissent Deo offerri in lege: quod falsum est.

Ad tertium dicendum, quod Evangelistæ ex eo quod minus est credibile, dimiserunt intelligendum hoc quod magis credibile est. Minus autem credibile est quod virgo concipiat (quod Evangelistæ dixerunt) quam quod post partum virgo conservetur; & ideo non curaverunt hoc dicere.

Ad quartum dicendum, quod Ioseph dicitur pater Christi putativus, ut patet Luc. i. Et iterum Christus fuit filius eius adoptivus, ut quidam dicunt. Alii autem dicti sunt fratres eius ratione cognationis, quia erant de eadem familia: quia nec Maria alium filium habuit, nec Ioseph, qui etiam virgo fuit, ut dicitur.

Ad quintum dicendum, quod verum est per naturam; sed per miraculum potest fieri quod duo corpora sint eodem loco, ut infra dist. xlv. dicitur. Partus autem ille, & conceptus totus miraculosus fuit. Quidam tamen dicunt, quod Christus tunc dotem subtilitatis assumpsit. Sed primum est melius.

Ad sextum dicendum, quod quamvis status coniugii consummati sit bonus, tamen status virginittatis est multo altior; & hic matri Dei debebatur.

Ad septimum dicendum, secundum Hieronymum (cont. Helvid. cap. vii.) quod quanto sunt humiliora quæ pro me positis est, tanto ei plus debeo; dummodo per hæc perfectioni virtutis nihil subtrahatur. Sed virginittatis privatio derogaret perfectioni matris ex parte virtutis animæ.

## EXPOSITIO TEXTUS.

*Si enim diabolus transfigurans se in Angelum lucis crederetur bonus, non est error periculosus.* Hoc intelligendum est, quando non proceditur (a) ad adorationem, vel quando proceditur sub conditione, sicut Christus; alias (b) esset periculum idolatriæ.

*Si quis hæreticus nomine Augustini, vel Ambrosii alicui catholico se offerret, nunquam ad sup. fidei imitationem vocaret, si ille assentiret,*

(a) *ad adorationem.* (b) *ad non esset.*

*viros, in cuius fidei sententiam dicentur. consensisse?* Hoc est verum quando non procederet ad expressionem alicuius erroris; alias esset ibi periculum infidelitatis, si ei consentiret.

*Consensit in carnalem copulam:* non explicite, sed implicite, ut dictum est.

*Jacob, Rachel, decorem facie, & venusto, a-*

*spetu amavit.* Sciendum, quod decet faciei non fuit causa principalis, sed secundaria: & hoc bene potest esse sine peccato, vel quandoque etiam (a) sine veniali peccato. Si autem esset principalis causa libido pulchritudinis, non excusaretur a peccato mortali, si esset effrenata libido.

## DISTINCTIO XXXI.

### *De tribus bonis coniugii.*

POST hæc de bonis coniugii quæ sint, & qualiter coitum excusent, dicendum est: Tria sunt principaliter bona coniugii: unde Augustinus (Lib. II. super Genes. ad lit. cap. vii.) „Nuptiale bonum tripartitum est, scilicet fides, proles, sacramentum. In fide attenditur, ne post vinculum coniugale cum alio, vel al a coeatur. In prole, ut amanter suscipiatur, (1) benigne nutriatur, religiose educetur. In sacramento, ut coniugium non separaretur, & dimissus, vel dimissa, nec causa prolis alteri coniugatur.“

### *De duplici separatione.*

SEPARATIO autem gemina est, corporalis scilicet, & sacramentalis. Corporaliter possunt separari causa fornicationis, & ex communi consensu causa religionis, sive usque ad tempus, sive usque ad finem. Sacramentaliter vero separari non possunt dum vivunt, si legitimæ personæ sint. Manet enim vinculum coniugale inter eos, etiamsi alii a se discedentes adhæserint. Unde Augustinus (de nupt. & concupis. Lib. I. cap. x. & habetur in Decr. causa xxxii. quæst. vii. cap. „Usque adeo.“) „Usque adeo manent inter viventes semel inita iura nuptiarum, ut potius sint inter se coniuges etiam separati, quam cum aliis quibus adhæserunt.“ Item (paulo post.) „Manet inter viventes quoddam coniugale vinculum, quod nec separatio, nec cum altero copulatio possit auferre; sicut apostatæ anima de coniugio Christi recedens, etiam fide perditam sacramentum fidei non amittit, quod lavacro regenerationis accepit. Redderetur enim redeunti, si amisisset abscedens. Haberetur autem hoc qui recesserit ad cumulum supplicii, non ad meritum præmii.“ Item (cap. xi.) „Quibus placuit ex consensu ab usu carnalis concupiscentiæ in perpetuum continere, absit ut vinculum inter illos coniugale rumpatur. immo firmitus (2) hæret, quo magis ea pacta secum (3) gerit, quæ carius, concordius, que servanda sunt, non (4) voluptariis corporum nexibus, sed voluntariis animorum affectibus.“ Et attende, quod tertium bonum coniugii dicitur sacramentum, non quod sit ipsum coniugium, sed quia eiusdem rei sacræ signum est, idest spiritualis, & inseparabilis coniunctionis Christi & Ecclesiæ.

### *Hæc tria non adfunt omni coniugio.*

ET est sciendum, ab aliquibus contrahi coniugium, ubi hæc tria bona non comitantur. Deest enim fides, ubi vir cum alia, & mulier cum alio coit. Hoc ergo bonum ita coniugio adhæret, ut ex eo, si adsit, amplius commendetur coniugium;

(1) Al. deit benigne nutriatur. (2) Nicolai edit. (3) Idem immutetur. (4) Al. voluntariis. (a) bene cum veniali.



gium; si non adsit, non inde annihilatur. Quæ enim adultera est; non ideo coniux non est; immo si coniux non esset, adultera non foret. Quod cum sit, culpa committitur, sacramentum vero non cassatur. Bonum quoque prolis non omnibus adest coniugibus. Quidam enim pari voto continentiam servant; alii pro ætatis defectu, vel alterius rei causa generare non valent. Nec omnes illi etiam qui prolem recipiunt, bonum prolis habent. Nam bonum prolis dicitur non ipsa proles, vel prolis spes, quæ ad religionem non refertur, immo ad hereditariam successionem, ut cum quis heredes terrenæ possessionis habere desiderat; sed spes, ac desiderium quo proles ad hoc quæritur, ut religione informetur. Multi ergo prolem habent, qui tamen bono prolis carent: nec ideo tamen coniugium esse definit. Sacramentum vero ita inseparabiliter coniugio hæret legitimarum personarum, ut sine illo coniugium non esse videatur: quia semper manet inter viventes vinculum coniugale, ut etiam interveniente divortio fornicationis causa, coniugalis vinculi firmitas non solvatur. Ubi vero non inter legitimas personas contrahitur coniugium, non adest illud bonum quod dicitur sacramentum: quia potest solvi talium copula, de quibus post dicitur (d. l. xxxiv.) Quod vero coniugium sit inter eos qui coniugali affectu, non tamen gratia prolis, sed explendæ libidinis conveniunt, nec fornicarii, sed coniuges appellantur, ostendit Augustinus inquires (de bon. coniugali cap. v. & habetur in Decr. causa xxxii. quæst. ii. cap. „ Solet.“) „ Solet quæri, cum „ masculus, & femina (nec ille maritus, nec illa uxor alterius) sibi met non filio-  
rum procreandorum, sed (1) pro incontinentia solius concubitus causa copulantur  
ea fide media ut nec illa cum altero, nec ille cum altera faciat, utrum nuptiæ  
sint vocandæ. Et potest fortasse non absurde hoc appellari concubium, si usque  
ad mortem alicuius eorum id inter eos placuerit; & prolis generationem, quam-  
vis non ea causa coniuncti sunt, non tamen vitaverint, ut vel nolint sibi nasci  
filios, vel etiam opere malo aliquo agant ne nascantur. Ceterum si vel utrum-  
que, vel unum horum desit, non invenio quomodo has nuptias appellare possi-  
mus. Etenim si (2) vir aliquam sibi ad tempus adhibuerit, donec aliquam di-  
gnam honoribus, aut suis facultatibus inveniat quam in coniugio adducat; ani-  
mo ipso adulter est, nec cum illa quam cupit invenire, sed cum illa, cum  
qua sic cubat ut cum ea non habeat maritale consortium, adulter est. “ Ecce  
coniuges dicuntur qui solius concubitus causa conveniunt, si tamen prolis genera-  
tionem aliquo malo dolo non vitent.

*De his qui procurant venena sterilitatis.*

Qui vero venena sterilitatis procurant, non coniuges, sed fornicarii sunt. Unde Augustinus (de nupr. & concup. lib. i. cap. xv. & habetur in Decr. causa xxxii. quæst. ii. cap. „ Aliquando.“) „ Aliquando eousque pervenit hæc libi-  
dinosâ crudelitas, vel libido crudelis, ut etiam venena sterilitatis procuret; & si ni-  
hil valuerint, conceptos fetus intra viscera aliquo modo extinguat, vel fundat,  
volendo prolem suam prius interire quam vivere; aut si in utero vivebat, occi-  
dat antequam nasci. Porrus si ambo tales sint, coniuges non sunt; & si ab initio  
tales fuerunt, non sibi per concubium, sed per stuprum potius conveniunt. Si  
vero ambo tales non sunt, audeo dicere, aut illa quodammodo est mariti mere-  
trix, aut ille adulter uxoris. “

*Quando sunt homicidæ qui procurant abortum.*

Hic quæri solet de his qui abortum procurant, quando iudicentur homicidæ, vel non. Tunc puerperium ad homicidium pertinet, quando formatum est, & animam habet, ut Augustinus super Exod. (quæst. lxxx.) asserit. Informe ante pucr-

(1) Nesciat propter incontinentiam. (2) At. deest vir.

puerperium, ubi non est anima viva, lex ad homicidium pertinere noluisset. (1) Dicit etiam Augustinus, \* quod informe puerperium non habet animam: ideoque mulstatur pecunia, non redditur anima pro anima. Sed iam formato corpori anima datur, non in conceptu corporis nascitur cum semine derivata. Nam si cum semine & anima exiisset de anima, tunc & multae animae quotidie pereunt, (2) cum semen ex fluxu non proficit nativitati. Primum oportet domum compaginari, & sic habitatorem induci. Cum ergo lineamenta compacta non fuerint, ubi erit anima? Item Hieronymus ad Algasium (epist. cl. quæst. iv.), Semina paulatim formantur in utero, & tandem non reputatur (3) homo donec elementa (4) confecta suas imagines, membraque suscipiant. Ex his apparet tunc eos homicidas esse qui abortum procurant, cum formatum est, & animatum puerperium.

*De excusatione coitus qui fit per hæc bona.*

Cum ergo hæc tria bona in aliquo coniugio simul concurrunt, ad excusationem coitus carnalis valent. Quando enim servata fide tori, causa prolis coniuges conveniunt, sic excusatur coitus, ut culpam non habeat. Quando vero deficiente bono prolis, fide tamen servata conveniunt causa continentiae, non sic excusatur, ut non habeat culpam, sed venialem. Unde Augustinus (de bono coniugali cap. vi.), Coniugalis concubitus generandi gratia non habet culpam; concupiscentiae vero satiatæ, sed tamen cum coniuge, propter tori fidem venialem habet culpam. Item: \*\* Hoc quod coniugati visui concupiscentia utuntur invicem ultra necessitatem liberos procreandi, ponam in his pro quibus quotidie dicimus: Dimitte nobis debita nostra. Ubi autem hæc bona defunct, fides scilicet, & proles, non videtur coitus defendi a crimine. Unde in sententiosis (5) Sexti Pythagorici \*\*\* legitur: Omnis ardentior amator propriæ uxoris adulter est. Item Hieronymus (contra Iovinianum Lib. I.), Sapiens iudicio amat coniugem, non affectu: non regnat in eo impetus voluptatis, nec præceps fertur ad coitum. Nihil est foedius quam uxorem amare quasi adulteram. Qui dicunt se causa humani generis uxoris iungi, imitentur soltem pecudes, & postquam venter uxoris intumuerit, non perdant filios, nec amatores se uxoris exhibeant, sed maritos. Idem \*\*\*\* In matrimonio opera liberorum concessa sunt, voluptates autem quæ de meretricum amplexibus capiuntur, in uxore damnatæ.

*De indulgentia Apostoli, quomodo sit accipienda.*

Sed si concubitus qui fit causa prolis, culpa caret; quid Apostolus secundum indulgentiam permittit? Ita enim ait (I. Corinth. vii. 6.), Hoc autem dico, secundum indulgentiam. Cui enim præstatur venia nisi culpæ? Per hoc etiam quidam probare volunt, nuptias esse peccatum. Sed, ut prædictum est, indulgentia alia est concessionis, (6) alia permissionis. Egerat Apostolus de nuptiis, & de carnali coitu, & ad utrumque retulit illud, Hoc autem dico secundum indulgentiam. Indulgentur enim nuptiæ secundum concessionem, & concubitus nuptialis

(1) Nicolai. Vel sic plenius. Quod lex non formatum puerperium noluisset ad homicidium pertinere. profecto nec hominem deputavit (id est, non computavit pro homine) quod tale in utero geritur. Hic vero de anima quæstio solet agitari, utrum quod formatum non est, ne animatum quidem possit intelligi; & ideo non fit homicidium, quia nec exanimatum dici potest, si adhuc animam non habebat: dicitur enim in Exodus (cap. xxi.) Si percusserit quis mulierem fetum in utero habentem, & evierit infans nondum formatus, detrimentum patietur quantum vir mulieris indixerit. Si autem iam formatus fuerit, dabit animam pro anima. Ubi quid aliud intelligitur, nisi & ipse morietur? Ex inferius rursum. Si ergo illud informe puerperium iam quidem fuerit, sed adhuc informiter animatum, ideo lex noluisset ad homicidium pertinere, quia nondum dici potest anima viva in corpore quod sensu caret &c. Dicit etiam Augustinus &c. (2) Nicolai cum semen fluxu quodam non proficit &c. (3) Al. homicidium. (4) Hieronymus confusa. (5) Nicolai Xisti. (6) Al. deest alia permissionis.

EX EDIT. F. NICOLAI. \* Vel Auctor quæstionum novi & veteris testamenti cap. xxxvi. \*\* Anod Nagorem de Sinto Vidore in tract. vii. Summæ Sententiarum cap. xii. \*\*\* Ut Hieronymus testetur loco mox indicato. \*\*\*\* In Epist. ad Ephes. cap. v.

Tis qui sit tantum causa prolis; concubitus vero qui est præter necessitatem generandi, ob incontinentiam indulgetur secundum permissionem: quia ibi est aliqua culpa, sed levis. Ideoque non iubetur, nec conceditur, sed permittitur: quia non est laudabilis, sed venialis. De hoc Augustinus sic ait \* (de verbis Apostoli, cap. x.) „ Forte aliquis dicet: „ Si veniam concessit Apostolus, ergo peccatum sunt nuptiæ: cui enim venia nisi peccatum conceditur? Plane quod infirmitati permittit secundum veniam, audeo dicere peccatum esse: veniam namque concedens Apostolus, concubitus attendit coniugatorum, ubi est incontinentiæ malum. Incontinentiæ malum est quod vir cognoscit uxorem etiam ultra necessitatem procreandi liberos; sed & ibi est nuptiarum bonum. Non enim quia incontinentia malum est, ideo coniugium, ubi est concubitus præter intentionem generationis, non est bonum. Non propter illud malum culpabile est hoc bonum; sed illud malum sit veniale propter bonum nuptiale; quod non reprehendit Apostolus, sed malum incontinentiæ. „ Item (de bono coniug. Lib. I. cap. x.) „ Concubitus qui non sit causa prolis, nuptiæ non cogunt fieri, sed impetrant ignosci; si tamen non ita sit nimis ut impediat tempora quæ orationi debentur, nec immutetur in eum usum qui est contra naturam. Concubitus enim necessarius causa generandi inculpabilis, & solus ipse nuptialis est. Ille vero qui ultra necessitatem progreditur, non rationi, sed libidini obsequitur: & hunc non exigere, sed reddere coniugi, ne fornicetur, ad coniugem pertinet. Si vero ambo tali concupiscentiæ subiguntur, rem faciunt quæ non est nuptiarum; cuius delicti non sunt nuptiæ hortatrices, sed deprecatrices .... \*\* Decus quidem coniugale est castitas procreandi, & reddendi carnalis debiti fides. Hoc est opus nuptiarum, quod ab omni peccato defendit Apostolus, dicens (I. Corinth. vii. 28.) Non peccat virgo, si nuperit .... \*\*\* Cum ergo culpabilis non sit generandi intentione concubitus, qui proprie nuptiis imputandus est; quid secundum veniam concedit Apostolus, nisi quod coniuges debitum carnis exposcant non propagationis voluntate, sed libidinis voluptate? Quæ tamen voluptas non propter nuptias cadit in culpam, sed propter nuptias accipit veniam. Immoderata ergo progressio secundum veniam conceditur. Quocirca & hinc laudabiles sunt nuptiæ, quia etiam illud quod non pertinet ad se, ignoscitur faciunt propter se. Non enim iste concubitus quo servitur concupiscentiæ, agitur ut impleatur fetus, quem postulant nuptiæ. Omnino ergo in genere suo nuptiæ bonæ sunt: quia fidem tori servant, & prolis suscipiendæ causa utrumque sexum commiscunt, & impietatem separationis horrent. Sanctitati etiam coniugii nec coniux infidelis obesse potest; sed potius fidelis prodest infideli, ut Apostolus (I. Corinth. vii.) docet. „ Ex his ostenditur quod coniuges qui causa prolis tantum conveniunt, vel qui exigentibus debitum reddunt, defendit a peccato sanctitatis coniugii, bonumque nuptiale. Si enim absque peccato non posset fieri concubitus coniugalis, non præcepisset Dominus post diluvium eos copulari, dicens (Gen. ix. 7.) „ Crescite, & multiplicamini: „ cum iam sine carnali concupiscentia non possint commisceri.

*Quod non omnis delectatio carnis peccatum est.*

Sed forte aliquis dicet, omnem carnis concupiscentiam, & delectationem quæ est in coitu, malum esse, & peccatum: quia ex peccato est, & inordinata. Et nos dicimus illam concupiscentiam semper malam esse, quia fœda est, & pœna peccati, sed non semper peccatum est. Sæpe enim delectatur vir sanctus secundum carnem in aliqua re, ut requiescendo post laborem, edendo post esuriam; nec tamen talis

*S. Tb. Oper. Tom. XIII.*

Q delect.

EX EDIT. P. NICOLAI. „ Nihil tale in Lib. de verb. Apostoli. Sic autem ex Enchiridio Bedæ in hunc locum: „ Posset putari hoc non esse peccatum, nisi & Apostolus addidisset: *Hæc ergo dies secundum veniam*, non secundum imperium. Quis autem neget esse peccatum, cum dari veniam facientibus apostolica auctoritate fateatur? Propter hæc, & alia huiusmodi peccata oportet quoties dicamus: *Dimittite nobis* &c. „ Et cap. xi. \*\*\* Et Lib. I. de nuptiis, & concupiscentiis, cap. xiv.

delectatio est peccatum, nisi sit immoderata. Sic & delectatio quæ sit in coitu conjugali, cui adiunt illa tria bona, a peccato delectatur. Videtur tamen beatus Gregorius aliter sentire ( Lib. XII. Epist. indist. v. 11. epist. xxxi. ) scilicet quod sine peccato non possit fieri carnalis commixtio. dicens: „ Vir cum propria coniuge dormiens, nisi lotus aqua Ecclesiam intrare non debet. Quamvis diversæ hominum nationes de hac re diversæ sentiant, & alia custodire videantur; Romanorum tamen semper ab antiquioribus usus fuit, post admixtionem propriæ coniugis & lavacri purificationem querere, & ab ingressu Ecclesiæ paululum temperare. Nec hoc dicentes, culpam depuramus esse coniugium; sed quia ipsa illicita admixtio coniugis sine voluptate carnis fieri non potest, a sacri loci ingressu abstinendum est, quia voluptas illa sine culpa nullatenus esse potest. “

*Determinat auctoritatem.*

**H**oc autem ne prædictis obviet, intelligendum est in illis qui ( 1 ) non gratia prolis conveniunt, quorum voluptas non est sine peccato, & vix aliqui reperiri possunt adhuc amplexus carnales experientes, qui non interdum conveniant præter intentionem procreandæ prolis. Hoc autem quoties fit, ab ingressu Ecclesiæ abstinendum est. Et quod ita intelligendum sit, Gregorius consequenter ostendit. „ Si quis vero in sua coniuge non cupidine voluptatis raptus, sed tantum creando- rum liberorum gratia utitur; iste profecto sive de ingressu Ecclesiæ, sive de sumendo corporis dominici mysterio, suo est iudicio relinquendus: quia prohiberi a nobis non debet accipere qui in igne positus nescit ardere. Cum vero non amor, procreandæ sobolis, sed voluptas dominatur in opere commixtionis, habeant conjuges etiam de commixtione sua quod desistant. Tunc autem vir qui post admixtionem coniugis lotus aqua fuerit, etiam sacram communionem valeat accipere, cum ei secundum præsentiam sententiam Ecclesiæ etiam licuerit intrare. “

#### DIVISIO TEXTUS.

**P**ostquam determinavit Magister de causis quibus constituitur matrimonium ipsum, hic determinat de causis honestatis ipsius, scilicet de bonis coniugii, quibus actus matrimonii honestatur: & dividitur in partes duas. In prima determinat de bonis matrimonii quantum ad matrimonium, secundum quod nunc agitur. In secunda ostendit quomodo huiusmodi bona erant in matrimonio antiquorum patrum, xxxi. dist. ibi. *Quæritur hic de antiquis patribus* &c. Prima in duas. In prima determinat de bonis coniugii, quibus matrimonii actus excusatur. In secunda determinat de actu matrimonii, qui per bona prædicta excusatur, secundum quod insuper habet rationem debiti, xxxi. dist. ibi. *Sciendum est etiam, quia camin omnibus aliis viri præstet mulieri ... in solvendo tamen carnis debito pares sunt.* Prima in duas. In prima determinat de bonis coniugii, quomodo in matrimonio inveniantur. In secunda ostendit quando per ea actus conjugalis excusatur, ibi. *Cum hæc ergo tria bona in aliquo coniugio simul contineantur, ad excusatio-*

*nem coitus carnalis valent.* Prima in duas. In prima ostendit quæ sint tria bona coniugii. In secunda qualiter se habeant ad matrimonium, ibi. *Es est sciendum, ab aliquibus contrahi coniugium, ubi hæc tria bona non comitantur.* Et circa hoc duo facit. Primo ostendit quod unum prædictorum bonorum in quolibet matrimonio invenitur, scilicet sacramentum; quamvis non alia duo, scilicet fides, & proles, quæ aliquando secundum actum matrimonium desunt. Secundo determinat de matrimonio, in quo etiam intentio illorum duorum non salvatur, ibi. *Soleo queri, cum masculus, & femina, nec ille maritus, nec illa uxor alterius, sibimet non filiorum procremationem, sed pro incontinentia solius concubitus causa copulantur* &c. Et circa hoc tria facit. Primo determinat de matrimonio in quo non intenditur bonum prolis. Secundo de eo in quo non solum non intenditur, sed etiam impeditur, ibi. *Qui vero venena sterilitatis procurant, non coniuges, sed fornicarii sunt.* Tertio determinat quandam questionem incidentem, ibi. *Hic queri solet de his qui abortum procurant.*

*Cum ergo hæc tria bona in aliquo coniugio simul*

( 1 ) *Al. desit non.*

*Simul concurrentes, ad excusationem coitus carnalis valent.* Hic ostendit quomodo per bona praedicta actus coniugaliscus excusatur, & circa hoc duo facit. Primo determinat veritatem. Secundo ponit obiectiones in contrarium, ibi, *Sed si concubitus qui fit causa proli, culpa caret, quid Apostolus secundum indulgentiam permittit?* Et circa hoc duo facit. Primo obicit contra excusationem matrimonialis actus, ostendens quod matrimonium excusatione non indiget; secundo ostendens quod excusari non possit, quin culpa careat, ibi, *Sed forte aliquis dicit* &c. Et circa hoc duo facit. Primo obicit per rationem; secundo per auctoritatem, ibi, *Videtur tamen sentire aliter beatus Gregorius*; & quilibet harum dividitur in obiectionem, & solutionem, ut per se patet in littera.

## QUAESTIO I.

**H**ic est duplex quaestio. Prima de bonis matrimoniis. Secunda de excusatione actus matrimonialis per bona praedicta.

Circa primum quaeruntur tria.

Primo. Utrum debeant esse aliqua bona ad excusandum matrimonium.

Secundo. Quae, & quot sint.

Tertio. Qualiter ad matrimonium se habeant.

## ARTICULUS I.

*Utrum matrimonium debeat habere aliqua bona quibus excusetur.*

**1.** **A**D primum sic proceditur. Videtur quod matrimonium non debeat habere aliqua bona quibus excusetur. Sicut enim conservatio individui, quae fit per ea quae ad nutritivam pertinent, est de intentione naturae; ita conservatio speciei, quae fit per matrimonium; & multo magis, quanto melius, & divinius est bonum speciei quam bonum unius individui. Sed ad actum nutritivae excusandum non indigetur aliquibus. Ergo nec etiam ad excusandum matrimonium.

**2.** Praeterea. Secundum Philosophum in VIII. Ethicor. (cap. xii. vel xiv.) amicitia quae est inter virum & uxorem, est naturalis, & claudit in se honestum, utile, & delectabile. Sed illud quod de se est honestum, non indiget aliqua excusatione. Ergo nec bona excusantia debent matrimonio attribui.

**3.** Praeterea. Matrimonium institutum est

in remedium, & in officium, ut supra dist. xxiii. (quaest. ii. art. 1. & 2.) dictum est. Sed secundum quod est in officium, non indiget excusatione: quia sic etiam in paradiso excusatione indiguisset, quod saluum est: ibi enim fuissent nuptiae honorabiles, & totus immaculatus, ut Augustinus dicit (super Gen. ad litteram Lib. IX. cap. xii.) Similiter nec secundum quod est in remedium, sicut nec alia sacramenta, quae in remedium peccati instituta sunt. Ergo matrimonium huiusmodi excusantia habere non debet.

**4.** Praeterea. Ad omnia quae honeste fieri possunt, virtutes dirigunt. Si ergo matrimonium aliquibus bonis potest honestari, non indiget aliis honestantibus quam animi virtutibus; & sic non debent matrimonio aliqua bona assignari quibus honestetur, sicut nec aliis in quibus virtutes dirigunt.

Sed contra. Ubicumque est indulgentia, ibi est necessaria aliqua excusationis ratio. Sed matrimonium conceditur in statu infirmitatis secundum indulgentiam, ut patet I. Corinth. vii. Ergo indiget per aliqua bona excusari.

Praeterea. Concubitus matrimonialis, & fornicarius sunt eiusdem speciei quantum ad speciem naturae. Sed concubitus fornicarius est de se turpis. Ergo ad hoc quod matrimonialis non sit turpis, oportet ei aliquid addi quod ad honestatem eius pertineat, & in aliam speciem moris trahat.

## SOLUTIO.

Respondeo dicendum, quod nullus sapiens debet iacturam aliquam sustinere, nisi pro aliqua recompensatione alicuius aequalis, vel melioris boni: unde electio alicuius quodammodo iacturam habet annexam, indiget alicuius boni adiunctione per cuius recompensationem ordinetur, & honestetur. In coniunctione autem viri & mulieris, rationis iactura accidit: tum quia propter vehementiam delectationis absorbetur ratio, ut non possit aliquid intelligere in ipsa, ut Philosophus dicit: tum etiam propter tribulationem carnis, quam oportet tales sustinere ex solitudine temporalium, ut patet I. Corinth. vii. & ideo electio talis coniunctionis non potest esse ordinata nisi per recompensationem aliquorum ex quibus delectatio coniunctio honestetur; & haec sunt bona quae matrimonio excusant, & honestum reddunt.

Ad primum ergo dicendum, quod in actu coniunctionis non est tam vehemens delectatio rationem absorbens, sicut in praedicta delecta-

Ratione: tum quia vis generativa, per quam originale traducitur, est infecta, & corrupta; nutritiva autem per quam non traducitur, est corrupta, & non infecta: tum quia defectum individui quilibet magis sentit in se ipso quam defectum speciei. Unde ad excitandum ad confessionem, secundum quam defectui individui subvenitur, sufficit sensus ipsius defectus; sed ad excitandum ad actum quo defectui speciei subvenitur, divina providentia delectationem apposuit in actu illo, quæ etiam alia bruta movet, in quibus non est infectio originalis peccati. Et ideo non est simile.

Ad secundum dicendum, quod ista bona quæ matrimonium honestant, sunt de ratione matrimonii: & ideo non indigent eis quasi exterioribus quibusdam ad honestandum, sed quasi causantibus in ipso honestatem quæ ei secundum se competit.

Ad tertium dicendum, quod matrimonium ex hoc ipso quod est in officium, vel remedium, habet rationem utilis, & honesti; sed utrumque horum ei competit ex hoc quod huiusmodi bona habet, quibus fit & officiosum, & remedium ad concupiscentiam adhibens.

Ad quartum dicendum, quod aliquis actus virtutis honestatur & virtute quasi principio elicitive, & circumstantiis quasi formalibus principiis ipsius. Hoc autem modo se habent bona ad matrimonium sicut circumstantiæ ad actum virtutis, ex quibus habet quod virtutis actus esse possit.

## ARTICULUS II.

*Utrum sufficienter bona matrimonii assignentur in littera.*

*IV. cont. Gent. cap. lxxviii. in fine.*

**A**D secundum sic proceditur. Videtur assignentur in littera, scilicet fides, proles, & sacramentum. Quia matrimonium non solum fit in hominibus ad prolem procreandam, & nutriendam; sed ad consortium communis vite propter operum communicationem, ut dicitur in VIII. Ethic. (cap. xii. vel xiv.) Ergo sicut ponitur proles bonum matrimonii, ita deberet poni communicatio operum.

2. Præterea. Coniunctio Christi ad Ecclesiam, quam matrimonium significat, perficitur per caritatem. Ergo inter bona matrimonii magis deberet poni caritas quam fides.

3. Præterea. In matrimonio sicut exigitur quod neuter coniugum ad alterius torum accedat, ita exigitur quod unus alteri debitum reddat. Sed præmium pertinet ad fidem, ut in littera dicitur. Ergo deberet etiam iustitia propter redditionem debiti inter bona matrimonii computari.

4. Præterea. Sicut in matrimonio, in quantum significat coniunctionem Christi & Ecclesie, requiritur indivisibilitas, ita & unitas, ut sit una unus. Sed sacramentum quod inter tria bona coniugii computatur, pertinet ad indivisionem. Ergo deberet esse aliquid aliud quod pertineret ad unitatem.

5. Sed contra. Videtur quod superfluum. Quia unica virtus sufficit ad unicum actum honestandum. Sed fides est quædam virtus. Ergo non oportuit alia duo addere ad honestandum matrimonium.

6. Præterea. Non ex eodem aliquid accipit rationem utilis, & honesti; cum utile, & honestum ex opposito bonum dividant. Sed ex prole matrimonium accipit rationem utilis. Ergo proles non debet computari inter bona quibus matrimonium honestatur.

7. Præterea. Nihil debet poni ut proprietas, vel conditio sui ipsius. Sed hæc bona ponuntur ut quædam conditiones matrimonii. Ergo cum matrimonium sit sacramentum, non debet poni sacramentum inter bona matrimonii.

## SOLUTIO.

Respondeo dicendum, quod matrimonium est in officium nature, & est sacramentum Ecclesie. In quantum ergo est in officium nature, duobus ordinatur, sicut & quilibet alius virtutis actus: quorum unum exigitur ex parte ipsius agentis, hoc est intentio finis debiti; & sic ponitur bonum matrimonii proles: aliud exigitur ex parte ipsius actus, qui est bonus in genere ex hoc quod cadit supra debitam materiam; & sic est fides, per quam homo ad suam accedit, & non ad aliam. Sed ulterius habet aliquam bonitatem in quantum est sacramentum, & hoc significatur ipso nomine sacramenti.

Ad primum ergo dicendum, quod in prole non solum intelligitur procreatio proles, sed etiam educatio ipsius, ad quam sicut ad finem ordinatur tota communicatio operum quæ est inter virum & uxorem, in quantum sunt matrimonio iuncti, quia patres naturaliter thesaurizant filiis, ut patet II. Corinth. xxi. & sic in prole quasi in principali fine alius quasi secundarius includitur.

## ARTICULUS III.

Ad secundum dicendum, quod fides non accipitur hic prout est virtus theologica, sed prout est pars iustitiæ, secundum quod fides dicitur ex hoc quod sunt dicta in observatione promissorum: quia in matrimonio, cum sit quidam contractus, est quædam promissio, per quam talis vir tali mulieri determinatur.

Ad tertium dicendum, quod sicut in promissione matrimonii continetur ut neuter ad alterum torum accedat, ita etiam quod sibi invicem debitum reddant; & hoc etiam est principalius, cum consequntur ex ipsa mutua potestate invicem data: & ideo utrumque ad fidem pertinet; sed in littera ponitur illud quod est minus manifestum.

Ad quartum dicendum, quod in sacramento non solum intelligenda est indivisio, sed omnia illa quæ consequuntur matrimonium ex hoc quod est signum coniunctionis Christi & Ecclesiæ. Vel dicendum, quod unitas quam obiecto tangit, pertinet ad fidem, sicut indivisio ad sacramentum.

Ad quintum dicendum, quod fides non accipitur hic pro aliqua virtute, sed pro quadam conditione virtutis, ex qua fides nominatur, quæ ponitur pars iustitiæ.

Ad sextum dicendum, quod sicut debitum usus boni utilis accipit rationem honesti, non quidem ex utili, sed ex ratione quæ rectum usum facit; ita etiam ordinatio ad aliquod bonum utile potest facere bonitatem honestatis ex vi rationis debitam ordinationem facientis: & hoc modo matrimonium ex hoc quod ordinatur ad prolem, utile est, & nihilominus honestum, in quantum debite ordinatur.

Ad septimum dicendum, quod, sicut Magister dicit in littera, sacramentum non dicitur hic ipsum matrimonium, sed inseparabilitas eius, quæ est eiusdem rei signum cuius & matrimonium. Vel dicendum, quod quamvis matrimonium sit sacramentum, tamen aliud est matrimonio esse matrimonium, & aliud est ei esse sacramentum: quia non solum ad hoc est institutum ut sit signum rei sacræ, sed etiam ut sit in officium naturæ: & ideo ratio sacramenti est quædam conditio adveniens matrimonio secundum se considerato, ex quo etiam honestatem habet: & ideo sacramentalitas eius, ut infra dicam, ponitur inter bona honestantia matrimonium: & secundum hoc in tertio bono matrimonii, scilicet sacramento, non solum intelligitur inseparabilitas, sed etiam omnia quæ ad significationem ipsius pertinent.

*Utrum sacramentum sit principalius inter matrimonii bona.*

1. **A**D tertium sic proceditur. Videtur quod sacramentum non sit principalius inter matrimonii bona. Quia finis est potissimum in unoquoque. Sed proles est matrimonii finis. Ergo proles est principalius matrimonii bonum.

2. Præterea. Principalius est in ratione speciei differentia, quæ complet speciem, quam genus, sicut forma quam materia in constitutione rei naturalis. Sed sacramentum competit matrimonio ex ratione sui generis, proles autem, & fides ex ratione differentiarum, in quantum est tale sacramentum. Ergo alia duo sunt magis principalia in matrimonio quam sacramentum.

3. Præterea. Sicut invenitur matrimonium sine prole, & fide; ita invenitur sine inseparabilitate, sicut patet quando alter coniugum ante matrimonium consummatum ad religionem transit. Ergo nec ex hac ratione sacramentum est in matrimonio principalius.

4. Præterea. Effectus non potest esse principalior sua causa. Sed consensus, qui est causa matrimonii, mutatur frequenter. Ergo & matrimonium dissolvi potest; & sic inseparabilitas non semper concomitatur matrimonium.

5. Præterea. Sacramenta quæ habent effectum perpetuum, imprimunt characterem. Sed in matrimonio non imprimitur character. Ergo non adest ei inseparabilitas perpetua; & ita sicut est matrimonium sine prole, ita potest esse sine sacramento; & sic idem quod prius.

Sed contra. Illud quod ponitur in distinctione rei, est sibi maxime essenziale. Sed indivisio quæ pertinet ad sacramentum, ponitur in distinctione, supra de matrimonio data; non autem proles, vel fides. Ergo sacramentum inter alia matrimonio est essentialius.

Præterea. Virtus divina, quæ in sacramentis operatur, est efficacior quam virtus humana. Sed proles, & fides pertinent ad matrimonium, secundum quod est in officium naturæ humanæ; sacramentum autem secundum quod est ex institutione divina. Ergo sacramentum est principalius in matrimonio quam alia duo.

Respondeo dicendum, quod aliquid dicitur in re aliqua principaliter altero duobus modis : aut quia est essentialius, aut quia dignius. Si quia dignius, sic omnibus modis sacramentum est principaliter inter tria coniugii bona : quia pertinet ad matrimonium inquantum est sacramentum gratiæ ; alia vero duo pertinent ad ipsum inquantum est quoddam naturæ officium : perfectio autem gratiæ est dignior perfectione naturæ. Si autem dicatur principaliter quod est essentialius, sic distinguendum est : quia fides, & proles possunt dupliciter considerari. Uno modo in seipsis ; & sic pertinent ad usum matrimonii, per quem & proles producitur, & pactio coniugalitatis servatur ; sed indivisibilitas, quam sacramentum importat, pertinet ad ipsum matrimonium secundum se, quia ex hoc ipso quod per pactiorem conjugalem sui potestatem sibi invicem in perpetuum coniuges tradunt, sequitur quod separari non possint : & inde est quod matrimonium nunquam invenitur sine inseparabilitate ; invenitur autem sine fide, & prole, quia esse rei non dependet ab usu suo : & secundum hoc sacramentum est essentialius matrimonio quam fides, & proles. Alio modo possunt considerari fides, & proles, secundum quod sunt in suis principiis, ut pro prole accipiatur intentio prolis, & pro fide debitum servandi fidem, sine quibus etiam matrimonium esse non potest, quia hæc in matrimonio ex ipsa pactiōe coniugali causantur ; ita quod si aliquid contrarium huiusmodi exprimeretur in consensu qui matrimonium facit, non esset verum matrimonium : & sic accipiendo fidem, & prolem, & proles est essentialissimum in matrimonio, & secundo fides, & tertio sacramentum ; sic ut etiam homini est essentialius esse naturæ quam esse gratiæ, quamvis esse gratiæ sit dignius.

Ad primum ergo dicendum, quod finis secundum intentionem est primum in re, sed secundum consecutionem est ultimum : & similiter se habet proles inter matrimonii bona ; & ideo quodammodo est principalis, & quodammodo non.

Ad secundum dicendum, quod sacramentum, etiam prout ponitur tertium matrimonii bonum, pertinet ad matrimonium ratione suæ differentiæ. Dicitur enim sacramentum ex significatione huius rei sacræ determinatæ, quam matrimonium significat.

Ad tertium dicendum, quod nuptiæ secundum Augustinum ( de bono coniug. cap. iv. ) sunt bonum mortalium : unde in resurrectione non nubent, neque nubentur, ut dicitur Matth. xxii. & ideo vinculum matrimonii non se extendit ultra vitam in qua (4) contrahitur : & ideo dicitur inseparabile, quia non potest in hac vita separari ; sed per mortem separari potest, sive corporalem post carnalem coniunctionem, sive spirituale post spirituale tantum.

Ad quartum dicendum, quod quamvis consensus qui facit matrimonium, non sit perpetuus materialiter, idest quantum ad substantiam actus : quia ille actus cessat, & potest contrarius succedere : tamen formaliter loquendo est perpetuus : quia est de perpetuitate vinculi, alias non faceret matrimonium : non enim consensus ad tempus ad aliquam matrimonium facit. Et dico formaliter, secundum quod actus accipit speciem ab obiecto ; & secundum hoc matrimonium ex consensu inseparabilitatem accipit.

Ad quintum dicendum, quod in sacramentis in quibus imprimitur character, traditur potestas ad actus spirituales, sed in matrimonio ad actus corporales : unde matrimonium ratione potestatis quam in se invicem coniuges accipiunt, convenit cum sacramentis in quibus character imprimitur, & ex hoc habet inseparabilitatem, ut in littera dicitur ; sed differt ab eis, inquantum potestas illa est ad actus corporales, & propter hoc non imprimit characterem spirituale.

#### QUÆSTIO II.

**D**Einde queritur qualiter per bona prædicta matrimonium excusetur : & circa hoc queruntur tria.

Primo. Utrum prædicta bona possint excusare actum matrimonii, ut non sit omnino peccatum.

Secundo. Utrum sine eis a peccato aliquando excusari possit.

Tertio. Utrum quando est sine eis, semper sit peccatum mortale.



## ARTICULUS I.

*Utrum actus matrimonii possit excusari per bona praedicta, ut non sit peccatum.*

1. 2. *quest. XXXIV. art. 1. ad 1. 22. quest. clxxii. art. 3. Et III. cont. Gent. cap. CXXVI.*

1. **A**D primum sic proceditur. Videtur quod actus matrimonii non possit excusari per bona praedicta, ut non sit omnino peccatum. Quia quicumque sustinet damnum maioris boni propter minus bonum, peccat, quia inordinate sustinet. Sed bonum rationis, quod laeditur in ipso actu coniugali, est maius quam haec tria coniugii bona. Ergo praedicta bona non sufficiunt ad excusandum coniugalem concubitum.

2. Praeterea. Si bonum malo addatur in genere moris, totum efficitur malum, non autem totum bonum: quia una circumstantia mala facit actum malum, non autem una bona facit ipsum bonum. Sed actus coniugalis secundum se malus est, alias excusatione non indigeret. Ergo bona matrimonii adiuncta non possunt ipsum bonum facere.

3. Praeterea. Ubicumque est immoderatio passionis, ibi est vitium in moribus. Sed bona matrimonii non possunt efficere quin delectatio illius actus sit immoderata. Ergo non possunt excusare quin sint peccatum.

4. Praeterea. Verecundia non est nisi de turpi actu, secundum Damascenum (de Fid. orthod. Lib. II. cap. xv.) Sed bona matrimonii non tollunt erubescendum ab illo actu. Ergo non possunt excusare, quin sit peccatum.

Sed contra. Concubitus coniugalis non differt a fornicatione, nisi per bona matrimonii. Si ergo haec non sufficerent excusare ipsum, tunc matrimonium semper illicitum remaneret; quod est contra id quod habitum est supra xavi. dist. (quest. 1. art. 3.)

Praeterea. Bona matrimonii se habent ad actum eius, sicut circumstantiae debent, ut dictum est. Sed circumstantiae tales sufficienter faciunt quo aliquis actus non sit malus. Ergo & haec bona possunt excusare matrimonium, ut nullo modo sit peccatum.

## SOLUTIO.

Respondeo dicendum, quod aliquis actus dicitur excusari dupliciter. Uno modo ex parte facientis, ita quod non imputetur facienti in culpam, quamvis sit malus, vel saltem non in tantam culpam; sicut igno-

rantia dicitur excusare peccatum in toto, vel in parte. Alio modo dicitur excusari actus ex parte sui, ita scilicet quod non sit malus; & hoc modo praedicta bona dicuntur excusare actum matrimonii. Ex eodem autem habet actus aliquis quod non sit malus in genere moris, & quod sit bonus: quia non est aliquis actus indifferens, ut in II. Lib. (dist. xl. art. 5.) dictum est. Dicitur autem aliquis humanus actus bonus dupliciter. Uno modo bonitate virtutis, & sic actus habet quod sit bonus ex his quae ipsum in medio ponunt; & hoc faciunt in actu matrimonii fides, & proles, ut ex dictis patet; alio modo bonitate sacramenti, secundum quod actus non solum bonus, sed etiam sanctus dicitur; & hanc bonitatem habet actus matrimonii ex indivisibilitate coniunctionis, secundum quam signat coniunctionem Christi ad Ecclesiam. Et sic patet quod praedicta sufficienter actum matrimonii excusant.

Ad primum ergo dicendum, quod per matrimonii actum non incurrit homo damnationem rationis quantum ad habitum, sed solum quantum ad actum. Nec est inconveniens quod quandoque aliquis actus melior secundum genus suum interruptatur pro aliquo minus bono actu: hoc enim sine peccato fieri potest, sicut patet in eo qui a contemplatione cessat, ut interdum actioni vacet.

Ad secundum dicendum, quod ratio illa procederet, si malum quod inseparabiliter concomitatur concubitus, esset malum culpae: nunc autem non est malum culpae, sed poenae tantum, quae est inobedientia concupiscentiae ad rationem: & ideo ratio non sequitur.

Ad tertium dicendum, quod superabundantia passionis quae vitium facit, non attenditur secundum intensiorem quantitativam ipsius, sed secundum proportionem ad rationem: unde tunc solum passio reputatur immoderata, quando limites rationis excedit. Delectatio autem quae fit in actu matrimoniali, quamvis sit intensissima secundum quantitatem, tamen non excedit limites sibi a ratione praefixos ante principium suum, quamvis in ipsa delectatione ratio eam ordinare non possit.

Ad quartum dicendum, quod turpitudine illa quae semper est in actu matrimonii, & erubescendum facit, turpitudine est poenae, & non culpae: quia de quolibet defectu non naturaliter erubescit.

*Utrum actus matrimonii excusari possit etiam sine matrimonii bonis.*

1. **A**D secundum sic proceditur. Videtur quod actus matrimonii excusari possit etiam sine matrimonii bonis. Quoniam natura tantum movetur ad actum matrimonii, non videtur aliquid bonum intendere: quia bona matrimonii pertinent ad gratiam, vel virtutem. Sed quando aliquis solo naturali appetitu movetur ad actum praedictum, non videtur esse peccatum: quia nullum naturale est malum, cum malum sit praeter naturam, & praeter ordinem, ut dicit Dionysius (de divin. Nomin. cap. xv. par. iv.) Ergo actus matrimonialis potest excusari etiam sine bonis matrimonii.

2. Praeterea. Ille qui utitur coniuge ad fornicationem vitandam non videtur aliquid bonum matrimonii intendere. Sed talis non peccat, ut videtur: quia ad hoc est matrimonium concessum humanae inlicitati, ut fornicatio vitetur: I. Corinib. vii. Ergo etiam sine bonis matrimonii potest actus eius esse excusatus.

3. Praeterea. Ille qui utitur re sua ad libitum, non facit contra iustitiam, & sic non peccat, ut videtur. Sed per matrimonium uxor efficitur res viri, & e converso. Ergo si se invicem ad libitum utuntur libidine movente, non videtur esse peccatum & sic idem quod prius.

4. Praeterea. Illud quod efficitur bonum ex genere, non efficitur malum nisi ex mala intentione fiat. Sed actus matrimonii quo quis suam cognoscit, est ex genere bonus. Ergo non potest malus esse, nisi mala intentione fiat. Sed potest bona intentione fieri, etiam si non intendatur aliquid matrimonii bonum, puta cum quis per hoc salutem corporalem intendit fervare, aut consequi. Ergo videtur quod etiam sine matrimonii bonis actus ille possit excusari.

Sed contra. Remota causa removetur effectus. Sed causa honestatis actus matrimonialis sunt matrimonii bona. Ergo sine eis non potest actus matrimonialis excusari.

Praeterea. Actus praedictus non differt ab actu fornicario, nisi in praedictis bonis. Sed concubitus fornicarius semper est malus. Ergo si non excusatur in praedictis bonis, etiam matrimonialis actus semper erit malus.

Respondeo dicendum, quod sicut bona matrimonii, secundum quod sunt in habitu, faciunt matrimonium honestum, & sanctum; ita etiam secundum quod sunt in actuali intentione, faciunt actum matrimonii honestum quantum ad illa duo bona quae ipsius actum respiciunt. Unde quando coniuges conveniunt causa proles procreandae, vel ut sibi invicem debitum reddant, quae ad fides pertinent, totaliter excusantur a peccato. Sed tertium bonum non pertinet ad usum matrimonii, sed ad essentiam ipsius, ut dictum est: unde facit ipsum matrimonium honestum, non autem actum eius, ut per hoc actus absque peccato reddatur, quia alicuius significationis causa conveniunt: & ideo duobus solis modis coniuges absque omni peccato conveniunt, scilicet causa proles procreandae, & debiti reddendi; alias autem semper est ibi peccatum, ad minus veniale.

Ad primum ergo dicendum, quod proles prout est bonum sacramenti, addit supra prolem prout est intentum a natura. Natura enim intendit prolem prout in ipsa salvatur bonum speciei; sed in prole, secundum quod est bonum sacramenti matrimonii, ultra hoc intelligitur ut proles susceperit ulterius ordinetur in Deum: & ideo oportet quod intentio naturae qua prolem intendit, referatur actu, vel habitu ad intentionem proles prout est bonum sacramenti; alias staretur in creatura, quod sine peccato esse non potest: & ideo quando natura tantum movet ad actum matrimonii, non excusatur a peccato omnino, nisi in quantum motus naturae ordinatur actu, vel habitu ulterius ad prolem secundum quod est bonum sacramenti. Nec tamen sequitur quod motus naturae sit malus; sed quod sit imperfectus, nisi ad aliquid bonum matrimonii ulterius ordinetur.

Ad secundum dicendum, quod si aliquis per actum matrimonii intendat vitare fornicationem in coniuge, non est aliquid peccatum: quia hoc est quidam redditio debiti, quod ad bonum fidei pertinet. Sed si intendat vitare fornicationem in se, sic est ibi aliqua superfluitas, & secundum hoc est peccatum veniale: nec ad hoc est matrimonium institutum, nisi secundum indulgentiam, quae est de peccatis venialibus.

Ad tertium dicendum, quod una debita circumstantia non sufficit ad hoc quod actus sit bonus: & ideo non oportet quod qualitercumque quis re sua utatur, usus sit bonus.

nus; sed quando utitur re sua ut debet secundum omnes circumstantias.

Ad quartum dicendum, quod quamvis intendere sanitatis conservationem non sit per se malum, tamen hæc intentio efficitur mala, si ex aliquo sanitas intendatur quod non est ad hoc de se ordinatum, sicut qui ex sacramento baptismi tantum salutem corporalem quereretur: & similiter est in proposito de actu matrimoniali.

## ARTICULUS III.

*Utrum aliquis peccet mortaliter cognoscens uxorem non intendens aliquid matrimonii bonum, sed solum delectationem.*

1. **A**D tertium sic proceditur. Videtur quod quodcumque aliquis uxorem cognoscit, non intendens aliquid matrimonii bonum, sed solum delectationem, mortaliter peccet. Quia Hieronymus dicit (in cap. v. Epist. ad Ephes.) & habetur in littera: *Voluptates quæ de meretricum amplexibus capiuntur, in uxore damnae sunt.* Sed non dicitur esse damnable nisi peccatum mortale. Ergo cognoscere uxorem propter solum voluptatem est peccatum mortale semper.

2. Præterea. Consensus in delectationem est peccatum mortale, ut in II. Lib. dist. xxiv. (quæst. 11. art. 4. in cor.) dictum est. Sed quicumque cognoscit uxorem suam causa delectationis, consentit in delectationem. Ergo mortaliter peccat.

3. Præterea. Quicumque usum creaturæ non refert in Deum, creatura fruitur, quod est peccatum mortale. Sed quicumque uxore propter solum delectationem utitur, hunc usum non refert in Deum. Ergo mortaliter peccat.

4. Præterea. Nullus debet excommunicari, nisi pro peccato mortali. Sed aliquis sola libidine uxorem cognoscens arceretur ab introitu Ecclesiæ, ut in littera dicitur, quasi sit excommunicatus. Ergo omnis talis peccat mortaliter.

Sed contra est secundum Augustinum quod talis concubitus ponitur inter peccata quotidiana, pro quibus dicitur, *Pater noster*, ut habetur in littera. Sed talia non sunt peccata mortalia. Ergo &c.

Præterea. Qui cibo utitur propter delectationem tantum, non peccat mortaliter. Ergo pari ratione qui utitur uxore tantum causa libidinis.

Respondeo dicendum, quod quidam dicunt, quod quodcumque ad actum conjugalem libido principaliter movet, est peccatum mortale; sed quando movet ex latere, tunc est peccatum veniale; quando autem delectationem omnino respicit, & displicet ei, tunc est omnino absque veniali peccato; ut sic delectationem in actu illo querere, sit peccatum mortale; delectationem oblatam acceptare, sit peccatum veniale; sed eam odire, sit perfectionis. Sed hoc non potest esse: quia secundum Philosophum in X. Ethic. (cap. v. vel viii.) idem est iudicium de delectatione, & operatione: quia operationis bonæ est delectatio bona, & malæ mala. Unde cum actus matrimonialis non sit per se malus, nec querere delectationem erit peccatum mortale semper. Et ideo dicendum, quod si delectatio queratur ultra honestatem matrimonii, ut scilicet quia aliquis in coniuge non attendat quod coniux est, sed solum quod mulier est, idem patet satisfacere cum ea, etsi non esset coniux, est peccatum mortale: & talis dicitur ardentior amator uxoris, quia scilicet ardor ille extra bona matrimonii effertur. Si autem queratur delectatio infra limites matrimonii, ut scilicet talis delectatio in alia non queretur quam in coniuge, sic est veniale peccatum.

Ad primum ergo dicendum, quod tunc voluptates meretricias vir in uxore querit quando nihil aliud in ea attendit quam quod in meretrice attenderet.

Ad secundum dicendum, quod consensus in delectationem concubitus qui est mortale peccatum, est mortale peccatum; non autem talis est delectatio matrimonialis actus.

Ad tertium dicendum, quod quamvis delectationem non refert actu in Deum, tamen non ponit in ea ultimum voluntatis finem; alias eam ubicumque indifferenter quereretur: & ideo non oportet quod creatura fruatur, sed utitur creatura propter se; se autem habitualiter propter Deum, quamvis non actu.

Ad quartum dicendum, quod hoc non dicitur propter hoc quod ex hoc peccato homo excommunicationem mereatur, sed quia spiritualibus se reddit inhabilem, propter quod in actu illo homo efficitur totus caro.

## EXPOSITIO TEXTUS.

**S**olet quari, cum masculus, & femina, nec ille maritus, nec illa uxor alterius... pro incontinentia solius concubitus causa copulantur. De hoc in precedenti dist. dictum est, quoniam malus finis boiuitatem matri-  
monii non tollit.

Qui vero venena sterilitatis procurant, non coniuges, sed fornicarii sunt. Hoc peccatum quamvis sit grave, & inter maleficia computandum, & contra naturam, quia etiam bestiae fetus expectant; tamen est minus quam homicidium, quia adhuc poterat alio modo impediri conceptus. Nec est iudicandus talis irregularis, nisi iam formato puerperio abortum procuraret.

Semina paulatim formantur &c. De hoc habitum est in tertio dist. 111.

Et postquam venter uxoris intumuerit, non perdans filios. Quamvis enim matrix post im-

pregnationem claudatur; tamen ex deflectione, ut Avicenna dicit, movetur, & aperitur, & ex hoc imminet periculum abortus: & ideo Hieronymus vituperat accessum viri ad uxorem imprægnatam; non tamen ita quod semper sit peccatum mortale; nisi forte quando probabiliter timetur de periculo abortus.

Nec immutatur in eum usum qui est contra naturam. Usus contra naturam coniugis est, quando debitum vas prætermittit, vel debitum modum a natura institutum quantum ad situm: & io primo semper est peccatum mortale, quia proles sequi non potest, unde totaliter intentio naturæ frustratur; sed in secundo modo non semper est peccatum mortale, ut quidam dicunt, sed potest esse signum mortalis concupiscentiæ: quandoque etiam sine peccato esse potest, quando dispositio corporis alium modum non patitur; alias tanto est gravior, quanto magis a naturali modo receditur.

## DISTINCTIO XXXII.

## De solutione carnalis debiti.

**S**ciendum etiam est, quod cum in omnibus aliis vir præsit mulieri; ut caput corpori (est enim vir caput mulieris) in solvendo tamen carnis debito pares sunt. Ideo Apostolus utrique pariter præcipit in hac causa sibi invicem subiici, in-  
quiens (I. Corin. vi. 11. 3.) „Vir debitum reddat uxori, similiter & uxor viro: „quia mulier non habet potestatem sui corporis, sed vir: similiter & vir non habet potestatem sui corporis, sed mulier: „quia nec mulier ad alium virum, nec vir ad aliam mulierem potestatem sui corporis habet: nec vir ad continentium, nec mulier potestatem habet sine mutuo consensu; sed alter alterius potestatem habet corporis, ut poscenti alteri non liceat alteri negare debitum. In hoc enim pares sunt: quia nec viro, nec mulieri corpus suum licet alii tradere, sed sibi invicem debitores sunt in hac causa, ne peccandi detur occasio; per quod non dominium tollitur viro, sed vitium. Debent enim sibi coniugati non solum ipsius sexus sui commiscendi fidem liberorum procreandorum causa, quæ prima est in ista mortalitate societas; verum etiam infirmitatis invicem excipiendæ, ad illicitos concubitus devitandos, mutuum quodammodo servitutum, ut etsi alteri eorum continentia placeat, nisi ex alterius consensu non possit: ad hoc enim neuter habet potestatem sui corporis: quod adeo verum est, ut etiam quod non filiorum procreandorum, sed infirmitatis, & incontinentiæ causa expetit, vel ille de matrimonio, vel illa (pater, non sibi alterutrum negent, ne per hoc incidunt in damnabiles corruptelas. Reddere enim debitum coniugale nullus est criminis; exigere autem ultra generandi necessitatem, culpæ est venialis; fornicari vero, vel moechari, puniendi est criminis. (Ex Augustino de bono coniugali cap. vii. & vii.)

(1) Nicolai supplet ex Augustino de mativo.

*Quod neuter continere valeat, nisi ex communi consensu.*

**Q**UOD vero sine consensu uxoris vir continere non valeat, subditis probatur testimonio. Ait enim Augustinus ( super Psalmum cxlvi. & habetur in Decret. causa xxxi. quæst. iv. cap. " Si dicat. " ) " Si dicat vir, Continere iam volo " Nolo autem, uxor, (1) non potest: quod enim tu vis, illa non vult. Numquid per continentiam tuam illa debet fieri fornicaria? Si alii nupserit te vivo, adultera erit. " Non vult tali lucro Deus tale damnum compensari. Redde debitum; & si non exigis, redde: pro sanctificatione perfecta Deus tibi computabit, si non quod tibi debetur exigis, sed reddis quod (2) debes uxori. " Idem ( epist. cxcix. ad Ecdesiam, & reletur in Decret. causa xxxi. quæst. v. cap. " Secundum verba. " ) " Secundum verba apostolica, etiamsi vir continere voluisset, & tu noluisse, debitum tibi reddere cogeretur; & illi Deus imputaret continentiam, si non sum, sed tux concederet infirmitati, ne in adulterium caderes. " ( Et in Psalm. cxlvi. ) " Quilibet ergo compatiens infirmitati uxoris reddit, non exigit debitum; aut si propter propriam infirmitatem ducit uxorem, plangens potius, quia sine uxore esse non potuit, quam gaudens quia duxit, securus expectat diem novissimum. " Idem ( epist. xlv. ) " Una sola causa esse potest (3) qua te ad id quod voluisti, non modo non hortaremur, sed etiam prohiberemus implere; si forte tua coniux hoc tecum suscipere animi, vel carnis infirmitate recusaret. Nam vendita talia non sunt a coniugatis, nisi ex consensu, & voluntate communi: & si præpropere factum fuerit, magis est corrigenda temeritas quam persolvenda promissio. Non enim Deus exigit, si quis ex alieno aliquid voverit, sed potius usurpare vetat alienum. " Idem ( Lib. de adulterinis coniugiis cap. ii. ) " Apostolus nec ad tempus ut vacent orationi, nisi ex consensu, voluit coniugem carnali invicem fraudari debito. " Idem ( in quæst. super Lib. Numer. cap. i. x. ) " Manifestum est ita voluisse legem feminam sub viro esse, ut nulla eius vota quæ abstinentiæ causa voverit, reddantur ab ea, nisi auctor fuerit vir permittendo. " Nam cum ad peccatum eiusdem viri pertinere voluerit lex, si prius permisit, & postea prohibuerit; non tamen dixit ut faciat mulier quod voverat, quia permissa iam prius a viro fuerat. Viri dixit esse peccatum, (4) quia abnuvit quod prius concesserat; non tamen mulieri ex hoc (5) iussu dedit, ut cum prius vir ei concesserat, postea si prohibuerit, contemnatur. " Ex his apparet quod vir, vel mulier continentiam Deo offerre non potest sine communi consensu, nec alter alteri debitum negare debet. Si vero quilibet eorum alterum a suo iure absolverit, ad præteritam servitutem numquid revocare poterit? Hoc enim videtur Augustinus supra voluisse. Quibusdam videtur quod mulier non discedens a domo viri, quæ viro permittente continentiam voverit, vel promiserit, eodem prohibente solvere non valeat, & hoc propter dignitatem viri, qui est caput mulieris. Sed melius hoc intelligitur in tali casu, ubi vir concedit mulieri vovere continentiam, & ante vorum prohibet implere. Si vero habitum mutaverit, non potest revocari, secundum illud (6) ( Decret. causa xxxi. quæst. ii. cap. " Qui uxorem. " ) " Qui uxorem suam velare permisit, aliam non accipiat, sed similiter convertatur. "

*Quibus temporibus cessandum sit a coitu.*

**E**T licet debitum poscenti sit semper solvendum, non licet tamen qualibet die polcere. Unde Augustinus ( alius Auctor in Lib. quæst. novi, & vet. test. cap. cxxvi. ) " Christiano cum uxore sua aliquando licet convenire, aliquando non. Propter processionis enim dies, & ieiuniorum, aliquando non licet convenire; quia etiam a licitis abstinendum est, ut facilius impetrari possit quod postulatur. "

R 2 Idem

( 1 ) *Id. desit non.* ( 2 ) *Negat debetur.* ( 3 ) *Idem: quia te id quod vovisti, non modo &c.*  
 ( 4 ) *Id. qui.* ( 5 ) *Id. non permittit.* ( 6 ) *Idem: canonicum scriptum ex Concilio Aemensi re-  
 latum in Decretis causa xxxi. quæst. v. cap. Qui uxorem.*

Idem (serm. 11. de temp.) „Quoties enim vel dies Nativitatis, vel reliquæ festi-  
vitates advenerint, non solum (1) a concubinarum consortio, sed etiam a pro-  
priis uxoribus abstinete. “ Item Ambrosius (Ambrosiaster in I. Corinth. cap. vii.)  
„Si causa procreandorum Filiorum ducitur uxor, non multum tempus concessum  
videtur ad ipsum usum: quia & dies festi, & dies processionis, & ipsa ratio con-  
ceptus, & partus iuxta legem cessare usum carnis his debere temporibus demon-  
strant. “

*Hieronymus videtur dissentire a præmissis.*

**I**lli autem quod dictum est, reddere debitum non esse peccatum, videtur obviare  
quod ait Hieronymus: \* „Quicumque uxori debitum reddit, vacare non potest  
orationi, nec carnes agni edere. “ Item (ibid.) „Si panes propositionis ab his  
qui uxores suas tetigerant, comedi non poterant; quanto magis panis qui de cæ-  
lo descendit, non potest ab his qui conjugaliibus paulo ante hæere complexibus,  
violari, atque contingi? Non quod nuptias condemnemus, sed quod eo tempore  
quo carnes agni manducaturi sumus, vacare a carnalibus operibus debeamus. “  
Hoc capitulum maxime ad ministros Ecclesiæ pertinere videtur, quibus non licebat  
sacra officia celebrare, atque mysteria tempore conjugalis amplexus, quo etiam præ-  
sentia Spiritus sancti non datur. Unde idem ait \*\* (super Matth.) „Connubia  
legitima carent quidem peccato, nec tamen tempore illo quo conjugales actus ge-  
runtur, præsentia Spiritus sancti dabitur, etiam si Propheta esse videatur qui offi-  
cio generationis obsequitur. “

*Quibus temporibus non sunt celebrandæ nuptiæ.*

**N**ec solum in opere carnali observanda sunt tempora, sed etiam in celebrandis  
nuptiis, secundum illud (quod refertur in Decretis causa xxxiii. quest. iv.  
cap. „Non oportet “ ex Concilio Hilerdensi) „Non oportet a septuagesima usque  
in octavam Paschæ, & tribus hebdomadibus ante festum sancti Ioannis, & ab ad-  
ventu Domini usque post Epiphaniam celebrare nuptias. Quod si factum fuerit,  
separenur. Item Nicolaus Papa: \*\*\* „Nec uxorem ducere, nec conjugia facere  
quadragesimali tempore convenire posse illo modo arbitror. “

#### DIVISIO TEXTUS.

**P**ostquam determinavit Magister de bonis  
coniugii quibus actus matrimonialis ex-  
cufatur, hic determinat de actu ipso secun-  
dum quod ulterius accipit rationem debiti  
per bona coniugii: & dividitur in partes  
duas. In prima ostendit quod uterque con-  
iugum alteri debitum reddere tenetur. In  
secunda ostendit quod petitio (a) debiti propter  
solemnitatem temporis impeditur, ibi, *Et  
licet debitum possenti semper sit solvendum,  
non licet tamen qualibet die possere.* Prima in  
duas. In prima ostendit quod vir & uxor  
sunt æquales in debiti redditione. Secundo  
probat quoddam quod supposuerat, ibi,

*Quod vero sine consensu uxoris vir continere  
non valeat, subditis probatur testimoniis.*

*Et licet debitum possenti semper sit solven-  
dum, non licet tamen qualibet die possere.*  
Hic determinat de temporibus in quibus ac-  
tus matrimonii interdicatur, & circa hoc  
duo facit. Primo ostendit quod aliquod tem-  
pus impedit petitionem debiti. Secundo o-  
stendit quod etiam aliquod impedit celebra-  
tionem nuptiarum, ibi, *Nec solum in opere  
carnali servanda sunt tempora, sed etiam in  
celebrandis nuptiis.* Circa primum duo facit.  
Primo ostendit veritatem. Secundo excludit  
quamdam obiectionem, ibi, *Illi autem quod  
dictum est, reddere debitum non esse peccatum,  
videtur obviare quod ait Hieronymus.*

QUAE.

(a) Nicolaus ab infelici concubinarum consortio.

(a) A. primi debiti.

EX EDIT. P. NICOLAI. \* In Vigilia Paschæ de esu agni, sic in Decretis causa xxxiii. quest. vii.  
cap. Scilicet prænotatur. Sed Hieronymus opus non est. \*\* Ex illo quidem in Decretis refertur ubi supra  
cap. Connubia: sed Origenis potius est hom. vi. in Numeros, ut ibidem additur. \*\*\* Tempus ad son-  
fuit Bulgakovum cap. 41. & 112. & refertur in Decretis ut supra cap. Nunc autem.

## QUAESTIO I.

**H**ic quæzuntur quinque.

Primo. Utrum uterque coniugum teneatur ex necessitate præcepti alteri debitum reddere semper.

Secundo. Utrum debeat aliquando reddere non poscenti.

Tertio. Utrum in redditione debiti vir, & uxor sint æquales.

Quarto. Utrum unus sine consensu alterius possit votum emitte per quod impediatur redditio debiti.

Quinto. Utrum tempus impediatur redditio debiti.

## ARTICULUS I.

*Utrum alter coniugum teneatur alteri ad redditionem debiti ex necessitate præcepti.*

**A**D primum sic proceditur. Videtur quod alter coniugum non teneatur alteri ad redditionem debiti ex necessitate præcepti. Nullus enim prohibetur a sumptione eucharistia: propter hoc quod præceptum implet. Sed ille qui uxori debitum reddit, non potest carnes agni edere, ut Hieronymus in littera dicit. Ergo reddere debitum non est de necessitate præcepti.

2. Præterea. Quilibet potest licite abstinere ab his quæ sunt sibi nociva in persona. Sed aliquando reddere debitum poscenti esset nocivum personæ vel ratione infirmitatis, vel ratione solutionis iam factæ. Ergo videtur quod licite possit debitum poscenti negari.

3. Præterea. Quicumque facit se impotentem ad faciendum id ad quod ex præcepto tenetur, peccat. Si ergo aliquis ex necessitate præcepti tenetur ad reddendum debitum, videtur quod peccet si reiunando, vel alias corpus suum attenuando impotentem se reddit ad debiri solutionem; quod non videtur verum.

4. Præterea. Matrimonium secundum Philosophum (VIII. Ethic. cap. xiv.) ordinatur ad procreationem prolis, & educationem, & iterum ad communicationem vitæ. Sed lepra est contra utrumque matrimonii finem: quia cum sit morbus contagiosus, mulier prolo non tenetur cohabitare: similiter etiam morbus ille frequenter transmittitur ad prolem. Ergo videtur quod viro prolo uxor debitum reddere non teneatur.

Sed contra. Sicut servus est in potestate

domini sui, ita & unus coniugum in potestate alterius, ut patet I. Corinth. vii. Sed servus tenetur ex necessitate præcepti domino suo debitum servitutis reddere, ut patet Rom. xiii. 7. *Reddite omnibus debita: cui tributum tributum est.* Ergo & unus coniugum ex necessitate præcepti tenetur alteri reddere debitum.

Præterea. Matrimonium est ordinatum ad fornicationem vitandam, ut patet I. Corinth. vii. Sed hoc non posset per matrimonium fieri, si unus alteri non teneretur debitum reddere, quando concupiscentia infestatur. Ergo reddere debitum est de necessitate præcepti.

## SOLUTIO.

Respondeo dicendum, quod matrimonium est principaliter institutum in officium naturæ: & ideo in actu eius considerandus est motus naturæ, secundum quem nutritiva non ministrat generativæ nisi id quod superfluit ad conservationem individui: quia hic est ordo naturalis ut prius aliquid in seipso perficiatur, & postmodum alteri de perfectione sua communicet: hoc etiam ordo caritatis habet, quæ naturam perficit. Et ideo cum uxor in virum potestatem non habeat nisi quantum ad generativam virtutem, non autem quantum ad ea quæ sunt ad conservationem individui ordinata, vir tenetur uxori reddere debitum in his quæ ad generationem prolis spectant, salva tamen prius personæ incolumitate.

Ad primum ergo dicendum, quod aliquis implens aliquod præceptum potest reddi inhabilis ad aliquod officium sacrum exequendum, sicut iudex qui hominem ad mortem condemnat, præceptum implens irregularis efficitur: & similiter etiam ille qui præceptum implens, debitum solvit, redditur ineptus ad divina officia exequenda, non quod ille actus sit peccatum, sed ratione carnalitatis illius actus; & sic, secundum quod Magister dicit, Hieronymus loquitur tantum de ministris Ecclesiæ, non autem de aliis qui sunt suo iudicio relinquendi: quia possunt & ex devotione dimittere, & sumere corpus Christi absque peccato.

Ad secundum dicendum, quod uxor non habet potestatem in corpus viri nisi salva consentientia personæ ipsius, ut dictum est: unde si ultra exigat, non est petitio debiti, sed iniusta exactio: & propter hoc vir non tenetur ei satisfacere.

Ad tertium dicendum, quod si aliquis reddatur impotens ad debitum solvendum

ex causa ex matrimonio consecuta, puta cum prius debitum redditur, & est impotens ad debitum solvendum ulterius, mulier non habet ius plus petendi, & in petendo ulterius se magis meretricem quam coniugem exhibet. Si autem reddatur impotens ex altera causa, si illa est licita, si iterum non tenetur, nec potest mulier exigere; si non est, tunc peccat: & peccatum uxoris, si in fornicationem propter hoc labatur, aliquo modo sibi imputatur: & ideo debet quantum potest operam dare ut uxor contineat.

Ad quantum dicendum, quod lepra solvit sponsalia, sed non matrimonium: unde uxor etiam viro leproso tenetur reddere debitum; non tamen tenetur ei cohabitare: quia non ita cito inficitur ex coitu sicut ex frequenti cohabitatione: & quamvis proles generetur infirma, tamen melius est ei sic, esse quam penitus non esse.

## ARTICULUS II.

*Utrum vir teneatur reddere debitum uxori non petenti.*

1. **A**D secundum sic proceditur. Videtur quod vir non teneatur reddere debitum uxori non petenti. Preceptum enim affirmativum non obligat nisi ad tempus determinatum. Sed tempus determinatum solutionis debiti non potest esse, nisi quando debitum petitur. Ergo aliasolvere non tenetur.

2. Præterea. De quolibet debemus præsumere meliora. Sed melius est etiam coniugibus continere quam matrimonio uti. Ergo nisi expresse debitum petat, debet præsumere vir quod ei placeat continere; & sic non tenetur ei debitum reddere.

3. Præterea. Sicut uxor habet potestatem in virum, ita dominus in servum. Sed servus non tenetur domino servire, nisi quando ei a domino imperatur. Ergo nec vir uxori tenetur reddere debitum, nisi quando ab ea exigitur.

4. Præterea. Vir potest aliquando uxorem exigentem precipibus avertere ne exigit. Ergo multo magis potest non reddere, si non exigit.

Sed contra. Per redditionem debiti medicamentum præstat contra uxoris concupiscentiam. Sed medicus cui est infirmus aliquis commissus, tenetur morbo eius subvenire, etiam si ipse non petat. Ergo vir uxori non petenti tenetur debitum reddere.

Præterea. Præstat tenetur correctionis remedium contra peccatum subditorum adhibere, etiam eis contradicentibus. Sed redditio debiti in viro est ordinata contra peccata uxoris. Ergo tenetur vir debitum reddere quandoque etiam non petenti.

## QUAESTIUNCULA II.

1. Ulterius. Videtur quod liceat mulieri menstruatæ debitum petere. Sicut enim in lege mulier menstruatæ erat immunda, ita & vir fluxum feminis patiens. Sed vir seminis fluxus potest debitum petere. Ergo pari ratione & mulier menstruatæ.

2. Item. Maior infirmitas est lepra quam passio menstruorum, & maiorem, ut videtur, corruptionem causat in prole. Sed leprosa potest debitum petere. Ergo &c.

3. Item. Si menstruatæ non licet petere debitum, hoc non est nisi ratione defectus qui timetur in prole. Sed si mulier sit sterilis, non timetur talis defectus. Ergo videtur quod saltem sterilis menstruatæ possit petere.

Sed contra. Levit. xviii. 19. *Ad mulierem quæ patitur menstrua, non accedes*: ubi Augustinus (quest. lxxv. in Levit.) "Cum sufficienter prohibuisset, hic etiam repetit, ne forte in superioribus videretur figurative accipiendum."

Item Isa. lxxv. 6. *Omnes iniustitias vestras quasi pannus menstruatæ*: ubi Hieronymus (immo super Ezech. cap. xviii.) "Tunc viri abstinere debent a mulieribus, quoniam concipiuntur membris damnati, cæci, claudi, leprosi; ut quia parentes non erubuerunt in conclavi commisceri, eorum peccata pateant cunctis, & apertius redarguantur in parvulis." Et sic idem quod prius.

## QUAESTIUNCULA III.

1. Ulterius. Videtur quod mulier menstruatæ non debeat reddere debitum petenti. Levit. xx. dicitur quod si aliquis ad menstruatam accesserit, uterque morte est puniendus. Ergo videtur quod tam reddens quam exigens debitum mortaliter peccet.

2. Item. Rom. 1. 32. *Non solum qui faciunt, sed etiam qui consentiunt, digni sunt morte*. Sed exigens debitum scienter a menstruatæ mortaliter peccat. Ergo & mulier consentiens ei in redditione debiti.

3. Item. Furiosus non est gladius reddendus, ne se, vel alium interficiat. Ergo eadem ratione nec uxor tempore menstruationis de-



debet viro corpus suum exponere, ne spiritaliter occidat.

Sed contra. I. Corinth. vtt. 4. *Mulier sui corporis potestatem non habet, sed vir*. Ergo petenti (a) viro mulier etiam menstruata debet debitum reddere.

Item. Mulier menstruata non debet esse viro peccandi occasio. Sed si viro petenti debitum, debitum ipsa non redderet, etiam tempore menstruationis, esset viro peccandi occasio: quia forte fornicaretur. Ergo &c.

## SOLUTIO I.

Respondeo dicendum ad primam questionem, quod petere debitum est dupliciter. Uno modo expresse, ut quando verbis invicem petunt. Alio modo est petitio debiti interpretata, quando scilicet vir percipit per aliqua signa quod uxor vellet sibi debitum reddi, sed propter verecundiam tacet: & ita etiam si non expresse verbis debitum petat, tamen vir tenetur reddere, quando expressa signa in uxore apparent voluntatis debiti reddendi.

Ad primum ergo dicendum, quod tempus determinatum non est solum quando petitur, sed quando timetur ex aliquibus signis periculum (ad quod vitandum ordinatur debiti redditio) nisi tunc reddatur.

Ad secundum dicendum, quod vir potest talem presumptionem de uxore habere, quando in ea signa contraria non videt; sed quando videt, esset sulta presumptio.

Ad tertium dicendum, quod dominus non ita verecundatur a servo petere debitum servitutis, sicut uxor a viro debitum coniugii. Si tamen dominus non peteret propter ignorantiam, vel alia de causa, nihilominus servus teneretur implere, si periculum immineret: hoc enim est non ad oculum servire, quod Apostolus servis mandat.

Ad quartum dicendum, quod non debet vir uxorem avertere ne petat debitum, nisi propter aliquam rationabilem causam; & tunc non debet cum magna instantia averti propter pericula imminencia.

## SOLUTIO II.

Ad secundam questionem dicendum, quod accedere ad menstruata in lege prohibitum erat duplici ratione, tum propter immunditiam, tum propter nocumentum quod in prole ex huiusmodi commixtione frequenter sequebatur. Et quo ad primum, preceptum erat cæremionale, sed quantum ad secundum

erat morale: quia cum matrimonium sit ad bonum prolis principaliter ordinatum, (b) ordinatus est omnis matrimonii usus quo bonum prolis impenditur: & ideo hoc preceptum obligat etiam in nova lege propter secundam rationem, etsi non propter primam. Fluxus tamen menstruum potest esse naturalis, & innaturalis. Naturalis quidem, quando scilicet mulieres patiuntur temporibus determinatis, quando sunt sanæ. Innaturalis autem quando inordinate, & quasi continue ex aliqua infirmitate fluxum sanguinis patiuntur. In fluxu ergo menstruum innaturali non est prohibitum ad mulierem menstruata accedere in lege nova: tum propter infirmitatem, quia mulier in tali statu concipere non potest; tum quia talis fluxus est perpetuus & diuturnus: unde oporteret quod vir perpetuo abstinere. Sed quando naturaliter mulier patitur fluxum menstruum, potest concipere; & iterum talis fluxus non durat nisi ad modicum tempus. Unde prohibitum est ad talem accedere; & similiter prohibitum est mulieri in tali fluxu debitum petere.

Ad primum ergo dicendum, quod fluxus feminis in viro ex infirmitate procedit, nec semen sic fluens est aptum ad generationem: & præterea talis passio est diuturna, vel perpetua, sicut lepra. Unde non est similis ratio.

Et per hoc solvitur etiam secundum.

Ad tertium dicendum, quod quamdiu mulier menstrua patitur, non potest esse certum eam esse sterilem. Quædam enim in iuventute sunt steriles, quæ processu temporis sunt secundæ, & e converso, ut dicitur in X. de animalibus (sive II. de gener. animal. cap. v.)

## SOLUTIO III.

Ad tertiam questionem dicendum, quod circa hoc dixerunt quidam, quod mulier menstruata sicut non debet petere debitum, ita nec reddere. Sicut enim non tenetur reddere, si haberet infirmitatem in propria persona, ex qua periculum ei immineret; ita non tenetur reddere ad vitandum periculum prolis. Sed ista opinio videtur derogare matrimonio, per quod datur omnimoda potestas viro in corpus mulieris quantum ad matrimoniale actum. Nec est simile de infirmitate corporis prolis, & periculo proprii corporis: quia si mulier infirmatur, certissimum est quod ex carnali actu periculum ei imminet, non autem ita certum est de pro-

(a) *Ab deest viro.* (b) *Forse inordinatus, & infra impeditur.*

prole, quæ forte nulla sequetur. Et ideo alij dicunt, quod mulieri menstruatæ numquam licet petere debitum. Si tamen vir eius petat, (a) aut petit scienter, & tunc debet eum avertere precibus, & monitis, tamen non ita efficaciter ut possit ei esse occasio in alias damnabiles corruptelas, si ad id promissus credatur: aut ignoranter, & mulier potest aliquam occasionem prætereire, vel infirmitatem allegare, ne debitum reddat, nisi periculum viro timeatur. Tamen finaliter, si vir non desistit a petitione, debet debitum reddere possenti. Passionem vero suam non est tutum indicare, ne forte vir ex hoc ad eam abominationem concipiat, nisi de viri prudentia præsumatur.

Ad primum ergo dicendum, quod hoc intelligendum est quando uterque voluntarie consentit, non autem si mulier involuntaria, & quasi coacta debitum reddat.

Ad secundum dicendum, quod cum consensus non sit nisi voluntatis, non intelligitur mulier consentire peccato viri, nisi voluntarie debitum reddat: quando enim est involuntaria, magis patitur quam consentiat.

Ad tertium dicendum, quod gladius furiosus etiam esse reddendus, quando maius periculum timeretur in non reddendo; & similiter est in proposito.

### ARTICULUS III.

*Utrum vir, & mulier sint æquales in actu matrimonii.*

1. AD tertium sic proceditur. Videtur quod vir, & mulier non sint in actu matrimonii æquales. Agens enim nobilius est patiente, ut Augustinus dicit XII. super Gen. ad litteram cap. xvi. Sed in actu coniugali vir se habet ut agens, & femina ut patient. Ergo non sunt in actu illo æquales.

2. Præterea. Uxor non tenetur viro debitum reddere, nisi petat; vir autem tenetur uxori, ut dictum est. Ergo non sunt pares in actu matrimonii.

3. Præterea. In matrimonio mulier propter vitum facta est, ut patet Genes. 11. 18. *Faciamus ei adiutorium simile sibi*. Sed illud propter quod est alterum, semper est principalius. Ergo &c.

4. Præterea. Matrimonium principaliter

ordinatur ad actum coniugalem. Sed in matrimonio vir est caput mulieris, ut patet I. Corinth. xi. Ergo non sunt æquales in actu prædicto.

Sed contra est quod dicitur I. Corinth. vii. 4. *Vir non habet potestatem sui corporis: & simile de uxore dicit. Ergo sunt æquales in actu matrimonii.*

Præterea. Matrimonium est relatio æquiparantæ, cum sit coniunctio, ut dictum est. Ergo vir, & uxor sunt æquales in actu matrimonii.

### SOLUTIO.

Respondeo dicendum, quod duplex est æqualitas, scilicet quantitatis, & proportionis. Aequalitas quidem quantitatis est quæ attenditur inter duas quantitates eiusdem mensuræ, sicut bicubiti ad bicubitum; sed æqualitas proportionis est quæ attenditur inter duas proportioniones eiusdem speciei, sicut dupli ad duplum. Loquendo ergo de prima æqualitate, vir, & uxor non sunt æquales in matrimonio neque quantum ad actum coniugalem, in quo id quod nobilius est, viro debetur; neque quantum ad domus dispensationem, in qua uxor regitur, & vir regit. Sed quantum ad secundam æqualitatem sunt æquales in utroque: quia sicut tenetur vir uxori in actu coniugali, & dispensatione domus ad id quod viri est, ita uxor viro ad id quod uxoris est: & secundum hoc dicitur in littera, quod sunt æquales in reddendo, & petendo debitum.

Ad primum ergo dicendum, quod quamvis agere sit nobilius quam pati, tamen eadem est proportio patientis ad patientem, & agentis ad agendum: & secundum hoc est ibi æqualitas proportionis.

Ad secundum dicendum, quod hoc est per accidens. Vir enim quia nobiliorem partem habet in actu coniugali, naturaliter habet quod non ita erubescat petere debitum sicut uxor; & inde est quod uxor non ita tenetur reddere debitum non petenti viro, sicut vir uxori.

Ad tertium dicendum, quod ex hoc ostenditur quod non sunt æquales absolute, non autem quod non sint æquales secundum proportionem.

Ad quartum dicendum, quod quamvis caput sit principalius membrum; tamen sicut membra tenentur capiti in officio suo,

ita

(a) Nisi talis aut petit scienter, aut ignoranter. Si petit scienter, tunc &c. & mov. si autem petit ignoranter, tunc mulier potest &c.

ita caput membris in suo : & sic est ibi æqualitas proportionis.

non potest votum facere continentie, vel simpliciter, vel ad tempus.

## ARTICULUS IV.

## SOLUTIO.

*Utrum vir, & uxor possint votum emittere contra debitum matrimonii sine mutuo consensu.*

1. **A**D quantum sic proceditur. Videtur quod vir, & uxor possint votum emittere contra debitum matrimonii sine mutuo consensu. Vir enim, & uxor æqualiter obligantur ad debiti solutioem, ut dictum est. Sed licitum (a) est viro, uxore etiam prohibente, accipere crucem in subsidium terræ sanctæ. Ergo hoc etiam est licitum uxori : & ideo cum per hoc votum (b) debiti redditio impediatur, potest alter coniugum sine consensu alterius votum prædictum emittere.

2. Præterea. Non est expectandum in aliquo voto consensus alicuius qui non potest sine peccato dissentire. Sed unus coniugum non potest sine peccato dissentire, quin alter continentiam voveat vel simpliciter, vel ad tempus : quia impedire profectum spirituales est peccatum in Spiritum sanctum. Ergo unus potest votum continetie simpliciter, vel ad tempus sine consensu alterius votare.

3. Præterea. Sicut in actu matrimonii requiritur debiti redditio, ita debiti petitio. Sed unus potest sine consensu alterius votare quod debitum non petat, cum id hoc sit sue potestatis. Ergo pari ratione quod debitum non reddat.

4. Præterea. Nullus potest ex præcepto superioris cogi ad id quod non liceret sibi simpliciter votare, & facere : quia in illicitis non est obediendum. Sed prælatus superior posset præcipere viro ut uxori ad tempus debitum non redderet, occupando eum in aliquo servitio. Ergo hoc etiam ipse posset per se facere, & votare, per quod a debiti redditione impediretur.

Sed contra est quod dicitur I. Corinth. vii. 5. *Nolite fraudare invicem, (c) nisi forte ex communi consensu, ut vester orationi.*

Præterea. Nullus potest facere votum de alieo. Sed vir non habet potestatem sui corporis, sed uxor. Ergo sine eius consensu

S. Tb. Oper. Tom. XIII.

Respondeo dicendum, quod votare voluntatis est, ut etiam ipsum nomen ostendit : unde de illis tantum bonis potest esse votum quæ nostræ subiacent voluntati, qualia non sunt ea in quibus unus alteri tenetur : & ideo in talibus non potest aliquis votum emittere sine consensu eius cui tenetur. Unde cum coniuges sibi invicem teneantur in redditione debiti, ut dictum est, per quod continentia impeditur, non potest unus absque consensu alterius continentiam votare : & si voverit peccat, nec debet servare votum ; sed agere penitentiam de malo voto facto.

Ad primum ergo dicendum, quod satis probabile est quod uxor debet velle continere ad tempus pro subveoendo necessitati Ecclesiæ generalis : & ideo in favorem negotii pro quo crux sibi datur, institutum est quod vir possit absque consensu uxoris crucem accipere, sicut etiam posset domino suo terreno a quo feudum tenet, absque eius consensu militare. Nec tamen in hoc omnino subtrahitur mulieri ius suum, quia uxor potest eum sequi. Nec est simile de uxore ad virum : quia cum vir debeat regere uxorem, & non e converso, magis tenetur uxor sequi virum quam e converso. Et præterea uxor cum maiori periculo castitatis discurreret per terras quam vir, & cum minori Ecclesiæ utilitate : & ideo uxor non potest huiusmodi votum facere sine viri consensu.

Ad secundum dicendum, quod alter coniugum dissentiens voto continentie alterius non peccat : quia non dissentit, ut bonum illius impediat, sed ne sibi præiudicium generetur.

Ad tertium dicendum, quod circa hoc est duplex opinio. Quidam enim dicunt, quod unus absque consensu alterius potest votare quod non petat debitum, non autem quod non reddat : quia in primo est uterque sui iuris, sed non in secundo. Sed quia si alter nunquam peteret debitum, ex hoc alteri matrimonium onerosum redderetur, dum oporteret unum semper confusionem debiti petendi subire ; ideo alij probabilius dicunt, quod neutrum potest unus absque consensu alterius votare.

Ad quartum dicendum, quod sicut mulier

(a) *Id. etiam viro uxore prohibente.* (b) *Id. deest debiti.* (c) *Vulgata: nisi forte ex consensu ad tempus, ut Cr.*

accipit potestatem in corpus viri, salvo hoc in quo vir tenetur corpori suo; ita etiam salvo hoc in quo alii domino tenetur: & ideo sicut uxor non potest petere debitum a viro contra salutem corporis sui, ita nec ad impediendum hoc in quo domino tenetur. Sed præter hoc non potest dominus prohibere quin debitum reddat.

## ARTICULUS V.

*Utrum temporibus sacris debeat aliquis impediri quin debitum petat.*

1. **A**D quintum sic proceditur. Videtur quod temporibus sacris non debeat aliquis impediri quin debitum petat. Tunc enim est subveniendum morbo, dum invalescit. Sed possibile est quod in die festo, invalescat concupiscentia. Ergo tunc debet ei subveniri per petitionem debiti.

2. Præterea. Non est alia ratio quare non sit petendum debitum in diebus festis, nisi quia sunt orationi deputati. Sed in illis diebus sunt horæ determinatæ orationi. Ergo aliis horis licet petere debitum.

Sed contra. Sicut aliqua loca sunt sacra, quia deputata sunt sacris, ita aliqua tempora sunt sacra propter eandem rationem. Sed in loco sacro non licet petere debitum. Ergo nec in tempore sacro.

## QUÆSTIUNCULA II.

1. Ulterius. Videtur quod petens in tempore sacro mortaliter peccat. Gregorius enim dicit in I. Dial. (cap. x.) quod mulier quæ in nocte cognita est a viro, mane ad processionem veniens, a diabolo est arrepta. Sed hoc non esset, nisi mortaliter peccasset. Ergo &c.

2. Præterea. Quicumque facit contra præceptum divinum, mortaliter peccat. Sed Dominus præcepit Exod. xix. 15. (a) *Nolite appropinquare uxoribus vestris*, quando scilicet erant legem accepturi. Ergo multo magis peccant mortaliter, si tempore quo sacramenti novæ legis intendendum est, uxoribus viri commisceantur.

Sed contra. Nulla circumstantia aggravat in infinitum. Sed tempus indebitum est circumstantia quædam. Ergo non aggravat in infinitum, quod faciat mortale quod alias esset veniale.

## QUÆSTIUNCULA III.

1. Ulterius. Videtur quod non tenetur reddere tempore festivo. Quia peccantes, & consentientes pariter puniuntur, ut pater Rom. 1. Sed ille qui reddit debitum, consentit peccanti, qui peccat. Ergo & ipse peccat.

2. Præterea. Ex præcepto affirmativo obligamur ad orandum, & ita ad aliquod tempus determinatum. Ergo pro tempore illo in quo quis orare tenetur, debitum reddere non debet, sicut nec eo tempore quo tenetur temporalis domino ad speciale obsequium.

Sed contra est quod dicitur I. Corinth. xii. 5. *Nolite fraudare invicem, nisi forte ex consensu ad tempus, ut vacetis orationi*. Ergo quando petat, reddendum est ei.

## QUÆSTIUNCULA IV.

1. Ulterius. Videtur quod nuptiæ non sint interdiciendæ temporibus in littera determinatis. Quia matrimonium sacramentum est. Sed in illis temporibus non interdicitur celebratio aliorum sacramentorum. Ergo nec celebratio matrimonii.

2. Præterea. Magis incompetens est diebus festis petitio debiti quam celebratio nuptiarum. Sed in diebus illis potest debitum peti, Ergo & nuptiæ celebrari.

3. Præterea. Matrimonia quæ sunt contra statutum Ecclesiæ, debent separari. Sed non separantur, si fiant nuptiæ in talibus temporibus. Ergo non debet esse prohibitum per Ecclesiæ statuta.

Sed contra est quod dicitur Eccle. xii. 5. *Tempus amplexandi, & tempus longe fieri ab amplexibus*.

## SOLUTIO I.

Respondeo dicendum ad primam questionem, quod actus matrimonialis quavis culpa careat, tamen quia rationem deprimit propter carnalem delectationem, hominem reddit ineptum ad spiritualia: & ideo in diebus in quibus præcipue spiritualibus est vacandum, non licet petere debitum.

Ad primum ergo dicendum, quod tempore illo possunt alia adhiberi ad concupiscentiam reprimendam, sicut oratio, & multa alia huiusmodi; quæ etiam illi adhibent qui perpetuo continent.

Ad secundum dicendum, quod quamvis non teneatur omnibus horis orare, tamen tenetur tota die se conservare idoneum ad orandum.

SO-

(a) Vulgata *ne appropinquetis*.

## SOLUTIO II.

Ad secundam quaestionem dicendum, quod petere debitum in die festivo non est circumstantia trahens ad aliam speciem peccati: unde non potest in infinitum aggravare: & ideo non peccat mortaliter uxor, vel vir, si in die festivo debitum petat. Sed tamen gravius est peccatum, si sola delectationis causa petatur quam si propter timorem quo quis sibi timet de lubrico carnis, sibi debitum petat.

Ad primum ergo dicendum, quod non fuit punita mulier illa propter hoc quod debitum reddidit; sed quia postmodum se temere ad divina ingessit contra conscientiam.

Ad secundum dicendum, quod ex austeritate illa non potest probari quod sit peccatum mortale, sed quod sit incongruum. Multa enim ad munditias carnis pertinentia exigebantur de necessitate praecepti in veteri lege, quae carnalibus dabatur, quae non exiguntur in nova lege, quae est lex spiritus.

## SOLUTIO III.

Ad tertiam quaestionem dicendum, quod cum mulier habeat potestatem in corpus viri quantum ad actum generationis spectat, & e converso, tenetur unus alteri debitum reddere quocumque tempore, & quacumque hora, salva debita honestate, quae in talibus exigitur: quia non oportet quod statim in publico debitum reddat.

Ad primum ergo dicendum, quod ille, quantum in se est, non consentit, sed id quod ab eo exigitur, invitus, & cum dolore reddit: ideo non peccat: hoc enim est propter lubricum carnis divinitus ordinatum: ut semper petenti debitum reddatur, ne aliqua occasio peccandi detur.

Ad secundum dicendum, quod non est aliqua hora ita determinata ad orandum, quin possit postea recompenfari in aliis horis: & ideo obsecratio illa non cogit.

## SOLUTIO IV.

Ad quartam quaestionem dicendum, quod quando novae sponsae traduntur, animus coniugum magis ex ipsa novitate ad curam car-

nalium occupatur; & ideo in nuptiis consueverunt signa multa laetitiae dissolutae ostendi: & propter hoc illis temporibus in quibus homines praecipue debent se ad spiritualia elevare, prohibitum est nuptias celebrari.

Hoc autem est ab adventu usque ad epiphaniam propter communionem, quae secundum antiquos canones in nativitate fieri convenienter solet; & a septuagesima usque ad octavas paschae, propter communionem paschalem; & a tribus diebus ante ascensionem usque ad octavas pentecostes, propter praeparationem ad communionem illo tempore sumendam.

Ad primum ergo dicendum, quod celebratio matrimonii habet aliquam mundanam laetitiam, & carnalem adiunctionem, quod non est de aliis sacramentis: & ideo non est simile.

Ad secundum dicendum, quod non sit tanta distractio animorum in redditione, vel petitione debiti, sicut in celebratione nuptiarum: & ideo non est simile.

Ad tertium dicendum, quod cum tempus non sit de essentia matrimonii, si in tempore indebito contrahatur, nihilominus verum est sacramentum: nec separatur matrimonium simpliciter, sed ad tempus, ut poenitentiam agant de hoc quod statutum Ecclesiae sunt transgressi: & sic est intelligendum quod Magister dicit.

## EXPOSITIO TEXTUS.

*Si prius promiseris, & postea prohibueris &c.* Videtur ex hoc quod vir possit revocare uxorem ad se, etiam si de licentia sua casuatum vovit. Et dicendum, quod verbum Augustini intelligitur, quando vir dissimulavit ante plenam de liberationem; quae quidem dissimulatio quidam consensus videtur. Si autem expresse consensisset, non posset votum revocare. Unde loquitur quantum ad iudicium Ecclesiae, quando promissio non potest probari. Unde propter periculum talia vota occulta non sunt approbata.

*Nec carnes agni edere.* De impedimento sumptionis eucharistiae propter carnalem delectationem in somno, supra dist. ix. dictum est.

## DISTINCTIO XXXIII.

*De diversis coniugii legibus.*

Q Uæritur hic de antiquis patribus, qui plures simul leguntur habuisse uxores, vel concubinas, utrum peccaverint. Ad quod dicimus, quod pro varietate temporum varia invenitur dispensatio Conditoris. Ab exordio enim temporis inter duos tantum, Adam scilicet & Evam, inchoatum est coniugium, Deo per os Adæ dicente ( Gen. 11. 24. ) „ Homo adhærebit uxori suæ, & erunt duo in carne „ una: “ & secundum inchoationis modum inter duos tantum per omnem successionem temporum contraheretur coniugium, si primi homines in obedientia persistissent. Post eorum vero copulam, filii & filiæ eorum matrimonio coniuncti sunt, sed unus uni tantum. Ideo autem fratres sororibus sunt copulati, quia non erant aliæ mulier-s. vel viri, quibus Adæ filii, vel filiæ iungerentur. Primum omnium Lamech duas legitur simul habuisse uxores: & hoc in eo arguitur, quia pro exceptione carnalis voluptatis id fecisse perhibetur. Postea vero, cum iam pene omnes homines falsis diis servirent. paucis in cultu Dei permanentibus, consultum est a Deo plures in matrimonio sibi copulare, ne illis paucis deficientibus, cultus, & Dei notitia deficeret. Unde Abraham vivente uxore ad ancillam intravit, & ex ea genuit: Iacob etiam liberis, & ancillis se copulavit: & filiæ Loth patre ebrio usæ sunt. Cum enim ceteris in idolatria relictis, Abraham, & filios eius in pecusariæ populæ sibi Dominus elegerit, rite multarum secunditate mulierum, populæ Dei multiplicatio quærebatur, quia in successione sanguinis erat successio religionis. Unde etiam in lege maledicta erat sterilis, quæ non relinquebat semen super terram. Hinc etiam sacerdotibus coniugia decreta sunt, quia in successione familiæ successio est officii. Non ergo Abraham, vel Iacob deliquit, quia præter uxorem filios ex ancilla quæsit; nec illorum exemplo præter coniugale debitum secunditatem in aliqua licet alicui quærere; cum illorum coniugia nostrorum æquentur virginitati, & immoderatus usus coniugii nostri temporis turpitudinem fere imitetur fornicationis illius temporis. De hoc Augustinus \* ( cap. xv. de bono coniugali ) sic ait: „ Antiquis iustis non fuit peccatum quod pluribus feminis utebantur: nec contra naturam hoc faciebant, cum non lasciviendi causa, sed gignendi hoc facerent; nec contra morem, quia eo tempore ea fiebant; nec contra præceptum, quia nulla lege erat prohibitum. “ Idem (ibid.). „ Obiciuntur Iacob quatuor uxores: quod quando mos erat, crimen non erat. ( 1 ) Sic enim Patriarchæ coniugibus excipientibus semen suum miscebantur, non concupiscentia perficiendæ voluptatis, sed providentia propagandæ successionis, sicut Apostoli auditoribus suis admirantibus doctrinam suam condescendebant, non aviditate consequendæ laudis, sed caritate seminandæ veritatis. “ Idem alibi ( Lib. de bono coniug. cap. xii. ). „ Antiquis temporibus, cum adhuc salutis nostræ mysterium velaretur, iusti officio propagandi nuptias contrahebant, non victi libidine, sed ducti pietate; qui multo facilius continere possent, & vellent. Utebantur tamen coniugibus, & plures uno viro habere licebat, quas castius habebat quam nunc unam quilibet istorum, in quibus videmus quod secundum veniam concedit Apostolus. Habebant enim eas in opere generandi, non in morbo desiderii. “ Item Ambrosius \*\* : „ Dixit Sara ad Abraham ( Gen. xvi. 2. ) Ecce conclusit me Dominus, ut non pariam. Intra ergo ad ancillam meam, & filium facias ex ea. Et ita factum est. Considera primum, quod Abraham ante legem Moyfi, & ante Evangelium fuit. Non ergo in legem commisit Abraham, sed legem prævenit: nondum enim interdictum vi-

„ de-

( 1 ) *Id. Si Patriarchæ.*

EX EDIT. F. NICOLAI. \* Lib. XXII. contra Faustum cap. xlviii. \*\* Lib. 1. de Abraham cap. xv. Refertur in Decretis causa xxxii. quæst. xv. cap. Dixit.

debat. Secundo considera, quod non ardore aliquo vagæ succensus libidinis, non petulantis formæ captus decore, ancillæ contubernio coniugalem posthabuit torum, sed studio quærendæ posteritatis, & propagandæ sobolis. Adhuc post diluvium raritas erat humani generis, erat etiam religionis. Denique & Loth sancti hanc filiae causam quærendæ posteritatis habuerunt, ne genus deficeret humanum: & ideo publici muneris gratia privatam culpam prætexit. "Item Augustinus (de bono coniugali cap. xv.) „Iustus, quamvis cupiat dissolvi, & esse cum Christo, tamen sumit alimentum non cupiditate vivendi, sed officio consulendi, ut maneat quod necessarium est propter alios. Sic mulieri feminisire nuptiarum; officiosum fuit sanctis viris, non libidinosum. Quod enim est cibus ad salutem hominis, hoc est concubitus ad salutem humani generis; & utrumque non est sine delectatione carnali; quæ tamen modificata, (1) & reserente temperantia in usum naturalem redacta, libido esse non potest. Quod autem in sustentando vitam illicitus est cibus, hoc est in quærenda prole fornicarius, vel illicitus concubitus: & quod est in cibo licito immoderatio appetitus, hoc est in coniugibus venialis ille concubitus." "

*Non præferatur virginitas Ioannis castitati Abrahamæ.*

Quod vero castitas virginalis non præferatur in merito coniugali castitati Abrahamæ, Augustinus ostendit (de bono coniugali cap. xxi.) inquiens: „Sicut non est impar meritum patientiæ in Petro qui passus est, & in Ioanne qui passus non est; sic non est impar meritum continentiæ in Ioanne qui nullas expertus est nuptias, & in Abraham qui filios genuit. Nam illius calibatus, & istius connubium (2) pro temporum distributione Christo militaverunt; sed continentiam Ioannis in opere, Abraham in solo habebat habitu. Melior est autem castitas cælibum quam nuptiarum; quarum unam Abraham habebat in usu, ambas in habitu: caste enim & coniugaliter vixit. Esse autem castus sine coniugio potuit; sed tunc non oportuit. "Item Hieronymus \*: Quis ignoret (3) sub altera dispensatione Dei omnes retro sanctos eiusdem fuisse meriti, cuius nunc (4) Christiani sunt? Quomodo Abraham ante placuit in coniugio, sic nunc virgines placeant in castitate. Servivit ille legi, & tempori suo: serviamus & nos legi, & tempori nostro, in quos fines sæculorum deveniunt. "Ex his apparet quod sancti patres ante legem sine peccato plures habuerunt uxores, vel concubinas. Eas enim nunc uxores appellat Scriptura, nunc concubinas. Rachel tamen, & Lia amabæ uxores fuerunt, non concubinae.

*Oppositio.*

Si quis opponat, quod fidem tori non servabant illi patres; dicimus, in hoc servasse fidem tori, quia non aliis, sed propriis uxoribus, vel ancillis miscebantur. Ecce quæ fuerit consuetudo in hac re ante legem. (5) Legis vero tempore interdixit Moyses carnalem copulam fieri cum matre, cum noverca, cum sorore, cum nepte, cum amita, cum matertera, cum nuru, & aliis quibusdam. (Levit. xviii. & xx.) Permisit autem (Deuter. xxiv.) divortium fieri dato libello repudiij, in quo vir ponebat causas pro quibus uxorem repudiabat. Permisit autem aliam ducere dato priori libello: quod propter duritiam cordis eorum permissum Christus dicit, non ut concederetur dissidium, sed ut tolleretur homicidium. Permisit fieri mala, ne fierent peiora. Et hoc permittendo non Dei iustitiam demonstravit, sed in peccatore minuit culpam.

*Cui*

(1) *M.* & reserata. (2) *M.* per temporum distributionem. (3) *M.* sub altera. (4) *Nicolaus* imitator Christiani sunt. (5) *Ex his* quæ sequuntur, *Nicolaus* specialem insinuat paragraphum hoc præmissis simul: Quæ fuerit legalis coniugalis consuetudo.

EX EDIT. F. NICOLAI. \* Lib. II. contra Iovinianum cap. 111. & refertur in Decr. caus. xxxiii. quest. 11. cap. *Quis ignoret*.

*Cui licebat plures habere, vel non.*

**S**ed numquid sub lege licebat habere plures uxores? Audi quid scriptum est in Deuter. (cap. xviii. 17.) „Non habebit uxores plurimas, quæ alluciant animam eius:“ super quem locum ait Augustinus (Lib. V. quæst. xxvi.) „Manifestum est Salomonem hoc præceptum transiisse. David autem plures habuit, nec præceptum præterit. Permissum est enim Regi plures habere, non plures, quæ alluciant animam, multiplicare. Cum tamen additur, (1) Ut non elevetur cor eius, alienigenas (2) multiplicare prohibitum esse videtur. Verum tamen multiplicatio uxorum generaliter prohibita est, Permissum est autem Regi plures habere, sed non multiplicare, Veniente autem plenitudinis tempore, quo Christi gratia ubique est dilatata, reducta est lex nuptiarum ad priorem, honestioremque institutionem, ut unus uni in figura Christi & Ecclesiæ coniungatur. Nec queritur electio muneris in successione generis, sed in perfectione vitæ, & sinceritate (3) conscientiæ: & virginitas secunditati præfertur, & sacerdotibus continentia indicitur.“

*De virginitate mentis, & carnis.*

**M**elior est autem virginitas mentis quam carnis. Unde Ambrosius (Lib. II. de virginibus in medio.) „Tolerabilius est mentem virginem quam carnem habere. Utrumque bonum est, si liceat, (4) Si non liceat, saltem non casti homini, sed Deo simus... (5) Virgo prostitui potest, adulteri non potest: nec lupanaria infamant castitatem, sed castitas etiam loci abolet infamiam.“ Idem; (6) „Non potest caro ante corrumpi, nisi mens ante fuerit corrupta.“ Item Isidorus (Lib. II. Synonymorum.) „Non potest corpus corrumpi, nisi prius animus, corruptus fuerit. Munda enim a contagione anima, caro non peccat.“ In fine huius capituli aperitur, quomodo verum sit, nisi anima prius fuerit corrupta, corpus non posse corrumpi, scilicet peccato. Illud etiam Augustini (de bono coniug. cap. xvi.) advertendum est. „Sicut, (inquit,) satius est mori fame, quam idolothyti velsi; ita satius est desungi sine liberis quam ex illicito coitu stirpem querere.“ Undecumque vero nascantur homines, si parentum vitia non sedentur, & Deum recte colant, honesti, & salvi erunt. Semen enim ex qualicumque homine Dei creatura est, & eo male utenti male erit, non ipsum aliquando malum est.“

#### DIVISIO TEXTUS.

**P**ostquam determinavit Magister de bonis matrimonii, hic ostendit quomodo hæc bona erant in matrimonio antiquorum: & dividitur in partes duas. In prima ostendit quomodo erant in matrimonio patrum ante legem; in secunda quomodo erant in matrimonio tempore legis celebrato, ibi, *Legis vero tempore interdixit Moyses carnalem copulam fieri cum matre &c.* Prima in duas. In prima ostendit quod ante legem patres licite plures uxores habuerunt. In secunda inquirat quomodo cum pluralitate uxorum bonum fidei servabatur ibi, *Si quis opponat quod fidem sori non ser-*

*vabant illi patres, dicimus &c.* Circa primum tria facit. Primo movet questionem. Secundo determinat eam, ibi, *Ad quod dictum &c.* Tertio solutionem per auctoritatem confirmat, ibi, *De hoc Augustinus sic ait &c.* & circa hoc duo facit. Primo inducit auctoritatem ad principale propositum probandum, quod scilicet illorum essent coniugia licita qui plures habebant uxores. Secundo ostendit quod etiam erant tanti meriti sicut est virginitas nostri temporis, ibi, *Quod vero castitas virginialis non præferatur in merito coniugali castitati Abrahæ, Augustinus ostendit.*

*Legis vero tempore interdixit Moyses carnalem.*

(1) Augustinus respondet ut non discorde nos eius: iuxta 70. (2) Al. deest multiplicare. (3) Al. licet. (4) Al. Si castus. (5) Numeri & interius. (6) Mediat ad vi. iacobi sapient. cap. 17.



*lem copulam fieri cum matre, cum nonverca &c.* Hic determinat de matrimonio tempore legis celebrato, & circa hoc tria facit. Primo ostendit quomodo per legem Moysi matrimonium fuit determinatum & quantum ad legitimarum personarum determinationem, & quantum ad separationem. Secundo inquit, utrum tempore legis liceret plures habere uxores, ibi, *Sed numquid sub lege licebat habere plures uxores?* Tertio ex consequenti de virginitate determinat, ibi, *Melior est autem virginitas mentis quam carnis.*

## QUAESTIO I.

**H**ic est triplex questio. Prima de pluralitate uxorum. Secunda de libello repudii. Tertia de virginitate.

Circa primum quæzuntur tria.

Primo. An habere plures uxores sit contra legem naturæ.

Secundo. Utrum fuerit licitum.

Tertio. Utrum habere concubinam sit contra legem naturæ.

## ARTICULUS I.

*Utrum habere plures uxores sit contra legem naturæ.*

*III. cont. Gent. cap. cxxiv.*

1. **A**D primum sic proceditur. Videtur quod habere plures uxores non sit contra legem naturæ. Consuetudo enim iuri naturali non præiudicat. Sed habere plures uxores peccatum non erat, quando mos erat, ut ab Augustino in littera habetur. Ergo habere plures uxores non est contra legem naturæ.

2. Præterea. Quicumque facit contra legem naturæ, facit contra præceptum: quia sicut lex scripta habet sua præcepta, ita & lex naturæ. Sed Augustinus dicit, quod habere plures uxores non erat contra præceptum, quia nulla lege erat prohibitum. Ergo habere plures uxores non est contra legem naturæ.

3. Præterea. Matrimonium principaliter ordinatur ad proles procreationem. Sed unus potest ex pluribus prolem accipere, plures secundando. Ergo non est contra legem naturæ habere plures uxores.

4. Præterea. Ius naturale est quod natura omnia animalia docuit, ut in principio Digestorum dicitur. Sed natura non docuit hoc omnia animalia, quod sit una unius, cum

num mas in multis animalibus pluribus feminis coniungatur. Ergo non est contra legem naturæ habere plures uxores.

5. Præterea. Secundum Philosophum in XV. de animalibus (five I. de gener. animal. cap. xxi. & cxxi.) in generatione proles mas se habet ad feminam sicut agens ad patiens, & artifex ad materiam. Sed non est contra ordinem naturæ quod unum agens in plura patientia agat, aut unus artifex ex diversis materiis operetur. Ergo nec est contra legem naturæ quod unus mas plures uxores habeat.

6. Sed contra. Illud præcipue videtur esse de iure naturali quod homini in ipsa institutione humanæ naturæ est inditum. Sed quod sit una unius, in ipsa institutione humanæ naturæ est ei inditum, ut patet Genes. 11. 24. *Erunt duo in carne una.* Ergo est de lege naturæ.

7. Præterea. Contra legem naturæ est quod homo se ad impossibile obliget, & ut quod uni datum est, alteri detur. Sed homo contrahens cum una uxore, sui corporis potestatem ei tradit, ut necesse sit reddere debitum cum petierit. Ergo contra legem naturæ est, si postea alteri potestatem sui corporis tradat: quia non posset simul utrique reddere debitum, si simul peterent.

8. Præterea. De lege naturæ est, quod tibi non vis fieri, ne alteri feceris. Sed vir nullo modo vellet quod uxor alium virum haberet. Ergo contra legem naturæ faceret, si uxorem aliam superinduceret.

9. Præterea. Quidquid est contra naturale desiderium, est contra legem naturæ. Sed zelus viri ad uxorem, & uxoris ad virum naturalis est: quia in omnibus invenitur. Cum ergo zelus sit amor non patiens consortium in amato, videtur quod contra legem naturæ sit quod plures uxores habeant unum virum.

## SOLUTIO.

Respondeo dicendum, quod omnibus rebus naturaliter insunt quedam principia quibus non solum operationes proprias efficere possunt, sed quibus etiam eas convenientes fini suo reddant, sive sint actiones quæ consequantur rem aliquam ex natura sui generis, sive consequantur ex natura speciei, ut magneti competit ferri deorsum ex natura sui generis, & attrahere ferrum ex natura speciei. Sicut autem in rebus agentibus ex necessitate naturæ sunt principia actionum ipsæ formæ, a quibus operationes propriæ procedunt convenientes fini; ita in his quæ

cognitionem participant, principia agendi sunt cognitio, & appetitus: unde oportet quod in vi cognoscitiva sit naturalis conceptio, & in vi appetitiva naturalis inclinatio, quibus operatio conveniens generi, siue speciei reddatur competens fini. Sed quia homo inter cetera animalia rationem finis cognoscit, & proportionem operis ad finem; ideo naturalis conceptio ei indita, qua dirigatur ad operandum convenienter, lex naturalis, vel ius naturale dicitur; in ceteris autem estimatio naturalis vocatur. Bruta enim ex vi naturæ impelluntur ad operandum convenientes actiones magis quam reguntur quasi proprio arbitrio agentia. Lex ergo naturalis nihil est aliud quam conceptio hominis naturaliter indita, qua dirigatur ad convenienter agendum in actionibus propriis, siue competant ei ex natura generis, ut generare, comedere, & huiusmodi; siue ex natura speciei, ut ratiocinari, & similia. Omne autem illud quod actionem inconvenientem reddit fini quem natura ex opere aliquo intendit; contra legem naturæ esse dicitur. Potest autem actio non esse conveniens fini vel principali, vel secundario; & siue sic, siue sic, hoc contingit dupliciter. Uno modo ex aliquo quod omnino impedit finem, ut nimia superfluitas, aut defectus comestitionis impedit salutem corporis quasi principalem finem comestitionis; & bonam habitudinem in negotiis exercendis, quæ est finis secundarius. Alio modo ex aliquo quod facit difficilem, aut minus decentem perventionem ad finem principalem, vel secundarium, sicut inordinata comestio quantum ad tempus indebitum. Si ergo actio sit inconvenientis fini, quasi omnino prohibens finem principalem, directe per legem naturæ prohibetur primis præceptis legis naturæ, quæ sunt in operabilibus, sicut sunt communes conceptiones in speculativis. Si autem sit incompetens fini secundario quocumque modo, aut etiam principali, ut faciens difficilem, vel minus congruam perventionem ad ipsum; prohibetur non quidem primis præceptis legis naturæ, sed secundis, quæ ex primis derivantur, sicut conclusiones in speculativis ex principiis per se notis fidem habent: & sic dicta actio contra legem naturæ esse dicitur. Matrimonium ergo habet pro fine principali: proles procreationem, & educationem: qui quidem finis competit homini secundum naturam generis: unde & aliis animalibus est communis, ut dicitur in VIII. Ethicor. (cap. xii. vel xiv.) & sic bonum matrimonii assignatur proles. Sed pro-

fine secundario, ut dicit Philosophus, habet in hominibus solum communicationem operum quæ sunt necessaria in vita, ut supra dictum est; & secundum hoc fidem sibi invicem debent, quæ est unum de bonis matrimonii. Habet ulterius alium finem, in quantum in fidelibus est, scilicet significationem Christi & Ecclesiæ; & sic bonum matrimonii dicitur sacramentum. Unde primus finis respondet matrimonio hominis, in quantum est animal; secundus, in quantum est homo; tertius, in quantum est fidelis. Pluralitas ergo uxorum neque totaliter tollit, neque aliquammodo impedit primum finem, cum unus vir sufficiat pluribus uxoribus secundandis; & educandis filiis ex eis natis; sed secundum finem etsi non totaliter tollat, tamen multum impedit, eo quod non facile potest esse pax in familia, ubi uni viro plures uxores iunguntur, cum non possit unus vir sufficere ad satisfaciendum pluribus uxoribus ad votum: & quia communicatio plurium in uno officio causat litem, sicut figuli corrixantur ad invicem, & similiter plures uxores unius viri. Tertium autem finem totaliter tollit, eo quod sicut Christus est unus, ita Ecclesia una: & ideo patet ex dictis quod pluralitas uxorum quodammodo est contra legem naturæ, & quodammodo non.

Ad primum ergo dicendum, quod consuetudo non præiudicat legi naturæ quantum ad prima præcepta ipsius, quæ sunt quasi communes animi conceptiones in speculativis; sed ea quæ ex istis trahuntur ut conclusiones, consuetudo auget (ut Tullius dicit II. Rhetoricorum) & similiter minuit: & huiusmodi est præceptum legis naturæ de unitate uxoris.

Ad secundum dicendum, quod, sicut dicit Tullius, res a natura perfectas, & a consuetudine approbatas legum virtus, & religio sanxit. Unde patet quod illa quæ lex naturalis dicitur, quasi ex primis principiis legis naturæ derivata, non habent vim coactivam per modum præcepti absolute, nisi postquam lege divina, & humana sancita sunt: & hoc est quod dicit Augustinus quod non faciebant contra præceptum, quia nulla lege erat prohibitum.

Ad tertium patet solutio ex dictis.

Ad quartum dicendum, quod ius naturale multipliciter accipitur. Primo enim ius aliud dicitur naturale ex principio, quia a natura est inditum; & sic diffinit Tullius in II. Rhetoricorum dicens: *Ius natura est quod non opinio genuit, sed quædam innata vis infertur.*

feruit. Et quia etiam in rebus naturalibus dicuntur aliqui motus naturales, non quia sint ex principio intrinseco, sed quia sunt a principio superiori movente, sicut motus qui sunt in elementis ex impressione corporum caelestium, naturales dicuntur, ut Commentator dicit in III. celi, & mundi (com.xx.) ideo ea quæ sunt de iure divino, dicuntur esse de iure naturali, cum sint ex impressione, & infusione superioris principii, scilicet Dei; & sic accipitur ab Isidoro \* (Lib. V. Etymol. cap. iv. & habetur in princ. Decret.) qui dicit, quod ius naturale est quod io lege, & in Evangelio continetur. Tertio dicitur ius naturale non solum a principio, sed a natura, quia de naturalibus est. Et quia natura contra rationem dividitur, a qua homo est homo, ideo strictissimo modo accipiendi ius naturale, illa quæ ad homines tantum pertinent, etsi sint de dictamine rationis naturalis, non dicuntur esse de iure naturali; sed illa tantum quæ naturalis ratio dicit de his quæ sunt homini, aliisque communia: & sic datur dicta definitio, scilicet *Ius naturale est quod natura omnia animalia docuit*. Pluralitas ergo uxorum quamvis non sit contra ius naturale tertio modo acceptum, est tamen contra ius naturale secundo modo acceptum, quia iure divino prohibetur; & etiam contra ius naturale primo modo acceptum, ut ex dictis patet, quod natura dicit animalibus secundum modum convenientem suæ speciei: unde etiam quædam animalia, in quibus ad educationem prolis (a) requiritur sollicitudo utriusque, scilicet maris, & femine, naturali instinctu servant coniunctionem unius ad unum, sicut patet in turture, & columba, & huiusmodi.

Ad (b) quoniam patet solutio ex dictis.

Sed quia rationes in contrarium adductæ videantur offendere quod pluralitas uxorum sit contra prima principia legis naturæ; ideo ad eas est respondendum.

Et dicendum ad sextum, quod natura humana absque omni defectu instituta est: & ideo non solum sunt ei indita illa sine quibus principalis matrimonii finis esse non potest, sed etiam illa sine quibus secundarius finis matrimonii sine difficultate haberi non posset: & hoc modo sufficit homini in ipsa sui institutione habere unam uxorem, ut dictum est.

Ad septimum dicendum, quod vir per

S. Th. Oper. Tom. XIII.

(a) Al. sequitur. (b) Hæc addimus ex Supplem. quæst. lxxv. art. 3. & pro eo quod erat ad quintum, ad sextum respondimus, & sic decipit, ut obliuiscimur solutiones respondens.

EX EDIT. P. NICOLAI. \* Nihil tale apud Isidorum. Sed ab initio Decret. non ex Isidoro sed ex Gratiano permittitur quod hic ex Isidoro citat.

matrimonium non dat sui corporis potestatem uxori quantum ad omnia, sed solum quantum ad illa quæ matrimonium requirit. Non autem requirit matrimonium ut quolibet tempore uxori petenti vir debitum reddat, nisi quantum ad id ad quod principaliter est institutum, scilicet bonum prolis, & quantum sufficit ad imprægnationem. Requirit autem hoc matrimonium, in quantum est ad remedium institutum, quod est secundarius ipsius finis, ut quolibet tempore petenti debitum reddatur: & sic patet quod accipiens plures uxores non se obligat ad impossibile, considerato principali fine matrimonii: & ideo pluralitas uxorum non est contra præcepta prima legis naturæ.

Ad octavum dicendum, quod illud præceptum legis naturæ, *Quod tibi non vis fieri, alteri ne feceris*, debet intelligi eadem proportionem servata. Non enim si prælatum non vult sibi resisti a subdito, ipse subdito resistere non debet: & ideo non oportet ex vi illius præcepti, quod, si vir non vult quod uxor sua non habeat alium virum, ipse non habeat aliam uxorem: quia unum virum habere plures uxores non est contra prima præcepta legis naturæ, ut dictum est; sed unam uxorem habere plures viros est contra prima præcepta legis naturæ, eo quod per hoc quantum ad aliquid totaliter tollitur, & quantum ad aliquid impeditur bonum prolis, quod est principalis matrimonii finis. In bono enim prolis intelligitur non solum procreatio, sed etiam educatio, ut supra dictum est. Ipsa enim procreatio prolis, etsi non totaliter tollatur, quia contingit post imprægnationem primam iterum mulierem imprægnari, ut dicitur in VII. de animalibus (cap. iv.) tamen multum impeditur: quia vix potest accidere quin corruptio accidat quantum ad utrumque fetum, vel quantum ad alterum. Sed educatio totaliter tollitur, quia ex hoc quod una mulier plures maritos haberet, sequeretur incertitudo prolis respectu patris, cuius cura necessaria est in educando: & ideo nulla lege, aut consuetudine est permixtum unam uxorem habere plures viros, sicut e converso.

Ad nonum dicendum, quod naturalis inclinatio in appetitiva sequitur naturalem conceptionem in cognitivæ: & quia non est ita contra conceptionem naturalem quod vir habeat plures uxores, sicut quod uxor habeat plures viros; ideo affectus uxoris

T R I S

ris non tantum refugit consortium in vito, sicut e converso: & ideo tam in hominibus, quam in animalibus invenitur maior zelus maris ad feminam, quam e converso.

## ARTICULUS II.

*Utrum habere plures uxores poterit aliquando esse licitum.*

1. **A**D secundum sic proceditur. Videtur quod habere plures uxores non poterit aliquando esse licitum. Quia secundum Philosophum in V. Ethic. (cap. x. vel xii.) ius naturale semper, & ubique habet eandem potentiam. Sed iure naturali prohibetur pluralitas uxorum, ut ex dictis patet. Ergo sicut modo non licet, ita neque umquam licuit.

2. Præterea. Si aliquando licuit, hoc non fuit nisi quia vel per se licitum erat, vel propter aliquam dispensationem licebat. Si primo modo, sic etiam nunc licitum esset. Si autem secundo modo, hoc esse non potest: quia secundum Augustinum (Lib. XXVI. contra Faustum cap. iiii.) Deus, cum sit naturæ conditor, non facit aliquid contra rationes quas naturæ inseruit. Cum ergo Deus naturæ inseruit, quod sit una unius, ut dictum est (art. præced.) videtur quod ipse contra hoc numquam dispensaverit.

3. Præterea. Si aliquid est licitum ex dispensatione, hoc non licet nisi illis quibus dispensatio fit. Non autem legitur aliqua dispensatio communis in lege cum omnibus facta. Cum ergo omnes communiter qui volebant, plures uxores acciperent in veteri testamento, nec ex hoc reprehendebantur in lege, aut a Prophetis; videtur quod non fuerit ex dispensatione licitum.

4. Præterea. Ubi est eadem causa dispensationis, debet eadem dispensatio fieri. Sed causa dispensationis non potest alia poni quam multiplicatio prolis ad cultum Dei, quæ etiam nunc necessaria est. Ergo etiam adhuc dicta dispensatio duraret, præcipue cum non legatur revocata.

5. Præterea. In dispensatione non debet prætermitti maius bonum propter minus bonum. Sed fides, & sacramentum, quæ non videntur posse servari in matrimonio quo unus pluribus uxoris coniungitur, sunt meliora quam prolis multiplicatio. Ergo intuitu huius multiplicationis dispensatio prædicta fieri non debuisset.

Sed contra. Galat. iii. dicitur, quod lex propter prævaricatores posita est, ut scilicet

eos prohiberet. Sed lex vetus facit mentionem de pluralitate uxorum sine aliqua eius prohibitione, ut patet Deuter. xxi. 15. *Si habuerit homo duas uxores &c.* Ergo habendo duas uxores non erant prævaricatores; & ita erat licitum.

Præterea. Hoc idem videtur exemplo ex sanctis patribus, qui plures leguntur habuisse uxores, cum Deo essent acceptissimi, sicut Iacob, David, & quamplures alii. Ergo aliquando fuit licitum.

## S O L U T I O.

Respondeo dicendum, quod, sicut ex prædictis patet, pluralitas uxorum dicitur esse contra legem naturæ, non quantum ad prima præcepta eius, sed quantum ad secunda, quæ quasi conclusiones a primis præceptis derivantur. Sed quia actus humanos variari oportet secundum diversas condiciones personarum, & temporum, & aliarum circumstantiarum; ideo conclusiones prædictæ a primis legis naturæ præceptis non procedunt ut semper efficaciam habentes, sed in maiori parte. Talis enim est tota materia moralis, ut patet per Philosophum in Libris Ethicorum: & ideo ubi eorum efficacia deficit, licite ea prætermitti possunt. Sed quia non est facile determinare huiusmodi varietates, ideo illi ex cuius auctoritate lex efficaciam habet, reservatur, ut licentiam præbeat legem prætermittendi in illis casibus ad quos legis efficacia se non extendere debet; & talis licentia dispensatio dicitur. Lex autem de unitate uxoris non est humanitas, sed divinitus instituta, nec umquam verbo, aut litteris tradita, sed cordi impressa, sicut & alia quæ ad legem naturæ qualitercumque pertinent: & ideo in hoc a solo Deo dispensatio fieri potuit per inspirationem inter nam, quæ quidem principaliter sanctis patribus facta est, & per eorum exemplum ad alios derivata est eo tempore quo oportebat prædictum naturæ præceptum prætermitti, ut maior esset multiplicatio prolis ad cultum Dei educandæ. Semper enim principalis finis magis conservandus est quam secundarius. Unde cum bonum prolis sit principalis matrimonii finis, ubi prolis multiplicatio necessaria erat, debuit negligi ad tempus impedimentum, quod posset in secundariis finibus evenire; ad quod removendum præceptum prohibens pluralitatem uxorum ordinatur, ut ex dictis patet.

Ad primum ergo dicendum, quod ius naturale semper, & ubique, quantum est de se, habet eandem potentiam; sed per accidens pro-

propter aliquod impedimentum quandoque, & alicubi potest variari, sicut ibidem Philosophus exemplum ponit de aliis rebus naturalibus. Semper enim; & ubique dextera est melior quam sinistra secundum naturam; sed per aliquod accidens convenit aliquem esse ambidextrum, quia natura nostra variabilis est; & similiter etiam est de naturali iusto, ut ibidem Philosophus dicit.

Ad secundum dicendum, quod io Decretali quadam de divortii (cap. *Gaudemus*) dicitur, quod numquam licuit alicui habere plures uxores sine dispensatione per divinam inspirationem habita. Nec tamen talis dispensatio datur contra rationes quas Deus naturae inseruit, sed praeter eas: quia rationes illae non sunt ordinatae ad semper, sed in pluribus esse, ut dictum est: sicut etiam non est contra naturam quando aliqua accidunt io rebus naturalibus miraculose praeter ea quae ut frequenter solent evenire.

Ad tertium dicendum, quod qualis est lex, talis debet esse dispensatio legis: & quia lex naturae non est litteris scripta, sed cordibus impressa, propter hoc non oportuit dispensationem eorum quae ad legem naturae pertinent, lege scripta dari, sed per internam inspirationem fieri.

Ad quartum dicendum, quod veniente Christo fuit tempus pleitudinis gratiae Christi, per quam cultus Dei in omnes gentes spirituali propagatione diffusus est: & ideo non est eadem ratio dispensationis quae erat ante Christi adventum, quando cultus Dei propagatione carnali multiplicabatur, & conservabatur.

Ad quintum dicendum, quod proles, secundum quod est bonum matrimonii, includit fidem ad Deum servandam, quia secundum quod proles expectatur ad cultum Dei educanda, ponitur matrimonii bonum. Fides autem ad Deum servanda est prior quam fides uxori servanda, quae ponitur bonum matrimonii, & quam significatio quae pertinet ad sacramentum, quia significatio ad fidei cognitionem ordinatur: & ideo non est inconveniens, si propter bonum prolis aliquid detrahatur aliis duobus bonis. Nec tamen omnino tolluntur, quia & fides manet ad plures, & sacramentum aliquo modo: quia quamvis non significetur coniunctio Christi ad Ecclesiam in quantum est una, significatur tamen distinctio graduum Ecclesiae per pluralitatem uxorem; quae quidem est non solum in Ecclesia militante, sed etiam in triumphante: & ideo illorum matrimonia aliquo modo significabant con-

iunctionem Christi ad Ecclesiam non solum militantem, ut quidam dicunt, sed etiam triumphantem, in qua sunt diversae man-  
siones.

## ARTICULUS III.

*Utrum habere concubinam sit contra legem naturae.*

III. cont. Gent. cap. cxxv.

1. **A**D tertium sic proceditur. Videtur quod habere concubinam non sit contra legem naturae. Legis enim caeremonialia non sunt de lege naturae. Sed fornicatio prohibetur Act. xv. inter alia caeremonialia legis quae ad tempus credentibus ex gentibus imponebantur. Ergo fornicatio simplex, quae est accessus ad concubinam, non est contra legem naturae.

2. Praeterea. Ius positivum a naturali iure profectum est, ut Tullius dicit. Sed secundum ius positivum fornicatio simplex non prohibetur, immo potius in poenam secundum antiquas leges mulieres lupaciaribus tradendae condemnabatur. Ergo habere concubinam non est contra legem naturae.

3. Praeterea. Naturalis lex non prohibet quod illud quod datur simpliciter, possit dari ad tempus, & secundum quid. Sed una mulier soluta potest dare viro soluto in perpetuum sui corporis potestatem, ut utatur ea licite, cum voluerit. Ergo non est contra legem naturae, si dederit ei potestatem sui corporis ad horam.

4. Praeterea. Quicumque utitur re sua ut vult, nemini facit iniuriam. Sed aocilla est res domini. Ergo si dominus ea utatur ad libitum, non facit iniuriam alicui; & ita habere concubinam non est contra legem naturae.

5. Praeterea. Quilibet potest dare alteri quod suum est. Sed uxor habet potestatem in corpore viri, ut patet I. Corinth. vii. Ergo si uxor velit, vir poterit alii mulieri coniungi sine peccato.

Sed contra. Secundum omnes leges filii qui de concubini nascuntur, sunt vituperabiles. Sed hoc non esset, nisi concubitus ex quo oriuntur, esset naturaliter turpis. Ergo habere concubinam est contra legem naturae.

Praeterea. Sicut supra distinct. xxvi. dictum est, matrimonium est naturale. Sed hoc non esset, si sine praedictio legis naturae homo posset coniungi mulieri praeter matrimonium. Ergo contra, legem naturae est concubinam habere.

## QUAESTIUNCULA II.

1. Ulterius. Videtur quod accedere ad concubinam non sit peccatum mortale. Maius enim peccatum est mendacium quam fornicatio simplex: quod patet ex hoc quod Indas, qui fornicationem non horruit cum Thamar committere, recusavit mendacium, dicens ( Gen. xxxviii. 23. ) *Certe mendacii nos arguere non poteris*. Sed mendacium non semper est mortale peccatum. Ergo neque fornicatio simplex.

2. Præterea. Peccatum mortale morte puniri debet. Sed lex vetus non puniebat concubitum concubinæ morte, nisi in aliquo casu, ut patet Deuterone. xxi. Ergo non est peccatum mortale.

3. Præterea. Secundum Gregorium ( Lib. XXXI. Moral. cap. xxviii. ) peccata carnalia sunt minoris culpæ quam spiritalia. Sed non omnis superbia, aut avaritia est peccatum mortale; quæ sunt peccata spiritalia. Ergo nec omnis fornicatio, quæ est peccatum carnale.

4. Præterea. Ubi est maius incitamentum, ibi est minus peccatum: quia magis peccat qui minori tentatione vincitur, ut supra distinet. x. dictum est. Sed concupiscentia maxime infligat ad venera. Ergo cum ætus gulæ non sit semper peccatum mortale, nec fornicatio simplex erit peccatum mortale.

Sed contra. Nihil excludit a regno Dei nisi peccatum mortale. Sed fornicarii excluduntur a regno Dei, ut patet I. Corinth. vi. Ergo fornicatio simplex est peccatum mortale.

Præterea. Sola peccata mortalia criminalia dicuntur. Sed omnis fornicatio est crimen, ut patet Tobie xv. 13. *Attende tibi ab omni fornicatione, & præter uxorem tuam nunquam patiaris crimen scire*.

## QUAESTIUNCULA III.

1. Ulterius. Videtur quod aliquando fuerit licitum concubinam habere. Sicut enim habere unam uxorem est de lege naturæ, ita non habere concubinam. Sed aliquando licuit plures uxores habere. Ergo & habere concubinam.

2. Præterea. Non potest aliqua simul esse uxor, & ancilla: unde secundum legem ex hoc ipso quod ancilla in matrimonium ducebatur, libera reddebatur. Sed aliqui Deo amicissimi leguntur ad suas ancillas accessisse, sicut Abraham, & Jacob. Ergo illæ non erant uxores; & sic aliquando (a) licuit concubinas habere.

3. Præterea. Illa quæ in matrimonio ducitur, non potest eiici, & filius eius debet esse hereditatis particeps. Sed Abraham eiecit Agar, & filius eius non fuit heres. Ergo non fuit uxor Abraham.

Sed contra. Ea quæ sunt contra præcepta decalogi, numquam licuerunt. Sed habere concubinam est contra præceptum decalogi, scilicet *Non machaberis*. Ergo numquam fuit licitum.

Præterea. Ambrosius dicit in Lib. de Patriarchis ( seu Lib. I. de Abraham cap. iv. ) *Viro non licet quod mulieri non licet*. Sed numquam licuit mulieri ad alium virum accedere dimisso viro proprio. Ergo nec viro umquam licuit concubinam habere.

## SOLUTIO I.

Respondet dicendum ad primam questionem, quod, sicut ex prædictis patet, illa actio dicitur esse contra legem naturæ quæ non est conveniens fini debito, sive quia non ordinatur in ipsum per actionem agentis, sive quia de se est improporcionata fini illi. Finis autem quem natura ex concubitu intendit, est proles procreanda, & educanda; & ut hoc bonum quæretur, posuit delectationem in coitu, ut ( b ) Augustinus dicit ( Lib. I. de nupt. & concup. cap. viii. ) Quicumque ergo concubitu utitur propter delectationem quæ in ipso est, non referendo ad finem a natura intentum, contra naturam facit: & similiter etiam nisi sit talis concubitus qui ad illum finem convenienter ordinari possit. Et quia res a fine plerumque nominantur tamquam ab optimo, sicut coniunctio matrimonii a prolis bono nomen accepit, quod per matrimonium principaliter quæritur; ita concubinæ nomen illam coniunctionem exprimit qua solus concubitus propter seipsum quæritur: & si etiam aliquis quandoque ex tali concubitu prolem quærat, non tamen est conveniens ad prolis bonum, in quo non solum intelligitur ipso procreatio, per quam proles esse accipit, sed etiam educatio, & instructio, per quam accipitur nutrimentum, & disciplina a parentibus: in quibus tribus parentes proli tenentur secundum Philosophum in VIII. Ethicor. ( cap. x. vel xii. ) Cum autem educatio, & instructio prolis a parentibus doceatur per longum tempus, exigit lex naturæ ut pater, & mater in longum tempus commaneant ad subveniendum communiter prolis: unde & aves quæ communiter pullos nutriunt, ante completam nutritionem non

(sepæ

(a) *Al. licet.* (b) *Al. Constatin.*

sepatantur a mutua societate quæ incepit a concubendo. Hæc autem obligatio ad commanendum feminam cum marito matrimonium facit. Et ideo patet quod accedere ad mulierem non iunctam sibi matrimonio, quæ concubina vocatur, est contra legem naturæ.

Ad primum ergo dicendum, quod in gentibus quantum ad multa lex naturæ obfusca erat: unde accedere ad concubinam malum non reputabant; sed passim fornicatione quasi re licita utebantur, sicut & aliis quæ erant contra cæremonias ludæorum, quamvis non essent contra legem naturæ: & ideo Apostoli immiscuerunt prohibitionem fornicationis cæremoniis propter discretionem quæ erat in utroque inter Iudæos & Gentiles.

Ad secundum dicendum, quod ex prædicta obscuritate, scilicet in quam ceciderunt Gentiles: Deo debitam gloriam non reddentes, ut dicitur Rom. i. lex illa processit, & non ex instinctu legis naturæ: unde prævalente christiana religione lex illa extirpata est.

Ad tertium dicendum, quod in aliquibus sicut nullum inconueniens sequitur, si rem aliquam quam quis in potestate habet, alteri simpliciter tradat, ita etiam nec si tradat ad tempus; & sic neutrum est contra legem naturæ. Ita autem non est in proposito; & ideo ratio non sequitur.

Ad quartum dicendum, quod iniuria iustitiæ opponitur. Lex autem naturalis non solum prohibet iniustitiam, sed etiam opposita omnium virtutum; sicut contra legem naturæ est ut aliquis immoderate comedat, quamvis talis rebus suis utens nulli iniuriam faciat. Et præterea ancilla quamvis sit res domini ad obsequium, non est tamen res sua ad concubium; & iterum interest qualiter quisque re sua utatur. Facit etiam talis iniuria proli procreandæ, ad cuius bonum non sufficenter talis coniunctio ordinatur, ut dictum est.

Ad quintum dicendum, quod mulier habet potestatem in corpore viri non simpliciter quantum ad omnia, sed solum quantum ad matrimonii usum: & ideo non potest contra matrimonii bonum corpus viri alteri præbere.

### SOLUTIO II.

Ad secundam questionem dicendum, quod sicut in II. Lib. distinct. xlii. (quæst. i. art. 4. in corp.) dictum est, illi actus ex suo genere sunt peccata mortalia per quos foedus amicitie hominis ad Deum, & ho-

minis ad hominem violatur. Hæc enim sunt contra duo precepta caritatis, quæ est animæ vita: & ideo cum concubitus fornicarius tollat debitam ordinationem parentis ad prolem, quam natura ex concubitu intendit, non est dubium quod fornicatio simplex de sui ratione est peccatum mortale, etiam si lex scripta non esset.

Ad primum ergo dicendum, quod frequenter homo qui non vitat peccatum mortale, vitat aliquod peccatum veniale, ad quod non habet tantum incitamentum; & ita etiam ludas mendacium vitavit, fornicationem non vitans; quamvis illud incitamentum periculum fuisset, iniuriam habens annexam, si promissum non reddidisset.

Ad secundum dicendum, quod peccatum non dicitur mortale, quia morte temporali poeniat, sed quia punitur æterna: unde etiam furtum, quod est mortale peccatum, & multa alia interdum non puniuntur per leges temporali morte; & similiter etiam est de fornicatione.

Ad tertium dicendum, quod sicut non quilibet motus superbiæ est peccatum mortale, ita nec quilibet motus luxuriæ: quia primi motus luxuriæ, & huiusmodi sunt peccata venialia, & etiam concubitus matrimonialis. Interdum tamen aliqui luxuriæ actus sunt peccata mortalia, aliquibus motibus superbiæ venialibus existentibus: quia in verbis Gregorii inductis intelligitur comparatio vitiorum secundum genus, & non quatuor ad singulos actus.

Ad quartum dicendum, quod, sicut supra distinct. xvi. (quæst. i. art. 2. quæstionum. 2.) dictum est, illa circumstantia efficacior est ad gravandum quæ magis appropinquat ad speciem peccati: unde quamvis fornicatio ex magnitudine incitamenti diminuatur, tamen ex materia circa quam est, gravitatem habet maiorem quam inordinata comestio; cum sit circa ea quæ pertinent ad fovendum foedus societatis humanæ, ut dictum est: & ideo ratio non sequitur.

### SOLUTIO III.

Ad tertiam questionem dicendum, quod Rabbi Moyses dicit, quod ante tempus legis fornicatio non erat peccatum, quod probat ex hoc quod Iudas cum Thamar concubuit. Sed ista ratio non cogit: non enim necesse est filios Iacob a peccato mortali excusari, cum accusati fuerint apud patrem de crimine pessimo, & in Ioseph necem, vel venditionem consenserint. Et ideo dicendum est,

est, quod cum habere concubinam non matrimonio iunctam sit contra legem naturæ, ut dictum est, nullo tempore secundum se licitum fuit, nec etiam ex dispensatione. Sicut enim ex dictis patet, concubitus cum ea quæ non est matrimonio iuncta, non est conveniens actus ad bonum prolis, quod est principalis finis matrimonii; & ideo est contra prima præcepta legis naturæ, quæ dispensationem non recipiunt. Unde ubicunque legitur in veteri testamento aliquos concubinas habuisse, quos necesse sit a peccato mortali excusari, oportet eas esse matrimonio iunctas, & tamen concubinas dici, quia aliquid habebant de ratione uxoris, & aliquid de ratione concubinæ. Secundum enim quod matrimonium ordinatur ad suum principalem finem, qui est bonum prolis, uxor viro coniungitur insolubili coniunctione, vel saltem diuturna, ut ex dictis patet; & contra hoc non est aliqua dispensatio. Sed quantum ad secundum finem, qui est dispensatio familiæ, & communicatio operum, uxor coniungitur ut focia, sed hoc deest in his quæ concubine nominabantur: in hoc enim poterat esse dispensatio, cum sit secundarius matrimonii finis: & ex hac parte habebant aliquid simile concubinæ, ratione cuius concubine nominantur.

Ad primum ergo dicendum, quod habere plures uxores non est contra legis naturæ prima præcepta, sicut habere concubinam, ut ex dictis patet: & ideo ratio non sequitur.

Ad secundum dicendum, quod antiqui patres ea dispensatione qua plures uxores habebant, ad ancillas accedebant uxorio affectu. (a) Erant enim uxores quantum ad principalem, & primum finem matrimonii, sed non quantum ad illam coniunctionem quæ respicit secundarium finem, cui conditio servitutis opponitur, cum non possit simul esse focia, & ancilla.

Ad tertium dicendum, quod sicut in lege Moysi per dispensationem licebat dare libellum repudii ad evitandum uxoricidium, ut dicitur; ita ex eadem dispensatione licuit Abraham eicere Agar, ad significandum mysterium quod Apostolus explicat Galat. iv. Quod etiam filius ille heres non fuit, ad mysterium pertinet, ut ibidem patet: sicut etiam ad mysterium pertinet quod Esau filius liber heres non fuit, ut patet Rom. ix. & similiter propter mysterium factum est ut filii Jacob ex ancillis, & liberis nati, heredes essent, ut Augustinus dicit (tract. xi.

in Ioan.) quia Christo nascuntur in baptismo filii, & heredes tam per bonos, quos liberæ significant, quam per malos ministros, qui per ancillas significantur.

## QUAESTIO II.

**D**Einde queritur de libello repudii: & circa hoc queruntur tria.

Primo, Utrum inseparabilitas matrimonii sit de lege naturæ.

Secundo, Utrum repudiare uxorem aliquando fuerit licitum.

Tertio, De causis libelli repudii lege permissi, & eius inscriptione.

## ARTICULUS I.

*Utrum inseparabilitas uxoris sit de lege naturæ.*

*IV. cont. Gent. cap. lxxviii.*

**1.** **A**D primum sic proceditur. Videtur quod inseparabilitas uxoris non sit de lege naturæ. Lex enim naturæ communis est apud omnes. Sed nulla lege præter legem Christi fuit prohibitum uxorem dimittere. Ergo inseparabilitas uxoris non est de lege naturæ.

2. Præterea. Sacramenta non sunt de lege naturæ. Sed inseparabilitas matrimonii pertinet ad bonum sacramenti. Ergo non est de lege naturæ.

3. Præterea. Coniunctio viri & femine in matrimonio ordinatur principaliter ad prolis generationem, & educationem, & instructionem, ut dictum est. Sed hæc omnia aliquo certo tempore consummantur. Ergo post illud tempus licet uxorem dimittere sine aliquo præiudicio legis naturæ.

4. Præterea. Ex matrimonio queritur principaliter bonum prolis. Sed inseparabilitas matrimonii est contra bonum prolis: quia, ut tradunt Philosophi, aliquis vir non potest ex aliqua femina prolem accipere, qui tamen ex alia concipere posset, & quæ etiam ex alio viro imprægnaretur. Ergo inseparabilitas matrimonii magis est contra legem naturæ quam de lege naturæ.

Sed contra. Illud præcipue est de lege naturæ quod natura bene instituta accepit in suo principio. Sed inseparabilitas matrimonii est huiusmodi, ut patet Matth. xix. Ergo est de lege naturæ.

Præterea. De lege naturæ est quod homo Deo non contrarietur. Sed homo quodammodo

(a) *Al.* Erant enim uxores quantum ad illam coniunctionem, intermediis omitti.



modo Deo contrarius esset, si separaret quod Deus coniunxit. Cum ergo ex hoc habeatur inseparabilitas matrimonii, Matth. xix. videtur quod sit de lege naturæ.

## S O L U T I O.

Respondeo dicendum, quod matrimonium ex intentione naturæ ordinatur ad educationem proles non solum per aliquod tempus, sed per totam vitam proles. Unde de lege naturæ est quod patentes filiis thesaurizent, & filii parentum heredes sint: & ideo cum proles sit commune bonum viri, & uxoris, oportet eorum societatem perpetuo permanere indivisam secundum legis naturæ dictamen; & sic inseparabilitas matrimonii est de lege naturæ.

Ad primum ergo dicendum, quod sola lex Christi ad perfectum humanum genus adduxit, reducens in statum novitatis naturæ: unde & in lege Moysi, & in legibus humanis non potuit totum auferri quod contra legem naturæ erat: hoc enim soli legi spiritus, & vitæ reservatum est.

Ad secundum dicendum, quod inseparabilitas competit matrimonio secundum quod est signum perpetuæ coniunctionis Christi & Ecclesiæ, & secundum quod est in officium naturæ ad bonum proles ordinatum, ut dictum est. Sed quia separatio matrimonii magis directe repugnat significationi quam proles bono, cui ex consequenti repugnat, ut dictum est; inseparabilitas matrimonii magis in bono sacramenti intelligitur quam in bono proles, quamvis in utroque intelligi possit: & secundum quod pertinet ad bonum proles erit de lege naturæ, non autem secundum quod pertinet ad bonum sacramenti.

Ad tertium patet solutio ex dictis.

Ad quartum dicendum, quod matrimonium principaliter ordinatur ad bonum commune ratione principalis finis, qui est bonum proles, quamvis etiam ratione finis secundarii ordinetur ad bonum matrimonium contrahentis, prout per se est in remedium concupiscentiæ. Et ideo in legibus matrimonii magis attenditur quid omnibus expediat quam quid uni competere possit. Quamvis ergo matrimonium inseparabilitas impediatur bonum proles in aliquo homine, tamen est conveniens ad bonum proles simpliciter: & propter hoc ratio non sequitur.

*Utrum licitum esse possit per dispensationem uxorem dimittere.*

t. 2. quæst. cv. art. 4. ad 8. & III. cont. G. cont. Cap. cxxiii. in fine.

1. **A**D secundum sic proceditur. Videtur quod uxorem dimittere licitum per dispensationem esse non poterit. Illud enim quod est in matrimonio contra bonum proles, est contra prima præcepta legis naturæ, quæ indispensabilia sunt. Sed dimissio uxoris est huiusmodi, ut ex dictis patet. Ergo &c.

2. Præterea. Concubina differt præcipue ab uxore in hoc quod non est inseparabiliter iuncta. Sed habere concubinas fuit indispensabile. Ergo & dimittere uxorem.

3. Præterea. Homines sunt modo ita receptibiles dispensationis, sicut olim fuerunt. Sed modo non potest dispensari cum aliquo quod uxorem dimittat. Ergo nec olim.

Sed contra. Agar cognita est ab Abraham uxorio affectu quasi uxor, ut dictum est. Sed ipse præcepto divino eam eiecit, & non peccavit. Ergo potuit per dispensationem fieri licitum quod homo uxorem dimitteret.

## QUAESTIUNCULA II.

1. Ulterius. Videtur quod sub lege Moysi fuerit licitum uxorem dimittere. Unus enim modus consentiendi est non prohibere, cum prohibere possit. Consentire autem illicito est illicitum. Cum ergo Moyses non prohibuerit uxoris repudium, nec peccaverit: quia lex sancta est, ut dicitur Roman. vii. videtur quod repudium fuerit aliquando licitum.

2. Præterea. Prophete locuti sunt Spiritu sancto inspirati, ut patet II. Petr. i. Sed Malach. ii. 16. dicitur: (a) *Si odio habueris eam, dimitte eam*. Ergo cum illud quod Spiritus sanctus inspirat, non sit illicitum, videtur quod repudium uxoris non semper fuerit illicitum.

3. Præterea. Chrysostomus (Auctor oper. imperf. in Matth. hom. xxxix.) dicit, quod sicut Apostoli permiserunt secundas nuptias, ita Moyses permisit libellum repudii. Sed secundæ nuptiæ non sunt peccatum. Ergo nec repudium uxoris sub lege Moysi.

4. Sed contra est quod Dominus dicit, quod libellus repudii datus est a Moysse Iudeis propter duritiam cordis eorum. Sed duritia cordis eorum non excusabat eos a peccato.

(a) Vulgata: Cum odii habueris; dimitte.

caro. Ergo neque lex de libello repudii.

5. Præterea. Chrysostomus dicit super Matth. ( ubi supra ) quod Moyses dando libellum repudii non iustitiam Dei monstravit, ut quasi per legem agentibus peccatum non videatur esse peccatum.

### QUÆSTIUNCULA III.

1. Uterius. Videtur quod liceret uxori repudiare alium virum habere. Quia in repudio magis erat iniquitas viri repudiantis quam uxoris repudiatæ. Sed vir poterat aliam sine peccato ducere in uxorem. Ergo uxor sine peccato alium virum ducere poterat.

2. Præterea. Augustinus ( Lib. III. de doctrin. christi. cap. XII. & Lib. XXII. contra Faustum cap. XLVI. ) dicit de duabus uxoribus, quod quando mox erat, peccatum non erat. Sed tempore legis erat talis consuetudo quod repudiata alium virum ducebat, ut patet Deut. XXIV. 2. *Cumque egressa virum alterum duxerit* &c. Ergo uxor non peccabat alteri se iungendo.

3. Præterea. Dominus Matth. v. iustitiam novi testamenti offendit superabundantem esse respectu iustitiæ veteris testamenti. Hoc autem dicit ad iustitiam novi testamenti per superabundantiam pertinere quod uxor repudiata non ducit alterum virum. Ergo in veteri lege licebat.

4. Sed contra est quod dicitur Matth. XIX. 9. *Qui dimissam duxerit, machatur*. Sed machia numquam fuit in veteri testamento licita. Ergo nec uxori repudiatae licuit alium virum habere.

5. Præterea. Deuter. XXIV. dicitur, quod mulier repudiata quæ alium virum duceret, polluta erat, & abominabilis facta coram Domino. Ergo peccabat alium virum ducendo.

### QUÆSTIUNCULA IV.

1. Uterius. Videtur quod licebat viro repudiata a se accipere. Licet enim corrigere quod male factum est. Sed male factum erat quod vir uxorem repudiabat. Ergo licebat hoc corrigere, reducendo uxorem ad se.

2. Præterea. Semper licuit peccanti indulgere, cum sit morale præceptum, quod in omni lege manet. Sed vir accipiendo repudiata, ei peccanti indulgebat. Ergo hoc licitum erat.

3. Præterea. Deuter. XXIV. ponitur causa quare non possit accipi iterum, quia polluta est. Sed repudiata non polluitur nisi alterum virum ducendo. Ergo saltem ante-

quam alium virum duceret, licebat eam accipere.

Sed contra est quod dicitur Deuter. XXIV. 4. *Non poterit prior maritus accipere eam.*

### SOLUTIO I.

Respondere dicendum ad primam questionem, quod dispensatio in præceptis, præcipue quæ sunt aliquo modo legis naturæ, est sicut mutatio cursus rei naturalis: qui quidem mutari dupliciter potest. Uno modo ex aliqua causa naturali, per quam alia causa naturalis impeditur a cursu suo, sicut est in omnibus quæ in minori parte casualiter accidunt in natura; sed per hunc modum non variatur cursus rerum naturalium quæ sunt semper, sed quæ sunt frequenter. Alio modo per causam penitus supernaturalem, sicut in miraculis accidit; & hoc modo potest mutari cursus naturalis non solum qui est ordinatus ut sit frequenter, sed qui est ordinatus etiam ut sit semper, ut patet in statioe solis tempore solis, & reditu eiusdem tempore Ezechie, & de eclipsi miraculosa tempore passionis Christi. Hæc autem ratio dispensationis in præceptis legis naturæ quandoque est in causis inferioribus; & sic dispensatio cadere potest super secunda præcepta legis naturæ, non autem super prima: quia illa sunt quasi semper existentia, ut dictum est de pluralitate uxorum, & de huiusmodi. Aliquando autem est tantum in causis superioribus: & tunc potest dispensatio esse divinitus etiam contra prima præcepta legis naturæ ratione aliquis mysterii divini significandi, vel offendendi, sicut patet ( 4 ) de dispensatione in præcepto Abraham factio de occisione filii innocentis. Tales autem dispensationes non sunt communiter ad omnes, sed ad aliquas singulares personas, sicut etiam de miraculis accidit. Si ergo inseparabilitas matrimonii inter prima præcepta legis naturæ contineatur, solum hoc secundo modo sub dispensatione cadet; si autem sit inter secunda præcepta legis naturæ, etiam primo modo cadere potuit sub dispensatione. Videtur autem magis inter secunda præcepta legis naturæ contineri. Inseparabilitas enim matrimonii non ordinatur ad proles bonum, quod est principalis matrimonii finis, nisi quantum ad hoc quod per parentes filii providi debet in totam vitam per debitam præparationem eorum quæ sunt necessaria in vita. Huiusmodi autem rerum appropriatio non est de prima intentione naturæ, secundum

( 2 ) *Id est de dispensatione in præcepto.*

dum quam omnia sunt communia : & ideo non videtur contra primam intentionem naturæ dimissio uxoris esse, & per consequens nec contra prima præcepta, sed contra secundam legis naturæ: unde etiam primo modo sub dispensatione posse cadere videtur.

Ad primum ergo dicendum, quod in bono prolis, secundum quod est de prima intentione naturæ, intelligitur procreatio, & nutritio, & instructio quousque proles ad perfectam ætatem ducatur. Sed quod ei provideatur in posterum per hereditatis, & aliorum bonorum dimissionem, videtur pertinere ad secundam legis naturæ intentionem.

Ad secundum dicendum, quod habere concubinam est contra bonum prolis quantum ad id quod natura in eo de prima intentione intendit, scilicet educationem, & instructionem, quæ requirit diuturnam commanionem parentum; quod non est in concubina, quæ ad tempus assumitur; & ideo non est simile. Tamen quantum ad secundam dispensationem etiam habere concubinam sub dispensatione cadere potest, ut patet *Osæ* 1.

Ad tertium dicendum, quod inseparabilitas quamvis sit de secundam intentione matrimonii prout est in officium naturæ, tamen est de prima intentione ipsius prout est sacramentum Ecclesiæ: & ideo ex quo institutum est ut sit Ecclesiæ sacramentum, manente tali institutione, non potest sub dispensatione cadere, nisi forte secundo modo dispensationis.

### SOLUTIO II.

Ad secundam questionem dicendum, quod circa hoc est duplex opinio.

Quidam enim dicunt, quod illi qui sub lege uxorem dato libello repudii dimittebant, non excusabantur a peccato, quamvis excusarentur a pœna secundum leges infligenda: & propter hoc dicitur Moyses libellum repudii permisisse: & sic ponunt quatuor modos permissionis. Unus per privationem præceptionis, ut quando maius bonum non præcipitur, minus bonum permitti dicitur, sicut Apostolus non præcipiendo virginitatem, matrimonium permittit *I. Corinth. vii.* Secundus per privationem prohibitionis, sicut venialia dicuntur permissa, quia non sunt prohibita. Tertius per privationem cohibitionis; & sic communia peccata dicuntur permitti a Deo, in quantum non impedit, cum impedire posset.

*S. Thom. Oper. Tom. XIII.*

(\*) *Al. replicando.*

Quarta per privationem punitonis; & sic libellus repudii lege permixtus fuit, non quidem propter aliquod maius bonum consequendum, sicut fuit dispensatio de pluribus uxoribus habendis, sed propter maius malum cohibendum, scilicet uxoricidium, ad quod Iudæi proni erant propter corruptionem irascibilis; sicut & permixtum eis fuit extraneis fenerari propter aliquam corruptionem in concupiscibili, ne scilicet fratribus suis fenerarentur; & sicut propter corruptionem suspicionis in rationali fuit permixtum sacrificium zelotypiæ, ne sola suspicio apud eos iudicium corrumperet.

Sed quia lex vetus, quamvis gratiam non conferret, tamen ad hoc data erat ut peccatum ostenderet, ut communiter sancti dicunt; ideo aliis videtur quod si (a) repudiando uxorem peccassent, hoc saltem eis per legem, aut Prophetas indicari debuisset. *Isai. lviii. 1. Annuntia populo meo peccata eorum.* Alias viderentur esse nimis neglecti, si ea quæ necessaria sunt ad salutem, quæ non cognoscebant, numquam eis nuntiata fuissent: quod non potest dici, cum iustitia legis tempore suo observata vitam mereretur æternam. Et propter hoc dicunt, quod quamvis repudiare uxorem per se sit malum, tamen ex permissione divina licitum fuit: & hoc confirmant auctoritate Chrysostomi (Auctoris oper. imperf. hom. xxxiii. in *Matth.*) qui dicit, quod a peccato absulit culpam legislator, quando permisit repudium. Et quamvis hoc probabiliter dicatur, tamen primum communis sustinetur: ideo ad utraque rationes respondendum est.

Ad primum ergo dicendum, quod aliquis qui potest prohibere, non peccat, si a prohibitionem abstineat non sperans correctionem, sed magis malum æstmans ex tali prohibitionem occasionem sumere: & sic accidit Moysi: unde divina auctoritate fretus libellum repudii non prohibuit.

Ad secundum dicendum, quod Prophetæ Spiritu sancto inspirati non dicebant dimittendam esse uxorem, quasi Spiritus sancti præceptum sit, sed quasi permixtum, ne mala peiora fierent.

Ad tertium dicendum, quod illa permissionis similitudo non est intelligenda quantum ad causam eandem: quia utraque permissio ad vitandam turpitudinem facta est.

Ad quartum dicendum, quod quamvis duritia cordis non excusaret a peccato, tamen permissio ex duritia facta excusatur: quædam enim prohibentur sanis quæ non prohibentur duris.

hibentur infirmis corporaliter; nec tamen infirmi peccant permissione sibi facta utentes.

Ad quintum dicendum, quod aliquod bonum potest intermitteri dupliciter. Uno modo propter aliquod maius bonum consequendum; & tunc intermissio illius boni ex ordine ad maius bonum accipit honestatem; sicut intermittebatur singularitas uxoris honeste a Iacob propter bonum prolis. Alio modo bonum aliquod intermittitur ad vitandum maius malum; & tunc si auctoritate eius qui dispensare potest, hoc fiat, reatum talis boni intermissio non habet; sed honestatem etiam non acquirit; & sic indivisibilitas matrimonii in lege Moysi intermittebatur propter maius malum vitandum, scilicet uxoricidium; & ideo Chrysostomus dicit (ut sup.) quod a peccato absulit culpam. Quamvis enim inordinatio maneret in repudio, ex quo peccatum dicitur; tamen reatum poenae non habebat neque temporalis, neque perpetuae, in quantum divina dispensatione fiebat, & sic erat ab eo culpa ablata; & ideo etiam ipse ibidem dicit, quod permissum est repudium, non malum quidem, tamen illicitum: quod quidem illi qui sunt de prima opinione referunt ad hoc tantum quod habebat reatum temporalis poenae.

### SOLUTIO III.

Ad tertiam quaestionem dicendum, quod secundum primam opinionem uxor peccabat post repudium alteri viro coniuncta: quia adhuc matrimonium primum non erat solum. Mulier enim quanto tempore vivit, alligata est lege viri, ut patet Roman. vii. Non autem poterat simul plures viros habere. Sed secundum aliam opinionem, sicut licebat ex dispensatione divina viro uxorem repudiare, ita uxori alium virum ducere: quia inseparabilitas matrimonii ex causa divinae dispensationis tollebatur; qua inseparabilitate manente intelligitur verbum Apostoli.

Ut ergo ad utraque rationes respondeamus, dicendum ad primum, quod viro licebat plures uxores simul habere secundum dispensationem divinam; & ideo una dimissa, etiam matrimonio non soluto, poterat aliam ducere. Sed numquam uxori licuit habere plures viros: & ideo non est simile.

Ad secundum dicendum, quod in illo verbo Augustini *mes* non ponitur pro consuetudine,

sed pro actu honesto, secundum quod a more aliquis dicitur morigeratus, quia est bonorum morum, vel secuta more Philosophia moralis nominatur.

Ad tertium dicendum, quod Dominus Matth. v. offendit novam legem abundare per consilia ad veterem non solum quantum ad ea quae lex vetus licita faciebat, sed etiam quantum ad ea quae in veteri lege illicita erant, sed a multis licita putabantur per non rectam praepiorum expositionem, sicut patet de odio inimici: & ita est etiam de repudio.

Ad quartum dicendum, quod verbum Domini intelligitur quantum ad tempus legis novae, in quo dicta permissio est sublata: & sic etiam intelligitur verbum quoddam Chrysostomi, qui dicit (a) (hom. xvii. in Matth.) quod qui secundum legem dimittit uxorem, quatuor facit iniquitates: quia quo ad Deum existit homicida, in quantum habet propositum occidendi uxorem, nisi eam dimitteret; & quia dimittit non fornicantem, in quo solo casu lex Evangelii uxorem dimittere permittit; & similiter quia facit eam adulteram, & illum qui copulatur.

Ad quintum dicendum, (b) quod quidam interlinealis dicit (Deuter. xxiv.) *Polluta est, & abominabilis* (c), scilicet illius iudicio qui quasi pollutam eam prius dimisit: sit: & sic non oportet quod sit polluta simpliciter. Vel dicitur polluta illo modo quo immundus dicebatur qui mortuum tangebatur, vel leprosum; non immunditia culpae, sed cuiusdam irregularitatis legalis: unde & sacerdoti non licebat viduam, & repudiatam ducere in uxorem.

### SOLUTIO IV.

Ad quartam quaestionem dicendum, quod in lege de libello repudii duo erant permissa, scilicet dimittere uxorem, & uxorem dimissam alteri iungi; & duo praepcepta, scilicet scriptura libelli repudii, & quod iterum maritus repudiatus eam accipere non possit: quod quidem secundum eos qui primam opinionem tenent, factum fuit in poenam mulieris quae alteri nupsit, & in hoc peccato polluta est; sed secundum alios, ut vir non de facili uxorem repudiaret, quam postea nullo modo recuperare posset.

Ad primum ergo dicendum, quod ad illius mali impedimentum quod committebat aliquis repudiando uxorem, ordinabatur quod vir

(a) In supplem. III. P. quæst. lxxvii. art. xi. velus sit: quod quidam Glossa interlinealis, ad illa verba lineæ &c. (c) ut. Sed.

ex hom. xii. operis imperfecti notatur. (b) Nihil. Deuter. xxiv. Polluta est, & abominabilis; dicit: il-

vir uxorem repudiatam assumere non posset iterato, ut patet ex dictis: & ideo divinitus ordinatum fuit.

Ad secundum dicendum, quod semper licuit indulgere peccanti quantum ad rancorem cordis, sed non quantum ad poenam divinitus taxatam.

Ad tertium dicendum, quod in hoc est duplex opinio. Quidam enim dicunt, quod licuit uxorem repudiatam viro reconciliari, nisi matrimonio alteri viro iuncta esset: tunc enim propter adulterium, cui mulier voluntarie se subdit, in poenam ei dabatur quod ad priorem virum non rediret. Sed quia lex universaliter prohibet, ideo dicunt alii, quod etiam antequam alteri nubere, non poterat revocari, ex quo repudiata erat: quia pollutio non intelligitur quantum ad culpam, sed ut dictum est.

## ARTICULUS III.

*Utrum causa repudii fuerit odium uxoris.*

1. **A**D tertium sic proceditur. Videtur quod causa repudii fuerit odium uxoris, secundum hoc quod dicitur Malach. 11. 16. (a) *Si odio habueris eam, dimitte illam.*

2. Præterea. Deuteronom. 24. 1. dicitur: *Cum non inveneris gratiam in oculis eius propter aliquam seditatem, scribet libellum repudii.* Ergo idem quod prius.

3. Sed contra. Sterilitas, & fornicatio magis contrariantur matrimonio quam odium. Ergo illa potius debuerunt esse causa repudii quam odium.

4. Præterea. Odium potest creari ex virtute eius qui odio habetur. Si ergo odium est sufficiens causa, tunc mulier posset repudiari propter virtutem suam; quod est absurdum.

5. Præterea. Deuteronom. 24. 1. dicitur: Si (b) duxerit vir uxorem suam, & postea odio eam habuerit, & obiecerit ei stuprum, aut coniugium, si in probatione defecerit, verberabitur, & centum siclis argenti condemnabitur, & non poterit eam dimittere omni tempore vitæ suæ. Ergo odium non est causa sufficiens repudii.

## QUAESTIUNCULA II.

1. Ulterius. Videtur quod repudii causæ debebant in libello scribi. Quia per libellum repudii scriptum a pœna legis absolvebatur. Sed hoc omnino videtur iniustum, nisi causis sufficientibus repudii assignatis. Ergo oportebat illas scribere in libello.

2. Præterea. Ad nihil illa scripta valere videbantur, nisi ut causæ repudii ostenderentur. Ergo signum inscribebantur, frustra libellus ille sibi tradebatur.

3. Præterea. Hoc Magister dicit in littera.

Sed contra. Causæ repudii aut erant sufficientes, aut non. Si sufficientes, præcludebatur mulieri via ad secundas nuptias, quæ ei secundum legem concedebantur. Si autem insufficientes, ostendebatur iniustum repudium; & sic repudium fieri non poterat. Ergo nullo modo causæ repudii inscribebantur.

## SOLUTIO I.

Respondeo dicendum ad primam questionem, quod causa permissionis repudiandi uxorem fuit vitatio uxoricidii, ut sancti communiter dicunt. Proxima autem causa homicidii est odium, & ideo proxima causa repudii est odium. Sed odium ex aliqua causa causatur, sicut & amor: & ideo etiam oportet alias causas repudii ponere remotas, quæ erant causa odii. Dicit autem Augustinus \* in Glossa Deuteronom. 24. 1. *Multa erant in lege causæ dimittendi uxores: Christus solum fornicationem excipit; ceteras malestias inibi pro fide, & castitate coniugii sustineri.* Hæ autem causæ intelliguntur seditates in corpore, puta infirmitas, vel aliqua notabilis macula; vel in anima, sicut fornicatio, vel aliquid huiusmodi, quod in moribus inhonestatem facit. Sed quidam has causas magis coarctant, satis probabiliter dicentes, quod non licebat uxorem repudiare, nisi propter aliquam causam post matrimonium supervenientem; nec propter quamlibet talem, sed propter illas solum quæ possunt bonum prolis impedire, vel in corpore, ut sterilitas, aut lepra, vel aliquid huiusmodi; vel in anima, ut si esset malorum morum, quos filii ex conversatione ad ipsam imitarentur. Sed quidam Glossa \*\* super illud Deuteronom. 24. 1. *Cum non inveneris gratiam* &c. videtur magis arctare, scilicet ad peccatum, cum dicit ibi,

V 2 per

(a) Vulgata: *Cum odio habueris, dimitte.* (b) *et.* dimiserit.

EX EDIT. P. NICOLAI. \* Quod ex Augustino subiungitur, ex Lib. I. de Serm. Domini in monte cap. xxv. desumptum est, et verbis paululum immutatis. \*\* Partem interlinealem, partem collateralis ex Rabano.

per seditatem peccatum intelligi. Sed peccatum Glossa nominat non solum in motibus animæ, sed etiam in natura corporis.

Sic ergo prima duo concedimus.

Ad tertium dicendum, quod sterilitas, & alia huiusmodi sunt causa odii; & sic sunt causæ remota.

Ad quartum dicendum, quod propter virtutem non est aliquis odibilis per se loquendo: quia bonitas causa est amoris: & ideo ratio non sequitur.

Ad quintum dicendum, quod hoc datur in pœnam viri, quod non posset in perpetuum repudiare uxorem in casu illo, sicut etiam in alio casu, quando puellam deffloraverat.

### SOLUTIO II.

Ad secundam quæstionem dicendum, quod causæ repudii in speciali non scribebantur in libello, sed in generali, ut ostenderetur iustum repudium. Sed secundum Iosephum (Lib. IV. antiquit. cap. viii.) ut mulier habens libellum conscriptum de repudio alteri posset nubere: alias enim ei traditum non fuisset: unde secundum eum erat scriptura talis: *Promissa tibi quod numquam tecum conveniam*. Sed secundum Augustinum (Lib. XIX. contra Faustum cap. xxvi.) ideo libellus scribebatur, ut mora interveniente, & consilio scribarum disfluente, vir a proposito repudiandi desisteret.

Et per hoc patet solutio ad obiecta.

### QUAESTIO III.

**D**Einde quæritur de virginitate: & circa hoc quærentur tria.

Primo. Quid sit virginitas.

Secundo. Utram sit virtus.

Tertio. De comparatione eius ad alias virtutes.

### ARTICULUS I.

*Utrum virginitas sit perpetua meditatio incorruptionis in carne corruptibili.*

2. 2. quæst. cxi. art. 1. ad 1.

**A**D primum sic proceditur. Videtur quod virginitas non sit in carne corruptibili incorruptionis perpetua meditatio, ut Augustinus dicit in Lib. de nuptiis & concupiscentia (cap. xxi.). Quia post resurrectionem sanctæ virgines suam virginitatem

non amittunt. Sed tunc non erunt in carne corruptibili. Ergo corruptibilitas carnis non debet poni in definitione virginitatis.

2. Præterea. Virginitas ponitur pars continentie, quæ ad temperantiam reducitur. Sed meditatio non est austeritas temperantie, sed magis intellectualium virtutum. Ergo non debet poni tamquam genus virginitatis.

3. Præterea. Virginitas non est firmius bonum quam caritas, aut alia virtutes, immo magis fragile. Sed perpetuitas non est deratione caritatis: alias caritatem semel habitam non contingeret amittere; quod in III. Lib. dist. xxxi. (quæst. 1. art. 1.) improbatum est. Ergo nec perpetuitas in definitione virginitatis poni debet.

4. Præterea. Incorruptionis perpetua meditatio tollitur per corruptionem mentis, de qua dicitur Matth. v. 28. *Qui viderit mulierem ad concupiscendam eam, iam mæchatur est eam in corde suo*. Sed per hoc non tollitur virginitas: quia talis corruptio reparari potest, non autem virginitas, ut in littera dicitur. Ergo virginitas non est perpetua incorruptionis meditatio.

5. Præterea. Perpetua incorruptionis meditatio sine concubitu perditur non solum mente, sed etiam carne, sicut patet in peccatis contra naturam. Sed sine concubitu virginitas non perditur: quia, ut Augustinus dicit in Libro de virginitate (cap. xxi.) *virginitas est per piam continentiam ab omni concubitu immunitas*. Ergo idem quod prius.

6. Præterea. Ambrosius dicit in Lib. de virginitate (vel Lib. I. de virginibus cap. iv.) quod virginitas est experta contagionis integritas. Sed contaminatur corpus per pollutionem nocturnam. Ergo virginitas secundum hoc amittitur; non autem perpetua incorruptionis meditatio perditur: ergo &c.

7. Præterea. Virginitas potest per violentiam auferri: alias ille qui contraheret cum illa quæ per violentiam ab alio deffloratur, non efficeretur irregularis. Non autem perpetua (a) incorruptionis meditatio. Ergo idem quod prius.

### SOLUTIO.

Respondeo dicendum, quod virginitas, ut ex dictis Ambrosii patet, integritas quædam est: unde per privationem corruptionis dicitur, quæ in actu generationis accidit, ubi triplex corruptio est. Una corporalis tantum, in hoc quod elaustra pudoris franguntur. Alia spiritualis, & corporalis simul,

ex

(a) Al. carnis meditatio.

ex hoc quod per decisionem, & motum feminis in sensu delectatio generatur. Tertia est spiritalis tantum ex hoc quod ratio huic delectationi se subicit, in qua integritatem perdit quantum ad actum: quia impossibile est aliquid intelligere in ipsa, ut Philosophus dicit in Libro VII. Ethicor. (cap. xi. vel xii.) unde ipsa rationis absorptio corruptio dicitur. Hæc autem tertia corruptio non est rationis actus, sed quedam passio, per accidens ei conveniens ex passione inferioris partis, sicut per somnum, vel phrenesim, & alias passiones corporales contingit rationis actum impediri per accidens. Cum ergo virtus, & vitium in actu rationis contentientis, & dissidentis perficiatur; in omnibus prædictis corruptionibus non invenitur sufficiens ratio vitii, aut virtutis; sed oportet addere rationis consensum, vel dissensum. Et quia virginitas in genere moris est pertinetens ad virtutem, ideo dicit Lucia, quod non inquinatur corpus, nisi de consensu mentis, iniquatione scilicet quæ virginitatis puritati opponitur. Prima ergo corruptio, quæ est corporalis tantum, non est materia virtutis, vel vitii, nisi per accidens mediante aliqua animæ passione: unde si per aliquam incisionem claustra pudoris rumpantur, non maius detrimentum virginitati inerit quam si pes, aut manus gladio incideretur. Sed secunda, & tertia corruptio sunt materia virginitatis, (a) & oppositi eius, sicut & alie passiones animæ sunt materia virtutum moralium, & oppositorum vitiorum. Sed in actu rationis eligentis, vel repudiantis corruptiones prædictas finaliter perficitur inquinatio quam virginitas privat, & per consequens ipsa virginitas; & ideo Augustinus in distinctione prædicta posuit hoc quod ex parte rationis se habet, scilicet meditationem, quasi virginitatis genus, ponens (b) actum pro habitu, sicut frequenter fieri solet; incorruptionem autem posuit quasi obiectum, sive materiam; sed addit subiectum determinatum per hoc quod dicit, *In carne corruptibili*; quia privatio, & habitus nata sunt fieri circa idem.

Ad primum ergo dicendum, quod quamvis post resurrectionem sancti carnis corruptionem non habeant, habent tamen naturam carnem, quæ corruptibilis fuit: & ideo in eis esse poterit virginitas sicut in subiecto; non autem in Angelis, in quibus corruptio quam virginitas privat, nata esse non fuit: & præcipue hoc ad rationem virgini-

tatis sufficit, (c) quæ non solum respicit quod præsens est, sed quod præteritum est. Non enim est virgo ex hoc solum quod non corruptitur, sed ex hoc est etiam quod nunquam corrupta fuit.

Ad secundum dicendum, quod quamvis actus moralis virtutis in voluntate perficiatur, tamen ratio formam virtutis in ea ponit, ut dicitur in VI. Ethic. (cap. xviii.) & ideo quidam Socratici omnes virtutes scientias dicebant: & hoc modo loquendi utitur hic Augustinus meditationem pro electione ponens.

Ad tertium dicendum, quod in actu virtutis non solum requiritur discretio ex parte rationis, sed etiam firmitas quedam ex habitu inclinante ad actum per modum naturæ. Et sicut causæ naturales, quantum est de se, ordinatæ sunt immobiliter ad effectus proprios; ratione cuius dicere possumus, Lapis perpetuo descendit deorsum, quamvis hoc quandoque impediri possit: ita & habitus virtutis, quantum est de se, immobiliter ordinatur ad actum proprium, quamvis quandoque habens actum virtutis contrarium agat: & ratione perpetuæ immobilitatis consuevit poni perpetuum in distinctionibus virtutum, sicut in princ. Digestorum dicitur, quod iustitia est constans & perpetua voluntas: & sic etiam Augustinus ponit perpetuum in distinctione virginitatis, quamvis virginitatem quandoque habentes, eam amittant; ut sic in prædicta distinctione discretio electionis, quæ est actus virginitatis, secundum quod ad genus pertinet moris, ex meditatione intelligatur, sed immobilitas ex perpetuitate.

Ad quartum dicendum, quod corruptio mentis, ut ex dictis accipi potest, est duplex. Una quæ est quasi passio mentis, quando mens subditur delectationi quæ in coitu solet accidere: & quia hæc delectatio completur in feminis diffillatione, ideo talis corruptio mentis non potest accidere sine aliqua corruptione carnis, quæ dicta est fieri per feminis decisionem. Alia autem est corruptio mentis, quæ est actus eius, scilicet consensus, aut electio prædictæ corruptionis. Sed quia vires inferiores sequuntur motum superiorum, ideo quandoque contingit quod ex actu mentis cogitantis de corruptione carnis, & intendentis delectationem ipsius experiri, calor excitatur in corpore, & semen distillat, & causatur delectatio, qua mens suffocatur sicut in coitu; & tunc absque dubio virginitas est amissa. Si autem corruptio

stat

(a) *id.* & opposita eius. (b) *id.* actum prohibitum. (c) *id.* quod.

filat in actu mentis consentientis, amittitur quidem virginitas secundum illud formale quod habet in mente, non autem ratione eius quod est materiale in ipsa: unde talis non potest dici virgo nisi materialiter. Et ideo hæc virginitatis amissio potest recuperari, non autem illa virginitatis amissio in qua etiam illud quod est materiale subtrahitur: quia virginitas ex parte sui actus respicit tantum præsens, aut futurum, sicut est in qualibet virtute: electio enim aut præsens, aut futurum respicit, non autem præteritum: sed ex parte materiz non solum præsens, sed præteritum respicit. Dicitur enim virgo quæ elegit incorruptionem, quæ est materialis in virginitate, quam numquam amisit, & habere, & conservare intendit. Non autem exigitur quod numquam contrariam electionem habuerit, sed quod numquam contrariam corruptionem. Ex hoc autem virginitas amissa recuperari non potest, quia illud quod in præteritum transit, recuperari non potest.

Ad quintum dicendum, quod illæ quæ sine concubitu se corrumpunt, non est dubium quod virginitatem amittunt, etiam quantum ad id quod est materiale in ipsa: quia ethi concubitus non adit, adest tamen delectatio, quæ in concubitu corruptionem virginitatis facit. Si autem luxuria contra naturam tempus perfectæ ætatis præveniat, cum non adit seminis decisio, & per consequens nec delectatio completa mentem sufficiens, non amittitur virginitas quantum ad id quod est materiale in ipsa.

Ad sextum dicendum, quod passiones partiz sensitivæ non possunt esse materia virtutis, nisi secundum quod sunt ordinabiles a ratione in eis medium ponente, prout concupiscibilis, & irascibilis obediunt rationi: & ideo delectatio quæ in somnis accidit cum seminis decisione, non est materia virtutis: & propter hoc nec talis corruptio incorruptionem tollit, quæ est virginitatis materia: & ideo ratione talis pollutionis virginitas non perditur. Et similis ratio est de muliebus quæ dormientes, & inebriatæ, aut amentes a viris cognoscuntur: nisi forte hac intentione dormitum irent, ut a viro cognoscerentur.

Ad septimum dicendum, quod illud cuius principium totaliter est extra, non est ordinabile a ratione: & ideo eadem ratione nec illæ quæ per violentiam corrumpuntur sive ab homine, sive a demone incubo, virginitatem amittunt, si quantum possunt revertantur, ut conservent corpus a corruptio-

ne immune, vel saltem mentem contrariam consensui. Quia tamen in significationibus sacramentorum magis attenditur quod exterius geritur quam quod interius fit, irregularitas quæ ex defectu significationis in sacramento causatur, nihilominus induceretur in illum qui virginem desloratam violenter duceret in uxorem: & præcipue cum propter delectationem nimiam ratio in actu illo suffocetur, difficillimum est tali delectationi dissentire in statu illo: & ideo præsumptio videtur esse quod consenserit.

## ARTICULUS II.

### *Utrum virginitas sit virtus.*

#### 2. 2. quæst. ciii. art. 3.

1. **A**D secundum sic proceditur. Videtur enim quod virginitas non sit virtus. Omnis enim virtus consistit in medio. Sed virginitas non consistit in medio, sed maxime in extremo: quia consistit in abstinendo ab omni delectabili, circa quod est castitas. Ergo non est virtus.

2. Præterea. Virtutum usus, cum sint de iure naturali, omni tempore licuerunt. Sed in statu naturæ conditæ non licuisset virginitatem servare, quia esset contra præceptum, ut habetur Gen. 1. 28. *Crescite, & multiplicamini*: similiter nec tempore legis Moyli, quando qui non relinquebat semen super terram, maledictioni legis subiacebat. Ergo virginitas non est virtus.

3. Præterea. Nulla virtus est quæ amitti possit sine peccato, & quæ per poenitentiam non recuperetur. Sed virginitas amittitur sine peccato in actu matrimoniali, nec per poenitentiam potest recuperari. Ergo non est virtus.

4. Præterea. Omnis virtus est habitus acquisitus, vel infusus. Sed virginitas est in illis qui non habent aliquem habitum acquisitum, vel infusum, sicut in pueris non baptizatis. Ergo non est virtus.

5. Præterea. Omnis virtus ordinatur ad actum aliquem. Non autem virginitas, sed magis importat privationem actus. Ergo non est virtus.

6. Præterea. Qui habet unam virtutem, habet omnes. Sed qui caret virginitate, quandoque habet alias virtutes. Ergo virginitas non est virtus.

7. Præterea. Virtute nullus male utitur. Sed virginitate aliquis male utitur, ut patet de virginibus satuis, Matth. xxv. Ergo non est virtus.

8. Præ-



8. Præterea. Continentia virginalis dividitur contra matrimonialem, & virdualem. Sed matrimonium non ponitur virtus, neque viduitas. Ergo neque virginitas est virtus.

Sed contra est quod dicitur I. Corinth. vii. 7. *Unusquisque proprium donum habet ex Deo: & loquitur de virginitate.* Dona autem Dei spiritualia virtutes sunt. Ergo virginitas est virtus.

Præterea. Ambrosius dicit in Lib. de virginitate (in proemio.) *Invitat (a) virginitatis amor ut de virginitate aliquid dicamus, ne velut tranſitu quodam præterita videatur qua principalis est virtus.*

Præterea. Nihil meretur præmium nisi virtus. Sed virginitati debetur præmium, scilicet fructus centesimus, ut sancti dicunt, & aureola. Ergo est virtus.

## SOLUTIO.

Respondeo dicendum, quod sicut dationes, & sumptus sunt materia liberalitatis, ita delectationes in venereis sunt materia castitatis, & continentie. In genere autem dationum magnitudo sumptuum exigit specialem virtutem, quæ magnificentia vocatur propter sui difficultatem. Et quia temperantia, vel castitas in cohibendis delectationibus magnam habet difficultatem, ideo illud quod est præcipuum in ista materia, maximam habens difficultatem, scilicet ab omni corruptione carnalis delectationis immunitas, specialem virtutem exigit, quæ virginitas dicitur: unde si virginitas pro sui completa ratione, ut dictum est, accipitur, sic virginitas est specialis virtus: sic enim nihil aliud importat quam electionem conservandi incorruptionem: & hæc electio, si sit perfecta, ex aliquo habita virtutis procedere debet. Tamen virginitas super hoc ponit statum virtutis, in quo habitus in actum exire possit. Non autem potest exire in actum electionis incorruptionem servandi, nisi sit incorrupta: quia electio impossibile non est: impossibile autem est incorruptionem amissam recuperare. Sed materiam magnificentie amissam possibile est recuperare; & quantum ad hoc est dissimile de magnificentia, & virginitate. Alii autem dicunt, quod virginitas non nominat virtutem, sed statum perfectum virtutis: & hac ratione sancti quandoque eam virtutem nominant: & secundum hanc opinionem facile est respondere ad obiecta. Sustinendo tamen primam

opinionem respondendum est ad obiecta.

Ad primum ergo dicendum, quod apud Theologos, ut quidam dicunt, virtus non semper est in medio. Sed hoc dicentes ignorant quid sit medium virtutis. Cum enim medium virtutis accipitur secundum rationem rectam, si aliquid non sit in medio, non est secundum rationem rectam; & sic non potest esse laudabile, neque virtuosum. Et ideo dicendum est, quod virginitas est in medio rationis rectæ: quod quidem medium non accipitur semper secundum quantitatem eius circa quod est virtus, quæ quantitas est inter superfluum & diminutum, cum sint aliquæ virtutes quæ perveniant ad maximam quantitatem in propria materia, sicut nullus maioribus se dignificat quam magnanimus, nec aliquis maiores sumptus facit quam magnificus, ut patet in IV. Ethic. (cap. vii. vel viii.) sed accipitur secundum proportionem omnium circumstantiarum vestientium actum: & sic ille qui maxima dona dat, in medio consistit in eo quod mediocritas servatur in dando cui debet, & quod debet, & propter quod debet; & superfluum est in eo quod datur ubi non debet, vel propter quod non debet, etiam si maiora dentur. Similiter etiam virginitas quamvis sit in ultimo extremi quantum ad id circa quod est, quia ab omni corrumpente delectatione abstinet; tamen est in medio, inquantum alias debitas circumstantias mediocriter servat: & superfluum esset, si aliquis servare vellet virginitatem quando non deberet, sicut tempore legis Moyſi; vel propter quod non deberet, sicut virgines vestales; similiter secundum alias circumstantias.

Ad secundum dicendum, quod, sicut dictum est, medium virtutis accipitur secundum proportionem circumstantiarum ad rationem rectam: & quia tempus est una de circumstantiis, non est inconveniens aliquid esse licitum uno tempore quod est licitum, vel virtuosum, si alio tempore fiat: & ideo si in tempore quo Deus ad multiplicationem generis humani, vel cultus divini homines operi coniugali insistere volebat, aliquis proprio motu incorruptionem servasset, fuisset in extremo diminutionis: quia abstinuisset a delectabili omni, quando non debuisset: sed postea facta multiplicatione humani generis, vel colementi Deum sufficienti, non peccasset virginitatem servans etiam in lege Moyſi, vel in statu naturæ integræ, si homo

(a) Nicolaus ex Ambrosio: *Invitat nunc integralis amor ut aliquid de virginitate dicamus, ne velut tranſitu quadam præterita videatur etc.*

mo non peccasset: nec fecisset contra preceptum, quia multiplicatio potest fieri per alios, sed supra preceptum.

Ad tertium dicendum, quod status ille virtutis quo virtus in actum suum exire potest, potest amitti sine peccato, & cum peccato indifferenter; tamen recuperatur per poenitentiam: sicut aliquis dicitur magnificus potest dare omnia sua pauperibus, & sic sine peccato suo ei eveniret quod in actum exterioriorem virtutis exire non poterit. Si autem in turpes usus facultates suas consumat, hoc erit cum peccato; nec tamen per poenitentiam statum primum recuperabit. Et ideo virginitas, quae statum illum (a) dicit virtutis, in quo virtus potest exire in actum, & per peccatum amittitur in fornicatione, & sine peccato in actu matrimoniali; nec umquam per poenitentiam recuperatur.

Ad quartum dicendum, quod illud quod est materia virginitatis, potest esse in illis qui nullum habitum virtutis habent, sicut in pueris ante baptismum, in quibus est primus virginitatis gradus quem natura dedit, & sicut in illis qui ad tempus incorruptionem praedictam servare volunt, tamen cum proposito nubendi suo tempore, qui habent secundum virginitatis gradum, nec tamen dicuntur virgines nisi materialiter. Sed completa ratio virginitatis, prout est virtus, non est nisi in illis qui habent electionem conservandi integritatem hactenus custodi tam ulque in finem, sive sine voto, vel cum voto; & haec electio perfecta esse non potest sine habitu informante ipsam. Si autem sit informis, erit actus virtutis sicut virtutem praecedens, sicut & de aliis actibus virtutum contingit.

Ad quintum dicendum, quod temperantia, sicut in III. Lib. dist. xxxiii. (quaest. 111. art. 2. quaestiuinc. 1.) dictum est, principaliter consistit in cohibendo delectationes: unde de principali intentione sua habet quendam actum interioriorem, scilicet electionem refrenandi concupiscentias; sed exterioriorem non habet quantum ad id quod est principale in ipsa nisi per accidens, & ex consequenti, in hoc scilicet quod aliquos actus exteriores adhibet ad cohibendum a delectationibus, quos magis imperat quam eliciat, sicut recedendo ab aspectibus concupiscentibus: uti enim delectationibus secundum mensuram rationis est de secundaria intentione temperantiae. Et quia virginitas est principalissimum in temperantia, ideo non habet actum exterioriorem nisi ex conse-

quenti; sed omnino usum exterioriorem concupiscentiae cohibet.

Ad sextum dicendum, quod ille qui habet unam virtutem, habet aliquo modo omnes, non tamen quantum ad omne id quod est in virtute, sicut qui habet liberalitatem, quandoque non habet magnificentiam quantum ad statum illum quo possit exire in actum exterioriorem; & similiter qui habet temperantiam, non habet statum quem virginitas (b) dicit, propter imperfectionem; quamvis habeat id quod facit rationem virtutis in virginitate: sicut e contrario propter perfectionem Christus habet caritatem, non tamen eandem, propter statum imperfectionis quem fides importat, etsi habeat quiddam eius perfectionis, & virtuositatis in fide.

Ad septimum dicendum, quod materia virginitatis, quam fatuae virgines habere possunt, aliquis male utitur, non autem virginitate accepta secundum suam completam rationem.

Ad octavum dicendum, quod viduitas, & matrimonium non important aliquem alterum gradum circa materiam temperantiae, sicut virginitas: unde non est similis ratio.

### ARTICULUS III.

*Utrum virginitas maior sit omnibus virtutibus.*

2. 2. quaest. cii. art. 5.

1. **A**D tertium sic proceditur. Videtur quod virginitas maior sit omnibus virtutibus. Decor enim est de ratione virtutis. Sed virginitatis decor est maximus. Ergo ipsa est maxima virtutum. Probatio mediae. Ambrosius in Lib. de virginitate (cap. iv.) dicit: *Pulchritudinem quis potest maiorem aestimare decore eius, scilicet virginitatis, quae amatur a Rege, probatur a iudice, dedicatur Domino, consecratur Deo, semper sponsa, semper innupta, ut nec amor suum habeat, nec dampnum pudor? Hec autem perfecta vera pulchritudo est cui nihil deest, quae sola meretur audire a Domino: Tota formosa es, etc.*

2. Praeterea. Cyprianus dicit (in tract. de habitu virginum pene in princ.) *Nunc nobis ad virginis sermo est: quarum quo sublimior gloria est, maior cura. Flus est illi ecclesiastici germinis, decus atque ornamentum gratie spiritualis, illustrior portio gregis Christi.* Ergo idem quod prius.

3. Praeterea. Maius premium maiori virtuti debetur. Sed virginitati debetur maximum.

num primum, scilicet fructus centesimus, & aureola. Ergo &c.

4. Præterea. Maxima dignitas virtutum est quod per eas Deo coniungimur. Sed propinquissime Deo coniungit virginitas: quia incorruptio facit esse proximum Deo, ut dicitur Sapient. v. & in Apoc. ( cap. xiv. ) dicitur, quod virgines sequentur agnum quocumque ierit. Ergo est maxima virtutum.

5. Sed contra est quod in littera dicitur, quod calibatus Ioannis non præfertur coniugio Abraham.

6. Præterea. Bernardus dicit super Evangelium, *Missus est* ( hom. 111. ) quod plus placuit ( Deo scilicet ) humilitas Mariæ, quam ipsius virginitas. Ergo virginitas non est maxima virtutum.

### SOLUTIO.

Respondeo dicendum, quod una virtus & quantum ad actum, & quantum ad habitum potest dici excellentior alia dupliciter, scilicet per se, & per accidens. Per se quidem mensuratur actus virtutum ex ratione obiecti sui, ex quo speciem habent; sed per accidens ex parte subiecti, sicut actus etiam in parvis rebus dicitur melior, si fiat ex magis prompta voluntate, vel tempore magis opportuno, & aliis infinitis modis: quia causæ per accidens infinitæ sunt, & propter hoc teliunguntur ab arte. Unde hac comparatione omissa, sciendum est, quod cum bonum spirituale sit nobilius, & melius quam bonum corporis, virtutes illæ quæ habent pro obiecto bonum spirituale, sunt simpliciter meliores quam illæ quæ habent aliquod ( a ) corporale adiunctum: & ideo virtutes intellectuales, & theologice sunt digniores quam virtutes morales, quæ sunt circa actus, & passiones aliquo modo corporales: & inter virtutes morales illa per se loquendo est melior quæ magis appropinquat ad prædictas; quæ quidem appropinquatio potest attendi dupliciter. Uno modo quantum ad convenientiam subiecti: & sic iustitia, quæ est in voluntate, est propinquissima, & dignissima: & post hoc fortitudo, quæ est in irascibili, quæ est quasi quoddam confinium rationis, & sensualitatis, ut in III. Lib. dist. xxvi. ( quæst. 1. art. 1. in corp. ) dictum est, & ultimo temperantia, quæ est in concupiscibili. Alio modo potest attendi propinquitas virtutis moralis ad intellectualem prout disponit ad ipsam: & sic inter omnes morales propinquissima est temperantia, quia per delecta-

S. Tb. Oper. Tom. XIII.

( a ) scilicet corporale ut corporali adiunctum. ( b )

tionem, quæ sunt eius materia, maxime nata est ratio ( b ) enervari: & inter partes temperantiæ præcipue castitas, quia in delectationibus circa quas est, ratio totaliter obruitur. Unde Commentator dicit in VII. Physic. ( com. xx. ) quod castitas maxime valet ad scientias speculativas; & in genere castitatis præcipue virginitas. Sic ergo dicendum est, quod virginitas non est dignior omnibus aliis virtutibus; sed est dignior aliquo modo omnibus virtutibus moralibus, & simpliciter, & per se loquendo omnibus speciebus temperantiæ.

Ad primum ergo dicendum, quod delectationes circa quas est temperantia, sunt turpissimæ, ut in VII. Ethic. patet ( cap. 111. ) eo quod sunt in communibus nobis & brutis: unde temperantia, quæ hæc cohibet, præcipue vendicat sibi pulchritudinem communem omnibus virtutibus, sicut fortitudo vendicat sibi difficultatem, iustitia rectitudinem: & propter hoc virginitas, quæ est summus temperantiæ gradus, ( c ) summum decorem sibi vendicat; non tamen sequitur quod sit dignissima virtus.

Ad secundum dicendum, quod omnia verba prædicta Cypriani, quæ excellentiam ostendunt virginitatis, pertinent ad pulchritudinem: unde eodem modo dicendum est sicut ad primum. Vel dicendum, quod virgines habent cum virginitate alias virtutes; alii autem non habent virginitatem cum aliis virtutibus; & ideo non est eadem ratio comparandi virginitatem cum aliis virtutibus, & virgines aliis omnibus.

Ad tertium dicendum, quod aureola est præmium accidentale, & fructus similiter. Præmium autem essentiale est dignius accidentali; ideo, simpliciter loquendo, illæ virtutes sunt potiores quibus maius præmium essentiale debetur: præmium autem accidentale non tam respicit virtutis radicem quam statum virtutis. Et præterea aureola non solum virginibus debetur, sed & martyribus, & doctoribus; fructus autem soli continentia debetur, in qua summum locum tenet virginitas: quia per continentiam reprimuntur illæ delectationes quæ maxime gustum spiritualis dulcedinis impediunt, quem fructus suo nomine importat.

Ad quartum dicendum, quod incorruptio facit esse proximum Deo, in quem corruptio non cadit, per quamdam similitudinem imitationis: & quia Deo magis possumus esse similes mente quam carne, ideo incorruptio mentis, quæ omni peccato opponitur, & per

X omnem

scilicet, ( c ) scilicet summam decorem.

omnem virtutem est, facit Deo esse proximum. Sed virginitas habet utramque in corruptionem: & ideo quantum ad plura facit Deo similem, scilicet in corpore, & anima, ratione cuius dicitur quod sequitur agnum quocumque ierit; & Ambrosius dicit, quod nihil ei deest. Nec tamen sequitur quod magis facit virginitas Deo proximum quam omnes virtutes, sed secundum plura.

Ad quintum dicendum, quod in littera matrimonium Abrahamæ æquiparatur calibatus Ioannis quantum ad meritum personarum: quia tantum merebatur Abraham in coniugio, sicut Ioannes in virginitate, quia ex æquali promptitudine serviebat Deo secundum statum sui temporis: & hæc comparatio est per accidentalitatem virtutum.

Ad sextum dicendum, quod humilitas videtur virtutibus propinquissima esse, quia per eam homo se ex reverentia Deo subiicit, & per consequens aliis propter Deum: & ideo, simpliciter loquendo, virginitatem humilitas excedit.

#### EXPOSITIO TEXTUS.

**M**aledicta erat sterilis, quæ non relinquebat semen super terram. Hæc maledictio non est culpæ, sed pænæ; non tamen quantum ad defectum naturæ quem habet virginitas in prolis defectu, sed quantum ad infamiam, quia opprobrio habebatur.

Immoderatus usus coniugii nostri temporis, turpitudinem fere imitatur fornicationis illius temporis. Hoc dicitur quantum ad intentionem eorum qui nunc ut plurimum contrahunt matrimonium propter infirmitatem libidinis, qua ratione antiquitus fornicabantur: & ideo addit fere, quia fornicatio omnino erat peccatum mortale; non autem omnis immoderatus usus coniugum.

Facilius continere possent, quam nos scilicet possumus, propter magnitudinem virtutis quæ in eis erat, vel quam ipsi possent matrimonio coniungi, considerata vi honestatis, quæ iustos trahit; ut difficile sit eis peccare, vel in aliquo a perfecto statu virtutis declinare.

Publici muneris gratia privatam culpam

prætexit. Sciendum, quod quamvis Loth crederetur immunis a peccato mortali fuisse; filius tamen eius non omnino excusatur a peccato mortali, sed ex pietate intentionis minus peccaverunt. Fuit enim levis æstimatione super quam se fundaverunt. Et præterea si eis pro certo constitisset totum genus humanum perisisse, debuissent divinum consilium, & patris expetere in tam horribili læsio, quod erat contra primam institutionem matrimonii, ubi pater, & mater prohibentur Genes. 21. „Propter hoc relinquet homo patrem, & matrem suam.“

*Quæ tamen modificata, & refræcantia temperantia in usum naturalem redacta, libidinem non potest.* Hæc modificatio non attenditur quantum ad delectationis quantitatem in actu, sed quantum ad debitam limitationem circumstantiarum.

Continentia Ioannes in opere... habebat. Continentia accipitur hic cessatio a carnali opere omnino.

Eas enim nunc uxores appellat Scriptura, nunc concubinas. Quidam dicunt, quod non erant vere uxores; sed quia uxorio affectu, & intentione prolis eis coniungebantur, quandoque uxores dicuntur. Alii dicunt, quod vere uxores erant; sed dicuntur concubinae, quia ancillæ manebant, & filii non earum, sed dominarum suarum nomine nascebantur: & hoc verius videtur.

Plures habere, non plurimas. Plurimæ dicuntur quibus non potest opere carnali ad prægnandum satisfieri sine mentis enervatione: frequentia enim talis actus omnino mentem enervat.

Non potest caro corrumpi, nisi mens ante fuerit corrupta. Hoc intelligitur de corruptione ad genus mortis pertinente, quam virginitas excludit.

Satiatus (a) est mori fame quam idolotrytis vesci. Contra. I. Timoth. iv. 4. „Nihil reiciendum quod cum gratiarum actione percipitur.“ Et dicendum, quod debet intelligi antequam comederetur in venerationem idoli, vel cum quadam exteriori professione idolatriæ, sicut si a persecutore in signum fidei christianæ fractæ exigetur.

(a) Alii Satiatus est.

## DISTINCTIO XXXIV.

*De personis legitimis.*

**N**unc superest attendere quæ personæ sint legitimæ ad contrahendum matrimonium. Legitimæ iudicantur personæ secundum statuta patrum, quæ diversa sunt. Aliæ namque fuerunt legitimæ ante legem, aliæ sub lege, aliæ in tempore gratiæ. Item in primitiva Ecclesia quædam erant legitimæ quæ modo non sunt. Earum vero quæ modo legitimæ, vel illegitimæ, quædam sunt plene legitimæ, quædam omnino illegitimæ, quædam mediæ. Plene legitimæ sunt quibus non obviat votum continentiæ, vel ordo sacer, vel cognatio, vel dispar cultus, vel conditio, vel naturæ frigiditas, & si quid est aliud. Penitus vero illegitimæ sunt per votum, per ordinem, per cognationem, per disparem cultum. Mediæ vero sunt nec plene legitimæ, nec omnino illegitimæ per frigiditatem, vel per conditionem. Si enim tales iunguntur ignoranter, commanere possunt quibusdam accedentibus causis, & eisdem deficientibus dividi.

*De frigidis separandis.*

**D**E his enim qui causa frigiditatis debitum reddere non possunt, consulit Gregorius \* ut permaneant. Sed si mulier causatur dicens: Volo esse mater, & filios procreare: decrevit ut uterque eorum ( 1 ) septima manu propinquorum iuret quod numquam carnaliter convenerunt; & tunc mulier secundas nuptias contrahat; vir autem qui frigidæ naturæ est, absque spe coniugii permaneant. Ait enim sic: „ Interrogasti de his qui matrimonio iuncti sunt, & nubere non possunt, si ille aliam, vel illa alium ducere possit. De quibus scriptum est: Vir & mulier si se coniunxerint, & post dixerit mulier de viro, quod coire non possit cum ea, si potest probari quod dicit per iustum iudicium, alium accipiat. Si vero ille acceperit aliam, separentur. “ Item: „ De his requisisti qui ob causam frigidæ naturæ dicunt se non posse invicem operam carni dantes committeri. Ille vero si non potest ea uti pro uxore, habeat eam quasi sororem. Quod si retinaculum coniugale voluerit rescindere, maneant utrique innupti: nam si huic non potuit naturaliter concordare, quomodo alteri conveniet? Igitur si vir aliam uxorem vult accipere, manifesta patet ratio, quia suggerente diabolo odii fomitem, exosam eam habuerit, & ideo eam dimittere mendaciter falsitate molitur. Quod si mulier causatur, & dicit: Volo esse mater, & filios procreare: uterque eorum septima manu propinquorum tactis sacrosanctis reliquiis iurandis dicat, ( 2 ) quod numquam per commixtionem carnis coniuncti una caro effecti fuissent. Tunc videtur mulierem secundas posse contrahere nuptias: humanum dico propter infirmitatem carnis. Vir autem qui frigidæ naturæ est, maneant si non coniuge. Quod si & ille aliam coniugem acceperit, tunc hi qui iuraverant, periurii crimine rei teneantur, & poenitentia peccata priora cogantur recipere connubia. Hoc servandum, cum uterque idem fateatur. Sed vir si asserit se debitum reddidisse uxori, & illa diffidetur; cui potius fides habenda sit, merito quaeritur. De hoc ita statutum est: \*\* „ Si quis ( 3 ) acceperit uxorem, & habuerit eam aliquo tempore, & ipsa femina dicit, quod numquam coisset cum ea,

X 2

„ &amp; il-

( 1 ) Nicolai cum septima. ( 2 ) *M.* ut nunquam. ( 3 ) *M.* additur ita.

EX EDIT. P. NICOLAI. \* Eius nomiae in Decretis refertur causa xxxiii. quest. 2. cap. *Requissit*. Sed non aliter quam ex illius epistola sine indice speciali notatur. Nec videtur ex Gregorio Magno sumptum, apud quem non occurrit, ut nec aliud ibi primum caput ex epistola Ioanni Ravennati scripta prænatarum. An Gregorii iunioris est, ex quo Panormitanus relect? Velut ex Gregorio quoque indefinito citat Cælestinus III. cap. *Laudabilem* extra de frigid. & malcf. ubi quæ de septima manu propinquo- rum quaeruntur, videre est, idest septem propinquis presentibus, & simul iurantibus, ut infra. \*\* In Concilio apud Compendium habito, ex quo relectus in Decretis ut supra causa xxxiii. quasi. 2. cap. *Si quis*.

„ & ille vir dicit, quod sic fecit; in veritate viri consistat, quia vir est caput „ mulieris. " Hoc de naturali impossibilitate statutum est.

*De his qui impediti maleficiis coire non possunt.*

**D**E maleficiis autem impedimento hoc tenendum decernitur, \* quod si per for-  
tiarias, & maleficas concubitus non sequitur, hortandi sunt quibus illa eve-  
niant, ut spiritu contrito, & humiliato Deo, & sacerdoti de omnibus peccatis  
confessionem faciant, & lacrymis, atque elemosynis, orationibus, & ieiuniis Do-  
mino satisfaciant; & per exorcismos, ac cetera ecclesiasticæ disciplinæ munimina  
ministri Ecclesiæ rales sanare procurent. Quod si non potuerint, separari vale-  
bunt. Sed postquam alias nuptias expetierint, illis viventibus quibus post iun-  
ctæ fuerint, prioribus quos reliquerant, etiam si possibilitas concumbendi eis reddita  
fuerit, reconciliari nequibunt. Quod in fine huius capituli continetur, ex rigore  
magis dictum intelligendum est quam ex canonica æquitate. Vel intelligendum est  
non posse reconciliari prioribus, nisi iudicio Ecclesiæ, quo divisio facta fuerat.

*De furiosis addit.*

**F**uriosi quoque, dum in amentia sunt, matrimonium contrahere non valent.  
Unde Fabianus: \*\* „ Neque furiosus, neque turisio matrimonium contrahere  
„ possunt; sed si contractum fuerit, non separantur. " Item Nicolaus Papa:  
„ Hi qui matrimonium sani contraxerunt, & uni ex duobus, vel ambobus amen-  
„ tia, vel furor, vel aliqua infirmitas accesserit, ob hanc infirmitatem talium  
„ coniugia solvi non possunt. " Similiter est etiam sciendum de his qui ab adver-  
sariis excæcantur, vel membris truncantur, vel a barbaris exsecti fuerint.

*De his qui cum duabus sororibus dormiunt.*

**D**E his etiam qui cum duabus sororibus, vel cum duobus fratribus dormiant,  
videndum est quid censeant canones. \*\*\* „ Qui dormierit cum duabus so-  
„ roribus, & una ex illis ante fuerit uxor, neutram ex ipsis habeat, nec ipsi  
„ adulteri umquam in coniugio copulentur. " Item: „ Nec propriæ uxori licet si-  
„ bi reddere debitum, quam sibi reddidit illicitam, sororem eius cognoscendo;  
„ nec post mortem uxoris licet ei, vel adulteræ copulari in coniugium. " Item  
Zacharias Papa: \*\*\*\* „ Concubisti cum sorore uxoris tuæ. Si fecisti, neutram ha-  
„ beas: & uxor tua, si non fuerit conscia sceleris, & continere non vult, nu-  
„ bat in Domino cui vult. Tu vero, & adultera sine spe coniugii maneatis, &  
„ dum vivitis, poenitentiam agite. " Quod ait, „ Cui vult nubat, " intelligendum  
est post mortem viri. Unde Gregorius: „ Qui uxores suas in adulterio deprehen-  
„ dunt, nec ille, nec illa aliam uxorem accipiat, vel alium virum, quamdiu ani-  
„ mo vivunt. Si vero adultera mortua fuerit, vir eius, si vult, nubat, adultera ve-  
„ ro nunquam, etsi mortuus fuerit vir eius, sed omnibus diebus poenitentiam la-  
„ menta persolvat. " Hic de illo adulterio agitur quod cum cognato viri, vel  
cum cognata uxoris committitur.

*Non*

**EX EDIT. P. NICOLAI.** \* Ut videre est in Decretis *Ibid. cap. Si per Surtiarias*, quod ex Hincmaro pre-  
notatur; sed nullus addit index, ut nec expresse apud illum occurrit, etsi ex eius opus. de divor-  
tiorum, & Thierbergæ Regine Tom. XV. Biblioth. PP. sparsim colligi potest. \*\* Causa xxxix. in De-  
cretis quæst. vii. cap. *Neque*, ut & *Ibid. cap. Hi qui habetur* quod mox refertur ex Nicolao, nempe I.  
ad Carolum Moguntinensem rescribente. \*\*\* Ex Concilio Aurelianensi prænotatur causa xxvi. quæst. ii.  
cap. *Qui dormierit*; sed in illo non reperiri appendix notat. Sensum illius porro in Concilio I. Moguntino  
cap. lvi. & in Concilio II. sub Rabano cap. xxxi. inveniri causa xxxi. quæst. vii. cap. *Item qui dormi-*  
*ent* annotatur. \*\*\*\* Quod subiungitur ex Zacharia Papa, & Gregorio (sed non Gregorio Magno) ead-  
dem causa xxxi. quæst. vii. respective habetur cap. *Concubisti* quo ad Zachariam Papam. & cap.  
*Hi vero* quo ad Gregorium.

*Non est dimittenda uxor pro aliqua macula, seu deformitate corporis.*

**I**llud etiam sciendum est, quod pro aliqua infirmitate, vel macula corporali; non licet viro uxorem dimittere, & e converso; sed debet alter alteri subsidia providere. Unde Augustinus (de serm. Domini in monte Lib. I. cap. xxxi. l. xviii.) „Si uxorem quis habeat sterilem, sive deformem corpore, vel debilem membris, vel caecam, vel claudam, vel surdam, vel si quid aliud, si ve morbis, vel laboribus, doloribusque confectam, et quidquid excepta fornicatione excogitari potest vehementer horribile; pro societate, fideque sustineat.“

### DIVISIO TEXTUS.

**P**ostquam determinavit Magister de matrimonio, & causis eius, hic determinat de personis contrahentibus matrimonium: & dividitur in partes duas. In prima determinat de impedimentis matrimonii, quae non faciunt personas penitus illegitimas ad contrahendum; in secunda de illis quibus personae penitus ad matrimonium illegitime redduntur, dist. xxxvii. ibi, *Sunt ergo quidam ordines in quibus nullatenus potest contrahi coniugium.* Prima in duas. In prima determinat de impedimento quodam matrimonii, quod facit personam non simpliciter, sed aliquo modo illegitimam, quod consistit in defectu naturae, scilicet frigidityte; secundo de impedimento conditionis secundum mores, & statuta hominum, scilicet servitute, xxxvi. distinct. ibi, *Nunc de conditione videamus an valeat coniugium dividere.* Prima in duas. In prima determinat de impedimento frigiditytis, quod matrimonium contrahendum impedit; in secunda de impedimento per quod actus matrimonii iam contracti impeditur, scilicet de fornicatione, prout est causa divortii, xxxv. dist. ibi, *Hoc etiam notandum est.* Sec. Prima in duas. In prima prosequitur de impedimentis personarum ad contrahendum matrimonium in generali. In secunda descendit in speciali ad impedimentum, de quo primo agere intendit, ibi, *De his enim qui causa frigiditytis debitum reddere non possunt, consulit Gregorius ut permaneant.* Et haec dividitur in duas. In prima ostendit quod frigiditytas praecedens matrimonium impedit ne contrahatur. In secunda ostendit quod superveniens matrimonio ipsum dissolvere non possit, ibi, *Illud etiam sciendum est.* Sec. Prima in duas. In prima determinat de effectu naturae impediens matrimonium, per quem homo impotens redditur ad carnalem copulam. In secunda determinat de effectu peccati, per quem homo ineptus redditur ad

idem, quod etiam matrimonium impedit, scilicet incestus, ibi, *De his etiam qui cum duobus sororibus, vel quae cum duobus fratribus dormiunt, videndum est.* Prima in duas. In prima determinat de impedimento quo natura impotens redditur ad opus carnale; in secunda de impedimento quo impotens redditur ad consentiendum in copulam coniugalem, ibi, *Furiosi quoque dum in amentia sunt, matrimonium contrahere non valent.* Prima in duas. In prima determinat de impotentia coeundi (a) ex causa naturali, scilicet frigidityte; in secunda de impotentia quae est ex maleficio, ibi, *De maleficiis autem impedimento hoc tenendum decernitur.*

### QUAESTIO I.

**H**ic quzruntur quinque.

Primo. De impedimentis matrimonii in generali.

Secundo. Utrum frigiditytas impediatur matrimonium.

Tertio. Utrum maleficio.

Quarto. Utrum furia, vel amentia.

Quinto. Utrum incestus.

### ARTICULUS I.

*Utrum matrimonio convenienter impedimenta assignentur.*

**1.** **A**D primum sic proceditur. Videtur quod matrimonio inconvenienter impedimenta assignentur. Matrimonium enim quoddam sacramentum est contra alia divisum. Sed aliis non assignantur impedimenta. Ergo nec matrimonio assignari debent.

**2.** Præterea. Quanto aliquid est minus perfectum, tanto paucioribus modis impediri potest. Sed matrimonium inter alia sacramenta est minus perfectum. Ergo vel nulla, vel paucissima impedimenta ei assignari debent.

(a) Al. ex causa simili naturali.

3. Præterea. Ubi cumque est morbus, ibi est necessarium remedium morbi. Sed concupiscentia, in cuius remedium matrimonium est indultum, est in omnibus. Ergo non debet esse aliquod impedimentum quod aliquam personam penitus illegitimam faciat ad contrahendum.

4. Præterea. Illegitimum dicitur quod est contra legem. Sed huiusmodi impedimenta quæ matrimonio assignantur, non sunt contra legem naturæ, quia non similiter inveniuntur in quolibet statu humani generis: plures enim gradus consanguinitatis inveniuntur esse prohibiti in uno tempore quam in alio: lex autem humana non potest, ut videtur, matrimonio impedimenta præstare: quia matrimonium non est ex institutione humana, sed divina, sicut & alia sacramenta. Ergo matrimonio non debent aliqua impedimenta assignari quæ faciunt personas illegitimas ad contrahendum.

5. Præterea. Illegitimum, & legitimum differunt per hoc quod est contra legem, vel non contra legem, inter quæ non cadit medium, cum sint opposita secundum affirmationem, & negationem. Ergo non possunt esse aliqua matrimonii impedimenta, quibus personæ mediæ inter legitimas & illegitimas constituentur.

6. Præterea. Nullo impedimento potest a re aliqua removeri, quod in definitione eius cadit. Sed indivisibilitas cadit in definitione matrimonii, ut supra dist. xxvii. (quæst. 1. art. 1. quæstiunc. 3.) patuit. Ergo non possunt esse aliqua impedimenta quæ matrimonio contractum dirimant.

7. Præterea. Coniunctio viri & mulieris non est licita nisi in matrimonio. Sed omnis coniunctio illicita dirimi potest. Ergo si aliquid impedit matrimonium contrahendum, hoc dirimet contractum de facto; & sic non debent aliqua impedimenta assignari matrimonio quæ impediunt contrahendum, & non dirimant contractum.

8. Sed contra. Videtur quod debeant esse infinita matrimonii impedimenta. Quia matrimonium quoddam bonum est. Sed infinitis modis est defectus boni, ut dicit Dionysius iv. cap. de divin. Nomin. Ergo infinita sunt impedimenta matrimonii.

9. Præterea. Impedimenta matrimonii accipiuntur secundum conditiones particularium personarum. Sed conditiones huiusmodi sunt infinitæ. Ergo & matrimonii impedimenta.

Respondeo dicendum, quod in matrimonio sunt quedam quæ sunt de essentia ipsius, & quedam quæ sunt de solemnitate eius, sicut & in aliis sacramentis. Et quia remotis his quæ non sunt de necessitate sacramenti, adhuc manet verum sacramentum; ideo impedimenta quæ contrariantur his quæ sunt de solemnitate sacramenti, non efficiunt quin sit verum matrimonium: & talia dicuntur impedire contrahendum, sed non dirimunt contractum, sicut prohibito Ecclesiæ, & tempus feriatum: unde verius:

*Ecclesia vetitum, necnon tempus feriaturum*

*Impediunt fieri, permittunt iuncta teneri.*

Impedimenta autem quæ contrariantur his quæ sunt de essentia matrimonii, faciunt ut non sit verum matrimonium: & ideo dicuntur non solum impedire matrimonium contrahendum, sed dirimere contractum: quæ his verbis continentur:

*Error, conditio, votum, cognatio, crimen,*

*Cultus disparitas, vis, ordo, ligamen, bonestas,*

*Si sis affinis, si forte coire nequibis:*

*Hæc socianda vitant connubia, facta retrahant.*

Horum autem numerus hoc modo accipi potest. Potest enim matrimonium impediri aut ex parte contractus matrimonii, aut ex parte contrahentium. Si primo modo, cum contractus matrimonii fiat per voluntarium consensum, qui tollitur per ignorantiam, & violentiam; erunt duo impedimenta matrimonii, scilicet vis, idest coactio, & error ex parte ignorantie: & ideo de istis duobus impedimentis supra Magister determinavit, ubi agebatur de causa matrimonii. Nunc autem agit de impedimentis quæ accipiuntur ex parte personarum contrahentium, quæ sic distinguuntur. Potest enim aliquis impediri a matrimonio contrahendo vel simpliciter, vel respectu alicuius personæ. Simpliciter, ut cum nulla possit matrimonium contrahere; & hoc non potest esse, nisi quia impeditur a matrimoniali actu; quod quidem contingit dupliciter. Primo, quia non potest de facto, sive quia omnino non possit, & sic ponitur impedimentum *impotentia coeundi*; sive quia non libere possit, & sic ponitur impedimentum *conditio servitutis*. Secundo quia non licite potest, & hoc secundum quod ad continentiam obligatur, quod



quod contingit dupliciter : quia vel obligatur ex officio susceptio, & sic est impedimentum ordinis; vel ex voto emisso, & sic impedit votum. Si autem impeditur aliquis a matrimonio non simpliciter, sed respectu aliquius personæ, vel propter obligationem ad alteram personam, sicut qui iunctus est uni matrimonio, non potest alteri coniungi, & sic est *ligamen*, scilicet matrimonii; vel quia deficit proptio ad alteram personam, & hoc tripliciter. Primo propter nimiam distantiam ad ipsam, & sic est *disparitas cultus*. Secundo propter nimiam propinquitatem; & sic ponitur triplex impedimentum, scilicet *cognatio*, quæ importat propinquitatem duarum personarum ratione tertiz matris iunctæ; & *publicæ honestatis iniuria*, in qua est propinquitas duarum personarum ratione tertiz personæ per sponsalia iunctæ. Tercio propter indebitam coniunctionem ad ipsam primo factam; & sic impeditur adulterii prius cum ipsa commissi.

Ad primum ergo dicendum, quod alia etiam sacramenta impediri possunt, si aliquid quod sit de essentia, vel solemnitate sacramenti, subtrahatur, ut distum est. Sed tamen magis matrimonio quam aliis sacramentis impedimenta assignantur propter tres rationes. Primo quia matrimonium consistit in duobus; & ideo pluribus modis potest impediri quam alia sacramenta, quæ uni personæ competunt singulariter. Secundo quia matrimonium habet in nobis causam, sed alia quædam sacramenta solum in Deo: unde & penitentiz, quæ habet causam in nobis aliquo modo, Magister supra distin. xvi. quædam impedimenta assignavit, ut hypocrisis, ludus, & huiusmodi. Tercio quia de aliis sacramentis est præceptum, vel consilium, sicut de bonis perfectioribus; sed de matrimonio est indulgentia, sicut de bono minus perfecto: & ideo ut detur occasio proficiendi in melius, plura impedimenta assignantur matrimonio quam aliis sacramentis.

Ad secundum dicendum, quod perfectiora pluribus modis impediri possunt, in quantum ad ea plura requiruntur. Si autem sit aliquod imperfectum ad quod plura requiruntur, illud etiam habebit plura impedimenta; & sic est de matrimonio.

Ad tertium dicendum, quod ratio illa procederet, si non essent alia remedia, quibus etiam posset efficacius morbo concupiscentiz subveniri; quod falsum est.

Ad quartum dicendum, quod personæ illegitimæ ad matrimonium contrahendum dicuntur ex eo quod sunt contra legem quæ matrimonium constituitur. Matrimonium autem, in quantum est in officium naturæ, statuitur lege naturæ; in quantum est sacramentum, statuitur iure divino; in quantum est in officium communitatis, statuitur lege civilis: & ideo ex qualibet distarum legum potest aliqua persona effici ad matrimonium illegitima. Nec est simile de aliis sacramentis, quæ sunt sacramenta tantum. Et quia lex naturalis secundum diversos status recipit determinaciones diversas, & ius positivum etiam variatur secundum diversas hominum condiciones in diversis temporibus; ideo Magister ponit in diversis temporibus diversas personas illegitimas fuisse.

Ad quintum dicendum, quod lex potest aliquid prohibere vel universaliter, vel in parte quantum ad aliquos casus: & ideo inter esse totaliter secundum legem & esse totaliter contra legem, quæ sunt contraria opposita, & non secundum affirmationem, & negationem, cadit medium esse aequaliter secundum legem, & aequaliter contra legem: & propter hoc ponuntur quædam personæ mediæ inter simpliciter legitimæ & simpliciter illegitimæ.

Ad sextum dicendum, quod impedimenta prædicta non dicuntur interimere matrimonium contractum, quasi solventia verum matrimonium, quod rite contractum est; sed quia solvunt matrimonium quod contractum est de facto, & non de iure. Unde si impedimentum aliquod matrimonio rite facto superveniat, matrimonium solvere non valet.

Ad septimum dicendum, quod illa impedimenta quæ non dirimunt matrimonium contractum, impediunt quandoque matrimonium contrahendum, non ut (a) non fiat, sed ut non licite fiat verum matrimonium: & tamen si fiat, matrimonium verum contractum est, quamvis contrahens peccet; sicut si aliquis consecraret post coemptionem, peccaret, contra statutum Ecclesiæ faciens; nihilominus verum sacramentum perficeret: quia ieiunium consecrantis non est de necessitate sacramenti.

Ad octavum dicendum, quod impedimenta quibus aliquod bonum per accidens impeditur, sunt infinita, sicut & omnes causæ per accidens; sed causæ corruptentes aliquod bonum per se, sunt determinatæ, sicut & causæ constituentes: quia causæ constitutio-

nis;

nis, & destructionis sunt alicuius rei oppositæ, vel eodem contrario modo sumptæ.

Ad nonum dicendum, quod conditiones particularium personarum in singulari sunt infinitæ, sed in generali possunt reduci ad certum numerum; sicut in medicina patet, & in omnibus artibus operativis, quæ particularium, in quibus est actus, conditiones considerant.

## ARTICULUS II.

*Utrum frigiditas matrimonium contrahendum impediatur.*

1. **A**D secundum sic proceditur. Videtur quod frigiditas matrimonium contrahendum non impediatur. Copula enim carnalis non est de essentia matrimonii: quia per festiora sunt matrimonia pari voto continentium, ut supra dist. xxvi. dictum est. Sed frigiditas nihil tollit de matrimonio nisi carnalem copulam. Ergo non est impedimentum dirimens contrahendum matrimonium.

2. Præterea. Sicut nimia frigiditas impedit carnalem copulam, ita & nimia caliditas, quæ hominem exsiccat. Sed caliditas non ponitur matrimonii impedimentum. Ergo nec frigiditas poni debet.

3. Præterea. Omnes vetuli sunt frigidi. Sed vetuli possunt matrimonium contrahere. Ergo frigiditas non impedit matrimonium.

4. Præterea. Si scit mulier virum esse frigidum, quando cum eo contrahit, verum est matrimonium. Ergo frigiditas, quantum est de se, matrimonium non impedit.

5. Præterea. Contingit in aliquo esse siccitatem sufficienter moventem ad carnalem copulam cum aliqua corrupta, non autem cum aliqua virgine: quia cito calidum evaporat ratione suæ debilitatis, ut ad corrumpendum virginem non sufficiat. Et similiter in aliquo est sufficiens caliditas movens ad pulchram, quæ magis concupiscentiam inflammatur, quæ non sufficienter movet ad turpem. Ergo videtur quod frigiditas etsi impediatur respectu unius, non tamen simpliciter.

6. Præterea. Mulier universaliter est frigidior viro. Sed mulieres non impediuntur a matrimonio. Ergo nec viri frigidi.

Sed contra est quod dicitur extra de frigidis, & maleficiatis (cap. Quod sedem). Sicut puer, qui non potest reddere debitum, non est aptus coniugio; sic qui impotentes sunt, minime apti ad contrahenda matrimonia repu-

tantur. Tales autem sunt frigidi. Ergo &c.

Præterea. Nullus potest se obligare ad impossibile. Sed in matrimonio homo se obligat ad carnalem copulam, quia ad hoc dat alteri sui corporis potestatem. Ergo frigidus, qui non potest carnaliter copulari, non potest in matrimonium contrahere.

## SOLUTIO.

Respondeo dicendum, quod in matrimonio est contractus quidam, quo unus alteri obligatur ad debitum carnale solvendum: unde sicut in aliis contractibus non est conveniens obligatio, si aliquis se obliget ad hoc quod non potest dare, vel facere; ita non est conveniens matrimonii contractus, si fiat ab aliquo qui debitum carnaleolvere non possit: & hoc impedimentum vocatur impotentia coeundi nomine generali, quæ quidem potest esse vel ex causa intrinseca & naturali, vel ex causa extrinseca accidentali, sicut per maleficium, de qua post dicitur. Si autem sit ex causa naturali, hoc potest esse dupliciter: quia vel est temporalis, cui potest subveniri beneficio medicinæ, vel processu ætatis; & tunc non solvit matrimonium: vel est perpetua, & tunc solvit matrimonium; ita quod ille ex cuius parte allegatur impedimentum, perpetuo maneat abique spe coniugii, alius nubat qui vult in Domino. Ad hoc autem cognoscendum, utrum sit impedimentum perpetuum, vel non perpetuum, Ecclesia tempus determinatum adhibuit, in quo huius rei posset esse experimentum, scilicet triennium; ita quod si post triennium, in quo fideliter ex utraque parte dederunt operam carnali copulæ implendæ, inveniatur matrimonium non esse consummatum, iudicio Ecclesiæ dissolvitur. Tamen in hoc Ecclesia quandoque errat: quia per triennium quandoque non sufficienter potest experiri perpetuitas impotentis. Unde si Ecclesia se deceptam inveniat per hoc quod ille in quo erat impedimentum, invenitur carnalem copulam cum eadem, vel alia perfecisse, reintegrat præcedens matrimonium, & dirimit secundum, quamvis de eius licentia sit factum.

Ad primum ergo dicendum, quod quamvis actus carnalis copulæ non sit de essentia matrimonii, tamen potentia ad hoc est de essentia eius: quia per matrimonium datur utrique coniugum potestas in corpore alterius respectu carnalis copulæ.

Ad secundum dicendum, quod caliditas superflua vix potest esse impedimentum per-

petuum. Si tamen inveniretur quod per triennium impediret carnalem copulam, iudicaretur perpetuum. Tamen quia frigiditas magis, & frequentius impedit ( tollit enim non solum commixtionem seminum, sed etiam (a) rigorem membrorum, quo fit coniunctio corporum ) ideo frigiditas magis hic ponitur impedimentum quam caliditas, cum omnis defectus naturalis ad frigiditatem reducat.

Ad tertium dicendum, quod vetuli quavis quandoque non habeant caliditatem sufficientem ad generandum, tamen habent caliditatem sufficientem ad carnalem copulam: & ideo conceditur eis matrimonium, secundum quod est in remedium, quamvis non competat eis, secundum quod est in officium naturæ.

Ad quartum dicendum, quod in quolibet contractu hoc universaliter tenetur, quod ille qui est impotens ad solvendum aliquid, non reputatur idoneus ad contractum illum quo se obligat ad eius solutionem. Tamen impotens potest esse tripliciter. Uno modo quia non potest solvere de iure; & sic talis impotentia omnibus modis facit contractum esse nullum, sive sciat ille cum quo facit (b) talem contractum hanc impotentiam, sive non. Alio modo quia non sit solvendo de facto: (c) & tunc si sciat ille cum quo contrahit, hanc impotentiam, & nihilominus contrahit, ostenditur quod alium finem ex contractu querit, & ideo contractus stat; si autem nescit, tunc contractus nullus est. Et ideo frigiditas, quæ causat talem impotentiam, ut homo non possit de facto solvere debitum, & conditio servitutis per quam homo non potest de facto libere reddere, impediunt matrimonium, quando alter coniugum ignorat hoc quod alius non potest reddere debitum. Impedimentum autem per quod aliquis non potest de iure reddere debitum, ut consanguinitas, annullat contractum matrimonium, sive sciat alter, sive non: & propter hoc Magister ponit quod hæc duo faciunt personas (d) omnino illegitimas.

Ad quintum dicendum, quod non potest esse perpetuum impedimentum naturale in viro respectu unius personæ, & non respectu alterius. Sed si non possit implere carnalem actum cum virgine, & possit cum corrupta, tunc medicinaliter aliquo instrumento possit clausura pudoris frangere, & ei coniungi. Nec esset hoc contra matrimonium, quia non

*S. Tb. Oper. Tom. XIII.*

fieri ad delectationem, sed ad medicamentum. Abominatio autem mulieris non est causa naturalis, sed accidentalis extrinseca: & ideo de ea idem est iudicium quod de maleficio, de quo post dicitur.

Ad sextum dicendum, quod mas est agens in generatione, sed femina est patiens: & ideo maior caliditas requiritur in viro ad opus generationis quam in muliere: unde frigiditas, quæ facit virum impotentem, non faceret mulierem impotentem. Sed in muliere potest esse impedimentum naturale ex causa alia, scilicet arstatione; & tunc idem est iudicium de arstatione mulieris, & de frigiditate viri.

### ARTICULUS III.

*Utrum maleficium possit matrimonium impedire.*

t. **A**D tertium sic proceditur. Videtur quod maleficium non possit matrimonium impedire. Huiusmodi enim maleficia sunt operatione demonum. Sed demones non habent potestatem impediendi matrimonii actum magis quam alios corporales actus, quos impedire non possunt: quia sic totum mundum perverterent, si comestionem, (e) & gressum, & alia huiusmodi impediret. Ergo per maleficia non potest impediri matrimonium.

2. Præterea. Opus Dei est sortius quam opus diaboli. Sed maleficium est opus diaboli. Ergo non potest impedire matrimonium, quod est opus Dei.

3. Præterea. Nullum impedimentum dirimit contractum matrimonii, nisi sit perpetuum. Sed maleficium non potest esse impedimentum perpetuum: quia cum diabolus non habeat potestatem nisi super peccatores, expulso peccato tollitur maleficium; vel etiam per aliud maleficium, vel per exorcismos Ecclesiæ, qui sunt ordinati ad reprimendam vim demonum. Ergo maleficium non potest impedire matrimonium.

4. Præterea. Carnalis copula non potest impediri, nisi impediatur potentia generandi, quæ est principium eius. Sed unius viri potentia generativa se habet ad omnes mulieres æqualiter. Ergo per maleficium non potest esse impedimentum respectu unius viri, nisi sit respectu omnium.

Sed contra est quod dicitur in Decret.

*Y xxxiit.*

(a) *Fere vigorem.* (b) *Al. talis.* (c) *Al. tamen.* (d) *Al. non omnino.* (e) *Al. & egressu suu.*

xxxiii. quaest. i. ( cap. iv. ) *Si ( a ) per fortissimas, vel maleficas & infra : Si sanari non possunt, separari valebunt.*

Præterea. Potestas dæmonis est maior quam hominis. Iob xl. 24. *Non est potestas super terram quæ comparetur ei.* Sed opere humano potest aliquis fieri impotens ad carnalem copulam per aliquam potestatem, vel castratam; & ex hoc matrimonium impediri. Ergo multo fortius hoc virtute dæmonis fieri potest.

### SOLUTIO.

Respondeo dicendum, quod quidam dixerunt, quod maleficium nihil erat in mundo, nisi in æstimatione hominum, qui effectus naturales, quorum causæ sunt occultæ, maleficiis imputabant. Sed hoc est contra auctoritates sanctorum, qui dicunt, quod dæmones habent potestatem supra corpora, & supra imaginationem hominum, quando a Deo permittuntur: unde per eos malefici signa aliqua facere possunt. Procedit autem hæc opinio ex radice infidelitatis, sive incredulitatis: quia non credunt esse dæmones nisi in æstimatione vulgi tantum, ut terrores quos homo sibi ipsi facit ex sua æstimatione, imputet dæmoni; & quia etiam ea imaginatione vehementer aliqua figuræ apparent in sensu tales quales homo cogitat, & tunc creduntur dæmones videri. Sed hæc vera fides repudiatur, per quam Angelos de cælo cecidisse, & dæmones esse credimus, & ex subtilitate suæ naturæ esse credimus quæ nos non possumus; & ideo illi qui eos ad talia facienda inducunt, malefici vocantur.

Et ideo dixerunt alii, quod per maleficia præstari potest impedimentum carnali copulæ; sed nullum tale est perpetuum: unde non dirimit matrimonium contractum: & dicunt, iura quæ hoc dicebant, esse revocata. Sed hoc est contra experimentum, & contra nova iura, quæ antiquis concordant.

Et ideo distinguendum est: quia impotentia coeundi ex maleficio aut est perpetua, & tunc matrimonium dirimit; aut non est perpetua, & tunc non dirimit. Et ad hoc experiendum eodem modo Ecclesia tempus præfixit, triennium scilicet, sicut de frigiditate dictum est. Tamen hæc est differentia inter maleficium & frigiditatem: quia qui est impotens ex frigiditate, sicut est im-

potens ad unam, ita ad aliam; & ideo quando matrimonium dirimitur, non datur ei licentia ut alteri coniungatur: sed ex maleficio homo potest esse impotens ad unam, & non ad aliam; & ideo quando iudicio Ecclesiæ matrimonium dirimitur, utrique datur licentia quod alteram copulam quærat.

Ad primum ergo dicendum, quod quia corruptio peccati prima, per quam homo servus est factus diaboli, in nos per actum generantem devenit, ideo maleficii potestas permittitur diabolo a Deo in hoc actu magis quam in aliis; sicut in serpentibus magis ostenditur virtus maleficiorum, ut dicitur, quam in aliis animalibus, quia per serpentem diabolus mulierem tentavit.

Ad secundum dicendum, quod opus Dei potest opere diaboli impediri divina permissione; non quod diabolus Deo sit fortior, ut per violentiam opera eius destruat.

Ad tertium dicendum, quod maleficium est ita perpetuum quod non potest habere remedium humano opere; quamvis Deus posset remedium præstare dæmonem cogendo, vel etiam dæmon desistendo. Non enim oportet semper ut id quod per maleficium factum est, possit per maleficium aliud destrui, ut ipsi malefici consentiunt; & tamen si posset per maleficium remedium adhiberi, nihilominus perpetuum reputatur: quia nullo modo debet aliquis dæmonis auxilium per maleficia invocare. Similiter non oportet quod si propter peccatum aliquod data est diabolo potestas in aliquem, cessante peccato cesset potestas: quia pena interdum remanet culpa transeunte. Similiter etiam exorcismi Ecclesiæ non valent ad reprimendum dæmones semper quantum ad omnes molestias corporales, iudicio divino hoc exigente; semper tamen valent contra illas infestationes dæmonum contra quas principaliter instituta sunt.

Ad quartum dicendum, quod maleficium quandoque potest præstare impedimentum ad omnes, quandoque ad unam tantum: quia diabolus voluntaria causa est non ex necessitate naturæ agens. Et præterea impedimentum maleficii potest esse ex impressione dæmonis in imaginatione hominis, ex qua tollitur viro concupiscentia movens ad talem mulierem, & non ad aliam.

A R-

( a ) Nicolaus *Si per fortissimas, vel maleficas, oculos, sed nonquam iussu Dei iudicio permittente, & diaboli præparante, ex oculis non sequitur, laudandi sunt quibus ista eveniunt, ut pravam confessionem faciant &c.*

## ARTICULUS IV.

*Utrum furia impediat matrimonium.*

1. **A**D quartum sic proceditur. Videtur quod furia non impediat matrimonium. Matrimonium enim spirituale, quod in baptismo contrahitur, est dignius quam carnale. Sed furiosi possunt baptizari. Ergo & matrimonium contrahere.

2. Præterea. Frigiditas impedit matrimonium, inquantum impedit carnalem copulam, (a) quæ non impeditur per furiam. Ergo nec matrimonium.

3. Præterea. Matrimonium non dirimit nisi per aliquod impedimentum perpetuum. Sed de furia non potest sciri quod sit impedimentum perpetuum. Ergo non dirimit matrimonium.

4. Præterea. In verbis prædictis sufficienter continentur impedimenta dirimentia matrimonium. Sed ibi non fit mentio de furia. Ergo &c.

Sed contra. Plus tollit rationis usum furia quam error. Sed error impedit matrimonium. Ergo & furia.

Præterea. Furiosi non sunt idonei ad aliquem contractum faciendum. Sed matrimonium est contractus quidam. Ergo &c.

## S O L U T I O.

Respondeo dicendum, quod furia aut præcedit matrimonium, aut sequitur. Si sequitur, nullo modo dirimit matrimonium. Si autem præcedit, aut furiosus habet lucida intervalla, aut non. Si habet, tunc quamvis dum est in illo intervallo non sit tutum quod matrimonium contrahat, quia nescit prolem educare; tamen si contrahit, matrimonium est. Si autem non habet, vel si quando non habet, contrahit; tunc quia non potest esse consensus ubi deest rationis usus, non erit verum matrimonium.

Ad primum ergo dicendum, quod usus rationis non exigitur ad baptismum quasi causa ipsius, sicut exigitur ad matrimonium: & ideo non est similis ratio. Tamen de baptismo furiosorum supra distinct. vi, dictum est.

Ad secundum dicendum, quod furia impedit matrimonium ratione causæ suæ, quæ est consensus, quamvis non ratione actus, ut frigiditas. Sed tamen simul cum frigiditate Magister determinat, quia utrumque est quidam naturæ defectus.

(a) Nicola; Sed carnalis copula non impeditur.

Ad tertium dicendum, quod momentaneum impedimentum, quod causam matrimonii, scilicet consensum, impedit, matrimonium totaliter tollit. Sed impedimentum quod impedit actum, oportet esse perpetuum ad hoc quod matrimonium tollat.

Ad quartum dicendum, quod hoc impedimentum reducitur ad errorem: quia utrobique defectus consensus ex parte rationis est.

## ARTICULUS V.

*Utrum incestus quo quis cognoscit sororem uxoris suæ, matrimonium dirimat.*

1. **A**D quintum sic proceditur. Videtur quod incestus quo quis cognoscit sororem uxoris suæ, matrimonium non dirimat. Quia mulier non debet puniri pro peccato viri. Sed puniretur, si matrimonium solveretur. Ergo &c.

2. Præterea. Plus peccat qui propriam consanguineam cognoscit, quam qui cognoscit consanguineam uxoris. Sed primum peccatum non impedit matrimonium. Ergo nec secundum.

3. Præterea. Si in penam peccati hoc infligitur, videtur, etiam si mortua uxorem alia contrahat incestuosus, quod separari debent; quod non est verum.

4. Præterea. Hoc etiam impedimentum non connumeratur inter alia supra enumerata. Ergo non dirimit contractum matrimonium.

Sed contra, quia per hoc quod cognoscit sororem uxoris, contrahitur affinitas ad uxorem. Sed affinitas dirimit matrimonium contractum. Ergo & incestus prædictus.

Præterea. In quo quis peccat, in hoc punitur. Sed talis peccat contra matrimonium. Ergo debet puniri, ut matrimonio privetur.

## S O L U T I O.

Respondeo dicendum, quod si aliquis cognoscit sororem, aut aliam consanguineam uxoris suæ ante matrimonium contractum, etiam post sponsalia, oportet matrimonium separari ratione affinitatis contractæ. Si autem post matrimonium contractum, & consummatum, non debet totaliter separari matrimonium; sed vir amittit ius petendi debitum, nec potest petere sine peccato; sed tamen debet reddere petenti, quia uxor non debet puniri de peccato viri. Sed post mor-

tem uxoris debet omnino manere absque spe coniugii, nisi cum eo dispensetur propter fragilitatem suam, cui timetur de illicito coitu. Si tamen praeter dispensationem contrahat, peccat contra statutum Ecclesiae faciens; non tamen propter hoc matrimonium separandum est.

Et per hoc patet solutio ad obiecta: quia incestus ponitur matrimonii impedimentum non tam ratione culpae, quam ratione afinitatis quam causat: & ideo etiam non connumeratur aliis impedimentis, sed in impedimento afinitatis includitur.

### EXPOSITIO TEXTUS.

**M**anant interque innupti. Hoc intelligitur quando ex utroque impedimentum allegatur: alias ille tantum innuptus manere debet ex cuius parte impedimentum proponitur.

Quod si mulier causetur, & dicat: Volo esse mater, & filius provocat. *Cre.* Videtur ex hoc quod ratione sterilitatis matrimonium solvi possit. Ex dicendum, quod non: quia in sterilibus etiam matrimonium non habeat intentum suum, secundum quod est in officium naturae, habet tamen secundum quod est in remedium per carnalem copulam: unde ponitur hic procreatio filiorum pro carnali copula, quam mulieres verecundantur expetere.

Septima manu propinquorum iuret quod nunquam carnaliter conveniant. Divortium hoc modo fieri debet. Cum impotentia coeundi allegatur, si uterque confiteatur, scilicet vir, & uxor; (a) vel si est evidens impedimentum, ut in eunuchis; possunt statim separari. Si autem non est evidens, praecipendum est eis ut adhuc cohabitent bona fide carnali copulae operam dantes. Quod si usque ad triennium fieri nequit, tunc iurabit uterque quod bona fide operam dantes, carnaliter coniungi non potuerunt: & ut divortium non de facili celebretur, requiritur quod septem de propinquis, qui melius de hoc possunt per signa probabilia scire veri-

tatem, iurent quod credant eos verum dixisse.

Periurii (b) crimine rei teneantur; idest, eorum testimonium ita pro nihilo computatur ac si periuri essent; non tamen culpam (c) aut infamiam periurii igitur, si eos verum dicere credebant.

Sed si vir asserit se debitum reddidisse uxori, & illa dissimulat, cui patris fides habenda sit merito quaeritur. Item sciendum, quod quando vir asserit copulam carnalem praecessisse, mulier negat; standum est iuramento viri, nisi per aspectum corporis sui mulier probare velit vitium esse mentium. Si tamen vir falsum iurat, & uxor contrarium non possit probare, potest sibi providere de seorsum iacendo, ne ex impetitione viri ad libidinem provocetur, & periculum incontinentiae immineat. Si autem vir neget carnalem copulam praecessisse, non est standum iuramento eius, quamvis sit caput mulieris, si mulier asserit: quia sic daretur facultas multis viris dimittendi uxores suas.

Quod in fine huius capituli continetur, ex rigore magis dictum intelligendum est quam ex canonica aequitate. Sciendum est, quod si maleficium fuerit generaliter respectu cuiuslibet faciens impotentiam coeundi, tunc si alteri nupserit, ostenditur impedimentum non fuisse perpetuum: unde debet ad prius coniugium redire. Si autem fuerit personale, idest respectu specialis personae, cum utriusque detur licentia alteri nubendi; non potest reddita potentia nubendi ad primum matrimonium redire, quia nullum fuit, & secundum est verum matrimonium.

Sed si contractum fuerit, non separantur. Hoc intelligitur, si fuit contractum quando habebant lucida intervalla.

Nec propria uxori licet sibi reddere debitum. Hoc non tenetur modo. Vel dicendum, quod reddere debitum vocat universaliter carnalem copulam, qua privatus est quantum est ex parte sua, quamvis uxori suum ius remaneat. Quamvis enim matrimonium non claudicat, tamen ius petendi debitum potest esse in uno, & non in alio.

(a) Al. deest vel. (b) Al. Periurii enim crimen est. (c) Al. ante.

## DISTINCTIO XXXV.

*Eodem iure utitur vir, & mulier.*

**H**oc etiam notandum est, quod cum Dominus concedat viro uxorem dimitti causa fornicationis, eadem licentia non tollitur feminis. Unde Hieronymus (epist. xxx. ad Oceanum, seu in epitaph. Fabiolæ) „Præcepit Dominus uxorem non dimitti, excepta causa fornicationis; & si dimissa fuerit, munere innuptam. „ Quidquid viris præcipitur, hoc consequenter redundat ad feminas. Non enim altera uxor dimittenda est, & vir mæchus tenendus. „ Item (ibid.) „ Apud nos quod non licet feminis, æque non licet viris, & eadem servitus pari conditione censetur. „ Ex his ostenditur quod mulier potest super fornicatione virum convenire, ut vir mulierem. Unde Innocentius Papa \* „ Christiana religio adulterium in utroque sexu pari ratione condemnat; sed viros suos mulieres non facile de adulterio acculant; viri autem liberius uxores suas adulteras apud sacerdotes deferre consueverunt: & ideo mulieribus prodito earum crimine negatur communio; virorum autem latente commissio, non facile quisquam ex suspicionibus arceatur; qui tamen submovebitur, si eius flagitium detegatur. „

*Quod fornicariam nequit dimittere vir, nisi ipse (1) expers fuerit, & e converso.*

**S**i vero queritur, an adulter adulteram possit dimittere causa fornicationis; dicimus, quia nequit adultera uxor dimitti a viro, nisi & ipse expers fornicationis existat, & e converso. Unde Augustinus (Lib. I. de ferm. Domini in monte cap. xxviii.) „ Nihil iniquius est quam causa fornicationis dimittere uxorem, si & ipse convincitur fornicari. Occurrit enim illud (Rom. ii. 1.) In quo alterum iudas, te ipsum condemnas. Quapropter quisquis fornicationis causa vult abicere uxorem, prior debet esse a fornicatione purgatus, quod similiter & de femina dixerim. „ Idem: \*\* „ Indignantur mariti, si audiant adulteros viros pendere similes adulteris feminis pœnas, cum tanto gravius eos puniri oportuerit, quanto magis ad eos pertinet & virtute vincere, & exemplo regere feminas. „ Ex his apparet quod adulter adulteram dimittere non valet, & non e converso.

*Quod possunt reconciliari qui separantur causa fornicationis.*

**S**i quis autem fornicationis expers fornicariam dimiserit, alii copulari non potest, sed continere oportet, vel ad dimissam redire: sic & de femina. Unde & Apostolus (I. Corinth. vii. 10.) „ His qui matrimonio iuncti sunt, præcipio non ego, sed Dominus, uxorem a viro non discedere: quod si discesserit, maneat innupta, „ aut viro suo reconcilietur: „ & de viro addit: „ Et vir uxorem non dimittat. „ Sed Ambrosius (Ambrosiaster super eundem locum) ait: „ (1) Ideo non subdit de viro sicut de muliere, quia licet viro aham ducere. „ Sed hoc a falsariis in Ambrosii Libro positum creditur. Supplendum enim esse in viro, quod ibi de uxore præmisit, aperte dicit Augustinus sic (de sermone Domini in monte Lib. I. cap. cap. xxv. vel xiv.) „ Quare non addit de muliere quod præmisit de viro, nisi quod similem formam vult intelligi, ut si dimiserit, quod causa fornicationis permittitur, maneat sine uxore, aut reconcilietur uxori? „ Idem (paulo post.) „ Si nec nubere illi conceditur viro viro a quo recessit, nec huic alteram docere viva uxore quam dimisit; multo minus fas est illicita cum quibuslibet stupra committere. „

(1) Addit Nicolai fornicationis. (2) Nicolai: Ideo non etiam subdit de viro sicut de muliere, quod sic maneat, si discesserit, quia licet &c.

EX EDIT. P. NICOLAI. \* Epist. 212. cap. xv. \*\* Lib. II. de adulterinis coniugiis cap. vii.

mittere. " Idem ( ibid. paulo supra ) „ Ut non facile dimittatur uxor, Dominus  
 „ solam fornicationis causam excepit, ceteras vero universas molestias, si quæ ex-  
 „ terint, iubet pro fide coniugali, & pro castitate fortiter sustineri; & moechum  
 „ dixit qui a viro solutam duxit. " Ex his ostenditur quod si causa fornicationis sit  
 separatio, non potest vir, vel mulier in aliam transire copulam. Possunt autem re-  
 conciliari, & cohabitare sicut prius, si dimidium alter revocare voluerit,

*Quæ prædictis videntur obviare.*

**D**icit tamen Ioannes Chrysostomus: \* „ Sicut crudelis, & iniquus est qui castam  
 „ dimittit; sic satius est, & iniquus qui retinet meretricem: patronus enim  
 „ turpitudinis est qui celat crimen uxoris. " Item Hieronymus. \*\* „ Cum mulier  
 „ unam carnem in aliam dividerit, & se fornicatione a marito separaverit, non de-  
 „ bet teneri, ne virum quoque sub maledicto faciat, dicente Scriptura ( Prov.  
 „ xxviii. 32. ) Qui tenet adulteram, stultus est, & insipiens. " Idem ad Amandum  
 presbyterum scribens ( epist. cxlviii. ) de quadam quæ viro suo vivente alii nupse-  
 rat, sic ait: „ Rem novam loquor, immo non novam, sed veterem, quæ veteris te-  
 „ stamenti auctoritate confirmatur. ( Deut. xxiv. ) Si reliquerit ( 1 ) secundum vi-  
 „ rum mulier, & reconciliari voluerit priori, non potest, "

*Determinatio.*

**S**ed hæc omnia intelligenda sunt de illa quæ ab adulterio redire nolit, nec per  
 poenitentiam peccatum delere. Quod si vir scierit patitur, consentire videtur.  
 Si enim in adulterio perseverare elegit, patronus turpitudinis, & lenocinii reus ma-  
 ritus habebitur, nisi eam adulterii ream facere voluerit. Si autem a peccato reces-  
 serit, & per poenitentiam illud purgaverit, poterit viro reconciliari. Unde Augu-  
 stinus: \*\*\* „ Quod tibi durum videtur, ut post adulterium reconcilietur coniux ( 2 )  
 „ coniugi, si fides adsit, non erit durum. Cur enim adhuc deputamus adulteros  
 „ quos credimus poenitentia esse sanatos? " Idem. \*\*\*\* „ Non erit turpis, nec dis-  
 „ ficilis, etiam post patrata, & purgata adulteria, reconciliatio coniugii, ubi per  
 „ claves regni cælorum non dubitatur fieri remissio peccatorum: non ut post viri  
 „ divortium adultera revocetur, sed ut post Christi consortium adultera non vocetur.  
 „ ( 3 ) Item Gregorius: „ Debet recipere peccatricem quæ poenitentiam egit,  
 „ sed non sæpe. " Item Hermes: „ Si vir scierit uxorem suam deliquisse, & non  
 „ egerit poenitentiam mulier; si permanet in fornicatione sua, & vir vivit cum il-  
 „ la, vir reus erit, & particeps peccati eius. Quod si mulier dimissa egerit poe-  
 „ nitentiam, & voluerit ad virum reverti, debet recipere peccatricem quæ poeniten-  
 „ tiam egit, sed non sæpe. "

*De illis qui se ante polluerunt per adulterium.*

**S**olet etiam queri, an valeat duci in coniugium quæ prius est polluta per adul-  
 terium. De hoc Leo Papa ait: \*\*\*\*\* „ Nullus ducat in matrimonium quam

„ prius

( 1 ) Nicolai suum. ( 2 ) Ad deum coniugi. ( 3 ) Nicolai. Item Gregorius hom. xxix. in Evang. „ Si quod  
 „ promissit, minime servavit, videamus utrum sciat plangere quod eravit. Apud misericordem namque  
 „ iudicem nec ille fallax habebitur qui ad veritatem revertitur etiam postquam mentitur: quia omnipotens  
 „ ens Deus dum libenter nostram poenitentiam suscipit, ipse suo iudicio hoc quod eravimus abscondit. " Licet enim id Gregorius de illis dicat qui omnibus antiqui hostis operibus, ac pompis in die baptismatis  
 renuntiare promittentes, non servavit post baptismum quod ante illum spoponderant, sed ad prava opera in-  
 labantur, et deinde plangentes lapsum suum suscipiunt misericorditer a Deo, & apud illum veniam in-  
 veniant; nihilominus in Decretis causa xxxi. quest. r. cap. Apud speciatim feminis applicatur quæ con-  
 iugibus fidem non servantes, poenitentiam subinde agant, & proinde ab ipsis coniugibus suscipi debent.  
 Item Hermes ( in Libro qui inscribitur Pastor ) Si vir scierit de. *Quem tamen Pastoris Librum ut apertum  
 poma reiki a Olesio in Decretis dist. xvi. cap. Sancta Romana, ad marginem notat.*

**EX EDIT. P. NICOLAI.** \* Hom. xxviii. in Matth. Sive auctor operis imperfecti sub S. Chrysostomi  
 nomine in Decretis relatus causa xxxi. quest. r. cap. Si vir. \*\* In Marth. cap. xix. \*\*\* Ad Tolentium  
 de adulterinis coniugiis Lib. ii. cap. vi. Sed appendices ex Augustino subsecuentes cap. Quod autem  
 fili, & cap. Non erit. \*\*\*\* Eodem Lib. cap. ix. \*\*\*\*\* Eius nomine in Decretis relatus causa xxxi.  
 cap. Nullus absque indice speciali, nec tale quidquam apud illum occurrit; sed hoc ipsum potius colligitur  
 ex Concilio Triburien. quod ibidem relatus cap. Illud vero, ut & sequens appendix cap. Relatum est,  
 sed cap. Denique referuntur quæ subiunguntur ex Augustino.



„ prius polluit adulterio. “ Item : \* „ Relatum est auribus sanctorum sacerdotum, „ quemdam alterius uxorem supro violasse, & insuper mœchæ iuramentum dedis- „ se, quod post legitimi marii mortem, si superviveret, duceret eam in uxorem ; „ quod factum est. Tale ergo connubium prohibemus, & anathematizamus. “ His, „ aliisque auctoritatibus vetantur in coniugium copulari qui se prius adulterio mac- „ culaverunt. Sed e contra Augustinus ostendit, diceus ( Lib. I. de nuptiis, & con- „ cupis. cap. x. ) „ Denique mortuo eo cum quo fuit verum coniugium, fieri potest „ coniugium cum qua præcessit adulterium. “ Idem. \*\* „ Possè fieri sane licitas „ nuptias ex personis illicite coniunctis honesto placito subsequente manifestum „ est. “

*Determinatio.*

**S**ed hæc ultima auctoritas de concubinis loquitur, perhibens concubinas posse trans-  
ire ad honestum placitum nuptiarum, si castitatem, & fidem servare velint. Prima vero auctoritas Augustini de illis ait qui de peccato pœnituerunt, & nihil, in mortem viri machinati sunt, nec vivente viro fidem adulteræ dedit mœchus - quod eam in coniugio duceret, si superviveret. Qui vero hæc faciunt, aliis præmissis auctoritatibus prohibentur copulari.

DIVISIO TEXTUS.

**P**ostquam determinavit de impotentia co-  
eundi, quæ actum matrimonii impedit, hic determinat de separatione a toro propter peccatum fornicationis, quæ similiter actum matrimonii tollit vinculo matrimoniali durante: & dividitur in partes duas. In prima ostendit quomodo adulterium sequens matrimonium tollit actum matrimonii vinculo matrimoniali durante. In secunda ostendit quomodo adulterium præcedens matrimonium etiam matrimoniale vinculum tollit, ibi, *Sæpe etiam queri, an valeat duci in coniugium quæ prius est polluta per adulterium*. Prima in duas. In prima ostendit quando licet uxorem dimittere propter fornicationem. In secunda inquirat, utrum dimittere sit necessitatis, an liceat ei eam retinere, ibi, *Dicit tamen Ioannes Chrysostomus &c.* Prima in duas. In prima ostendit quod viro licet dimittere uxorem, & e converso, propter fornicationem commissam. In secunda ostendit quod neutri post separationem licet nubere propter prioris matrimonii vinculum manens, ibi, *Si quis autem fornicationis expert fornicarium dimiserit, alii copulari non potest*. Circa primum duo facit. Primo ostendit quod uterque coniugum potest alium dimittere propter fornicationem, quando ipse est a fornicatione immunis. Secundo ostendit quod hoc non potest fieri, quando ipse simili crimini subiacet, ibi, *Si vero queritur, an adulter adulteram possit dimittere causa fornicationis; dicimus &c.*

QUAESTIO I.

**H**ic quærentur sex.

Primo. Utrum liceat viro uxorem dimittere causa fornicationis.

Secundo. Utrum ad hoc teneatur.

Tertio. Utrum possit dimittere proprio iudicio, vel iudicium Ecclesie requiratur.

Quarto. Utrum vir, & uxor quantum ad hoc sint æqualis conditionis.

Quinto. Utrum post divortium debeant manere innupti.

Sexto. De reconciliatione.

ARTICULUS I.

*Utrum propter fornicationem liceat viro uxorem dimittere.*

**1.** **A**D primum sic proceditur: Videtur quod propter fornicationem non liceat viro uxorem dimittere. Non enim pro malo est malum reddendum. Sed vir dimittens uxorem propter fornicationem, videtur malum pro malo reddere. Ergo hoc non licet.

**2.** Præterea. Maius peccatum est, si uterque fornicetur quam si alter tantum. Sed si uterque fornicetur, non poterit fieri divortium propter hoc. Ergo nec si unus tantum fornicatus fuerit.

**3.** Præterea. Fornicatio spiritalis, & quædam alia peccata sunt graviora quam fornicatio carnalis. Sed propter illa non potest fieri separatio a toro. Ergo nec propter fornicationem carnalem.

**4.** Præ-

4. Præterea. Vitium contra naturam magis remotum est a matrimonii bonis quam fornicatio, quæ modo naturæ fit. Ergo magis debuit poni causa separationis quam fornicatio.

Sed contra est quod dicitur Matth. v.

Præterea. Illi qui frangit fidem, non tenetur aliquis fidem observare. Sed coniux fornicando frangit fidem quam alteri coniugi debet. Ergo alter potest alterum propter causam fornicationis dimittere.

### SOLUTIO.

Respondeo dicendum, quod Dominus dimittere uxorem concessit propter fornicationem in ponam illius qui fidem fregit, & in favorem illius qui servavit, ut non sit strictus ad reddendum debitum ei qui non servavit fidem. Et propter hoc excipiuntur septem casus in quibus non licet viro uxorem dimittere fornicantem, in quibus vel uxor a culpa immunis est, vel utrique sunt æqualiter culpabiles. Primus est, si ipse vir similiter fornicatus fuerit. Secundus, si ipse uxorem prostituerit. Tertius, si uxor virum suum mortuum probabiliter credens propter longam eius absentiam, alteri nupserit. Quartus est, si latenter cognita est ab aliquo sub specie viri lectum subintrante. Quintus, si fuerit vi oppressa. Sextus, si reconciliaverit eam sibi post adulterium perpetratum, carnaliter eam cognoscens. Septimus, si matrimonio in infidelitate utriusque contracto, vir dederit uxori libellum repudii, & uxor alteri nupserit: tunc enim si utrique convettantur, tenetur eam vir recipere. (\*)

Ad primum ergo dicendum, quod vir si dimittat uxorem fornicantem livore vindictæ, peccat; si autem ad infamiam propriam cavendam, ne videatur particeps criminis, vel ad vitium uxoris corrigendum, vel ad evitandum prolis incertitudinem, non peccat.

Ad secundum dicendum, quod divortium ex causa fornicationis fit uno accusante alium: & quia nullus potest accusare qui in simili crimine existit, quando uterque fornicatur, divortium celebrari non potest; quamvis magis peccetur contra matrimonium utroque fornicante quam altero tantum.

Ad tertium dicendum, quod fornicatio est directe contra bona matrimonii: quia tollitur per eam certitudo prolis, & fides frangitur, & significatio non servatur, dum

unus coniugum pluribus carnem suam dividit: & ideo alia crimina quamvis forte sint maiora fornicatione, non causant divortium. Sed quia infidelitas, quæ dicitur spiritualis fornicatio, etiam est contra matrimonii bonum, quod est proles educanda ad cultum Dei, etiam ipsa facit divortium; sed tamen aliter quam corporalis fornicatio: quia propter unum actum fornicationis carnalis potest procedi ad divortium, non autem propter unum actum infidelitatis, sed propter consuetudinem quæ pertinaciam ostendit, in qua infidelitas perficitur.

Ad quartum dicendum, quod etiam propter vitium contra naturam potest procedi ad divortium; sed tamen non fit ita mentio de ipso, tum quia est passio innuminabilis, tum quia rarius accidit, tum quia non ita causat incertitudinem prolis.

### ARTICULUS II.

*Utrum vir teneatur ex præcepto uxorem fornicantem dimittere.*

1. Ad secundum sic proceditur. Videtur quod vir teneatur ex præcepto uxorem fornicantem dimittere. Vir enim, cum sit caput uxoris, tenetur uxorem corrigere. Sed separatio a toro est inducenda ad correctionem uxoris fornicantis. Ergo tenetur eam a se separare.

2. Præterea. Qui consentit peccanti mortaliter, ipse etiam mortaliter peccat. Sed retinens uxorem fornicantem, videtur consentire ei, ut in littera dicitur. Ergo peccat, nisi eam a se eliciat.

3. Præterea. I. Corinth. vi. 16. dicitur: *Qui adhæret meretrici, unum corpus efficiunt.* Sed non potest aliquis simul esse membrum meretricis, & Christi, ut ibidem dicitur. Ergo vir uxori fornicanti adhærens, membrum Christi esse definit, mortaliter peccans.

4. Præterea. Sicut cognatio tollit matrimonii vinculum, ita fornicatio separat a toro. Sed postquam vir noverit consanguinitatem sui ad uxorem, peccat mortaliter cognoscens ipsam. Ergo si cognoscat uxorem postquam scit ipsam esse fornicatam, mortaliter peccat.

5. Sed contra est quod dicit Glossa (Augustini, & Bedæ) I. Corinth. vii. quod Dominus permisit causa fornicationis uxorem dimittere. Ergo non est in præcepto.

6. Præterea. Quilibet potest dimittere alteri quod in se peccavit. Sed uxor fornicando

(\*) Addit Nicolaus (extra de divortii cap. Gardimus prope finem.)

do peccat in virum. Ergo vir potest ei parere, ut non dimittat eam.

### SOLUTIO.

Respondeo dicendum, quod dimissio uxoris fornicantis introducta est ad corrigendum uxoris crimen per talem penam. Poena autem corrigens non requiritur ubi emendatio iam praecessit: & ideo si mulier de peccato poeniteat, vir non tenetur eam dimittere; si autem non poeniteat, tenetur, ne peccato eius consentire videatur, dum correctionem debitam non apponit.

Ad primum ergo dicendum, quod peccatum fornicationis in uxore potest corrigi non tantum tali poena, sed etiam verbis, & verberis: & ideo si alias ad correctionem sit parata, non tenetur vir praedictam poenam ad eius correctionem adhibere.

Ad secundum dicendum, quod tunc vir uxori consentire videtur, quando eam tenet non cessantem a peccato praeterito; si autem emendata fuerit, non ei consentit.

Ad tertium dicendum, quod ex quo de peccato fornicationis poenituit, meretrix dici non potest: & ideo vir se ei coniungendo membrum meretricis non fit. Vel dicendum, quod non coniungitur ei quasi meretrici, sed quasi uxori.

Ad quartum dicendum, quod non est simile: quia consanguinitas facit ut non sit inter eos matrimoniale vinculum, & ideo carnalis copula esset illicita; sed fornicatio non tollit vinculum praedictum: & ideo alius remanet, quantum est de se, licitus, nisi per accidens illicitus fiat, in quantum vir consentire turpitudini uxoris videtur.

Ad quintum dicendum, quod permissio ista est intelligenda per prohibitionis privationem; & sic contra praceptum non dividitur: quia etiam quod cadit sub pracepto, non est prohibitum.

Ad sextum dicendum, quod uxor non tantum peccat in virum, sed etiam in seipsam, & in Deum: & ideo vir non totaliter potest penam dimittere, nisi emendatio sequatur.

### ARTICULUS III.

*Utrum proprio iudicio possit vir uxorem fornicantem dimittere.*

1. **A**D tertium sic proceditur. Videtur quod proprio iudicio potest vir uxorem fornicantem dimittere. Sententiam enim a iudice latam absque alio iudicio exequi

*S. Thom. Oper. Tom. XIII.*

licet. Sed Deus iustus iudex dedit hanc sententiam, ut propter fornicationem vir uxorem dimittere possit. Ergo non requiritur ad hoc aliud iudicium.

2. Praeterea. Matth. 1. dicitur, quod Ioseph, cum esset iustus, cogitavit occulte dimittere Mariam. Ergo videtur quod occulte vir possit divortium celebrare absque Ecclesiae iudicio.

3. Praeterea. Si vir post fornicationem uxoris cognitam debitum ei reddit, amittit etiam actionem quam contra fornicariam habebat. Ergo denegatio debiti quae ad divortium pertinet, debet Ecclesiae iudicium precedere.

4. Praeterea. Illud quod non potest probari, non debet ad iudicium Ecclesiae adduci. Sed fornicationis crimen non potest probari, quia *scelus adulteri observat caliginem*, ut dicit Iob xxiv. 15. Ergo non debet iudicio Ecclesiae praedictum divortium fieri.

5. Praeterea. Accusationem debet inscriptio precedere, qua aliquis fit ad talionem obligatus, si in probatione deficiat. Sed hoc non potest esse in ista materia: quia tunc qualitercumque res iter, vir consequeretur intentum suum, si ipse uxorem dimitteret, siue uxor eum. Ergo non debet ad iudicium Ecclesiae per accusationem adduci.

6. Praeterea. Plus tenetur homo uxori quam extraneo. Sed homo crimen alterius etiam extranei non debet Ecclesiae deferre, nisi monitione praemissa in secreto, ut patet Matth. xix. Ergo multo minus potest crimen uxoris ad Ecclesiam deferre, si eam prius occulte non corripuit.

Sed contra. Nullus debet seipsum vindicare. Sed si vir uxorem fornicantem proprio arbitrio dimitteret, ipse se vindicaret. Ergo hoc non debet fieri.

Praeterea. Nullus in eadem causa esse actor, & iudex. Sed vir est actor impetens uxorem de offensa in se commissa. Ergo ipse non potest esse iudex; & sic non debet eam proprio arbitrio dimittere.

### SOLUTIO.

Respondeo dicendum, quod vir potest dimittere uxorem dupliciter. Uno modo quantum ad torum tantum; & sic potest eam dimittere quam cito sibi constat de fornicatione uxoris, proprio arbitrio, nec tenetur reddere debitum exigenti, nisi per Ecclesiam compellatur; & taliter reddens nullum sibi praedictum facit. Alio modo quantum ad torum, & cohabitationem; & hoc modo non potest dimitti nisi iudicio

Z

Ec.

Ecclesiaz: & (a) si alias dimissa fuerit, debet cogi ad cohabitandum, nisi possit ei vir in continentia fornicationem probare. Hæc autem dimissio divortium dicitur; & ideo concedendum est quod divortium non potest celebrari nisi iudicio Ecclesiaz.

Ad primum ergo dicendum, quod sententia est applicatio iuris communis ad particulare factum: unde Dominus ius promulgavit, secundum quod sententia in iudicio formari debet.

Ad secundum dicendum, quod Ioseph non volebat Virginem dimittere quasi suspectam de fornicatione, sed ob reverentiam sanctitatis eius, timens ei cohabitare, ut supra dictum est: nec tamen est simile, quia tunc ex adulterio non solum procedebatur ad divortium, sed ulterius ad lapidationem; non autem nunc quando agitur in iudicio Ecclesiaz.

Ad tertium patet solutio ex dictis.

Ad quartum dicendum, quod quandoque vir uxorem suspectam habens ei insidiatur, & deprehendere eam potest cum testibus in crimine fornicationis; & sic potest ad accusationem procedere. Et præterea, si de facto isto non constat, possunt esse violentes suspiciones fornicationis; quibus probatis, videtur fornicatio esse probata, ut si invenitur solus cum sola horis, & locis suspectis, & nudus cum nuda.

Ad quintum dicendum, quod maritus potest accusare uxorem de adulterio dupliciter. Uno modo ad tori separationem coram iudice spiritali, & tunc inscriptio debet fieri sine obligatione ad legem talionis: quia sic vir consequeretur intentum suum, ut obsequio probat. Alio modo ad punitionem criminis in iudicio seculari; & sic oportet quod præcedat inscriptio, per quam ad poenam talionis se obliget, si in probatione deficiat.

Ad sextum dicendum, quod sicut Decretalis (extra de accusationibus cap. *Qualiter*) dicit, tribus modis in criminibus procedi potest. Primo per inquisitionem, quam debet præcedere clamorosa insinuatio, quæ locum accusationis tenet. Secundo per accusationem, quam debet præcedere inscriptio. Tertio per denuntiationem, quam debet præcedere fraterna correctio. Verbum ergo Domini intelligitur, quando agitur per viam denuntiationis, non quando agitur per viam accusationis: quia tunc non agitur solum ad correptionem delinquentis, sed ad punitionem propter bonum commune conservandum, quod iustitia deficiente periret.

## ARTICULUS. IV.

*Utrum vir, & uxor debeant in causa divortii ad paria iudicari.*

**A**D quartum sic proceditur. Videtur quod vir, & uxor non debeant in causa divortii ad paria iudicari. Divortium enim conceditur in lege nova loco repudii, quod erat in lege veteri, ut patet Matth. v. Sed in repudio vir, & uxor non iudicantur uxorem, & non e converso. Ergo nec in divortio debent ad paria iudicari.

2. Præterea. Plus est contra legem naturæ quod uxor plures viros habeat quam quod vir plures mulieres: unde hoc quandoque licuit, illud vero nunquam, ut supra dictum est. xxxiii. (quæst. 1. art. 1. ad 7.) dictum est. Ergo plus peccat mulier in adulterio quam vir; & ita non debent ad paria iudicari.

3. Præterea. Ubi est maius nocumentum proximi, ibi est maius peccatum. Sed plus nocet adultera uxor viro quam vir adulter uxori: quia adulterium uxoris facit incertitudinem proles, non autem adulterium viri. Ergo maius est peccatum uxoris; & sic non debent ad paria iudicari.

4. Præterea. Divortium inducitur ad crimen adulterii corrigendum. Sed magis pertinet ad virum, quod est caput mulieris, ut dicitur I. Corinth. xi. corrigere uxorem quam e converso. Ergo non debent in repudio ad paria iudicari, sed vir debet esse melioris conditionis.

5. Sed contra. Videtur quod uxor in hoc debeat esse melioris conditionis. Quia quanto est maior fragilitas in peccante, tanto peccatum est magis dignum venia. Sed in mulieribus est maior fragilitas quam in viris, ratione cuius dicit Chrysostomus (Auctor oper. imperf. in Matth. hom. xl.) quod propria passio mulieris luxuria est: & Philosophus in VII. Ethic. (cap. viii.) quod mulieres non dicuntur incontinentes proprie loquendo propter facilem inclinationem in concupiscentiam: quia nec bruta animalia possunt continere propter hoc quod non habent aliquid quod concupiscentiis obviare possit. Ergo mulieribus in poena divortii deberet magis parci.

6. Præterea. Vir ponitur caput mulieris, ut ipsam corrigat. Ergo magis peccat quam mulier; & sic debet magis puniri.

## SOLUTIO.

Respondeo dicendum, quod in causa divortii vir, & uxor ad paria iudicantur, ut idem sit licitum, & illicitum uni quod alteri; non tamen pariter iudicantur (a) ad illa: quia causa divortii est maior in uno quam in alio, cum tamen in utroque sit causa sufficiens ad divortium. Divortium enim est pœna adulterii, in quantum est contra matrimonii bona. Quantum autem ad bonum fidei, ad quam coniuges æqualiter sibi invicem tenentur, tantum peccat contra matrimonium adulterium unus sicut adulterium alterius, & hæc causa in utroque sufficit ad divortium; sed quantum ad bonum prolis plus peccat adulterium uxoris quam viri: & ideo maior causa divortii est in uxore quam in viro; & sic ad æqualia, sed non ex æquali causa obligantur: nec tamen iniuste, quia in utroque est causa sufficiens ad hanc pœnam: sic etiam est de duobus qui damnantur ad mortis eiusdem pœnam; quamvis alius altero gravius peccaverit.

Ad primum ergo dicendum, quod repudium non permittebatur nisi ad vitandum homicidium: & quia in viris magis erat de hoc periculum quam in mulieribus, ideo viro permittebatur dimittere uxorem, non autem e converso per legem repudii.

Ad secundum, & tertium dicendum, quod rationes illæ procedunt secundum quod in comparatione ad bonum prolis maior sit causa divortii in uxore adultera quam in viro; non tamen sequitur quod non iudicentur ad paria, ut ex dictis patet.

Ad quartum dicendum, quod quamvis vir sit caput mulieris ut gubernator, non tamen quasi iudex ipsius, sicut nec e converso: & ideo in his que per iudicium faciendæ sunt, non plus potest vir in uxorem quam e converso.

Ad quintum dicendum, quod in adulterio invenitur de ratione peccati idem quod est in fornicatione simplici, & adhuc plus, quod magis gravat (b) secundum læsionem matrimonii. Si ergo consideretur id quod est commune adulterio, & fornicationi, peccatum viri, & mulieris se habent ut excedentia, & excessa: quia in muliere est plus de humore, & ideo sunt magis ducibiles a concupiscentiis; sed in viro plus de calore qui concupiscentiam excitat. Sed tamen simpliciter loquendo, ceteris paribus, vir in simplici fornicatione plus peccat quam mulier:

quia habet plus de rationis bono, quod prævalet quibuslibet motibus corporalium passionum. Sed quantum ad læsionem matrimonii, quam adulterium fornicationi addit, ex qua divortium causatur, plus peccat mulier quam vir, ut ex dictis patet: & quia hoc est gravius quam simplex fornicatio, ideo, simpliciter loquendo, plus peccat mulier adultera quam vir adulter, ceteris paribus.

Ad sextum dicendum, quod quamvis regimen quod datur viro in mulierem, sit quædam circumstantia aggravans; tamen ex illa circumstantia que in aliam speciem trahit, magis aggravatur peccatum, scilicet ex læsione matrimonii, que trahit ad speciem iniustitiæ in hoc quod furtive aliena proles submittitur.

## ARTICULUS V.

*Utrum post divortium vir alteri nubere possit.*

1. AD quintum sic proceditur. Videtur quod post divortium vir alteri nubere possit. Nullus enim tenetur ad perpetuam continentiam. Sed vir in aliquo casu tenetur uxorem fornicantem in perpetuum a se separare, ut patet ex dictis. Ergo videtur quod ad minus in tali casu alteram ducere possit.

2. Præterea. Peccanti non est danda maior occasio peccandi. Sed si ei qui propter fornicationis culpam dimittitur, non licet aliam copulam querere, datur sibi maior occasio peccandi: non enim est probabile ut qui in matrimonio non continuit, postea continere possit. Ergo videtur quod liceat ei ad aliam copulam transire.

3. Præterea. Uxor non tenetur viro nisi ad debitum reddendum, & cohabitationem. Sed per divortium ab utroque absolvitur. Ergo omnino soluta est a lege viri: ergo potest alteri nubere; & eadem est ratio de viro.

4. Præterea. Matth. xix. 9. dicitur: (c) *Qui dimiserit uxorem, & aliam duxerit, excepta causa fornicationis, mæchatur.* Ergo videtur quod si causa fornicationis dimissa uxore aliam duxerit, non mæchetur; & ita erit matrimonium verum.

Sed contra. I. Corinth. vii. 10. *Præcipio non ego, sed Dominus, uxorem a viro non discedere: quod si discesseris, manere innoxiam.*

Præterea. Nullus debet ex peccato reportare.

Z 2

(a) *Id est ad.* (b) *Nicolai: scilicet læsio matrimonii.* (c) *Vulgata: Quicumque dimiserit uxorem suam, nisi ob fornicationem, & aliam duxerit, mæchatur.*

tare commodum. Sed reportaret, si liceret adulteræ ad aliud magis desideratum concubium transire, & esset occasio adulterandi volentibus alia matrimonia querere. Ergo non licet aliam copulam querere nec viro, nec uxori.

## SOLUTIO.

Respondeo dicendum, quod nihil adveniens supra matrimonium potest ipsum dissolvere; & ideo adulterium non facit quin sit verum matrimonium: manet enim, ut dicit Augustinus (de nupt. & concup. cap. x.) inter viventes conjugale vinculum, quod nec separatio, nec cum alio iunctio potest auferre; & ideo non licet uni altero vivente ad aliam copulam transire.

Ad primum ergo dicendum, quod quavis per se nullas obligetur ad continentiam, tamen per accidens potest esse quod obligetur; sicut si uxor sua aegritudinem incurabilem incurrat, & talem quæ carnalem copulam non patiat: & similiter etiam est, si incorrigibiliter spiritali infirmitate, scilicet fornicatione, laboret.

Ad secundum dicendum, quod ipsa confusio quam reportat ex divortio, debet eam cohibere a peccato. Quod si cohibere non potest, minus malum est quod sola ipsa peccet quam quod vir peccati eius sit particeps.

Ad tertium dicendum, quod quavis uxor post divortium non teneatur viro adultero ad debitum reddendum, & cohabitandum; tamen adhuc manet vinculum matrimonii, ex quo ad hoc tenebatur: & ideo non potest ad aliam copulam transire viro vivente. Potest tamen continentiam vovere viro invito, nisi videatur Ecclesiam deceptam fuisse per falsos testes sententiando de divortio: quia in tali casu etiam si votum professionis emisisset, restitueretur viro, & teneretur debitum reddere; sed non liceret ei exigere.

Ad quartum dicendum, quod exceptio illa quæ est in verbis Domini, refertur ad dimissionem uxoris: & ideo obiectio ex falso intellectu procedit.

## ARTICULUS VI.

*Utrum post divortium vir, & uxor possint reconciliari.*

1. **A**D sextum sic proceditur. Videtur non possint reconciliari. Regula est enim iniure: *Quod semel bene diffinitum est, nulla debet iteratione retrahi.* Sed iudicio Eccle-

siz diffinitum est quod debent separari. Ergo non possunt reconciliari ulterius.

2. Præterea. Si posset esse reconciliatio, præcipue videretur quod post penitentiam uxoris vir teneatur eam recipere. Sed non tenetur, quia etiam uxor non potest per exceptionem proponere in iudicio penitentiam suam contra virum accusatorem de fornicatione. Ergo nullo modo potest esse reconciliatio.

3. Præterea. Si posset esse reconciliatio, videretur quod uxor adultera teneretur reducere virum ipsum revocantem. Sed non tenetur: quia iam separati sunt iudicio Ecclesie. Ergo &c.

4. Præterea. Si liceret reconciliare uxorem adulteram, in illo casu præcipue deberet fieri, quando vir post divortium invenitur adulterium committere. Sed in hoc casu non potest uxor cogere eum ad reconciliationem, cum iuste sit divortium celebratum. Ergo nullo modo potest reconciliari.

6. Præterea. Si vir adulter occulte dimittat per iudicium Ecclesie uxorem convictam de adulterio, non videtur iuste factum divortium. Sed tamen vir non tenetur uxorem sibi reconciliare: quia uxor probare in iudicio adulterium viri non potest. Ergo multo minus quando divortium iuste est celebratum, reconciliatio fieri potest.

Sed contra est quod dicitur I. Corinth. VII. 11. *Si discesserit, maneat in nuptiis, aut viro suo reconciliari.*

Præterea. Vir poterit eam non dimittere post fornicationem. Ergo eadem ratione potest eam reconciliare sibi.

## SOLUTIO.

Respondeo dicendum, quod si uxor post divortium de peccato penitentiam agens emendata fuerit, potest eam sibi vir reconciliare. Si autem in peccato incorrigibilis maneat, non debet eam ad se assumere eadem ratione qua non licebat eam nolentem a peccato desistere, retinere.

Ad primum ergo dicendum, quod sententia Ecclesie divortium celebrantis non fuit cogens ad separationem, sed licentiam præbens: & ideo absque retractione præcedentis sententie potest reconciliatio sequi.

Ad secundum dicendum, quod penitentia uxoris debet inducere virum ut uxorem fornicantem non accuset, aut dimittat. Sed tamen non potest ad hoc cogi, nec potest per penitentiam uxor eum ab accusatione repellere: quia cessante culpa & quantum

ad

ad actum, & quantum ad maculam, adhuc manet aliquid de reatu; & cessante etiam reatu quo ad Deum, adhuc manet reatus quo ad poenam humano iudicio inferendam: quia homo non videt cor, sicut Deus.

Ad tertium dicendum, quod illud quod inducit in favorem alicuius, non facit ei praedictum: unde cum divortium sit inducendum in favorem viri, non aufert ei ius petendi debitum, vel revocandi uxorem: unde uxor tenetur ei reddere, & ad eum redire, si fuerit revocata, nisi de licentia eius votum continentiae emisit.

Ad quartum dicendum, quod propter adulterium quod vir prius innocens post divortium committit, secundum rigorem iuris non debet cogi ad recipiendum uxorem adulterae; prius tamen secundum aequitatem iuris iudex ex officio suo debet enim cogere ut caveat periculo animae eius, & scandalo aliorum, quamvis uxor non possit reconciliationem petere.

Ad quintum dicendum, quod si adulterium viri sit occultum, per hoc non aufertur ius excipiendi contra accusationem viri uxori adulterae, quamvis desit sibi probatio: & ideo peccat vir divortium petens; & si post sententiam de divortio uxor petat debitum, vel reconciliationem, vir tenetur ad utrumque.

## EXPOSITIO TEXTUS.

**P**roponitur est turpitudinis qui celat crimen uxoris. Contra. Prov. xi. 12. (a) „Fidelis est qui celat crimen amici.“ Et dicendum, quod hoc intelligitur, quando ce-

lato non est in praedictum correctionis alias celans patrociniū turpitudini praestat.

*Solet quari, an valeat duci in coniugium, quae prius est polluta per adulterium.* Sciendum, quod plura sunt crimina quae propter sui enormitatem impediunt matrimonium contrahendum. Primum est incestus: secundum, uxoricidium: tertium rapina alienae sponse: & quartum, quando aliquis insidiando matrimonio filium proprium de sacro fonte suscipit: quintum, qui interfecit presbyterum: sextum, quando aliquis peragit poenitentiam solemnem. Non tamen propter crimina interimitur matrimonium contractum. Sed tamen sunt quaedam crimina quae dirimunt matrimonium contractum. Unum est, quando aliquis cum aliqua coniugata concubuit, & ex hoc machinatur in mortem viri cum eadem: tunc enim ad invicem contrahere non debent; & si contraxerint, separantur. Secundum est, quando praestat fidem adulterae quod ducet eam uxorem. Sed hoc intelligendum est quando tam adulter quam adultera sciebat impedimentum; alias matrimonium non dirimeretur postquam contractum esset. Tertium est, quando contrahit cum ea de facto: primum enim matrimonium facit quod non stat secundum: unde si primum non fuisset verum matrimonium, secundum stare. Sciendum etiam, quod in casu secundo, & tertio, scilicet fide data de matrimonio contrahendo, etiam matrimonio contracto per verba de praesenti de facto, nisi fuerit ibi pollutio carnalis, non propter hoc dirimitur matrimonium sequens post mortem viri de novo contractum.



## DISTINCTIO XXXVI.

*Si pro extrema conditione valeat uxor separari a viro, in e converso.*

**N**unc de conditione videamus, an valeat coniugium dividere. Ad quod dicimus, quia non negatur ingenua posse nubere servo; sed si nescitur esse servilis conditionis, libere potest dimitti, cum servitus eius fuerit deprehensa, secundum illud: „Si quis ingenuus homo ancillam alterius uxorem acceperit, & aestimat quod ingenua sit, si ipsa femina fuerit postea in servitute (1) detecta, si eam a servitute relinere potest, faciat; si non potest, si voluerit, aliam accipiat. Si vere ancillam eam scierat, & collaudaverat, postea ut legitimam habeat.“

(1) *Id.* in servitutem detecta.

(a) *Vulgata:* „Qui autem fidelis est animi, celat amici commissum.“

EX EDIT. F. NICOLAI. \* Refertur in Decretis causa xxix. quæst. 21. cap. Si quis ingenuus.

beat. " Item ex eodem: \* „ Si femina ingenua acceperit servum, sciens quod servus esset, habeat eum: quia omnes unum patrem habemus in cælis: una lex erit viro, & feminæ. " Cum dicitur, Sciens illum servum, datur intelligi quod si nescierit illum servum esse, non cogitur manere cum ipso. Si enim conditionis dolum paritur, non cogitur adherere ei cuius fraude decepta est. Si autem vir scierit conditionem mulieris, vel e converso, non valet eam dimittere. Unde Zacharias Papa: \*\* „ Si quis liber ancillam in matrimonio acceperit, non habet licentiam dimittendi eam, si consensu amborum coniuncti sunt, nisi ob fornicationem. " De illis agit quibus alterutrus conditio nota est, quando coniunguntur.

*De copula servi, & ancillæ diversorum dominorum.*

**Q**uæritur etiam, si servus unius ancillam alterius acceperit, an sit inter eos coniugium. De hoc etiam statutum est (in Concilio Cabilonensi li. cap. xxx.). „ Dictum est nobis, quod ( 1 ) quidam legitima servorum matrimonia por-  
„ tativa quadam præsumptione dirimant, non attendentes illud ( 2 ) ( Matth. xix.  
„ 6. ) „ Quos Deus coniunxit, homo non separet. Unde nobis visum est ut coniugia  
„ servorum non dirimantur, etiam si diversos dominos habeant; sed in uno con-  
„ iugio permanentes dominis serviant suis. " Et hoc in illis observandum est ubi  
„ legalis coniunctio fuit, & per voluntatem dominorum. Attende finem huius capi-  
„ tuli, ubi videtur innui, præter voluntatem dominorum inter servum & ancillam  
„ non posse contrahi coniugium, vel si contrahitur, non esse ratum. Quibusdam  
„ tamen videtur inter eos posse fieri coniugium dominis ignorantibus.

*De viro qui se facit servum, ut dividatur ab uxore.*

**I**llud etiam notandum, quod si mulier virum liberum acceperit, & ille, ut  
„ causam præstet dissidii, se alicuius servum fecerit; nec ille uxorem dimittere,  
„ nec illa ob vinculum coniugii in servitute redigi poterit. Unde illud ( Concilii,  
„ Triburiensis, & in Decret. ubi sup. cap. „ Perlatum est. " ) „ Perlatum est ad  
„ sanctam Synodum, quod quidam ingenuus ingenuam acceperit uxorem, & post  
„ filiorum procreationem occasione divortii, cuiusdam servum se fecerit: utrum &  
„ mulierem necessario tenere debeat; & si tenuerit, an illa etiam servituti subici  
„ debeat, quæsitum est. Iudicatum est uxorem minime debere dimitti; non tamen  
„ ob Christi legem mulierem in servitute redigi, dum ille non ex consensu con-  
„ iugis se servum fecerit, quem liberum ipsa maritum acceperat. "

*De ætate contrahentium.*

**H**oc etiam sciendum est, quod pueri ante quatuordecim annos, & puellæ an-  
„ te duodecim annos secundum leges matrimonium inire nequeunt. Quod si  
„ ante prædicta tempora copulam inierint, separari possunt, quamvis voluntate, &  
„ assensu parentum iuncti fuerint. Qui vero in pueritia copulati, post annos puber-  
„ tatis nolunt se relinquere, sed in coniunctione permanere, iam ex hoc efficiuntur  
„ coniuges, & deinceps nequeunt separari. ( 3 ) Item. Sponsalia ante septennium  
„ contrahi non possunt: solo enim consensu contrahuntur, qui intervenire non pot-  
„ est, nisi ab alterutra parte intelligatur quod inter eos agitur. Duo illa executi  
„ sumus cum aliorum quorundam adiectione, quibus coniugium solvi potest, nec  
„ tamen solvi semper necesse est. Nunc de aliis quæ personas illegitimas penitus fa-  
„ ciunt addendum est, & primum de ordine.

D I.

( 1 ) Alii. quidam. ( 2 ) Nicolai addit evangelicum. ( 3 ) Nicolai. Unde dicitur in Decretis causa xxx. quæst. 2. cap. Ubi non est consensus ( ex Nicolao Papa ) quod qui pueris dant puellas in canabulis, & e converso, nihil faciunt, nisi uterque puerorum, postquam venerit ad annos discretionis, consentiat & etiamque pater & mater hoc voluerint, & fecerint. Item sponsalia &c.

EX EDIT. P. NICOLAI. \* Nempe ex cap. Si femina. \*\* Ex quo etiam in Decretis refertur ubi su-  
pra cap. Si quis iher.



## DIVISIO TEXTUS.

**P**ostquam determinavit Magister de impotentia coeundi, per quam impeditur actus matrimonii, ne de sacro omnino fieri possit, hic determinat de impedimento conditionis servilis, per quam impeditur actus matrimonii ne libere fiat: & dividitur in partes duas. In prima determinat de conditione servili. In secunda epilogat, continens praecedentia ad sequentia, ibi, *Duo illa excepti sumus &c.* Prima in duas. In prima determinat de impedimento conditionis servilis; in secunda de impedimento ex defectu aetatis, quia talis non differt a servo, quamdiu sub tutoribus est, Gal. xv. ibi, *Hic etiam sciendum, quod pueri ante quatuordecim annos, & puella ante duodecim annos secundum leges matrimonium intrare nequeunt.* Prima in duas. In prima determinat de servitute quae praecedit matrimonium; in secunda de servitute quae matrimonio superinducitur, ibi, *Illud etiam notandum est &c.* Prima in duas. In prima determinat de servitute matrimonium praecedente quae est ex altera tantum parte contrahentium; in secunda de illa quae est ex utraque parte, ibi, *Quaeritur etiam, si servus unus ancillam alterius accipiat, an sit inter eos coniugium.*

## QUAESTIO I.

**H**ic quaeruntur quinque.

Primo. Utrum conditio servitutis matrimonium impediat.

Secundo. Utrum possit servus sine consensu domini matrimonium contrahere.

Tertio. De servitute quae supervenit matrimonio.

Quarto. Utrum proles sequatur matrem.

Quinto. De defectu aetatis, utrum impediat matrimonium.

## ARTICULUS I.

*Utrum conditio servitutis impediat matrimonium.*

**1.** **A**D primum sic proceditur. Videtur quod conditio servitutis non impediat matrimonium. Nihil enim impedit matrimonium, nisi quod habet aliquam contrarietatem ad ipsum. Sed servitus non habet aliquam contrarietatem ad matrimonium; alias inter servos non possent esse coniugia. Ergo servitus non impedit matrimonium.

2. Praeterea. Illud quod est contra naturam, non potest impedire illud quod est secundum naturam. Sed servitus est contra naturam; quia, sicut dicit Gregorius (Lib. XXI. Moral. cap. x.) contra naturam est hominem homini velle dominari: quod etiam patet ex hoc quod homini dictum est (Gen. 1. 26.) *Us praefit piscibus maris &c.* non autem ut praefit homini. Ergo non potest impedire matrimonium, quod est naturale.

3. Praeterea. Si impeditur matrimonium, aut hoc est de iure naturali, aut de iure positivo. Non de iure naturali, quia secundum ius naturale omnes homines sunt aequales, ut Gregorius (ubi sup.) & in principio Digestorum dicitur, quod servitus non est de iure naturali: positivum etiam ius descendit a naturali, ut Tullius dicit. Ergo secundum nullum ius servitus matrimonium impedire potest.

4. Praeterea. Illud quod impedit matrimonium, aequaliter impedit, si sciat, si ignoret, ut patet de consanguinitate: Sed servitus unius cognita ab altero non impedit matrimonium. Ergo servitus, quantum in se est, non habet quod impediat matrimonium; & ita non deberet poni per se matrimonii impedimentum ab aliis distinctum.

5. Praeterea. Sicut convenit esse errorem circa servitutem, ut putetur liber qui est servus; ita potest esse error de libertate, ut putetur servus qui est liber. Sed libertas non ponitur matrimonii impedimentum. Ergo nec servitus deberet poni.

6. Praeterea. Magis facit gravem societatem matrimonii, & plus impedit bonum hominis morbus lepra quam servitus. Sed lepra non ponitur impedimentum matrimonii, Ergo nec servitus debet poni.

Sed contra est quod Decretalis (cap. *Propositus*, & cap. *Ad nostram*) dicit de coniugio servorum, quod error conditionis impedit contrahendum matrimonium, & dirimit contractum.

Praeterea. Matrimonium est de bonis per se (a) expetendis, in quantum habet honestatem. Sed servitus est de per se fugiendis. Ergo matrimonium, & servitus sunt contraria; & sic servitus matrimonium impedit.

## SOLUTIO.

Respondeo dicendum, quod in matrimonio contractu obligatur unus coniugum alteri ad debitum reddendum: & ideo si ille qui

(a) ad expectandas.

qui se obligat, est impotens ad solvendum, ignorantia huius impotentiae in eo cui fit obligatio, tollit contractum. Sicut autem per impotentiam coeundi efficiuntur aliquis impotens ad solvendum debitum, ut omnino non possit solvere; ita per servitutem, ut libere reddere debitum non possit: & ideo sicut impotentia coeundi ignorata impedit matrimonium, non autem si sciatur; ita conditio servitutis ignorata matrimonium impedit, non autem servitus scita.

Ad primum ergo dicendum, quod servitus contrariatur matrimonio quantum ad actum, ad quem quis per matrimonium alteri obligatur, quem non potest libere exequi: & quantum ad bonum prolis, quæ peioris conditionis efficitur ex servitute parentis. Sed quia quilibet potest in eo quod sibi debetur, sponte detrimentum aliquod subire; ideo, si alter coniugum scit alterius servitutem, nihilominus matrimonium tenet. Similiter etiam quia in matrimonio est æqualis obligatio ex utraque parte ad debitum reddendum, non potest aliquis requirere maiorem obligationem ex parte alterius quam ipse possit facere: & propter hoc servus etiam si contrahit cum ancilla, quam credit liberam, non propter hoc impedit matrimonium. Et sic patet quod servitus non impedit matrimonium, nisi quando ignorata est ab alio coniuge, & si ille sit liberæ conditionis: & ideo nihil prohibet inter servos esse coniugia, vel etiam inter liberum & ancillam.

Ad secundum dicendum, quod nihil prohibet esse aliquid contra naturam quantum ad primam intentionem ipsius, quod non est contra naturam quantum ad secundam eius intentionem; sicut omnis corruptio, & defectus, & senium est contra naturam, ut dicitur in II. Cæli & mundi (text. eom. xviii.) quia natura intendit esse, & perfectionem; non tamen est contra secundam intentionem naturæ, quia ex quo natura non potest conservare esse in uno, conservat in altero, quod generatur corruptione alterius: & quando natura non potest perducere ad maiorem perfectionem; inducit ad minorem, sicut quando non potest facere masculum, facit feminam, quæ est mas occasionatus, ut dicitur in XVI. de animalibus (vel II. de generat. animal. cap. xii.) Similiter etiam dico, quod servitus est contra primam intentionem naturæ, sed non contra secundam: quia naturalis ratio ad hoc inclinatur, & hoc appetit natura ut quilibet sit bonus; sed ex quo aliquis peccat, natura etiam inclinatur ut ex peccato penam

reportet, & sic servitus in penam peccati introducta est. Nec est inconveniens aliquid naturale per hoc quod est contra naturam hoc modo impediri: sic enim matrimonium impeditur per impotentiam coeundi, quæ est contra naturam modo prædicto.

Ad tertium dicendum, quod ius naturale dicitur quod pena sit pro culpa infligenda, & quod nullus sine culpa puniri debeat; Ad determinare penam secundum conditionem personæ, & culpæ, est iuris positivi: & ideo servitus, quæ est quedam pena determinata, est de iure positivo, & a naturali proficiscitur, sicut determinatum ab indeterminato: & eodem iure positivo determinante est factum quod servitus ignorata matrimonium impedit, ne aliquis sine culpa puniatur: est enim quedam pena uxoris quod habeat virum servum, & e converso.

Ad quartum dicendum, quod aliqua impedimenta sunt quæ faciunt matrimonium illicitum. Et quia voluntas nostra non facit aliquid esse illicitum, vel licitum, sed lex cui voluntas subdi debet; ideo ignorantia talis impedimenti quæ voluntarium tollit, vel scientia nihil facit ad hoc quod matrimonium teneat, & tale impedimentum est affinitas, vel votum, & cetera huiusmodi. Quedam autem impedimenta sunt quæ faciunt matrimonium inefficax ad solutionem debiti: & quia in voluntate nostra consistit debitum nobis relaxare, ideo talia impedimenta, si sint cognita, matrimonium non tollunt, sed solum quando ignorantia voluntarium excludit: & tale impedimentum est servitus, & impotentia coeundi. Et quia etiam de se habent aliquam rationem impedimenti, ideo ponuntur specialia impedimenta præter errorem. Non autem personæ variatio ponitur speciale impedimentum præter errorem: quia persona altera subintroducta non habet rationem impedimenti, nisi ex intentione contrahentis.

Ad quintum dicendum, quod libertas non impedit matrimonii actum: unde libertas ignorata non impedit matrimonium.

Ad sextum dicendum, quod lepra non impedit matrimonium quantum ad primum actum suum, eo quod leprosi debitum reddere possunt libere, quamvis aliqua gravamina matrimonio inferant quantum ad secundos effectus: & ideo non impedit matrimonium sicut servitus.

*Utrum servus matrimonium contrahere possit  
sine consensu domini.*

1. **A**D secundum sic proceditur. Videtur quod servus matrimonium contrahere non possit sine consensu domini. Nullus enim potest dare alicui quod est alterius, sine consensu ipsius. Sed servus est res domini. Ergo non potest contrahendo matrimonium dare potestatem corporis sui uxori sine consensu domini.

2. Præterea. Servus tenetur domino suo obedire. Sed dominus potest ei præcipere quod in matrimonium non consentiat. Ergo sine consensu eius matrimonium non potest contrahere.

3. Præterea. Post contractum matrimonium servus tenetur reddere debitum uxori præcepto iuris divini. Sed eo tempore quo uxor debitum petit, potest dominus aliquod servitium servo imponere, quod facere non poterit, si carnali copulæ vacare velit. Ergo si sine consensu domini posset servus contrahere matrimonium, privaretur dominus servitio sibi debito sine culpa; quod esse non debet.

4. Præterea. Dominus potest vendere servum in extraneas regiones, quo uxor sua non poterit eum sequi vel propter infirmitatem corporis, vel propter periculum fidei imminens, puta si vendatur infidelibus, vel etiam domino uxoris non permittente, si sit ancilla: & sic matrimonium dissolvitur, quod est inconveniens. Ergo non potest servus sine consensu domini matrimonium contrahere.

5. Præterea. Favorabilior est obligatio quam homo se divinis obsequiis mancipat, quam illa qua homo se uxori subiicit. Sed servus sine consensu domini non potest religionem intrare, vel ad clericatum promoveri. Ergo multo minus potest sine eius consensu matrimonio iungi.

Sed contra. Gal. 11. 28. *In Christo Iesus non est servus, neque liber.* Ergo ad matrimonium contrahendum in fide Christi Iesu eadem est libertas liberis, & servis.

Præterea. Servitus est de iure positivo. Sed matrimonium de iure divino, & naturali. Cum ergo ius positivum non præiudicet iuri naturali, aut divino, videtur quod servus absque domini consensu matrimonium contrahere possit.

Respondeo dicendum, quod (a) cum ius positivum, ut dictum est, progrediatur a iure naturali; ideo servitus, quæ est de iure positivo, non potest præiudicare his quæ sunt de lege naturali. Sicut autem appetitus naturæ est ad conservationem individui, ita est ad conservationem speciei per generationem. Unde sicut servus non subditur domino quin libere possit comedere, & dormire, & alia huiusmodi facere quæ ad necessitatem corporis pertinent, sine quibus natura conservari non potest; ita non subditur ei quantum ad hoc quod non possit libere matrimonium contrahere, etiam domino nesciente, aut contradicente.

Ad primum ergo dicendum, quod servus est res domini quantum ad ea quæ naturalibus superadduntur, sed quantum ad naturalia omnes sunt pares: unde in his quæ ad actus naturales pertinent, servus potest alteri, inviro domino, sui corporis potestatem per matrimonium præbere.

Ad secundum dicendum, quod servus domino suo tenetur obedire in his quæ dominus potest licite præcipere. Sicut autem licite non potest præcipere dominus servo quod non comedat, aut dormiat; ita etiam ne quod a matrimonio contrahendo abstineat. Interest enim ad legislatorem qualiter quilibet re sua utatur: & ideo si dominus præcipiat servo quod non contrahat matrimonium, servus non tenetur ei obedire.

Ad tertium dicendum, quod si servus volente domino matrimonium contraxit, tunc debet prætermittere servitium domini imperantis, & reddere debitum uxori: quia per hoc quod dominus concessit matrimonium servus contraheret, intelligitur ei concessisse omnia quæ matrimonium requirit: si autem matrimonium ignorante, vel contradicente domino est contractum; non tenetur reddere debitum, sed potius domino obedire, si utrumque simul esse non possit. Sed tamen in his multa particularia considerari debent, sicut etiam in omnibus humanis actibus, scilicet periculum castitatis imminens uxori, & impedimentum quod ex redditione debiti servitio imperato generat, & aliis huiusmodi: quibus omnibus rite pensatis iudicari poterit cui magis servus obedire teneatur, domino, vel uxori.

Ad quartum dicendum, quod in tali casu dicitur, quod dominus cogendus est ne servum vendat taliter quod faciat onera mat-

A a tri.

trimonii graviora, præcipue cum non defit facultas ubique servum suum vendendi iusto pretio.

Ad quintum dicendum, quod per religionem, & ordinis susceptionem aliquis obligatur divinis obsequiis quantum ad totum tempus; sed vir tenetur uxori debitum reddere non semper, sed congruis temporibus: & ideo non est simile. Et præterea ille qui intrat religionem, & suscipit ordinem, obligat se ad opera quæ sunt naturalibus superaddita, in quibus dominus potestatem eius habet; & non in naturalibus, ad quæ obligat se per matrimonium: unde posset continentiam vivere sine consensu domini.

### ARTICULUS III.

*Utrum servitus matrimonio possit supervenire.*

1. **A**D tertium sic proceditur. Videtur quod servitus matrimonio non possit supervenire, ut vir se alteri vendat in servum. Quia quod in fraudem, & præiudicium alterius factum est, ratum esse non debet. Sed vir qui se in servum vendit, facit hoc quandoque in fraudem matrimonii, & ad detrimentum uxoris. Ergo non debet valere talis venditio ad servitutem inducendam.

2. Præterea. Duo favorabilia præiudicant uni non favorabili. Sed matrimonium, & libertas sunt favorabilia, & repugnant servituti, quæ non est favorabilis in iure. Ergo servitus talis debet penitus annullari.

3. Præterea. In matrimonio vir, & uxor ad paria iudicantur, ut supra (dist. xxxi.) dictum est. Sed uxor non potest se in ancillam dare nolente marito. Ergo nec vir nolente uxore.

4. Præterea. Illud quod impedit rei generationem in naturalibus, destruit etiam rem generatam. Sed servitus viri nesciente uxore impedit matrimonii contractum antequam fiat. Ergo si posset matrimonio supervenire, destrueret matrimonium; quod est inconveniens.

Sed contra. Quilibet potest dare alteri quod suum est. Sed vir est sui iuris, cum sit liber. Ergo potest ius suum dare alteri.

Præterea. Servus potest nolente domino uxorem ducere, ut dictum est. Ergo eadem ratione vir potest domino se subdere, nolente uxore.

Respondeo dicendum, quod vir subditur uxori solum in his quæ ad actum naturæ pertinent, in quibus sunt æquales, ad quæ servitutis subiectio se non extendit; & ideo vir nolente uxore potest se alteri in servum dare: non tamen ex hoc matrimonium dissolvitur, quia nullum impedimentum matrimonio superveniens potest dissolvere ipsi, ut prædictum est (dist. xxxiv. quæst. 1. ar. 1. ad 6.)

Ad primum ergo dicendum, quod fraus bene potest nocere ei qui fraudem facit, sed non potest alteri præiudicium generare: & ideo si vir in fraudem uxoris alteri det se in servum, ipse damnum reportat, inestimabile libertatis bonum amittens; sed uxori nullum potest ex hoc præiudicium generari, quin teneatur reddere debitum perenti, & ad omnia quæ matrimonium requiruntur: non enim potest ab his retrahi domini sui præcepto.

Ad secundum dicendum, quod quantum ad hoc quod servitus matrimonio repugnat, matrimonium servituti præiudicat: quia tunc servus tenetur uxori reddere debitum, etiam nolente domino.

Ad tertium dicendum, quod quamvis in actu matrimoniali, & his quæ ad naturam spectant ad paria vir, & uxor iudicentur, ad quæ conditio servitutis non se extendit; tamen quantum ad dispensationem domus, & ad alia huiusmodi superaddita, vir est caput mulieris, & debet corrigere, non autem e converso: & ideo uxor non potest se dare in ancillam nolente viro.

Ad quartum dicendum, quod ratio illa procedit de rebus corruptibilibus, in quibus etiam multa impediunt generationem, quæ non sufficiunt ad destruendum rem generatam. Sed in rebus perpetuis potest impedimentum præstari, ne res talis esse incipiat, non autem ut esse desinat, sicut pater de anima rationali: & similiter etiam est de matrimonio, quod est perpetuum vinculum præsentis vita manente.

### ARTICULUS IV.

*Utrum filii debeant sequi conditionem patris.*

1. **A**D quartum sic proceditur. Videtur quod filii debeant sequi conditionem patris. Quia denominatio fit a digniori. Sed pater in generatione est dignior quam mater. Ergo &c.

2. Præ-

2. Præterea. Esse rei magis dependet a forma quam a materia. Sed in generatione pater dat formam, mater materiam, ut dicitur in XVI. de animalib. (vel Lib. II. de gener. animal. cap. iv.) Ergo magis debet sequi proles patrem quam matrem.

3. Præterea. Illud præcipue debet aliquid sequi cui magis similatur. Sed filius plus similatur patri quam matri, sicut & filia plus matri. Ergo ad minus filius deberet sequi patrem, & filia matrem.

4. Præterea. In sacra Scriptura non computatur genealogia per mulieres, sed per viros. Ergo proles magis sequitur patrem quam matrem.

Sed contra. Si quis seminat in terra aliena, fructus sunt eius cuius est terra. Sed venter mulieris respectu seminis viri est sicut terra respectu sementis. Ergo &c.

Præterea. In aliis animalibus hoc videmus, quæ ex diversis speciebus nascuntur, quod partus magis sequitur matrem quam patrem: unde muli qui nascuntur ex equa & asino, magis simulantur equis quam illi qui nascuntur ex asina & equo. Ergo similiter debet esse in hominibus.

### S O L U T I O.

Respondeo dicendum, quod secundum leges civiles partus sequitur ventrem: & hoc rationabiliter, quia proles habet a patre complementum formale, sed a matre substantiam corporis. Servitus autem corporalis conditio est, cum servus sit quasi instrumentum domini in operando: & ideo proles in libertate, & servitute sequitur matrem; sed in his quæ pertinent ad dignitatem, quæ est forma rei, sequitur patrem, sicut in honoribus, & municipiis, & hereditate, & aliis: & huic etiam concordant canones, & lex Moysi, ut patet Exod. xxi. In quibusdam tamen terris quæ iure civili non reguntur, partus sequitur deteriorem conditionem; ut si pater sit servus, quamvis mater sit libera, erunt filii servi; non tamen si post peractum matrimonium pater se in servum dedit nolente uxore, & similiter si sit e converso. Si autem uterque sit servilis conditionis, & pertineant ad diversos dominos, tunc dividunt filios, si plures sunt, vel si unus tantum, unus alteri recompenfabit de pretio, & accipiet prolem

natam in sui servitium. Tamen non est credibile quod talis consuetudo possit esse, ita rationalis, sicut illud quod multorum sapientum diuturno studio determinatum est. Hoc etiam in naturalibus invenitur quod receptum est in recipiente per modum recipientis, & non per modum dantis: & ideo rationabile est quod semen receptum in muliere ad conditionem ipsius trahatur.

Ad primum ergo dicendum, quod quamvis pater sit dignius principium, tamen mater dat substantiam corporalem, ex parte cuius attenditur conditio servitutis.

Ad secundum dicendum, quod in his quæ ad rationem speciei pertinent, magis similatur filius patri quam matri; sed in materialibus conditionibus magis debet similari matri quam patri; quia res habet a forma esse specificum, sed conditiones materiales a materia.

Ad tertium dicendum, quod filius assimilatur patri ratione formæ quam habet in sui complemento, sicut & pater; & ideo ratio non est ad propositum.

Ad quartum dicendum, quod quia honor filii magis est ex patre quam ex matre, ideo in genealogiis in Scripturis, & secundum communem consuetudinem magis nominantur filii a patre quam a matre; tamen in his quæ ad servitutem spectant, magis matrem sequuntur.

### A R T I C U L U S V.

*Utrum defectus ætatis impediat matrimonium.*

1. **A**D quintum sic proceditur. Videtur quod defectus ætatis non impediat matrimonium. Secundum enim leges pueri accipiunt tutorem usque ad vigintiquinque annos. Ergo videtur quod usque ad tempus istud non sit confirmata ratio ad consensum; & ita videtur quod illud debeat esse tempus statutum ad matrimonia ineunda. Sed ante tempus illud matrimonium potest contrahi. Ergo defectus statutz ætatis non impedit matrimonium.

2. Præterea. Sicut vinculum religionis est perpetuum, ita vinculum matrimonii. Sed ante decimumoctavam annum non possunt facere professionem secundum novam (\*) institutionem\*. Ergo nec matrimonium con-

A a 2 tra-

(\*) Nicolai constitutionem.

EX EDIT. P. NICOLAI. \* Sic etiam Albertus in eadem dist. & sic supponere videtur infra posita responsio: quamvis nova constitutio ad quam alludit, Innocentii IV. vel Alexandri IV. . . . quarumdecimorum annum notat, ut & in Supplemento mutatum est quæst. LVIII. art. ult. Perperam prius indicabatur ad marginem cap. quia in *Infulis* extra de Regularibus, ubi pueri ante xviii. annum recipi prohibentur; quia nec esse potest nova constitutio, quæ ibid. ex Gregorio prænotatur Lib. I. Epist. epist. xlviii. nec nisi pro Monachis indulgentibus lata dicitur, quia eorum congregatio durior est.

trahere, si defectus ætatis matrimonium impediret.

3. Præterea. Sicut consensus ad matrimonium requiritur ex parte viri, ita ex parte mulieris. Sed mulier ante quattuordecimum annum potest contrahere matrimonium. Ergo & vir.

4. Præterea. Impotentia coeundi, nisi sit perpetua, & ignorata, non impedit matrimonium. Sed defectus ætatis non est perpetuus, nec ignoratus. Ergo non impedit matrimonium.

5. Præterea. Non continetur in aliquo prædictorum impedimentorum (a); & ita non videtur matrimonium esse impedimentum.

Sed contra est quod Decretalis \* (de despons. impub. cap. *Attestationes*, & cap. *Ex litteris*) dicit, quod puer qui non potest reddere debitum, non est aptus matrimonio. Sed ante decimum quartum annum ut in pluribus non potest reddere debitum, ut patet in IX. de animalibus (vel VII. de histor. animal. cap. 1.) Ergo &c.

Præterea. Omnium natura constantium potest esse terminus magnitudinis, & augendi; \*\* & ita videtur, cum matrimonium sit naturale, quod debeat habere determinatum tempus, per cuius defectum impeditur.

### SOLUTIO.

Respondeo dicendum, quod matrimonium, cum fiat per modum contractus cuiusdam, ordinationi legis positivæ subiacer, sicut & alii contractus: unde secundum iura determinatum est quod ante illud tempus discretionis quo uterque possit de matrimonio sufficienter deliberare, & debitum sibi invicem reddere matrimonia non contrahantur: & si non ita facta fuerint, dirimuntur. Hoc autem tempus ut in pluribus est in masculis in duodecimo anno, in feminis autem in quatuordecimo anno, cuius ratio supra dicta xxvii. (quæst. 2. art. 3. in corp.) dicta est. Quia tamen præcepta iuris positivi sequuntur id quod est in pluribus, si aliquis ad perfectionem debitam ante tempus prædictum perveniat, ita quod vigor naturæ, & rationis, defectum ætatis suppleat, matri-

monium non dissolvitur: & ideo si contrahentes ante annos pubertatis carnaliter ante tempus prædictum fuerint copulati, nihilominus matrimonium stat indissolubile.

Ad primum ergo dicendum, quod in illis ad quæ natura inclinat, non exigitur tantus vigor rationis ad deliberandum, sicut in aliis: & ideo ante potest in matrimonium sufficienter deliberans consentire quam possit in contractibus aliis res suas sine tutore pertractare.

Et similiter etiam dicendum est ad secundum: quia votum religionis est eorum quæ sunt supra inclinationem naturæ, quæ maiorem difficultatem habent quam matrimonium.

Ad tertium dicendum, quod mulier citius ad tempus pubertatis pervenit quam vir, ut dicitur in IX. de animalibus (vel Lib. VII. de hist. animal. cap. 111.) & supra dicta xxvii. (quæst. 11. art. 2. ad 3.) dictum est: & ideo non est simile de utroque.

Ad quartum dicendum, quod ex parte ista non solum est impedimentum propter impotentiam coeundi, sed propter defectum rationis, quæ adhuc non sufficit ad consensum illum rite faciendum qui perpetuo durare debet.

Ad quintum dicendum, quod sicut impedimentum quod est ex furia, reducit ad impedimentum erroris; ita & impedimentum quod est ex defectu ætatis: quia homo non habet usum plenum liberi arbitrii.

### EXPOSITIO TEXTUS.

Quod si ipsa fueris in servitute detenta, si eam a servitute redimere potest, facias; si non potest, si volueris, aliam accipias. Sciendum, quod si antequam sit detecta servitus uxoris, de qua dubitatur, petat debitum & si levi suspitione moveatur (b) vir, debet reddere debitum: nec ex hoc ei aliquod præiudicium generatur. Si autem ex causâ probabili dubitet, vel vehementer præsumat, aut certe cognoscat; non debet ei debitum reddere, Ecclesia præcipiente: quia vel sibi præiudicium faceret, si eam uxorio affectu cognosceret; aut alias fornicaretur.

(a.) Adde Nicolai hic defectus. (b.) Ad. desit vir.

EX EDIT. P. NICOLAI. \* De frigidis & maleficiis cap. Quod sedem. \*\* Lib. II. de Anima cap. xlv.

## DISTINCTIO XXXVII.

*In quo ordine nequeat fieri coniugium.*

**S**unt igitur quidam ordines in quibus nullatenus potest contrahi coniugium; et si intercefferit copula, fit divorcium, ut sacerdotium, diaconatus, & subdiaconatus. (1) In aliis vero permittitur sortiri coniugium, nisi religionis habitum sumperint, vel continentiam votum fecerint. Unde Leo Papa: \* „Clericos, lectores, „hostiarios, exorcistas, acolythos, si extra votum, & habitum inveniuntur, & „continentiam profiteri nolunt, uxorem ducere virginem Ecclesia Romana permittit, non viduam, vel repudiatam: quia deinceps nec ad subdiaconatum provehi „poterunt, nec laicos uxorem sortitus nisi virginem, vel bigamus ad clericatum. (2) „Item ex Carthaginensi Concilio (V. cap. xxxi.) „Placuit Episcopos, presbyteros, diaconos, subdiaconos etiam, ab uxoribus abstinere: quod si non fecerint, etiam ab ecclesiastico removeantur officio. Ceteros vero clericos ad hoc non cogit. „Item Leo Papa (I. epist. xcii. ad Rusticum cap. iii.) „Lex continentiae eadem est ministris altaris quae Episcopis, & presbyteris: qui cum essent „laici, vel lectores, licite uxores ducere potuerunt; sed cum ad praedictos pervenerunt gradus, cepit eis non licere quod licuit. „Item in VI. Synodo (can. vi.) „Si quis eorum qui ad clerum accedunt, voluerit nuptiali lege mulieri copulari, „hoc ante ordinem subdiaconatus faciat. „Item Calixtus Papa: \*\* „Presbyteris, diaconibus, subdiaconibus, monachis concubinas habere, seu matrimonium contrahere, penitus interdicimus: contracta quoque matrimonia ab huiusmodi personis disjungi, & personas ad poenitentiam debere redigi, iuxta sanctorum canonum distinctionem iudicamus. „Item Gregorius: \*\*\* „Nullum facere subdiaconum Episcopi praesumant, nisi qui se caste victurum promiserit: quia nullus debet ad ministerium altaris accedere nisi cuius castitas ante susceptum ministerium fuerit „approbata.“

*De intersectoribus suarum coniugum.*

**H**is addicendum est de occisoribus suarum coniugum; de quibus Nicolaus Papa scribit Rodolpho Bituricensi Archiepiscopo (ut refertur causa xxxiii. quest. 2.) „Intersectores suarum coniugum sine iudicio (cum non addis 3) adulterarum, „vel aliquid huiusmodi) quid aliud habendi sunt quam homicidae? Ac per hoc ad poenitentiam redigendi; quibus penitus denegatur coniugium. „Hic videtur Nicolaus permittere maritis pro adulterio, aut alio huiusmodi uxores suas interficere. Sed ecclesiastica disciplina spiritali gladio, non materiali criminosos feriri iubet. Unde idem Nicolaus \*\*\*\* „Inter haec vestra sanctitas addere studuit, si cuius uxor adulterium perpetraverit, utrum marito eius secundum mundanam legem interficere eam liceat. Sed sancta Dei Ecclesia, quae nunquam mundanis constringitur legibus, gladium non habet nisi spirituale. „Item Pius Papa (ibid.) „Quicumque propriam uxorem absque lege, & sine causa interfecerit, aliamque duxerit, armis depositis publicam agat poenitentiam; & si contumax extiterit, anathematizetur uliquequo sentiat.“

(1) Nicolaus: Aliis vero. (2) Adde Nicolaus potest ascendere. (3) Ad adulteram.

EX EDIT. F. NICOLAI. \* Scilicet Leo nonus contra Nicenam, ex quo refertur in Decretis dist. xxxii. cap. *Seriatim*, vel ex Humberto Cononnanensi eius Legato ad Nicetam Abbate respondere. \*\* Refertur in Decr. dist. xxvii. cap. *Presbyteris*, & Calixti secundi nomine praenotatur; sed aliunde sumptum appendix notat. \*\*\* Refertur ibid. cap. *Nullum*. \*\*\*\* Albino Archiepiscopo scribens, ubi supra.

## DIVISIO TEXTUS.

**P**ostquam determinavit Magister de impedimentis quæ faciunt personas medias inter penitus legitimas, & penitus illegitimas, hic determinat de impedimentis quæ faciunt personas penitus illegitimas: & dividit in partes duas. In prima determinat de impedimentis quæ faciunt personas illegitimas respectu cuiuslibet personæ; in secunda de impedimentis quæ faciunt personas illegitimas respectu aliquarum personarum, & non respectu omnium, xxxix. dist. ibi, *Post hæc de diffamati cultu videndum est*. Prima in duas. In prima determinat de impedimento ordinis; in secunda de impedimento voti, xxxviii. dist. ibi, *Nunc de voto inspiciamur*. Prima in duas. In prima ostendit quomodo matrimonium per ordines impediatur; in secunda quomodo impeditur per uxoricidii crimen, ibi, *Hic addiciendum est &c.*

## QUAESTIO I.

**H**ic est duplex questio. Prima de impedimento ordinis. Secunda de uxoricidio.

Circa primum queruntur duo.

Primo. Utrum ordo præcedens impediatur matrimonium.

Secundo. Utrum matrimonium præcedens ordinem sequi possit.

## ARTICULUS I.

*Utrum ordo impediatur matrimonium.*

**1. AD** primum sic proceditur. Videtur quod ordo non impediatur matrimonium. Quia nihil impeditur nisi a suo contrario. Sed ordo non est contrarius matrimonio, cum utrumque sit sacramentum. Ergo non impedit ipsum.

2. Præterea. Idem ordo est apud nos, & apud Ecclesiam orientalem. Sed apud Ecclesiam orientalem non impeditur matrimonium. Ergo nec apud occidentalem.

3. Præterea. Matrimonium significat coniunctionem Christi & Ecclesie. Sed hoc præcipue congruit significari in his qui sunt ministri Christi, scilicet ordinatis. Ergo ordo matrimonium non impedit.

4. Præterea. Omnes ordines ad aliquid spirituale ordinantur. Sed ordo non potest impedire matrimonium nisi ratione spiritualitatis. Ergo si ordo impedit matrimo-

nium, quilibet ordo impedit; quod falsum est.

5. Præterea. Omnes ordinati possunt ecclesiastica beneficia habere, & privilegio clericali gaudere, & æqualiter. Si ergo propter hoc ordo matrimonium impediatur, quia uxori non possunt habere beneficium ecclesiasticum, nec gaudere privilegio clericali, ut Iuriste dicunt; tunc quilibet ordo impedire deberet; quod falsum est, ut patet per Decretalem Alexandri (III.) de cler. coniug. (cap. *Si qui*, cap. *Quod a re*, & aliis) & sic nullus ordo, ut videtur, matrimonium impedit.

Sed contra est quod Decretalis dicit (ibid.) *Si in subdiaconatu, & aliis superioribus ordinibus uxores accepisse noscuntur, eos uxores dimittere compellat*; quod non esset, si esset verum matrimonium.

Præterea. Nullus vovens continentiam potest matrimonium contrahere. Sed quidam ordines sunt qui habent votum continentie annexum, ut ex littera patet. Ergo talis ordo matrimonium impedit.

## SOLUTIO.

Respondeo dicendum, quod ordo sacer de sui ratione habet ex quadam congruentia quod matrimonium impedire debeat: quia in sacris ordinibus constituti sacra vasa, & sacramenta tractant; & ideo decens est ut munditiam corporalem per continentiam servant. Sed quod impediatur matrimonium, ex constitutione Ecclesie habet; tamen aliter apud Latinos quam apud Græcos: quia apud Græcos impeditur matrimonium contrahendum solum ex vi ordinis; sed apud Latinos impeditur ex vi ordinis, & ulterius ex voto continentie, quod est ordinibus sacris annexum: quod etiam si quis verbo tenus non emittat, ex hoc ipso quod ordinem suscipit, secundum ritum occidentalis Ecclesie intelligitur emisisse; & ideo apud Græcos, & alios Orientales sacer ordo impedit matrimonium contrahendum, non tamen matrimonii prius contracti usum: possunt enim matrimonio prius contracto uti, quamvis non possint matrimonium de novo contrahere. Sed apud occidentalem Ecclesiam impeditur matrimonium, & matrimonii usum; nisi forte ignorante, aut contradicente uxore vir ordinem factum susceperit, quia ex hoc non potest ei aliquod praeiudicium generari. Quomodo autem ordines sacri distinguantur a non sacris nunc, & in primitiva Ecclesia, supra dist. xxiv. (quæst. 11. art. 1. quæstionum. 3.) dictum est.



Ad primum ergo dicendum, quod quamvis ordo sacer non habeat contrarietatem ad matrimonium, inquantum est sacramentum; habet tamen repugnantiam quamdam ad ipsam rationem sui actus, qui spirituales actus impedit.

Ad secundum dicendum, quod iam patet quod obiectio procedit ex falsis. Ordo enim ubique impedit matrimonium contrahendum, quamvis ubique non habeat votum annexum.

Ad tertium dicendum, quod illi qui sunt in sacris ordinibus constituti, significant Christum nobilioribus actibus, prout ex dictis in tractatu de ordine (dist. xxi. q. 1. 2. 3. 4. 5. 6. 7. 8. 9. 10. 11. 12. 13. 14. 15. 16. 17. 18. 19. 20. 21. 22. 23. 24. 25. 26. 27. 28. 29. 30. 31. 32. 33. 34. 35. 36. 37. 38. 39. 40. 41. 42. 43. 44. 45. 46. 47. 48. 49. 50. 51. 52. 53. 54. 55. 56. 57. 58. 59. 60. 61. 62. 63. 64. 65. 66. 67. 68. 69. 70. 71. 72. 73. 74. 75. 76. 77. 78. 79. 80. 81. 82. 83. 84. 85. 86. 87. 88. 89. 90. 91. 92. 93. 94. 95. 96. 97. 98. 99. 100. 101. 102. 103. 104. 105. 106. 107. 108. 109. 110. 111. 112. 113. 114. 115. 116. 117. 118. 119. 120. 121. 122. 123. 124. 125. 126. 127. 128. 129. 130. 131. 132. 133. 134. 135. 136. 137. 138. 139. 140. 141. 142. 143. 144. 145. 146. 147. 148. 149. 150. 151. 152. 153. 154. 155. 156. 157. 158. 159. 160. 161. 162. 163. 164. 165. 166. 167. 168. 169. 170. 171. 172. 173. 174. 175. 176. 177. 178. 179. 180. 181. 182. 183. 184. 185. 186. 187. 188. 189. 190. 191. 192. 193. 194. 195. 196. 197. 198. 199. 200. 201. 202. 203. 204. 205. 206. 207. 208. 209. 210. 211. 212. 213. 214. 215. 216. 217. 218. 219. 220. 221. 222. 223. 224. 225. 226. 227. 228. 229. 230. 231. 232. 233. 234. 235. 236. 237. 238. 239. 240. 241. 242. 243. 244. 245. 246. 247. 248. 249. 250. 251. 252. 253. 254. 255. 256. 257. 258. 259. 260. 261. 262. 263. 264. 265. 266. 267. 268. 269. 270. 271. 272. 273. 274. 275. 276. 277. 278. 279. 280. 281. 282. 283. 284. 285. 286. 287. 288. 289. 290. 291. 292. 293. 294. 295. 296. 297. 298. 299. 300. 301. 302. 303. 304. 305. 306. 307. 308. 309. 310. 311. 312. 313. 314. 315. 316. 317. 318. 319. 320. 321. 322. 323. 324. 325. 326. 327. 328. 329. 330. 331. 332. 333. 334. 335. 336. 337. 338. 339. 340. 341. 342. 343. 344. 345. 346. 347. 348. 349. 350. 351. 352. 353. 354. 355. 356. 357. 358. 359. 360. 361. 362. 363. 364. 365. 366. 367. 368. 369. 370. 371. 372. 373. 374. 375. 376. 377. 378. 379. 380. 381. 382. 383. 384. 385. 386. 387. 388. 389. 390. 391. 392. 393. 394. 395. 396. 397. 398. 399. 400. 401. 402. 403. 404. 405. 406. 407. 408. 409. 410. 411. 412. 413. 414. 415. 416. 417. 418. 419. 420. 421. 422. 423. 424. 425. 426. 427. 428. 429. 430. 431. 432. 433. 434. 435. 436. 437. 438. 439. 440. 441. 442. 443. 444. 445. 446. 447. 448. 449. 450. 451. 452. 453. 454. 455. 456. 457. 458. 459. 460. 461. 462. 463. 464. 465. 466. 467. 468. 469. 470. 471. 472. 473. 474. 475. 476. 477. 478. 479. 480. 481. 482. 483. 484. 485. 486. 487. 488. 489. 490. 491. 492. 493. 494. 495. 496. 497. 498. 499. 500. 501. 502. 503. 504. 505. 506. 507. 508. 509. 510. 511. 512. 513. 514. 515. 516. 517. 518. 519. 520. 521. 522. 523. 524. 525. 526. 527. 528. 529. 530. 531. 532. 533. 534. 535. 536. 537. 538. 539. 540. 541. 542. 543. 544. 545. 546. 547. 548. 549. 550. 551. 552. 553. 554. 555. 556. 557. 558. 559. 560. 561. 562. 563. 564. 565. 566. 567. 568. 569. 570. 571. 572. 573. 574. 575. 576. 577. 578. 579. 580. 581. 582. 583. 584. 585. 586. 587. 588. 589. 590. 591. 592. 593. 594. 595. 596. 597. 598. 599. 600. 601. 602. 603. 604. 605. 606. 607. 608. 609. 610. 611. 612. 613. 614. 615. 616. 617. 618. 619. 620. 621. 622. 623. 624. 625. 626. 627. 628. 629. 630. 631. 632. 633. 634. 635. 636. 637. 638. 639. 640. 641. 642. 643. 644. 645. 646. 647. 648. 649. 650. 651. 652. 653. 654. 655. 656. 657. 658. 659. 660. 661. 662. 663. 664. 665. 666. 667. 668. 669. 670. 671. 672. 673. 674. 675. 676. 677. 678. 679. 680. 681. 682. 683. 684. 685. 686. 687. 688. 689. 690. 691. 692. 693. 694. 695. 696. 697. 698. 699. 700. 701. 702. 703. 704. 705. 706. 707. 708. 709. 710. 711. 712. 713. 714. 715. 716. 717. 718. 719. 720. 721. 722. 723. 724. 725. 726. 727. 728. 729. 730. 731. 732. 733. 734. 735. 736. 737. 738. 739. 740. 741. 742. 743. 744. 745. 746. 747. 748. 749. 750. 751. 752. 753. 754. 755. 756. 757. 758. 759. 760. 761. 762. 763. 764. 765. 766. 767. 768. 769. 770. 771. 772. 773. 774. 775. 776. 777. 778. 779. 780. 781. 782. 783. 784. 785. 786. 787. 788. 789. 790. 791. 792. 793. 794. 795. 796. 797. 798. 799. 800. 801. 802. 803. 804. 805. 806. 807. 808. 809. 810. 811. 812. 813. 814. 815. 816. 817. 818. 819. 820. 821. 822. 823. 824. 825. 826. 827. 828. 829. 830. 831. 832. 833. 834. 835. 836. 837. 838. 839. 840. 841. 842. 843. 844. 845. 846. 847. 848. 849. 850. 851. 852. 853. 854. 855. 856. 857. 858. 859. 860. 861. 862. 863. 864. 865. 866. 867. 868. 869. 870. 871. 872. 873. 874. 875. 876. 877. 878. 879. 880. 881. 882. 883. 884. 885. 886. 887. 888. 889. 890. 891. 892. 893. 894. 895. 896. 897. 898. 899. 900. 901. 902. 903. 904. 905. 906. 907. 908. 909. 910. 911. 912. 913. 914. 915. 916. 917. 918. 919. 920. 921. 922. 923. 924. 925. 926. 927. 928. 929. 930. 931. 932. 933. 934. 935. 936. 937. 938. 939. 940. 941. 942. 943. 944. 945. 946. 947. 948. 949. 950. 951. 952. 953. 954. 955. 956. 957. 958. 959. 960. 961. 962. 963. 964. 965. 966. 967. 968. 969. 970. 971. 972. 973. 974. 975. 976. 977. 978. 979. 980. 981. 982. 983. 984. 985. 986. 987. 988. 989. 990. 991. 992. 993. 994. 995. 996. 997. 998. 999. 1000.

Ad quartum dicendum, quod illi qui sunt in minoribus ordinibus constituti, ex vi ordinis non prohibentur matrimonium contrahere: quia quamvis ordines illi deputentur ad aliqua spiritualia, non tamen immediate habent accessum ad tractandum sacra, sicut illi qui sunt in sacris ordinibus. Sed secundum statutum occidentalium Ecclesiarum matrimonii usus executionem ordinis non facit impedire propter servandam maiorem honestatem in officiis Ecclesiarum. Et quia aliquis ex beneficio ecclesiastico tenetur ad executionem ordinis, & ex hoc ipso privilegio clericali gaudet; ideo hæc apud Latinos clericis uxoris auseruntur.

Et per hoc patet solutio ad ultimum.

## ARTICULUS II.

*Utrum matrimonio ordo sacer supervenire possit.*

1. **A**D secundum sic proceditur. Videtur quod matrimonio ordo sacer supervenire non possit. Quia fortius præiudicatur fortius. Sed fortius est vinculum spirituale quam corporale. Ergo si matrimonio iunctus ordinem suscipiat, præiudicium generabitur uxori, ut non possit debitum exigere; cum ordo sit vinculum spirituale, & matrimonium corporale: & sic videtur quod non possit ordinem sacrum suscipere post matrimonium consummatum.

2. Præterea. Post matrimonium consummatum unus coniugum sine alterius consensu non potest continentiam vovere. Sed ordo sacer habet continentiam votum annexum. Ergo si vir ordinem sacrum invita uxore acciperet, coheretur uxor invita continen-

tiam servare: quia non posset alteri nubere, viro vivente.

3. Præterea. Etiam ad tempus non potest vir vacare orationi sine consensu uxoris, ut habetur I. Corinth. vrr. Sed apud Orientales illi qui sunt in sacris constituti, tenentur ad continentiam tempore quo exequantur officium suum. Ergo nec ipsi possunt ordinari sine consensu uxoris, & multo minus Latini.

4. Præterea. Vir, & uxor ad paria iudicantur. Sed sacerdos Græcus defuncta uxore sua non potest aliam ducere. Ergo nec uxor defuncto viro. Sed non potest sibi auferri facultas nubendi post mortem viri per viri actum. Ergo vir non potest suscipere ordines post matrimonium.

5. Præterea. Quantum matrimonium opponitur ordini, tantum e converso. Sed ordo præcedens impedit matrimonium. Ergo e converso.

Sed contra. Religiosi tenentur ad continentiam, sicut illi qui sunt in sacris ordinibus. Sed post matrimonium potest aliquis religionem intrare, defuncta, vel consentiente uxore. Ergo & ordinem suscipere.

Præterea. Aliquis potest fieri servus hominum post matrimonium. Ergo & servus Dei per susceptionem ordinis.

## SOLUTIO.

Respondeo dicendum, quod matrimonium non impedit ordinis sacri susceptionem: quia si matrimonio iunctus ad sacros ordines accedat, etiam reclamante uxore, nihilominus characterem ordinis suscipit, sed executione ordinis caret; si autem volente uxore, vel ipsa defuncta, ordinem sacrum accipit, recipit ordinem, & executionem.

Ad primum ergo dicendum, quod vinculum ordinis solvit vinculum matrimonii ratione redditionis debiti, ex qua parte habet repugnantiam ad matrimonium ex parte eius qui ordinem suscipit: quia non potest petere debitum, nec uxor tenetur ei reddere. Sed tamen non solvit ex parte alterius, quia ipse uxori tenetur debitum reddere, si non possit eam inducere ad continentiam.

Ad secundum dicendum, quod si uxor sciat, & de eius consensu vir ordinem sacrum susceperit, tenetur continentiam perpetuam vovere; non tamen tenetur religionem intrare, si sibi non timeat de periculo castitatis, propter hoc quod vir eius solempne votum emisit; secus autem si emisisset votum simplex. Si autem sine eius consensu

fu suscepit, non tenetur: quia ex hoc nulum sibi praeiudicium generatur.

Ad tertium dicendum, quod sicut probabilius videtur (quamvis quidam contrarium dixerint) etiam Græci non debent accedere ad sacros ordines sine consensu uxorum, quia ad minus tempore ministerii sui fraudarentur debiti redditione; quo fraudari non possunt secundum ordinem iuris, si eis contradicentibus, aut ignorantibus viri ordines suscepissent.

Ad quartum dicendum, quod, sicut dicitur, eo ipso quod mulier consentit apud Græcos quod vir suum ordinem suscipiat, obligat se ad hoc quod ipsa in perpetuum alteri non nubat: quia significatio matrimonii non servaretur, quæ in matrimonio sacerdotis præcipue exigitur. Si autem sine consensu eius ordinatur, non videtur ad hoc teneri.

Ad quintum dicendum, quod matrimonium habet pro causa nostrum consensum, non autem ordo, sed habet causam sacramentalem determinatam a Deo: & ideo matrimonium potest impediri ex ordine præcedente, quod non sit verum matrimonium, non autem ordo ex matrimonio, quod non sit verus ordo: quia sacramentorum virtus est immutabilis, sed actus humani possunt impediri.

## QUAESTIO II.

**D**Einde quaeritur de uxoricidio: & circa hoc quaeruntur duo.

Primo. Utrum in aliquo casu liceat uxorem occidere.

Secundo. Utrum uxoricidium impediat matrimonium.

## ARTICULUS I.

*Utrum liceat viro uxorem interficere in actu adulterii deprehensam.*

**A**D primum sic proceditur. Videtur in quo liceat viro uxorem interficere in actu adulterii deprehensam. Lex enim divina præcipit adulteras lapidari. Sed ille qui legem divinam exequitur, non peccat. Ergo nec occidens propriam uxorem, si sit adultera.

**2.** Præterea. Illud quod licet legi, licet ei cui lex hoc committit. Sed legi licet interficere adulteram, aut quamlibet personam ream mortis. Cum ergo lex commiserit viro interfecionem uxoris in actu adulterii deprehensæ, videtur quod ei liceat.

**3.** Præterea. Vir habet maiorem potestatem super uxorem adulteram quam super eum qui cum ipsa adulterium commisit. Sed si vir percutiat clericum, quem cum propria uxore invenit, non est excommunicatus. Ergo videtur quod etiam liceat interficere propriam uxorem in adulterio deprehensam.

**4.** Præterea. Viri est uxorem suam corrigere. Sed correctio fit per inflectionem iustæ pœnæ. Cum ergo iusta pœna adulterii sit mors, quia est capitale crimen, videtur quod liceat viro uxorem adulteram occidere.

Sed contra. In littera dicitur, quod Ecclesia Dei, quæ numquam confringitur legibus mundanis, gladium non habet nisi spiritualem. Ergo videtur quod ei qui vult esse de Ecclesia, non sit licitus usus legis illius quæ uxoricidium permittit.

Præterea. Vir, & uxor ad paria iudicantur. Sed uxori non licet interficere virum in adulterio deprehensum. Ergo nec viro uxorem.

## SOLUTIO.

Respondeo dicendum, quod virum interficere uxorem contingit dupliciter. Uno modo per iudicium civile, & sic non est dubium quod sine peccato potest vir zelo iustitiæ, non livore vindictæ, aut odii motus uxorem adulteram in iudicio seculari accusare criminaliter de adulterio, & pœnam mortis a lege statutam petere, sicut etiam licet accusare aliquem de homicidio, aut de alio crimine. Nontamen talis accusatio potest fieri in iudicio ecclesiastico, quia Ecclesia non habet gladium materiale, ut in littera dicitur. Alio modo potest eam per se ipsum occidere non in iudicio convictam; & sic extra actum adulterii eam interficere, quantumcumque sciat eam adulteram, neque secundum leges civiles, neque secundum legem conscientie licet. Sed lex civilis quasi licitum computat quod in ipso actu eam interficiat, non quasi præcipiens, sed quasi pœnam homicidii non inferens, propter maximum incitamentum quod habet vir in tali facto ad occisionem uxoris. Sed Ecclesia in hoc non est astricta legibus humanis, ut iudicet eum sine reatu pœnæ æternæ, vel pœnæ ecclesiastico iudicio infligendæ, ex hoc quod est sine reatu pœnæ infligendæ per iudicium seculare. Et ideo in nullo casu licet viro interficere uxorem propria auctoritate.

Ad primum ergo dicendum, quod pœnam illam infligenda lex non committit personis

nis privatis, sed personis publicis quæ habent officium ad hoc deputatum; vir autem non est iudex uxoris: & ideo non potest eam interficere, sed coram iudice accusare.

Ad secundum dicendum, quod lex civilis non committit viro occisionem uxoris quasi præcipiens (quia sic non peccaret, sicut nec minister iudicis peccat latronem occidens condemnatum ad mortem) sed permittit, poenam non adhibens: unde etiam difficultates quasdam apposuit, quibus retraherentur viri ab uxoricidio.

Ad tertium dicendum, quod ex hoc non probatur quod sit licitum simpliciter, sed quantum ad immunitatem ab aliqua poena: quia etiam excommunicatio quasdam poena est.

Ad quartum dicendum, quod duplex est congregatio: quasdam œconomica, sicut familia aliqua; & quasdam politica, sicut civitas, aut regnum. Ille igitur qui præest secundæ congregationi, ut Rex, aut iudex, potest infligere poenam & corrigenstem personam, & exterminantem ad purgationem communitatis cuius curam gerit. Sed ille qui præest in prima congregatione, sicut paterfamilias, non potest infligere nisi poenam corrigenstem, quæ non se extendit ultra terminos emendationis, quam transcendit poena mortis: & ideo vir qui sic præest uxori, non potest ipsam interficere, sed alias castigare.

## ARTICULUS II.

*Utrum uxoricidium matrimonium impediat.*

1. **A**D secundum sic proceditur. Videtur quod uxoricidium non impediat matrimonium. Directius enim opponitur matrimonio adulterium quam homicidium. Sed adulterium non impedit matrimonium. Ergo nec homicidium uxoris.

2. Præterea. Gravius peccatum est occidere matrem quam uxorem: quia nunquam licet verberare matrem, licet autem verberare uxorem. Sed occisio matris non impedit matrimonium. Ergo nec occisio uxoris.

3. Præterea. Magis peccat qui uxorem alterius propter adulterium interficit, quam qui uxorem suam, in quantum minus habet de morivo, & minus ad eum spectat eius correctio. Sed qui alienam uxorem occidit, non impeditur a matrimonio. Ergo nec ille qui propriam uxorem interficit.

4. Præterea. Remota causa removetur effectus. Sed peccatum homicidii potest per

*S. Tb. Oper. Tom. XIII.*

pœnitentiam removeri. Ergo & impedimentum matrimonii quod ex eo causatur; & ita videtur quod post peccatum pœnitentiam non prohibeatur matrimonium contrahere.

Sed contra est quod canon dicit (ex Nicæno 1. dist. xxxiii. in Decretis) *Interflectores suarum coniugum ad pœnitentiam redeundi sunt, quibus penitus denegatur coniugium*.

Præterea. In eo in quo quis peccat, debet etiam puniri. Sed peccat contra matrimonium qui uxorem occidit. Ergo debet puniri, ut matrimonio privetur.

## SOLUTIO.

Respondeo dicendum, quod uxoricidium ex statuto Ecclesiæ matrimonium impedit. Sed quandoque impedit contrahendum, & non dirimit contractum, quando scilicet vir propter adulterium, aut propter odium occidit uxorem; tamen si timetur de incontinentia eius, potest cum eo dispensari per Ecclesiā, ut licite matrimonium contrahat. Quandoque etiam dirimit contractum, ut quando aliquis interficit uxorem suam, ut ducat eam cum qua mœchatur: tunc enim efficitur illegitima persona simpliciter ab contrahendum cum illa, ita quod si de facto cum ea contraxerit matrimonium, ditimitur. Sed ex hoc non efficitur persona simpliciter illegitima respectu aliarum mulierum: unde si cum alia contraxerit, quamvis peccet contra statum Ecclesiæ faciens, tamen matrimonium contractum non dirimitur propter hoc.

Ad primum ergo dicendum, quod homicidium, & adulterium in aliquo casu impediunt matrimonium contrahendum, & dirimunt contractum, sicut de uxoricidio hic dicitur, & de adulterio, ut habitum est supra dist. xxxv. (in expositione litteræ.) Vel dicendum, quod uxoricidium est contra substantiam coniugii, sed adulterium est contra bonum fidei ei debite; & sic adulterium non est magis contra matrimonium quam uxoricidium: & ita ratio procedit ex falsis.

Ad secundum dicendum, quod simpliciter loquendo, gravius peccatum est occidere matrem quam uxorem, & magis contra naturam: quia naturaliter homo matrem reverteretur; & ideo minus inclinatur ad interfecionem matris, & prior est ad interfecionem uxoris; ad cuius pronitatis repressecionem uxoricidis est matrimonium ab Ecclesiā interdictum.

Ad tertium dicendum, quod talis non peccat contra matrimonium, sicut ille qui propriam

B b

primam

priam uxorem interficit: & ideo non est simile.

Ad quantum dicendum, quod non est necessarium quod deleta culpa defleatur omnis poena, sicut de irregularitate paret: non enim poenitentia restituit in pristinam dignitatem, quamvis possit restituere in pristinum statum gratiae, ut supra dist. xiv. dictum est.

#### EXPOSITIO TEXTUS.

**U**Xorem virginem, &c. Intelligitur sub hypothese; idest, si ad clericatum redire

desiderat ad sacerdotium promovendus.

*Sancti Dei Ecclesia gladium non habet* &c. Contra est quod Bernardus dicit ad Eugenium ( Lib. IV. de confid. cap. 111. ) quod Ecclesia utrumque gladium habet. Et dicendum, quod habet spirituales tantum quantum ad executionem sua manu exercendam; sed habet etiam temporalem quantum ad eius iussionem: quia eius nuntius extrahendus est, ut dicit Bernardus ( ibidem. )



### DISTINCTIO XXXVIII.

*De voto.*

**N**unc de voto inspiciamus. Votum est testificatio quædam promissionis spontaneæ, quæ Deo, & de his quæ Dei sunt, proprie fieri debet. Sunt tamen & vota stultorum, quæ frangenda sunt.

*De votorum differentiis.*

**S**ciendum vero, quod votorum aliud est commune, aliud singulare. Commune, ut illud quod in baptismo omnes faciunt, cum spondent renuntiare diabolo, & pompis eius. Singulare, ut cum aliquis sponte promittit servare virginitatem, & continentiam, vel aliquid huiusmodi. Item singulare votum aliud est privatum, aliud solemne. Privatum est in abscondito factum, solemne vero in conspectu Ecclesiæ factum. Item. Privatum si violetur, peccatum est mortale; solemne vero violare, peccatum, & scandalum est. ( Ex Hugone de S. Victore Lib. II. de sacram. part. xii. cap. 111. ) Qui privatum faciunt votum continentiae, matrimonium contrahere non debent, quia contrahendo mortaliter peccant. Si tamen contraxerint, non separentur: quia probari non potest quod occulte factum est. Qui vero solemniter vovent, nullatenus coniugium inire queunt; quibus non solum nubere, sed & velle damnabile est. Unde Augustinus ( de bono viduitatis cap. viii. ) „ In coniugali vinculo si pudicitia servatur, damnatio non timetur; „ sed in viduali continentia, & virginali excellentia virtus muneris amplioris expetitur; qua expetita, & electa, & voto oblata, iam non solum capessere nupcias, sed etiam si non nubatur, nubere velle damnabile est. „ Voventibus enim virginitatem, vel viduitatem non solum nubere, sed etiam velle ( t ) nubere damnabile est. Quod Apostolus ostendit Timotheo scribens ( I. Tim. cap. v. 11. ) „ Adolescentiores viduas devita. Cum enim luxuriaræ fuerint, in Christo nubere volunt; „ idest, cum post votum continentiae in deliciis egerint vitam, non dico nubunt, sed nubere volunt in Christo; quasi tunc non sit peccatum. Sed quod sit, ostendit subdicens: „ Habentes damnationem. „ Et quare? Subdit: „ Quia „ primam fidem irritam fecerunt, „ etsi non nubendo, tamen volendo; ut voluntatem quæ a proposito cecidit, appareat esse damnatam, sive sequantur nuptiae, sive non. Damnatur enim propositi fraus, damnantur tales, quia continentiae fidem primam irri am fecerunt, idest votum, vel in voto violato, fidem quam in baptismo professi sunt. Si autem pro voluntate nubendi damnantur, constat, si

( 2 ) *id. deff. nubere.*

cam

eam effectui mancipaverint, revocandum id esse in irritum, easque (1) coercendas redire ad propositum. Unde Gregorius: \* „Viduas a proposito recedentes viduitatis, „super quibus nos consulisti, credo te nosse a sancto Paulo, nisi convertantur, „olim esse damnatas: quas & nos apostolica auctoritate damnandas, & a com- „munionem fidelium, atque a liminibus Ecclesiæ arcendas fore censemus, usquequo „obediant Episcopis suis, & ad bonum quod cœperunt, invitæ, aut voluntariæ „revertantur, “

*De virginibus non velatis.*

„**D**E virginibus autem non velatis, si deviaverint, a prædecessore nostro Innocentio Papa tale decretum habemus. \*\* Hæc quæ nondum sacro velamine teclæ, tamen in proposito virginali semper simulaverunt permanere, licet velatæ non fuerint, tamen si nuplerint (2) aliquo tempore his agenda pœnitentia est: quia sponsio earum a Domino tenebatur. Si enim inter homines solet bonæ fidei contractus nulla ratione dissolvi, quanto magis ista pollicitatio, quam cum Deo pepigit, solvi sine vindicta non poterit? Item (ibid.) „Si virgines nondum velatæ taliter publica pœnitentia puniuntur, & a cœtu fidelium usque ad satisfactionem excluduntur; quanto magis viduæ, quæ perfectioris ætatis, & maturioris consilii existunt, & habitum religionis assumpserunt, & deinde apostataverunt, atque ad priorem vomitum sunt reversæ, a nobis, & ab omnibus fidelibus a liminibus Ecclesiæ, & a cœtu fidelium usque ad satisfactionem sunt eliminandæ, & carceribus tradendæ? Ex his apparet virgines, vel viduas voto continentis allicitas, siue fuerint velatæ, siue non, nullatenus coniugium fortiri posse. Quod itidem de omnibus intelligendum est qui continentiam voverunt. Quod enim ante erat licitum, post votum fit illicitum. Non est igitur præmittendum quod Innocentius Papa de viduis, & puellis decrevit. \*\*\* „Quæ Chrillo spiritaliter nubunt, si postea publice nuplerint, non eas admittendas esse ad pœnitentiam, nisi hi quibus se iunxerant, de mundo recesserint. Si enim de (3) hominibus hæc ratio custoditur, ut quæcumque vivente viro aliter nuperit, adultera habeatur, nec ei agenda pœnitentie licentia conceditur, nisi unus de illis fuerit defunctus; quanto magis de illa tenenda est, quæ ante se immortalis sponso coniunxerat, & post ad humanas nuptias transmigraverit? Attende, quod non solum coniugium talibus negare videtur, sed etiam locum pœnitentie. Sed non ita intelligendum est, ut aliquando excludantur a pœnitentia quæ digne pœnitentiam agere volunt; sed illæ non sunt admittendæ ad pœnitentiam, quæ ab incestus copula discedere nolunt: quia post religionis propositum non potest Deo reconciliari per pœnitentiam quæ ad habitum suæ professionis redire neglexerit. Tunc (4) autem ille cui se coniunxerat, ei defunctus erit, cum ab eius illicitis amplexibus hæc penitus recesserit. Cum ergo dicitur eas non esse admittendas ad pœnitentiam, nisi hi quibus se iunxerant, de mundo recesserint, subaudiendum est, eis. Tunc enim eis viri de mundo recedunt, & defunguntur, cum ab eorum concupiscentia istæ se alienant: quem sensum similitudo subdita declarat, & confirmat,

*Quam grande malum sit adulterium.*

**C**um vir, & mulier legitime coniuncti sunt, constat alterum altero vivente ad aliam non posse transire copulam; alioquin adulterium committit: de quo Clemens Papa \*\*\*\* ait: „Quid in omnibus peccatis adulterio est gravius? Secun-  
B b 2 „dum

(1) Arcendas. (2) Nuplerit. aliquanto. (3) Al. de omnibus. (4) Nicolai enim: item al. utrumque desit. EX EDIT. P. NICOLAI. \* Bonifacio scribens, ut in Decretis recitatur causa xxvii. quæst. 1. cap. Viduas. \*\* Nempe ibidem in Decretis cap. Hæc vero, & sumptum est ex epist. 11. Innocentii I. ad Victorium cap. xiii. \*\*\* ibidem cap. Quia Christo ex epistola superius indicata cap. xii. \*\*\*\* Iacobo scribens, ex quo refertur etiam in Decretis causa xxxv. quæst. vii. cap. Quid in omnibus.

„dum namque in pœnis tenet locum, quem primum habent illi qui aberrant a  
 „Deo. “ Gravissime ergo peccant adulteri, graviter fornicarii; sed cunctis his  
 „gravius incestuosi: quos omnes transcendunt contra naturam delinquentes. Unde  
 „Augustinus: \*. „Adulterii malum vincit fornicationem, vincitur ab incestu: peius  
 „enim est cum matre, quam cum aliena uxore dormire. Sed horum omnium  
 „pestimum est quod contra naturam fit, ut si vir membro mulieris non ad hoc  
 „concesso utatur, hoc execrabiliter fit in meretrice, sed execrabilius fit in uxo-  
 „re. “

*De illis qui post longam captivitatem redeunt.*

**H**ic quæritur de illis feminis quæ putantes viros suos interemptos, vel in ca-  
 „ptivitate, vel ab iniqua dominatione numquam liberandos, in aliorum con-  
 „iugia transferunt; si illi qui putabantur periisse, remeaverint, utrum eis reddi  
 „debeant, & an secundi fornicarii sint, & ipsæ reæ adulterii. De hoc Leo Papa  
 „sic ait \*\*. „Necessè est (1) ut legitimarum fœdera nuptiarum reintegranda cre-  
 „damus, & remotis (2) his quæ hostilitas intulit cuique, id legitime refor-  
 „metur quod (3) habuit: procurandumque est ut recipiat quisque quod proprium  
 „est. (4) Nec tamen culpabilis iudicetur, & quasi alieni iuris pervasore habea-  
 „tur qui personam eius mariti, qui iam non esse æstimabatur, assumpsit. Sic  
 „enim multa quæ ad eos qui in captivitatem ducti sunt, pertinebant, in ius alie-  
 „num transire potuerunt; & tamen plenæ iustitiæ est ut eisdem reversis reformen-  
 „tur. Ideoque si viri post longam captivitatem reversi, ita in dilectione suarum  
 „coniugum perseverant, ut eas cupiant in suum redire consortium, dimittendum  
 „est, & inculpabile iudicandum quod necessitas intulit, & restituendum quod si-  
 „des poscit. (5) Si autem aliquæ mulieres ita virorum posteriorum amore sunt  
 „captæ ut malint his cohærere quam ad legitimum transire consortium, merito  
 „sunt notandæ, ita ut ecclesiastica communione priventur, quæ de re executibili  
 „contaminationem criminis elegerunt. Redeant ergo in suum coniugia statum:  
 „quia sicut mulieres quæ ad viros suos reverti noluerint, impiæ sunt habendæ,  
 „ita illæ quæ redeunt, merito sunt laudandæ. “ Ex his ostenditur illos qui ta-  
 „liter iunguntur ut credant virum interemptum, per ignorantiam aliquam excusa-  
 „tionem habere de peccato; & tantum primam copulam esse legitimam, non se-  
 „cundam: veniam tamen habere, si careant opprobrio malæ voluntatis. Sed si quis  
 „relictæ in patria sua uxore in longinquam abiens regionem, aliam ducat uxorem,  
 „deinde pœnitentia ductus eam dimittere velit, asserens se aliam habuisse quæ vi-  
 „vit; nec Ecclesia permittat, quæ quod ille asserit, ignorat: quæritur, an in hac  
 „secunda copula sit coniugium. Sane dici potest, non esse coniugium, & mulierem  
 „de crimine excusari per ignorantiam, virum autem adulterium admisisse. Sed ex  
 „quo ad primam redire volens, nec valens, cogitur Ecclesiæ disciplina hanc tene-  
 „re, incipit excusari per obedientiam, & timorem de hoc quod poscenti mulieri  
 „debitum reddit, a qua ipse numquam poscere debet: & sic de aliis huiusmodi sen-  
 „tiendum est.

#### DIVISIO TEXTUS.

**P**ostquam determinavit Magister de impe-  
 „dimento ordinis, hic determinat de im-  
 „pedimento voti: & dividitur in partes duas.  
 „In prima ostendit quomodo impeditur a ma-  
 „trimonio contrahendo per votum quo Deo se

obligat; in secunda quomodo impeditur a  
 „matrimonio per aliud matrimonium iam con-  
 „tractum, quo se homo uxori obligavit, ibi,  
 „Cum vir, & mulier &c. Prima in tres. In  
 „prima ostendit quid sit votum. In secunda  
 „distinguit multiplex votum, ibi, Sciendum  
 „vero, quod votorum aliud est commune, aliud  
 „singula.

(1) *Ad.* ut ad legitimarum fœdera nuptiarum reintegranda redeamus. (2) *Nicolai* malis. (3) *Ad.*  
 „intulit. (4) *Ad.* ne culpabilis. (5) *Ad.* Sin aliquæ. *Nicolai* Si enim aliquæ.

EX EDIT. P. NICOLAI. \* Lib. de bono coniugali cap. viii. \*\* *Epist.* lxxviii. cap. 1. ac deinceps, &  
 „ascitur in Decretis cæti xxxix. quæst. 1. & 2. cap. Cum per illicitam.

## ARTICULUS I.

*ſingularē. In tertia offendit quod votum, & qualiter matrimonium impedit, ibi, Qui privatum faciunt votum continentie, matrimonium contrahere non debent. Et hæc pars dividitur in duas. In prima offendit quod votum continentie impedit matrimonium. In ſecunda offendit quid agendum ſit cum eis qui poſt votum nupierint, ibi, De virginibus non velatis, ſi deviaverint... tale decretum habemus. Et circa hoc tria facit. Primo offendit qui debent agere poenitentiam. Secundo obicit in contrarium, ibi, Non eſt hic præſcribendum quod Innocentius Papa de viduis, & puelis decrevit.*

*Cum Vir, & mulier &c. Hic determinat de alio impedimento matrimonii, quod ſupra dictum eſt ligamen: & dividitur in partes duas. In prima offendit quod matrimonium præcedens dum ſtat, impedit ad alio matrimonio contrahendo. In ſecunda offendit quomodo adhuc matrimonio ſtante, poteſt eſſe coniunctio ſecundi matrimonii ſine peccato, quamvis non ſit verum matrimonium, ibi, Hic queritur de illis feminis que putantes viros ſuos interreptos, vel in captivitate, vel ab iniqua dominatione nunquam liberandos, in aliorum coniugia tranſierunt. Et hæc in duas ſecundum duos caſus quos ponit. (a) Secunda pars incipit ibi, Sed ſi quis reſiſta in patria ſua uxore, in longinquam abiens regionem, aliam ducat uxorem &c.*

## QUAESTIO I.

**H**ic eſt duplex quaſtio. Prima de voto. Secunda de ſcandalo, quod alicui voto adiungitur, ut in littera dicitur. De ligaminis enim impedimento idem eſt querere quod de pluralitate uxorum, & de indiviſibilitate matrimonii, de quibus diſt. xxxiii. dictum eſt.

Circa primum quaeruntur quinque.

Primo. De voto ſecundum ſe.

Secundo. De voti diſpoſitione.

Tertio. De voti obligatione.

Quarto. De voti diſpenſatione.

Quinto. De velatione virginum, quæ ſit in ſignum cuiusdam voti.

*Utrum votum convenienter in littera diffiniatur.*

**AD** primum ſic proceditur. Videtur quod votum inconvenienter in littera diffiniatur. Votum enim de ſui nominis ratione propoſitum voluntatis importat ſine aliqua promiſſione. Vota enim fieri dicuntur quæ voluntarie ſiunt, quod etiam per aliam diffinitionem de voto datam patet: *Votum eſt conceptio boni propoſui cum deliberatione firmata, qua quis ad aliquid faciendum, vel non faciendum ſe Deo obligat.* Ergo non debuit promiſſionem ponere in diffinitione voti.

2. Præterea. Promittere progreditur a mente, ſicut & credere. Sed credere nullus poteſt niſi volens. Ergo nec promittere; & ita fruſtra additur, *ſpontanea*.

3. Præterea. Promiſſio non eſt idem quod promiſſionis reſtiſcatio. Sed votum eſt quædam promiſſio, ut patet per diffinitionem Hugonis de S. Viſtoris, qui dicit \* (Lib. II. de ſacramentis par. xxi. cap. ii.) quod votum eſt ſponſio animi voluntaria. Ergo male dicit Magiſter, quod votum eſt promiſſionis reſtiſcatio.

4. Præterea. Illud quod ponitur in diffinitione, debet univerſaliter diffinito convenire. Sed non omne votum ſit Deo, quia etiam ſanctis vota ſiunt. Ergo inconvenienter ponitur in diffinitione voti, quod debet Deo fieri.

5. Præterea. Iuriſtæ ſic diffiniunt votum: *Votum eſt (b) alicuius boni cum deliberatione facta promiſſio.* Sed non omne bonum eſt de rebus ad Deum pertinentibus, immo quædam pertinent ad proximum. Ergo non debet in diffinitione voti poni, quod ſit de rebus ad Deum pertinentibus.

6. Præterea. Ad votum requiritur animi deliberatio, ut patet per quædam diffinitionem a Magiſtris de votodaram, quæ talis eſt: *Votum eſt promiſſio melioris boni ex deliberatione firmata.* Cum ergo in prædicta diffinitione quæ in littera ponitur, non fiat mentio de deliberatione, videtur inſufficiens.

## QUAE-

(a) Adde Nicolai: Prima pars incipit ibi, De feminis qui viros ſuos interreptos putantes &c. (b) Al. aliter.

EX EDIT. P. NICOLAI. \* Ubi hoc dicit Hugo, non occurrat: nam index hic poſitus articulus eſt. & cap. xxi. eum poſitus diffinitionem aſſignat quæ hic nomine Magiſtri datur, quod nempe votum ſit reſtiſcatio quædam ſpontanea promiſſionis &c.

## QUÆSTIUNCULA II.

1. Ulterius. Videtur quod votum non sit tantum de meliori bono. Quia illud quod est necessitatis, non reputatur bonum melius, sed commune bonum. Sed de eo quod est necessitatis, potest esse votum, sicut Jacob Genes. xxvii. vovit quod esset sibi Dominus in Deum. Ergo non oportet quod sit de meliori bono.

2. Præterea. Vota quædam sunt de rebus indifferentibus, sicut mulieres præcipue solent vovere, quod non pertinent caput tali, vel tali die. Sed indifferentia non includuntur in bonis melioribus. Ergo votum non est semper de bono meliori.

3. Præterea. Illud quod est illicitum, non est bonum, ne dum ut sit melius. Sed de illicito potest esse votum, sicut patet de lephite, qui propter votum occidit filiam innocentem, qui, ut dicit Hieronymus \*, in catalogo sanctorum ponitur: quia placuit Deo animus vovens. Ergo votum non est semper de meliori bono.

4. Præterea. Meliora bona videntur illa esse de quibus est consilium. Sed de illis qui possunt vergere in periculum personæ, non est consilium, quæ tamen quidam vovunt, sicut quod abstineant duobus, vel tribus diebus a cibo, quod sine periculo personæ sustinere non possunt. Ergo votum non est semper de meliori bono.

Sed contra est diffinitio voti prius posita, scilicet *Votum est promissio melioris boni ex deliberatione firmata.*

## QUÆSTIUNCULA III.

1. Ulterius. Videtur quia etiam ille qui non est sui iuris, possit aliquid vovere. Quia obligatio quæ sit inferiori, non potest impedire servitium superiori domino impendendum. Sed per votum aliquis se obligat ad serviendum Deo. Ergo obligatio qua servus est obligatus domino suo, homini tamen, non potest eum a voto prohibere.

2. Præterea. Filius familias est in potestate patris. Sed potest vovere etiam contradicente patre, sicut quotidie fit, quod invitis parentibus iuvenes in religionibus profitentur. Ergo ille qui non est sui iuris, potest votum emittere.

3. Præterea. Nullus est magis in potestate alterius quam monachus qui obedientiam promittit. Sed monachus potest vovere, ut

videtur, cum in quibusdam sit suæ voluntatis arbitri: non enim in omnibus tenetur obedire prælato, ut Bernardus dicit (epist. vii. ad Adamum monachum) sed in his tantum quæ ad religionem pertinent. Ergo &c.

4. Præterea. Uxor etiam est sub potestate viri, ut patet Genes. iii. Sed uxor in quibusdam potest vovere sine consensu viri. Ergo &c.

Sed contra est quod non licet sacrificium ex alieno, Deo offerre. Sed ille qui votum emittit, quodammodo sacrificium Deo offert. Ergo si sit in potestate alterius, non potest votum emittere.

Præterea. Votum cum habeat spontaneam promissionem, libertatem requirit. Sed ille qui est in potestate alterius, non habet libertatem. Ergo non potest vovere.

## SOLUTIO I.

Respondeo dicendum ad primam questionem, quod votum suo nomine obligationem quandam exprimit ex voluntate factam: & quia voluntate non potest aliquis obligari, nisi ei qui voluntatis est cognitor, quod solius Dei est; ideo ex consequenti importat obligationem Deo factam, & ex consequenti de his quæ ad Deum spectant, cum personæ obligatio alicui facta de his quæ ad Deum non spectant, nulla sit. Obligatio autem huiusmodi exterior fit verbo exteriori expresse: unde dicitur Prover. vi. 2. *Illaqueatus ex verbis oris tui.* Et ideo ei qui cor intuetur, oportet quod fiat obligatio voluntaria interiori verbo: & ideo oportet quod fiat per actum illius potentie cuius est verbum interius enuntiare, quod est rationis: & ideo ipse actus rationis, qui est promissio, est essentialiter votum. Quod enim promissio sit rationis actus, patet tum ex hoc quod est enuntiatio quædam; tum ex hoc quod promittens rem promissam ad alterum ordinat. Omnis autem ordinatio, rationis est. Promissio autem exterior facta quandoque dicitur nuda, quando non habet aliquid additum quod obligationem confirmet; & tunc non habet plenam vim obligandi. Similiter etiam promissio interior facta Deo ad hoc quod plenam vim obligandi habeat, oportet quod non sit nuda, sed habeat aliquid quo confirmetur: & hæc quidem confirmatio per tria gradatim haberi fieri. Primo per deliberationem simplicem; secundo per

EX EDIT. P. NICOLAI. \* Quod in catalogo sanctorum ponit Hieronymus dicitur, non occurrit; sed quod si filiam obtulit, tunc sacrificium placuit, sed animus offerentis, in Hierem. cap. vii.



per intentionem obligandi se ad certam poenam; tertio per hoc quod testimonium hominum adhibetur promissioni interiori: & sic de voto dantur plures diffinitiones (a) secundum diversâ eorum quæ requiruntur ad votum in diffinitionibus illis comprehensa; & possent adhuc multo plures dari. Diffinitio tamen quam Magister ponit, videtur esse perfectissima: quia ponit & promissionem, quæ est essentialiter votum; & tangit voluntatem in hoc quod dicitur, *spontanea*, quæ est causa obligationis; & confirmationem ultimam promissionis, quæ alias includit in hoc quod dicit, *refectio*; & voti terminum, quia est actus ad alterum in hoc quod dicit: *Qua debes Deo fieri*: & materiam in hoc quod dicit, quod est de his quæ Dei sunt.

Ad primum ergo dicendum, quod velle aliquid non est vovere; & ideo propositum non est votum, sed enuntiatio illius propositi per modum promissionis: & quia enuntiatio interior conceptio cordis dicitur, ideo in illa diffinitione ponitur votum esse propositi conceptio. Si tamen simpliciter votum diceretur esse propositum, esset prædicatio per causam, quia propositum est principium voti; sicut etiam quandoque ipsum desiderium oratio vocatur, ut supra dist. xv. dictum est.

Ad secundum dicendum, quod promissio quandoque fit ore, & non corde; & talis quo ad Deum non est votum, & ideo oportuit addere *spontanea*. Et præterea quamvis homo non possit cogi sufficienter ad simpliciter promittendum, potest tamen cogi coactione quadam interpretativa ad exteriorem promissionem, sicut ad alia opera voluntatis exteriora; non autem ad promissionem interiorem, sicut nec ad fidem. Magister autem diffinit votum exterius prolatum, quod potest matrimonium impedire: sic enim intendit hic de voto; & hoc votum est refectio interioris promissionis, non ipsa interior promissio.

Et per hoc patet solutio ad tertium.

Ad quartum dicendum, quod votum non fit sanctius, nisi secundum quod per suffragia sunt mediatores inter nos & Deum, sicut & oratio ad sanctos fit: & ideo omne votum principaliter ad Deum reducitur, sicut & oratio.

Ad quintum dicendum, quod illa diffinitio Iuristarum est intelligenda non de quolibet bono, sed de eo quod pertinet ad pietatis religionem; & hoc Dei est, sive fiat

in proximo, sicut in proxima materia, sive in seipso, sive in Deo.

Ad sextum dicendum, quod in testificatione includitur deliberatio, ut dictum est.

### SOLUTIO II.

Ad secundam quaestionem dicendum, quod, sicut ex iam dictis patet, votum non potest esse nisi de aliquo bono ad cultum Dei pertinente quocumque modo: & ideo omne malum obviat voto ex parte eius cui fit obligatio; sed ex parte eius ex quo talis obligatio procedit, scilicet voluntatis, omnis necessitas aliquo modo obviat voto. Est autem duplex necessitas. Una absoluta; & talis necessitas omnino excludit votum; sicut si aliquis voveret se non moriturum, vel ea quæ omnino non sunt in potestate eius, nullum esset votum. Alia est necessitas conditionata ex suppositione finis; & sic inest nobis necessitas faciendi illa sine quibus non possumus salutem consequi, sicut sunt præcepta ad quæ alias tenemur, & talis necessitas non excludit omnino votum: invenitur enim quandoque, large accipiendo votum, esse de his quæ sunt sub tali necessitate; sed excludit talis necessitas votum proprie dictum: & ideo si votum accipitur secundum propriam sui rationem, est proprie de bonis illis ad quæ non omnes tenentur, quæ supererogationis sunt: & ideo dicuntur meliora bona, quia superadduntur illis bonis, sine quibus non est salus: & ideo votum proprie acceptum, dicitur esse de meliori bono.

Ad primum ergo dicendum, quod illa Iacob promissio magis fuit recognitio quadam obligationis quam obligationis causa: & ideo non potest proprie, sed largo modo votum dici. Vel dicendum, quod votum Iacob non fuit de eo quod erat necessitatis, sed de speciali modo cultus per altaris constructionem, & decimarum exhibitionem; & ideo fuit de meliori bono.

Ad secundum dicendum, quod talia vota mulierum sunt fortilegia magis quam vota: sunt enim reliquæ quadam idolatriæ, secundum quam obliervabantur dies, & menses: & ideo pro non votis habenda sunt, & peccant talia voveres: quia, ut Hieronymus dicit, cum infidelibus etiam nec nomina habere debemus communia.

Ad tertium dicendum, quod votum si sit de eo quod est simpliciter malum, non est votum, nisi æquivoce; & ideo nullo modo obligat. Si autem est de eo quod uno casu

con-

(a) Forte secundum diversitatem.

contingente potest esse bonum, & alio nam, si sit in omnem eventum, est indiscretum; si autem sit in bonum eventum per intentionem votantis, est discretum, & in malo eventu non obligat. Votum igitur Iephthæ fuit de eo quod in aliquo eventu poterat esse bonum, scilicet si obviaret animal immolatum, & in aliquo eventu non bonum, scilicet si obviaret animal non immolatum: & quia vovit in omnem eventum, votum indiscretum fuit. Ergo in voto eius, quantum ad emissionem voti, est aliquid laudabile, scilicet devotio, & fides qualiter ab a Deo victoriam, & sic dicitur esse morus a Spiritu sancto; sed determinatio voti est indiscreta: quantum autem ad executionem, ipsum factum est crudele, sed figura est ibi laudabilis. Et ideo quamvis votum eius fuerit aliquo modo laudabile, ipse tamen non exultatur a peccato, quia fuit in vovendo stultus, & in reddendo impius, ut Hieronymus dicit (Lib. I. contra Iovinianum circa med. & in Michæam.) Ponitur tamen in catalogo sanctorum propter victoriam quam a Deo obtinuit, sicut & alii sancti.

Ad quartum dicendum, quod in periculo personæ vergens votum non est servandum, quia nullus potest aliquid vovere in periculum personæ suæ: & ideo tutum est quod in talibus queratur dispensatio superioris: si tamen eam non daret, & periculum immineret, posset secure frangere votum. Posset autem periculum imminere vel ex infirmitate, vel ex paupertate, ut si non habeat aliud ad comendandum quam illud a quo vovit abstinere.

### SOLUTIO III.

Ad tertiam quæstionem dicendum, quod ex iam dictis patet quod votum non potest mitti ab aliquo, nisi de his quæ subiacent voluntati eius: & ideo ille qui est sub potestate alterius constitutus, quantum ad ea in quibus ei subiaceret, vovere non potest, quia talia non subiacent eius voluntati. Similiter etiam illi qui non habent usum liberi arbitrii, sicut aliqui qui non sunt sanæ mentis, vovere non possunt, nec etiam pueri ante annos pubertatis.

Ad primum ergo dicendum, quod in hoc ipso quod servit homo domino suo carnali, servit spirituali: unde Apostolus propter conscientiam eis esse serviendum docet: & quia hoc est necessitatis, non potest per id quod non est necessitatis, impediri; sicut nec illud quod cadit sub præcepto, potest per id quod cadit sub consilio, tolli.

Ad secundum dicendum, quod ex quo homo venit ad annos pubertatis, non est sub potestate alterius, si sit liberæ conditionis, quantum ad ea quæ ad personam suam spectant: & ideo sicut talis invitis parentibus potest matrimonium contrahere, ita invitis eis potest religionem profiteri; sed quantum ad res domesticas non potest aliquid vovere sine consensu patris.

Ad tertium dicendum, quod quamvis religiosus non teneatur ad obediendum in omnibus quæ ei possent imperari, tamen tenetur ad obediendum quantum ad omne tempus de his quæ sibi imperari possunt, sicut & servus non est exemptus aliquo tempore a servitio domini sui: & ideo nullum tempus est eis vacans, quo possint quodlibet facere. Et quia omne votum est aliquo tempore complendum, ideo sicut nec servus, ita nec religiosus aliquid votum emittere potest sine consensu sui superioris.

Ad quartum dicendum, quod in his in quibus uxor viro tenetur, & e converso, neuter potest vovere sine mutuo consensu, sicut patet de voto continentie. Sed quia in dispensatione domus, & regimine vitæ mulier est subiecta viro, & non e converso; ideo vir potest in talibus vovere sine consensu uxoris, sed non e converso.

## ARTICULUS II.

*Utrum votum convenienter dividatur in commune, & singulare.*

### 2. quæst. lxxxviii. art. 7.

1. **A**D secundum sic proceditur. Videtur quod votum inconvenienter dividatur in commune, & singulare. Quia divisum debet secundum eandem rationem prædicari de dividendis. Sed votum non eadem ratione prædicatur de voto communi, & singulari: quia singulare proprie est votum, non autem commune, ut ex dictis patet. Ergo est incompetentis divisio.

2. Præterea. Singulare non dividitur contra commune. Sed magis proprie contra universale. Ergo & votum deberet hic dividi in singulare, & universale.

3. Præterea. Omne votum sui transgressionem inducit speciale peccatum. Sed votum commune sui transgressionem non inducit speciale peccatum: quia sic homo post baptismum quolibet peccato peccaret dupliciter. Ergo non est votum aliquod commune.

4. Præterea. Ille qui non habet usum liberi

beri arbitrii, non potest votum emitte-  
re. Sed baptismum suscipit aliquis non habens  
usum liberi arbitrii. Ergo in baptismo non  
fit aliquid votum, quod commune dici de-  
beat.

### QUÆSTIUNCULA II.

1. Ulterius. Videtur quod votum non  
convenienter dividatur in privatum, & so-  
lemne. Est enim aliquid votum publicum  
quod non est solemne, nec privatum. Ergo  
non est sufficiens prædicta divisio.

2. Præterea. Divisio debet esse per ea que  
sunt essentialia rei. Sed privatum, & solemne  
non dividunt votum per aliquid quod sit ei  
essentiale: quia votum essentialiter est qua-  
dam obligatio Deo facta; quantum autem  
ad Deum non differt obligatio utrum fiat in  
secreto, vel coram pluribus. Ergo prædicta  
divisio est incompetens.

3. Præterea. Quando aliquid communi  
divisione per se dividitur, oportet quod di-  
versa specie differant. Sed votum privatum,  
& solemne non differunt specie: quia sic non  
posset aliquid votum privatum solemnizari,  
cum species non transiant in invicem. Ergo  
prædicta divisio est incompetenter data de  
voto.

4. Præterea. Sicut votum habet quædam  
que pertinent ad solemnitatem, ita matri-  
monium, & alia sacramenta. Sed in matri-  
monio non distinguitur simplex matrimonium  
a solemnî. Ergo nec in voto talis distinctio  
esse debet.

### QUÆSTIUNCULA III.

1. Ulterius. Videtur quod votum non so-  
lemnizetur per professionem ad certam regu-  
lam, & per ordinis sacri susceptionem, ut  
quidam dicunt. Solemnitas enim ponitur dif-  
ferentia voti communiter dicti. Sed quædam  
vota sunt que non habentur sub aliqua cer-  
ta regula, neque sunt ordini sacro annexa,  
sicut votum peregrinationis. Ergo illa duo  
non sufficiunt ad solemnitatem voti facien-  
dam.

2. Præterea. Dicitur etiam a quibusdam,  
quod votum solemnizatur per susceptionem  
habitus religionis. Sed quandoque suscipitur  
habitus religionis sine professione, vel ordi-  
nis susceptione. Ergo &c.

3. Præterea. Ante constitutionem certarum  
regularum potuit votum solemnizari etiam  
sine ordinis susceptione. Sed nunc non mi-  
nus possunt se homines obligare Deo quam  
prius. Ergo & nunc solemnitas voti potest  
esse sine professione certæ regulæ.

*S. Thom. Oper. Tom. XIII.*

4. Præterea. Professio certæ regulæ potest  
fieri in privato. Sed votum solemne hic  
contra privatum dividitur. Ergo professio  
certæ regulæ non est sufficiens ad votum so-  
lemnizandum.

Sed contra. Effectus voti solemnî proprius  
est dirimere matrimonium contractum. Sed  
solum votum quod est annexum ordini, &  
quod est ad certam regulam, dirimit matri-  
monium contractum. Ergo solum his modis  
votum solemnizatur.

### SOLUTIO I.

Respondeo dicendum ad primam quæstio-  
nem, quod divisio illa qua votum dividitur  
in singulare, & commune, est divisio ana-  
logi, quod prædicatur per prius & posterius  
de suis dividendis, sicut ens de substantia,  
& accidente. Cum enim votum sit obliga-  
tio ex voluntate facta, necessitas autem vo-  
luntarium excludat, illud votum quod nihil  
habet necessitatis, dicitur per prius votum,  
quasi habens complete rationem voti; & hoc  
est votum singulare, quod est de illis ad que  
non tenemur. Illud autem votum quod ha-  
bet aliquid necessitatis, habet incomplete ra-  
tionem voti, & ideo dicitur per posterius  
votum; & hoc est votum commune, quod  
est de his ad que omnes tenentur, quorum  
est necessitas conditionata, non absoluta, ut  
ex dictis patet.

Ad primum ergo dicendum, quod ratio  
illa procedit de divisione univoci; & talis  
non est hic.

Ad secundum dicendum, quod votum com-  
mune est quidam singularis actus, & a sin-  
gulari persona emissus: unde non posset con-  
venienter dici universale; sed dicitur com-  
mune ratione horum de quibus est, ad que  
omnes tenentur.

Ad tertium dicendum, quod transgressio  
voti communis non facit speciale peccatum,  
sed addit peccatum specialem deformitatem:  
magis enim peccat baptizatus eodem gene-  
re peccati quam non baptizatus, ut patet  
Hebr. x. 29. *Quanto gravioris delicti mereri sup-  
plicia qui Filium Dei contulerit, & san-  
guinem testamenti pollutum duxerit?* Et ideo  
non frustra emittitur, cum aliquam obliga-  
tionem addat, sicut lex scripta addit aliquam  
obligationem supra legem naturæ: & ita  
non facit aliud peccatum, sed novam defor-  
mitatem addit.

Ad quartum dicendum, quod ratio illa  
procedit de votis que sunt de his ad que  
non omnes tenentur. Sed ex hoc quod vice

C c

pueri

pueri patrinus votum commune emittit, nihil puero deperit, quia ad idem alias esset obligatus: nec obstat quod sit maior obligatio, quia huic præponderat magnitudo beneficii quæ impenditur. Non enim iniuriam facit puero qui pro eo beneficium accipit ab aliquo, cui postea puer ad annos discretionis veniens, ad servitium, vel gratiarum actionem teneatur.

## SOLUTIO II.

Ad secundam quæstionem dicendum, quod divisio voti in privatum, & solemne, est divisio totius potestativi in partes suas, cuius perfecta virtus est in una suarum partium, in aliis autem quædam ipsius participatio, sicut anima dividitur in rationalem sensibilem, & vegetabilem. Virtus autem voti est obligatio: quæ quidem virtus complete est in voto solemnem, cuius obligatio nullo casu irritari potest; sed est incomplete in voto privato, cuius obligatio aliquo casu irritatur, ut dicitur.

Ad primum ergo dicendum, quod votum potest dici publicum dupliciter. Uno modo per se, quia habet aliquid annexum, unde in publicum venire debeat; sicut cum quis recipit ordinem sacrum, per quem minister Ecclesiæ constituitur ad publice Deo serviendum. Alio modo per accidens, sicut quando in notitiam plurimorum venit. Et quia rei iudicium non variatur per id quod est per accidens, sed secundum id quod est per se, ideo votum publicum secundo modo in idem computatur quod privatum; sed publicum primo modo distinguitur a privato; & hoc est solemne.

Ad secundum dicendum, quod dicta divisio datur per ea quæ sunt essentialia voto. Illud enim ex quo votum habet vim obligandi, est sibi essentialia. Unde non est verum quod æqualiter obligent omnibus modis nec quo ad Deum, nec quo ad homines; sed aliquo modo æqualiter obligant, ut dicitur.

Ad tertium dicendum, quod naturalis est ordo quo fit progressus de imperfecto ad perfectum: unde & in totis potestativis fit progressus ab una parte in aliam, sicut embryo prius habet animam vegetabilem aliquo modo quam sensibilem, & sensibilem quam rationalem: & similiter etiam non est inconveniens quod idem votum primo sit privatum, & postea publicum.

Ad quartum dicendum, quod matrimonium, & alia sacramenta habent plenum effectum suum prætermisiss his quæ ad sole-

mnitatem sacramenti pertinent, propter hoc quod habent efficaciam ex virtute divina, & non ex institutione humana; sed votum quod obligat per id quod ab homine est, non habet perfectam vim obligandi nisi debita solemnitate adhibita: & ideo votum distinguitur per solemne, & non solemne; non autem matrimonium, vel aliquod aliud sacramentum.

## SOLUTIO III.

Ad tertiam quæstionem dicendum, quod votum, ut dictum est, dicitur solemne ex hoc quod habet completam vim obligandi. Ea enim ad solemnitatem rei pertinere dicuntur quæ ei completum esse tribuunt. Votum autem, cum essentialiter sit promissio, complementum suæ virtutis accipit sicut & promissio; cuius quidem obligatio tunc completur quando aliquis hoc quod promittit in presenti dat, quodammodo ponens eum cui fit promissio, in corporali possessione alicuius rei, unde habere possit quod promittit; sicut si aliquis fructus agri promitteret, & promittendo agrum daret; & similiter si servitium aliquod promitteret, & se in servum daret. Et ideo tunc votum solemnizari dicitur quando aliquis præsentialiter se dat Deo, divinis se servitiis mancando: quod quidem fit per ordinis sacri susceptionem, & per professionem certæ regulæ debito modo factæ, scilicet in manu eius qui debet recipere; & aliis circumstantiis servatis quæ secundum iura determinantur: alias non esset votum solemne, quantumcumque quis profiteretur, quia ex tali professione non ferret sub potestate eorum qui religioni præstant.

Ad primum ergo dicendum, quod cum solemnitas voti sit ex hoc quod res ipsa datur, unde promissio impleatur, quando aliquid temporaliter solvendum promittitur, non potest solemne votum esse, sicut est votum peregrinationis, vel aliud huiusmodi. Nec obstat quod solemnitas differentia voti communiter sumpti ponitur: quia etiam anima rationalis, in qua est perfecte ratio vivat, non est in omnibus viventibus, quamvis rationale ponatur differentia animalis simpliciter.

Ad secundum dicendum, quod habitus religionis est duplex: quidam qui non professis dari solet; alius qui datur professis: & si in quibusdam religionibus utrique idem habitus detur, tamen in professione consuevit habitus benedicti; & habitus sic benedictus quasi alius computatur. Primus ergo habitus non sufficit ad solemnizandum votum, etiam prius emissum; sed secundi habitus suscepcio

sceptio solemnizat votum, quia est quædam præsumpta professio; contra quam præsumptionem etiam non admittitur probatio, si serventur debite circumstantiæ, sicut quod detur habitus ab eo qui date possit, & coram fratre multitudine. Si enim aliquis in domo sua talem habitum suscepisset, non propter hoc præsumeretur votum solemnizasse: & ideo habitus susceptio non debet poni alia causa solemnitatis, quia non solemnizat votum, nisi in quantum est professio quædam præsumpta.

Ad testium dicendum, quod antequam essent istæ regulæ quæ modo sunt, erat aliquis modus vivendi ab Ecclesia approbatus, quo aliqui ad ea quæ supererogationis sunt, se obligabant; & tunc certi (u) temporis obligatio ad alium modum vivendi idem faciebat quod nunc obligatio ad certam regulam.

Ad quartum dicendum, quod votum hoc non dicitur privatum, quod ad notitiam paucorum venit, sed quia non habet unde oporteat ad notitiam deduci. Ille autem qui professionem in occulto facit, ut si in domo sua faciat in manu eius qui eam recipere possit, facit votum quod habet unde in publicum deduci debeat, quia oportet eum secularem vitam dimittere, & in claustrum cum aliis sui ordinis conversari.

### ARTICULUS III.

*Utrum votum obliget, ut semper necesse sit illud observari.*

2. 2. quæst. lxxxviii. art. 3.

1. **A**D tertium sic proceditur. Videtur quod votum non obliget, ut semper necesse sit illud observari. Nullus enim obligari potest ad impossibile. Sed aliquando impossibile est votum observari, sicut patet in illa quæ vovit virginitatem, & corrumperetur. Ergo non est necessitatis votum servare.

2. Præterea. Effectus non potest esse firmior sua causa. Sed causa dans firmitatem suo voto est deliberatio, ut ex diffinitione prius posita (art. 1. quæst. r.) patet. Cum ergo deliberatio humana non habeat necessariam firmitatem, quia cogitationes hominum sunt timide, & incertæ providentiæ nostræ, ut dicitur Sapient. 1x. videtur quod votum non obliget de necessitate ad observandum.

3. Præterea. Iuramentum strictius obligat

quam votum: quia veritas divina, ex qua iuramentum obligat, est efficacior quam deliberatio humana, ex qua obligat votum. Sed iuramentum non obligat ad hoc quod observetur de necessitate: quia quandoque potest sine peccato frangi, sicut quando vergit in deterius exitum. Ergo nec votum obligat ad hoc quod semper necesse sit observari.

4. Præterea. Votum quandoque fit sub conditione, sicut vovit Iacob Genes. xxviii. 20. *Si Deus meus mecum fuerit . . . eris mihi Dominus in Deum*. Sed tale votum non obligat conditione non extante. Ergo non omne votum de necessitate obligat.

5. Præterea. Ille qui moratur in religione ultra tempus probationis determinatum, etsi ore non profiteatur, votum interpretatum fecisse dicitur. Sed hoc votum, ut videtur, non necesse est cum observare, quia nihil ipse promisit; nec videtur teneri semper ad ea quæ votum professionis continet, cum quandoque tempore probationis non videntur statuta regulæ observari, & ipse non intendit intrare monasterium, nisi ut viveret sicut alii vivunt. Ergo videtur quod non omne votum obliget, ut necessario servetur.

6. Præterea. Nullus obligatur ad id quod dependet ex arbitrio alieno, sicut cum quis vovet intrare aliquod claustrum religionis: est enim in potestate illorum eum recipere, vel non. Ergo si ipsi nolint, non videtur quod obligetur ad votum solvendum.

7. Præterea. Quicumque tenetur ad aliquid sine temporis determinatione, tenetur ad statim. Si ergo votum obligaret, qui facit votum, & non determinat tempus, teneretur ad statim solvendum; quod non videtur verum.

Sed contra est quod dicitur Deut. xxiir. 21. *Cum votum voveris Domino Deo tuo, non tardabis reddere*.

Præterea. Augustinus dicit (epist. xlv.) quod votare est voluntatis, sed reddere necessitatis.

### QUÆSTIUNCULA II.

1. **U**lterius. Videtur quod per obligationem voti simplicis matrimonium contractum dirimi debeat. Fortius enim vinculum præiudicat debiliore. Sed vinculum voti est fortius quam vinculum matrimonii: quia hoc facit homini, illud Deo. Ergo vinculum voti præiudicat vinculo matrimonii.

2. Præterea. Præceptum Dei non est minus quam præceptum Ecclesiæ. Sed præcep-

Ec 2 prum

{ a } Forse tenetis.

prum Ecclesiae adeo obligat quod si contra ipsum matrimonium contrahatur, dirimitur; sicut patet de illis qui contrahunt in aliquo gradu consanguinitatis ab Ecclesia prohibito. Ergo cum servare votum sit praeceptum divinum, videtur quod cum quis contra votum divinum matrimonium contrahit, ex hoc matrimonium sit dirimendum.

3. Præterea. In matrimonio potest homo uti carnali copula sine peccato. Sed ille qui facit votum simplex, numquam potest carnaliter commisceri uxori sine peccato. Ergo votum simplex matrimonium dirimit. Probatio mediæ. Constat quod ille qui post simplex votum continentiz matrimonium contrahit, mortaliter peccat: quia secundum Hieronymum, \* virginitem voventibus non solum nubere, sed velle nubere damnable est. Sed contractus matrimonii non est contra votum continentiz nisi ratione carnalis copulæ. Ergo quando primo carnaliter commiscetur uxori, mortaliter peccat: & eadem ratione omnibus aliis vicibus, quia peccatum primo commissum non potest excusare a peccato sequenti.

4. Præterea. Vir, & mulier in matrimonio debent esse pares, præcipue quantum ad carnalem copulam. Sed ille qui votum simplex continentiz facit, numquam potest peccare sine peccato debitum: quia hoc est expresse contra voluntatem continentiz, ad quam ex voto teoetur. Ergo nec reddere potest sine peccato.

Sed contra est quod Clemens Papa (Alexander III. extra capp. *Memimus*, & *consuluit*) dicit, quod votum simplex impedit contrahendum matrimonium, sed non dirimit contractum.

### QUAESTIUNCULA III.

1. Ulterius. Videtur quod nec etiam votum solemne dirimat matrimonium contractum. Quia, sicut Decretalis (Cælestini III. cap. *Rursus* de clericis vel voventibus) dicit, apud Deum non minus obligat votum simplex quam votum solemne. Sed matrimonium acceptance divina stat, vel dirimitur. Ergo cum votum simplex non dirimat matrimonium, nec votum solemne dirimere poterit.

2. Præterea. Votum solemne non addit ita validum robur supra votum simplex, sicut iuramentum. Sed votum simplex etiam iu-

ramento superveniente non dirimit matrimonium contractum. Ergo nec votum solemne.

3. Præterea. Votum solemne nihil habet quod non possit votum simplex habere: quia votum simplex posset habere scandalum, cum posset esse in publico, sicut & solemne. Similiter Ecclesia posset, & deberet statuere quod votum simplex dirimat matrimonium contractum, (a) ut multa peccata vitarentur. Ergo qua ratione votum simplex non dirimit matrimonium, nec solemne votum dirimere debet.

Sed contra est quod ille qui facit votum solemne, contrahit matrimonium spirituale cum Deo, quod est multo dignius quam materiale matrimonium. Sed matrimonium materiale prius contractum dirimit matrimonium post contractum. Ergo & votum solemne.

Præterea. Hoc etiam probari potest per multas auctoritates quæ in littera ponuntur.

### SOLUTIO I.

Respondens dicendum ad primam questionem, quod votum, ut ex dictis patet, est quidam promissionis contractus inter Deum & hominem. Unde cum contractus bonæ fidei inter homines factus obliget ad necessariam observationem, multo fortius votum quo homo Deo aliquid promittit, in his dumtaxat ad quæ votum se extendit, in illis autem ad quæ votum non se extendit, obligatio voti non habet locum: & ideo qui votum rite factum prætermittit, mortaliter peccat, quia fidem quam cum Deo iniit, fraangit.

Ad primum ergo dicendum, quod illud quod votum sciendum impediret, si præsens esset, etiam voto facto obligationem auferret: unde cum de impossibili non possit esse votum, ut dictum est, si aliquid fiat impossibile post voti emissionem, quod prius erat (b) possibile, obligatio voti quantum ad illud tollitur; ut si quis dives voverit edificare Ecclesiam, quod postmodum perficere non possit paupertate superveniente, non obligatur ex voto ad implendum. Sed ramen in hoc distinguendum est dupliciter. Uno modo quia vel omnino factus est impotens; & tunc non tenetur simpliciter ad hoc quod vovit: vel est factus impotens ad totum

(a) *Addi Nicolai*: sicut & votum solemne. (b) *Id.* impossibile.

EX EDIT. P. NICOLAI. \* Ex quo refertur in Decretis dist. xxvii. cap. *Voventibus*, & causa xxvii. quæst. i. sub eisdem verbis. Non esse tamen Hieronymum, sed Glossam super l. ad Tim. ex Augustino interpretis, Appendicæ notæ.

totum perficiendum, quamvis non ad partem; & tunc ad illud quod potest, remanet obligatus. Alio modo distinguendum est, utrum ex sua culpa impotentiam incurrit, quia tunc oportet recompensare per poenitentiam; vel non ex culpa sua, & tunc non tenetur ad aliquam recompensationem. Illa ergo quæ virginitatem vovit, si corrupta est, quamvis non possit virginitatem reddere, tamen potest reddere continentiam; & ad hoc remanet obligata, & ulterius ad poenitentiam lamentum, per quod virginitatem amissam Deo recompensat: quod quidem etiam non sit æquivalens simpliciter, est tamen æquivalens quantum ad reputationem Dei, qui non exigit ab homine ultra posse.

Ad secundum dicendum, quod quamvis deliberatio sit causa variabilis, tamen rectitudo legis naturalis, & quæ dicitur quod promittitur Deo esse servandum, est invariabilis; & hoc dat necessariam obligationem voto.

Ad tertium dicendum, quod sicut iuramentum quod vergit in deteriorem exitum, non est servandum, ita nec votum. Unde Isidorus dicit (Lib. II. Synonymorum, & habetur in Decret. causa xxi. quæst. iv. cap. In malis.) *In turpi voto mutata decretum*: quia votum non extendit se ad illicita, vel minus bona, ut dictum est. Nec differt utrum tunc fuerit illicitum quando votum emissum est, vel postmodum illicitum fiat.

Ad quartum dicendum, quod illud quod sub conditione vovetur, non vovetur simpliciter; & ideo non obligat nisi illa conditio extante.

Ad quintum dicendum, quod votum interpretatur obligat, sicut & votum oretenus emissum: unde si aliquis post tempus probationis in monasterio remanserit, obligatur ex voto interpretativo; nisi forte propter aliquam causam fuerit sibi annus protelatus, vel consueverit alius protelari: quia tunc non facit votum interpretatum ultra annum stans: & talis qui interpretatum votum fecit, ad tria vota religionis principalia in omni casu tenetur; (a) sed ad alias observantias, quarum (b) transgressio ex dissimulatione prælatorum inducitur, qui dum videntes non corrigit, indulgere videntur, (c) non videtur obligari, & precipue si sit simplex, qui talia discernere sufficienter nesciat.

Ad sextum dicendum, quod obligatio voti ex propria voluntate causatur: unde si in

vovendo prius cogitavit de religionem intrando, & postea elegit talem religionem, vel talem locum, obligatur simpliciter ad religionem: unde si non potest in illa quam elegit, recipi, debet aliam querere. Si autem primo, & principaliter cogitavit de tali religione, vel tali loco, in voto suo intelligitur hæc conditio, si illi volunt eum recipere; alias esset indiscretum votum: unde conditio non extante non obligatur. Si autem dubitet quomodo se in vovendo habuerit, debet tutiorem viam eligere, ne se discrimini committat.

Ad septimum dicendum, quod si quando quis vovit, puta se intraturum religionem, intendebat se ad statim obligare, vel ad arbitrium alienum, non potest ulterius differre etiam propter debita solvenda: sed ille qui eum recipit, tenetur ea perfolvere. Si autem in vovendo de debitis cogitabat, probabiliter præsumi potest quod non intendebat se obligare antequam de rebus suis disposuisset. Quando autem timet rationabiliter perpetuum impedimentum, tenetur ulterius non differre.

## SOLUTIO II.

Ad secundam quæstionem dicendum, quod per hoc res aliqua definit esse in potestate alicuius per quod transit in dominium alterius; promissio autem alicuius rei non transfert eam in dominium eius cui promittitur: & ideo non ex hoc ipso quod aliquis rem promittit aliquam, definit res illa esse in potestate sua. Cum ergo in voto simplici non sit nisi simplex promissio proprii corporis ad continentiam Deo servandam facta, post votum simplex adhuc remanet homo dominus corporis sui; & ideo potest ipsum dare alteri, scilicet uxori, in qua datione matrimonii sacramentum consistit, quod indissolubile est: & propter hoc votum simplex quamvis impediatur contrahendum, quia peccat matrimonium contrahens post votum simplex continentiam, tamen quia verus contractus est, non potest matrimonium per hoc ditimi.

Ad primum ergo dicendum, quod votum est fortius vinculum quam matrimonium quantum ad illud cui fit, & ad quod ligat: quia per matrimonium ligatur homo uxori ad redditionem debiti, sed per votum Deo ad continentiam. Tamen quantum ad modum ligandi matrimonium est fortius vinculum quam votum simplex: quia per matrimonium

(a) *Al. dist. sed.* (b) *Al. transgressor.* (c) *Al. non videntur, & non s. sint simplices, & non nesciant.*

monium traditur actualiter vir in potestatem uxoris, non autem per votum simplex, ut dictum est: porior autem semper est conditio possidentis. Sed quantum ad hoc similiter modo obligat votum simplex sicut sponsalia: unde propter votum simplex sunt sponsalia dirimenda.

Ad secundum dicendum, quod praeceptum prohibens matrimonium inter consanguineos, non habet, inquantum est praeceptum Dei, vel Ecclesiae, quod dirimat matrimonium contractum, sed inquantum facit quod consanguinei corpus non possit transire in potestatem consanguinei. Hoc autem non facit praeceptum prohibens matrimonium post votum simplex, ut ex dictis patet: & ideo ratio non sequitur: ponitur enim pro causa quod non est causa.

Ad tertium dicendum, quod ille qui contrahit matrimonium per verba de praesenti post votum simplex, non potest cognoscere uxorem carnaliter sine peccato mortali: quia adhuc restat sibi facultas implendi continentiae votum ante matrimonium consummatum, ut ex dictis patet supra dist. xxvii. (quaest. 1. art. 3. quaestione. 2.) Sed postquam iam matrimonium consummatum est, est sibi factum illicitum non reddere debitum uxori exigenti, tamen ex culpa sua: & ideo ad hoc obligatio voti non se extendit, ut ex dictis patet; tamen debet lamentationem poenitentiae recompensare pro continentia non servata.

Ad quartum dicendum, quod quantum ad ea in quibus non est factus impotens votum continentiae servare, adhuc post contractum matrimonium obligatur ad servandum, propter quod mortua uxore tenetur totaliter continere: & quia ex matrimonii vinculo non obligatur ad debitum petendum, ideo non potest petere debitum sine peccato, quamvis possit sine peccato reddere debitum exigenti, postquam obligatus est ad hoc per carnalem copulam praecedentem. Hoc autem intelligendum est, siue mulier petat expresse, siue interpretative, ut quando mulier verecunda est, & vir sentit eius voluntatem de redditione debiti: tunc enim sine peccato reddere potest, & praecipue si ei timet de periculo castitatis. Nec obstat quod non sunt pares in matrimonii actu, quia quilibet potest hoc quod suum est, abrenuntiare. Quidam tamen dicunt, quod potest & petere, & reddere, ne nimis onerosum reddatur matrimonium uxori semper exigenti.

Sed si recte inspicatur, hoc est exigere interpretative.

### SOLUTIO III.

Ad tertiam quaestionem dicendum, quod omnes dicunt, quod votum solemne sicut impedit matrimonium contrahendum, ita dirimit matrimonium contractum.

Quidam autem assignant pro causa scandalum. Sed hoc nihil est: quia etiam votum simplex quandoque scandalum habet, cum sit quodammodo publicum quandoque: & praeterea insolubilitas matrimonii est de veritate vitae, quae non est propter scandalum dimittenda.

Et ideo alii dicunt, quod hoc est propter statutum Ecclesiae. Sed hoc etiam non sufficit: quia secundum hoc Ecclesia posset contrarium statuere, quod non videtur verum.

Et ideo dicendum cum aliis, quod votum solemne ex sui natura habet quod dirimat matrimonium contractum, inquantum scilicet homo per ipsum amisit sui corporis potestatem, Deo illud ad perpetuum continentiam tradens, ut ex dictis patet: & ideo non potest ipsum tradere in potestatem uxoris ad matrimonium contrahendum: & quia matrimonium quod sequitur tale votum, nullum est, ideo votum praedictum dirimere dicitur matrimonium contractum.

Ad primum ergo dicendum, quod votum simplex quoad Deum dicitur non minus obligare quam solemne in his quae ad Deum spectant, sicut est separatio a Deo per peccatum mortale: quia mortaliter peccat frangens votum simplex sicut solemne, quamvis gravius sit peccatum frangere solemne, ut sic comparatio in genere accipitur, non determinata quantitate reatus. Sed quantum ad matrimonium, per quod homo homini obligatur, non oportet quod sit aequalis obligationis etiam in genere: quia (a) ad quendam obligat votum solemne, & non simplex.

Ad secundum dicendum, quod iuramentum plus obligat ex parte eius ex quo fit obligatio, quam votum; sed votum solemne plus obligat quantum ad modum obligandi, inquantum actualiter tradit hoc quod promittitur, quod non fit per iuramentum: & ideo non sequitur ratio.

Ad tertium dicendum, quod votum solemne habet actuale exhibitionem proprii corporis, quam non habet votum simplex.

ut

(a) Nicolaus addit nempe.



ut ex dictis patet? & ideo ratio ex insuffi-  
cienti procedit.

## ARTICULUS IV.

*Utrum in voto possit fieri dispensatio.*

*Ubi supra art. 10.*

1. **A**D quantum sic proceditur. Videtur quod in voto non possit fieri dispensatio. Votum enim commune minimum habet de ratione voti. Sed in voto communi nullus potest dispensare. Ergo nec in voto singulari.

2. Præterea. Reddere vota est de lege naturali: quia qui non reddit, mentitur; quod est contra legem naturalem. Sed nullus potest dispensare contra mendacium, aut contra illud quod est de lege naturali. Ergo nullus potest dispensare in voto.

3. Præterea. Per dispensationem non debet prætermitti maius bonum pro minori bono. Sed non est digna ponderatio continentis animæ, ut dicitur in Lib. Eccli. cap. xxvi. 20. quia pars contemplativorum, qui significantur per Mariam, est optima, quia ipsa optimam partem elegit, ut dicitur Luc. x. Ergo ad minus in voto continentis, quod ad statum contemplationis pertinet, dispensari non potest.

4. Sed contra. Nullum votum est licitum quod vergit in personæ periculum. Sed potest esse quod continentia servata vergat in periculum personæ. Ergo ad minus in casu illo votum continentis potest dispensari.

5. Præterea. Sicut monachi tenentur ad continentiam, ita ad paupertatem, & obedientiam. Sed potest dispensari cum eis quantum ad votum obedientis, & paupertatis, ut patet in illis quia ad prælationes assumuntur. Ergo & in voto continentis.

## QUAESTIUNCULA II.

1. Ulterius. Videtur quod quilibet prælati possit in voto dispensare. Quilibet enim prælati ad hoc constituitur quod utilitati subditorum provideat. Ergo si utilitas subditorum requirat, potest dispensare.

2. Præterea. Ex hoc aliquis potest dispensare in voto quod est constitutus dispensator (a) mysteriorum Dei. Sed hoc competit cuilibet prælato. Ergo &c.

Sed contra, quia in corpore humano quæ-

dam sunt actiones quæ solis principalibus membris conveniunt, & quædam etiam soli capiti. Sed in Ecclesia vicem capitis tenet Papa, & vicem principalium membrorum prælati maiores, ut Episcopi. Ergo aliquæ dispensationes sunt quas solus Papa potest facere.

## QUAESTIUNCULA III.

1. Ulterius. Videtur quod nullum votum possit commutari. Levit. ult. 9. (b) *Animal quod immolari potest Domino, non potest mutari nec in melius, nec in peius.* Ergo si sit votum licitum, non potest mutari.

2. Præterea. Si possit mutari, præcipue potest mutari in melius. Sed hoc non potest, quia Bernardus dicit de bene ordinatis monasteriis \* (serm. xix. super Cantic.) *Nullus meo consilio egreditur desiderio archiepiscopis vite sine superioris licentia.* Ergo &c.

Sed contra est quod licet semper proficere. Ergo potest etiam votum in melius commutari.

## QUAESTIUNCULA IV.

1. Ulterius. Videtur quod propria auctoritate possit aliquis votum commutare. Quia si aliquis post votum terræ sanctæ voveat religionem intrare, liberatus est, si impleat secundum, ut Decret. dicit (de voto & voti redempt. cap. Scriptura.) Sed potest propria auctoritate religionem vovere. Ergo & propria auctoritate potest votum commutare.

2. Præterea. Ille qui fecit aliqua vota in sæculo, non videtur ad illa teneri postquam est claustrum ingressus, ut quidam dicunt. Sed potest propria auctoritate ingredi claustrum. Ergo &c.

3. Præterea. Votum temporale excedit a perpetuo sola duratione. Sed aliquis potest propria auctoritate commutare votum temporale peregrinationis in votum perpetuum religionis, ut dictum est. Ergo eadem ratione potest mutare propria auctoritate votum minus diuturnum in votum diuturnius, sicut minoris peregrinationis in maiorem.

Sed contra. Commutatio est quædam dispensatio. Sed nullus potest propria auctoritate dispensare in voto suo. Ergo nec commutare.

S O.

(a) A. ministeriorum. (b) Vulgata: *Animal autem quod immolari potest Domino, si quis evertit, sanctum erit; & mutari nec melius malo, nec peius bono.*

EX EDIT. P. NICOLAI, \* Immo tract. de precepto, & dispensat. cap. xvi.

## SOLUTIO I.

Respondeo dicendum ad primam quæstionem, quod circa hoc sunt diversæ opiniones.

Quidam enim dicunt, quod quodlibet votum potest per prælatum Ecclesiæ dispensationem habere per libito prælati: quia, ut dicunt, in quolibet voto intelligitur conditionaliter voluntas prælati superioris, scilicet Papæ, ad cuius dispensationem pertinent actus subditorum omnium: & ideo cum voluerit, ille summus prælatum poterit relaxare obligationem voti, ut non teneatur votum implere, quia conditio non extat. Sed hoc non videtur bene dictum: quia quædam sunt, in quibus est homo ita liber sui, quod etiam contra præceptum Papæ potest illa facere, sicut continere, & alia consilia divina: unde absolute, & sine conditione voluntatis alicuius prælati potest alia votum.

Et ideo alii dicunt, quod nullum votum recipit dispensationem secundum quod dispensatio est iuris relaxatio, sed secundum quod est iuris declaratio: quia Papa potest declarare hoc ius, quod quando fit recompensatio maioris boni, potest dimitti minus bonum ad quod se voti obligavit. Sed hoc etiam non videtur verum: quia declarare ius non est novum ius facere, sed illud quod in iure erat, manifestare. Unde secundum hoc numquam per dispensationem voti fieret non contra ius quod erat prius contra ius, sed solum quod videbatur contra ius, & non erat.

Et ideo aliter dicendum, quod in voto potest dispensari etiam secundum quod dispensatio est iuris relaxatio ex aliqua legitima causa. Quia enim votum de illicito esse non potest, non autem licet subtrahere alicui quod ei debetur, ideo per votum alicuius non potest fieri præiudicium suo prælati, quin debeat eius mandatis parere, cum fuerit opportunum: unde si prælatum videat expedire aliqua rationabili causa, vel propter ipsum qui vovit, vel propter alios, quod votum non servet, potest eum ab observatione voti deobligare, qui alias de iure obligatus erat.

Ad primum ergo dicendum, quod ad ea que cadunt sub voto communi, non solum obligatur aliquis ex voto, sed ex lege naturali, & præcepto divino: & ideo ex parte ista est quod non possit habere dispensationem, sicut alia vota.

Ad secundum dicendum, quod observare

vorum durante voti obligatione, est de lege naturali; sed cessante obligatione voti non est observatio eius de lege naturali. Cessat autem eius obligatio vel ex se, ut quando servatum vergeret ad deterius exitum; & tunc per declarationem superioris, si facultas petendi adsit, debet observatio voti prætermitti: vel ex auctoritate superioris, qui aliud magis necessarium iudicat, & in voto dispensat. Nec tamen ex hoc homo mendacium incurrit, quod votum non servat in tali casu: quia homo de futuris debet habere pias conditiones adiunctas vel explicite, vel implicite, ut patet Iacob. v.

Ad tertium dicendum, quod de voto continentie est duplex opinio.

Quidam enim dicunt, quod nullus potest dispensare; sed huiusmodi ratio diversæ redditur a diversis. Quidam enim dicunt, quod hoc ideo accidit, quia votum continentie non potest prætermitti sine hoc quod ad contrarium voti aliquis delabatur, quod numquam licet. Sed votum paupertatis potest prætermitti aliquo modo qui non directe erit contra votum, sicut cum aliquis habet pecuniam non suam, sed Ecclesiæ nomine. Sed hoc nihil est: quia sic votum de abstinentia aliqua die determinata a carnibus, non reciperet dispensationem, aut votum de peregrinatione, quod est absurdum. Et ideo alii assignant aliam rationem, dicentes, quod hoc convenit, quia votum continentie non recipit recompensationem meliorem, eo quod non est digna ponderatio animæ continentis: vel ideo quia per continentiam homo de domesticis inimicis triumphum capit, ut quidam dicunt: vel ideo quia per religionem homo perfecte conformatur Christo. Unde in voto continentie, quod in votoreligionis includitur, & in aliis votis essentialibus religioni non potest dispensari, ut quidam dicunt. Sed hoc etiam non videtur sufficienter dictum: quia bonum commune est multo melius quam bonum privatum, propter quod etiam homo interdum ab horrore sanctæ contemplationis removetur, quæ optima pars est iudicio Domini Luc. x. ut communi utilitati proximorum vacet.

Et ideo alii dicunt probabilius, si communis utilitas totius Ecclesiæ, aut unius regni, vel provincie expoſceret, posse convenienter & in voto continentie, & in voto religionis dispensari, quantumcumque esset solemnizatum: non enim per votum potest se homo deobligare ab eo in quod tenetur alteri, ut dictum est: unde talis posset imminere necessitas quod posset alicui iuste

iuste prohiberi ne continentiam, aut religionem voveret, & eadem necessitate manente potest etiam in voto dispensari iam facto.

Sed quia rationes in contrarium factae non recte procedunt, ideo dicendum ad quartum, quod bonum continentiae est multo dignius quam salus corporalis: & ideo periculum corporalis mortis non est sufficiens ratio ut in voto continentiae dispensetur: unde etiam non peccat in tali casu existens quod continentia videretur vergere in periculum personae, si continentiam voveat, praecipue cum possit illi periculo per alia remedia obviari; sicut non peccat qui propter aliquod opus virtutis se mortis periculo exponit.

Ad quintum dicendum, quod cum illis qui assumuntur a statu religionis in statum praelationis non dispensatur in principalibus votis religionis: quia illa quae possidere videntur, non suo nomine, sed Ecclesiae possident: unde nihil per hoc praediacatur voto paupertatis: similiter nec voto obedientiae, quia obedientia respicit statum praelationis in altero cui obedire tenetur. Et ideo quod ille qui sub praelato esse desinit, non teneatur alicui obedire, non est ex hoc quod obligatio voti deficiat ex parte voventis, sed quia subtrahitur praelatio ex parte altera cui obedire tenebatur. Unde monachus, qui Abbati obedientiam promittit, si ipse fiat Abbas, non tenetur obedire alteri Abbati, quia iam non habet Abbatem.

### SOLUTIO II.

Ad secundam quaestionem dicendum, quod plenitudo potestatis in dispensando residet penes summum Pontificem; alii autem participant de hac potestate quantum eis concessum est, ut quia omnes ad unum recurrere non possunt, per inferiores dispensationem recipere possint: unde in votis illis quae non de facili dispensationem recipiunt, nec frequenter, sed raro, sicut votum religionis, & alia huiusmodi vota perpetua, solus Papa dispensare potest; in aliis autem temporalibus votis, sicut peregrinationum, & ieiuniorum, & huiusmodi, possunt etiam Episcopi dispensare, nisi aliquid horum sibi Papa reservaverit, sicut dispensatio in voto terrae sanctae.

Ad primum ergo dicendum, quod non quidquid utile est subdito, potest sibi per praelatum quiescere adhiberi, sed maiora maioribus reservantur; sicut non quilibet medicus potest cuilibet morbo occurrere,

S. Th. Oper. Tom. XIII.

sed in periculosioribus morbis peritiores medici requiruntur.

Ad secundum dicendum, quod quamvis omnes sint dispensatores mysteriorum Dei, non tamen aequaliter: & ideo non oportet quod omnes in omnibus dispensare possint.

### SOLUTIO III.

Ad tertiam quaestionem dicendum, quod inter commutationem voti & dispensationem hoc interest, quod quando votum commutatur, vovens absolvitur ab uno, & ligatur ad aliud; sed quando in voto dispensatur, simpliciter a voto absolvitur sine hoc quod ad aliud ligetur: unde minus importat voti commutatio quam dispensatio: & ideo cum ex causa rationabili in voto dispensari possit, potest etiam votum commutari, vel quia illud in quod fit commutatio, est melius, vel quia est minus periculosum.

Ad primum ergo dicendum, quod animal immolatum ex ipso voto destinabatur ad cultum Dei: & ideo iam quodammodo sanctum erat, & propter hoc non poterat ad communes usus deduci. Et similiter etiam nunc si aliquis voveret religionem intrare, non potest alium ponere loco sui in religione: similiter etiam si voveret ire in terram sanctam, non potest alium loco sui mittere, nisi per dispensationem superioris. Secus autem est in aliis votis, in quibus persona determinata non destinatur ad specialem cultum Dei.

Ad secundum dicendum, quod Bernardus loquitur consulendo: quia quandoque ex animi levitate quidam ad statum alium transiunt sub specie actionis vitae: & ideo tutius est quod fiat consilio, & licentia superioris praelati; praecipue si non credat quod ipse impedimentum irrationabile praestet.

### SOLUTIO IV.

Ad quartam quaestionem dicendum, quod in commutatione est quidam contractus, qui non potest perfici sine consensu utriusque partis: unde cum homo per votum Deo se obliget, non potest fieri immutatio voti, nisi interveniat consensus eius qui vicem Dei gerit in terris, scilicet praelati; nisi forte unum votum ab alio includatur. Et quia votum religionis includit omnia alia vota tum ratione perpetuitatis, tum ratione obedientiae, qua homo voluntatem suam Deo tradit, per quam sui, & omnium dominus esse potest; ideo ille qui aliquid votum tenet personale fecit, potest non requisita alicuius

Ad prae-

prælati dispensatione religionem intrare, non obstante voto præcedente, quod ingressum religionis impediret, puta peregrinationis, vel alicuius huiusmodi. Si autem duo temporalia vovit, quorum utrumque est alteri impossibile, debet utrumque servare, nisi forte auctoritate superioris minus votum præcedens in maius sequens commutaverit. Si autem secundum votum sit omnino impossibile primo, debet servare maius, & de minori secundum arbitrium prælatis satisfacere.

Ad primum ergo dicendum, quod votum terræ sanctæ obligat hominem ad serviendum Deo temporaliter, & quantum ad determinatum tempus; sed votum religionis quantum ad omnia, & secundum omne tempus: & ideo quodammodo est ampliatio voti magis quam commutatio.

Ad secundum dicendum, quod quia per introitum religionis homo moritur prioris vitæ, ideo illa vota quæ vovit in seculari vita explenda, non tenetur exolvere ex quo religionem intrat, & præcipue quia singularitas in religionibus est periculosa, & omnis religionis adeo gravat quod non manet eadem facilitas ad observandum votum quæ in seculari vita erat. Tamen quidam dicunt, quod debet prælato suo exponere, & ille pensatis conditionibus personæ, & voti, poterit cum eo dispensare. Sed secundum alios hoc non exigitur: quia ex ipsa vi voti religionis a prioribus votis est absolutus rationibus distis.

Ad tertium dicendum, quod perpetuum votum respicit omne tempus, & ideo non manet aliquod tempus post eius expirationem quo possit aliud votum temporale impleri; sicut manet tempus ad implendum votum magis diuturnum post votum minus diuturnum: & propter hoc non est simile.

## ARTICULUS V.

*Utrum virginibus voventibus continentiam debeatur speciale velum præ aliis quæ continentiam voverunt, & corruptæ sunt.*

1. **A**D quintum sic proceditur. Videtur quod virginibus voventibus continentiam non debeatur speciale velum præ aliis quæ continentiam voverunt, & corruptæ sunt. Quia tam virginitas quam continentiz votum viris & mulieribus communia sunt. Sed viris in virginitate continentiam voventibus nihil aliud datur quam a-

liis qui virginitatem perdidierunt. Ergo nec virginibus debent præ aliis speciale velum accipere.

2. Præterea. Signa in nova lege non sunt inanitia, sed fructuosa: quia sacramenta novæ legis gratiam conferunt. Sed virginale velum non videtur esse fructuosum, quia gratia non confertur in ipso; alias esset sacramentum, & deberet corruptis dari, quæ etiam indigent auxilio gratiæ ad continentiam conservandam. Ergo videtur quod virginibus non debeat aliquod velum speciale præ aliis.

3. Præterea. Consecratio quæ adhibetur viris in susceptione ordinis, est maior quam illa quæ adhibetur mulieribus in velatione. Sed consecratio ordinis non exigit virginitatem in consecrato. Ergo nec mulieris velatio.

4. Præterea. Nullus debet pro pœna quam sustinuit, iterum puniri. Sed aliquando mulieri pro pœna infertur quod corrumpatur, sicut patet in his quæ omnino per violentiam corrumpuntur. Ergo non debet talibus ad minus virginale velum denegari.

5. Præterea. Quandoque si virginale velum corruptæ denegetur, sequitur scandalum astantium, & periculum homicidii, sicut cum aliqua est occulte corrupta. Ergo videtur quod saltem in tali casu virginale velum aliis quam virginibus dari debeat.

Sed contra. In officio Ecclesiæ non deest esse aliquam falsitatem. Sed in toto officio quo velantur virginis, fit mentio de carnis integritate, ut patet diligenter inspicienti. Ergo non debet velum virginale corruptis dari.

Præterea. Per velationem mulier quodammodo Christo desponsatur, qui est dignior quam pontifex aliquis veteris legis. Sed in veteri lege pontifici non licebat aliquam nisi virginem desponsare. Ergo non debet aliqua nisi virgo velari.

## SOLUTIO.

Respondeo dicendum, quod ea quæ corporaliter in Ecclesia aguntur, signa sunt spiritualium. Sed quia corporale signum non sufficienter repræsentare potest spirituale signatum, oportet quandoque quod ad eandem rem spirituales signandas plura signa corporalia aptentur. Matrimonium ergo spirituale Christi & Ecclesiæ habet & secunditatem, per quam regeneratur in filios Dei, & incorruptionem, quia Christus elegit sibi Ecclesiam non habentem maculam, aut rugam, aut aliquid huiusmodi, ut dicitur

Ephes.

Epheſ. v. unde dicitur (II. Corinth. xi. 2.) *Reſpondi enim vobis uni viro virginem caſtam exhibere Chriſto.* Sed corporalis ſecunditas inſegritatem carnis non patitur: & ideo oportuit diverſis ſignis repræſentari ſpirituale coniugium Chriſti & Eccleſiæ quantum ad ſecunditatem, & quantum ad integritatem. Sicut ergo per matrimonium carnale repræſentatur matrimonium ſpirituale quantum ad ſecunditatem, ita oportuit aliquid eſſe quod repræſentaret prædictum ſpirituale matrimonium quantum ad eius integritatem; & hoc fit in velatione virginum, ſicut per omnia quæ ibi proferuntur, & geruntur, offenditur: & propter hoc ſolus Epiſcopus, cui cura Eccleſiæ committitur, virgines deſponſat, velando non ſibi, ſed Chriſto, quaſi ſponſi paranympus, & amicus. Et quia integritatis ſignificatio plene poteſt eſſe in continentia virginali, ſed in continentia viduali eſt ſemiplena, propter hoc etiam viduis datur aliquod velum, non quidem cum illa ſolemnitate qua virginibus datur.

Ad primum ergo dicendum, quod Eccleſia in matrimonio ſpirituale ſe habet ut ſponſa, Chriſtus autem ut ſponſus: per votum autem continentię anima Chriſto deſponſatur: unde non competit ut hæc deſponſatio ſignificetur in viro, ſed in muliere tantum.

Ad ſecundum dicendum, quod in conſecratione virginum, ſicut & in unctiōe Regum, & in aliis huiusmodi benedictionibus gratia datur, niſi ſit impedimentum ex parte ſuſcipientis; ſed tamen huiusmodi ſacramenta non dicuntur, quia non ſunt inſtituta ad curationem morbi peccati, ſicut alia ſacramenta.

Ad tertium dicendum, quod in ordinis ſuſceptione non conſecratur aliquis in ſponſum, ſed in miniſtrum ſponſi: unde non requiritur virginitas ad ſignificandam integritatem ſpirituale matrimonii, ſicut requiritur in velatione eius quæ conſecratur in ſponſam.

Ad quartum dicendum, quod illæ quæ per violentiam corrumpuntur, ſi nullo modo conſecrantur, virginitatis gloriam quo ad Deum non perdunt. Sed quia valde eſt difficile quod in tali delectatione aliquis placentiæ motus non inſurgat, ideo Eccleſia quæ de interioribus iudicare non poteſt, cum exterius corrupta ſit, eam inter virgines non velat: unde Leo Papa dicit (epiſt. lxxxvi. cap. v.) *Ille ſamula Dei quæ integritatem pudoris oppreſſione barbarica perdidit, laudabilior eſt eruns in humilitate, &*

*verecundia, ſi ſe incontaminatis non audeant copulare virginibus.*

Ad quintum dicendum, quod nullo modo illæ quæ ſunt corruptæ occulte ſive a viris, ſive alio modo, ſunt velandæ: quia propter vitandum ſcandalum non debent Eccleſiæ ſacramenta, vel ſacramentalia variari. Sed, ſicut quidam dicunt, poteſt aliqua cautela adhiberi ad vitandum ſcandalum, ut ſcilicet illæ quæ nō ſunt de ſubſtantia virginalis veli (ut accoſcio candelarum, & alia huiusmodi) ſiant, mutatis occulte hiſ quæ ſunt de ſubſtantia virginalis veli, puta ut quod nomen virginitatis in caſtitatem varietur.

## QUAESTIO II.

**D**Einde quæritur de ſcandalo: & circa hoc quærentur quatuor.

Primo. Quid ſit.

Secundo. Utrum ſit peccatum.

Tertio. Quibus competat.

Quarto. Quæ ſunt dimittenda propter ſcandalum.

## ARTICULUS I.

*Utrum convenienter assignetur diffinitio scandal.*

2. 2. quæſt. xlIII. art. I.

**1.** **A**D primum ſic proceditur. Videtur quod inconvenienter assignetur diffinitio ſcandali, quæ ſumitur ex Gloſſa (interlineali) Matth. xviii. ſuper illud, *Vos mundo a ſcandalis*, ſcilicet: *Scandalum eſt dictum, vel factum minus rectum præbens aliis occaſionem ruinae.* Scandalum eoim dividitur in activum, & paſſivum. Sed hæc diffinitio non poteſt coovenire ſcandalo paſſivo. Ergo non convertitur cum diffinitio; & ſic eſt incompetens.

2. Præterea. Num. xxxi. ſuper illud, *Uciſcere prius filios Iſrael &c.* dicitur (ex Origene hom. xxv.) quod ſcandalum eſt, cum recte ambulanti deceptio ſubmittitur ad ruinam. Sed nō omne dictum, vel factum minus rectum eſt deceptio. Ergo ſcandali diffinitio eſt incompetenter assignata.

3. Præterea. Sicut peccatum oris, & operis poteſt alteri præſtare occaſionem ruinae; ita & peccatum cordis, præcipue quando per exteriora ſigna in notiſſiam aliorum prodit. Sed in diffinitione præmiſſa tangitur

D d 2 peccatum

peccatum oris, & operis, non autem corpus. Ergo inconvenienter assignatur.

4. Præterea, Occasio significat causam per accidens. Sed etiam bona interdum per accidens sunt causa malorum. Ergo non solum dictum, vel factum minus rectum præbet alteri occasionem ruinæ, sed etiam si sit rectum, debet dici scandalum.

5. Præterea, Isai. viii. 14. dicitur de Christo: *Eris (a) in lapidem, & in petram scandalum*. Sed in Christo non fuit aliquid minus rectum, Ergo non est de ratione scandalum quod sit aliquid minus rectum.

### SOLUTIO.

Respondeo dicendum, quod scandalum nomen græcum est, & impactionem significat in latino: quæ quidem proprie dicitur in corporalibus, in spiritualibus autem transumptive. Unde oportet quod spirituale scandalum, de quo loquimur, sumatur ad similitudinem corporalis impactionis; quæ quidem non fit, nisi ambulans aliquid in via obiciatur quod ei sit occasio cadendi, etiam si non cadat. Nihil autem ab alio factum, est natum casum facere eius qui in via Dei ambulat, nisi sit aliquid minus rectum in notitiam eius procedens vel verbo, vel facto: & ideo dictum, vel factum minus rectum est id ad quod spiritualiter fit impactio, & occasio datur alterius ruinæ, in quo ratio consistit scandalum.

Ad primum ergo dicendum, quod sicut in corporali impactione est duo considerare, scilicet ipsam impactionem cadentis, aut eius qui ad casum disponitur, & illud ad quod fit impactio, quod dicitur obex; ita & in spirituali: & utrumque nomen scandalum accepit, sed non univoce; sicut etiam fides dicitur ipsa res credita, & actus credendi. Ipsa ergo spiritualis impactio, qua aliquis ad casum disponitur, dicitur scandalum passivum; sed obex spiritualis ad quem fit impactio, dicitur scandalum activum: & sic diffinitur hic scandalum, quia ex dicto, vel facto minus recto aliquis ad ruinam disponitur.

Ad secundum dicendum, quod tunc aliquis per se loquendo peccatum aliquod facit, quando ex intentione operatur, & non quando præter intentionem eius peccatum accidit, sicut patet in homicidio casuali: & ideo tunc proprie aliquis scandalum facit quando ruinam proximi procurare intendit. Quicumque autem ad peccandum inducitur,

decipitur: quia omnis malus ignorans, ut Philosophus dicit in III. Ethic. & ideo ubicumque est scandalum per se loquendo, dictum, vel factum minus rectum est deceptio quædam, quæ submittitur ambulanti ad ruinam. Vel dicendum, quod dicitur esse deceptio, inquantum est deceptionis occasio, vel causa: quia omnis peccatus decipitur, ut dictum est.

Ad tertium dicendum, quod spiritualis obex, qui scandalum dicitur, oportet quod in via ambulanti obiciatur, quod sit dum in notitiam eius venit. Peccatum autem cordis in notitiam alterius venire non potest, nisi per signa aliqua, quæ reducuntur ad peccatum oris, vel operis; & ideo in diffinitione scandalum ponitur tantum *dictum, vel factum minus rectum*, & non fit mentio de peccato cordis.

Ad quartum dicendum, quod occasio non semper nominat causam, sed quandoque causam per se insufficientem; & sic in diffinitione præmissa sumitur. Peccatum enim non potest habere ab exteriori aliquam causam sufficientem, eo quod voluntarium est; sed potest habere aliquam causam inducentem: quæ quidem causa quandoque per se nata est inclinare ad peccatum vel ex suo genere, vel ex intentione alicuius proponentis eam ad hoc quod aliquis inducatur ad peccatum; & tunc illud dicitur dare occasionem ruinæ: quandoque autem per accidens aliquis inclinatur ab aliquo in peccatum, quod de se non est natum inclinare in illud; sicut etiam in corporalibus aliquis in via plana impingit, & cadit; & tunc dicitur ipsemet sumere occasionem ruinæ, nulla sibi occasione ab exteriori data. Sed talis causa ruinæ non potest scandalum nominari, quia causæ etiam quandoque nomina fortiantur ex per se effectibus, numquam tamen ab his quæ per accidens eveniunt, nominari consueverunt.

Ad quintum dicendum, quod Christus non dicitur esse petra scandalum quasi per se scandalum causa, quia ipse non dedit alicui occasionem scandalum; sed dicitur esse in petram scandalum, ita quod propositio non ordinem causæ, sed consecutionem importet, quia ex his quæ Christus fecit, consecutum est scandalum ludæorum.

A R-

2. (a) Vulgata: *in lapidem autem effensionis, & in petram scandalum dabitur domibus Israël.*

## ARTICULUS II.

*Utrum scandalum sit peccatum semper.*

*Ubi supra art. 3. & 4.*

1. **A**D secundum sic proceditur. Videtur semper. Nullum enim necessarium est peccatum. Sed necesse est ut veniant scandala, ut dicitur Matth. xviii. 7. Ergo scandalum non est peccatum.

2. Præterea. Omne peccatum est ex diaboli incentivo, non ex pietatis affectu. Sed Matth. xvi. ubi dicitur Petro: *Vade retro me satanas; scandalum tibi est*: dicit Glossa (Hieronymi): „Error Apostoli ex pietatis affectu venit potius quam ex incentivo diaboli.“ Ergo non omne scandalum est peccatum.

3. Præterea. Hieronymus dicit (& ex illo Glossa super Matth. xviii.) *Pavum distant in vitio scandalizare, & scandalizari*. Sed scandalum passivum, ut videtur, potest esse sine peccato, sicut & impulsio corporalis quandoque est sine casu. Ergo & scandalum activum potest esse sine peccato.

Sed contra. Omne dictum, vel factum minus rectum est peccatum. Sed scandalum est huiusmodi. Ergo &c.

Præterea. Numer. xxxi. dicitur in Glossa (Origenis) *Longo gravius peccatum est dare peccati causam, quam peccare*. Sed quicumque scandalizat, dat causam peccandi. Ergo peccat.

## QUAESTIUNCULA II.

1. Uterius. Videtur quod non sit speciale peccatum. Quia secundum Philosophum in V. Ethic. (cap. x. vel xii.) *omnis specialis iniustificatio quandoque invenitur separata ab omnibus aliis iniustificationibus*. Sed scandalum non invenitur separatum ab aliis peccatis, quia semper est dictum, vel factum minus rectum. Ergo non est speciale peccatum.

2. Præterea. Secundum quodlibet genus peccati contingit aliquod dictum, vel factum minus rectum præbens occasionem ruinae. Sed hæc est definitio scandali. Ergo scandalum non est aliquod speciale peccatum.

3. Præterea. Quicumque peccat coram alio, scandalizat. Sed coram alio peccare non addit supra peccatum simpliciter aliquam differentiam specificam, sed circumstantiam

quandam, sicut nec occulte peccare. Ergo scandalum non est speciale peccatum.

4. Præterea. Agens proportionatur patienti. Sed scandalum passivum non est speciale peccatum: quia quocumque peccato aliquis ruat exemplo alterius, scandalum pati dicitur. Ergo nec scandalum activum est speciale peccatum.

Sed contra. Contingit peccare in se, in Deum, & in proximum. Sed scandalum est peccatum in proximum. Ergo est in speciali genere peccati.

Præterea. Malum dicitur aliquid, quia nocet, secundum Augustinum (de moribus Manich. cap. xii.) Sed scandalum habet specialem rationem nocuenti. Ergo est speciale peccatum.

## QUAESTIUNCULA III.

1. Uterius. Videtur quod scandalum semper sit mortale peccatum. Matth. xviii. super illud, *Va mundo a scandalis*, dicit Glossa: „Imminet æterna damnatio inundans“ propter scandala. „Sed æterna damnatio non debetur nisi propter peccatum mortale. Ergo scandalum semper est peccatum mortale.“

2. Præterea. Vita spiritualis est dignior quam corporalis. Sed qui subtrahit alicui vitam corporalem, mortaliter peccat. Ergo & qui scandalizat, cum subtrahat spiritualem vitam, inducens alterum in ruinam.

Sed contra. Scandalum est dictum, vel factum minus rectum præbens alteri occasionem ruinae. Sed etiam peccatum veniale est huiusmodi quandoque. Ergo scandalum quandoque est peccatum veniale.

## SOLUTIO I.

Respondeo dicendum ad primam questionem, quod duplex est scandalum, scilicet activum, & passivum, ut ex dictis patet. Passivum quidem scandalum semper peccatum est, quia ille scandalum patitur qui aut a via Dei eiicitur, aut saltem in via retrahitur; quod non potest esse sine mortali, vel veniali peccato. Activum etiam scandalum semper est peccatum, quia scandalum activum semper est aliquid quantum est de se quod natum est inducere alterum ad peccandum; & tale semper aliquam inordinationem habet vel ex genere actus, vel saltem ex circumstantiis personarum, loci, & temporis, & ideo semper est peccatum. Sed quandoque scandalum activum potest esse sine peccato alicuius scandalum patientis, quando scilicet aliquis, quantum est de se,

dat occasionem ruinæ, sed alius non ruit : quandoque etiam 'e converso est scandalum passivum sine peccato alicuius facientis scandalum, ut quando aliquis sibi sumit occasionem ruinæ ex eo quod ab altero non inordinate fit.

Ad primum ergo dicendum, quod duplex est necessitas. Una absoluta; sive aliquid sit necessarium per se ipsum, sicut necessarium est Deum esse; sive ex coactione alicuius causæ exterioris, sicut violentum dicitur necessarium: & sic non est necessarium scandalum evenire. Alia est necessitas conditionata, quæ non repugnat voluntario; & sic necesse est scandalum evenire necessitate conditionata ex tribus. Primo ex ipsa præscientia, & prædestinatione divina, sicut dicimus: Necesse est hoc esse, si Deus prævidit: & talis necessitas non repugnat libertatis arbitrio: unde super hunc locum dicit Chrysostomus (homil. lx. in Matth.). *Cum dicitur, Necesse, non spontaneam potestatis destruit, neque libertatem electionis. Non igitur prædictio eius scandalum inducit, neque quia prædixit, hoc fit; sed quia futurum erat, propter hoc prædixit.* Secundo ex inclinatione comitis, sicut etiam dicimus quod necesse est peccare venialiter, quamvis sit possibile singula venialia peccata vitare. Tertio ex utilitate consequente, quam Deus ex scandalis elicit, sicut omnia utilia dicuntur necessaria.

Ad secundum dicendum, quod secundum illam Glossam videtur quod Petrus non peccaverit volens passionem Christi impediri: quia passio Christi poterat & placere laudabiliter, & displicere secundum diversa: & tunc scandalum sumitur large pro quolibet impedimento alicui præstito in via aliqua quam profectui intendit.

Ad tertium dicendum, quod, per se loquendo, scandalum activum est maius peccatum quam passivum, quia in unoquoque genere causa est potior effectu; tamen aliquando potest esse maius passivum quam activum, quando aliquis maioris ruinæ occasionem sumit quam sibi detur; sicut etiam quandoque est passivum peccatum sine peccato agentis. Quod autem Hieronymus dicit, intelligendum est quantum ad genus peccati, & non quantum ad quantitatem reatus: & tamen alia propositio falsa est, scilicet quod scandalum passivum non sit peccatum: quia ipsa impactio spiritalis quoddam peccatum est, in quantum est quædam retardatio a via Dei: & quamvis dicatur

passivum scandalum, non tamen est omnino passio, sed quædam actio. Quia enim non potest sufficiens peccandi causa ab exteriori præberi alicui, quasi cogens ipsum ad peccandum, ille qui (α) scandalizatur, coepatur agenti, & ideo peccat.

### SOLUTIO II.

Ad secundam questionem dicendum, quod actus aliquis determinatur ad speciem moris dupliciter. Uno modo ex parte obiecti, sicut fornicatio ex hoc quod est circa delectabilia tactus; & hæc determinatio est materialis, & respicit habitum elicentem actum. Alio modo ex parte finis; & hæc est formalis specificatio, & respicit habitum imperantem. Contingit autem quandoque quod ad eandem speciem determinatur actus ex utraque parte, sicut quando aliquis actus ab eodem habitu elicitur, & imperatur, ut cum quis fornicatur propter delectationem. Quandoque autem ex utraque parte determinatur, sed ad diversas species, ut quando actus ab uno habitu elicitur, & ab alio imperatur, sicut cum quis fornicatur propter luxuriam: determinatur enim ad speciem luxurie ex obiecto, sed ad speciem avaritiæ ex fine; non tamen sunt ibi duo peccata, sed unum peccatum duplex, cum sit unus actus. Quandoque etiam evenit quod aliquis actus non determinatur ad aliquam certam speciem ex parte obiecti, sed ex parte finis, eo quod habet determinatum habitum a quo imperatur, sed non a quo elicitur, sicut ædificare proximum, quem actum caritas non elicit, quia eius non est elicere nisi interiores actus, per quos non fit ædificatio, sed imperat eum, & ab aliis virtutibus elicitur materialiter, non determinate ab aliqua, sed ab omnibus, quia caritas omnibus imperare potest. Et quia scandalum activum est peccatum oppositum ædificationi proximorum, ideo materialiter loquendo ex parte materie, & habitum elicentium non est speciale peccatum, sed solum loquendo formaliter ex parte finis, & habitus imperantis, qui est habitus caritati oppositus, scilicet vitium odii: & ideo quando aliquis dictum, vel factum minus rectum facit intendens occasionem ruinæ proximo præstare, speciale peccatum scandalizando committit. Si autem præter intentionem suam accidat, non erit scandalum activum speciale peccatum; tamen erit circumstantia quædam peccati, eo quod sicut quilibet actus virtutis habet ordinem ad finem caritatis, etiam si



etiā si actus non ordinetur in finem illum, & sicut habet apertitudinem ut imperetur a caritate; ita quodlibet peccatum, quantum est de se, habet ordinem ad contrarium finem, etiā si ille finis non intendatur ab agente.

Ad primum ergo dicendum, quod peccatum scandalī activi invenitur quandoque separatim ab omni alia specie peccati, quod consistit in actu exteriori, ut quando actus exterior de se non esset peccatum, nisi in quantum per quamdam similitudinem peccati quam habet, natum esset dare occasionem ruinae in manifesto factum, sicut comedere idololatriam, & ideo etiam in definitione scandalī non dicitur: *Dictum, vel factum* perversum, sed *minus rectum*: & sic patet quod obiectio procedit ex falsis.

Ad secundum dicendum, quod ratio illa procedit ex parte efficientium habituum, & non ex parte habitus imperantis.

Ad tertium dicendum, quod haec circumstantia *coram alio* non addit peccato ex sui ratione novam speciem, sed ex fine ad quem per talem circumstantiam ordinabilis est: unde etiam peccare in occulto non trahit peccatum ad aliam speciem, quia per hoc non recipit ordinem in alium finem.

Ad quartum dicendum, quod ille qui scandalizatur, & agit, & patitur: actio autem sua non pertinet ad genus scandalī, sed ad aliud quodcumque; sola autem passio sua pertinet ad genus scandalī. Et quia nullus peccat secundum quod patitur, sed solum secundum quod agit; ideo scandalum passivum non ponitur speciale peccatum, sicut scandalum activum, quod ex ipsa actione ad genus scandalī pertinet.

### SOLUTIO III.

Ad tertiam questionem dicendum, quod duplex est scandalum, ut dictum est, scilicet activum, & passivum; & utrumque est quandoque veniale, quandoque mortale peccatum. Passivum quidem mortale peccatum est, quando aliquis ex peccato alterius in peccatum mortale ruit, sive factum agentis sit bonum, sive indifferens, sive malum mortale, aut veniale peccati; sed veniale peccatum est quando aliquis ex facto alterius quomodocumque non ruit, sed disponitur ad ruinam, sicut qui impingit, disponitur ad casum, etiam si non cadat: unde Glossa (interlinealis) Rom. xiv. scandalum contritionem nominat. Sed activum scandalum potest accipi dupliciter. Uno modo formali-

ter, quando scilicet est speciale peccatum, ex hoc quod intendit alium scandalizare; & sic si intendat proximum inducere in peccatum mortale, mortaliter peccat; si autem intendat inducere ad aliquod veniale, peccat venialiter, quantum pertinet ad rationem scandalī: quia si intendere ducere in peccatum veniale per actum mortalis peccati, peccaret mortaliter; sed hoc accideret scandalo. Alio modo materialiter, quando est circumstantia peccati, quia non intenditur proximi nocumentum; & tunc idem iudicium est de scandalo, & de actu quo aliquis scandalizat, qui quandoque est veniale, quandoque mortale peccatum; nisi forte esset veniale, aut indifferens habens similitudinem mortalis peccati: tunc enim scandalum activum esset peccatum mortale, cum ex aliquibus circumstantiis concurrentibus (\*) existimari probabiliter posset quod infirmi aspicientes peccarent mortaliter.

Ad primum ergo dicendum, quod Dominus loquitur de scandalo activo, quod est peccatum mortale.

Ad secundum dicendum, quod ille qui scandalizat, non aufert semper vitam spirituales: quia quandoque factum eius non est natum inducere in peccatum mortale, etsi aliquis etiam ex hoc per culpam suam in peccatum mortale ruat. Et praeterea qui aufert vitam corporalem, dat sufficientem causam naturalis mortis; sed qui scandalizat, non dat sufficientem causam mortis spiritualis, ut dictum est.

### ARTICULUS III.

*Unum scandalum passivum sit tantum pusillum.*

*Ubi supra art. 5.*

1. AD tertium sic proceditur. Videtur quod scandalum passivum non sit tantum pusillum. Christus enim pusillus non fuit, sed perfectissimus. Sed Christus passus fuit scandalum a Petro, cui dixit: *Scandalum mihi es*: Matth. xvi. 23. Ergo &c.

2. Praeterea. Nullus potest amare, nisi aliquis ametur. Ergo nullus potest scandalizare, nisi aliquis scandalizetur. Sed ille qui coram perfectis viris peccat, scandalizat non alios quam videntes. Ergo perfecti scandalizantur; & sic non solum pusilli.

3. Praeterea. Etiam perfecti interdum venia-

(\*) id. additur ex quibus.

nialiter peccant. Sed quandoque veniale peccatum est scandalum. Ergo etiam perfecti scandalizantur.

Sed contra est quod Dominus Matth. xviii. ubi loquitur de scandalo, non facit mentionem nisi de scandalis pusillorum. Ergo ipsi soli scandalizantur.

Præterea. Apostolus dicit de scandalizatis, quod conscientia eorum, cum sit infirma, polluitur ( I. Corinth. viii. ) Sed perfecti non habent conscientiam infirmam. Ergo &c.

### QUAESTIUNCULA II.

1. Ulterius. Videtur quod etiam perfecti competat scandalum activum. Christus enim perfectissimus fuit. Sed ipse scandalizavit: quia positus est in ruinam multorum, ut dicitur Lucæ 22. & Pharisei audito verbo eius scandalizati sunt, ut dicitur Matth. xv. Ergo scandalum activum competit perfectis.

2. Præterea. Petrus postquam fuit Spiritu sancto confirmatus, perfectus fuit. Sed ipse scandalizavit: quia facto suo cogebat gentes iudaizare. Ergo &c.

Sed contra. Non enim eiusdem est provocare exemplis ad bonum, & scandalizare. Sed primum est perfectorum, ut patet Matth. v. 16. *Sic luceat lux vestra coram hominibus, ut videant opera vestra bona.* Ergo non est eorum scandalizare.

### QUAESTIUNCULA III.

1. Ulterius. Videtur quod soli perfecti possunt scandalizare. Quia contraria contrariis respondere debent. Sed scandalum passivum dividitur contra activum. Cum ergo solis pusillis conveniat scandalum passivum, solis perfectis convenire poterit activum.

2. Præterea. Ille solum scandalizat qui exemplo suo provocat ad peccandum. Sed hoc est illorum tantum quorum vita in exemplum aliorum est posita, scilicet prælatorum, & religiosorum. Ergo ipsorum tantum est scandalum activum.

Sed contra. Petrus ante passionem nondum erat in statu perfectionis: quia nondum erant cæli, idest Apostoli, verbo Dei, & spiritu oris eius confirmati. Sed ipse, quantum in se fuit, scandalizavit: unde ei dicitur: *Scandalum mihi es*: Matth. xvi. 23. Ergo scandalum activum non est perfectorum tantum.

### SOLUTIO I.

Respondeo dicendum ad primam questionem, quod scandalum passivum patitur ali-

quis dupliciter. Uno modo ex propria electione, sicut cum quis videns aliquem peccantem eligit sequi eum ad peccandum; & sic non est perfectorum scandalum passivum: quia ipsi sequuntur principaliter Christi exemplum, & præcepta Dei, & rationis bonum: unde nullius exemplum contra prædicta sequuntur. Alio modo præter electionem, sicut cum ex facto alterius alicui suboritur aliquis concupiscentie motus, vel etiam tristitia, aut ira, aut alicuius huiusmodi; & sic scandalum passivum potest esse quorumlibet perfectorum secundum statum viæ. Sed quia principale moris electio est, ut Philosophus dicit ( III. Ethic. cap. 1v. vel v. ) communiter dicitur, quod scandalum passivum non est perfectorum.

Ad primum ergo dicendum, quod Christus dixit Petro ( loc. cit. ) *Scandalum mihi es*: non quia ex facto eius scandalizatus sit; sed quia Petrus, quantum in se fuit, aliquo modo ei scandalum dedit.

Ad secundum dicendum, quod grammaticè loquendo, omnis activa convertitur in passivam: quia grammaticus non considerat substantiam actionis, sed modum significandi. Omne autem verbum activum significat actionem ut in alium transeuntem. Sed considerando substantiam actionis aliquid ad alio egreditur ab agente, & non pertingit usque ad patiens, quod habet in sua potestate recipere effectum agentis, & non recipere, vel propter aliquod impedimentum interveniens: & ideo realiter loquendo, in omnibus actionibus quæ terminantur ad aliquid extra agentem, activa non convertitur in passivam, sicut est percutere, occidere, scandalizare, & alia huiusmodi. Sed amare, & cognoscere sunt actus interiores animæ, quæ non progrediuntur ad rem extra, nisi secundum quod est aliquid in ipso agente: & ideo in talibus, etiam realiter loquendo, semper activa in passivam convertitur.

Ad tertium dicendum, quod quamvis vir perfectus quandoque ex electione etiam aliquod veniale peccatum committat, sive ex proposito; non tamen eligit sequi aliquem in peccato etiam veniali, quia ista est valde levis causa peccandi; sed quandoque alia causa moris peccatum veniale eligit.

### SOLUTIO II.

Ad secundam questionem dicendum, quod scandalum activum quandoque est veniale, quandoque mortale peccatum, ut ex dictis patet. Secundum ergo quod est mortale peccatum,

etatum, nullo modo perfectis competit, sicut nec peccare mortaliter; sed secundum quod est veniale peccatum, convenit etiam quandoque perfectis, sicut & peccatum veniale, inquantum in eis aliquid infirmitatis remanet.

Ad primum ergo dicendum, quod quia aliqui ex factis, aut dictis Christi sumplerunt occasionem ruinæ, dicitur esse in ruinam, & scandalum; non quia ipse dederit aliquam vel modicam occasionem ruinæ: unde non legitur quod Christus aliquos scandalizaverit; sed quod aliqui ex factis, vel verbis eius scandalizati sunt.

Ad secundum dicendum, quod Petrus secundum Augustinum (epist. xix.) in rei veritate, reprehensibilis fuit in facto illo, non quia perverse operatus sit, sed indifferenter: & ideo secundum hoc non est (a) inconveniens dicere, quod venialiter peccaverit scandalizando. Sed quomodo Hieronymus excuset Petrum etiam a peccato veniali, supra dist. 1. (quæst. 1. art. 1. quæstiunc. 3. in corp.) distulit est.

### SOLUTIO III.

Ad tertiam questionem dicendum, quod etiam imperfecti possunt dare suo dicto, vel facto alii occasionem ruinæ vel indirecte provocando exemplo, vel directe provocando ad malum persuadendo verbis, aut commovendo factis: & ideo non est dubium quod quilibet imperfectus potest scandalizare.

Ad primum ergo dicendum, quod in viris perfectis est aliqua dispositio prohibens scandalum passivum ab ipsis; sed in viris imperfectis nihil est quod prohibeat scandalum activum: & ideo ratio non sequitur.

Ad secundum dicendum, quod scandalum activum non consistit in hoc tantum quod aliquis exemplo suo provocet alium ad peccandum, sed in hoc quod dat occasionem ruinæ alteri quocumque modo. Constat autem quod quilibet imperfectus potest dare alteri occasionem ruinæ vel persuadendo verbis, vel provocando ad impatientiam per iniustas persecutiones: & ideo non est dubium quod imperfectus potest scandalizare; & tamen etiam falsum est quod dicitur, quod imperfectus non scandalizat per modum exempli: quia Deus unicuique mandavit de proximo suo, ut patet Eccli. xvii. & ideo quilibet tenetur ad hoc quod ædificet proximum exemplo suo. Experimento etiam scitur, quod exemplo eorum qui non sunt in

S. T. b. Oper. Tom. XIII.

(a) scilicet. conveniens.

statu perfectionis, multi ad peccandum provocantur: quia non solum exempla maiorum, sed etiam æqualium, & minorum nata sunt movere.

### ARTICULUS IV.

*Utrum veritas sit propter scandalum dimittenda.*

2. 2. quæst. xlii. art. 5. & 8.

1. **A**D quartum sic proceditur. Videtur quod veritas sit propter scandalum dimittenda. In parabola de zizania dicit Glossa Augustini (Matth. xlii.) *Cum multitudo est in causa, vel Princeps, detrahendum est severitati*, Sed non nisi propter scandalum. Ergo veritas iustitiæ propter scandalum dimittenda est.

3. Præterea. Vitatio cuiuslibet peccati pertinet ad veritatem vitæ. Sed homo ad vitandum scandalum proximi debet peccatum veniale committere: quia plus debet cavere damnum æternum proximi, quod patitur per peccatum mortale quo scandalizatus fuit, quam damnum temporale suum, quod patitur per peccatum veniale. Ergo veritas vitæ dimittenda est propter scandalum.

2. Præterea. Aliquando subtrahitur prædicatio propter scandalum generale. Sed prædicatio pertinet ad veritatem doctrinæ. Ergo & veritas doctrinæ dimittenda est propter scandalum.

Sed contra est quod Gregorius dicit (homil. vii. super Ezech.) *Si de veritate scandalum sumitur, nihil permittitur nasci scandalum quam veritas relinquatur*. Ergo veritas non est propter scandalum dimittenda.

Præterea. Homo non debet peccare, ut alterius peccatum vitet. Sed ille qui dimittit veritatem, peccat. Ergo non debet propter scandalum alterius aliquis veritatem dimittere.

### QUAESTIUNCULA II.

1. **U**lterius. Videtur quod consilia sint propter scandalum dimittenda. Quia regula est Hieronymi (epist. xi. ad Ageruchiam) *quod omne quod potest fieri, vel non fieri salva triplici veritate, dimittendum est propter scandalum*. Sed consilia sunt huiusmodi. Ergo sunt dimittenda propter scandalum.

2. Præterea. Votum religionis quoddam consilium est. Sed homo debet dimittere religionis ingressum propter scandalum parentum, ne honor eis debitus subtrahatur: quia

Ee pr-

praeceptum est, *Honora parentes*, Exod. ix. Ergo consilia sunt propter scandalum dimittenda.

3. Præterea. Opera misericordiae quandoque dimittenda sunt propter scandalum, ne credantur fieri intentione vanæ laudis. Sed opera misericordiae sunt in consilio, vel in præcepto: nec sunt dimittenda secundum quod sunt in præcepto, quia iam pertinent ad veritatem vitae. Ergo sunt dimittenda propter scandalum, in quantum sunt in consilio.

4. Sed contra. Scandalum est dictum, vel factum minus rectum. Sed consilium non est de rebus minus rectis, sed de maioribus bonis. Ergo non est dimittenda propter scandalum observatio consiliorum.

5. Præterea. Hieronymus dicit ad Eliodorum (epist. 1.) *Licet parvulus in collo pendens nepos, licet sparsa crine, & scissis vestibus ubera sua ostendat mater, licet in limine patris iaceat, (a) percalcato perge parve, sicis oculis ad vexillum crucis evola. Solum genus pietatis est in hac re esse crudellem.* Loquitur autem de assumptione religionis. Ergo consilia non sunt dimittenda nec etiam propter scandala propinquorum, & ita multo minus propter scandala aliorum.

### QUAESTIUNCULA III.

1. Ulterius. Videtur quod res temporales sint dimittenda propter scandalum. Apostolo enim debebantur temporalia, qui spiritualia feminabat. Sed Apostolus non usus est hac potestate, ne offensivum daret Evangelio Christi, ut patet I. Corinth. ix. Ergo & nos pro scandalo vitando temporalia debemus abicere.

2. Præterea. Aliquis tenetur dare rem suam existenti ultima in necessitate ad mortem temporalem evitandam. Sed magis debemus obviare morti spirituali proximi quam corporali. Ergo potius debemus rem temporalem dimittere quam dimittamus eum in mortem spirituales cadere per scandalum.

3. Præterea. Inter omnia temporalia cibis maxime necessarius est corpori. Sed cibus dimittendus est propter scandalum: dicitur enim I. Corinth. x. 13. *Si esca scandalizat fratrem meum, non manducabo carnes in aeternum.* Ergo multo fortius alia temporalia sunt propter scandalum dimittenda.

4. Præterea. I. Corinth. vi. 7. dicit Apostolus: *Iam delictum est in vobis quod iudicia habetis inter vos. Quare non magis iniuriam accipitis?* Hoc autem non dicit nisi propter scandalum quod inde sequebatur.

Ergo propter scandalum homo debet dimittere temporalia, ne ea in iudicio repetat.

5. Præterea. Decimae computantur inter spiritualia temporalibus annexa. Sed Ecclesia non exigit decimas, ut scandalum vitet. Ergo multo fortius alia temporalia sunt propter scandalum dimittenda.

6. Præterea. In ordine caritatis debemus bonum spirituale proximi bono nostro temporali præponere, sicut etiam animam eius corpori nostro. Ergo potius debemus dimittere bona nostra temporalia quam proximi in spiritualibus detrimenta patiantur per scandalum.

7. Præterea. Homo potest dimittere temporalia, vel non dimittere salva triplici veritate. Ergo secundum Hieronymum (loc. cit.) debent propter scandalum temporalia dimitti.

Sed contra. Beatus Thomas Cantuariensis repetit res Ecclesiae cum scandalo Regis. Ergo & nobis licet repetere bona temporalia cum scandalo aliorum.

Præterea. Nullus ex peccato suo debet reportare commodum. Hoc autem esset, si ei qui scandalizatur, res alienæ quas detinet, dimitterentur. Ergo non sunt dimittende res temporales possidenti iniuste propter scandalum eius vitandum.

### SOLUTIO I.

Respondeo dicendum ad primam questionem, quod scandalum activum nunquam est sine peccato facientis, ut ex dictis patet. Nulla autem de causa debet aliquis inclinari ad peccandum: unde potius debet omnia prætermittere quam scandalum activum faciat, neque unquam propter scandalum activum vitandum potest dimitti veritas: quia quicumque veritatem sequitur, non scandalizat active, cum scandalum activum sit factum, vel dictum minus rectum: unde cum quaeritur, utrum veritas sit dimittenda propter scandalum, non intelligitur quaestio de scandalo activo, sed de passivo, quod interdum est sine peccato facientis illud, unde scandali occasio sumitur; quamvis nunquam sit sine peccato eius qui scandalizatur, ut ex dictis patet. Et ideo cum quaeritur, quid sit dimittendum propter scandalum passivum, nihil aliud est quaerere quam quid homo debeat dimittere ne alius peccet. Cum autem homo ex ordine caritatis se plus quam proximum in spiritualibus bonis diligere teneatur, nullo modo aliquis peccare debet, ut peccatum alterius vitet.

Qui-

(a) Nicolai per calcatum perge patrem.

Quicumque autem veritatem relinquit, peccat. Veritas autem de qua loquimur, consistit in hoc quod homo in dictis, & factis suis rectitudini divinæ, sive divinæ legis regulæ se conformet : cui quidem homo conformari debet & in his quæ ad cognitionem pertinent, & hoc pertinet ad veritatem doctrinæ ; & in his quæ ad actionem spectant, sive ea debeat aliquis per se ipsum agere, quod pertinet ad veritatem vitæ, sive ea debeat ab aliis observanda promulgare, quod pertinet ad veritatem iustitiæ, quæ consistit in reſtitutione iudicii. Non tamen quicumque prætermittit aliquid in quo se divinæ legi conformare potest, dicitur veritatem dimittere, quia illo remoto veritas adhuc remanere potest ; sed tunc dicitur aliquis veritatem dimittere, quando dimittit, vel facit aliquid quod omisso, & facto veritas non manet ; quod sine peccato esse non potest : & ideo nullo modo veritas propter scandalum passivum alterius dimittenda est.

Ad primum ergo dicendum, quod iustitiæ actus est reddere unicuique quod suum est. Dupliciter autem redditur unicuique quod suum est. Uno modo quando datur ei illud quod sibi directe utile est, ut pecunia, vel aliquid huiusmodi, quod sibi sine peccato denegari non potest : unde quantumcumque scandalum debeat sequi, iudex debet facere quod ius suum illi reddatur. Alio modo quando opus iustitiæ, quod ad petitionem alicuius redditur, non directe cedit in bonum petentis, sed magis in bonum Reipublicæ, sicut pater in illatione pœnarum, quibus pax in Republica conservatur malefactoribus repressis : unde si iudex qui curam Reipublicæ gerit, videt ex inflictione pœnæ maius incommodum Reipublicæ provenire, potest pœnam vel prætermittere, vel mitigare. Nec alicui in hoc facit iniuriam : quia ipse personam Reipublicæ gerit ; & hoc etiam facere debet, quia ex officio tenetur utilitati publicæ providere. Hoc autem contingit præcipue quando Princeps, vel aliqua multitudo est in causa, aut aliquis de cuius pœna timetur ne schisma sequatur : & ideo dicit Augustinus quod cum multitudine peccantium agendum est magis monendo quam minando ; sed severitas exercenda est in peccato paucorum. Sed hoc intelligendum est, quando ex dissimulatione peccati Principis, vel etiam multitudinis maius periculum non timetur quam ex pœna. Unde si ex impunitate Principis, vel multitudinis, fides, & doctrinæ veritas, & boni mores corrumpantur,

non parcendum est Principi, nec multitudini ; quod præcipue contingit quando peccantes suum peccatum auctoritate, aut potestate defendere moluntur. Unde Ildorus dicit ( & refertur in Decret. dist. l. cap. *Domino sancto* ex eius epist. ad Massanum, vel Massenam, aut Massianum. ) *Hi qui neque a vitio (a) corruptionis emendantur, atque hoc ipsum delictum quod committunt, vendicare quadam superstitione (b) auctoritate nituntur, nec gradum bonis, nec gratiam recipient communionis.*

Ad secundum dicendum, quod homo aliquod peccatum veniale committere, ne alius peccet mortaliter, non tenetur ; nec bene facit committendo : quia ad vitandum peccatum non inclinamur principaliter ex damno proprio, quia hoc esset desistere a peccato timore pœnæ ; sed inclinamur ne Deum offendamus, cuius offensa est etiam veniale peccatum, quamvis non ita magna sicut mortale. Nullus autem debet Deum offendere parum, ne alius offendat multum : quia homo debet in infinitum plus diligere Deum quam proximum : & ideo nullus debet facere peccatum veniale ad vitandum scandalum, dummodo actus suus ex tali causa factus peccatum veniale remaneat. Est enim oppositio in adiecto, si dicitur quod aliquis debet peccare, aut bene facit peccando. Contingit tamen aliquem actum ex talicautsa factum non esse peccatum veniale, quod alias veniale esset, sicut dicere verbum otiosum : iam enim non esset otiosum, cum non careret causa piæ utilitatis.

Ad tertium dicendum, quod in doctrina est considerare duo, scilicet actum docentis, & rem quæ docetur. Actus autem docentis pertinet ad veritatem vitæ, sicut & alius actus misericordiæ : quia doctrina est elemosyna spiritualis, ut supra dist. xv. ( quæst. 11. art. 3. quæstunc. 2. in corp. ) dictum est : unde de ea est idem iudicium, & de aliis actibus misericordiæ, de quibus post dicitur, quod aliquando propter scandalum differri possunt. Sed res ipsa quæ docetur, est quæ pertinet ad veritatem doctrinæ : nec veritas doctrinæ prætermittitur quando aliqua res vera tacetur, sed quando veritati illius rei præiudicium generatur sive ex contraria doctrina, sive ex taciturnitate aliorum : & sic propter nullum scandalum est veritas doctrinæ relinquenda.

[a] Al. *correditionis*. [b] Nicolaus *generositate*.

## SOLUTIO II.

Ad secundam quaestionem dicendum, quod omnia opera perfectionis quae non sunt in praecepto, consilia dicuntur: unde praetermitti possunt salva triplici veritate: sed aliquando cadunt sub praecepto vel ex voto, vel ex aliqua alia circumstantia; & tunc praetermitti non possunt sine prauiudicio veritatis vitae: & sic de eis nunc non loquimur, sed solum quando manet in potestate nostra facere ea, vel non facere. Sic ergo loquendo distinguendum est in scandalum passivo: quia quandoque oritur ex malitia odientium veritatem, qui turbantur, & alios turbant propter opera lucis, quasi filii tenebrarum; & hoc est scandalum Phariseorum, ut Bernardus dicit (tract. de praecept. & dispens. cap. ix.) & propter hoc scandalum passivum nullo modo consilia sunt dimittenda: quia sic iniquis daretur locus impediendi opera perfectionis cum vellent. Unde Dominus dixit de Phariseis, qui ex malitia scandalizabantur ex factis, & discipulis (Matth. xv. 14.) *Sinite illos: ceci sunt, & duces caecorum.* Quandoque autem oritur ex ignorantia, vel infirmitate; & hoc dicitur secundum Bernardum scandalum pusillorum, qui non cognoscunt veritatem, & propter hoc de operibus veritatis turbantur; & hoc scandalum cavet Dominus Matth. xvi. 26. ubi dixit Petro: *Ne autem non scandalizemus eos, vade ad mare &c.* & cavere docuit Matth. xviii. unde propter tale scandalum passivum consilia sunt ad tempus intermittenda, vel occulte agenda, non autem omnino dimittenda: quia homo plus sibi quam proximis in spiritualibus providere debet: & ignorantia si diu duret, in malitiam per obliationem commutatur. Tamen attendenda est quantitas scandali, & boni quod contingit ex consilio servato; & secundum hoc aliquando consilia sunt praetermittenda propter scandalum pusillorum, vel scandalum contemnendum propter consilia.

Ad primum ergo dicendum, quod ad veritatem vitae pertinent non solum illa quae sunt de necessitate salutis, sed etiam ea quae sunt de perfectione salutis: unde quamvis omnis consilii salvetur aliquo modo veritas vitae, non tamen perfectio veritatis vitae: unde verbum Hieronymi magis referendum est ad indifferentia ex genere suo quam ad consilia.

Ad secundum dicendum, quod in eo qui religionem vult intrare, distinguendum est. Quia aut sibi timet de periculo salutis im-

minente, si in saeculo remaneat; & tunc debet omnibus modis obviare periculo vitae, scandalo non obstante. Si autem non imminet, & voto non obligatur, debet pro vitando iusto scandalo parentum, quibus sub venire tenetur, ad tempus suspendere propositum perfectionis, ut praeceptum impleat pro suo tempore de honorandis parentibus, & postmodum consilium tempore magis idoneo. Si autem scandalum propinquum, vel aliorum sit irrationabile, iam accedit ad scandalum Phariseorum: unde tunc propter scandalum non debet praetermittere bonum propositum. Sed si voto obligatus sit, iam de consilio factum est praeceptum, & ideo nullo modo propter scandalum dimittere debet: quia hoc esset prauiudicium veritatis vitae.

Ad tertium dicendum, quod opera misericordiae, sicut & consilia, sunt ad tempus suspendenda propter scandalum pusillorum, nisi in illo casu in quo cadunt sub praecepto, sive sint elemosinae spirituales, sive corporales: quia tunc non possunt omitti salva veritate vitae.

Ad quartum dicendum, quod illa diffinitio datur de scandalo activo: quo remoto etiam propter passivum interdum est opus bonum dimittendum, vel etiam suspendendum.

Ad quintum dicendum, quod Hieronymus loquitur de scandalo propinquorum irrationabili.

## SOLUTIO III.

Ad tertiam quaestionem dicendum, quod abiciere temporalia, vel dimittere contingit dupliciter. Uno modo cum quis dat quod penes se habet; alio modo cum non repetit quae sibi debentur: & de istis duobus sere est idem iudicium.

Sciendum ergo est, quod aliquando aliquis non datur rem suam alteri scandalizat active, vel quia dare tenetur, vel quia malo modo denegat; & sic nulli licet retinere quae possidet cum scandalo activo. Aliquando vero sequitur scandalum passivum ex hoc quod aliquis rem temporalem non donat; & in hoc distinguendum est. Quia quandoque non potest dare sine peccato, vel quia scit illum cui dat, usurum re data in malos usus, vel quia non potest dare rem temporalem uni sine prauiudicio alterius, sicut si illi qui gerunt alicuius communis curam, dent aliqua ex quorum subractione fiat peior conditio illius communis; & tunc non debet dare temporalem rem propter

pter scandalum vitandum, quia hoc esset facere contra veritatem iustitiae, aut vitae. Quandoque autem potest dare sine peccato; & tunc in scandalo passivo distinguendum est. Quia quandoque procedit ex malitia; & tunc non tenetur homo rem suam dare malitiose petenti; alias non remaneret locus utendi re sua, & sic periret bonum commune: potest tamen dare quasi ex consilio, non quasi ex praecepto; nisi forte crederetur quod ex datione ille efficereetur deterior; puta, si ex hoc provocaretur ad alias malitiose petendum, & inquietandum (a) per huiusmodi petitiones alios: tunc enim peccaret dando. Quandoque autem scandalum passivum procedit ex ignorantia; & tunc potest dare quasi ex consilio, sed non tenetur quasi ex praecepto: quia potest petentem repellere instruendo eum; & hoc quandoque magis prodesset, quando scilicet esset talis ignorantia quae vergeret in praeiudicium veritatis doctrinae, quam si daretur res temporalis: quia per hoc ille in suo errore foreretur, sicut patet de haereticis illis qui dicunt, quod quilibet debet bona sua pauperibus dare, petentibus, etiam extra casum necessitatis extremæ. Similiter etiam de repetitione suorum dicendum est: quia nullus debet scandalum activum committere rem temporalem repetendo, neque petendo quæ non ei debentur, neque inordinate petendo in iudicio, aut extra iudicium. Sed de iusta repetitione rerum temporalium propter scandalum passivum vitandum dimittenda, est distinguendum. Quia quandoque licite non potest dimittere quin repetat sine praeiudicio alterius, ut cum quis gerit curam rei alienæ, sive communitalis, sive alicuius privatæ personæ; & tunc peccaret desistendo a petitione, nisi de consensu illius cuius curam gerere debet, aut nisi timeret maius periculum imminere quam sit damnum illius rei. Quandoque autem potest dimittere repetitionem sine praeiudicio alieno; & tunc si scandalum passivum procedat ex malitia, non tenetur propter scandalum tale dimittere suæ rei repetitionem; alias daretur materia rapiendi, & tolleretur iustitia bonum. Potest tamen licite dimittere repetitionem ad vitandum tale scandalum, nisi ex talidimissione credatur detinens rem iniuste, fieri deterior, aut de tali peccato non corrigi alio modo. Unde Gregorius dicit (Lib. XXXI. Moral. cap. viii.) super illud Job xxxix. *Frustra laboravit.* „ Quidam dum res tem-

porales rapiunt solummodo, sunt tolerandi; quidam vero servata caritate sunt prohibendi, non tamen sola cura ne nostra subtrahant, sed ne rapientes non sua semetipsos perdant. „ Si autem scandalum passivum procedat ex infirmitate, vel ignorantia, debet differre suæ rei repetitionem, vel eum inducere quod non scandalizetur. Quod si adhuc scandalizatur, iam per obstinationem malitiosus efficitur: & deo simile est iudicium de tali scandalo, & de illo quod ex malitia oritur.

Quidam tamen dicunt, quod imperfectis licet in iudicio repetere sua cum scandalo, non autem perfectis. Sed hoc nihil est: quia si loquantur de perfectis quantum ad statum perfectionis, idem est iudicium de eis, & de aliis, nisi quatenus ex voto obligantur ad non habendum proprium: unde monachus in iudicio eodem iure potest petere res temporales nomine capituli, sicut secularis nomine sui. Si autem loquantur de perfectis secundum statum caritatis, sic ipsa perfectio caritatis inducit eos ad servandum consilia, non quod ea facere teneantur: nec peccarent, si non facerent; sed in hoc perfectioni eorum aliquod praeiudicium ferret; & sic intelligitur Glossa illa I. Corinth. vi. super illud, *Quære non magis fraudem pauperum?* (b) „ Perfectis licet repetere sua sim. „ scilicet, scilicet sine causa, sine lite, sine iudicio; sed non convenit eis movere „ causam ante iudicem. „ Non enim potest hoc intelligi de perfectis quo ad statum, sicut sunt religiosi, quia tales non habent proprium: unde nihil esset dictum, quod sua possent repetere simpliciter. Illa autem quæ habent in communi, sunt capituli, vel pauperum: unde possunt ea repetere in iudicio, quia tunc gerunt curam rei alienæ. Quod ergo dicitur in Glossa, intelligendum est secundum gradum caritatis: licet enim in iudicio repetendo sua non peccent, tamen perfectioni eorum derogatur: unde Glossa non dicit, quod talibus non liceat, sed quod eis non conveniat.

Sciendum tamen, quod perfectis etiam illo modo licet repetere sua, & contendere in iudicio, etiam sine detrimento suæ perfectionis (c) in quinque casibus. Primus est, quando oritur questio de re spirituali: unde Act. xv. cum orta esset questio de observatione legalium, Paulus detulit ad iudicium Apostolorum, Galat. ii. propter quodam falsos fratres &c. Secundus, quando oritur

(a) Nivela: per huiusmodi petitiones, alias enim &c. (b) Nivelaus addit dicens: (c) &c. in casibus.

ritur quaestio de eo quod potest vergere in detrimentum rei spiritualis: unde Act. xxv. Paulus appellavit Caesarem pro liberatione sua, quia per eius mortem impediatur fructus praedicationis; ipse tamen quantum in se erat, cupiebat dissolvere, & esse cum Christo: Philip. i. Tertius, quando est contentio de eo quod vergit in temporale damnum alterius, & maxime pauperum. Eccli. xxxiv. 24. *Qui offert sacrificium ex substantia pauperum, quasi qui victimas filium in conspectu patris sui.* Quartus, quando est contentio de eo quod vergit in spirituale damnum illius qui rem spirituales detinet iniuste, de quo supra posita est auctoritas Gregorii super illud Job xxxix. 16. *Finstra laboravit nullo timore cogente.* Quintus, quando vergit in corruptionem multorum per exemplum rapiendi, Eccli. viii. 11. *Quia non cito profertur sententia contra malos, absque timore ullo filii hominum peccarent mala.*

Ad primum ergo dicendum, quod Apostolus potuisset licite sumptus accipere ab illis quibus Evangelium praedicabat, sed intermisit ex perfectione caritatis, ut vitaret eorum scandalum qui avari erant, & ut liberius eos arguere posset, & ut pseudoapostolis occasionem rapiendi subtraheret.

Ad secundum dicendum, quod ille qui est in extrema necessitate, non habet in potestate sua incurere mortem corporalem, aut non incurere, sed de necessitate incurrit propter penuriam rei temporalis: & ideo ille qui illam rem sibi denegat, directe mortis eius est causa. Sed ille qui scandalizatur, potest scandalum suum vitare: & ideo non est simile.

Ad tertium dicendum, quod comestio alicuius cibi habet ex se aliquam mali similitudinem, sicut comestio (a) idolatrii: & ideo qui comedit coram infirmis, scandalizat active, quod est maius malum quam mors corporalis: quia satius est fame mori quam idolatrii veluti, scilicet cum scandalolo: quia primum est malum poenae; secundum malum culpae. Non tamen aliquis debet se dimittere fame mori antequam cum scandalolo idolatrium comodat: quia iniiceret sibi manus, & sic cum malo poenae adingeretur malum culpae. Sed quando comestio alicuius cibi non habet speciem mali, tunc idem est iudicium de abstinendo a tali comestione, & de dimissione rei temporalis alterius: unde quod Apostolus dicit (1. Corinth. viii.) ad perfectionem per-

tinet consilii, non ad necessitatem praecipienti.

Ad quartum dicendum, quod Apostolus loquitur de repetitione cum scandaloso activo. Quod autem Dominus dicit, *Quae tua sunt, non repetis*, Luc. vi. 30. consilium est magis quam preceptum.

Ad quintum dicendum, quod propter generale scandalum debet homo a repetitione rei suae abstinere, quando licite potest, nisi ex hoc maius praeiudicium veritati generaretur quam sit scandalum publicum, quod quandoque ex malitia aliquorum instigantium alios oritur: & sic beatus Thomas Cantuariensis sustinuit scandalum publicum, ut occurreret maiori periculo, quod erat de libertatis ecclesiasticae amissione.

Ad sextum dicendum, quod si homo plus diligeret rem suam temporalem quam salutem proximi, peccaret; sed aliquando dum nostris repetimus, magis salutis proximorum consulimus quam nostrae: unde Gregorius dicit (ubi sup.) *Plus (b) de istis rapinibus debemus metueri, quam rebus temporalibus repetendis inhiare.*

Ad septimum dicendum, quod quamvis salva triplici veritate, in hoc particulari possit quis sua quandoque non repetere propter vitandum scandalum, tamen non posset esse sine praeiudicio veritatis publicae, si non liceret repetere: quia pax, & iustitia, periret.

## EXPOSITIO TEXTUS.

**Q**uia probari non potest quod occulte factum est. Hae non est sufficiens ratio quare non impediat matrimonium simpliciter: quia defectus probationis non excusaret conscientiam a peccato; sed quare non impeditur in facie Ecclesiae.

*Viduas a proposito recedentes viduatis, super quibus nos consulisti, credo te nosse a sancto Paulo, nisi consentiant, olim esse damnatas.* Loquitur de proposito per votum firmato.

*Quid (c) in omnibus peccatis est adulterio gravius?* Hoc intelligitur quantum ad gravitatem poenae quae secundum legem pro adulterio instigatur, scilicet lapidatio utriusque; quia nulla poena est gravior. Dicitur autem secundum locum in panis tenere: quia secundum legem lapidatio solis blasphemis, & adulteris debebatur, & filiis inobedientibus. Blasphemos autem nominat hic

(a) Nicolai idololatry, ita etiam infra. (b) Gregorius: Plus ipse. (c) Al. Quid etiam omnibus &c.



hic aberrantes a Deo: & in eodem genere inobedientes computantur, quia quasi itelus ariolandi est nolle obedire, ut patet l. Reg. xv.

*Excerabiliter fit in meretrice, sed excrabilis in uxore.* Hæc comparatio intelligenda est de usu contra naturam; sed de usu secundum naturam est e converso.

*Legitimarum fœdera nuptiarum reintegranda credamus.* Hoc intelligendum est utroque in hac vita perseverante.

Sed videtur quod etiam si unus moriatur, & postea miraculose suscitetur, fit reintegrandum matrimonium per hoc quod dicitur Hebr. xi. 35. „Acceperunt mulieres de „ resurrectione mortuos suos.“

Præterea. Resuscitatus posset repetere possessiones suas. Ergo & uxorem.

Præterea. Si oporteret iterato contrahere cum eadem uxore, bigamus reputaretur propter duplex matrimonium quod contraxit.

Et dicendum, quod secundum Augustinum nuptiæ sunt bonum mortalium; & ideo vinculum matrimoniale cum hac vita finitur; & hoc est quod dicitur Rom. vii. 2. de muliere: „Si mortuus est vir eius, soluta „ est a lege viri.“ Et ideo si resuscitaretur, non posset repetere uxorem suam; sed posset iterato cum ea contrahere, nisi illa alteri nupsisset: tunc enim non esset matrimonium contractum separandum.

Ad primum ergo dicendum, quod hoc intelligitur de filiis, & non de maritis.


Ad secundum dicendum, quod possessiones

subduntur simpliciter dominio possidentis; unde etiam moriens testari potest; sed uxor non subditur viri domino quasi ancilla, sed est quædam societas inter virum & uxorem, quæ morte alterius terminatur: unde vir moriens non potest uxorem suam alteri in testamento dimittere. Et sic patet quod non est eadem ratio de possessionibus, & uxori-

bus. Ad tertium dicendum, quod non esset bigamus propter hoc, quia neuter coniugum (a) in plures carnes suam divisit.

*Si careat opprobrio mala voluntatis.* Quod quidem est quando non ex levi presumptione, sed ex aliquo certo indicio habito de morte viri mulier cum alio contraxit. Si autem postea oriatur dubitatio aliqua de vita prioris viri ex aliqua causa quæ etiam certitudinem facere possit, non debet nec reddere, nec exigere debitum. Si autem causa illa facit probabilem dubitationem, debet reddere, sed non exigere. Si autem sit levis suspicio, potest utrumque licite facere: quia debet illam causam potius abiicere quam secundum hoc conscientiam formare.

*Ex quo ad primam redire volens, nec valens cogitur Ecclesie disciplina hanc tenere, incipit excusari.* Hic Magister falsum dicit: quia potius debet excommunicatus mori quam coniungatur illi quæ non est sua uxor: hoc enim esset contra veritatem vitæ, quæ non est propter scandalum dimittenda.



## DISTINCTIO XXXIX.

### De dispari cultu.

Post hæc de dispari cultu videndum est. Hæc est enim una de causis quibus personæ illegitimæ fiunt ad contrahendum matrimonium. Non enim licet Christiano cum Gentili, vel Iudæa inire coniugium: quia etiam in veteri testamento prohibitum est fideles viros infideles ducere uxores, Domino dicente (Exod. xxxiv. 16.) „Non accipias uxorem de filiabus alienigenarum filiis tuis, ne traducant eos „ post deos suos.“ Iuxta hoc Domini præceptum Iudæorum coniugia cum alienigenis inita Efdras separavit (1. Efdra x.) Hoc idem etiam in novo testamento servatur. Unde Augustinus (Lib. I. de adul. coniug. cap. xxv.) „Ne nubat se- „ mina nisi suæ religionis viro, vel ne vir talem ducat uxorem. Id enim, ut dicitis, „ iubet Dominus, docet Apostolus, utrumque præcipit testamentum.“ Item Ambrosius: „Cave Christiane Gentili, vel Iudæo filiam tuam tradere; cave ne Gen- „ ti-

(a) *Id.* in pluribus.

EX EDIT. P. NICOLAI. \* Lib. I. de Abraham cap. 12.

„tilem, vel Iudæam, vel alienigenam, idest hæreticam, & omnem alienam a fide tua, uxorem accersas tibi. “ Item : \* ( 1 ) „ Si quis Iudææ, sive Christiana Iudæa, sive Iudæa Christiano carnali cœsortio miscetur; quicumque tantum nefas admiserit, a christiano cœtu protinus segregetur. “ Ex his, aliisque pluribus testimoniis apparet non posse contrahi coniugium ab his qui sunt diversæ religionis, & fidei.

*De coniugio fidelis & infidelis, & duorum infidelium.*

**H**Uic autem videtur obviare quod Apostolus ait de imparibus coniugiis ( I. Cor. iinth. vii. 12. ) „ Ego dico, non Dominus. Si quis frater habet uxorem infidelem, & hæc consentit habitare cum illo, non dimittat illam; & si qua mulier &c. “ Sed aliud hoc esse, aliud illud, evidenter ostendit Augustinus ( ubi supra. ) „ Ibi enim agitur de illis coniugiis fidelium quæ contrahuntur ab eis in dispari religione, & fide manentibus; Apostolus vero ait de illis qui unus & eisdem infidelitatis fuerunt, quando coniuncti sunt; sed cum venisset Evangelium, aliter sine altera credidit. Intelligis ne quid dicam? Attende, ut rem ipsam diligenter explenem. Ecce coniuges duo unus infidelitatis fuerunt, quando coniuncti sunt: nulla de his quæstio est quæ pertineat ad illud præceptum veteris & novi testamenti, quo prohibetur fidelis cum infideli copulare coniugium. Iam sunt coniuges, & ambo adhuc sunt infideles. Tales sunt adhuc quales coniuncti sunt. Venit Evangelii prædicator, ( 2 ) credit eorum unus, vel una, sed ita ut infidelis cum fidei habitare consentiat: non iubet Dominus ut fidelis infidelem dimittat, taliter coniunctum. Nec Apostolus iubet ut non dimittat, sed consulit; ut si quis aliter agat, non sit transgressor, sicut & de virginibus consulit. “ ( Et iam antea cap. xiii. ) „ Monet autem quod est lucrandi occasio, cum possit licite relinquere, sed non expedit. “ ( Et cap. xviii. ) „ Tunc enim non expedit id quod licitum est, quando permittitur quidem, sed ipsius potestatis usus aliis affert impedimentum salutis, sicut discessio fidelis ab infideli: quam non prohibet Dominus, quia coram illo non est iniusta; sed Apostolus, ne fiat, consilio caritatis suadet; ut nemo in ea re iussionis necessitate teneatur, sed consilii voluntate liberè faciat. “ Ex his monstratur inter fideles coniugium esse, & consilium Apostoli non obviare præcepto Domini, quo iubet fidelem non iungi infideli, & si coniuncti fuerint, separari. Legitur enim ( Eslræ x. ) quod Eslras Propheta, immo Dominus per eum, iussit Israelitis uxores dimittere alienigenas, per quas ibant ad deos alienos, non illæ per maritos acquirebantur Deo. Recte hoc præcepit, quia per Moysen iusserat Dominus ne quis uxorem alienigenam duceret. Merito ergo quas duxerant Domino prohibente, Domino iubente dimiserunt: quia, ut ait Ambrosius ( Ambrosiaster in I. Corinth. cap. vii. ) non est putandum matrimonium quod extra decretum Dei factum est; sed cognoscitur emendandum, ut quando fidelis infideli copulatur. Sed, ut ait Augustinus ( ubi supra ) cum cœpisset gentibus Evangelium prædicari, iam coniunctos gentiles gentilibus ( 3 ) comperit coniugibus: ex quibus si non ambo crederent, sed unus, vel una, & fidelis cum infideli consentiret habitare, nec prohiberi a Domino debuit fidelis infidelem dimittere, nec luberi. Ideo non prohiberi, quia iustitia permittit a fœdante discedere, & infidelis hominis fornicatio est maior in corde, nec vera eius pudicitia cum coniuge dici potest: quia „ omne quod non est ex fide, peccatum est “ ( Rom. xiv. 13. ) quamvis veram fidelis habeat pudicitiam, etiam cum infideli coniuge quæ non habet veram. Ideo autem nec iuberi debuerunt fideles ab infidelibus separari, quia non contra iussionem Domini gentiles fuerunt ambo coniuncti. Licetum ergo erat per iustitiam fidei infidelem dimittere; sed licitum non erat faciendum propter liberam

( a ) Nicolai. Si quis Iudææ pravitate coniugali societate iungitur ( sive Christiana Iudæa, sive Iudæa Christiano carnali consortio miscetur ) quicumque tantum nefas &c. ( 2 ) Al. credidit. ( 3 ) Al. comperavit.

EX EDIT. P. NICOLAI. \* In Concilio Urbanensi, vel Verbanensi, vel Atyenensi cap. 22.

beram benevolentiam. Evidenter apparet & inter infideles coniugium esse, & Apostolum de illis agere qui in infidelitate coniuncti fuerunt, & post alter ad fidem conversus est, cum quo etiam fidelis habitare consensit: & hunc non dimittere fidei consuluit Apostolus, quia forte per fidelem salvabitur infidelis.

*De fornicatione spirituali, ob quam potest dimitti coniux.*

**P**otest tamen licite dimittere: quia in infideli est fornicatio, si non corporis, tamen mentis. Causam enim fornicationis Dominus excepit. Fornicationem vero generalem, & universalem intelligere cogimur, non modo scilicet corporalem, sed spirituales, de qua Augustinus ait (de serm. Domini in monte Lib. I. cap. xii.) „Idolatria, & quælibet noxia superstitione fornicatio est. Dominus autem permisit causa fornicationis uxorem dimitti, sed non iussit; & sic dedit Apostolo locum monendi, ut qui voluerit, non dimittat; potest tamen licite dimittere. Si enim fornicatio carnis detestanda est in coniuge, quanto magis fornicatio mentis, idest (1) infidelitas?“

*Pro quibus viris possit dimitti.*

**S**i autem queris, an propter aliud vitium, nisi propter infidelitatem, vel idolatriam, possit dimitti; attende quid Augustinus ait (Lib. I. de serm. Domini in monte cap. xxviii.) „Si infidelitas fornicatio est, & idolatria infidelitas, & avaritia idolatria; non est dubitandum, & avaritiam fornicationem esse. Quis ergo quamlibet illicitam concupiscentiam potest a fornicationis genere separare, si avaritia fornicatio est?“ Ex quo intelligitur, quod propter illicitas concupiscentias non tantum quæ in stupris cum alienis viris, vel feminis committuntur, sed ob quaslibet quæ animam a lege Dei aberrare faciunt, & perniciose corrumpi, possit sine crimine & vir uxorem suam dimittere, & uxor virum. Item (de fide & operibus cap. xvi. & habetur causa xxviii. quæst. 1. cap. „Uxor“) „Rectissime dimittit, si viro suo dicat: Non ero uxor tua, nisi mihi de latrocinio divitias congreges, vel nisi solita lenocinia exerceas, aut si quid aliud facinorosum, vel flagitiosum a viro suo exspectat. Tunc ille cui hoc uxor dixit, si veraciter poenitens est, habetque fidem per dilectionem operantem, membrum quod eum scandalizat, amputabit.“ Ex his apparet quod non solum infidelitas, sed etiam quælibet concupiscentia, quæ perniciose, turpiterque corrumpit, fornicatio spiritualis est, per quam vir uxorem, vel uxor virum dimittere potest. Consulit tamen Apostolus ne fidelis dimittat infidelem volentem cohabitare, nec a Deo revocare.

*Si fidei liceat aliam ducere, infideli discedente, vel dimissa.*

**H**ic queritur, si fidelis dimittat infidelem, vel infidelis a fidei discedat, an liceat fidei aliam ducere. Videtur auctoritas testari, quod illa vivente alteram ducere non valeat. Ambrosius enim (Ambrosiaster in I. Corinth. vii.) verba Apostoli exponens, ait: „Alioquin si disceditis ab invicem, & nolentes cohabitare dimittitis, & alius vos copulatis, adulteri essis, & filii vestri qui de hac copula nascuntur, immundi (idest spurii) sunt.“ Item (ex Conc. Meldensi & habetur causa xxviii. quæst. 11. cap. „Si quis.“) „Si quis habuerit uxorem virginem ante baptismum, vivente illa post baptismum alteram habere non potest. Criminea enim in baptismo solvuntur, non coniugia.“

(1) *Id.* infidelitatis.

*Quæ præmissis contraria videntur.*

**S**ed contra Ambrosius ( Ambrosiaster ) testatur : „ Si infidelis ( dicit Apostolus ) „ discedit, discedat. Non enim est servituti subiectus frater, aut soror in hu- „ iusmodi, quia non debetur reverentia coniugii ei qui horret auctorem coniugii. „ Non est enim ratum matrimonium quod sine devotione Dei est: & ideo non est „ peccatum ei qui dimittitur propter Deum, si aliis copulaverit. Contumelia enim „ Creatoris solvit ius matrimonii circa eum qui relinquitur, ne accusetur alii copu- „ latus. Infidelis autem discedens & in Deum peccat, & in matrimonium: nec est „ servanda ei fides coniugii, qui ideo recessit, ne audiret Christum esse Deum chri- „ stianorum coniugiorum. Si vero ambo crediderint, per cognitionem Dei confir- „ matur coniugium. “

*Determinatio.*

**A**t tende, hæc prædictis contraria posse videri, ita ut sibi Ambrosius contradice- re videatur. Sed distinguendum est hic, aliud esse dimittere volentem coha- bitare, aliud dimitti propter Deum ab illo qui horret nomen Christi. Ibi enim lex benevolentie non servatur, hic veritas custoditur: & ideo cum liceat dimittere vo- lentem cohabitare, non tamen ea vivente aliam ducere licet. Discedentem vero sequi non oportet, & ea vivente aliam ducere licet. Sed hoc non est intelligendum nisi de his qui in infidelitate sibi copulati sunt. Sed si ad fidem uterque conversus est, vel si uterque fidelis matrimonio coniunctus est, & post alter eorum a fide discesserit, & odio fidei coniugem reliquerit, dimissus discedentem non comitabitur: nec tamen illa vivente alteram ducere poterit, quia inter eos fuerat ratum coniu- gium, quod non potest dissolvi.

*Quidam dicunt coniugium non esse inter infideles, & quare.*

**S**unt tamen nonnulli qui inter infideles asserunt non esse coniugia, quia nec ra- ta, nec legitima est eorum copula: rata non est, quia solvi potest; nec le- gitima, quia Apostolus ait ( Rom. xiv. 13. ) „ Omne quod non est ex fide, „ peccatum est. “ Eorum autem coniunctio non est ex fide, & ideo pec- catum est. Non est ergo coniugium, quia nullum coniugium peccatum est. Augu- stinus etiam dicit ( Lib. I. de adult. coniugiis cap. xviii. ) quia non est vera pu- dicitia infidelis cum fidei. Sed vera negatur esse pudicitia, non quod infidelium coniugium non sit verum, sed quia non habet illud triplex bonum quod excusat coitum, & meretur præmium. Item illud Apostoli, „ Omne quod non est ex fide, „ peccatum est, “ non sic intelligendum est, ut quidquid sit ab infidelibus, pecca- tum sit; sed omne quod sit contra fidem, id est conscientiam, male sit, & ad ge- hennam ædificat. Vel in omni eo quod infidelis facit, peccat, non quia illud fa- cit, sed quia non eo modo illud facit quo debet, non referens ad debitum finem.

*Quod legitimum sit coniugium infidelium, sed non ratum, & quare.*

**C**opula ergo maritalis quæ est inter infideles, coniugium est legitimum, sed non est ratum. Legitimum, quia est inter legitimas personas, sed non ratum, quia sine fide. Coniugium vero fidelium est legitimum, & ratum, si tamen legitime sunt personæ. Quod autem legitima sit infidelium coniunctio, Augustinus testatur dicens ( de fide & oper. cap. xvi. ) „ Uxor legitima societate coniuncta sine ulla culpa „ relinquitur, si cum viro christiano permanere noluerit. “ Ex hoc etiam proba- tur, quod infidei ad fidem converso Apostolus consulit infidelem non dimittere; quod non faceret, si non esset inter eos legitimum coniugium. Legitimum est quod legali institutione, vel provincie moribus, non contra iussionem Domini, contrahi- tur.

## DIVISIO TEXTUS.

Postquam determinavit Magister de impedimentis matrimonii quæ faciunt personam illegitimam simpliciter respectu cuiuslibet personæ, hic determinat de impedimento quod facit eam illegitimam respectu aliquarum personarum, & non respectu omnium: & dividitur in duas. In prima determinat de impedimento quod facit personam illegitimam respectu alicuius alterius personæ propter distantiam ab ipsa, scilicet de disparitate cultus. In secunda determinat de impedimento quod facit illegitimam personam respectu alterius personæ propter propinquitatem ad eam, xl. dist. ibi, *Nunc superest de cognatione aliquid dicere*. Prima in duas. In prima determinat de matrimonio quod est (a) in disparitate cultus fidelis ad infidelem; in secunda de matrimonio quod est inter duos infideles, ibi, *Sunt tamen nonnulli qui inter infideles affirmant non esse coniugium*. Prima in partes duas. In prima ostendit quod disparitas cultus præcedens matrimonium impedit contrahendum, & dirimit contractum. In secunda obicit in contrarium, ibi, *Hic autem videtur obviare quod Apostolus ait de impuriis coniugiis*. Et dividitur in duas. In prima ponit obiectionem ex verbis Apostoli; in secunda solvit, ibi, *Sed (b) aliud hoc esse, aliud illud, evidenter ostendit Augustinus*. Et circa hoc tria facit. Primo ostendit quod verbum Apostoli, scilicet quod fidelis habet potestatem commanendi, vel non commanendi cum infideli, intelligitur de disparitate cultus qui sequitur matrimonium. In secunda inquit, utrum propter alia peccata uxor possit dimitti, sicut propter infidelitatem, ibi, *Si autem queris, an propter aliud vitium, nisi propter infidelitatem, vel idolatriam possit dimitti; attende quid Augustinus ait*. Tertio inquit, utrum fidelis dimittens uxorem infidelem, possit alteram ducere, ibi, *Hic queritur, si fidelis dimittat infidelem, vel infidelis a fidele discedat; an liceat fidele aliam ducere*. Et circa hoc tria facit. Primo ponit auctoritatem ad partem negativam; secundo ad affirmativam, ibi, *Sed contra Ambrosius testatur*; tertio solvit, ibi, *Attende, hæc prædictis contraria posse videri*.

**H**ic queruntur sex.

Primo. Utrum aliquis fidelis possit contrahere matrimonium cum infideli.

Secundo. Utrum inter infideles sit matrimonium.

Tertio. Utrum si alter coniugum infidelium convertatur ad fidem sine altero, possit in eodem matrimonio commanere.

Quarto. Utrum possit uxorem infidelem relinquere.

Quinto. Utrum ea dimissa possit aliam ducere.

Sexto. Utrum propter alia peccata vir possit dimittere uxorem, sicut propter infidelitatem.

## ARTICULUS I.

*Utrum fidelis possit matrimonium cum infideli contrahere.*

1. **A**D primum sic proceditur. Videtur quod fidelis possit matrimonium cum infideli contrahere. Quia Ioseph contraxit cum Aegypcia, & Esther cum Assuero. In utroque autem matrimonio fuit disparitas cultus: quia alter erat fidelis, alter infidelis. Ergo disparitas cultus præcedens matrimonium, ipsum non impedit.

2. Præterea. Eadem est fides quam docet vetus lex, & nova lex. Sed secundum veterem legem poterat esse matrimonium inter fidelem & infidelem, ut patet Deut xxx. 10. Si (c) egressus ad pugnam... videris mulierem pulchram in medio captivorum, & ad amaveris eam... introas ad eam dormiens cum ea, & eris tibi uxor. Ergo in nova lege licet.

3. Præterea. Sponsalia ad matrimonium ordinantur. Sed inter fidelem & infidelem possunt in aliquo casu contrahi sponsalia cum conditione futuræ conversionis. Ergo sub eadem conditione matrimonium potest contrahi inter eos.

4. Præterea. Omne impedimentum matrimonii est aliquo modo contra matrimonium. Sed infidelitas non est contraria matrimonio: quia matrimonium est in officium naturæ, cuius dictamen fides excedit. Ergo disparitas fidei non impedit matrimonium.

5. Præterea. Disparitas fidei est etiam quandoque inter duos baptizatos, sicut quando aliquis post baptismum in hæresim labi-

F f 2 tur;

(a) Ad. de indisparitate. (b) Al. Sed ad hoc esse aliquid illud &c. (c) Aequivalenter non istidem minis verbis.

tur; & si talis cum aliqua fidei contrahat, nihilominus est verum matrimonium. Ergo disparitas cultus matrimonium non impedit.

Sed contra est quod dicitur II. Corinth. vt. 14. *Quæ (a) conventio lucis ad tenebras?* Sed maxima conventio est inter virum & uxorem. Ergo ille qui est in luce fidei, non potest contrahere matrimonium cum illa quæ est in tenebris infidelitatis.

Præterea. Malach. 11. 11. dicitur: *Contaminavit Iudas sanctificationem Domini, quam dilexit, & habuit filiam dei alieni.* Sed hoc non esset, si inter eos posset verum matrimonium contrahi. Ergo disparitas cultus matrimonium impedit.

### SOLUTIO.

Respondeo dicendum, quod principaliter bonum matrimonium est proles ad cultum Dei educanda. Cum autem educatio fiat communiter per patrem, & matrem, uterque secundum fidem intendit ad cultum Dei prolem educare: & ideo si sint diversæ fidei, intentio unius alterius intentioni contraria erit; & ita inter eos non potest esse conveniens matrimonium: & propter hoc disparitas cultus præcedens matrimonium, impedit ipsum ne contrahi possit.

Ad primum ergo dicendum, quod in veteri lege de aliquibus infidelibus erat permixtum quod cum eis possent inire coniugia, & de aliquibus prohibitum. Specialiter quidem erat prohibitum de infidelibus habitantibus in terra Chanaan: tum quia Dominus præceperat eos occidi propter eorum obstinationem: tum quia maius periculum imminere non coniuges, aut filios ad idolatriam perverterent: quia filii Israël ad ritus, & ad mores eorum priores erant propter conversationem cum eis. Sed de aliis gentibus permixtum, præcipue quando non poterat esse timor pertrahendi ad idolatriam; & sic Ioseph, & Moyses, & Esther cum infidelibus matrimonia contraxerunt. Sed in nova lege quæ per totum orbem diffunditur, similis ratio prohibendi est de omnibus infidelibus: & ideo disparitas cultus præcedens matrimonium impedit contrahendum, & dirimit contractum.

Ad secundum dicendum, quod lex illa vel loquitur de aliis nationibus, cum quibus licite poterant inire connubia; vel loquitur quando illa captiva ad fidem, & cultum Dei converti volebat.

Ad tertium dicendum, quod eadem est

habitus præsentis ad præsens, & futuri ad futurum: unde sicut quando matrimonium in præsentem contrahitur, requiritur unitas cultus in utroque contrahentium; ita ad sponsalia, quibus fit sponso futuri matrimonii, sufficit conditio appolita de futura unitate cultus.

Ad quartum dicendum, quod iam ex dictis patet quod disparitas cultus contraria est matrimonio ratione principalioris boni ipsius, quod est bonum prolis.

Ad quintum dicendum, quod matrimonium sacramentum est; & ideo quantum pertinet ad necessitatem sacramenti, requirit paritatem quantum ad sacramentum fidei, scilicet baptismum, magis quam quantum ad interiorem fidem: unde etiam hoc impedimentum non dicitur disparitas fidei, sed disparitas cultus, qui respicit exterius servitium, ut in III. Lib. dist. ix. (quæst. x. art. 1. quæstiunc. 1. in corp.) dictum est: & propter hoc si aliquis fidelis cum hæretica baptizata matrimonium contrahit, verum est matrimonium, quamvis peccet contrahendo, si sciat eam hæreticam; sicut peccaret, si cum excommunicata contraheret; non tamen propter hoc matrimonium dirimeretur; & e contrario si aliquis catechumenus habens rectam fidem, sed nondum baptizatus cum aliqua fidei baptizata contraheret, non esset verum matrimonium.

### ARTICULUS II.

*Utrum inter infideles possit esse matrimonium.*

1. **AD** secundum sic proceditur, Videtur quod inter infideles non possit esse matrimonium. Matrimonium enim est sacramentum Ecclesie. Sed baptismus est ianua sacramentorum. Ergo infideles, qui non sunt baptizati, matrimonium contrahere non possunt, sicut nec alia sacramenta suscipere.

2. Præterea. Duo mala sunt magis impeditiva boni quam unum. Sed infidelitas unus tantum impedit matrimonii bonum. Ergo multo fortius infidelitas utriusque; & ita inter infideles non potest esse matrimonium.

3. Præterea. Sicut inter fidelem & infidelem est disparitas cultus, ita interdum inter duos infideles, ut si unus sit Gentilis, & alter Iudæus. Sed disparitas cultus impedit matrimonium, ut dictum est. Ergo ad mi-

nus

(a) Vulgata, *scietas*

mus inter infideles qui habent cultum displicentem, non potest esse verum matrimonium.

4. Præterea. In matrimonio est vera pudicitia. Sed, sicut dicit Augustinus (Lib. I. de nup. & concupisc. cap. iv.) & habetur xxviii. quæst. i. non est vera pudicitia infidelis cum uxore sua. Ergo non est verum matrimonium.

5. Præterea. Matrimonium verum excusat carnalem copulam a peccato. Sed hoc non potest facere matrimonium inter infideles contractum: quia omnis vita infidelium peccatum est, ut dicit Glossa (Augustinus) Rom. xiv. Ergo inter infideles non est verum matrimonium.

Sed contra est quod dicitur I. Corinth. vii. 12. *Si quis frater habet uxorem infidelem, & hæc consentis habitare cum illo, non dimittat illum.* Sed uxor non dicitur nisi propter matrimonium. Ergo inter infideles est verum matrimonium.

Præterea. Remoto posteriori non removetur prius. Sed matrimonium pertinet ad officium naturæ, quæ præcedit statum gratiæ, cuius principium est fides. Ergo infidelitas non facit quin sit inter infideles matrimonium.

### SOLUTIO.

Respondeo dicendum, quod matrimonium principaliter institutum est ad bonum proli, non tantum generandæ, quia hoc sine matrimonio fieri possit, sed etiam promovendæ ad perfectum statum: quia quilibet res intendit effectum suum naturaliter perducere ad perfectum statum. Est autem in prole duplex perfectio consideranda, scilicet perfectio naturæ non solum quantum ad corpus, sed etiam quantum ad animam per ea quæ sunt de lege naturæ; & perfectio gratiæ: & prima perfectio est materialis, & imperfecta respectu secundæ. Et ideo cunctæ quæ sunt propter finem, sive proportionatæ fini, matrimonium quod tendit ad primam perfectionem, est imperfectum, & materiale respectu illius quod tendit in perfectionem secundam. Et quia prima perfectio communis esse potest fidelibus, & infidelibus, secunda autem est tantum fidelium: ideo inter infideles est quidem matrimonium, sed non perfectum ultima perfectione, sicut est inter fideles.

Ad primum ergo dicendum, quod matrimonium non tantum est institutum in sacramentum, sed in officium naturæ: & ideo quamvis infidelibus non competat ma-

trimonium, secundum quod est sacramentum in dispensatione ministrorum Ecclesiæ consensens; competit tamen eis, inquantum est in officium naturæ. Et tamen etiam matrimonium tale est aliquo modo sacramentum habitualiter, quamvis non actualiter, eo quod actu non contrahunt in fide Ecclesiæ.

Ad secundum dicendum, quod disparitas cultus non impedit matrimonium ratione infidelitatis, sed ratione disparitatis in fide. Disparitas enim cultus non solum secundam perfectionem proli impedit, sed etiam primam, dum parentes ad diversam prolem trahere intendunt; quod non est quando uterque est infidelis.

Ad tertium dicendum, quod inter infideles est matrimonium, ut dictum est, prout matrimonium est in officium naturæ. Ea autem quæ pertinent ad legem naturæ, sunt determinabilia per ius positivum: & ideo si prohibentur ab aliquo iure positivo apud eos infideles contrahere matrimonium cum infidelibus alterius ritus, disparitas cultus impedit matrimonium inter eos. Ex iure enim divino non prohibentur: quia apud Deum non differt qualitercumque aliquis a fide deviet quantum ad hoc quod est a gratia alienum esse: similiter, nec aliquo Ecclesiæ statuto, quæ non habet de his quæ fors sunt, iudicare.

Ad quartum dicendum, quod pudicitia, & aliæ virtutes infidelium dicuntur non esse veræ, quia non possunt pertinere ad finem veræ virtutis, quæ est vera felicitas; sicut dicitur non esse verum vinum quod non habet effectum vini.

Ad quintum dicendum, quod infidelis cognoscens uxorem suam, non peccat, si propter bonum proli, aut fidei quæ tenetur uxori, debitum reddat, cum hoc sit actus iustitiæ, & temperantiæ, quæ in delectabilibus tactus debitas circumstantias servat; sicut non peccat faciens alios actus politicarum virtutum. Nec dicitur omnis vita infidelium peccatum, quia quolibet actu peccent; sed quia per id quod agunt, a servitute peccati non possunt liberari.

### ARTICULUS III.

*Utrum coniux conversus ad fidem possit manere cum uxore infideli nolente converti.*

t. Ad tertium sic proceditur. Videtur quod coniux conversus ad fidem non possit

possit commanere cum uxore infideli nolente converti, cum qua in infidelitate contraxerat. Ubi enim est idem periculum, debet eadem cautela adhiberi. Sed propter periculum subversionis fidei. prohibetur ne fidelis cum infideli contrahat. Cum ergo idem periculum sit, si fidelis commaneat cum infideli, cum qua prius contraxerat, & adhuc maius, quia neophiti facilius pervertuntur quam illi qui sunt nutriti in fide; videtur quod fidelis post conversionem non possit commanere cum uxore infideli.

2. Præterea. Causa xxviii. quæst. i. (cap. Iudæi) dicitur: *Non potest infidelis in eius coniunctione permanere quæ iam in christianam transiit fides.* Ergo fidelis habet necessesse uxorem infidelem dimittere.

3. Præterea. Matrimonium quod inter fideles contrahitur, est perfectius quam illud quod contrahitur inter infideles. Sed si fideles contrahant in gradu prohibito ab Ecclesia, dissolvitur eorum matrimonium. Ergo & infidelium; & ita vir fidelis non potest commanere cum uxore infideli, ad minus quando cum ea in infidelitate contraxit in gradu prohibito.

4. Præterea. Aliquis infidelis habet quandoque plures uxores secundum ritum suæ legis. Si ergo potest commanere cum illis cum quibus in infidelitate contraxit, videtur quod possit etiam post conversionem plures uxores retinere.

5. Præterea. Potest contingere quod repudiata una uxore aliam duxerit, & in illo matrimonio existens convertatur. Ergo videtur quod saltem in hoc casu non possit cum uxore quam de novo habet, commanere.

Sed contra est quod Apostolus I. Corinth. vii. consulit quod commaneant.

Præterea. Nullum impedimentum superveniens matrimonio, tollit ipsum. Sed matrimonium erat verum, cum uterque infidelis erat. Ergo quando alter convertitur, non dirimitur matrimonium per hoc; & ita videtur quod possint licite commanere.

### SOLUTIO.

Respondeo dicendum, quod fides eius qui est in matrimonio, non solvit, sed perficit matrimonium. Unde cum inter infideles sit verum matrimonium, ut ex dictis patet, per hoc quod alter eorum convertitur ad fidem, non ex hoc ipso vinculum matrimonii solvitur, sed aliquando vinculo matrimonii manente solvitur matrimonium quan-

tum ad cohabitationem, & debiti solutionem; in quo pari passu currunt infidelitas, & adulterium, quia utrumque est contra bonum prolis. Unde sicut se habet in potestate dimittendi adulteram, vel commanendi cum ea, ita se habet in potestate dimittendi infidelem, vel commanendi cum ea. Potest enim vir innocens libere cum adultera commanere spe correctionis; non autem si in adulterii peccato fuerit obstinata, ne videatur patronus turpitudinis, ut supra dist. xxxv. (quæst. t. art. 2.) dictum est; quamvis etiam cum spe correctionis possit eam libere dimittere. Similiter fidelis conversus potest cum infideli manere cum spe conversionis, si eam in infidelitate obstinatam non viderit, & bene facit commanendo; tamen non tenetur, & de hoc est consilium Apostoli.

Ad primum ergo dicendum, quod facilius impeditur aliquid fiendum quam destruat quod rite factum est: & ideo multa sunt quæ impediunt matrimonium contrahendum, si præcedant, quæ tamen ipsum non possunt dissolvere, si sequantur, sicut de affinitate patet: & similiter dicendum est de disparitate cultus.

Ad secundum dicendum, quod in primitiva Ecclesia tempore Apostolorum passim convertebantur ad fidem & Iudæi, & Gentiles: & ideo tunc vir fidelis poterat habere probabilem spem de conversione uxoris, etiam si conversionem non promitteret. Postmodum autem tempore procedente Iudæi (a) sunt magis obstinati, & Gentes adhuc intrabant ad fidem, sicut tempore martyrum, & temporibus Constantinii Imperatoris, & circa tempora illa: & ideo tunc non erat tutum fideli cum uxore infideli Iudæa cohabitare; nec erat spes de conversione eius, sicut erat spes de conversione uxoris Gentilis: & ideo tunc fidelis conversus poterat cohabitare cum Gentili, sed non cum Iudæa, nisi conversionem promitteret: & secundum hoc loquitur decretum illud. Sed nunc pari passu ambulant utrique, scilicet Gentiles, & Iudæi, quia utrique obstinati sunt; & ideo nisi uxor infidelis converti velit, non permittitur ei cohabitare, siue sit Gentilis, siue Iudæa.

Ad tertium dicendum, quod infideles non baptizati non sunt astricti statutis Ecclesiæ, sed sunt astricti statutis iuris divini: & ideo si contraxerint aliqui infideles in gradibus secundum legem divinam prohibitis, Levit.

(a) In supplemento quæst. lxx. art. 3. sunt magis obstinati quam Gentiles, quia Gentiles adhuc intrabant etc.



Levit. xviii. sive uterque, sive alter ad fidem convertatur, non possunt in tali matrimonio commanere; si autem contraxerint in gradibus prohibitis per statutum Ecclesiae, possunt commanere, si uterque convertatur, vel si uno converso spes sit de conversione alterius.

Ad quartum dicendum, quod habere plures uxores est contra legem naturae, ut supra dist. xxxiii. (quaest. i. art. 1.) dictum est, cui etiam infideles sunt astricti: & ideo non est verum matrimonium infidelis, nisi cum illa cum qua primo contraxit. Unde si ipse cum omnibus suis uxoribus convertatur, potest cum prima cohabitare, & alias debet abicere. Si autem prima converti noluerit, & aliqua aliarum convertatur, idem ius habet contrahendi cum illa de novo, quod cum alia haberet; de quo post dicitur.

Ad quintum dicendum, quod repudium uxoris, ut supra dist. xxxiii. dictum est, est contra legem naturae: unde non licet infideli uxorem repudiare. Et ideo si convertatur, postquam una repudiata alteram duxit, idem iudicium est de hoc, & de illo qui plures uxores habebat: quia tenetur primam quam repudiaverat, accipere, si converti voluerit, & aliam abicere.

#### ARTICULUS IV.

*Utrum fidelis conversus possit uxorem infidelem dimittere, volentem cohabitare sine contumelia Creatoris.*

1. **A**D quartum sic proceditur. Videtur quod fidelis conversus non possit uxorem infidelem dimittere, volentem cohabitare sine contumelia Creatoris. Maius enim est vinculum viri ad mulierem quam servi ad dominum. Sed servus conversus non absolvitur a vinculo servitutis, ut patet I. Corinth. vii. & I. Timoth. vi. Ergo & vir fidelis non potest uxorem infidelem dimittere.

2. Præterea. Nullus potest alteri præiudicium facere sine eius consensu. Sed uxor infidelis habebat viri in corpore viri infidelis. Si ergo per hoc quod vir ad fidem convertitur, mulier præiudicium pati posset, ut libere dimitteretur, non posset vir converti ad fidem sine consensu uxoris, sicut nec potest ordinari, aut vovere continentiam sine consensu uxoris.

3. Præterea. Si aliquis contrahat cum an-

cilla scienter, sive sit servus, sive liber, non potest propter diversam conditionem ipsam dimittere. Cum ergo vir quando contraxit cum infideli, sciverit eam esse infidelem, videtur a simili quod non possit eam propter infidelitatem dimittere.

4. Præterea. Pater tenetur ex debito procurare salutem proles. Sed si discederet ab uxore infideli, filii communes matri remanerent, quia partus sequitur ventrem; & sic essent in periculo salutis. Ergo non potest uxorem infidelem licite dimittere.

5. Præterea. Adulter non potest adulteram dimittere, etiam postquam de adulterio penitentiam egit. Ergo si sit idem iudicium de adultero, & infideli, nec infidelis infidelem etiam postquam ad fidem conversus est.

Sed contra est quod Apostolus dicit I. Corinth. vii.

Præterea. Adulterium spirituale est gravius quam carnale. Sed propter carnale adulterium vir potest uxorem relinquere quantum ad cohabitationem. Ergo multo fortius propter infidelitatem, quæ est adulterium spirituale.

#### SOLUTIO.

Respondeo dicendum, quod homini secundum aliam & aliam vitam diversam competunt, & expediunt: & ideo qui moritur priori vitæ, non tenetur ad illa quæ in priori vita tenebatur: & inde est quod ille qui in vita seculari existens, aliqua vovit, non tenetur illa, quando mundo moritur vitam religiosam assumens, perficere. Ille autem qui ad baptismum accedit, regeneratur in Christo, & priori vitæ moritur, cum generatio unius sit corruptio alterius: & ideo liberatur ab obligatione qua uxori tenebatur reddere debitum, & ei cohabitare non tenetur, quando converti non vult, quamvis in aliquo casu libere id posset facere, ut dictum est; sicut & religiosus libere perficere potest vota quæ in seculo fecit, si non sunt contra religionem suam, quamvis ad ea non teneatur, ut dictum est in precedenti dist.

Ad primum ergo dicendum, quod servire non est aliquid incompetens christianæ religionis perfectioni, quæ maxime humilitatem proficitur; sed obligatio matrimonii aliquid derogat perfectioni christianæ, cuius vitæ summum statum continentes possident: & ideo non est simile de utroque. Et præterea unus coniugum non obligatur alteri quasi possessio eius, sicut domino servus, sed per modum

modum societatis cuiusdam, quæ non congrue est fidelis ad infidelem, ut patet I. Corinth. vii. & ideo non est simile de seruo, &c. coninge.

Ad secundum dicendum, quod uxor non habebat ius in corpore viri, nisi quamdiu in vita illa manebat in qua contraxerat, quia etiam mortuo viro uxor soluta est a lege viri, ut patet Rom. vii. & ideo si postquam vir mutat vitam moriens priori vitæ, ab ea discedat, nullum fidei præiudicium. Transiens autem ad religionem moritur tantum spirituali morte, non autem corporali: & ideo si matrimonium sit consummatum, non potest vir sine consensu uxoris ad religionem transire, potest autem ante copulam carnalem, quando est tantum copula spiritualis. Sed ille qui ad baptismum accedit corporaliter etiam, Christo consecratur in mortem: & ideo a debito reddendo absolvitur etiam post matrimonium consummatum. Vel dicendum, quod ex culpa sua uxor præiudicium patitur, quæ converti continent.

Ad tertium dicendum, quod disparitas cultus facit personam simpliciter illegitimam; non autem conditio servitutis, sed solum quando est ignorata: & ideo non est similis ratio de infideli, & ancilla.

Ad quartum dicendum, quod proles aut provenit ad perfectam ætatem, & tunc poterit libere sequi patrem fidelem, vel matrem infidelem: vel est in minori ætate constituta; & tunc debet dari fidei, non obstante quod indiget matris obsequio ad educationem.

Ad quintum dicendum, quod adulter per poenitentiam non transit ad aliam vitam, sicut infidelis per baptismum: & ideo non est similis ratio.

## ARTICULUS V.

*Utrum fidelis discedens ab uxore infideli possit aliam ducere in uxorem.*

1. **A**D quintum sic proceditur. Videtur quod fidelis discedens ab uxore infideli non possit aliam ducere in uxorem. Quia insolubilitas matrimonii est (a) deratione ipsius, cum repudium uxoris sit contra legem naturæ, ut supra distin. xxxiii. (quæst. 1. art. 1.) dictum est. Sed inter infideles erat verum matrimonium. Ergo nullo modo potest illud matrimonium solvi. Sed manente vinculo matrimonii ad unam,

non potest aliquis cum alia contrahere. Ergo fidelis discedens non potest cum alia contrahere.

2. Præterea. Crimen superveniens matrimonium non solvit matrimonium. Sed si mulier velit cohabitare sine contumelia Creatoris, non est solum vinculum matrimonii: quia vir non potest aliam ducere. Ergo peccatum uxoris quæ non vult cohabitare sine contumelia Creatoris, non solvit matrimonium, ut possit libere vir aliam uxorem ducere.

3. Præterea. Vir & uxor sunt pares in vinculo matrimonii. Cum ergo uxori infideli non liceat vivente viro alium virum ducere, videtur quod nec fidei liceat.

4. Præterea. Favorabilior est continentiarum quam matrimonii contractus. Sed viro fidei uxoris infidelis non licet, ut videtur, votum continentie emittere: quia tunc uxor fraudaretur matrimonio, si postmodum converteretur. Ergo multo minus licet ei matrimonium contrahere cum alia.

5. Præterea. Filius qui remanet in infidelitate, patre converso, amittit ius paternæ hereditatis; & tamen si postea convertitur, redditur ei sua hereditas, etiam si alius in possessionem intravit. Ergo videtur a simili quod si uxor fidelis postea convertatur, sibi sit reddendus vir suus, etiam si cum alia contraxerit; quod non posset esse, si secundum matrimonium esset verum. Ergo non potest contrahi cum alia.

Sed contra. Matrimonium non est ratum sine sacramento baptismi. Sed quod non est ratum, potest dissolvi. Ergo matrimonium in infidelitate contractum potest dissolvi, & ita soluto matrimoniali vinculo licet viro alteram ducere uxorem.

Præterea. Vir non debet cohabitare uxori infideli nolenti cohabitare sine contumelia Creatoris. Si ergo non liceret ei aliam ducere, cogretur continentiam servare; quod videtur inconveniens, quia sic ex conversione sua incommode reportaret.

## SOLUTIO.

Respondeo dicendum, quod quando alter coniugum ad fidem convertitur, altero in infidelitate remanente, distinguendum est. Quia si infidelis vult cohabitare sine contumelia Creatoris, (b) vel sine hoc quod ad infidelitatem inducat, potest fidelis libere discedere; sed discedens non potest alteri nubere. Si autem infidelis non velit cohabitare

(a) *id.* de tali ratione, (b) *id.* *drif* vel.

re siue contumelia Creatoris in verba blasphemiarum prorumpens, & nomen Christi audire nolens; tunc si ad infidelitatem pertrahere nitatur, vir fidelis discedens potest alteri per matrimonium copulari.

Ad primum ergo dicendum, quod matrimonium infidelium imperfectum est, ut dictum est (art. 2. huius quaest.) Sed matrimonium fidelium est perfectum, & ita est firmius. Semper autem firmius vinculum solvit minus firmum, si sit ei contrarium: & ideo matrimonium quod post in fide Christi contrahitur, solvit matrimonium quod prius in infidelitate contractum erat: unde matrimonium infidelium non est omnino firmum, & ratum; sed ratificatur postmodum per fidem Christi.

Ad secundum dicendum, quod crimen uxoris nolentis cohabitare sine contumelia Creatoris absoluit virum a servitute quatenus tenebatur uxori, ut non posset ea vivente aliam ducere; sed nondum solvit matrimonium: quia si blasphemia illa converteretur antequam ille aliud matrimonium contraheret, redderetur ei vir suus: sed solvitur per matrimonium sequens, ad quod pervenire non posset vir fidelis non solutus a servitute uxoris per culpam eius.

Ad tertium dicendum, quod postquam fidelis contraxit, solum est vinculum matrimonii ex utraque parte: quia matrimonium non claudicat quantum ad vinculum, sed quandoque claudicat quantum ad effectum. Unde in penam uxoris infidelis ei indicitur quod non possit cum alio contrahere magis quam ex virtute matrimonii praecedentis. Sed si postea convertatur, potest ei concedi dispensative ut alteri nubat, si vir eius aliam uxorem duxit.

Ad quartum dicendum, quod si post conversionem viri sit aliqua probabilis spes de conversione uxoris, non debet votum continentiae vir, emitte, nec ad aliud matrimonium transire: quia difficilius converteretur uxor, viro suo sciens se privatam. Si autem non sit spes de conversione, potest ad sacros ordines, vel ad religionem accedere, prius requisita uxore quod convertatur: & tunc si postquam vir sacros ordines accepit, uxor convertatur, non est sibi vir suus reddendus; sed debet sibi imputare in penam tardae conversionis quod viro suo privatur.

Ad quintum dicendum, quod vinculum paternitatis non solvitur per disparem cul-

S. Tb. Oper. Tom. XIII.

(a) Vulgata: facit eam nubari.

tum, sicut vinculum matrimonii: & ideo non est simile de hereditate, & uxore.

## ARTICULUS VI.

*Utrum alia vitia solvant matrimonium, sicut infidelitas.*

1. **A**D sextum sic proceditur. Videtur quod alia vitia solvant matrimonium, sicut & infidelitas. Adulterium enim directius videtur esse contra matrimonium quam infidelitas. Sed infidelitas in aliquo casu solvit matrimonium, ut liceat ad aliud matrimonium transire. Ergo & adulterium idem facit.

2. Praeterea. Sicut infidelitas est fornicatio spiritualis, ita etiam quodlibet peccatum. Si ergo propter hoc infidelitas matrimonium solvit, quia est fornicatio spiritualis, quodlibet aliud peccatum matrimonium solvit pari ratione.

3. Praeterea. Matth. v. 30. dicitur: *Si dextera manus tua scandalizet te, abscinde eam, & proice abs te*; & dicit Glossa (Hieronymi) quod in manu, & in dextero oculo possunt accipi fratres, uxores, propinqui, & filii. Sed per quodlibet peccatum efficiunt nobis impedimento. Ergo propter quodlibet peccatum potest dissolvi matrimonium.

4. Praeterea. Avaritia idolatria est, ut dicitur Ephes. v. Sed propter idolatriam potest mulier dimitti. Ergo pari ratione propter avaritiam, & ita propter alia peccata, quae sunt maiora quam avaritia.

5. Praeterea. Magister hoc expresse dicit in littera.

Sed contra est quod dicitur Matth. v. 31. *Qui diviserit uxorem, excepta causa fornicationis, (a) nubatur.*

Praeterea. Secundum hoc tota die fierent divortia, cum raro inveniamur matrimonium in quo coniugum alter in peccatum non labatur.

## SOLUTIO.

Respondetur dicendum, quod fornicatio corporalis, & infidelitas specialem habent contrarietatem ad bona matrimonii, ut ex dictis patere potest: unde specialiter habent vim separandi matrimonia. Sed ramen intelligendum, quod matrimonium dupliciter solvitur. Uno modo quantum ad vinculum; & sic non potest solvi postquam matrimonium est ratificatum, neque per infidelitatem, neque per adulterium; sed si non est ratifi-

Gg

catum,

catum, solvitur vinculum permanente infidelitate in altero coniugum, si alter conversus ad fidem ad aliud coniugium transeat; non autem solvitur vinculum prædictum per adulterium; alias infidelis libere posset dare libellum repudiij uxori adulteræ, & ea dimissa alteram ducere; quod falsum est. Alio modo solvit matrimonium quantum ad actum; & sic solvi potest tam per infidelitatem, quam per fornicationem corporalem, ut supra dist. xxxv. dictum est; sed propter alia peccata non potest solvi matrimonium etiam quantum ad actum, nisi forte ad tempus vir se velit subtrahere a consortio uxoris ad castigationem eius subtrahendo ei præsentia suæ solatiæ.

Ad primum ergo dicendum, quod quamvis adulterium magis directe opponatur matrimonio, inquantum est in officium naturæ, quam infidelitas; tamen e converso est, secundum quod matrimonium est sacramentum Ecclesiæ, ex quo habet perfectam firmitatem, inquantum significat indivisibilem conjunctionem Christi & Ecclesiæ: & ideo matrimonium quod non est ratum, magis potest solvi quantum ad vinculum per infidelitatem quam per adulterium.

Ad secundum dicendum, quod prima conjunctio animæ ad Deum est per fidem; & ideo per eam anima quasi desponsatur Deo, ut patet Osee 12. 20. *Sponsabo te mihi in fide*: unde in sacra Scriptura specialiter per fornicationem idolatria, & infidelitas designantur; sed alia peccata magis remota significatione dicuntur spirituales fornicationes.

Ad tertium dicendum, quod hoc intelligendum est quando mulier præstat magnam occasionem ruinæ viro suo, ut vir probabiliter sibi de periculo timeat: tunc enim vir potest se subtrahere ab eius conversatione, ut dictum est.

Ad quartum dicendum, quod avaritia di-

citur idolatria per quamdam similitudinem servitutis, quia tam avarus quam idolatra potius servit creaturæ quam Creatori; non autem per similitudinem infidelitatis, quia corruptio infidelitatis est in intellectu, sed avaritiz in affectu.

Ad quintum dicendum, quod verba Magistri sunt accipienda de sponsalibus: quia propter crimen superveniens sponsalia solvi possunt. Vel si loquamur de matrimonio, intelligendum est de separatione a communi conversatione ad tempus, ut dictum est; vel quando uxor non vult cohabitare nisi sub conditione peccandi, ut cum dicit: Non ero uxor tua, nisi mihi de latrocinio divitias congreges &c. tunc enim potius debet eam dimittere quam latrocinia exercere.

### EXPOSITIO TEXTUS.

**E**T *alienigenam*, idest hereticam. Crimen hæresis impedit matrimonium temper contrahendum; sed non dirimit contractum, nisi sit talis hæretica quæ baptismi sacramentum non acceperit, aut non in forma Ecclesiæ fuerit baptizata.

*Si ambo crediderunt, per agnitionem Dei confirmatur coniugium.* Sed contra. Si mulier ante conversionem fuerit fornicata, tenebitur eam vir recipere, etiam si converti voluerit, ut videtur. Et dicendum, quod si mulier conversa repetat virum suum conversum, vir non potest excipere contra eam de fornicatione prius commissa, si ipse occasionem fornicationi dedit; puta, si noluit cohabitare ei volenti cohabitare sine contumelia Creatoris; alias potest excipere: & tamen ratificatur matrimonium, ita quod ulterius non possit solvi quantum ad vinculum, ut viro liceat aliam uxorem ducere, quamvis possit solvi quantum ad actum.



## DISTINCTIO XL.

*De cognitione carnali, & spirituali, & prius de carnali.*

**N**unc superest de cognitione aliquid dicere. Est autem cognatio alia carnalis, alia spiritualis. Primum de carnali cognitione, & affinitate inspicimus. Cognati ergo, vel affines in septimo gradu, vel infra copulati non debent. Unde Gregorius \*: „ Progeniem suam unumquemque usque ad septimam observare decet-  
nimus

EX EDIT. P. NICOLAI. \* Non ad Episcopos Galliz, sicut refertur in Decretis causa xxxv. quest. 3. *Progeniem*, sed ad Felicem Episcopum Mellanæ Lib. XII. epist. xxxix.

„ nimus generationem; & quamdiu se agnoscunt affinitate propinquos, ad coniugalem copulam accedere denegamus: quod si fecerint, separentur. “ Item Nicolaus Papa: “ De consanguinitate sua nullus uxorem ducat usque post generationem septimam, vel quousque parentela cognosci potest. “ Item: “ „ Nulli ex propinquitate sui sanguinis usque ad septimum gradum uxores ducant. “ His auctoritatibus, aliisque pluribus consanguineorum coniunctiones prohibentur usque ad septimum gradum.

*De computatione graduum consanguinitatis.*

Quomodo autem gradus consanguinitatis computandi sint, Isidorus ostendit sic. “ Series consanguinitatis sex gradibus dirimitur hoc modo. Filius, & filia, quod est frater, & soror, sit ipse truncus. Illis seorsum seiunctis, ex radice illius trunci egrediuntur isti ramunculi, nepos, & neptis primus; pronepos, & proneptis secundus; abnepos, & abneptis tertius; adnepos, & adneptis quartus, trinepos, & trineptis quintus; trinepotis nepos, & trinepotis neptis sextus. “ Attende quod sex gradus tantum ponit Isidorus, quia truncum inter gradus non computat. Alii vero qui septem gradus ponunt, truncum inter gradus computant. Varie namque computantur gradus consanguinitatis. Alii enim patrem in primo gradu, filios in secundo ponunt. Alii primum gradum filios appellant, negantes gradum cognationis inter patrem & filium esse, cum una caro sint pater, & filius. Auctoritates ergo quæ consanguinitatis cautelam usque in septimum gradum prohibent, patrem ponunt in primo gradu; illæ vero quæ usque ad sextum gradum prohibent, primum gradum filios appellant; atque ita fit ut eadem persone secundum hanc diversitatem inveniantur in sexto, & septimo gradu. Patrem vero in primo gradu ponit qui fratres dicit esse secundum. Hoc modo computat Zacharias Papa (causa xxxv. quæst. 5. cap. „ Parentelæ. “) „ Parentelæ gradus taliter computamus. Ego, & frater meus una generatio sumus, primumque gradum efficimus. Rursus filius meus, & fratris mei filius, secunda generatio sunt, & secundum gradum faciunt: ad hunc modum ceteræ successiones ( 1 ) numerandæ sunt. “ Inter illos vero qui sex computant gradus, & illos qui septem computant gradus, nulla in sensu existit diversitas, quamvis in numero graduum varietas videatur. Ultima ( 2 ) enim generatio, si a fratribus sumat initium numerandi, septima invenitur. ( 3 )

*Quare sex ( 4 ) gradus computantur.*

Quare vero sex computat Isidorus, ipse aperit dicens ( Lib. IX. Etymol. cap. vi. & habetur causa xxxv. quæst. iv. cap. „ Consanguinitas. “ ) „ Consanguinitas dum se paulatim propaginum ordinibus dirimens usque ad ultimum gradum protraxerit, & propinquitas esse desierit, tunc primum lex in matrimonii Vinculum eam recipiet, & quodammodo incipiet revocare fugientem. Ideo autem usque ad sextum generis gradum consanguinitas constituta est, ut sicut sex ætatibus mundi generatio, & hominis staturus finitur, ita propinquitas generis tot gradibus terminetur. In his sex gradibus omnia propinquitatum nomina continentur, ultra quos nec affinitas inveniri, nec successio potest amplius promagari. Secundum alios, septem gradus ideo computantur, ita ut post septem gradus sponsus sponsæ iungatur, sicut post hanc vitam, quæ septem diebus agitur, Ecclesia Christo iungetur. “ His autem occurrit illud quod Gregorius Augustinus Anglorum Episcopo, a quo requisitus fuerat, quot a generatione debeant

G g 2 copu-

( 1 ) *Al. desst* numerandæ sunt. ( 2 ) *Al. vero*. ( 3 ) *Addit Nicolai* ( ut dicit Alexander II. ubi supra cap. *Ad scdm* versus finem. ) ( 4 ) *Al. gradibus*.

EX EDIT. P. NICOLAI. \* Quod subiungitur, ex Nicolao II. ad Ecclesiam Amalphitanam suffraganeos priornosur ibidem in decretis. \*\* In Concilio Lugdunensi, ut appendix ibidem notat. \*\*\* Ut cap. *Scrip* causa xxxv. quæ st. v. refertur, sed implicite tantum ex Lib. IX. Etymologiarum, vel originum colligi posse, indicatur ibidem.

copulari, rescribit sic. \* " Quædam lex Romana permittit ut siue fratris, vel fororis, seu duorum fratrum germanorum, seu duarum fororum filius & filia misceantur. Sed experimento didicimus ex tali coniugio sobolem non posse succrescere. Unde necesse est ut quarta, vel quinta generatio fidelium licenter sibi coniungatur. " Sed post multum temporis idem Gregorius a Felice Messanæ Siciliæ Præfule requisitus, utrum Augustino scripserit, ut Anglorum quarta generatione contracta matrimonia non solverentur, inter cetera talem reddidit rationem. \*\* " Quod scripsi Augustino Anglorum Episcopo, ipsi etiam Anglorum genti, quas nuper ad fidem venerat, ne a bono quod cœperat, metuendo austeriora recederet, specialiter, & non generaliter (1) ceteris me cognoscas scripsisse. Nec ideo hæc eis scripsi, ut postquam in fide fuerint solidati, si infra propriam consanguinitatem inventi fuerint, non separentur, aut infra affinitatis lineam, idest usque ad septimam generationem, iungantur. "

### DIVISIO TEXTUS.

Postquam determinavit Magister de impedimento matrimonii, quo persona redditur illegitima simpliciter respectu alicuius persone propter distantiam ad ipsam, hic incipit determinare de impedimentis quibus persona redditur simpliciter illegitima respectu alterius propter propinquitatem ad eam: & dividitur in partes duas. In prima determinat de impedimento propinquitatis carnalis in secunda de impedimento propinquitatis spiritualis, xlii. dist. ibi, *Item de spirituali cognatione addamus*. Prima in duas. In prima determinat de consanguinitate; in secunda de affinitate, xli. dist. ibi, *Nunc de affinitate videndum est*. Prima in duas. In prima ostendit secundum quos gradus consanguinitas matrimonium impediatur. In secunda obicit in contrarium, & solvit, ibi, *Hic autem occurrit illud quod Gregorius Augustinus Anglorum Episcopo . . . rescribit*. Prima in duas. In prima ostendit usque ad quos gradus consanguinitas matrimonium impediatur. In secunda ostendit rationem huius distinctionis, ibi, *Quare vero sex gradus computet Isidorus, ipse aperit*. Prima in duas. In prima ostendit usque ad quos gradus consanguinitas matrimonium impediatur. In secunda ostendit quomodo sunt gradus prædicti computandi, ibi, *Quomodo autem gradus consanguinitatis computandi sint, Isidorus ostendit sic*.

### QUAESTIO I.

Hic queruntur quatuor.  
Primo. Quid sit consanguinitas.  
Secundo. De distinctione ipsius.

(1) *Id. desit ceteris.*

EX EDIT. P. NICOLAI. \* Lib. XII. indist. vii. epist. xxxi. & refertur in Decretis causa xxv. quest. xii. cap. *Quadam*, ubi plenius, ut & in Gregorii textu, dicitur; *Quædam lex scripta in Romana Republica permittit*. \*\* Ibidem epist. xxxii.

Tertio. Utrum secundum aliquos gradus impediatur matrimonium de iure naturali.

Quarto. Utrum gradus matrimonium impediens possint per statutum Ecclesiæ determinari.

### ARTICULUS I.

*Utrum definitio consanguinitatis quam quidam ponunt, sit competens.*

1. AD primum sic proceditur. Videtur quod definitio consanguinitatis quam quidam ponunt, sit incompens, scilicet: *Consanguinitas est vinculum ab eodem stipite descendendum carnali propagatione contractum*. Omnes enim homines ab eodem stipite carnali propagatione descendunt, scilicet ab Adam. Si ergo recta esset prædicta definitio consanguinitatis, omnes homines essent consanguinei ad invicem; quod falsum est.

2. Præterea. Vinculum non potest esse nisi aliquorum ad invicem convenientium, quia vinculum unit. Sed eorum qui descendunt ab uno stipite, non est maior convenientia ad invicem quam aliorum hominum, cum convenientiam specie, & differant numero, sicut & alii homines. Ergo consanguinitas non est aliquod vinculum.

3. Præterea. Carnalis propagatio secundum Philosophum (Lib. I. de gener. animal. cap. xviii.) fit de superfluo alimentis. Sed tale superfluum magis habet convenientiam cum rebus comestis, cum quibus in substantia convenit, quam cum illo qui comedit. Cum ergo non nascatur aliquod vinculum consanguinitatis eius qui nascitur ex semine ad res comestis, nec ad generantem ex carnali propagatione nascetur aliquod propinquitatis vinculum.

4. Præ-

4. Præterea. Genes. xxix. 14. Laban dixit ad Iacob: *Os meum, & caro mea est*, ratione cognationis quæ erat inter eos. Ergo talis propinquitatis magis debet dici carnalis quam consanguinitas.

5. Præterea. Carnalis propagatio communis est hominibus, & animalibus. Sed in animalibus in carnali propagatione non contrahitur consanguinitatis vinculum. Ergo nec in hominibus.

### SOLUTIO.

Respondetur dicendum, quod secundum Philosophum in VIII. Ethic. (cap. ix. vel xi.) omnis amicitia in aliqua communicatione consistit: & quia amicitia ligatio, sive unio quædam est, ideo communicatio quæ est amicitie causa, vinculum dicitur: & ideo secundum quamlibet communicationem denominantur aliqui quasi colligati ad invicem, sicut dicuntur concives qui habent politicam communicationem ad invicem, & commilitones qui conveniunt in militari negotio, & eodem modo illi qui conveniunt naturali communicatione, dicuntur consanguinei: & ideo in prædicta definitione ponitur quasi consanguinitatis genus *vinculum*: quasi subiectum, personæ descendentes ab uno stipite, quorum est huiusmodi vinculum: quasi principium *carnalis propagatio*.

Ad primum ergo dicendum, quod virtus activa non recipitur secundum eandem perfectionem in instrumento secundum quam est in principali agente: & quia omne moveas motum est instrumentum, inde est quod virtus primi motoris in aliquo genere per multa media deducta tandem deficit, & pervenit ad aliquid quod est motum tantum, & non movens. Virtus autem generantis movet non solum quantum ad id quod est speciei, sed etiam quantum ad id quod est individui, ratione cuius filius assimilatur patri etiam in accidentalibus, non solum in natura speciei: nec tamen individualis virtus patris ita perfecte in filio est, sicut in patre erat, & adhuc in nepote minus, & sic deinceps debilitatur: & inde est quod virtus illa quandoque deficit, ut ultra procedere non possit. Et quia consanguinitas est in quantum multi communicant in tali virtute ex uno in multos per propagationem deducta, paulatim se consanguinitas dirimit, ut Isidorus dicit (Lib. IX. Etymol.) & ideo non oportet accipere stipitem remanentem in definitione consanguinitatis, sed propinquum, cuius virtus adhuc manet in illis qui ex eo propagantur.

Ad secundum dicendum, quod iam patet ex dictis quod non solum conveniunt consanguinei in natura speciei, sed etiam in virtute propria ipsius individui ex uno in multos deducta, ex qua contingit quandoque quod filius non solum assimilatur patri, sed avo, vel remotis parentibus, ut dicitur in XVIII. de animalibus (vel Lib. IV. de generat. animal. cap. 111.)

Ad tertium dicendum, quod convenientia magis attenditur secundum formam, secundum quam aliquis est actu, quam secundum materiam, secundum quam est in potentia: quod patet in hoc quod carbo magis convenit cum igne quam cum arbore unde abscissum est lignum: & similiter alimentum quod iam conversum est in speciem nutriti per virtutem nutritivam, magis convenit cum ipso nutrito quam cum illa re unde sumptum est nutrimentum. Ratio autem procederet secundum opinionem illorum qui dicebant, quod tota natura rei est materia, & quod formæ omnes sunt accidentia: quod falsum est.

Ad quartum dicendum, quod illud quod proxime convertitur in semen, est sanguis, ut probatur in XV. de animalibus (vel Lib. I. de gener. animal. cap. xix.) & propter hoc vinculum quod ex propagatione carnali contrahitur, convenientius dicitur consanguinitas quam carnalitas: & quod aliquando unus consanguineus dicitur esse caro alterius, hoc est in quantum sanguis qui in semen viri, aut menstruum convertitur, est potentia caro, & os.

Ad quintum dicendum, quod quidam dicunt, quod ideo consanguinitatis vinculum contrahitur inter homines ex carnali propagatione, & non inter alia animalia, quia quidquid est de humanæ naturæ veritate in omnibus hominibus, fuit in primo parente, quod non est de aliis animalibus. Sed secundum hoc consanguinitas nunquam dirimi posset. Prædicta autem posita in II. Libr. dist. xxx. (quæst. 1. art. 2. in corp.) improbata est: unde dicendum, quod hoc ideo convenit, quia animalia non coniunguntur ad amicitiam unitatem propter propagationem multorum ex uno parente proximo, sicut est de hominibus, ut dictum est (in corp. art.)

## ARTICULUS II.

*Utrum consanguinitas convenienter distinguatur per lineas, & per gradus.*

1. AD secundum sic proceditur. Videtur quod consanguinitas inconvenienter distinguatur per lineas, & per gradus. Dicitur enim linea consanguinitatis esse ordinata collectio personarum consanguinitate coniungarum ab eodem stipite descendendum, diversas continens gradus. Sed nihil est aliud consanguinitas quam collectio talium personarum. Ergo linea consanguinitatis est idem quod consanguinitas. Nihil autem debet distinguere per seipsum. Ergo consanguinitas non convenienter per lineas distinguitur.

2. Præterea. Illud secundum quod dividitur aliquid commune, non potest poni in diffinitione communis. Sed descensus ponitur in diffinitione prædicta consanguinitatis. Ergo non potest dividi consanguinitas per lineam ascendendum, & descendendum, & transversalium.

3. Præterea. Diffinitio lineæ est quod sit inter duo puncta. Sed duo puncta non faciunt nisi unum gradum. Ergo una linea habet tantum unum gradum; & ita eadem videtur diviso consanguinitatis per lineas, & per gradus.

4. Præterea. Gradus diffinitur esse habitudo distantium personarum, qua cognoscitur quantam distantiam persone inter se differant. Sed cum consanguinitas sit propinquitas quædam, distantia personarum consanguinitati opponitur magis quam sit eius pars. Ergo per gradus consanguinitas distinguere non potest.

5. Præterea. Si consanguinitas per gradus distinguitur, & cognoscitur, oportet quod illi qui sunt in eodem gradu, sint æqualiter consanguinei. Sed hoc falsum est: quia propatruus, & eiusdem pronepos sunt in eodem gradu, non tamen sunt æqualiter consanguinei, ut Decretum dicit (causa xxxv. quasi. v. cap. Porro.) Ergo consanguinitas non recte distinguitur per gradus.

6. Præterea. In rebus ordinatis quodlibet additum alteri facit alium gradum, sicut quilibet unitas addita facit aliam speciem numeri. Sed persona addita personæ non semper facit alium gradum consanguinitatis: quia in eodem gradu consanguinitatis est pater, & patruus, qui adiungitur. Ergo non recte per gradus consanguinitas distinguitur.

7. Præterea. Inter duos propinquos sem-

per est eadem consanguinitatis propinquitas: quia æqualiter distat unum extremorum ab alio, & e converso. Sed gradus consanguinitatis non invenitur semper idem ex utraque parte, cum quandoque unus propinquus sit in tertio, & alius in quarto gradu. Ergo consanguinitatis propinquitas non potest sufficienter per gradus cognosci.

## SOLUTIO.

Respondeo dicendum, quod consanguinitas, ut dictum est, est quædam propinquitas in naturali communicatione fundata secundum actum generationis, qua natura propagatur: unde secundum Philosophum in VIII. Ethic. (cap. ix. vel xi.) ista communicatio est triplex. Una secundum habitudinem principii ad principium; & hæc est consanguinitas patris ad filium: unde dicit, quod parentes diligunt filios ut sui ipsorum aliquid existentes. Alia est secundum habitudinem principii ad principium; & hæc est filii ad patrem: unde dicit, quod filii diligunt parentes, ut ab illis existentes. Tertia est secundum habitudinem eorum quæ sunt ab uno principio ad invicem, sicut fratres dicuntur ex eisdem nasci, ut ipse ibidem dicit. Et quia punctus motus lineam facit, & per propagationem quodammodo pater descendit in filium, ideo secundum diætas tres habitudines tres lineæ consanguinitatis sumuntur, scilicet linea descendendum secundum primam habitudinem, linea ascendendum secundum secundam, linea transversalium secundum tertiam. Sed quia propagationis motus non quiescit in uno termino, sed ultra progreditur, ideo contingit quod patris est accipere patrem, & filii filium, & sic deinceps; & secundum hos diversos progressus diversi gradus in una linea inveniuntur. Et quia gradus cuiuslibet rei est pars aliqua illius rei, gradus propinquitatis non potest esse ubi non est propinquitas: & ideo identitas, & nimia distantia gradum consanguinitatis tollunt: quia nullus est sibi ipsi propinquus, sicut nec sibi similis. Et propter hoc nulla persona per se ipsam facit aliquem gradum, sed comparata alteri personæ gradum facit ad ipsam. Sed tamen diversa est ratio computandi gradus in diversis lineis. Gradus enim consanguinitatis in linea ascendendum, & descendendum contrahitur ex hoc quod una persona ex alia propagatur eorum inter quos gradus consideratur: & ideo secundum computationem canonicam, & legalem persona quæ primo in processu propagationis occur-

rit



rit vel ascendendo, vel descendendo, distat ab aliquo, puta a Petro, in primo gradu, ut pater, & filius: quæ autem utrinque secundum occurrit, distat in secundo gradu, ut avus, & nepos, & sic deinceps. Sed consanguinitas eorum qui sunt in linea transversali, contrahitur non ex hoc quod unus eorum ex alio propagatur, sed quia uterque propagatur ex uno: & ideo debet gradus in hac linea consanguinitatis computari per comparationem ad unum principium ex quo propagantur. Sed secundum hoc est diversa computatio canonica, & legalis: quia legalis computatio attendit descensum a communi radice ex utraque parte; sed canonica tantum ex altera, ex illa scilicet ex qua maior numerus graduum invenitur: unde secundum legale computationem frater & soror, vel duo fratres attrinent sibi in secundo gradu, quia uterque a radice communi distat per unum gradum: & similiter filii duorum fratrum distant a se invicem in quarto gradu. Sed secundum computationem canonicam duo fratres attrinent sibi in primo gradu, quia neuter eorum distat a radice communi nisi per unum gradum; sed filius unus fratrum distat ab altero fratre in secundo gradu, quia tantum distat a communi radice. Et ideo secundum canonicam computationem quoto gradu distat quis ab aliquo superiori, toto distat a quolibet descendente ab ipso, & numquam mines: quia propter quod unumquodque, illud magis: unde si alii descendentes a communi principio conveniunt cum aliquo ratione principii communis, non possunt propinquiores esse descendenti ex alia parte, quam sit primum principium ei propinquum. Aliquando tamen plus distat aliquis ab aliquo descendente a communi principio, quam distat ipse a principio, quia ille forte plus distat a principio communi quam ipse; & secundum remotiorem distantiam oportet consanguinitatem computari.

Ad primum ergo dicendum, quod obiectio illa procedit ex falsis. Consanguinitas enim non est collectio, sed relatio quædam aliquarum personarum ad invicem, quarum collectio lineam consanguinitatis facit.

Ad secundum dicendum, quod descensus communiter sumptus attenditur secundum quamlibet consanguinitatis lineam: quia carnalis propagatio, ex qua vinculum consanguinitatis contrahitur, descensus quidam est; sed descensus talis, scilicet a persona cuius consanguinitas queritur, lineam descendentiæ facit.

Ad tertium dicendum, quod linea dupliciter accipi potest. Aliquando proprie pro ipsa dimensione quæ est prima species quantitatis continetur; & sic linea recta continet tantum duo puncta in actu quæ terminant ipsam, sed infinita in potentia, quorum quolibet signato in actu linea dividitur, & sunt duæ lineæ. Aliquando vero linea sumitur pro his quæ linealiter disponuntur; & secundum hoc assignatur in numeris linea, & figura, prout unitas post unitatem ponitur in aliquo numero, & sic quælibet unitas adiecta gradum facit in tali linea: & similiter est de linea consanguinitatis: unde una linea continet plures gradus.

Ad quartum dicendum, quod sicut similitudo non potest esse ubi non est aliqua diversitas, ita propinquitas non est ubi non est aliqua distantia: & ideo distantia quælibet non opponitur consanguinitati, sed talis distantia quæ consanguinitatis propinquitatem excludit.

Ad quintum dicendum, quod sicut albedo dicitur maior dupliciter. Uno modo ex intensione ipsius qualitatis, alio modo ex quantitate superficiei; ita consanguinitas dicitur maior, vel minor dupliciter. Uno modo intensive ex ipsa natura consanguinitatis; alio modo quasi dimensivè: & sic quantitas consanguinitatis mensuratur ex personis inter quas consanguinitatis propagatio procedit; & hoc secundo modo gradus in consanguinitate distinguuntur: & ideo contingit quod aliquorum duorum qui sunt in eodem gradu consanguinitatis respectu alicuius personæ, unus est sibi magis consanguineus quam alius, considerando primam quantitatem consanguinitatis, sicut pater, & frater attrinent alicui in primo gradu consanguinitatis, quia ex neutra parte incidit aliqua persona media; sed tamen intensive loquendo magis attrinet alicui personæ pater suus quam frater, quia frater non attrinet ei nisi inquantum est ex eodem patre: & ideo quanto aliquis est propinquior communi principio, a quo consanguinitas descendit, tanto est magis consanguineus, quamvis non sit in propinquiore gradu: & secundum hoc propatruus est magis consanguineus alicui quam pronepos eius, quamvis (a) sit in eodem gradu.

Ad sextum dicendum, quod quamvis pater, & patruus sint in eodem gradu respectu radicis consanguinitatis, quia uterque distat uno gradu ab avo; tamen respectu eius cuius consanguinitas queritur, non sunt in

eo-

(a) *Id. non fit.*

eodem gradu: quia pater est in primo gradu, patrus autem non potest esse propinquior quam in secundo, in quo est avus.

Ad septimum dicendum, quod semper duas personas in æquali numero graduum distant a se invicem, quanvis quandoque non æquali numero graduum distant a communi principio, ut ex dictis patet.

### ARTICULUS III.

*Utrum consanguinitas de iure naturali impediat matrimonium.*

2. 2. quæst. lxxv. art. 9.

1. **A**D tertium sic proceditur. Videtur quod consanguinitas de iure naturali non impediat matrimonium. Nulla enim mulier potest esse propinquior viro quam Eva fuit Adæ, de qua dicitur Genes. 11. 23. *Hoc nunc ut ex ossibus meis, & caro de carne mea.* Sed Eva fuit matrimonio coniuncta Adæ, Ergo consanguinitas nulla, quantum est de lege naturæ, matrimonium impedit.

2. Præterea. Lex naturalis eadem est apud omnes. Sed apud barbaras nationes nulla persona coniuncta consanguinitate a matrimonio excluditur. Ergo consanguinitas, quantum est de lege naturæ, matrimonium non impedit.

3. Præterea. Ius naturale est quod natura omnia animalia docuit, ut dicitur in principio Digestorum. Sed animalia bruta etiam cum matre coeunt. Ergo non est de lege naturæ quod aliqua persona a matrimonio propter consanguinitatem repellatur.

4. Præterea. Nihil impedit matrimonium quod non contrarietur alicui bono matrimonio. Sed consanguinitas non contrariatur alicui bono matrimonio. Ergo non impedit ipsum.

5. Præterea. Eorum quæ sunt magis propinqua, & similia, melior, & firmitior est coniunctio. Sed matrimonium quoddam coniunctio est. Ergo cum consanguinitas sit propinquitas quoddam, matrimonium non impedit, sed magis iuvat.

Sed contra. Illud quod impedit bonum proles, etiam matrimonium impedit secundum legem naturæ. Sed consanguinitas impedit bonum proles: quia, ut in littera ex verbis Gregorii ( Lib. XII. Epist. indict. vii. epist. xxxi. ) habetur, *experimur dici- mur ex tali coniugio sobolem non posse sus-*

*crecere.* Ergo consanguinitas secundum legem naturæ matrimonium impedit.

Præterea. Illud quod habet natura humana in prima sui conditione, est de lege naturæ. Sed a prima sui conditione hoc habuit natura, quod pater, & mater a matrimonio excluderentur; quod patet per hoc quod dicitur Gen. 11. 24. *Propter hoc relinquet homo patrem, & matrem:* quod non potest intelligi quantum ad cohabitationem; & sic oportet quod intelligatur quantum ad matrimonii coniunctionem. Ergo consanguinitas impedit matrimonium secundum legem naturæ.

### SOLUTIO.

Respondeo dicendum, quod, sicut supra dist. xxxiii. ( quæst. 1. art. 1. in corp. ) dictum est, in matrimonio illud contra legem naturæ esse dicitur per quod matrimonium redditur incompetens respectu finis ad quem est ordinatum. Finis autem matrimonii per se & primo est bonum prolis: quod quidem per aliquam consanguinitatem, scilicet inter patrem & filiam, vel filium & matrem, impeditur: non quidem ut totaliter tollatur, quia filia ex semine patris potest prolem concipere, & simul cum patre nutrire, & instruere, in quibus bonum prolis consistit; sed ut non convenienti modo fiat. Inordinatum est enim quod filia patri per matrimonium adiungatur in sociam causam generandæ prolis, & educandæ, quam oportet per omnia patri esse subiectam velut ex eo procedentem: & ideo de lege naturalis est ut pater, & mater a matrimonio repellantur, & magis etiam mater quam pater: quia magis reverentiæ quæ debetur parentibus, derogatur, si filius matrem quam si pater filiam ducit in uxorem, cum uxor viro aequaliter debeat esse subiecta. Sed finis matrimonii secundarius per se tantum est concupiscentiæ repressio: qui deperiret, si quælibet consanguinea posset in matrimonium duci: quia magnus concupiscentiæ aditus præberetur, nisi inter illas personas quas oportet in eadem domo conversari, esset carnalis copula interdicta. Et ideo lex divina non solum patrem, & matrem exclusit a matrimonio, sed etiam alias coniunctas personas quas oportet simul conversari, & quæ debent invicem altera alterius pudicitiam custodire: & hanc causam assignat divina lex dicens ( Levit. xviii. ) *Ne reveles turpitudinem talis, vel talis, quia turpitudine tua est?* Sed per accedens finis matrimonii est confederatio hominum, & amicitia mul-

tipi-

tiplicatio, dum homo ad consanguineos uxoris sicut ad suos se habet: & ideo huic multiplicationi amicitie præiudicium fieret, si aliquis sanguine coniunctam uxorem duceret, quia ex hoc nova amicitia per matrimonium nulla accresceret: & ideo secundum leges humanas, & statuta Ecclesie plures consanguinitatis gradus sunt a matrimonio separati. Sic ergo ex dictis patet quod consanguinitas quantum ad aliquas personas impedit matrimonium de iure naturali, quantum ad aliquas de iure divino, & quantum ad aliquas de iure per homines instituto.

Ad primum ergo dicendum, quod Eva quamvis ex Adam processerit, non tamen fuit filia Adæ: quia non prodiit ex eo per modum illum quod vir natus est generare sibi simile in specie, sed operatione divina, quia ita potuisset ex costa Adæ fieri unus equus, sicut facta est Eva: & ideo non est tanta naturalis convenientia Evæ ad Adam, sicut filiarum ad patrem, nec Adam est naturale principium Evæ, sicut pater filiarum.

Ad secundum dicendum, quod non procedit ex lege naturali quod aliqui barbari parentibus carnaliter commiscerentur: sed ex concupiscentie ardore, qui legem naturæ in eis obfuscauit.

Ad tertium dicendum, quod coniunctio maris & femine dicitur esse de iure naturali, quia natura hoc omnia animalia docuit: sed hanc coniunctionem diversa animalia diversimode docuit secundum diversas eorum condiciones. Commixtio autem carnalis ad parentes derogat reverentia quæ eis debetur. Sicut enim parentibus indidit natura sollicitudinem filius providendi, ita indidit filiis reverentiam ad parentes. Nulli autem generi aliam indidit sollicitudinem filiorum, aut reverentiam parentum in omne tempus, nisi homini; aliis autem animalibus plus & minus, secundum quod magis vel minus necessarii sunt vel filii parentibus, vel parentes filiis: unde etiam in quibusdam animalibus filius abhorret cognoscere matrem carnaliter, quamdum manet apud ipsum cognatio matris, & reverentia quadam ad ipsam, ut recitat Philosophus in IX. de animalibus (cap. xlvii.) de camelo, & equo. Er quia omnes honesti mores animalium in hominibus naturaliter congregati sunt, & perfectius quam in aliis, propter hoc homo naturaliter abhorret cognoscere carnaliter non solum matrem, sed etiam filiam, quod est adhuc minus contra naturam, ut dictum est: & iterum in aliis animalibus ex propagatione carnis non contrahitur consanguinitas sic-

ut in hominibus, sicut dictum est: & ideo non est similis ratio.

Ad quartum dicendum, quod ex iam dictis patet quomodo consanguinitas coniugum bono matrimonii contrarietur: unde ratio procedit ex falsis.

Ad quintum dicendum, quod non est inconveniens duarum unionum unam ab altera impediri, sicut ubi est identitas, non est similitudo: & similiter consanguinitatis vinculum potest impedire matrimonii coniunctionem.

#### ARTICULUS IV.

*Utrum consanguinitatis gradus matrimonium impediens potuerint taxari ab Ecclesia usque ad quantum gradum.*

1. **A**D quantum sic proceditur. Videtur quod consanguinitatis gradus matrimonium impediens non potuerint taxari ab Ecclesia usque ad quantum gradum. Matth. xix. 6. dicitur: *Quos Deus coniunxit, homo non separet.* Sed illos qui coniunguntur infra quantum consanguinitatis gradum, Deus coniungit: non enim divina lege eorum coniunctio prohibetur. Ergo non debent humano statuto separari.

2. Præterea. Matrimonium est sacramentum, sicut & baptismus. Sed non posset ex statuto Ecclesie fieri quod ille qui ad baptismum accedit, non reciperet characterem baptismalem, si ex iure divino eius capax sit. Ergo nec Ecclesie statutum facere potest quod matrimonium non sit inter illos qui per ius divinum matrimonialiter coniungi non prohibentur.

3. Præterea. Ius positivum non potest ea quæ sunt naturalia remove, vel ampliare. Sed consanguinitas est naturale vinculum, quod quantum est de se, naturæ est matrimonium impedire. Ergo Ecclesia non potest aliquo statuto facere quod aliqui possint matrimonialiter coniungi, vel non coniungi, sicut non potest facere quod sint consanguinei, vel non consanguinei.

4. Præterea. Statutum iuris positivi debet aliquam rationabilem causam habere: quia secundum causam rationabilem quam habet, a iure naturali procedit. Sed causæ quæ assignantur de numero graduum, omnino videntur irrationabiles causæ, cum nullam habeant habitudinem ad causata, sicut quod consanguinitas prohibetur usque ad quantum gradum propter quatuor elementa, usque ad sextum propter sex ætates, usque ad septimum

nium propter septem dies, quibus omne tempus agitur. Ergo videtur quod talis prohibitio nullum vigorem habeat.

5. Præterea. Ubi est eadem causa, debet esse idem effectus. Sed causa quare consanguinitas impedit matrimonium, est bonum prolis, repressio concupiscentiæ, & multiplicatio amicitiarum, ut ex dictis patet; euz omni tempore necessaria æqualiter sunt. Ergo omni tempore debuissent æqualiter gradus consanguinitatis matrimonium impedire; quod non est verum, cum modo usque ad quartum, antiquitus usque ad septimum gradum matrimonium consanguinitas impediret.

6. Præterea. Una & eadem coniunctio non potest esse in genere sacramenti, & in genere stupri. Sed hoc contingeret, si Ecclesia haberet potestatem statuendi diversum numerum in gradibus impediendis matrimonium; sicut si aliqui in quinto gradu, quando prohibitus erat, coniuncti fuissent, talis coniunctio stuprum esset; sed postmodum eadem coniunctio, Ecclesia prohibitionem revocante, matrimonium esset: & converso posset accidere, si aliqui gradus concessi posset postmodum ab Ecclesia interdicti. Ergo videtur quod potestas Ecclesiæ non se extendat ad hoc.

7. Præterea. Ius humanum debet imitari ius divinum. Sed secundum ius divinum, quod in lege veteri continetur, non æqualiter currit prohibitio graduum in sursum & deorsum: quia in veteri lege aliquis prohibebatur accipere in uxorem sororem patris sui, non tamen filiam (a) fratris. Ergo nec modo debet aliqua prohibitio de neporibus, & patruis manere.

Sed contra est quod Dominus dicit discipulis (Luc. x. 16.) *Qui vos audit, me audit*. Ergo præceptum Ecclesiæ habet firmitatem sicut præceptum Dei. Sed Ecclesia quandoque prohibuit, & quandoque concessit aliquos gradus quos lex vetus non prohibuit. Ergo illi gradus matrimonium impediunt.

Præterea. Sicut olim matrimonia gentium dispensabantur per leges civiles, ita nunc per statuta Ecclesiæ. Sed olim lex civilis determinabat gradus consanguinitatis qui matrimonium impediunt, & qui non. Ergo & modo potest hoc fieri per Ecclesiæ statutum.

Respondeo dicendum, quod secundum tempora diversa invenitur consanguinitas secundum gradus diversos matrimonium impedisse. In principio enim humani generis solus pater, & mater a matrimonio repellebantur, (b) eo quod tunc temporis erat paucitas hominum, & oportebat propagationi humani generis maximam curam impendere: unde non erant removendæ nisi illæ personæ quæ matrimonio incompetentes erant etiam quantum ad principalem matrimonii finem, qui est bonum prolis, ut dictum est. Postmodum autem multiplicato humano genere, per legem Moysi plures personæ exceptæ sunt, quæ iam concupiscentiam reprimere incipiebant: unde, ut dicit Rabbi Moyses, omnes illæ personæ exceptæ sunt a matrimonio quæ in una familia cohabitare solent: quia si inter eos licite carnalis copula esse posset, magnum incentivum libidinis præstaretur. Sed alios consanguinitatis gradus lex vetus permisit, immo quoddammodo præcepit, ut scilicet unusquisque de cognitione sua uxorem acciperet, ne successionem confuso esset: quia tunc temporis cultus divinus per successionem generis propagabatur. Sed postmodum in lege nova, quæ est lex spiritus, & amoris, plures gradus consanguinitatis sunt prohibiti: quia iam per spirituales gratiam, non per carnis originem cultus derivatur, & multiplicatur: unde oportet ut homines etiam magis a carnalibus retrahantur, spiritualibus vacantes, & ut amor amplius diffundatur: & ideo antiquitus usque ad remotiores gradus consanguinitatis matrimonium impediatur, ut ad plures per consanguinitatem, & affinitatem naturalis amicitia (c) permaneret: & rationabiliter usque ad septimum gradum: tum quia ultra hoc non de facili remanebat communis radicis memoria; tum quia septiformi gratiæ Spiritus sancti congruebat. Sed postmodum circa hæc ultima tempora restrictum est Ecclesiæ interdictum usque ad quartum gradum: quia ultra inutile, & periculosum erat gradus consanguinitatis prohibere. Inutile quidem, quia ad remotiores consanguineos quasi nullum sædus maioris amicitiae quam ad extraneos habebatur, caritate in multorum cordibus frigescente. Periculosum autem erat, quia concupiscentia, & negligentia prævalente, tam numerosam consanguineorum multitudinem homines non fa-

(a) Ita Nicolaus ex ms. & supplementum quæst. I. v. art. 4. *Ad. patet.* (b) *Ad. eo quod quia.* Nicolaus & eo quod, quia tunc temporis erat paucitas hominum, oportebat &c. (c) *Forte permanenti.*

tis observant; & sic laqueus damnationis multis iniciebatur ex remotiorum graduum prohibitionem. Satis etiam convenienter usque ad quartum gradum dicta prohibitio est restricta: tum quia usque ad quartam generationem homines vivere consueverunt, ut sic non possit consanguinitatis memoria aboleri: unde Dominus in tertiam, & quartam generationem peccata parentum se visiturum in filiis comminatur: tum quia in qualibet generatione nova mixtio sanguinis, cuius identitas consanguinitatem facit, fit cum sanguine alieno, & quantum miscetur alteri, tantum receditur a primo: & quia elementa sunt quatuor, quorum quodlibet tanto est facilius miscibile, quanto est magis subtile; ideo in prima commixtione evanescit sanguinis identitas quantum ad primum elementum, quod est subtilissimum; in secunda quantum ad secundum; in tertia quantum ad tertium; in quarta quantum ad quartum: & sic convenienter post quartam generationem, potest iterari carnalis coniunctio.

Ad primum ergo dicendum, quod sicut Deus non coniungit illos qui coniunguntur contra divinum preceptum, ita non coniungit illos qui coniunguntur contra Ecclesie preceptum, quod habet eandem obligandam efficaciam quam & preceptum divinum.

Ad secundum dicendum, quod matrimonium non tantum est sacramentum, sed etiam est in officium: & ideo magis subiaceret ordinationi ministrorum Ecclesie quam baptisimus, qui est sacramentum tantum: quia sicut contractus, & officia humana determinantur legibus humanis, ita contractus, & officia spiritualia lege Ecclesie.

Ad tertium dicendum, quod quamvis consanguinitatis vinculum sit naturale, tamen non est naturale quod consanguinitas carnalem copulam impediatur, nisi secundum aliquem gradum, ut dictum est: & ideo Ecclesia suo instituto non facit quod aliqui sint, vel non sint consanguinei, quia secundum omne tempus equaliter consanguinei remanent; sed facit quod carnalis copula sit licita, vel illicita secundum diversa tempora in diversis gradibus consanguinitatis.

Ad quartum dicendum, quod tales rationes assignatae magis dantur per modum adaptationis, & congruentiae, quam per modum cause, & necessitatis.

Ad quintum dicendum, quod iam ex dictis patet quod non est eadem causa secundum diversa tempora gradus consanguinitatis prohibendi: unde quod aliquo tempore

utiliter conceditur, alio salubriter prohibetur.

Ad sextum dicendum, quod statutum non imponit modum praeiudicis, sed futuris: unde si modo prohiberetur quintus gradus, qui nunc est concessus, illi qui iam sunt in quinto gradu coniuncti, non essent separandi: nullum enim impedimentum matrimonio superveniens ipsum potest dirimere, & sic coniunctio quae prius fuit matrimonium, non efficeretur per statutum Ecclesie stuprum: & similiter si aliquis gradus concederetur qui nunc est prohibitus, illa coniunctio non efficeretur matrimonialis ex statu Ecclesie ratione primi contractus, quia possent separari si vellent; sed tamen possent de novo contrahere, & alia coniunctio esset.

Ad septimum dicendum, quod in gradibus consanguinitatis prohibendis Ecclesia praecipue observat rationem amoris: & quia non est minor ratio amoris ad nepotem quam ad patrum, sed etiam maior, quanto propinquior est filio pater quam patri filius, ut dicitur in VIII. Ethic. (cap. xi. vel xiv.) propter hoc aequaliter prohibuit gradus consanguinitatis in patribus, & nepotibus. Sed lex vetus in personis prohibendis attendit praecipue cohabitationem contra concupiscentiam, illas personas prohibens ad quas facilior pateret accessus propter mutuam cohabitationem. Magis autem consuevit cohabitare neptis patruo quam amita nepoti: quia filia est quasi idem cum patre, cum sit aliquid eius; sed soror non est hoc modo idem cum fratre, cum non sit aliquid eius, sed magis ex eodem nascitur: & ideo non erat eadem ratio prohibendi neptem, & amitam.

## EXPOSITIO TEXTUS.

**Q**uia truncum inter gradus non computat. Truncum appellat consanguinitatis radicem, qui est pater filiorum. Principium autem alicuius generis potest accipi dupliciter. Uno modo principium quod est in genere illo, ut si primam partem lineae principium dicamus. Alio modo principium, quia non recipit generis predicationem, sicut principium lineae dicitur punctus: & hoc modo principium, & radix consanguinitatis potest dici dupliciter. Uno modo ipsa persona prima a qua consanguinitas dicitur, quae persona non est consanguinitas, sed consanguinitatis principium, & secundum hoc filius qui distat a persona patris, facit pri-

mæ distantia gradum, & filius filii secundum, & sic deinceps. Alio modo prima consanguinitas quæ est causa omnis alterius consanguinitatis; & sic ipsa consanguinitas quæ est inter patrem & filium, radix ponitur, & computatur secundum hoc pater & filius pro uno principio, a quorum consanguinitate primo distat filius filii: & ideo hæc distantia facit primum gradum, & sic deinceps: & secundum hoc diversimode fit computatio graduum in littera. Sed primus modus computandi magis est in communi usu.

*Sicut sex ætatibus mundi generatio, & hominis status finitur; ita propinquitas generis per gradibus terminatur.* Mundo non assignantur ætates quantum ad substantiam, quia sic in perpetuum durabit; sed quantum ad statum: sic enim transibit mundus, & sic antiquatur, & senescit; & secundum hoc distinguuntur ætates mundi metaphorice ad similitudinem ætatis unius hominis. Variantur enim in homine ætates secundum diversas notabiles varietates in statu ipsius: unde prima ætas dicitur infantia usque ad septimum annum; secunda pueritia usque ad

quartumdecimum; tertia adolescentia usque ad vigesimum quintum; quæ tres ætates computantur quandoque pro una; quarta est iuventus usque ad quinquaginta annos; quinta vero ætas est senectus usque ad septuaginta; sexta senium usque in finem. Et similiter in mundo dicitur prima ætas ab Adam usque ad Noe, in qua fuit humani generis institutio, & lapsus; secunda a Noe usque ad Abraham, in qua fuit humani generis destructio per diluvium, & renovatio; tertia ab Abraham usque ad David, in qua fuit circumcisionis, & legis institutio; quarta a David usque ad transmigrationem Babylonis, in qua lex floruit sub Regibus, & Prophetis; quinta a transmigratione Babylonis usque ad Christum, in qua fuit populi captivatio, & liberatio; sexta a Christo usque ad finem, in qua est humani generis redemptio. Sed tamen non oportet quod æquali numero annorum mundi ætas humani generis compleatur, sicut nec ætas unius hominis: quia ultima ætas hominis quandoque habet tantum quantum omnes primæ.



## DISTINCTIO XLI.

*De gradibus affinitatis.*

**N**unc de affinitate videndum est, de qua Gregorius ait. \* „ Porro de affinitate quam dicitis parentelam esse, quæ ad virum ex parte uxoris, seu quæ ex parte viri ad uxorem pertinet, manifesta ratio est: quia si secundum divinam sententiam ego, & uxor mea sumus una caro, profecto mihi, & illi, mea suauis parentela propinquitas una efficitur. Quocirca ego, & soror uxoris meæ in uno & primo gradu erimus; filius vero eius in secundo gradu erit a me, nepis vero in tertio: idque utrinque in ceteris agendum est successionebus. Uxorem vero propinqui, cuiuscunque gradus sit, ita me oportet attendere, quemadmodum ipsius quoque gradus aliqua femina propriæ propinquitatis sit: quod nimirum uxori meæ de propinquitate viri sui in cunctis cognationis gradibus convenit observare. Qui vero aliorum sentiunt, antichristi sunt. „ Item Julius Papa. \*\* „ AEQUALITER vir coniungatur consanguineis propriis, & consanguineis uxoris. „ Item Isidorus: „ Sane consanguinitas quæ in prioro viro conservanda est, etiam in uxoris parentela de lege nuptiarum custodienda est: quia constat eos duos fuisse in carne una: ideoque communis est illis utraque parentela. „ Item Julius Papa: „ Nullum in utroque „ sexu

EX EDM. P. NICOLAT. \* Ex Gregorio refertur in Decretis causa xxxv. quæst. 3. cap. *Parro*, sed Zachariæ potius esse iam notatum est. \*\* Quod subiungitur ex Iulio Papa, & Isidoro, & iterum Iulio Papa, sumptum est ex prædicta causa quæst. 111. cap. *Æqualiter*, cap. *Sane*, cap. *Nullum*; & quod infra ex Gregorio, est potius Concilii Meldenis, ut cap. *De affinitate* appendix notat.

sexu permittimus ex propinquitate sui sanguinis, vel uxoris usque in septimum generationis gradum uxorem ducere, vel incesti macula copulari: quia sicut non licet cuiquam Christiano de sua consanguinitate, sic nec de consanguinitate uxoris coniugem ducere propter carnis unitatem. " Item Gregorius: " De affinitate consanguinitatis per gradus cognationis placuit usque ad septimam generationem observare. Nam & hereditas rerum per legales instrumentorum definitio- nes sancita, usque ad septimum gradum heredi protendit successionem. Non enim eis succederent, nisi (1) eis de propagine cognationis deberetur. " His auctoritatibus insinuat & quæ sit affinitas, & usque ad quem gradum sit observanda, scilicet usque ad septimum.

*Varie traditiones de affinitate.*

Sed alii videntur concedere in quinta generatione inter affines contrahi coniugium; & in quarta etiam, si contractum fuerit, (3) non separari. Ait enim Fabianus Papa ( ut relictur in decr. causa xxxv. quest. 111. cap. " De propinquis. " ) " De propinquis, qui ad affinitatem per virum & uxorem veniunt, defuncta uxore, vel viro, in quinta generatione iungantur; in quarta si inventi fuerint, non separentur; in tertia vero propinquitatem non licet uxorem alterius accipere post obitum eius. Aequaliter vir iungatur in matrimonio eis quæ sibi consanguineæ sunt, & uxoris suæ consanguineis post mortem uxoris. " Ecce hic conceditur in quinta, vel quarta propinquitate affinium fieri coniugium. Iulius eriam Papa ait ( ubi supra cap. " Ex hoc quoque. " ) " Statutum est ut relictam patris uxoris suæ, relictam fratris uxoris suæ, relictam filii uxoris suæ nemo sibi in matrimonium sumat; relictam (3) consanguineorum uxoris suæ usque in tertiam progeniem nemo in uxorem sumat. In quarta vero, & quinta si inventi fuerint, non separentur. " Ecce quam varie de affinitatis observatione loquuntur auctores. Alii enim usque ad septimum gradum eam observari faciunt; alii vero in quinto, vel quarto matrimonia contracta non dividunt. Sed illi veritatis rigorem, isti misericordie dispensationem videntur proponere. Potest enim Ecclesia dispensare in copula affinium usque ad tertium gradum, sicut Gregorius dispensavit in quarto gradu consanguinitatis. Illud autem non est prætereundum quod Gregorius Venerio Episcopo scripsit. \* " Sedem apostolicam consulere decrevisti, si mulier copula nuptiali extraneo viro coniuncta cognationi eius pertineat, si eo defuncto cognatio maneat, vel sub alio viro cognationis vocabula dissolvantur; vel si susceptæ soboles possunt legitime ad prioris viri cognationis transire copulam .... Si una caro (4) sunt, quomodo aliquis eorum potest (5) propinquo uni pertinere, nisi (6) pertineat alteri? Hoc minime posse fieri credendum est. Porro uno defuncto, in superstitie affinitas non deletur, nec alia copula coniugalis affinitatem copulæ priorisolvere valet. Sed nec alterius coniunctionis soboles placet ad affinitatis prioris viri consortium transire .... Si quis ergo sacrilego, & temerario ausu in defuncto quærit propinquitatem extinguere, vel sub altero affinitatis vocabulo dissipare, vel susceptas soboles alterius copulæ propinquari prioris credit legitime sociari; hic negat Dei verbum validum esse, quod dixit ( Gen. 11. 24. ) Erunt duo in carne una. " Ecce hic prohibet, si mortuo primo viro uxor eius alii nupierit, filios de secundo viro genitos ducere uxores de cognatione prioris viri: quia filii mediante matre ad cognationem prioris viri pertinent, cum quo mater eorum una caro extiterat. Hoc item etiam Innocentius Papa ( in Romana Synodo ) ait: " Si qua mulier ad secundas nuptias transierit, & ex

( 1 ) *Id. desit eis.* ( 2 ) *Id. edit. Nicolai emittitur non.* ( 3 ) *Id. additur uxorem.* ( 4 ) *Id. fuerit.* ( 5 ) *Id. propinquus.* ( 6 ) *Id. pertineat.*

EX EDIT. P. NICOLAI. \* Revertur in Decretis causâ indicata quest. 2. cap. *Fraternitatis*, & Venerio Episcopo Calatitano inscribitur. Sed extat quidem brevis aliqua epistola inter Gregorianas Venerio Episcopo inscripta sine adiutamento Calatitani Lib. X. epist. xxviii. nihil tamen in illa huc pertinens, ut nec lig epistolis quæ multæ passim iniquario Episcopo Calatitano inscribuntur.

» & ex eis sobolem genuerit , nullatenus potest ad consortium cognationis prioris viri pertingere . ( 1 ) Hoc autem observandum est usque ad septimum generis gradum ; sed maxime usque ad tertium , & quartum , sicut supra positum est . "

*i coniugium fit inter eos qui nota consanguinitate dividuntur .*

ET est sciendum , quod Ecclesia infra prædictos gradus consanguinitatis coniunctos separat . Si autem ignoranter coniuncti fuerint in conspectu Ecclesiæ , & postmodum probata consanguinitate eiusdem iudicio separati , quaeritur , utrum copula illa coniugium fuerit . Quibusdam videtur non fuisse coniugium , quia non erant legitimæ personæ ; sed tamen de crimine excusantur per ignorantiam , & quasi coniugium reputatur , quia bona fide , & per manum Ecclesiæ convenerunt : unde & filii eorum legitimi habentur . Alii vero dicunt fuisse coniugium , licet non essent legitimæ personæ : quia talium coniunctiones vocat canones coniugia , ubi de personis agitur , quarum testimonio consanguineorum sit dirimenda coniunctio . Unde Urbanus Papa . \* » Si duo viri , vel tres consanguinitatem iurciurando firmaverint , vel ipsi forte confessi fuerint , coniugia dissolvuntur . Si vero neutrum contigerit , Episcopi eos ( 2 ) per fidem Christi obtestentur , quatenus palam fateantur , si se recognoscunt consanguineos . Si se iudicio Episcoporum segregaverint , alia matrimonia non prohibeantur contrahere . " Idem ( ubi supra cap. , Notificamus . ) » Notificamus tibi , ut cum tres , vel duo ex propinquioribus eius qui accusatur , hanc propinquitatem iuramento firmaverint , vel si duo , vel tres ex antiquioribus laicis , ( 3 ) quibus hæc propinquitas est nota , qui bonæ famæ , & veracis testimonii sint , remoto amore , timore , pretio , & omni malo studio , prædicta firmaverint , sine mora coniugia dissolvantur . Consanguineos vero extraneorum nullus accuset , vel consanguinitatem in Synodo computet ; sed propinqui , ad quorum notitiam pertinet . Si autem progenies data defecerit , ab antiquioribus , & veracioribus , quibus propinquitas tota nota sit , Episcopus canonice requirat : & si inventa fuerit , separentur . " \*\* Ecce quibus accusantibus , & testificantibus dirimenda sit consanguineorum coniunctio , quæ coniugium vocatur .

*Diffinitio utilis .*

HE dicendum est , quod aliud est fornicatio , aliud stuprum , aliud adulterium , aliud incestus , aliud raptus . Fornicatio licet sit genus omnis illiciti coitus qui sit extra uxorem , tamen specialiter intelligitur in usu viuarum , vel meretricum , vel concubinarum . Stuprum proprie est virginum illicita desolatio . Adulterium est quasi alieni tori violatio : unde adulterium dicitur quasi ad alterius torum accessio . Incestus est consanguineorum , vel affinium abusus : unde incestuosi dicuntur qui consanguineis , vel affinibus suis abutuntur . Raptus admittitur , cum puella violentè a domo patris educitur , ut corrupta in uxorem habeatur , sive puellæ , sive parentibus vis illata constiterit : & hic morte mulctatur ; sed si ad Ecclesiam cum rapta

( 1 ) Nicolai . Item . » Si qua mulier ad secundas transierit nuptias , & filios & filias ad secundum maritum genuerit , eas negotibus prioris mariti iungi sancta Romana Synodus proflus inhibuit , ut in a. 110 capite subiungitur . Hoc autem observandum est usque ad septimum generis gradum , sed maxime usque ad tertium & quartum , sicut supra positum est . " Unde Higinus Papa rursus ibi e . » Si qua mulier transierit ad secundas nuptias , & ex eis prolem habuerit , ipsa proles non potest se copulare cognationi prioris viri usque ad quartam generationem . " Et ad marginem . Mirum est an hoc Higinus possit esse qui ex antiquissimis Pontificibus fuit , & secundo seculo vixit : cum longe posterius restrictio ad quartam generationem facta fuisse videatur . Nec indicant in us ullus prædicta causa , & quæst . ubi præcedentia duo capita referuntur . ( a ) Nicolai : per baptismum , per fidem , per iudicium Christi . ( 1 ) Nicolai : Idem . Genensibus .

EX EDIT. P. NICOLAI . \* Ut referetur in Decretis cano. xxv. quæst. vi. cap. Si duo ex Concilio Urbani Papæ in Apulia celebrato . \*\* Ut Fabianus Papa dicit eadem causa xxv. quæst. vi. cap. Consanguinitas : ubi quid est consanguinitatem in Synodo computare , nisi causam probandam in Concilio Episcoporum & vel consensu iudicium suscipere , puta enumerando gradus quibus constat ?



rapta confugerit, privilegio Ecclesiae mortis impunitatem meretur. Attendendum etiam illud Alexandri, qui ait: "Quod frater, sorore uxoris tuæ cognati dicuntur, æquocationis iure fit, & necessitate vulgaris appellationis potius quam ulla cognationis causa. Uxor enim fratris fratrisa potius quam cognata vocatur. Mariti frater levir dicitur. Duorum fratrum uxores ianitrices vocantur, (1) quasi eandem ianuam intrantes. Viri soror glos appellatur. Sororis autem vir non habet speciale nomen, nec uxoris frater."

## DIVISIO TEXTUS.

Postquam determinavit Magister de consanguinitatis impedimento, hic determinat de impedimento matrimonii quod provenit ex affinitate: & dividitur in partes duas. In prima ostendit quomodo affinitas matrimonium impediatur. In secunda docet affinitatis nomina, ibi, *Attendendum est etiam illud Alexandri &c.* Prima in tres. In prima ostendit quomodo affinitas matrimonium impediatur, sicut & consanguinitas. In secunda ostendit quomodo matrimonium propter consanguinitatem, & affinitatem sit separandum, ibi, *Et est sciendum, quod Ecclesia infra prædictos gradus consanguinitatis coniunctos separat.* In tertia determinat de incestu, quo consanguinitas, & affinitatis fœdus per carnalem copulam violatur, per differentiam ad alia vitia eiusdem generis, ibi, *Hic dicendum est, quod aliud est fornicatio, aliud stuprum &c.* Prima in duas. In prima ostendit quod affinitas ex matrimonio contracta impedit matrimonium. In secunda inquit, utrum affinitas maneat matrimonio transiente, quod eius causa erat, ibi, *Illud etiam non est prætermittendum quod Gregorius Venerio Episcopo scripsit.* Prima in duas. In prima ostendit usque ad quor gradus affinitas matrimonium impedit, sicut & consanguinitas. In secunda obicit in contrarium, & solvit, ibi, *Sed alii videntur concedere in quinta generatione inter affines contrahi coniugium.*

## QUAESTIO I.

Hic quaeruntur quinque.

Primo. De causa affinitatis.

Secundo. Utrum impediatur matrimonium, sicut & consanguinitas.

Tertio. De illegitimitate filiorum quæ ex impedimento matrimonii causatur.

Quarto. De incestu quem ex violatione

consanguinitatis, & affinitatis incurrit aliquis.

Quinto. De separatione matrimonii quæ fit propter consanguinitatem, vel affinitatem.

## ARTICULUS I.

*Utrum ex matrimonio consanguinei affinitas causetur.*

1. AD primum sic proceditur. Videtur quod ex matrimonio consanguinei affinitas non causetur. Quia propter quod unumquodque, illud magis. Sed mulier duobus per matrimonium non coniungitur alicui de consanguinitate viri, nisi ratione viri. Cum ergo non fiat viro affinis, nec alicui consanguineorum viri affinis erit.

2. Præterea. Eorum quæ sunt ab invicem separata, si unaliquid coniungatur, non oportet propter hoc quod sit alteri coniunctum. Sed consanguinei iam sunt ab invicem separati. Ergo non oportet quod si aliqua mulier coniungatur alicui viro, propter hoc coniungatur omnibus consanguineis eius per affinitatem.

3. Præterea. Relationes ex aliquibus unionibus innascuntur. Sed nulla unio fit in consanguineis viri, per hoc quod ille ducit uxorem. Ergo non accrescit eis affinitatis relatio.

Sed contra. Vir & uxor efficiuntur una caro. Si ergo vir secundum carnem omnibus consanguineis suis attinet, & mulier eadem attinebit eisdem.

Præterea. Hoc patet per auctoritates in littera inductas.

## QUAESTIUNCULA II.

1. Ulterius. Videtur quod affinitas non manet post mortem viri inter uxorem & consanguineos viri. Quia cessante causa cessat

(1) Nienlæis quasi eandem ianuam terentes, vel per eandem ianuam intrantes.

EX EDIT. P. NICOLAI. \* Quod ex Alexandro inhiungitur, sumptum est ex cap. Quod autem frater causa xxxv. quæst. v. ubi ex Alexandro II. prænotatur.

veri affinis. Sed hoc falsum est. Ergo affinitas non causat affinitatem.

5. Præterea. Si affinitas ex affinitate nasceretur, aliquis contrahens cum uxore defuncti fieret affinis omnibus consanguineis prioris viri, ad quos mulier habet affinitatem. Sed hoc non potest esse, quia maxime fieret affinis viro defuncto. Ergo &c.

6. Præterea. Consanguinitas est fortius vinculum quam affinitas. Sed consanguinei uxoris non efficiuntur affines consanguineis viri. Ergo multo minus affines uxoris efficiuntur eis affines; & sic idem quod prius.

### SOLUTIO I.

Respondeo dicendum ad primam questionem, quod amicitia quædam naturalis in communicatione naturali fundatur, ut supra dictum est. Naturalis autem communicatio est duobus modis secundum Philosophum VIII. Ethic. (cap. xxi. vel xiv.) Uno modo per carnis propagationem; alio modo per coniunctionem ad carnis propagationem ordinatam: unde ipse ibidem dicit, quod amicitia viri ad uxorem est naturalis. Unde sicut persona coniuncta alteri per carnis propagationem quoddam vinculum amicitie naturalis facit, ita si coniungantur per carnalem copulam. Sed in hoc differt, quod persona coniuncta alicui per carnis propagationem, sicut filius patri, fit particeps eiusdem radicis, & sanguinis: unde eodem genere vinculi colligatur filius consanguineis patris quo pater coniungebatur, scilicet consanguinitate, quamvis secundum alium gradum propter maiorem distantiam a radice. Sed persona coniuncta per carnalem copulam non fit particeps eiusdem radicis, sed quasi extrinsecus adiuncta: & ideo ex hoc efficitur alius genus vinculi, quod affinitas dicitur: & hoc est quod in hoc versu dicitur: *Mutata nupta genus, sed generata gradum*: quia scilicet persona per generationem fit in eodem genere attinentiæ, sed in alio gradu; per carnalem vero copulam fit in alio genere.

Ad primum ergo dicendum, quod quamvis causa sit potior effectui, non tamen oportet semper quod nomen idem effectui, & causæ conveniat: quia quandoque illud quod est in effectui, invenitur in causa non eodem modo, sed alio: & ideo non convenit causæ, & effectui per idem nomen, neque per eandem rationem, sicut patet in omnibus causis æquivoce agentibus: & hoc modo coniunctio viri & uxoris est potior quam coniunctio uxoris ad consanguineos viri, non tamen debet dici affinitas, sed

S. Th. Oper. Tom. XIII.

matrimonium, quod est unitas quædam, sic ut homo sibi ipsi est idem, non consanguineus.

Ad secundum dicendum, quod consanguinei sunt quodammodo separati, & quodammodo coniuncti: & ratione coniunctionis accidit quod persona quæ uni coniungitur, omnibus aliquo modo coniungatur; sed propter separationem, & distantiam accidit quod persona quæ uni coniungitur uno modo, alii coniungatur alio modo, vel secundum aliud genus, vel secundum alium gradum.

Ad tertium dicendum, quod relatio quandoque innascitur ex motu utriusque extremi, sicut paternitas, & filio; & talis relatio est realiter in utroque: quandoque vero innascitur ex motu alterius tantum; & hoc contingit dupliciter. Uno modo quando relatio innascitur ex motu unius sine motu alterius vel præcedente, vel concomitante, sicut in creatura, & Creatore patet, & sensibili, & sensu, & scientia, & scibili; & tunc relatio in uno est secundum rem, & in altero secundum rationem tantum. Alio modo quando innascitur ex motu unius sine motu alterius tunc existente, non tamen sine motu præcedente, sicut æqualitas fit inter duos homines per augmentum unius sine hoc quod alius tunc augeatur, vel minuat; sed tamen prius ad hanc quantitatem quam habet, per aliquem motum, vel mutationem, pervenit: & ideo in utroque extremorum talis relatio realiter fundatur. Et similiter est de consanguinitate, & affinitate: quia relatio fraternitatis quæ innascitur aliquo puero nato alicui iam provecto, causatur quidem sine motu ipsius tunc existente, sed ex motu ipsius præcedente, scilicet generationis eius: hoc enim accidit quod ex motu alterius sibi nunc talis relatio innascitur. Similiter ex hoc quod iste descendit per generationem propriam ab eadem radice cum viro, provenit affinitas in ipso ad uxorem sine aliqua nova mutatione ipsius.

### SOLUTIO II.

Ad secundam questionem dicendum, quod relatio aliqua definit esse dupliciter. Uno modo ex corruptione subiecti; alio modo ex subtractione causæ, sicut similitudo esse definit, quando alter similitum moritur, vel quando qualitas quæ erat causa similitudinis, subtrahitur. Sunt autem quædam relationes quæ habent pro causa actionem, vel passionem, aut motum, ut in V. Metaph. (text. xx.) dicitur: quarum quædam

I cau-

causantur ex motu, inquantum aliquid movetur actu, sicut ipsa relatio quæ est moventis, & moti; quædam autem inquantum habent aptitudinem ad motum, sicut motum, & mobile, & dominus, & servus; quædam autem ex hoc quod aliquid prius motum est, sicut pater, & filius, non ex hoc quod est generari nunc, ad invicem dicuntur, sed ex hoc quod est generatum esse. Aptitudo autem ad motum, & etiam ipsum moveri transit; sed motum esse perpetuum est, quia quod factum est, nunquam desinit esse factum: & ideo paternitas, & filiationem nunquam destruantur per destructionem causæ, sed solum per corruptionem subiecti per alterum extremorum. Et similiter dicendum est de affinitate, quæ causatur ex hoc quod aliqui coniuncti sunt, non ex hoc quod coniunguntur: unde non dirimitur manentibus illis personis inter quas affinitas est contracta, quamvis moriatur persona ratione cuius contracta fuit.

Ad primum ergo dicendum, quod coniunctio matrimonii causat affinitatem non solum secundum hoc quod est actu coniungi, sed secundum hoc quod est prius coniunctum esse.

Ad secundum dicendum, quod consanguinitas non est causa proxima affinitatis, sed coniunctio ad consanguineum, non solum quæ est, sed quæ fuit: & propter hoc ratio non sequitur.

### SOLUTIO III.

Ad tertiam questionem dicendum, quod secundum Philosophum in VII. Ethic. coniunctio viri & uxoris dicitur naturalis principaliter propter proles productionem, & secundario propter operum communicationem: quorum primum pertinet ad matrimonium ratione carnalis copulæ; sed secundum inquantum est quædam societas in communem vitam. Primum autem horum est invenire in qualibet carnali copula, ubi est commixtio feminum, quia ex tali copula potest produci, quamvis secunda desit: & ideo quia matrimonium affinitatem causabat, secundum quod erat quædam carnis commixtio, etiam fornicarius concubitus affinitatem causat, inquantum habet aliquid de naturali (a) coniunctione.

Ad primum ergo dicendum, quod in fornicario concubitu est aliquid naturale, quod est commune fornicationi, & matrimonio; & ex hac parte affinitatem causat: aliud est ibi inordinatum, per quod a matrimonio

dividitur; & ex hac parte affinitas non causatur: unde affinitas semper honesta remanet, quamvis causa sit aliquo modo inhonesta.

Ad secundum dicendum, quod non est inconveniens relationes ex opposito divisas eidem inesse ratione diversorum: & ideo potest inter aliquas duas personas esse affinitas, & consanguinitas non solum per illicitum concubitus, sed etiam per licitum; sicut cum consanguineus meus ex parte patris duxit in uxorem consanguineam meam ex parte matris: unde quod dicitur in distinctione affinitatis inducitur, *omni carens parentela*, intelligendum est, inquantum huiusmodi. Nec tamen sequitur quod aliquis consanguineam suam cognoscens, sibi ipsi sit affinis, quia affinitas, sicut & consanguinitas, diversitatem requirit, sicut (b) & similitudo.

Ad tertium dicendum, quod concubitus contra naturam non habet commixtionem; seminum quæ possit esse causa generationis: & ideo ex tali concubitu non causatur aliqua affinitas.

### SOLUTIO IV.

Ad quartam questionem dicendum, quod sicut sponsalia non habent perfectam rationem matrimonii, sed sunt quædam preparatio ad matrimonium; ita ex sponsalibus non causatur affinitas sicut ex matrimonio, sed aliquid affinitatis simile, quod dicitur *publica honestatis iniuria*, quæ impedit matrimonium, sicut affinitas, & consanguinitas, & secundum eosdem gradus, & diffinitur sic: *Publica honestatis iniuria est propinquitas ex sponsalibus proveniens, robur trahens ab Ecclesiæ institutione propter eius honestatem*. Ex quo patet ratio nominis, & causa, quia scilicet talis propinquitas ab Ecclesiâ instituta est propter honestatem.

Ad primum ergo dicendum, quod sponsalia non sui ratione, sed ratione eius ad quod ordinantur, causant hoc genus affinitatis, quod dicitur *publica honestatis iniuria*: & ideo sicut matrimonium est perpetuum vinculum, ita & prædictus affinitatis modus.

Ad secundum dicendum, quod vir & mulier efficiuntur in carnali copula una caro per commixtionem seminum: unde quantumcumque aliquis clausura pudoris invadat, vel frangat, nisi commixtio seminum sequatur, non contrahitur ex hoc affinitas. Sed matrimonium affinitatem causat non solum ratio-

(a) Ita Nicolaus ex ms. Al. cognitione. Forte cognatione. (b) Al. & e converso.

ratione carnalis copulæ, sed etiam ratione societatis coniugalæ, secundum quam etiam matrimonium naturale est: unde & affinitas contrahitur ex ipso contractu matrimonii per verba de presenti ante carnalem copulam: & similiter etiam ex sponsalibus, in quibus sit quoddam pactio coniugalæ societatis, contrahitur aliquid affinitatis simile, scilicet *publicæ honestatis iustitia*.

Ad tertium dicendum, quod omnia impedimenta quæ faciunt sponsalia non esse sponsalia, non permittunt ex pactione nuptiarum affinitatem fieri: unde vive habens defectum ætatis, sive habens votum solemne continentie, aut aliquod huiusmodi impedimentum, sponsalia de facto contrahat, ex hoc non sequitur aliqua affinitas: quia sponsalia nulla sunt, nec aliquis affinitatis modus. Si tamen aliquis minor, frigidus, vel maleficiatus habens impedimentum perpetuum ante annos pubertatis post septennium contrahat sponsalia cum adultâ, ex tali contractu contrahitur *publicæ honestatis iustitia*: quia adhuc non erat in ætate impediendi, cum in ætate puer frigidus, & non frigidus quantum ad actum illum (a) sint æqualiter impotentes.

## SOLUTIO V.

Ad quintam questionem dicendum, quod duplex est modus quo aliquid ex alio procedit. Unus secundum quem procedit in similitudinem speciei, sicut ex homine generatur homo: alius secundum quem procedit dissimilem in specie, & hic processus semper est in inferiorem speciem, ut patet in omnibus agentibus æquivoce. Primus autem modus processionis quætiescumque iteretur, semper remanet eadem species, sicut si ex homine generetur homo per actum generativæ virtutis, ex hoc quoque generabitur homo, & sic deinceps. Secundus autem modus, sicut in primo facit aliam speciem, ita quætiescumque iteratur, aliam speciem facit: ut si ex puncto per motum procedit linea, non punctus, quia punctus motus lineam facit: ex linea linealiter mota non procedit linea, sed superficies, & ex superficie corpus, & ulterius per talem modum processus aliquid esse non potest. Invenimus autem in processu attinentie duos modos, quibus vinculum huiusmodi causatur. Unus per carnis propagationem, & hic facit semper eandem speciem attinentie: alius per matrimonialem conjunctionem, & hic facit

aliam speciem in principio, sicut patet quod coniuncta matrimonialiter consanguineo non sit consanguinea, sed affinis. Unde, etsi iste modus procedendi iteretur, non erit affinitas, sed aliud attinentie genus: unde persona quæ matrimonialiter affini coniungitur, non est affinis, sed est aliud genus affinitatis, quod dicitur secundum genus. Et rursus, si affini in secundo genere aliquis per matrimonium coniungatur, non erit affinis in secundo genere, sed in tertio; ut in hoc versu supra posito ostenditur:

*Mutat nupta genus, sed generata gradum.*

Et hæc duo genera olim erant prohibita propter publicæ honestatis iustitiam magis quam propter affinitatem, quia deficient a vera affinitate, sicut illa attinentia quæ ex sponsalibus contrahitur; sed modo prohibitio illa cessavit, & remanet sub prohibitione solum primum genus affinitatis, in quo est vera affinitas.

Ad primum ergo dicendum, quod alieji viro (b) consanguineus uxoris eius efficitur affinis in primo genere, & uxor eius in secundo: unde mortuo viro, (c) qui erat affinis, non poterat eam ducere in uxorem propter secundum affinitatis genus. Similiter etiam si aliquis viduam in uxorem ducat, consanguineus prioris viri, qui est affinis uxori in primo genere, efficitur affinis viro secundo in secundo genere, & uxor illius consanguinei quæ est affinis uxori viri huius in secundo genere efficitur affinis viro secundo in tertio genere. Et quia tertium genus erat prohibitum propter honestatem quamdam magis quam propter affinitatem, ideo canon (Porro causa xxxvi. quæst. iv.) dicit: *Duas consanguineorum uxores uni viro altera post alteram nubere publice honestatis iustitia contradicit*. Sed nunc talis prohibitio cessavit.

Ad secundum dicendum, quod quamvis carnalis coniunctio coniungat, non tamen eodem genere conjunctionis.

Ad tertium dicendum, quod uxor viri efficitur eiusdem attinentie consanguineis viri quantum ad eundem gradum, sed non quantum ad idem attinentie genus.

Sed quia ex rationibus quæ in oppositum inducuntur, videtur ostendi, quod nullum vinculum ex affinitate causatur, ad alias rationes respondendum est, ne antiqua Ecclesiæ prohibitio irrationalis videatur.

Ad quartum dicendum, quod mulier non efficitur affinis in primo genere viro cui con-

1 2 iun-

(a) *Id.* fuit æqualiter impotens. (b) *Id.* consanguineo uxori suæ. (c) *Nec minus addit ille.*

jungitur carnaliter, ut ex prædictis patet. Unde communiter alii mulieri a viro eodem cognita: efficitur affinis in genere secundo: unde nec ducenti in uxorem unam earum efficitur alia affinis in tertio genere; & ita duas mulieres cognitas ab eodem viro nec etiam antiqua iura eidem successive copulari prohibebant.

Ad quintum dicendum, quod sicut vir non est affinis uxori suæ in primo genere, ita non efficitur affinis secundo viro eiusdem uxoris in secundo genere; & sic ratio non procedit.

Ad sextum dicendum, quod mediante una persona non coniungitur mihi alia, nisi ex hoc quod ei adiungitur: unde mediante muliere quæ mihi est affinis, nulla persona fit mihi attrinens, nisi quæ illi mulieri adiungitur; quod non potest esse nisi per carnis propagationem ex ipsa, vel propter coniunctionem matrimonialem ad eam: & utroque modo aliqua attrinencia mediante prædicta muliere secundo antiqua iura mihi provehebant: quia filius eius etiam ex alio viro efficitur mihi affinis in eodem genere, sed in alio gradu, ut ex regula prius data patet. Et iterum secundus vir eius efficitur mihi etiam affinis in secundo genere, sed consanguineus alii illius mulieris non adiunguntur ei; sed ipsa vel coniungitur eis, sicut ut patri, & matri, in quantum procedit ab eis, vel principio eorumdem, sicut fratribus: unde frater affinis meæ, vel pater non efficitur mihi affinis in aliquo genere.

## ARTICULUS II.

*Utrum affinitas matrimonium impediat.*

**AD** secundum sic proceditur. Videtur quod affinitas matrimonium non impedit. Nihil enim impedit matrimonium nisi quod est illi contrarium. Sed affinitas non contrariatur matrimonio, cum sit effectus eius. Ergo non impedit matrimonium.

2. Præterea. Uxor efficitur per matrimonium res quædam viri. Sed consanguinei viri defuncti succedunt in rebus eius. Ergo possunt succedere in uxore, ad quam tamen manet affinitas, ut ostensum est. Ergo affinitas non impedit matrimonium.

Sed contra est quod dicitur Levit. xviii. 8. *surpitudinem uxoris patris tui non revelabis.* Sed illa est tantum affinis. Ergo affinitas impedit matrimonium.

## QUAESTIUNCULA II.

1. Ulterius. Videtur quod affinitas habeat etiam per seipsam gradus. Cuiuslibet enim propinquitatis est accipere aliquos per se gradus. Sed affinitas propinquitatis quædam est. Ergo habet gradus per se sine gradibus consanguinitatis, ex quibus causatur.

2. Præterea. In littera dicitur, quod soboles secundæ coniunctionis non potest transire ad consortium affinitatis prioris viri. Sed hoc non esset, nisi filius affinis esset etiam affinis. Ergo affinitas habet per se gradus, sicut consanguinitas.

Sed contra. Affinitas ex consanguinitate causatur. Ergo & omnes gradus affinitatis causantur ex gradibus consanguinitatis, & sic non habet per se aliquos gradus.

## QUAESTIUNCULA III.

1. Ulterius. Videtur quod gradus affinitatis non extendatur, sicut gradus consanguinitatis. Quia vinculum affinitatis est minus forte quam consanguinitatis, cum affinitas ex consanguinitate canescit in diversitate speciei, sicut a causa æquivoca. Sed quanto fortius est vinculum, tanto diutius durat consanguinitas. Ergo vinculum affinitatis non durat usque ad tot gradus ad quot durat consanguinitas.

2. Præterea. Ius humanum debet imitari ius divinum. Sed secundum ius divinum aliqui gradus consanguinitatis erant prohibiti, in quibus gradibus affinitas matrimonium non impediebat, sicut patet de uxore fratris, quam aliquis poterat ducere in uxorem ipso defuncto, non tamen sororem propriam. Ergo & nunc non debet esse prohibitio æqualis de affinitate, & consanguinitate.

Sed contra. Ex hoc ipso est aliqua mihi affinis quod meo consanguineo esse coniuncta. Ergo in quocumque gradu sit vir mihi consanguineus, in illo gradu erit uxor mihi affinis; & sic gradus affinitatis computaridebent in eodem numero sicut & gradus consanguinitatis.

## SOLUTIO I.

Respondetur dicendum ad primam questionem, quod affinitas præcedens matrimonium impedit contrahendum, & dirimit contractum eadem ratione qua & consanguinitas: sicut enim inest necessitas quædam cohabitandi consanguineis ad invicem, ita & affinis; & sicut est quoddam amicitie vinculum inter consanguineos, ita inter affines. Sed si affinitas matrimonio superveniat, non potest

potest ipsum dirimere, ut supra dictum est.

Ad primum ergo dicendum, quod affinitas non contrariatur matrimonio ex quo causatur, sed contrariatur matrimonio quod cum affine contrahendum esset, in quantum impediret amicitie multiplicationem, & concupiscentie repressionem, quæ per matrimonium quærentur.

Ad secundum dicendum, quod res possessæ a viro non efficiuntur aliquid unum cum ipso viro, sicut uxor efficitur una caro cum ipso: unde sicut consanguinitas impedit conjunctionem ad virum, ita ad uxorem viri.

### SOLUTIO II.

Ad secundam questionem dicendum, quod res non dividitur divisione per se, nisi ratione illius quod competit sibi secundum suum genus, sicut animal per rationale, & irrationale, non autem per album, & nigrum. Carnis autem propagatio per se comparatur ad consanguinitatem, quia ex ea immediata consanguinitatis vinculum contrahitur; sed ad affinitatem non comparatur nisi mediante consanguinitate, quæ est causa eius. Unde cum gradus attinentiæ per propagationem carnis distinguantur, distinctio graduum per se & immediate competit consanguinitati, sed affinitati mediante consanguinitate: & ideo ad inveniendum gradus affinitatis est regula generalis quod quoto gradu consanguinitatis attinet mihi vir, toto gradu affinitatis attinet mihi uxor.

Ad primum ergo dicendum, quod gradus in propinquitate attinentiæ non possunt accipi, nisi secundum ascensum, & descensum propagationis, ad quam non computatur affinitas, nisi mediante consanguinitate: & ideo non habet affinitas gradus per se, sed sumptos iuxta gradus consanguinitatis.

Ad secundum dicendum, quod filius affinis meæ ex alio matrimonio non per se loquendo, sed quasi per accidens dicebatur antiquitus affinis: unde prohibebatur a matrimonio magis propter publicæ honestatis iustitiam quam propter affinitatem; & propter hoc etiam illa prohibitio (\*) est revocata.

### SOLUTIO III.

Ad tertiam questionem dicendum, quod ex quo gradus affinitatis sumitur iuxta gradus consanguinitatis, oportet quod tot sint gradus affinitatis, quot sunt gradus consanguinitatis. Sed tamen quia affinitas est mi-

nus vinculum quam consanguinitas, facilius & olim, & nunc dispensatio fit in remotis gradibus affinitatis quam in remotis gradibus consanguinitatis.

Ad primum ergo dicendum, quod illa minoritas vinculi affinitatis respectu consanguinitatis facit varietatem in genere attinentiæ, non in gradibus: & ideo ratio illa non est ad propositum.

Ad secundum dicendum, quod frater non poterat accipere uxorem fratris sui defuncti, nisi in casu, quando scilicet moriebatur sine prole, ut suscitarer semen fratri suo: quod tunc requirebatur, quando per propagationem carnis cultus religionis multiplicabatur; quod nunc locum non habet: & sic patet quod non ducebat eam in uxorem quasi gerens propriam personam, sed quasi supplens defectum fratris sui.

### ARTICULUS III.

*Utrum filii qui nascuntur extra verum matrimonium, sint illegitimi.*

1. AD tertium sic proceditur. Videtur quod filii qui nascuntur extra verum matrimonium, non sint illegitimi. Quia secundum legem naturæ natus legitimus filius dicitur. Sed quilibet filius nascitur secundum legem ad minus naturæ, quæ est fortissima. Ergo quilibet filius est legitimus.

2. Præterea. Communiter dicitur, quod legitimus filius est qui est de legitimo matrimonio natus, vel de eo quod in facie Ecclesiæ legitimus reputatur. Sed contingit quandoque quod aliquod matrimonium reputatum legitimum in facie Ecclesiæ, quod habet impedimentum ne sit verum matrimonium; & tamen a contrahentibus in facie Ecclesiæ scitur; & si occulte nubant, & impedimentum nesciant, legitimus videtur in facie Ecclesiæ, ex quo per Ecclesiam non prohibentur. Ergo filii extra verum matrimonium nati, non sunt illegitimi.

Sed contra. Illegitimum dicitur quod est contra legem. Sed illi qui nascuntur extra matrimonium, nascuntur contra legem. Ergo sunt illegitimi.

### QUÆSTIUNCULA II.

1. Ulterius. Videtur quod illegitimi filii non debeant ex hoc aliquod damnum reportare. Quia filius non debet puniri pro peccato patris, ut patet per sententiam Domini Ezech. xviii. Sed quod iste nascatur ex illi.

(\*) *Ne non est.*

illicito coitu, non est peccatum proprium, sed peccatum patris. Ergo ex hoc non debet aliquod damnum incurrere.

2. Præterea. Iustitia humana est exemplaria a divina. Sed Deus æqualiter largitur bona naturalia legitimis, & illegitimis filiis. Ergo & secundum iura humana filii illegitimi debent legitimis æquiparari.

Sed contra est quod dicitur Genes. xxv. quod Abraham dedit omnia bona sua Isaac, & filiis concubinarum largitus est munera; & tamen illi non erant ex illicito coitu nati. Ergo multo magis debent illi qui ex illicito coitu nascuntur, hoc damnum reportare, quod non succedant in bonis paternis.

### QUAESTIUNCULA III.

1. Ulterius. Videtur quod filius illegitimus non possit legitimari. Quantum enim distat legitimus ab illegitimo, tantum & converso illegitimus a legitimo. Sed legitimus numquam fit illegitimus. Ergo nec illegitimus legitimus.

2. Præterea. Coitus illegitimus causat illegitimum filium. Sed coitus illegitimus numquam fit legitimus. Ergo nec filius illegitimus legitimari potest.

Sed contra. Quod per legem inducitur, per legem revocari potest. Sed illegitimitas filiorum est per legem positivam inducta. Ergo potest filius illegitimus legitimari ab eo, qui habet auctoritatem legis.

### SOLUTIO I.

Respondeo dicendum ad primam questionem, quod quadruplex est status filiorum. Quidam enim sunt naturales, & legitimi, sicut qui nascuntur ex legitimo matrimonio. Quidam naturales, & non legitimi, ut filii qui nascuntur ex simplici fornicatione. Quidam legitimi, & non naturales, sicut filii adoptivi. Quidam nec legitimi, nec naturales, sicut spurii nati de adulterio, vel de stupro: tales enim nascuntur & contra legem positivam, & expresse contra legem naturæ. Et sic concedendum est quosdam filios esse illegitimos.

Ad primum ergo dicendum, quod quavis illi qui nascuntur ex illicito coitu, nascantur secundum naturam, quæ communis est homini, & aliis animalibus; tamen nascuntur contra legem naturæ quæ est propria hominibus: quia fornicatio, & adulterium, & huiusmodi sunt contra legem naturæ: & ideo tales secundum nullam legem sunt legitimi.

Ad secundum dicendum, quod ignorantia excusat illicitum coitum a peccato, nisi sit affectata: unde illi qui conveniunt bona fide in facie Ecclesiæ, quamvis sit impedimentum, dum tamen ignorent, non peccant, nec filii sunt illegitimi. Si autem sciant, quamvis Ecclesia iustineat, quæ ignorat impedimentum, non excusantur a peccato, nec filii ab illegitimitate. Si autem nesciant, & in occulto contrahant, non excusantur, quia talis ignorantia videtur affectata.

### SOLUTIO II.

Ad secundam questionem dicendum, quod aliquis dicitur damnum incurrere dupliciter. Uno modo ex hoc quod ei subtrahitur quod erat ei debitum; & sic filius illegitimus nullum damnum incurrit. Alio modo per hoc quod ei aliquid non est debitum, quod alias poterat ei esse debitum; & sic filius illegitimus damnum incurrit duplex. Unum, quia non admittitur ad alius legitimos, sicut ad officia, vel dignitates, quæ requirunt quandam honestatem in illis qui hoc exercent. Aliud damnum incurrit, quando non succedunt in hereditate paternæ. Sed tamen naturales filii succedere possunt in sexta parte tantum; spurii autem in nulla parte, quamvis ex iure naturali parentes eis in necessariis providere teneantur: unde pertinet ad sollicitudinem Episcopi ut utrumque parentum cogat ad hoc quod eis provideant.

Ad primum ergo dicendum, quod incurtere damnum hoc secundo modo, non est pœna: & ideo non dicimus, quod sit pœna alicui quod non succedit in regno aliquo per hoc quod non est filius Regis: & similiter non est pœna quod alicui qui non est legitimus, non debentur ea quæ sunt legitimorum filiorum.

Ad secundum dicendum, quod coitus illegitimus non est contra legem, in quantum est actus generativæ virtutis, sed in quantum ex prava voluntate procedit: & ideo filius illegitimus non incurrit damnum in his quæ acquiruntur per naturalem originem; sed in his quæ per voluntatem fiunt, vel possidentur.

### SOLUTIO III.

Ad tertiam questionem dicendum, quod filius illegitimus potest legitimari, non ut fiat de legitimo coitu natus, quia coitus ille transivit, & numquam potest fieri legitimus, ex quo semel fuit illegitimus; sed dicitur

eitur legitimari, inquantum damna quæ filius illegitimus incurrit, subtrahuntur per legis auctoritatem. Et sunt sex modi legitimandi: duo secundum canones, scilicet cum quis ducit in uxorem illam ex qua filium illegitimum generavit\*, si non fuit adulterium; & per specialem indulgentiam, & dispensationem Domini Papæ. Quatuor autem alii modi sunt secundum leges. Primus est, si pater filium naturalem curiæ Imperatoris offert: ex hoc enim ipso legitimitur propter curiæ honestatem. Secundus, si pater testamento nominet eum legitimum heredem, & filius postmodum testamentum offerat. Tertius est, si nullus sit filius legitimus, & implet filius seipsum Principi offerat. Quartus est, si pater in publico instrumento, vel cum trium testium subscriptione eum legitimum nominet, nec adiciat naturalem.

Ad primum ergo dicendum, quod alicui potest sine iniuria gratia fieri; sed non potest aliquis damnificari, nisi pro culpa: & ideo magis potest illegitimus fieri legitimus quam e converso: etsi enim aliquando legitimus privetur hereditate pro culpa, non tamen dicitur illegitimus filius, quia generationem legitimam habuit.

Ad secundum dicendum, quod actus illegitimus habet defectum intra se inseparabilem, quo legi opponitur: & ideo non potest fieri legitimus. Nec est simile de filio illegitimo, qui non habet huiusmodi defectum.

## ARTICULUS IV.

*Utrum incestus differat specie ab aliis speciebus luxurie.*

2. 2. quæst. clix. art. 9.

1. **A**D quantum sic proceditur. Videtur quod incestus non differat specie ab aliis speciebus luxurie quas Magister in littera tangit. Materia enim non diversificat speciem. Sed ea quæ Magister in littera enumerat, non differunt nisi penes materiam. Ergo non sunt diversæ species peccati.

2. Præterea. Coloss. 3. super illud, *Fornicationem, immunditiam &c.* dicit Glossa interlinearis, quod fornicatio est omnis concubitus præter legitimum connubium. Sed incestus est huiusmodi. Ergo est fornicatio; & ita non dividitur specie a fornicatione.

Sed contra. Virtutes, & vitia distinguuntur specie penes obiecta. Sed illa quæ hic ponuntur, diversificantur per obiecta. Ergo differunt specie.

## QUAESTIUNCULA II.

1. Uterius. Videtur quod dividat species luxurie inconvenienter. Quia Apostolus Ephes. v. 3. videtur tantum duas species ponere, ubi dicitur: *Fornicatio, & omnis immunditia...*, non nominetur in vobis.

2. Præterea. Ad Coloss. 3. ponuntur quatuor species, scilicet fornicatio, immunditia, concupiscentia, libido.

3. Præterea. Ad Galatas v. ponuntur alie species quatuor, scilicet fornicatio, immunditia, impudicitia, luxuria. Ergo cum ipse prætermittat has species, videtur insufficienter dividere.

4. Præterea. Maximum peccatum in genere luxurie est peccatum contra naturam. Sed de illo nullam facit mentionem. Ergo videtur insufficientes.

5. Præterea. Plus distat vidua a meretrice quam virgo a vidua. Sed luxuria quæ committitur cum virgine, distinguitur ab illa quæ committitur cum vidua. Ergo & illa quæ committitur cum vidua, deberet distinguí ab illa quæ committitur cum meretrice.

6. Præterea. Ildorus (Gelafius Papa xxxvi. quæst. 1. cap. *Lex illa*) dicit, quod stuprum est virginum illicita defloratio, quando scilicet pactio coniugalis non præcessit. Sed hoc est etiam in raptu. Ergo raptus non debet contra stuprum distinguí.

7. Præterea. Inter species luxurie nominatur etiam sacrilegium, quod committitur cum aliquis violat mulierem Deo consecratam, vel eum qua habet spirituales cognitionem. Ergo cum hoc prætermittat, videtur insufficientes.

## QUAESTIUNCULA III.

1. Uterius. Videtur quod male ordinet ista vitia. Quia nobilior est castitas virginialis quam coniugalis. Sed adulterium est contra castitatem coniugalem, stuprum autem contra virginalem. Ergo stuprum est gravius peccatum, & sic deberet præponi adulterio.

2. Præterea. Nulla dispensatione fieri potest quod aliquis licite concumbat cum illa cum qua committit adulterium; potest autem fieri per aliquam dispensationem quod aliquis licite concumbat cum illa cum qua committit incestum, sicut per dispensationem



nem potest accipere uxorem consanguineam in quarto (a) gradu, cum qua erat prius incestus. Ergo adulterium est gravius peccatum quam incestus; & sic non deberet praemitti.

3. Præterea. Ad puellam quæ rapitur, potest esse matrimonium, quando non sit violentia ipsi, sed parentibus. Sed ad illam quæ per incestum violatur, non potest esse matrimonium. Ergo incestus est gravius peccatum quam raptus; & sic videtur quod male ordinetur.

## SOLUTIO I.

Respondeo dicendum ad primam questionem, quod, sicut supra dist. xvi. (quæst. 111. art. 2. quæstiunc. 3. in corp.) dictum est, circumstantia peccatum in aliud genus mutat, quando alterius generis peccati deformitatem addit; & secundum hoc isti luxurizæ modi qui hic ponuntur, differunt specie: quia fornicatio non importat quantum est de se aliam deformitatem, nisi quæ ad genus luxuriæ pertinet, est enim soluti cum soluta; & dicitur fornicatio a fornice, quia iuxta fornices, idest arcus triumphales, & in aliis locis ubi homines conveniebant, congregabantur meretrices, & illi polluebantur. Sed stuprum, quod est illicita virginum defloratio, addit aliam deformitatem, scilicet damnificationem mulieris violatæ, quæ non est ita apta ad nubendum sicut ante; & hæc damnificatio etiam per se specialem legis prohibitionem habet. Similiter etiam adulterium, quod est alterius tori violatio, addit specialem deformitatem alterius generis, quæ est ex usu rei alienæ illicito, quod pertinet ad genus iniustitiæ. Similiter etiam incestus, qui est consanguinearum, vel affinium abusus, ab incendio nomen habens, vel a privatione castitatis, quasi antonomastice, quia castitatem violat in illis qui maximo fœdere coniunguntur, addit specialem deformitatem, scilicet naturalis fœderis violationem. Similiter etiam raptus qui committitur ex hoc quod puella a domo patris violenter abducitur, ut corrupta in matrimonium habeatur, sive vis puellæ, seu parentibus illata constiterit, patet quod alterius generis deformitatem addit, scilicet violentiam, quam lex in quacumque re prohibet: & sic patet quod sunt diversæ species peccatorum: unde etiam circumstantiæ quibus diversificantur, non sunt in confessione omitteendæ.

Ad primum ergo dicendum, quod mate-

(a) Alii deß gradu.

rialis diversitas in proposito habet secundam annexam formalem diversitatem obiecti; & ideo sequitur diversitas in specie.

Ad secundum dicendum, quod illa species luxuriæ quæ non addit aliquam specialem deformitatem alterius generis, retinet sibi nomen commune, nec dividitur contra alias species, nisi secundum quod accipitur cum præcissione illorum quæ per alias species adduntur.

## SOLUTIO II.

Ad secundam questionem dicendum, quod species luxuriæ distinguuntur primo per concubitum secundum naturam, & contra naturam. Sed quia luxuria contra naturam inominabilis est, relinquatur. Si autem sit peccatum in concubitu secundum naturam, tunc aut non addit aliquam deformitatem super luxuriæ genus, & sic est fornicatio; aut addit, & hoc dupliciter: quia vel quantum ad modum agendi, & sic est raptus, qui violentiam importat; vel ex conditione eius cum qua luxuria committitur; & hæc conditio vel est ipsius absolute, sicut virginitas, & sic est stuprum; vel est ipsius in ordine ad alterum; & hoc vel ad concubentem cum ea, sicut est conditio affinitatis, vel consanguinitatis, & sic est incestus; vel ad alium aliquem, sicut est matrimonium, & sic est adulterium.

Ad primum ergo dicendum, quod immunditia ponitur pro omni luxuriæ specie, quæ addit deformitatem specialem supra genus luxuriæ; & sic comprehendit alias quatuor species.

Ad secundum dicendum, quod illæ quatuor differentiæ sic distinguuntur: quia vel est secundum naturam, & sic ponitur fornicatio quantum ad actum exterioriorem, concupiscentia quantum ad actum interiorem: vel contra naturam, & sic est immunditia quantum ad actum exterioriorem, libido quantum ad actum interiorem, quæ intentionem concupiscentiæ importat.

Ad tertium dicendum, quod in illis quatuor fornicatio pertinet ad concubitum soluti cum soluta; impudicitia comprehendit adulterium, & incestum, sicut immunditia continet species contra naturam; luxuria autem refertur ad actus interiores.

Ad quartum dicendum, quod Magister determinat hic de istis speciebus, secundum quod habent ordinem ad affinitatem, & consanguinitatem; & quia ex concubitu contra naturam non sequitur affinitas, ideo prætermittit.

misit species innaturales, & quia talis luxuria non est humana, sed bestialis, ut dicitur in VII. Ethicorum.

Ad quintum dicendum, quod virgo ex hoc quod defloratur, aliquod damnum incurrit præter damnum castitatis, quia red dicitur minus apta ad matrimonium sequens; non autem vidua, sicut nec meretrix: & ideo non est similis ratio.

Ad sextum dicendum, quod raptus supra stuprum addit specialem deformitatem, scilicet violentiam, & educationem de domo patris; & ideo distincta species ponitur a stupro.

Ad septimum dicendum, quod sacrilegium illud reducitur ad species de quibus hic fit mentio: quia violatio habentis votum continentiae reducitur ad stuprum, vel magis ad adulterium, in quantum est Deo desponsata: sed illud quod committitur cum ea quæ est coniuncta cognatione spirituali, reducitur ad incestum.

### SOLUTIO III.

Ad tertiam questionem dicendum, quod secundum hoc aliquis concubitus est magis peccatum, secundum quod magis distat a matrimoniali concubitu. Inter species autem hic enumeratas aliqua distat a matrimonio & quantum ad essentiam matrimonii, & quantum ad causam, quæ est consensus, scilicet raptus: & ideo est maximum peccatum inter illa quæ hic enumerantur. Aliæ vero distant a matrimonio quantum ad essentiam tantum; sed hoc est dupliciter: quia illa cum qua concubitur, vel non est matrimonio coniuncta, sed potest matrimonio coniungi; vel nec est coniuncta, nec potest coniungi; & hoc magis distat. Si autem primo modo, aut per concubitus præstat aliquod impedimentum sequenti matrimonio, aut non: primum enim magis distat. Si autem non potest matrimonio coniungi, vel non potest aliqua conditione extante, vel non potest simpliciter in perpetuum; & hoc magis distat. Et secundum hoc patet quod fornicatio simplex est minimum peccatum inter ista: quia illi cum qua concubitur, nulum novum impedimentum respectu sequentis matrimonii infertur: & post hoc est stuprum, per quod infertur impedimentum mulieri, ut non illa facile postmodum nubere possit: & post hoc est adulterium, quod est concubitus ad illam quæ non potest duci in uxorem, dum vir eius vivit: & post hoc est incestus, qui committitur cum illa quæ simpliciter uxor esse non potest: & post hoc est

raptus, qui matrimonio contrariatur non solum quantum ad essentiam, sed etiam quantum ad causam. Et hic est ordo eorum secundum genus suum consideratorum. Tamen potest quandoque hic ordo variari secundum diversas circumstantias. Omnium tamen horum gravius est peccatum contra naturam.

Ad primum ergo dicendum, quod adulterium non solum est peccatum, quia est contra castitatem, sed quia est contra ius divinum, quod habet vir in uxorem.

Ad secundum dicendum, quod quamvis non possit dispensari quod aliquis ducat in uxorem illam cum qua committit adulterium vivente viro; tamen aliquo casu contingente potest eam in uxorem ducere absque dispensatione, scilicet post mortem viri: quia adulterium primum non dirimit matrimonium contractum, nisi in aliquo casu, ut prius (dist. xxxv. in expositione litteræ) dictum est.

Ad tertium dicendum, quod quamvis possit postmodum duci in matrimonium consentiente puella, & parentibus; tamen quantum ad præsens pertinet, maxime a matrimonio distat, ut ex dictis patet.

### ARTICULUS V.

*Utrum coniugium quod inter affines, vel consanguineos est contractum, semper sit per divortium dirimendum.*

1. **A**D quintum sic proceditur. Videtur quod coniugium quod inter affines, vel consanguineos est contractum, non semper sit per divortium dirimendum. Quia quos coniunxit Deus, homo separare non debet. Cum ergo Deus facere intelligatur quod Ecclesia facit, quæ quandoque tales ignoranter coniungit; videtur quod si postmodum in notitiam veniant, non sint separandi.

2. Præterea. Favorabilius est vinculum matrimonii quam domini. Sed homo per longi temporis præscriptionem acquirit dominium in re cuius non erat dominus. Ergo per diuturnitatem temporis matrimonium ratificatur, etiam si prius ratum non fuit.

3. Præterea. De similibus simile est iudicium. Sed si matrimonium esset dirimendum propter consanguinitatem, tunc in casu illo quando duo fratres habent duas sorores in uxores, si unus separatur propter consanguinitatem, & alius separari deberet pari ratione; quod non videtur. Ergo matrimonium non est separandum propter consanguinitatem, vel affinitatem.

KK

Sed

S. Th. Oper. Tom. XIII.

Sed contra. Consanguinitas, & affinitas impediunt contrahendum, & dirimunt contrahendum. Ergo si probatur consanguinitas, vel affinitas, separandi sunt, si de facto contraxerint.

### QUAESTIUNCULA II.

1. Uterius. Videtur quod ad separationem matrimonii quod est inter affines, & consanguineos contractum, non sit procedendum per viam accusationis. Quia accusatio nem inscriptio praecedit, qua aliquis se ad rationem obligat, (a) si in probatione defecerit. Sed hoc non requiruntur quando agitur de matrimonii separatione. Ergo accusatio ibi locum non habet.

2. Praeterea. In causa matrimonii audiuntur solum propinqui, ut in littera dicitur. Sed in accusationibus audiuntur etiam extranei. Ergo in causa separationis matrimonii non agitur per viam accusationis.

3. Praeterea. Si matrimonium accusari deberet, tunc praecipue hoc esset faciendum quando minus difficile est quod separaretur. Sed hoc est quando sunt tantum sponsalia contracta, tunc autem non accusatur matrimonium. Ergo nunquam de cetero debet fieri accusatio.

4. Praeterea. Ad accusandum non pracluditur alicui via per hoc quod non statim accusat. Sed hoc fit in matrimonio: quia si primo tacuit, quando matrimonium contraheretur, non potest postea matrimonium accusare, nisi quasi suspectus. Ergo &c.

Sed contra. Omne illicitum potest accusari. Sed matrimonium affinium, vel consanguineorum est illicitum. Ergo de eo potest esse accusatio.

### QUAESTIUNCULA III.

1. Uterius. Videtur quod in tali causa non sit procedendum per testes, sicut in aliis causis. Quia in aliis causis adducuntur ad testificandum quicumque sunt omni exceptione maiores. Sed hic non admittuntur extranei, quamvis sint omni exceptione maiores. Ergo &c.

2. Praeterea. Testes suspecti de privato odio, vel amore, a testimonio repelluntur. Sed maxime possunt propinqui esse suspecti de amore respectu unius partis, & odio ad partem alteram. Ergo non est audiendum eorum testimonium.

3. Praeterea. Matrimonium est favorabilius quam aliae causae, in quibus de rebus pure corporalibus agitur. Sed in illis non potest

esse idem accusator, & testis. Ergo nec in matrimonio; & ita videtur quod non convenienter in ista causa per testes procedatur.

Sed contra. Testes inducuntur in causis, ut super his de quibus dubitatur, fiat iudicii fides. Sed ita facienda est iudicii fides in causa ista sicut in aliis causis, quia non debet praecipitare sententiam de eo quod non constat. Ergo procedendum est hic ex testibus, sicut in aliis causis.

### SOLUTIO I.

Respondeo dicendum ad primam quaestionem, quod cum omnis concubitus praeter legitimum matrimonium sit peccatum mortale, quod Ecclesia omnibus modis impedire conatur, ad ipsam pertinet eos inter quos non potest esse verum matrimonium, separare, & praecipue consanguineos, & affines, qui sine incestu contrahere non possunt carnaliter.

Ad primum ergo dicendum, quod quamvis Ecclesia dono, & auctoritate divina succiatur; tamen in quantum est hominum congregatio, aliquid ex defectu humano in actibus eius provenit, quod non est divinum; & ideo illa coniunctio quae fit in facie Ecclesiae impedimentum ignorantis, non habet inseparabilitatem ex auctoritate divina, sed est contra auctoritatem divinam errore humano inducenda, quae excusat a peccato, cum sit error facti, quamdiu manet; & propter hoc quando impedimentum ad notitiam Ecclesiae venit, debet praedictam coniunctionem separare.

Ad secundum dicendum, quod illa quae sine peccato esse non possunt, nulla praescriptione firmantur: quia, ut Innocentius dicit (extra de consang. & affinit. cap. Non debet in fine) diuturnitas temporis non minuit peccatum, sed auget. Nec ad hoc facit aliquid (b) favor matrimonii, quod inter illegitimas personas esse non poterat.

Ad tertium dicendum, quod res inter alios acta alii non praedjudicat in foro contentioso: unde quamvis unus frater repellatur a matrimonio unius fororum ex causa consanguinitatis, non propter hoc separat Ecclesia aliud matrimonium quod non accusatur. Sed in foro conscientiae non oportet quod semper obligetur ad hoc alius frater ad dimittendum uxorem suam: quia frequenter tales accusationes ex malevolentia procedunt, & per falsos testes probantur. Unde non oportet quod conscientiam suam in-

for-

(a) vel. nisi probatione. (b) In edit. Nicolai de q. favor.

formet ex his quæ sunt circa aliud matrimonium facta.

Sed distinguendum videtur in hoc. Quia aut habet certam scientiam de impedimento matrimonii, aut opinionem, aut neutrum. Si primo modo, nec exigere, nec reddere debitum debet. Si secundo, debet reddere, sed non exigere. Si tertio, potest & reddere, & exigere.

### SOLUTIO II.

Ad secundam quæstionem dicendum, quod accusatio ad hoc est instituta, ne aliquis sustineatur quasi innocens qui culpam habet. Sicut autem ex ignorantia facti contingit quod aliquis homo reputatur innocens qui in culpa est, ita ex ignorantia alicuius circumstantiæ contingit quod aliquod factum reputatur licitum quod illicitum est: & id eo sicut homo accusatur quandoque, ita & factum ipsum accusari potest: & sic matrimonium excusatur quando propter ignorantiam impedimentum æstimatur legitimum quod est illegitimum.

Ad primum ergo dicendum, quod obligatio ad penam talionis habet locum quando accusatur persona de crimine, quia tunc agitur ad punitionem eius. Sed quando accusatur factum, tunc non agitur ad penam facientis, sed ad impediendum hoc quod est illicitum. Et ideo in matrimonio accusator non se obligat ad aliquam penam; sed talis accusatio potest & verbo, & scripto fieri, ita quod exprimatur & persona accusans matrimonium quod accusatur, & impediendum propter quod accusatur.

Ad secundum dicendum, quod extranei non possunt scire consanguinitatem, nisi per consanguineos, de quibus probabilius est quod sciant: unde quando ipsi tacent, suspicio habetur contra extraneum, quia ex malevolentia procedat, nisi per consanguineos probare voluerit: unde repellitur ab accusatione, quando sunt consanguinei qui tacent, & per quos probari non potest. Sed consanguinei, quantumcumque sint propinqui, non repelluntur ab accusatione, quando accusatur matrimonium propter aliquod impedimentum perpetuum, quod impedit contrahendum, & dirimit contractum. Sed quando accusatur ex hoc quod dicitur non fuisse contractum, tunc parentes tamquam suspecti sunt repellendi, nisi ex parte illius qui est inferior dignitate, & divitiis, de quibus probabiliter æstimari potest quod libenter vellent quod matrimonium flaret.

Ad tertium dicendum, quod cum matrimonium nondum est contractum, sed sponsalia tantum, non potest accusari, quia non accusatur quod non est; sed potest denunciari impedimentum, ne matrimonium contrahatur.

Ad quartum dicendum, quod ille qui primo tacuit, quandoque auditur postea, si velit matrimonium accusare, quandoque repellitur; quod patet ex Decretali (Innocentii III. extra *Qui matrimonium accusare possunt* cap. *Quod in tua* §. *Si vero*) quæ sic dicit. *Si post contractum matrimonium aliquis appareret accusator, cum non prodierit in publicum, (a) quando secundum consuetudinem in Ecclesiis debebatur, utrum vox sue debeat accusationis admitti, merito queri potest. Super quo respondemus, quod si tempore denuntiationis premissa is qui iam (b) coniunctos impetierit, extra diocesim existeret, vel alias denunciatio ad eum non potuit notitiam pervenire, imputa si nimis infirmitatis fervore laborans suam mentis patiebatur exitium, vel in annis erat tum teneris constitutus quod ad comprehensionem talium eius ætas sufficere non valebat, seu alia causa legitima fuerit impeditus; eius accusatio debet audiri: alioquin, tamquam suspectus, esset proculdubio repellendus, nisi inamento firmaverit quod post didicisset ea quæ obiecit, & ad hoc ex malitia non procedat.*

### SOLUTIO III.

Ad tertiam quæstionem dicendum, quod in hac causa oportet quod per testes veritas pateat, sicut & in aliis. Tamen, ut iuriliter dicunt, in hac causa multa specialia interveniunt; scilicet quod idem potest esse accusator, & testis; & quod non iuratur de calumnia, cum sit quasi causa spiritalis; & quod consanguinei admittuntur ad testificandum; & quod non observatur omnino ordo iudiciarius, quia tali denuntiatione facta contumax potest excommunicari lite non contestata: & valet hic testimonium de auditu, & post publicationem testimonii testes possunt induci. Et hoc totum est ut peccatum impediatur, quod in tali coniunctione esse potest.

Et per hoc patet solutio ad obiecta.

### EXPOSITIO TEXTUS.

**I**llud etiam non est prætermittendum quod Gregorius Venerio Episcopo scripsit. Totum est abrogatum per nova iura; sed etiam gradus consanguinitatis, & affinitatis sunt restricti usque ad gradum quartum (ut habetur


K K 2 ex-

[a] Nicolai: quando bona secundum consuetudinem in Ecclesiis debebantur. (b) Ad. coniunctus impetierit.

extra de consang. & affinit. cap. Non debet  
S. prohibito. )

Er est sciendum, quod Ecclesia infra prædictos gradus consanguinitatis coniunctos separat. Sciendum, quod cum Ecclesia non intendat privare aliquem iure suo, si decepta per falsos testes separaverit matrimonium, altera personarum expoliata (a) vi, iuste debet ei fieri restitutio, etiam si altera vorum emisisset religionis, ita tamen quod ei non liceret petere debitum, sed solum reddere. Quando autem mulier ad reintegrationem matrimonii agit, distinguendum est. Quia si agit petitorio, ut scilicet ei detur aliquis vir, qui cum ea contraxit, antequam fiat restitutio, tractabitur de exceptione ex parte mariti proposita. Si autem agat possessorio, primo restituendus est sibi vir quam exce-

prio prædicta tractetur: & eadem ratio est, si vit agat. Sed excipiuntur ab utroque communiter quinque calus. Primus est, quando vir excipiendo proponit publicam fornicationem uxoris. Secundus, quando proponit gradum consanguinitatis iure divino prohibitum; tamen si differatur, oportet fieri restitutionem per sententiam; sed ille non tenebitur reddere debitum, si habeat conscientiam de consanguinitate prædicta. Tertius, si obiiciatur exceptio rei iudicatæ, a qua non est appellatum. Quartus, quando est tanta sævitia viri, quod non potest sufficiens cautio adhiberi, puta quod vir persequitur uxorem odio capitali. Quintus est, quando ille qui agit, spoliavit alium sine causa.



## DISTINCTIO XLII.

*De spirituali cognatione.*

DE parentalium graduum famosa questione aliquid, licet minus sufficienter; diximus. Item de spirituali cognatione addamus, quæ etiam personas impedit ut non sint legitimæ ad ineundas nuptias. ( 1 ) Triæ quædam sunt, consanguinitas, affinitas, & spiritualis germanitas. Consanguinitas est inter eos qui iunguntur secundum lineam generis. Affinitas inter eos qui genere quidem non sunt coniuncti, sed mediante genere sunt sociati: verbi gratia, uxor filii fratris mei, quæ non est de genere meo, ( 2 ) per ipsum qui est de genere meo, mihi affinis facta est, & ego illi. Spiritualis proximitas est inter compatrem & commatrem, & inter eos quorum unus alterum de sacro fonte levavit, vel in catechizatione, aut confirmatione tenuit. Est etiam inter filios eiusdem hominis carnales, & spirituales.

*Qui sint filii spirituales.*

Spirituales filii sunt quos de sacro fonte levamus, vel in catechizatione, seu confirmatione tenemus. Filii etiam, & filiæ spirituales ( 3 ) eorum sunt qui trinæ merfonis vocabulo eos sacro baptismo tingunt. Dicitur etiam spiritualis filia sacerdotis, quæ ei peccata sua confitetur. Unde Symmachus Papa: „ Omnes „ quos in pœnitentia suscipimus, ita nostri spirituales. sunt filii, ut & ipsi quos „ vel nobis suscipientibus, vel sub trinæ merfonis vocabulo mercentibus unda baptismi regeneravit. „ Silvester etiam admonet, ut ad suam filiam pœnitentialem nullus sacerdos accedat: quia scriptum est: „ Omnes quos in pœnitentia accipimus, ita nostri filii sunt, ut in baptismo suscepti, quorum omnium flagitiosa est commixtio. „ Quod autem compater, & commater sibi iungi nequeant, nec pater spiritualis, nec mater filiæ, vel filio spirituali, ex Concilio Mogun-

( a ) Nicolai per vim.

( 1 ) Nicolai. Triæ quædam sunt in quibus Christianorum coniugio lex indita est, consanguinitas scilicet ( 2 ) per edit. Nicolai deest per ipsum qui est de genere meo. ( 3 ) Alii duorum.

EX EDIT. P. NICOLAI. \* Referitur in Decretis causa xxx. quæst. 11. cap. Unus.

guntinensi ( 1 ) docetur. „ De eo quod interrogasti , si aliquis filiolam suam duxerit uxorem , & de eo qui concubuit cum matre spiritali , & de eo qui filium suum baptizavit , & uxor eius cum de fonte suscepit hac de causa ut dissidium fieret coniugii ; si post in tali copula possunt permanere , sic respondendum est . Si filiolam , aut commatrem suam aliquis in coniugium duxerit , separandos esse iudicamus , & gravi poenitentia plectendos . Si vero coniuges legitimi , vel unus , vel ambo ex industria hoc fecerint , ut filium suum de fonte susciperent , si in nupti manere voluerint , bonum est . Sin autem , gravis poenitentia infideliatori iniungatur , & simul maneat ; & si pravaricator coniugii supervixerit , accrima poenitentia mulctetur , & sine spe coniugii maneat . “ Ex his apparet quod aliquis filiolam suam , vel commatrem non potest sibi copulare nuptialiter , & si præsumpsum fuerit , separandi sunt . Qui autem legitime coniuncti sunt , non idcirco separandi sunt , quia alter eorum infideli filium de fonte levavit . Quod etiam Nicolaus confirmat dicens ( ubi supra cap. „ Nolle desideras . “ ) „ Nolle desideras , utrum mulier quæ viri filium ex alia femina genitum de sacro fonte levaverit , postmodum possit cum eodem viro copulari . Quos ideo coniungi posse decernimus , quia secundum canones sacros , nisi amborum consensu , nullius religionis obrentu debet coniux dimittere coniugem , cum Apostolus præcipiat ( 1. Corinth. vi. 5. ) Nolite fraudari invicem , nisi forte ex consensu ad tempus &c. “ Item : \* Didicimus est nobis , quasdam feminas desolatas , quasdam vero fraudulentem , ut a viris suis separarentur , proprios filios coram Episcopis ad confirmandum tenuisse . Unde nos dignum duximus ut si qua mulier filium suum desidia , aut aliqua fraude coram Episcopo tenuerit ad confirmandum , propter fallaciam , vel fraudem , quamdiu vivit , poenitentiam agat , tamen a viro suo non separetur . “ Item Ioannes Papa : \*\* „ Ad limina sancti Petri homo nomine Stephanus veniens , nostro prælatui innouit , quod filium suum in extremo vitæ positum nondum baptismi unda lotum , absentia sacerdotum cogente baptizavit , eumque propriis manibus suscepit , atque pro huiusmodi negotio reverentia tua præfatum hominem a sua coniuge iudicavit esse separandum : quod fieri nullatenus debet , dicente Scriptura ( Matth. xix. 6. ) Quos Deus coniunxit , homo non separet . Et Dominus non dimittere uxorem nisi causa fornicationis iuber . Et nos tanta auctoritate freti dicimus dimittendum esse , & inculpabile iudicandum , quod necessitas intulit . Nam baptizandi opus laicis fidelibus , si tamen necesse fuerit , liberè conceditur . Unde si supradictus homo filium morientem aspiciens , ne animam perpetuo perire dimitteret , unda baptismi lavit , ut eum de potestate mortis eriperet , bene fecisse laudatur . Ideoque suæ uxori sibi iam olim legitime sociatæ impune , dum vixerit , iudicamus manere coniunctum , nec ob hoc separari debere . “ His , aliisque pluribus auctoritatibus edocetur , coniuges non esse separandos , si post legitimam copulam alter alterius filium de fonte levaverit , vel in confirmatione tenuerit .

*Quid præmissis obviat .*

**H**is autem obviare videtur quod Deusdedit Papa \*\*\* ait : „ Pervenit ad nos diabolus ( 1 ) vester . sanctitatis vestræ epistolam deferens , quod quidam viri , & mulieres præterito sabbato paschali præ magno ( 2 ) populi incursum nescientes filios suos suscepissent de lavacro . Cupis ergo scire , an ( 3 ) propter hoc debeant viri ac mulieres ad proprium usum redire , vel non . Nos vero hac re molesti priorum ( 4 ) inquisivimus dicta , & invenimus in archivis , idest in armariis apostolicæ sedis , iam talia contigisse in pluribus Ecclesiis , quarum Episcopis

( 1 ) *Al. desit docetur .* ( 2 ) *Al. desit vester .* ( 3 ) *Nicolaus populorum .* ( 4 ) *Idem propterea .*  
 ( 5 ) *Idem addit parum .*  
 EX EDIT. P. NICOLAI . \* Ex Concilio Cabilonensi II. cap. xxx. \*\* Nempe VIII. in scripto ipso apertè , ut videre est ubi supra . \*\*\* Gordiano Episcopo Hispaniensi rescibens : & referens in Decretis caus. xx. quæst. 2. cap. Pervenit .

„copis ab hac apostolica sede volentibus scire, utrum viri, ac mulieres redirent  
 „ad proprium torum, beatæ memoriæ ( 1 ) sancti patres Iulius ( 2 ) Papa, In-  
 „nocentius, & Cælestinus cum Episcoporum plurimorum consensu in Apostolorum  
 „Principis Ecclesiæ ( 3 ) præfidentes talia rescripserunt, & confirmaverunt, ut nul-  
 „lo modo se in coniugio reciperent viri ac mulieres quicumque hac ratione susce-  
 „perint natos, sed separarent se, ne suadente diabolo tale vitium invalefcant. “  
 Item. \* „Si quis filialtrum, vel filialtram suam ante Episcopum tenuerit ad con-  
 „firmationem, separaretur ab uxore sua, & aliam nunquam accipiat. “ Hæc au-  
 „tem vel ad errorem dicta sunt, non quod ita esset faciendum, sed ne illud fieret  
 „summopere cavendum: vel de illis est intelligendum qui prius filios suos vicissim  
 „de fonte susceperunt, quam fierent coniuges. Præmissis autem auctoritatibus omni-  
 „no consentiendum est, ut siue proprium, siue tantum viri filium mulier de fonte  
 „susceperit, non ideo a viro separaretur: quod de viro similiter oportet intel-  
 „ligi.

*De copula spiritualium, vel adoptivorum, & naturalium filiorum.*

Q UOD autem spirituales, vel adoptivi filii naturalibus copulari nequeant, Nico-  
 laus Papa testatur, \*\* ita inquiens. „Ita diligere debet homo eum qui se su-  
 „scipit de sacro fonte sicut patrem. Inter fratres & filios spirituales gratuita, &  
 „sancta communio est; quæ dicenda non est consanguinitas, sed habenda spiritua-  
 „lis proximitas. Unde inter eos arbitror non posse fieri legale coniugium, quia  
 „nec inter eos qui natura et eos qui adoptione filii sunt, venerandæ leges ma-  
 „trimonia contrahi permittunt. “ Item. „Si inter eos non contrahitur ma-  
 „trimonium quos adoptio iungit, quanto potius a carnali oportet inter se con-  
 „turbio cessare quos per cælestis sacramentum regeneratio sancti Spiritus vin-  
 „cit? “

*Si filii qui ante ( 4 ) compaternitatem, vel post nati sunt, valeant coniungi.*

H OC autem quidam volunt intelligere de illis tantum filiis quibus compatres fa-  
 cti sint. De aliis vero qui ante compaternitatem, vel post geniti sunt, con-  
 cedunt quod legitime, & licite possunt: quibus videtur consentire Urbanus secun-  
 dus \*\*\* dicens: „Super quibus consultuit nostrua dilectio, sic videtur respondendum,  
 „ut & baptismus fiat, si instante necessitate semina puerum in nomine Trinitatis  
 „baptizaverit; & quod spiritualium parentum filii, vel filiæ ante, vel post com-  
 „paternitatem geniti possunt legitime coniungi, præter illam personam qua com-  
 „patres effecti sunt. “

*Paschalis Papa.*

P ASCHALIS vero secundus, post compaternitatem genitos copulari prohibet, scribens  
 Rhegino Episcopo. „Post susceptum filium de fonte, vel filiam spiritualem,  
 „qui ex compatre, vel ex commatre fuerint nati, matrimonio iungi non possunt  
 „( ubi sup. cap. „Post susceptum. “ ) Illud etiam notandum est quod in Tribu-  
 „riensi Concilio legitur: „Si quis suæ spiritualis commatris filiam fortuito, & ita  
 „contingente rerum casu in coniugium duxerit, maturiori servato consilio ha-  
 „beat, atque legitimo connubio honeste operam det. “ ( ubi supra cap. „Illud  
 „etiam. “ )

( 1 ) Item sanctissimi. ( 2 ) Apud eundem deest Papa. ( 3 ) Item: prohibentes talia præscripserunt: ut in tenor Decret. ( 4 ) Ad paternitatem.

EX EDIT. P. NICOLAI. \* Ex Concilio Vermeriensis cap. 221, & refertur ibid. cap. Ad limina. \*\* Nemo-  
 pe primus Bulgarorum consultis respondendo: & refertur ubi supra quæst. 221. cap. Ita diligere. \*\*\* Ad  
 Vitalem presbyterum Bizientem: & refertur in Decretis ubi supra cap. Super quibus.

*Si quis ducere possit duas commatres alteram post alteram.*

**S**Olet etiam quæri, si commatrem uxoris post eius obitum quis ducere valeat. De hoc Nicolaus Papa sic scribit. \* „ Sciscitatur a nobis sanctitas vestra, si „ quis duas commatres habere valeat, unam post alteram. In quo meminisse debes scriptum esse ( Genes. 11. 24. ) Erunt duo in carne una. Cum ergo constet „ quod vir, & mulier una caro efficiuntur, restat virum commatrem constitui „ mulieri cuius assumpta uxor, commater erat: & ideo virum illi seminae non „ posse coniungi quæ commater eius erat, cum qua idem fuerat una caro effectus. „ Huic autem illud contrarium videtur. ( 1 ) „ Qui spiritualem habet „ compatrem, cuius filium de lavacro acceperit, & uxor eius commater non est, „ licet ei, defuncto compatre suo, eius viduam ducere in uxorem, quos nulla generatio spiritualis fecerit. „ Item ex epistola Paschalis Papæ ( ad Reginum, ut supra. ) „ Post uxoris obitum cum commatre uxoris coniugio copulari, nulla ratio, „ vel auctoritas videtur prohibere. Non enim per carnis unionem ad unionem „ spiritus pertransiit. „ Sed sciendum, quod auctoritas Nicolai de illo agit qui uxori suæ debitum reddidit, postquam commater illius extitit. Aliæ vero auctoritates de illo agunt cuius uxor, postquam a viro suo derelinquitur, illius commater efficitur, nec post compaternitatem a viro suo agnoscitur: vel de viro potius agunt „ cuius uxor ante defungitur quam ab eo agnoscat. „

*Si vir, & uxor possint simul tenere puerum.*

**S**Olet etiam quæri, si uxor cum viro simul debeat in baptismo suscipere puerum. De hoc Urbanus ait ( ubi supra ) „ Quod uxor cum marito in baptismo simul non debeat suscipere puerum, nulla auctoritate: ( 2 ) videtur, vel re- „ peritur prohibitum. Sed ut ipsa puritas spiritualis paternitatis ab omni labe, & „ infamia conservetur immunis, decrevimus ut utrique simul ad hoc aspirare „ non presumant. Quia vero piaculare flagitium commisit qui duabus commatribus, vel sororibus nupsit, magna poenitentia debet ei iniungi. „

*De secundis, & tertiis nuptiis, & deinceps.*

**S**Ciendum est etiam, quod non solum primæ, vel secundæ nuptiæ sunt licitæ, sed etiam tertiæ, & quartæ non sunt damnandæ. Unde Augustinus ( Lib. de bono vid. cap. iv. & xix. ut refertur in Decr. causa xxxix. quæst. 1. cap. „ Quod si. “ ) „ Secundas nuptias omnino licitas Apostolus concedit. De tertiis „ autem, & quartis, & de pluribus ultra nuptiis solent homines movere quæ- „ sitionem. Sed quis audeat definire quod nec Apostolum video definivisse? Aitenim „ ( 1. Corinth. vii. 39. ) Si dormierit vir eius, cui vult, nubat. Non dicit „ primus, vel secundus, vel tertius, vel quouslibet: nec nobis definiendum est quod „ non definit Apostolus. Unde ut breviter respondeam, nec illas nuptias deo „ damnare, nec eis verecundiam numerositatis auferre, nec contra humanæ vere- „ cundia sensum audeo dicere, ut quoties voluerint nubant, nec ex meo corde „ præter Scripturæ auctoritatem quotaslibet nuptias damnare. „ Idem testatur Hieronymus ( ad Pamachium: & habetur causa xxxi. quæst. 1. cap. „ Ape- „ riant. “ ) „ Ego nunc libera voce exclamo, nec damnari in Ecclesia bigamiam, „ immo nec trigamiam, & ita licere quinto, & sexto, ( 3 ) quemadmodum se- „ cundo marito nubere. Apostolus tamen bigamos a sacerdotali honore excludit. „ Sed hoc non facit pro vitio bigamiæ, immo pro sacramenti virtute, ut sit una „ unus, sicut unica unicus. „ Illud tamen Cæsariensis Concilii ( quod refertur cap. „ De

( 1 ) Nicolai ( quod in Concilio Triburiensi cap. xlviii. invenitur. ) ( 2 ) Nicolai amittit videtur. „

( 3 ) Idem addit ultra. „

EX EDIT. F. NICOLAI. \* Refertur in Decretis causa xxx. quæst. iv. cap. Sciscitatur, ad Salomonem Episcopum Constantinensem provocato.



„De his qui frequenter “ ) videtur innuere bigamiam esse peccatum . „ Presbyterum ( inquit ) in nuptiis bigami prandere non convenit : quia cum poenitentia bigamus indigeat , quis erit presbyter qui talibus nuptiis possit præbere consensum ? “ Sed hoc de illo intelligi potest qui primæ uxori insidiatus putatur desiderio secundæ : vel pro signaculo sacramenti illud dicitur , quod in bigamo non servatur . Ambrosius ( Ambrosiaster in I. Corinth. v. r. ) etiam dicit , quod primæ nuptiæ tantum a Domino sunt institutæ , secundæ vero sunt permittæ ; & primæ nuptiæ sub benedictione Dei celebrantur sublimiter , secundæ vero etiam in præsentia carent gloria .

### DIVISIO TEXTUS.

Postquam determinavit Magister de carnalis propinquitatis impedimento , hic determinat de impedimento spiritualis propinquitatis : & dividitur in partes duas . In prima ostendit quomodo spiritualis cognatio matrimonium impediat . In secunda inquirat , utrum secundæ nuptiæ sint licitæ , ibi , *Sciendum est etiam , quod non solum primæ , vel secundæ nuptiæ sunt licitæ , sed etiam tertie , & quartæ non sunt damnandæ .* Prima in duas . In prima distinguit propinquitatem spirituales a carnalibus , de quibus supra ( a ) actum est . In secunda prosequitur de propinquitatē spirituali , ibi , *Spirituales filii sunt quos de sacro fonte levamus .* Et hæc pars dividitur in duas . In prima ostendit unde spiritualis propinquitās contrahatur . In secunda ostendit quomodo matrimonium impediat , ibi , *Quod autem ( b ) compatet , vel commatet sibi iungi nequeant ... ex Concilio Moguntinensi docetur .* Et hæc in duas . In prima ostendit quomodo impedit matrimonium propinquitās spiritualis quam aliqua persona directē contrahit , quæ assimilatur consanguinitati . In secunda quomodo impedit matrimonium illa quæ indirectē ex uxore in virum redundat per modum consanguinitatis , vel e contra , ibi , *Soleat etiam queri , si commatrem uxoris post eius obitum quis ducere valeat .* Prima in duas . In prima ostendit quando spiritualis cognatio impedit matrimonium inter compatrem spirituales , & matrem naturalem , aut e converso . In secunda ostendit quando matrimonium impedit inter filios spirituales , & naturales , ibi , *Quod autem spirituales , vel adoptivi filii naturalibus copulari nequeant , Nicolaus Papa testatur .* Prima in duas . In prima ostendit quando spiritualis cognatio matrimonium præcedens impedit matrimonium contrahendum , & dirimat contractum inter compatrem & commatrem ; non autem si sequatur . In secunda obicit in con-

trarium , & solvit , ibi , *Fili autem obviare videtur quod Deus dedit Papa ait .*

*Quod autem spirituales , vel adoptivi filii naturalibus copulari nequeant , Nicolaus Papa testatur .* Hic ostendit quando impeditur matrimonium inter prolem spirituales & naturalem unius hominis , & circa hoc duo facit . Primo probat propositum . Secundo inquit , utrum hæc probatio se extendat ad fratres naturales spirituales proles , quod scilicet possint copulari filiis naturalibus spiritualis patris , ibi , *Hoc autem quidam volunt intelligere tanquam de illis filiis quibus compatet filii sunt .*

*Soleat etiam queri si commatrem uxoris post eius obitum quis ducere valeat .* Circa hoc duo facit . Primo ostendit quod spiritualis cognatio transit a viro in uxorem . Secundo inquit , utrum possint spiritualiter , effici parentes alicuius proles , ibi , *Soleat etiam queri , si uxor cum viro simul debeat in baptismo suscipere parvum .*

### QUAESTIO I.

Hic est triplex quæstio . Prima de cognitione spirituali . Secunda de legali . Tertia de secundis nuptiis .

Circa primum quæruntur tria .

Primo . Utrum spiritualis cognatio matrimonium impediatur .

Secundo . Ex qua causa contrahatur .

Tertio . Inter quos contrahatur .

### ARTICULUS I.

*Utrum spiritualis cognatio matrimonium impediatur .*

1. AD primum sic proceditur . Videtur quod spiritualis cognatio matrimonium non impediatur . Nihil enim impedit matrimonium quod non contrariatur alicui bono matrimonii . Sed spiritualis cognatio non contrariatur alicui bono matrimonii . Ergo non impedit matrimonium .

2. PRÆ-

( a ) Nicolaus significatum actum est . ( b ) Al. compatetur , vel commatretur .

2. Præterea. Perpetuum impedimentum matrimonii non potest stare simul cum matrimonio. Sed cognatio spiritualis stat simul aliquando cum matrimonio, ut in littera dicitur, sicut cum aliquis in casu necessitatis filium suum baptizat: quia tunc fit uxori suæ spirituali cognatione coniunctus, nec tamen matrimonium separatur. Ergo spiritualis cognatio matrimonium non impedit.

3. Præterea. Unio spiritus non transit in carnem. Sed matrimonium est carnalis coniunctio. Ergo cum cognatio spiritualis sit unio spiritus, non potest transire ad matrimonium impediendum.

4. Præterea. Contrariorum non sunt iidem effectus. Sed spiritualis cognatio videtur esse contraria disparitati cultus; cum spiritualis cognatio sit propinquitatis proveniens ex datione sacramenti, vel tentione ad idem; disparitas autem cultus consistit in sacramenti carentia, ut prius (dist. xxxix. quest. i. art. 1.) dictum est. Cum ergo disparitas cultus matrimonium impediatur, videtur quod spiritualis cognatio non habeat hunc effectum.

Sed contra. Quanto aliquod vinculum est sanctius, tanto magis custodiendum. Sed vinculum spirituale est sanctius quam corporale. Ergo cum vinculum propinquitatis corporalis matrimonium impediatur, videtur etiam quod spiritualis cognatio idem faciat.

Præterea. In matrimonio coniunctio animarum est principalior quam coniunctio corporum, quia præcedit ipsam. Ergo multo fortius spiritualis cognatio matrimonium impedire potest quam carnalis.

### SOLUTIO.

Respondeo dicendum, quod sicut per carnis propagationem homo accipit esse naturæ, ita per sacramenta accipit esse spirituale gratiæ. Unde sicut vinculum quod ex carnis propagatione contrahitur, est naturale homini, inquantum est res quedam naturæ; ita vinculum quod contrahitur ex sacramentorum susceptione, est quodammodo naturale alicui, inquantum est membrum Ecclesiæ: & ideo sicut carnalis cognatio impedit matrimonium, ita spiritualis ex Ecclesiæ statuto. Tamen distinguendum est de spirituali cognatione. Quia aut præcessit matrimonium, aut sequitur. Si præcessit, impedit contrahendum, & dirimit contractum; si sequitur, tunc non dirimit vinculum matrimonii. Sed quantum ad actum matrimonii est distinguendum. Quia aut spiritua-

lis cognatio inducitur causa necessitatis, sicut cum pater baptizat puerum in articulo mortis; & tunc non impedit actum matrimonii ex neutra parte: aut inducitur extracausam necessitatis, ex ignorantia tamen; & tunc si ille ex cuius actu inducitur, diligentiam adhibuit, est eadem ratio sicut & de primo; aut ex industria extracausam necessitatis; & tunc ille ex cuius actu inducitur, amittit ius petendi debitum; sed tamen debet reddere, quia ex culpa eius non debet aliquod incommodum aliis reportare.

Ad primum ergo dicendum, quod quavis spiritualis cognatio non impediatur aliquod de principalibus bonis matrimonii, tamen impedit aliquod de secundariis bonis, quod est amicitie multiplicatio: quia spiritualis cognatio est sufficiens ratio amicitie per se: unde oportet quod ad alios per matrimonium familiaritas, & amicitia queratur.

Ad secundum dicendum, quod matrimonium est perpetuum vinculum, & ideo nullo impedimento superveniens potest ipsum dirimere; & sic quandoque contingit quod matrimonium, & matrimonii impedimentum stant simul; non autem si impedimentum præcedat.

Ad tertium dicendum, quod in matrimonio non tantum est coniunctio corporalis, sed etiam spiritualis: & ideo propinquitas spiritus ei impedimentum præstat sine hoc quod propinquitas spiritualis transire debeat in carnalem.

Ad quartum dicendum, quod non est inconveniens quod duo contraria ad invicem contrariantur eidem, sicut magnum, & parvum æquali: & sic disparitas cultus, & spiritualis cognatio matrimonio repugnant: quia in uno est maior distantia, & in altero maior propinquitas quam matrimonium requirat; & ideo ex utraque parte matrimonium impeditur.

### ARTICULUS II.

*Utrum per solum baptismum spiritualis propinquitas contrahatur.*

1. AD secundum sic proceditur. Videtur quod per solum baptismum spiritualis propinquitas contrahatur. Sicut enim se habet cognatio corporalis ad corporalem generationem, ita spiritualis ad spirituales. Sed solus baptismus dicitur spiritualis generatio. Ergo per solum baptismum contrahitur spiritualis cognatio, sicut per solam generationem carnalem cognatio carnalis.

L I

2. PRÆ-

2. Præterea. Sicut in confirmatione imprimatur character, ita in ordine. Sed ex susceptione ordinis non sequitur spiritualis cognatio. Ergo nec ex confirmatione; & sic solum ex baptismo.

3. Præterea. Sacramenta sunt digniora sacramentalibus. Sed ex quibuidam sacramentis spiritualis cognatio non sequitur, sicut patet in extrema unctione. Ergo multo minus ex catechismo, ut quidam dicunt.

4. Præterea. Inter sacramentalia baptisimi multa alia præter catechismum numerantur, ut patet supra distinct. vi. Ergo ex catechismo non magis contrahitur spiritualis cognatio quam ex aliis.

5. Præterea. Oratio non est minus efficax ad promouendum in bonum quam instructio, sive catechizatio. Sed ex oratione non contrahitur spiritualis cognatio. Ergo nec ex catechismo.

6. Præterea. Instructio quæ fit baptizatis per prædicationem, non minus valet quam illa quæ fit nondum baptizatis. Sed ex prædicatione non contrahitur aliqua spiritualis cognatio. Ergo nec ex catechismo.

7. Sed contra. I. Corinth. xv. 15. *In Christo Iesu per Evangelium ego vos genui*. Sed spiritualis generatio causat spirituales cognationem. Ergo ex prædicatione Evangelii, & instructione fit spiritualis cognatio, & non solum ex baptismo.

8. Præterea. Sicut per baptismum tollitur peccatum originale, ita per penitentiam attuale. Ergo sicut baptisma causat spirituales cognationem, ita & penitentia.

9. Præterea. Pater nomen cognationis est. Sed per penitentiam, & doctrinam, & pastoralem curam, & multa huiusmodi aliquis dicitur alteri spiritualis pater. Ergo ex multis aliis præter baptismum, & confirmationem spiritualis cognatio contrahitur.

### SOLUTIO.

Respondendo dicendum quod circa hoc est triplex opinio.

Quidam enim dicunt, quod spiritualis generatio sicut per septiformem Spiritus sancti gratiam datur, ita per septem efficitur, incipiendo a primo pabulo talis sacramenti usque ad confirmationem per Episcopum factam, & per quodlibet horum septem spiritualis cognatio contrahitur. Sed illud non videtur rationabile: quia cognatio carnalis non contrahitur nisi per actum generationis completum: unde etiam affinitas non contrahitur, nisi sit facta coniunctio se-

minum, ex qua potest sequi carnalis generatio. Spiritualis autem generatio non perficitur nisi per aliquod sacramentum. Et ideo inconueniens est quod spiritualis cognatio contrahatur nisi per aliquod sacramentum.

Et ideo alii dicunt, quod per tria tantum sacramenta spiritualis cognatio contrahitur, scilicet per catechismum, baptismum, & confirmationem. Sed isti propriam vocem videntur ignorare: quia catechismus non est sacramentum, sed sacramentale.

Et ideo alii dicunt, quod tantum per duo sacramenta, scilicet per baptismum, & confirmationem: & hæc opinio est communior. Tamen de catechismo quidam horum dicunt, quod est debile impedimentum quod impedit contrahendum, sed non dirimit matrimonium contractum.

Ad primum ergo dicendum, quod duplex est carnalis natiuitas. Prima in utero, in quo adhuc id quod natum est, est adeo debile quod non possit extra exponi sine periculo; & huic natiuitati similatur generatio per baptismum, in quo regeneratur aliquis adhuc quasi fovendus intra uterum Ecclesie. Secunda est natiuitas ex utero, quando iam id quod natum erat in utero, tantum roboratum (a) est quod potest sine periculo exponi exterioribus, quæ nata sunt corrumpere; & huic similatur confirmatio, per quam homo roboratus exponitur in publicum ad confessionem nominis Christi. Et ideo congrue per utrumque istorum sacramentorum contrahitur spiritualis cognatio.

Ad secundum dicendum, quod per ordinis sacramentum non fit aliqua generatio, sed quædam promotio potestatis; & propterea mulier non suscipit ordinem: & sic non potest ex hoc aliquod impedimentum præstare matrimonio: & ideo talis cognatio non computatur.

Ad tertium dicendum, quod in catechismo fit quædam professio futuri baptismi, sicut in sponsalibus fit quædam sponso futurarum nuptiarum: unde sicut in sponsalibus contrahitur quidam (b) modus propinquitatis, ita & in catechismo, ad minus impediens contrahendum, ut quidam dicunt; non autem in aliis sacramentis.

Ad quartum dicendum, quod talis professio fidei non fit in aliis sacramentalibus baptismi, sicut in catechismo: & ideo non est similis ratio.

Et similiter dicendum ad quintum de oratione, & ad sextum de prædicatione.

Ad

(a) *id. error.* (b) *id. motus.*

Ad septimum dicendum, quod Apostolus eos ad fidem instruxerat per modum catechismi; & sic aliquo modo talis instructio habebat ordinem ad spiritualem cognationem.

Ad octavum dicendum, quod per sacramentum penitentiae non contrahitur, proprie loquendo, spiritualis cognatio: unde filius sacerdotis potest contrahere cum illa quam sacerdos in confessione audit: alias filius sacerdotis non inveniret in tota una parochia mulierem cum qua contraheret. Nec obstat quod per penitentiam tollitur peccatum actuale: quia hoc non est per modum generationis, sed magis per modum sanationis. Sed tamen per penitentiam contrahitur quoddam sœdus inter sacerdotem & mulierem consistentem simile cognationi spirituali, ut tantum peccet eam carnaliter cognoscens, ac si esset sua spiritualis filia: & hoc ideo quia maxima familiaritas est inter sacerdotem & consistentem: & ex hoc illa prohibitio est inducta, ut tollatur peccandi occasio.

Ad nonum dicendum, quod pater spiritualis dicitur ad similitudinem patris carnalis. Pater autem corporalis, ut dicit Philosophus in VIII. Ethic. (cap. xi. & xii. vel xiii. & xiv.) tria dat, esse, nutrimentum, & instructionem: & ideo spiritualis pater aliquis alicuius dicitur ratione alicuius horum trium. Tamen ex hoc quod est spiritualis pater, non habet cognationem spirituales, nisi conveniat cum patre quantum ad generationem, per quam est esse. Et sic etiam potest solvi octavum quod præcessit.

### ARTICULUS III.

*Utrum cognatio spiritualis contrahatur inter suscipientem sacramentum baptismi & levantem de sacro fonte.*

1. **A**D tertium sic proceditur. Videtur quod cognatio spiritualis non contrahatur inter suscipientem, sacramentum baptismi & levantem de sacro fonte. Quia in generatione carnali contrahitur propinquitas solum ex parte eius cuius semine generatur proles, non autem ex parte eius qui puerum natum suscepit. Ergo nec spiritualis cognatio contrahitur inter eum qui suscipit de sacro fonte, & eum qui suscipitur.

2. Præterea. Ille qui in sacro fonte levatur, *anadocur* a Dionysio dicitur (de eccl.

Hierarch. cap. ii. part. 2.) & ad eius officium spectat puerum instruere. Sed instructio non est sufficiens causa spiritualis cognationis, sicut dictum est. Ergo nulla cognatio contrahitur inter eum & illum qui de sacro fonte levatur.

3. Præterea. Potest contingere quod aliquis levet aliquem de sacro fonte antequam ipse sit baptizatus. Sed ex hoc non contrahitur aliqua spiritualis cognatio: quia ille qui non est baptizatus, non est capax alicuius spiritualitatis. Ergo levare aliquem de sacro fonte non sufficit ad cognationem spirituales contrahendam.

Sed contra est definitio spiritualis cognationis supra inducta, & auctoritates quæ ponuntur in littera.

### QUÆSTIUNCULA II.

1. Ulterius. Videtur quod spiritualis cognatio non transeat a viro in uxorem. Quia spiritualis unio, & corporalis sunt disparatæ, & diversorum generum. Ergo mediante carnali coniunctione, quæ est inter virum & uxorem, non transitur ad spirituales cognationem.

2. Præterea. Magis conveniunt in spirituali generatione, quæ est causa spiritualis cognationis, pater, & mater spiritualis, quam vir qui est pater spiritualis, & uxor. Sed pater, & mater spiritualis nullam ex hoc cognationem spirituales contrahunt. Ergo nec uxor contrahit aliquam cognationem spirituales ex hoc quod vir eius sit pater spiritualis alicuius.

3. Præterea. Potest contingere quod vir est baptizatus, & uxor non est baptizata, sicut quando unus est ab infidelitate conversus sine alterius coniugis conversione. Sed spiritualis cognatio non potest pervenire ad non baptizatum. Ergo non transit semper de viro ad uxorem.

4. Præterea. Vir, & uxor possunt aliquem simul de sacro fonte levare. Si ergo spiritualis cognatio a viro transiret in uxorem, sequeretur quod uterque coniugum esset bis pater, vel mater spiritualis elusum; quod est inconveniens.

Sed contra. Bona spiritualia magis multiplicabilia sunt quam corporalia. Sed consanguinitas corporalis viri transit ad uxorem per affinitatem. Ergo multo magis spiritualis cognatio.

## QUAESTIUNCULA III.

1. Ulterius. Videretur quod non transeat ad filios carnales patris spiritualis. Quia spirituali cognitioni non assignantur gradus. Essent autem gradus, si transiret a patre in filium: quia persona generata mutat gradum, ut supra (dist. xl. quæst. unica art. 2. in corp.) dictum est. Ergo non transit ad filios carnales patris spiritualis.

2. Præterea. Pater eodem gradu attingit filio, & frater fratri. Si ergo spiritualis cognatio transit a patre in filium, eadem ratione transibit a fratre in fratrem; quod falsum est.

Sed contra est quod in littera probatur pari auctoritate.

## SOLUTIO I.

Respondeo dicendum ad primam quæstionem, quod sicut in generatione carnali aliquis nascitur ex patre, & matre; ita in generatione spirituali aliquis renascitur filius Dei sicut patris, & Ecclesie sicut matris. Sicut autem ille qui sacramentum confert, gerit personam Dei, cuius instrumentum, & minister est; ita ille qui baptizatum suscipit de sacro fonte, aut confirmandum tener, gerit personam Ecclesie: unde ad utrumque spiritualis cognatio contrahitur.

Ad primum ergo dicendum, quod non tantum pater ex cuius semine generatur proles, habet cognitionem carnalem ad natum, sed etiam mater, quæ materiam ministrat, & in cuius utero generatur: & ita etiam anadocus qui baptizandum vice totius Ecclesie offert, & suscipit, & confirmandum tener, spirituales cognitionem contrahit.

Ad secundum dicendum, quod non ratione instructionis debet, sed ratione generationis spiritualis, ad quam cooperatur, spiritualis cognitionem contrahit.

Ad tertium dicendum, quod non baptizatus non potest aliquem levare de sacro fonte, cum non sit membrum Ecclesie, cuius typum gerit in baptismo suscipiens; quamvis possit baptizare, quia est creatura Dei, cuius typum gerit baptizans. Nec tamen aliquam cognitionem contrahere spirituales potest: quia est expertus spiritualis virtutis, in quam homo primo per baptismum nascitur.

## SOLUTIO II.

Ad secundam quæstionem dicendum, quod aliquis potest alicuius fieri compater dupliciter. Uno modo per actum alterius qui ba-

ptizat, vel in ipso baptismo suscipit filium eius; & sic cognatio spiritualis non transit a viro in uxorem, nisi forte ille sit filius uxoris: quia tunc uxor directe contrahit cognitionem spirituales, sicut & vir. Alio modo per actum proprium, sicut cum levat filium alterius de sacro fonte; & sic cognatio spiritualis transit ad uxorem quam iam carnaliter cognovit; non autem si nondum sit consummatum matrimonium, quia nondum effecti sunt una caro: & hoc est per modum cuiusdam affinitatis: unde etiam pari ratione videtur transire ad mulierem quæ est carnaliter cognita, quamvis non sit uxor: unde versus:

*Qui mihi, vel cuius mea natum de fonte levavit,*

*Hæc mea commater, fieri mea non valet uxor.*

*Si qua mea natum, non ex me fonte levavit,*

*Hanc post facta mea, non inde veretur habere.*

Ad primum ergo dicendum, quod ex hoc quod sunt diversorum generum unio spiritualis, & corporalis, potest concludi quod una non est altera; non autem quod una non possit esse causa alterius: quia eorum quæ sunt in diversis generibus, unum quandoque est causa alterius vel per se, vel per accedens.

Ad secundum dicendum, quod pater spiritualis, & mater spiritualis eidem non coniunguntur in generatione spirituali nisi per accedens, quia unus ad hoc per se sufficeret: unde non oportet quod ex hac aliqua cognatio spiritualis inter eos nascatur, quin possit esse inter eos matrimonium: unde versus:

*Unus semper erit compatrum spiritualis, Alter carnalis: nec fallit regula talis.*

Sed per matrimonium fit vir & uxor una caro, per se loquendo: & ideo non est simile.

Ad tertium dico, quod si uxor non sit baptizata, non pervenit ad eam spiritualis cognatio propter hoc quod non est capax, non ex hoc quod non possit per matrimonium traduci spiritualis cognatio a viro in uxorem.

Ad quartum dicendum, quod ex quo inter patrem spirituales & matrem non contrahitur aliqua cognatio, nihil prohibet quin vir & uxor simul aliquem de sacro fonte levarent: nec est inconveniens quod uxor ex diversis causis efficiatur bis mater spiritualis eiusdem; sicut & potest esse quod est affinis,

nis, & consanguinea eiusdem per carnalem propinquitatem.

## SOLUTIO III.

Ad tertiam questionem dicendum, quod filius est aliquid patris, & non e converso, ut dicitur in VIII. Ethic. & ideo spiritalis cognatio transit a patre in filium, sed non e converso: & sic patet quod sunt tres spirituales cognationes. Una quæ dicitur spiritalis paternitas, quæ est inter patrem spirituale & filium spirituale. Alia quæ dicitur compaternitas, quæ est inter patrem spirituale & carnalem eiusdem. Tertia autem dicitur spiritalis fraternitas, quæ est inter hunc spirituale & filios carnales eiusdem patris. Et quilibet harum impedit contrahendum matrimonium, & dirimit contractum.

Ad primum ergo dicendum, quod persona addita per carnis propagationem, facit gradum respectu illius personæ quæ eodem genere attinet, non autem respectu eius quæ attinet in alio genere; sicut filius attinet in eodem gradu uxori patris in quo & pater, quamvis alio genere attinentiæ. Spirituales autem cognatio est alterius generis quam carnalis; & ideo non in eodem gradu attinet filius spiritalis filio naturali patris sui spiritalis in quo attinet ei pater eius, quo mediante cognatio spiritalis transit: & ita non oportet quod spiritalis cognatio habeat gradum.

Ad secundum dicendum, quod frater non est aliquid fratris, sicut filius est aliquid patris; sed uxor est aliquid viri, cum qua effecta est unum corpus: & ideo a fratre in fratrem non transit, sive sit genitus ante, sive post fraternitatem spirituale.

## QUAESTIO II.

**D**Einde queritur de cognatione legali, quæ est per adoptionem: & circa hoc queruntur tria.

Primo. De adoptione.

Secundo. Utrum ex adoptione contrahatur aliquod vinculum impediens matrimonium.

Tertio. Inter quas personas contrahatur.

## ARTICULUS I.

*Utrum convenienter adoptio diffiniatur.*

**1.** **A**D primum sic proceditur. Videtur quod inconvenienter adoptio diffiniatur: *Adoptio est extraneæ personæ in filium,*

*vel nepotem, vel deinceps legitima assumptio.* Filius enim debet esse subditus patri. Sed aliquando ille qui adoptatur, non transit in potestatem patris adoptantis. Ergo non semper per adoptionem aliquis in filium assumitur.

2. Præterea. Parentes debent filiis thesaurizare: II. Corinth. xii. Sed pater adoptans non oportet quod semper adoptato thesaurizet: quia quandoque adoptatus non succedit in bona adoptantis. Ergo adoptio non est assumptio alicuius in filium.

3. Præterea. Adoptio per quam aliquis in filium assumitur, simulatur generationi naturali, per quam naturaliter filius producit. Ergo cui competit naturalis generatio filii, competit adoptio: Sed hoc est falsum: quia ille qui non est sui iuris, & qui est minor vigintiquinque annis, & mulier non possunt adoptare, qui tamen possunt naturaliter filium generare. Ergo adoptio non proprie dicitur assumptio alicuius in filium.

4. Præterea. Assumptio extraneæ personæ in filium videtur esse necessaria ad supplendum defectum naturalium filiorum. Sed ille qui non potest generare, ut spado, vel frigidus, maxime patitur defectum in filiis naturalibus. Ergo ei maxime competit assumere in filium aliquem. Sed non competit adoptare ei. Ergo adoptio non est assumptio alicuius in filium.

5. Præterea. In spiritali cognatione, ubi aliquis in filium assumitur sine carnis propagatione, potest indifferenter maior ætate effici pater minoris, & e converso: quia iuvenis potest senem baptizare, & e converso. Si ergo per adoptionem aliquis assumitur in filium sine carnis propagatione, similiter posset indifferenter senior iuniorem, vel iunior seniore adoptare; quod non est verum: & sic idem quod prius.

6. Præterea. Adoptatus non differt secundum aliquem gradum ab adoptante. Ergo quilibet adoptatus adoptatur in filium; & sic inconvenienter dicitur, quod adoptatur in nepotem.

7. Præterea. Adoptatio ex dilectione procedit: unde & Deus dicitur nos per caritatem in filios adoptasse. Sed caritas maior est habenda ad proximum quam ad extraneos. Ergo non debet esse adoptatio extraneæ personæ, sed magis personæ propinquæ.

## SOLUTIO.

Respondeo dicendum, quod ars imitatur naturam, & supplet defectum naturæ in illis.

lis in quibus natura deficit : unde sicut per naturalem generationem aliquis filium producit, ita per ius positivum, quod est ars æqui & boni, potest aliquis sibi assumere aliquem in filium ad similitudinem filii naturalis, & ad supplendum filiorum prædictorum defectum, propter quod præcipue adoptio est introducta. Et quia assumptio importat terminum a quo, propter quod assumptio non est assumptum, ut in III. Lib. dist. v. ( quæst. 1. art. 1. quæstionc. 3. in corp. ) dictum est, oportet quod ille qui assumitur in filium, sit persona extranea. Sicut ergo naturalis generatio habet terminum ad quem, scilicet formam quæ est finis generationis, & terminum a quo, scilicet formam contrariam; ita generatio legalis habet terminum ad quem filium, vel nepotem; terminum a quo, personam extraneam. Et sic patet quod prædicta assignatio comprehendit genus adoptionis, quia dicitur *legitima assumptio*; & terminum a quo, quia dicitur *extraneæ persone*; & terminum ad quem, quia dicitur *in filium, vel nepotem*.

Ad primum ergo dicendum, quod filiatio adoptionis est quædam imitatio filiationis naturalis; & ideo duplex est adoptionis species. Una quæ perfecte imitatur naturalem filiationem, & hæc vocatur *adoptio*, per quam reducit adoptatus in potestatem adoptantis; & sic adoptatus succedit patri adoptanti ex intestato, nec potest eum pater sine culpa privare quarta parte hereditatis. Sic autem adoptari non potest nisi ille qui sui iuris est, qui scilicet postquam adoptatur, non habet potestatem, aut si habet, est emancipatus; & hæc adoptatio non fit nisi auctoritate Principis. Alia est adoptatio quæ imitatur naturalem filiationem imperfecte, quæ vocatur *simplex adoptio*, per quam adoptatus non transit in potestatem adoptantis; unde magis est dispositio quædam ad perfectam adoptionem quam adoptio perfecta: & secundum hanc potest adoptari etiam ille qui non est sui iuris; & sine auctoritate Principis ex auctoritate magistratus: & sic adoptatus non succedit in bonis adoptantis, nec tenetur ei adoptans aliquid de bonis suis in testamento dimittere, nisi velit.

Et per hoc patet solutio ad secundum.

Ad tertium dicendum, quod generatio naturalis ordinatur ad speciem consequendam; & ideo competit omnibus posse naturaliter generare in quibus natura speciei non est

impedita: sed adoptio ordinatur ad hereditatis successionem; & ideo illis solis competit qui habent potestatem disponendi de hereditate sua: unde ille qui non est sui iuris, vel qui est minor vigintiquinque annis, aut mulier non potest adoptare aliquem, nisi ex speciali concessione Principis.

Ad quartum dicendum, quod per eum qui habet impedimentum perpetuum ad generandum, non potest hereditas transire in posterum: unde ex hoc ipso iam debetur illis qui ei succedere debent iure propinquitatis; & ideo ei non competit adoptare, sicut nec naturaliter generare. Et præterea maior est dolor de filiis amissis quam de filiis (a) qui numquam habiti sunt: & ideo habentes impedimentum generationis non indigent solatio contra carentiam filiorum, sicut illi qui habuerunt, & amiserunt; vel etiam qui habere potuerunt, sed aliquo (b) impedimento accidentali careant.

Ad quintum dicendum, quod spiritualis cognatio contrahitur per sacramentum quo fideles renascuntur in Christo, in quo non differt masculus a femina, servus & liber, juvenis, & senex: & ideo indifferenter quilibet potest effici pater spiritualis alterius. Sed adoptio fit per hereditatis successionem, & quædam subiectionem adoptati ad adoptantem. Non est autem convenientius quod antiquior iuveni in cura rei familiaris subdatur: & ideo minor non potest adoptare seniore; sed oportet secundum leges quod adoptatus sit tantum adoptante iunior quod possit eius naturalis esse filius.

Ad sextum dicendum, quod sicut contingit amitti filios, ita & nepotes: & ideo cum adoptatio sit inducenda ad solatium filiorum amissorum, sicut potest aliquis per adoptionem subrogari in locum filii, ita in locum nepotis, & sic deinceps.

Ad septimum dicendum, quod propinquus iure propinquitatis debet succedere; & ideo non competit ei quod per adoptionem ad successionem dedicatur: & si aliquis propinquus cui non competat successio hereditatis adoptetur, non adoptatur in quantum est propinquus, sed in quantum est extraneus a iure successionis in bonis adoptantis.

AR.

( a ) *Al.* qui numquam habentes &c. *intermedia omitti.* ( b ) *Al.* impedimento alicuius. *Nicolaus* & alii ob aliquod impedimentum accidentale.

## ARTICULUS II.

*Utrum ex adoptione contrahatur aliquod vinculum impediens matrimonium.*

1. **A**D secundum sic proceditur. Videtur quod ex adoptione non contrahatur aliquod vinculum impediens matrimonium. Quia cura spiritualis est dignior quam cura corporalis. Sed ex hoc quod aliquis curae alicuius subiicitur spiritualiter, non contrahitur aliquod propinquitatis vinculum; alias omnes qui habitant in parochia, essent propinqui sacerdotis, & cum filio eius non possent contrahere. Ergo nec adoptio, quae trahit adoptatum in curam adoptantis, hoc facere potest.

2. Præterea. Ex hoc quod aliquis alicui fit beneficium, non contrahitur propinquitatis vinculum. Sed nihil aliud est adoptio quam collatio cuiusdam beneficii. Ergo ex adoptione non fit aliquod vinculum propinquitatis.

3. Præterea. Pater naturalis principaliter filio providet in tribus, ut Philoſophus dicit (III. Ethic. cap. xi.) quia scilicet ab ipso habet esse, nutrimentum, & disciplinam: hereditatis autem successio est posterius ad ista. Sed per hoc quod aliquis alicui providet in nutrimento, & disciplina, non contrahitur aliquod propinquitatis vinculum; alias nutriendi, & pedagogi, & magistri essent propinqui; quod falsum est. Ergo nec per adoptionem, per quam aliquis succedit in hereditatem alterius, contrahitur aliqua propinquitatis.

4. Præterea. Sacramenta Ecclesiae non subduntur humanis legibus. Sed matrimonium est sacramentum Ecclesiae. Cum ergo adoptio sit inducta per legem humanam, videtur quod non possit impediri matrimonium per aliquod vinculum ex adoptione contractum.

Sed contra. Cognatio matrimonium impedit. Sed ex adoptione quædam cognatio causatur, scilicet legalis, ut patet per eius distinctionem: est enim cognatio legalis quædam proximitas proveniens ex adoptione. Ergo adoptio causat vinculum per quod matrimonium impeditur.

Præterea. Hoc idem habetur ex auctoritatibus in littera positis.

## SOLUTIO.

Respondendo dicendum, quod lex divina illas personas præcipue a matrimonio excludit quas necesse erat cohabitare, ne, ut Rab-

bi Moyses dicit, si ad eas liceret carnalis copula, facilis pateret concupiscentiae locus; ad quam reprimendam matrimonium effordinatum: & quia filius adoptatus versatur in domo patris adoptantis sicut filius naturalis, ideo legibus humanis prohibitum est inter tales matrimonium contrahi; & talis prohibitio est per Ecclesiam approbata: & inde habetur quod legalis cognatio matrimonium impedit.

Et per hoc patet solutio ad primam triam: quia per omnia illa non inducitur talis cohabitatio quæ possit solum concupiscentiae præstare; & ideo ex eis non causatur propinquitatis quæ matrimonium impedit.

Ad quantum dicendum, quod prohibitio legis humane non sufficeret ad impedimentum matrimonii, nisi interveniret auctoritas Ecclesiae, quæ idem etiam interdicat.

## ARTICULUS III.

*Utrum talis cognatio non contrahatur nisi inter patrem adoptantem & filium adoptatum.*

1. **A**D tertium sic proceditur. Videtur quod talis cognatio non contrahatur nisi inter patrem adoptantem & filium adoptatum. Maxime enim videretur quod deberet contrahi inter patrem adoptantem & matrem naturalem adoptati, sicut accidit in cognatione spirituali. Sed inter tales nulla est cognatio legalis. Ergo nec inter alias personas præter adoptantem, & adoptatum.

2. Præterea. Cognatio impediens matrimonium est perpetuum impedimentum. Sed inter filium adoptatum & filiam naturalem adoptantis non est perpetuum impedimentum: quia soluta adoptione per mortem adoptantis, vel emancipatione adoptati, potest contrahere cum ea. Ergo cum ea non habuit aliquam propinquitatem quæ matrimonium impediret.

3. Præterea. Cognatio spiritualis in nullam personam transit quæ non possit ad aliquod sacramentum tenere, vel suscipere: unde in non baptizatum non transit. Sed mulier non potest adoptare, ut ex dictis patet. Ergo cognatio legalis non transit a viro in uxorem.

4. Præterea. Cognatio spiritualis est fortior quam legalis. Sed spiritualis cognatio non transit in nepotem. Ergo nec legalis.

Sed contra. Plus concordat cognatio legalis



galis cum carnis coniunctione, vel propagatione quam spiritualis. Sed spiritualis transit in alteram personam modis praedictis, ut dictum est. Ergo & legalis.

Præterea. Ad hoc sunt auctoritates quæ in littera ponuntur.

### SOLUTIO.

Respondeo dicendum, quod triplex est legalis cognatio. Prima quasi descendens, quæ contrahitur inter patrem adoptantem & filium adoptatum, & filium filii adoptivi, & nepotem, & sic deinceps. Secunda quæ est inter filium adoptatum & filium naturalem. Tertia per modum cuiusdam affinitatis, quæ est inter patrem adoptantem & uxorem filii adoptati, vel e converso inter filium adoptatum & uxorem patris adoptantis. Prima ergo cognatio, & tertia perpetuo matrimonium impediunt; secunda autem non nisi quamdiu in potestate manet patris adoptantis: unde mortuo patre, vel filio emancipato potest contrahi inter eos matrimonium.

Ad primum ergo dicendum, quod per generationem spirituales non trahitur filius extra potestatem patris, sicut fit per adoptionem: & sic filius spiritualis manet filius utriusque simul, non autem filius adoptivus: & ideo non contrahitur aliqua propinquitates inter patrem adoptantem & matrem, vel patrem naturalem, sicut erat in cognatione spirituali.

Ad secundum dicendum, quod cognatio legalis impedit matrimonium propter cohabitationem: & ideo quando solvitur necessitas cohabitationis, non est inconveniens, si praedictum vinculum non maneat, sicut quando fuerit extra potestatem eiusdem patris. Sed pater adoptans, & uxor eius semper quandam auctoritatem retinent super filium adoptatum, & uxorem eius; & propter hoc vinculum manet inter eos.

Ad tertium dicendum, quod etiam mulier ex concessione Principis adoptare potest: unde etiam in ipsam potest transire cognatio legalis. (a) Et præterea causa quare cognatio spiritualis non transit in non baptizatum, non est quia non potest tenere ad sacramentum, sed quia non est alicuius spiritualitatis capax.

Ad quartum dicendum, quod per cognationem spirituales filius non ponitur in potestate, & cura patris spiritualis, sicut in cognatione legali. Oportet enim quod quid-

quid est in potestate filii, transeat in potestatem patris adoptantis: unde adoptato patre adoptantur filii, & nepotes, qui sunt in potestate adoptati.

### QUAESTIO III.

**D**Eiode queritur de secundis nuptiis: & circa hoc queruntur duo.

Primo. Utrum sint licitæ.

Secundo. Utrum sint sacramentales.

### ARTICULUS I.

*Utrum secundæ nuptiæ sint licitæ.*

1. **A**D primum sic proceditur. Videtur quod secundæ nuptiæ non sint licitæ. Quia indicium de re debet esse secundum veritatem. Dicit enim Chrysostomus (Auctor oper. imperf. in Matth. hom. xxi.) quod secundum virum accipere, secundum veritatem est fornicatio: quæ non est licita. Ergo nec secundum matrimonium.

2. Præterea. Omne quod non est bonum, non est licitum. Sed Ambrosius dicit (tracl. de viduis) quod duplex matrimonium non est bonum. Ergo non est licitum.

3. Præterea. Nullus acceri debet ne intersit illis quæ sunt honesta, & licita. Sed sacerdotes accerentur ne intersint secundis nuptiis, ut in littera patet. Ergo non sunt licitæ.

4. Præterea. Nullus reportat poenam nisi pro culpa. Sed pro secundis nuptiis aliquis reportat irregularitatis poenam. Ergo non sunt licitæ.

Sed contra est quod Abraham legitur secundas nuptias contraxisse: Gen. xxv.

Præterea. 1. Tim. v. 14. dicit Apostolus *Volo autem iuniores, scilicet viduas, nubere, filios pro creare*. Ergo secundæ nuptiæ sunt licitæ.

### SOLUTIO.

Respondeo dicendum, quod vinculum matrimoniale non durat nisi usque ad mortem, ut patet Rom. vii. & ideo moriente altero coniugum vinculum matrimoniale cessat. Unde propter præcedens matrimonium non impeditur aliquis a secundo, mortuo coniuge; & sic non solum secundæ, sed tertiz, & sic deinceps nuptiæ sunt licitæ.

Ad primum ergo dicendum, quod Chrysostomus loquitur quantum ad causam quæ aliquando solet ad secundas nuptias incitare,

(a) *Ad.* Et præterea non est causa quare cognatio spiritualis non transit in baptizatum, non quia &c.

te, scilicet concupiscentiam, quæ etiam ad fornicationem incitat.

Ad secundum dicendum, quod matrimonium secundum dicitur non esse bonum, non quia sit illicitum, sed quia caret illo honore significationis qui est in primis nuptiis, ut sit una unius, sicut est in Christo & Ecclesia.

Ad tertium dicendum, quod homines divinis dediti non solum ab illicitis, sed etiam ab illis quæ habent aliquam turpitudinis speciem arcentur: & ideo etiam arcentur a secundis nuptiis, quæ carent honestate quæ erat in primis.

Ad quartum dicendum, quod irregularitas, sicut supra dictum est dist. xxix. (quæst. 111. art. 1.) non semper inducitur propter culpam, sed propter defectum sacramenti: & ideo ratio non est ad propositum.

## ARTICULUS II.

*Utrum secundum matrimonium sit sacramentum.*

1. **A**D secundum sic proceditur. Videtur quod secundum matrimonium non sit sacramentum. Qui enim iterat sacramentum, facit ei iniuriam. Sed nulli sacramento facienda est iniuria. Ergo si secundum matrimonium esset sacramentum, nullo modo esset iterandum.

2. Præterea. In omni sacramento adhibetur aliqua benedictio. Sed in secundis nuptiis non adhibetur, ut in littera dicitur. Ergo non fit ibi aliquod sacramentum.

3. Præterea. Significatio est de essentia sacramenti. Sed in secundo matrimonio non salvatur significatio matrimonii: quia non est una unius, sicut Christus & Ecclesia. Ergo non est sacramentum.

4. Præterea. Unum sacramentum non impedit a susceptione alterius. Sed secundum matrimonium impedit a susceptione ordinis. Ergo non est sacramentum.

Sed contra. Cœtus in secundis nuptiis excusatur a peccato, sicut etiam in primis. Sed per tria bona coniugii excusatur matrimonialis cœtus, quæ sunt fides, proles, & sacramentum. Ergo secundum matrimonium est sacramentum.

Præterea. Ex secunda coniunctione viri ad mulierem non sacramentali, non contrahitur irregularitas, sicut patet de fornicatione. Sed in secundis nuptiis contrahitur irregularitas. Ergo sunt sacramentales.

S. Tb. Oper. Tem. XIII.

(a) - 4. Uterius dicendum.

Respondeo (a) dicendum, quod ubicumque inveniuntur illa quæ sunt de essentia sacramenti, illud est verum sacramentum: unde cum in secundis nuptiis inveniatur omnia quæ sunt de essentia sacramenti, quia debita materia quam facit personarum legitimitas, & debita forma, scilicet expressio consensus interioris per verba; constat etiam quod secundum matrimonium est sacramentum sicut primum.

Ad primum ergo dicendum, quod hoc intelligitur de sacramento quod inducit effectum perpetuum: tunc enim si iteratur sacramentum, datur intelligi quod primum non fuit efficax, & sic fit primo iniuria, sicut patet in omnibus sacramentis quæ impræmunt characterem. Sed illa sacramenta quæ habent effectum non perpetuum, possunt iterari sine iniuria sacramenti, sicut patet de poenitentia. Et quia vinculum matrimoniale tollitur per mortem, nulla fit iniuria sacramento, si mulier post mortem viri iterato nubat.

Ad secundum dicendum, quod secundum matrimonium quamvis in se consideratum sit perfectum sacramentum, tamen in ordine ad primum consideratum habet aliquid de defectu sacramenti, quia non habet plenam significationem, cum non sit una unius, sicut est in matrimonio Christi & Ecclesie: & ratione huius defectus benedictio a secundis nuptiis subtrahitur. Sed hoc est intelligendum, quando secunda nuptiæ sunt secundæ & ex parte viri, & ex parte mulieris, vel ex parte mulieris tantum. Si enim virgo contrahat cum illo qui habuit aliam uxorem, nihilominus nuptiæ benedicuntur: salvatur enim aliquo modo significatio etiam in ordine ad primas nuptias: quia Christus, etsi unam Ecclesiam sponsam habeat, habet tamen plures personas desponsatas in una Ecclesia; sed anima non potest esse sponsa alterius quam Christi, quia cum demone fornicatur, nec est ibi matrimonium spirituale: & propter hoc quando mulier secundum nubit, nuptiæ non benedicuntur propter defectum sacramenti.

Ad tertium dicendum, quod significatio perfecta invenitur in secundo matrimonio secundum se considerato, non autem si consideretur in ordine ad præcedens matrimonium; & sic habet defectum sacramenti.

Ad quartum dicendum, quod secundum matrimonium impedit sacramentum ordinis

M m quan-

quantum ad id quod habet de defectu sacramenti, & non in quantum est sacramentum.

### EXPOSITIO TEXTUS.

**O**Mnes quos in penitentia accipimus, ita nostri filii sunt ut in baptismo suscepti: non ratione alicuius cognationis, sed propter periculum evitandum, ut dictum est.

Paschalis vero secundus post copulationem penitus copulari prohibet. Illa prohibitio nunc locum non habet, magis enim fuit propter quamdam honestatem quam propter aliquod vinculum.

Si quis suæ spiritualis commatris filiam fornicato ..... duxerit, matrisori servato consilio

habeat. Hoc ideo dicitur, quia spiritualis cognatio ad filium spirituales transit a patre in filium naturalem, quia omnes filii naturales spiritualis patris sunt ei fratres spirituales; non autem respectu patris: patri enim spirituali non sunt filii spirituales filii naturales matris, nec e converso.

Quia vero piaculare flagitium commisit qui duabus commatribus, vel sororibus nupsit, magis penitentia debet ei iniungi. Hoc est intelligendum, quando una illarum est facta commater alteri, postquam uxor eius est matrimonio consummato, & per actum proprium: alias enim prohibetur, ut dictum est.

## DISTINCTIO XLIII.

*De resurrectionis, & iudicii conditione.*

**P**ostremo de conditione resurrectionis, & modo resurgentium, nec non & de iudicii, & misericordiae qualitate breviter differendum est. Omnibus quæstionibus quæ de hac re moveri solent, satisfacere non valeo: resurrectionem tamen carnem omnium quicumque nati sunt, atque nascuntur, & mortui sunt, & morientur, nullatenus ambigere debet Christianus. Ait enim Isaias (cap. xxvi. 19.), Resurgent mortui, & resurgent qui erant in sepulchris: (1.) & Apostolus (1. Thess. iv. 12.) „Nolumus vos ignorare, fratres, de dormientibus, ut non contristemini, sicut & ceteri qui spem non habent (scilicet resurrectionis.) Hoc enim vobis dicimus in verbo Domini, quia nos qui vivimus, qui residui sumus, non præveniemus eos qui dormierunt: quoniam ipse Dominus in iussu, & in voce Archangelorum, & in tuba Dei descendet de cælo, & mortui qui in Christo sunt, resurgent primi. Deinde nos qui vivimus, qui relinquimur, simul rapiemur cum illis in nubibus obviam Christo in aera; & sic semper cum Domino erimus.“ His verbis & veritas resurrectionis, & causa, atque ordo resurgentium præclarissime insinuatur.

*De voce tubæ.*

**C**ausa enim resurrectionis mortuorum erit vox tubæ, quæ in adventu iudicis ab omnibus audietur, & cuius virtute excitabuntur mortui, & de monumentis resurgent. Unde Propheta (Psal. lxxv. 34.) „Dabit voci suæ vocem virtutis, id est effectum resuscitandi mortuos. Et Ioannes Evangelista (cap. v. 28.) „Venit hora in qua omnes qui in monumentis sunt, audient vocem Filii Dei: & procedent qui bona secerunt, in resurrectionem vitæ; qui vero mala egerunt, in resurrectionem iudicii.“ Si vero quæritur, cuius, vel qualis erit vox illa, Apostolus dicit, quod erit Archangeli, id est ipsius Christi, qui est Princeps Angelorum. Vel vox erit alicuius, vel plurium Angelorum. Eademque dicitur tuba, quia erit manifesta; & novissima, quia post eam non erit alia. Hæc tuba, ut ait Augustinus (epistola cxx. ad Honoratum cap. xxxiv.) est clamor de quo dicitur in Evangelio (Matth. xxv. 6.) „Media nocte clamor fuit: ecce sponsus venit,

» exite

(1.) Iuxta Septuaginta, ubi Vulgata: Vivent mortui tui, interfecti mei resurgent.

„exite obviam ei. “ Tubæ nomine aliquid evidens, & præclarum signum intelligitur; quod vox Archangeli, & tuba Dei ab Apostolo dicitur; & in Evangelio vox Filii Dei, & clamor appellatur: quod signum mortui audient, & resurgent.

*De media nocte.*

**M**edia autem nocte dicitur venturus, ut ait Augustinus (ubi supra) non pro hora temporis, sed quia tunc veniet, cum non speratur. Media ergo nocte, scilicet cum valde obscurum erit, idest occultum, veniet: dies enim Domini sicut fur in nocte, ita veniet. Potest tamen non incongrue intelligi mediæ noctis tempore venturus: quia, ut ait Cassiodorus (super Psalm. cxviii.) hoc tempore primogenita Aegypti percussa sunt (Exod. xii.) quando etiam sponsus venturus est. Pluribus etiam locis contestantur auctores, quod adventus Christi dicitur dies Domini, non pro qualitate temporis, sed rerum: quia tunc cogitationes, & consilia singulorum parebunt. Unde in Daniele (cap. vii. 9.) „Vestitus (1) dierum sedit, & libri aperti sunt coram eo. “ Libri sunt conscientiarum singulorum, quæ tunc aperientur eis, vel aliis: & tunc implebitur: „Nihil occultum quod non reveletur. “ (Matt. x. 26.) Adveniente autem summo iudice, non solum aeris tenebræ illuminabuntur, sed abscondita cordium manifestabuntur. Virtute ergo divina fiet ut cuique opera sua bona, vel mala cuncta in memoriam revocetur, & mentis intuitu mira celeritate cernantur, ut accuset, vel excuset hominem conscientia, eaque teste damnetur, vel salvetur.

*De memoria electorum, si tunc præcedentia mala teneat.*

**H**ic quaeritur, utrum electis tunc adsit memoria præcedentium malorum, sicut bonorum. Quædam auctoritates videntur tradere, bonos non habituros tunc memoriam præcedentium malorum, idest peccatorum, vel tormentorum. Ait enim Isaias (cap. xxxv. 17.) „Ego creo caelos novos, & terram novam: & non erunt „in memoria priora, & non ascendent super eor; sed gaudebitis in æternum. “ Item (ibid. 16.) „Oblivioni traditæ sunt angustiarum priores, & absconditæ ab oculis nostris. “ Quæ de futuro exponens Hieronymus ait: „Oblivioni tradentur „priora mala, quia forsitan in futuro pristinae conversationis memoria omnino delebitur, succedentibus bonis æternis, ne sit pars malorum prioris angustiarum memoria, rari. “ Sed hæc, & similia possunt accipi sic ut non excludant memoriam præcedentium malorum, sed ex ea molestiam, & læsionem amoveant. Non enim eorum memoria sanctos contristabit, vel eorum beatitudinem obscurabit, sed gratiores Deo reddet. Unde super Psalm. lxxxviii. ait Gregorius: „Quomodo in æternum misericordias Domini canit qui miseriarum non meminit? Quomodo autem plena beatitudo, si memoria reatus mentem tangit? Sed sæpe læti tristitiam meminimus, & saltem, ni dolorum meminimus sine dolore, & inde amplius læti, & grati sumus. “ Ex his apparet quod si priorum malorum memoriam sancti habebunt in futuro, non eis tamen erit ad poenam, vel gloriæ derogationem, sed ad gratiarum actionem. Si vero quaeritur, utrum peccata quæ fecerunt electi, prodeant tunc in noxam omnium, sicut mala damnandorum omnibus erunt nota; non legi hoc expressum in Scriptura. Unde non irrationabiliter putari potest, peccata hic per poenitentiam testata, & deleta, illic etiam tegi aliis; alia vero cunctis propalari.

(1) Vestitus: Antiquus dierum.

EX EDIT. P. NICOLAI. Nempe in Glossa super illud, *Misericordias Domini in æternum cantabo*, ubi nomine Cassiodori refertur, sed ex Gregorio sumptum est Lib. IV. Moral. cap. xxxii.

*De his qui vivi reperientur.*

**Q**Uæri solet, utrum illi quos vivos inveniet Christus, numquam omnino morituri sint, an ipso temporis puncto quo rapiuntur obviam Christo, ad immortalitatem mira celeritate sint transituri. Non enim dicendum est fieri non posse ut dum per aerem in sublime portantur in illo spatio & moriantur, & reviviscant. Ad hunc autem sensum quo æstimemus illos in parvo spatio & passuros mortem, & accepturos immortalitatem, Apostolus [nos] urgere videtur ubi dicit ( 1. Corinth. xv. 21. ) „ Omnes in Christo vivificabuntur : ( 1 ) & alibi ( ibid. 36. ) „ Quod „ seminas non vivificatur, nisi prius moriatur. „ Cur autem nobis incredibile videatur illam multitudinem corporum in aere quodammodo seminari, atque ibi protinus immortaliter, & incorruptibiliter reviviscere, cum credamus in ictu oculi futuram resurrectionem, & ( 2 ) in membra sine fine victura, tanta velocitate redituro antiquissimorum cadaverum pulverem? Sed vellem de his potius audire doctiores. Si ergo sanctos qui reperientur Christo veniente viventes, eique obviam rapiuntur, crediderimus in eodem raptu de mortalibus corporibus exituros, & ad eadem mox immortalia redituros; nullas in verbis Apostoli patiemur angustias, generaliter accipientes illud quod dictum est ( 1. Corinth. xv. 41. ) „ Omnes quidem resurgemus „ ( scilicet tam boni quam mali ) sed non omnes immutabimur, „ scilicet in solemnitate resurrectionis. De hoc etiam Ambrosius ( Ambrosiaster in 1. Thes. iv. ) ait: „ In ipso raptu eorum qui vivi reperientur, mors erit, & resurrectio, ubi animæ quasi per soporem egressæ de corpore, eidem in momento ( 3 ) reddetur. „ E contra vero scribens ad Marcellam Hieronymus testari videtur, dicens, quosdam in fine sæculi adveniente Christo non esse morituros, sed vivos repositos in immortalitatem repente mutandos. Horum autem quod verius sit, non est humani iudicii diffinire.

*Quomodo intelligitur Christus iudex vivorum, & mortuorum.*

**H**is autem adiciendum est, dupliciter intelligi quod dicitur: Christus iudicaturus est vivos, & mortuos. Aut enim vivi accipiuntur qui in adventu eius vivi reperientur, licet in raptu moriantur, & mortui qui ante decesserant; vel vivi, & mortui quædam accipiuntur iusti, & iniusti.

*Quomodo omnes incorrupti.*

**C**umque ex prædictis sane credi valeat omnes resurrecturos, credendum est etiam quod omnes resurgent incorrupti, non utique impassibiles, quia mortem patientur æternam; sed sine diminutione membrorum omnia humani corporis habituri membra, nec tamen gloria, ac ( 4 ) spe impassibilitatis induentur.

#### DIVISIO TEXTUS.

**P**ostquam determinavit Magister de sacramentis quæ pertinent ad Ecclesiæ præsentem statum, in parte ista incipit determinare de his quæ pertinent ad Ecclesiæ ultimum terminum, scilicet de resurrectione, & de remuneratione. Dividitur ergo hæc pars in duas. In prima parte determinat ea quæ pertinent ad corporum resurrectionem; in secunda ea quæ pertinent ad remunerationem, ad quam etiam resurrectio

ordinatur, xlv. dist. ibi, *Præterea sciendum est, quod omnes anima ( ut ait Augustinus ) cum de hoc sæculo exierint, diversus habent receptiones. Prima in duas. In prima determinat de resurrectione, & circumstantiis eius; in secunda de qualitate resurgendum, xlv. dist. ibi, Solent autem percentari, & querere, an in eadem ætate, & statura corporis omnes resurascant sunt. Prima in duas. In prima probat resurrectionem futuram esse. In secunda determinat quasdam resurrectionis circumstantias, ibi, Causa enim resurrectionis mor-*

( 1 ) Nihil & ibidem. ( 2 ) Al. in memoria. ( 3 ) Al. redditor. ( 4 ) Parte Specie.

*mortuorum erit vox tubæ . Et circa hoc tria facit . Primo determinat resurrectionis causam ; secundo tempus , ibi , Media autem nocte dicitur venturus ; tertio resurrectionis terminum ibi , Quæri solet , utrum illi quos vivos inveniet Christus , nunquam omnino morituri sunt &c . Circa secundum duo facit . Primo determinat resurrectionis tempus . Secundo ex dictis movet quamdam dubitationem , ibi , Hic quaeritur , utrum electis tunc ad sit memoria præcedentium malorum . Tertia etiam pars dividitur in duas . In prima determinat terminum resurrectionis a quo , scilicet a morte ; secundo terminum ad quem , scilicet integritatem corporis , ibi , Cumque ex prædictis sumo credi valeat , omnes resurrectionis , credendum est etiam quod omnes resurgent incorrupti , non utique impassibiles . Circa primum duo facit . Primo inquit , utrum omnes moriantur , ut a morte resurgere possint . Secundo explanat quoddam quod circa determinata dubium esse posset , ibi , His autem addicendum est .*

## QUÆSTIO I.

**H**ic quaeruntur quinque .

Primo . De ipsa resurrectione .

Secundo . De causa eius .

Tertio . De tempore .

Quarto . De termino a quo erit resurrectio , quia de termino ad quem in sequenti dicetur .

Quinto . De memoria , & cognitione resurgentium .

## ARTICULUS I.

*Utrum corporum resurrectio sit futura .*

*II. cont. Gent. cap. lxxix. lxxx. & lxxxi. Q. I. Corinth. xv. lect. vii.*

1. **A**D primum sic proceditur . Videtur quod corporum resurrectio non sit futura . Iob xiv. 12. *Homo , cum dormierit , non resurget , donec atteratur celum .* Sed celum nunquam atteretur : quia tertia , de qua minus videtur , in æternum stat , ut patet Eccle. 1. Ergo homo mortuus nunquam resurget .

2. Præterea , Dominus Matth. xxi. 32. probat resurrectionem per auctoritatem illam , *Ego sum Deus Abraham , Deus Isaac , Deus Iacob :* quia non est Deus mortuorum , sed viventium . Sed constat quod quando illa verba dicebantur , Abraham , Isaac , & Iacob

non vivebant corpore , sed solum anima . Ergo resurrectio non erit corporum , sed solum animarum .

3. Præterea . Apostolus I. Corinth. xv. videtur probare resurrectionem ex remuneratione laborum quos in hac vita sustinent sancti ; qui si in hac vita tantum confidentes essent , miserabiliores essent omnibus hominibus . Sed sufficiens remuneratio omnium laborum hominis potest esse in anima tantum : non enim oportet quod instrumentum simul cum operante remuneretur : corpus enim animæ instrumentum est , unde etiam in purgatorio ubi animæ puniuntur pro his quæ gesserunt in corpore , anima sine corpore puniuntur . Ergo non oportet ponere resurrectionem corporum , sed sufficit ponere resurrectionem animarum , quæ est dum transferuntur de morte culpæ , & miseriæ in vitam gratiæ , & gloriæ .

4. Præterea . Ultimum rei est perfectissimum in re , quia per illud attingit finem suum . Sed perfectissimus status animæ est ut sit a corpore separata : quia in hoc statu conformior est Deo , & Angelis , & magis pura , quasi separata ab omni extranea natura . Ergo separatio a corpore est ultimus status eius ; & ita ex hoc statu non redit ad corpus , sicut nec ex viro fit puer .

5. Præterea . Mors corporalis in poenam homini est inflicta pro prima pravariatione , ut patet Genes. 3. sicut & mors spiritalis , quæ est separatio animæ a Deo , est inflicta homini pro peccato mortali . Sed de morte spiritali nunquam redeunt ad vitam post sententiam damnationis acceptam . Ergo nec de morte corporali ad vitam corporalem erit regressus ; & sic resurrectio non erit .

Sed contra est quod dicitur Iob xix. 25. *Scio quod redemptor meus vivit , & in novissimo die de terra surrecturus sum , & circumdabor pelle mea .* Ergo resurrectio erit etiam corporum .

Præterea . Donum Christi est maius quam peccatum Adæ , ut patet Rom. v. Sed mors per peccatum introducta est : quia si peccatum non fuisset , mors nulla esset . Ergo per donum Christi a morte reparabitur ad vitam .

Præterea . Membra debent esse corpori conformia . Sed caput nostrum vivit , & in æternum vivet in corpore , & anima : quia *resurgens ex mortuis iam non moritur* , ut patet Rom. vi. 9. Ergo & homines , qui sunt eius membra , vivent in corpore , & anima , & sic oportet carnis resurrectionem esse .

QUÆSTIO

## QUAESTIUNCULA H.

1. Ulterius. Videtur quod resurrectio non erit omnium generaliter. In Psalmo enim 1. 2. dicitur: *Non resurgunt impii in iudicio.* Sed resurrectio non erit hominum nisi tempore iudicii universalis. Ergo impii nullo modo resurgent.

2. Præterea. Daniel. xii. 2. dicitur: *Muli de his qui dormiunt in pulvere, evigilabunt.* Sed hæc locutio quamdam (a) partitionem importat. Ergo non omnes resurgent.

3. Præterea. Per resurrectionem homines conformantur Christo resurgenti: unde I. Corinth. xv. concludit Apostolus, quod si Christus resurrexit, & nos resurgemus. Sed illi soli debent Christo resurgenti conformari qui ipsius imaginem portaverunt, quod est solum bonorum. Ergo ipsi soli resurgent.

4. Præterea. Pœna non dimittitur nisi ablata culpa. Sed mors corporalis est pœna originalis peccati. Ergo cum non (b) omnibus sit dimissum originale peccatum, non omnes resurgent.

5. Præterea. Sicut per gratiam Christi renascimur, ita per gratiam eius resurgemus. Sed illi qui in matris uteris moriuntur, numquam poterunt renasci. Ergo nec resurgere poterunt; & sic non omnes resurgent.

Sed contra est quod dicitur Ioan. v. 28. *Omnes qui in monumentis sunt, audient vocem Filii Dei, & qui audierint, vivent.* Ergo omnes mortui resurgent.

Præterea. I. Corinth. xv. 51. dicitur: *Omnes quidem resurgemus.*

Præterea. Resurrectio ad hoc necessaria est, ut resurgentes recipiant pro meritis pœnam, vel præmium. Sed omnibus debetur pœna, vel præmium pro merito proprio, sicut adultis, vel alieno, sicut parvulis. Ergo omnes resurgent.

## QUAESTIUNCULA III.

1. Ulterius. Videtur quod resurrectio sit naturalis. Quia, sicut dicit Damascenus in III. Lib. (de Fide orthod. cap. vii.) *quod communiter in omnibus respicitur, naturam caracterizat in his que sub ipsa sunt notis.* Sed resurrectio in omnibus communiter invenitur. Ergo est naturalis.

2. Præterea. Gregorius dicit (XIV. Moral. cap. xiv.) *Qui resurrectionis fidem ex obedientia non tenent, certe hanc ex ratione tenent.*

(a) *M.* participationem. (b) *M.* omne.

*debeant.* Quid enim quotidie nisi resurrectionem nostram mundus in elementis suis imitatur? Et ponit exemplum de luce, quæ quasi moriendo oculis subtrahitur, & rursus quasi resurgendo revocatur; & de arboribus, quæ viriditatem amittunt, & rursus quasi resurgentia reparantur; & de seminibus, quæ putrescendo moriuntur, & rursum germinando quodammodo resurgunt: quod etiam exemplum Apostolus ponit I. Corinth. xv. Sed nihil potest ex naturalibus operibus ratione cognosci nisi naturale. Ergo resurrectio erit naturalis.

3. Præterea. Illa quæ sunt præter naturam, non multo tempore manent, quia sunt quasi violenta. Sed vita quæ per resurrectionem reparatur, in æternum manebit. Ergo resurrectio erit naturalis.

4. Præterea. Illud ad quod tota naturæ expectatio intendit, maxime videtur esse naturale. Sed resurrectio, & glorificatio sanctorum est huiusmodi, ut patet Rom. viii. Ergo resurrectio erit naturalis.

5. Præterea. Resurrectio est motus quidam ad perpetuam conjunctionem animæ & corporis. Sed motus est naturalis qui terminatur ad quietem naturalem, ut patet in V. Physic. (text. ix. & deinceps.) Perpetua autem conjunctio animæ & corporis erit naturalis: quia cum anima sit proprius motor corporis, habet sibi corpus proportionatum; & ita in perpetuum est naturaliter vivificabile ab ipsa, sicut ipsa in perpetuum vivit. Ergo resurrectio erit naturalis.

Sed contra. A privatione in habitum non fit regressus secundum naturam. Sed mors est privatio vite. Ergo resurrectio, per quam est reditus de morte ad vitam, non est naturalis.

Præterea. Ea quæ sunt unius speciei, unum habent determinatum modum originis: unde animalia quæ generantur ex putrefactione, & ex semine, numquam sunt unius speciei, ut dicitur a Commentatore in VIII. Physic. (comm. xlv.) Sed naturalis modus quo homo oritur, est generatio eius ex simili in specie, quod non erit in resurrectione: quare non est naturalis.

## SOLUTIO I.

Respondeo dicendum ad primam questionem, quod secundum diversas sententias de ultimo fine hominis diversitate sunt sententiarum ponentium, vel negantium resurrectionem. Ultimus enim finis hominis quem omnes

omnes homines naturaliter desiderant, est beatus: quam quidam homini posse provenire in hac vita posuerunt: unde non cogebantur ponere aliam vitam post istam, in qua homo ultimam suam perfectionem consequeretur; & sic resurrectionem negabant. Sed hanc opinionem satis probabiliter excludit varietas fortunæ, & infirmitas humani corporis, scientiæ, & virtutis imperfectio, & instabilitas, quibus omnibus beatitudinis perfectio impeditur, ut Augustinus prosequitur in fine de Civ. Dei. Et idealiter posuerunt aliam vitam esse post hanc vitam, in quantum homo secundum animam tantum vivebat post mortem: & hanc vitam ponebant sufficere ad naturale desiderium implendum de beatitudine consequenda. Unde Porphyrius dicebat, ut Augustinus dicit in Lib. de Civ. Dei (XXII. cap. xxvi.) quod animæ, ad hoc quod beata sit, omne corpus fugiendum est: unde tales resurrectionem non ponebant. Huiusmodi autem opinionis apud diversos diversa erant falsa fundamenta. Quidam enim hæretici posuerunt omnia corporalia esse a malo principio, spiritualia vero a bono: & secundum hoc oportebat quod anima summe perfecta non esset, nisi a corpore separata, per quod a suo principio distrahatur, cuius participatio ipsam beatam facit: & ideo omnes hæreticorum sectæ quæ ponunt corporalia a diabolo esse creata, vel formata, negant corporum resurrectionem. Huiusmodi autem fundamenti falsitas in secundi Libri principio ostensa est. Quidam vero posuerunt totam hominis naturam in anima consistere, ita ut anima corpore uteretur sicut instrumento, aut sicut nauta navi: unde secundum hanc opinionem sequitur quod sola anima beatificata naturali desiderio beatitudinis non frustraretur; & sic non oportet ponere resurrectionem. Sed hoc fundamentum sufficienter Philosophus in II. de Anima (text. vii. & xxiv.) destruit, ostendens animam corpori sicut formam materiæ uniri. Et sic patet quod si in hac vita homo non potest esse beatus, necesse est resurrectionem ponere.

Ad primum ergo dicendum, quod cælum numquam atteritur quantum ad substantiam, sed atteritur quantum ad effectum virtutis, per quam movet ad generationem, & corruptionem inferiorum, ratione cuius dicit Apostolus I. Corinth. vii. 31. *Præter figuram huius mundi.*

Ad secundum dicendum, quod anima Abraham non est, proprie loquendo, ipse A-

braham, sed est pars eius; & sic de aliis: unde vita animæ Abraham non sufficeret ad hoc quod Abraham sit vivens, vel quod Deus Abraham sit Deus viventis; sed exigitur vita totius coniuncti, scilicet animæ, & corporis: quæ quidem vita quamvis non esset actu quando verba proponebantur, erat tamen in ordine utriusque partis ad resurrectionem. Unde Dominus per verba illa subtilissime, & efficaciter probat resurrectionem.

Ad tertium dicendum, quod anima non comparatur ad corpus solum ut operans ad instrumentum quo operatur, sed etiam ut forma ad materiam: unde operatio est coniuncti, & non tantum animæ, ut patet per Philosophum in I. de Anima (text. com. xii. xiv. & xvi.) Et quia operanti debetur operis merces, oportet quod ipse homo compositus ex anima & corpore operis sui mercedem accipiat. Venialia autem sciti dicunt peccata quasi disponentia ad peccandum, non quod simpliciter habeant, & perfecte rationem peccati; ita pœna quæ eis redditur in purgatorio, non est simpliciter retributio, sed magis purgatio quædam, quæ seorsum fit in corpore per mortem, & incinerationem, & in anima per purgatorium ignem.

Ad quartum dicendum, quod ceteris paribus perfectior est status animæ in corpore quam extra corpus, quia est pars totius compositi, & omnis pars integralis materialis est respectu totius; quamvis sit Deo conformior secundum quid. Tunc enim, simpliciter loquendo, est aliquid maxime Deo conforme quando habet quiddam suæ naturæ conditio requirit, quia tunc perfectionem divinam maxime imitatur: unde cor animalis magis est conforme Deo in mobili quando movetur quam quando quiescit, quia perfectio cordis est etiam moveri, & eius quies est eius destructio.

Ad quintum dicendum, quod mors corporalis introducta est per peccatum Adæ, quod est morte Christi deletum: unde pœna illa non manet in perpetuum. Sed peccatum mortale, quod mortem æternam per impenitentiam inducit, ultra non expiabitur: & ideo mors illa æterna erit.

### SOLUTIO II.

Ad secundam questionem dicendum, quod ea quorum ratio sumitur ex natura speciei, oportet similiter inveniri in omnibus quæ sunt speciei eiusdem. Talis autem est resurrectio: hæc enim est eius ratio, ut ex di-



his patet, quod anima in perfectione ultima speciei humanæ esse non potest a corpore separata: unde nulla anima in perpetuum remanebit a corpore separata: & ideo necesse est, sicut unum, ita omnes resurgere.

Ad primum ergo dicendum, quod Psalmista loquitur de spirituali resurrectione, qua impii non resurgent in iudicio discussionis conscientiarum, ut Glossa exponit. Vel loquitur de impiis qui sunt omnino infideles, qui non resurgent ut iudicentur, iam enim iudicati sunt.

Ad secundum dicendum, quod Augustinus (de Civ. Dei Lib. XX. cap. xxiii.) exponit, *multi*, id est omnes; & hic modus loquendi frequenter invenitur in sacra Scriptura. Vel perditio potest intelligi quantum ad peccatos damnatos, qui quamvis resurgant, non proprie dicuntur evigilare, cum nec sensum penarum, nec gloriæ habituri sint: vigilia enim est solutio sensus.

Ad tertium dicendum, quod tam boni quam mali conformantur Christo, vivendo in hac vita, in his quæ ad naturam speciei pertinent, non autem in his quæ ad gratiam spectant: & ideo omnes ei conformantur in reparatione vite naturalis, non autem in similitudine gloriæ, sed soli boni.

Ad quartum dicendum, quod mortem, quæ est pœna originalis peccati, illi qui in originali decedunt, exolverunt moriendo: unde non obstante culpa originali possunt a morte resurgere. Pœna enim originalis peccati magis est mori quam morte detineri.

Ad quintum dicendum, quod renascimur per gratiam Christi nobis datam, sed resurgimus per gratiam Christi, qua factum est ut nostram naturam susciperet, quia ex hoc ei in naturalibus conformamur: unde illi qui in maternis uteris decedunt, quamvis renati non fuerint per susceptionem gratiæ, tamen resurgunt propter conformitatem naturæ ad ipsum, quam consecuti sunt ad perfectionem humanæ speciei pertingentes.

### SOLUTIO III.

Ad tertiam questionem dicendum, quod motus, sive actio aliqua se habet ad naturam tripliciter. Est enim aliquis motus, sive actio, cuius natura nec est principium, nec terminus: & alius motus quandoque est a principio supra naturam, ut patet de glorificatione corporis, quandoque autem a principio alio quocumque, sicut patet de motu violento lapidis sursum, qui terminatur ad

quietem violentam. Est etiam aliquis motus cuius principium, & terminus est natura, ut patet in motu lapidis deorsum. Est etiam aliquis motus cuius terminus est natura, sed non principium, sed quandoque aliquid supra naturam, sicut patet in illuminatione cæci, quia visus naturalis est, sed illuminationis principium est supra naturam; quandoque autem aliud, ut patet in acceleratione florum, vel studium per artificium facta. Quod autem principium sit natura, & non terminus, esse non potest: quia principia naturalia sunt ad determinatos effectus diffinita, ultra quos se extendere non possunt. Operatio ergo, vel motus primo modo se habens ad naturam nullo modo potest dici naturalis; sed vel est miraculosa, si sit a principio supra naturam; vel violenta, si sit ab alio quocumque principio. Operatio autem, vel motus secundo modo se habens ad naturam, est simpliciter naturalis. Sed operatio quæ tertio modo se habet ad naturam, non potest dici simpliciter naturalis, sed secundum quid, inquantum scilicet perducit ad id quod secundum naturam est; sed vel dicitur miraculosa, vel artificialis, vel violenta. Naturale enim proprie dicitur quod secundum naturam est: secundum naturam autem esse dicitur habens naturam, & quæ consequuntur naturam, ut patet in II. Physic. (text. iv. & v.) Unde motus, simpliciter loquendo, non potest dici naturalis, nisi eius principium sit natura. Resurrectionis autem principium natura esse non potest, quamvis ad vitam naturæ resurrectio terminetur. Natura enim est principium motus in eo in quo est, vel activum, ut patet in motu gravium, & levium, & in alterationibus naturalibus animalium, vel passivum, ut patet in generatione simplicium corporum. Passivum autem principium naturalis generationis est potentia passiva naturalis, quæ semper habet aliquam potentiam activam sibi respondentem in natura, ut dicitur IX. Metaph. (text. ii.) Nec differt quantum ad hoc si respondeat passivo principio activum principium in natura respectu ultimæ perfectionis, scilicet formæ; sive respectu dispositionis quæ est necessitas ad formam ultimam, sicut est in generatione hominis secundum positionem fidei; vel etiam de omnibus aliis secundum opinionem Platonis, & Avicennæ. Nullum autem activum principium resurrectionis est in natura neque respectu continuationis animæ ad corpus, neque respectu dispositionis quæ est necessitas ad talem continuationem, quia

quia talis dispositio non potest a natura induci nisi determinato modo per viam generationis ex semine. Unde etsi ponatur esse aliqua potentia passiva ex parte corporis, seu etiam inclinatio quæcumque ad animæ coniunctionem, non est talis quod sufficiat ad rationem motus naturalis: unde resurrectio, simpliciter loquendo, est miraculosa, non naturalis, nisi secundum quid, ut ex dictis patet.

Ad primum ergo dicendum, quod Damascenus loquitur de illis quæ inveniuntur in omnibus individuis ex principiis naturæ creatis: non enim si divina operatione omnes homines dealbarentur, vel in uno loco congregarentur, sicut tempore diluvii factum est, propter hoc albedo esset proprietas naturalis hominis, vel esset in tali loco.

Ad secundum dicendum, quod ex rebus naturalibus non cognoscitur aliquid (a) non naturale ratione demonstrante; sed ratione persuadente potest cognosci aliquid supernaturam: quia eorum quæ supra naturam sunt, ea quæ sunt in natura, aliquam similitudinem representant, sicut unio corporis & animæ representat unionem spiritus ad Deum per gloriam fructus, ut Magister in II. dist. 1. dixit, & simili modo exempla quæ Apostolus, & Gregorius inducunt, fidei resurrectionis persuasive adminiculantur.

Ad tertium dicendum, quod ratio illa procedit de operatione illa quæ determinatur ad id quod non est per naturam, sed naturæ contrarium; hoc autem non est in resurrectione: & ideo non est ad propositum.

Ad quartum dicendum, quod tota operatio naturæ est sub operatione divina, sicut operatio inferioris artis sub operatione superioris: unde sicut omnis operatio inferioris artis expectat aliquem finem ad quem non pervenitur nisi operatione artis superioris inducentis formam, vel utentis artificio factio; ita ad ultimum finem, ad quem tota naturæ expectatio tendit, non potest perveniri operatione naturæ, & propter hoc consecutio eius non est naturalis.

Ad quintum dicendum, quod quamvis non possit esse motus naturalis qui terminatur ad quietem violentam, tamen potest esse motus non naturalis qui terminatur ad quietem naturalem, ut ex dictis patet.

## ARTICULUS II.

*Utrum Christi resurrectio sit causa nostræ resurrectionis.*

*III. P. quest. lvi. art. 1. & 1. ad 2. & 1. ad 2. Thoms. cap. 1v. lect. 2.*

1. **A**D secundum sic proceditur. Videtur quod Christi resurrectio non sit causa nostræ resurrectionis. Posita enim causa ponitur effectus. Sed posita resurrectione Christi non est secuta statim resurrectio aliorum mortuorum. Ergo resurrectio eius non est causa nostræ resurrectionis.

2. Præterea. Effectus non potest esse, nisi causa præcesserit. Sed resurrectio mortuorum esset, etiam si Christus non resurrexisset: erat enim alius modus possibilis Deo ut homo liberaretur. Ergo resurrectio Christi non est causa nostræ resurrectionis.

3. Præterea. Idem est factum unius in tota una specie. Sed resurrectio erit omnibus hominibus communis. Cum ergo resurrectio Christi non sit causa sui ipsius, non erit causa aliarum resurrectionum.

4. Præterea. In effectu relinquitur aliquid de similitudine causæ. Sed resurrectio ad minus quorundam, scilicet malorum, non habet aliquid simile resurrectioni Christi. Ergo resurrectionis illorum non erit causa resurrectio Christi.

Sed contra. Illud quod est primum in quolibet genere, est causa eorum quæ sunt post, ut patet in II. Metaph. (text. iv.) Sed Christus ratione suæ resurrectionis corporalis dicitur primitivus (b) dormientium I. Corinth. v. & primogenitus mortuorum Apoc. 1. Ergo sua resurrectio est causa resurrectionis aliorum.

Præterea. Resurrectio Christi magis convenit cum nostræ resurrectione corporali quam cum resurrectione spirituali, quæ est per iustificationem. Sed resurrectio Christi est causa iustificationis nostræ, ut patet Roman. iv. 25. *Resurrexit propter iustificationem nostram.* Ergo est causa nostræ resurrectionis corporalis.

## QUAESTIUNCULA II.

1. Ulterius. Videtur quod vox tubæ non sit causa resurrectionis nostræ. Dicit enim Damascenus (Lib. IV. de Fid. orth. cap. xxviii.) *Crede resurrectionem futuram divini voluntate, virtute, & nutu.* Ergo cum  
N n hzc

S. Tb. Op. Tom. XIII.

(a) ratione demonstrante non naturale. (b) ut de resurrectione.

hac sint sufficiens causa resurrectionis, non oportet ponere causam eius vocem tubae.

2. Præterea. Frustra vox emittitur ad eum qui audire non potest. Sed mortui non habebunt auditum. Ergo non est convenientius quod vox aliqua formetur ad resuscitandum eos.

3. Præterea. Si vox aliqua sit causa resurrectionis, hoc non erit nisi per virtutem divinitus vocis datam: unde super illud Psalm. lxxvi. 34. *Dubio voci sua vocem virtutis*, dicit Glossa, „resuscitandi corpora.“ Sed ex quo potentia data est, quamvis alicui miraculose detur, tamen actus qui sequitur, est naturalis, sicut patet in cæcis miraculose illuminatis, qui naturaliter vident. Ergo si vox aliqua esset causa resurrectionis, resurrectio esset naturalis; quod falsum est.

Sed contra est quod dicitur I. Thessal. iv. 15. *Ipse Dominus . . . in tuba Dei descendet de celo, & mortui qui in Christo sunt, resurgent primi.*

Præterea. Ioan. v. 25. & 28. dicitur: *Qui in monumentis sunt, audient vocem Filii Dei, & qui audierint, vivent.* Hæc autem vox dicitur tuba, ut in littera patet. Ergo &c.

#### QUAESTIUNCULA III.

1. Ulterior. Videtur quod nullo modo ad resurrectionem Angeli operetur. Quia maioris virtutis est offensiva resurrectio mortuorum quam generatio hominum. Sed quando homines generantur, anima non infunditur corpori mediantibus Angelis. Ergo nec resurrectio, quæ est iterata coniunctio animæ corpori, fiet ministerio Angelorum.

2. Præterea. Si ad aliquos Angelos hoc ministerium pertineat, maxime videtur pertinere ad Virtutes, quarum est miracula facere. Sed eis non ascribitur, sed Archangelis, ut in littera patet. Ergo resurrectio non fiet ministerio Angelorum.

Sed contra est quod dicitur I. Thessal. iv. quod Dominus in voce Archangeli descendet de celo, & mortui resurgent. Ergo resurrectio mortuorum ministerio angelico complebitur.

#### SOLUTIO I.

Respondeo dicendum ad primam questionem, quod Christus ratione humanæ naturæ dicitur Dei & hominum mediator, ut in III. Lib. dist. xix. (quest. unic. art. 5. questiu. 2. & 3.) dictum est: unde divina dona a Deo in homines mediante Christi humanitate proveniunt. Sicut (a) ergo a morte spiritali liberari non possumus nisi per gratiam divinam datum, ita nec a morte

corporali nisi per resurrectionem divina virtute factam: & ideo sicut Christus primitiis gratiæ suscepit divinitus, & eius gratia est causa nostræ gratiæ: quia de plenitudine eius nos omnes accepimus, gratiam pro gratia: Ioan. i. 16. ita in ipso inchoata est resurrectio, & resurrectio sua causa est nostræ resurrectionis, ut hic Christus, in quantum est Deus, sit prima causa nostræ resurrectionis quasi æquivoca; sed in quantum est Deus & homo resurgens, est causa proxima, & quasi univoca nostræ resurrectionis. Causa autem univoca agens producit effectum in similitudine suæ formæ: unde non solum est causa efficiens, sed exemplaris istius effectus. Hoc autem contingit dupliciter. Quandoque enim ipsa forma, per quam attenditur similitudo agentis ad effectum, est directe principium actionis quæ producit illæ effectus, sicut calor in igne calefaciente. Quandoque autem illius actionis quæ effectus producit, non est principium primo & per se ipsa forma secundum quam attenditur similitudo, sed principia illius formæ; sicut si homo albus generat hominem album, ipsa albedo generantis non est principium generationis activæ, & tamen albedo generantis dicitur causa albedinis generati, quia principia albedinis in generante sunt principia generativa scientia albedinem in generato: & per hunc modum resurrectio Christi est causa nostræ resurrectionis: quia illud quod scilicet resurrectionem Christi, qui est causa efficiens univoca nostræ resurrectionis, agit ad resurrectionem nostram, scilicet virtus divinitatis ipsius Christi, quæ sibi, & Patri communis est: unde dicitur Roman. viii. 11. *Qui suscitavit Iesum Christum a mortuis, vivificabit mortalia corpora nostra.* Sed ipsa resurrectio Christi virtute divinitatis adiunctæ est causa quasi instrumentalis resurrectionis nostræ: operationes enim divinæ agebantur mediante carne Christi quasi quodam organo, sicut ponit exemplum Damascenus in III. Lib. (de Fid. orthod. cap. xv.) de tactu corporali quod mundavit leprosum, Matth. vii.

Ad primum ergo dicendum, quod causa sufficiens statim producit effectum suum ad quem ordinatur immediate, (b) non autem effectum ad quem ordinatur mediante alio, quantumcumque sit sufficiens; sicut calor, quantumcumque sit intensus, non statim in primo instanti causat calorem, sed statim incipit movere ad calorem, quia calor est effectus eius mediante motu. Resurrectio

(a) *Al.* deus ergo. (b) *Al.* non autem ad effectum; *Nicæni*; non sic autem effectum.

rectio autem Christi dicitur causa nostrae resurrectionis, ut dictum est, non quia ipsa agat resurrectionem nostram, sed mediante principio suo, scilicet virtute divina, quae nostram resurrectionem faciat ad similitudinem resurrectionis Christi. Virtus autem omnia operatur mediante voluntate, quae est propinquissima effectui: unde non oportet quod statim resurrectione Christi facta, nostra resurrectio sit secuta; sed tunc sequitur quando voluntas Dei ordinavit.

Ad secundum dicendum, quod virtus divina non alligatur causis aliquibus secundis, quin effectus illarum posset immediate, vel alius causis mediantibus producere; sicut posset generationem inferiorum corporum causare etiam motu calis non existente; & tamen secundum ordinem quem in rebus statuit, motus calis est causa generationis inferiorum corporum. Similiter etiam secundum ordinem quem rebus, humanis divina providentia praefixit, resurrectio Christi est causa nostrae resurrectionis; potuit tamen alium ordinem praefigere; & tunc esset alia causa nostrae resurrectionis, qualem Deus ordinasset.

Ad tertium dicendum, quod ratio illa procedit quando omnia quae sunt in una specie, habent eundem ordinem ad causam primam illius effectus qui est inducendus in totam speciem. Sic autem non est in proposito: quia humanitas Christi propinquior est Divinitati, cuius virtus est prima causa resurrectionis, quam humanitas aliorum: unde resurrectio Christi causatur a Divinitate immediate, sed resurrectio aliorum mediante Christo homine resurgente.

Ad quartum dicendum, quod resurrectio omnium hominum habebit aliquid de similitudine resurrectionis Christi, (a) quod scilicet pertinet ad vitam naturae, secundum quam omnes Christo fuerunt conformes: & ideo omnes resurgunt in vitam immortalem. Sed in sanctis, qui fuerunt Christo conformes per gratiam, erit conformitas quantum ad ea quae sunt gloriae.

## SOLUTIO II.

Ad secundam quaestionem dicendum, quod causam effectui oportet aliquo modo coniungi: quia movens & motum, faciens & factum sunt simul, ut probatur in VII. Phy-

sic. (text. x. xi. xii.) Christus autem resurgens est causa univoca nostrae resurrectionis; ut supra dictum est: unde oportet quod in resurrectione corporum communi aliquo signo corporali dato Christus resurgens operetur: quod quidem signum, ut quidam dicunt, erit ad litteram vox Christi resurrectionem imperantis, sicut imperavit mari, & cessavit tempestas, Matth. vii. Quidam vero dicunt, quod hoc signum nihil aliud erit quam ipsa praesentatio evidens Filii Dei in mundo, de qua dicitur Matth. xxiv. 27. (b) *Sicut fulgur quod venit ab oriente, & apparet in occidente, ita eris adventus Filii hominis.* Et innituntur auctoritati Gregorii, qui dicit \* (Lib. XXXIX. Moral. cap. xxxi.) quod tubam sonare nihil aliud est quam munda ut iudicem Filium demonstrare. Et secundum hoc ipsa apparitio Filii Dei vox eius dicitur: quia ei apparenti obediunt tota natura ad corporum humanorum reparationem sicut imperanti, unde in iussu venire dicitur I. Thesal. iv. & sic eius apparitio inquantum habet vim cuiusdam imperii, vox eius dicitur: & haec vox quaecumque sit, quandoque dicitur clamor quasi praecis ad iudicium citantis; quandoque autem dicitur sonus tubae, vel propter evidentiam, ut in littera dicitur, vel propter convenientiam ad usum tubae qui erat in veteri testamento: tuba enim congregabatur ad concilium, commovebatur ad praedium, & vocabatur ad festum. Resurgentes autem congregantur ad concilium iudicii, ad praedium quo orbis terrarum pugnabit contra insensatos, ad festum aeternae sollemnitatis.

Ad primum ergo dicendum, quod Damascenus in verbis illis circa naturalem causam resurrectionis tria tangit, scilicet voluntatem divinam quae imperat, virtutem quae exequitur, & facilitatem exequendi in hoc quod nutum adiunxit ad similitudinem eorum quae in nobis sunt: illud enim valde facile est nobis facere quod statim ad dictum nostrum sit; sed multo maior apparet facilitas, si ante verbum prolatum ad primum signum voluntatis, quod nutus dicitur, executio nostrae voluntatis per ministros fiat: & talis noster nutus est quaedam causa praedictae executionis, inquantum per ipsum inducuntur alii ad nostram voluntatem explendam; nutus autem divinus, quod fiet re-

N n 2 fur-

(a) Nihil aliud scilicet quod pertinet. (b) Vulgata: *Sicut enim fulgur venit ab oriente, & patet ubi in occidentem ita eris & adventus tui.*

EX EDIT. P. NICOLAI. \* Sub his verbis expositis non oportet, quod sit in praesentibus part. 31. cap. 1. v. praecis officium esse ut ante adventum iudicii, quod veniet, ut patet, quasi tuba clamando gradatur.

resurrectio, nihil est aliud quam signum ab ipso datum, cui natura tota obedit ad resurrectionem mortuorum; & hoc signum idem est quod vox tubæ, ut ex dictis patet.

Ad secundum dicendum, quod sicut formæ sacramentorum habent virtutem sanctificandi, ut supra dictum est, non ex hoc quod audiuntur, sed ex hoc quod proferuntur; ita illa vox, quidquid sit, habebit efficaciam instrumentalem ad resuscitandum, non ex hoc quod sentitur, sed ex hoc quod proferitur; sicut etiam vox ex ipsa impulsione aeris excitat dormientem solvendo organum sentiendi, non ex hoc quod cognoscatur, quia iudicium de voce perveniente ad aures sequitur excitationem, & non est causa eius.

Ad tertium dicendum, quod ratio illa procederet, si virtus data illi voci esset ens perfectum in natura: quia tunc quod ex ea procederet, virtutem iam naturalem factam principium haberet. Non autem est talis virtus illa, sed qualis supra dictum est esse in formis sacramentorum.

### SOLUTIO III.

Ad tertiam questionem dicendum, sicut Augustinus dicit in III. de Trinit. (cap. 1v.) quod sicut corpora crassiora, & inferiora per subtiliora, & potentiora quodam ordine reguntur; ita omnino corpora reguntur a Deo per spiritum vitæ rationalem: & hoc etiam Gregorius in IV. Dialog. tangit. Unde in omnibus quæ corporaliter a Deo fiunt, utitur Deus ministerio Angelorum. In resurrectione autem est aliquid ad transformationem corporum pertinens, scilicet collectio cinerum, & eorum preparatio ad reparationem humani corporis: unde quantum ad hoc in resurrectione utitur Deus ministerio Angelorum. Sed anima sicut immediate a Deo creata est, ita immediate a Deo corpori iterato unietur sine aliqua operatione Angelorum. Similiter etiam gloriam corporis ipse faciet absque ministerio Angelorum, sicut & animam immediate glorificat. Et istud Angelorum ministerium vox dicitur secundum unam expositionem, quæ tangitur in littera.

Ad primum ergo patet solutio ex dictis.

Ad secundum dicendum, quod ministerium illud erit principaliter unius Archangeli, scilicet Michaelis, qui est Princeps Ecclesiæ, sicut fuit synagoga, sicut dicitur Daniel. x. qui tamen agit ex influentia Virtutum, & aliorum superiorum ordinum: unde quod i-

pse faciet, superiores ordines quodammodo facient. Similiter inferiores Angeli cooperabuntur ei circa resurrectionem singulorum, quorum custodia deputati fuerunt; & sic vox illa potest dici unius, & plurium Angelorum.

### ARTICULUS III.

*Utrum tempus resurrectionis oporteat differri usque ad finem mundi, ut omnes simul resurgant.*

1. **A**D tertium sic proceditur. Videtur quod tempus resurrectionis non oporteat differri usque ad finem mundi, ut omnes simul resurgant. Quia maior est convenientia capitis ad membra quam membrorum ad invicem, sicut causæ ad effectus quam effectuum ad invicem. Sed Christus, qui est caput nostrum, non distulit resurrectionem suam usque ad finem mundi, ut simul cum omnibus resurgeret. Ergo nec oportet quod priorum sanctorum resurrectio usque ad finem mundi differatur, ut simul cum aliis resurgant.

2. Præterea. Resurrectio capitis causa est resurrectionis membrorum. Sed resurrectio quorundam membrorum nobilium propter vicinitatem ad caput, non est dilata usque ad finem mundi, sed statim resurrectionem Christi secuta est, sicut pie creditur de beata Virgine, & Ioanne Evangelista. Ergo & aliorum resurrectio tanto propinquior erit resurrectioni Christi, quanto per gratiam & meritum magis ei fuerint conformes.

3. Præterea. Status novi testamenti est perfectior, & expressius portat imaginem Christi quam status veteris. Sed quidam patres veteris testamenti Christo resurgente resurrexerunt, sicut dicitur Matth. xxviii.

32. quod multa corpora sanctorum qui dormierant, resurrexerunt. Ergo videtur quod nec sanctorum novi testamenti resurrectio differri debeat usque ad finem mundi, ut sit omnium simul.

4. Præterea. Post finem mundi non erit aliquis annorum numerus. Sed post resurrectionem mortuorum adhuc computantur multi anni usque ad resurrectionem aliorum, ut patet Apoc. xx. dicitur enim ibi vers. 4. *Vidi . . . animas decollatorum propter testimonium Iesu, & propter verbum Dei: & infra: Et vixerunt, & regnaverunt cum Christo mille anni: & ceteri mortuorum non vixerunt, donec consumantur mille anni.* Ergo resurrectio omnium non differitur usque ad finem mundi, ut sit omnium simul.

Sed contra est quod dicitur Iob xxiv. *Homino cum dormierit, non resurget, donec attetur celum, nec exigilabit ut resurgat de somno suo: & loquitur de somno mortis. Ergo usque ad finem mundi, quando celum atteretur, resurrectio hominum differtur.*

Præterea. Hebr. x. 39. dicitur: (a) *Hi omnes testimonio fidei præbati non acceperunt remissionem, idest plenam animæ, & corporis beatitudinem, Deo aliquid aliud pro nobis providente, ne sine nobis consummarentur, idest perficerentur.* Glossa: „ut in communi, ni gaudio omnium malus fieret gaudium singulorum.“ Sed non erit ante resurrectionem quam corporum glorificatio: quia *reformabit corpus humilitatis nostræ configuratum corpori claritatis suæ.* Phil. iij. 21. & resurrectionis filii erunt sicut Angeli in celo, ut patet Matth. xxij. Ergo resurrectio differtur usque ad finem mundi, in quo omnes simul resurgent.

## QUAESTIUNCULA II.

1. Ulterius. Videtur quod tempus illud non sit occultum. Quia cuius principium est determinatum, & scitum, & finis potest determinate sciri, eo quod omnia mensurantur quadam periodo, ut dicitur in II. de generatione (text. lxxv.) Sed principium mundi determinate scitur. Ergo & finis ipsius potest determinate sciri: & tunc erit tempus resurrectionis, & iudicii: ergo tempus illud non est occultum.

2. Præterea. Apoc. xvij. dicitur, quod mulier, per quam Ecclesia significatur, habet locum paratum a Deo, in quo pascatur diebus mille ducentis sexaginta. Daniel. etiam xxx. ponitur determinatus numerus dierum, per quos anni significari videntur, secundum illud Ezech. iv. 6. *Diem pro anno dedi tibi.* Ergo ex sacra Scriptura potest sciri determinate finis mundi, & resurrectionis tempus.

3. Præterea. Status novi testamenti præfiguratus fuit in veteri testamento. Sed sciimus determinate tempus in quo vetus testamentum statum habuit. Ergo & potest sciri determinate tempus in quonovum testamentum statum habebit. Sed novum testamentum habebit statum usque ad finem mundi: unde dicitur Matth. ult. 20. *Ecce ego vobiscum sum usque ad consummationem sæculi.* Ergo potest sciri finis mundi, & resurrectionis tempus.

Sed contra. Illud quod est ignoratum ab

Angelis, est etiam hominibus multo magis occultum: quia ea ad quæ homines naturali ratione pertingere possunt, multo limpidius, & certius Angeli naturali cognitione cognoscunt; similiter etiam revelationes hominibus non sunt ois medianibus Angelis, ut patet per Dionysium iv. cap. cæ. Hier. Sed Angeli nesciunt tempus determinate, ut patet Matth. xxiv. 36. *De die illa, & hora nemo scit, neque Angeli caelorum.* Ergo tempus illud est hominibus occultum.

Præterea. Apostoli magis fuerunt confesii secretorum Dei quam alii sequentes, ut dicitur Rom. vi ij. 23. *Ipsi primitias spiritus habent.* Glossa (interlinealis). „tempore „prius, & ceteris abundantius.“ Sed eis de hoc ipso quærentibus dictum est Actuum i. 7. *Non est vestrum nosse tempora, & momenta, quæ Pater in sua potestate posuit.* Ergo multo magis est aliis occultum.

## QUAESTIUNCULA III.

1. Ulterius. Videret quod resurrectio non fiet subito, sed successive. Quia Ezech. xxxvij. 7. prænuntiatur resurrectio mortuorum, ubi dicitur: *Accesserunt ossa ad ossa; & vidi, & ecce super ea nervi, & carnes ascenderunt, & extensa est in eis cutis desuper; & spiritum non habebam.* Ergo separatio corporum tempore præcedit coniunctionem animarum: & sic resurrectio non erit subita.

2. Præterea. Illud ad quod exiguntur plures actiones se consequentes, non potest subito fieri. Sed ad resurrectionem exiguntur plures actiones se consequentes, scilicet collectio cinerum, reformatio corporis, & insusio animæ. Ergo resurrectio non fiet subito.

3. Præterea. Omnis sonus tempore mensuratur. Sed sonus tubæ causa erit resurrectionis, ut dictum est. Ergo resurrectio fiet in tempore, & non subito.

4. Præterea. Nullus motus localis potest esse subito, ut dicitur in Lib. de sensu, & sensato (cap. vii. vel apud S. Thom. lect. 16.) Sed ad resurrectionem exigitur aliquis motus localis in collectione cinerum. Ergo non fiet subito.

Sed contra est quod dicitur I. Corinth. xv. 51. *Omnes quidem resurgemus. . . in momento, in istu oculi.* Ergo resurrectio erit subito.

Præterea. Virtus infinita subito operatur. Sed, sicut Damascenus dicit (de Fide orth. Lib. IV. cap. xvij.) *crede resurrectionem futuram divina virtute;* de qua constat quod infinita est. Ergo resurrectio fiet subito.

QUAE-

(a) Al. Homines.

## QUÆSTIUNCULA IV.

1. Ulterius. Videtur quod resurrectio non erit noctis tempore. Quia resurrectio non erit donec atteratur cælum, ut dicitur Iob xiv. Sed cessante motu cæli, quoddicitur eius attritio, non erit tempus, neque dies, neque nox. Ergo resurrectio non erit in nocte.

2. Præterea. Finis uniuscuiusque rei debet esse perfectissimus. Sed tunc erit finis temporis: unde in Apoc. (cap. x.) dicitur quod tempus amplius non erit. Ergo tunc debet esse tempus in sui optima dispositione, & ita debet esse dies.

3. Præterea. Qualitas temporis debet respondere his quæ (a) geruntur in tempore. Unde Ioan. xiv. fit mentio de nocte, quando Iudas exiit a consorcio lucis. Sed tunc erit perfecta manifestatio omnium quæ nunc latent: quia cum venerit Dominus, *illuminabit abscondita tenebrarum, & manifestabit consilia cordium*, ut dicitur I. Corinth. iv. 5. Ergo debet esse in die.

Sed contra. Resurrectio Christi est exemplar nostræ resurrectionis. Sed resurrectio Christi fuit in nocte, ut Gregorius dicit in homil. paschali (homil. xxi. in Evang.) Ergo & nostra resurrectio nocturno tempore erit.

Præterea. Adventus Domini comparatur adventui furis in domum, ut pater Lucæ xii. Sed fur in tempore noctis in domum venit. Ergo in tempore nocturno veniet. Sed veniente ipso fiet resurrectio, ut dictum est. Ergo resurrectio fiet tempore nocturno.

## SOLUTIO I.

Respondeo dicendum ad primam questionem, quod, sicut Augustinus dicit in III. de Trin. (cap. xv.) divina providentia statuit ut corpora crassiora, & inferiora per subtiliora, & potentiora quodam ordine regantur: & ideo rota materia corporum inferiorum subiectæ variationi secundum motum cælestium corporum: unde esset contra ordinem quem divina providentia in rebus statuit, si materia inferiorum corporum ad statum incorruptionis perduceretur magis motu corporum superiorum. Et quia secundum positionem fidei resurrectio erit in vitam æternam conformiter Christo, qui resurgens a mortuis, iam non moritur, ut dicitur Rom. vi. ideo humanorum corporum resurrectio usque ad finem mundi differetur, in quo motus cæli quiescet. Et propter hoc etiam quidam Philosophi qui posuerunt motum cæli

numquam cessare, posuerunt reditum humanarum animarum ad corpora mortalia qualia nunc habemus, sive ponerent reditum animæ ad idem corpus in fine magni anni, ut Empedocles, sive ad aliud, ut Pythagoras posuit quamlibet animam quodlibet corpus ingredi, ut dicitur in I. de Anima (text. lxx.)

Ad primum ergo dicendum, quod quamvis caput magis conveniat cum membris convenientia proportionis, quæ exigitur ad hoc quod in membra fluat, quam membra ad invicem; tamen caput habet causalitatem quandam super membra quæ membra carent: & in hoc membra differunt a capite, & conveniunt ad invicem. Unde resurrectio Christi exemplum quoddam nostræ resurrectionis est, ex cuius fide spes nobis de nostra resurrectione confugit; non autem resurrectio alicuius membri Christi est causa resurrectionis ceterorum membrorum: & ideo resurrectio Christi debuit præcedere resurrectionem aliorum, qui omnes simul resurgere debuerunt in consummatione sæculorum.

Ad secundum dicendum, quod quamvis inter membra Christi sint quedam aliis digniora, & magis capiti conformia, non tamen pertinent ad rationem capitis, ut sicut causa aliorum: & ideo ex conformitate ad Christum non debetur eis quod eorum resurrectio præcedat resurrectionem aliorum, quasi exemplar exemplatum, sicut dictum est de resurrectione Christi. Sed quod aliquibus hoc sit concessum, quod eorum resurrectio non sit usque ad communem resurrectionem dilata, est ex speciali gratiæ privilegio, non ex debito conformitatis ad Christum.

Ad tertium dicendum, quod de illa resurrectione sanctorum cum Christo videtur dubitare Hieronymus (alius Auctor) in sermone de assumptione, utrum scilicet petasilo resurrectionis (b) testimonio iterum mortui sint, ut sic eorum magis fuerit suscitatio quedam, sicut fuit Lazari, quam vera resurrectio, qualis erit in fine mundi: an ad immortalem vitam vere resurrexerint, semper in corpore victuri, in cælum cum Christo ascendentes corporaliter, ut Glossa dicit Marth. xxvii. Et hoc probabilius videtur: quia ad hoc quod verum testimonium de vera resurrectione Christi proferrent, congruum fuit quod vere resurgerent, sicut Hieronymus alibi (super cap. xxvii. Matthæi) dicit. Nec eorum resurrectio propter ipsos accelerata est, sed propter resurrectionem Christi.

(a) *ut* gerantur. (b) *ut* testimonio.

si testificandam: quod quidem (a) testimonium erat ad fundandum fidem novi testamenti: unde decentius factum est per patres veteris testamenti quam per eos qui iam novo testamento fundato decesserunt. Tamen sciendum est, quod etsi de resurrectione eorum in Evangelio mentio fiat ante resurrectionem Christi, tamen, ut per textum patet, intelligendum est per anticipationem esse dictum, quod frequenter Historiographis accidit. Nullus enim vera resurrectione ante Christum resurrexit, eo quod ipse est primitivus dormientium, ut dicitur I. Corinth. xv. quamvis aliqui fuerunt resuscitati ante Christi resurrectionem, ut de Lazaro patet (Ioan. xi.)

Ad quartum dicendum, quod occasione illorum verborum, ut Augustinus narrat XX. Lib. de Civit. Dei (cap. 1.) quidam haeretici posuerunt primam resurrectionem futuram esse mortuorum, ut cum Christo mille annis in terra regnarent: unde vocati sunt Chiliasae, quasi millenarii: & Augustinus ibidem ostendit verba illa aliter esse intelligenda, scilicet de resurrectione spirituali, per quam homines a peccatis dono gratiae resurgunt. Secunda autem resurrectio est corporum. Regnum autem Christi dicitur Ecclesia, in qua cum ipso non solum martyres, sed etiam alii electi regnant, ut a parte (b) totum intelligatur. Vel regnant cum Christo in gloria quantum ad omnes. Et sit specialiter mentio martyribus, quia ipsi praecipue regnant mortui, qui usque ad mortem (c) secundum veritatem certaverunt. Millenarius autem non significat aliquem certum numerum, sed designat totum temporis quod nunc agit, in quo sancti cum Christo regnant: qui numerus millenarius designat universitatem magis quam centenarius, eo quod centenarius est quadratum denarii, sed millenarius est numerus solidus ex duplici ductu denarii in seipsum surgens, quia (d) decies decem decies mille sunt: & similiter in Psal. civ. 8. dicitur: *Verbi quod mandavit in mille generationes*, id est omnes.

### SOLUTIO II.

Ad secundam quaestionem dicendum, quod, sicut dicit Augustinus in Lib. lxxxiii. Quaest. (quaest. lvi.) etas ultima humani generis, quae incipit a Domini adventu usque ad finem saeculi, in quibus generationibus computetur incertum est, sicut etiam senectus,

quae est ultima aetas hominis, non habet determinatum tempus secundum mensuram annorum, cum quandoque sola tantum teneat temporis quantum reliquae omnes aetates. Huius autem ratio est, quia determinatus numerus futuri temporis sciri non potest nisi vel per revelationem, vel per naturalem rationem. Tempus autem quod erit usque ad resurrectionem, numerari non potest naturali ratione: quia simul erit resurrectio, & finis motus caeli, ut dictum est: ex motu autem accipitur numerus omnium quae determinato tempore per naturalem rationem futura praevidentur. Ex motu autem caeli non potest cognosci finis eius, quia cum sit circularis, ex hoc ipso habet quod secundum naturam suam possit in perpetuum durare. Unde naturali ratione tempus quod erit usque ad resurrectionem, numerari non potest. Similiter nec per revelationem haberi potest, ideo ut omnes semper sint solliciti, & preparati ad Christum occurrendum: & propter hoc etiam Apostolis de hoc quaerentibus respondit Act. 1.7. *Non est vestrum nosse tempora, vel momenta, quae Pater posuit in sua potestate*: in quo, ut Augustinus dicit XVIII. de Civ. Dei (cap. lvi.) omnium de hac re (e) calculantium digitos resolvit, & quiescere iubet. Quod enim Apostolis quaerentibus noluit indicare, nec aliis revelabit. Unde illi omnes qui tempus praedictum numerare voluerunt, haecenus falsiloqui sunt inventi. Quidam enim, ut Augustinus dixit ibidem, dixerunt ab ascensione Domini usque ad ultimum eius adventum quadringentos annos posse compleri, alii quingentos, alii mille: quorum falsitas patet; & similiter patebit eorum qui adhuc computare non cessant.

Ad primum ergo dicendum, quod eorum quorum finis cognoscitur principio noto, oportet mensuram nobis esse cognitam: & ideo cognito principio alicuius rei, cuius duratio mensuratur motu caeli, possumus cognoscere eius finem, eo quod motus caeli est nobis notus. Sed mensura durationis motus caeli est sola divina dispositio, quae est nobis occulta: & ideo quantumcumque sciamus principium eius, finem scire non possumus.

Ad secundum dicendum, quod per mille ducentos sexaginta dies, de quibus fit mentio Apoc. xii. significatur omne tempus in quo Ecclesia durat, & non aliquis determinatus numerus annorum: & hoc ideo, quia praedicatio Christi, super quam fundatur Eccle-

(a) *Al.* testamentum. (b) *Al.* per ipsum. (c) *Nicolas* pro veritate. (d) *Al.* decem decem dies. (e) *Al.* calculantium.



clesia, duravit tribus annis cum dimidio; quod tempus vere continet aequalem numerum dierum numero praelato. Similiter etiam numerus eorum qui in Daniele ponitur, non est referendus ad numerum annorum aliquorum qui sint usque ad finem mundi, vel usque ad praedicationem Antichristi; sed debet referri ad tempus quo praedicabit Antichristus, & quo persecutio eius durabit.

Ad tertium dicendum, quod quamvis status novi testamenti in generali sit praefiguratus per statum veteris testamenti, non tamen oportet quod singula respondeant singulis, praecipue cum in Christo omnes figurae veteris testamenti fuerint completae: & ideo Augustinus XVIII. de Civ. Dei (cap. ltr.) respondet quibusdam, qui volebant accipere numerum persecutionum quae Ecclesia passa est, & passura secundum numerum plagarum Aegypti, dicens: *Ego per illas res gestas in Aegypto istas persecutiones prophetice significatas esse non arbitror; quoniam ab eis qui hoc putant, exquisitis, & ingeniose illa singula his singulis comparata videantur non prophetico spiritu, sed coniectura mentis humanae, quae aliquando ad verum pervenit, aliquando fallitur.* Et similiter videtur esse de dictis Abbatis Joachimi, qui per tales coniecturas de futura aliqua vera praedixit, & in aliquibus conceptus fuit.

### SOLUTIO III.

Ad tertiam questionem dicendum, quod in resurrectione aliquid fiet ministerio Angelorum, & aliquid virtute divina immediate, ut dictum est. Illud ergo quod Angelorum ministerio fiet, non erit in instanti, si instans dicatur indivisibile temporis; erit tamen in instanti, si instans accipiat pro tempore imperceptibili. Illud autem quod fiet virtute divina immediate, fiet subito, scilicet in termino temporis quo Angelorum opus complebitur: quia virtus superior inferiorem ad perfectionem adducit.

Ad primum ergo dicendum, quod Ezechiel loquebatur populo rudi, sicut & Moyses: unde sicut Moyses distinxit opera sex dierum per dies, ut rudis populus capere posset, quamvis omnia simul sint facta secundum Augustinum (super Gen. ad litt. cap. xiv.) ita Ezechiel diversa quae in resurrectione futura sunt expressit, quamvis omnia simul futura sint in instanti.

Ad secundum dicendum, quod quamvis illae operationes sint consequentes invicem naturae, sunt tamen simul tempore: quia vel

sunt in eodem instanti, vel una est in instanti ad quod alia terminatur.

Ad tertium dicendum, quod idem videtur esse de sono illo, & de formis sacramentorum, scilicet quod in ultimo instanti prolationis effectum suum habebunt.

Ad quartum dicendum, quod congregatio eorum, quae sine motu locali esse non potest, fiet ministerio Angelorum: & ideo erit in tempore, sed imperceptibili propter facilitatem operandi quae competit Angelis.

### SOLUTIO IV.

Ad quartam questionem dicendum, quod determinata hora temporis quae fiet resurrectio, pro certo sciri non potest, ut patet in littera; tamen satis probabiliter dicitur a quibusdam, quod resurrectio erit quasi in crepusculo, sole existente in oriente, & luna in occidente: quia in tali dispositione sol, & luna creduntur creati, ut sic eorum circulatio compleatur penitus per reditum ad eundem punctum: unde de Christo dicitur quod surrexit tali hora.

Ad primum ergo dicendum, quod quando resurrectio erit, non erit tempus, sed finis temporis: quia in eodem instanti in quo cessabit motus caeli, erit resurrectio mortuorum: & tamen erit situs siderum secundum dispositionem qua se habet nunc in aliqua determinata hora: & secundum hoc dicitur resurrectio futura tali vel tali hora.

Ad secundum dicendum, quod optima dispositio temporis dicitur esse in meridie propter illuminationem solis. Sed tunc civitas Dei non egebit sole, neque luna: quia claritas Dei illuminabit eam, ut dicitur Apoc. xxi. & ideo quantum ad hoc non refert utrum in die, vel in nocte resurrectio fiat.

Ad tertium dicendum, quod temporis illi congruit manifestatio quantum ad ea quae tunc gerentur, & occultatio quantum ad determinationem ipsius temporis: & ideo utrumque congrue fieri potest, ut scilicet resurrectio sit in die, vel in nocte.

### ARTICULUS IV.

*Utrum mors erit terminus a quo resurrectionis in omnibus.*

1. **A**D quartum sic proceditur. Videtur quod mors non erit terminus a quo resurrectionis in omnibus. Quia quidam non moriuntur, sed immortalitate superveniunt: dicitur enim in symbolo, quod ipse *venturus est iudicare vivos, & mortuos.* Hoc autem

autem non potest intelligi quantum ad tempus iudicii, quia tunc erunt omnes vivi. Ergo oportet quod referatur hæc distinctio ad tempus præcedens; & ita non omnes ante iudicium morientur.

2. Præterea. Naturale, & commune desiderium non potest esse vacuum & inanequin in aliquibus explatur. Sed secundum Apostolum II. Corinth. v. hoc est commune desiderium quo nolumus expoliari, sed supervestiri. Ergo aliqui erunt qui numquam expoliabuntur corpore per mortem, sed supervestientur gloria resurrectionis.

3. Præterea. Augustinus in Ench. (cap. cv.) dicit, quod quatuor ultimæ petitiones orationis dominicæ ad præsentem vitam pertinent; quarum una est: *Dimitte nobis debita nostra*. Ergo Ecclesia perit in hac vita sibi omnia debita relaxari. Sed Ecclesiæ oratio non potest esse cassa quin exaudiat. Ioan. xvi. 23. *Quidquid petieritis Patrem in nomine meo, dabit vobis*. Ergo Ecclesia in aliquo huius vitæ tempore omnium debitorum remissionem consequetur. Sed unum de debitis quo pro peccato primi parentis astringimur, est quod (a) nascimur in originali peccato. Ergo aliquando hoc Ecclesiæ Deus præstabit, quod homines sine peccato originali nascentur. Sed mors est pœna originalis peccati. Ergo aliqui homines erunt circa finem mundi qui non morientur; & sic idem quod prius.

4. Præterea. Via compendiosior est semper sapienti magis eligenda. Sed compendiosior via est quod homines qui vivi inveniuntur, in impassibilitatem resurrectionis transferantur, quam quod prius moriantur, & postea resurgant a morte in immortalitatem; Ergo Deus, qui est summe sapiens, hanc viam elegit in illis qui vivi inveniuntur; & sic idem quod prius.

Sed contra. I. Corinth. xv. 36. (b) *Semen quod feminas, non vivificatur, nisi prius moriatur*: & loquitur sub similitudine seminis de resurrectione corporum. Ergo corpora a morte resurgent.

Præterea. I. Corinth. xv. 22. *Sicut in Adam omnes moriuntur, ita in Christo omnes vivificabuntur*. Sed in Christo vivificabuntur. Ergo in Adam omnes moriuntur; & sic resurrectio omnium erit a morte.

#### S. Tb. Oper. Tom. XIII.

(a) *Ad* nascimur mortali peccato. (b) *Vulgata* Inspiritus in quod feminas.

EX EDIT. P. NICOLAI. Sic manuscriptum ipsum, & omnia impressa in hoc loco, ubi etiam ad marginem indicabatur ut ex cap. xv. par. 2. est ubi est scriptum ibi tale. In textu autem Supplementi notatur Hæronymus loco Dionysii, sed ad marginem indicatur ex Augustino Lib. XII. super Gen. ad lit. cap. xxv. ut quæst. lxxviii. art. 3. videre est.

#### QUAESTIUNCULA II.

1. Ulterius. Videtur quod non omnium resurrectio erit a cineribus. Resurrectio enim Christi est exemplar nostræ resurrectionis. Sed resurrectio eius non fuit a cineribus: quia caro eius non vidit corruptionem, ut dicitur in Psal. xv. & Aq. 11. Ergo nec resurrectio omnium erit a cineribus.

2. Præterea. Corpus hominis non semper comburitur. Sed in cineres non potest aliquid resolvi nisi per combustionem. Ergo non omnes a cineribus resurgent.

3. Præterea. Corpus hominis mortui non statim post mortem in pulverem redigitur. Sed quidam statim post mortem resurgunt, ut in littera dicitur, scilicet illi qui vivumventur. Ergo non omnes resurgent a cineribus.

4. Præterea. Terminus a quo respondet termino ad quem. Sed terminus ad quem resurrectionis non est idem in bonis & malis. I. Corinth. xv. 51. *Omnes quidem resurgemus, sed non omnes immutabimur*. Ergo nec est idem terminus a quo; & sic si mali resurgent a cineribus, boni a cineribus non resurgent.

Sed contra est quod Haymo dicit: *Omnes in originali peccato natos tenet hæc sententia: Terra es, & in terram ibis*. Sed omnes qui in communi resurrectione resurgent, fuerunt nati in originali peccato vel natiuitate ex utero, vel saltem natiuitate in utero. Ergo omnes a cineribus resurgent.

Præterea. Multa sunt in corpore humano quæ non sunt de veritate naturæ humanæ. Sed omnia illa auferentur. Ergo oportet omnia corpora ad cineres resolvi.

#### QUAESTIUNCULA III.

1. Ulterius. Videtur quod pulvis illi ex quibus corpus humanum reparabitur, habeant aliquam naturalem inclinationem ad animam quæ eis coniungetur. Si enim nullam inclinationem habent ad animam, eodem modo se haberent ad illam animam sicut alii pulveres. Ergo non esset differentia utrum ex illis, vel aliis pulveribus reficeretur corpus animæ coniungendum; quod est falsum.

2. Præterea. Maior est dependentia corporis ad animam quam animæ ad corpus. Sed anima separata a corpore adhuc habet aliquam dependentiam ad corpus, unde retardatur eius motus in Deum propter appetitum corporis, ut dicit Dionysius \* de divin. No-

Ob min.

min. Ergo multo fortius corpus separatum ab anima adhuc habet naturalem inclinationem ad animam illam.

3. Præterea. Job xx. 11. dicitur: *Officiis implebuntur vitis adolescentie eius, & cum eo in pulvere dormient.* Sed vitia non sunt nisi in anima. Ergo adhuc in illis cineribus remanebit aliqua naturalis inclinatio ad animam.

Sed contra. Corpus humanum potest resolvi ad ipsa elementa, vel etiam in carnes aliorum animalium converti. Sed elementa sunt homogenea, & similiter caro leonis, vel alterius animalis. Cum ergo in aliis partibus elementorum, vel animalium non sit aliqua inclinatio naturalis ad illam animam, nec in illis partibus in quas conversum est corpus humanum, erit aliqua inclinatio ad animam. Paret per auctoritatem Augustini in Enchirid. (cap. lxxxviii.) *Corpus humanum in quacunque aliorum corporum substantiam, vel in ipsa elementa vertatur, in quorumcunque hominum, seu animalium cibum cadat, carnemque vertatur. ... illi anima humane in puncto temporis cedet que illud prius, ut homo fuerit, viveret, & cresceret, animavit.*

Præterea. Quilibet inclinationi naturali respondet aliquod agens naturale; alias natura deficeret in necessariis. Sed nullo agente naturali possunt prædicti pulveres eidem animæ iterato coniungi. Ergo in eis non est aliqua naturalis inclinatio ad prædictam conjunctionem.

### SOLUTIO I.

Respondeo dicendum ad primam questionem, quod super hac questione varie loquuntur sancti, ut in littera patet; tamen hæc est securior, & communior opinio, quod omnes morientur, & a morte resurgent: & hoc propter tria. Et primo quia magis concordat divinæ iustitiæ, quæ humanam naturam pro peccato primi parentis damnavit, ut omnes qui per actum naturæ ab eo originem ducerent, infectionem originalis peccati contraherent, & per consequens mortis debitores essent. Secundo quia magis concordat divinæ Scripturæ, quæ omnium futuram resurrectionem prædicit: resurrectionem autem proprie non est nisi eius quod cecidit, & dissolutum est, ut Damascenus dicit (de Fid. orth. Lib. IV. cap. xxviii.) Tertio quia magis concordat ordini naturæ, in quo invenimus quod illud quod corruptum, & vitiatum est, in suam novitatem non redu-  
citur nisi corruptione mediante; sicut acetum

non fit vinum nisi aceto corrupto, & in humorem vitis transiente. Unde cum natura humana in defectu necessitatis moriendi devenerit, non erit reditus ad immortalitatem nisi morte mediante. Convenit etiam ordini naturæ propter aliam rationem: quia, ut in VIII. Phys. (text. 1.) dicitur, motus calis est ut vita quædam natura existentibus omnibus, sicut etiam motus cordis totius corporis quædam vita est: unde sicut cessante motu cordis, omnia membra mortificantur; ita cessante motu calis non potest aliquid vivum remanere in illa vita quæ ex influenza illius motus conservabatur. Talis autem est vita quam nunc degimus: unde oportet quod ex hac vita discedat qui post motum calis quiescentem victuri sunt.

Ad primum ergo dicendum, quod distinctio illa mortuorum, & vivorum non est referenda ad ipsum iudicii tempus, nec ad totum tempus præteritum: quia omnes iudicandi aliquo tempore fuerunt vivi, & aliquo tempore mortui: sed ad illud tempus determinatum quod immediate iudicium præcedet, quando scilicet iudicii signa incipient apparere.

Ad secundum dicendum, quod perfectum sanctorum desiderium non potest esse vanum; sed nihil prohibet desiderium conditionatum eorum esse vanum: & tale est desiderium quo volumus expoliari, sed supervesciri, scilicet si possibile sit: & hoc desiderium a quibusdam velleis dicitur.

Ad tertium dicendum, quod hoc est erroneum dicere, quod aliquis sine peccato originali concipitur præter Christum: quia ille qui sine peccato originali conciperetur, non indigeret redemptione quæ facta est per Christum; & sic Christus non esset omnium hominum redemptor. Nec potest dici, quod non hac redemptione indiguerunt, quia præstitum fuit eis ut sine peccato conciperentur: quia illa gratia facta est patentibus, ut in eis vitium naturæ sanaretur, quo manente sine originali peccato generare non possent, vel ipsi naturæ quæ sanata est. Oportet autem ponere, quod quilibet personaliter redemptione Christi indigeat, non solum ratione naturæ. Liberari autem a malo, vel a debito absolvi non potest, nisi qui debitum incurrit, vel in malum deiectus fuit: & ita non possent omnes fructum dominicæ redemptionis in seipsis percipere, nisi omnes debitores nascerentur, & malo lubieffi: unde dimissio debitorum, & liberatio a malo non potest intelligi, quod aliquis sine debito, vel immunis a malo nascatur, sed quia cum debito

bito natus postea per gratiam Christi liberatur. Nec etiam sequitur, si potest sine errore poni, quod aliqui sine originali peccato nascantur, quamvis mors sit poena originalis peccati: quia Deus potest ex misericordia alicui relaxare poenam ad quam obligatur ex culpa praeterita, sicut adulteram sine poena dimisit Ioan. viii. & similiter poterit liberare a morte eos qui reatum mortis contraxerunt cum originali nascendo: & sic non sequitur: Si non moriuntur, ergo nascuntur sine originali.

Ad quartum dicendum, quod non semper via compendiosior est magis eligenda, sed solum quando est magis, vel aequaliter accommodata ad finem consequendum; & sic non est hic, ut ex dictis patet.

## SOLUTIO II.

Ad secundam quaestionem dicendum, quod eisdem rationibus quibus ostensum est omnes a morte resurgere, est etiam ostendendum quod omnes resurgent a cineribus in communi resurrectione, nisi aliquibus ex privilegio specialis gratiae sit contrarium indultum, sicut & resurrectionis acceleratio. Scriptura autem sacra sicut resurrectionem praenuntiat, ita & reformationem corporum, Phil. iii. & ideo oportet quod sicut omnes moriuntur ad hoc quod omnes vere resurgere possint, ita omnium corpora dissolvantur ad hoc quod omnium corpora reformari possint: sicut (a) enim in poenam hominis mors a divina iustitia est iniuncta, ita & corporis resolutio, ut patet Genes. iii. 9. (b) *Terra es, & in terram ibis*. Similiter etiam ordo naturae exigit ut non solum animae & corporis coniunctio solvatur, sed etiam elementorum commixtio; sicut etiam acetum non potest in vini qualitatem reduci, nisi prius facta resolutione in materiam praecentem: ipsa (c) enim elementorum commixtio ex motu caeli causatur, & conservatur, quo cessante omnia mixta in pura elementa resolvuntur.

Ad primum ergo dicendum, quod resurrectio Christi exemplar est nostrae resurrectionis quo ad terminum ad quem, non autem quo ad terminum a quo.

Ad secundum dicendum, quod per cineres intelliguntur omnes reliquiae quae remanent humano corpore resolutio, duplici ratione. Primo quia mos erat apud antiquos corpora mortuorum comburere, & cineres conservare: unde inolevit modus loquendi, ut ea in quae corpus humanum resolvitur,

cineres dicantur. Secundo propter causam resolutionis, quae est incendium fomitis, quo corpus humanum radicitus est infectum: unde ad purgationem huius infectionis oportet usque ad prima componentia corpus humanum resolveri. Quod autem per incendium resolvitur, dicitur in cineres resolveri: & ideo ea in quae corpus humanum dissolvitur, cineres dicuntur.

Ad tertium dicendum, quod ille ignis qui faciem mundi purgabit, poterit statim corpora illorum qui vivi inveniuntur usque ad cineres resolvere, sicut etiam alia mixta resolvit in praecentem materiam.

Ad quartum dicendum, quod motus non accipit speciem a termino a quo, sed a termino ad quem: & ideo resurrectio sanctorum, quae erit gloriosa, oportet quod differat a resurrectione impiorum, quae non erit gloriosa, penes terminum ad quem, non autem penes terminum a quo. Convenit enim frequenter non esse eundem terminum ad quem existente eodem termino a quo; sicut de nigredine potest moveri aliquid in albedinem, & in pallorem.

## SOLUTIO III.

Ad tertiam quaestionem dicendum, quod circa hoc est triplex opinio.

Quidam enim dicunt, quod corpus humanum numquam resolvitur usque ad elementa, & ita semper in cineribus manet aliqua vis addita elementis quae facit naturalem inclinationem ad eandem animam. Sed haec positio contrariatur auctoritati Augustini indirecte, & sensui, & rationi: quia omnia composita ex contrariis possibile est resolveri in ea ex quibus componuntur.

Et ideo alii dicunt, quod illae partes elementorum in quas humanum corpus resolvitur, retinent plus de luce ex hoc quod fuerunt animae humanae coniunctae, & ex hoc habent quandam inclinationem ad animas. Sed hoc iterum frivolum est: quia partes elementorum sunt unius naturae, & aequaliter habent participationem lucis, & obscuritatis.

Et ideo aliter dicendum est, quod in cineribus illis nulla est naturalis inclinatio ad resurrectionem, sed solum ex ordine divinae providentiae, quae statuit illos cineres iterum animae coniungi; & ex hoc convenit quod illae partes elementorum iterato coniungantur, & non aliter.

Unde patet solutio ad primum.

Ad secundum dicendum, quod anima se-

O o 2 pa-

(a) est etiam. (b) *Vulgata: Pulvis es, & in pulverem revertaris*. (c) est etiam.

parata a corpore manet in eadem natura quam habebat cum corpori esset coniuncta; quod de corpore non convenit: & ideo non est simile.

Ad tertium dicendum, quod verbum illud Iob non est intelligendum, quod vita adhuc maneat in pulveribus mortuorum, sed secundum ordinem divine iustitiæ, quo sunt deputati pulveres illi ad corporis reparationem, quod pro peccatis commissis cruciabitur in æternum.

## ARTICULUS V.

*Utrum post resurrectionem quilibet cognoscat peccata quæ fecit.*

**A**D quintum sic proceditur. Videtur quod post resurrectionem non quilibet cognoscat peccata quæ fecit. Omne enim quod cognoscimus, vel de novo per sensum accipimus, vel de thesauro memoriæ educitur. Sed homines post resurrectionem suam peccata non poterunt sensu percipere, quia iam transierunt; sensus autem est tantum præsentium: multa etiam peccata a memoria exciderunt peccantis, quæ non poterunt de thesauro memoriæ educi. Ergo non omnium peccatorum quæ fecit, resurgens cognitionem habebit.

2. Præterea. Sicut in littera dicitur, conscientia libri quidam sunt, in quibus merita singulorum leguntur. Sed in libris non potest legi aliquid, nisi nota eius contineatur in libro; notæ autem quædam peccatorum remanent in conscientia, ut Rom. 1. in Glossa (a) patet, quæ non videntur aliud esse quam reatus, vel macula. Cum igitur multorum peccatorum macula, & reatus a multis sit deletus per gratiam, videtur quod non omnia peccata quæ fecit, possit aliquis in sua conscientia legere; & sic idem quod prius.

3. Præterea. Crescente causa crescit effectus. Sed causa quæ facit nos dolere de peccatis quæ ad memoriam revocamus, est caritas. Cum ergo in sanctis resurgentibus sit perfecta caritas, maxime (b) de peccatis dolerunt, sicut ad memoriam revocabunt: quod non potest esse, quia fugiet ab eis & dolor, & gemitus, ut dicitur Apocal. xxi. Ergo propria peccata ad memoriam non revocabunt.

4. Præterea. Sicut se habebunt resurgentes damnati ad bona quæ fecerunt aliquando, ita se habebunt resurgentes beati ad pec-

cata quæ aliquando commiserunt. Sed resurgentes damnati, ut videtur, cognitionem de bonis quæ aliquando fecerunt, non habebunt: quia per hoc pœna eorum multum alleviaretur. Ergo nec beati habebunt cognitionem peccatorum quæ commiserunt.

Sed contra est quod Augustinus dicit XX. de Civ. Dei (c. xiv.) quod quædam vis divina aderit, quæ fiet quod cuncta peccata ad memoriam revocentur.

Præterea. Sicut se habet humanum iudicium ad testimonium externum, ita se habet iudicium divinum ad testimonium conscientia, ut patet I. Reg. xvi. 7. *Homines vides et quæ parent, Deus autem intuetur cor.* Sed non possit perfecte iudicium humanum esse de aliquo, nisi testes de omnibus de quibus iudicandum est, testimonium deponent. Ergo oportet, cum iudicium divinum sit perfectissimum, quod conscientia omnia teneat de quibus iudicandum est. Sed iudicandum erit de omnibus operibus bonis & malis: II. Corinth. v. 10. *Omnes (c) astabimus ante tribunal Christi, ut referat unusquisque propria corporis, prout gessit, sive bonum, sive malum.* Ergo oportet quod conscientia iniunctus cuiusque retineat omnia opera quæ fecit, sive bona, sive mala.

## QUÆSTIUNCULA II.

1. Ulterius. Videtur quod non quilibet possit legere omnia quæ sunt in conscientia alterius. Resurgentium enim non erit limpidior cognitio quam nunc sit Angelorum, quorum aequalitas resurgentibus promittitur Matth. xxii. Sed Angeli non possunt invicem in suis cordibus videre ea quæ dependent a libero arbitrio, unde indigent locutione ad invicem innotescenda, ut in I. Lib. dist. xi. (quæst. 1. art. 3.) dictum est. Ergo nec resurgentes poterunt inspicere ea quæ continentur in conscientia aliorum.

2. Præterea. Omne quod cognoscitur, vel cognoscitur in se, vel in sua causa, vel in suo effectu. Sed merita, vel demerita, quæ continentur in conscientia alicuius, non poterit alius in seipsis cognoscere, quia solus Deus cordi illabitur, & secreta eius intuetur: similiter nec in causa sua, quia non omnes videbunt Deum, qui solus potest imprimere in affectum, ex quo procedunt merita, vel demerita: similiter etiam nec in effectu, quia multa demerita erunt quorum nullus effectus remanebit, eis per poenitentiam totaliter ab-  
sistis. Ergo non omnia quæ sunt in con-

scient-

(a) *ut de peccatis legatur.* (b) *ut de peccatis doleretur.* (c) *Ubi dicitur manifestari oportet.*

scientia alicuius, poterit quilibet alius cognoscere.

3. Præterea. Ioannes Chrysostomus dicit (hom. xxxi. in Epistolam ad Hebræos) ut habitum est supra distinct. xvii. in littera: *Nunc autem si recorderis peccatorum tuorum, & frequenter ea in conspectu Dei pronunties, & pro eis depreceris, citius illa delebis. Si vero obliviseris, tunc eorum recordaberis nolens, quando publicabuntur, ac in conspectu omnium amicorum, & inimicorum, sanctulorumque Angelorum proferentur.* Ex hoc accipitur quod illa publicatio poena est negligentiae qua homo confessionem prætermittit. Ergo illa peccata de quibus homo confessus est, non publicabuntur aliis.

4. Præterea. Solutum est alicui, si scit se habere multos socios in peccato, & minus inde verecundatur. Si ergo quilibet peccatum alterius cognoscet, cuiuslibet peccatoris erubescencia multum minuetur quod non competit. Ergo non omnes omnium peccata cognoscant.

Sed contra. Super illud I. Corinth. iv. 5. *Illuminabit abscondita tenebrarum*, dicit Glossa (vetus ex Haymone): „Gesta, & cogitata, bona, & mala tunc aperta, & nota erunt omnibus.“

Præterea. Omnium beatorum peccata præterita equaliter erunt abolita. Sed aliquorum sanctorum peccata sciemus, sicut Magdalenæ, & Petri, & David. Ergo pari ratione aliorum electorum peccata sciuntur, & multo magis damnatorum.

### QUÆSTIUNCULA III.

I. Ulterius. Videtur quod non omnia merita, & demerita propria, & aliena ab aliquo uno intuitu videantur. Ea enim quæ singillatim considerantur, non videntur uno intuitu. Sed damnati singillatim considerabunt sua peccata, & ea plangent: unde dicitur Sap. v. 8. *Quid nobis prouit superbia?* etc. Ergo non omnia videbunt uno intuitu.

2. Præterea. Philosophus dicit in II. Topic. (cap. iv.) quod non contingit simul plura intelligere. Sed merita, & demerita propria, & aliena non videbuntur (a), nisi intellectu. Ergo non poterunt omnia simul videri.

3. Præterea. Intellectus damnatorum hominum non erit post resurrectionem elevatus quam nunc sit bonorum Angelorum quantum ad naturalem cognitionem qua cognoscunt res per species innatas. Sed tali cognitione naturali non videntur plura simul,

ut in II. Lib. dist. xii. dictum est. Ergo nec tunc damnati poterunt omnia facta sua simul videre.

Sed contra. Super illud Iob viii. *Inducatur confusio*, dicit Glossa (Gregorius): „Videtur, sicut iudice omnia mala ante oculos mentis versant.“ Sed iudicem subito videbunt. Ergo similiter mala quæ commisserunt, & eadem ratione omnia alia.

Præterea. Augustinus XX. de Civit. Dei (cap. xiv.) habet pro inconvenienti quod legatur aliquis liber materialis in iudicio, in quo facta singulorum sunt scripta, eo quod nullus valeat æstimare illius libri magnitudinem, vel quanto tempore legi posset. Sed similiter non posset æstimari tempus quantum oporteret ponere ad considerandum omnia merita, & demerita sua, & aliena ab aliquo homine, si succellive diversa videant. Ergo oportet ponere quod omnia simul videat unusquisque.

### SOLUTIO I.

Respondeo dicendum ad primam questionem, quod, sicut dicitur Rom. ii. in illa die cum iudicabit Dominus, testimonium unicuique sua conscientia reddet, & cogitationes erunt accusantes, & defendentes: & quia oportet quod testes, & accuator, & defensor in quolibet iudicio habeant eorum notitiam quæ in iudicio versantur, in illo autem communi iudicio omnia opera hominum in iudicio venient: oportet quod omnium operum tuorum quisque tunc notitiam habeat: unde conscientia singulorum etiam quasi quidam libri continentes res gestas, ex quibus iudicium procedet, sicut etiam in iudicio humano res stris untur. Isti sunt libri, de quibus Apocal. xxi. 12. dicitur: *Libri aperti sunt, & alius liber apertus est viis; & iudicium sunt mortui ex his quæ scripta erant in libris secundum opera ipsorum*: ut per libros qui dicuntur sic aperti, ut Augustinus exponit XX. de Civit. Dei (cap. xiv.) significantur sancti novi, & veteris testamenti, in quibus Deus ostendit quæ mandata fieri iussisset: unde, ut Richardus de sancto Viatore dicit (tract. de iudiciis) potestate circa med.) eorum corda erunt quasi quædam canonum decreta: sed per librum viarum, de quo subiungitur, intelliguntur conscientia singulorum; quæ dicuntur singulariter liber unus, quia una virtute divina fiet ut cunctis ad memoriam sua facta revocentur. Et hæc vis, inquantum ad memoriam redu.

(a) id est, in intellectu. Merita nisi in intellectu.

reducit homini sua facta, liber vitae dicitur. Vel per primos libros, conscientiae intelligantur, per secundum sententia iudicis in eius providentia descripta.

Ad primum ergo dicendum, quod quamvis multa merita, vel demerita a memoria excident, tamen nullum eorum erit quod non aliquo modo remaneat in suo effectu: quia merita quae non sunt mortificata, manebunt in praemium quod eis redditur; quae autem sunt mortificata, manent in reatu ingratitudinis, quae augentur ex hoc quod homo post gratiam susceptam peccavit; similiter etiam demerita, quae non sunt per poenitentiam deleta, manent in reatu poenitentiae quae eis debetur; quae autem poenitentiae deleverunt, manent in ipsa poenitentiae memoria, quam simul cum aliis meritis in notitiam habebunt. Unde in quolibet homine erit aliquid ex quo possit ad memoriam sua opera revocare; & tamen, ut Augustinus dicit, principaliter ad hoc vis divina operabitur.

Ad secundum dicendum, quod iam patet ex dictis quod aliquae notae manent in conscientia singulorum de operibus a se factis: nec oportet quod notae istae sint reatus tantum, ut ex dictis patet.

Ad tertium dicendum, quod quamvis caritas sit nunc causa dolendi de peccato, tamen sancti in patria erunt ita perfusi gaudio, quod dolor in eis locum habere non poterit: & ideo de peccatis non dolebunt, sed potius gaudebunt de divina misericordia qua eis sunt peccata relaxata, sicut etiam nunc Angeli gaudent de iustitia divina, qua fit ut deserti a gratia in peccato ruant illi quos custodiunt, quorum tamen salutem solite invigilant.

Ad quartum dicendum, quod mali cognoscent omnia bona quae fecerunt; & ex hoc non minuetur eorum dolor, sed magis augebitur, quia maximus est dolor multa bona perdidisse: propter quod Boetius dicit in II. de Consol. (prof. xiv.) quod summum infortunium genus est fuisse felicem.

## SOLUTIO II.

Ad secundam quaestionem dicendum, quod in ultimo & communi iudicio oportet quod divina iustitia omnibus evidenter appareat; quod nunc in plerisque later. Sententia autem condemnans, vel praemians iusta esse non potest, nisi secundum merita, vel demerita proferatur: & ideo sicut oportet quod iudex, & assessor iudicis merita causas co-

gnoscant ad hoc quod iustam sententiam proferant; ita oportet ad hoc quod iusta sententia appareat, quod omnibus sententiam cognoscentibus merita innotescant. Unde quia sicut cullebris nota erit sua praematio, & sua damnatio, ita & omnibus aliis innotescet; oportet quod sicut quilibet sua merita, vel demerita reducat ad memoriam, ita etiam & aliena eius cognitioni subiaceant. Et haec est probabilior, & communior opinio, quamvis Magister contrarium dicat in littera, scilicet quod peccata quae sunt per poenitentiam deleta, in iudicio aliis non pateant. Sed ex hoc sequitur quod nec etiam poenitentia de peccatis illis (a) perfecta cognoscitur, in quo multum detraheretur sanctorum gloriis, & laudi divinae, qui tam misericorditer sanctos suos liberavit.

Ad primum ergo dicendum, quod omnia merita praecedentia, vel demerita facient aliquam quantitatem in gloria, vel miseria hominis resurgentis, ut ex dictis patet: & ideo ex exterioribus visis poterunt cuncta in conscientia videri, & praecipue divina virtute ad hoc operante, ut sententia iudicis iusta appareat omnibus.

Ad secundum dicendum, quod merita, vel demerita poterunt aliis ostendi in suis effectibus, ut ex dictis patet, vel etiam in seipsis per divinam virtutem, quamvis ad hoc virtus intellectus creati non sufficiat.

Ad tertium dicendum, quod publicatio peccatorum ad ignominiam peccantis est effectus negligentiae quae committitur in omissione confessionis; sed quod peccata sanctorum revelantur, non poterit eis esse in erubescencia, vel verecundia, sicut nec Mariae Magdalene est in confusione quod peccata sua in Ecclesia publice recitantur: quia verecundia est timor ingloriationis, ut dicit Damascenus (de Fid. orth. Lib. II. cap. xv.) qui in beatis esse non poterit. Sed talis publicatio erit eis ad magnam gloriam propter poenitentiam quam fecerunt, sicut & confessor approbat eum qui magna scelera fortiter confitetur. Dicuntur autem peccata esse deleta, quia Deus non videt ea ad puniendum.

Ad quartum dicendum, quod ex hoc quod peccator aliorum peccata inspicit, in nulla sua confusio minuetur; sed magis augebitur, (b) in alieno vituperio suum vituperium magis perpendens. Quod enim ex tali causa confusio minuitur, convenit ex hoc quod verecundia respicit affirmationem hominum, quae ex consuetudine redditur levior;

(a) Nicolai perfecte. (b) Nicolai: dum in alieno vituperio suum vituperium magis perpendit.

vior; sed tunc confuso respicit æstimationem Dei, quæ est secundam veritatem de quolibet peccato, sive sit unius tantum, sive multorum.

## SOLUTIO III.

Ad tertiam quæstionem dicendum, quod circa hoc est duplex opinio.

Quidam enim dicunt, quod omnia merita, vel demerita simul aliquis videbit, sua, & aliena, in instanti: quod quidem de beatis facile credi potest, quia omnia in uno videbunt, & sic non est inconveniens quod simul plura videant; sed in damnatis, quorum intellectus non est elevatus ut possit Deum videre, & in eo omnia alia, est magis difficile.

Et ideo alii dicunt, quod mali simul omnia videbunt in genere sua peccata; & hoc sufficit ad accusationem illam quæ debet esse in iudicio, vel absolutionem: non autem videbunt simul omnia descendendo ad singularia. Sed hoc etiam non videtur consonum dictis Augustini XX. de Civ. Dei (cap. xiv.) qui dicit, quod omnia mentis intuitu enumerabuntur: quod autem in genere cognoscitur, non enumeratur.

Unde potest eligi media via, quod singularia considerabunt, non tamen in instanti, sed in tempore brevissimo, divina virtute ad hoc adiuvante: & hoc est quod Augustinus dicit ibidem, quod mira celeritate enumerabuntur. Nec hoc est impossibile: quia in quolibet parvo tempore sunt infinita instantia in potentia.

Et per hoc patet responso ad utramque partem.

## EXPOSITIO TEXTUS.

**I**n *infusa*, & in voce *Archangel*i, & in *tuba Dei* descendet de celo. Potest per hæc tria idem significari, ut illa vox dicatur *infusus* quantum ad virtutem, quia ei corpora mortuorum obediunt; vox *Archangel*i, idest Christi, qui est Princeps Angelorum, quantum ad dignitatem proferentis; *tuba* quantum ad evidentiam. Vel *infusus* refertur ad causam principalem, scilicet divinam virtutem, cui obediunt omnia; vox *Archangel*i ad ministrum Angelorum; sed *tuba* ad operationem hominis Christi: hæc enim tria in resurrectione operabuntur.

Unde (a) rationabiliter putari potest, peccata hic per penitentiam tecta, & deleta, illic etiam regi aliis. Sustinendo Magistrum potest dici, quod peccata infusorum non venient in notitiam ut peccata, sed ut dimissa: sic enim considerationi cuiuslibet occurrent. Unde ex hoc non sequitur confusio, sed gloria. Dicuntur autem regi, inquantum Deus ea non videt ad puniendum, sicut exponit Glossa (Augustini) super illud Psal. xxxi. „Beati quorum remissa sunt iniquitates &c.“

Contra vero scribens ad Marcellam Hieronymus testari videtur. Quidam dicunt, quod Hieronymus non dixit hoc asserendo, sed opinionem cuiusdam Græci recitando.

## DISTINCTIO XLIV.

De ætate, & statura resurgentium.

**S**olent autem nonnulli percontari, & quærere, an in eadem ætate, & statura corporis omnes resurrecturi sint. Quidam putaverunt omnes resurrecturos secundum mensuram ætatis, & stature Christi, ideo quia Apostolus ait (Ephes. iv. 12.) „Donec occurramus omnes in virum perfectum in mensuram ætatis plenitudinis Christi.“ Sed his verbis non eadem resurgentibus assignatur statura, sed ætas. Omnes enim in eadem ætate resurgent in qua Christus mortuus est, & resurrexit, cuiuscunque ætatis mortui fuerint. Virum autem posuit, non ut distinguere sexum, sed ut significaret perfectionem virum, quam tunc habebunt; sed non omnes eandem staturam corporis obtinebunt. Unde Augustinus (Lib. XXII. de Civit. Dei cap. xv.) „Non ait, In mensuram corporis, vel stature, sed ætatis,

(a) Textus non irrationabiliter.



„tatis, quia unusquisque suam recipiet mensuram corporis, quam vel habuit in  
 „iuventute, etiam si senex cbiit, vel fuerat habiturus, si ante est defunctus.“  
 „Aetas vero erit illa ad quam pervenit Christus, scilicet iuvenilis, ut circa triginta  
 annos. Triginta enim duum annorum & trium mensium erat aetas Christi, in qua  
 mortuus est, & resurrexit. Non est autem fas dicere, quod in resurrectione ac-  
 cedat corpori magnitudo, quam nec habuit (1) hic, nec erat habiturus diu  
 vivendo; nec maiora corpora redigenda sunt ad modum dominici corporis. Periret  
 enim multum de illis corporibus, cum nec periturus sit capillus, ut ait Dominus  
 (Luc. xxi. 18.) „Capillus de capite vestro non peribit.“

*Quod resurget quicquid fuit de substantia, & natura corporis, & in eadem parte corporis.*

„**N**ON (2) enim perit Deo terrena materies, de qua mortalium creatur ca-  
 „ro; sed in quemlibet pulverem cineremve solvatur, in quoslibet alitus,  
 „aerisque dissipatur, & in quancumque aliorum corporum substantiam, vel in i-  
 „pia elementa veratur, in quorumcumque animalium, vel hominum cibum,  
 „carnemque mutetur, illi animae in puncto temporis (3) redibit quae illam  
 „carnem primitus, ut homo fieret, crederet, viveret, animavit. Ipsa ergo ter-  
 „rena materies, quae discedente anima sit cadaver, non ita in resurrectione repa-  
 „rabitur, ut ea quae dilabuntur, & in alias atque alias rerum species vertuntur,  
 „quamvis ad corpus redeant, unde dilapsa sunt, ad eandem quoque corporis par-  
 „tes ubi fuerunt, redire necesse sit. Alioquin si capillis redit quod tam crebra  
 „tonsura detraxit, si unguibus quod toties dempsit exsectio, immoderata, & in-  
 „decens cogitantibus resurrectionem carnis, & ideo non credentibus occurrit (4)  
 „informitas. Sed quemadmodum si statua cuiuslibet solubilis metalli igne lique-  
 „ret, vel contereretur in pulverem, vel confunderetur in massam, & eam vel-  
 „let artifex rustum ex illius materia, & quantitate reparare, nihil interesset ad  
 „eius integritatem, quae particula materiae cui membro statuae redderetur, dum  
 „tamen totum ex quo constituta fuerat, restituta relumeret; ita Deus mirabilis,  
 „atque ineffabilis artifex de toto quo caro nostra extiterat, eam mirabili celeri-  
 „tate restituet: nec aliquid attinebit ad eius reintegrationem, utrum capilli ad  
 „capillos redeant, & ungues ad ungues, an quicquid eorum perierat, mutetur  
 „in carnem, & in partes alias revocetur, curante artificis providentia ne quid  
 „indecorum fiat. Indecorum quippe aliquid ibi non erit, sed quicquid futurum est,  
 „hoc decebit: quia nec futurum est, si non decebit.“ (Ex Augustino in In-  
 chirid. cap. lxxxviii.)

*Quod sancti sine omni deformitate resurgent.*

**H**oc autem in corporibus sanctorum intelligendum est, de quibus consequenter  
 adiungit (Augustinus ibid. cap. xci.) „Resurgent ergo sanctorum corpora  
 „sine ullo vitio, sine ulla deformitate, sicut sine ulla corruptione, onere, diffi-  
 „cultate; in quibus tanta facilitas, quanta felicitas erit, propter quod & spiri-  
 „tualia dicta sunt, cum proculdubio corpora sint futura, non spiritus.“ Ex his  
 apparet quod una erit aetas omnium resurgentium, scilicet iuvenilis, statura vero  
 diversa, scilicet quam quisque habuerit in iuvenili aetate, vel erat habiturus, si  
 ante est defunctus. Nec de substantia qua hominis caro creatur, aliquid peribit,  
 sed omnium particularum ante dispersarum collectione reintegrabitur naturalis sub-  
 stantia corporis: sanctorumque corpora sine omni vitio fulgida sicut sol resurgent  
 praecisus cunctis deformitatibus quas hic habuerunt.

(1) *Al. desit hic.* (2) *Nicetas.* Ponit etiam in Enchirid'io cap. lxxxviii. Non enim &c. (3) *Nicetas*  
 reddit, ut *Augustini sententia.* *Supple* Deus. (4) *Al. infirmitas.*

*Si mali tunc habeant quas hic habuerunt deformitates.*

**D**E reprobis autem quæri solet, an cum deformitatibus hic habitis resurgant. Hoc autem Augustinus non asserit, sed dubium relinquit, ita inquit (in Enchirid. cap. xcxi.) „Quicumque ab illa perditionis massa quæ per Adam facta est, non liberantur per Christum, resurgent quidem etiam ipsi unusquisque cum sua carne, sed ut cum diabolo, eiusque angelis puniantur. Utrum vero ipsi cum vitis, & deformitatibus suorum corporum resurgant, quæcumque in eis gestarant, inquirendo laborare quid opus est? Non enim fatigare nos debet incerta eorum habitudo, vel pulchritudo quorum erit certa, & sempiterna damnatio.“ Ecce non diffinit, an tunc habeant deformitates quas hic habuerunt reproborum corpora.

*Quia non consumuntur corpora quæ tunc ardebunt.*

**S**I vero quæritur de corporibus malorum, quomodo in igne ardeant, & non consumantur, Augustinus (de Civit. Dei Lib. XXI. cap. ixi.) variis exemplis astruit, & sempiternis ignibus ea ardere, & non consumi illa combustionem, sicut animus, cuius præsentia corpus vivit, & dolorem pati potest, & mori non potest. Hoc enim erit tunc in corporibus damnatorum quod nunc esse scimus in animis omnium.

*Si demones corporali igne cremantur.*

**Q**Uæri etiam solet, an demones corporali igne ardeant. Ad quod Augustinus respondens ait (de Civit. Dei Lib. XX. cap. x.) „Cur non dicamus, quamvis miris, veris tamen modis etiam spiritus incorporeos posse pœna corporalis ignis affligi; si spiritus hominum, etiam ipsi incorporei, & nunc potuerunt includi corporalibus membris, & tunc poterunt corporum suorum vinculis infolubiliter alligari? Gehenna illa quæ stagnum ignis, & sulphuris dicta est, corporeus ignis erit, & cruciabit damnatorum corpora, hominum, vel dæmonum, sed solida hominum, aërea dæmonum: unus enim utriusque ignis erit, ut Veritas ait. “ De quo igne si quæritur qualis, vel ubi sit, Augustinus sic respondet (ibid. cap. xvi.) „Ignis æternus cuiusmodi sit, & in qua mundi, vel rerum parte futurus sit, hominem scire arbitror neminem, nisi forte cui Spiritus divinus ostendit.“

*Si anime sine corporibus sentiunt ignem corporalem.*

**C**UM autem constet animas igne materiali in corporibus cruciandas, quæri solet, an interim ante resurrectionem corporum, animæ defunctorum reproborum materiali igne cremantur. De hoc Iulianus Tolentæ Ecclesiæ Episcopus Gregorii dicta secutus ita scripsit. \* „Si viventis hominis incorporeus spiritus tenetur in corpore, cur non post mortem etiam corpore igne tenetur? Teneri autem per ignem spiritum dicimus, ut in tormentis ignis sit, videndo, atque sentiendo. “ Quod autem non solum videndo, sed etiam experiendo anima ignis tormentum patiatur, ex Evangelio colligitur, ubi Veritatis voce dives mortuus dicitur in inferno sepultus, cuius anima quod in igne teneatur, insinuat, cum Abraham deprecatur dicens (Luc. xvi. 24.) „Mitte Lazarum, ut intingat extremum digiti sui in aquam, ut refrigeret linguam meam: quia crucior in hac flamma.“ Dum ergo peccatorem divitem damnatum in ignibus Veritas perhibet, quis sapiens reproborum animas teneri ignibus neget? Præcipue cum humanam animam corporis similitudinem habere doceat Augustinus ita inquit (super Gen.

*S. Thom. Oper. Tom. XIII.*

*P p*

*ad*

EX EDIT. P. NICOLAI. \* Nimirum in tractatu qui prognosticon inscribitur Lib. II. cap. xviii. Tom. IX. Bibliothecæ PP. ubi Gregorium expresse citat. Sumptum autem est ex Lib. IV. Dialogorum cap. xxi.

ad litteram Lib. XII. cap. xxxiii. ) „Profitari animam habere posse similitudinem  
 „ corporis, & corporalium omnino membrorum quisquis renuit, potest negare a-  
 „ nimam esse quæ in somnis videt vel ambulare se, vel sedere, vel huc atque  
 „ illuc gressu, vel etiam volatu ferri. Hoc ( 1 ) enim sine quadam similitudine  
 „ corporis non fit. Proinde si hanc similitudinem etiam apud inferos gerit, non  
 „ corporalem, sed corpori similem; ita etiam in locis videtur esse non corporali-  
 „ bus, sed corporalium similibus sive in requie, sive in doloribus. “ In Cassiani  
 etiam voluminibus legitur, \* quod non sint otiosæ, neque nihil sentiant, cum di-  
 „ ves ille in inferno se flamma cruciari clamat. Unde probatur animas defunctorum  
 non solum suis sensibus non privari, sed nec istis affectibus, scilicet spe, tristitia,  
 gaudio, ac metu, carere; & ex his quæ sibi in illo generali examine reservantur,  
 eas quidem iam incipere prægustare.

*De abortivis fetibus, & monstris.*

**I**llud etiam investigare oportet, si abortivi fetus, & monstra resurgent, & qua-  
 „ lia. De quo Augustinus ita ait ( in Enchirid. cap. lxxxv. ) „ Occurrit de ab-  
 „ ortivis fetibus questio, qui iam nati sunt in uteris matrum, sed non ita ut iam  
 „ possint renasci. Si enim resurrecturos eos dixerimus, de his qui iam formati  
 „ sunt, tolerari potest utcumque quod dicitur. Informes vero quis non proclivius  
 „ perire arbitretur, sicut semina quæ concepta simul non fuerunt? Scrupulose qui-  
 „ dem inter doctores queri ac disputari potest, quando incipit homo in utero vi-  
 „ vere, an sit quædam vita occulta quæ nondum in motibus viventis appareat.  
 „ Negare enim vixisse puerperia, quæ ideo membratim exsecantur, ut eiciantur  
 „ ex uteris prægnantium, ne matres etiam, si mortua ibi relinquantur, occidant,  
 „ impudentia nimia videtur. Ex quo autem incipit homo vivere, ex illo utique  
 „ iam mori potest. Mortuus vero, ubicumque illi potuit mors evenire, quomo-  
 „ do ad resurrectionem non pertineat, reperire nequeo. Neque enim & monstra  
 „ quæ nascuntur, & vivunt, quantumlibet cito moriantur, aut resurrectione nega-  
 „ buntur, aut ita resurrectura credenda sunt, sed potius correctæ eorum, emen-  
 „ dataque natura. Absit enim ut illum bimembrem quem nuper natum in orien-  
 „ te fratres ( 2 ) fidelissimi, qui eum viderunt, retulerunt, & ( 3 ) sanctus  
 „ Hieronymus scriptum reliquit, & unum hominem duplicem, ac non potius duos  
 „ ( quod futurum erat, si gemini nascerentur ) resurrecturos æstimemus. Ita &  
 „ cetera quæ nimia deformitate monstra dicuntur, ad humanæ naturæ figuram in  
 „ resurrectione revocabuntur. “

**DIVISIO TEXTUS.**

**P**ostquam determinavit Magister de con-  
 „ ditionibus resurrectionis, hic determinat  
 de conditionibus resurgentium: & dividitur  
 in partes duas. In prima parte determinat de  
 conditionibus resurgentium qui ad perfectio-  
 nem humanæ naturæ pervenerunt; in secunda  
 de conditionibus illorum qui in præsentia  
 vita prædicta perfectione caruerunt, scilicet  
 de abortivis fetibus, ibi, *Illud etiam inve-*  
*stigare oportet &c.* Prima in duas. In prima  
 determinat condiciones resurgentium beato-  
 rum; in secunda condiciones malorum, ibi,  
*De reprobis autem queri solet &c.* Prima in

tres. In prima determinat resurgentium æ-  
 „ tatem, & staturam; in secunda corporum  
 integritatem, ibi, *Non enim perit Deo terre-*  
*na materies; in tertia eorum gloriam, ibi,*  
*Hoc autem in corporibus sanctorum intelligen-*  
*dum est.*

*De reprobis autem queri solet, an cum de-*  
*formitatibus hic habitis resurgent. Hic detet-*  
 minat condiciones reproborum: & primo  
 quantum ad reprobationem naturæ; secundo  
 quantum ad passionem pœnæ, ibi, *Si vero*  
*queritur de corporibus malorum quomodo in i-*  
*gne ardeant, & non consumantur, Augustinus*  
*variis exemplis astringit. Et circa hoc duo fa-*  
 cit. Primo ostendit quomodo corpora repro-  
 borum

( 1 ) *M. desit enim.* ( 2 ) *M. fidelissim.* ( 3 ) *Augustinus; sanctæ memoriæ Hieronymus Presbyter.*  
*Sacerdotum est autem ex Hieronymi epist. cxxviii. ad Vitalium.*  
 EX EDIT. P. NICOLAI. \* Collat. i. cap. xiv. ubi paulo plenius.

horum poterunt poenam pati; secundo ostendit idem de spiritibus damnatorum, ibi, *Quæri etiam solet, an demones corporali igne ardeant*. Et circa hoc duo facit. Primo ostendit quomodo spiritus demonum sunt passibiles ab igne corporali. Secundo ostendit idem de spiritibus damnatorum hominum, ibi, *Cum autem constet animas igne materiali in corporibus cruciandas, quæri solet &c.*

## QUÆSTIO I.

**H**ic est triplex quæstio circa conditionem resurgentium. Prima de his quæ communiter ad bonos, & malos pertinent. Secundo de his quæ pertinent tantum ad bonos. Tertia de his quæ spectant tantum ad malos.

Circa primum quæruntur tria.

Primo. De identitate resurgentium.

Secundo. De integritate corporum.

Tertio. De qualitate ipsorum.

## ARTICULUS I.

*Utrum idem corpus anima resumat in resurrectione.*

1. **A**D primum sic proceditur. Videtur quod non idem corpus anima resumat in resurrectione. I. Corinth. xv. 37. *Non corpus quod futurum est, seminas, sed nudum grauum*. Sed Apostolus ibi comparat mortem seminationi, & resurrectionem pululationi. Ergo non idem corpus quod per mortem deponitur, in resurrectione resumitur.

2. Præterea. Cuilibet formæ aptatur materia secundum suam conditionem, & similiter cuilibet agenti instrumentum. Sed corpus comparatur ad animam sicut materia ad formam, & instrumentum ad agentem. Cum ergo anima in resurrectione non sit eiusdem conditionis sicut modo est: quia vel transferretur totaliter in cælestem vitam, cui inhæret vivens in mundo; vel deprimeretur in brutalem, si brutaliter vixit in hoc mundo; videtur quod non resumet idem corpus, sed vel cæleste, vel brutale.

3. Præterea. Corpus humanum usque ad elementa post mortem resolvitur, ut supra dictum est. Sed illæ partes elementorum in quas corpus humanum resolutum est, non conveniunt cum corpore humano quod in ea resolutum est, nisi in materia prima, quomodo quælibet aliæ elementorum partes

cum prædicto corpore conveniunt. Si autem ex aliis partibus elementorum corpus formaretur, non diceretur idem numero. Ergo nec si ex illis partibus repararetur corpus, erit numero idem.

4. Præterea. Impossibile est esse idem numero cuius partes essentielles sunt aliæ numero. Sed forma mixti, quæ est pars essentialis corporis humani, sicut forma eius, non poterit eadem resumī. Ergo corpus non erit idem numero. Probatio mediæ. Illud enim quod penitus cedit in non ens, non potest idem numero resumī; quod patet ex hoc, quia non potest esse idem numero cuius est esse diversum. Sed esse interruptum, quod est actus entis, est diversum, sicut quilibet alius actus interruptus. Sed forma mixtionis penitus cedit in non ens per mortem, cum sit forma corporalis, & similiter qualitates contrariæ ex quibus fit mixtio. Ergo forma mixtionis non redit eadem numero.

Sed contra est quod dicit Iob xix. 26. *In carne mea videbo Deum* (a) *Salvatorem meum*. Loquitur autem de visione post resurrectionem: quod patet ex hoc quod præcedit: *In novissimo die de terra resurrectionis sum*. Ergo idem numero corpus resurget.

Præterea. Sicut Damascenus dicit in IV. Lib. (cap. xxviii.) *resurrectio est eius* (b) *qui cecidit secunda resurrectio*. Sed hoc corpus quod nunc gerimus, per mortem cecidit. Ergo idem numero resurget.

## QUÆSTIUNCULA II.

1. Ulterius. Videtur quod non sit idem numero homo qui resurget. Sicut enim dicit Philosophus II. de generatione (text. xiv.) *quæcumque habent speciem corruptibilem motam, non reiterantur eadem numero*. Sed talis est substantia hominis secundum præsentem statum. Ergo post mutationem mortis non potest reiterari idem numero.

2. Præterea. Ubi est alia & alia humanitas, non est idem homo numero: unde Sortes, & Plato sunt duo homines, & non unus homo, quia alia est humanitas utriusque. Sed alia est humanitas hominis resurgentis ab ea quam nunc habet. Ergo non est idem homo numero. Media potest probari dupliciter. Primo quia humanitas quæ est forma totius, non est forma, & substantia, sicut anima, sed est forma tantum: huiusmodi autem formæ penitus cedunt in non ens; & sic non possunt reiterari. Secundo quia humanitas resultat ex coniunctione partium; sed non potest eadem numero cor-

(a) In Vulgata desit Salvatorem. (b) Forse quod.

iunctio refumi quæ prius fuit, quia iteratio identitati opponitur. Iteratio enim numerum importat, identitas autem unitatem, quæ se non compatiuntur. In resurrectione autem coniunctio iteratur. Ergo non est eadem coniunctio, & sic nec eadem humanitas, nec idem homo.

3. Præterea. Unus homo non est, si est plura animalia. Ergo si non est idem animal, non est unus numero homo. Sed ubi non est idem sensus, non est idem animal: quia animal diffinitur per sensum primum, scilicet ratiū, ut patet II. de Anima (text. xvii. & xxvii.) Sensus autem cum non maneat in anima separata, ut quidam dicunt, non possunt idem numero refumi. Ergo in resurrectione non erit homo resurgens idem animal in numero, & sic nec idem homo.

4. Præterea. Materia statui principalior est in statua quam materia hominis in homine: quia artificialia tota sunt in genere substantiæ ex materia, sed naturalia ex forma, ut patet per Philosophum in II. Physic. (text. xxi.) & Commentator idem dicit in II. de Anima. Sed si statua ex eodem are reficiatur, non est eadem numero. Ergo multo minus, si homo ex eisdem pulveribus reficiatur, non erit idem homo numero.

Sed contra est quod dicitur Iob xix. 27. *Quem visurus sum ego ipse .... & non alius:* & loquitur de visione post resurrectionem, ut supra dictum est. Ergo idem numero homo resurget.

Præterea. Augustinus diei VIII. Lib. de Trinit. [cap. v.] quod resurgere nihil aliud est quam reviviscere. Nisi autem idem homo numero rediret ad vitam qui mortuus est, non diceretur reviviscere. Ergo non resurget; quod est contra fidem.

### QUAESTIUNCULA III.

1. Uterius. Videtur quod oporteat pulveres humani corporis ad eandem partem corporis quæ in eis dissoluta est, per resurrectionem redire. Quia secundum Philosophum in II. de Anima (text. ix.) sicut se habet tota anima ad totum corpus, ita pars animæ ad partem corporis, ut visus ad pupillam. Sed oportet quod post resurrectionem corpus resumatur ab anima eadem. Ergo oportet quod etiam partes corporis resumantur ad eadem membra, in quibus eisdem partibus animæ perficiantur.

2. Præterea. Diversitas materiæ facit di-

versitatem in numero. Sed si pulveres non redeant ad easdem partes, singulæ partes non reficientur ex eadem materia ex qua prius constabant. Ergo non erunt eadem numero. Sed si partes sunt diversæ, & totum erit diversum: quia partes comparantur ad totum sicut materia ad formam, ut patet II. Physic. (text. xxxi.) Ergo non erit idem numero homo; quod est contra veritatem resurrectionis.

3. Præterea. Resurrectio ad hoc ordinatur quod homo operum suorum mercedem accipiat. Sed diversis operibus meritoriis, vel demeritoriis diversæ partes corporis deferuntur. Ergo oportet quod in resurrectione qualibet pars ad suum statum redeat, ut pro suo modo præmiatur.

Sed contra. Artificialia magis dependent ex sua materia quam naturalia. Sed in artificialibus ad hoc quod idem artificiatum ex eadem materia reparetur, non oportet quod partes reducantur ad eundem situm. Ergo nec in homine oportet.

Præterea. Variatio accidentis non facit diversitatem in numero. Sed situs partium est accidens quoddam. Ergo diversitas eius in homine non facit diversitatem in numero.

### SOLUTIO I.

Respondeo dicendum ad primam questionem, quod circa hanc questionem & Philosophi erraverunt, & quidam moderni heretici errant.

Quidam enim Philosophi posuerunt, animas a corpore separatas iterato corporibus coniungi. Sed errabant in hoc quantum ad duo. Primo quantum ad modum coniunctionis, quia quidam ponebant animam separatam corpori iterum coniungi naturaliter per viam generationis. Secundo quantum ad corpus cui coniungebatur: (a) quia ponebant quod secunda coniunctio non erat ad idem corpus quod per mortem depositum fuit, sed ad aliud: quandoque quidem idem specie, quandoque autem diversum: ad diversum quidem quando anima in corpore existens præter rationis ordinem vitam duxerat bestialiter, unde transibat post mortem de corpore hominis in corpus alterius animalis, cuius moribus vivendo se conformavit, sicut in corpus canis propter luxuriam, & in corpus leonis propter rapinam, & violentiam, & sic de aliis; sed in corpus eiusdem speciei, quando anima bene in corpore vivens, post mortem aliqua felicitate per-

(a) ut secundum quia.

perfuncta, post aliqua sæcula incipiebat ad corpus velle redire; & sic iterum corpori coniungebatur humano. Sed hæc opinio ex diatribis falsis radicibus venit: quarum prima est, quia anima non coniungitur corpori essentialiter, sicut forma materiæ, sed solum accidentaliter, sicut motor mobili, aut homo vestimento: & ideo ponere poterant quod anima præexistebat antequam corpori generato infunderetur in generatione naturali, & iterum quod diversis corporibus uniretur. Secunda est, quia ponebat intellectum non differre a sensu nisi accidentaliter, ut scilicet homo diceretur intellectum habere præ aliis animalibus, quia in eo propter optimam corporis complexionem vis sensitiva amplius viget: unde poterant ponere quod anima hominis in corpus animalis bruti transiret, præcipue facta immutatione animæ humanæ ad affectus brutales. Sed prædictæ duæ radices destruuntur a Philosopho in Lib. de Anima: quibus destructis patet falsitas prædictæ positionis.

Et simili modo destruuntur errores quorundam hæreticorum: quorum quidam in prædictas positiones inciderunt; quidam autem posuerunt animam iterato coniungi corporibus celestibus, vel etiam corporibus in modum venti subtilibus, ut Gregorius de quodam Constantinopolitano Episcopo narret (Lib. XIV. Moral. cap. xxix.) exponens illud verbum Iob xix. 26. *In carne mea videbo Deum Salvatorem meum.* Et prædicti errores hæreticorum destrui possunt ex hoc quod veritas resurrectionis præiudicant, quam sacra Scriptura prædicatur. Non enim resurrectio dici potest, nisi anima ad idem corpus redeat: quia resurrectio est iterata resurrectio; eiusdem autem est surgere, & cadere: unde resurrectio magis respicit corpus quod post mortem cadit, quam animam quæ post mortem vivit: & ita si non est idem corpus quod anima resumit, non dicitur resurrectio, sed magis novi corporis assumptio.

Ad primum ergo dicendum, quod similitudo non currit per omnia, sed quantum ad aliud. In seminatione enim grani granum seminatum, & natum non est idem numero, nec eodem modo se habens, cum primo seminum fuerit absque foliulis cum quibus nascitur. Corpus autem resurgens erit idem, sed alio modo se habens: quia fuit mortuus, & surget in immortalitate.

Ad secundum dicendum, quod differentia est inter animam resurgens, & animam in hoc mundo viventis, non est fe-

cundum aliquod essentialē, sed secundum gloriam, & miseriam; quæ differentiam accidentalem faciunt: unde non oportet quod aliud corpus numero resurgat, sed alio modo se habens, ut respondeat proportionabiliter differentia corporum differentia animarum.

Ad tertium dicendum, quod illud quod intelligitur in materia ante formam, remanet in materia post corruptionem: quia remoto posteriori, remanere adhuc potest prius. Oportet autem, ut Commentator dicit in I. Physic. (text. lxxix.) & in Lib. de substantia orbis (cap. 1.) in materia generalitatem, & corruptibilitatem formam substantialem intelligere dimensiones non terminatas, secundum quas attendatur divisio materiæ, ut diversas formas in diversis partibus recipere possit: unde & post separationem formæ substantialis materia adhuc dimensiones illas manent eadem; & sic materia sub illis dimensionibus existens, quæcumque formam accipiat, habet maiorem identitatem ad illud quod ex ea generatum fuerat, quam aliqua pars alia materiæ sub quacumque forma existens; & sic eadem materia ad corpus humanum reparandum reductur quæ prius eius materia fuit.

Ad quartum dicendum, quod sicut qualitas simplex non est forma substantialis elementi, sed accidens proprium eius, & dispositio per quam materia efficitur propria tali formæ; ita forma mixtionis, quæ est forma resultans ex qualitibus simplicibus ad medium venientibus, non est substantialis forma corporis mixti, sed est accidens proprium, & dispositio per quam materia fit necessaria ad formam. Corpus autem humanum præter hanc formam mixtionis non habet aliam formam substantialem nisi animam rationalem: quia si haberet aliam formam substantialem priorem illa, daret ei esse substantiale, & sic per eam constitueretur in genere substantiæ, unde anima iam adveniret corpori constituto in genere substantiæ; & sic comparatio animæ ad corpus esset ut comparatio formarum artificialium ad suas materias quantum ad hoc quod constituentur in genere substantiæ per suam materiam: unde coniunctio animæ ad corpus esset accidentalis: quod est error antiquorum Philosophorum in Libris de Anima reprobatus. Sequeretur etiam quod corpus humanum, & singulæ partes eius non æquivoce retinerent priora nomina; quod est contra Philosophum in II. de Anima. Unde cum anima rationalis remanet, nulla forma corpo-

ris humani substantialis cedit penitus in non ens. Formarum autem accidentalium variatio non facit diversitatem in numero. Unde idem numero resurget, cum materia eadem numero resumatur, ut in precedenti solutione dictum est.

### SOLUTIO II.

Ad secundam questionem dicendum, quod necessitas ponendi resurrectionem est ex hoc ut homo finem ultimum propter quem homo factus est, consequatur; quod in hac vita fieri non potest, nec in vita animæ separata, ut supra dictum est: alias vane esset homo constitutus, si ad finem ad quem factus est, pervenire non posset. Et quia oportet quod illud idem numero ad finem perveniat quod propter finem est factum, ne in vanum factum esse videatur, oportet quod idem numero homo resurgat; & hoc quidem fit cum eadem anima eidem numero corpori coniungitur, ut ex dictis patet: alias enim non esset resurrectio proprie loquendo, nisi idem homo repararetur. Unde ponere quod non sit idem numero qui resurgit, est hetereticum, derogans veritati Scripturæ, quæ resurrectionem prædicat.

Ad primum ergo dicendum, quod Philosophus loquitur de iteratione quæ fit per motum, vel mutationem naturalem. Ostendit enim differentiam circulationis quæ est in generatione & corruptione, ad circulationem quæ est in motu cæli: quia cælum per motum localem tendit idem numero ad principium motus, quia habet substantiam incorruptibilem motam; sed generabilia, & corruptibilia per generationem redeunt ad idem speciem, non ad idem numero: quia ex homine generatur semen, ex quo sanguis; & sic deinceps quousque perveniatur ad hominem, non ad eundem numero, sed speciem: & ex igne generatur aer, ex quo aqua, ex aqua terra, ex terra ignis, non idem numero, sed speciem. Unde patet quod ratio inducta secundum Philosophi intentionem non est ad propositum. Vel dicendum, quod aliorum generabilium, & corruptibilium forma non est per se subsistens, ut post compositi corruptionem manere valeat, sicut est de anima rationali, quæ esse, quod sibi in corpore acquiritur, etiam post corpus retinet, & in participationem illius esse corpus per resurrectionem adducitur, cum non sit aliud esse corporis, & aliud animæ in corpore; alias esset coniunctio animæ & corporis accidentalis: & sic nulla interruptio facta est in es-

se substantiali hominis, ut non possit idem numero redire propter interruptionem essendi, sicut accidit in aliis rebus corruptis, quarum esse omnino interruptum, forma non remanente, materia autem sub alio esse remanente. Sed tamen nec etiam homo per generationem naturalem reiteratur idem numero: quia corpus generati hominis non fit ex tota materia generantis: unde est corpus diversum in numero, & per consequens anima, & totus homo.

Ad secundam dicendum, quod de humanitate, & de qualibet forma totius est duplex opinio.

Quidam enim dicunt, quod idem secundum rem est forma totius, & forma partis: forma partis secundum quod perficit materiam; forma autem totius secundum quod ex ea tota ratio speciei consequitur: & secundum hanc opinionem humanitas secundum rem non est aliud quam anima rationalis: & sic cum anima rationalis eadem numero resumatur, eadem numero erit humanitas, & etiam post mortem manet, quamvis non sub ratione humanitatis, quia ex ea compositum rationem speciei non consequitur.

Alia opinio est Avicennæ, quæ verior videtur: quia forma totius non est forma partis tantum, nec forma aliqua alia præter formam partis, sed est totum resultans ex compositione formæ & materiæ, comprehendens in se utrumque; & hæc forma totius essentia, vel quidditas dicitur. Quia ergo in resurrectione idem numero corpus erit, & eadem numero anima rationalis, erit de necessitate eadem humanitas.

Prima autem ratio probans diversitatem humanitatis futuram, procedebat ac si humanitas esset quædam alia forma superveniens formæ & materiæ: quod falsum est. Secunda autem ratio etiam non potest identitatem humanitatis impedire: quia coniunctio significat actionem, vel passionem; quæ quamvis sit diversa, non potest impedire identitatem humanitatis: quia actio, & passio, ex quibus erat humanitas, non sunt de essentia humanitatis, unde eorum diversitas non inducit diversitatem humanitatis. Constat enim quod generatio, & resurrectio non sunt idem motus numero, nec ramentum propter hoc impeditur identitas resurgentis. Similiter etiam nec impeditur identitas humanitatis, si accipiatur coniunctio pro ipsa relatione: quia relatio illa non est de essentia humanitatis, sed concomitatur eam, eo quod humanitas non est de illis formis.

formis quæ sunt compositio, & ordo, ut dicitur II. Physic. (text. xxxi.) sicut sunt formæ artificiatorum : unde existente alia compositione numero, non est eadem numero forma domus.

Ad tertium dicendum, quod ratio illa optime concludit contra illos qui ponebant animam sensibilem & rationalem divisas in homine esse: quia secundum hoc anima sensitiva in homine non esset incorruptibilis, sicut nec in aliis animalibus. Unde in resurrectione non erit eadem anima sensibilis, & per consequens nec idem animal, nec idem homo. Si autem ponamus quod eadem anima secundum substantiam in homine sit rationalis, & sensibilis, nullas in hoc angustias patiemur: quia animal diffinitur per sensum, qui est anima sensitiva, sicut per formam essentialem: per sensum autem, qui est potentia sensitiva, cognoscitur eius diffinitio, sicut per formam accidentalem, quæ maximam partem confert ad cognoscendum quod quid est, ut in I. de Anima (text. xi.) dicitur. Post mortem ergo manet anima sensibilis sicut anima rationalis secundum substantiam; sed potentia sensitiva secundum quosdam non manent: quæ quidem potentia cum sint accidentales proprietates, earum varietas identitatem animalis totius auferre non potest, nec etiam partium animalis: non enim dicuntur potentia perfectiones, vel actus organorum, nisi sint principia agendi, ut calor in igne.

Ad quartum dicendum, quod statua dupliciter considerari potest: vel secundum quod est substantia quædam, vel secundum quod est artificiale quoddam. Et quia in genere substantiæ ponitur ratione suæ materiæ, ideo si consideretur secundum quod est substantia quædam, est eadem numero statua quæ ex eadem materia reparatur. Sed in genere artificialium ponitur secundum quod est forma, quæ accidens quoddam est, & transit, statua destructa; & sic non redit idem numero, nec statua idem numero esse potest. Sed forma hominis, scilicet anima, manet post dissolutionem corporis: & ideo non est similis ratio.

### SOLUTIO III.

Ad tertiam questionem dicendum, quod in hac questione differt considerare quid fieri possit sine identitatis præiudicio, & quid fiet, ut congruentia servetur. Quantum ergo ad primum, sciendum, quod in homine

possunt accipi diversæ partes totius dupliciter. Uno modo diversæ partes homogenei, sicut diversæ partes carnis, vel diversæ partes ossis; alio modo diversæ partes diversarum specierum totius heterogenei. Si ergo dicatur, quod pars materiæ redibit ad aliam partem speciei eiusdem, hoc non facit nisi varietatem in situ partium: situs autem partium variatus non variat speciem in totis homogeneis; & sic si materia unius partis redeat ad aliam, nullum præiudicium generabitur identitati totius: & ita etiam est in exemplo quod ponitur in littera: quia statua non redit eadem numero secundum formam, sed secundum materiam, secundum quam est substantia quædam. Sic autem statua est homogenea, quamvis non secundum formam artificialem. Si autem dicatur, quod materia unius partis redit ad aliam partem alterius speciei; sic de necessitate variatur non solum situs partium, sed etiam identitas ipsarum; ita tamen si tota materia, aut aliquid quod erat de veritate humanæ naturæ in una, in aliam transferatur; non autem si aliquid quod erat in una parte superfluum, transferatur in aliam. Ablata autem identitate partium, aufertur identitas totius, si loquimur de partibus essentialibus, non autem si loquimur de partibus accidentalibus, sicut sunt capilli, & ungues, de quibus videtur loqui Augustinus. Et sic patet qualiter translatio materiæ de parte in partem tollit identitatem totius, & qualiter non. Sed loquendo secundum congruentiam, magis probabile est quod etiam situs partium idem servabitur in resurrectione, præcipue quantum ad partes essentielles, & organicas, quamvis forte non quantum ad partes accidentales, sicut sunt ungues, & capilli.

Ad primum ergo dicendum, quod obiectio illa procedit de partibus organicis, & non de partibus [?] similaribus.

Ad secundum dicendum, quod diversus situs partium materiæ non facit diversitatem in numero, quamvis eam faciat diversitas materiæ.

Ad tertium dicendum, quod operatio non est propriæ loquendo partis, sed totius: unde præmium non debetur parti, sed toti.

AR-



## ARTICULUS II.

*Utrum omnia membra corporis humani resurgant.*

1. **A**D secundum sic proceditur. Videtur quod non omnia membra corporis humani resurgent. Remoto enim fine, frustra reparatur illud quod est ad finem. Finis autem cuiuslibet membri est eius actus. Cum ergo nihil sit frustra in operibus divinis, & quorundam membrorum usus post resurrectionem non competat, praecipue genitalium, quia tunc nec nubent, nec nubentur; videtur quod non omnia membra resurgent.

2. Præterea. Intestina, membra quædam sunt. Sed non resurgunt: plena enim resurgere non possunt, quia immunditias continent; nec vacua, quia nihil est vacuum in natura. Ergo non omnia membra resurgent.

3. Præterea. Ad hoc corpus resurget, ut præmiatur de opere quod anima per ipsum gessit. Sed membrum propter solum amputatum furi, qui postea poenitentiam agit, & salvatur, non potest in resurrectione remunerari neque de bono, quia ad hoc non compensatum est, neque de malo, quia poena membri in poenam hominis redundaret. Ergo non omnia membra resurgent cum homine.

Sed contra. Magis pertinent ad veritatem humanæ naturæ alia membra quam capilli, & ungues. Sed capilli, & ungues restituentur homini in resurrectione, ut dicitur in littera. Ergo multo fortius alia membra.

Præterea. Dei perfecta sunt opera. Sed resurrectio opere divino fiet. Ergo homo reparabitur perfectus in omnibus membris.

## QUAESTIUNCULA II.

1. Ulterius. Videtur quod capilli, & ungues in homine non resurgent. Sicut enim capilli, & ungues ex superfluitatibus cibi generantur; ita urina, sudor, & alia huiusmodi feces. Sed hæc non resurgent cum corpore. Ergo nec capilli, & ungues.

2. Præterea. Inter alias superfluitates quæ ex cibo generantur, maxime accedit ad naturæ humanæ veritatem semen, quod est superfluum quo indiget. Sed semen non resurget in corpore hominis. Ergo multo minus capilli, & ungues resurgent.

3. Præterea. Nihil est perfectum anima

rationali quod non sit perfectum anima sensibili. Sed capilli, & ungues non sunt perfecti anima sensibili, quia eis non sentimus, ut dicitur in I. de Anima (text. lxxix.) Ergo cum non resurgat corpus humanum nisi propter hoc quod est perfectum ab anima rationali, videtur quod capilli, & ungues non resurgent.

Sed contra est quod dicitur Luc. xxi. 18. *Capillus de capite vestro non peribit.*

Præterea. Capilli, & ungues sunt dati in ornatum homini. Sed corpora hominum, praecipue electorum, debent resurgere cum omni ornatu. Ergo debent resurgere cum capillis.

## QUAESTIUNCULA III.

1. Ulterius. Videtur quod humores in corpore non resurgent. Quia I. Corinth. xv. 50. dicitur: *Caro & sanguis regnum Dei (a) non possidebunt.* Sed sanguis est principalior humor. Ergo non resurget in beatis, qui regnum Dei possidebunt, & multo minus in aliis.

2. Præterea. Humores sunt ad restaurationem deperditi. Sed post resurrectionem nulla deperditio fiet. Ergo corpus non resurget cum humoribus.

3. Præterea. Illud quod est in via generationis in corpore humano, nondum est ab anima rationali perfectum. Sed humores adhuc sunt in via generationis, quia sunt in potentia caro, & os. Ergo nondum sunt perfecti anima rationali. Sed corpus humanum non habet ordinem ad resurrectionem, nisi secundum quod est anima rationali perfectum. Ergo humores in eo non resurgent.

Sed contra. Quod est de constitutione corporis humani, resurget in eo. Sed humores sunt huiusmodi: quod patet per Augustinum (alium Auctorem de spiritu & anima cap. xv.) qui dicit quod corpus constat ex membris officialibus, officialia ex similibus, similia ex humoribus. Ergo humores resurgent in corpore.

Præterea. Resurrectio nostra erit consummis resurrectioni Christi. Sed in Christo resurrexit sanguis; alias nunc vinum non transubstantiaretur in sanguinem eius in sacramento altaris. Ergo & in nobis resurget sanguis; & eadem ratione alii humores.

## QUAESTIUNCULA IV.

1. Ulterius. Videtur quod non totum quod fuit in corpore de veritate naturæ humanæ, resur-

(a) Vulgata: *possidere non possunt.*

refurgat in ipso. Quia cibus convertitur in veritatem humanæ naturæ. Sed aliquando caro bovis sumitur in cibum. Si ergo refurgat quidquid fuit de veritate humanæ naturæ, refurgat etiam caro bovis; quod videtur inconueniens.

2. Præterea. Costa Adæ fuit de veritate humanæ naturæ, sicut & costa nostra in nobis. Sed costa Adæ non refurgat in eo, sed in Eva; alias Eva non resurgeret, quia de costa illa formata est. Ergo non refurgat in homine quidquid fuit de veritate humanæ naturæ in ipso.

3. Præterea. Non potest esse quod idem in diversis hominibus refurgat. Sed potest esse quod aliquid fuerit de veritate humanæ naturæ in diversis hominibus, sicut si aliquis carnibus humanis vescatur, quæ in substantiam eius transeant. Ergo non refurgat in aliquo quidquid fuit de veritate humanæ naturæ in ipso.

4. Si dicatur, quod non quidquid est in carnibus comestis, est de veritate humanæ naturæ; & ita aliquid eorum potest resurgere in primo, & aliquid in secundo: contra. De veritate humanæ naturæ maxime videtur esse illud quod a parentibus trahitur. Sed si aliquis non comedens nisi carnes humanas filium generet, oportet quod illud quod filius a parente trahit, fuerit de carnibus aliorum hominum quas pater suus comedit: quia semen est de superfluo alimenti, ut Philosophus probat in Lib. de animalibus (Lib. I. de gen. animalium cap. xviii.) Ergo illud quod est de veritate humanæ naturæ in puero isto, etiam fuit de veritate humanæ naturæ in aliis hominibus, quorum pater carnes comedit.

5. Si dicatur, quod illud quod erat de veritate humanæ naturæ in carnibus hominum comeditorum, non transit in semen, sed illud quod erat ibi de veritate humanæ naturæ non existens: contra. Ponatur quod aliquis cibetur solum embryis, in quibus videtur nihil esse quod non sit de veritate naturæ, quia totum quod est in eis, trahitur a parentibus. Si ergo superfluitas cibi convertitur in semen, oportet quod illud quod fuit de veritate humanæ naturæ in embryis, qui etiam ad resurrectionem pertinent, postquam animam rationalem perceperunt, sit etiam de veritate humanæ naturæ in puero qui ex tali femine generatur; & sic cum non possit idem resurgere in duobus, non poterit in quolibet resurgere quidquid fuit de veritate humanæ naturæ in ipso.

Sed contra. Quidquid fuit in homine de  
S. T. Op. Tom. XIII.

veritate humanæ naturæ, fuit perfectum anima rationali. Sed ex hoc habet corpus humanum ordinem ad resurrectionem, quia fuit anima rationali perfectum. Ergo quidquid fuit de veritate humanæ naturæ, refurgat in unoquoque.

Præterea. Si a corpore hominis subtrahatur aliquid quod est de veritate humanæ naturæ, in ipso non erit corpus hominis perfectum. Sed omnis imperfectio tolletur in resurrectione, præcipue ab electis, quibus promissum est Lucæ xxi. quod capillus capitis eorum non peribit. Ergo quidquid fuit de veritate naturæ humanæ, refurgat in homine.

## QUAESTIUNCULA V.

1. Ulterius. Videtur quod quidquid fuit materialiter in membris hominis, totum refurgat. Minus enim videntur pertinere ad resurrectionem capilli quam alia membra. Sed quidquid fuit in capillis, totum resurgat, & si non in capillis, saltem in aliis partibus corporis, ut Augustinus dicit in littera. Ergo multo fortius quidquid fuit in aliis membris materialiter, totum refurgat.

2. Præterea. Sicut partes carnis secundum speciem periciuntur ab anima rationali, ita partes secundum materiam. Sed corpus humanum habet ordinem ad resurrectionem ex hoc quod fuit anima rationali perfectum. Ergo non solum partes secundum speciem, sed omnes partes secundum materiam resurgent.

3. Præterea. Ex parte illa accidit corpori totalitas ex qua parte accedit ei divisio in partes. Sed divisio in partes accedit corpori ex parte materiæ, cuius dispositio est quantitas secundum quam dividitur. Ergo & totalitas corporis attenditur secundum partes materiæ. Si ergo non omnes partes materiæ resurgent, non totum corpus refurgat, quod est inconueniens.

Sed contra. Partes secundum materiam non manent in corpore, sed fluunt, & refuunt, ut patet per illud quod dicitur in I. de generatione (text. xxxv. & xxxvi.) Si ergo omnes partes secundum materiam resurgent, vel erit corpus resurgens densissimum, vel erit immoderate quantitatis.

Præterea. Quidquid est de veritate humanæ naturæ in uno homine, totum potest esse pars materiæ in alio homine qui eius carnibus vescitur. Si ergo omnes partes secundum materiam resurgent in aliquo, sequitur quod resurgat in uno id quod est de

Qq ver-

veritate humanæ naturæ in alio ; quod est inconveniens.

### SOLUTIO I.

Respondeo dicendum ad primam quæstionem , quod, sicut dicitur in II. de Anima ( text. xxxvii. & xxxviii. ) anima habet se ad corpus non solum in habitudine formæ, & finis, sed etiam in habitudine causæ efficientis: est enim comparatio animæ ad corpus, sicut est comparatio artis ad artificiatum, ut dicit Philosophus ( Lib. VII. Moral. Endemiorum cap. v. ) Quidquid autem explicite in artificio ostenditur, hoc totum implicite, & originaliter in ipsa arte continetur: & similiter etiam quidquid in partibus corporis apparet, totum originaliter, & quodammodo implicite in anima continetur. Sicut ergo artis opus non esset perfectum, si artificio aliquid deesset eorum quæ ars continet; ita nec homo posset esse perfectus, nisi totum quod in anima implicite continetur, exterius in corpore explicetur; nec etiam corpus ad plenum proportionaliter responderet animæ. Cum ergo oporteat in resurrectione corpus hominis esse animæ totaliter correspondens, quia non resurgit nisi secundum ordinem quem habet ad animam rationalem; oportet etiam hominem perfectum resurgere, utpote quod ad ultimam perfectionem consequendam reparatur: oportet quod omnia membra quæ nunc sunt in corpore, in resurrectione hominis reparentur.

Ad primum ergo dicendum, quod membra dupliciter possunt considerari in comparatione ad animam: vel secundum habitudinem materiæ ad formam, vel secundum habitudinem instrumenti ad agentem. Eadem est enim comparatio totius corporis ad totam animam, & partium ad partes, ut dicitur in II. de Anima ( text. ix. ) Si ergo membrum accipiat secundum primam comparationem, finis eius non est operatio, sed magis perfectum esse speciei; quod etiam post resurrectionem requireretur. Si autem ( a ) membrum accipiat secundum secundam comparationem, sic finis eius est operatio; nec tamen sequitur quod quando deficit operatio, frustra sit instrumentum: quia instrumentum non solum servit ad exequentiam operationem agentis, sed ad ostendendum virtutem ipsius: unde oportebit ut virtus potentiarum animæ instrumentis corporis demonstretur, etsi nunquam in actum prodeant, ut ex hoc commendetur Dei sapientia.

( a ) *Ad animam.*

Ad secundum dicendum, quod intestina resurgunt in corpore, sicut & alia membra: & plena erunt, non quidem turpibus superfluitatibus, sed nobilibus humiditatibus.

Ad tertium dicendum, quod actus quibus meremur, non sunt proprie loquendo manus, vel pedis, sed hominis totius; sicut & operatio artis non attribuitur instrumento, sed artifice, ut Philosophus dicit ( I. Ethic. cap. ix. ) Quamvis ergo membrum quod ante poenitentiam est mutilatum, non sit cooperatum homini in statu illo quo gloriam post meretur, tamen ipse homo meretur ut totum præmiatur, qui ex toto quod habet, Deo servit.

### SOLUTIO II.

Ad secundam quæstionem dicendum, quod anima habet se ad corpus animatum sicut ars ad artificiatum, & ad partes eius sicut ars ad sua instrumenta: unde & corpus animatum organicum dicitur. Ars autem utitur instrumentis quibusdam ad operis intenti executionem, & hæc instrumenta sunt de prima intentione artis. Utitur etiam aliis instrumentis ad conservationem principalium instrumentorum, & hæc sunt de secunda intentione artis; sicut ars militaris utitur gladio ad bellum, & vagina ad gladii conservationem. Ita etiam in partibus corporis animati quædam ordinantur ad operationes animæ exequentas, sicut cor, hepar, manus, & pes; quædam autem ad conservationem aliarum partium, sicut folia sunt ad cooperimentum fructuum: ita etiam capilli, & unguis sunt in homine ad custodiam aliarum partium: unde sunt de secunda perfectione corporis humani, quamvis non de prima. Et quia homo resurgit in omni perfectione suæ naturæ, propter hoc oportet quod capilli, & unguis resurgant in ipso.

Ad primum ergo dicendum, quod ille superfluitates expelluntur a natura quasi ad nihil utiles, unde non pertinent ad perfectionem corporis humani: secus autem est de aliis superfluitatibus, quas sibi natura retinet ad generationem capillorum, & unguis, quibus indiget ad membrorum conservationem.

Ad secundum dicendum, quod semine non indiget ad perfectionem individui, sicut capillis, sed solum ad perfectionem speciei.

Ad tertium dicendum, quod capilli, & unguis nutriuntur, & augentur; & sic patet quod aliqua operatione participant, quod non posset esse, nisi essent partes aliquomodo

do ab anima perfectæ : & quia in homine non est nisi una anima, scilicet anima rationalis, constat quod ab anima rationali perfectæ sunt, quamvis non usque ad hoc quod operatione sensus participant, sicut nec ossa, de quibus constat quod resurgunt, (a) & sunt de integritate individui.

## SOLUTIO III.

Ad tertiam questionem dicendum, quod quicquid pertinet ad integritatem humanæ naturæ in resurgente, hoc totum in eo resurget ratione prædicta : unde oportet quod illa humiditas corporis resurgat in homine quæ ad integritatem eius pertinebat. Est autem in homine triplex humiditas. Quædam enim humiditas est in recedendo a perfectione huius individui, vel quia est in via corruptionis, & a natura abicitur, sicut urina, sudor, (b) sanies, & huiusmodi; vel quia a natura ordinatur ad conservationem speciei in alio individuo, sive per actum generantem, sicut semen, vel per actum nutrientem, sicut lac : & nulla talium humiditatum resurget, eo quod non est de perfectione individui resurgentis. Secunda humiditas est quæ nondum pervenit ad ultimam perfectionem quam natura operatur in individuo, sed est ad illam ordinata a natura; & hæc est duplex. Quia quædam est quæ habet aliquam formam determinatam, secundum quam continetur inter partes corporis, sicut sanguis, & alii tres humores, quos natura ordinavit ad membra, quæ ex eis (c) generantur; sed tamen habent aliquas formas determinatas, sicut & aliz partes corporis : & ideo resurgent cum aliis partibus. Quædam vero humiditas est in via transeundi de forma in formam, scilicet de forma humoris in formam membri : & talis humiditas non resurget, quia post resurrectionem partes corporis singulæ in suis formis stabiliuntur, ut una in aliam non transeat : & ideo non resurget illa humiditas quæ est in ipso actu transeundi de forma in formam. Hæc autem humiditas potest in duplici statu accipi : vel secundum quod est in principio transmutationis, & sic (d) vocatur *ros*, illa scilicet humiditas quæ est in foraminibus parvarum venarum : vel secundum quod est in progressu transmutationis, & incipit iam (e) dealbari, & sic vocatur *cambium*. In neutro autem statu resurget. Tertium genus humiditatis est quod iam

pervenit ad ultimam perfectionem quam natura intendit in corpore individui, quæ iam est dealbata, & incorporata membris : & hæc vocatur *gluten*; & cum sit de substantia membrorum, resurget, sicut alia membra resurgunt.

Ad primum ergo dicendum, quod caro, & sanguis in verbis illis Apostoli non accipiuntur pro substantia carnis, & sanguinis, sed pro operibus carnis, & sanguinis, quæ sunt opera peccati, vel opera animalis vitæ. Vel, secundum quod dicit Augustinus (in Enchirid. cap. xci.) caro, & sanguis accipitur ibi pro corruptione, quæ nunc dominatur in carne, & sanguine : unde etiam subditur in verbis Apostoli : *Neque corruptio incorruptionem*.

Ad secundum dicendum, quod sicut membra servientia generationi erunt post resurrectionem ad integritatem humanæ naturæ, non ad operationem quæ nunc exercetur per membra illa : ita & humores erunt in corpore non ad restitutionem perditam, sed ad integritatem humanæ naturæ reparandam, & ad virtutis naturalis ostensionem.

Ad tertium dicendum, quod sicut sunt elementa in via generationis respectu corporum mixtorum, quia sunt eorum materia, non autem ita quod semper sint in transeundo in corpore mixto; ita etiam humores se habent ad membra : & propter hoc sicut elementa in partibus universi habent formas determinatas, ratione quarum sunt in perfectione universi, sicut corpora mixta; ita & humores sunt de perfectione corporis humani, sicut & aliz partes, quamvis non perveniant ad totam perfectionem, sicut aliz partes; nec elementa habent ita perfectas formas sicut mixta. Sicut autem partes omnes universi perfectionem a Deo consequuntur non æqualiter, sed secundum suum modum unumquodque; ita etiam humores aliquo modo perficiuntur ab anima rationali, non tamen eodem modo sicut partes perfectiores.

## SOLUTIO IV.

Ad quartam questionem dicendum, quod unumquodque sicut se habet ad esse, ita ad veritatem, ut in II. Metaph. h (text. iv.) dicitur : quia illa res vera est quæ ita est ut videtur cognitori secundum actum : & propter hoc Avicenna dicit (tract. 11. Metaph. cap. iv.) quod veritas uniuscuiusque rei est proprietas sui esse quod stabilitur esse ei :

Qq 2 & se-

(a) *Al.* & non sunt. (b) *Al.* sanies. (c) *Nicolas* vegetantur. (d) *Al.* vocatur *os*. (e) *Ita* *non inf. sed in Supple. quest. lxxx. art. 1. dealterati, & non dealterati.*

& secundum hoc aliquid dicitur esse de veritate humanæ naturæ, quia proprie pertinet ad esse humanæ naturæ, & hoc est quod participat formam humanæ naturæ; sicut verum aurum dicitur quod habet veram formam auri, ex qua est proprium esse auri. Ut ergo videatur quid sit illud quod est de veritate humanæ naturæ, sciendum, quod circa hoc est triplex opinio.

Quidam enim posuerunt, quod nihil de novo esse incipit de veritate humanæ naturæ; sed quidquid ad veritatem humanæ naturæ pertinet, totum fuit in ipsa institutione humanæ naturæ de veritate eius, & hoc per seipsum multiplicatur ut ex eo possit semen decidi a generante, ex quo filius generatur: in quo etiam illa pars decisa multiplicatur, & ad perfectam quantitatem pervenit per augmentum, & sic deinceps; & ita multiplicatum est totum genus humanum. Unde secundum hanc opinionem quidquid ex alimento generatur, quamvis videatur speciem carnis, aut sanguinis habere, non tamen pertinet ad veritatem humanæ naturæ.

Alii vero dixerunt, quod aliquid de novo additur ad veritatem humanæ naturæ per transmutationem naturalem alimenti in corpus humanum, considerata veritate humanæ naturæ in specie, ad cuius conservationem ordinatur actus generativæ virtutis. Si autem veritas humanæ naturæ in individuo consideretur, ad cuius conservationem, & perfectionem actus nutritivæ virtutis ordinatur, non additur aliquid per alimentum quod sit primo de veritate humanæ naturæ huius individui, sed solum secundario. Ponunt enim quod veritas humanæ naturæ primo & principaliter consistat in humido radicali, (a) quod scilicet est ex semine generatum, ex quo est prima constitutio corporis humani: quod autem convertitur de alimento in veram carnem, & sanguinem, non est principaliter de veritate humanæ naturæ illius individui, sed secundario; sed potest esse principaliter de veritate humanæ naturæ alterius individui quod ex semine illius generatur. Semen enim ponunt esse superfluum alimenti, vel cum admixtione alicuius quod est primo de veritate humanæ naturæ in generante, ut quidam dicunt; vel sine admixtione eius, ut dicunt alii: & sic quod est humidum nutritivale in uno, sit humidum radicale in alio.

Tertia opinio est, quod aliquid de novo

incipit esse principaliter de veritate humanæ naturæ etiam in isto individuo: quia non est distinctio talis in corpore humano, ut aliqua pars materialis signata de necessitate per totam vitam remaneat; sed ad hoc indifferenter se habet quælibet pars signata accepta, quod maneat semper quantum ad id quod est speciei in ea, sed potest fluere, & refluere quantum ad id quod est materiam in ipsa: & sic humidum nutritivale non distinguitur radicali ex parte principii, ut dicatur radicale quod est ex semine generatum, nutritivale quod generatur ex cibo; sed magis distinguitur ex termino, (b) ut radicale dicatur quod ad terminum generationis pervenit per actum generativæ, vel etiam nutritivæ virtutis; sed nutritivale, quia nondum pervenit ad hunc terminum, sed est adhuc in via nutriendi.

Et hæc tres opiniones in II. Lib. distinct. xxx. (quæst. 11. art. 1. in corp.) plenius (c) posite, & investigatæ sunt: & ideo non debent hic repeti, nisi quantum ad propositum pertinet.

Sciendum est ergo, quod secundum has opiniones diversimode ad hanc quæstionem oportet respondere.

Prima enim opinio per viam multiplicationis quam ponit, potest ponere perfectionem veritatis humanæ naturæ & quantum ad numerum individuum, & quantum ad debitam quantitatem uniuscuiusque individui absque eo quod ex alimento generatum est: quod quidem non additur nisi ad resistendum consumptioni, quæ posset induci per actionem caloris naturalis, sicut argento apponitur plumbum, ne ex liquefactione consumatur. Unde cum in resurrectione oporteat naturam humanam in sua perfectione reparari, nec calor naturalis tunc agat ad consumptionem humidi naturalis, nulla necessitas erit quod resurgat aliquid in homine quod ex alimento sit generatum; sed resurgat tantum illud quod fuit de veritate humanæ naturæ individui, & per decissionem, & multiplicationem ad prædictam perfectionem pervenit in numero & quantitate.

Secunda autem opinio, quia ponit quod eo quod generatur ex nutrimento, indiget ad perfectionem quantitatis individui, & ad multiplicationem quæ fit per generationem, necesse habet ponere aliquid de hoc in quod conversum est alimentum, resurgere; non tamen totum, sed solum quantum indigetur ad

(a) In editione Nicolai desst quod scilicet est ex semine generatum. (b) & quod radicale dicitur. (c) & præsumitur Nicolai perscrutatio.

ad perfectam reintegrationem naturæ humanæ in omnibus suis individuis : unde ponit hæc opinio, quod totum illud quod fuit in substantia feminis, resurget in illo homine qui ex illo semine generatus est, quia hoc est principaliter de veritate humanæ naturæ in ipso. De eo autem quod postea advenit per nutrimentum, tantum resurget in eo, quantum est necessarium ad perfectionem quantitatis, & non totum : quia hoc non pertinet aliter ad veritatem humanæ naturæ nisi quatenus natura indiget eoad perfectionem quantitatis. Sed quia hoc humidum nutrimentale fuit, & refluxit, hoc ordine reparabitur quod illud quod fuit de substantia corporis hominis, totum reparabitur, & de eo quod secundo, & tertio, & deinceps advenit, quantum necessarium est ad quantitatem reintegrandam duplici ratione. Primo quia super hoc quod advenit inductum fuit, ut illud quod primo erat depeditum reparetur; & ideo non ita principaliter pertinet ad veritatem humanæ naturæ sicut præcedens. Secundo quia adiunctio extranei humidi ad primum humidum radicale facit quod totum permixtum, non ita perfecte participet veritatem speciei sicut primum participabat, ut ponit exemplum Philosophus in I. de generat. (text. lxxxviii.) de aqua permixta vino, quæ semper vini virtutem debilitat, ita quod in fine ipsum aquosum reddit. Unde sicut secunda aqua quamvis assumatur in speciem vini, non tamen ita perfecte speciem vini participat sicut prima quæ in vinum assumebatur; ita quod de alimento secundo in carnem convertitur, non ita perfecte attingit ad speciem carnis sicut quod primo convertebatur: & ideo non ita pertinet ad veritatem humanæ naturæ, nec ad resurrectionem. Sic ergo patet quod hæc opinio ponit resurgere totum id quod est de veritate humanæ naturæ principaliter, non autem totum quod est de veritate humanæ naturæ secundario.

Tertia autem opinio quantum ad aliquid differt a secunda, & quantum ad aliquid convenit cum ea. Differt quidem quantum ad hoc quod ponit totum quod est sub forma carnis, & ossis, eadem ratione ad veritatem humanæ naturæ pertinere: quia non distinguit aliquid materiale signatum permanens in homine toto tempore vitæ eius, quod per se pertineat ad veritatem humanæ naturæ, & primo; & aliquid fluens, & refluxens, quod pertineat ad veritatem humanæ naturæ solum propter quantitatis perfectionem,

non propter primum esse speciei, sicut secunda opinio dicebat: sed ponit omnes partes quæ non sunt præter intentionem naturæ aggeneratæ, pertinere ad veritatem humanæ naturæ quantum ad id quod habent de specie, quia sic manent; non autem quantum ad id quod habent de materia, quia sic fluunt, & resuunt indifferenter, ut ita etiam intelligamus contingere in partibus hominis nobis sicut contingit in tota multitudine civitatis, quia singuli subtrahuntur a multitudine per mortem, aliis in locum eorum succedentibus: unde partes multitudinis fluunt, & resuunt materialiter, sed formaliter manent, quia ad eadem officia, & ordines substituantur alii, a quibus priores subtrahuntur: unde respublica una numero manere dicitur. Et similiter etiam dum quibusdam partibus sistentibus aliæ reparantur in eadem figura, & in eodem situ, omnes partes fluunt (a) & resuunt secundum materiam, sed manent secundum speciem; manet nihilominus unus homo numero. Sed convenit tertia cum secunda opinione, quia ponit quod partes secundo advenientes non ita perfecte pertineant ad veritatem speciei sicut quæ primo advenerunt: & ideo idem quod ponit resurgere in homine secunda opinio, ponit tertia, sed non penitus eadem ratione. Ponit enim, totum illud quod ex semine generatum est, resurgere, non quia alia ratione pertineat ad veritatem humanæ naturæ quam hoc quod postea advenit, sed quia perfectius virtutem speciei participat; quem ordinem ponebat secunda opinio in his quæ postea advenerunt ex alimento: in quo etiam hæc opinio (b) concordat cum alia, scilicet secunda.

Ad primum ergo dicendum, quod res naturalis non est id quod est, ex sua materia, sed ex sua forma: unde quamvis illud materię quod quandoque fuit forma carnis bovina, resurgat in homine sub forma carnis humanæ, non sequitur quod resurgat caro hominis: ita enim etiam posset concludi quod resurgat limus, de quo formatum est corpus Adæ. Tamen prima opinio concedit hanc rationem.

Ad secundum dicendum, quod costa illa non fuit in Adam de perfectione individui, sed ordinata ad multiplicationem speciei: unde non resurget in Adam, sed in Eva, sicut & semen non resurget in generante, sed in generato.

Ad tertium dicendum, quod secundum præ-

(a) & (b) & solentur. (b) Ad Sententiarum, lxx. cap. 4. concordat cum illa, alibi resurgit.

primam opinionem facile est ad hoc respondere: quia carnes comestæ numquam sunt de veritate humanæ naturæ in comedente; fuerunt autem de veritate humanæ naturæ in eo cuius carnes comeduntur: & ita resurgent in primo, & non in secundo. Sed secundum secundam opinionem, & secundum tertiam unusquisque resurget in illo in quo magis accessit ad perfectam participationem virtutis speciei; & si æqualiter in utroque accesserit, resurget in illo in quo primo fuit: quia in eo primo habuit ordinem ad resurrectionem ex coniunctione ad animam rationalem illius hominis: & ideo si in carnibus comestis fuit aliqua superfluitas quæ non pertineret ad veritatem humanæ naturæ in primo, resurgere poterit in secundo; alias illud quod pertinebat ad resurrectionem in primo, resurget in eo, & non in secundo; sed in secundo, loco eius sumetur vel aliquid de eo quod ex aliis cibis in carnem secundi conversum est; vel si nullo cibo umquam pastus fuisset nisi carnibus humanis, divina virtus aliunde suppleret quantum indigeret ad perfectionem quantitatis, sicut supplet in illis qui ante perfectam ætatem decedunt. Nec per hoc aliquid præiudicatur identitati in numero, sicut nec præiudicatur per hoc quod partes secundum materiam fluunt, & resuunt.

Ad quartam dicendum, quod secundum primam opinionem facile est solvere: quia ponit quod semen non est ex superfluo alimentis, unde carnes comestæ non transeunt in semen, ex quo pueri generantur. Sed secundum alias duas opiniones dicendum est, quod non est possibile quod totum quod fuit in carnibus comestis, in semen convertatur: quia post multam depurationem cibi pervenitur ad decoctionem seminis, quod est superfluitas ultimi cibi. Illud autem quod de carnibus comestis in semen convertitur, magis pertinet ad veritatem humanæ naturæ in eo qui ex semine nascitur, quam in illo ex cuius carnibus semen est generatum; & ideo, secundum regulam prius datam, hoc quod in semen conversum est, resurget in eo qui ex semine nascitur; residuum autem materiæ resurget in illo ex cuius carnibus comestis semen est generatum.

Ad quintum dicendum, quod embrya non pertinent ad resurrectionem ante animationem per animam rationalem, in quo statum multum advenit supra substantiam seminis de substantia nutritivi, quia puer in utero matris nutritur: & ideo si aliquis

embryis vescatur, & ex superfluo illius cibi generetur aliquis, illud quod erit in substantia seminis, resurget quidem in eo qui ex semine generatur, nisi in illo contineretur aliquid quod fuisset de substantia seminum in illis ex quorum carnibus comestis semen generatum est, quia hoc resurgeret in primo, & non in secundo; residuum autem carniū comestiarum, quod non est conversum in semen, consistat quod non resurgeret in primo, utrique divina potentia supplente quod deest. Prima autem opinio hac obiectione non ardetur, cum non ponat semen esse ex superfluo alimentis; sed aliz multæ rationes sunt contra eam, ut in II. Lib. dist. xxx. (quæst. 12. art. 2.) patuit.

### SOLUTIO V.

Ad quintam questionem dicendum, quod illud quod est materialiter in homine, non habet ordinem ad resurrectionem, nisi secundum quod pertinet ad veritatem humanæ naturæ, quia secundum hoc habet ordinem ad animam rationalem. Illud autem totum quod est in homine materialiter, pertinet quidem ad veritatem humanæ naturæ quantum ad id quod habet de specie; sed non totum considerata materiæ totalitate, quia tota materia quæ fuit in homine a principio vitæ usque ad finem, excederet quantitatem debitam speciei, ut tertia opinio dicit, quæ probabilior inter ceteras mihi videtur: & ideo totum quod est in homine, resurget considerata totalitate speciei, quia attenditur secundum quantitatem, figuram, situm, & ordinem partium; non autem resurget totum considerata totalitate materiæ. Secunda autem opinio, & prima non utuntur hac distinctione; sed distinguunt inter partes, quarum (a) utraq; habent speciem, vel materiam. Conveniunt autem hæc duæ opiniones in hoc quod utraq; dicit, quod illud quod est ex semine generatum, totum resurget etiam totalitate materiæ considerata. Differunt autem in hoc quod de eo quod ex alimento generatur, nihil resurgere ponit prima opinio; secunda vero aliquid eius resurgere ponit, & non totum, ut ex dictis patet.

Ad primum ergo dicendum, quod sicut quidquid est in aliis partibus corporis, resurget considerata totalitate speciei, non autem considerata totalitate materiæ; ita etiam est de capillis. In aliis autem partibus advenit aliquid ex nutrimento quod facit

(a) *Impugnatio ubi supra art. 5. utraq; habet.*

cit augmentum, & hoc computatur ut alia pars, considerata totalitate speciei, quia obtinet alium locum, & situm in corpore, & substat aliis partibus dimensionis; aliquid autem advenit quod non facit augmentum, sed cedit in restaurationem deperditi in nutriendo, & non computatur ut alia pars totius secundum speciem considerati, cum non obtineat alium locum, vel situm in corpore, (a) quam pars quæ defluxit tenebat; quamvis possit alia pars computari considerata totalitate materiæ; & similiter est de capillis. Augustinus ergo loquitur de incisionibus capillorum, (b) quæ erant partes facientes augmentum; & ideo oportet quod resurgant; non tamen in quantitate capillorum, ne sit quantitas immoderata, sed in aliis partibus, ut necessarium iudicabit divina providentia. Vel loquitur in casu illo quando aliis partibus deficit: tunc enim eorum defectus poterit ex superfluitatibus capillorum reparari.

Ad secundum dicendum, quod secundum tertiam opinionem eadem sunt partes secundum speciem, & secundum materiam. Non enim illa distinctione utitur Philosophus in I. de gener. (text. xxxv. & deinceps) addistinguendum diversas partes, sed ad ostendendum quod eadem partes possunt considerari & secundum speciem quantum ad id quod est forma, & speciei in ipsis, & secundum materiam quantum ad id quod subest formæ, & speciei. Constat autem quod materia carnis non habet ordinem ad animam rationalem, nisi inquantum est sub tali forma; & ideo ratione eius habet ordinem ad resurrectionem. Sed prima, & secunda opinio, quæ ponunt alias esse partes quæ sunt secundum speciem, & alias quæ sunt secundum materiam, dicunt quod anima quamvis utrasque partes perficiat, tamen perficit partes secundum materiam mediante partibus secundum speciem: & idem non æqualiter habent ordinem ad resurrectionem.

Ad tertium dicendum, quod in materia generabilium, & corruptibilium dimensiones interminatas oportet intelligere ante receptionem formæ substantialis: & idem divisio quæ est secundum huiusmodi dimensiones, proprie pertinet ad materiam; sed quantitas completa, & terminata advenit materiæ post formam substantialem: unde divisio quæ fit secundum dimensiones terminatas, respicit speciem, præcipue quando ad resurrectionem speciei pertinet determinatus situs partium, sicut est in corpore humano.

## ARTICULUS III.

*Utrum omnes resurgent in eadem ætate, scilicet iuvenili.*

*II. P. quest. xlv. art. 9. ad 4. & Lib. IV. contra Gent. cap. lxxxviii.*

1. **A**D tertium sic proceditur. Videtur quod non omnes resurgent in eadem ætate, scilicet iuvenili. Quia Deus resurgentibus, præcipue beatis, nihil subtrahet quod ad perfectiorem hominis pertinet. Sed ætas pertinet ad perfectionem hominis, cum senectus sit venerabilis ætas. Ergo senes non resurgent in ætate iuvenili.

2. Præterea. Aetas computatur secundum mensuram temporis præteriti. Sed impossibile est tempus quod fuit præteritum, non præteruisse. Ergo impossibile est eos qui maioris ætatis fuerunt, ad ætatem iuvenilem reduci.

3. Præterea. Illud quod magis fuit de veritate humanæ naturæ in unoquoque, maxime resurget in eo. Sed quantum aliquid primo fuit in homine, tanto videtur magis ad veritatem humanæ naturæ pertinuisse, quia in fine propter virtutem speciei debilitatam comparatur vino aquino corpus humanum, ut patet per Philosophum in I. de gener. (text. lxxxviii.) Ergo si omnes debent in eadem ætate resurgere, magis decet quod resurgant in ætate puerili quam iuvenili.

Sed contra est quod dicitur Ephes. iv. 13. *Donec occurramus omnes . . . in virum perfectum in mensuram ætatis plenitudinis Christi.* Sed Christus resurrexit in ætate iuvenili, quæ circa triginta annos incipit, ut Augustinus dicit (Lib. XXII. de Civit. Dei cap. xiiii.) Ergo & alii in ætate iuvenili resurgent.

Præterea. Homo in maxima perfectione naturæ resurget. Sed natura humana perfectissimum statum habet in ætate iuvenili. Ergo in illa ætate resurgent omnes.

## QUAESTIUNCULA II.

1. Ulterius. Videtur quod omnes resurgent eisdem statum. Sicut enim homo mensuratur quantitate dimensionum, ita quantitate durationis. Sed quantitas durationis in omnibus reducitur ad eandem mensuram, quia omnes in eadem ætate resurgent. Ergo

(a.) *M.* quem pars quæ defluxit. (b.) *Supplementum* quia.



quo quantitas dimensionis in omnibus red-  
cetur ad eandem mensuram, ut in eadem  
statura omnes resurgant.

2. Præterea. Philosophus dicit in II. de  
Anima (text. xli.) quod *omnium natura  
constantium terminus est, & ratio magnitudi-  
nis, & augmenti*. Sed ille terminus non est  
nisi ex virtute formæ, cui debet congruere  
quantitas, sicut & omnia alia accidentia.  
Ergo cum omnes homines habeant eandem  
formam specificam, in omnibus debet esse  
secundum naturam eadem quantitatis men-  
tura, nisi sit error. Sed error naturæ corri-  
pietur in resurrectione. Ergo omnes resur-  
gent in eadem statura.

3. Præterea. Quantitas resurgentis non  
poterit esse proportionata virtuti naturali,  
quæ primo corpus formavit: nam alias quæ  
non potuerunt ad maiorem quantitatem per-  
duci virtute naturæ, nunquam in maiori  
quantitate resurgent; quod falsum est. Er-  
go oportet quod quantitas illa proportio-  
netur virtuti reparanti corpus humanum per  
resurrectionem, & materię de qua reparat-  
ur. Sed virtus reparans omnia corpora est  
eadem numero, scilicet virtus divina; ci-  
nices autem omnes, ex quibus reparantur  
humana corpora, se habent æqualiter ad  
suscipiendam actionem prædictæ virtutis.  
Ergo ad eandem quantitatem terminabitur  
resurrectio omnium hominum; & sic idem  
quod prius.

Sed contra. Quantitas naturalis sequitur  
naturam uniuscuiusque individui. Sed in  
resurrectione non variatur natura individui.  
Ergo nec quantitas naturalis eius. Sed non  
est eadem quantitas naturalis omnium ho-  
minum. Ergo non omnes resurgent in ead-  
em statura.

Præterea. Natura humana reparabitur per  
resurrectionem ad gloriam, vel ad pœnam.  
Sed non erit eadem quantitas gloriæ, vel  
pœnæ in omnibus resurgentibus. Ergo nec  
eadem quantitas naturæ.

### QUAESTIUNCULA III.

1. Uterius. Videtur quod omnes resur-  
gent in sexu virili. Quia dicitur Ephes. iv.  
quod occurremus omnes in virtutis perfectum.  
Ergo non erit ibi nisi sexus virilis.

2. Præterea. In futuro omnis cessabit præ-  
latio, ut dicit Glossa I. Corinth. xv. Sed  
mulier naturali ordine subdita est viro. Er-  
go mulieres non resurgent in sexu muliebri,  
sed virili.

3. Præterea. Illud quod est occasionaliter,  
& præter intentionem naturæ inductum,

non resurget; quia in resurrectione omnis  
error tollitur. Sed sexus muliebris est præ-  
ter intentionem naturæ inductus ex defectu  
virtutis formativæ in semine, quæ non pot-  
est perdere materiam concepti ad perfec-  
tionem virilem: unde dicit Philosophus in  
XVI. de animalibus (videlicet Lib. II. de  
gener. animal. cap. 117.) quod semina est  
mas occasionaliter. Ergo sexus muliebris non  
resurget.

Sed contra est quod dicit Augustinus  
XXII. de Civit. Dei (cap. xvii.) *Melius  
sapere videntur qui utrumque sexum resurre-  
cturum esse non dubitant*.

Præterea. Deus reparabit in resurrectione  
quod in homine fecit in prima conditione.  
Sed ipse fecit mulierem de costa viri, ut  
patet Genes. 11. Ergo ipse sexum seminum  
in resurrectione reparabit.

### QUAESTIUNCULA IV.

1. Uterius. Videtur quod resurgent in vi-  
ta animali, ut scilicet utantur actu nutriti-  
væ, & generativæ. Quia resurrectio nostra  
erit conformis resurrectioni Christi. Sed Chri-  
stus post resurrectionem legitur comedis-  
se, ut patet Ioan. ult. & Luc. ult. Ergo &  
homines post resurrectionem comedent, &  
eadem ratione generabunt.

2. Præterea. Distinctio sexuum ad gena-  
rationem ordinatur, & similiter instrumen-  
ta quæ deserviunt virtuti nutritivæ, ordi-  
nantur ad comestionem. Sed homo cum o-  
mnibus huiusmodi resurget, ut ex supra di-  
ctis patet. Ergo utetur actibus virtutis ge-  
nerativæ, & nutritivæ.

3. Præterea. Totus homo beatificatur &  
secundum animam, & secundum corpus.  
Sed beatitudo, sive felicitas secundum Phi-  
losophum (X. Ethic. cap. vi. vel ix.) in  
propria operatione consistit. Ergo oportet  
quod omnes potentie animæ, & omnia  
membra sint in suis actibus in beatis post  
resurrectionem; & sic idem quod prius.

4. Præterea. In beatis post resurrectionem  
erit beata, & perfecta iuventus. Sed talis  
iuventus omnes delectationes includit: quia  
beatitudo est status omnium bonorum con-  
gregatione completus (ex Boetio III. Lib.  
de Consolat. prosa 11.) & perfectum est  
cui nihil deest. Cum ergo in actu virtutis  
generativæ, & nutritivæ sit magna delecta-  
tio, videtur quod tales actus ad vitam ani-  
malem pertinentes in beatis erunt, & mul-  
to fortius in aliis qui minus spiritualia cor-  
pora habebunt.

Sed contra est quod dicitur Matth. xxi. 30. *In resurrectione neque nubent, neque nubentur.*

Præterea. Generatio ordinator ad subveniendum defectui qui per mortem accedit, & ad multiplicationem humani generis, & comestio ad restaurationem deperditi, & ad augmentum quantitatis. Sed in statu resurrectionis iam humanum genus habebit totam multitudinem individuorum a Deo præfinitam: quia usque ad hoc generatio (a) desinetur, ut ex præcedenti distinctione (quaest. 1. art. 3. in corp.) patet: similiter etiam quilibet homo resurget in debita quantitate; nec erit ultra mors, aut aliqua deperditio fiet a partibus hominis. Ergo frustra esset usus georativæ, & nutritivæ virtutis.

## SOLUTIO I.

Respondeo dicendum ad primam quaestionem, quod homo resurget absque omni defectu humanæ naturæ: quia sicut Deus humanam naturam absque defectu instituit, ita sine defectu reparabit. Deficit autem humana natura dupliciter. Uno modo quia nondum perfectionem ultimam est consecuta; alio modo quia ab ultima perfectione iam recessit: & primo modo deficit in pueris, secundo modo deficit in senibus: & ideo in utrisque reducitur humana natura per resurrectionem ad statum ultimæ perfectionis, qui est in iuvenili ætate, ad quam terminatur motus augmenti, & a qua incipit motus decrementi.

Ad primum ergo dicendum, quod ætas senectutis habet reverentiam, non propter conditionem corporis, quod in defectu est, sed propter sapientiam animæ, quæ ibi esse præsumitur ex temporis antiquitate: unde in electis manebit reverentia senectutis propter plenitudinem divinæ sapientiæ, quæ in eis erit; sed non manebit senectutis defectus.

Ad secundum dicendum, quod non loquimur de ætate quantum ad numerum annorum, sed quantum ad statum qui ex annis in corpore humano relinquitur: unde Adam dicitur in ætate iuvenili formatus propter talem corporis conditionem quam primo die formationis suæ habuit: & ideo ratio non est ad propositum.

Ad tertium dicendum, quod virtus speciei dicitur esse perfectior in puero quam in invete quantum ad efficaciam agendi conversationem alimenti aliquo modo, sicut etiam

S. Th. Oper. Tem. XIII.

(a) *Ad d. 11. c. 1.*

est perfectior in semine quam in homine completo; sed in iuvenibus est perfectior quantum ad terminum complementi: unde illud quod maxime ad naturæ veritatem pertinet, ad illam perfectionem reducitur quam habet in ætate iuvenili, non ad illam quam habet in ætate puerili, in qua humores adhuc non pervenerunt ad ultimam digestionem.

## SOLUTIO II.

Ad secundam quaestionem dicendum, quod in resurrectione non reparabitur humana natura solum quantum ad idem speciem, sed etiam quantum ad idem numerum: & ideo in resurrectione non solum attendendum quid competat naturæ speciei, sed quid competat naturæ individui. Natura autem speciei habet aliquam quantitatem quam nec excedit, nec ab ea deficit absque errore; quæ tamen quantitas habet aliquos gradus latitudinis, & non est accipienda secundum unam mensuram determinatam. Unumquodque autem individuum in specie humana assequitur infra terminos illius latitudinis aliquem gradum quantitatis quæ competit naturæ individui, & ad hanc perducitur in termino augmenti, si non fuit aliquis error in opere naturæ, per quem fit aliquid additum, vel subtractum prædictæ quantitati: cuius quidem mensura accipitur secundum proportionem caloris extendentis, & humidi extensibilis, quod non est eiusdem virtutis in omnibus. Et ideo non omnes resurgent in eadem quantitate, sed quilibet resurget in illa quantitate in qua fuisse in termino augmenti, si natura non errasset, vel defecisset: quod autem superest, vel quod deficit in homine, refecabit, vel supplebit divina potentia.

Ad primum ergo dicendum, quod iam patet ex dictis quod non dicuntur omnes in eadem ætate resurgere, quasi omnibus competat eadem quantitas dimensionis, sed quia idem status perfectionis erit in omnibus: qui quidem status salvari potest in magna, & parva quantitate.

Ad secundum dicendum, quod quantitas huiusmodi individui non solum respondet formæ speciei, sed etiam naturæ individui, ut ex dictis patet: & ideo ratio non sequitur.

Ad tertium dicendum, quod quantitas resurgentis non proportionatur virtuti reparanti, quia illa non est de natura corporis,

R r nec

nec omnibus secundum statum illum in quo sunt ante resurrectionem; sed naturæ quam primo individuum habebat. Tamen si virtus formativa propter aliquem defectum non poterat perducere ad debitam quantitatem quæ competit speciei, divina virtus supplēbit in resurrectione defectum, sicut patet de nanis: & eadem ratio est de illis qui immoderate magnitudinis fuerunt ultra debitum naturæ.

### SOLUTIO III.

Ad tertiam quæstionem dicendum, quod sicut, considerata natura individui, debetur quantitas diversa diversis hominibus; ita considerata natura individui, debetur diversis diversus sexus: & hæc etiam diversitas competit perfectioni speciei, cuius diversi gradus implentur per distictam diversitatem sexus, vel quantitatis. Et ideo sicut resurgent homines in diversis statibus, ita in diversis sexibus: & quamvis sit differentia sexuum, deest tamen confusio mutue visionis: quia aberit libido incitans ad turpes actus, ex quibus confusio causetur.

Ad primum ergo dicendum, quod dicuntur omnes Christo occurrere in virum perfectum non propter sexum virilem, sed propter virtutem animi, quæ erit in omnibus & viris, & mulieribus.

Ad secundum dicendum, quod mulier subditur viro propter imbecillitatem naturæ quantum ad vigorem animi, & quantum ad robur corporis; sed post resurrectionem non erit differentia in his secundum diversitatem sexuum, sed magis secundum diversitatem meritorum: & ideo ratio non procedit.

Ad tertium dicendum, quod quamvis feminæ generatio sit præter intentionem naturæ particularis, est tamen de intentione naturæ universalis, quæ ad perfectionem humanæ speciei utrumque sexum requirit; nec ex sexu erit ibi aliquis defectus, ut ex dictis patet.

### SOLUTIO IV.

Ad quartam quæstionem dicendum, quod resurrectio non erit necessaria homini propter primam perfectionem ipsius, quæ consistit in integritate eorum quæ ad naturam spectant, quia ad hoc homo pervenire potest in statu præsentis vite per actionem causarum naturalium; sed necessitas resurrectionis est ad consequendam ultimam perfectionem, quæ consistit in perventione ad finem ultimum, ut in præcedenti distinct. dictum est: & ideo illæ operationes naturales quæ

ordinantur ad primam perfectionem humanæ naturæ vel cauſandam, vel servandam, non erunt in resurrectione; & huiusmodi sunt actiones animalis vite in homine, & actiones naturæ in elementis, & motus cæli: & ideo omnia hæc cessabunt in resurrectione. Et quia comedere, & bibere, & dormire, & generare ad animalem vitam pertinent, cum sint ad primam perfectionem naturæ ordinata, in resurrectione talia non erunt.

Ad primum ergo dicendum, quod illa comestio quæ Christus comedit, non fuit necessitatis, quasi cibis indigeret humana natura post resurrectionem; sed fuit potestatis, ut ostenderet se veram naturam humanam resumpsisse, quam prius habuerat in statu illo, quando cum discipulis comederat, & biberat. Hæc autem ostensio non erit necessaria in resurrectione communi, quia omnibus notum erit. Et ideo dicitur dispensative Christus manducasse eo modo loquendi quo Iuristæ dicunt, quod dispensatio est communis iuris relaxatio: quia Christus intermisit hoc quod est communiter resurgendum, scilicet non uti cibis propter causam prædictam: & propter hoc ratio non sequitur.

Ad secundum dicendum, quod differentia sexuum, & membrorum erit ad naturæ humanæ perfectionem reintegrandam & in specie, & in individuo: unde non sequitur quod sit frustra, quamvis animales operationes desint.

Ad tertium dicendum, quod prædictæ operationes non sunt hominis in quantum est homo, ut etiam Philosophus dicit: & ideo in eis non consistit beatitudo homini corporis; sed corpus humanum beatificabitur ex redundantia a ratione, a qua homo est homo, in quantum erit ei subditum.

Ad quartum dicendum, quod delectationes corporales, sicut dicit Philosophus in VII. & X. Ethic. (cap. 11. vel 111.) sunt medicinales, quia adhibentur homini ad tollendum fastidium; vel etiam ægritudinales, in quantum homo eis inordinate delectatur, ac si essent veræ delectationes; sicut homo habens infirmum gustum delectatur in quibusdam quæ sanis non sunt delectabilia: & ideo non oportet quod tales delectationes sint de perfectione beatitudinis, ut Iudei, & Sacerdotes, & quidam hæretici posuerunt, qui vocantur Chiliarchæ, qui etiam secundum doctrinam Philosophi, non videntur sanum affectum habere. Solæ enim delectationes spirituales secundum ipsum sunt simpliciter delectationes.

delectationes, & propter se querendæ: & ideo ipsæ solæ ad beatitudinem requiruntur.

## QUAESTIO II.

**D**Einde queritur de conditionibus beatorum: & circa hoc queruntur quatuor.

Primo. De impassibilitate.

Secundo. De subtilitate.

Terrio. De agilitate.

Quarto. De claritate corporum (glorificationem).

## ARTICULUS I.

*Utrum corpora sanctorum post resurrectionem erunt passibilia.*

*IV. contr. Gent. cap. lxxv. I. P. quest. xcvi. art. 1. in corp.*

1. **A**D primum sic proceditur. Videtur quod corpora sanctorum post resurrectionem non erunt impassibilia. Omne enim mortale est passibile. Sed homo post resurrectionem erit animal rationale mortale: hæc enim est distinctio hominis, quæ nunquam ab eo separabitur. Ergo corpus erit passibile.

2. Præterea. Omne quod est in potentia ad formam alterius, est passibile ab illo: quia secundum hoc aliquid est passivum ab alio, ut dicitur in I. de generat. (text. lxxvii. & lxxviii.) Sed corpora sanctorum post resurrectionem erunt in potentia ad aliam formam. Ergo erunt passibilia. Probatio mediæ. Quæcumque communicant in materia, unum eorum est in potentia ad formam alterius: materia enim secundum quod est sub una forma, non amittit potentiam ad aliam formam. Sed corpora sanctorum post resurrectionem communicabunt cum elementis in materia, quia ex eadem materia reparabuntur ex qua nunc sunt. Ergo erunt in potentia ad aliam formam; & sic erunt passibilia.

3. Præterea. Contraria nata sunt agere, & pati ad invicem, ut in I. de generat. (text. I.) dicit Philosophus. Sed corpora sanctorum post resurrectionem erunt ex contrariis composita, sicut & nunc sunt. Ergo erunt passibilia.

4. Præterea. In corpore humano resurgit sanguis, & alii humores, ut supra dictum est. Sed ex pugna humorum ad invicem

generantur ægritudines, & huiusmodi passionem in corpore. Ergo erunt corpora sanctorum post resurrectionem passibilia.

5. Præterea. Magis repugnat perfectioni defectus in actu quam defectus in potentia. Sed passibilitas importat solum defectum in potentia. Cum ergo in corporibus beatorum sint futuri aliqui defectus in actu, sicut cicatrices vulnerum in martyribus, ut in Christo fuerunt; videtur quod nihil peribit perfectioni eorum, si corpora illa passibilia ponantur.

Sed contra. Omne passibile est corruptibile: quia passio magis facit abiici a substantia. Sed corpora sanctorum post resurrectionem erunt incorruptibilia, ut dicitur I. Corinth. xv. 42. *Seminatur in corruptione, resurget in incorruptione.* Ergo erunt impassibilia.

Præterea. Fortius non patitur a debiliori. Sed nullum corpus erit fortius corporibus sanctorum, de quibus dicitur I. Corinth. xv. 43. *Seminatur in infirmitate, surget in virtute.* Ergo erunt impassibilia.

## QUAESTIUNCULA II.

1. **U**lterius. Videtur quod impassibilitas in omnibus erit æqualis. Quia I. Corinth. xv. dicit Glossa (vetus) quod æqualiter omnes habent quod pati non possunt. Sed ex hoc erit eis quod non possint pati, quod habent dotem impassibilitatis. Ergo impassibilitas erit æqualis in omnibus.

2. Præterea. Negationes non recipiunt magis, & minus. Sed impassibilitas est quædam negatio, vel privatio passibilitatis. Ergo non potest esse maior in uno quam in alio.

3. Præterea. Magis album dicitur quod est nigro impemixtius. Sed nulli corpori sanctorum admiscebitur aliquid de passibilitate. Ergo omnia erunt impassibilia æqualiter.

Sed contra. Merito debet respondere præmium proportionaliter. Sed sanctorum quidam fuerunt aliis maioris meriti. Ergo cum impassibilitas sit quoddam præmium, videtur quod in quibusdam sit maior quam in aliis.

Præterea. Impassibilitas dividitur contra dotem claritatis. Sed illa non erit æqualis in omnibus, ut patet I. Corinth. xv. Ergo nec impassibilitas.

## QUAESTIUNCULA III.

1. Ulterius. Videtur quod impassibilitas sensum in actu a corporibus gloriosis excludat. Quia, sicut dicit Philosophus in II. de Anima (text. com. cxviii. & etiam li.) sentire quoddam pati est. Corpora autem gloriosa erunt impassibilia. Ergo non sentient in actu.

2. Præterea. Immutatio naturalis præcedit immutationem animalem, sicut esse naturale præcedit esse intentionale. Sed corpora gloriosa ratione impassibilitatis non immutabuntur immutatione naturali. Ergo nec immutatione animali, quæ requiritur ad sentiendum.

3. Præterea. Quandocumque fit sensus in actu cum nova receptione, fit novum iudicium. Sed ibi non erit novum iudicium, quia non erunt ibi cogitationes volubiles. Ergo non fiet sensus in actu.

4. Præterea. Quando anima est in actu unus potentiz, remittitur actus alterius potentiz. Sed anima semine erit intenta ad actum virtutis intellectivæ, qua Deum contemplabitur. Ergo non erit aliquo modo in actu sensitivæ.

Sed contra est quod dicitur Apocal. I. 7. *Videbit eum omnis oculus*. Ergo erit ibi sensus in actu.

Præterea. Secundum Philosophum in I. de Anima (text. xix.) animatum ab inanimato distinguitur sensu, & motu. Sed erit ibi motus in actu, quia *samquam scintilla in arundine discurrens*: Sap. xix. 7. Ergo & sensus in actu.

## QUAESTIUNCULA IV.

1. Ulterius. Videtur quod non sint ibi omnes sensus in actu. Tactus enim est primus inter alios sensus, ut dicitur in Lib. de Anima (III. text. lxxvi.) Sed corpora gloriosa carebunt actu sensus tactus: quia sensus tactus fit in actu per immutationem corporis animalis ab aliquo exteriori corpore predominante in aliqua qualitate activarum, vel passivarum, quarum est tactus discretivus; qualis immutatio tunc esse non poterit. Ergo non erit ibi omnis sensus in actu.

2. Præterea. Sensus gustus deservit actui virtutis nutritivæ. Sed, sicut supra (quæst. præc. art. 3. quæstiunc. 5. in corp.) dictum est, post resurrectionem huiusmodi actus non erit. Ergo frustra esset ibi gustus.

3. Præterea. Post resurrectionem nihil corruptetur: quia tota creatura vestietur quadam virtute incorruptionis. Sed sensus odo-

ratus in actu suo esse non potest, nisi aliqua corruptione facta: quia odor non sentitur sine aliqua fumali evaporatione, quæ in quadam resolutione consistit. Ergo sensus odoratus non erit ibi in suo actu.

4. Præterea. Auditus deservit disciplinæ, ut dicitur in Lib. de sensu & sens. (cap. i. vel ii.) Sed non erit post resurrectionem beatis necessaria aliqua disciplina per sensibilia: quia divina sapientia replebuntur ex ipsius Dei visione. Ergo non erit ibi auditus.

5. Præterea. Visio fit secundum quod in pupilla recipitur species rei visæ. Sed hoc non poterit esse post resurrectionem in beatis. Ergo non erit ibi visus in actu, qui tamen est omnium sensuum nobilior. Probatio mediæ. Illud quod est lucidum in actu, non est receptivum speciei visibilis: unde speculum directe positum sub radio solis non repræsentat speciem corporis oppositi. Sed pupilla, sicut & totum corpus, erit claritate dotata. Ergo non recipietur in ea aliqua species colorati corporis.

6. Præterea. Secundum Perspectivos, omne quod videtur, sub angulo videtur. Sed hoc non competit corporibus gloriosis. Ergo non habebunt sensum visus in actu. Probatio mediæ. Quandocumque aliquid videtur sub angulo, oportet esse aliquam proportionem angulo ad distantiam rei visæ: quia quod a remotiori videtur, minus videtur, & sub minori angulo: unde posset esse ita parvus angulus quod nihil de re videretur. Si ergo oculus gloriosus videbit sub angulo, oportet quod videat sub terminata distantia; & ita quod non videat aliquid a remotiori quam modo videmus; quod videtur valde absurdum; & sic videtur quod sensus visus actu non erit in corporibus gloriosis.

Sed contra. Potentia coniuncta actui est perfectior quam non coniuncta. Sed natura humana erit in beatis in maxima perfectione. Ergo erunt ibi omnes sensus in suo actu.

Præterea. Vicinius se habent ad animam potentie sensitivæ quam corpus. Sed corpus præmiabitur, vel punietur propter merita, & demerita anime. Ergo & omnes sensus præmiabuntur in beatis, & punientur in malis secundum delectationem, & dolorem, vel tristitiam quæ in operatione sensus consistunt.

## SOLUTIO I.

Respondeo dicendum ad primam questionem, quod passio dupliciter dicitur. Uno modo

modo communiter; & sic omnis receptio passio dicitur, siue illud quod recipitur, sit conueniens recipienti, & perfectiuium ipsius, siue contrarium, & corruptiuum: & ab huiusmodi passionis remotione corpora gloriosa impassibilia non dicuntur, cum nihil quod est perfectionis, eis sit auferendum. Alio modo dicitur proprie, quam sic diffinit Damascenus in II. Lib. ( de Fide orth. cap. XII. ) *Passio est motus prater naturam*; unde immoderatus motus cordis passio eius dicitur; sed moderatus dicitur eius operatio: cuius ratio est, quia omne quod patitur, trahitur ad terminos agentis, quia agens assimilatur sibi patiens: & ideo patiens inquantum huiusmodi trahitur extra terminos proprios in quibus erat. Sic ergo proprie accipiendo passionem, non erit in corporibus sanctorum resurgentium potentialitas ad passionem: & ideo impassibilia dicuntur. Huius autem impassibilitatis ratio a diversis diuersimode assignatur.

Quidam enim attribuunt eam conditioni elementorum, quæ aliter se habebunt tunc in corpore quam modo se habent. Dicunt enim quod elementa remanebunt ibi secundum substantiam; sed qualitates activæ, & passivæ ab elementis auferentur. Sed hoc non videtur verum: quia qualitates activæ, & passivæ sunt de perfectione elementorum: unde si sine eis repararentur, elementa in corpore resurgentis essent minoris perfectionis quam modo sunt. Et præterea, cum qualitates illæ sint propria accidentia elementorum, ex forma, & materia ipsorum causata, videtur valde absurdum quod causa manente effectus tollatur.

Et ideo alii dicunt, quod manebunt qualitates, sed non habebunt proprias actiones, diuina virtute id faciente ad conservationem humani corporis. Sed hoc etiam non videtur posse stare: quia ad mixtionem requiritur actio activarum, & passivarum qualitarum; & secundum prædominium unius, vel alterius mixta efficiuntur diversæ complexionis; quod oportet ponere in corpore resurgentis: quia erunt ibi carnes, & ossa, & huiusmodi partes, quibus omnibus non competit una complexio. Et præterea secundum hoc impassibilitas non posset poni dos in eis, quia non poneret aliquam dispositionem in substantia impassibili, sed solum prohibitionem passionis ab exteriori, scilicet diuina virtute; quæ etiam posset idem facere de corpore hominis in statu huius viæ.

Et ideo alii dicunt, quod in ipso corpore erit aliquid prohibens passionem corporum

gloriosorum, scilicet natura quinti corporis, quam ponunt venire in compositionem humani corporis ad conciliandum elementa in harmoniam quamdam, per quam possint esse debita materia animæ rationalis; sed tamen in statu huius viæ, propter dominium naturæ elementaris, corpus humanum patitur ad similitudinem aliorum elementorum; sed in resurrectione dominabitur natura quinti corporis; & ideo corpus humanum reddetur impassibile ad similitudinem corporis cælestis. Sed hoc non potest stare: quia corpus quintum non venit materialiter ad compositionem corporis humani, ut in II. Lib. ( dist. xvii. quæst. 113. art. 1. ) ostensum est. Et præterea impossibile est dicere, quod aliqua virtus naturalis, qualis est virtus corporis cælestis, transferat corpus humanum ad proprietatem gloriæ, qualis est impassibilitas corporis gloriosi; cum immutationem corporis humani Apostolus attribuit virtuti Christi: quia qualis cælestis, tales & cælestes: I. Corinth. xv. & Philip. 111. 21. *Reformabis corpus humilitatis nostræ configuratum corpori claritatis suæ secundum operationem qua etiam possit subiacere sibi omnia*. Et præterea non potest natura cælestis ita dominari in corpore humano, quin natura elementaris remaneat, cui ex essentialibus suis principis passibilitas inest.

Et ideo aliter dicendum, quod omnis passio fit per victoriam agentis super patiens; alias non traheret ipsum ad suos terminos. Impossibile est autem quod aliquid dominetur supra patiens, nisi inquantum debilitatur dominium formæ propriæ supra materiam patientis, loquendo de passione quæ est circa materiam, de qua nunc loquimur. Non enim potest materia subiici uni contrariorum sine hoc quod tollatur dominium alterius super ipsam, vel saltem diminuat. Corpus autem humanum, & quicquid in eo est, perfecte erit subiectum animæ rationali, sicut etiam ipsa perfecte subiecta erit Deo: & ideo in corpore glorioso non poterit esse aliqua mutatio contra dispositionem illam qua perficitur ab anima; & ideo corpora illa erunt impassibilia.

Ad primum ergo dicendum, quod secundum Anselmum ( Lib. II. *Cur Deus homo* cap. xi. ) mortale ponitur in diffinitione hominis a Philosophis, qui non crediderunt hominem totum aliquando posse esse immortalem, quia non viderunt homines nisi secundum huiusmodi mortalitatis statum. Vel potest dici, quod secundum Philosophum in VIII. Metaph. ( text. xxi. ) quia disse-

ren-

rentiz essentialia sunt nobis incognita, utimur quandoque differentis accidentalibus ad significandum essentialia differentia, quæ sunt accidentalium causa: unde mortale non ponitur in diffinitione hominis quasi ipsa mortalitas ad essentiam hominis pertineat, sed quia illud quod est causa passibilitatis, & mortalitatis secundum præsentem statum, scilicet compositio ex contrariis, est de essentia hominis; sed tunc non erit causa eius propter victoriam animæ super corpus.

Ad secundum dicendum, quod duplex est potentia: ligata, & libera: & hoc non solum est verum de potentia activa, sed etiam passiva. Forma enim ligat potentiam materiz, determinando ipsam ad unum, secundum quod dominatur super eam. Et quia in rebus corruptibilibus non perfecte dominatur forma super materiam, non perfecte potest ligare ipsam, quin recipiat interdum per aliquam passionem dispositionem contrariam formæ. Sed in sanctis post resurrectionem omnino anima dominabitur supra corpus; nec illud dominium aliquo modo poterit auferri, quia ipsa erit immutabiliter Deo subiecta, quod non fuit in statu innocentiz: & ideo. (a) in corporibus illis manet eadem potentia ad formam aliam quæ nunc inest quantum ad substantiam potentiz, sed erit ligata per victoriam animæ supra corpus, ut nunquam in actum passionis exire possit.

Ad tertium dicendum, quod qualitates elementares sunt instrumenta animæ, ut patet in II. de Anima (text. xl.) quia calor ignis in corpore animalis regulatur in actu nutriendi per virtutem animæ. Quando autem agens principale est perfectum, & non est aliquis defectus in instrumento, nulla actio procedit ab instrumento nisi secundum dispositionem principalis agentis: & ideo in corporibus sanctorum post resurrectionem nulla actio, vel passio poterit provenire a qualitatibus elementaribus quæ sit contra dispositionem animæ, quæ intendit conservare corpus.

Ad quartum dicendum secundum Augustinum in epistola (cxlvi.) ad Consentium (cap. xi.) quod valet divina potentia de ista visibili, atque tractabili natura corporum, quibusdam manentibus, auferre quas voluerit qualitates: unde sicut ab igne foracis Chalæzorū abstulit virtutem comburendi quantum ad aliquid, quia corpora puerorum illa servata sunt; sed mansit quantum ad aliquid, quia ille ignis ligna com-

burebat: ita auferet ab humoribus passibilitatem, & dimittet naturam. Modus autem quo hoc fiet, dictus est.

Ad quintum dicendum, quod cicatrices vulnerum non erunt in sanctis, nec in Christo fuerunt, in quantum importent aliquem defectum, sed in quantum sunt signa constantissimæ virtutis quæ passi sunt pro iustitia, & fide: ut ex hoc & ipsis, & aliis gaudium crescat: unde dicit Augustinus XXII. de Civitate Dei (cap. xx.) *Nescio quomodo sic afficimur amore martyrum beatorum, ut velimus in illo regno in eorum corporibus videre vulnerum cicatrices quæ pro Christi nomine pertulerunt: Et fortasse videbimus. Non deformitas in eis, sed dignitas erit; [b]. Et quædam quamvis in corpore non corporis, sed virtutis pulchritudo fulgebit.* Nec tamen si aliqua martyribus amputata, & ablata sunt membra, sine ipsis membris erunt in resurrectione mortuorum, quibus dictum est (Luc. xxi. 18.) *Capillus de capite vestro non peribit.*

## SOLUTIO II.

Ad secundam questionem dicendum, quod impassibilitas potest dupliciter considerari: vel secundum se, vel secundum causam suam. Si secundum se consideretur, quia solam privationem, vel negationem importat, non suscipit magis, & minus, sed erit æqualis in omnibus beatis. Si autem consideretur secundum causam suam, sic erit maior in uno quam in alio. Causa autem eius est dominium animæ super corpus; quod quidem dominium causatur ex hoc quod servitur Deo immobiliter: unde in illo qui perfectius fruitur, est maior impassibilitatis causa.

Ad primum ergo dicendum, quod Glossa illa loquitur de impassibilitate secundum se, & non secundum causam suam.

Ad secundum dicendum, quod quamvis negationes, & privationes secundum se non intenduntur, nec remittantur; tamen intenduntur, & remittuntur ex causis suis: sicut dicitur esse locus magis tenebrosus qui habet plura, & maiora obstacula lucis.

Ad tertium dicendum, quod aliqua non solum intenduntur per recessum a contrario, sed etiam per accessum ad terminum, sicut lux intenditur: (c) & propterea etiam impassibilitas est maior in uno quam in alio, quamvis in nullo aliquid passibilitatis remaneat.

(a) *Id.* in corporalibus. (b) *Id.* & quidem. (c) *Id.* & prima: Nicolai de preterita.

## SOLUTIO III.

Ad tertiam quaestionem dicendum, quod aliquem sensum esse in corporibus beatorum, omnes ponunt: alias vita corporalis sanctorum post resurrectionem assimilaretur magis somno quam vigilis: quod non competit illi perfectioni, eo quod in somno corpus sensibile non est in ultimo actu vite, propter quod somnus dicitur vite dimidium in I. Ethic. [cap. XIII. vel XV.] Sed in modo sentiendi diversi diversa opinantur.

Quidam enim dicunt, quod quia gloriosa corpora erunt impassibilia, & propter hoc non receptibilia peregrinis impressionis, & multo minus quam corpora caelestia, non erit ibi sensus in actu per receptionem alicuius speciei a sensibilibus, sed magis extra mittendo. Sed hoc non potest esse: quia in resurrectione natura speciei manebit eadem in homine, & in omnibus partibus eius. Huiusmodi autem est natura sensus, ut sit potentia passiva, ut in II. de Anima (text. com. I. & cxxi.) probat Philosophus: unde si in resurrectione sancti sentirent extra mittendo, & non recipiendo, non esset sensus in eis virtus passiva, sed activa; & sic non esset eiusdem speciei cum sensu qui nunc est, sed esset aliqua alia virtus eis data: sicut enim materia numquam fit forma, ita potentia passiva numquam fit activa.

Et ideo alii dicunt, quod sensus in actu fiet per susceptionem non quidem ab exterioribus sensibilibus, sed per effluxum a superioribus viribus; ut sicut nunc superiores vires accipiunt ab inferioribus, ita tunc e converso inferiores accipient a superioribus. Sed ille motus receptionis non facit vere sentire: quia omnis potentia passiva secundum suam specierationem determinatur ad aliquod speciale activum: quia potentia, in quantum huiusmodi, habet ordinem ad illud respectu cuius dicitur: unde cum proprium activum in sensu exteriori sit res existens extra animam, & non intentio eius existens in imaginatione, vel ratione, si organum sentiendi non moveatur a rebus extra, sed ex imaginatione, vel aliis superioribus viribus, non erit vere sentire. Unde non dicimus quod phrenetici, & alii mente capti, in quibus propter victoriam imaginativae virtutis fit huiusmodi fluxus specierum ad organa sentiendi, vere sentiant, sed quod videatur eis quod sentiant.

Et ideo dicendum est cum aliis, quod sensus corporum gloriosorum erit per susceptionem a rebus quae sunt extra animam.

Sed sciendum, quod organa sentiendi immutantur a rebus quae sunt extra animam dupliciter. Uno modo immutatione naturali, quando scilicet organum disponitur eadem qualitate naturali qua disponitur res extra animam quae agit in ipsum; sicut cum manus fit calida, & adusta ex tactu rei calidae, vel odorifera ex tactu rei odoriferae. Alio modo immutatione spiritali, quando recipitur qualitas sensibilis in instrumento secundum esse spirituale, idest species, sive intentio qualitatis, & non ipsa qualitas, sicut pupilla recipit speciem albedinis, & tamen ipsa non efficitur alba. Prima ergo receptio non causat sensum per se loquendo, quia sensus est susceptivus specierum in materia praeter materiam, idest praeter esse materiale quod habebant extra animam, ut dicitur in II. de Anima (text. cxxi.) & haec receptio immutat naturam recipientis, quia recipitur hoc modo qualitas secundum esse suum materiale. Unde ista receptio non erit in corporibus gloriosis, sed secunda, quae per se facit sensum in actu, & non immutat naturam recipientis.

Ad primum ergo dicendum, quod iam patet ex dictis quod per hanc passionem quae est in actu sentiendi (quae non est aliud quam receptio praedicta) non trahitur corpus extra naturalem suam qualitatem, sed spiritaliter perficitur: unde impassibilitas gloriosorum corporum hanc passionem non excludit.

Ad secundum dicendum, quod omne passivum recipit actionem agentis secundum suum modum. Si ergo aliquid fit quod natum sit immutari ab activo, naturali, & spiritali immutatione, immutatio naturalis praecedit immutationem spiritualementem, sicut esse naturale praecedit esse intentionale. Si autem natum sit immutari tantum spiritaliter, non oportet quod immutetur naturaliter; sicut est de aere, qui non est receptivus coloris secundum esse naturale, sed solum secundum esse spirituale; & ideo hoc solum modo immutatur; sicut e converso corpora inanimata immutantur per qualitates sensibiles solum naturaliter, & non spiritaliter. In corporibus autem gloriosis non poterit esse aliqua immutatio naturalis: & ideo ibi erit spiritalis immutatio tantum.

Ad tertium dicendum, quod sicut erit nova receptio speciei in organo sentiendi, ita erit novum iudicium sensus communis, non autem novum iudicium intellectus de hoc, sicut fit in eo qui videt aliquid quod prius scivit. Quod autem Augustinus dicit (Lib.



XV. de Trin. cap. xvi.) quod non erunt ibi cogitationes volubiles, intelligitur de cogitationibus intellectivæ partis: unde non est ad propositum.

Ad quartum dicendum, quod quando unum duorum est ratio alterius, occupatio animæ circa unum non impedit, nec remittit occupationes eius circa aliud; sicut medicus dum videt urinam, non minus potest considerare regulas artis de coloribus urinarum, sed magis: & quia Deus apprehenditur a sanctis vel ratio omnium quæ ab eis aguntur, vel cognoscuntur; ideo occupatio eorum circa sensibilia sentienda, vel quæcumque alia contemplanda, aut agenda in nullo impedit divinam contemplationem, nec e converso. Vel dicendum, quod ideo una potentia impeditur in suo actu, quando alia vehementer operatur, quia una potentia de se non sufficit ad tam intensam operationem, nisi ei subveniatur per id quod erat aliis potentiis, vel membris influendum a principio vitæ: & quia in sanctis erunt omnes potentie perfectissimæ, una poterit intense operari, ita quod ex hoc nullum impedimentum præstabitur actioni alterius potentie, sicut & in Christo fuit.

#### SOLUTIO IV.

Ad quartam questionem dicendum, quod circa hoc est duplex opinio.

Quidam enim dicunt, quod in corporibus gloriosis erunt omnes potentie sensuum, non tamen erunt in actu nisi duo sensus, scilicet visus, & tactus: nec hoc erit ex defectu sensuum, sed ex defectu medii, & obiecti: nec tamen erunt frustra, quia erunt ad integritatem humanæ naturæ, & ad commendandam sapientiam Creatoris. Sed hoc non videtur verum: quia illud quod est medium in istis sensibus, est etiam in aliis medium. In visu enim est medium aer, qui etiam est medium in auditu, & odoratu, sicut patet in II. de Anima (text. lxxvi. lxxix. & cxii.) Similiter etiam gustus habet medium coniunctum, sicut & tactus, cum gustus sit quidam tactus, ut in eodem Libro (a) dicitur. Odor etiam erit ibi, qui est obiectum odoratus, cum Ecclesia cantet, quod odor suavisissimus erunt corpora sanctorum. Laus etiam vocalis erit in patria: unde Augustinus dicit super illud Psalm. cxlix. (b) *Exaltationes Dei in gutture eorum*, quod corda, &

linguæ non desinent laudare Deum. Et idem etiam habetur per Glossam (c) super illud, *In cymbalis bene sonantibus* &c.

Et ideo secundum aliquos dicendum, quod etiam odoratus, & auditus erunt ibi in actu; sed gustus non erit in actu, ita quod immutetur ab aliquo cibo, vel potu sumpto, ut patet ex dictis: nisi forte dicatur, quod erit gustus in actu (d) per immutationem linguæ ab aliqua humiditate adiuncta.

Ad primum ergo dicendum, quod qualitates quas tactus percipit, sunt illæ ex quibus constituitur animalis corpus: unde per qualitates tangibiles corpus animalis secundum statum præsentem natum est immutari immutatione naturali, & spirituali ab obiecto tactus: & ideo tactus dicitur maxime materialis inter alios sensus, quia habet plus de materiali immutatione adiunctum. Non tamen immutatio materialis se habet ad actum sentiendi qui perficitur spirituali immutatione, nisi per accidens: & ideo in corporibus gloriosis, a quibus impassibilitas excludit naturalem immutationem, erit immutatio a qualitatibus tangibilibus spiritualis tantum, sicut & in corpore Adæ fuit, quod nec ignis utere, nec gladius scindere potuisset, & tamen horum sensum habuisset.

Ad secundum dicendum, quod gustus, secundum quod est sensus alimenti, non erit in actu; si tamen erit, secundum quod est iudicium saporum, hoc esse poterit forte secundum modum prædictum.

Ad tertium dicendum, quod quidam posuerunt, quod odor nihil aliud est quam quædam fumalis evaporatio. Sed hæc positio non potest esse vera: quod patet ex hoc quod vultures currunt ex odore percepto ad cadaver ex locis remotissimis: nec esset possibile quod evaporatio aliqua pertingeret a cadavere ad tam remota loca, etiam si totum resolveretur in vaporem, & præcipue cum sensibilia in æquali distantia ad quamlibet partem immutent: unde odor immutat medium quandoque, & instrumentum sentiendi spirituali immutatione sine aliqua evaporatione pertingente ad organum; sed quod aliqua evaporatio requiritur, hoc est, quia odor in corporibus est humiditate aspersus: unde oportet resolutionem fieri ad hoc quod percipiatur. Sed in corporibus gloriosis erit odor in ultima sua perfectione nullo

(a) Al. desit dicitur. (b) Al. Exultationes. (c) Nicolai ex ms. super illud (II. Esdræ) *In cymbalis & psalteriis, & cytharis*. Supplementum vero quest. lxxxiii. art. 4. in corp. in canticis, & cymbalis. (d) Al. per intentionem.

nullo modo per humidum suppressus : unde immutabit spirituali immutatione, sicut odor fumalis evaporationis facit; & sensus odoratus in sanctis, quia nulla humiditate impeditur, cognoscat non solum excellentias odororum, sicut nunc in nobis contingit propter nimiam celebri humiditatem, sed etiam minimas odorum differentias.

- Ad quartum dicendum, quod erit in patria laus vocalis; quamvis quidam aliter dicant, quod sola immutatione spirituali organum auditus immutabitur in beatis: nec erit propter disciplinam, qua scientiam acquirit, sed propter perfectionem sensus, & delectationem. Quomodo autem vox ibi formari poterit, in II. Libr. dist. 11. (quest. 21. art. 1. ad 5.) dictum est.

Ad quintum dicendum, quod intensio luminis non impedit receptionem spirituales speciei coloris, dummodo maneat in natura diaphani; sicut patet quod quantumcumque illuminetur aer, potest esse medium in visu; & quanto est magis illuminatus, tanto per ipsum clarius aliquid videtur, nisi sit defectus ex debilitate visus. Quod autem in speculo supposito directe radio solis non appareat species corporis oppositi, non est propter hoc quod impeditur receptio, sed propter hoc quod impeditur reverberatio: oportet enim ad hoc quod forma in speculo appareat, quod fiat quædam reverberatio ad aliquod corpus obscurum; & ideo plumbum vitro adiungitur in speculo: hanc autem obscuritatem radius solis repellit: unde non potest apparere species aliqua in speculo. Claritas autem corporis gloriosi non aufert diaphaneitatem a pupilla, quia gloria non tollit naturam: unde magnitudo claritatis in pupilla magis facit ad acumen visus quam ad eius defectum.

Ad sextum dicendum, quod quanto sensus est perfectior, tanto ex minori immutatione facta potest obiectum suum percipere. Quanto autem sub minori angulo visus a visibili immutatur, tanto minor immutatio est: & inde est quod visus perfectior magis a remoto aliquid videre potest quam visus debiliior, quia quanto a remotiori videtur, sub minori angulo videtur. Et quia visus corporis gloriosi erit perfectissimus, ex parvissima immutatione poterit videre: unde sub angulo multo minori videre poterit quam modo possit, & per consequens multo magis a remoto.

## ARTICULUS II.

*Utrum subtilitas sit proprietas corporis glorificati.*

*IV. cont. Gen. cap. xv.1.*

1. **A**D secundum sic proceditur. Videtur quod subtilitas non sit proprietas corporis glorificati. Proprietas enim gloriæ excedit proprietatem naturæ, sicut claritas gloriæ claritatem solis, quæ est maxima in natura. Si ergo subtilitas est proprietas corporis gloriosi, videtur quod corpus gloriosum futurum sit subtilius omni quod est subtile in natura; & ita erit ventis, æreque subtilius; quod est hæresis a Gregorio in Constantinopolitana urbe damnata, ut ipse narrat in XIV. Lib. Moralium (cap. xxxix. vel xxxi.)

2. Præterea. Sicut caliditas, & frigiditas sunt quædam qualitates simplicium corporum, scilicet elementorum; ita & subtilitas. Sed calor, & aliz qualitates elementorum non intenduntur in corporibus gloriosis magis quam nunc, immo magis ad medium reducuntur. Ergo nec subtilitas in eis erit maior quam nunc sit.

3. Præterea. Subtilitas in corporibus invenitur propter parvitatem materiæ: unde corpora quæ habent minus de materia sub æqualibus dimensionibus, dicimus magis subtilia, ut ignem ære, & ærem aqua, & aquam terra. Sed tantum de materia erit in corporibus gloriosis quantum nunc est, nec dimensiones erunt maiores, ut ex supra dictis patet. Ergo non erunt magis subtilia quam modo sint.

Sed contra est quod dicitur I. Corinth. xv. 44. *Seminatur corpus animale, surgens corpus spirituale*, id est spiritui simile. Sed subtilitas spiritus excedit omnem subtilitatem corporis. Ergo corpora gloriosa erunt subtilissima.

Præterea. Corpora quanto sunt subtiliora, tanto nobiliora. Sed corpora gloriosa sunt nobilissima. Ergo erunt subtilissima.

## QUÆSTIUNCULA II.

1. Ulterius. Videtur quod ratione huius subtilitatis competat corpori quod sit simul in eodem loco cum alio corpore non glorioso. Quia, ut dicitur Philippen. 111. 21. *reformabis corpus humilitatis nostre configuratum corpori claritatis sue secundum operationem virtutis sue, qua etiam possit subicere si-*

*bi omnia*. Sed corpus Christi potuit simul esse cum alio corpore in eodem loco, ut patet per hoc quod intravit post resurrectionem ad discipulos ianuus clausus, ut dicitur Ioan. xx. Ergo & corpora gloriosa ratione subtilitatis poterunt esse cum aliis corporibus non gloriosis in eodem loco.

2. Præterea. Corpora gloriosa erunt nobiliora omnibus aliis corporibus. Sed quædam corpora nunc ratione suæ nobilitatis possunt simul esse cum aliis corporibus, scilicet radii solares. Ergo multo fortius hoc conveniet corporibus gloriosis.

3. Præterea. Corpus caeleste non potest dividi, ad minus quantum ad substantiam sphaerarum: unde dicitur Job xxxv. quod celi velut ære solidissimi fusi sunt. Si ergo corpus gloriosum non potest ratione subtilitatis esse simul cum alio corpore in eodem loco, numquam ad cælum empyreum ascendere poterit; quod est erroneum.

4. Præterea. Corpus quod non potest esse simul cum alio corpore, potest ex alterius obiculo impediri in motu suo, vel etiam includi. Sed hæc non possunt contingere corporibus gloriosis. Ergo possunt simul esse in eodem loco cum aliis corporibus.

5. Præterea. Sicut se habet punctus ad punctum, ita linea ad lineam, & superficies ad superficiem, & corpus ad corpus. Sed duo puncta possunt esse simul, ut patet quando duæ lineæ se tangunt; & similiter duæ lineæ in contactu duarum superficialium; & duæ superficies in contactu duorum corporum: quia contigua sunt quorum ultima sunt simul, ut patet VI. Physic. (text. 1.) Ergo non est contra naturam corporis, quin possit esse cum alio corpore in eodem loco. Sed quidquid nobilitatis natura corporis patitur, totum corpori glorioso præstabitur. Ergo corpus gloriosum ex sua subtilitatis proprietate habebit quod possit esse simul cum alio corpore in eodem loco.

Sed contra est quod Boetius dicit in Libro de Trin. (cap. 1.) *In numero differentiam varietas accidentium facit: nam tres homines neque genere, neque specie, sed suis accidentibus distant. Nam si vel animo cuncti ab his accidentibus separamus, tamen locus est cunctis diversus, quem unum fingere nullo modo possumus*. Ergo si ponantur duo corpora esse in uno loco, erunt unum corpus numero.

Præterea. Corpora gloriosa maiorem convenientiam habebunt cum loco quam spiritus angelici. Sed spiritus angelici, ut quidam dicunt, non possunt distinguì numero,

nisi essent in diversis locis: & propter hoc ponunt, quod necesse est eos esse in loco, & quod ante mundum creati non poterunt. Ergo multo magis debent dicere, quod duo corpora qualiacumque non possunt simul esse in eodem loco.

### QUÆSTIUNCULA III.

1. Ulterius. Videtur quod nec etiam per miraculum fieri possit quod duo corpora sint in eodem loco. Non enim potest fieri per miraculum quod duo corpora sint simul duo, & unum: quia hoc esset facere contradictionem esse simul. Sed si ponantur duo corpora esse simul, sequetur illa duo corpora esse unum. Ergo non est possibile hoc per miraculum fieri. Probatio mediæ. Sint duo corpora in eodem loco, quorum unum dicatur A, & aliud B. Aut ergo dimensiones A erunt eadem cum dimensionibus loci, aut alia. Si alia, ergo erunt aliqua dimensiones separatæ; quod non potest poni, quia dimensiones quæ sunt inter terminos loci, non sunt in aliquo subiecto, nisi sint in corpore locato. Si autem sunt eadem, ergo eadem ratione dimensiones B erunt eadem cum dimensionibus loci. Sed quæcumque uni & eidem sunt eadem, sibi invicem sunt eadem. Ergo dimensiones A, & B sunt eadem. Sed duorum corporum non possunt esse eadem dimensiones, sicut nec eadem albedo. Ergo A & B sunt unum corpus: & erant duo: ergo sunt simul unum, & duo.

2. Præterea. Contra communes animi conceptiones non potest aliquid miraculose fieri, ut scilicet pars non sit minor toto: quia contraria communibus conceptionibus directe contradictionem includunt. Similiter nec conclusiones geometricæ quæ a communibus conceptionibus infallibiliter deducuntur, sicut quod triangulus non habeat tres angulos æquales duobus rectis. Similiter nec aliquid potest fieri in linea contra diffinitionem lineæ: quia separare diffinitionem a diffinito est ponere duo contradictionem esse simul. Sed duo corpora esse in eodem loco est contra conclusiones Geometriæ, & contra diffinitionem lineæ. Ergo non potest per miraculum fieri. Probatio mediæ. Conclusio est Geometriæ, quod duo circuli non tangent se nisi in puncto. Si autem duo corpora circularia essent in eodem loco, duo circuli designati in eis se tangerent secundum totum. Similiter etiam est contra diffinitionem lineæ quod infra duo puncta sit plusquam una linea recta; quod

con-

contingeret, si duo corpora essent in eodem loco, quia infra duo puncta signata in diversis superficiebus loci essent duae lineae rectae duorum corporum locorum.

3. Præterea. Hoc non videtur posse fieri per miraculum, quod corpus inclusum in alio corpore non sit in loco: quia sic haberet locum communem, & non proprium; quod non potest esse. Sed hoc sequeretur, si duo corpora essent in eodem loco. Ergo hoc non potest fieri per miraculum. Probatio mediæ. Si duo corpora in eodem loco, quorum unum secundum quamlibet dimensionem sit maius alio: corpus minus erit inclusum corpore maiore, & locus corporis maioris erit locus eius communis, locum autem proprium non habebit, quia non erit aliqua superficies corporis actu signata, quæ contineat ipsam, quod est de ratione loci. Ergo non habebit locum proprium.

4. Præterea. Locus proportionaliter respondet locato. Sed numquam potest per miraculum fieri quod idem corpus sit simul in diversis locis, nisi per aliquam conversionem, sicut accidit in sacramento altaris. Ergo nullo modo potest per miraculum fieri quod duo corpora sint simul in eodem loco.

Sed contra est quod beata Virgo filium suum miraculose peperit. Sed in illo partu oportuit duo corpora esse simul in eodem loco: quia corpus pueri exiens claustra pudoris non fregit. Ergo potest miraculose fieri quod duo corpora sint in eodem loco.

Præterea. Hoc idem potest ostendi per hoc quod Dominus ad discipulos intravit ianuæ clausæ: Ioan. xx.

#### QUAESTIUNCULA IV.

1. Uterius. Videtur quod corpus gloriosum possit esse cum alio glorioso in eodem loco. Quia ubi est maior subtilitas, ibi est minor resistentia. Si ergo corpus gloriosum est subtilius quam non gloriosum, minus resistet corpori glorioso; & ita si corpus gloriosum poterit esse cum non glorioso corpore in eodem loco, multo fortius cum corpore glorioso.

2. Præterea. Sicut corpus gloriosum est subtilius non glorioso, ita unum gloriosum erit subtilius alio. Si ergo corpus gloriosum poterit esse simul cum non glorioso, & corpus gloriosum magis subtile poterit esse cum glorioso minus subtili.

3. Præterea. Corpus calidius est corpus subtilius, & erit tunc glorificatum. Sed corpus aliud calidius sancti esse poterit simul cum corpore

cæli: quia poterunt ad terram descendere, & ascendere pro suæ libito voluntatis. Ergo & duo corpora subtilia, vel gloriosa poterunt esse simul.

Sed contra. Corpora gloriosa erunt spiritualia, idest spiritibus quantum ad aliquid similia. Sed duo spiritus non possunt esse in eodem loco, quamvis spiritus, & corpus possint esse in eodem loco, ut in I. Lib. dist. xxxvii. (quæst. r. art. r.) dictum est. Ergo nec duo corpora gloriosa poterunt esse in eodem loco.

Præterea. Duorum corporum simile existens unum ab alio penetratur. Sed penetrari ab alio corpore est ignobilitatis; quæ omnino a corporibus gloriosis aberit. Ergo non poterunt esse duo corpora gloriosa simul.

#### QUAESTIUNCULA V.

r. Uterius. Videtur quod ex sua subtilitate removeatur a corpore glorificato necessitas existendi in æquali loco. Corpora enim gloriosa erunt conformia corpori Christi, ut patet Philippen. xii. Sed corpus Christi non coarctatur hac necessitate ut sit in loco æquali: unde continetur totam sub parvis, vel magnis dimensionibus hostiæ consecratæ. Ergo & hoc idem erit in corporibus gloriosis.

2. Præterea. Philosophus probat in IV. Physic. (text. lxxx.) quod si duo corpora sunt in eodem loco, sequitur quod maximum corpus obtineat minimum locum, quia diversæ partes eius poterunt esse in eadem parte loci: non enim differturum duo corpora, vel quocumque sint in eodem loco. Sed corpus gloriosum erit simul in eodem loco cum alio corpore, ut dicitur communiter. Ergo poterit esse in quovis parvo loco.

3. Præterea. Sicut corpus videtur ratione sui coloris, ita commensuratur loco ratione suæ quantitatis. Sed corpus gloriosum ita subiectum erit spiritui quod poterit videri, & non videri, præcipue ab oculo non glorioso, pro suo libito voluntatis, ut patuit in Christo. Ergo ita quantitas subicietur nutui spiritus quod poterit esse in magno, vel parvo loco, & habere magnam, vel parvam quantitatem ad libitum.

Sed contra est quod Philosophus dicit in IV. Physic. (text. xxx.) quod omne quod est in loco, est in loco æquali sibi. Sed corpus gloriosum erit in loco. Ergo erit in loco æquali sibi.

Præterea. Eadem sunt dimensiones loci, & locati, ut probatur in IV. Physic. (ut

Sic a sup.)

(sup.) Si ergo locus esset maior locato, esset idem maius, & minus seipso; quod est inconveniens.

### QUAESTIUNCULA VI.

1. Ulterius. Videtur quod corpus gloriosum ratione suae subtilitatis sit impalpabile. Gregorius enim dicit in homilia in octava Paschae (homilia xxvi. in Evang.) *Corvampi necesse est quod palpatur*. Sed corpus gloriosum erit incorruptibile. Ergo erit impalpabile.

2. Praeterea. Omne quod palpatur, resistit palpanti. Sed quod potest esse simul cum aliquo, non resistit ei. Cum ergo corpus gloriosum possit esse simul cum aliquo corpore, non erit palpabile.

3. Praeterea. Omne corpus palpabile est tangibile. Sed omne tangibile corpus habet qualitates tangibiles excedentes qualitates tangentis. Cum ergo qualitates tangibiles non sint in excessum, sed reducantur ad maximam aequalitatem in corporibus gloriosis, videtur quod non sint palpabilia.

Sed contra est quod Dominus cum corpore glorioso resurrexit, & tamen corpus palpabile habuit, ut patet Luc. xxiv. 39. *Palpate, & videte, quia spiritus carnem, & ossa non habet, sicut me videtis habere*. Ergo & corpora gloriosa erunt palpabilia.

Praeterea. Haec est haeresis Eutychii Constantinopolitanorum Episcopi, ut Gregorius dicit XIV. Lib. Moral. (cap. xxix. vel xxxi.) qui dixit, quod corpus nostrum in resurrectionis gloria erit impalpabile.

### SOLUTIO I.

Respondeo dicendum ad primam questionem, quod nomen subtilitatis a virtute penetrandi est assumptum: unde dicitur in II. de generat. (text. x.) quod *subtile est quod est (a) completivum partibus, & partium partibus*: quia propter naturam humidi, quod male terminatur termino proprio, bene autem alieno, sequitur suum tangens, & fuit undique ad suum capiens, & sua subtilitate quamlibet eius partem minimam subintrat. Quod autem aliquod corpus sit penetrativum, contingit ex duobus. Primo ex quantitatis parvitate, praecipue secundum profunditatem, & latitudinem, non autem secundum longitudinem: quia penetratio fit in profundum: unde longitudo penetrationi non obstat. Secundo ex paucitate materiae: unde rara subtilia dicimus. Et quia in corporibus raris forma praedominatur materia

magis, ideo translatum est nomen subtilitatis ad illa corpora quae optime substantia formae, & periculantur ab ea completissimo modo; sicut dicimus subtilitatem esse in sole, & luna, & aliis huiusmodi; sicut etiam aurum, vel aliquid huiusmodi potest dici subtile, quando perfectissime completur in esse, & virtute suae speciei. Et quia res incorporeae quantitate carent, & materia, nomen subtilitatis ad eas transferuntur non solum ratione suae substantiae, sed etiam ratione suae virtutis. Sicut enim subtile dicitur penetrativum, quia pertingit usque ad intimam rei; ita etiam dicitur aliquis intellectus subtilis, quia pertingit ad inspicienda intrinsicae principia, & proprietates naturales rei latentes: & similiter dicitur aliquis habere visum subtilem, quia aliquid minimum potest visu pertingere, & similiter est de aliis sensibus: & secundum hoc etiam diversi diversimode subtilitatem corporibus gloriosis attribuerunt.

Quidam enim haeretici, ut Augustinus narrat (XIII. Lib. de Civit. Dei cap. xx.) attribuerunt ei subtilitatem secundum modum quo spirituales substantiae subtiles dicuntur, dicentes, quod in resurrectione corpus verteretur in spiritum, & ratione huius corpora resurgentia Apostolus spiritualia nominat I. Corinth. xv. Sed hoc non potest stare. Primo quia corpus in spiritum transire non potest, cum non communicent in materia; quod etiam Boetius ostendit in Libro de duabus naturis. Secundo quia si esset hoc possibile, corpore in spiritum converso, non resurgeret homo, qui ex anima, & corpore constat. Tertio quia si Apostolus sic intelligeret, sicut nominat corpora spiritualia, pari ratione nominaret corpora animalia, quae in animam sunt conversa; quod patet esse falsum.

Unde quidam haeretici dixerunt, quod corpus in resurrectione remanebit, sed habebit subtilitatem secundum modum rarefactionis; ita quod corpora humana in resurrectione erunt aeri, vel vento similia, ut Gregorius narrat in XIV. Moral. (ubi sup.) Sed hoc etiam non potest stare: quia Dominus post resurrectionem corpus palpabile habuit, ut patet Luc. ult. quod praecipue subtile credendum est. Et praeterea corpus humanum cum carnibus, & ossibus resurget, sicut & corpus Domini, ut dicitur Luc. ult. 39. *Spiritus carnem, & ossa non habet, sicut me videtis habere*: & Iob xix. 26. dicitur: *in carne mea videbo Deum Salvatorem meum*.

Natu-

(a) Nicolai ex notis, & Supplem. respectivum.

Natura autem carnis, & ossis prædictam raritatem non patitur. Et ideo assignandus est corporibus gloriosis alius subtilitatis modus, ut dicantur subtilia propter completissimam corporis perfectionem.

Sed hanc completionem quidam eis attribuant ratione quintæ essentiz, quæ in eis tunc maxime dominabitur: quod non potest esse. Primo quia nihil de quinta essentia potest venire in compositionem corporis humani, ut in II. Lib. ostensum est distinct. XVII. ( quæst. II. art. 1. ) Secundo quia dato quod veniret in compositionem corporis humani, non posset intelligi quod dominaretur magis quam nunc supra naturam elementarem, nisi ita quod esset tunc in corporibus humanis plus secundum quantitatem de natura cælesti, & sic corpora humana non essent eiusdem naturæ, nisi forte minueretur in homine elementaris materia, quod repugnat integritati resurgentium; vel ita quod natura elementaris indueret proprietates naturæ cælestis ex eius dominio in corpore, & sic naturalis virtus esset causa proprietatis gloriosæ: quod absurdum est.

Et ideo alii dicunt, quod dicta completio, ex quo corpora humana subtilia dicuntur, erit ex dominio animæ glorificatæ, quæ est forma corporis, super ipsum, ratione cuius corpus gloriosum spirituale dicitur, quasi omnino spiritui subiectum. Prima autem subiectio quæ corpus animæ subicitur, est ad participandum esse speciei, prout subicitur sibi ut materia formæ, & deinde subicitur ei ad alia opera animæ, prout anima est motor; & ideo prima ratio spiritualitatis in corpore est ex subtilitate, & deinde ex agilitate, & aliis proprietatibus corporis gloriosi: & propter hoc Apostolus in spiritualitate tetigit dotem subtilitatis, ut Magistri exponunt. Unde etiam Gregorius dicit in XIV. Metaphisicum ( ut sup. ) quod corpus gloriosum dicitur subtile per effectum spiritualis potentiz.

Et per hoc patet solutio ad obiecta, quæ procedunt de subtilitate quæ est per rarefactionem.

### SOLUTIO II.

Ad secundam quæstionem dicendum, quod non potest dici, quod corpus gloriosum ratione subtilitatis suæ habeat quod possit esse cum alio corpore in eodem loco, nisi per subtilitatem auferatur ab eo illud ( a ) per quod prohibetur nunc esse simul cum alio corpore in eodem loco.

Dicunt autem quidam, quod prohibetur ab hoc in isto statu ratione corpulentiz, per quam habet quod repleat locum: quæ quidem corpulentia ab eo per subtilitatis dotem tollitur. Sed hoc non potest stare propter duo. Primo quia corpulentia quam dos subtilitatis auferit, est ad defectum pertinens, puta aliqua inordinatio materiz non perfecte substantis suæ formæ: totum enim quod ad integritatem corporis pertinet in corpore, resurget tam ex parte formæ, quam ex parte materiz. Quod autem aliquod corpus sit repletivum loci, hoc habet per id quod est de integritate naturæ eius, & non ex aliquo defectu naturæ. Cum enim plenum opponatur vacuo, illud solum non replet locum quo posito in loco, locus nihilominus remanet vacuus. Vacuum autem diffinitur in IV. Physic. ( text. LVII. ) quod est locus non plenus sensibili corpore. Dicitur autem aliquod corpus esse sensibile ex materia, & forma, & naturalibus accidentibus, quæ omnia ad integritatem naturæ pertinent. Constat etiam quod corpus gloriosum erit sensibile etiam secundum tactum, ut patet in corpore Domini Luc. ult. nec enim deerit materia, aut forma, aut naturalia accidentia secundum calidum, & frigidum, & huiusmodi. Unde patet quod corpus gloriosum non obstante subtilitatis dote replebit locum. Insania enim videretur dicere, quod locus ubi esset gloriosum corpus, esset vacuus. Secundo ratio eorum prædicta non valet: quia impedire coexistentiam corporis in eodem loco est ( b ) in plus quam replere locum. Si enim ponamus dimensiones esse separatas sine materia, illæ dimensiones non replent locum: unde quidam ponentes vacuum dixerunt, vacuum esse locum in quo sunt huiusmodi dimensiones sine aliquo corpore sensibili: & tamen illæ dimensiones prohibentur ne sint simul cum aliquo corpore in eodem loco, ut patet per Philosophum in IV. Physic. [ text. XLVII. ] ubi habet pro inconvenienti quod corpus mathematicum, quod nihil est aliud quam dimensiones separatæ, sit simul cum corpore naturali sensibili. Unde dato quod subtilitas gloriosi corporis auferretur ab eo hoc quod est replere locum, non tamen sequeretur quod propter hoc posset esse cum alio corpore in eodem loco: quia remoto eo quod in minus est, non propter hoc remouetur quod in plus est. Ergo videtur [ c ] quod illud quod impedit corpus nostrum nunc ne sit simul cum alio corpore in eodem

( a ) *Id.* deest per. ( b ) in *Suppl.* deest in his & infra. ( c ) *Id.* quod impedit.

dem loco, nullo modo poterit ab eo removeri per dotem subtilitatis. Nihil enim potest prohibere corpus aliquod ne sit simul situm eum alio corpore in eodem [a] loco, nisi hoc quod in eo requirit diversum situm: nihil enim est impedimentum identitati, nisi quod est causa diversitatis. Hanc autem distinctionem situs non requirit aliqua corporis qualitas: quia corpori non debetur aliquis situs ratione suae qualitatis: unde remoto a corpore sensibili quod sit calidum, aut frigidum, aut grave, aut leve, nihilominus in eo remanet necessitas praedictae distinctionis, ut patet per Philosophum in IV. Physicorum, & etiam per se planum est. Similiter etiam materia non potest inducere necessitatem praedictae distinctionis: quia materiae non adest situs nisi mediante quantitate dimensionis. Similiter etiam neque forma situm habet nisi ex materia situm habente. Restat ergo quod necessitas distinctionis duorum corporum in situ causatur a natura quantitatis dimensionis, cui per se convenit situs, cadit enim in definitionem eius, quia quantitas dimensionis est quantitas habens situm: & inde est quod remotis omnibus aliis quae sunt in re, talis distinctionis necessitas invenitur in sola quantitate dimensionis. Si autem accipitur linea separata, oportet quod si sunt duae lineae, vel duae partes unius lineae, sint distinctae in situ; alias linea addita lineae non efficeret maius, quod est contra communem animi conceptionem: & similiter est de superficiebus, & corporibus mathematicis. Et quia materiae debetur situs, in quantum subsistat dimensionibus, exinde praedicta necessitas ad materiam sitotam derivatur, ut sicut non est possibile esse duas lineas, vel duas partes lineae, nisi sint distinctae secundum situm; ita (b) impossibile sit esse duas materias, vel duas partes materiae, nisi sit distinctio situs. Et quia distinctio materiae est (c) principium distinctionis individui, inde est quod Boetius dicit in Lib. de Trinitate, quia duobus corporibus unum locum fingere nullo modo possumus; ut hanc saltem accidentium varietatem distinctio individuum requirit. Subtilitas autem a corpore glorioso dimensionem non aufert: unde nullo modo aufert sibi praedictam necessitatem distinctionis situs ab alio corpore; & ita corpus gloriosum non habebit ratione suae subtilitatis quod possit esse eum alio corpore; sed poterit esse simul cum alio corpore ex operatione virtutis divinae; sicut etiam corpus

Petri non habuit ex aliqua proprietate infirmum, sed hoc fiebat virtute divina ad edificationem fidei; ita faciet virtus divina ut corpus gloriosum possit esse simul cum alio corpore ad perfectionem gloriae.

Ad primum ergo dicendum, quod corpus Christi non habuit ex dote subtilitatis quod posset esse simul cum alio corpore in eodem loco; sed hoc factum est virtute Divinitatis post resurrectionem, sicut in nativitate. Unde Gregorius in homil. [xxv. in Evang.] dicit: *Illud corpus Domini intravit ad discipulos ianuis clausis, quod ad humeros oculos per navitatem suam clauso exiit ianua Virginis.* Unde non oportet quod ratione subtilitatis hoc conveniat corporibus gloriosis.

Ad secundum dicendum, quod lumen non est corpus, ut in II. Lib. dist. xii. [quaest. 1. art. 3.] dictum est: unde obiectio procedit ex falsis.

Ad tertium dicendum, quod corpus gloriosum transibit sphaeras caelorum sine earum divisione, non ex vi subtilitatis, sed ex divina virtute, quae eis ad nutum in omnibus subvenit.

Ad quartum dicendum, quod ex hoc etiam quod ad nutum eis Deus aderit in omnibus quae volent, sequitur quod non possint includi, vel incarcerari.

Ad quintum dicendum, quod sicut in II. Physic. (text. com. xlvii.) punctum non convenit esse locum. Unde si dicatur esse in loco, hoc non est nisi per accidens: quia corpus eius est terminus, est in loco. Sicut autem locus totus respondet toti corpori, ita terminus loci respondet termino corporis. Contingit autem duorum locorum esse unum terminum, sicut & duas lineas terminari ad unum punctum: & ideo quavis duo corpora non possint esse in eodem loco, tamen duobus terminis duorum corporum respondet idem terminus duorum locorum; & secundum hoc deiuntur ultima corporis se tangentium esse simul.

### SOLUTIO III.

Ad tertiam quaestionem dicendum, quod, sicut ex dictis patet, propter hoc necesse est duo corpora in duobus locis esse, quia diversitas materiae requirit distinctionem in situ: & ideo videmus quod quando conveniunt duo corpora in unum, destruitur esse distinctum utriusque, & acquiritur utrique simul unum esse (d) indistinctum, ut

(a) vel. deest loco. (b) vel. possibile alio. (c) vel. primum. (d) vel. distinctum.

pater in mixtionibus. Non potest ergo esse quod corpora duo remaneant duo, & tamen sint simul, nisi utrique conservetur esse distinctum, quod (a) prius habebat, secundum quod utrumque erat ens indivisum in se, & divisum ab alio. Hoc autem esse distinctum dependet a principiis rei essentialibus sicut a causis proximis, sed a Deo sicut a causa prima, sicut supra distinct. xii. (quæst. i. art. 1. quæstionc. 3. ad 3.) dictum est, quod esse accidentis dependet a subiecto sicut a causa proxima, sed a Deo sicut a causa prima. Et quia causa prima potest conservare rem in esse cessantibus causis secundis, ut patet per primam propositionem Libri de causis, ideo divina virtute, & ea sola fieri potest ut accidens sit sine subiecto, ut patet in sacramento altaris: & similiter divina virtute fieri potest, & ea sola quod corpori remaneat esse distinctum ab alio corpore, quamvis eius materia non sit distincta in situ ab alterius corporis materia; & sic miraculose fieri potest quod duo corpora sint in eodem loco.

Ad primum ergo dicendum, quod ratio illa est sophistica, quia procedit ex suppositione falsi, vel petit principium. Procedit enim ratio illa ac si inter duas superficies oppositas loci aliquis esset aliqua dimensio propria loco, cui oporteret quod uniretur dimensio corporis locati adveniens: sic enim sequeretur quod dimensiones duorum corporum locatorum fierent una dimensio, si utraque unum fieret cum dimensione loci. Hæc autem suppositio falsa est: quia secundum hoc quodcumque corpus acquireret novum locum, oporteret aliquam immutationem fieri in dimensionibus loci, vel locati. Non enim potest esse quod aliqua duo fiant de novo unum nisi altero eorum immutato. Si autem, ut se rei veritas habet, loco non debentur aliz dimensiones quam dimensiones locati, patet quod ratio nihil probat, sed petit principium: quia secundum hoc nihil est aliud dictum, quod dimensiones locati sunt eadem cum dimensionibus loci, nisi quod dimensiones locati continentur infra terminos loci, & secundum eorum mensuram distant termini loci, sicut distarent propriis dimensionibus, si eas haberent: & sic dimensiones duorum corporum esse dimensiones unius loci, nihil est aliud quam duo corpora esse in eodem loco; quod est principale propositum.

Ad secundum dicendum, quod posito quod duo corpora sint in eodem loco per miracu-

lum, non sequitur aliquid neque contra communes animi conceptiones, neque contra definitionem lineæ, neque contra conclusiones aliquas Geometrie. Sicut enim supra distinct. xii. (quæst. i. art. 1. quæstionc. 3. ad 3.) dictum est, quantitas dimensiva in hoc differt ab omnibus aliis accidentibus, quod habet specialem rationem individuationis, & distinctionis, scilicet ex situ partium, præter rationem individuationis, & distinctionis, quæ est sibi, & omnibus aliis accidentibus communis, scilicet ex materia subiecta. Sic ergo una linea potest intelligi diversa ab alia, vel quia est in alio subiecto (quæ consideratio non est nisi de linea materiali) vel quia distat in situ ab alia; quæ consideratio est etiam de linea mathematica, quæ intelligitur præter materiam. Si ergo removeatur materia, non potest esse distinctio linearum nisi secundum situm diversum; & similiter nec punctorum, nec superficiem, nec quorumcumque dimensionum: & sic Geometria non potest ponere quod una linea addatur alii tamquam distincta ab ea, nisi sit diversa in situ ab ea. Sed supposita distinctione subiecti sine distinctione situs ex divino miraculo, ut dictum est, intelligentur diversæ lineæ quæ non distant situ propter diversitatem subiecti; & similiter puncta diversa; & sic duæ lineæ designatæ in duobus corporibus quæ sunt in eodem loco, trahuntur diversis punctis ad diversa puncta, ut non accipiamus punctum signatum in loco, sed in ipso corpore locato, quia linea non dicitur trahi nisi a puncto quod est terminus eius: (b) & similiter etiam duo circuli designati in duobus corporibus sphericis existentibus in eodem loco, (c) sunt duo, non propter diversitatem situs (alias non possent se tangere secundum totum) sed sunt duo ex diversitate subiectorum; & propter hoc se totaliter tangentes adhuc manent duo, sicut etiam circulus signatus in corpore locato spherico tangit secundum totum alium circulum signatum in corpore locante.

Ad tertium dicendum, quod Deus posset facere aliquod corpus (d) non esse in loco; & tamen illa positio facta non sequitur quod aliquod corpus non sit in loco: quia corpus maius est locus corporis minoris ratione illius superficiæ, quæ designatur ex contactu terminorum corporis minoris.

Ad quartum dicendum, quod unum corpus esse simul localiter in duobus locis non potest fieri per miraculum. Corpus enim

Chri-

(a) *id.* primum. (b) *id.* & supra. (c) *id.* quæ sunt duo. (d) *id.* quod non esset.



Christi non est in altari localiter, ut supra dist. x. dictum est, quamvis miraculose possit fieri quod duo corpora sint in eodem loco: quia esse in pluribus locis simul repugnat individuo ratione eius quod est esse indivisum in se: sequeretur enim quod esset distinctum in situ. Sed esse cum alio corpore in eodem loco repugnat ei quantum ad hoc quod est esse divisum ab alio, ut ex dictis patet. Ratio autem unius perficitur in indivisione, ut patet in IV. Metaph. (text. iv.) Sed divisio ab aliis est de consequentibus ad rationem unius. Unde quod idem corpus sit localiter simul in diversis locis includit contradictionem, sicut quod homo carcat ratione; sed duo corpora esse in eodem loco non includit contradictionem, ut ex dictis patet: & ideo non est simile.

## SOLUTIO IV.

Ad quartam questionem dicendum, quod corpus gloriosum ratione suae proprietatis non habet quod possit esse cum alio corpore glorioso in eodem loco, sicut nec ut sit simul cum corpore non glorioso. Divina autem virtute fieri posset ut duo corpora gloriosa essent simul, vel duo non gloriosa, sicut gloriosum, & non gloriosum. Sed tamen non est conveniens quod corpus gloriosum sit simul cum alio corpore glorioso: tum quia in eis servabitur debitus ordo, qui distinctionem requirit: tum quia unum corpus gloriosum non se apponet alteri. Et si nunquam duo corpora gloriosa erunt simul.

Ad primum ergo dicendum, quod ratio illa procedit, ac si corpori glorioso ineffet ratione suae subtilitatis quod posset esse simul in eodem loco cum alio corpore; quod falsum est.

Et similiter dicendum ad secundum.

Ad tertium dicendum, quod corpus caeli, & alia corpora aequivoce dicuntur gloriosa in quantum participabunt aliquid gloriae, & non quod eis convenient dotes corporum humanorum glorificatorum.

## SOLUTIO V.

Ad quintam questionem dicendum, quod corpus non comparatur ad locum nisi mediante dimensionibus propriis, secundum quas corpus locatum describitur ex contactu corporis locantis: unde quod corpus aliquod sit in minori loco quam sit sua quantitas, hoc non potest esse, nisi per hoc quod quantitas corporis propria efficitur ali-

quo modo minor seipsa; quod quidem non potest intelligi nisi dupliciter. Uno modo ex variatione quantitatis circa eandem materiam, ut scilicet materia quae primo subest magnae quantitati, postea subest parvae: & hoc quidam posuerunt in corporibus gloriosis, dicentes, quod quantitas eorum subest eis ad nutum; ita quod cum voluerint, possunt habere magnam quantitatem, & cum voluerint, parvam. Sed hoc non potest esse: quia nullus motus qui sit secundum aliquid intrinsecum rei, potest esse sine passionem abiciente a substantia: & ideo in corporibus incorruptibilibus, scilicet caelestibus, est solus motus localis, qui non est secundum aliquid intrinsecum. Unde patet quod mutatio quantitatis circa materiam repugnet impassibilitati corporis gloriosi, & incorruptibilitati. Et praeterea sequeretur quod corpus gloriosum quandoque esset rarius, & quandoque spissius: quia cum nihil dividi possit ab eo de materia sua, quandoque eadem materia esset sub parvis dimensionibus, & quandoque sub magnis; & ita rareretur, & densaretur; quod non potest esse. Alio modo potest intelligi quod quantitas corporis gloriosi efficiatur minor seipsa per variationem situs, ita scilicet quod partes corporis gloriosi subintrent se invicem, & sic redeat ad quantumcumque parvam quantitatem: & hoc quidam posuerunt, dicentes, quod ratione suae subtilitatis corpus gloriosum habebit quod possit esse simul cum alio corpore non glorioso in eodem loco: & similiter potest una pars esse intra aliam in tantum quod totum corpus gloriosum poterit intrare per minimum porum unius corporis: & sic ponunt quod corpus Christi exiit de utero virginali, & intravit ianuam clausam ad discipulos. Sed hoc non potest esse: tum quia corpus gloriosum non habebit quod sit cum alio corpore simul ratione subtilitatis; tum quia etiam si haberet ut ratione subtilitatis esset cum alio corpore, non tamen cum corpore glorioso, ut multi dicunt; tum quia repugnet rectae dispositioni corporis humani, quae requirit determinatum situm, & distantiam partium. Unde nec per miraculum umquam hoc fiet. Et ideo dicendum, quod corpus gloriosum semper erit in loco sibi equali.

Ad primum ergo dicendum, quod corpus Christi in sacramento altaris non est localiter, ut supra dist. x. dictum est.

Ad secundum dicendum, quod probatio Philosophi procedit ex hoc quod una pars eadem ratione subintraret aliam. Sed talis sub-

subinratio partium corporis gloriosi in invicem non potest esse, ut dictum est: & ideo ratio non sequitur.

Ad tertium dicendum, quod corpus videtur ex hoc quod agit in visum. Quod autem agat in visum, vel non agat, nihil variat in ipso corpore: & ideo non est inconveniens, si possit, quando vult, videri; & quando vult, non videri. Sed esse in loco non est actio aliqua procedens ab eo ratione suae quantitatis, sicut videri ratione sui coloris: & ideo non est simile.

## SOLUTIO VI.

Ad sextam quaestionem dicendum, quod omne corpus palpabile est tangibile; sed non convertitur. Omne enim corpus est tangibile quod habet qualitates quibus natus est immutari sensus tactus; unde aer, & ignis, & omnia huiusmodi sunt corpora tangibilia. Sed palpabile ulterius addit quod resistat tangenti: unde aer, qui nequaquam resistit transeunti per eum, sed est facilissima divisionis, tangibilis quidem est, sed non palpabilis. Sic ergo patet quod palpabile dicitur aliquod corpus ex duobus, scilicet ex qualitatibus tangibilibus, & ex hoc quod resistit tangenti, ut non pertranseat: quia qualitates tangibiles sunt calidum, & frigidum, & huiusmodi; quae non inveniuntur nisi in corporibus gravibus, & levibus, quae habent contrarietatem ad invicem, ac per hoc sunt corruptibilia. Ideo corpora caelestia, quae sunt secundum naturam incorruptibilia, sunt sensibilia quidem visui, sed non tangibilia, & sic etiam nec palpabilia: & hoc est quod Gregorius dicit (loc. cit.) quod corrumpi necesse est omne quod palpatur. Corpus ergo gloriosum habet ex natura sua qualitates quae sunt naturae immutare tactum; sed tamen quia corpus est omnino subsiectum spiritui, in potestate eius est ut secundum eas immutet tactum, vel non immutet. Similiter etiam secundum naturam subsiecti competit ut resistat cuilibet alteri corpori transeunti, ita quod non possit esse cum eo simul in eodem loco; sed miraculose hoc potest divina virtute contingere ad nutum ipsius quod sit cum alio corpore in eodem loco, & sic non resistit ei transeunti. Unde secundum naturam suam palpabile est corpus gloriosum; sed ex virtute supernaturali hoc ei competit ut cum non vult, non palpetur a corpore non glorioso: & ideo Gregorius dicit (ubi supra) quod Dominus palpiandam carnem praebuit, quam ianuis clausis introduxit, ut profecto ostendat.

S. Th. Op. Tom. XIII.

deret post resurrectionem corpus suum esse & eiusdem naturae, & alterius gloriae.

Ad primum ergo dicendum, quod incorruptibilitas corporis gloriosi non est ex natura componentium, secundum quam omne quod palpatur, necesse est corrumpi, ut ex dictis patet: & ideo ratio non sequitur.

Ad secundum dicendum, quod quamvis aliquo modo fieri possit quod corpus gloriosum sit cum alio corpore in eodem loco; tamen corpus gloriosum habet in potestate sua resistere cuilibet tangenti cum voluerit; & sic palpari potest.

Ad tertium dicendum, quod qualitates tangibiles in corporibus gloriosis non erunt reductae ad medium rei secundum aequae distantiam ab extremis acceptum, sed ad medium proportionis, secundum quod optime competit complexionem humanam in singulis partibus: & ideo tactus illorum corporum est delectabilissimus: quia potentia semper delectatur in convenienti, & tristatur in excessu.

## ARTICULUS III.

*Utrum corpora gloriosa sint futura agilia.*

IV. contr. Gen. cap. lxxvi.

1. **A**D tertium sic proceditur. Videtur quod corpora gloriosa non sint futura agilia. Illud enim quod de se est agile ad motum, non indiget aliquo deferente. Sed corpora glorificata deferuntur post resurrectionem in nubibus obviam Christo in aere ab Angelis, ut dicit Glossa (interlinearius) I. ad Thessal. 1<sup>am</sup>. Ergo corpora gloriosa non erunt agilia.

2. Praeterea. Nullum corpus quod moveatur cum labore, & poena, potest dici agile. Sed corpora gloriosa hoc modo movebuntur, cum motor eorum, scilicet anima, moveatur in contrarium naturae eorum, alias moveantur semper in unam partem. Ergo non erunt agilia.

3. Praeterea. Inter operationes animalis, sensus est nobilior, & prior quam motus. Sed non assignatur corporibus gloriosis aliqua proprietas quae periciat ea ad sentendum. Ergo nec eis debet attribui agilitas, per quam periciantur ad motum.

4. Praeterea. Natura dat diversis instrumenta diversae dispositionis secundum diversas virtutes ipsorum: unde non eiusdem dispositionis instrumenta dat animalia tardio, vel veloci. Sed Deus multo ordinatius ope-

T t natur

ratur quam natura. Cum ergo corpus gloriosum habeat membra eiusdem dispositionis in figura, & quantitate sicut modo, videtur quod non habeat aliam agilitatem quam modo habet.

Sed contra est quod patet I. Corinth. xv. 43. *Seminatur in infirmitate, surget in virtute, idest mobile, & vivum.* Sed mobilitas non potest dici nisi agilitatem ad motum. Ergo corpora gloriosa erunt agilia.

Præterea. Tarditas maxime videtur spiritualitati repugnare. Sed corpora gloriosa erunt spiritualia, ut dicitur I. Corinth. xv. Ergo erunt agilia.

### QUAESTIUNCULA II.

1. Ulterius. Videtur quod agilitate suamquam utentur, ita quod moveantur. Quia secundum Philosophum (VII. Physic. text. xiv.) motus est actus imperfectus. Sed in illis corporibus nulla erit imperfectio. Ergo nec aliquis motus.

2. Præterea. Omnis motus est propter indigentiam; quia omne quod movetur, movetur propter ademptionem alicuius finis. Sed corpora gloriosa non habebunt aliquam indigentiam: ut Augustinus dicit \* (Lib. de cant. novo cap. x.) *Ibi erit quidquid voles, non erit quidquid noles.* Ergo non movebuntur.

3. Præterea. Secundum Philosophum in II. Cæli & mundi (text. lxix. lxxiv. lxxv.) quod participat divinam bonitatem sine motu, nobilissimum participat illam quam quod participat eam cum motu. Sed corpus gloriosum nobilissimum participat divinam bonitatem quam aliquid aliud corpus. Cum ergo quedam alia corpora omnino sine motu remaneant, sicut corpora cælestia, videtur quod multo fortius corpora humana.

4. Præterea. Augustinus dicit, quod anima stabilita in Deo stabilis & corpus suum consequenter. Sed anima ita erit in Deo stabilita quod nullo modo ab eo movebitur. Ergo nec in corpore erit aliquis motus ab anima.

5. Præterea. Quanto corpus est nobilissimum, tanto debetur ei locus nobilior: unde corpus Christi, quod est nobilissimum, habet locum eminentiorem inter cetera loca, ut patet Hebr. vii. 26. *Excelsior cælis fulgus*, Glossa (interlin.) „loco, & dignitate:“ & similiter unumquodque corpus gloriosum

habebit eadem ratione locum sibi convenientem secundum mensuram suæ dignitatis. Sed locus convenientis est; de pertinentibus ad gloriam. Cum ergo post resurrectionem gloria sanctorum nunquam varietur neque in plus, neque in minus, quia tunc erunt omnino in termino; videtur quod corpora eorum nunquam de loco sibi determinato recedent, & ita non movebuntur.

Sed contra est quod dicitur Isai. xl. 31. *CURRENT, & non laborabunt; ambulabunt, & non deficient:* & similiter Sap. xii. 7. dicitur: *Tamquam scintilla in arundine discurrent.* Ergo erit aliquis motus corporum gloriosorum.

### QUAESTIUNCULA III.

1. Ulterius. Videtur quod moveantur in instanti. Augustinus enim dicit (Lib. XII. de Civit. Dei cap. xxx.) quod ubicumque voluerit spiritus, ibi erit & corpus. Sed motus voluntatis secundum quem spiritus vult alicubi esse, est in instanti. Ergo & motus corporis erit in instanti.

2. Præterea. Philosophus (text. lxxix.) probat, quod si fieret motus per vacuum, oporteret aliquid moveri in instanti: quia vacuum non resistit aliquo modo mobili, resistit autem plenum; & sic nulla proportio esset motus qui fit in vacuo, ad motum qui fit in pleno, in velocitate, cum proportio motuum in velocitate sit secundum proportionem resistentiæ quæ est in medio. Omnium autem duorum motuum qui sunt in tempore, oportet esse proportionales velocitates: quia omne tempus omni temporis proportionale est. Sed similiter nullum spatium plenum potest resistere corpori glorioso, quod potest esse cum alio corpore in eodem loco, quocumque modo fiat, sicut nec vacuum alteri corpori. Ergo si movetur, in instanti movebitur.

3. Præterea. Virtus animæ gloriificatæ quasi improporionaliter excedit virtutem animæ non gloriificatæ. Sed anima non gloriificata movet corpus in tempore. Ergo anima gloriificata movet corpus in instanti.

4. Præterea. Omne quod movetur æqualiter cito ad propinquum, & distans, movetur in instanti. Sed motus corporis gloriosi est talis: quia ad quantumcumque distans spatium movetur tempore imperceptibili: unde Augustinus dicit in questionibus de resur-

EX EDIT. P. NICOLAI. \* Non de Cantico novo, ut prius, nec XIII. de Trinit. cap. vii. sicut in Supplemento quæst. lxxxiv. art. 2. Sed colligitur ex Manuali cap. xxxiii. In edit. Patavina anno. 1712. loc. cit. Supplementi hæc habentur. Lib. de Spir. & anima cap. lxix. & Lib. XIII. de Trinit. cap. vii. tom. 111. & in Manuali cap. xxxiii. tom. 12.

refurrectione (Lib. XXII. de Civ. Dei cap. xxx. & epist. xlix. quæst. i.) quod corpus gloriosum utraque intervalla pari celeritate perstringit, ut radius solis. Ergo corpus gloriosum movetur in instanti.

5. Præterea. Omne quod movetur, vel movetur in tempore, vel movetur in instanti. Sed corpus gloriosum post resurrectionem non movebitur in tempore: quia tempus iam non erit, ut dicitur Apocal. x. Ergo motus ille erit in instanti.

Sed contra. In motu locali spatium, & motus, & tempus simul dividuntur, ut demonstrative probatur in VI. Physic. (text. xviii.) Sed spatium quod transit corpus gloriosum per suum motum, est divisibile. Ergo & motus divisibilis, & tempus divisibile. Instantem autem non dividitur. Ergo & motus ille non erit in instanti.

Præterea. Non potest esse aliquid simul totum in uno loco, & partim in illo, & partim in alio: quia frequenter quod altera pars esset in duobus locis simul; quod esse non potest. Sed omne quod movetur, partim est in termino a quo, & partim in termino ad quem, ut demonstratum est in VI. Physic. Omne autem quod motum est, totum est in termino ad quem est motus. Ergo non potest esse quod simul moveatur, & motum sit. Sed omne quod movetur in instanti, simul movetur, & motum est. Ergo motus localis corporis gloriosi non poterit esse in instanti.

### SOLUTIO I.

Respondeo dicendum ad primam questionem, quod corpus gloriosum erit omnino subiectum animæ glorificatæ, non solum ut nihil in eo sit quod resistat voluntati spiritus, quia hoc fuit etiam in corpore Adæ, sed etiam ut sit in eo aliqua perfectio effluens ab anima glorificata in corpus, per quam habile reddatur ad prædictam subiectionem: quæ quidem perfectio dos glorificati corporis dicitur. Anima autem coniungitur corpori non solum ut forma, sed ut motor; & utroque modo oportet quod corpus gloriosum animæ glorificatæ sit summe subiectum. Unde sicut per dotem subtilitatis subicitur ei totaliter, in quantum est forma corporis, dans esse specificum; ita per dotem agilitatis subicitur ei in quantum est motor, ut scilicet sit expeditum, & habile ad obediendum spiritui in omnibus motibus, & actionibus animæ. Quidam tamen causam istius agilitatis attribuunt quintæ essentiz, quæ tunc in corporibus gloriosis do-

minabitur. Sed de hoc frequenter dictum est, quod non videtur conveniens: unde melius est quod attribuitur animæ, a qua gloria in corpus emanat.

Ad primum ergo dicendum, quod corpora gloriosa dicuntur ferri baiuli Angelis, & etiam in nubibus, non quasi eis indigeant, sed ad reverentiam designandam quæ corporibus gloriosis & ab Angelis, & ab omnibus creaturis deferretur.

Ad secundum dicendum, quod quanto virtus animæ moventis domineatur magis supra corpus, tanto minor est labor in motu, qui etiam fit contra naturam corporis. Unde illi in quibus virtus motiva est fortior, vel qui habent ex exercitio corpus magis habitatum ad obediendum spiritui moventi, minus laborant in motu: & quia post resurrectionem anima perfecte dominabitur corpori tum propter perfectionem propriæ virtutis, tum propter habilitatem corporis gloriosi ex redundantia gloriæ ab anima in ipsum; non erit aliquis labor in motu sanctorum: & sic dici possunt corpora sanctorum agilia.

Ad tertium dicendum, quod per dotem agilitatis corpus gloriosum redditur habile non solum ad motum localem, sed ad sensum, & ad omnes alias operationes animæ exequendas.

Ad quartum dicendum, quod sicut natura dat velocioribus animalibus instrumenta diversæ dispositionis in figura, & quantitate; ita Deus dabit corporibus sanctorum aliam dispositionem quam nunc habent, non quidem in figura, & quantitate, sed in proprietate gloriæ, quæ dicitur agilitas.

### SOLUTIO II.

Ad secundam questionem dicendum, quod corpora gloriosa aliquando moveri necessarium est ponere: quia & ipsum corpus Christi motum est in ascensione, & similiter corpora sanctorum quæ de terra resurgent, ad cælum empyreum ascendent. Sed etiam postquam cælum ascenderint, verisimile est quod aliquando moveantur pro suæ libito voluntatis, ut illud quod habent in virtute, actu exercentes, divinam sapientiam commendabilem ostendant, & ut etiam visus eorum reficiatur pulchritudine creaturarum diversarum, in quibus Dei sapientia eminenter relucebit: sensus enim non potest esse nisi præsentium, quamvis magis a longinquo possit sentire corpora gloriosa quam non gloriosa, ut supra dictum est. Nec tamen

T t 2 per

per motum aliquid deperit eorum beatitudi-  
dini, quæ consistit in visione Dei, quem ubique præsentem habent, sicut & de Angelis dicit Gregorius (hom. xxxiv. in Evang.) quod intra Deum currunt quocumque mutantur.

Ad primum ergo dicendum, quod motus localis non variat aliquid eorum quæ sunt intranea rei, sed est secundum id quod est extra rem, scilicet locum: unde illud quod movetur motu locali, est perfectum quantum ad ea quæ sunt intra rem, ut dicitur in VIII. Physic. (text. I.) quamvis habeat imperfectionem respectu loci: quia dum est in uno loco, est in potentia ad alium locum: quia non potest esse actu in pluribus locis simul, hoc enim solius Dei est. Hic autem defectus non repugnat perfectioni gloriæ, sicut nec defectus quod creatura est ex nihilo: & ideo manebunt huiusmodi defectus in corporibus gloriosis.

Ad secundum dicendum, quod aliquis dicitur indigere aliquo & simpliciter, & secundum quid. Simpliciter quidem indiget aliquis illo fine quo non potest conservari in esse, vel in sua perfectione; & sic motus in corporibus gloriosis non erit propter aliquam indigentiam, quia ad hæc omnia sufficit eis sua beatitudo. Sed secundum quid indiget aliquis illo fine quo non potest aliquem finem intentum habere, vel non ita bene, vel tali modo; (a) & sic motus erit in beatis propter indigentiam: non enim poterunt manifestare virtutem motivam in seipsis in experimento, nisi moveantur: huiusmodi enim indigentia nihil prohibet in corporibus gloriosis esse.

Ad tertium dicendum, quod ratio illa procederet, si corpus gloriosum non posset etiam sine motu participare divinam bonitatem multo altius quam corpora cælestia; quod falsum est: unde corpora gloriosa non movebuntur ad consequendam perfectam divinæ bonitatis participationem, hanc enim habent per gloriam; sed ad demonstrandam (b) virtutem animæ. Per motum autem corporum cælestium non posset demonstrari virtus eorum nisi quam habent in movendo corpora inferiora ad generationem, & corruptionem; quod non competit illi statui, ut ex dictis patet: & ideo ratio non procedit.

Ad quartum dicendum, quod motus localis nihil diminuit de stabilitate ab anima stabilita in Deo, cum non sit secundum

aliquid intrinsecum rei, ut dictum est.

Ad quintum dicendum, quod locus congruus unicuique corpori glorioso (c) deputatus secundum gradum suæ dignitatis pertinet ad præmium accidentale; non tamen oportet quod diminuat aliquid de præmio, quantumcumque sit extra locum illum: quia locus ille non pertinet ad præmium, secundum quod actu continet corpus locatum, cum nihil influat in gloriosum corpus, sed magis recipiat splendorem ab eo, sed secundum quod est debitus pro meritis: unde gaudium de tali loco manet etiam ei qui est extra locum illum.

### SOLUTIO III.

Ad tertiam questionem dicendum, quod circa hoc est multiplex opinio.

Quidam enim dicunt, quod corpus gloriosum transit de uno loco in alium sine hoc quod pertranseat medium, sicut & voluntas de uno loco transferatur ad alium sine hoc quod pertranseat medium; & propter hoc potest corporis gloriosi motus esse in instanti, sicut etiam voluntatis. Sed hoc non potest stare: quia corpus gloriosum numquam pervenit ad nobilitatem naturæ spiritualis, sicut numquam desinit esse corpus. Et præterea, cum voluntas dicitur moveri de uno loco in alium, non transferatur essentialiter de loco in locum, quia neutro illorum locorum essentialiter continetur, sed dirigitur in unum locum postquam fuerat directus per intentionem ad alium; & pro tanto dicitur moveri de loco ad locum.

Et ideo alii dicunt, quod corpus gloriosum habet de proprietate naturæ suæ, quia corpus est, quod pertranseat medium, & ita quod moveatur in tempore; sed virtute gloriæ, quia habet quamdam infinitatem supra virtutem naturæ, habet quod possit non pertransire medium, & sic in instanti moveri. Sed hoc non potest esse: quia implicat in se contradictionem, quod patet sic. Sit aliquod corpus quod moveatur de A in B, & corpus motum sit (d) Z, quod Z quamdiu est totum in A, non movetur; similiter nec quando est totum in B, quia tunc motum est. Ergo si aliquando movetur, oportet quod neque sit totum in A, neque totum in B. Ergo quando movetur, vel nusquam est, vel est partim in A, & partim in B, vel totum in alio loco medio, puta in C, aut partim in C, & partim in A, seu in B. Sed (e) non potest

(a) *Al.* & sic motus si erit in beatis propter indigentiam, non possetur &c. (b) *Al.* virtutem animæ per motum corporum cælestium. (c) *Al.* deputatus. (d) *Al.* hoc & dicitur in textu. (e) *Al.* deriv. not.

est poni, quod nusquam sit : quia sic esset aliqua quantitas dimensiva non habens finem ; quod est impossibile : neque potest poni, quod sit partim in A, & partim in B, & non sit in medio aliquo modo : quia cum B sit locus distans ab A, sequeretur, medio interiacente, quod pars Z, quae est in B, non esset continua partique est in A. Ergo restat quod sit vel totum in C, vel partim in eo, & partim in alio loco, quod ponitur medium inter C & A, puta D ; & sic de aliis. Ergo oportet quod Z non perveniat de A in B, nisi prius sit in omnibus mediis : nisi dicatur, quod pervenit de A in B, & nunquam movetur ; quod implicat contradictionem, quia ipsa successio locorum est motus localis. Eadem ratio est de qualibet mutatione quae habet duos terminos contrarios, quorum utrumque est aliquid positive. Secus autem est de illis mutationibus quae habent unum terminum tantum positivum, & alterum puram privationem : quia inter affirmationem & negationem sive privationem non est aliqua determinata distantia. Unde quod est in negatione, potest esse propinquius, vel remotius ab affirmatione, & e contrario, ratione alicuius quod caniet alterum eorum, vel disponat ad eam ; & sic dum id quod movetur, est totum sub negatione, mutatur ad affirmationem, & e converso : unde etiam in eis mutans praedicatum mutatum esse, ut probatur in VI. Physic. (text. lxx.) Nec est simile de motu Angelis : quia esse in loco aequivoce dicitur de corpore, & de Angelo, ut in I. Libro dist. xxxvii. (quasi. lxx. art. 1.) dictum est. Et sic patet quod nullo modo potest esse quod aliquod corpus perveniat de uno loco ad alium nisi transeat omnia media.

Et ideo alii hoc concedunt, sed tamen dicunt quod corpus gloriosum movetur in instanti. Sed ex hoc sequitur quod corpus gloriosum in eodem instanti sit in duobus locis, vel pluribus, scilicet in termino ultimo, & in omnibus locis mediis ; quod non potest esse. Sed ad hoc dicunt, quod quamvis sit idem instans secundum rem, tamen differt ratione, sicut punctus ad quem terminantur diversae lineae. Sed hoc non sufficit : quia instans mensurat hoc quod est in instanti secundum rem, non secundum hoc quod consideratur : unde diversa consideratio instantis non facit quod instans possit mensurare illa quae non sunt simul tempore, sicut nec diversa consideratio puncti potest facere quod sub uno puncto loci contineantur quae sunt distantia situ.

Et ideo alii probabilius dicunt, quod corpus gloriosum movetur in tempore, sed imperceptibili propter brevitatem ; & quod tamen unum corpus gloriosum potest in minori tempore idem spatium pertransire quam aliud : quia tempus, quantumcumque parvum accipitur, in infinitum est divisibile.

Ad primum ergo dicendum, quod illud quod parum deest, quasi nihil deesse videtur, ut dicitur in III. Physic. (text. lvi.) & ideo dicimus, Statim facio, quod post modicum tempus fiet : & per hunc modum loquitur Augustinus, quod ubicumque erit voluntas, ibi erit corpus statim. Vel dicendum, quod voluntas numquam erit inordinata in beatis : unde nunquam volent corpus suum esse alicubi in aliquo instanti in quo non possit ibi esse ; & sic quodcumque instans voluntas determinabit, in illo corpus erit in illo loco quem voluntas determinat.

Ad secundum dicendum, quod quidam contradixerunt illi propositioni quam Philosophus inducit in parte illa, ut Commentator ibidem dicit, dicentes quod non oportet esse proportionem totius motus ad totum secundum proportionem resistentis mediis ad aliud medium resistentem ; sed oportet quod secundum proportionem mediorum per quae transitur, attendatur proportio retardationum quae accidit in motibus ex resistentia mediis. Quilibet enim motus habet determinatum tempus velocitatis, & tarditatis ex vieleria moventis supra mobile, etiam si nihil resistat ex parte mediis, sicut patet in corporibus caelestibus, in quibus non invenitur aliquid quod obstat motui ipsorum ; & tamen non moventur in instanti, sed in tempore determinato secundum proportionem potentiae moventis ad mobile. Et ita patet quod etiam si ponatur aliquid moveri in vacuo, non oportebit quod moveatur in instanti, sed quod nihil addatur tempori quod debetur motui ex proportionem praedicta moventis ad mobile, quia motus non retardatur. Sed haec ratio, ut Commentator dicit ibidem, procedit ex falsa imaginatione, quia quis imaginatur quod tarditas quae causatur ex resistentia mediis, sit aliqua pars motus addita motui naturali, qui habet quantitatem secundum proportionem moventis ad mobile, sicut una linea additur lineae, ratione cuius accidit in lineis quod non remanent eadem proportio totius ad totam lineam, quae erat linearum additarum ad invicem, ut sic etiam non sit eadem proportio-

Portio totius motus ad totum motum sensibilem, quæ est retardationum contingentium ex resistentia media: quæ quidem imaginatio falsa est: quia quælibet pars motus habet tantum de velocitate, quantum totus motus; non autem quælibet pars lineæ habet tantum de quantitate dimensionis, quantum habet tota lineæ: unde tarditas, vel velocitas addita motui redundat in quamlibet partem eius, quod de lineis non convenit; & sic tarditas addita motui non facit aliam partem motus, sicut in lineis accidebat, quod additum est pars totius lineæ.

Et ideo ad intelligendam probationem Philosophi, ut Commentator ibidem exponit, sciendum est, quod oportet accipere totum pro uno, scilicet resistentiam mobilis ad virtutem moventem, & resistentiam medii per quod est motus, & cuiuscumque alterius resistentis; ita quod accipitur quantitas (a) tarditatis totius motus secundum proportionem virtutis moventis ad mobile resistentis (b) quocumque modo, vel ex se, vel ex alio extrinseco. Oportet enim quod semper mobile resistat aliquo modo moventi, cum movens, & morum, agens, & patiens, in quantum huiusmodi, sint contraria. Quandoque autem invenitur resistere mobile moventi ex seipso, vel quia habet virtutem inclinantem ad contrarium, sicut patet in motibus violentis; vel saltem quia habet locum contrarium loco qui est in intentione moventis, cuiusmodi resistentia invenitur etiam corporum caelestium ad suos motores. Quandoque autem mobile resistit virtuti moventis ex alio tantum, & non ex seipso, sicut patet in motu naturali gravium, & levium: quia per ipsam formam eorum inclinatur ad motum talem: est enim forma impressio generantis, quod est motor per se gravium, & levium. Ex parte autem materiz non invenitur aliqua resistentia neque virtutis inclinantis ad contrarium motum, neque contrarii loci: quia locus non debetur materiz nisi secundum quod sub dimensionibus consistens percipitur forma naturalis: unde non potest esse resistentia nisi ex parte medii: quæ quidem resistentia est motui eorum connaturalis. Quandoque autem est resistentia ex utroque, sicut patet in motibus animalium. Quando ergo in motu non est resistentia nisi ex parte mobilis, sicut accidit in corporibus caelestibus, tunc tempus motus mensuratur secundum proportionem motoris ad mobile; & in talibus non pro-

cedit ratio Philosophi: quia a moto omni medio, adhuc manet motus eorum in tempore. Sed in illis motibus in quibus est resistentia ex parte medii tantum, accipitur mensura temporis secundum impedimentum quod est ex medio solum: unde si subtrahatur omnino medium, nullum impedimentum remanebit: & sic vel movebitur in instanti, vel aequali tempore movebitur secundum vacuum spatium & plenum: quia dato quod moveatur in tempore per vacuum, illud tempus in aliqua proportionem se habebit ad tempus in quo moveatur per vacuum. Possibile autem est imaginari aliud corpus in eadem proportionem subtilius corpore quo spatium plenum erat; quo si aliud spatium æquale impleatur, in tam parvo tempore movebitur per illud plenum, sicut primo per vacuum: quia quanto additur ad subtilitatem medii, tanto subtrahitur de quantitate temporis, & quanto est magis subtile, minus resistit. Sed in aliis motibus in quibus est resistentia ex ipso mobili, & ex medio, quantitas temporis est accipienda secundum proportionem moventis potentiz ad resistentiam mobilis, & medii simul: unde dato quod totaliter medium subtrahatur, vel non impediatur, non sequitur quod motus sit in instanti, sed quod tempus motus mensuratur tantum ex resistentia mobilis. Nec erit inconveniens, si per idem tempus moveatur per vacuum, & per plenum, aliquo subtilissimo corpore imaginato: quia determinata subtilitas medii quanto est maior, nata est facere tarditatem minorem in motu: unde potest imaginari tanta subtilitas quod erit nata facere minorem tarditatem quam sit illa tarditas quam facit resistentia mobilis; & sic resistentia medii nullam tarditatem adiciet ad motum.

Patet ergo quod quamvis medium non resistat corporibus gloriosis secundum hoc quod possunt esse cum alio corpore in eodem loco, nihilominus motus eorum non erit in instanti: quia ipsum corpus mobile resistit virtuti moventi ex hoc ipso quod habet determinatum situm, sicut de corporibus caelestibus dictum est.

Ad tertium dicendum, quod quamvis virtus animæ glorificata excedat inestimabiliter virtutem animæ non glorificatæ, non tamen excedit in infinitum: quia utraque virtus est finita, unde non sequitur quod moveat in instanti. Si tamen esset similiter infinitæ virtutis, non sequeretur quod moveret

(a) *M. retardatis.* (b) *M. quocumque movetur.*

veret in instanti, nisi (a) superaretur totaliter resistentia quae est ex parte mobilis. Quamvis autem resistentia quae mobile resistit moventi per contrarietatem quam habet ad motum talem ratione inclinationis ad contrarium motum, possit a movente infinitae virtutis totaliter superari, tamen resistentia quam facit ex contrarietate quam habet ad locum quem intendit motor per motum, non potest totaliter superari, nisi auferatur ab ea esse in tali loco, vel in tali situ. Sicut enim album resistit nigro ratione albedinis, & tanto magis, quanto albedo magis distat a nigredine; ita corpus resistit alicui loco per hoc quod habet locum oppositum: & tanto est maior resistentia, quanto est distantia maior: non autem potest a corpore removeri quod sit in aliquo loco, vel situ, nisi auferatur ei sua corporeitas, per quam debetur ei locus, vel situs: unde quamdiu manet in natura corporis, nullo modo potest moveri in instanti, quantumcumque sit virtus movens. Corpus autem gloriosum numquam suam corporeitatem amittit: unde numquam in instanti moveri poterit.

Ad quantum dicendum, quod par celeritas in verbis Augustini est intelligenda quantum ad hoc quod est imperceptibilis excessus unius respectu alterius, sicut & tempus totius motus est imperceptibile.

Ad quantum dicendum, quod quamvis post resurrectionem non sit tempus quod est numerus motus caeli, tamen erit tempus confurgens ex numero prioris, & posterioris in quolibet motu.

## ARTICULUS IV.

*Utrum corporibus gloriosis claritas conveniat.*

III. P. quaest. II. art. 3. ad 1. Et IV. cont. Gent. cap. lxxvi.

1. **A**D quantum sic proceditur. Videtur quod corporibus gloriosis claritas non conveniat. Quia, sicut dicit Avicenna in VI. de naturalibus (part. 1. cap. 11.) omne corpus luminosum constat ex partibus perviis. Sed partes corporis gloriosi non erunt perviae, cum in aliquibus dominetur terra, sicut in carnibus, & ossibus. Ergo corpora gloriosa non erunt lucida.

2. Praeterea. Omne corpus lucidum occultat illud quod est post se: unde unum luminare per aliud eclipsatur: flamma etiam

ignis prohibet videri quod est post se. Sed corpora gloriosa non occultabunt illud quod intra ea continetur: quia, ut dicit Gregorius (Lib. XVIII. Moral. cap. xxvii. vel xxx.) super illud Iob (xxviii.) *Non aequabitur ei aurum, & vitrum*, „ibi (scilicet) „in caelesti patria) uniuscuiusque mentem „ab alterius oculis membrorum corpulentia „non abscondet, patebitque corporalibus „culis ipsa etiam corporis harmonia, „Ergo corpora illa non erunt lucida.

3. Praeterea. Lux, & color contrariam dispositionem requirunt in subiecto: quia lux est extremitas perspicui in corpore non terminato, sed color in corpore terminato, ut patet in Libro de sensu & sensato (cap. 111. vel lect. vi. apud D. Thomam) Sed corpora gloriosa erunt colorata: quia, ut Augustinus dicit XIX. de Civit. Dei [XXII. cap. xix.] pulchritudo corporis est partium convenientia cum quadam coloris suavitate. Pulchritudo autem corporibus glorificatis deesse non poterit. Ergo corpora gloriosa non erunt lucida.

4. Praeterea. Si claritas erit in corporibus gloriosis, oportet quod sit aequalis in omnibus partibus corporis, sicut omnes partes erunt eiusdem impassibilitatis, subtilitatis, & agilitatis. Sed hoc non est conveniens: quia una pars habet maiorem dispositionem ad claritatem quam alia, sicut oculi quam manus, & spiritus quam ossa, & humores quam caro, vel (b) nervus. Ergo videtur quod non debeant corpora illa esse lucida.

Sed contra est quod dicitur Matth. xiii. 43. *Fulgebunt iusti sicut sol in regno Patris eorum*: & Sap. 111. 7. *Fulgebunt iusti, & tamquam scintilla in arundine discurrent.*

Praeterea. I. Corinth. xv. 43. dicitur: *Seminatur in ignobilitate, surget in gloria*: quod ad claritatem pertinet, ut patet per sequentia, ubi corporum resurrectionis gloriam comparat claritati stellarum. Ergo corpora sanctorum resurgent lucida.

## QUAESTIUNCULA II.

1. **U**lterius. Videtur quod claritas corporis gloriosi non possit videri ab oculo non glorioso. Oportet enim esse proportionem visibilibus ad visum. Sed oculus non glorificatus non est proportionatus ad videndum claritatem gloriæ, cum sit alterius generis quam claritas naturæ. Ergo corporis gloriosi claritas non videbitur ab oculo non glorioso.

2. Prae-

(a) vel. separaretur. (b) vel. vermis.



2. Præterea. Claritas corporis gloriosi erit maior quam claritas solis nunc sit: quia etiam claritas solis erit tunc maior quam nunc, ut dicitur, & multo maior ea erit claritas corporis gloriosi, propter quod sol, & totus mundus claritatem maiorem accipiet. Sed oculus non gloriosus non potest inspicere solem in rota propter magnitudinem claritatis. Ergo multo minus poterit inspicere claritatem corporis gloriosi.

3. Præterea. Visibile oppositum oculis videndis necesse est videri, nisi sit læsio aliqua in oculo. Sed claritas corporis gloriosi opposita oculis non gloriosis non necessario videtur ab eis: quod patet de discipulis, qui corpus Domini post resurrectionem viderunt, claritatem eius non intuentes. Ergo claritas illa non est visibilis ab oculo non glorioso.

Sed contra est quod dicit Glossa (interlin.) Phil. 111. super illud, *Configuratum corpori claritatis sue*: „Assimilabimur claritati quam habuit in transfiguratione.“ Sed claritas illa visa fuit ab oculis discipulorum non glorificatis. Ergo & claritas corporis glorificati ab oculis non gloriosis visibilis erit.

Præterea. Impii videntes gloriam iustorum ex hoc torquebuntur in iudicio, ut patet per hoc quod dicitur Sap. v. Sed non plene viderent gloriam ipsorum, nisi claritatem corporum eorum inspicerent. Ergo &c.

### QUÆSTIUNCULA III.

1. Uterius. Videtur quod corpus gloriosum necessario videatur a non glorioso corpore. Quia corpora gloriosa erunt lucida. Sed corpus lucidum manifestat se, & alia. Ergo corpora gloriosa necessario videbuntur.

2. Præterea. Omne corpus quod occultat alia corpora post se existentia, de necessitate visu percipitur ex hoc ipso quod alia quæ sunt post, occultantur. Sed corpus gloriosum occultabit a visu alia corpora post se existentia, quia erit corpus coloratum. Ergo de necessitate videbitur.

3. Præterea. Sicut quantitas est de his quæ inlunt corpori, ita qualitas per quam videtur. Sed quantitas non suberit voluntati, ut corpus gloriosum possit esse maioris quantitatis, vel minoris. Ergo nec qualitas per quam visibile est, ut possit non videri.

Sed contra est quod corpus nostrum glorificabitur in conformitate corporis Christi.

Sed corpus Christi post resurrectionem non necessario videbatur, immo disparuit ab oculis discipulorum in Emaus, ut Luc. ult. Ergo & corpus glorificatum non necessario videbitur.

Præterea. Ibi erit summa obedientia corporis ad animam. Ergo corpus poterit videri, vel non videri secundum voluntatem animæ.

### SOLUTIO I.

Respondeo dicendum ad primam quæstionem, quod corpora sanctorum fore lucida post resurrectionem ponere oportet [a] propter auctoritatem Scripturæ quæ hoc promittit. Sed causam huiusmodi claritatis quidam attribunt quædam essentia, quæ tunc dominabitur in corpore humano. Sed quia hoc est absurdum, ut sæpe dictum est, ideo melius est ut dicatur quod claritas illa causabitur ex redundantia gloriæ animæ in corpus. Quod enim recipitur in aliquo, non recipitur per modum influentis, sed per modum recipientis; & ita claritas quæ est in anima spiritalis, recipitur in corpore ut corporalis: & ideo secundum quod anima erit maioris claritatis secundum maius meritum, ita etiam erit differentia claritatis in corpore, ut patet per Apostolum I. Corinth. xv. & ita in corpore glorioso cognoscetur gloria animæ, sicut in vitro cognoscitur color corporis quod continetur in vase vitreo, ut Gregorius dicit [loc. cit.] super illud Iob xxviii. *Non æquabitur ei aurum, vel vitrum.*

Ad primum ergo dicendum, quod Avicenna loquitur de illo corpore quod habet ex natura componentium claritatem. Sic autem non habebit corpus gloriosum, sed magis ex merito virtutis.

Ad secundum dicendum, quod Gregorius comparat corpora gloriosa auro, & vitro: auro propter claritatem, vitro propter hoc quod translucet: unde videtur quod erunt simul clara, & pervia. Quod enim aliquid clarum non sit pervium, contingit ex hoc quod claritas corporis causatur ex densitate partium lucidarum: densitas enim repugnat pervietati. Sed tunc causabitur claritas ex alia causa, ut dictum est. Densitas autem corporis gloriosi pervietatem non tollet ab eis, sicut nec densitas vitri a vitro. Quidam tamen dicunt, quod comparantur vitro, non quia sint pervia, sed propter hanc similitudinem, quod sicut illud quod in vitro

[a] Ita Nicolai ex mss. & Supplementum. Alii propter auctoritatem. Scriptura aurem hoc promittit.

tro clauditur, apparet; ita animæ gloria, quæ in corpore glorioso claudetur, non latebit. Sed primum melius est, quia magis salvatur dignitas corporis gloriosi, & magis consonat dictis Gregorii.

Ad tertium dicendum, quod corporis gloria naturam non tollet, sed perficiet: unde color qui debetur corpori ex natura suarum partium, remanebit in eo; sed superaddetur claritas ex gloria animæ: sicut etiam videmus corpora colorata ex sui natura splendore solis resplendere, vel ex aliqua alia causa extrinseca, vel intrinseca.

Ad quartum dicendum, quod sicut claritas gloriæ redundat ab anima in corpus secundum suum modum, & est ibi alio modo quam sit in anima; ita in quamlibet partem corporis redundabit secundum suum modum: unde non est inconveniens quod diversæ partes habeant diversimode claritatem, secundum quod sunt diversimode dispositæ ex sua natura ad ipsam. Nec est simile de aliis dotibus corporis, respectu quarum partes corporis non inveniuntur habere diversam dispositionem.

## SOLUTIO II.

Ad secundam quæstionem dicendum, quod quidam dixerunt, quod claritas corporis gloriosi non potest videri ab oculo non glorioso, nisi forte per miraculum. Sed hoc non potest esse, nisi claritas æquivoce diceretur: quia lux secundum id quod est, nata est movere visum, & visus secundum id quod est, natus est recipere lucem; sicut verum se habet ad intellectum, & bonum ad affectum. Unde si esset aliquis visus qui non posset percipere aliquam lucem omnino, vel ille visus diceretur æquivoce, vel lux illa: quod non potest in proposito dici: quia sic per hoc quod dicitur, corpora gloriosa futura esse lucida, nihil nobis notificaretur; sicut qui dicit canem esse in cælo, nihil notificat ei qui non novit nisi canem qui est animal. Et ideo dicendum est, quod claritas corporis gloriosi naturaliter ab oculo non glorioso videri potest.

Ad primum ergo dicendum, quod claritas gloriæ erit alterius generis quam claritas nature quantum ad causam, sed non quantum ad speciem: unde sicut claritas nature ratione suæ speciei est proportionata visui, ita claritas gloriæ.

Ad secundum dicendum, quod sicut corpus gloriosum non potest pati aliquid passionis nature, sed solum passionis animæ; ita ex proprietate gloriæ non ager nisi actio-

S. Th. Oper. Tom. XIII.

ne animæ. Claritas autem intensæ non offendit visum, inquantum agit actione animæ, sed secundum hoc magis delectat; offendit autem, inquantum agit actione nature calefaciendo, & dissolvendo organum visus, & segregando spiritus: & ideo claritas corporis gloriosi, quamvis excedat claritatem solis, tamen de sui natura non offendit visum, sed demulcet, propter quod claritas illa comparatur claritati iaspidis, Apoc. xxi.

Ad tertium dicendum, quod claritas corporis gloriosi provenit ex merito voluntatis; & ideo voluntati subdatur, ut secundum eius imperium videatur, vel non videatur; & in potestate corporis gloriosi erit ostendere claritatem suam, vel occultare. Et hæc fuit opinio Præpositivi.

## SOLUTIO III.

Ad tertiam quæstionem dicendum, quod visibile videtur secundum quod agit in visum. Ex hoc autem quod aliquid agit, vel non agit in aliquod extrinsecum, non est aliqua mutatio in ipso: unde sine mutatione alicuius proprietatis quæ sit de perfectione corporis glorificati, potest contingere quod videatur, & non videatur: unde in potestate animæ glorificatæ erit quod corpus suum videatur, vel non videatur, sicut & quælibet alia actio corporis in animæ potestate erit: alias non esset corpus gloriosum instrumentum summæ obediens principali agenti.

Ad primum ergo dicendum, quod claritas illa obedit corpori glorioso, ut possit eam ostendere, vel occultare.

Ad secundum dicendum, quod color corporis non impedit pervietatem ipsius, nisi inquantum immutat visum: quia visus non potest immutari simul a duobus coloribus, ut utrumque perfecte inspiciat. Color autem corporis gloriosi erit in potestate animæ, ut per ipsum immutet visum, vel non immutet: & ideo erit in potestate eius ut occultet corpus quod est post se, vel non occultet.

Ad tertium dicendum, quod quantitas est inherens ipsi corpori glorioso; nec posset quantitas immutari ad imperium animæ sine mutatione intrinseca corporis gloriosi, quæ impassibilitati eius repugnaret: & ideo non est simile de quantitate, & visibilitate: quia etiam quantitas illa per quam est visibile, non poterit subtrahi ad imperium animæ; sed actio illius quantitatæ suspende-

Vultus,

tur, & sic occultabitur corpus ad imperium animæ.

### QUAESTIO III.

**D**Einde quæritur de his quæ pertinent ad damnatos : & circa hoc quærentur tria.

Primo. De qualitate corporum ipsorum.

Secundo. De igne quo cruciabuntur.

Tertio. De conditionibus animarum (a) eorumdem, post quam fuerint separata.

### ARTICULUS I.

*Utrum damnatorum corpora cum suis deformitatibus resurgent.*

*IV. cont. Gent. cap. lxxxix.*

**1.** **A**D primum sic proceditur. Videtur quod damnatorum corpora cum suis deformitatibus resurgent. Illud enim quod in pœnam peccati inductum est, desilire non debet nisi peccato remisso. Sed membrorum defectus, qui accidunt per mutilationem, in pœnam peccati inducti sunt, & similiter etiam omnes alie deformitates corporales. Ergo a damnatis, qui peccatorum remissionem non sunt (b) consecuti, in resurrectione non removebuntur.

**2.** Præterea. Sicut resurrectio sanctorum erit ad ultimam perfectionem, sic & resurrectio ipsorum erit ad ultimam miseriam. Sed sanctis resurgentibus non auferetur aliquid quod ad eorum perfectionem pertinere possit. Ergo nec impiis resurgentibus aliquid auferetur quod ad eorum defectum, vel miseriam pertineat. Huiusmodi autem sunt deformitates. Ergo &c.

**3.** Præterea. Sicut ad defectum passibilis corporis pertinet deformitas, ita tarditas. Sed a corporibus damnatorum resurgendum tarditas non removebitur, quia eorum corpora non erunt agilia. Ergo eadem ratione nec deformitas removebitur.

Sed contra. I. Corinth. xv. 53. *Mortui resurgent incorrupti* : Glossa (partim interl. partim collat. ex Ambrosiastro) „Mortui, idest peccatores, vel generaliter omnes mortui surgent incorrupti, idest sine aliqua diminutione membrorum.“ Ergo mali resurgent sine deformitatibus.

Præterea. In damnatis non erit aliquid quod sensum doloris in eis impediatur. Sed ægritudo impedit sensum doloris, inquantum

per eam debilitantur organa sentiendi : similiter defectus membri impediret ne esset universalis dolor in corpore. Ergo sine istis defectibus damnati resurgent.

### QUAESTIUNCULA II.

**1.** Uterius. Videtur quod corpora damnatorum erunt corruptibilia. Omne enim compositum ex contrariis necesse est corrumpi. Sed corpora damnatorum erunt ex contrariis composita, ex quibus etiam nunc componuntur; alias non essent eiusdem speciei, & per consequens eadem numero. Ergo erunt corruptibilia.

**2.** Præterea. Corpora damnatorum si incorruptibilia sunt futura, hoc non erit per naturam, cum sint futura eiusdem naturæ cuius & nunc sunt; nec etiam erit per gratiam, vel gloriam, quia talibus omnino carebunt. Ergo nullo modo erunt incorruptibilia.

**3.** Præterea. Illis qui sunt in summamiseria, subtrahere maximam pœnarum videtur inconveniens. Sed maxima pœnarum est mors, ut patet per Philosophum in III. Ethic. cap. ix. (vel xiv.) Ergo a damnatis qui sunt in summa miseria, mors removeri non debet : ergo eorum corpora corruptibilia erunt.

Sed contra est quod dicitur Apoc. ix. 6. *In diebus illis quærent homines mortem, & non inveniunt eam; & desiderabunt mori, & fugiet mors ab illis.*

Præterea. Damnati punientur in anima, & corpore pœna perpetua : Matth. xxv. 46. *Ibunt ibi in supplicium æternum.* Sed hoc esse non posset, si eorum corpora corruptibilia essent. Ergo eorum corpora erunt incorruptibilia.

### QUAESTIUNCULA III.

**1.** Uterius. Videtur quod sint futura impassibilia. Quia secundum Philosophum in VI. Topic. cap. x. *omnis passio magis subicitur a substantia.* Sed a huius si semperaliquid abiciatur, necesse est illud tandem consumi, ut dicitur in III. Phys. (text. lxx.) Ergo si corpora damnatorum erunt passibilia, & semper patientur, quandoque deficient, & corrumpentur; quod falsum esse ostensum est. Ergo erunt impassibilia.

**2.** Præterea. Omne agens assimilatur sibi patiens. Si ergo corpora damnatorum patientur ab igne, ignis ea sibi assimilabit. Sed non consumit aliter ignis corpora, nisi inquantum ea sibi assimilans resolvit. Ergo si cor-

(a) scilicet ipsorum eorumdem. (b) scilicet consecuti.

¶ corpora damnatorum erunt passibilia ab igne, quandoque consumentur; & sic idem quod prius.

3. Præterea. Animalia quæ in igne sine corruptione vivere dicuntur, ut de salamandra dicitur, ab igne non affliguntur: animal enim dolore corporis non affligitur, nisi corpus aliquo modo ledatur. Ergo corpora damnatorum in igne sine consumptione remanere possunt, sicut & animalia prædicta, ut Augustinus in Lib. de Civit. Dei (XXI. cap. III. & IV.) dicere videtur, quod nullam afflictionem ibi sustinebunt; quod non esset, nisi eorum impassibilia corpora essent. Ergo &c.

4. Præterea. Si corpora damnatorum sunt passibilia, dolor qui ex eorum passione provenit, ut videtur, superare debet omnem præsentem corporum dolorem, sicut & sanctorum iucunditas superabit omnem præsentem iucunditatem. Sed propter immensitatem doloris quandoque contingit in præsentis status quod anima a corpore separatur. Ergo multo fortius si corpora illa futura sunt passibilia, ex immensitate doloris anima a corpore separabitur, & sic corpora corrumpentur; quod falsum est. Ergo corpora illa erunt impassibilia.

Sed contra est quod dicitur I. Corinth. XV. 52. *Et nos immutabimur*: Glossa: „Nos, boni tantummodo immutabimur in gloriam immutabilitatis, & impassibilitatis.“ Ergo corpora damnatorum non erunt impassibilia.

Præterea. Sicut corpus cooperatur animæ ad meritum, ita corpus operatur ei ad peccatum. Sed propter cooperationem prædictam non solum anima, sed & corpus post resurrectionem præmiabitur. Ergo & in resurrectione similiter damnatorum corpora punientur; quod non esset, si impassibilia forent. Ergo erunt passibilia.

### SOLUTIO I.

Respondeo dicendum ad primam questionem, quod in corpore humano potest esse deformitas dupliciter. Uno modo ex defectu alicuius membri, sicut mutilatos turpes dicimus, deest enim eis debita proportio partium ad totum; & de tali deformitate nulli dubium est quod in corporibus damnatorum non erit: quia omnia corpora tam bonorum, quam malorum integra resurgent, ut supra dictum est cum de integritate corporum resurgentium ageretur. Alio modo deformitas contingit ex indebita partium assigilatione, vel indebita quantitate, vel

qualitate, vel situ, quæ etiam proportionem debitam partium ad totum non patitur; & de talibus deformitatibus, & similibus defectibus, sicut sunt febres, & huiusmodi ægritudines, quæ interdum sunt deformitatis causæ, Augustinus indeterminatum, & sub dubio relinquit in Ench. (cap. XCII.) ut Magister in littera dicit. Sed apud doctores modernos est super hoc duplex opinio.

Quidam enim dicunt, quod huiusmodi deformitates, & defectus in corporibus damnatorum remanebunt, considerantes eorum damnationem, quæ ad summam miseriam deputantur, cui nihil incommoditatis subtrahi debet. Sed hoc non videtur rationabiliter dici: in reparatione enim corporis resurgentis magis attenditur naturæ perfectio quam conditio quæ prius fuit: unde & qui infra perfectam ætatem decedunt, in statu juvenilis ætatis resurgent, ut supra dictum est: unde & illi qui aliquos defectus naturales in corpore habuerunt, vel deformitates ex eis provenientes, in resurrectione sine illis defectibus, vel deformitatibus reparantur, nisi peccati meritum impediret: & ita si aliquis cum defectibus, vel deformitatibus resurgat, hoc erit in poenam: modus autem poenæ est secundum mensuram culpæ. Contingit autem quod aliquis peccator damnandus minoribus peccatis subiectus, aliquas deformitates, vel defectus habeat quas non habuit aliquis damnandus peccatis gravioribus irritus. Unde si ille qui in hac vita deformitates habuit, cum eis resurgat, sine quibus constat quod resurgat alius gravius puniendus, qui eas in hac vita non habuit; modus poenæ non responderet quantitati culpæ, sed magis videretur aliquis puniri pro poenis quas in hoc mundo passus fuit; quod est absurdum.

Et ideo alii rationabiliter dicunt, quod auctor qui naturam condidit, in resurrectione naturam corporis integre reparabit: unde quidquid defectus, vel turpitudinis ex corruptione, vel debilitate naturæ, sive principiorum naturalium in corpore fuit, totum in resurrectione removebitur, sicut febris, lippitudo, & similia; defectus autem qui ex naturalibus principiis in humano corpore naturaliter consequuntur, sicut ponderositas, passibilitas, & similia, in corporibus damnatorum erunt: quos defectus ad electorum corporibus gloria resurrectionis excludit.

Ad primum ergo dicendum, quod cum poena in quolibet foro infligatur secundum conditionem illius fori, poenæ quæ in hac vita temporaliter infliguntur pro aliquo pec-

cato, temporales sunt, & ultra vitæ terminum non se extendunt: & ideo quamvis peccatum non sit remissum damnatis, non tamen oportet quod easdem pœnas ibi sustineant quas in hoc mundo sunt passî; sed divina iustitia requirit ut ibi pœnis gravioribus in æternum crucientur.

Ad secundum dicendum, quod non est similis ratio de bonis, & malis, eo quod aliquid potest esse pure bonum, non autem pure malum: unde ultima sanctorum felicitas hoc requirit ut ab omni malo penitus sint immunes; sed ultima malorum miseria non excludit omne bonum: quia malum, si integrum sit, corrumpit seipsum, ut Philosophus dicit in IV. Ethicor. (cap. xv. vel xrv.) Unde oportet quod miserie damnatorum subsistatur bonum naturæ in ipsis, quod est opus conditoris perfecti, qui ipsam naturam in perfectione suâ speciei reparabit.

Ad tertium dicendum, quod tarditas est de illis defectibus qui naturaliter sequuntur principia humani corporis, non autem deformitas: & ideo de eis non est similis ratio, ut ex dictis patet.

### SOLUTIO II.

Ad secundam questionem dicendum, quod cum in omni motu oporteat esse aliquod principium motus, dupliciter motus aliquis, vel mutatio a mobili removetur. Uno modo per hoc quod deest principium motus; alio modo per hoc quod principium motus impeditur. Corruptio autem mutatio quædam est: unde dupliciter potest contingere ut corpus quod ex conditione suorum principiorum corruptibilitatem habet, incorruptibile reddatur. Uno modo ex hoc quod principium ad corruptionem movens totaliter tollitur; & hoc modo corpora damnatorum incorruptibilia erunt. Cum enim cælum sit primum alterans per motum suum localem, & omnia alia agentia secunda in virtute ipsius agant, & quasi ab ipso motu, oportet quod cessante motu cæli, nihil sit agens quod possit corpus per alterationem aliquam transmutare a sua naturali proprietate: & ideo post resurrectionem, cessante motu cæli, nulla qualitas erit sufficiens ut corpus humanum alterare possit a sua naturali qualitate; corruptio autem est terminus alterationis, sicut & generatio: unde corpora damnatorum corrupti non poterunt: & hoc deservit divinæ iustitiæ, ut perpetuo viventes, perpetuo puniantur, quod divina ius-

titia requirit, ut infra dicitur; sicut & nunc corruptibilitas corporum deservit divinæ providentiæ, per quam ex aliquibus corruptis alia generantur. Alio modo contingit ex hoc quod principium corruptionis impeditur; & hoc modo corpus Adæ incorruptibile fuit: quia contrariæ qualitates in corpore hominis existentes, continebantur per gratiam innocentie ne ad dissolutionem corporis agere possent, & multo plus continebuntur in corporibus gloriosis, quæ erunt omnino subiecta spiritui: & sic in corporibus beatorum post resurrectionem communem coniungentur duo prædicti modi incorruptibilitatis.

Ad primum ergo dicendum, quod contraria ex quibus corpora componuntur, sunt duo principia ad corruptionem agentia. Primum enim agens est motus cælestis: unde supposito motu cælesti, necesse est ut corpus ex contrariis compositum corrumpatur, nisi sit aliqua causa potior impediens. Sed motu cæli remoto, contraria ex quibus corpus componitur, non sufficiunt ad corruptionem faciendam etiam secundum naturam, ut patet ex dictis. Cessationem autem motus cæli Philosophi non cognoverunt: unde proinfallibili habebant quod corpus compositum ex contrariis corrumpatur secundum naturam.

Ad secundum dicendum, quod incorruptibilitas illa erit per naturam, non quod sit aliquod incorruptionis principium in corporibus damnatorum, sed per defectum principii moventis ad corruptionem, ut ex dictis patet.

Ad tertium dicendum, quod quamvis mors sit simpliciter maxima pœnarum secundum quid, tamen nihil prohibet mortem esse in pœnarum remedium, & per consequens ablationem mortis in pœnarum augmentum. Vivere enim, ut dicitur in V. Ethic. (cap. ix. vel xi.) videtur omnibus delectabile esse, eo quod omnia esse appetunt. Non oportet autem, ut ibidem dicitur, accipere malam vitam, neque corruptam, neque quæ est in tristitia. Sicut ergo vivere simpliciter est delectabile, non autem vita quæ est in tristitia; ita & mors quæ est privatio vitæ, simpliciter est pœnosa, & maxima pœnarum, inquantum subtrahit primum bonum, scilicet esse, cum quo omnia alia subtrahuntur; sed inquantum privat malam vitam, & quæ est in tristitia, est in remedium pœnarum quas terminat, & per consequens mortis subtrahio est in augmentum pœnarum quæ perpetuas facit. Si autem dicatur mors esse pœna.

pœnalis propter corporalem dolorem quem sentiunt morientes, non est dubium quod multo maiorem dolorem damnati continue sustinebunt: unde in perpetua morte esse dicuntur, sicut scriptum est in Psal. xlviii. 15. *Mors depascet eos.*

## SOLUTIO III.

Ad tertiam quæstionem dicendum, quod principalis causa quare corpora damnatorum ab igne non consumuntur, erit divina iustitia, quia eorum corpora ad perpetuam poenam sunt addicta. Sed divinæ iustitiæ servit etiam naturalis dispositio ex parte corporis patientis, & ex parte agentium: quia cum pati sit recipere quoddam, duplex est modus passionis, secundum quod aliquid in aliquo recipi potest dupliciter. Potest enim aliqua forma recipi in altero aliquo secundum esse naturale materialiter, sicut calor recipitur ab igne in aere; & secundum hunc modum receptionis est unus modus passionis, qui dicitur passio naturæ. Alio modo aliquid recipitur in altero spiritualiter per modum intentionis cuiusdam, sicut similitudo albedinis recipitur in aere, & in pupilla; & hæc receptio similatur illi receptioni qua anima recipit similitudines (a) rerum: unde secundum hunc modum receptionis est alius modus passionis, qui vocatur passio animæ. Quia ergo post resurrectionem, & motu cæli cessante, non poterit aliquod corpus alterari a sua naturali qualitate, ut dictum est, nullum corpus pati poterit passionem naturæ: unde quantum ad hunc modum passionis corpora damnatorum impassibilia erunt, sicut & incorruptibilia. Sed cessante motu cæli, adhuc manebit passio quæ est per modum animæ; quia & aer a sole illuminabitur, & colorum differentias ad visum deferet: unde & secundum hunc modum passionis corpora damnatorum passibilia erunt. Et quia in tali passione sensus perficitur, ideo in corporibus damnatorum sensus poenæ erit sine mutatione naturalis dispositionis. Corpora vero gloriosa, etsi recipient aliquid, & quodammodo patiantur in sentiendo, non tamen passibilia erunt: quia nihil recipient per modum afflictivi, vel læsivi, sicut recipient corpora damnatorum, quæ ob hoc passibilia dicuntur.

Ad primum ergo dicendum, quod Philosophus loquitur de illa passione per quam transmutatur patiens a sua naturali dispositione. Talis autem passio non erit in corporibus damnatorum, ut dictum est.

Ad secundum dicendum, quod similitudo agentis est dupliciter in patiente. Uno modo per eundem modum quo est in agente, sicut est in omnibus agentibus univocis, ut calidum facit calidum, & ignis generat ignem. Alio modo per modum diversum a modo quo est in agente, sicut est in omnibus agentibus æquivocis, in quibus quandoque contingit quod in agente est forma spiritualiter, quæ in patiente materialiter recipitur; sicut forma quæ est in domo facta per artificem, est materialiter in ipsa, & in mente artificis est spiritualiter: quandoque vero e converso est materialiter in agente, & recipitur spiritualiter in patiente, sicut albedo materialiter est in pariete a quo recipitur spiritualiter in pupilla, & in medio deferente; & similiter est in proposito: quia species quæ materialiter est in igne, recipitur spiritualiter in corporibus damnatorum; & sic ignis assimilabit sibi damnatorum corpora, nec tamen ea consumeret.

Ad tertium dicendum, quod secundum Philosophum in Lib. de proprietatibus elementorum (cap. 1.) nullum animal in igne vivere potest. Galenus enim in Lib. (b) de simplici medicina dicit, quod nullum corpus est quod tandem ab igne non consumatur, quamvis quædam corpora sint quæ ad horam in igne sine læsione permanent, ut patet de ebena: unde quod inducitur de salamandra, non est omnino simile: quia non posset perseverare finaliter in igne sine corruptione, sicut corpora damnatorum (c) in inferno. Nec tamen oportet quod quia corpora damnatorum ab igne inferni per corruptionem aliquam non læduntur, propter hoc ab igne non affligantur: quia sensibile nunquam solum natum est delectari, vel affligere sensum, secundum quod agit actione naturæ confortando, vel corumpendo organum, sed etiam secundum quod agit actione spirituali: quia quando sensibile est in debita proportionem ad sentientem, delectat; e contrario autem quando se habet in superabundantiam, vel defectu: unde & colores medii, & voces consonantes sunt delectabiles, & inconsonantes offendunt auditum.

Ad quartum dicendum, quod dolor non separat animam a corpore secundum quod manet tantum in potentia animæ, cuius est dolere, sed secundum quod ad passionem animæ mutatur corpus a sua naturali dispositione, secundum modum quo videmus quod ex ira corpus calefit, & ex timore frigidat.

Sed

(a) *M.* eorum, (b) *Nicolas* de simplicibus medicamentis, (c) *M.* additur ab igne.

Sed post resurrectionem corpus non poterit transmutari a sua naturali dispositione, ut ex dictis patet: unde quantumcumque sit dolor, animam a corpore non separabit.

## ARTICULUS II.

*Utrum ignis inferni, quo corpora damnatorum cruciabantur, sit ignis corporeus.*

IV. cont. Gent. cap. xc. & quodl. 11. att. 13.

1. **A**D secundum sic proceditur. Videtur quod ignis inferni, quo corpora damnatorum cruciabantur, non sit ignis corporeus. Dicit enim Damascenus in IV. Lib. (a) in fine: *Tradetur diabolus, & demones eius, & homo eius, scilicet Antichristus, & impij, & peccatores in ignem eternum, non materiale, qualis est qui apud nos est, sed qualis utique novit Deus.* Sed omne corporeum est materiale. Ergo ignis inferni non erit corporeus.

2. Præterea. Animæ damnatorum a corpore separatæ ad ignem inferni deferuntur. Sed Augustinus dicit XII. super Gen. ad litteram (cap. xxxii.) *Spiritualis arbitri esse locum, scilicet ad quem anima deferretur post mortem, non corporalem.* Ergo ignis ille non est corporeus.

3. Præterea. Ignis corporeus in modo suæ actionis non sequitur modum culpæ in eo qui igne crematur, sed magis modum humiditatis, vel siccitatis: in eodem enim igne corporeo videmus affligi iustum, & impium. Sed ignis inferni in modo suæ actionis sequitur modum culpæ in eo qui puniatur: unde Gregorius in IV. Dial. (cap. xlii.) *Unus quidem est gehennæ ignis, sed non uno modo omnes cruciat peccatores: uniuscuiusque enim quantum exigit culpa, tantum sentitur pœna.* Ergo ignis ille non est corporeus.

Sed contra est quod dicitur in IV. Dial. (cap. xxv.) *Ignem gehennæ corporeum esse non ambigo, in quo certum est corpora cruciari.*

Præterea. Sap. v. 21. dicitur: *Pugnabis orbis terrarum contra insensatos.* Sed non totus orbis contra insensatos pugnaret, si solummodo spiritali pœna, & non corporali punirentur. Ergo punientur igne corporeo.

## QUAESTIUNCULA II.

1. Ulterius. Videtur quod ignis ille non sit eiusdem speciei cum igne isto corporeo quem videmus. Augustinus enim dicit, & habetur in littera: *Ignis eternus cuiusmodi sit, arbitror scire nemo, nisi forte eius spiritus divinus ostendat.* Sed naturam istius ignis omnes, vel scire omnes sciunt. Ergo ille ignis non est eiusdem naturæ, vel speciei cum isto.

2. Præterea. Gregorius dicit XV. Lib. Moral. (cap. xiv. vel xvii.) exponens illud Iob xx. *Devorabit eum ignis, qui non succenditur:* „Ignis corporeus ut esse valeat, corporeis indiget fomentis: (b) nec valet, nisi succensus esset, & nisi refectus, subsistere. At contra gehennæ ignis, cum sit corporeus, & in se missos reprobos corporaliter exurat, nec studio humano succenditur, nec lignis nutritur, sed creatus semel durat inextinguibilis, (c) & succensione non indiget, & ardore non caret.“ Ergo non est eiusdem naturæ cum corporeo igne quem videmus.

3. Præterea. Aeternum, (d) & corruptibile non sunt unius rationis, cum nec etiam in genere convenient, secundum Philosophum in X. Metaph. [text. ult.] Sed ignis iste est corruptibilis, ille autem æternus: Matth. xxv. 41. (e) *Ite maledicti in ignem eternum.* Ergo non sunt eiusdem speciei.

4. Præterea. De natura huius ignis qui apud nos est, est ut luceat. Sed ignis inferni non lucet: unde dicitur Iob xviii. 5. *Nonne lux impij extinguetur?* Ergo non est eiusdem naturæ cum isto igne.

Sed contra. Secundum Philosophum in I. Topic. (cap. v.) omnis aqua omni aquæ est idem specie. Ergo eadem ratione omnis ignis omni igni idem est in specie.

Præterea. Sap. xi. 17. dicitur: *Per quem peccat quis, per hoc & torquetur.* Sed omnes homines peccant per res sensibiles huius mundi. Ergo iustum est ut per eandem puniantur.

## QUAESTIUNCULA III.

1. Ulterius. Videtur quod ignis ille non sit sub terra. Quia Iob xviii. 18. de homine damnato dicitur: *Et de orbe transferret eum Deus.* Ergo ille ignis quo damnati puniuntur, non est sub terra, sed extra orbem.

2. Præterea. Nullum violentum, & peccati-

(a) Al. In fine tradetur. (b) Al. nec videtur, nisi succensus esset, & nisi refectus subsisteret. (c) Al. succensione. (d) Al. et concupiscibile. (e) Valgrea, *Discedat a me.*

accidens potest esse sempiternum. Sed ignis ille erit in inferno in sempiternum. Ergo non erit ibi per violentiam, sed naturaliter. Sed sub terra non potest esse ignis nisi per violentiam. Ergo ignis inferni non est sub terra.

3. Præterea. In igne inferni omnia corpora damnatorum post diem iudicii cruciabuntur. Sed corpora illa locum replebunt. Ergo, cum futura sit maxima multitudo damnatorum: quia *stultorum infinitus est numerus*: Eccl. r. 15. oportet maximum esse spatium in quo ignis ille continetur. Sed inconvenienti videtur infra terram esse tantam concavitationem, cum partes terræ naturaliter ferantur ad medium. Ergo ignis ille non erit sub terra.

4. Præterea. Sap. xi. 17. dicitur: *Per quem peccat quis, per hæc & torquetur*. Sed mali super terram peccaverunt. Ergo ignis eos puniens non oportet esse sub terra.

Sed contra est quod dicitur Isa. xiv. 9. *Infernus subitus conturbatus est in occursum (a) tui*. Ergo ignis inferni sub nobis est.

Præterea. Gregorius dicit in IV. Dialog. (cap. xlii.) *Quid obster non video, (b) ut infernus sub terra esse credatur*.

Præterea. Ionæ 11. super illud, *Proiecti me in corde (c) maris*, Glossa interlinealis: „idesi, in inferno:“ pro quo dicitur in Evangelio Matth. xii. 40. *In corde terræ*: quia sicut cor est in medio animalis, ita infernus esse in medio terræ perhibetur.

## SOLUTIO I.

Respondeo dicendum ad primam questionem, quod de igne inferni fuit multiplex positio.

Quidam enim Philosophi, ut Avicenna, resurrectionem non credentes, solius animæ post mortem penam esse crediderunt: & quia eis inconvenienti videbatur ut anima, cum sit incorporea, igne corporeo puniretur, negaverunt ignem corporeum esse, quo mali punirentur, volentes quod quicquid dicitur de penâ animarum post mortem futura per aliqua corporalia, metaphorice dicatur. Sicut enim bonarum animarum delectatio, & iucunditas non erit in aliqua re corporali, sed spirituali tantum, quod erit in consecutione finis sui; ita afflictio malorum erit spiritualis tantum, in hoc scilicet quod tristabuntur de hoc quod separantur a fine, cuius inest eis desiderium naturale. Unde sicut omnia quæ de delectatione animarum post

mortem dicuntur, quæ videntur ad delectationem corporalem pertinere, sicut quod reficiantur, quod rideant, & huiusmodi; ita etiam quicquid de harum afflictione dicitur quod in corporalem punitionem sonare videtur, per similitudinem debet intelligi, sicut quod igne ardeant, vel fœtoribus affligantur, & cetera huiusmodi. Spiritualis enim delectatio, & tristitia, cum sit ignota multitudini, oportet quod per delectationem, & tristitias corporales figuratim manifestetur, ut homines moveantur magis ad desiderium, vel timorem. Sed quia in penâ damnatorum non solum erit penâ damni, quæ respondet aversioni quæ fuit in culpa, sed etiam penâ sensus, quæ respondet conversioni; ideo non sufficit prædictum modum punitionis ponere: & ideo etiam ipse Avicenna (in Metaph. tract. ix. cap. vii.) alterum modum superaddit, dicens, quod animæ malorum post mortem non per corpora, sed per corporum similitudines punientur, sicut in somnis propter similitudines prædictas in imaginatione existentes videtur homini quod torqueatur penâ diversis: & hunc etiam modum punitionis videtur ponere Augustinus in XII. super Gen. ad lit. (cap. xxxii.) sicut ibidem manifeste patet. Sed hoc videtur inconvenienter dictum esse. Imaginatio enim potentia quedam est utens organo corporali: unde non potest esse quod visiones imaginativæ fiant in anima separata a corpore, sicut in anima somniantis: unde etiam Avicenna, ut hoc inconvenienti evaderet, dixit, quod animæ separatæ a corpore utebantur quasi pro organo aliqua parte cælestis corporis, cui corpus humanum oportet esse conforme ad hoc quod perficiatur anima rationali, quæ est similis motoribus cælestis corporis, in hoc secutus quodammodo opinionem antiquorum Philosophorum, qui posuerunt animas redire ad compares stellas. Sed hoc est omnino absurdum secundum doctrinam Philosophi: quia anima utitur determinato organo corporali, sicut ars determinatis instrumentis: unde non potest transire de corpore in corpus, quod Pythagoras posuit, ut dicitur in I. de Anima [text. lxxi.] Qualiter autem ad dictum Augustini sit respondendum, infra [in resp. ad 2.] dicitur. Quicquid autem dicatur de igne qui animas separatatas cruciat, de igne tamen quo cruciabantur corpora damnatorum post resurrectionem, oportet dicere quod sit corporeus: quia corpori non potest convenienter penâ aptari nisi corporea. Unde

Gre-

(a) Vulgata *adventus tui*. (b) *Ad. additur nisi*. (c) *Ad. Glossa maris*, intelligitur, id est etc.



Gregorius in IV. Dial. (cap. xxviii. & xxix.) ex hoc ipso probat inferni ignem esse corporeum, quod reprobis post resurrectionem in eum detrudentur. Augustinus etiam, ut in littera, manifeste constituitur ignem illum quo corpora cruciabantur, corporeum esse; & de hoc ad praesens est quaestio. Qualiter autem animae damnatorum ab igne isto corporeo puniantur, infra (dist. I. quaest. 11. art. 3.) dicitur.

Ad primum ergo dicendum, quod Damascenus non negat simpliciter ignem illum materialem esse, sed quod non est materialis talis qualis apud nos est, eo quod quibusdam proprietatibus ab hoc igne distinguitur. Vel dicendum, quod quia ignis ille non materialiter alterat corpora, sed quadam spirituali actione agit in ea ad punitionem, ut ex dictis patet; ideo non dicitur materialis, non quantum ad substantiam, sed quantum ad punitionis effectum in corporibus, & multo amplius in animabus.

Ad secundum dicendum, quod dictum Augustini potest hoc modo accipi, ut pro tanto dicatur locus ille ad quem animae deferrentur post mortem, non esse corporeus, quia anima in eo corporaliter non existit, per modum scilicet quo corpora existunt in loco, sed alio modo [a] spirituali, sicut Angeli in loco sunt. Vel dicendum, quod Augustinus loquitur opinando, & non determinando, sicut frequenter facit in Libro illo.

Ad tertium dicendum, quod ignis ille erit instrumentum divinae iustitiae punientis. Instrumentum autem non solum agit in virtute propria, & per proprium modum, sed etiam in virtute principalis agentis, & secundum quod est regulatum ab eo: unde quamvis ignis secundum propriam virtutem non habeat quod aliquos cruciet magis, vel minus secundum modum peccati; habet tamen hoc secundum quod eius actio modificatur ex ordine divinae iustitiae; sicut etiam ignis fornacis modificatur ex industria fabri in sua actione secundum quod competit ad effectum artis.

## SOLUTIO II.

Ad secundam quaestionem dicendum, quod ignis propter hoc quod est maximae virtutis in agendo inter reliqua elementa, alia corpora pro materia habet, ut dicitur in II. Meteor. (cap. viii.) unde & ignis dupliciter invenitur, scilicet in propria materia,

propterea est in sphaera sua; vel in materia aliena, sive terrestri, ut patet in carbone sive aerea, sicut patet in flamma. Quocumque autem modo ignis inveniat, semper idem est in specie quantum ad naturam ignis pertinet. Potest autem esse diversitas in specie quantum ad corpora quae sunt materia ignis: unde flamma, & carbo differunt specie, & similiter lignum ignitum, & ferum ignitum. Nec differt quantum ad hoc sive ignita sint per violentiam, ut in ferro apparet, sive ex principio intrinseco naturali, ut accidit in sulphure. Quod ergo ignis inferni quantum ad hoc quod habet de natura ignis, sit eiusdem speciei cum igne qui apud nos est, manifestum est; utrum autem ille ignis sit in propria materia existens, (b) aut in aliena, & si in aliena, in qua materia sit, nobis ignotum est: & secundum hoc potest ab igne qui apud nos est, specie differre materialiter consideratus. Quasdam tamen proprietates differentes habet ab igne isto, sicut quod (c) succensione non indiget, nec lignis nutritur. Sed istae differentiae non ostendunt diversitatem in specie quantum ad id quod pertinet ad naturam ignis.

Ad primum ergo dicendum, quod Augustinus loquitur quantum ad id quod est materiale in illo igne, non autem quantum ad ignis naturam.

Ad secundum dicendum, quod ignis iste qui apud nos est, lignis nutritur, & ab homine succenditur, quia est artificialiter, & per violentiam in alienam materiam introductus; sed ignis ille lignis non indiget quibus foveatur, quia vel est in propria materia existens, vel est in materia aliena non per violentiam, sed per naturam a principio intrinseco: unde non est ab homine accensus, sed a Deo, qui naturam illam instruit: & hoc est quod dicitur Isai. xxx. 33. *Flatus Domini sicut torrens sulphuris succendens eam.*

Ad tertium dicendum, quod sicut corpora damnatorum erunt eiusdem speciei cuius & modo sunt, quamvis nunc sint corruptibilia, tunc autem incorruptibilia ex ordine divinae iustitiae, & propter quietem motus caeli; ita est etiam de igne inferni, quo corpora illa punientur.

Ad quartum dicendum, quod lucere non convenit igni secundum quemlibet modum existendi, quia in propria materia existens non lucet: unde non lucet in propria sphaera, ut Philosophi dicunt. Similiter etiam in aliqua materia aliena ignis existens non lucet

(a) Forte speciali. (b) Aut si aut in aliena, in qua &c. (c) Aut succensione.

cet, sicut cum est in materia opaca terrestri, ut in sulphure. Similiter est etiam quando ex aliquo grosso sumo eius claritas obsecratur. Unde quod ignis inferni non lucet, non est sufficiens argumentum ad hoc quod non sit eiusdem speciei.

## SOLUTIO III.

Ad tertiam questionem dicendum, quod, sicut Augustinus dicit, & habetur in littera, in qua parte mundi infernus sit, scire neminem arbitror, nisi cui divinus spiritus revelavit: unde & Gregorius in IV. Dialog. (cap. xlii.) super hac questione interrogatus, respondens: *Hac de re temere diffinire non audeo*. Nonnulli namque in quadam terrarum parte infernum esse putaverunt; alii vero hunc sub terra esse existimant. Et hanc opinionem probabiliorē esse ostendit dupliciter. Primo ex ipsa nominis ratione, sic dicens: *Si idcirco infernum dicunt, quia inferius iacet, quod terra (a) ad celum est, hoc esse infernum debet ad terram*. Secundo autem ex hoc quod dicitur Apoc. v. 3. *Nemo poterat neque in celo, neque in terra, neque sub terra aperire librum*: ut hoc quod dicitur in celo, referatur ad Angelos, hoc quod dicitur in terra, referatur ad homines viventes in corpore; hoc quod dicitur sub terra referatur ad animas existentes in inferno. Augustinus etiam in XII. super Genes. ad litteram (cap. xxiv.) duas rationes tangere videtur, quare congruum sit quod infernus sit sub terra. Una est, ut quoniam defunctorum animarum amore carnis peccaverunt, hoc eis exhibeat quod ipsi carni mortuæ solet exhiberi, ut scilicet sub terra recondantur. Alia est quod sicut est gravitas in corporibus, ita tristitia in spiritibus, & latitia sicut levitas: unde sicut secundum corpus, si ponderis sui ordinem teneant, inferiora sunt omnia graviora; ita secundum spiritum inferiora sunt omnia tristiora: & sic sicut conveniens locus gaudio electorum est celum empyreum; ita conveniens locus tristitiæ damnatorum est infernus terra. Nec debet movere quod Augustinus ibidem dicit, quod inferi sub terris esse dicuntur, vel creduntur: quia in Lib. retractationum (Lib. II. cap. xxv.) hoc retractans dicit: *Mibi videtur dicere de hisse magis quod sub terris sunt inferi, quam rationem reddere cur sub terris esse dicantur, siue credantur*.

Quidam tamen Philosophi posuerunt, quod locus inferni erit sub orbe (b) ter-

S. Th. Oper. Tom. XIII.

(a) Al. a celo. (b) Al. trillis. (c) Al. in terra insatiabili ponitur.

restri, tamen supra terræ superficiem ex parte opposita nobis: & hoc videtur Ildorus sensisse, cum dixit, quod sol, & luna in ordine quo creati sunt, habunt, ne impui in tormentis positi fruatur luce eorum: quæ ratio nulla esset, si infernus infra terram esse dicitur. Qualiter tamen hæc verba possint exponi, patebit infra dist. xlviii. Pythagoras vero posuit locum pœnarum in iphara ignis, quam in medio totius orbis esse dicit, ut patet per Philosophum in II. Cael. & mundi. Sed tamen convenientius his quæ in Scriptura dicuntur, est ut sub terra esse dicitur.

Ad primum ergo dicendum, quod verbum illud Iob, *De orbe transferret eum Deus*, intelligendum est de orbe terrarum, idest de hoc mundo: & hoc modo exponit Gregorius dicens (Lib. XIV. Moral. cap. xiv.) *De orbe quippe transferretur, cum superno appa- rente iudice de hoc mundo tollitur, in quo per- verse gloriantur*. Nec est intelligendum quod orbis hic accipitur pro universo, quasi extra totum universum sit locus pœnarum.

Ad secundum dicendum, quod in loco illo conservatur ignis in æternum ex ordine divinæ iustitiæ, quamvis secundum naturam suam non possit extra locum suum aliquid elementum durare in æternum, præcipue statu generationis, & corruptionis manente in rebus. Ignis autem ibi erit fortissimæ caliditatis: quia calor eius erit undique congregatus propter frigus terræ undique ipsum circumflans.

Ad tertium dicendum, quod infernus numquam deficiet in amplitudine, quin sufficiat ad damnatorum corpora capienda: infernus enim Prov. xxx. (c) inter tria insatiabilia ponitur. Nec est inconveniens quod intra viscera terræ tanta concavitas conservetur divina virtute, quæ damnatorum omnium corpora possit capere.

Ad quartum dicendum, quod hoc quod dicitur, *Per qua peccat quis, per hæc & torquetur*, non est necessarium nisi in principalibus instrumentis peccandi. Quia enim homo in anima peccat, & corpore, in utroque puniatur; non autem oportet quod in quo loco quis peccat, in eodem puniatur, cum alius sit locus qui viatoribus, & damnatis debetur. Vel dicendum, quod hoc intelligitur de penis quibus homo puniatur in via, secundum quod quilibet culpa suam pœnam habet annexam, prout quisque inordinatus animus sibi ipsi est pœna, ut dicit Augustinus.

X x

A R-

## ARTICULUS III.

*Utrum in anima separata remaneant potentiae sensitivae.*

1. **A**D tertium sic proceditur. Videtur quod in anima separata remaneant potentiae sensitivae. Augustinus enim ( alius Auctor ) in Libro de spiritu, & anima ( cap. xv. ) sic dicit: *Recedit anima a corpore secum (a) trahens omnia, sensum scilicet, & imaginationem, & rationem, & intellectum, in-  
sistentiam, concupiscibilitatem, & irascibilitatem.* Sed sensus, & imaginatio, & vis irascibilis, & concupiscibilis sunt vires sensitivae. Ergo & in anima separata vires sensitivae remaneant.

2. **P**raeterea. Augustinus ( Gennadius ) dicit in Libro de eccles. dogmatibus ( cap. xiv. ) *Solum hominem credimus habere animam substantivam, quae exuta corpore vivit, & sensus suos, atque ingenia vivaciter tenet.* Ergo anima exuta corpore habet potentias sensitivas.

3. **P**raeterea. Potentiae animae vel essentialiter ei insunt, ut quidam dicunt, vel ad minus sunt naturales proprietates ipsius. Sed illud quod essentialiter inest alicui, non potest ab eo separari, neque subiectum aliquod deserit a proprietatibus naturalibus. Ergo impossibile est quod anima separata a corpore aliquas potentias amittat.

4. **P**raeterea. Non est totum integrum cui aliqua partium deest. Sed potentiae animae dicuntur partes ipsius. Si ergo aliquas potentias anima post mortem amittit, non erit anima integra post mortem; quod est inconveniens.

5. **P**raeterea. Potentiae animae magis comparantur ad meritum quam etiam corpus; cum corpus sit solum instrumentum actus, potentiae vero principia agendi. Sed necesse est ut, corpus simul praemietur cum anima propter hoc quod cooperabatur in merito. Ergo multo fortius est necesse quod potentiae animae simul praemientur cum ipsa: ergo anima separata eas non amittit.

6. **P**raeterea. Si anima, cum separatur a corpore, potentiam sensitivam amittit, oportet quod illa potentia in nihilum cedat: non enim potest dici, quod in materiam aliquam resolvatur, cum non habeat materiam partem sui. Sed illud quod omnino in nihilum cedit, non reiteratur idem numero, ut supra dictum est. Ergo anima non

habebit in resurrectione eandem numero potentiam sensitivam. Sed secundum Philosophum ( Lib. II. de Anima text. 12. ) sic ut se habet anima ad corpus, ita se habent potentiae ad partes corporis, ut visus ad oculum. Si autem non esset eadem anima quae redibit ad corpus, non esset idem homo. Ergo eadem ratione nec esset idem oculus numero, si non habet eandem numero potentiam visivam; & simili ratione nec aliqua alia pars numero eadem resurgeret; & per consequens nec totus homo idem numero erit. Ergo non potest esse quod anima separata potentias sensitivas amittat.

7. **P**raeterea. Si potentiae sensitivae corrupterentur corrupto corpore, oportet quod debilitato corpore debilitarentur. Hoc autem non contingit: quia, ut dicitur in I. de Anima ( text. lxx. ) *Si senex accipiat oculum iuvenis, videbit utique sicut & iuvenis.* Ergo nec corrupto corpore potentiae sensitivae corruptentur.

Sed contra. Augustinus ( Gennadius ) in Lib. de eccl. dogmatibus ( cap. xvi. ) dicit: *Quibus [b] substantiis constat homo, anima tantum, & carne; anima cum ratione sua, & carne cum sensibus suis.* Potentiae ergo sensitivae ad carnem pertinent. Ergo corrupta carne, in anima non manent potentiae sensitivae.

**P**raeterea. Philosophus in XII. Met. [ text. xvi. ] de separatione animae loquens sic dicit: *Si autem aliquid remanet, in postremo quaerendum est de hoc: in quibusdam enim non est impossibile. Verbi gratia, si anima est talis dispositionis, non tota, sed intellectus [ tota enim foret impossibile ] quaerendum est de hoc.* Ex hoc videtur quod anima tota a corpore non separatur, sed solum potentiae intellectivae, non enim sensitivae, vel vegetativae.

**P**raeterea. In II. de Anima ( text. xxi. ) Philosophus dicit de intellectu loquens: *Hoc solum contingit separari, ut perpetuum a corruptibili; reliqua autem partes animae manifestum est ex his quod non separabiles sunt, ut quidam dicunt.* Ergo potentiae sensitivae non manent in anima separata.

## QUAESTIUNCULA II.

1. **U**lterius. Videtur quod in anima separata remaneant etiam actus sensitivarum potentialium. Dicit enim Augustinus ( alius Auctor ) in Lib. de spiritu, & anima [ cap. xv. ] *Anima recedens a corpore ex his, scilicet imaginatione, concupiscibilitate, irascibilitate, secundum merita affectus ad delectationem, sive ad dolorem.*

(a) Al. trahens sensum &c. (b) Al. Duobus substantiis constat homo, anima tantum, & carne.

sem. Sed imaginatio, & concupiscibilis, & irascibilis sunt sensitivæ potentia. Ergo secundum sensitivas potentias anima separata afficitur, & ita secundum eas in aliquo actu erit.

2. Præterea. Augustinus super Genes. ad litteram in Lib. XII. ( cap. xxiv. ) dicit, *quod corpus non sentit, sed anima per corpus*; & intra: *Quedam autem anima non per corpus, immo sine corpore sentit*: ut est timor, & humifmodi. Sed illud quod animæ sine corpore convenit, potest inesse animæ a corpore separatæ. Ergo tunc actu anima sentire poterit.

3. Præterea. Inspicere similitudines corporum, sicut in somnis accidit, ad visionem imaginativam pertinet, quæ est in sensitiva parte. Sed huiusmodi similitudines corporum inspicere, sicut in somnis accidit, convenit animæ separatæ: unde Augustinus XII. super Genes. ad litteram ( cap. xxxii. ) sic dicit: *Neque enim video cur habeat anima similitudinem corporis sui cum iacente sine sensu corpore, nondum tamen penitus mortuo videt talia, qualia multi ex illa subductione vivis redditus narraverunt; & non habet, cum perfecta morte penitus de corpore exieris*. Non enim hoc potest intelligi, quod anima similitudinem corporis habeat, nisi secundum quod eam inspicit: unde & præmisit de iacentibus sine sensu, quod gerunt quamdam similitudinem corporis sui, per quam possunt ad loca corporalia feri, & talia, qualia vident, similitudinibus sensuum experiri. Ergo anima separata potest exire in actum sensitivarum potentiarum.

4. Præterea. Memoria est potentia sensitivæ partis, ut probatur in Lib. de memoria & reminiscencia ( cap. xix. ) Sed animæ separatæ actu memorabuntur eorum quæ in hoc mundo gesserunt: unde & diviti eupuloni dicitur Luc. xvi. 25. *Recordare quia recepisti bona in vita tua*. Ergo anima separata exhibet in actum potentiz sensitivæ.

5. Præterea. Secundum Philosophum in III. de Anima ( text. xlii. ) irascibilis, & concupiscibilis sunt in parte sensitiva. Sed in irascibili, & concupiscibili sunt gaudium, & tristitia, amor, & odium, timor, & spes, & huiusmodi affectiones, quas secundum fidem nostram ponimus in animabus separatæ. Ergo animæ separatæ non carebunt actibus sensitivarum potentiarum.

Sed contra. Illud quod est commune animæ, & corpori, non potest remanere in anima separata. Sed omnes operationes potentiarum sensitivarum sunt communes animæ, & corpori; quod patet ex hoc quod nulla potentia sensitiva aliquem actum habet nisi per organum corporale. Ergo anima separata carebit actibus sensitivarum potentiarum.

Præterea. Philosophus dicit in Lib. de Anima ( I. text. lxi. ) *Corrupto corpore anima neque reminiscitur, neque amat*: & eadem ratio est de omnibus aliis actibus sensitivarum potentiarum. Ergo non procedit anima separata in aliquem actum alicuius potentiz sensitivæ.

### QUAESTIUNCULA III.

1. Ulterius. Videtur quod anima separata pati non possit ab igne corporeo. Augustinus enim XII. super Genes. ad litteram [ cap. xxxii. ] dicit: *Non sunt corporalia, sed corporalibus similia, quibus anima corporibus exire afficiuntur seu bene, seu male*. Ergo anima separata igne corporeo non puniatur.

2. Præterea. Augustinus in eodem Lib. ( cap. xvi. ) dicit, quod agens semper est nobilius patiente. Sed impossibile est aliquid corporeum esse nobilius anima separata. Ergo non potest ab aliquo corpore pati.

3. Præterea. Secundum Philosophum in I. de generatione ( text. liv. ) & secundum Boetium in Lib. de duabus naturis ( paulo post med. ) illa solum agunt, & patiuntur ad invicem quæ in materia communicant. Sed anima, & ignis corporeus non communicant in materia: quia spiritualium, & corporalium non est materia communis: unde nec possunt invicem transmutari, ut Boetius in eodem Lib. dicit. Ergo anima separata ab igne corporeo non patitur.

4. Præterea. Omne quod patitur recipit aliquid ab agente. Si ergo anima patiatur ab igne corporeo, aliquid ab eo recipiet. Sed omne quod recipitur in aliquo, est in eo per modum recipientis. Ergo quod recipitur ab igne in anima, non est in eo materialiter, sed spiritualiter. Sed formæ rerum in anima spiritualiter existentes sunt perfectiones ipsius. Ergo etiam ponatur quod anima patiatur ab igne corporeo, hoc non

X x 2 erit

EX EDIT. P. NICOLAI. \* Hæc aliter in Supplemento quest. x. art. 2. Et ita quædam anima non per corpus, sed sine corpore sentit: ubi quædam intelligendum est in plurali. Editio Patavina anno 1712. legit sic: *inter vices immo, pro qua habet sed.*

erit in eius pœnam, sed magis in eius perfectionem.

5. Si dicatur, quod hoc ipso anima puniatur ab igne quod ignem videt, ut videtur dicere Gregorius in IV. Dialog. (ubi supra) contra. Si anima videt ignem inferni, non potest videre nisi visione intellectuali, cum non habeat organa quibus visio sensitiva, vel imaginaria perficitur. Sed visio intellectualis non videtur quod possit esse causa tristitiæ: delectationi enim quæ est in considerando, non est tristitia contraria, secundum Philosophum. Ergo ex tali visione anima non punitur.

6. Si dicatur, quod anima patitur ab igne corporeo, quia tenetur ab eo, sicut nunc tenetur a corpore, dum in corpore vivit: contra. Anima dum in corpore vivit, tenetur a corpore inquantum ex ea & corpore fit unum, sicut ex materia, & forma. Sed anima non erit forma illius ignis corporei. Ergo supra dicto modo non poterit ab illo igne teneri.

7. Præterea. Omne agens corporeum agit per contactum. Sed non potest esse aliquis contactus animæ, & ignis corporei: quia contactus fit solum inter corpora quæ habent ultima simul. Ergo anima ab igne corporeo non patitur.

8. Præterea. Agens organicum non agit in remota, nisi per hoc quod agit in media: unde per determinatam distantiam agere potest proportionatam suæ virtuti. Sed animæ, vel ad minus demones, de quibus est eadem ratio, quandoque sunt extra locum inferni, quandoque etiam in hoc mundo hominibus apparent, nec tamen a pœna sunt immunes: sicut enim gloria sanctorum nunquam interruptitur, ita nec pœna damnatorum: nec tamen videmus quod omnia intermedia ab igne inferni patiantur, nec itesum est credibile aliquid corporeum de natura elementi esse tantæ virtutis ut ad tantam distantiam actionem suam diffundat. Ergo non videtur quod pœnas quas animæ damnatorum sustinent, ab igne corporeo patiantur.

Sed contra. Eadem est ratio in animabus separatis, & demonibus, quod ab igne corporeo pati possint. Sed demones ab eo patiuntur, cum puniuntur ab illo igne in quem corpora damnatorum proiciuntur post resurrectionem, quem oportet esse corporeum: & hoc patet ex sententia Domini Matth. xxv. 41. *Ita maledicti in ignem æternum, qui parati sunt diabolo, & angelis eius.* Ergo & animæ separatae igne corporeo pati possunt.

Præterea. Pœna debet respondere culpæ. Sed anima per culpam corpori se subiecit per pravam concupiscentiam. Ergo iustum est ut in pœna rei corporeæ subiciatur per passionem.

Præterea. Maior est unio formæ ad materiam quam agens ad patiens. Sed diversitas naturæ spiritualis, & corporalis non impedit quin anima sit forma corporis. Ergo non impedit quin possit a corpore pati.

### SOLUTIO I.

Respondendo dicendum ad primam quæstionem, quod circa hoc est multiplex opinio.

Quidam enim æstimantes potentias omnes esse in anima ad modum quæ color est in corpore, dicunt, quod anima a corpore separata omnes suas potentias secum trahit. Si enim aliqua ei deesset, oporteret animam transmutatam esse secundum naturales proprietates, quæ subiecto manente non possunt variari. Sed dicta æstimatio falsa est. Cum enim potentia sit secundum quam potentes dicimur agere, vel pati: eiusdem autem sit agere, & posse agere: oportet quod eiusdem sit potentia, sicut subiecti, quod est agens, vel patiens. Unde Philosophus in principio de somno, & vigiliis, dicit, quod cuius est potentia, eius est actio. Videmus autem manifeste quasdam operationes, quarum potentia animæ sunt principia, non esse animæ proprie loquendo, sed coniuncti, quia non expleantur nisi mediante corpore, ut videre, audire, & huiusmodi: unde oportet quod istæ potentia sint coniuncti sicut subiecti, animæ autem sicut principii influentis, sicut forma est principium proprietatum compositi. Quædam vero operationes exercentur ab anima sine organo corporeali, ut intelligere, considerare, & velle: unde cum hæc actiones sint animæ proprie, & potentia quæ sunt harum principia, non solum erant animæ ut principii, sed ut subiecti. Quia ergo manente proprio subiecto manere oportet & proprias passionem, & corrupto eo corrumpi, oportet illas potentias quæ in suis actibus non utuntur organo corporeali, remanere in anima separata: illas autem quæ utuntur, corrupti corpore corrupto: & huiusmodi sunt potentia omnes quæ pertinent ad animam sensibilem, & vegetabilem.

Et propter hoc quidam potentias animæ sensibiles distinguunt: dicunt enim, has esse duplices: quasdam quæ sunt actus organorum quæ sunt ab anima refluæ in corpus, & hæc cum corpore corrumpuntur: quasdam

verò

Verò originales harum quæ sunt in anima, quia per eas anima corpus sensibilat ad videndum, & audiendum, & ad huiusmodi; & hæc originales potentie manent in anima separata. Sed hoc non videtur convenienter dici. Anima enim per suam essentiam non mediantibus aliquibus aliis potentiis est origo illarum potentiarum quæ sunt actus organorum, sicut & forma quælibet ex hoc ipso quod per essentiam suam materiam informat, est origo proprietatum quæ compositum naturaliter consequuntur. Si eodem oporteret in anima ponere alias potentias, quibus mediantibus potentie quæ organa perficiunt, ab essentia animæ effluerent, eadem ratione oporteret ponere alias potentias, quibus mediantibus ab essentia animæ effluerent illæ mediz potentie, & sic in infinitum: si enim statueretur alicubi, melius est ut in primo stetur.

Unde alii dicunt, quod potentie sensitivæ, & aliz similes non manent in anima separata nisi secundum quid, scilicet ut in radice, per modum scilicet quo principiata sunt in principis suis. In anima enim separata manet efficacia influendi iterum huiusmodi potentias, si corpori uniatur. Nec oportet hanc efficaciam esse aliquid superadditum ipsi essentiz animæ, ut dictum est. Et hæc opinio videtur magis rationabilis.

Ad primum ergo dicendum, quod verbum illud Augustini intelligendum est, quod anima secum trahat quasdam illarum potentiarum in actu, scilicet intelligentiam, & intellectum, quasdam vero radicaliter, ut dictum est.

Ad secundum dicendum, quod sensus quos anima secum trahit, non sunt isti exteriores sensus, sed interiores, qui scilicet ad partem intellectivam pertinent: quia intellectus interius sensus appellatur, ut patet per Basilium super Proverbia (cap. i. vers. 111.) & per Philosophum in VI. Ethic. (cap. v.) Vel si intelligit de sensibus exterioribus, dicendum sicut ad primum.

Ad tertium dicendum, quod, sicut iam ex dictis patet, potentie sensitivæ non comparantur ad animam sicut naturales passiones ad subiectum, sed sicut ad originem: unde ratio non procedit.

Ad quartum dicendum, quod potentie animæ dicuntur partes eius potentiales. Taliū autem totorum ista est natura, quod tota virtus totius consistit in una partium perfecte, in aliis autem partialiter; sicut in anima virtus animæ perfecte consistit in par-

te intellectiva, in aliis autem partialiter. Unde cum in anima separata remaneant vires intellectivæ partis, integra remanebit, non diminuta, quamvis sensitivæ potentie actu non remaneant; sicut nec potentia Regis remanet diminuta mortuo præposito, qui eius potentiam participabat.

Ad quintum dicendum, quod corpus cooperatur ad meritum quasi pars essentialis hominis qui meretur; sic autem non cooperatur potentie sensitivæ, cum sint de genere accidentium: & ideo non est simile.

Ad sextum dicendum, quod potentie animæ sensitivæ non dicuntur esse actus organorum quasi forme essentielles ipsorum, nisi ratione animæ cuius sunt; sed sunt actus eorum sicut perfectientes ea ad proprias operationes, sicut calor est actus ignis perfriciens ipsum ad calefaciendum: unde sicut idem ignis numero remaneret, etiam si alius numero calor in eo esset, sicut patet de frigore aquæ, quod non reddit idem numero postquam fuerit calefacta, aqua nihilominus eadem numero manente; ita & organa erunt eadem numero, quamvis potentie eadem numero non sint.

Ad septimum dicendum, quod Philosophus loquitur de huiusmodi potentiis secundum quod radicaliter in anima consistunt; quod patet ex hoc quod dicit, quod *senium non est in patiēdo (a) animam, sed id in quo est*, scilicet corpus: sic enim propter corpus neque debilitantur, neque corrumpuntur animæ virtutes.

## SOLUTIO II.

Ad secundam questionem dicendum, quod quidam distinguunt duplices actus sensitivarum potentiarum: quasdam exteriores, quos per corpus exercet; & hi non remanent in anima separata: quosdam vero intrinsecos quos anima per seipsam exercet; & hi erunt in anima separata. Hæc autem positio descendere videtur ab opinione Platoni, qui ponit animam corpori coniungi sicut quandam substantiam perfectam, in nullo a corpore dependentem, sed solum sicut motorem mobili: quod patet ex transfiguratione quam ponebat. Quia autem secundum ipsum nihil movebat nisi motum, & ne abiret in infinitum, dicebat quod primum movens moveret seipsum, posuit quod anima erat se ipsam movens: & secundum hoc erat duplex motus animæ: unus quo movebatur a seipsa; alius quo movebatur corpus ab ea: & sic anima habebat actum qui est videre primo

(a) Al. ad animam.

in se ipsa, secundum quod movebat seipsam, & secundo in organo corporali, secundum quod movebat corpus. Hanc autem positionem Philosophus destruit in I. de Anima (text. xxxv. usque ad text. xlv.) ostendens quod anima non movet seipsam, & quod nullo modo movetur secundum istas operationes quae sunt videre, sentire, & huiusmodi; sed quod istae operationes sunt motus coniuncti tantum. Unde oportet dicere, quod actus sensitivarum potentiarum nullo modo maneant in anima separata, nisi forte sicut in radice remota.

Ad primum ergo dicendum, quod Liber ille negatur a quibusdam esse Augustini: dicitur enim fuisse cuiusdam Cisterciensis, qui eum ex dictis Augustini compilavit, & quaedam de suo addidit: unde, quod ibi scribitur, pro auctoritate habendum non est. Si tamen auctoritas debeat sustineri, dicendum, quod non debet intelligi quod anima separata ex imaginatione, & aliis huiusmodi potentiis afficiatur, quasi ipsa affectio sit actus praedictarum potentiarum, sed quia ex his quae anima per imaginationem, & alias huiusmodi potentias commisit in corpore, in futuro afficietur vel in bonum, vel in malum; ut sic imaginatio, & huiusmodi potentiae non intelligantur elicere illam affectionem, sed elicuisse in corpore meritum affectionis illius.

Ad secundum dicendum, quod anima dicitur sentire per corpus, non quasi actus sentiendi sit animae secundum se, sed quia est totius coniuncti ratione animae, eo modo loquendi quo dicimus, quod calor calefaciat. Quod autem subiungitur, quod quaedam anima sentit sine corpore, ut timorem, & huiusmodi, intelligendum est sine exteriori corporis motu, qui accidit in actibus sensuum propriorum: non enim timor, & huiusmodi passiones sine motu corporali contingunt. Vel potest dici, quod Augustinus loquitur secundum opinionem Platoniorum, qui hoc ponebant, ut dictum est.

Ad tertium dicendum, quod Augustinus ibi inquirendo loquitur, non determinando, sicut fere per totum illum Librum. Pateat enim quod non est similis ratio de anima dormientis, & de anima separata. Anima enim dormientis utitur organo imaginationis, in qua corporales similitudines imprimuntur; quod de anima separata dici non potest. Vel dicendum, quod similitudines rerum sunt in anima, & quantum ad potentiam sensitivam, & imaginativam, & intellectivam, secundum maiorem & minorem

abstractionem a materia, & materialibus conditionibus. Tenet ergo similitudo Augustini quantum ad hoc quod sicut similitudines rerum corporalius sunt in anima somnians, vel excessum mentis patientis imaginativer; ita sunt in anima separata intellectualiter: non autem quod in anima separata sint imaginaliter.

Ad quartum dicendum, quod sicut in I. Lib. dist. 111. (quest. 19. art. 1. ad 2.) dictum est, memoria dupliciter sumitur. Quandoque prout est potentia sensitivae partis, secundum scilicet quod concernit praeteritum tempus; & hoc modo actus memoriae in anima separata non erit: unde dicit Philosophus in I. de Anima (text. lxxv.) quod hoc corrupto, scilicet corpore, anima non reminiscitur. Alio modo accipitur memoria prout est pars imaginationis ad intellectivam partem pertinet, secundum scilicet quod ab omni differentia temporis abstrahit, cum non sit tantum praeteritorum, sed etiam praesentium, & futurorum, ut Augustinus dicit; & secundum hanc memoriam anima separata memorabitur.

Ad quintum dicendum, quod sicut in III. Lib. distinct. xxvi. (quest. 1. art. 2.) dictum est, amor, gaudium, & tristitia, & huiusmodi dupliciter accipiuntur. Quandoque quidem secundum quod sunt passiones appetitivae sensibiles; & sic non erunt in anima separata: hoc enim modo non expletur sine determinato motu cordis. Alio modo secundum quod sunt actus voluntatis, quae est in parte intellectiva; & hoc modo erunt in anima separata, sicut & delectationem, quae quodammodo est passio sensitivae partis, secundum alium modum accipiendi ponit Philosophus de Deo, dicens in VII. Ethic. (cap. 1.) quod Deus una simplici operatione gaudet.

#### SOLUTIO III.

Ad tertiam questionem dicendum, quod supposito ex praedictis quod ignis inferni non sit metaphorice dictus, nec ignis imaginarius, sed verus ignis corporeus, oportet dicere, quod anima ab igne corporeo poenae patietur, cum Dominus ignem illum diabolo, & angelis eius paratum esse dicat Matth. xxv. qui sunt incorporei, sicut & illa. Sed quomodo pati possit, multipliciter assignatur.

Quidam enim dixerunt, quod hoc ipsum quod est ignem videre, sit animam ab igne pati: unde Gregorius in IV. Dialog. (cap. xlvi.) dicit: *Ignem corpore patitur anima quod videt*. Sed istud non videtur sufficere: quia quodlibet visum ex hoc quod videtur, est per-

perfectio videntis, unde non potest in eius penam cadere inquantum est vilis; sed quandoque est punitivum, vel contristans per accidens, inquantum scilicet apprehenditur ut nocivum: unde oportet quod praeter hoc quod anima illum ignem videt, sit aliqua comparatio animae ad idem, secundum quam ignis animae noceat.

Unde alii dixerunt, quod quamvis ignis corporeus non possit animam exurere, tamen anima apprehendit ipsum ut nocivum sibi, & ad talem apprehensionem afficitur timore, & dolore, ut in eis impleatur quod dicitur (Psalm. xlii. 5.) *Trepidaverunt timore, ubi non erat timor*. Unde Gregorius in IV. Dialog. (ut sup.) dicit, quod quia anima cremari se conspicit, crematur. Sed hoc iterum non videtur sufficere: quia secundum hoc passio animae ab igne non esset secundum rei veritatem, sed secundum apparentiam tantum: quamvis enim possit esse vera passio tristitiae, vel doloris ex aliqua falsa imaginatione, ut Augustinus dicit XII. super Genes. ad litteram (cap. xxxv.) non tamen potest dici, quod secundum illam passionem vere patiatur a re, sed a similitudine rei quam concipit. Et iterum iste modus passionis magis recederet a reali passione quam ille qui ponitur per imaginarias visiones; cum ille dicatur per veras imagines rerum esse, quas anima secum deferat; iste autem per falsas conceptiones quas anima errans fingit. Et iterum non est probabile quod animae separatae, vel daemones, qui subtilitate ingenii pollent, putarent ignem corporeum sibi nocere posse, si ab eo nullatenus gravarentur.

Unde alii dicunt, quod oportet ponere animam etiam realiter ab igne corporeo pati: unde etiam Gregorius in IV. Dialog. (ubi supra) dicit: *Colligere ex dictis evangelicis possumus quia incendium anima non solum videntis, sed etiam experiendo patiatur*. Sed hoc tali modo fieri ponunt. Dicunt enim, quod ignis ille corporeus potest considerari dupliciter. Uno modo secundum quod est res quaedam corporea; & hoc modo non habet quod in animam agere possit: alio modo secundum quod est instrumentum divinae iustitiae vindicantis: hoc enim divinae iustitiae ordo exigit ut anima quae peccando se rebus corporalibus subdit, eis etiam in penam subdatur. Instrumentum autem non solum agit in virtute propriae naturae, sed etiam in virtute principalis agentis, ut supra dist. i. (quaest. i. art. 4.) dictum est: & ita non est inconveniens, si ignis ille, cum

agat in vi spiritualis agentis, in spiritum agat hominis, vel daemonis, per modum etiam quo de sacramentis dictum est dist. i. quod animam sanctificent. Sed istud etiam non videtur sufficere: quia omne instrumentum in id circa quod instrumentaliter operatur, habet propriam actionem sibi connaturalem, & non solum actionem secundum quam agit in virtute principalis agentis; immo exercendo primam actionem oportet quod efficiat hanc secundam, sicut aqua lavando corpus in baptismo sanctificat animam, & sera secundo lignum perducit ad formam domus. Unde oportet dare igni aliquam actionem in anima quaerit ei connaturalis ad hoc quod sit instrumentum divinae iustitiae peccata vindicantis.

Et ideo dicendum, quod corpus in spiritum naturaliter agere non potest, nec etiam aliquo modo obesse, vel ipsum gravare, nisi secundum quod aliquo modo corpori unitur: sic enim invenimus quod corpus quod corrumpitur, aggravat animam: Sap. ix. 15. Spiritus autem corpori unitur dupliciter. Uno modo ut forma materiae, ut ex eis fiat unum simpliciter; & sic spiritus unitur corpori, & vivificat corpus, & a corpore aliquo modo aggravatur: sic autem spiritus hominis, vel daemonis igni corporeo non unitur. Alio modo sicut movens mobili, vel sicut locatum loco eo modo quo incorporea sunt in loco; & secundum hoc spiritus incorporei creati loco distinguuntur, ita in uno loco existentes quod non in alio. Quamvis autem res corporea ex sua natura habeat quod spiritum incorporeum loco definiat, non tamen habet sua natura quod spiritum incorporeum loco diffinitum detineat, ut ita alligetur illi loco quod ad alia diversere non possit, cum spiritus non ita sit in loco naturaliter quod loco subdatur. Sed hoc superadditur igni corporeo, inquantum est instrumentum divinae iustitiae vindicantis, quod sic detinet spiritum, & ita efficitur ei penalis retardans eum ab executione propriae voluntatis, ne scilicet possit operari ubi vult, & secundum quod vult: & hunc modum ponit Gregorius in IV. Dialog. [ubi supra] Exponens enim quomodo anima incendium experiendo patiatur, sic dicit: *Dum veritas peccatorem divitem damnatum in igne perhibet, quisnam sapiens reproborum animarum teneri ignibus negat?* & hoc etiam Iulianus (Tolentanus) dixit, ut in littera Magister dicit: *Si vivens hominis incorporeus spiritus detinetur in corpore, cur etiam non post mortem corporeo igne teneatur?* Augustinus etiam XXI.



de Civit. Dei ( cap. xx. ) dicit, quod sicut anima in hominis conditione iungitur corpori, ut dans ei vitam, quamvis illud sit spirituale, & hoc corporale, & ex illa coniunctione vehementer concipit amorem ad corpus: sic ligatur igni, ut accipiens ab eo penam; & ex illa coniunctione concipit horrorem.

Oportet ergo omnes prædictos modos in unum colligere, ut perfecte videatur quomodo anima ab igne corporeo patiatur, ut scilicet *dyamus*, quod ignis secundum naturam suam habet quod spiritus incorporeus ei coniungi possit, ut loco locatum; sed inquantum est instrumentum divinæ iustitiæ, habet ut ipsum quodammodo retineat alligatum; & in hoc veraciter ignis ille est spiritui noxius; & sic anima ignem ut noxium sibi videns, ab igne cruciatur: unde Gregorius in IV. Dialog. ( cap. xlii. ) omnia ista per ordinem tangit, ut ex dictis eius patet.

Ad primum ergo dicendum, quod Augustinus loquitur inquirendo: unde etiam alium modum ponit determinando in Lib. de Civit. Dei, ut ex dictis patet. Vel dicendum, quod Augustinus intelligit quod ea quibus anima proxime afficitur ad dolorem, vel tristitiam sunt spiritualia: non enim affligeretur, nisi ignem ut noxium sibi apprehenderet. Ignis ergo apprehensus est proximum affligens; sed ignis corporeus extra animam existens est affligens remotus.

Ad secundum dicendum, quod quamvis anima simpliciter sit nobilior igne, ignis tamen est secundum quid anima nobilior, inquantum scilicet est instrumentum divinæ iustitiæ.

Ad tertium dicendum, quod Philosophus, & Boetius loquuntur de illa actione per quam patiens transmutatur in naturam agentis; talis autem non est actio ignis in animam: & propter hoc ratio non concludit.

Ad quartum dicendum, quod ignis in animam non agit per modum influentis, sed per modum detinentis, ut ex dictis patet: & ideo ratio non est ad propositum.

Ad quintum dicendum, quod in visione intellectuali non est tristitia ex hoc ipso quod aliquid videtur, cum illud quod videtur nullo modo intellectui possit esse contrarium, inquantum videtur. In sensu autem hoc quod videtur, ex ipsa actione qua agit in visum ut videatur, potest esse corruptivum visus per accidens, inquantum corrumpit harmoniam organi. Sed tamen visio intellectualis potest esse contristans, inquantum id

quod videtur, apprehenditur ut noxium, non quasi noceat eo ipso quod videtur, sed alio quocumque modo: & sic anima videndo ignem affligitur.

Ad sextum dicendum, quod non est simile quantum ad omnia, sed quantum ad aliquid, ut ex dictis patet.

Ad septimum dicendum, quod quamvis non sit aliquis tactus corporalis inter animam & corpus, tamen est inter ea aliquis actus spiritualis; sicut etiam motor cæli cum sit spiritualis, spirituali tactu tangit cælum, ipsum movens per modum quod dicitur contristans tangere, sicut dicitur in I. de Generatione ( text. xlv. ) & huiusmodi motus sufficit ad actionem.

Ad octavum dicendum, quod spiritus damnati nunquam sunt extra infernum, nisi ex dispensatione divina, vel ad instructionem, vel ad exercitium electorum. Ubicumque autem extra infernum sint, semper tamen vident ignem inferni ut eis in penam præparatum: unde cum ista visio sit immediate affligens, ut dictum est, ubicumque sunt, ab igne inferni affliguntur; sicut & captivi etiam extra carcerem existentes quodammodo a carcere affliguntur, dum vident se ad carcerem damnatos. Unde sicut gloria electorum in nullo minuitur nec quantum ad præmium essentialē, neque quantum ad accidentale, si aliquando extra cælum empyreum sint, quod quodammodo in gloriam eorum cædit; ita etiam in nullo minuitur pena damnatorum, si extra infernum ex divina dispensatione ad tempus ponantur: & hoc est quod dicit Glossa ( Eccl. ) super illud Iacob. iii. *Inflammas rotam navitatis* &c. „ Diabolus ubicumque sit, sive sub aere, sive sub terra, secum fert tormenta „ suarum flammarum. „ Obiectio autem procedit, ac si ignis corporeus affligeret spiritus immediate, sicut affligit corpora.

#### EXPOSITIO TEXTUS.

**O**mnis ad ætatem eandem resurgens &c. Hoc intelligendum est non quantum ad mensuram corporis, sed quantum ad perfectionem corporis.

*Triginta enim duorum annorum, & trium mensium erat ætas Christi.* Hoc intelligendum est secundum illam opinionem quæ ponit Christum in principio trigesimi anni nondum completi baptizatum fuisse. Sed secundum opinionem Chrysostomi ( hom. x. in Matth. ) qui ponit quod Christus, cum

baptizatus fuit, erat triginta annorum, & incepit tunc primum, oportet dicere, quod Christus triginta tribus annis & tribus mensibus vixerit: tribus enim annis prædicavit, & mensibus quasi tribus.

*Non est autem fuit dicere, quod in resurrectione accedat corpori magnitudo.* Sed contra hoc videtur. Nani, & gigantes resurgunt in quantitate quam hic habuerunt. Et dicendum, quod hoc intelligendum est de quantitate quam hic habuerunt, vel habituri essent natura non errante per superabundantiam, vel defectum.

*Sed in quolibet pulverem ac cinerem resolvatur.* &c. Sciendum, quod hæc resolutiones quæ in littera ranguntur, distribuuntur hoc modo. Primo enim accipit illa in quæ corpus humanum proximo resolvitur: unde quantum ad partes grossas, & terrestres ponit pulverem, & cinerem; ut in pulverem dicatur resolvi, in quantum exsiccat per congelationem humidi ex frigore agente; in cinerem vero, in quantum exsiccat per extractionem humidi a calore agente. Sed quantum ad partes subtiles, & aereas halitus ponit, & auras; ut halitus referatur ad vapores humidos, qui ab humano corpore resolvuntur, aura autem ad fumos siccos qui sunt materia venti, qui proprie aura dicitur. Deinde vero ponit illa in quæ primo resolvitur. Hæc autem vel sunt sensibilia, vel insensibilia. Si insensibilia, sic tangit elementata in hoc quod dicit, *In quacunque aliorum corporum substantiant*, & elementa in hoc quod dicit, *In ipsa elementa*. Si autem sunt sensibilia, sic tangit alia bruta, & homines in hoc quod dicit: *In quorumcumque animalium, & hominum cibum, carumque mutatur*: ut cibis pertineat ad id quod est in via transmutationis humani corporis in substantiam prædictam; quod vero dicit carnem, pertineat ad terminum transmutationis prædictæ.

*Illi anima in puncto temporis (a) reddit quæ illam primitus, ut homo fueret, cresceret, viveret, animavit.* Exponendum est primitus non solum quod est prius tempore, sed quod est principalis, ut ex dictis patet: alias o-

porteret dicere, quod costa de qua formata est mulier, in Adam resurgeret, cuius anima primo fuit animata; resurget tamen in Eva, quia in ea principalis fuit, ut scilicet pertinet ad perfectionem individui, non solum ad perfectionem speciei, sicut fuerat in Adam.

*Resurgent quidem sanctorum corpora sine ullo vitio.* &c. Ita quæ hic ponuntur, hoc modo differunt, ut vitium pertinet ad intemperantiam humorum, aut indispositionem inferiorum partium; deformitas autem ad dispositionem partium exteriorum; corruptio vero ad diminutionem, ut si corpora sine aliquo membro resurgerent; omnis autem ad indispositionem organorum respectu virtutis motivæ; difficultas vero ad ipsius virtutis debilitatem.

*Et cruciabit damnatorum corpora, hominum, vel demonum.* &c. Hoc dicit Augustinus secundum opinionem quæ ponit dæmones habere corpora naturaliter sibi unita.

*Profiteri animam posse habere similitudinem corporis, & corporatum omnino membrorum, quisquis renuit, potest negare animam esse quæ in somnis videt vel ambulare se, vel sedere.* &c. Non est intelligendum, quod anima separata habeat similitudinem corporis, & membrorum corporaliū realiter, sicut Apollinariū posuit; sed solummodo per modum apprehensionis vel intellectivæ, vel etiam imaginariæ, ut quidam volunt.

*Neque enim non sentiunt.* &c. Hoc potest exponi, ut sentire non accipiat pro actu exteriori sensus, sed pro actu intellectus, secundum quod intellectus quandoque sensus dicitur.

*Quæri, ac disputari potest, quando incipit homo in utero vivere.* De hoc aliqua dicta sunt in III. Lib. distinct. xxi. ubi de conceptione dominici corporis agebatur. *Ac non potius duos (quod futurum erat, si gemini nascerentur) resurrexerunt asserimus.* Hoc non dicit Augustinus: quia ex quo habebat principalia membra duplicia, sicut duo capita, & duo corda, manifestum erat quod duæ animæ inerant; & ita duo homines erant, sed coniuncti per errorem naturæ.

(a) Supple Deus. Al. redditur.

## DISTINCTIO XLV.

*De suffragiis defunctorum.*

PRÆterea sciendum est, quod omnes animæ, ut ait Augustinus ( tract. xlix. in I. Ioan. ) cum de hoc sæculo exierint, diversas habent receptiones: bonæ habent gaudium, malæ vero tormenta. Sed cum facta fuerit resurrectio, & bonorum gaudium amplius erit, & malorum tormenta graviora, quando cum corpore torquebuntur. Ex his ostenditur quod maius erit gaudium sanctorum in resurrectione, & post, quam fuerit ante; & quod diversa receptacula habebunt animæ sanctorum: de quibus idem Augustinus ait ( in Ench. cap. cix. ) „ Tempus quod inter hominis morrem & ultimam resurrectionem inter positum est, animas abditis receptaculis continet, sicut unaquæque digna est vel requie, vel ærumna, pro eo quod sortita est in carne dum viveret. “

*De diversis animarum receptaculis.*

NEQUE negandum est ( ut ait Augustinus ibid. cap. cx. ) defunctorum animas pietate suorum viventium relevari, cum pro illis sacrificium Mediatori offertur, vel eleemosynæ fiunt in Ecclesia. Sed hæc eis tantum profunt quicum viverent, hæc sibi ut postea possent prodesse meruerunt. Est enim quidam vivendi modus nec tam bonus, ut non requirat illa post mortem, nec tam malus, ut ei non prosint illa post mortem. Est vero talis in bono ut illa non requiratur, & est rursus talis in malo, ut nec his valeat, ( 1 ) cum hæc vira transierit, adjuvari. Quocirca hic omne meritum comparatur, quo possit post hanc vitam quisquam gravari, vel relevari. Nemo autem speret quod hic neglexit, cum obierit, apud Deum promereri. Non ergo illa quæ pro defunctis commendandis frequentat Ecclesia, illi apostolicæ sunt adversa sententiæ, quæ dictum est ( II. Corinth. v. 10. ) „ Omnes stabimus ante tribunal Christi, ut referat unusquisque secundum ea quæ per corpus gessit, scilicet bona: quia etiam hoc meritum sibi quisque, cum in corpore viveret, comparavit, ut possent ei illa prodesse. Non enim omnibus prosunt: & quare non ( 2 ), nisi propter differentiam vitæ, quam quisque gessit in corpore? Cum ergo sacrificia sive altaris, sive quarumcumque ( 3 ) eleemosynarum pro baptizatis omnibus offeruntur, pro valde bonis gratiarum actiones sunt, pro non valde malis sunt propitiationes. Sed pro valde malis etsi nulla sunt adiumenta mortuorum, tamen qualescumque vivorum consolationes sunt. Quibus vero prosunt, vel ad hoc prosunt ut sit plena remissio, vel certe ut tolerabilior ( 4 ) sit ipsa damnatio. “ ( Et serm. xxxii. de verbis Apost. ) „ Orationibus ergo sanctæ Ecclesiæ, & sacrificio salutaribus, & eleemosynis quæ pro eorum spiritibus offeruntur, non est dubium mortuos adjuvari, ut cum eis misericordius agatur a Domino quam eorum peccata meruerunt. Hoc enim a patribus traditum tota observat Ecclesia, ut pro eis qui in communionem corporis, & sanguinis Domini deserviti sunt, cum ad ipsum sacrificium loco suo commemorantur, oretur, ac pro illis quoque id offerri commemoretur. Non est ergo ambigendum illa prodesse defunctis, sed talibus qui ita viverunt ante mortem ut possint eis hæc utilia esse post mortem. Nam qui sine fide operante per dilectionem, eiusque sacramentis de corpore exierunt, frustra illis a suis huiusmodi pietatis officia impenduntur, cuius, dum hic essent, pigre caruerunt, non misericordiam sibi thesaurizantes, sed iram. Non ergo mortuis nova merita comparantur, cum pro eis aliquid boni operantur sui, sed eorum

( 1 ) Nil nisi ex Augustino cum ex hac vita transierit. ( 2 ) Adde idem omnibus prosunt. ( 3 ) Ad. ad. dicit aliter. ( 4 ) Nil nisi h. e.

rum meritis præcedentibus consequentia ista redduntur. Nam istam quisque finiens vitam, nisi quod in ea meruerit, non poterit habere post eam. "Ecce quibus, & qualiter proficit illa quæ pro defunctis frequentat Ecclesia. Mediocriter malis suffragantur ad pœnæ mitigationem, mediocriter bonis ad plenam absolutionem: qui non habent tantæ perfectionis merita, ut non indigeant iuari per pauperes quorum est regnum celorum, quos sibi fecerunt amicos de mammona iniquitatis; quorum tanta est perfectio, ut his adiutorii non indigeant, quales sunt Apostoli, & martyres. Ut enim ait Augustinus (de verbis Apost. ferm. xvi.) iniuria est pro martyre orare in Ecclesia, cuius nos debemus orationibus commendare: pro aliis autem defunctis oratur.

*De officiis sepulture.*

**D**E pompis vero exequiarum idem Augustinus ita dicit (de verbis Apost. ferm. xxxii.) „Pompa funeris, agmina exequiarum, sumptuosa diligentia sepulture, (2) vivorum sunt qualiacumque solatia, non adiutoria mortuorum. “ (Et Lib. I. de Civ. Dei cap. xii.) „Quia si aliquid prodest impio sepultura pretiosa, oberit pio vilis, vel nulla. Præclaras exequias in conspectu hominum purpurato illi diviti exhibuit turba famulorum; sed multo clariores in conspectu Domini ulceroso illi pauperi ministerium exhibuit Angelorum; qui eum extulerunt non in marmoreo tumulo, sed in Abrahamæ gremio (2). Sit tamen cura mortuos sepeliendi, & sepulcra construendi: quia hæc in Scripturis sanctis inter bona opera deputata sunt; nec solum in corporibus Patriarcharum, aliorumque sanctorum, sed etiam in ipsius Domini corpore qui ista fecerunt, laudati sunt. Impleant igitur homines erga suos officia postremi muneris, & sui humani (3) lachrymamenta meritoris; verum illa quæ adjuvant spiritus defunctorum, scilicet oblationes, & orationes, multo observantius procurent. “

*De duobus bonis, quorum alter plura post mortem habet auxilia.*

**S**Olet moveri quæstio de duobus, uno divite, altero paupere, pariter, sed mediocriter bonis, qui prædictis suffragiis indigent, & meruerunt pariter post mortem iuari: pro altero vero, idest pro divite, speciales, & communes fiunt orationes, multæque eleemosynarum largitiones; pro paupere vero non fiunt nisi communes largitiones, & orationes. Quæritur ergo, an tantum iuветur pauper paucioribus subsidiis, quantum dives amplioribus. Si enim pariter iuветur, non ei redditur secundum merita: meruit enim pariter iuari, quia pariter boni extiterunt. Si vero tantum suffragiis consequitur quantum dives, quid contulerunt diviti illa specialiter pro eo facta? Sane dici potest, non ei magis valuisse generalia, & specialia quam pauperi sola generalia suffragia; & tamen profuerunt diviti specialia, non quidem ad illud vel maius aliquid, sed ad idem ad quod generalia, ut ex pluribus, & diversis causis unum perciperetur emolumentum. Potest tamen dici aliter, illa plura subsidia contulisse diviti celeriore absolutionem, non plenior.

*Quibus suffragiis iuvabuntur mediocriter boni qui in fine inveniuntur.*

**S**ED iterum quæritur de aliquo mediocriter bono, qui talibus indigens suffragiis in ipso consummationis sæculi articulo cum reliquis migravit, si salvus (4) fuit: pro eo non offertur ulterius sacrificium, vel oratio, vel eleemosyna, nec habebat tantæ perfectionis merita, quæ his suffragiis non egeret: numquid ergo salvabitur? Aestimo eum quasi per ignem transeuntem salvari meritis, & inter-

Yy 2 cessio-

(2) Addit Nicolaus monumentorum opulenta constructio. (3) Item addit sustulerunt. (4) Ad. l. 2. viamonta. (4) Nicolai, & Magistri tenus fuerit.

cessionibus cælestis Ecclesiæ, quæ pro fidelibus semper intercedit voto, & merito; donec impleatur Christus.

*Quomodo sancti glorificati audiunt preces supplicantium, & quomodo intercedunt pro nobis ad Dominum.*

**S**ed forte queris: Numquid preces supplicantium sancti audiunt, & vota postulant in eorum notitiam perveniunt? Non est incredibile animas sanctorum qui in abscondito faciei Dei veri luminis illustratione latentur, ipsius contemplatione ea quæ foris aguntur intelligere, quantum vel illis ad gaudium, vel nobis ad auxilium pertinet. Sicut enim Angelis, ita & sanctis qui Deo assistunt, petitiones nostræ innotescunt in Verbo Dei quod contemplantur: unde & dicuntur Angeli orationes, & vota nostra offerre Deo, non quia Deum doceant, sed quia eius voluntatem super eis consulunt. Unde Augustinus (Lib. de orando Deo, seu epist. cxxi. cap. ix.) « Angelis qui sunt apud Deum, innotescunt petitiones nostræ, ut quodammodo eas offerant Deo, & de his (1) eum consulant, & quod Deo iubente implendum esse cognoverint, hoc nobis evidentes, vel latentiter reportent. Unde & Angelus hominibus ait (Tob. xii.) Cum oraretis, orationem vestram obtuli Deo . . . » Ad omnia quidem scienda sufficit Deus sua perfectio; habet tamen nuntios, idest Angelos, non qui ei quæ nescit annuntiant: non enim sunt ulla quæ nesciat: sed bonum eorum est de operibus suis eius consulere veritatem; & hoc est quod ei dicuntur nonnulla nuntiare, non ut ipse ab eis dicat, sed ut ab eo ipsi per verbum eius sine corporali sono (2) nuntiant quod voluerit, ab eo missi ad quos voluerit, totum ab illo per illud Verbum eius audientes, idest in eius veritate invenientes, quod sibi faciendum, quid, quibus, & quando nuntiandum sit. Nam & nos orantes eum, non eum docemus: quia novit, ut ait Verbum eius (Matth. vi.) Pater vester quid vobis necessarium sit, priusquam petatis ab eo: nec ista (3) tempore cognovit, sed futura omnia temporalia, atque in eis etiam quid, & quando ab illo peturi fueramus, & quos, & de quibus rebus vel exauditurus, vel non exauditurus esset, sine initio ante præcivit . . . » Non ergo dicitur Angelus orationes nostras offerre Deo, quasi Deus tunc noverit quid velimus, & quo indigeamus, qui omnia antequam fiant, sicut & postquam facta sunt novit; sed quia necesse habet rationalis creatura temporales causas ad æternam veritatem referre sive petendo quid erga se fiat, sive consulendo quid faciat. «

*Quod dictum est de Angelis, attribuit sanctis animabus.*

**S**i autem Angeli a Deo per Verbum eius discunt petitiones nostras, & quid de his implendum sit, & quid non; cur non credamus & animas sanctorum Dei faciem contemplantium, in eius veritate intelligere preces hominum, & quæ implendæ sint, vel non? Inde est quod Deus dicitur exaudire preces quorundam non solum quando effectui mancipat, sed etiam quando innotescit curi Angelorum, & sanctorum animarum quid inde futurum sit, vel non; & quod cognoscunt in Dei voluntate esse, volunt & ipsi. Adeo enim supernæ voluntati addicti sunt, ut nihil præter eius voluntatem queant velle. Intercedunt ergo ad Deum pro nobis sancti, & merito, dum illorum merita suffragantur nobis, & affectu, dum vota nostra cupiunt impleri: quod tamen non faciunt, nisi in voluntate Dei implenda didicerint. Oramus ergo ut intercedant pro nobis, idest merita eorum nobis suffragentur, & ut ipsi velint bonum nostrum: „ quia

(1) *Id. deip. eum.* (2) *Id. nuntiant etiam quod voluerit.* (3) *Id. ex parte.*

EX EDIT. P. NICOLAI. \* Et Lib. XV. de Trinit. cap. xxi. Et Lib. de gentis novi testamenti, seu epist. x. cap. xxix.

in, quia eis volentibus Deus vult, & ita fiet. " Ex præmissis constat, quod cum quibuscumque misericordius agit Deus quam eorum peccata meruerint, scilicet cum mediocriter malis, qui suffragiis Ecclesie iuvantur.

## DIVISIO TEXTUS.

Postquam determinavit Magister de his quæ ad resurrectionem pertinent, hic incipit determinare de his quæ pertinent ad remunerationem, vel punitionem resurgentium: & dividitur in partes duas. In prima enim determinatur de remuneratione, & punitione quæ præcedit iudicium generale; in secunda de illa quæ iudicium generale sequitur, dist. xlvii. ibi, *Solet etiam queri, qualiter dabitur iudicii sententia*. Prima autem dividitur in duas. In prima determinatur de remuneratione, vel punitione animarum ante diem iudicii, & resurrectionem. In secunda ostendit qualiter secundum iustitiam, & misericordiam Dei prædicta dispensentur, distinct. xlvii. ibi, *Sed queritur hic de valde malis &c.* Prima dividitur in duas. Primo ostendit quomodo animæ post mortem diversa receptacula habebunt pro diversitate meritum. In secunda determinatur qualiter animæ post mortem certis receptaculis distributæ iuvare possunt orationibus aliorum, ibi, *Neque negandum est, ut ait Augustinus defunctorum animas pietatis suorum vivientium relevare*. Et hæc pars dividitur in partes duas. In prima ostendit qualiter mortui iuvantur suffragiis vivorum. In secunda inquirunt, quomodo vivi iuvantur precibus mortuorum sanctorum, ibi, *Sed forte queris: Numquid partes supplicantium sancti audiunt?* Prima autem dividitur in duas. In prima determinatur de illis mortuis pro quibus suffragia fiunt, quando eis profunt. In secunda inquirunt, utrum profint eis pro quibus non fiunt, ibi, *Solet moveri questio de duobus &c.* Prima dividitur in duas. In prima dicit quæ sunt illa quæ facta a vivis, profunt mortuis; in secunda quæ sunt illa quæ non profunt, ibi, *De pompis vero exequiarum idem Augustinus ita dicit*.

*Solet moveri questio de duobus &c.* Circa hoc duo facit. Primo inquit de illis pro quibus suffragia non fiunt statu præsentis Ecclesie durante; secundo de illis pro quibus fiunt præsentis Ecclesie deficiente, ibi, *Sed iterum queritur de aliquo mediocriter bono*.

*Sed forte queris: Numquid preces supplicantium sancti audiunt?* Hic ostendit quomodo suffragia mortuorum sanctorum vivis profunt, & circa hoc tria facit. Primo enim

proponit quod intendit. Secundo confirmat propositum per similitudinem Angelorum, ibi, *Sicut enim Angelis, ita & sanctis qui Deo assunt, petitiones nostræ innotescunt in Verbo Dei*. Tertio concludit intentum, ibi, *Si autem Angeli a Deo per Verbum eius discent petitiones nostras... cur non credamus & animas sanctorum Dei faciem contemplantium, in eius veritate intelligere preces hominum?*

## QUÆSTIO I.

Hic tria queruntur. Primo de receptaculis animarum post mortem. Secundo de suffragiis mortuorum. Tertio de orationibus sanctorum.

Circa primum queruntur tria.

Primo. Utrum animabus post mortem aliqua receptacula assignentur.

Secundo. De differentia receptaculorum.

Tertio. De numero eorumdem.

## ARTICULUS I.

*Utrum animabus post mortem receptacula assignentur.*

III. Sent. dist. xxii. quest. ii. art. i. quest. ii. in corp. III. P. quest. lxi. art. 2. in corp. opuse.

ix. cap. xviii. & super Epistol. ad Eph. cap. 5. lect. lxi.

1. Ad primum sic proceditur. Videtur quod animabus post mortem receptacula non assignentur. Sicut enim dicit Boetius in Libro de hebdom. *Communis animi conceptio est apud sapienter, incorporalia in loco non esse: cui concordat quod Augustinus dicit in XII. super Genes. ad litteram (ut sup.) Cito quidem responderem, ad corporalia loca animam non ferri, nisi cum aliquo corpore*. Sed anima separata a corpore non habet aliquod corpus, sicut ibidem Augustinus dicit. Ergo ridiculum est animabus separatim aliqua receptacula assignare.

2. Præterea. Omne quod habet locum determinatum, magis convenit cum illo loco quam cum alio. Sed animæ separatæ, sicut & quilibet spirituales substantiæ, indifferenter se habent ad omnia loca: non enim potest dici, quod cum aliquibus corporibus con-

convenient, & cum aliis differant, cum ab omnibus conditionibus corporalibus sint penitus remota. Ergo eis determinata receptacula non sunt assignanda.

3. Præterea. Animabus separatim non assignatur aliquid post mortem nisi quod cadat in penam, vel præmium. Sed corporalis locus non potest eis esse in penam, vel in præmium, cum a corporibus nihil recipiant. Ergo non sunt eis assignanda certa receptacula.

Sed contra. Cælum empyreum locus corporalis est; & tamen ipsum factum moris sanctis Angelis est repletum, ut Scrabus dicit (in Glossa super illud, *Creavit Deus cælum* &c.) Cum ergo Angeli sint incorporati, sicut & animæ separatæ, videtur etiam quod separatim animabus sint certa receptacula assignanda. Ergo &c.

Præterea. Hoc patet per hoc quod Gregorius in IV. Dialog. (cap. xl.) narrat, animas post mortem ad diversa loca corporalia esse deductas; ut patet de Pascasio, quem Germanus Capuanus Episcopus in balneis invenit, & de anima Theodorici Regis, quam (cap. xxx.) dicit ad gehennam fuisse perductam. Ergo animæ post mortem habent certa receptacula.

### QUAESTIUNCULA II.

1. Ulterius. Videtur quod statim post mortem nullæ animæ deducantur ad cælos, vel ad infernum. Quia super illud Psalm. xxxvi. 10. *Adhuc pusillum, & non erit peccator*, dicit Glossa, quod sancti liberantur in fine vitæ; post hanc tamen vitam non ibi erunt, ubi erunt sancti, quibus dicitur: *Venite benedicti Patris mei*. Sed illi sancti erunt in cælo. Ergo sancti post hanc vitam non statim ascendunt ad cælum.

2. Præterea. Augustinus dicit in Enchir. (cap. cxx.) quod tempus quod inter hominis mortem & ultimam resurrectionem interpositum est, animas abditis receptaculis continet, sicut unaquæque digna est requie, vel ærumna. Sed hæc abditæ receptacula non possunt intelligi cælum, & infernum: quia in illis etiam post resurrectionem ultimam animæ cum corporibus erunt: unde pro nihilo distingueret tempus ante resurrectionem, & post resurrectionem. Ergo non erunt nec in inferno, nec in paradiso usque ad diem iudicii.

3. Præterea. Maior est gloria animæ quam gloria corporum. Sed simul omnibus redditur gloria corporum, ut sit maior lætitia singulorum ex communi gaudio, ut patet Hebr. xi. super illud, *Deo pro nobis aliquid melius providente* &c. ubi dicit Glossa: „Utrum in communi gaudio omnium maius fuerit gaudium singulorum.“ Ergo multo fortius & gloria animarum debet differri usque ad finem, ut simul omnibus reddatur.

4. Præterea. Poena, & præmium quæ per sententiam iudici redduntur, iudicium præcedere non debet. Sed ignis inferni, & gaudia paradisi dabuntur hominibus per sententiam Christi iudicantis in ultimo iudicio, ut patet Matth. xxv. Ergo ante diem iudicii nullus ascendit ad cælum, vel descendit ad inferos.

Sed contra est quod dicitur II. Corinth. v. 1. (a) *Si terrena nostra habitatio dissolvatur, domum habemus non manufactam conservatam in cælis*. Ergo dissoluta carne homo habet mansionem quæ in cælis fuerit ei conservata.

Præterea. Philip. i. 23. dicit Apostolus: (b) *Cupio dissolvi, & esse cum Christo*: ex quo sic arguit Gregorius in IV. Dialog. (cap. xxv.) *Qui ergo Christum in cælo esse non dubitat, nec Pauli animam esse in cælo negat*. Sed non est negandum Christum esse in cælo, cum sit articulus fidei. Ergo nec dubitandum est animas sanctorum ad cælos ferri. Quod etiam aliquæ animæ ad infernum descendant post mortem statim, patet Luc. xvi. 22. *Mortuus est dives, & sepultus est in inferno*.

### QUAESTIUNCULA III.

1. Ulterius. Videtur quod animæ in paradiso, vel in inferno existentes egredi non valeant. Augustinus enim dicit in Lib. de cura pro mortuis agenda (cap. xlii.) *Si rebus viventium intercessit anima mortuorum, ut de aliis tacemus, me ipsum pia mater nulla nolle deserveret, quæ terra marique secuta est ut mecum viveret*: & ex hoc concludit quod animæ defunctorum rebus viventium non interfint. Sed interesse possent, si de suis receptaculis exirent. Ergo de suis receptaculis non exeunt.

2. Præterea. In Psalm. xxvi. 4. dicitur: *Ut habitem in domo Domini omnibus diebus vite mee*: & Iob vii. 9. *Qui descendit ad in-*

(a) Vulgata: *Scimus enim quod si terrestria domus nostra huius habitaculis dissolvatur, quod adificationem in Deo habemus, domum non manufactam, æternam in cælis*. (b) Ibid. *cupitum habere de-*

*inferos, non ascendet. Ergo tam boni quam mali a suis receptaculis non exeunt.*

3. Præterea. Receptacula, ut est dictum, animabus post mortem dantur in præmium, vel in pœnam. Sed post mortem neque præmia sanctorum minuuntur, neque pœnæ damnatorum. Ergo non exeunt de suis receptaculis.

Sed contra est quod dicit Hieronymus contra Vigilantium sic eum alloquens: *Ans enim vel in suum Aonah, vel in loco refrigerii, vel subter aram Dei animas Apostolorum, & martyrum confedisce, nec posses suis tunulis, (a) cum voluerint, adeste præsentem: & ita tu Deo leges ponis, tu Apostolis vincula inicias, ut usque ad diem iudicii teneantur custodia, nec sint cum Domino suo, de quibus scriptum est (Apoc. cap. xiv. 4.) Sequuntur agnoscere quocumque ierit. Sed agnus ubique est. Ergo & hi qui cum agno sunt, ubique esse credendi sunt. Ridiculum ergo est dicere, quod animæ mortuorum a suis receptaculis non recedant.*

Præterea. Hieronymus ibidem arguit sic: *Cum diabolus, & demones toto vagantur orbe, & celeritate nimia ubique præsentem sint; martyres post effusionem sanguinis aia operientur inclusi, & inde exire non poterunt? Ex quo potest concludi non solum de bonis, sed etiam de malis, quod sua receptacula interdum exeant, cum non habeant maiorem damnationem quam demones, qui ubique discurrunt.*

3. Præterea. Idem probari potest per Gregorium in IV. Dialog. ubi narrat de multis mortuis quod viventibus apparuerunt.

### SOLUTIO I.

Respondeo dicendum ad primam questionem, quod quamvis substantiæ spirituales secundum esse suum a corpore non dependant, corporalia tamen a Deo mediantibus spiritualibus gubernantur, ut dicit Augustinus in III. de Trin. (cap. iv.) & Gregorius in IV. Dialog. (cap. v.) & ideo est quædam convenientia substantiarum spiritualium ad corporales substantias per congruentiam quamdam, ut scilicet dignioribus substantiis digniora corpora adaptentur: unde etiam Philosophi secundum ordinem mobilium posuerunt ordinem substantiarum separatarum. Quamvis autem animabus post mortem non assignentur aliqua corpora, quorum sint formæ, vel determinati motus; determinantur tamen eis quædam corporalia loca per congruentiam quamdam se-

cundum gradus dignitatis eorum, in quibus sunt quasi in loco, eo modo quo incorporalia in loco esse possunt, secundum quod magis accedunt ad primam substantiam (cui locus superior per congruentiam deputatur) scilicet Deum, cuius sedem cælum Scriptura esse denuntiat: & ideo animas quæ sunt in participatione perfectæ Divinitatis, in cælo esse ponimus; animas vero quæ a participatione huiusmodi impediuntur, loco contrario dicimus deputari.

Ad primum ergo dicendum, quod incorporalia non sunt in loco modo aliquo noto nobis, & consueto, secundum quod dicimus corpora proprie in loco esse; sunt tamen in loco modo substantiis spiritualibus convenienti, qui nobis plene manifestum esse non potest.

Ad secundum dicendum, quod duplex est convenientia, vel similitudo. Una quæ est per participationem eiusdem qualitatis, sicut calida ad invicem convenient; & talis convenientia incorporalium ad loca corporalia esse non potest. Alia per quamdam proportionalitatem, secundum quam in Scripturis metaphoræ corporalium ad spiritualia transferuntur, ut quod dicitur Deus esse sol, quia est principium vitæ spiritualis, sicut sol vitæ corporalis; & secundum hanc convenientiam quædam animæ quibusdam locis magis convenient, sicut animæ spiritualiter illuminatæ cum corporibus luminosis, animæ vero obtenebratæ per culpam cum locis tenebrosis.

Ad tertium dicendum, quod anima separata directe nihil recipit a locis corporalibus per modum quo corpora recipiunt, quæ conservantur a suis locis; sed ipsæ animæ ex hoc quod cognoscunt se talibus locis deputari, sibi gaudium ingerunt, vel mororem: & sic locus cedit eis in pœnam, vel in præmium.

### SOLUTIO II.

Ad secundam questionem dicendum, quod sicut in corporibus est gravitas, vel levitas, quæ feruntur in locum suum, qui est finis motus ipsorum; ita etiam est in animabus meritum, vel demeritum, quibus perveniunt animæ ad præmium, vel pœnam, quæ sunt fines actionum ipsarum: unde sicut corpus per gravitatem, vel levitatem statim fertur in locum suum, nisi prohibeatur; ita statim animæ, soluto vinculo carnis, per quod in statu viæ detinebantur, præmium consequuntur,

(\*) Hieronymus: & ubi voluerint.



tur, vel poenam, nisi aliquid impediatur; sicut interdum impeditur consecutionem pramii veniale peccatum, quod prius purgari oportet, ex quo sequitur quod pramium differatur. Et quia locus deputatur animabus secundum congruentiam pramii, vel poenae, statim ut anima a corpore absolvitur, vel in infernum demergitur, vel caelum evolat, nisi impediatur aliquo reatu quo oportuit evolutionem differri, ut prius anima purgetur. Et huic veritati auctoritates Scripturae canonicae manifeste attestantur, & documenta sanctorum patrum: unde contrarium pro haeresi est habendum, ut patet IV. Dialog. (cap. xxvi.) & in Lib. de eccl. dogmatibus (cap. lxxviii. & lxxix.)

Ad primum ergo dicendum, quod Glossa seipsum exponit: quod enim dicit, *Nondum erunt, ubi erunt sancti &c.* statim exponit subdens: id est, *non habebunt geminam solam quam habebunt sancti in resurrectione.*

Ad secundum dicendum, quod inter illa addita receptacula, de quibus Augustinus loquitur, etiam sunt computandi infernus, & paradysus, in quibus animae aliquae ante resurrectionem continentur. Sed ideo distinguuntur tempus ante resurrectionem, & post, quia ante resurrectionem sunt ibi sine corpore, post autem erunt cum corpore; & quia in aliquibus receptaculis nunc sunt animae in quibus post resurrectionem non erunt.

Ad tertium dicendum, quod homines secundum corpora habent quandam continuitatem ad invicem, quia secundum ea est verum quod dicitur Act. xvii. quod Deus (a) ex uno fecit omne hominum genus. Sed animas singillatim finxit: unde non est tanta congruentia, ut omnes homines simul glorificentur in anima, sicut quod simul glorificentur in corpore. Et praeterea gloria corporis non est ita essentialis sicut gloria animae: unde maius detrimentum esset sanctis, si gloria animae differretur, quam de hoc quod gloria corporis differtur; nec posset hoc detrimentum gloriae recompensari per ampliationem gaudii singulorum de gaudio communi.

Ad quartum dicendum, quod eandem obiectionem Gregorius in IV. Dialog. (cap. xxv.) proponit, & solvit. Si, inquit, nunc in caelo sunt animae sanctorum, quid est quod in die iudicii pro iustitia sua retributione recipiunt? Et respondet: Hoc eis nimirum crederetur in iudicio, quod nunc animae sola suis gloriae retributione letantur, postmodum vero et-

iam corporum beatitudine persueverunt, ut in ipsa quoque gaudent, in qua dolores pro Domino, cruciatusque perulerunt. Et eodem modo dicendum est de damnatis.

### SOLUTIO III.

Ad tertiam questionem dicendum, quod aliquem exire de inferno, vel paradiso potest intelligi dupliciter. Uno modo ut simpliciter inde exeat, ut iam eius locus non sit paradiisus, vel infernus, & sic nullus inferno, vel paradiso finaliter deputatus inde exire potest, ut in sequenti diff. (quaest. ii. art. 3.) dicitur. Alio modo potest intelligi, ut exeat inde ad tempus; & in hoc distinguendum est, quid eis conveniat secundum legem naturae, & quid eis conveniat secundum ordinem divinae iustitiae: quia, ut Augustinus dicit in Lib. de cura pro mortuis agenda (cap. xvi.) *alii sunt humanarum limites rerum, alia sunt divinarum signa virtutum; alia sunt quae naturaliter, alia quae mirabiliter sunt.* Secundum ergo naturalem cursum animae separatim receptaculis propriis deputatae a conversatione viventium penitus segregantur. Non enim secundum cursum naturae homines in mortali carne viventes substantiis separatis immediate coniunguntur, cum omnis eorum cognitio a sensu oriatur; nec propter aliud a suis receptaculis eas exire conveniret, nisi ut rebus viventium interessent. Sed secundum dispositionem divinae providentiae aliquando animae separatae a suis receptaculis egressae conspectibus hominum praesentantur, sicut Augustinus in praedicto Libro (eodem cap.) narrat de Felice martyre, qui civibus Nolanis visibiliter apparuit, cum a barbaris oppugnaretur. Et hoc etiam credi potest quod aliquando de damnatis contingat, quod ad eruditionem hominum, & terrorem permittuntur viventibus apparere, aut etiam ad suffragia expetenda quantum ad illos qui in purgatorio detinentur, ut per multa quae in IV. Dialog. narrantur, patet. Sed hoc interest inter sanctos & damnatos, quod sancti, cum voluerint, apparere possunt viventibus, non autem damnati. Sicut enim viventes sancti in carne per donum gratiae gratis datae accipiunt ut sanitates, & signa perficiant, quae non nisi divina virtute mirabiliter sunt (quae quidem signa ab aliis hoc dono carentibus perfici non possunt) ita etiam non est inconveniens ut ex virtute gloriae aliqua potestas animabus sanctorum

etorum detur, per quam possunt mirabiliter apparere viventibus, cum volunt; quod alii non possunt, nisi interdum permitti.

Ad primum ergo dicendum, quod Augustinus, ut per frequentia patet, loquitur secundum communem cursum naturae: nec tamen sequitur quod etiam si mortui possunt, ut volunt, viventibus apparere, toties appareant quoties apparent in carne viventes: quia separati a carne vel omnino confortantur divina voluntati, ita quod non liceat eis nisi quod secundum divinam dispositionem congruere (a) intuentur; vel ita sunt poenis oppressi, ut de sua miseria magis doleant quam curent aliis apparere.

Ad secundum dicendum, quod auctoritates illae loquuntur quantum ad hoc quod nullus de paradiso, vel inferno egreditur simpliciter, & non quod non egrediatur ad tempus.

Ad tertium dicendum, quod, sicut ex dictis patet (dist. praec. art. ult. quæst. III. in corp.) secundum hoc locus animæ cedit in poenam, vel præmium, quod anima afficiatur ex hoc quod tali loco deputatur vel gaudendo, vel dolendo. Hoc autem gaudium, sive hic dolor de hoc quod talibus locis deputatur, manet in anima etiam quando extra loca prædicia fuerit; sicut Pontifici cum datur pro honore ut in cathedra sedeat in Ecclesia, non minuitur gloria quando a cathedra recedit: quia etiam si actu ibi non sedeat, locus tamen ille sibi deputatus est.

Ad ea etiam quæ contra obijciuntur responderi oportet: ad quorum primum dicitur, quod Hieronymus loquitur de Apostolis, & martyribus secundum hoc quod eis accessit ex potestate gloriæ, & non secundum quod eis congruit ex debito naturæ. Quod autem dicit, eos ubique esse, non est intelligendum quod simul sint in plurius locis, aut ubique; sed quia esse possunt ubi volunt.

Ad secundum dicendum, quod non est simile demonibus, & Angelis, & animabus sanctorum, & damnatorum. Angeli enim boni, & mali hoc officium sortiuntur ut hominibus præsent vel ad custodiam, vel ad exercitium; quod de animabus hominum dici non potest. Sed tamen secundum potestatem gloriæ animabus sanctorum hoc congruit quod possunt esse ubi voluerint: & hoc est quod Hieronymus intendit.

Ad tertium dicendum, quod quamvis ali-

quando animæ sanctorum, vel damnatorum præsentialiter adsint ubi apparent; non tamen credendum est hoc semper accidere. Aliquando enim huiusmodi apparitiones fiunt vel in dormiendo, vel in vigilando operatione bonorum, vel malorum spirituum ad instructionem, vel destructionem viventium: sicut etiam vivi homines quando aliis apparent, & eis multa dicunt in somniis, cum tamen constet eos non esse præsentem, sicut Augustinus per multa exempla probat in Libro de cura pro mortuis agenda (cap. x. xi. & xii.)

## ARTICULUS II.

*Utrum limbus inferni sit idem quod sinus Abrahæ.*

III. Sentent. dist. xxii. quæst. I. art. I. quæstiunc. 2.

1. AD secundum sic proceditur. Videtur quod limbus inferni non sit idem quod sinus Abrahæ. Sicut enim dicit Augustinus XII. super Genes. ad litteram (cap. xxxiii.) Nondum inveni inferos (b) alicubi in bono posuisse Scripturam. Sed sinus Abrahæ in bono accipitur, ut ibidem subiungit Augustinus sic dicens: Non in bono (c) accipiendum sinum Abrahæ, & illam requiem quo ab Angelis pius pauper (d) sublatu est, nescio utrum quisquam possit audire. Ergo sinus Abrahæ non est idem quod limbus inferni.

2. Præterea. In inferno existentes non vident Deum. Sed in sinu Abrahæ videtur Deus, ut patet per Augustinum, IX. Libr. Confess. (cap. xxxi.) qui loquens de Nebridio dicit: Quidquid illis est quod sinus Abraham vocatur, ibi Nebridius meus vivit: & infra: Iam non ponit aures ad os meum, sed spiritaliter os ad fontem tuum, & bibis quantum potest sapientiam pro aviditate sua sine fine felix. Ergo sinus Abrahæ non est idem quod limbus inferni.

3. Præterea. Ecclesia non orat pro aliquo ut ad infernum deducatur. Orat autem ut Angeli animam defuncti in sinu Abrahæ deferant. Ergo videtur quod sinus Abrahæ non sit idem quod limbus.

Sed contra. Sinus Abrahæ dicitur ubi mendicus Lazarus ductus est. Sed ductus est ad infernum, ut dicit Glossa Iob xxx. super illud, Ubi constituta domus Dei viventes:

Z z

(a) Ita etiam inf. Hieronymus ubi quæst. lxxix. art. 3. ad 2. invenitur. (b) Al. alieni. (c) Al. accipiente. (d) Al. aliana.

ris: (a) „Infernus domus erat omnium, viventium ante adventum Christi. „Ergo sinus Abraham idem est quod limbus.

Præterea. Genes. xlv. 29. dicit Iacob filiis suis: *Deducitis caros meas* (b) *cum dolore ad inferos*. Ergo Iacob sciebat in morte sua se ad inferos transferendum: ergo & eadem ratione Abraham ad inferos translatus fuit post mortem: & ita sinus Abraham videtur esse aliqua pars inferni.

## QUAESTIUNCULA II.

1. Ulterius. Videtur quod limbus inferni sit idem quod infernus damnatorum. Christus enim dicitur infernum momordisse, non absorbuisse, quia aliquos extraxit inde, non autem omnes. Non autem diceretur momordisse infernum, si illi quos liberavit, non fuissent pars multitudinis in inferno contentæ. Ergo cum illi quos liberavit, in limbo inferni continerentur, iidem continebantur in limbo, & inferno: ergo limbus est idem quod infernus, vel pars inferni.

2. Præterea. Christus dicitur in symbolo descendisse ad infernum. Sed non descendit nisi ad limbum patrum. Ergo limbus patrum est idem quod infernus.

3. Præterea. Iob xxvii. dicitur: *In profundissimum inferni* (c) *descendens omnia mea*. Sed Iob, cum esset vir sanctus, & iustus, ad limbum descendit. Ergo limbus est idem quod profundissimum inferni.

Sed contra. In inferno nulla est redemptio. Sed a limbo sancti fuerunt redempti. Ergo limbus non est idem quod infernus.

Præterea. Augustinus dicit XII. super Genes. ad litteram (cap. xlii.) *Quomodo illam requiem quam Lazarus accepit, apud inferos esse credamus, non video*. Sed anima Lazari ad limbum descendit. Ergo limbus non est idem quod infernus.

## QUAESTIUNCULA III.

1. Ulterius. Videtur quod limbus puerorum sit idem quod limbus patrum. Pœna enim debet respondere culpæ. Sed pro eadem culpa detinebantur in limbo patres, & pueri, scilicet pro culpa originali. Ergo idem debet esse utrorumque locus pœnæ.

2. Præterea. Augustinus dicit in Enchir. (cap. xciii.) *Miserrima est pœna puerorum qui cum solo originali decedunt*. Sed nulla est minor pœna ea quam sancti patres ha-

bebant. Ergo idem est locus pœnæ utrorumque.

Sed contra. Sicut actuali peccato debetur pœna temporalis in purgatorio, & æterna in inferno; ita & originali peccato debebatur pœna temporalis in limbo patrum, & æterna in limbo puerorum. Si ergo infernus, & purgatorium non sunt idem, videtur quod nec limbus puerorum, & limbus patrum sint idem.

Utrum autem infernus, & purgatorii locus sint idem, quæsitum est supra dist. xxi. (quæst. r. art. r. quæstio. ix. in corp.).

## SOLUTIO I.

Respondeo dicendum ad primam quæstionem, quod animæ hominum post mortem ad quietem pervenire non possunt, nisi merito fidei: quia *accedentem ad Deum oportet credere*: Hebr. xi. 6. Primum autem exemplum credendi hominibus in Abraham datur, qui primus se a cœtu infidelium segregavit, & speciale signum fidei accepit: & ideo requies illa quæ hominibus post mortem datur, sinus Abraham dicitur, ut patet per Augustinum XI. super Genes. ad litteram (cap. xxxv.) Sed animæ sanctorum post mortem non omni tempore eandem quietem habuerunt: quia post Christi adventum habent plenam quietem, divina visione perfruentes; sed ante Christi adventum habebant quidem quietem per immunitatem pœnæ, sed non habebant quietem desiderii per consecutionem finis. Et ideo status sanctorum ante Christi adventum potest considerari & secundum id quod habebat de requie, & sic dicitur sinus Abraham: potest etiam considerari quantum ad id quod eis de requie deerat, & sic dicitur limbus inferni. Limbus ergo inferni, & sinus Abraham fuerunt ante Christi adventum unum per accedens, & non per se: & ideo nihil prohibet post Christi adventum esse sinum Abraham omnino diversum a limbo: quia ea quæ sunt unum per accedens, separari contingit.

Ad primum ergo dicendum, quod quantum ad id quod habebat de bono status sanctorum patrum, sinus Abraham dicebatur; sed quantum ad id quod habebat (d) de defectu, dicebatur infernus: & sic nec sinus Abraham in malum accipitur, nec infernus in bonum; quamvis quodammodo sint unum.

Ad secundum dicendum, quod sicut requies

(a) Addit Nicetas dicit enim. (b) Vulgata, *morere*. (c) Al. *descendat anima mea*. (d) Al. *defectum*.

quies sanctorum patrum ante Christi adventum dicebatur sinus Abraham, ita & post Christi adventum, sed diversimode: quia enim ante Christi adventum sanctorum requies habebat defectum requiei adiunctum, dicebatur idem infernus, & sinus Abraham: unde ibi non videbatur Deus; sed quia post Christi adventum sanctorum requies est completa, cum Deum videant, talis requies dicitur sinus Abraham, & nullo modo infernus: & ad hunc sinum Abraham Ecclesia o-  
rat fideles perducere.

Unde: pater responsio ad tertium: & sic est intelligenda quædam Glossa quæ habetur Lucæ xvi. super illud, *Factum est ut moreretur mendicus etc.* quæ sic dicit: „Sinus Abraham est requies beatorum pauperum, quorum est regnum cælorum.“

## SOLUTIO II.

Ad secundam questionem dicendum, quod receptacula animarum post mortem dupliciter distinguuntur, aut secundum situm, aut secundum locorum qualitatem, prout scilicet in aliquibus locis pœnas, vel præmia recipiunt animæ. Si ergo consideretur limbus patrum, & infernus secundum locorum qualitatem prædictam, sic non est dubium quod distinguuntur: tum quia in inferno est pœna sensibilis, quæ in limbo patrum non erat: tum etiam quia in inferno est pœna æterna; sed in limbo patrum detinebantur sancti temporaliter tantum. Sed si considerentur quantum ad situm loci, sic probabile est quod idem locus, vel quasi continuus, sit infernus, & limbus; ita tamen quod quædam superior pars inferni limbus patrum dicatur. Existentes enim in inferno secundum diversitatem culpæ diversimodè fortiuntur & pœnam; & ideo secundum quod gravius peccatis etiam irretiuntur damnati; secundum hoc obscuriorem, & profundiorum locum obtinent in inferno: unde sancti patres, in quibus minimum erat de ratione culpæ, supremum, & minus tenebrosum locum habuerunt omnibus puniendis.

Ad primum ergo dicendum, quod secundum hoc quod infernus, & limbus sunt idem quantum ad situm, dicitur Christus infernum momordisse, & in infernum descendisse, quando patres a limbo eripuit suo descensu.

Et per hoc patet solutio ad secundum.

Ad tertium dicendum, quod Iob non de-

scendit ad infernum damnatorum, sed in limbum patrum; qui quidem dicitur profundissimus locus, non quidem respectu locorum pœnalem, sed in comparatione ad alia loca, quia sub eodem includitur omnis locus pœnarum. Vel dicendum, sicut Augustinus solvit XII. super Genes. ad litteram (cap. xxxiii.) de Iacob sic dicens: *Illud quod Iacob dicit ad filios suos: Deductis senectutem meam cum tristitia ad inferos: videtur hoc magis simuisse, ne nimia tristitia se perturbaretur, ne ad requiem beatorum irgi, sed ad inferos peccatorum.* Et similiter potest exponi verbum Iob eadem ratione, ut sit verbum magis timentis quam asserentis.

## SOLUTIO III.

Ad tertiam questionem dicendum, quod limbus patrum, & limbus puerorum absque dubio differunt secundum qualitatem præmii, vel pœnæ: pueri enim non adest spes beatæ vitæ, quæ patribus in limbo aderat, in quibus etiam lumen fidei, & gratiæ refulgebat. Sed quantum ad situm probabiliter creditur utrorumque idem locus fuisse; nisi quod requies beatorum adhuc erat in superiori loco quam limbus puerorum, sicut de limbo, & inferno dictum est.

Ad primum ergo dicendum, quod ad culpam originalem non eodem modo se habebant patres, & pueri. In patribus enim originalis culpa expiata erat, secundum quod erat infectiva personæ, remanebat tamen impedimentum ex parte naturæ, pro qua nondum (a) fuerat plenarie satisfactum. Sed in pueris est impedimentum & ex parte personæ, & ex parte naturæ; & ideo pueris, & patribus diversa receptacula assignantur.

Ad secundum dicendum, quod Augustinus loquitur de pœnis quæ debentur aliquid ratione personæ suæ, inter quos mississimam pœnam habent qui solo originali peccato gravantur; sed adhuc est mitior pœna eorum quos non impedit a perceptione gloriæ defectus personæ, sed solus defectus naturæ, ut ipsa dilatio gloriæ quædam pœna dicatur.

## ARTICULUS III.

*Utrum debeant tot receptacula distinguere.*

1. **A**D tertium sic proceditur. Videtur quod non debeant tot receptacula

Z z 2 di-

(a) *Ad huc.*

distingui. Sicut enim receptacula debentur animabus post mortem pro peccato, ita & pro merito. Sed ratione meriti non debetur nisi unum tantum receptaculum, scilicet paradisi. Ergo nec ratione peccatorum debetur nisi unum receptaculum.

2. Præterea. Receptacula assignantur animabus post mortem ratione meritum, vel demeritum. Sed non est locus in quo merentur, vel demerentur. Ergo unum tantum receptaculum debet eis assignari post mortem.

3. Præterea. Loca pœnalis debent respondere ipsis culpis. Sed non sunt nisi tria genera culparum, scilicet originalis, venialis, & mortalis. Ergo non debent esse nisi tria receptacula pœnalis.

4. Sed contra. Videtur quod debeant esse multo plura quam assignantur. Aer enim iste caliginosus est demonum carcer, ut patet II. Petr. III. nec tamen computatur inter quinque receptacula, quæ a quibusdam assignantur. Ergo sunt plura receptacula quam quinque.

5. Præterea. Alius est paradisi terrestris, & alius paradisi celestis. Sed quidam post statum huius vitæ ad paradysum terrestrem sunt translati, sicut de Enoch, & Elia dicitur. Cum ergo paradysus terrestris, inter quinque receptacula non computetur, videtur quod sint plura quam quinque.

6. Præterea. Cuilibet statui peccantium debet aliquis (6) locus pœnalis respondere. Sed si ponatur aliquis in originali peccato decedere cum solo veniali peccato, nullum receptaculorum assignatorum ei competet: constat enim quod in paradiso non esset, cum gratia careret, sed eadem ratione nec in limbo patrum; similiter nec in limbo puerorum, cum in limbo puerorum non sit pœna sensibilis, quæ tali devotura ratione venialis peccati; similiter nec in purgatorio, quia ibi non est nisi pœna temporalis, huic autem debetur pœna perpetua; similiter nec in inferno damnatorum, quia mortali peccato caret. Ergo oportet ponere sextum receptaculum.

7. Præterea. Diversæ sunt quantitates præmiorum, & pœnarum secundum differentiascul parum, & meritum. Sed infiniti sunt gradus culparum, & meritum. Ergo infinita debent distingui receptacula, in quibus puniuntur, vel præmiantur post mortem.

8. Præterea. Animæ quandoque puniuntur in locis in quibus peccaverunt, ut per Gregorium patet in IV. Dial. Sed peccave-

runt in loco, in quo nos habitamus. Ergo hic locus debet computari inter receptacula, & præcipue cum aliqui in hoc mundo pro peccatis suis puniuntur, ut supra dist. xv. dixit Magister.

9. Præterea. Sicut aliqui in gratia decedentes habent aliqua pro quibus sunt digni pœna, ita aliqui in peccato mortali decedentes habent aliqua bona, pro quibus essent digni præmio. Sed decedentibus in gratia cum peccatis venalibus assignatur aliquod receptaculum, in quo puniuntur antequam præmia consequantur, scilicet purgatorium. Ergo & eadem ratione e contrario debet esse de illis qui in mortali peccato decedunt cum bonis operibus aliquibus.

10. Præterea. Sicut patres retardabantur a plena gloria animæ ante Christi adventum, ita & nunc a gloria corporis. Ergo distinguitur receptaculum sanctorum ante Christi adventum ab eo in quo nunc recipiuntur, ita debet receptaculum nunc distingui ab eo in quo recipiuntur post resurrectionem.

#### SOLUTIO.

Respondeo dicendum, quod receptacula animarum distinguuntur secundum diversos status earum. Anima autem contumeliam mortali corpori habet statum merendi, sed exuta corpore est in statu recipiendi pro merito bonum, vel malum. Ergo post mortem vel est in statu recipientis finale præmium, vel est in statu quo impeditur ab illo. Si autem est in statu recipientis finale retributionem, hoc est dupliciter: vel quantum ad bonum, & sic est paradysus; vel quantum ad malum, & sic ratione actualis culpe est infernus, ratione autem originalis est limbus puerorum. Si autem est in statu quo impeditur a finali retributione consequenda; vel hoc est propter defectum portione, & sic est purgatorium, in quo detinentur animæ, nec statim præmium consequantur propter peccata quæ commiserunt; vel propter defectum naturæ, & sic est limbus patrum, in quo detinebantur patres a consecutione gloriæ propter reatum humanæ naturæ, qui nondum poterat expiari.

Ad primum ergo dicendum: quod bonum contingit uno modo, sed malum multis, sicut patet per Dionysium IV. cap. de divinis Nominibus & per Philosophum in II. Ethic. (cap. V. vel VII.) & propter hoc non est inconveniens, si locus bonæ retributionis esset unus, loca vero pœnarum sunt plura.

Ad

Ad secundum dicendum, quod status intendi, vel demerendi est unus status; cum eiusdem sit posse mereri, & demereri; & ideo convenienter debetur omnibus unus locus. Sed eorum qui recipiunt pro meritis, sunt status diversi: & ideo non est simile.

Ad tertium dicendum, quod pro culpa originali potest aliquis puniri dupliciter, ut ex dictis patet, vel ratione personae, vel ratione naturae tantum: & ideo illi culpae responderi duplex limbus.

Ad quartum dicendum, quod aer iste caliginosus non assignatur demonibus quasi locus in quo recipiant retributionem pro meritis, sed quali competens officio eorum, in quantum deputantur nobis ad exercitium: & ideo inter receptacula de quibus nunc agitur, non computatur: primo enim deputatur eis ignis inferni, ut (a) patet Matth. xxv.

Ad quintum dicendum, quod paradisus terrestris pertinet magis ad statum viatoris quam ad statum recipientis pro meritis: & ideo inter receptacula de quibus nunc agitur, non computatur.

Ad sextum dicendum, quod illa positio est impossibilis, ut in dist. 11. dictum est; si tamen esset possibilis, talis in inferno puniretur in aeternum. Quod enim veniale peccatum in purgatorio temporaliter puniatur, accidit ei in quantum gratiam habet adiunctam: unde si adiungatur mortali, quia est sine gratia, poena aeterna puniatur in inferno. Et quia ille qui cum originali peccato decedit, habet veniale sine gratia, non est inconveniens, si ponitur aeternaliter puniri.

Ad septimum dicendum, quod diversitas graduum in poenis, vel praemii non diversificat statum, secundum cuius diversitatem receptacula distinguuntur: & ideo ratio non sequitur.

Ad octavum dicendum, quod hoc quod animae separatae aliquando in loco nostrae habitationis puniuntur, non propter hoc est quod locus iste sit proprius locus poenarum; sed hoc fit ad nostram instructionem, ut earum poenas videntes retrahamur a culpis. Quod autem animae existentes in carne hic puniuntur pro peccatis, non pertinet ad propositum: quia talis poena non trahit hominem extra statum merentis, vel demerentis. Nunc autem agimus de receptaculis quae debentur animae post statum meriti, vel demeriti.

Ad nonum dicendum, quod malum non potest esse pure abique omni commixtione

boni, sicut bonum summum est abique omni commixtione mali: & ideo illi qui ad beatitudinem, quae summum bonum est, transferendi sunt, debent esse ab omni mali purgati: & propter hoc oportet esse locum in quo tales purgentur, si hinc non omnino purgati exeant. Sed illi qui in infernum detrudentur, non erunt immunes ab omni bono: & ideo non est simile: quia in inferno existentes praemium bonorum suorum recipere possunt in quantum bona praeterita eis valent ad mitigationem poenae.

Ad decimum dicendum, quod in gloria animae consistit praemium essentialis; sed gloria corporis, cum redundet ex anima, tota consistit in anima quasi originaliter: & ideo carentia gloriae animae diversificat statum, non autem carentia gloriae corporis: & propter hoc etiam idem locus, scilicet, caelum empyreum, debetur animabus sanctis exitis a corpore, & coniunctis corporibus gloriosis; non autem idem locus debetur animabus patrum ante perceptionem gloriae animae, & post perceptionem ipsius.

## QUAESTIO II.

**D**Einde quaeritur de suffragiis mortuorum: & circa hoc quaeruntur quatuor.

Primo. Utrum suffragia quae per unum fiunt, alii prodesse possint.

Secundo. Quibus prosint.

Tertio. Quae suffragia prosint.

Quarto. Quantum prosint.

## ARTICULUS I.

*Utrum suffragia per unum facta alii prodesse possint.*

*Quod. 11. art. 16.*

**1.** AD primum sic proceditur. Videtur quod suffragia per unum facta alii prodesse non possint. Gal. vi. 6. *Quae enim seminaueris homo, haec & metet.* Sed si unus ex suffragiis alterius fructum consequeretur, meteret ab aliis seminata. Ergo ex suffragiis aliorum nullus fructum consequitur.

**2.** Praeterea. Ad institutum Dei pertinet ut unicuique retribuatur pro meritis: unde Psal. lxi. 13. *Tu reddes unicuique secundum opera sua.* Sed institutum Dei desicere impossibile est. Ergo impossibile est quod unus ex operibus alterius iuветur.

**3.** Pre-

3. Præterea. Secundum eandem rationem est opus meritorium, & laudabile, (a) scilicet inquantum est voluntarium. Sed ex opere unus non laudatur alter. Ergo nec opus unus potest esse alteri meritorium, & fructuosum.

4. Præterea. Ad divinam iustitiam pertinet similiter bona reddere pro bonis, & mala pro malis. Sed nullus punitur pro malis alterius, immo, ut dicitur Ezech. xviii. 20. anima que peccaverit, ipsa morietur. Ergo nec unus iuvatur per bona alterius.

Sed contra est quod dicitur in Psal. cxviii. 64. *Particeps ego sum omnium sumentium te &c.*

Præterea. Omnes fideles per caritatem uniti sunt unius corporis Ecclesie membra. Sed unum membrum iuvatur per alterum. Ergo & unus homo potest ex meritis alterius iuvari.

### QUAESTIUNCULA II.

1. Ulterius. Videtur quod mortui non possunt iuvari ex operibus vivorum. Primo per hoc quod dicit Apostolus II. Corinth. v. Omnes nos oportet manifestari ante tribunal Christi, ut recipiat unusquisque propriam corporis (b) que gestu. Ergo ex his quæ post mortem hominis geruntur, quando extra corpus erit, nihil ei accrescere poterit ex aliquibus operibus.

2. Præterea. Hoc idem videtur ex hoc quod habetur Apocal. xiv. 13. *Beati mortui qui in Domino moriuntur*; & subdit: *Opera enim illorum sequuntur illas*.

4. Præterea. Proficere ex aliquo opere (c) est solum in via existentis. Sed homines post mortem iam non sunt viatores, quia de eis hoc intelligitur quod legitur (Iob xix. 8.) *Senui iam meam circumspexi, & transire non possum*. Ergo mortui de suffragiis aliorum iuvari non possunt.

5. Præterea. Nullus iuvatur ex opere alterius, nisi sit aliqua vitæ communicatio inter eos. Sed ulla communicatio est mortuorum ad vivos, secundum Philosophum in I. Ethic. (cap. xi.) Ergo suffragia vivorum mortuis non profunt.

Sed contra est quod habetur II. Mach. xii. 46. *Sancta, & salubris est cogitatio pro defunctis exorare, ut a peccatis solvantur*. Sed hoc esset inutile nisi eos iuvaret. Ergo suffragia vivorum mortuis profunt.

Præterea. Augustinus dicit in Lib. decu-

ra pro mortuis agenda (cap. 1.) *Non parva est universa Ecclesia, que in hac consuetudine claret, auctoritas, ut in precibus succedatis que Domino Deo ad eius altare funduntur, locum suum etiam habeat commendatio mortuorum*. Quæ quidem consuetudo ab ipsis Apostolis inchoavit, ut dicit Damascenus in quodam sermone de suffragiis mortuorum sic dicens: *Mysterium conseci discipuli Salvatoris, & sacri Apostoli in tremendis, & vivificis mysteriis memoriam fieri eorum qui fideliter dormierunt, sanxerunt*. Quod etiam patet per Dionysium in ult. cap. calæ. Hierar. ubi ritum commemorat quo in primitiva Ecclesia pro mortuis orabatur, ubi etiam Dionysius asserit suffragia vivorum mortuis prodesse. Ergo hoc indubitanter credendum est.

### QUAESTIUNCULA III.

1. Ulterius. Videtur quod suffragia per peccatores facta mortuis non profunt. Quia, ut dicitur Ioan. ix. 31. *Peccatores Deus non exaudit*. Sed si orationes eorum prodesse illis pro quibus orant, a Deo exaudirentur. Ergo suffragia per eos facta mortuis non profunt.

2. Præterea. Gregorius in pastorali (par. 1. cap. x.) dicit: *Cum is qui displicet ad intercedendum mittitur, irati animus ad deterrora provocatur*. Sed quilibet peccator Deo displicet. Ergo per peccatorum suffragia Deus ad misericordiam non (d) flebitur; & ita alia suffragia non profunt.

3. Præterea. Opus alicuius magis videtur esse fructuosum facienti quam alteri. Sed peccator per opera sua nihil meretur sibi. Ergo multo minus potest alteri mereri.

3. Præterea. Omne opus meritorium oportet esse vivificatum, idest caritate informatum. Sed opera per peccatores facta, sunt mortua. Ergo non possunt per ea iuvari mortui pro quibus fiunt.

5. Sed contra est quod nullus potest scire pro certo de altero, utrum sit in statu culpe, vel gratie. Si ergo illa tantum suffragia prodesse quæ fiunt per eos qui sunt in gratia, non posset homo scire per quos suffragia conquiret suis defunctis; & ita multi a suffragiis procurandis retraherentur.

Præterea. Sicut Augustinus dicit in littera, secundum hoc idvatur aliquis mortuus ex suffragiis, secundum quod diu viveret, meruit ut iuvaretur post mortem. Ergo valor suffragiorum mensuratur secundum conditionem

(a) id. quia scilicet. *Misat retinens quia, suppleendum esse meritorium, & laudabile dici debet.* (b) *Vale gata prece.* (c) id. est solum via exorantis. (d) id. reflectitur.

ditiones eius pro quo fiunt. Non ergo differt, ut videtur, utrum per bonos, vel per males fiant.

#### QUAESTIUNCULA IV.

1. Ulterius. Videtur quod suffragia quæ a vivis pro mortuis fiunt, facientibus non proficiunt. Quia si aliquis pro altero debitum solveret, secundum humanam iustitiam, ipse a debito proprio non absolveretur. Ergo per hoc quod aliquis suffragia faciens debitum solvit pro illo pro quo facit, ex hoc a debito proprio non absolvitur.

2. Præterea. Unusquisque debet quod facit, facere meliori modo quo potest. Sed melius est iuvare duos quam unum. Si ergo qui per suffragia debitum mortui solvit, a proprio debito liberatur, videtur quod nunquam deberet aliquis pro seipso satisfacere, sed semper pro alio.

3. Præterea. Si satisfactio alicuius pro alio satisfaciens æqualiter prodesset sibi ut ei pro quo satisfaciit, eadem ratione æqualiter valebit & tertio, si pro eodem satisfaciit simul, similiter & quarto, & sic deinceps. Ergo unus posset una satisfactione pro omnibus satisfacere; quod est absurdum.

Sed contra est quod dicitur in Psal. xxxiv. *Oratio mea in sinu meo convertitur*. Ergo eadem ratione & suffragia quæ pro aliis fiunt, facientibus proficiunt.

Præterea. Damascenus dicit in sermone de his qui in fide dormierunt: *Quemadmodum unguento, vel alio oleo sancto circumlinire volens infirmum, primo ille scilicet participatunctionem, deinde sic perungis laborantem; sic quicumque pro proximi salute agonizat, primum sibi ipsi prodest, deinde proximo*. Et sic habetur propositum.

#### SOLUTIO I.

Respondeo dicendum ad primam questionem, quod aucto noster ad duo valere potest. Primo ad aliquem statum acquirendum, sicut per opus meritorium homo acquirit statum beatitudinis. Secundo (a) ad aliquid consequens statum accidentalem, vel dimissionem pœnæ. Ad utrumque autem horum actus noster dupliciter valere potest: uno modo per viam meriti, alio modo per viam orationis. Est differentia inter istas duas vias, ut in xv. dist. dictum est: quia meritum innititur iustitiæ; sed orans impetrat

petitum ex sola liberalitate eius qui oratur. Dicendum ergo, quod opus unius nullo modo potest alteri valere ad statum consequendum per viam meriti, ut scilicet ex his quæ ego facio, aliquis mereatur vitam æternam: quia fors gloriæ (b) redditur secundum mensuram accipientis. Unusquisque autem ex suo actu disponitur, & non ex alieno: & dico dispositionem dignitatis ad præmium. Sed per viam orationis etiam quantum ad statum consequendum, opus unius alteri, dum est in via, valere potest, sicut quod unus homo impetrat alteri primam gratiam. Cum enim impetratio orationis sit secundum liberalitatem Dei qui oratur, ad omnia illa impetratio orationis se potest extendere quæ potestati divinæ subsunt (c) ordinate. Sed quantum ad aliquid quod est consequens, vel accessorium ad statum, opus unius potest valere alteri non solum per viam orationis, sed etiam per viam meriti. Quod quidem dupliciter contingit. Vel propter communicantiam in radice operis, quæ est caritas in operibus meritoriis: & ideo omnes qui invicem caritate connectuntur, aliquid emolumentum ex mutuis operibus reportant, tamen secundum mensuram status uniuscuiusque, quia etiam in patria unusquisque de bonis gaudebit alterius: & inde est quod articulus fidei ponitur Sanctorum communio. Alio modo ex intentione facientis, qui aliqua opera specialiter ad hoc facit ut talibus proficiat: unde ista opera quodammodo efficiuntur eorum pro quibus fiunt, quasi eis a faciente collata: unde possunt eis valere vel ad impletionem satisfactionis, vel ad quidquid huiusmodi, quod statum non mutat.

Ad primum ergo dicendum, quod messio illa est perceptio vitæ æternæ, sicut habetur Ioan. iv. 36. *Et qui metit .... fructum congregat in vitam æternam*. Sors autem vitæ æternæ non datur alicui nisi pro operibus propriis: quia etiam si aliquis alteri impetrat ut ad vitam æternam perveniat, nunquam tamen hoc fit nisi mediante operibus propriis, dum scilicet precibus alicuius gratia alicui datur, per quam mereatur vitam æternam.

Ad secundum dicendum, quod opus quod pro aliquo fit, efficitur eius pro quo fit: & similiter opus quod est eius qui mecum est unum, est quodammodo & meum: unde non est contra divinam iustitiam, si unus fructum percipit de operibus factis ab eo qui est

(a) *Al. Forte ad aliquid accidentale (vel accessorium) consequens statum & ut dimissionem (vel diminutionem) pœnæ.* (b) *Al. reddit mensuram.* (c) *Niceni ordinata.*



est enim secundum caritatem, vel ab operibus proprie factis. Hoc etiam secundum humanam iustitiam contingit, ut satisfactio unus pro alio accipiatur.

Ad tertium dicendum, quod laus non datur alicui nisi secundum ordinem eius ad aliam: unde laus est ad aliquid, ut dicitur in I. Ethic. (cap. xii. vel xviii.) Et quia ex opere alterius nullus efficitur, vel ostenditur bene dispositus, vel male ad aliquid, inde est quod nullus laudatur ex operibus alterius; nisi per accidens, secundum quod ipse est aliquo modo illorum operum causa, auxilium, vel consilium praebeo, vel inducens, vel quocumque alio modo. Sed opus est meritum alicui non solum considerata eius dispositione, sed etiam quantum ad aliquid consequens dispositionem, vel statum eius, ut ex dictis patet.

Ad quartum dicendum, quod aufferre alicui quod sibi debetur, hoc directe iustitiae repugnat; sed dare alicui quod ei non debetur, hoc non est iustitiae contrarium, sed iustitiae metas excedit, est enim liberalitatis. Non autem posset aliquis laedi ex malis alterius, nisi aliqui ei de suo subtraheretur: & ideo non ita contingit quod aliquis puniatur pro peccatis alterius, sicut quod emolumentum percipiat ex bonis alterius.

### SOLUTIO II.

Ad secundam questionem dicendum, quod caritas, quae est vinculum uniens membra Ecclesiae, non solum ad vivos se extendit, sed etiam ad mortuos qui in caritate decessunt: caritas enim vita corporis non finitur: I. Corinth. xiii. 8. *Caritas nunquam excidit*. Similiter etiam mortui in memoriis hominum viventium vivunt: & ideo intentio viventium ad eos dirigi potest; & sic suffragia vivorum dupliciter mortuis profunt, sicut & vivis, & propter caritatis unionem, & propter intentionem ad eos directam. Non tamen sic eis valere credenda sunt vivorum suffragia, ut status eorum mutetur de miseria in felicitatem, vel e converso; sed valent ad diminutionem poenae, vel aliquid huiusmodi, quod statum mortui non transmutat.

Ad primum ergo dicendum, quod homo, dum in corpore vivit, meruit ut haec ei valeret post mortem: & ideo si post hanc vitam eis iuvatur, nihilominus hoc procedit ex his quae in corpore gessit. Vel dicendum secundum Ioannem Damascenum in sermone praefato, quod hoc est intelligendum

quantum ad retributionem quae fiet in finali iudicio, quae erit aeternae gloriae, vel aeternae miseriae, in qua quilibet recipiet sortem secundum quod ipse in corpore gessit. Interim autem iuvari possunt vivorum suffragiis.

Ad secundum dicendum, quod auctoritas illa expresse loquitur de sequela aeternae retributionis, quod patet ex hoc quod praemittitur: *Beati mortui qui in Domino moriuntur*. Vel dicendum, quod opera pro eis facta sunt & quodammodo eorum, ut dictum est.

Ad tertium dicendum, quod quamvis animae post mortem non sint simpliciter in statu viae, tamen quantum ad aliquid adhuc sunt in via, in quantum scilicet eorum progressus adhuc retardatur ab ultima retributione: ideo simpliciter eorum via est circumscripta, ut non possint ulterius transmutari secundum statum felicitatis, & miseriae; sed quantum ad hoc non est circumscripta, quin quantum ad hoc quod detinentur ab ultima retributione, possint ab aliis iuvari, quia secundum hoc adhuc sunt in via.

Ad quartum dicendum, quod quamvis communicatio civium operum, de qua Philosophus loquitur, non possit esse mortuorum ad vivos, quia mortui extra vitam civilem sunt; potest tamen esse eorum communicatio quantum ad opera spiritalis vitae, quae est per caritatem ad Deum, cui mortuorum spiritus vivunt.

### SOLUTIO III.

Ad tertiam questionem dicendum, quod in suffragiis quae sunt per malos, duo possunt considerari. Primo ipsum opus operatum, sicut sacrificium altaris: & quia nostra sacramenta ex seipsis efficaciam habent absque opere operantis, quam aequaliter expient per quoscumque fiant, quantum ad hoc suffragia per malos facta defunctis profunt. Alio modo quantum ad opus operantis; & sic distinguendum est. Quia operatio peccatoris suffragia facientis potest uno modo considerari, ut est eius; & sic nullo modo meritoria esse potest nec sibi, nec alii: alio modo, in quantum est alterius, quod dupliciter contingit. Uno modo in quantum peccator suffragia faciens gerit personam totius Ecclesiae, sicut sacerdos cum dicit in Ecclesia exequias mortuorum: & quia ille intelligitur facere cuius nomine, vel vice fit, ut patet per Dionysium in xiii. cap. cxi. Hic. inde est quod suffragia talis sacerdos

tis,

tis, quamvis sit peccator, pro defunctis profunt. Alio modo quando agit ut instrumentum alterius: opus enim (a) ministri est magis principalis agentis. Unde quamvis ille qui agit ut instrumentum alterius, non sit in statu merendi, actio tamen eius potest esse meritoria ratione principalis agentis, sicut si servus in peccato existens quodcumque opus misericordiae facit ex praecepto domini sui caritatem habentis. Unde si aliquis in caritate decedens praeceptis sibi suffragia fieri, vel alius praeceptis caritatem habens, illa suffragia valent defuncto, quamvis illi per quos fiant, in peccato existant. Magis tamen valerent, si in caritate essent, quia tunc ex duabus partibus opera illa meritoria essent.

Ad primum ergo dicendum, quod oratio per peccatorem facta quandoque non est peccatoris, sed alterius: & ideo secundum hoc digna est ut a Deo exaudiat. Tamen etiam quandoque Deus peccatores audit, scilicet quando peccatores petunt aliquid Deo acceptum: non enim iustus solus, sed etiam peccatoribus Deus bona sua providet, ut patet Matth. v. non autem ex eorum meritis, sed ex sua clementia: & ideo Ioan. ix. super illud, *Peccatores Deus non audit*, dicit Glossa, quod loquitur ut inunctus, id est non adhuc plene videns.

Ad secundum dicendum, quod quamvis ex parte eius qui displicet, oratio peccatoris non sit accepta; tamen ratione alterius cuius vice, vel imperio agit, potest esse Deo accepta.

Ad tertium dicendum, quod hoc quod peccator faciens huiusmodi suffragia nullum repercat commodum, contingit ex hoc quod non est capax talis profectus propter propriam indispositionem; & tamen alii qui non est indispositus, aliquo modo valere potest, ut dictum est.

Ad quartum dicendum, quod quamvis opus peccatoris non sit vivum, inquantum est eius, potest tamen esse vivum inquantum est alterius, ut dictum est.

Sed quia rationes quae sunt in oppositum, videntur concludere quod non differat, utrum quis suffragia procuret per bonos, vel per malos; ideo ad eas etiam est respondendum.

Ad quintum dicendum, quod quamvis aliquis pro certo scire non possit de altero, an sit in statu salutis, tamen potest probabiliter estimare ex his quae exterius videt de homine: ex fructu enim suo arbor cognoscitur, ut dicitur Matth. vii.

S. Th. Oper. Tom. XIII.

(a) ad. m. ministri.

Ad sextum dicendum, quod ad hoc quod suffragium alicui valeat, requiritur & ex parte eius pro quo fit, capacitas huiusvaloris; & hanc homo acquisivit per opera propria quae gessit in vita: & sic loquitur Augustinus. Requiritur nihilominus qualitas operis, quae prodesse debet; & hac, non pendet ex eo pro quo fit, sed magis ex eo qui facit vel exequendo, vel imperando.

#### SOLUTIO IV.

Ad quartam questionem dicendum, quod opus suffragii quod pro altero fit, potest considerari dupliciter. Uno modo ut est expiativum poenae per modum cuiusdam recompensationis, quae in satisfactione attenditur; & hoc modo opus suffragii, quod reputatur quasi eius pro quo fit, ita absolvit eum a debito poenae quod non absolvit facientem a debito poenae propriae: quia in tali recompensatione consideratur aequalitas iustitiae; opus autem istud satisfactorium ita potest adaequari reatu uni quod alteri non aequatur. Reatus enim duorum peccatorum maiorem satisfactionem requirit quam reatus unus. Alio modo potest considerari inquantum est meritum vitae aeternae, quod habet inquantum procedit ex radice caritatis; & secundum hoc non solum prodest ei pro quo fit, sed facienti magis.

Er per hoc patet solutio ad obiecta. Primae enim rationes procedebant de opere suffragii secundum quod est satisfactorium, sed aliae secundum quod est meritum.

#### ARTICULUS II.

*Utrum suffragia profunt existentibus in inferno.*

*Quod. II. cap. xvi.*

1. **A**d secundum sic proceditur. Videtur quod suffragia profunt existentibus in inferno per hoc quod habetur II. Mach. xii. 40. quod *invenimus sub tunicis intersectorum de donariis idolorum, a quibus lex prohibet Iudeis; & tamen post subditur, quod Iudas duodecim millia dracmas argenti misit Hierosolymam offerri pro peccatis mortuorum*. Constat autem illos mortaliter peccasse contra legem agentes, & ita in mortali peccato decessisse, & ita ad infernum esse translatos. Ergo in inferno existentibus suffragia profunt.

2. Praeterea. In littera habetur ex verbis

Aaa Au-

Augustini, quod quibus valent suffragia, vel ad hoc profunt ut sit plena remissio, vel ad hoc ut tolerabilior sit eorum damnatio. Sed soli illi qui sunt in inferno, damnati esse dicuntur. Ergo etiam existentibus in inferno suffragia profunt.

3. Præterea. Dionysius in ult. cap. cal. Hierar. dicit: *Si hic infernum orationes & secundum hanc vitam, quanto magis post mortem in his qui digni sunt, sacris orationibus operantur tantummodo? Ex quo potest accipi, quod suffragia magis profunt mortuis quam etiam vivis. Sed vivis profunt etiam in peccato mortali existentibus cum quotidie oret Ecclesia pro peccatoribus, ut convertantur ad Deum. Ergo etiam mortuis in peccato mortali suffragia valent.*

4. Præterea. In viris patrum legitur, quod etiam Damascenus in sermone suo refert, quod Macarius inventa in via calvaria cuiusdam defuncti, oratione præmissa quaesivit cuius caput fuisset, & caput dedit responsum, quod fuerat sacerdotis gentilis, qui in inferno erat damnatus; & tamen confessus est oratione Ecclesiae se, & alios iuvare. Ergo suffragia Ecclesiae etiam existentibus in inferno profunt.

5. Præterea. Damascenus in eodem sermone narrat, quod Gregorius pro Traiano orationem fundens audivit vocem sibi divinitus (a) allatam: *Vocem tuam audivi, (b) & veniam Traiano do: cuius rei, ut Damascenus dicit in dicto sermone, testis est oriens omnis, & occidens. Sed constat Traianum in inferno fuisse: quia multorum martyrum necem amaram instituit, ut ibidem Damascenus dicit. Ergo suffragia etiam valent existentibus in inferno.*

Sed contra est quod dicit Dionysius vii. cap. cal. Hier. *Summus sacerdos pro immundis non orat, quia in hoc averteretur a divino ordine: & Commentator ibidem dicit, quod peccatoribus non orat remissionem, quia non auferretur pro illis. Ergo non valent existentibus in inferno suffragia.*

Præterea. Gregorius dicit in XXXIV. Moral. (cap. xvi.) *Eadem causa est cur non oretur tunc, scilicet post diem iudicii, pro hominibus eterno igne damnatis, quæ nunc causa est ut non oretur pro diabolo, angelisque eius eterno supplicio damnatis: quæ etiam nunc causa est ut non oretur sancti pro hominibus infidelibus, (c) impiisque disjunctis: quia de eis nique, quos eterno damnator supplicio iam noverunt, ante illum iusti iudicis conspectum*

*orationis suæ meritum cussuri refugiant. Ergo suffragia damnatis in inferno non valent.*

Præterea. In littera habetur ex verbis Augustini: *Qui sine fide operante per dilectionem, eiusque sacramentis a corpore exsunt, frustra illis a suis huiusmodi officia impenduntur. Sed omnes damnati sunt huiusmodi. Ergo suffragia damnatis in inferno non profunt.*

## QUAESTIUNCULA II.

1. Ulterius. Videtur quod nec etiam existentibus in purgatorio. Quia purgatorium pars quædam inferni est. Sed in inferno nulla est redemptio: & Psal. vi. 6. dicit: *In inferno autem quis confitebitur tibi? Ergo suffragia his qui sunt in purgatorio, non valent.*

v. Præterea. Pœna purgatorii est finita. Si ergo per suffragia aliquid de pœna dimittitur, tantum poterunt multiplicari suffragia, quod tota tolletur, & ita peccatum remanebit totaliter impunitum; quod repugnare videtur divine iustitie.

3. Præterea. Ad hoc animæ in purgatorio detinentur, ut ibi purgatz, puræ ad regnum perveniant. Sed non potest purgari anima, nisi aliquid circa ipsam fiat. Ergo suffragia facta per vivos pœnam purgatorii non diminuent.

4. Præterea. Si suffragia existentibus in purgatorio valerent, maxime ea viderentur valere quæ sunt ad eorum imperium facta. Sed hæc non semper valent, sicut si aliquis decedens disponit tot suffragia pro se fieri, quæ si facta essent sufficerent ad totam pœnam abolendam. Posito ergo quod huiusmodi suffragia differantur quousque ille pœnam evasit, ista suffragia ei nihil proderunt: non enim potest diei, quod ei profuit antequam fiant; postquam autem fuit facta, eis non indiget, quia iam pœnam evasit. Ergo suffragia existentibus in purgatorio non valent.

Sed contra est quod dicitur in littera ex verbis Augustini, quod suffragia profunt his qui sunt mediocriter boni, vel mali. Sed tales sunt qui in purgatorio detinentur. Ergo &c.

Præterea. Dionysius dicit in vii. cap. cal. Hierar. quod divinus sacerdos pro mortuis orans, pro illis orat qui sancte vixerunt, & tamen aliquas maculas habuerunt ex infirmitate humana contractas. Sed tales in purgatorio detinentur. Ergo &c.

## QUAE-

(a) Al. illarum. Suppl. meritum vero pœnæ, vii. art. 5. dicentem. (b) Al. quod. (c) Al. ipsique.

## QUÆSTIUNCULA III.

1. Ulterius. Videtur quod suffragia valent pueris in limbo existentibus. Quia illi non detinentur nisi pro peccato alieno. Ergo maxime decens est ut ipsi iuventur suffragiis alienis.

2. Præterea. In littera habetur ex verbis Augustini, quod suffragia Ecclesiæ pro non valde malis propitiationes sunt. Sed pueri non computantur inter valde malos, cum mitissima sit eorum pœna. Ergo suffragia Ecclesiæ eos iuvant.

Sed contra est quod habetur in littera ab Augustino, quod suffragia non profunt illis qui sine fide operante per dilectionem hinc exierunt. Sed pueri hoc modo exierunt. Ergo eis suffragia non profunt.

## QUÆSTIUNCULA IV.

1. Ulterius. Videtur quod aliquo modo profunt sanctis existentibus in patria, per hoc quod habetur in collecta Missæ: *Sicut sanctis tuis profunt ad gloriam, scilicet sacramenta, ita nobis proficiant ad medelam.* Sed inter alia suffragia præcipuum est sacramentum altaris. Ergo suffragia profunt sanctis qui sunt in patria.

2. Præterea. Sacramenta efficiunt quod figurant. Sed tertia pars hostiæ, scilicet in calicem missæ, significat eos qui in patria vitam beatam ducunt, ut supra dist. xii. (quæst. 1. art. 3. quæstiunc. 3. ad 4.) dictum est. Ergo suffragia Ecclesiæ profunt etiam existentibus in patria.

3. Præterea. Sancti non solum gaudent de bonis propriis, sed etiam de bonis aliorum: unde Luc. xv. 10. dicitur: *Gaudium (a) est Angelis Dei super uno peccatore penitentem agente.* Ergo ex bonis operibus viventium, sanctorum qui sunt in patria gaudium crescit, & ita etiam eis nostra suffragia profunt.

4. Præterea. Damascenus (b) in sermone de dormientibus inducens verba Chrysostomi. *Si enim gentiles, inquit, cum his qui abierunt, sua comburent; quanto magis te fidelem mittere convenit cum fidelis ipsius propria, non ut favilla fiant & hac velut illa, sed ut maiorem hinc circumponas gloriam: & si quidem peccator fuerit qui mortuus est, ut peccamina solvas; si autem iustus, ut apostolus fiat mercedis, & retributionis.* Et sic idem quod prius.

Sed contra est quod habetur in littera ex verbis Augustini. *Iniuria est in Ecclesiâ ora-*

*re pro martyre, cuius nos debemus orationibus commendare.*

Præterea. Eius est iuvare cuius est indigere. Sed sancti in patria sunt absque omni indigentia. Ergo per suffragia Ecclesiæ non iuvantur.

## SOLUTIO I.

Respondeo dicendum ad primam quæstionem, quod circa damnatos in inferno fuit duplex opinio.

Quidam enim dixerunt in hoc distinguendum esse dupliciter. Uno modo quantum ad tempus, dicentes, quod post diem iudicii nullus in inferno existens aliquo suffragio iuvabitur, sed ante diem iudicii aliqui iuvantur suffragiis Ecclesiæ. Alio modo distinguiebant quantum ad personas in inferno detentas, inter quas quosdam dicebant esse valde malos, qui scilicet sine fide, & sacramentis Ecclesiæ decesserunt: & talibus qui de Ecclesiâ non fuerunt, nec merito, nec numero suffragia Ecclesiæ prodesse possunt. Alii vero sunt non valde mali, qui scilicet de Ecclesiâ fuerunt numero, & fidem habentes, & sacramentis imbuti, & aliqua opera de genere bonorum facientes; & talibus suffragia Ecclesiæ prodesse debent. Sed occurtebat eis quedam dubitatio eos perturbans, quia scilicet videbatur ex hoc sequi, cum pœna inferni sit finita secundum intentionem, quamvis duratione infinita existat, quod multiplicatis suffragiis pœna illa auferretur; quod est error Origenis: & ideo hoc inconveniens multipliciter evadere voluerunt. Præpositivus enim dixit, quod tantum possunt suffragia pro damnatis multiplicari, quod a pœna tota redduntur immunes; non autem simpliciter, ut Origenes posuit, sed ad tempus, scilicet usque ad diem iudicii: tunc enim animæ iterato corporibus coniunguntur in pœnas inferni sine ipsis veniæ retrahuntur. Sed ista opinio videtur divinæ repugnare providentiæ, quæ nihil in rebus inordinatum relinquit. Culpa autem ordinari non potest nisi per pœnam: unde non potest esse ut pœna tollatur, nisi prius culpa expietur: & ideo cum (c) culpa continue maneat in damnatis, eorum pœna nullatenus interruptur.

Et ideo Porretani alium modum invenerunt, dicentes, quod hoc modo proceditur in diminutione pœnarum per suffragia, sicut proceditur in divisione linearum, quæ cum sint finitæ, tamen in infinitum dividi possunt; & nunquam per divisionem con-

Aaa 2 su-

(a) Vulgata: erig quam Angelis. (b) Al. additur dicit. (c) Al. deß culpa.

sumuntur, dum fit subtractio non secundum eandem quantitatem, sed secundum eandem proportionem; velut si primo auferatur pars quarta totius, & secundo quarta illius quartæ, & iterum quarta illius quartæ, & sic deinceps in infinitum. Et similiter dicunt, quod per primum suffragium diminuitur aliquota pars pœnæ, & per secundum pars aliqua remanens secundum eandem proportionem. Sed iste modus multipliciter defectivus invenitur. Primo quia infinita divisio, quæ congruit continuæ quantitati, non videtur posse ad quantitatem spirituales transferri. Secundo quia non est aliqua ratio quare secundum suffragium minus de pœna diminuat quam primum, si sit æqualis valoris. Tertio quia pœna diminui non potest nisi diminuat & culpa, sicut nec auferri nisi ea ablata. Quarto quia in divisione lineæ tandem pervenitur ad hoc quod non est sensibile: corpus enim sensibile non est in infinitum divisibile. Et sic sequeretur quod post multa suffragia pœna remanens propter sui parvitatem non sentiretur, & ita non esset pœna.

Et ideo alii invenerunt alium modum. Altitodorensis enim dixit, quod suffragia profunt damnatis non quidem per diminutionem, vel per interruptionem, sed per consolationem patientis; sicut si homo portaret grave onus, & facies sua perfunderetur aqua: sic enim confortaretur ad melius portandum, cum tamen onus suum in nullo levius fieret. Sed hoc iterum esse non potest: quia aliquis plus, vel minus æterno igne gravatur, ut Gregorius dicit, secundum meritum culpæ: & inde est quod eodem igne quidam plus, quidam minus cruciantur. Unde cum culpa damnati immutata remaneat, non potest esse quod levius pœnam seriat. Est nihilominus & prædicta opinio præsumptuosa, utpote sanctorum dictis contraria: & vana, nulla auctoritate fulta; & nihilominus irrationalis: tum quia damnati in inferno sunt extra vinculum caritatis, secundum quam opera vivorum continuantur defunctis: tum quia totaliter ad viæ terminum pervenerint recipientes ultimam pro meritis retributionem, sicut & sancti qui sunt in patria. Quod enim adhuc restat de pœna, vel gloria corporis, hoc eis rationem viatoris non præbet, cum gloria essentialiter & radicaliter existat in anima; & similiter miseria damnatorum: & ideo non potest pœna eorum diminui, sicut nec gloria sanctorum augeri quantum ad præmium essentialiter.

Sed tamen modus qui a quibusdam ponitur, quod suffragia profunt damnatis, potest aliquo modo sustineri, ut si dicatur, quod non profunt neque quantum ad diminutionem pœnæ, vel interruptionem, vel quantum ad diminutionem sensus pœnæ; sed quia ex huiusmodi suffragiis eis aliqua materia doloris subtrahitur, quæ eis esse posset, si ita se abiectione conspicerent quod pro eis nullam curam haberent (a) vivi: quæ materia doloris eis subtrahitur, dum suffragia pro eis fiunt. Sed istud etiam non potest esse secundum legem communem: quia, ut Augustinus dicit in Lib. de cura pro mortuis agenda (cap. xiii.) (quod præcipue de damnatis verum est) *ibi sunt spiritus defunctorum ubi non vident quæcumque agunt, aut eveniunt in ipsa vita hominibus*: & ita non cognoscunt quando pro eis suffragia fiunt, nisi supra communem legem hoc remedium divinitus detur aliquibus damnatorum; quod est verbum omnino incertum.

Unde tutius est simpliciter dicere, quod suffragia non profunt damnatis, nec pro eis Ecclesia orare intendit, sicut ex auctoritatibus inductis apparet.

Ad primum ergo dicendum, quod donaria idolorum non fuerunt inventa apud illos mortuos, ut ex eis signum accipi posset quod in reverentiam idolorum (b) ea deferrent; sed ea acceperunt ut victores quæ eis iure belli debebantur; & tamen per avaritiam venialiter peccaverunt: unde non fuerunt in inferno damnati; & sic suffragia eis prodesse poterant. Vel dicendum secundum quoddam, quod in ipsa pugna videntes sibi periculum imminere, de peccato pœnituerunt, secundum illud Psal. lxxvii. 34. *Cum occideret eos, quærebant eum*. Et hoc probabiliter potest estimari: & ideo oblatio pro eis fuit sacra.

Ad secundum dicendum, quod damnatio in verbis illis large accipitur pro quacumque punitione, ut sic includat & pœnam purgatorii: quæ quandoque totaliter per suffragia expiatur; quandoque autem non, sed diminuitur.

Ad tertium dicendum, quod quantum ad hoc magis acceptatur suffragium pro mortuo quam pro vivo, quia magis indiget, cum non possit auxiliari sibi, sicut vivus potest; sed quantum ad hoc vivus est melioris conditionis, quia potest transferri de statu culpæ mortalis in statum gratiæ, quod de mortuis dici non potest: & ideo non est eadem causa orandi pro mortuis, & pro vivis.

Ad

(a) *Al. desu vivi.* (b) *Al. eo.*

Ad quartum dicendum, quod illud adiutorium non erat (=) in hoc quod poenae eorum diminueretur, sed in hoc solo, ut ibidem dicitur, quod eo orante concedebatur eis ut mutuo se viderent: & in hoc aliquod gaudium non verum, sed phantasticum habebant, dum implebatur hoc quod desiderabant; sicut & daemones gaudere dicuntur, dum homines ad peccata pertrahunt, quamvis per hoc eorum poena nullatenus minuat, sicut nec minuitur gaudium Angelorum per hoc quod malis nostris compati dicuntur.

Ad quintum dicendum, quod de facto Traiani hoc modo potest probabiliter estimari, quod precibus Beati Gregorii ad vitam fuerit revocatus, & ibi gratiam consecutus sit, per quam remissionem peccatorum habuit, & per consequens immunitatem a poena; sicut etiam apparet in omnibus illis qui fuerunt miraculose a mortuis suscitati, quorum plures constat idolatras, & damnatos fuisse. De omnibus enim similiter dici oportet, quod non erant in inferno finaliter deputati, sed secundum praesentem iustitiam propriorum meritorum; secundum autem superiores causas, quibus praevidebantur ad vitam revocandi, erat de eis aliter disponendum. Vel dicendum secundum quoddam, quod anima Traiani non fuit simpliciter a reatu poenae aeternae absoluta; sed eius poena fuit suspensa ad tempus, scilicet usque ad diem iudicii. Nec tamen oportet quod hoc fiat communiter per suffragia: quia alia sunt quae lege communi accidunt, & alia quae singulariter ex privilegio aliquibus conceduntur; sicut aliae sunt humanarum limites rerum, alia divina signa virtutum, ut Augustinus dicit in Lib. de cura pro mortuis agenda (cap. xvi.)

### SOLUTIO II.

Ad secundam questionem dicendum, quod poena purgatorii est in supplementum satisfactionis quae non fuerat plene in corpore consummata: & ideo quia, sicut ex praedictis patet, & ex his quae supra dist. xx. dicta sunt, opera unius possunt valere alteri ad satisfactionem, sive vivis, sive mortuis; non est dubium quin suffragia per vivos facta existentibus in purgatorio prosint.

Ad primum ergo dicendum, quod auctoritas illa loquitur de inferno damnatorum, in quo nulla est redemptio quantum ad illos qui sunt finaliter tali poenae deputati.

Vel dicendum secundum Damascenum in sermone de dormientibus, quia huiusmodi auctoritates exponendae sunt secundum causas inferiores, scilicet secundum exigentiam meritorum eorum qui poenis deputantur; sed secundum divinam misericordiam, quae vincit humana merita, ad preces iustorum aliter quandoque disponitur quam sententia praedictarum auctoritarum contineat. Deus autem mutat sententiam, sed non consilium, ut dicit Gregorius: unde etiam Damascenus ponit ad hoc exempla de Ninivitis, Achab, & Ezechia, in quibus apparet quod sententia contra eos lata divinitus fuit per divinam misericordiam commutata.

Ad secundum dicendum, quod non est inconveniens, si multiplicatis suffragiis poena in purgatorio existentium annihilaretur; non tamen sequitur quod peccata remaneant impunita: quia poena unus pro altero suscepta alteri computatur.

Ad tertium dicendum, quod purgatio animarum per poenas purgatorii non est aliud quam expiatio reatus impeditis a perceptione glorie: & quia per poenam quam unus sustinet pro alio, potest reatus alterius expiari, ut dictum est, non est inconveniens, si per unius satisfactionem alius purgetur.

Ad quartum dicendum, quod suffragia ex duobus valent, scilicet ex opere operante, & ex opere operato. Et dico opus operatum non solum Ecclesiae sacramentum, sed effectum accidentem ex operatione, sicut ex collatione elemosynarum consequitur pauperum revelatio, & eorum oratio pro defuncto ad Deum. Similiter opus operans potest accipi vel ex parte principalis agentis, vel ex parte exequentis. Dico ergo, quod quam cito moriens disponit aliqui suffragia sibi fieri, praeium suffragiorum plene consequitur, ante etiam quam fiant, quantum ad efficaciam suffragii, quae erat ex opere operante principalis agentis; sed quantum ad efficaciam suffragiorum quae est ex opere operato, vel ex opere operante exequentis non consequitur fructum antequam suffragia fiant, & si prius contingat ipsum a poena purgari, quantum ad hoc fraudabitur suffragiorum fructu; quod redundabit in illos quorum culpa defraudatur. Non enim est inconveniens quod aliquis defraudemur per culpam alterius in temporalibus; poena autem purgationis temporalis est; quamvis quantum ad retributionem nullus defraudari possit, nisi per propriam culpam.

S O.

(\*) Ad dist. in hoc.

## SOLUTIO III.

Ad tertiam quæstionem dicendum, quod pueri non baptizati non detinentur in limbo, nisi quia deficiunt a statu gratiæ: unde cum per opera vivorum, mortuorum status mutari non possit, maxime quantum ad meritum essentialis præmii, vel pœnæ, suffragia vivorum pueris in limbo existentibus prodesse non possunt.

Ad primum ergo dicendum, quod quamvis peccatum originale sit huiusmodi quod pro eo possit aliquis ab alio iuari, tamen animæ puerorum in limbo existentes sunt in tali statu quod iuari non possunt: quia post hanc vitam non est tempus gratiam acquirendi.

Ad secundum dicendum, quod Augustinus loquitur de non valde malis, qui tamen baptizati sunt; quod patet ex hoc quod permittitur: *Cum ergo sacrificia sive altaris, sive quatuorcumque elemosynarum pro baptizatis omnibus offeruntur.*

## SOLUTIO IV.

Ad quartam quæstionem dicendum, quod suffragium de sui ratione importat quamdam auxilium, quæ non competit ei qui defectum non patitur: nulli enim iuari competit nisi in eo quod indigens est. Unde cum sancti qui sunt in patria, sint ab omni indigentia immunes, inebriati ab ubertate domus Dei, eis iuari per suffragia non competit.

Ad primum ergo dicendum quod huiusmodi locutiones non sunt sic intelligendæ, quasi sancti in gloria proficiant quantum ad se, quod eorum festa recolimus; sed quia nobis proficiunt, qui eorum gloriam solemniter celebramus; sicut ex hoc quod Deum cognoscimus, vel laudamus, & sic quodammodo eius gloria in nobis crescit; nihil Deo, sed nobis accrescit.

Ad secundum dicendum, quod quamvis sacramenta efficiant quod figurant, non tamen illius effectum suum ponunt circa omne id quod figurant: alias cum figurent Christum, in ipso Christo aliquid efficerent; quod est absurdum: sed efficiunt circa suscipientem sacramentum ex virtute eius quod per sacramentum significatur: & sic non legitur quod sacrificia pro fidelibus defunctis oblata sanctis prosint; sed quia ex meritis

sanctorum qui recoluntur, vel significantur in sacramento, prosunt aliis pro quibus offeruntur.

Ad tertium dicendum, quod quamvis sancti qui sunt in patria, de omnibus bonis nostris gaudeant, non tamen sequitur quod multiplicatis nostris gaudiis eorum gaudium augmentetur formaliter, sed materialiter tantum: quia omnis passio formaliter augetur secundum rationem obiecti sui. Ratio autem gaudendi in sanctis, de quibuscumque gaudent, est ipse Deus de quo non possunt magis, & minus gaudere: quia sic essentialiter eorum præmium variaretur, quod consilium in hoc quod de Deo gaudent. Unde ex hoc quod bona multiplicantur, de quibus gaudendi ratio eis Deus est, non sequitur quod intensius gaudeant, sed quod de pluribus gaudeant: & ideo non sequitur quod operibus nostris iuventur.

Ad quartum dicendum, quod non est intelligendum quod fiat oppositio mercedis, vel retributionis illi beato per suffragia ab aliquo facta, (a) sed facienti. Vel dicendum, quod ex suffragiis potest oppositio mercedis fieri beato defuncto, in quantum sibi de suffragiis faciendis adhuc vivens (b), disposuit, quod ei meritum fuit.

## ARTICULUS III.

*Utrum non solum orationibus Ecclesie, & sacrificio altaris, & elemosinis anime defunctorum iuventur.*

1. Ad tertium sic proceditur. Videtur quod non solum orationibus Ecclesie, & sacrificio altaris, & elemosinis anime defunctorum iuventur, vel quod eis iuventur præcipue. Pœna enim debet per pœnam recompensari: Sed ieiunium magis est pœnale quam elemosyna, vel oratio. Ergo ieiunium magis prodesset in suffragiis quam aliquid prædictorum.

2. Præterea. Gregorius (H.) tribus (c) prædictis communerat ieiunium, ut habetur ca. xiii. quæst. xi. *Anime defunctorum quatuor solvantur modis, aut oblationibus sacerdotum, aut orationibus sanctorum, aut cariorum elemosynis, aut ieiunio cognatorum.* Ergo (d) insufficienter ab Augustino hæc enumerantur tria prædicta.

3. Præterea. Baptismus est potissimum sacramentorum, maxime quantum ad effectum. Ergo

(a) M. vel facient. (b) M. deposuit. (c) M. de prædictis. (d) M. insufficienter.

Ergo baptismus, vel alia sacramenta debent vel similiter, vel magis prodesse defunctis, sicut sacramentum altaris.

4. Præterea. Hoc videtur ex hoc quod habetur I. Corinth. xv. 29. *Si omnino mortui non resurgent, ut quid baptizantur pro illis.* Ergo baptismus etiam valet ad suffragia defunctorum.

5. Præterea. In diversis Missis est idem altaris sacrificium. Si ergo sacrificium computatur inter suffragia, & non Missa, videtur quod tantumdem valeat quæcumque Missa pro defuncto dicatur, sive de beata Virgine, sive de Spiritu sancto, vel quæcumque alia; quod videtur esse contra Ecclesiæ ordinationem, quæ specialem Missam pro defunctis instituit.

6. Præterea. Damascenus in sermone de dormientibus, docet ceras, & oleum, & huiusmodi pro defunctis offerri. Ergo non solum oblatio sacrificii altaris, sed etiam alia oblationes debent inter suffragia mortuorum computari.

## QUAESTIUNCULA II.

1. Ulterius. Videtur quod indulgentiæ quas Ecclesia largitur, etiam mortuis profint. Primo per consuetudinem Ecclesiæ, quæ facit prædicari crucem, ut aliquis habeat indulgentiam pro se, & duobus, vel tribus, & quandoque decem animabus tam vivorum quam mortuorum; quod esset deceptio, nisi mortuis prodesse, Ergo indulgentiæ mortuis profint.

2. Præterea. Meritum totius Ecclesiæ est efficacius quam meritum unius personæ. Sed meritum personale suffragatur defunctis, ut patet in elargitione elemosynarum. Ergo multo fortius meritum Ecclesiæ, cui indulgentiæ innotantur.

3. Præterea. Indulgentiæ Ecclesiæ profunt illis qui sunt de foro Ecclesiæ. Sed illi qui sunt in purgatorio, sunt de foro Ecclesiæ; alias eis suffragia Ecclesiæ non prodesse. Ergo videtur quod indulgentiæ defunctis profint.

Sed contra est, quia ad hoc quod indulgentiæ alicui valeant, requiritur causa conveniens, pro qua indulgentiæ dantur. Sed talis causa non potest esse ex parte defuncti, quia non potest aliquid facere quod sit in utilitatem Ecclesiæ, pro qua causa præcipue indulgentiæ dantur. Ergo videtur quod indulgentiæ defunctis non profint.

Præterea. Indulgentiæ determinantur secundum arbitrium indulgentias concedentis. Si ergo indulgentiæ defunctis prodesse possent, esset in potestate concedentis indulgentiam ut defunctum omnino liberaret a pœna, quod videtur absurdum.

## QUAESTIUNCULA III.

1. Ulterius. Videtur quod cultus exequiarum defuncto profint. Damascenus enim in sermone de dormientibus inducit verba Athanasii sic dicentis: *Licet (a) in aere qui in pietate consummatus est, depositus fuerit, ne venie oleum, & ceras (b) Dominum invocans in sepulcro accendens: accepta enim ista sunt Deo, & multum ab eo recipiant retributionem.* Sed huiusmodi pertinent ad cultum exequiarum. Ergo cultus exequiarum prodest defunctis.

2. Præterea. Sicut dicit Augustinus I. Lib. de Civ. Dei (cap. xiii.) *Antiquorum iustorum funera officiosa pietate curata sunt, & exequia celebrata, & sepulcra provisâ; ipsique cum viverent de sepeliendis, vel etiam ferendis suis corporibus filiis mandaverunt.* Sed hoc non fecissent, nisi sepultura, & huiusmodi aliquid mortuis conferrent. Ergo huiusmodi aliquid profunt defunctis.

3. Præterea. Nullus facit elemosynam circa aliquem, nisi ei proficiat. Sed sepelire mortuos computatur inter opera elemosynarum, unde, ut Augustinus dicit I. de Civ. Dei (ubi sup.) *Tobias sepeliendo mortuos Deum promeruisse teste Angelo commendatur.* Ergo huiusmodi sepultura cultus mortuis prodest.

4. Præterea. Inconveniens est dicere, quod frustraretur devotio fidelium. Sed aliqui ex devotione se in locis aliquibus religiosis sepeliri disponunt. Ergo sepultura cultus prodest defunctis.

5. Præterea. Deus prior est ad misericordiam quam ad puniendum. Sed aliquibus nocet sepultura in locis sacris, si indigni sunt: unde dicit Gregorius (æquivalenter Lib. IV. Dialog. cap. I.) *Quos peccata gravia depriment, ad maiorem damnationis cumulum parius quam ad solutionem eorum corpora in Ecclesiis ponuntur.* Ergo multo amplius dicendum est, quod sepultura cultus proficit bonis.

Sed contra est quod Augustinus dicit in Lib. de cura pro mortuis agenda (cap. ult.) *Corpori humano quidquid impenditur, non est pro.*

(a) Ita Nicolaus ex graeco textu Athanasii ubi  
(b) M. Domini.

hic dicitur habetur. Al. in aere, immo in aëre.



*praesidium salutis aeternae, sed humanitatis officium.*

Præterea. Gregorius dicit ad Bonifacium Archiepiscopum scribens: \* *Curatio funeris, conditio sepulturae, pompa exequiarum magis sunt vivorum solatia quam subsidia mortuorum.*

Præterea. Dominus dicit Matth. x. *Nolite timere eos qui occidunt corpus, & post hæc non habent amplius quid faciant.* Sed post mortem sanctorum corpora possunt a sepultura prohiberi, sicut in ecclesiastica historia legitur factum de quibusdam martyribus Lugduni Gallie. Ergo non nocet defunctis, si eorum corpora inhumata remaneant: ergo nec cultus sepulturae prodest.

### SOLUTIO I.

Respondeo dicendum ad primam questionem, quod suffragia vivorum profunt defunctis secundum quod uniuntur viventibus caritate, & secundum quod intentio viventium reseratur in mortuos: & ideo illa opera præcipue nata sunt mortuis suffragari quæ maxime ad communicationem caritatis pertinent, vel ad directionem intentionis in alterum. Ad caritatem autem sacramentum eucharistiæ præcipue pertinet, cum sit sacramentum ecclesiasticæ unionis, continens illum in quo tota Ecclesia unitur, & consolidatur, scilicet Christum: unde eucharistia est quasi quædam caritatis origo, sive vinculum: sed inter caritatis effectus præcipuum est elemosynarum opus: & ita ista duo ex parte caritatis præcipue mortuis suffragantur, scilicet sacrificium Ecclesiæ, & elemosynæ. Sed ex parte intentionis directionis in mortuos præcipue valet oratio: quia oratio secundum suam rationem non solum dicit respectum ad orantem, sicut & cetera opera, sed directus ad id pro quo oratur. Et ideo ista tria ponuntur quasi præcipua mortuorum subsidia; quamvis quæcumque alia bona ex caritate fiant pro defunctis, eis valere credenda sunt.

Ad primum ergo dicendum, quod in eo qui satisfacit pro altero, magis est considerandum, ad hoc quod effectus satisfactionis ad alterum perveniat, id quo satisfactio unius transit in alterum, quam etiam satis-

factionis poena; quamvis ipsa poena magis expiet reatum satisfaciens, in quantum est medicina quædam: & ideo tria prædicta magis valent defunctis quam ieiunium.

Ad secundum dicendum, quod etiam ieiunium potest prodesse defunctis ratione caritatis, & intentionis in defunctos directionis; sed tamen ieiunium in sui ratione non continet aliquid quod ad caritatem, vel ad directionem intentionis pertineat, sed hæc sunt ei quasi extrinseca: & ideo Augustinus non posuit, sed Gregorius posuit ieiunium inter suffragia mortuorum.

Ad tertium dicendum, quod baptismus est quædam spiritalis regeneratio: unde sicut per generationem non acquiritur esse nisi generato, ita baptismus non habet efficaciam nisi in eo qui baptizatur, quantum est ex opere operato; quamvis ex opere operante vel baptizantis, vel baptizati possunt aliis prodesse, sicut & cetera opera meritoria. Sed eucharistia est signum ecclesiasticæ unionis; & ideo ex ipso opere operato eius efficacia in alterum transire potest, quod non contingit de aliis sacramentis.

Ad quartum dicendum, quod Glossa auctoritatem istam dupliciter exponit. Uno modo sic. *Si mortui non resurgunt, nec etiam Christus resurrexit, ut quid etiam baptizantur pro illis?* „ id est, pro peccatis, cum ipsa „ non dimittantur, si Christus non resurrexit: „ quia in baptismo non solum passio Christi, sed etiam resurrectio operatur, quæ est nostræ spiritualis resurrectionis quodammodo causa. Alio modo sic. „ Fuerunt „ quidam impii qui baptizabantur pro „ his qui de hac vita sine baptismo discesserant, putantes illis prodesse: „ & secundum hoc Apostolus non loquitur nisi secundum errorem aliquorum in verbis illis.

Ad quintum dicendum, quod in officio Missæ non solum est sacrificium, sed etiam sunt ibi orationes: & ideo Missæ suffragium continet duo horum quæ hic Augustinus numerat, scilicet orationem, & sacrificium. Ex parte igitur sacrificii oblatus Missa æqualiter prodest defuncto, de quocumque dicatur: & hoc est (a) præcipuum quod fit in Missa. Sed ex parte orationum magis prodest illa in qua sunt orationes ad hoc deter-

mina-

(a) id est, principium.

EX EDIT. P. NICOLAI. \* Velut ex IV. Lib. Dialog. Supplementum notat quæst. 17. art. 21. & sic etiam habet ms. Sed est potius Augustini Lib. de cura pro mortuis agenda cap. 11. versus finem. Ideo autem hic refertur ex Gregorio ad Archiepiscopum Bonifacium, quia causa xxviii. quæst. 11. uno tenore subnectitur post Gregorii II. verba de suffragiis animarum diversis prænotata. In editione vero Patavina dicitur citari sic regulariter. Præterea. Augustinus dicit in eodem Libro, scilicet de cura pro mortuis agenda (cap. 11. ad finem. & Lib. I. de civit. Dei cap. xxi. &c.)

minatz. Sed tamen iste defectus recompensari potest per maiorem devotionem vel eius qui dicit Missam, vel eius qui facit dici, vel iterum per intercessionem sancti cuius suffragium in Missa imploratur.

Ad sextum dicendum, quod huiusmodi oblatio candelarum, vel olei possunt prodesset defuncto, in quantum sunt elemosynæ quædam: dantur enim ad cultum Ecclesiæ, vel etiam in usum fidelium.

## SOLUTIO II.

Ad secundam questionem dicendum, quod indulgentia dupliciter alicui prodesse potest: uno modo principaliter; alio modo secundario. Principaliter quidem prodest ei qui indulgentiam accipit, scilicet qui facit hoc pro quo indulgentia datur, ut qui visitat limina alicuius sancti: unde cum mortui non possint aliquid facere eorum pro quibus indulgentiæ dantur, eis indulgentiæ directe valere non possunt. Secundario autem, & indirecte profunt ei pro quo aliquis facit illud quod est indulgentiæ causa, quod, sicut dist. xx. (quæst. 1. art. 5. quæstiunc. 3. ad 2.) dictum est, quandoque contingere potest, quandoque autem non potest, secundum diversam indulgentiæ formam. Si enim sit talis indulgentiæ forma: Quicumque facit hoc, vel illud, habebit tantum de indulgentia: ille qui hoc facit, non potest fructum indulgentiæ in alium transferre: quia eius non est applicare ad aliquid intentionem Ecclesiæ, per quam communicantur communia suffragia, ex quibus indulgentiæ valeant. Si autem indulgentia sub hac forma fiat: Quicumque fecerit hoc, vel illud, ipse, & pater eius, vel quicumque ei adiungitur in purgatorio detentus tantum de indulgentia habebit: talis indulgentia non solum vivo, sed etiam mortuo proderit. Non enim est aliqua ratio quare Ecclesia possit transferre merita communia, quibus indulgentiæ innituntur, in vivos, & non in mortuos. Nec tamen sequitur quod prælatus Ecclesiæ possit pro suo arbitrio animas purgatorio liberare: quia ad hoc quod indulgentiæ valeant, requiritur causa conveniens indulgentiæ concedendi, ut supra dist. xx. dictum est.

## SOLUTIO III.

Ad tertiam questionem dicendum, quod sepultura adinventiva est & propter vivos, & propter mortuos. Propter vivos quidem, ne

*S. Th. Op. Tom. XIII.*

eorum oculi ex turpitudine cadaverum offendantur, & corpora sœtoribus inficiantur; & hoc quantum ad corpus: sed spiritualiter etiam prodest vivis, in quantum per hoc astringitur resurrectionis fides. Sed mortuis profunt ad hoc quod inspicientes sepulcra memoriam retinent defunctorum, ut pro defunctis orent: unde & monumentum a memoria nomen accepit. Dicitur enim monumentum, quia monet mentem, ut dicit Augustinus in I. de Civ. Dei (cap. xxi.) & in Lib. de cura pro mortuis agenda (cap. iv.) Paganorum tamen error fuit, quod ad hoc sepultura mortuo profuit, ut eius anima quietem accipiat: non enim credebant prius animam quietem posse accipere quam corpus sepulture daretur; quod omnino ridiculum, & absurdum est. Sed quod ulterius sepultura in loco sacro mortuo prodest, non quidem est ex ipso opere operato, sed magis ex ipso opere operante, dum scilicet vel ipse defunctus, vel alius corpus eius tumulari in loco sacro disponens, patrocinio alicuius sancti eum committit, cuius precibus per hoc credendus est adiuvari, & etiam patrocinio eorum qui loco sacro deseruiunt, qui pro apud se tumulatis frequentius, & specialius orant. Sed illa quæ ad ornatum sepulture exhibentur, profunt quidem vivis in quantum sunt vivorum solatia, sed post mortum & defunctis prodesse, non quidem per se, sed per accedens, in quantum scilicet per huiusmodi homines excitantur ad compatiendum, & per consequens ad orandum, vel in quantum ex sumptibus sepulture vel pauperes fructum capiunt, vel Ecclesia decoratur: sic enim Sap. iv. sepultura inter ceteras elemosynas computatur.

Ad primum ergo dicendum, quod oleum, & cera ad sepulcra defunctorum perlata per accedens defuncto profunt, vel in quantum Ecclesiæ offeruntur, sive pauperibus dantur, vel in quantum huiusmodi in reverentiam Dei fiunt; unde verbis præmissis subiungitur: *Oleum enim, & cera holocaustum sunt.*

Ad secundum dicendum, quod ideo sancti patres de suis corporibus tumulandis curaverunt, ut offenderent corpora mortuorum ad Dei providentiam pertinere; non quod corporibus mortuis aliquis sensus insit, sed propter fidem resurrectionis astringendam, ut patet per Augustinum in I. de Civ. Dei (ubi sup.) unde etiam voluerunt in terram promissionis sepeliri, ubi credebant Christum nasciturum, & moriturum; cuius resurrectio nostræ resurrectionis est causa.

Bbb

Ad

Ad tertium dicendum, quod quia caro est pars naturæ hominis, naturaliter homo ad carnem suam afficitur, secundum illud Ephef. v. 29. *Nemo carnem suam unquam odio habuit.* Unde tertium istum naturalem affectum inest viventi quædam sollicitudo quid etiam post mortem de eius corpore sit futurum, doleretque, si aliquid indignum corpori suo evenire præsentiret: & ideo illi qui hominem diligunt, ex hoc quod affectui eius quem diligunt, conformantur, circa eius carnem curam humanitatis impendunt. Ut enim dicit Augustinus in I. de Civ. Dei (ubi sup.) *Si paterna vestis, si annulus, ac si quid huiusmodi tanto carius sunt possitis, quanto erga parentes maior affectus; nullo modo ipsa spernenda sunt corpora, quæ utique multo familiarius, atque communius quam quælibet indumenta, gestamus.* Unde & inquantum affectui hominis satisfaciit sepeliens eius corpus, cum ipse in hoc sibi satisfacere non potest, elemosynam ei facere dicitur.

Ad quartum dicendum, quod fidelium devotio, ut Augustinus dicit in Lib. de cura pro mortuis agenda (ubi sup.) suis caris in locis sacris providens sepulturam, in hoc non frustratur quod defunctum suum suffragio sanctotum committitur, ut dictum est.

Ad quintum dicendum, quod sepultura in loco sacro impio defuncto non nocet, nisi quatenus hanc sepulturam sibi indignam propter humanam gloriam procuravit.

#### ARTICULUS IV.

*Utrum suffragia quæ sunt pro uno defuncto magis proficiant ei pro quo sunt quam aliis.*

1. **A**D quartum sic proceditur. Videtur quod suffragia quæ sunt pro uno defuncto, non magis proficiant ei pro quo sunt quam aliis. Lumen enim spirituale est magis communicabile quam lumen corporale. Sed lumen corporale, scilicet candelæ, quamvis accendatur pro uno, tamen æqualiter omnibus prodest qui simul commorantur, quamvis pro eis candelæ non accendatur. Ergo cum suffragia sint quædam spiritualia lumina, quamvis pro uno specialiter fiant, non magis valerent ei quam aliis in purgatorio existentibus.

2. Præterea. Sicut in littera dicitur, secundum hoc suffragia mortuis profunt, quia cum viverent hic sibi ut postea possent

prodesse, meruerunt. Sed aliqui magis meruerunt ut suffragia sibi prodesse quam illi pro quibus sunt. Ergo eis magis profunt; alias eorum meritum frustraretur.

3. Præterea. Pro pauperibus non sunt tot suffragia quot pro divitibus. Si ergo suffragia facta pro aliquibus, eis solum, vel magis eis quam aliis valerent, pauperes essent deterioris conditionis; quod est contra sententiam Domini Luc. vi. 20. *Beati pauperes, quoniam vestrum est regnum Dei.*

Sed contra. Iustitia humana exemplatur a divina iustitia. Sed iustitia humana, si aliquis debium pro aliquo solvit, eum solum absolvit. Ergo cum ille qui suffragia facit, quodammodo solvat debium eius pro quo facit, ei soli prodehit.

Præterea. Sicut homo faciens suffragia quodammodo satisfacit mortuo, ita & interdum aliquis pro vivo potest satisfacere, ut supra dist. xx. (quæst. 1, art. 2. quæst. unc. 3. in corp.) dictum est. Sed quando aliquis satisfacit pro vivo, satisfactio illa non computatur nisi illi pro quo facta est. Ergo & suffragia faciens, ei soli prodest pro quo facit.

#### QUAESTIUNCULA II.

1. Ulterius. Videtur quod suffragia facta pro multis tantumdem valeant singulis ac si pro unoquoque singulariter fierent. Videmus enim quod ex lectione quæ uni legitur, nihil ei deperit, si simul & alii legatur. Ergo & eadem ratione nihil deperit ei pro quo fit suffragium, si ei aliquis connumeretur; & ita si pro pluribus fiat, tantum valet singulis ac si pro unoquoque singulariter fieret.

2. Præterea. Secundum communem usum Ecclesiæ videmus quod cum Missa pro aliquo defuncto dicitur, simul etiam orationes illi adiunguntur pro aliis defunctis. Hoc autem non fieret, si ex hoc defunctus pro quo Missa dicitur, aliquid detrimentum reportaret. Ergo idem quod prius.

3. Præterea. Suffragia, præcipue orationum, inniuntur divine virtuti. Sed apud Deum sicut non differt iuvare per multos, vel per paucos, ita non differt iuvare multos, vel paucos. Ergo quantum iuvaretur unus ex una oratione, si pro eo tantum fieret, tantum iuvabuntur singuli multorum, si eadem oratio pro multis fiat.

Sed contra. Melius est plures iuvare quam unum. Si ergo suffragium pro multis factum tantum valeret singulis ac si pro uno tantum fieret, videtur quod Ecclesiæ non debuit insisti.

situisse ut pro aliquo singulariter Missa, vel oratio fieret; sed quod semper diceretur pro omnibus fidelibus defunctis; quod patet esse falsum.

Præterea. Suffragium habet finitam efficaciam. Ergo distributum in multo minus prodest singulis quam prodesset, si fieret pro uno tantum.

### QUÆSTIUNCULA III.

1. Ulterius. Videtur quod tantum valeant suffragia communia illis pro quibus specialia non fiunt, quantum illis pro quibus fiunt, valent specialia, & communia simul. Unicuique enim secundum propria merita reddetur in futuro. Sed ille pro quo non fiunt suffragia, meruit ut tantum iuaretur post mortem, quantum ille pro quo fiunt specialia. Ergo tantum iuvabitur per communia, quantum ille per specialia, & communia.

2. Præterea. Inter Ecclesie suffragia præcipuum est eucharistia. Sed eucharistia, cum contineat totum Christum, habet quodammodo efficaciam infinitam. Ergo una oblatio eucharistica quæ communiter pro omnibus fit, valet ad plenam liberationem eorum qui sunt in purgatorio; & ita tantum iuvant communia suffragia sola, quantum iuvant specialia, & communia simul.

Sed contra est quod duo bona uno sunt magis eligenda. Ergo suffragia communia, & specialia magis profunt ei pro quo fiunt, quam communia tantum.

### SOLUTIO I.

Respondeo dicendum ad primam questionem, quod circa hoc fuit duplex opinio.

Quidam enim, ut Præpositivus, dixerunt, quod suffragia pro uno aliquo facta non magis profunt ei pro quo fiunt, sed eis qui sunt magis digni: & ponebat exemplum de candela quæ accenditur pro aliquo divite; quæ non minus aliis prodest qui cum eo sunt, quam ipsi diviti, & forte magis, si habeant oculos clariores: & etiam de lectione, quæ non magis prodest ei pro quo legitur, quam aliis qui simul cum eo audiunt, sed forte aliis magis qui sunt sensu capaciores. Et si eis obiceretur, quod secundum hoc Ecclesie ordinatio esset vana, quæ specialiter pro aliquibus orationes instituit; dicebant, quod hoc Ecclesia fecit ad excitandas devotiones fidelium, qui promptiores sunt ad facienda specialia suffragia quam communia, & serventius etiam pro

fuis propinquis orant quam pro extraneis.

Alii ex contrario dixerunt, quod suffragia magis valent pro quo fiunt.

Utraque autem opinio secundum aliquid veritatem habet. Valor enim suffragiorum potest pensari ex duobus. Valent enim uno modo ex virtute caritatis, quæ facit omnia bona communia; & secundum hoc verum est quod magis valent ei qui magis caritate est plenus, quamvis pro eo specialiter non fiat: & sic valor suffragiorum attenditur magis secundum quamdam interiorum consolationem, secundum quod unus in caritate existens, de bonis alterius delectatur post mortem, quantum ad diminutionem pænæ: post mortem enim non est locus acquirendi gratiam, vel augmentandi, ad quod valent nobis in vita opera aliorum ex virtute caritatis. Alio modo suffragia valent ex hoc quod per intentionem unius alteri applicantur; & sic satisfactio unius alteri computatur: & hoc modo non est dubium quod magis valent ei pro quo fiunt, immo sic ei soli valent. Satisfactio enim proprie ad pænæ dimissionem ordinatur: unde quantum ad dimissionem pænæ præcipue valet suffragium ei pro quo fit: & secundum hoc secunda opinio plus habet de veritate quam prima.

Ad primum ergo dicendum, quod suffragia profunt per modum luminis, inquantum a mortuis acceptantur; & ex hoc quamdam consolationem recipiunt, & tanto maiorem, quanto maiori caritate sunt præditi. Sed inquantum suffragia sunt quædam satisfactio per intentionem facientis translata in alterum, non sunt similia luminis; sed magis solutioni alicuius debiti. Non autem est necesse ut si debitum pro uno solvitur, quod ex hoc aliorum debitum solvatur.

Ad secundum dicendum, quod istud meritum est conditionale, quo sibi meruerunt: hoc enim modo sibi meruerunt ut sibi prodesset, si pro eis fierent; quod nihil aliud scire quam facere se habiles ad recipiendum. Unde patet quod non directe meruerunt illud iuvamen suffragiorum, sed per merita præcedentia se habilitaverunt, ut fructum suffragiorum susciperent: & ideo non sequitur quod meritum eorum frustreretur.

Ad tertium dicendum, quod nihil prohibet divites quantum ad aliquid esse melioris conditionis quam pauperes, sicut quantum ad expiationem pænæ; sed hoc quasi nihil est comparatum possessioni regni celorum, in qua pauperes melioris conditio-

nis esse ostenduntur per auctoritatem indu-  
ctam.

### SOLUTIO II.

Ad secundam questionem dicendum, quod si valor suffragiorum consideretur secundum quod valent ex virtute caritatis unientis membra Ecclesiae, suffragia pro multis facta tantum singulis profunt ac si pro uno tantum fierent: quia caritas non minuitur, si dividatur effectus eius in multos, immo magis augetur; & similiter etiam gaudium, quando pluribus est commune, fit maius, ut dicit Augustinus VIII. Confess. (cap. 111.) & sic de uno bono facto non minus laetantur multi in purgatorio quam unus. Si autem consideretur valor suffragiorum, in quantum sunt satisfactiones quaedam per intentionem facientis translatae in mortuis, tunc magis valet suffragium alicui quod pro eo singulariter fit, quam quod pro eo communiter fit, & multis aliis. Sic enim effectus suffragii dividitur ex divina iustitia inter eos pro quibus suffragia fiunt. Unde patet quod haec questio dependet ex prima, & ex hoc etiam patet quare institutum sit ut suffragia specialia in Ecclesia fiant.

Ad primum ergo dicendum, quod suffragia, ut sunt satisfactiones quaedam, non prodeunt per modum actionis, sicut doctrina prodest, quae sicut & omnis alia actio effectum habet secundum dispositionem recipientis; sed valent per modum solutionis debiti, ut dictum est: & ideo non est simile.

Ad secundum dicendum, quod quia suffragia pro uno facta aliquo modo etiam aliis profunt, ut ex dictis patet, ideo cum pro uno Missa dicitur, non est inconveniens ut pro aliis etiam orationes fiant. Non enim ad hoc dicuntur aliae orationes, ut satisfactio unius suffragii determinetur ad alios principaliter, sed ut illis oratio pro eis specialiter suffragia profunt.

Ad tertium dicendum, quod oratio consideratur & ex parte orantis, & ex parte eius qui oratur, & ex utroque effectus eius dependet: & ideo quamvis divinae virtuti non sit magis difficile absolvere multos quam unum, tamen huiusmodi orantis oratio non est ita satisfactoria pro multis sicut pro uno.

### SOLUTIO III.

Ad tertiam questionem dicendum, quod huiusmodi etiam solutio dependet ex solu-

tione primae questionis. Si enim suffragia specialiter pro uno facta, indifferenter omnibus valent, tunc omnia suffragia sunt communia: & ideo tantum iuvabitur ille pro quo non fiunt specialia, quantum ille pro quo fiunt, si sit aequaliter dignus. Si autem suffragia pro aliquo facta non indifferenter omnibus profunt, sed eis maxime pro quibus fiunt, tunc non est dubium quod suffragia communia, & specialia simul plus valent alicui quam communia tantum: & ideo Magister duas opiniones in littera tangit. Unam quae dicit, quod aequaliter prodeunt diviti communia & specialia, & pauperi communia tantum: quamvis enim ex pluribus unus iuvetur quam alter, non tamen plus iuvatur. Aliam autem tangit, cum dicit, quod ille pro quo fiunt suffragia, consequitur (a) faciliorem absolutionem, sed non pleniorum: quia uterque finaliter ab omni poena liberabitur.

Ad primum ergo dicendum, quod, sicut ex dictis patet, iuvamen suffragiorum non cadit directe sub merito, & simpliciter, sed quasi sub conditione: & ideo ratio non sequitur.

Ad secundum dicendum, quod quamvis virtus Christi, quae continetur sub sacramento eucharistiae, sit infinita, tamen determinatus est effectus ad quem illud sacramentum ordinatur: unde non oportet quod per unum altaris sacrificium tota poena eorum qui sunt in purgatorio expiatur, sicut etiam nec per unum sacrificium quod aliquis homo offert, liberatur a tota satisfactione debita pro peccatis: unde & quandoque plures Missae in satisfactionem unius peccati iniunguntur. Credibile tamen est, quod per divinam misericordiam si aliquid de specialibus suffragiis superfit his pro quibus fiunt, ut scilicet eis non indigeant, aliis dispensetur, pro quibus non fiunt, si eis indigeant, ut patet per Damascenum in sermone de dormientibus sic dicentem: *Deus tamquam iustus committetur impotenti possibilitatem, tamquam (b) sapiens vere defectuum commutationem negotiabitur*: quae quidem negotiatio attenditur quod id quod deest uni, alter supplet.

### QUAESTIO III.

Deinde quaeritur de orationibus sanctorum, quibus pro nobis orant: & circa hoc quaeruntur tria.

Primo. Utrum sancti orationes nostras cognoscant.

Secun-

(a) Al. faciliorem. (b) Al. sapientius.

Secundo. Utrum debeamus omnes interpellare ad orandum pro nobis.

Tertio. Utrum orationes eorum pro nobis fuisse semper exaudiantur.

Utrum autem possimus sanctos orare, & utrum sancti qui sunt in patria, orant pro nobis, habitum est supra dist. xv.

## ARTICULUS I.

*Utrum sancti orationes nostras cognoscant.*

1. **A**D primum sic proceditur. Videtur quod sancti orationes nostras non cognoscant. Isa. xlii. 16. *Pater noster es, & Abraham nesciuit nos, & Israel ignoravit eos.* Glossa Augustini dicit, (a) quia mortui, & sancti nesciunt quid agant vivi, etiam eorum filii: & sumitur ab Augustino in Lib. de cura pro mortuis agenda, ubi hanc auctoritatem inducit, & sunt hæc verba Augustini ibidem (cap. xlii.) *Si tanti Patriarchæ quid erga populum ab eis procreatum ageretur ignoraverunt, quomodo mortui vivorum rebus atque actibus cognoscendis, adiuvandisque nesciunt?* Ergo sancti orationes nostras cognoscere non possunt.

2. Præterea. IV. Reg. xxi. 20. dicitur ad Iosiam Regem: *Idcirco, quia scilicet flevisisti coram me, colligam te ad patres tuos... ut non videant oculi tui mala omnia que inducitur sum in locum istum.* Sed in hoc nullo modo per mortem Iosie subventum fuisset, si post mortem genti suæ quid eveniret cognosceret. Ergo sancti mortui actus nostros non cognoscunt, & ita non intelligunt orationes nostras.

3. Præterea. Quanto aliquis est in caritate perfectior, tanto magis proximo in periculis subvenit. Sed sancti in carne viventes proximis, & maxime sibi coniunctis in periculis & consulunt, & auxiliantur manifeste. Cum ergo post mortem sint multo maioris caritatis, si facta nostra cognoscerent, multo amplius suis caris sibi coniunctis consulerent, & auxiliarentur in necessitatibus; quod facere non videntur. Ergo non videtur quod actus nostros, & orationes cognoscant.

4. Præterea. Sicut sancti post mortem vident (b) Verbum, ita & Angeli, de quibus dicitur Matth. xviii. 10. *Angeli eorum semper vident faciem Patris mei.* Sed Angeli Verbum videntes non propter hoc omnia co-

gnoscunt, cum a nescientia minores a superioribus purgentur, ut patet per Dionysium in vi. cap. eccles. Hierar. Ergo nec sancti quamvis Verbum videant, in eo nostras orationes cognoscunt, & alia quæ circa nos aguntur.

5. Præterea. Solus Deus est inspector cordium. Sed oratio præcipue in corde consistit. Ergo solius Dei est orationes cognoscere: non ergo sancti orationes nostras cognoscunt.

Sed contra supet illud Iob xiv. 21. *Siue nobiles fuerint filii eius, siue ignobiles, non intelligit:* dicit Beatus Gregorius XII. Lib. Moral. (cap. xiv.) „Hoc de animabus „sanctis sentiendum non est: quia quæ in „tus omnipotentis Dei claritatem vident, „nullo modo credendum est quod sit foras „aliquid quod ignorent. „Ergo ipsi orationes sibi factas cognoscunt.

Præterea. Gregorius in II. Dialogus (cap. xxxv) *Anime vident Creatorem angusta est omnis creatura.* (c) *Quantumlibet enim de luce Creatoris aspexerit, breve sit ei omne quod creatum est.* Sed hoc maxime impedire videretur quod animæ sanctorum orationes, & alia quæ circa nos aguntur, cognoscant, quia a nobis distant. Cum ergo distantia illa non impediat, ut ex prædicta auctoritate patet, videtur quod animæ sanctorum cognoscant orationes nostras, & ea quæ hic aguntur.

Præterea. Si ea quæ circa nos aguntur, non cognoscerent, nec pro nobis orarent, quia defectus nostros ignorarent. Sed hic est error Vigilantiæ, ut Hieronymus dicit in epistola contra eum. Ergo sancti ea quæ circa nos aguntur, cognoscunt.

## SOLUTIO.

Respondeo dicendum, quod divina essentia est sufficiens medium cognoscendi omnia: quod patet ex hoc quod Deus videndo suam essentiam omnia intuetur. Non tamen sequitur quod quicumque essentiam Dei videt omnia cognoscat, sed solum qui essentiam comprehendit; sicut nec principio aliquo cognitio consequens est omnia cognosci quæ ex principio consequuntur, nisi tota virtus principii comprehendatur. Unde cum animæ sanctorum divinam essentiam non comprehendant, non est consequens ut omnia cognoscant quæ per essentiam divinam cognoscuntur.

(a) Nicolai: quia etiam mortui sancti. (b) d. Verbum tantum, & Angeli. (c) Nicolai: *Quantumlibet enim parum de luce dicit.*

sci possunt: unde etiam de quibusdam inferiores Angeli a superioribus edocentur, quamvis omnes essentiam divinam videant. Sed unusquisque beatus tantum de aliis rebus necessarium est ut in essentia divina videat, quantum perfectio beatitudinis requirit, ut homo habeat quicquid velit, nec aliquid inordinate velit, sicut infra dist. xlix. (quæst. 11. art. 5.) habetur. Hoc autem recta voluntate quilibet vult ut ea quæ ad ipsum pertinent cognoscat: unde cum nulla reclusio sanctis desit, volunt cognoscere ea quæ ad ipsos pertinent: & ideo oportet quod illa in Verbo cognoscant. Hoc autem ad eorum gloriam pertinet quod auxilium indigentibus præbeant ad salutem: sic enim Dei cooperatores efficiuntur, quo nihil est divinius, ut Dionysius dicit 111. cap. eccles. Hierar. Unde patet quod sancti cognitionem habeant eorum quæ ad hoc requiruntur: & sic manifestum est quod in Verbo cognoscunt vota, & orationes, & devotiones hominum quia ad eorum auxilium confugiunt.

Ad primum ergo dicendum, quod verbum Augustini est intelligendum de cognitione naturalium animarum separatarum: quæ quidem cognitio in sanctis viris non est obrebrata, sicut est in peccatoribus: non autem loquitur de cognitione in Verbo, quam constat Abraham eo tempore quo hæc dicta sunt per Iſaiam, non habuisse, cum ante passionem Christi nullus ad visionem Dei pervenerit.

Ad secundum dicendum, quod sancti etsi post vitam cognoscant quæ hic geruntur, non tamen credendum est quod afficiantur doloribus, cognitis ad veritatibus eorum quos hic in sæculo dilexerunt: ita enim repleti sunt gaudio beatitudinis quod dolor in eis locum (4) non invenit: unde si cognoscant suorum infortunia post mortem, nihilominus eorum dolori consulant, si ante huiusmodi infortunia de hoc sæculo subtrahuntur. Sed forte animæ non glorificantur dolore aliquem sentirent, si incommoda suorum carorum periperent. Et quia anima Iosæ non statim glorificata fuit a corpore egressa, quantum ad hoc ex hac ratione Augustinus concludere nititur quod animæ mortuorum non habent cognitionem de factis viventium.

Ad tertium dicendum, quod animæ sanctorum habent voluntatem plenarie conformem divinæ voluntati, etiam in volito: & ideo quamvis affectum caritatis ad proximum retineant, non tamen eis alter auxilium ferunt quam secundum quod per divi-

nam iustitiam vident esse dispositum. Et tamen credendum est quod multum proximos iuvent, pro eis apud Deum intercedendo.

Ad quartum dicendum, quod quamvis videntes Verbum non sit necessarium omnia in Verbo videre: vident tamen ea quæ ad perfectiorem pertinent beatitudinis eorum, ut dictum est.

Ad quintum dicendum, quod cogitationes cordium solus Deus per seipsum novit: sed tamen alii cognoscere possunt quatenus eis revelatur vel per visionem Verbi, vel quocumque alio modo.

## ARTICULUS II.

*Utrum debeamus sanctos orare ad interpellandum pro nobis.*

2. 2. quæst. lxxxiii. art. 11.

1. **A**D secundum sic proceditur. Videtur quod non debeamus sanctos orare ad interpellandum pro nobis. Nullus enim amicus alicuius interpellat ad orandum pro se, nisi quatenus apud eos credit facilis gratiam obtinere. Sed Deus est in infinitum magis misericors quolibet sancto, & sic eius voluntas facilius inclinatur ad nos exaudiendum quam voluntas alicuius sancti. Ergo videtur superfluum esse constituere sanctos mediatores inter nos & Deum, ut ipsi pro nobis intercedant.

2. Præterea. Si eos ad orandum pro nobis interpellare debemus, hoc non est nisi quia scimus eorum orationem esse Deo acceptam. Sed quanto aliquis est sanctior inter sanctos, tanto eius oratio est magis Deo accepta. Ergo semper deberemus superiores sanctos pro nobis intercessores constituere ad Deum, & numquam minores.

3. Præterea. Christus secundum etiam quod homo, dicitur Sanctus sanctorum, & ei secundum quod homo orare competit. Sed numquam Christum ad orandum pro nobis interpellamus. Ergo nec alios sanctos interpellare debemus.

4. Præterea. Quicumque rogatus ab aliquo pro eo intercedit, preces ipsius ei repræsentat apud quem pro eo intercedit. Sed superfluum est aliquid repræsentare ei cui sunt omnia patentia. Ergo superfluum est quod sanctos pro nobis intercessores constituamus ad Deum.

5. Præterea. Illud est superfluum quod fir propter aliquid quod sine eo eodem modo fieret.

(4) In edicis non invenit, si cognoscant suorum

infortunia post mortem; nihilominus &c.

ficeret, vel non fieret. Sed similiter sancti orarent pro nobis, vel non orarent, five nos oremus eos, five non oremus: quia si sumus digni ut pro nobis orarent, etiam nobis eos non orantibus, pro nobis orarent; si autem sumus indigni, etiam si petamus, pro nobis non orant. Ergo interpellare eos ad orandum pro nobis videtur omnino superfluum.

Sed contra est quod dicitur Iob v. t. *Voca ergo si est qui tibi respondeat, & ad aliquem sanctorum convertere*. Vocare autem nostrum, ut Gregorius ibidem dicit (Lib. V. Moral. cap. xxx.) est humili Deum prece deprecari. Ergo cum volumus orare Deum, debemus ad sanctos converti, ut orent pro nobis ad Deum.

Præterea. Sancti qui sunt in patria, magis sunt accepti Deo quam in statu viæ. Sed sanctos qui sunt in via, constituere debemus interpellantes pro nobis ad Deum exemplo Apostoli, qui dicebat Rom. xv. 30. *Obsecro vos fratres per Dominum nostrum Iesum Christum, & per caritatem Spiritus sancti, ut adiuvetis me in orationibus vestris pro me ad Deum*. Ergo & nos multo fortius petere debemus a sanctis qui sunt in patria, ut nos iuvent orationibus ad Deum.

3. Præterea. Ad hoc est communis consuetudo Ecclesiæ, quæ in litanis sanctorum orationem petit.

### SOLUTIO.

Respondeo dicendum, quod iste ordo est divinitus institutus in rebus secundum Dionysium ut per media ultima reducantur in Deum. Unde cum sancti qui sunt in patria, sint Deo propinquissimi, hoc divinæ legis ordo requirit ut nos qui manentes in corpore peregrinamur a Domino, in eum per sanctos medios reducamur; quod quidem contingit, dum per eos divina bonitas suum effectum diffundit. Et quia reditus noster in Deum respondere debet processui bonitatum ipsius ad nos, sicut mediantibus sanctorum suffragiis Dei beneficia in nos deveniunt, ita oportet nos in Deum reduci, ut iterato beneficia eius sumamus mediantibus sanctis: & inde est quod eos intercessores pro nobis ad Deum constituimus, & quasi mediatores dum ab eis petimus quod pro nobis orent.

Ad primum ergo dicendum, quod sicut non est propter defectum divinæ potentie quod mediantibus secundis causis agentibus operatur, sed est ad complementum ordinis universi, & ut eius bonitas multipliciter diffundatur in res, dum res ab ea non solum

suscipiunt bonitates proprias, sed insuper quod aliis causa bonitatis existant; ita etiam non est propter defectum misericordie ipsius quod oporteat eius clementiam per orationes sanctorum pulsare, sed est ad hoc ut ordo prædictus conservetur in rebus.

Ad secundum dicendum, quod quamvis superiores sancti sint magis Deo accepti quam inferiores, utile tamen est etiam minores sanctos interdum orare; & hoc propter quinque rationes. Primo ex hoc quod aliquis quandoque habet maiorem devotionem ad sanctum minorem quam ad maiorem; & ex devotione autem maxime dependet orationis effectus. Secundo propter fastidium tollendum, quia assiduitas unius rei fastidium parit; per hoc autem quod diversos sanctos oramus, quasi in singulis novus fervor devotionis excitatur. Tertio quia quibuscumque sanctis datum est in aliquibus specialibus causis præcipue patrocinari, sicut sancto Antonio ad ignem infernalem. Quarto ut honor debitus omnibus exhibeatur. Quinto quia plurimum orationibus quandoque impetratur quod unius oratione non impetraretur.

Ad tertium dicendum, quod oratio est actus quidam; actus autem sunt particularium suppositorum: & ideo si diceremus, *Christe ora pro nobis*, nisi aliquid adderetur, videremur hoc ad personam Christi referre: & ita videretur esse consonum vel errori Nestorii, qui distinxit in Christo personam Filii hominis a persona Filii Dei; vel errori Arii, qui posuit personam Filii minorem Patre. Unde ad hos errores evitandos Ecclesia non dicit, *Christe ora pro nobis*, sed *Christe audi nos*, vel *Miserere nobis*.

Ad quartum dicendum, quod, sicut infra dicitur, non dicuntur sancti preces nostras Deo representare, quasi ei incognita manifestent; sed quia eas axadiriā Deo petunt, vel de eis divinam consulunt veritatem, quid scilicet secundum eius providentiam fieri debeat.

Ad quartum dicendum, quod ex hoc ipso aliquis efficitur dignus ut sanctus aliquis pro eo oret, quod ad ipsum cum pura devotione in sua necessitate recurrit; & ita non est superfluum quod sanctos oremus.

### ARTICULUS III.

*Utrum orationes sanctorum pro nobis ad Deum fuisse semper exaudiantur.*

1. Ad tertium sic proceditur. Videtur quod orationes sanctorum pro nobis

ad



ad Deum suæ non semper exaudiuntur. Si enim exaudirentur, maxime exaudirentur sancti de his quæ ad eos pertinent. Sed de his non exaudiuntur: unde dicitur Apocalyp. vi. quod martyribus penitentibus vindictam his qui sunt super terram, dictum est ut requiescerent adhuc tempus modicum, donec impleteretur numerus fratrum suorum. Ergo multo minus exaudiuntur de his quæ ad alios pertinent.

2. Præterea. Hierem. xv. 1. dicitur: *Si steterint Moyses, & Samuel coram me, non est anima mea ad populum istum.* Ergo sancti non semper exaudiuntur, cum pro nobis orant ad Deum.

3. Præterea. Sancti in patria æquales Dei Angelis esse commemorantur, ut patet Matth. xxi. Sed Angeli non semper exaudiuntur in suis orationibus quas fundunt ad Deum; quod patet ex hoc quod habetur Daniel. x. 12. ubi dicitur: *Ego veni propter sermones tuos: Princeps autem regni Persarum resistit mihi viginti & uno diebus.* Non autem venerat in adiutorium Danielis Angelus qui loquebatur, nisi a Deo liberationem eorum petendo; & non est impetrata orationis eius impletio. Ergo nec etiam alii sancti orantes pro nobis apud Deum semper exaudiuntur.

4. Præterea. Quicumque oratione impetrat aliquid, quodammodo meretur illud. Sed illi qui sunt in patria, non sunt in statu merendi. Ergo non possunt suis orationibus nobis aliquid impetrare apud Deum.

5. Præterea. Sancti per omnia conformant voluntatem suam voluntati divinæ. Ergo non volunt nisi quod sciunt Deum velle. Sed nullus orat nisi quod vult. Ergo non orant pro eo nisi quod sciunt Deum velle. Sed hoc quod Deus vult, fieret eis etiam non orantibus. Ergo eorum orationes non sunt efficaces ad aliquid impetrandum.

6. Præterea. Orationes totius celestis curiæ, si aliquid impetrare possunt, efficaciae essent quam omnia præsentis Ecclesiæ suffragia. Sed multiplicatis suffragiis præsentis Ecclesiæ factis pro aliquo in purgatorio existente, totaliter absolveret a pœna. Cum ergo sancti qui sunt in patria, eadem ratione orent pro illis qui sunt in purgatorio, sicut & pro nobis; si nobis aliquid impetrant, illos qui sunt in purgatorio totaliter orationes eorum a pœna absolverent; quod falsum est, quia sic suffragia Ecclesiæ prodessetis facta superflua essent.

Sed contra est quod habetur II. Machab. ult. 14. *Hic est qui multum orat pro populo,*

*& pro universa civitate Hieremias Propheta Dei.* Et quod eius oratio sit exaudita, patet per hoc quod sequitur, quod extendit Hieremias dexteram, & dedit Iudæ gladium dicens: *Accipe sanctum gladium munus a Deo in quo deiciet adversarius populi Dei.*

Præterea. Hieronymus in epistola contra Vigilantium: *Dicis in libello tuo, quod dum vivimus, mutuo orare pro nobis possumus: & hoc postea improbat, dicens sic: Si Apostoli, & martyres adhuc in corpore constituti possunt orare pro ceteris; quando pro se adhuc debent esse solliciti; quanto magis post coronas, victorias, & triumphos?*

Præterea. Ad hoc est consuetudo Ecclesiæ, quæ frequenter petit ut sanctorum orationibus adiuvetur.

### SOLUTIO.

Respondeo dicendum, quod sancti dupliciter dicuntur orare pro nobis. Uno modo oratione expressa, dum votis suis aures divinæ clementiæ pro nobis pulsant: alio modo oratione interpretativa, scilicet per eorum merita, quæ in conspectu Dei existentia non solum eis cedunt ad gloriam, sed sunt nobis etiam suffragia, & orationes quædam; sicut etiam sanguis Christi pro nobis effusus dicitur veniam petere. Utroque autem modo sanctorum orationes sunt, quantum est in ipsis, efficaces ad impetrandum quod petunt; sed ex parte nostra potest esse defectus, quod non assequamur fructum orationum ipsorum, secundum quod pro nobis orare dicuntur ex hoc quod merita ipsorum nobis proficiunt; sed secundum quod orant pro nobis, votis suis nobis aliquis postulando, semper exaudiuntur, quia non volunt nisi quod Deus vult, nec petunt nisi quod volunt fieri: quod autem Deus simpliciter vult, impletur, nisi loquamur de voluntate antecedente, secundum quam vult omnes homines salvos fieri, quæ non semper impletur. Unde nec est mirum, si etiam quod sancti volunt per hunc modum voluntatis, interdum non impletur.

Ad primum ergo dicendum, quod illa oratio martyrum non est aliud quam eorum desiderium de obtinenda stola corporis, & societate sanctorum qui salvandi sunt, & consensus quo consentiunt divinæ iustitiæ punienti malos: unde Apoc. vi. super illud, *Ufquequo Domine &c.* dicit Glossa: „Desiderant maius gaudium, & consortium sanctorum, & iustitiæ Dei consentiunt.“

Ad secundum dicendum, quod Dominus loquitur.

loquitur sibi de Moyse, & Samuele secundum statum quo fuerunt in hac vita: ipsi enim leguntur pro populo orantes irae Dei resistisse, ut Glossa interlinearis dicit: & tamen si illo tempore fuissent, non potuissent orationibus Deum placare ad populum propter populi illius malitiam: & hic est intellectus litterarum.

Ad tertium dicendum, quod pugna bonorum Angelorum non intelligitur ex hoc quod apud Deum contrarias orationes fundrent, sed quia contraria merita ex diversis partibus ad divinum examen referabant, divinam sententiam expectantes; & hoc est quod Gregorius dicit XVII. Moral. (cap. VIII.) exponens praedicta verba Danielis: *Sublimis spiritus gentibus principantes nequaquam pro iniuste agentibus decernant, si eorum facta recte iudicantes examinent; cumque uniuscuiusque gentis vel culpa, vel iustitia ad superius curiae solium ducitur, eiusdem gentis praepositis vel obtinuisse in certamine, vel non obtinuisse perhibetur: quoniam tamen omnino una victoria est super se opificis voluntas summa; quando semper afficiunt, quod obtinere non valent, (a) nequaquam volunt: unde nec petunt. Ex quo & patet quod orationes eorum semper audiuntur.*

Ad quartum dicendum, quod licet sancti non sint in statu merendi sibi postquam sunt in patria, sunt tamen in statu merendi aliis, vel potius ex merito praecedenti alios iuvandi: hoc enim apud Deum viventes merentur, ut eorum orationes exaudirentur post mortem. Vel dicendum, quod oratio ex alio meretur, & ex alio impetrat. Meritum enim consistit in quadam adaequatione actus ad finem propter quem est, qui ei quasi merces redditur, sed orationis impetratio innititur liberalitati eius qui rogatur, quod tamen ipse non meruit, & ita quamvis sancti non sint in statu merendi, tamen non sequitur, quod non sint in statu impetrandi.

Ad quintum dicendum, quod, sicut ex auctoritate Gregorii industria patet, sancti non volunt, vel Angeli nisi quod in divina voluntate conspiciunt; & ita etiam nihil aliud petunt: nec tamen eorum oratio est infructuosa: quia, sicut dicit Augustinus in Lib. de praedestinatione sanctorum, orationes sanctorum praedestinati profunt, quia forte praordinatum est ut orationibus intercedentium solvantur: & ita etiam Deus vult ut orationibus sanctorum impleatur illud quod sancti vident eum velle.

Ad sextum dicendum, quod suffragia Ecclesiae. S. Tb. Oper. Tem. XIII.

(a) Nicolai Augustini.

ecclesiae sunt pro defunctis quasi quaedam satisfactiones viventium vice mortuorum; & secundum hoc mortuos a poena absolvent, quam non solverunt. Sed sancti qui sunt in patria, non sunt in statu satisfaciendi: & ideo non est simile de eorum orationibus, & de suffragiis Ecclesiae.

### EXPOSITIO TEXTUS.

**C**um facta fuerit resurrectio, bonorum gaudium amplius erit &c. Hoc intelligendum est materialiter, quia de pluribus gaudebunt; sed non formaliter, quia non magis gaudebunt, ut dictum est. Sed de hoc magis infra dicitur dist. XLIX.

Nam qui sine fide operante per dilectionem, eiusque sacramentis de corpore exierint, frustra illis a suis huiusmodi pietatis officiis impenduntur. Secundum hoc videtur quod iustitia Ecclesiae non prosumt catechumenis in fide Ecclesiae decedentibus; cum tamen illi sint in statu salutis, ut patet ex dictis supra dist. IV. Et dicendum, quod licet non susceperint sacramenta Ecclesiae actu, susceperunt tamen voto, quod pro facto computatur, cum deest facultas.

*Mediocriter malis suffragantur &c.* Ista verba a diversis diversimode exponuntur. Illi enim qui dicunt suffragia Ecclesiae prodesse existentibus in inferno, dicunt alios esse mediocriter bonos, & alios mediocriter malos. Dicunt enim valde malos esse eos qui sine fide, & sacramentis Ecclesiae decesserunt; & his dicunt nihil prodesse suffragia: sed mediocriter malos eos qui cum fide, & sacramentis Ecclesiae, in peccato tamen mortali, decesserunt; quibus secundum eos valent suffragia ad poenae mitigationem, non autem ad poenae solutionem. Sed valde bonos dicunt illos qui sine criminali decedentes, statim evolvant; qui suffragiis non indigent: mediocriter vero bonos qui cremabilia secum ferunt, & in purgatorio detinentur; & his dicunt prodesse suffragia ad plenam absolutionem. Qui vero dicunt suffragia non prodesse his qui sunt in inferno, dicunt eosdem esse mediocriter malos, & mediocriter bonos. Omnes enim qui sunt in inferno valde malos dicunt, qui vero in patria valde bonos; eos vero qui sunt in purgatorio dicunt mediocriter bonos, in quantum deficient a perfectione bonitatis, sed & mediocriter malos, in quantum deficient a perfecta malitia, quae est peccatum mortale. His autem suffragia quandoque profunt ad mitigationem

Ccc

pc-

pœnæ, quandoque ad plenam absolutionem secundum differentiam quantitatis cremabilium, & suffragiorum : & hæc expositio est convenientior.

*Iniuria est pro martyre in Ecclesia orare.*  
Hoc videtur contra illud quod supra dictum est, quod orationes pro valde bonis sunt gratiarum actiones. Et dicendum, quod superior auctoritas loquitur, quando incertum est nobis, quando sint valde boni, pro quibus oratur; hic autem Augustinus loquitur, quando certum est qui sunt valde boni: sic enim qui pro eis orat, quodammodo eos indigentes ostendit, & sic eis iniuriam facit.

*Aestim eum quasi per ignem transeuntem.*  
Ecce. Hic ponuntur duo anxilia: quorum u-

num adiuuabit illos qui in fine mundi interveniunt per modum satisfactionis, scilicet ignis quo facies mundi purgabitur: poterit enim esse ut intentio pœnæ suppleat quicquid deest ad temporis brevitem, & precipue cum sit probabile quod pauca cremabilia sint habituri, utpote purgari per terrorem futuri iudicii ex signis præcedentibus præostensi. Aliud autem est ex vi caritatis, scilicet merita, & intercessiones sanctorum, quæ eis suffragantur virtute caritatis.

*Sive consulendo quid faciamus.* Ecce. Istud consilium nihil est aliud quam conversio eorum ad Deum, ut ab eo illuminationem percipiant de agendis.



## DISTINCTIO XLVI.

*Si valde malis detur mitigatio pœnæ.*

**S**ed quaritur hic de valde malis, utrum & ipsi in aliqua pœnarum mitigatione Dei misericordiam sentiant, ut minus quam meruerint, puniuntur. Quidam autem eos nullam revelationem pœnæ habituros; quod confirmant Iacobi auctoritate dicentis (cap. 11. 13.) „Iudicium sine misericordia fiet illi qui non „fecit misericordiam.“ Augustinus etiam ait: „Misericordia hic, iudicium „in futuro.“ Idem \*\* distinguens quomodo omnes viæ Domini sint misericordia, & veritas, ait: „Erga sanctos omnes viæ Dei misericordia, erga iniquos omnes „veritas; quia & in iudicando subvenit, & ita non deest misericordia; & „in miserando id exhibet quod promissit, ne desit veritas. Erga omnes „autem quos liberat, & damnat, omnes viæ sunt misericordia, & veritas: „quia ubi non miseretur, vindictæ veritas datur.“ Dicens, „Ubi non „miseretur,“ dat intelligi aliquid a Deo fieri, ubi ipse non miseretur. Sed his occurrit quod ait Cassiodorus super Psalm. c. loquens de misericordia, & pietate Dei. „Hæc duæ (inquit) res iudicio Dei semper adiunctæ sunt. „Ergo & in punitione malorum non est iustitia sine misericordia.“ Idem de iudicio, & misericordia ait: „Hæc duo mutua societate sibi iunguntur.“ In his breviter omnia opera Dei includit. Augustinus quoque respondens illis qui reproborum supplicia finem habitura contendunt, ita illorum repellit opinionem, asserens reprobos perpetuo puniendos, ut eorum supplicia mitigari aliquatenus non neget. „Frustra (inquit in Enchir. cap. cxii.) nonnulli æternam (1) damnatorum pœnam, & cruciatum sine intermissione perpetuos humano (2) miserantur affectu, atque ita futurum esse non credunt: non quidem Scripturis adversando divinis, sed pro suo motu dura quæque nullatenus, (3) & in leniorem „attulendo sententiam quæ putantur in eis terribilis esse dicta, quam verius. „Non enim, inquam, obliviscetur misereri Deus, aut continebit in ira sua misericordias suas. Hæc quidem in Psalterio (Psalm. lxx. 10.) legitur; sed de his

„in-

(1) *Id.* damnandorum. (2) *Id.* miserentur. (3) *Id.* & in leniorem.

EX EPIST. P. NICOLAI. \* In Psalm. c. nempe ad illa verba, *Misericordiam, & iudicium cantabo tibi.* \*\* In Psalm. cxviii. super clavatum *REX. CONC. BASIL.*

intelligitur qui sunt vasa misericordiae : quia & ipsi non pro meritis suis , sed Deo miserante de miseria liberantur . Aut si hoc ad omnes aestimant pertinere , non ideo necesse est ut damnationem opinentur finiri posse eorum de quibus dictum est ( Matth. xv. 46. ) Ibiur hi in supplicium æternum , ne hoc modo putetur habitura finem felicitas eorum de quibus e contrario dictum est ( ibid. ) Iusti autem in vitam æternam . Sed penas damnatorum certis temporibus æstiment , si hoc eis placet , aliquatenus mitigari . Er sic quippe intelligi potest manere ira Dei in illis , id est ipsa damnatio . Hæc enim vocatur ira Dei , non divini animi perturbatio , ut in ira sua , id est manente ira sua , non contineat miserationes suas , non æterno supplicio finem dando , sed levamen adhibendo , vel interponendo cruciatibus : quia nec psalmus ait , Ad finiendam iram suam , vel post iram suam ; sed in ira sua : quæ si sola esset , alienari a regno Dei , & carere magna multitudine dulcedinis Dei , tam grandis tamen est poena ut ei possint nulla tormenta quæ novimus , comparari , si illa sit æterna ; ista autem ( 1 ) sint quantumlibet multis sæculis longa . Manebit ergo sine fine mors perpetua damnatorum , ( 2 ) & ipsa omnibus erit communis , sicut manebit communiter omnium vita æterna sanctorum . Ecce ita asserit hic penas reprobarum non esse finientas , quod non improbat , si dicitur eorum supplicio aliquid levamen adhiberi . Unde non incongrue dici potest , Deum etsi iuste id possit , non omnino tantum punire malos in futuro quantum meruerunt ; sed eis aliquid , quantumcumque mali sint , de poena relaxare .

*Determinat præmissas auctoritates .*

Quod ergo dictum est , iudicium sine misericordia fieri illi qui non fecit misericordiam , ita intelligi potest quod iudicium damnationis fiet illi qui non fecit misericordiam , pro eo quod fuit sine misericordia ; vel fiet iudicium ei sine misericordia liberante , & salvante , qui tamen in aliqua poenæ alleviatione misericordiam Dei sentiet . Ita cum dicitur , „ Misericordia hic , iudicium in futuro , “ negatur quin in futuro sit misericordiae effectus , & in electis , qui per misericordiam ab omni miseria liberabuntur , & in reprobis , qui minus quam meruerunt cruciabuntur . Sed hic non sine causa dicitur fieri Dei misericordia , & iudicium in futuro : quia & hic multis modis miseretur Deus quibus non miserabitur tunc . Vocat enim Deus nunc peccatores , & iustificat , quod tunc non faciet : & tunc reddens singulis secundum merita sua , manifeste iudicabit , qui nunc occulte iudicat : cuius occultum iudicium , ut ait Augustinus ( cap. 11. vel 111. ) \* intelligitur poena , qua quisque vel exercetur ad purgationem , vel movetur ad conversionem , vel si contemnit , excrucietur ad damnationem . Occultum ergo iudicium Dei poena dicitur : ( 3 ) quia iudicat purgando , convertendo , vel excruciendo . Iudicia quoque Dei interdum appellantur dispensationes eius de omnibus rebus . Unde ( Rom. xi. 33. ) „ Quam incomprehensibilia sunt iudicia eius : “ & ( Psalm. xxxv. 7. ) „ Iudicia eius abyssus multa . “ Iudicium autem quo in futuro iudicabit , intelligitur sententia iudicis , qua ventilabitur area ; id est , dividuntur localiter boni a malis ministerio Angelorum , & isti in vitam ducentur , illi in supplicium mittentur , qui nunc simul mixti sunt .

*De iustitia , & misericordia Dei .*

Sed quodammodo iustitiam Dei , & pietatem , id est misericordiam , supra Cassiodorus duas esse res dixit , quæ semper adiunctæ sunt iudicio Dei / Iustitia enim

Ccc 2

enim

( 1 ) *Id.* Si quamlibet . ( 2 ) *Nicola addit* id est alienatio a vita Dei . ( 3 ) *Id.* quæ .

EX EDIT. P. NICOLAI . \* In inscriptionem Psalm. 11. quæ est in fine pro oculis suis .

enim Dei, & misericordia non duæ res sunt, sed una res, idest una divina essentia est, sicut supra pluribus auctoritatibus ostensum est. Quia non est Deo aliud esse misericordem quam misericordiam, nec iustum quam iustitiam; sed idem prorsus: nec aliud est ei esse misericordem quam iustum, vel misericordiam quam iustitiam; sed omnino idem: quia non denominative, sed essentialiter hæc de Deo dicuntur. Cur ergo dicit Scriptura de operibus Dei quædam esse misericordiam, quædam iustitiam? Si enim iustitia Dei misericordia est, quæcumque sunt opera misericordiam, esse videntur iustitiam, & e converso. His responderi potest sic. Illis locutionibus quibus huiusmodi operum sunt distinctiones, ut alia misericordiam, alia iustitiam, alia bonitati attribuantur, non diversitas subiacentis, id est rei his vocabulis significatur, exprimitur; sed varietas sensuum, & effectuum in creaturis monstratur. Cum enim dicitur Deus iustus, vel iustitia, essentia divina prædicatur, & etiam quod ipse sit distributor, & iudex meritum intelligi datur. Ita & cum dicitur misericors, essentia divina prædicatur, & insuper quod ipse sit miserorum liberator intelligi datur. Similiter cum dicitur bonus, essentia divina prædicatur, (1) & insuper auctor omnium bonorum ostenditur. Ita & cum dicitur Deus, essentia divina prædicatur, & ipse timendus ostenditur. Inter ergo quædam opera misericordiam, quædam iustitiam dicuntur, non quin divina essentia hæc & illa operetur, & quin hæc & illa sint opera divinæ essentiae, quæ dicitur misericordia, & iustitia; sed quia quædam sunt quibus iudex, & æquus distributor, quædam quibus ostenditur miserator: misericors enim dicitur in natura, miserator in exhibitione: & in quibusdam operibus dicitur effectus esse misericordiam, & in quibusdam effectus iustitiam, non quod aliud efficiat iustitia, aliud misericordia Dei, si ad essentiam referas; sed quia ex quibusdam effectibus intelligitur iudex, ex quibusdam miserator, vel, ut quibusdam placet, iustus, & misericors. Sed secundum hoc occurrit questio, quomodo ex aliis ostendatur iustus, & ex aliis misericors, cum sit idem ei esse iustum, & esse misericordem. Si enim secundum eandem rationem dicitur iustus, & misericors, ex eo opere quo intelligitur iustus, intelligitur misericors, & e converso. Sed dixi supra, quia cum dicitur Deus iustus, & misericors, ita eadem divina essentia significatur, & secundum ea idem prædicatur, ut etiam quædam diversa intelligantur. Intelligimus enim per hoc cum esse miseratorem, & iustum iudicem. Quod evidenter Origenes ostendit, dicens (hom. v. in Hierem. cap. viii.) „Omnia quæ Dei sunt, Christus est, ipse sapientia eius, ipse fortitudo, iustitia, sanctitas, ipse prudentia. Sed cum unum sit in subiacenti, pro varietate sensuum diversis nuncupatur vocabulis. Aliud enim significat sapientia, aliud iustitia. Quando enim sapientia dicitur, disciplinis re divinarum, humanarumque rerum instruere intelligitur: quando iustitia, distributor, vel iudex meritum insinuat: ita & prudentia cum dicitur, doctor, & demonstrator bonarum, vel malarum rerum, vel novarum intelligitur.“

*Auctoritatibus probat quædam iustitie, alia misericordie, alie bonitati attribui.*

Quod autem quædam opera misericordiam, quædam iustitiam, quædam bonitati attribuantur, in Scripturis facile est reperire. Et de misericordia quidem, & iustitia manifestum est; de bonitate vero, & misericordia amplius later. Sed Augustinus (in Psalm. cxxxv.) docet illa opera proprie ad misericordiam pertinere quibus aliqui a miseria liberantur; ad bonitatem vero non solum illa, sed facturam, & gubernationem naturalium, ita dicens: „Ad misericordiam pertinet quod a peccatis mundat, & de miseria liberat; ad bonitatem vero quod cælum, & terram, & omnia valde bona creavit ut essent.“ Idem (super Psalm. cxxxv.) „Cæli non indigent misericordia, ubi nulla est miseria: in terra hominis abundat“

(1) Ad. præpositum additur & cum dicitur Deus —

„ dat miseria , & superabundat Dei misericordia . Miseria ergo hominis , & misericordia Dei plena est terra , non cæli , qui non indigent misericordia ; indigent tamen regente Domino : omnia enim indigent Domino & miseria , & felicia : „ quia sine illo miser non subleuatur , felix non regitur . “ Item alibi ( super Psal. xxiv. ) „ Misericordia est erga miseros , bonitas erga quoslibet . “ Interdum misericordia large accipitur , ut bonitas .

*Quomodo uniuersæ viæ Domini dicantur misericordia , & veritas .*

POST hæc considerari oportet quo sensu uniuersæ viæ Domini dicantur misericordia , & veritas . Hoc multiplicem recipit expositionem . Uniuersas enim viæ Domini misericordia , & veritas , quibus ad nos venit , ut ait Augustinus super Psal. xxiv. intelliguntur duo adventus . Primus , in quo manifestam , & multiplicem misericordiam nobis exhibuit ; & secundus , in quo requirendo merita iustitiam exhibuit . Uniuersæ etiam viæ Domini , idest quibus ad Dominum ascendimus , sunt iustitia qua a malo declinamus , & misericordia qua bonum facimus : in his enim duobus omne bonum meritum includitur . Sed cum superius Cassiodorus dixerit , in his duobus omnia opera Dei includi , merito quaeri potest , an in omni opere Domini hæc duo mutuo sibi iungantur . Quibusdam placuit non in omni opere Domini hæc duo concurrere , secundum effectum dico : nam secundum essentiam non dividitur misericordia a iustitia , sed unum est ; verum secundum effectum non in omni opere Domini dicunt esse misericordiam & iustitiam ; sed in quibusdam latentur tantum misericordiam , & in aliis iustitiam , atque in aliis misericordiam , & iustitiam . Latentur tamen , Dominum omnia quæ fecit , misericorditer agere , & iuste , referentes rationem dicti ad Dei voluntatem , quæ iustitia est , & misericordia , non ad effectus misericordiae , & iustitiæ quæ sunt in rebus . Aliis autem videtur quod sicut dicitur Deus omnia opera sua iuste facere , & misericorditer , ita concedendum sit in omni opere Dei iustitiam esse , & misericordiam , idest clementiam secundum effectum , vel signum : quia nullum opus Dei est in quo non sit effectus , vel signum æquitatis , & clementiæ sive occulte , sive aperte . Aliquando enim manifesta est clementia , sive benignitas , & occulta æquitas ; aliquando e converso .

#### DIVISIO TEXTUS .

POSTquam determinavit Magister de reprobis animarum in quibus puniuntur , vel premiantur ante resurrectionem communem , & indicium generale , & de suffragiis quibus iuuantur mortui , vel iuvantur ab eis ; hic determinat de divina iustitia , & misericordia , quibus prædicta omnia dispensantur . Dividitur autem in partes duas . In prima determinat de divina iustitia , & misericordia secundum operationem ad poenam damnatorum . In secunda determinat de eis in generali , ibi , *Sed quomodo iustitiam Dei , & pietatem , idest misericordiam , supra Cassiodorus duas esse res dixit ?* Circa primum tria facit . Primo ostendit quod misericordia Dei in poenis damnatorum locum non habet . Secundo ostendit contrarium , ibi , *Sed his occurrit quod ait Cassiodorus .* Tertio determinat veritatem , ibi , *Unde non incongrue dici potest &c .* Cir-

ca quod tria facit . Primo proponit quid sit verum circa questionem prædictam . Secundo solvit auctoritatem quæ est in contrarium , ibi , *Quod igitur dictum est &c .* Tertio exponit quoddam quod dixerat , scilicet quod sit occultum Dei indicium , ibi , *Cuius occultum indicium intelligitur poena , qua quisque vel exercetur ad purgationem , vel admittitur ad conversionem .*

*Sed quomodo Dei iustitiam , & pietatem .... supra Cassiodorus duas esse res dixit ?* Hic determinat multipliciter de iustitia , & misericordia Dei in communi : & dividitur in partes duas . In prima inquit de differentiis iustitiæ , & misericordiae Dei . In secunda inquit quomodo iustitia , & misericordia concurrunt ad opus divinum , ibi , *Post hæc considerari oportet , ex quo sensu uniuersæ viæ Domini dicantur misericordia , & veritas .* Circa primum duo facit . Primo movet quaestiones . Secundo determinat eas , ibi , *His responderi potest .* Circa primum duo facit .

cit. Primo inquit, utrum sit idem in Deo iustitia, & misericordia; secundo utrum eadem opera debeant iustitiz, & misericordiz attribui, ibi, *Cur igitur dicit Scriptura de operibus Dei, quaedam esse misericordias, quaedam iustitias?*

*Hic responderi potest &c.* Hic solvit propositas quaestiones, & circa hoc duo facit. Primo solvit primam; secundo secundam, ibi, *Quod autem opera quaedam &c.* Circa primum tria facit. Primo solvit primam quaestionem. Secundo movet dubitationem circa solutionem positam, ibi, *Sed secundum hoc occurrit quaestio &c.* Tertio solvit dubitationem, ibi, *Sed dixi supra &c.*

*Post hoc considerari oportet, ex quo sensu univ. se via Domini dicatur misericordia, & veritas.* Hic inquit quomodo misericordia, & iustitia Dei occurrunt ad opus ipsius, & circa hoc duo facit. Primo ostendit quod nullum opus Dei est ad quod non concurrat misericordia Dei, vel iustitia. Secundo inquit, an ad quodlibet opus concurrat utrumque, ibi, *Sed cum superius Gassiodorus dixerit, in his duobus omnia opera Dei includi, merito queri potest &c.* Et circa hoc duo facit. Primo proponit quaestionem. Secundo solvit eam, ibi, *Quibusdā placuit.* Et dividit in partes duas secundum quod duas opiniones ponit circa hanc quaestionem. Secunda incipit ibi, *Alii autem videtur &c.*

### QUAESTIO I.

**H**ic duo concurrunt. Primo de divina iustitia. Secundo de eius misericordia. Circa primum quaeruntur tria.

Primo. An iustitia Deo debeat attribui.

Secundo. De iustitiae eius effectu.

Tertio. De iustitia eius contra damnatos.

### ARTICULUS I.

*Utrum iustitia Deo attribuenda sit.*

*I. P. quest. xxi. ars. I. l. cons. Gens. cap. xciv.*

**1.** **A**D primum sic proceditur. Videtur quod iustitia Deo attribuenda non sit. Quia secundum Philosophum in X. Ethic. (cap. viii. vel xii.) ridiculum est laudare deos secundum aliquam virtutem moralem, vel actiones virtutum moralium eis attribuire. Sed iustitia est virtus moralis. Ergo Deo attribui non potest.

2. Præterea. Iustitia contra temperantiam dividitur. Sed temperantiam non attribui-mus Deo. Ergo nec iustitiam ei attribuere debemus.

3. Præterea. Iustitia in aequalitate consistit, ut pater per Philosophum in V. Ethic. (cap. xiii. vel x.) Sed nihil potest Deo esse æquale. Ergo non potest esse aliqua iustitia eius ad alterum.

4. Præterea. Philosophus in V. Ethic. (cap. xii.) dicit, quod domini ad servum non est iustitia. Sed Deus est omnium dominator. Ergo ei iustitia non competit.

Sed contra est quod in Psal. x. dicitur: *Iustus Dominus, & iustitias dilexit.*

Præterea. Omne quod est potissimum, est Deo attribuendum. Sed secundum Philosophum in V. Ethic. (cap. xii.) iustitia est præclarissima virtutum. Ergo maxime debet attribui Deo.

### QUAESTIUNCULA II.

1. Ulterius. Videtur quod in Deo secundum eandem rationem dicatur bonitas, & iustitia. Quia iustitia est universaliter omnis virtus, ut pater per Philosophum in V. Ethic. (ubi sup.) Sed virtus uniuscuiusque rei est bonitas ipsius: quia virtus est quæ bonum habentem facit, & opus eius bonum reddit, ut patet in II. Ethic. (cap. v. vel vi.) Ergo secundum eandem rationem dicitur iustus, & bonus.

2. Præterea. Dionysius dicit in viii. cap. de divin. Nomin. quod iustitia laudatur in Deo, inquantum omnibus secundum dignitatem distribuit. Sed distribuere omnibus, (a) ad rationem bonitatis pertinet, quia totius communicationis divina bonitas causa est. Ergo iustitia, & bonitas dicuntur in Deo secundum eandem rationem.

3. Præterea. Bonitas, & iustitia magis conveniunt in Deo quam conveniant in creaturis. Sed in creaturis eadem videtur effectio bonitatis, & iustitiae: nisi enim ex hoc ipso quod creata sunt bona, iusta essent, inconvenienter videtur quod a Deo bono omnia essent bona, & ab eo iusto non essent omnia iusta. Ergo in Deo secundum eandem rationem dicitur bonitas, & iustitia.

Sed contra est quod Boetius dicit in Lib. de hebdom. (cap. ii.) *Bonum (b) esse ad essentiam, iustum vero esse ad actum respicit.* Sed *esse*, & *actus* non dicuntur secundum eandem rationem in Deo. Ergo nec iustitia, & bonitas.

Præ-

(a) A. addit hoc. (b) A. omne.

Præterea. Generis, & speciei non est omnino eadem ratio. Sed bonitas, & iustitia se habent ut genus, & species: unde Boetius dicit in Lib. de hebdom. (ubi sup.) *Bonum quidem est generale, iustum autem speciale*. Ergo non est eadem ratio omnino bonitatis, & iustitiæ.

## QUAESTIUNCULA III.

1. Ulterius. Videtur quod non sit eadem ratio in Deo iustitiæ, & veritatis. Quia ea quæ in nobis secundum speciem differunt, in Deo differunt secundum rationem. Sed nobis ponitur veritas alia virtus a iustitia specie differens, ut patet in IV. Ethic. (cap. xiii. vel xv.) Ergo & in Deo secundum aliam rationem dicitur iustitia, & veritas.

2. Præterea. Generis, & speciei non est omnino eadem ratio. Sed veritas, secundum Thomam (Lib. II. de invent. num. lxxv.) est species iustitiæ. Ergo veritatis, & iustitiæ non est eadem ratio.

3. Præterea. Iustitia, cum sit quasi species bonitatis, ut ex auctoritate Boetii inducta patet, ad effectum pertinet; veritas autem ad intellectum. Ergo veritas, & iustitia non dicuntur in Deo secundum eandem rationem.

Sed contra est quod in auctoritate Psal. xxiv. 10. quæ hic inducitur, *Universe via Domini misericordia, & veritas*, veritas pro iustitia exponitur. Ergo sunt idem secundum rationem.

Præterea. Iustitia consistit in redditione debiti. Sed Deus non est debitor nobis nisi ex promisso, ut Anselmus dicit (in medit. redempt. generis humani cap. 111.) Ergo idem est Deo reddere debitum, quod solvere promissum. Cum ergo ex hoc quod solvit promissum, dicatur verax, secundum eandem rationem (a) dicitur Deus iustus, & verax.

## SOLUTIO I.

Respondeo dicendum ad primam questionem, quod iustitia proprie dicta æqualitatem constituit in acceptionibus, (b) & donationibus, ut patet per Philosophum in V. Ethic. (cap. 111.) Hoc autem contingit dupliciter. Uno modo secundum quod constituit æqualitatem inter dantem & recipientem, ut scilicet accipiens tantum accipiat a dante quantum accipere debet; & in hoc consistit iustitia commutativa, utpote quæ medium ponit in emptionibus, & venditionibus,

& omnibus retributionibus. Alio modo secundum quod constituitur æqualitas inter duos recipientes, secundum quod contingit ex hoc quod uterque æqualiter recipit pro meritis; & in hoc consistit iustitia distributiva. In prima ergo, scilicet commutativa iustitia, requiritur æqualitas quantitatis, ut scilicet tantum quisquis accipiat, quantum dedit secundum valorem: & ideo inter illos in quibus non potest esse quantitatis æqualitas, non potest proprie esse commutativa iustitia, sicut est in illis quorum unus non potest recompensare aliquid æquivalens beneficiis acceptis ab alio, sicut filius non potest recompensare aliquid æquivalens beneficiis patris, a quo esse, & nutrimentum accepit, & disciplinam: & ideo quantumcumque retribuit patri inobsequiis, non sit perfecta æqualitas: unde nec proprie salvatur ibi ratio commutativæ iustitiæ; sed tamen aliquis modus iustitiæ salvari potest, in quantum filius retribuit patri secundum modum suum, sicut pater dedit secundum modum suum, ut loco æqualis quantitatis sumatur æqualitas proportionis. Sed iustitia distributiva non requirit quantitatis æqualitatem, sed proportionis tantum. Non enim oportet ut distribuens omnibus æqualiter distribuatur, sed unicuique proportionaliter secundum suum modum. Sic ergo ratio distributivæ iustitiæ Deo proprie convenire potest, in quantum scilicet æqualitatem proportionis servat in communicatione bonorum suorum, dans unicuique proportionaliter secundum suum modum. Unde Dionysius dicit in viii. cap. de divin. Nomin. quod iustitia laudatur in Deo, in quantum omnibus secundum dignitatem distribuit. Sed iustitia commutativa, per quam æqualitas constituitur inter Deum dantem & creaturam recipientem, Deo competere non potest secundum propriam acceptionem, quia beneficia Dei semper excedunt meritum creaturæ; sed tamen servatur etiam proportio quædam æqualitas inter Deum dantem & creaturam recipientem, in quantum scilicet se habet ad suam superabundantiam, sicut creatura ad id quod competit ei secundum suam parvitatem. Et sic etiam quidam modus commutativæ iustitiæ invenitur in Deo respectu naturæ, sicut invenitur inter patrem & filium: & secundum hoc assignantur duo modi divinæ iustitiæ. Unus, in quantum reddit pro meritis: hoc enim ad iustitiam distributivam pertinet, cuius est distribuere omnibus proportionaliter secundum suam dignitatem.

(a) *Id.* diceretur Deus iustus verax. (b) *Id.* & donationibus.



rem. Alius modus, secundum quod facit id quod deest suam bonitatem; sicut, etiam dicitur iustum in eo quod peccatoribus parciat, quia deest cum. Hoc autem pertinet ad modum commutativae iustitiae, non quidem secundum aequalitatem quantitatis servare, secundum quod requiritur in commutativa iustitia proprie dicta, sed servare secundum aequalitatem proportionis: quia scilicet ita se habet Deus ad id quod superabundanter facit, sicut creatura ad id in quo deficit: & secundum hoc superabundare in beneficiis dicitur ei iustum, in quantum est ei proportionatum, & decens. Glossa (vetus Ambrosiaster) super illud I. Corinth. 11. *Tamquam a Domini ipsa* (a) dicit: „Ut offenderet talem gloriam dari quae sublimitati congruat dantis.“

Ad primum ergo dicendum, quod Philosophus a Deo excludit virtutes morales, prout determinantur circa materiam civilem, sicut iustitia est circa emptiones, & venditiones, & depositiones, & huiusmodi; non tamen removetur per hoc quin iustitia possit esse in Deo, secundum quod est distributor naturalium bonorum omnibus creaturis.

Ad secundum dicendum, quod temperantia consistit circa passiones innatas, iustitia autem circa commutationes operationum: ex quo patet quod materia temperantiae nullo modo potest Deo convenire, sicut materia iustitiae. Et praeterea temperantia dirigit respectu horum quae sunt in temperato; sed iustitia respicit illud quod est extra: & ideo non est simile.

Ad tertium dicendum, quod iustitia non semper requirit aequalitatem inter dantem & accipientem, nec semper aequalitatem quantitatis; sed sufficit quandoque aequalitas proportionis: & ideo non est inconveniens, si iustitia aliquo modo in Deo ponatur.

Ad quartum dicendum, quod inter dominum, & servum non potest esse iustitia commutativa proprie dicta: non enim potest aliqua aequalitas secundum quantitatem inter eos constitui, cum totum quod est servi, sit domini: servatur tamen aliquis modus iustitiae commutativae, prout inter eos invenitur aequalitas proportionis. Unde etiam Philosophus in V. Ethic. (cap. vi.), distinguit dominativum iustum a iusto politico, quod est proprie dictum: & per hunc etiam modum potest esse iustitia Dei ad creaturam.

Ad secundam quaestionem dicendum, quod iustitia praesupponit rationem bonitatis in Deo. Bonitas enim importat in Deo rationem finis, in quo est plenissima perfectio; finis autem movet efficientem ad agendum: unde & bonitas Dei movet quodummodo ipsum ad operandum, non quidem ut ipse bonitatem acquirat, sed ut bonitatem aliis communicet. Ut enim in II. Lib. dist. 1. (quaest. 1. art. 1. in corp.) dictum est, Deus non agit propter appetitum finis, sed propter amorem finis, volens communicare bonitatem suam, quantum possibile est, & decens secundum eius providentiam: & ideo sicut finis in omnibus operabilibus est primum principium, ita divina bonitas est primum principium communicationis totius, qua Deus perfectiones creaturis largitur. Sed iustitia determinat quendam modum in istis communicationibus, in quantum scilicet communicando aequalitatem servat. Et ideo patet quod bonitas, & iustitia secundum rationem dupliciter differunt. Primo quia bonitas pertinet ad ipsam perfectionem naturae divinae, secundum quam habet rationem finis; sed iustitia pertinet ad ipsum communicationis actum. Secundo quia bonitas est respiciat communicationem ut principium, respicit tamen communicationem in communi, non determinans aliquem specialem modum; sed iustitia determinat in ea specialem modum, scilicet aequalitatis. Et has duas differentias Boetius tangit in Lib. de hebdom. (cap. 11.) dicens quod bonum respicit essentiam, sed iustum actum: & iterum quod bonum generale est, & iustum speciale.

Ad primum ergo dicendum, quod quavis virtus faciat bonum habentem, & opus reddat bonum; non tamen est eadem ratio bonitatis, & virtutis: quia virtus dicitur secundum quod est principium actionis, & tenet se ex parte causae efficientis; sed bonum magis respicit rationem finis. Sed quia effectus debet esse fini proportionatus, & ex hoc efficiens bonitatem fovitur, & actus eius; ideo virtus, quae hanc proportionem importat, cum sit dispositio perfecti ad optimum, ut dicitur in VII. Physic. (text. xvii.) dicitur facere bonum agentem, & actum. Et similiter etiam iustitia, sive accipitur ut virtus particularis, sive prout est idem quod omnis virtus, se tenet ex parte efficientis; tamen secundum quod virtus omnis est iustitia, etsi subiecto sit idem iustitia,

(a) ut. deest dicit.

ritia, & virtus, non tamen sunt idem ratione, ut in V. Ethic. dicitur. Unde nullo modo sequitur quod iustitia, & bonitas sint eiusdem rationis.

Ad secundum dicendum, quod distributionis principium & est bonitas, & iustitia, sed diversimode: quia bonitas est sicut principium finale, non determinans specialem distributionis modum; sed iustitia est sicut principium efficiens determinans specialem modum distributionis: & ideo etiam Dionysius (de div. Nom. cap. viii.) attribuit iustitiae distributionem secundum dignitatem; sed communicationem absolute attribuit bonitati.

Ad tertium dicendum, quod Deus unicuique creaturae quam producit in esse, aliquam perfectionem largitur: alias esse non posset: & ideo omnia dicuntur bona in quantum sunt a bono: non tamen unicuique eorum quae producit in esse, dat quod sit actus secundum illum specialem modum actionis quem iustitia servat. Et ideo non oportet quod omnia quae sunt a iusto Deo, iusta dicantur; & sic etiam non sequitur quod sit eadem ratio boni, & iusti.

### SOLUTIO III.

Ad tertiam questionem dicendum, quod omnis aequalitas per actionem aliquam constituta requirit aliquam regulam secundum quam adequatio fiat: unde cum iustitia consistat in hoc quod aequalitatem per suam actionem constituat in donationibus, & acceptionibus; oportet omnem iustitiam aliquam regulam habere secundum quam adequatio fiat. Regulae autem iustitiae sunt rationes in mente constitutae, secundum quas homo iustus aequalitatem constituit: & ideo quando eius actiones illis rationibus concordant, dicitur iustitiam servare; quando autem discordant, dicitur iniuste agere. Et quia veritatis ratio consistit in adaequatione rerum ad intellectum, inde est quod nomen veritatis transferatur ad significandum adaequationem operum iustitiae ad rationes iustitiae; & haec est veritas quam dicimus iustitiae veritatem: & secundum hoc ipsa iustitia idem quod veritas est; sed tamen iustitia dicitur secundum aequalitatem exteriori constitutam; sed veritas dicitur secundum commensurationem exterioris aequalitatis ad rationes quae sunt in mente: & secundum hoc veritas & iustitia eodem intellectu in Deo accipiuntur.

Ad primum ergo dicendum, quod actio-

S. Th. Oper. Tom. XIII.

(a) Ad. additur prima.

nes exteriores comparantur ad interiorem dispositionem mentis dupliciter: uno modo ut signum ad signatum; alio modo ut regulatum ad regulam: & secundum utramque comparationem commensuratio exteriorum actionum ad interiorem dispositionem mentis constituit veritatis rationem. Veritas ergo, de qua Philosophus loquitur in IV. Ethic. (cap. vii.) consistit in commensuratione actionum ad mentem, prout sunt signa illius, dum scilicet aliquis talem se exhibet in dictis, & factis, qualis est interiorius: unde haec virtus secundum ipsum opponitur iactantiae, & simulationi. Sed veritas iustitiae, de qua loquimur, facit commensurationem secundum aliam comparationem actionum exteriorum ad mentem, prout scilicet comparantur ad eam ut ad regulam aequalitatis in rebus constitutae per actus iustitiae. Sed quia non solum aequalitas constituta in rebus per actus nostros, sed etiam ipsi actus nostri commensurari debent rationi quae est in mente; ideo in hac commensuratione etiam alia veritas invenitur, secundum quod ipsae operationes sunt commensurate menti; & haec est veritas vita, quae consistit in hoc quod unusquisque faciat secundum quod ratio docet.

Ad secundum dicendum, quod veritas illa de qua Tullius loquitur, est secundum commensurationem vocis ad rem; prout scilicet aliquis consistit in iudiciis secundum quod res se habet, & servat in factis secundum quod promissit: & haec veritas est pars iustitiae.

Ad tertium dicendum, quod veritas quae est in intellectu, est aequalitas intellectus ad rem indifferenter, sive sit per actum nostrum constituta, sive non: & de hac non loquimur ad praesens. Et quia voces sunt signa intellectus, ideo iuxta hanc veritatem sumitur veritas doctrinae quae distinguitur contra veritatem iustitiae: veritas enim doctrinae in veritate enuntiationis consistit. Potest igitur colligi ex praedictis quod veritas (a) uno modo accipitur secundum commensurationem intellectus ad esse rei; & secundum hanc veritas doctrinae accipitur. Alio modo secundum commensurationem actionum nostrarum ad intellectum rectum; & sic prout sunt signum ipsius, non considerato damno, vel lucro alicuius, est veritas de qua loquitur Philosophus, divisa contra simulationem, & iactantiam; considerato vero damno, vel lucro, est veritas quae est pars iustitiae, quam

Ddd

Tul-

Tullius ponit, per quam servatur aliquis indemonis in iudiciis, & confessionibus; ut utraque istarum veritatum reducat ad veritatem doctrinæ, inquantum utraque consistit in quadam manifestatione. Prout vero actiones nostræ comparantur ad intellectum ut regulatur ad regulam, sic secundum quod intellectus rectus (a) est regula actionum, est veritas vitæ; secundum vero quod est regula (b) æqualitatis constituitur in rebus, est veritas iustitiæ.

## ARTICULUS II.

*Utrum opus Dei dicatur iustum ex hoc solo quod est ei placitum.*

*II. contra Gent. cap. XXI.*

1. **A**D secundum sic proceditur. Videtur quod opus Dei dicatur iustum ex hoc solo quod est ei placitum. Anselmus enim in Monol. (in proslolog. cap. xi.) dicit de Deo loquens: *Id solum iustum est quod vis, & non iustum quod non vis.* Ergo &c.

2. Præterea. Rom. ix. 21. dicitur: *An non habet potestatem figulus (c) ex eadem massa facere aliud quidem vas in honorem, aliud in contumeliam? & loquitur de Deo per similitudinem figuli.* Sed quidquid ex luto vult figulus fieri, iustum est ut ex luto fiat. Ergo quidquid Deus vult in creatura fieri, iustum est ut fiat; & sic ex hoc solo dicitur aliquid esse iustum quod est a Deo volutum.

3. Præterea. Ubicumque est aliud iustitia quam voluntas, iustitia voluntatem restringit, & sic quodammodo ei resistit. Sed nihil est quod restringat voluntatem Dei: unde Matth. xx. *An non licet mihi quod volo facere? nec aliquid etiam ei resistere potest: quia in Psalm. cxlvi. 3. Omnia quæcumque voluit fecit: & Rom. ix. 19. Voluntati eius quis resistit? Ergo ipsa eius voluntas est eius iustitia.* Ex hoc ergo aliquid est iustum quod est a Deo volutum.

4. Præterea. In nobis non est idem, opus nostrum esse iustum, & a nobis esse volutum, ex hoc quod aliqui debitorum sumus, (d) cui si debitum reddere volumus, iustum opus nostrum non esset. Sed Deus nulli est debitor. Ergo opus ipsius non dicitur iustum nisi ex hoc quod est ei placitum.

Sed contra. Deus dicitur iuste agere, in-

quantum reddit unicuique pro meritis. Psal. lxi. 13. *Tu reddis unicuique iusta opera sua.* Sed voluntas Dei non concernit merita. Ergo non ex hoc solo dicitur opus Dei iustum quod est ei placitum.

Præterea. Opus Dei non ex eodem dicitur opus iustitiæ, & opus misericordiæ. Sed opus misericordiæ est opus voluntatis divinæ. Ergo non ex hoc solo dicitur opus Dei iustum quod est ei placitum.

## QUÆSTIUNCULA II.

1. Uterius. Videtur quod Deus non possit prætermittere aliquid eorum quæ ad iustitiam operis eius concurrunt. Quia II. ad Tim. 11. *Ille fidelis permanet, seipsum negare non potest.* „Negaret autem seipsum (dicit Glossa) si dicta sua non impletet.“ Ergo cum ex hoc dicatur opus Dei iustum esse quod per ipsum impleantur Dei dicta, videtur quod non possit iustitiam sui operis prætermittere.

2. Præterea. Rom. xi. super illud, *Contra naturam inferius es &c.* Glossa: „Deus creator, & conditor omnium rerum nihil contra naturam facit, sicut nec contra seipsum.“ Sed sicut ipse est conditor naturarum, ita ipse est conditor, & causa omnis iustitiæ. Ergo nihil potest facere contra ordinem iustitiæ in rebus constitutum.

3. Præterea. Si posset ordinem iustitiæ in rebus constitutum immutare, ergo posset bonos damnare, & malos præmiare. Sed hoc videtur inconveniens. Ergo Deus ordinem iustitiæ qui est in rebus, non potest immutare.

Sed contra. Ordo iustitiæ requirit ut aliquis pro peccato puniatur. Sed Deus potest poenam dimittere peccato debitam: alias frustra rogaretur ut debita nobis dimitteret. Ergo potest immutare ordinem iustitiæ constitutum in rebus.

Præterea. Ordo iustitiæ in rebus humanis est conformis ordini rerum naturalium: unde iustitia humana a iustitia rerum naturalium trahitur secundum Philosophos. Sed Deus immutat quandoque ordinem rerum naturalium ab eo statutum, ut patet in operibus miraculosos. Ergo & potest ordinem iustitiæ in rebus humanis statutum immutare.

## QUÆ-

(a) Al. est regula, actio non est &c. (b) Al. iustitiæ æqualitatis. (c) Al. deest eadem. (d) Al. quibus.

## QUAESTIUNCULA III.

1. Ulterius. Videtur quod Deus nullum puniat nisi pro peccato. Quia, ut dicit Hieronymus (epist. 111. ad Heliodorum) *quidquid patimur, peccata nostra meruerunt*. Per passionem autem poenam designat. Ergo omnis poena pro peccato redditur.

2. Præterea. Sicut præmium habet se ad meritum, ita poena ad peccatum. Sed præmium non redditur nisi merito. Ergo nec poena nisi peccato.

3. Præterea. Poena est quasi medicina quedam, dum scilicet vel ipse qui punitur, per poenam corrigitur, vel alii, qui ex hoc terrentur. Sed hoc non esset, si poena etiam absque peccato inferretur. Ergo non inferretur poena nisi pro peccato.

4. Præterea. Humana iustitia a divina exemplatur. Sed secundum humanam iustitiam reputaretur iniustum punire aliquem sine culpa. Ergo multo fortius hoc est inconveniens divinæ iustitiæ.

Sed contra. Iob gravissime punitus fuit. Sed pena non fuit ei inflicta pro culpa, ut frequenter dicit Gregorius. Ergo non semper Deus infert poenam pro culpa.

Præterea. Infortunia quæ in hoc mundo accidunt, communia sunt bonis, & malis, ut Augustinus dicit in Lib. de civ. Dei (XX. cap. 111.) Sed culpa non est utriusque communis. Ergo aliquando poena inferretur sine culpa.

## QUAESTIUNCULA IV.

1. Ulterius. Videtur quod Dominus agat iustius cum uno quam cum alio. Punitio enim est opus iustitiæ. Sed magis punit unum quam alium. Ergo iustius agit cum uno quam cum alio.

2. Præterea. Misericordia temperat severitatem iustitiæ. Sed Deus misericordius agit cum uno quam cum alio. Ergo & iustius.

Sed contra. Iustitia æqualitas quedam est. Sed æquale non suscipit magis & minus. Ergo Deus non agit iustius cum uno quam cum alio.

## SOLUTIO I.

Respondeo dicendum ad primam questionem, quod iustitia, & voluntas in Deo idem sunt secundum rem; sed secundum rationem iustitia aliquid supra voluntatem addit, scilicet ordinem divinis effectibus convenientem, secundum quod unum alteri pro-

portionaliter adæquatur. Est enim in rebus (a) creatis duplex ordo: unus secundum quem creatura ordinatur ad Deum; alius secundum quem una creatura dependet ab alia. Nomine igitur voluntatis non exprimitur nisi ordo ille qui est creaturæ ad creaturam. Sicut enim igni in tali natura constituto debetur ut sit sursum, considerato rerum ordine ad invicem, ita etiam culpæ debetur ut puniatur secundum ordinem eundem. Unde patet quod non ex hoc tantum aliquid dicitur esse iustum, quia est a Deo volitum, sed quia est debitum alicui rei creatæ secundum ordinem creaturæ ad creaturam. Nihil enim alicui rei potest esse debitum nisi ratione suæ naturæ, vel conditionis. Naturæ autem, & proprietatis rei causa est divina voluntas: & ideo totus ordo iustitiæ originaliter ad divinam voluntatem reducitur.

Ad primum ergo dicendum, quod quamvis omne quod Deus vult, iustum sit; non tamen ex hoc iustum dicitur quod Deus illud vult, ut dictum est.

Ad secundum dicendum, quod luto non est magis debitum quod ex eo formentur vasa nobilia quam ignobilia; sed cum ex luto formatum est vas nobile, nobilitati illius vasis est debitum ut ad usus convenientes deputetur. Similiter quod Deus talem creaturam producat qualem voluerit, indifferens est ad rationem iustitiæ; sed quod aliqua natura producta ei attribuitur quod illi naturæ competit, hoc ad eius iustitiam pertinet, & contrarium eius iustitiæ repugnaret: & similiter indifferens est quantum ad iustitiam eius ut det gratiam, vel non det, cum donum gratiæ non sit naturæ debitum; sed postquam gratiam contulit, quæ est merendi principium, ad iudicium eius pertinet ut pro meritis præmia reddat: & sic ex suppositione voluntatis iustitia causatur.

Ad tertium dicendum, quod illud quod in voluntate includitur, voluntatem non restringit. Ex hoc autem ipso quod Deus vult aliquam naturam facere, vult attribuere ei ea quæ illi naturæ competunt; sicut cum homo vult finem, ex hoc ipso vult ea quæ sunt ad finem: & ideo voluntas Dei neque iustitia eius restringitur, neque iustitia eius testificare potest.

Ad quartum dicendum, quod quamvis Deus non sit debitor alicui creaturæ, tamen creaturæ potest esse aliquid debitum, quod scilicet requiritur ad ipsam ad hoc quod

D d d a exem-

(a) ut causatus.

Exemplar divinæ sapientiæ imitetur; & hoc debitum concernit iustitiam, cum dicitur Deus aliquid iuste facere: quod quidem magis pertinet ad ordinem rei ad rem, quam ad ordinem rei creatæ ad Deum.

### SOLUTIO II.

Ad secundam quæstionem dicendum, quod iustitiæ opus potest dupliciter prætermitti. Uno modo ut fiat contra iustitiam; alio modo ut fiat præter iustitiam. Cum enim iustitia dicatur per comparisonem ad alterum, tunc contra ordinem fit quando ei subtrahitur quod ei debetur, vel quod conditio eius exigit. Si autem aliquid amplius ei impendatur, non est contra iustitiam, sed præter iustitiam: quia etiam si alicui rei aliquid non debeatur, non tamen illius privatio est ei debita. Unde si aliquid ei exhibeatur quod non debetur, nihil contra ordinem iustitiæ fiet, sicut patet in eo qui alicui liberaliter sua bona communicat. Sed, sicut Philosophus dicit in V. Ethic. (cap. v. vel vii.) pro eodem computatur minus de malo, & plus de bono: unde sicut sine præiudicio iustitiæ potest aliquis de bonis suis plus alicui conferre quam debeat, ita sine præiudicio iustitiæ potest ei minus irrogari de pena pro peccato in eum commissio quam ei debeatur. Sed sicut non potest sine iniuria aliquis de bonis alterius plus alicui conferre quam ei debetur, ita non potest minus irrogare de pena pro peccato commissio in alterum: & ideo iudex non potest sine præiudicio iustitiæ pœnas diminueri debitas pro peccatis in Deum, vel in Reipublicam commissis, nisi forte quatenus viderit hoc utilitati Reipublicæ expedire. Deus autem donator bonorum omnium est, & in eum omnis peccator peccat: unde ipse potest plus conferre de bonis quam sit alicui debitum, & minus inferre de malis, vel etiam pœnam totaliter relaxare; nec in hoc contra iustitiam, sed præter iustitiam faceret. Sed si alicui minus conferret de bonis quam ei debetur, vel plus puniret quam peccasset, hoc contra ordinem iustitiæ esset; nec Deus hoc posset, loquendo de potentia ordinaria, sicut non posset facere quin eius opus secundum quod esse participat, emularetur. Ex hoc enim ipso aliquid alicui rei est debitum secundum exigentiam suæ conditionis, quod sine illo exemplar divinum secundum propriam suam rationem imitari non potest.

Ad primum ergo dicendum, quod Deus

seipsum negaret, si creaturæ non conferret quod ei debetur secundum suam dispositionem. Sic enim veritatem non servaret in operum conditione, vel gubernatione. Non autem seipsum negat, si aliquid amplius creaturæ exhibeat quam ei debeatur, ut dictum est.

Ad secundum dicendum, quod Deus etsi nihil faciat contra naturam, tamen facit aliquid præter naturam, inquantum scilicet facit aliquid in natura ad quod non sufficient vires naturæ: similiter etiam etsi non faciat aliquid contra iustitiam, potest tamen aliquid præter iustitiam facere.

Ad tertium dicendum, quod damnare Petrum, cui ex beneficio gratiæ sibi collatæ salus debetur, esset contrarium iustitiæ: unde hoc Deus non potest, loquendo de potentia ordinaria. Sed salvare Iudam non esset iustitiæ contrarium, sed præter eam, ut patet ex dictis; sed tamen esset contrarium eius præscientiæ, & dispositioni, qua ei æternam pœnam paravit: unde iustitiæ ordo non impedit quin posset salvare Iudam; sed impedit ordo præscientiæ, & dispositionis æternæ.

### SOLUTIO III.

Ad tertiam quæstionem dicendum, quod pœna de sui ratione semper importat aliquid nocivum. Ex hoc autem est aliquid nocivum, quod per ipsum subtrahitur aliquid bonum. Inter bona autem hominis quædam sunt per se loquendo ei bona, quæ sunt bona hominis in eo quod homo; quædam autem sunt bona secundum ordinem ad ista bona, sicut temporalia bona. Unde ista intantum sunt bona, inquantum ad illa spiritualia bona sunt homini adiumento; si autem impediunt, ex hoc non sunt ei bona, sed mala: unde etiam Philosophus in VII. Ethic. (cap. xiii. vel xiv.) dicit, quod bona fortuna est iudicanda secundum comparisonem ad virtutem, prout adiuvat, vel impedit eam. Pari ergo detrimentum in spiritualibus bonis semper malum est; sed pari detrimentum in bonis temporalibus quandoque quidem est bonum, quandoque vero malum. Malum quidem est, secundum quod impedit ab operatione virtutis, & consecutionem spiritualis boni; sed bonum est, secundum quod adiuvat ad virtutem, sive ad consecutionem spiritualis boni, sicut exercitium corporale utile est ad corporalem fortitudinem acquirendam. Et quia, ut dictum est, pœna a nocendo dicitur, ideo detrimentum in spiritualibus bonis semper pœna est; sed detrimentum

tum in temporalibus bonis quandoque quidem non est poena, sed medicina proficiens ad salutem; sicut amaritudo potionis non est poena, sed medella corporalis sanitatis. Sed tamen quia natura nostra talis est ut ad perfectionem spiritualis boni per temporalium detrimenta oporteat pervenire, ex culpa peccati venit quo tota natura vitiosa est: nec tali medicina opus erit, quando vulnus peccati perfecte erit curatum, cum homo ad ultimum finem spiritualis perfectionis perveniet.

Unde dicendum, quod poena proprie loquendo numquam datur nisi culpa; sed tamen id quod contingit esse poenale, scilicet detrimentum temporalium bonorum in statu viz, aliquando inferitur homini absque culpa praecedenti in persona, quamvis non absque culpa praecedenti in natura, sed post hanc vitam cessante spirituali profectu nullum detrimentum, etiam in corporalibus, aliquis sine culpa sustinebit: quia tunc abterget Deus omnem lacrymam ab oculis sanctorum: Apoc. xxi. Sed in spiritualibus bonis nullus detrimentum sustinet neque in hac vita, neque in futura sine culpa personae.

Ad primum ergo dicendum, quod Hieronymus loquitur generaliter de merito peccati actualis, & originalis praecedente vel in persona, vel in natura.

Ad secundum dicendum, quod aliquod bonum alicui exhibetur nullo merito praecedente, sicut prima gratia; non tamen habet rationem praemii: unde non est inconveniens, si aliquod malum inferatur alicui nulla culpa praecedente, quod non habeat rationem poenae, sed potius medicinae promoventis ad bonum.

Ad tertium dicendum, quod poena non solum dicitur medicina ex hoc quod retrahit a malo, terrendo; de quo etiam obiectio procedit; sed etiam inquantum promovet ad bonum, exercitandis, & abstrahendo hominem ab amore temporalium: unde ratio non sequitur.

Ad quartum dicendum, quod etiam nulla culpa praecedente sine praedictio humanae iustitiae aliquid poenale alicui inferitur, ut vel exercitatio iuvenibus, vel medicina infirmis: unde non est inconveniens, si hoc idem fiat secundum iustitiam divinam.

#### SOLUTIO IV.

Ad quartam questionem dicendum, quod actio cum sit media inter agentem & esse-

rum, ex utraque parte modificari potest; Cum ergo quaeritur, an Deus iustus cum uno agat quam cum alio, si hoc referatur ad actionem prout exit ab agente, cum iustitia sua, qua cum omnibus iuste agit, sit una, & invariabilis, non agit iustus cum uno quam cum alio; si autem referatur ad actionem prout terminatur ad effectum, sic etiam dici non potest, quod cum uno iustus agat quam cum alio, eo quod opus aliquod dicitur iustum ex hoc quod est proportionaliter adaequatum: aequalitas autem sive quantitatis, sive proportionis est eiusdem rationis in minimis, & in magnis: eadem enim proportio quae est inter duo & unum, est inter viginti & decem; & aequalitas eadem quae est inter unum & unum, est inter centum & centum. Et ideo non potest esse unum opus altero iustum, dummodo utrumque sit iustum: eadem enim iustitia servatur dum mala redduntur pro malis, & bona pro bonis, sive sint parva, sive sint magna. Sed tamen quia in novis non requiritur ad virtutem ut semper medium attingamus, sed sufficit quandoque iuxta medium esse propter difficultatem inventionis medii, ut dicitur in II. Ethic. (cap. ult.) inde est quod apud nos unus alio iustius agere dicitur, secundum quod magis, vel minus accedit ad medium non perveniente utroque ad ipsum. Sed ipse Deus, cui sunt nota omnia rerum mensurae, semper in operatione sua ad medium indivisibile pertingit: unde nullo modo iustus cum uno quam cum alio agit.

Ad primum ergo dicendum, quod punitio non est effectus iustitiae inquantum huiusmodi, sed inquantum est culpae proportionata. Licet ergo a Deo inferatur maior poena, vel minor, semper tamen ex eius iustitia secundum eandem proportionem inferatur.

Ad secundum dicendum, quod misericordia respicit absolute divinum effectum, non concernendo aliquam proportionem, vel aequalitatem in ipso: unde secundum maiorem, vel minorem misericordiae effectum dicitur misericordius agere cum uno quam cum alio; si hoc referatur ad actionem secundum quod determinatur ad effectum; non autem, si referatur ad eam secundum quod exit ab agente: quia ipse una & invariabilis misericordia cum omnibus misericorditer agit. Nec tamen legitur propter hoc quod aliquo modo cum uno iustus agat quam cum alio: effectus enim misericordiae non est contra iustitiam, sed praeter eam, ut ex praedictis patet.

A R-

## ARTICULUS III.

*Utrum ex divina iustitia inferatur peccatoribus  
pœna æterna.*

1. 2. quæst. lxxxvii. art. 3.

1. **A**D tertium sic proceditur. Videtur quod ex divina iustitia non inferatur peccatoribus pœna æterna. Pœna enim non debet excedere culpam. [Deuter. xxv. 2. (a) *Secundum mensuram delicti eris & flagrum modus.* Sed culpa est temporalis. Ergo pœna non debet esse æterna.

2. Præterea. Duorum peccatorum mortaliū unum est altero maius. Ergo unum debet maiori pœna quam alterum puniri. Sed nulla pœna potest esse maior quam æterna, cum sit infinita. Ergo non cuiuslibet peccato mortali debetur pœna æterna; & si uni non debetur, nulli debetur, cum eorum non sit distantia infinita.

3. Præterea. A iusto iudice non inferitur pœna nisi ad correctionem: unde H. Ethic. (cap. ii. vel xii.) dicitur, quod pœnæ sunt quædam medicinæ. Sed quod impii in æternum puniantur, hoc non est ad correctionem eorum, nec aliquorum malorum, cum tunc non sint futuri alii qui per hoc corrigi possint. Ergo secundum divinam iustitiam non inferitur pro peccatis pœna æterna.

4. Præterea. Omne quod non est propter se volitum, nullus vult nisi propter aliquam utilitatem. Sed pœnæ non sunt a Deo propter se volitæ: non enim delectatur in penis. Cum ergo nulla utilitas possit accidere ex pœnæ perpetuatione, videtur quod perpetuam pœnam pro peccato non inferat.

5. Præterea. Nihil quod est per accidens, est perpetuum, ut dicitur I. cæl. & mund. (text. xv.) Sed pœna est eorum quæ sunt per accidens, cum sit contra naturam. Ergo non potest esse perpetua.

6. Præterea. Iustitia Dei hoc requirere videtur ut peccatores ad nihilum redigantur: quia per ingratitudinem dicitur aliquis beneficia accepta amittere. Inter cetera autem Dei beneficia est etiam ipsum esse: unde videtur iustum ut peccator qui ingratus Deo existit, ipsum esse amittat. Sed si in nihilum redigantur, eorum pœna non potest esse perpetua. Ergo non videtur esse consensum divinæ iustitiæ ut peccatores perpetuo puniantur.

Sed contra est quod dicitur Matth. xxv. 46. *Ibunt hi, scilicet peccatores, in supplicium æternum.*

Præterea. Sicut se habet præmium ad meritum, ita pœna ad culpam. Sed secundum divinam iustitiam merito temporali debetur præmium æternum: Ioan. vi. 40. *Omnis qui videt Filium, & credit in eum, habet vitam æternam.* Ergo & culpæ temporali secundum divinam iustitiam debetur pœna æterna.

Præterea. Secundum Philosophum in V. Ethic. (cap. iii.) pœna taxatur secundum dignitatem eius in quem peccatur; unde maiori pœna punitur qui percutit alapa Principem quam alium quemcumque. Sed quicumque peccat mortaliter, peccat contra Deum, cuius præcepta transgreditur, & cuius honorem aliquando aliis impertit, dum in alio finem constituit. Maiestas autem Dei est infinita. Ergo quicumque mortaliter peccat, dignus est infinita pœna; & ita videtur quod iuste pro peccato mortali aliquis perpetuo puniatur.

## SOLUTIO.

Respondeo dicendum, quod cum pœna duplicem habeat quantitatem, scilicet secundum intentionem acerbitatis, & secundum durationem temporis, quantitas pœnæ respondet quantitati culpæ secundum intentionem acerbitatis, ut secundum quod gravius peccavit, secundum hoc gravior pœna ei infligitur: unde Apoc. xviii. 7. *Quantum glorificavit se, & in deliciis fuit, tantum dabit ei tormentum, & lucrum.* Non autem respondet duratio pœnæ durationi culpæ, ut dicit Augustinus XXI. de civ. Dei (cap. xv.) non enim adulterium quod in momento temporis perpetratur, momentanea pœna punitur etiam secundum leges humanas: sed duratio pœnæ respicit dispositionem peccantis. Quandoque enim ille qui peccat in aliqua civitate, ex ipso peccato efficitur dignus ut totaliter repellatur a societate civitatis vel per exilium perpetuum, vel etiam per mortem. Quandoque vero non redditur dignus ut a societate civium totaliter excludatur: & ideo ut possit esse conveniens membrum civitatis, pœna ei prorogatur, vel brevitur, secundum quod eius expedit correctioni, ut in civitate convenienter, & pacifice vivere possit. Ita etiam secundum iustitiam divinam aliquis ex peccato dignus redditur penitus a civitate Dei consortio separari; quod fit per omne peccatum quod

(a) Vulgata: pro mensura peccati.

quis contra caritatem peccat, quæ est vinculum uniens civitatem prædictam: & ideo pro peccato mortali, quod est contrarium caritati, aliquis in æternum a societate sanctorum exclusus æternæ pœnæ adiicitur: quia, ut Augustinus in Lib. prædico (cap. xxi.) dicit, *quod est de civitate ista mortali homines supplicio primo mortis, hoc est de illa civitate immortalis homines supplicio secunde mortis auferre*. Quod autem pœna quam civitas mundana infligit, perpetua non reputatur, hoc est per accidens inquantum homo non perpetuo manet, vel inquantum etiam ipsa civitas deficit: unde si homo in perpetuum viveret, pœnæ exilii, & servitutis, quæ per legem humanam inferuntur, in eo perpetuo permanent. Qui vero hoc modo peccant, ut tamen non reddantur digni totaliter separari a sanctæ civitatis consortio, sicut peccantium venialiter, tanto eorum pœna erit brevior, vel diuturnior, quanto magis, vel minus purgabiles erunt, secundum quod eis peccata plus, vel minus inhæserunt; quod in penis huius mundi, & purgatorii secundum divinam iustitiam servatur.

Inveniuntur etiam aliæ rationes a sanctis assignatæ, quare iuste pro peccato temporali aliqui pœna æterna puniantur. Una est, quia peccaverint contra bonum æternum, dum contempserunt vitam æternam: & hoc est quod Augustinus in Lib. prædico (eod. cap.) dicit: *Facius est malo dignus æterno, quia hoc in se peccatis bonum quod esse posset æternum*. Alia ratio est, quia homo in suo æterno peccavit: unde Gregorius dicit in IV. Dialog. (cap. xlv.) *quod ad magnam iustitiam iudicantis pertinet ut nunquam caveant supplicio qui nunquam carere voluerunt peccato*. Et si obiciatur, quod quidam peccantes mortaliter, proponunt vitam suam in melius quandoque commutare, & ita secundum hoc non essent digni æterno supplicio, ut videtur; dicendum est secundum quosdam, quod Gregorius loquitur de voluntate quæ manifestatur per opus. Qui enim in peccato mortale propria voluntate labitur, se ponit in statu a quo erui non potest, nisi divinitus adiutus: unde ex hoc ipso quod vult peccare, vult consequenter perpetuo in peccato manere. Homo enim est *spiritus vadiens*, scilicet in peccatum, & non rediens, per seipsum (Palm. lxxvi. 39) sicut si aliquis se in foveam proiceret, unde exire non posset nisi adiutus; posset dici, quod in æternum ibi manere voluerit, quantumcumque aliud cogitaret. Vel potest dici, & melius, quod ex hoc ipso quod mortaliter peccat,

finem suum in creatura constituit: & quia ad finem vitam tota vita ordinatur, ideo ex hoc ipso totam vitam suam ordinat ad illud peccatum, & velle perpetuo in peccato permanere, si hoc sibi esset impune: & hoc est quod Gregorius dicit XXXIV. Moral. (cap. xvi.) super illud Iob xli. *Æstimabit abyssus quasi sensentem*: „Iniqui ideo cum fine deliquerunt, quia cum fine vixerunt. „Voluissent quippe sine fine vivere, ut si „ne fine potuissent in iniquitate permanere: „nam magis appetunt peccare quam vivere. „re. „Potest & alia ratio assignari, quare pœna peccati mortalis sit æterna, quia per eam contra Deum, qui est infinitus, peccatur: unde cum non possit esse pœna infinita per intentionem, quia creatura non est capax alicuius qualitatis infinitæ, requiritur quod sit saltem duratione infinita. Est & quarta ratio ad hoc idem: quia culpa manet in æternum, cum culpa non possit remitti sine gratia; quam homo non potest post mortem acquirere: nec debet pœna cessare quamdiu culpa manet.

Ad primum ergo dicendum, quod, sicut iam dictum est, pœna non debet adæquari culpæ secundum quantitatem durationis, ut videtur etiam secundum leges humanas accidere. Vel dicendum, sicut Gregorius solvit (loc. cit.) quod quamvis culpa sit actu temporalis, tamen voluntate est æterna, ut iam expositum est.

Ad secundum dicendum, quod quantitati peccati respondet quantitas pœnæ secundum intentionem: & ideo peccatorum mortalium inæqualium erant pœnæ inæquales intentione, æquales autem duratione.

Ad tertium dicendum, quod pœnæ quæ infliguntur his qui a civitatis societate non penitus eiiciuntur, sunt ad correctionem eorum ordinatæ; sed illæ pœnæ per quas aliqui totaliter a societate civitatis exterminantur, non sunt ad correctionem eorum; possunt tamen esse ad correctionem, & tranquillitatem aliorum qui in civitate remanent: & ita damnatio æterna impiorum est ad correctionem eorum qui nunc sunt in Ecclesia: non enim pœnæ sunt solum ad correctionem quando infliguntur, sed etiam quando determinantur.

Ad quartum dicendum, quod impiorum pœnæ in perpetuum duraturæ non erunt omnino ad nihilum utiles: sunt enim utiles ad duo. Primo ad hoc quod in eis divina iustitia conservatur, quæ est Deo accepta propter seipsam: unde Gregorius IV. Dial. (cap. xlv.) *Omnipotens Deus, quia pius est*,



est, miserorum cruciatus non pascitur: quia autem iustus est, ab iniquorum ultione in perpetuum non sedatur. Secundo ad hoc sunt utiles ut de his electi gaudeant, dum in his Dei iustitiam contemplantur, & cum hoc eis evasisse cognoscunt: unde Psalm. lvi. 11. *Letabitur iustus, cum viderit vindictam*: & Isai. ult. 2. *Erunt, scilicet impii, usque ad satietatem visionis*, (a) scilicet sanctus, ut Glossa dicit. Et hoc est quod Gregorius dicit in IV. Dialog. [ ubi sup. ] *Iniqui omnes aeterno supplicio deputati, sua quidem iniquitate puniuntur, tamen ad aliquid ardebunt, scilicet ut iusti omnes & in Deo videant gaudia quae percipiunt, & in illis percipiant supplicia quae evaserunt, quatenus tanto magis in aeternum divinae gratiae se debitores esse cognoscant, quanto in aeternum mala puniri conspiciunt, quae eius adiutorio vicerunt*.

Ad quintum dicendum, quod quamvis pena per accidens respondeat animae, tamen per se respondet animae culpa infecta: & quia culpa in perpetuum [ b ] ibi manebit, ideo etiam pena erit perpetua.

Ad sextum dicendum, quod pena respondet culpae, propterea loquendo, secundum inordinationem quae invenitur in ipsa, & non secundum dignitatem eius in quem peccatur: quia sic cuilibet peccato redderetur pena infinita intensio. Quamvis ergo ex hoc quod aliquis peccat contra Deum, qui est auctor essendi, mereatur ipsum esse amittere, considerata tamen ipsius actus inordinatione non debetur ei amissio esse, quia praesupponitur ad meritum, & demeritum: nec per inordinationem peccati esse tollitur, vel corrumpitur; & ideo non potest esse debita pena alicuius culpae privatio esse.

## QUAESTIO II.

**D**Einde queritur de misericordia Dei: & circa hoc queruntur tria.

Primo. Utrum in Deo sit ponere misericordiam.

Secundo. De effectu ipsius.

Tertio. Utrum misericordia Dei patiatur penas damnatorum esse perpetuas.

## ARTICULUS I.

*Utrum sit misericordia in Deo.*

1. 2. *quest. xxi. art. 3.*

1. **A**D primum sic proceditur. Videtur quod in Deo non sit misericordia. Sicut enim dicit Damascenus [ Lib. II. de Fide orth. cap. xiv. ] misericordia est compassio de alienis malis. Sed compassio non cadit in Deum. Ergo nec misericordia.

2. Præterea. Misericordia miseriam respicit. Sed quanto aliquis est magis peccator, tanto magis est miser: quia Proverb. xiv. 34. *Miseros facit populus peccatum*. Ergo si Deus est misericors, quanto aliquis est magis peccator, tanto magis ei providebit; quod videtur absurdum.

3. Præterea. Misericordia inclinat misericordem ad alienam miseriam repellendam. Ergo misericors nec alii miseriam infert, nec inferri permittit, si fieri potest. Sed Deus aliquos inducit in miseriam penae, & permittit eos incidere in miseriam culpae. Ergo cum ipse sit omnipotens, non erit misericors.

Sed contra est quod in Psalm. cxlv. 8. dicitur: *Misericors, & misericors Dominus*.

Præterea. Sicut Deus aliquos punit, ita & aliquibus parcit: est enim præstabilis super malitia: Iob. 21. Sed ex hoc quod punit, ponimus in Deo iram, quamvis ira sit passio. Ergo ex eo quod parcit, debet dici misericors; quamvis misericordia in nobis sit passio.

## QUAESTIUNCULA II.

1. Ulterius. Videtur quod in Deo secundum eandem rationem dicatur bonitas, & misericordia. Constat enim quod Deus gentiles ex sola misericordia liberavit: Roman. xv. 9. *Gentes autem super misericordia honorare Deum*. Sed conversionem gentium Apostolus attribuit divinae bonitati Roman. 21. 22. *Vide bonitatem & severitatem Dei: in eos qui ceciderunt severitatem, in te autem bonitatem*. Ergo bonitas, & misericordia eiusdem sunt rationis in Deo.

2. Præterea. Principia per effectus cognoscuntur. Sed idem est effectus misericordiae, & bonitatis, scilicet providere minus habentibus. Ergo eadem est ratio utriusque.

3. Præ-

(a) In edit. Nicolai additur, ut in Vulgata, *omni carni*. (b) *Id. eo: forte in ea*.

3. Præterea. Misericordia est quædam virtus. Sed virtus est bonitas virtuosi. Ergo misericordia, inquantum huiusmodi, bonitas quædam est; & ita videtur eadem ratio utriusque.

Sed contra. Quæcumque sunt unius rationis, sunt etiam unius ambitus. Sed bonitas, & misericordia non sunt unius ambitus: quia bonitas divina communicatur omnibus creaturis, inquantum a primo bono sunt omnia bona; misericordia autem non invenitur in omnibus creaturis, ut omnes misericordes dicantur. Ergo bonitas, & misericordia non sunt eiusdem rationis.

Præterea. Misericordia, non esset, nisi esset miseria. Sed bonitas esse posset etiam nulla miseria existente: quia bonum non dependet a malo, sicut nec habitus a privatione. Ergo misericordia, & bonitas in Deo non sunt unius rationis.

## QUÆSTIUNCULA III.

1. Ulterius. Videtur quod opus divine misericordie ad attributum potentie reducatur. Quia opus Dei ad illud attributum reducitur quod maxime per ipsum manifestatur. Sed opus misericordie maxime manifestat Dei potentiam: unde in collecta dicitur: *Deus qui omnipotentiam tuam parcendo maxime, & miserando manifestas.* Ergo misericordie opus ad omnipotentiam reducitur.

2. Præterea. Divina misericordia maxime manifestatur in iustificatione impii. Sed magis est iustificare impium quam creare celum, & terram, ut dicit Augustinus (tract. lxxii. in Ioan.) Ergo cum creatio ad potentiam reducatur, videtur quod & misericordie opus ad potentiam Dei reduci debeat.

3. Sed contra. Videtur quod reducatur ad attributum sapientie. Quia ipse non misereatur passione, sed iudicio. Iudicium autem ad sapientiam pertinet. Ergo & misericordie opus sapientie est attribuendum.

4. Præterea. Misericordia facit miseriam alicuius quodammodo esse in eo qui misereatur. Sed (a) miserie nostre non possunt esse in Deo nisi per cognitionem. Ergo misericordia ad cognitionem, seu sapientiam Dei pertinet.

Sed contra. Videtur quod ad bonitatem. Quia Sap. xi. ap. ponitur pro ratione misericordie amor divinus: dicitur enim: *Parcis omnibus, quoniam tuas sunt, qui amas animas.* Sed amor ad bonitatem pertinet. Ergo misericordia bonitati est attribuenda.

S. Th. Oper. Tom. XIII.

(a) In editis misericordia. (b) A. suam.

Respondeo dicendum ad primam questionem, quod ex hoc homo dicitur misericors, quia miseriam alterius suam facit: quod quidem contingit quantum ad duo. Primo quantum ad hoc quod ipse quodammodo ex aliena miseria afficitur, inquantum comparatur patienti. Secundo secundum quandam reputationem, quia miseriam proximi reputat quasi suam, & exinde movetur ad repellendum eius miseriam per beneficium, sicut ut repelleret suam. Deus autem nullo modo miserie particeps esse potest: unde secundum primum modum misericordia in eum non cadit; sed ipse hoc modo se habet in repellendo miseria aliorum, sicut se habet homo in repellendo miseriam (b) eorum. Sicut homo enim in repellendo miseriam alicuius considerat hominis utilitatem cuius repellit miseriam; ita & Deus per sua beneficia repellens nostram miseriam, non ordinat hoc ad suam utilitatem, sed ad nostram: unde inquantum nostra miseria est quasi sua secundum reputationem quamdam ipsius qui eam repellit, sic dicitur misericors, & misereri: & propter hoc communiter dicitur, quod non est in eo misericordia secundum passionem, sed secundum effectum: qui tamen effectus ex affectu voluntatis procedit: qui non est passio, sed simplex voluntatis actus.

Ad primum ergo dicendum, quod Damascenus distinxit misericordiam prout est passio in nobis inventa; & per hunc modum Deo non competit.

Ad secundum dicendum, quod misericordia in nobis passio quædam est; nulla autem passio est laudabilis, nisi secundum quod ratione regulatur: unde in nobis misericordia non est laudabilis, nisi secundum quod sequitur ordinem rationis. Nihil enim quod in nobis sit, transfertur in Deum, nisi eo modo quo in nobis est laudabile: & ideo misericordia in Deo est secundum rationem sapientie ipsius: unde non oportet quod ex hoc ipso quod aliquis est magis peccator, maiorem effectum misericordie consequatur, nisi secundum quod est in divina sapientia ordinatum.

Et per hoc patet solutio ad tertium. Quia homo misericors non repellit alienam miseriam quantumcumque potest, sed quantum recta ratio permittit. Similiter & Deus repellit nostram miseriam secundum ordinem sapientie sue; & ideo inducit miseriam po-

Ecc næ

ne quibusdam, & permittit quosdam incidere in miseriam culpæ.

## SOLUTIO III.

## SOLUTIO II.

Ad secundam quæstionem dicendum, quod ratio misericordiæ, & bonitatis differunt in tribus. Primo in hoc quod misericordia respicit terminum a quo, sed bonitas magis terminum ad quem. Ille enim cui Deus beneficia largitur, sit de deficiente perfectus. Bonitas ergo respicit communicationem perfectionis, quia bonum est diffusivum (a) sui esse; sed misericordia respicit remotionem defectus. Secundo in hoc quod misericordia, proprie loquendo, pertinet ad providentiam divinam, qua bona sua communicat creaturis rationalibus tantum: respicit enim miseriam, quæ cum sit contraria felicitati, non potest esse nisi rationalium creaturarum, quarum est felices esse. Sed bonitas respicit providentiam divinam respectu quarumlibet rerum. Tertio in hoc quod misericordia importat quandam assimilationem providentis ad eum cui providetur, inquantum providens alterius miseriam quasi suam reputat: & ideo misericordia esse non potest nisi in natura intellectuali, quæ habet (b) estimationem miserie alienæ. Sed bonitas habet ordinem ad communicationem simpliciter: unde cuilibet creature quæ habet perfectionem communicabilem, bonitas convenire potest. Potest & quarta differentia assignari: quia misericordia removet debitum ab eo cui providetur: non enim dicitur misericorditer dari alicui quod ei debetur: sed bonitas non removet debiti rationem ab eo cui aliquid datur: unde bonitas se habet communiter ad largitionem iustitiæ, & misericordiæ.

Ad primum ergo dicendum, quod non est inconveniens conversionem gentium & bonitati divinæ, & misericordiæ etiam attribueri, quamvis ratione diversa, ut ex dictis patet.

Ad secundum dicendum, quod misericordia se habet ex additione ad bonitatem quodammodo, ut patet per prædicta: & ideo omne opus quod est misericordia, est etiam bonitas, sed non e converso.

Ad tertium dicendum, quod misericordia quamvis sit bonitas quædam, tamen quædam super rationem bonitatis addit: & secundum hoc non est omnino eadem ratio bonitatis, & misericordiæ, sicut non est omnino eadem ratio hominis, & animalis.

Ad tertiam quæstionem dicendum, quod omne opus divinum ex potentia, sapientia, & bonitate procedit; sed tamen opus aliquod appropriatur potentie, sapientie, vel bonitati secundum quod in eo mirabilis appareret id quod pertinet ad aliquod prædictorum attributorum. Potentia autem importat absolutam rationem principii aliquid producentis; sed sapientie est ordinare: unde ad sapientiam pertinet modus producendi rem, quo aliquid ordinate in esse producit; sed bonitas, quæ habet rationem finis, respicit motivum ad producendum: & ideo in opere creationis, in quo admirabile redditur hoc præcipue quod res in esse productæ sunt, manifestatur maxime divina potentia; sed in opere gubernationis, quo res ordinate disponuntur, redditur ipse ordo rerum admirabilis, & ideo sapientie attribuitur; sed opus recreationis admirabile redditur ex ipso motivo, quia non ex operibus iustitiæ quæ fecimus, sed propter suam bonitatem salvos nos fecit: unde attribuitur præcipue bonitati. Et quia ex hoc aliquid dicitur misericorditer esse factum quod non ex debito datur, sed ex bonitate largientis; ideo opus misericordiæ, inquantum huiusmodi, bonitati appropriatur.

Ad primum ergo dicendum, quod Deus dicitur parcendo, & miserendo suam omnipotentiam maxime manifestare, non tam quo ad substantiam facti, quam quo ad licentiam faciendi: ille enim qui, est alicui superiori potestati subiectus, non potest licite dimittere pœnas a superiori potestate constitutas. Ex hoc ergo quod Deus pœnas dimittit, & supra debitum largitur, ostenditur quod ipse ex propria potestate, & auctoritate omnia operatur, & quod ipse non est superiori potestati subiectus. Sed quantum ad substantiam facti præcipue manifestatur bonitas in parcendo: & ideo opus misericordiæ bonitati est attribuendum.

Ad secundum dicendum, quod iustificare impium dicitur maius quam creare cælum & terram, inquantum ad nobilius esse perducitur quis per iustificationem quam per creationem; vel inquantum in creatione non est aliquid quod repugnet, creati, cum sit ex nihilo, sicut in iustificatione repugnat iustificanti inordinata voluntas. Unde quamvis opus iustificationis potentiam manifestet, specialiter tamen commendatur bonitatem, inquantum ipsa est sola quæ ad iustificandum movet,

(a) *Al. deest sui*, (b) *Al. exterminationem*.

mouet, cum ex parte iustificandi magis inueniatur quod iustificationi repugnet.

Ad tertium dicendum, quod licet misericordia iudicio dirigatur, non tamen esse misericordiae consistit in iudicio, sed magis in voluntate: & ideo magis appropriatur bonitati quam sapientiae.

Ea similiter dicendum ad quartum de cognitione: quia illa praexigitur ad voluntatem repellendi misericordiam, in qua ratio misericordiae completur.

## ARTICULUS II.

*Utrum Deus semper misericordiam exhibeat in hoc quod punit citra condignum, & remunerat ultra meritum.*

*Ubi supra art. 3.*

1. **A**d secundum sic proceditur. Videtur quod Deus non semper misericordiam exhibeat in hoc quod punit citra condignum, & remunerat ultra meritum. Quia Apocal. xviii. 7. *Quantum glorificauis te, & in deliciis fuit, tantum date illi tormentum*; & *luctum*: & Matth. vii. 2. *In qua mensura mensi fueritis, remetietur & vobis*. Ergo videtur quod secundum mensuram meriti, vel delicti sit mensura poenae, vel praemii; & ita non semper punit citra condignum, nec remunerat ultra meritum.

2. Praeterea. Apoc. xviii. 6. dicitur: *Duplicate ei duplicia secundum opera eius*: & Isai. xl. 2. *Suscipis de manu Domini duplicia pro omnibus peccatis suis*: & super illud Psal. lxxi. *Ex usuris, & iniquitate &c.* dicit Glossa (Augustini.) „Plus exigit in „penis quam commissum sit in culpis.“ Ergo videtur quod non punit citra condignum, sed magis ultra.

3. Praeterea. Pueri baptizati liberati sunt ab omni peccato. Ergo non sunt debitores alicuius poenae. Sed tamen frequenter multae poenae eis diuinitus in hac vita infliguntur, ut febres, & huiusmodi: nec potest dici, quod ad eorum utilitatem cedant, cum quandoque moriantur antequam ad adultam aetatem perveniant. Ergo videtur quod non punitur semper citra condignum.

4. Praeterea. Peccato originali non debetur alia poena quam carentia visionis divinae. Sed hac poena puniuntur pueri non baptizati, qui in peccato originali decedunt. Ergo videtur quod non semper punitur citra condignum.

5. Praeterea. Illud quod potest aliter esse,

non est asserendum quod semper ita se habeat. Sed Deus potest aliquando servare modum iustitiae, ut secundum condignum puniat: hoc enim non est contra potentiam ordinatam. Ergo non est asserendum quod semper puniat citra condignum.

6. Praeterea. Sapientiae vi. 7. dicitur: *Exiguus conceditur misericordia; potentes autem patienter tormenta patientur*: & Jac. ii. 13. *Iudicium sine misericordia fiet ei qui non fecit misericordiam*. Ergo videtur quod potentes, & immisericordes non puniantur citra condignum.

Sed contra est quod dicitur Psal. cii. 10. *Non secundum peccata nostra fecis nobis, neque secundum iniquitates nostras retribuis nobis*.

Praeterea. Proprium non derelinquit id cuius est proprium. Sed Deo proprium est misereri, ut dicitur in collecta: *Deus cui proprium est misereri semper, & parcere*. Ergo semper miseretur. Sed hoc non est, nisi praemium conferret ultra meritum, & mala citra condignum. Ergo videtur quod ita semper accidat.

## QUAEST. IUNCULA II.

1. Ulterius. Videtur quod non in omni tempore Dei misericordia, & veritas coniungantur. Quia opus creationis non praesupponit aliquid. Sed opus quod est secundum iustitiam, praesupponit debitum; opus autem quod est secundum misericordiam, praesupponit miseriam. Ergo in opere creationis non conveniunt iustitia, & misericordia.

2. Praeterea. Convertere Gentes, & convertere Iudaeos sunt diversa opera. Sed in conversione Gentium videtur fuisse sola misericordia, in salvatione autem Iudaeorum iustitia, per id quod dicitur Rom. xv. 8. *Dixit Iesum Christum ministrum fuisse circumcisionis ad confirmandas promissiones patrum*; *Gentes autem super misericordiam honorare Deum*. Ergo nec in omni opere Domini est misericordia, & veritas.

3. Praeterea. Ibi non videtur esse iustitia ubi annus pro peccato alterius punitur. Sed Deus quandoque punit unum pro peccato alterius, sicut pro peccato Cam maledictus est Chanaan, Gen. ix. & pro peccato David percussus est populus, II. Reg. ult. Ergo videtur quod non semper iustitiam, & misericordiam in opere servet.

4. Praeterea. Ibi non videtur servari iustitia ubi nullum meritum praecessit, cum iustitia debitum respiciat. Sed in impio qui  
Ecc 2 iusti-

iustificatur, nullum meritum præcessit. Ergo non videtur iustitia aliqua in impii iustificatione.

5. Præterea. Iustitia nunquam reddit æqualibus nisi æqualia. Sed Deus quandoque æqualibus inæqualia tribuit: ante enim quam Iacob, & Esau nati essent, aut aliquid boni, vel mali egissent, omnino æquales erant; & tamen uni præparavit gloriam, & alteri poenam, ut patet Rom. ix. Similiter cum Aaron, & filii Israel peccassent æqualiter in idoli adoratione, Aaron non est punitus, cum populus punitus fuerit, ut patet Exod. xxi. Ergo videtur quod non in omnibus iustitiam servet.

6. Præterea. Hoc videtur esse iniustum, ut meliori minus detur de bonis, & magis de malis. Sed bona temporalia aliquando abundantius dantur a Deo malis quam bonis, & pænæ quandoque magis inferuntur bonis quam malis. Ergo videtur quod non in omni opere suo iustitiam servet cum misericordia.

Sed contra. Augustinus dicit in Lib. de concordia Evangelistarum (I. cap. xiv.) *Deus, qui res humanas curat, iuste, & misericorditer curat, ut nec præcludat misericordiam iustitiam, nec iustitia misericordiam excludat.* Ergo videtur quod in omni opere Domini iustitia, & misericordia conveniant.

Præterea. Non magis differt in Deo iustitia, & misericordia, quam potentia, bonitas, & sapientia. Sed omne opus potentie est opus sapientie, & bonitatis. Ergo videtur quod similiter omne opus iustitiæ sit misericordie, & e converso.

### QUÆSTIUNCULA III.

1. Ulterius. Videtur quod in opere Dei principalior sit iustitia quam misericordia. Quia, ut dicitur Hebr. x. 4. *hærendum est incidere in manus Dei viventis.* Sed hoc non esset, si misericordia principalior in eius opere esset. Ergo iustitia magis in opere Dei principatur quam misericordia.

2. Præterea. Illud quod est prius in quolibet genere, est principalius. Sed iustitia videtur esse prior quam misericordia: quia misericordia ex iustitia nascitur, ut dicit Anselmus in Prologo (cap. ix.) *Ergo iustitia principalior est in opere Dei quam misericordia.*

3. Præterea. Illud quod inest alicui secundum se, principalius ei convenit quam quod convenit ei secundum alterum. Sed, ut dicit Anselmus in Prolog. (cap. x.) *parcendo malis iustus et secundum te, & non*

*secundum nos, sicut misertus es secundum nos, & non secundum te: & sic misericordia competit Deo secundum nos, sed iustitia secundum seipsum. Ergo principalior est in opere Dei iustitia quam misericordia.*

Sed contra est quod dicitur Iacob. 12. 12. *Superexaltas autem misericordia iudicium; id est, superponetur misericordia in iudicio, ut Glossa dicit: & in Psal. cxliv. 9. Misericordies eius super omnia opera eius.* Ergo misericordia principalior est in opere Dei quam iustitia.

Præterea. Illud quod est proprium alieni principalius ei convenit quam id quod est alienum ab eo. Sed proprium opus Dei est miseri, & parcere; & opus punitionis est alienum ab eo, ut patet Exod. xxi. Ergo misericordia principalior est in opere Dei quam iustitia.

### SOLUTIO I.

Respondeo dicendum ad primam questionem, quod agens, & patiens semper debent sibi proportionaliter respondere; ita quod hoc modo se habeat agens ad actionem sicut patiens ad passionem. Ea autem quæ sunt inæqualia, non habent similem proportionem nisi ad inæqualia: sicut enim senarius est maior quaternarius; ita & ternarius, cuius duplum est senarius est maior binario, cuius duplum est quaternarius. Et inde est quod quodcumque agens excedit patiens, oportet quod actio excedat passionem, sicut videmus in omnibus agentibus æquivocis, quia patiens non recipit effectum totum actionis. Dans autem se habet per modum agentis, & recipiens per modum patientis: & ideo quando dans superexcedit recipientem, conveniens est ut datio excedat illam receptionem quæ est proportionatæ recipienti. Et ideo cum Deus sit excellentissimus dator propter abundantiam suæ bonitatis, oportet quod semper eius datio in bonis superexcedat receptionem quæ est proportionatæ recipienti. Pro eodem autem computatur minus malum, & maius bonum, ut dicitur in V. Ethic. (cap. v.) & ideo Deus semper dat ultra condignum de bonis, & semper mala pænæ irrogat citra condignum.

Ad primum ergo dicendum, quod quantum, & tantum non important æqualitatem quantitatis, sed proportionis in auctoritate inducta. Pænæ autem proportio ad culpam potest intelligi dupliciter: vel in generali, vel in speciali. In generali quidem, ut qui peccavit, puniatur, & qui multum peccavit,

vit, multum puniatur. In speciali autem dupliciter: vel accipiendo proportionem pœnæ ad culpam secundum debitum culpæ absolute; vel præsupposita mitigatione divinæ misericordiæ, quæ aliquid de pœna remittit. Primo igitur, & tertio modo nunquam Deus punit citra condignum: quia semper peccantes multum, multum punit: nec aliquid de pœna dimittitur quæ post mitigationem divinæ misericordiæ remanet. Sed quantum ad secundum modum semper puniuntur aliquis citra condignum: quia non tantum punitur quis, quantum per culpam meruit. Vel dicendum, & melius, quod æqualitas ista proportionalitatis est, non æqualitatis; & attendenda est non secundum comparationem pœnæ ad culpam, sed secundum proportionem duorum peccantium ad duas pœnas; ut scilicet qui plus peccavit, plus puniatur, & secundum quod exceditur in peccato, sic excedatur in pœna: & sic etiam intelligendæ sunt omnes auctoritates quæ videntur æqualitatem culpæ, & pœnæ demonstrare.

Ad secundum dicendum, quod dupliciter illa pœnæ non intelligitur secundum excessum pœnæ ad culpam in duplo; sed quia homo in duobus puniatur, scilicet in anima, & corpore. Quod autem dicitur, quod plus exigitur in pœnis quam commissum sit in culpis, intelligendum est quantum ad temporis durationem: quia pro delectatione momentanea infligitur pœna æterna. Duratio autem pœnæ non proportionatur durationi culpæ, sed magis intensio pœnæ respondet enormitati culpæ, ut patet ex supra dictis.

Ad tertium dicendum, quod peccatum originale sequitur duplex pœna. Una, secundum quod est infectivum personæ; & sic est pœna eius carentia visionis divinæ. Alia, secundum quod est vitium naturæ; & sic sequuntur ipsam pœnæ quæ ex principio naturæ causantur, ut mors, quæ causatur ex contrarietate principiorum naturæ, & alia huiusmodi quæ ad mortem ordinantur, vel quæ ex deordinatione principiorum naturæ consequuntur, ut febris, & huiusmodi. Dico ergo, quod baptismus mundat personam, sed non curat naturam; quod pater ex hoc quod per actum naturæ baptizatus originale transmittit in prolem: & ideo per baptismum absolvitur puer baptizatus reatu mortis æternæ, quæ est carentia visionis divinæ; manet tamen adhuc reatus mortis temporalis, & aliorum huiusmodi, quæ ex peccato naturæ consequuntur: quæ quamvis ad utilitatem illius personæ non cedant, si in-

fra ætatem perfectam decedit, quia his passionibus non meretur; cedunt tamen in utilitatem aliorum qui sunt ei conformes in natura: quia & pœnæ huiusmodi peccatum naturæ consequuntur.

Ad quartum dicendum, quod pro peccato originali secundum rigorem iustitiæ non solum debetur naturæ pro pœna carentia visionis divinæ, sed etiam ipsius annihilatio: & ideo ex hoc ipso quod conservantur pueris non baptizatis naturalia bona, citra condignum penitent. Unde Threnor. cap. 111. 22. *Misericordia Domini, quod non sumus consumpti.*

Ad quintum dicendum, quod sicut potentia Dei habet ordinem ad eius iustitiam, ita etiam habet ordinem ad eius misericordiam: unde quamvis non repugnet potentia, secundum quod ordinatur ad iustitiam, nihil de pœna dimittere; repugnat tamen potentia secundum quod ordinatur ad misericordiam: & sic de potentia ad misericordiam ordinata hoc Deus non potest.

Ad sextum dicendum, quod immiserordes non consequuntur misericordiam totaliter a pœna liberantem, consequuntur tamen misericordiam aliquid de pœna relaxantem. Similiter etiam si potentes sint mali, non possunt excusari per infirmitatem, quæ quandoque excusat a toto, sicut per eam exigui, id est totaliter infirmi, excusantur.

## SOLUTIO II.

Ad secundam questionem dicendum, quod operatio Dei est quasi medium inter Deum operantem & ipsum opus operatum. Omne autem medium participat quodammodo cum utroque extremorum: & ideo in operatione Dei oportet aliquid inveniri ex parte ipsius Dei operantis, & ex parte operati, ad quod operatio terminatur. Ex parte quidem operantis exigitur ut sit superabundantia in collatione bonorum, & in diminutione malorum, cum ipse Deus sit excellentissimus operator, ut dictum est; & in hoc consistit divina misericordia: ex parte autem operati requiritur receptio, quæ sit secundum proportionem recipientis; & in hoc ratio iustitiæ consistit. Ideo oportet quod in omni divina operatione aliquid misericordiæ, & aliquid iustitiæ inveniantur: nec iustitia misericordiæ repugnat, quia misericordia non est laudabilis, nisi sit secundum rationem rectam, quæ est regula iustitiæ, sive secundum ordinem sapientiæ in divinis; nec misericordia repugnat iustitiæ, quia elargiri aliquid.

liquid supra debitum de bonis, vel citra debitum de malis, non est contra iustitiam, sed præter eam, ut ex dictis patet: & ideo nec immanitas misericordie excludit iustitiam a divino opere, nec immanitas iustitiæ misericordiam.

Ad primum ergo dicendum, quod iustitia, ut ex dictis patet, quandoque consistit in retributione meritorum; & sic iustitia in creatione non consideratur: quandoque vero iustitia consistit in condecencia divinæ bonitatis; & sic non præsupponit aliquid ex parte recipientis, sed solum ex parte Dei; & sic potest esse iustitia in opere creationis. Iustum est enim ut unaquæque res hoc modo esse habeat quomodo præordinatum est sapientia divina. Similiter & misericordia dupliciter dicitur. Uno modo secundum quod repellit miseriam præcedentem non ex debito; & sic non potest esse misericordia in opere creationis: alio modo communiter, secundum quod sine debito tollitur quicumque defectus: & sic in opere creationis est misericordia: quia maximum defectum Deus creando removet, scilicet non esse: & hoc ex gratuita voluntate fecit, non aliquo debito constructus.

Ad secundum dicendum, quod Apostolus utitur tali modo distinctione, quia aliquis modus iustitiæ fuit in salvatione Iudeorum qui non fuit in conversione Gentium, scilicet impletio promissorum, quæ fuerunt per Prophetas Iudæis, & non Gentibus reposita a Deo. Sed tamen in utrisque salvatio habuit & iustitiam, & misericordiam: iustitiam autem quæ est secundum decentiam divinæ bonitatis: dequit enim ut Deus rationalem creaturam non totaliter perderet, quam ad beatitudinem fecit: misericordiam vero, quia in neutris merita præcesserunt quæ ad hoc sufficerent, secundum illud Tit. 111. 5. *Non ex operibus iustitiæ, quæ fecimus nos, sed secundum suam misericordiam salvos nos fecit.*

Ad tertium dicendum, quod, sicut dicit Augustinus super illud Iosue vii. *Filii Israel prævaricati sunt &c.* (in quest. sup. Iosue cap. vii.) in pœnis æternis nunquam unus puniatur pro alio; sed in temporali quandoque unus puniatur pro alio: cuius ratio potest esse triplex. Una est, quia pœna æterna non infligitur alicui ad profectum patientis, sed ad vindictam culpæ; sed pœna temporalis quandoque infligitur ad profectum patientis. Unde sicut quandoque aliquis sine culpa puniatur temporali pœna, ita etiam quandoque aliquis puniatur pro pecca-

to alterius ad profectum sui, & aliorum; ut scilicet videatur quantum unus debeat esse sollicitus pro alio, ne cadat in peccatum, ex quo pro peccato unius tota congregatio temporaliter puniatur: & ut etiam ostendatur quam fugiendum sit peccatum, quod ita graviter puniatur, ut uno delinquente plures puniantur. Secunda ratio potest esse, quia quantum ad temporalia unus homo est res alterius, sicut filius est quidam res patris: & ideo quandoque filius puniatur temporaliter pro peccato patris, & servus pro peccato domini; sed quantum ad bonum animæ quilibet gerit personam propriam. Ezech. xviii. 4. *Omnes animæ meæ sunt.* Tertia ratio est quam assignat Gregorius (Lib. XXV. Moralium cap. xiv.) quia quandoque aliquis est particeps culpæ alterius, sicut ex culpa subditorum quandoque permittuntur prælati cadere in peccatum; & ita non est mirum, si pro peccatis prælatorum subditi puniuntur, sicut in II. Reg. ultim. David peccante populus est punitus. Unde hoc non est divine iustitiæ contrarium, ut unus quandoque pro peccato alterius puniatur. Nec tamen ex hoc debet summi exemplum in iudicio humano, ut unus puniatur pro alio, ut Augustinus dicit: quia homo non potest scire profectum provenientem ex pœna temporali, sicut hoc Deus infallibiliter cognoscit.

Ad quartum dicendum, quod in iustificatione impij servatur aliquis modus iustitiæ, qui est secundum condecenciam divinæ bonitatis, vel etiam secundum exhibitionem promissi, ut habetur in Glossa super illud Psal. 116. *Ut iustificeris in sermonibus tuis &c.* Deus enim hoc promissit ut peccatoribus veniam petentibus venia largiretur.

Ad quintum dicendum, quod non est iustitia, si de eo quod neutri est debitum, æqualibus inæqualiter detur, sicut patet Matth. xx. in parabola de laborantibus in vinea, qui licet inæqualiter laborassent, est redditum æquale præmium: eo enim quod aliquis liberaliter dat quod potest dare, vel non dare, nihil differt quo ad iustitiam quantumcumque detur. Dico ergo, quod omnibus hominibus ex merito proprii peccati debetur pœna æterna; sed quod aliqui liberentur, hoc est ex sola divina liberalitate: posset enim omnes iuste damnare: & ideo nulla est iniustitia, si aliquos eligat, & aliquos reprober, in quibus tamen nulla differentia meritorum præcessit. Aaron autem punitus fuit, quamvis non pœna manifestata, sicut & populus, in signum quod præ.

pralari non debent puniri manifeste, sed occulte propter scandalum vitandum. Pœna autem Aaron dicitur fuisse in ipso, & filius eius, quod in sacrificio vitule rufæ immundi effuebantur, ut habetur Numer. xix. Augustinus tamen in Glossa Exod. xxxii. hoc occulto Dei iudicio ascribit, qui quibusdam parcit ad tempus, ut in melius commutentur aliis punitis.

Ad sextum dicendum, quod hoc quod melioribus minus datur de bono temporali, & quandoque plus de malo, in eorum profectum cedit quantum ad spirituale bonum, quod est simpliciter hominis bonum. Bona enim temporalia non sunt simpliciter hominis bona, nisi secundum quod organice deserviunt ad spirituale bonum. Quomodo autem hoc cedat in profectum spiritualis boni, supra asensum est.

## SOLUTIO III.

Ad tertiam quæstionem dicendum, quod illud quod est formale in unoquoque, est excellentius in eo, quia per formam materia completur. In quolibet autem actione illud quod est ex parte agentis, est quasi formale; illud autem quod est ex parte patientis, vel recipientis, est quasi materiale. Dictum autem est supra, quod misericordia in omni opere divino resultat ex parte ipsius Dei, qui superabundat in bono; sed iustitia ex parte recipientis, qui recipit secundum suam proportionem: & ideo in quolibet opere divino supereminet misericordia iustitiæ, sicut materiali formale; & hoc est quod in Psal. cxlv. g. dicitur: *Miserationes eius super omnia opera eius.*

Ad primum ergo dicendum, quod dicitur esse horrendum incidere in manus Dei viventis, non propter remotionem misericordiam relaxantis aliquid de pœna, sed propter pœnæ interminabilitatem, vel etiam propter remotionem resistentiæ: quia eius ira nemo resistere potest, cum sit omnipotens; nec eam eo fugere, cum sit ubique præsens; nec eam eo fallaciter se excusare, cum omnia sciat.

Ad secundum dicendum, quod Anselmus loquitur non de iustitia quæ attendit proportionem creature, vel humana merita, sed quæ attendit solam decentiam bonitatis divinæ: ex tali enim decentia misericordia nascitur: non autem loquitur de iustitia secundum quod respicit debitum ex parte creature.

Et similiter etiam est dicendum ad tertium.

## ARTICULUS III.

*Utrum per divinam misericordiam omnis pœna terminetur tam hominum, quam etiam dæmonum.*

*I. P. quæst. lxiv. art. 2. in corp. & III. contra Gent. cap. cxliv.*

1. **A**D tertium sic proceditur. Videtur quod per divinam misericordiam omnis pœna terminetur tam hominum, quam etiam dæmonum. Quia Sap. xi. 24. *Misereris omnium, Domine, quoniam omnia potes.* Sed inter omnia etiam dæmones continentur, qui sunt Dei creature. Ergo & dæmonum pœna finietur.

2. Præterea. Rom. xi. 32. *Conclusit Deus omnia (a) sub peccato, ut omnium miseretur.* Sed Deus dæmones sub peccato conclusit, id est sub peccato concludi permisit. Ergo videtur quod etiam dæmonum quandoque miseretur.

3. Præterea. Sicut dicit Anselmus in Lib. *Cur Deus homo* (l. cap. vi.) non est (b) infestum ut Deus creaturam rationalem quam fecit ad beatitudinem, omnino perire sinat. Ergo videtur quod eum quolibet creatura rationalis creata fuerit ad beatitudinem, non sit iustum ut omnino perire permittatur.

Sed contra est quod dicitur Matth. xxv.

41. *Ite maledicti in ignem æternum, qui parati estis diabolo, & angelis eius.* Ergo æternaliter punientur.

Præterea. Sicut boni Angeli effecti sunt beati per conversionem ad Deum, ita mali angeli effecti sunt miseri per aversionem a Deo. Si ergo miseria malorum angelorum quandoque finiatur, & beatitudo bonorum finem habebit, quod est inconveniens.

## QUAESTIUNCULA II.

1. Ulterius. Videtur quod divina misericordia non permittat, saltem homines, in æternum puniri. Quia Gen. vi. 3. dicitur: *Non permanebis spiritus meus in homine in æternum, quia caro est:* & accipitur ibi spiritus pro indignatione, ut patet per Glossam ibidem. Cum igitur indignatio Dei non sit aliud quam eius pœna, non punientur æternaliter.

2. Præterea. Caritas sanctorum in presentia

(a) Vulgata, in incredulitate. (b) Al. infestum.



ti hoc facit ut pro inimicis exorent. Sed tunc habebunt perfectionem caritatem. Ergo tunc orabunt pro inimicis damnatis. Sed orationes eorum esse cassas non poterunt, cum sint maxime Deo accepti. Ergo precibus sanctorum divina misericordia quandoque damnatos a pena liberabit.

3. Præterea. Hoc quod Deus poenam æternam damnatorum prædixit, ad prophetiam comminationis pertinet. Sed prophetia comminationis non semper impletur; quod patet per hoc quod dictum est de subversione Ninive, quæ non fuit subversa, sicut prædictum fuerat per Prophetam, qui ex hoc etiam contristatus fuit. Ergo videtur quod multo amplius per divinam misericordiam comminatio poenæ æternæ commutabitur in mitiorem sententiam, quando in nullius tristitia, sed in omnium gaudium cedere poterit.

4. Præterea. Ad hoc facit quod in Psal. lxxvi. 8. dicitur: *Numquid in æternum (a) irascetur Deus?* Sed ira Dei est eius (b) puniit. Ergo Deus in æternum homines non puniet.

5. Præterea. Isa. xiv. super illud, *Tu autem prociſus es* &c. dicit Glossa: „Et si omnes animæ aliquando habebunt requiem, tu numquam: loquens de diabolo. Ergo videtur quod omnes animæ humanæ aliquando requiem habebunt a poenis.

Sed contra est quod dicitur Matth. xxv. 46. simul de electis, & reprobis: *Ibunt hi in supplicium æternum, iusti autem in vitam æternam*. Sed inconveniens est ponere quod iustorum vita quandoque finiatur. Ergo inconveniens est ponere quod reproborum supplicium terminetur.

Præterea. Sicut dicit Damascenus (Lib. II. de Fide orth. cap. xv.) hoc est hominibus mors quod angelis casus. Sed angeli post casum irreparabiles fuerunt. Ergo & homines similiter post mortem; & sic damnatorum supplicium numquam terminabitur.

### QUAESTIUNCULA III.

1. Ulterius. Videtur quod saltem Christianorum poena per divinam misericordiam terminetur. Quia Marc. ult. 16. dicitur: *Qui crediderit, & baptizatus fuerit, salvus erit*. Sed hoc est omnium Christianorum. Ergo omnes Christiani finaliter salvabuntur.

2. Præterea. Ioan. vi. 55. dicitur: *Qui manducas carnem meam, & bibis meum sanguinem, habet vitam æternam*. Sed hoc est communis cibus, & potus Christianorum. Ergo omnes Christiani finaliter salvabuntur.

3. Præterea. I. Corinth. 11. 25. *Si cuius opus arserit, detrimentum patietur; ipse autem salvus erit, sic tamen quasi per ignem*; & loquitur de illis in quibus fuit fundamentum fidei christianæ. Ergo omnes tales finaliter salvabuntur.

Sed contra est quod dicitur I. Corinth. vi. Iniqui regnum Dei non possidebunt. Sed quidam Christiani sunt iniqui. Ergo non omnes Christiani ad regnum Dei perveniunt.

Præterea. II. Petri 1. 21. dicitur: *Melius erat eis (c) viam veritatis non cognoscere quam post agnitam retroire ab eo quod traditum est illis sancto mandato*. Sed illi qui viam veritatis non cognoscunt, æternaliter puniuntur. Ergo & Christiani qui ab agnita retrocesserunt.

### QUAESTIUNCULA IV.

1. Ulterius. Videtur quod illi omnes qui opera misericordie faciunt, non punientur æternaliter; sed soli illi qui opera misericordie negligunt. Iac. 11. 13. *Iudicium sine misericordia fiet ei qui non fecit misericordiam*; & Matth. v. 7. *Beati misericordes, quoniam ipsi misericordiam consequentur*.

2. Præterea. Matth. xxv. ponitur disceptatio Domini cum electis, & reprobis. Sed illa disceptatio non est nisi de operibus misericordie. Ergo solum pro operibus misericordie omittis aliqui æternaliter punientur; & sic idem quod prius.

3. Præterea. Matth. vi. 12. dicitur: *Dimitte nobis debita nostra, sicut & nos dimittimus debitoribus nostris*; & sequitur: *Si enim dimiseritis hominibus peccata eorum, dimittet & vobis Pater vester celestis delicta vestra*. Ergo videtur quod misericordes, qui aliis peccata dimittunt, ipsi veniam peccatorum consequantur; & sic non æternaliter punientur.

4. Præterea. I. Tim. iv. super illud, *Pietas ad omnia valet*, dicit Glossa Ambrosii (Ambrosiastri.) „Omnia summa disciplinæ christianæ in misericordia, & pietate carnis, quam aliquis sequens, si lubricum carnis

„pa-

(a) Vulgata prociſus, ut & Supplementum. (b) Al. petiit. (c) Vulgata: non cognoscere viam veritatis, quam post agnitam retroire ab eo.

„patiatur, sine dubio vapulabit, non tamen peribit; si qui autem solum exercitium corporis habuerit, perennes poenas patietur.“ Ergo illi qui insunt operibus misericordiae, qui peccatis carnalibus detinentur, non in aeternum puniuntur; & sic idem quod prius.

Sed contra est quod dicitur I. Corinth. vi. 9. 10. *Neque fornicarii, neque adulteri regnum Dei possidebunt.* Sed multi qui se exercent in operibus misericordiae, sunt tales. Ergo non omnes misericordes ad regnum aeternum perveniunt; & ita aliqui eorum aeterniter puniuntur.

Præterea. lac. 11. 10. dicitur: *Quicumque iuram legem servaverit, (a) offendet autem in uno, falsus est omnino reus.* Ergo quicumque servat legem quo ad opera misericordiae, & negligit alia opera, reatum de transgressione legis incurrit; & ita aeternaliter puniatur.

## SOLUTIO I.

Respondeo dicendum ad primam quaestionem, quod error Origenis fuit, ut Augustinus XXI. de civ. Dei (cap. xvii.) dicit, quod daemones quandoque per Dei misericordiam liberandi sunt a poenis. Sed iste error ab Ecclesia esse reprobatus propter duo. Primo quia manifeste auctoritati Scripturae repugnat, quae habet Apoc. xv. 9. *Diabolus, qui seducebat eos, missus est in stagnum ignis, & sulphuris, ubi bestia, & pserodropheta cruciabuntur die ac nocte in saecula saeculorum:* per quod in Scriptura significari aeternitas consuevit. Secundo quia ex una parte Dei misericordiam nimis extendebat, & ex alia parte nimis eam coarctabat: eiusdem enim rationis esse videretur bonos Angelos in aeterna beatitudine permanere, & malos angelos in aeternum puniri. Unde sicut ponebat daemones, & animas damnatorum quandoque a poena liberandas, ita ponebat Angelos, & animas beatorum quandoque a beatitudine in huius vitae miseriis devolvendas.

Ad primum ergo dicendum, quod Deus, quantum in ipso est, miseretur omnibus; sed quia eius misericordia sapientiae ordinis regulatur, inde est quod ad quosdam non se extendit, qui se fecerunt misericordiae indignos, sicut daemones, & damnati, qui sunt in malitia obstinati. Tamen potest dici, quod in eis misericordia etiam locum habet,

S. Th. Op. Tom. XIII.

inquantum citra condignum puniuntur, non quod a poena totaliter absolvantur.

Ad secundum dicendum, quod ibi intelligenda est distributio pro generibus singulorum, & non pro singulis generum; ut intelligatur auctoritas de hominibus secundum statum vitae: quia scilicet & Iudaeorum, & Gentilium miseris est; sed non omnium Gentilium, vel omnium Iudaeorum.

Ad tertium dicendum, quod Anselmus intelligit non esse iustum quantum ad decetiam divinae bonitatis, & loquitur de creatura secundum genus suum: non enim est conveniens divinae bonitati ut totum unum genus creaturae deficiat a fine propter quem factum est: unde nec omnes homines, nec omnes Angelos damnari convenit; sed nihil prohibet quin aliqui ex hominibus, vel ex Angelis in aeternum pereant: quia divinae voluntatis intentio impletur in aliis qui salvantur.

## SOLUTIO II.

Ad secundam quaestionem dicendum, quod, sicut dicit Augustinus XXI. de civ. Dei (ubi sup.) quidam in hoc ab errore Origenis declinaverunt, quod daemones posuere in perpetuum puniri; sed omnes homines quandoque liberari a poena, etiam infideles. Sed hac positio est omnino irrationabilis. Sicut enim daemones sunt in malitia obstinati, & ita perpetuo puniendi; ita & animae hominum qui sine caritate decedunt; cum hoc sit hominibus mors quod Angelis casus, vel Damascenus dicit.

Ad primum ergo dicendum, quod verbum illud intelligendum est de homine secundum genus suum: quia ab humano genere quandoque indignatio est remota per Christi adventum; sed illi qui in hac reconciliatione, quae facta est per Christum, noluerunt esse, vel permanere, in seipsis divinam iram (b) perpetuaverunt, cum non sit nobis aliquis modus reconciliationis concessus, nisi per Christum.

Ad secundum dicendum, quod, sicut dicit Augustinus XXI. de civit. Dei (cap. xviii.) & Gregorius IX. Moral. (XXXIV. cap. xvi.) & IV. Dialog. (cap. lii.) sancti in hac vita ideo pro inimicis exorant, ut convertantur ad Deum; cum adhuc converti possint: si enim esset nobis notum quod essent praestitad mortem, non magis pro eis quam pro daemonibus oraremus. Et quia post hanc vitam decedentibus

Fff sine

(a) Vulgata effudit. (b) Al. perpetraverunt.

sine gratia tempus conversionis non erit, nulla pro eis fiet oratio nec ab Ecclesia militante, nec a triumphante: hic enim pro eis orandum est, ut Apostolus dicit II. Tim. 11. 25. *ut des illis Deus paenitentiam, & resistant a laqueis diaboli.*

Ad tertium dicendum, quod prophetia comminatoria poenae tunc solummodo immutatur, quando merita eius variantur in quem comminatio facta est: unde Hierem. xviii. 7. *Repente loquar ad gentem, & ad versum regnum, ut radicem, & destruam, & disperdam illud. Si paenitentiam egerit gens illa a malo suo, agam & ego paenitentiam super malo quod (a) cogitaveram ei.* Unde cum damnatorum merita mutari non possint, comminatio poenae semper in eis impletur. Nihilominus tamen prophetia comminationis semper quantum ad aliquem intellectum impletur: quia, ut dicit Augustinus Lib. praedictio (eod. cap.) *versa est Ninive, quae mala erat, & bona edificata est, quae non erat: stantibus enim manibus, atque donibus versa est civitas in perditis moribus.*

Ad quartum dicendum, quod verbum illud Psalmi pertinet ad vasa misericordiae, quae se indignos misericordia non fecerunt: quia in hac vita, quae quadam ira Dei est propter vitae miseriae, vasa misericordiae mutant in melius: unde sequitur in Psal. lxxvi. 11. *Hec mutatio dextere excelsi.* Vel dicendum, quod hoc intelligitur (b) de misericordia aliquid relaxante, non de misericordia totaliter liberante, si extendatur etiam ad damnatos: unde non dicit: *Continebit ab ira misericordias suas, sed in ira:* quia non totaliter poena tollitur, sed ipsa poena durante misericordia operabitur eam diminuendo.

Ad quintum dicendum, quod Glossa illa non loquitur simpliciter, sed sub hypothese impossibili ad exaggerandum peccati magnitudinem ipsius diaboli, vel Nabuchodonosor.

### SOLUTIO III.

Ad tertiam quaestionem dicendum, quod quidam fuerunt, ut dicit Augustinus in Lib. praedictio (cap. xix.) qui non omnibus hominibus promiserunt abolitionem a poena aeterna, sed solis Christianis: (c) & in hoc rursum diversificati sunt.

Quidam enim dixerunt, quod quicumque sacramenta fidei perceperunt, ab aeterna poena erunt immunes. Sed hoc est contrarium

veritati: quia quidam sacramenta fidei recipiunt, & fidem non habent, sine qua impossibile est placere Deo: Hebr. xi.

Et ideo alii dixerunt, quod solum illi ab aeterna poena erunt immunes qui sacramenta fidei sunt consecuti, & fidem catholicam tenuerunt. Sed contra hoc esse videtur quod aliquando aliqui catholicam fidem tenent, & postea ab ea resiliunt, qui non minori poena sunt digni, sed maiori: quia II. Petr. 11. 21. *Melius erat viam veritatis non agnoscere quam post agnitam retroire.* Planum est etiam plus peccare haereticos, qui de fide catholica recedentes novas haereses fingunt, quam illos qui a principio aliquam haeresein sunt secuti.

Et ideo alii dixerunt, quod illi soli sunt a poena aeterna immunes qui in fide catholica finaliter perseverant, quantumcumque aliis criminibus involvantur. Sed hoc manifeste contrariatur Scripturae: quia Iacob. 11. 20. dicitur: *Fides sine operibus mortua est:* & Matth. vii. 21. dicitur: *Non omnis qui dicit mihi, Domine Domine, intrabit in regnum celorum: & in multis aliis locis Scriptura peccantibus aeternas penas comminatur. Unde non omnes finaliter in fide persistentes a poena aeterna erunt immunes nisi & ab aliis criminibus inveniant finaliter absoluti.*

Ad primum ergo dicendum, quod Dominus ibi loquitur de fide formata, quae per dilectionem operatur, in qua quicumque decesserit, salvus erit. Sed huic non solum opponitur infidelitatis error, sed quodlibet peccatum mortale.

Ad secundum dicendum, quod verbum Domini est intelligendum non de illis qui tantum sacramentaliter edunt, qui indigne quandoque sumentes, iudicium sibi manducant, & bibunt, ut dicitur I. Corinth. xi. sed de manducantibus spiritaliter, qui ei per caritatem incorporantur; quam incorporationem facit sacramentalis comestio, si quae digne accedat. Unde quantum est ex virtute sacramenti, ad vitam aeternam perducit; quamvis aliquis se possit tali fructu privare per peccata, etiam postquam digne sumperit.

Ad tertium dicendum, quod fundamentum in verbis Apostoli intelligitur fides formata: supra quam qui peccata venialia edificaverit, detrimentum patietur, quia pro eis punietur a Deo; ipse tamen salvus erit finaliter, quasi per ignem vel temporalis tri-

(a) Vulgata, *egressus ut facerem.* (b) *Id. hic, & infra de misericordia.* (c) *Id. & in hoc respectu.*

tribulationis, vel purgatoriae pœnæ, quæ erit post mortem.

## SOLUTIO IV.

Ad quartam quæstionem dicendum, quod, sicut dicit Augustinus in Lib. prædicto (cap. xxix.) quidam posuerunt non omnes qui catholicam fidem tenent, a pœna æterna esse liberandos, sed solum illos qui misericordiz operibus insistant, quamvis etiam aliis criminibus sint subiecti. Sed istud non potest stare: quia sine caritate non potest aliquid Deo esse acceptum, nec sine ea prodest aliquid ad vitam æternam. Contingit autem aliquos operibus misericordiz insistere qui caritatem non habent: unde his nihil prodest ad vitam æternam promerendam, vel ad immunitatem pœnæ æternæ, ut patet I. Corinth. xiiii. Et præcipue hoc apparet absurdum in raptoribus, qui multa rapiunt, & tamen aliqua misericorditer largiuntur.

Et ideo dicendum, quod quicumque cum peccato mortali decedunt, nec fides, nec opera misericordiz eos liberabunt a pœna æterna, etiam post quantumcumque spatium temporis.

Ad primum ergo dicendum, quod illi misericordiam consequuntur qui misericordiam ordinate impendunt; non autem ordinate misericordiam impendunt qui seipsos in miserando negligunt, sed magis se impugnant male agendo: & ideo tales misericordiam penitus absolventem non consequuntur, etsi consequantur misericordiam de pœnis debitam aliquam relaxantem.

Ad secundum dicendum, quod non propter hoc ponitur disceptatio solum de operibus misericordiz, quia pro earum neglectu tantummodo aliqui æternaliter puniuntur; sed quia illi ab æterna pœna liberabuntur post peccata qui per opera misericordiz sibi veniam impetraverunt, facientes sibi amicos de mammona iniquitatis.

Ad tertium dicendum, quod illud a Domino dicitur his qui petunt sibi debitum relaxari, non illis qui in peccato persistunt:

& ideo soli pœnitentes per opera misericordiz consequuntur misericordiam penitus liberantem.

Ad quartum dicendum, quod Glossa Ambrosii loquitur de lubrico venialis peccati, a quo aliquis post purgatorias pœnas, quas vapulationem dicit, per opera misericordiz absolvetur. Vel si loquitur de lubrico mortalis peccati, est intelligendum quantum ad hoc quod adhuc in vita ista existentes, illi qui ex fragilitate in carnalia peccata incidunt, per opera misericordiz ad penitentiam disponuntur: unde talis non peribit, id est disponetur per talia opera ad non petendum.

## EXPOSITIO TEXTUS.

*T*am grandis tamen pœnis est, ut si possint nulla tormenta que novimus, comparari. Augustinus dicit (de peccat. meritis, & remis. cap. xvi. & Lib. V. contra Iulianum Pelag. cap. viii.) quod mitissima est pœna parvulorum, qui tamen alienantur a regno. Et dicendum, quod hoc quod hic dicitur, intelligendum est de illis qui carent divina visione, & habent conscientie remorsum, quod ex propria culpa ea priventur.

*Incomprehensibilia sunt iudicia eius.* Sed contra in Psal. cxviii. 13. „In labiis meis „pronuntiavi omnia iudicia oris tui.“ Et dicendum, quod iudicia in Psalmo appellantur Dei mandata; Apostolus autem dicit Dei iudicia, dispositiones eius.

*Sed varietas sensuum, & effectuum in creaturis monstratur,* in quantum videlicet ex diversis conceptionibus, quas a creaturis accipimus, diversas rationes attribuimus Deo, ut diversitas non sit in Deo secundum esse, sed sit diversitas secundum rationem tantum, quod hic dicitur varietas sensuum; vel secundum connotata, & hoc dicitur varietas effectuum. Et de hoc in 11. distinct. I. Lib. (quæst. 1. art. 2. ad 5.) dictum est.

## DISTINCTIO XLVII.

*De sententia iudicii.*

**S**olet etiam quæri, qualiter dabitur iudicii sententia; sed non est perspicuum id explicare. Non enim Scriptura aperte diffinit, an voce illa ( 1 ) verba proferrantur ( Matth. xxv. ), „ Venite benedicti, “ & „ Ite maledicti; “ an virtute iudicis ita fiat, conscientis singulorum attestantibus, ut modo dicitur futurum, ut iudicis potentie effectus, ipsius dictione significetur. Illa etiam ( ubi supra ) „ E- „ surivi, & non dedistis mihi manducare, “ & huiusmodi, magis conscientis exprimenda plurimi putant quam verbis: quia Apostolus ( 1. Corinth. v. ) in momento, & istu oculi mysterium consummandum tradit. Sed illud ad resurrectionis statum tantum referunt, non ad iudicium, qui aliis iudicii sententiam, & malorum increpationes, & bonorum præmia verbis exprimenda asserunt.

*Quod iudicabunt sancti, & quomodo.*

**N**on autem solus Christus iudicabit, sed & sancti cum eo iudicabunt nationes ( Sapient. viii. ) Ipse enim Apostolis ait ( Matth. xix. 28. ) „ Sedebitis & „ vos super duodecim sedes, iudicantes duodecim tribus Israel. “ Nec est putandum quod duodecim Apostolis tantum hoc promiserit Christus. Ubi enim sedebit Paulus, qui plus omnibus laboravit, si non ibi sedebunt nisi duodecim? Ergo sedes perfectio ( 2 ) tribunalis, idest universitas iudicantium, intelligitur, scilicet omnes perfecti, qui relictis omnibus secuti sunt Christum; per duodecim tribus universitas iudicandorum. Iudicabunt vero eos sancti non modo ( 3 ) comparative, sed etiam auctoritate & potestate; unde ( Psalm. cxlii. 6. ) „ Gladii ancipites in manibus eorum; “ idest, sententia de bonis, & de malis in potestate eorum. Si vero quæritur, quæ erit eorum potestas, vel auctoritas in iudicando; puto non ante posse sciri quam videtur, nisi divina revelatione quis didicerit.

*De ordinibus eorum qui iudicandi erunt.*

**E**runt autem quatuor ordines in iudicio. „ Duæ quippe sunt partes, electorum „ scilicet, & reproborum ( ut Gregorius in Moral. Lib. XXVI. cap. xxix. ) ait; „ sed bini ordines eisdem singulis partibus continentur. Alii enim iudicantur, & per- „ eunt; alii non iudicantur, & pereunt; alii iudicantur, & regnant; alii non iudicantur „ & regnant. Iudicantur, & pereunt, quibus dominica inclamatione ( 4 ) dicitur ( Matth. 11. 42. ) „ Esurivi, & non dedistis mihi manducare &c. Non iudi- „ cantur, & pereunt, quibus Dominus ait ( Ioan. 11. 18. ) „ Qui non credit, „ iam iudicatus est. Eorum enim damnatio toti Ecclesie nota est, & certa: & „ ideo dicuntur tunc non iudicari, quia ad conspectum districti iudicis cum aperta „ damnatione suæ infidelitatis accedent. Qui vero professionem fidei sine operibus „ habent, iudicabuntur, & peribunt; idest, redarguentur ut pereant. Qui vero „ nec fidei sacramenta tenuerunt, increpationem iudicis in se fieri non audient: „ quia infidelitatis suæ tenebris præiudicati, eius quem despexerunt invectione red- „ argui non merentur. Illi autem saltem verba iudicis audient qui eius fidem „ saltem verbo tenuerunt. Illi autem in damnatione suâ æterni iudicis nec verba „ percipient qui eius reverentiam nec verbo tenus servare voluerunt: & ideo illi „ iudi.

( 1 ) *Al. desit verba.* ( 2 ) *Nictat universalis.* ( 3 ) *Al. cooperatione.* ( 4 ) *Nictat ( sive domi-  
na voce in damnatione. )*

judicandi, sed isti non iudicandi dicuntur. Ex electorum vero parte alii iudicantur, & regnant, scilicet qui vitæ maculas lactymis tergunt, & eleemosynarum superinductione operiunt; quibus iudex veniens in dextera consistentibus dicit: Esurivi, & dedistis mihi manducare. (Matth. xxv. 35.) Alii autem non iudicantur, & regnant, qui etiam præcepta legis perfectiori virtute transcendunt; quia non hoc solum quod lex præcipit, implere contenti sunt; sed & quod ad perfectionem consilium, implere student: de quibus Propheta ait (Isai. 111. 14.) Dominus ad iudicium veniet (1) cum senatoribus populi sui: & Salomon de Ecclesiæ sponso loquens ait (Prov. xxxi. 23.) Nobilis in portis vir eius, quando sederit cum senatoribus terræ: & Iob ait (cap. xxxvi. 6.) Non salvat impios, & pauperibus iudicium tribuit.... (2) Hi ergo recte sub generali iudicio non reantur, sed iudices veniunt: quia & præcepta generalia vendendo vicerunt, & omnibus relictis Christum secuti sunt.... (3) Recte pauperibus iudicium tribuit, qui quanto (4) huic mundo magna humilitate despecti sunt, tanto tunc maiori (5) culmine potestatis excrecent: de talibus dicitur (Apoc. 111. 21.) Qui vicerit, dabo ei sedere mecum in throno meo, sicut & ego vici, & sedi cum Patre meo in throno eius. Vincens Dominus cum Patre in throno sedet: quia post passionis certamen, & resurrectionis palmam, quod Patri esset æqualis, omnibus declaravit. Nobis vero in throno Filii sedere est ex eiusdem Filii potestate iudicare. Quia enim iudicandi principatum ex eius virtute percipimus, quasi in throno eius residemus. "Ex his apparet quod etiam perfectiones sancti cum Christo iudicabunt potestate; & quare quidam dicuntur iudicandi, alii non iudicandi.

*De ordine iudicii, & ministerio Angelorum.*

Cum autem in Evangelio (Matth. xii. 41.) legatur, quod Dominus mittet Angelos suos, qui colligent de regno eius omnia scandala, & mittent iniquos in caminum ignis: & item (ibid. 49.) „Exibunt Angeli, & separabunt malos de medio iustorum, & mittent eos in caminum ignis:“ & iterum (Matth. xxiv. 31.) „Mittet Angelos suos cum tuba, & congregabunt electos a quatuor ventis:“ & Propheta dicit (Psalm. xlii. 5.) „Congregato illi sanctos eius:“ ministerio Angelorum illa impleri dubitandum non est. Domino enim veniente ad iudicium præcedet ante eum ignis, quo combureretur facies mundi huius, & peribit cælum, & terra, non secundum substantiam, sed secundum speciem, quæ immutabitur; cælum quidem æreum, non æthereum. Tantum enim ascendet ignis in iudicio, quantum ascenderunt aquæ in diluvio. Ille autem ignis malis, qui reperti fuerint vivi, erit consumptio, bonis vero non, ut ait Augustinus (de Civ. Dei Lib. XX. cap. xvi. 11.) Hoc erit incendium mundi sanctis quod fuit caminus tribus pueris: in quibus si aliquid purgandum foret, per illum ignem purgabitur; aliis vero nullam ingeret molestiam. Purgato vero per ignem mundo, & ad iudicium veniente Domino, emittetur vox illa magna, qua resurgent omnes mortui, & tunc ministerio Angelorum ventilabitur area: quia boni congregabuntur ibi de quatuor partibus mundi angelico ministerio, quo & rapiuntur obviam Christo in aerea, reprobis in terra, quam dilexerunt, remanentibus. Et tunc præconia illa bonorum, „Esurivi, & dedistis mihi manducare;“ & increpationes illæ malorum, „Esurivi, & non dedistis mihi manducare &c.“ (Matth. xxv.) proferentur vel sono vocali, vel alio modo. Denique proferetur sententia super utroque. „Venite benedicti,“ & „Ite maledicti &c.“ & ministerio Angelorum.

(1) *Fulgata cum senibus.* (2) *Nobis.* „Hi ergo in extremo iudicio non iudicantur, & regnabunt, qui cum auctore suo iudices veniunt: reliquæ quippe omnia, plus prompta devotione executi sunt quam uberi generaliter audierunt, speciali namque iustione paucis perfectioribus, & non generaliter omnia dicitur: *Vade, vende quæ habes &c.*“ Et rursus mox. Hi ergo recte &c. (3) *Nobis.* Et in fine capitis. (4) *At, desit huic.* (5) *At, elementis.*

gelorum virtute Dei cooperante mittentur mali in caminum ignis, hoc est in Infernum.

*Si post iudicium daemones praerunt hominibus ad puniendum.*

ET solet quæri, utrum in inferno malis ad puniendum praesint daemones post iudicium, quos carnifices, tortoresque animarum Scriptura appellat. Apostolus dicit (1. Corinth. xv.) quod Christus tunc evacuabit omnem principatum, & potestatem, & virtutem. Dum enim durat mundus Angeli Angelis, daemones daemonibus, homines hominibus praesunt; sed omnibus collectis iam omnis praesentia cessabit. Hinc quidam putant, post iudicium daemones non habere potestatem cruciandi homines, sicut modo. Sed ut daemones virtute Dei cruciari sine ministerio creaturae asserunt, sic reprobos homines ibi non per operationem daemonum, sed virtute divina tantum aeternis subiaci cruciatibus. Praeusta tamen auctoritas non id cogit sentire: quæ etsi asserat tunc nec daemones daemonibus, nec homines hominibus praesse; non diffinit tamen, an daemones praesint hominibus ad torquendum. Unde quibundam videtur eos sic (1) existere hominibus tortores in pœna, sicut extiterunt inceptorum in culpa.

### DIVISIO TEXTUS.

POSTquam determinavit Magister de remuneratione animarum, & punitione, quæ praecedit iudicium generale, hic incipit determinare de remuneratione, & punitione quæ erit per iudicium generale: & dividitur in partes duas. In prima determinat de ipso generali iudicio. In secunda determinat de remuneratione, & pœna quæ generale iudicium consequitur, xlix. dist. ibi, *Post resurrectionem vero factio impletoque iudicio, sui fines habebunt civitates due*. Prima pars dividitur in duas. In prima determinat ea quæ pertinent ad modum iudicii, & ad iudicis ministerium. In secunda determinat ea quæ pertinent ad iudicis personam, xlviii. dist. ibi, *Solet etiam quæri, in qua forma Christus iudicabit*. Prima in duas. In prima enim requirit de iudicii modo; in secunda de iudicis ministris, ibi, *Non autem solus Christus iudicabit*. Et hæc pars dividitur in tres. In prima enim ostendit quomodo homines cum Christo iudicante pariter iudicabunt. In secunda ostendit quid ministerii Angeli in iudicio exhibebunt, ibi, *Cum autem in Evangelio legatur quod Dominus mittet Angelos suos &c.* In tertia parte requirit, utrum daemones ministri huius iudicii sint futuri, torquendo damnatorum animas, ibi, *Et solet quæri, utrum in inferno malis ad puniendum praesint daemones*. Prima pars dividitur in duas. In prima ostendit quod quidam homines cum Christo iudicabunt. In secunda enumerat quatuor ordines hominum qui

ad iudicium veniunt, ibi, *Erunt autem quatuor ordines in iudicio*.

### QUAESTIO I.

Hic est duplex quæstio. Prima de iudicio generali. Secunda de igne qui praecedit faciem iudicis.

Circa primum quæruntur tria.

Primo. De ipso iudicio.

Secundo. De iudicantibus cum Christo.

Tertio. De his qui in iudicio iudicabuntur.

### ARTICULUS I.

*Utrum generale iudicium sit futurum.*

III. P. quæst. lxx. art. 5. & IV. cont. Gent. cap. xciv.

1. AD primum sic proceditur. Videtur quod generale iudicium non sit futurum. Quia, ut dicitur Naum 1. 9. (a) *Non iudicabit Deus bis in idipsum*. Sed nunc Deus iudicat de singulis hominum operibus, cum post mortem unicuique pœnas, vel pœnia pro meritis tribuit, & dum etiam in hac vita quosdam pro bonis, vel malis operibus praemiatur, vel punit. Ergo videtur quod non sit aliud iudicium futurum.

2. Præterea. In nullo iudicio executioni sententiae praecedit iudicium. Sed sententia divini iudicii quo ad homines, est de ademptione regni, vel exclusionem a regno, ut patet.

{ 1 } M. consistere.

{ a } Vulgata: non confusum duplex tribulatio.

pater Matth. xxv. Ergo cum modo aliqui adipiscantur regnum æternum, & quidam excludantur ab ipso perpetuo, videtur quod aliud iudicium non sit futurum.

3. Præterea. Propter hoc aliqua in iudicium oportet adduci, quia dubium est quid de eis diffinidendum sit. Sed ante finem mundi determinata est unicuique damnatorum sua damnatio, & cuique sanctorum suae beatitudo. Ergo videtur quod non oporteat aliud futurum iudicium esse.

Sed contra. Matth. xii. 41. dicitur: *Viri Ninivita surgent in iudicio cum generatione ista, & condemnabunt eam.* Ergo post resurrectionem aliquod iudicium erit.

Præterea. Ioan. v. 29. dicitur: *Procedent qui bona fecerunt, in resurrectionem vite; qui vero mala egerunt, in resurrectionem iudicii.* Ergo videtur quod post resurrectionem aliud iudicium sit futurum.

### QUAESTIUNCULA II.

1. Ulterius. Videtur quod iudicium illud quantum ad disceptationem, & sententiam nat per locutionem vocalem. Quia, ut dicit Augustinus XX. de civ. Dei (cap. 1.) *per quot dies hoc futurum iudicium tendatur, (a) incertum est.* Sed non esset incertum, si illa quæ in iudicio dicuntur futura, tantum mentaliter completerentur. Ergo iudicium illud vocaliter fiet, & non solum mentaliter.

2. Præterea. Gregorius dicit, & habetur in littera: *Illi saltem verba iudicis audient (b) qui eius fidem saltem verbo tenuerunt.* Hoc autem non potest intelligi de verbo interiori; quod sic omnes verba iudicis audient: quia omnibus & bonis, & malis nota erunt omnia facta aliorum, sicut supra dist. xlii. dictum est. Ergo videtur quod iudicium illud vocaliter peragetur.

3. Præterea. Sicut in sequenti dist. dicitur, Christus secundum formam hominis iudicabit, in qua corporaliter ab omnibus possit videri. Ergo videtur eadem ratione quod corporali voce loquatur, ut ab omnibus audiat.

Sed contra. Augustinus dicit XX. de civ. Dei, quod liber vite, de quo Apocal. xx. *vis quadam intelligenda est divina, qua fiet ut unicuique opera sua vel bona, vel mala in memoriam revocentur, & nemis intuitu mirae celeritate cernatur, ut accuset, vel excuset scientia conscientiam; atque ita simul & omnes, & singuli iudicentur.* Sed si vocaliter

discurreretur merita singulorum, non possent omnes, & singuli iudicari simul. Ergo videtur quod illa discussio non erit vocalis.

Præterea. Sententia proportionaliter debet testimonio respondere. Sed testimonium, & accusatio, vel excusatio mentalis erit: unde Rom. 11. 15. *Testimonium illis reddente conscientia ipsorum, & inter se invicem cogitationum (c) accusantium, aut etiam defendentium in die cum iudicabit Deus occulta hominum.* Ergo videtur quod illa sententia, & totum iudicium mentaliter expleatur.

### QUAESTIUNCULA III.

1. Ulterius. Videtur quod tempus futuri iudicii non sit ignotum. Sicut enim sancti patres expectabant primum adventum, ita & nos expectamus secundum. Sed sancti patres scieverunt tempus adventus primi, sicut patet per numerum hebdomadarum quæ describuntur Dan. ix. unde & reprehenduntur Iudæi, quod tempus adventus Christi non cognoverunt, ut patet Luc. xii. 56. *Hypocrite, faciem cali, & terra nostis probare; hoc autem tempus quomodo non probatis?* Ergo videtur quod etiam nobis esse debeat determinatum tempus secundi adventus, quo Deus ad iudicium veniet.

2. Præterea. Per signa devenimus in cognitionem signatorum. Sed de iudicio futuro multa signa nobis in Scriptura ponuntur, ut patet xxiv. Matth. & xxi. Lucæ & xii. Marci. Ergo in cognitionem illius temporis possumus pervenire.

3. Præterea. Apostolus dixit I. Cor. x. 12. *(d) Nos sumus in quos fines seculorum deveniunt: & I. Ioan. 11. 18. Filioli, novissima hora est &c.* Cum ergo iam longum tempus transierit ex quo hæc dicta sunt, videtur quod saltem nunc scire possumus quod ultimum iudicium sit propinquum.

4. Præterea. Tempus iudicii non debet esse occultum, nisi propter hoc quod quilibet sollicitus se ad iudicium præparet, dum determinate tempus ignorat. Sed eadem sollicitudo remaneret, etiam si certum esset: quia cumque incertum est tempus suæ mortis, & sicut dicit Augustinus in epistola ad Hefychium (lxxx.) in quo quemque invenit suus novissimus dies, in hoc cum comprehendit mundi novissimus dies. Ergo non est necessarium tempus iudicii esse occultum.

Sed contra est quod dicitur Marc. xiii.

32. *De die illa, vel hora nemo scit, neque Angeli*

(a) Al. lo: incertum. (b) Al. qui eius verba fidem tenuerunt. (c) Vulgata, accusantium, aut etiam defendentium. (d) Vulgata non habet Nos sumus.



*geli in celo, neque Filius, nisi Pater.* Dicitur autem Filius nescire, inquantum nos scire non facit.

*Præterea. I. Thessal. v. 2. Dies Domini sicut fur in nocte, ita venit.* Ergo videtur, cum adventus furis in nocte sit omnino incertus, quod dies ultimi iudicii sit omnino incertus.

### SOLUTIO I.

Respondendo dicendum ad primam questionem, quod sicut operatio pertinet ad rerum principium quo producuntur in esse, ita iudicium pertinet (*a*) ad terminum, quo res ad suum finem perducuntur. Distinguitur autem duplex Dei operatio. Una qua res primus in esse producit, instituens naturam, & distinguens ea quæ ad completionem ipsius pertinent: a quo quidem opera Deus dicitur quiescere Genes. 1. Alia eius operatio est qua operatur in gubernatione creaturarum, de qua Ioan. v. 17. *Pater meus usque modo operatur, & ego operor*: ita etiam duplex iudicium, distinguitur, ordine tamen converso. Unum quod responderet operi gubernationis, quæ sine iudicio esse non potest: per quod quidem iudicium unusquisque singulariter pro suis operibus iudicatur non solum secundum quod sibi competit, sed secundum quod competit gubernationi universi: unde disfertur unus præmiatio pro utilitate aliorum, ut dicitur Hebr. xi. & pænz unus ad profectum alterius cedunt: unde necesse est ut sit aliquod iudicium universale correspondens ex adverso primæ rerum productioni in esse, ut videlicet sicut tunc omnia processerunt immediate a Deo, ita tunc ultima completio mundo detur, unoquoque accipiente finaliter quod ei debetur secundum seipsum: unde in isto iudicio apparebit manifeste divitia iustitia quantum ad omnia quæ nunc ex hoc occultantur quod interdum de uno disponitur ad utilitatem aliorum aliter quam manifestata opera exigere videantur: unde etiam & tunc erit universalis separatio bonorum a malis, quia ulterius non erit locus ut mali per bonos, vel boni per malos proficiant; propter quem profectum intermixti inveniuntur boni malis, quoadusque status huius vitæ per divinam providentiam gubernatur.

Ad primum ergo dicendum, quod quilibet homo & est singularis quædam persona, & est pars totius humani generis: unde & duplex ei iudicium debetur. Unum singulare, quod de eo fiet post mortem, quando

recipiet iuxta ea quæ in corpore gessit, quamvis non totaliter, quia non quo ad corpus, sed quo ad animam tantum. Aliud iudicium debet esse de eo secundum quod est pars totius humani generis, sicut aliquis iudicari dicitur secundum humanam iustitiam etiam quando iudicium datur de communitate, de cuius ipse est pars: unde & tunc quando fiet universale iudicium totius humani generis per universalem separationem bonorum a malis, etiam quilibet per consequens iudicabitur. Nec tamen Deus bis iudicat in idipsum: quia non duas pænas pro uno peccato infert: sed pœna quæ ante iudicium complete inflicta non fuerat, in ultimo iudicio complebitur, post quod impij cruciabuntur quo ad corpus, & animam simul.

Ad secundum dicendum, quod propria sententia illius generalis iudicii est universalis separatio bonorum a malis, quæ illud iudicium non præcedet. Sed nec etiam quo ad particularem sententiam unusquisque plene præcessit iudicii effectus: quia etiam boni amplius post iudicium præmiabuntur, tum ex gloria corporis adiuncta, tum ex numero sanctorum completo; & mali etiam amplius torquebuntur adiuncta pœna corporis, & impleto in penis numero damnatorum: quia quanto cum pluribus ardebunt, tanto plus ardebunt.

Ad tertium dicendum, quod universale iudicium, ut dictum est, magis directe respicit utilitatem hominum quam singulos iudicandorum. Quamvis ergo quilibet homini ante iudicium sit certa notitia de sua damnatione, vel præmio; non tamen omnibus omnium damnatio, vel præmium innoscet: unde iudicium necessarium erit.

### SOLUTIO II.

Ad secundam questionem dicendum, quod quid sit verum circa hanc questionem, distinguere pro certo non potest; tamen probabilius affirmatur quod totum illud iudicium & quo ad discussionem, & quo ad accusationem malorum, & commendationem bonorum, & quo ad sententiam de utrisque, mentaliter perficiatur. Si enim vocaliter singulorum facta carentur, inestimabilis magnitudo temporis ad hoc exigeretur, sicut etiam Augustinus XX. de civ. Dei dicit, quod si liber ex cuius scriptura omnes iudicabuntur, ut dicitur Apoc. ix. carnaliter cogitetur, quis eius magnitudinem, aut longitudinem valeat

valeat aestimare; aut quanto tempore legi poterit liber, in quo scriptae sunt universae vitae univerforum? Non autem minus tempus requiritur ad narrandum orenus singulorum facta, quam ad legendum, si essent in libro materiali scripta. Unde probabile est quod illa quae dicuntur Matth. xxv. non vocaliter, sed mentaliter intelligenda sint esse perficienda.

Ad primum ergo dicendum, quod pro tanto dicit Augustinus quod incertum est per quot dies hoc iudicium tendatur, quia non est determinatum utrum perficiatur vocaliter. Si enim vocaliter periceretur, prolixum tempus ad hoc (a) requireretur; si autem mentaliter, in momento fieri poterit.

Ad secundum dicendum, quod etiam si iudicium fiat mentaliter, tamen verbum Gregorii salvari potest: quia etiam omnibus innotescere sua, & aliorum facta, divina virtute hoc faciente, quae in Evangelio locutio dicitur; tamen illi qui fidem habuerunt, quam ex verbis Dei conceperunt, ex ipsis verbis iudicabuntur: quia, ut dicitur Rom. 11. 12. *qui in lege peccaverunt, per legem iudicabuntur*. Unde & quodam speciali modo dicitur aliquid his qui fuerunt infideles quod non dicitur his qui fuerunt fideles.

Ad tertium dicendum, quod Christus corporaliter apparebit, ut ab omnibus iudex corporalis cognoscatur; quod quidem subito fieri poterit. Sed locutio quae tempore mensuratur, requireret immensam temporis prolixitatem, si vocali locutione iudicium perageretur.

### SOLUTIO III.

Ad tertiam quaestionem dicendum, quod Deus per scientiam suam est causa rerum. Utrumque autem creaturis communicat, dum & rebus tribuit virtutem agendi alias res, quantum sint causa, & quibusdam etiam rerum cognitionem praebet; sed in utroque aliqua sibi reservat. Operatur enim quaedam in quibus nulla creatura ei cooperatur, & similiter cognoscit quaedam quae a nulla pura creatura cognoscuntur. Haec autem nulla alia magis esse debent quam illa quae soli divinae subiacent potestati, in quibus ei nulla creatura cooperatur; & huiusmodi est finis mundi, in quo erit dies iudicii. Non enim per aliquam causam creatam mundus finietur, sicut etiam & mundus esse incepit immediate a Deo: unde dicitur, quod co-

*S. Th. Oper. Tom. XIII.*

(a) *Al. requiritur.* (b) *Al. omittitur dicit.*

gnitio finis mundi soli Deo reservatur. Et hanc rationem ipse Dominus videretur assignare Act. 1. 7. *Non est, inquit, vestrum nosse tempora, vel momenta, quae Pater posuit in sua potestate*; quasi dicat, quae soli potestati eius reservata sunt.

Ad primum ergo dicendum, quod in primo adventu Christus venit occultus secundum illud Isai. xlv. 15. *Vere tu es Deus absconditus, sanctus Israel Salvator*; & ideo ut a fidelibus cognosci posset, oportuit determinate tempus praedeterminare. Sed in secundo adventu venit manifestus, ut dicitur in Psalm. xlii. 3. *Deus manifeste venit*. & ideo circa cognitionem adventus ipsius error esse non poterit: propter quod non est simile.

Ad secundum dicendum, sicut dicit Augustinus in epistola ( lxxviii. & lxxx. ) de die iudicii ad Helychium. Signa quae in Evangeliiis ponuntur, non omnia pertinent ad secundum adventum, qui erit in fine; sed quaedam eorum pertinent ad tempus destructionis Hierusalem, quae iam praeterit; quaedam vero, & plura eorum pertinent ad adventum quo quotidie ad Ecclesiam suam venit, eam spiritualiter visitans, prout inhabitat nos per fidem, & amorem: nec illa quae in Evangeliiis, vel in epistolis ponuntur ad ultimum adventum spectantia, ad hoc possunt valere ut determinate tempus iudicii possit cognosci, quia illa pericula quae praenuntiant nuntiantia vicinum Christi adventum etiam a tempore primitivae Ecclesiae fuerunt, quandoque intensius, quandoque remissius: unde & ipsi dies Apostolorum dicti sunt novissimi dies, ut patet Act. 11. 17. ubi Petrus exponit illud verbum Joel. 11. 28. *Erit in novissimis diebus, effundam spiritum meum super omnem carnem, & prophetabunt filii vestri, & filiae vestrae*: pro tempore illo; & tamen ex illo tempore tempus plurimum transiit, & quandoque plures, & quandoque pauciores tribulationes in Ecclesia fuerunt. Unde non potest determinari tempus quantum sit futurum, nec de mese, nec de anno, nec de centum, nec de mille annis, ut Augustinus in eodem Libr. ( b ) dicit. Et si crederetur in fine huiusmodi pericula magis abundare, non tamen potest determinari quae sit illa quantitas periculorum quae immediate diem iudicii praecedet, vel Antichristi adventum, cum & circa tempora primitivae Ecclesiae fuerint persecutiones aliquae adeo graves, & corruptiones errorum adeo abundarent, quod aliqui-

Ggg

bus

bus tunc vicinus expectaretur, vel imminens Antichristi adventus, sicut dicitur in ecclesiastica Historia, & in Lib. Hieronymi de viris illustribus.

Ad tertium dicendum, quod ex hoc quod dicitur, *Novissima hora est*, vel ex similibus locutionibus quæ in Scriptura dicuntur, non potest aliqua determinata quantitas temporis sciri. Non enim est dictum ad significandum aliquam brevem horam temporis, sed ad significandum novissimum statum mundi, qui est quasi novissima ætas; quæ quanto temporis spatio duret, non est definitum; cum etiam nec senio, quod est ultima ætas hominis, sit aliquis terminus certus præfixitus, cum quandoque inveniatur durare quantum omnes præcedentes ætates, vel plus, ut dicit Augustinus in Lib. lxxxix. Quæst. (quæst. lviij.) unde etiam & Apostolus II. Thessal. ii. excludit falsum intellectum quem quidam ex illis verbis conceperant, ut crederent diem Domini iam instare.

Ad quartum dicendum, quod etiam supposita mortis incertitudine, dupliciter ad vigilantiam valet incertitudo iudicii. Primo ad hoc quod ignoratur utrum etiam differatur tantum quantum est hominis vita, ut sic ex duabus partibus incertitudo maiorem diligentiam faciat. Secundo quantum ad hoc quod homo non gerit solum sollicitudinem de persona sua, sed de familia, vel civitate, vel regno, aut tota Ecclesia, cui non determinatur tempus durationis secundum hominis vitam; & tamen oportet unumquodque horum hoc modo disponit, ut dies Domini non inveniatur imparatos.

## ARTICULUS II.

*Utrum aliqui homines iudicabunt cum Christo.*

*II. Corinth. v. lca. 2.*

1. **A**D secundum sic proceditur. Videtur quod nulli homines iudicabunt cum Christo. Quia Ioan. v. 22. *Pater omne iudicium dedit Filio, ut omnes honorificent Filium, sicut honorificans Patrem.* Sed honorificentia talis non debetur (a) alicui quam Christo. Ergo &c.

2. Præterea. Quicumque iudicat, habet potestatem super illud quod iudicat. Sed ea de quibus debet esse futurum iudicium, sicut merita, & præmia humana, soli divine

auctoritati subsunt. Ergo nulli competit de his iudicare.

3. Præterea. Iudicium illud non exercebitur vocaliter, sed mentaliter, ut probabilius estimatur. Sed hoc quod cordibus hominum notificentur merita, & demerita, quod est quasi accusatio, vel commendatio; vel terribitio pænæ, & præmi, quod est quasi sententiæ prolatio, sola divina virtute fiet. Ergo nulli alii iudicabunt nisi Christus, qui est Deus.

Sed contra est quod dicitur Matth. xix. 28. *Sedebitis super sedes duodecim, indicantes duodecim tribus Israel.*

Præterea. Isai. lxi. 14. *Dominus ad iudicium veniet cum senioribus populi sui.* Ergo videtur quod etiam alii iudicabunt cum Christo.

## QUÆSTIUNCULA II.

1. Ulterius. Videtur quod iudiciaria potestas non respondeat voluntariæ paupertati. Hoc enim solum duodecim Apostolis promissum est Matth. xix. 28. *Sedebitis super sedes duodecim indicantes duodecim tribus Israel.* Ergo cum non omnes voluntarie pauperes sint Apostoli, videtur quod non omnibus iudiciaria potestas respondeat.

2. Præterea. Maius est offerre sacrificium Deo de proprio corpore quam de exterioribus rebus. Sed martyres, & etiam virgines offerunt de proprio corpore sacrificium Deo; voluntarie autem pauperes de exterioribus rebus. Ergo sublimitas iudiciariæ potestatis magis responderet martyribus, & virginibus quam voluntarie pauperibus.

3. Præterea. Ioan. v. 45. *Est qui accusat vos Moyses, in quo vos speratis:* Glossa: „quia „voci eius non creditis:“ & Ioan. xii. 48. *Sermo quem locutus sum, ille iudicabit eum in novissimo die.* Ergo ex hoc quod aliquis proponit legem, vel verbum exhortationis ad instructionem morum, habet quod iudicet contemnentis. Sed hoc est doctorum. Ergo doctoribus magis competit quam pauperibus.

4. Præterea. Christus ex hoc quod iniuste iudicatus est in quantum homo, meruit ut sit iudex omnium in natura humana: unde Ioan. v. 27. *Potestatem dedit ei iudicium facere, quia Filius hominis est.* Sed qui perfectionem patiuntur propter iustitiam, iniuste iudicantur. Ergo iudiciaria potestas magis eis quam pauperibus competit.

5. Præterea. Superior non iudicatur ab inferiori. Sed multi licite divitiis utentes, maioris

(a) Forte alii, vel alteri.

foris meriti erunt multis voluntarie pauperibus. Ergo voluntarii pauperes non iudicabunt, (a) sed ab aliis iudicabuntur.

Sed contra. Iob xxxvi. 6. *Non salvat impius, & iudicium pauperibus tribuit.* Ergo pauperum est iudicare.

Præterea. Matth. xix. super illud, *Vos qui reliquistis omnia &c.* dicit Glossa: „Qui reliquerunt omnia, & secuti sunt Dominum, hi iudices erunt: qui licita habentes, recte usi sunt, iudicabuntur:“ & sic idem quod prius.

### QUAESTIUNCULA III.

1. Ulterius. Videtur quod Angeli debeant iudicare. Matth. xxv. 31. *Cum venerit Filius in maiestate sua, & omnes Angeli cum eo.* Sed loquitur de adventu ad iudicium. Ergo videtur quod etiam Angeli iudicabunt.

2. Præterea. Angelorum ordines nomina sortiuntur ex officio quod exercent. Sed quidam Angelorum ordo est ordo Thronorum, quod videtur pertinere ad iudiciariam potestatem: thronum enim est sedes iudicis, solium Regis, cathedra doctoris. Ergo aliqui Angeli (b) iudicabunt.

3. Præterea. Sanctis post hanc vitam promittitur Angelorum æqualitas Matth. xxii. Si ergo homines hanc habebunt potestatem ut iudicent, multo fortius & Angeli.

Sed contra. Ioan. v. 27. *Potestatem dedit ei iudicium facere, quia Filius hominis est.* Sed Angeli non communicant in humana natura. Ergo nec in iudiciaria potestate.

Præterea. Non est eiusdem iudicare, & esse iudicis ministrum. Sed Angeli erunt in iudicio illius ministri iudicis. Matth. xiii. 41. *Mittere Filius hominis Angelos suos, & colligere de regno eius omnia scandala.* Ergo Angeli non iudicabunt.

### QUAESTIUNCULA IV.

1. Ulterius. Videtur quod post diem iudicii demones non exequantur sententiam iudicis in damnatis. Quia demones magis peccaverunt quam homines. Ergo non est iustum quod homines per demones torqueantur.

2. Præterea. Sicut demones suggerunt hominibus mala, ita Angeli suggerunt bona. Sed præmiare bonos non erit officium An-

gelorum; sed hoc erit ab ipso Deo immediate. Ergo nec punire malos erit officium demonum.

Sed contra est quod homines peccatores se diabolo subiecerunt peccando. Ergo iustum est ut ei subiciantur in pœnis, quasi ab eo puniendi.

### SOLUTIO.

Respondeo dicendum ad primam questionem, quod iudicare multipliciter dicitur. Uno modo causaliter, ut dicatur illud iudicare unde apparet aliquis iudicandus; & secundum hoc aliqui dicuntur iudicare comparatione, inquantum ex comparatione aliorum aliqui iudicandi offenduntur, sicut patet Matth. xiii. 41. *Viri Niniuite surgent in iudicio cum generatione ista, & condemnabunt eam.* Sed sic iudicare in iudicio communiter bonorum, & malorum est. Alio modo dicitur iudicare, quasi interpretative: interpretamur enim aliquem facere qui facienti consentit: unde illi qui consentient Christo iudici, eius sententiam approbando, iudicare dicuntur: & sic iudicare est omnium electorum: unde dicitur Sap. xii. 8. *Iudicabunt sancti nationes.* Tertio modo dicitur iudicare quasi per similitudinem, quia scilicet similitudinem iudicis habet, inquantum sedet in loco eminenti sicut iudex; (c) sicut assessores iudicare dicuntur: & secundum hunc modum dicunt quidam, quod perfecti viri, quibus iudiciaria potestas promittitur Matth. xix. iudicabunt, scilicet per honorabilem confessionem, quia superiores ceteris in iudicio apparebunt, occurrentes Christo obviam in æra. Sed istud non videtur sufficere ad promissionem Domini complendam, quia dicitur, *Sedebitis iudicantes:* videtur enim iudicium confessioni superaddere. Et ideo est quartus modus iudicandi, qui perfectis viris convenit, inquantum continentur in eis decreta divinæ iustitiæ, ex quibus homines iudicabuntur; sicut si liber in quo continetur lex, iudicare dicatur: unde Apoc. xx. iudicium sedit, & libri aperti sunt. Et per hunc modum hanc iudicationem Richardus de sancto Victore (tract. de iudiciaria potestate part. 1.) exponit: unde dicit, (d) quod qui divinæ contemplationi assunt, qui in libro sapientiæ quotidie legunt, velut in cordium voluminibus transcribunt quidquid iam perspicua veritatis intelligentia comprehendunt: & infra: *Quid*

Ggg 2 vero

(a) *Al. nisi alii.* (b) *Al. iudicabuntur.* (c) *Al. sic.* (d) *Al. quod divina contemplationi assunt qui &c.*

*vero sunt indicantium corda divinitus in omnem veritatem edocta, nisi quadam canonum decreta?* Sed quia iudicare importat actionem in alium procedentem, ideo proprie loquendo iudicare dicitur qui sententiam loquendo in alterum fert. Sed hoc dupliciter contingit. Uno modo ex propria auctoritate; & hoc est illius proprie qui habet in alios dominium, & potestatem, cuius regimini subduotur qui iudicantur, unde eius est in eos ius ferre: & sic iudicare solius Dei est. Alio modo iudicare est sententiam alterius auctoritate latam in aliorum notitiam ducere, quod est sententiam latam pronuntiare; & hoc modo perfecti viri iudicabunt: quia alios ducunt in cognitionem divinæ iustitiæ, ut sciant quid eis iuste pro meritis debeatur, ut ipsa revelatio iustitiæ iudicium dicatur. Unde dicit Richardus de sancto Victore (ubi sup.) *iudices eorum iudicandis decretorum suorum libros aperire, est ad cordium suorum inspectionem inferiorum quorumlibet visum admittere, sensumque suum in his quæ ad iudicium pertinent, revelare.*

Ad primum ergo dicendum, quod obiectio illa procedit de iudicio auctoritatis, quod soli Christo convenit.

Et similiter dicendum ad secundum.

Ad tertium dicendum, quod non est inconveniens aliquos sanctorum aliis quædam revelare, vel per modum illuminationis, sicut superiores Angeli inferiores illuminant; vel per modum locutionis, sicut (a) quando inferiores superioribus loquuntur.

## SOLUTIO II.

Ad secundam quæstionem dicendum, quod paupertati debetur iudiciaria potestas specialiter propter tria. Primo ratione congruitatis: quia voluntaria paupertas est eorum qui omnibus quæ mundi sunt contemptis, soli Christo inhaerent: & ideo non est eis aliquid quod eorum iudicium a iustitia defleat, unde idonei ad iudicandum redduntur, quasi veritatem iustitiæ præ omnibus diligentes. Secundo per modum meriti: quia humilitati respondet exaltatio pro merito. Inter omnia autem quæ hominem in hoc mundo despectum faciunt, præcipuum est paupertas: unde & pauperibus excellentia iudiciariæ potestatis promittitur, ut sic qui se propter Christum humiliat, exaltetur. Tertio quia paupertas disponit ad prædictum modum iudicandi. Ex hoc enim aliquis sanctorum iudicare dicitur, ut ex prædictis pa-

ter, quod cor habebit edoctum omni divina veritate, quam alius potens erit manifestare. In progressu autem ad perfectionem primum quod relinquendum occurrit, sunt exteriores divitiæ, quia hæc sunt ultimo acquisitæ: quod autem est ultimum in generatione, est primum in destructione: unde & inter beatitudines, quibus est progressus ad perfectionem, prima ponitur paupertas. Et sic paupertati respondet iudiciaria potestas, inquantum est prima dispositio ad potestatem prædictam. Et hinc est quod non quibuscumque pauperibus, etiam voluntarie, repromittitur potestas prædicta, sed illi qui relinquunt omnia sequuntur Christum secundum perfectionem vitæ.

Ad primum ergo dicendum, quod, sicut dicit Augustinus XX. de civit. Dei (cap. v. alio ordine) *nec quoniam super duodecim sedes sessuros esse ait, duodecim solos homines cum (b) illo iudicatos potare debemus: aliquem quoniam in locum Iudæ traditoris Apostolum Matthiam legimus ordinatum, Paulus, qui plus aliis laboravit, ubi ad iudicandum sedet, non habebit.* Unde duodenario numero significata est universa iudicantium multitudo propter duas partes septenarii, scilicet tria, & quatuor, quæ in se ductæ duodenarium faciunt. Septenarius autem est numerus perfectionis, (c) vel propter hoc quod consistat ex duplici senario, qui est numerus perfectus, vel quia ad litteram duodecim Apostoli loquebatur, in quorum persona hoc omnibus eorum sectatoribus promittebatur.

Ad secundum dicendum, quod virginitas, & martyrium non ita disponunt ad retinendum in corde decreta divinæ iustitiæ sicut paupertas; sicut e contrario exteriores divitiæ ex sua sollicitudine suffocant verbum Dei, ut dicitur Luc. vii. Vel dicendum, quod paupertas non solum sufficit ad meritum iudiciariæ potestatis; sed quia est prima pars perfectionis, cui respondet iudiciaria potestas: unde inter ea quæ sequuntur ad paupertatem, ad perfectionem spectantia, possunt computari & virginitas, & martyrium, & omnia perfectionis opera; non tamen sunt ita principalia sicut paupertas: quia principium est maxima pars rei.

Ad secundum dicendum, quod ille qui segem proposuit, aut exhortatus est ad bonum, iudicabit causaliter loquendo: quia per comparisonem ad verba ab ipso proposita aliqui iudicabuntur: & ideo non respondet proprie potestas iudiciaria prædicationi, vel doctrinæ. Vel dicendum secundum quoddam, quod

(a) Nicolai quod. (b) Ad I. ... (c) Ad. & propter.

quod tria requiruntur ad iudiciariam potestatem. Primo abdicatio temporalium (a) curarum, ne impediatur animus a sapientiae perceptione. Secundo requiritur habitus continentis divinam iustitiam scitam, & observatam. Tertio quod illam iustitiam alios docuerit; & sic doctrina erit complens meritum iudiciariae potestatis.

Ad quartum dicendum, quod Christus in hoc quod est iniuste iudicatus, seipsum humiliavit (oblatus est enim quia voluit) & meritum humilitatis est iudiciaria exaltatio, qua ei omnia subduntur, ut dicitur Philip. 11. Et ideo magis debetur iudiciaria potestas illis qui voluntarie se humiliant bona temporalia abiciendo, propter quae homines a mundanis honorantur, quam his qui ab aliis humiliantur.

Ad quintum dicendum, quod inferior non potest iudicare superiorem auctoritate propria, sed tamen auctoritate superioris potest, sicut patet in iudiciis delegatis: & ideo non est inconveniens, si hoc quasi accidentale premium pauperibus detur, ut iudicent alios, etiam qui sunt excellentioris meriti respectu praemii essentialis.

## SOLUTIO III.

Ad tertiam quaestionem dicendum, quod afflores iudicis debent esse iudici proportionales, vel conformes. Iudicium autem Filio attribuitur, quia secundum humanam naturam omnibus apparebit tam bonis quam malis, quamvis tota Trinitas iudicet per auctoritatem: & ideo etiam oportet ut afflores iudicis humanam naturam habeant, in qua possint ab omnibus bonis, & malis videri: & sic Angelis non competit iudicare; quamvis etiam Angeli aliquo modo possint dici iudicare, scilicet per sententiae approbationem.

Ad primum ergo dicendum, quod sicut ex Glossa (collaterali) ibidem patet, Angeli cum Christo venient non ut iudices, sed ut sint testes humanorum actuum, sub quorum custodia homines bene vel male egerunt.

Ad secundum dicendum, quod nomen Throni attribuitur Angelis ratione illius iudicii quod Deus semper exercet, omnia iustissime gubernando, cuius iudicii Angeli sunt quodammodo executores, & promulgatores. Sed iudicium quod de omnibus per hominem Christum fiet, etiam requirit homines afflores.

Ad tertium dicendum, quod hominibus promittitur Angelorum aequalitas quantum ad praemium essentialia. Nihil tamen prohibet aliquod accidentale praemium hominibus exhiberi quod Angelis non dabitur, ut patet de aureola virginum, aut martyrum: & similiter potest dici de iudiciaria potestate.

## SOLUTIO IV.

Ad quartam quaestionem dicendum, quod circa hoc tangitur a Magistro in littera duplex opinio, & utraque Dei iustitiae videtur competere. Ex hoc enim quod homo peccat, iuste demoni subicitur, sed demon iniuste ei praestit. Opinio ergo illa quae ponit demones in futurum post diem iudicii hominibus non praestit in poenis, respicit ordinem divinae iustitiae ex parte demonum punientium; contraria vero opinio respicit ordinem divinae iustitiae ex parte hominum punitorum. Quae autem harum verior sit, certum nobis esse non potest. Verius autem ultimo, quod sicut servabitur ordo in salvas, quod quidam a quibusdam illuminabuntur, & pericientur, eo quod caelestis hierarchiae ordines perpetui erunt; ita salvabitur ordo in poenis, ut homines per demones puniantur, ne totaliter ordo divinus quo Angelos medios inter naturam divinam & humanam constituit, annuletur. Et ideo sicut hominibus per Angelos divinae illuminationes deferuntur, ita etiam demones sunt executores divinae iustitiae in malos. Nec in hoc aliquid minuetur de demonum poena, quia in hoc quod etiam alios torquent, ipsi torquebuntur. Ibi enim miseriorum societas miseriam non minuet, sed augebit.

Ad primum ergo dicendum, quod praeratio illa quae dicitur evacuanda per Christum in futuro, est accipienda secundum modum praerationis quae est secundum statum huius mundi, in quo & homines hominibus participantur, & Angeli hominibus, & Angeli Angelis, & demones demonibus, & demones hominibus; & hoc totum ad perducendum ad finem, vel abducendum a fine. Tunc autem cum omnia ad finem suum pervenerint, non erit praeratio adducens ad finem, sed conservans in fine boni, vel mali.

Ad secundum dicendum, quod quamvis meritum demonum non requirat ut hominibus praerantur, quia iniuste sibi homines subiecerunt; tamen hoc requirit ordo naturae ipsorum ad naturam humanam: bona enim

(a) scilicet creaturarum. Nisi aliter gerunt, vel curant.

nim naturalia in eis integra manent, ut Dionysius dicit iv. cap. de divin. Nomin.

Ad tertium dicendum, quod Angeli boni (a) non sunt causa principalis præmii electis: quia hoc omnes immediate a Deo percipiunt: sed tamen quorundam accidentalium prætoriorum Angeli hominibus sunt causa, in quantum per superiores Angelos inferiores & Angeli, & homines illuminantur de aliquibus secretis divinorum quæ ad substantiam beatitudinis non pertinent. Et similiter etiam principalem poenam damnati percipiunt immediate a Deo, scilicet exclusionem perpetuam a visione divina; alias autem poenas sensibiles non est inconueniens hominibus per demones infligi. In hoc tamen est differentia, quia meritum exaltat, sed peccatum deprimit: unde cum natura angelica sit altior quam humana, quidam propter excellentiam meriti tantum exaltabuntur, quod talis exaltatio excedet altitudinem naturæ, & præmii in quibusdam Angelis: unde etiam quidam Angeli per quosdam homines illuminabuntur: sed nulli homines peccatores propter aliquem gradum malitiæ venient ad illam eminentiam quæ debetur naturæ demonum.

### ARTICULUS III.

*Utrum omnes homines in iudicio compareant.*

1. **A**D tertium sic proceditur. Videtur quod non omnes homines in iudicio compareant. Quia dicitur Matth. xix. 28. *Sedebitis super sedes iudicantes duodecim tribus Israel.* Sed non omnes homines pertinent ad illas duodecim tribus. Ergo videtur quod non omnes homines compareant.

2. Præterea. Idem videtur per hoc quod dicitur in Psal. i. 6. *Non resurgent impij in iudicio.* Sed multi hominum sunt tales. Ergo in iudicio non comparebunt.

3. Præterea. Ad hoc aliquis ad iudicium adducitur, ut eius merita discutiantur. Sed quidam sunt qui nulla merita habuerunt, sicut pueri ante perfectam ætatem decedentes. Ergo illos in iudicio comparere non est necesse.

Sed contra est quod dicitur Actuum x. quod Christus est constitutus a Deo iudex vivorum, & mortuorum. Sed sub istis differentiis comprehenduntur omnes homines, qualitercumque vivi a mortuis distinguantur.

Ergo omnes homines in iudicio comparebunt.

Præterea. Apoc. i. 7. dicitur: *Ecce venies cum nubibus, & videbis eum omnis oculus.* Hoc autem non esset, si non omnes homines in iudicio comparerent. Ergo &c.

### QUÆSTIUNCULA H.

1. Ulterius. Videtur quod nulli boni in iudicio iudicentur. Quia Ioan. xii. 18. *Qui credit in eum, non (b) iudicabitur.* Sed omnes boni crediderunt in eum. Ergo non iudicabuntur.

2. Præterea. Illi non sunt beati quibus est incerta sua beatitudo, ex quo Augustinus probat (de civit. Dei Lib. XI. cap. ix. xi. & xv.) demones numquam fuisse beatos. Sed sancti homines nunc sunt beati. Ergo certi sunt de sua beatitudine. Sed quod est certum, non adducitur in iudicium. Ergo boni non iudicabuntur.

3. Præterea. Timor beatitudini repugnat. Sed extremum iudicium, quod tremendum maxime dicitur, non poterit fieri sine timore eorum qui sunt iudicandi: unde etiam Gregorius dicit (Lib. XXXIV. Moral. cap. vii.) super illud Job xxi. *Cum sublatas fuerit, timebunt Angeli:* „Consideremus quomodo tunc iniquorum conscientia concutitur, quando etiam iustorum vita turbatur.“ Ergo beati non iudicabuntur.

Sed contra. Videtur quod omnes boni iudicentur. Quia dicitur II. Corinth. v. 10. *Omnes astabimus ante tribunal Christi, ut refferat unusquisque propria corporis que gessit sive bona, sive mala.* Sed non est aliud iudicari. Ergo omnes iudicabuntur.

Præterea. Universale omnia comprehendit. Sed illud iudicium dicitur universale. Ergo omnes iudicabuntur.

### QUÆSTIUNCULA III.

1. Ulterius. Videtur quod nulli mali iudicabuntur. Sicut enim est certa infidelium damnatio, ita & eorum qui in mortalitate decedunt. Sed propter damnationis certitudinem, dicitur Ioan. xii. 18. *Qui non credit, iam iudicatus est.* Ergo eadem ratione nec alii peccatores iudicabuntur.

2. Præterea. Vox iudicis est valde terribilis eis qui per iudicium condemnantur. Sed, sicut in littera ex verbis Gregorii habetur, ad infideles allocutio iudicis non fiet. Si ergo fieret ad fideles damnandos, infideles

(a) *id est* non. (b) *videlicet*, iudicatur.

les de sua infidelitate commodum reportarent; quod est absurdum.

Sed contra. Videtur quod omnes mali sunt iudicandi. Quia omnibus malis infligitur poena secundum quantitatem culpae. Sed hoc sine distinctione iudicii esse non potest. Ergo omnes mali iudicabuntur.

#### QUAESTIUNCULA IV.

1. Ulterius. Videtur quod Angeli in futuro iudicentur. Quia dicitur I. Cor. vi. 3. *Nescitis quoniam Angelos iudicabimus?* Sed hoc non potest referri ad statum praesentis temporis. Ergo hoc referri debet ad futurum iudicium.

2. Praeterea. Iob xl. 28. dicitur de Behemoth, per quem diabolus intelligitur: *Cum his videntibus praecipitabitur*: & Marc. 1. 24. exclamavit demon ad Christum: *Venisti ante tempus perdere nos*: & Glossa dicit ibidem, quod demones in terra Dominum cernentes, se continuo iudicandos credebant. Ergo videtur quod eis finale iudicium reservatur.

3. Praeterea. II. Petri 11. 4. dicitur: *Deus Angelis peccantibus non pepercis, sed rudentibus inferni detractos in tartarum tradidit cruciandos in iudicium reservari*. Ergo videtur quod Angeli iudicabuntur.

Sed contra. Deus non iudicat bis in idipsum. Sed mali Angeli iam iudicati sunt: unde Ioan. xvr. 11. *Princeps mundi iam iudicatus est*. Ergo in futuro Angeli non iudicabuntur.

Praeterea. Perfectior est bonitas, vel malitia Angelorum quam aliquorum hominum in statu viz. Sed quidam homines boni, & mali non iudicabuntur, ut in littera dicitur. Ergo Angeli boni, vel mali non iudicabuntur.

#### SOLUTIO I.

Respondeo dicendum ad primam questionem, quod potestas iudiciaria Christo homini collata est in praemium humilitatis, quam in passione exhibuit. Ipse autem sua passione sanguinem pro omnibus fudit quantum ad sufficientiam, licet non in omnibus effectum habuit propter impedimentum in aliquibus inventum. Et ideo congruum est ut omnes homines in iudicio congregentur ad videndum eius exaltationem in humana natura, secundum quam constitutus est a Deo iudex vivorum, & mortuorum.

Ad primum ergo dicendum, quod, sicut dicit Augustinus XX. de civ. Dei (ubi sup.) *non quia dictum est, iudicantes duodecim tribus Israel, tribus Levi, quae tertiadecima est, iudicanda non erit, aut solum illum populum, non etiam gentes ceteras iudicabunt*. Ideo autem per duodecim tribus omnes aliae gentes significatae sunt, quia per Christum in sortem duodecim tribuum omnes gentes sunt vocatae.

Ad secundum dicendum, quod hoc quod dicitur, *Non resurgens impius in iudicio*, si referatur ad omnes peccatores, sic intelligendum est, quod non resurgent ad hoc quod iudicent. Si autem impii dicantur infideles; sic intelligendum est quod non resurgent ad hoc quod iudicentur, quia iam iudicati sunt, sed omnes resurgent, ut in iudicio compareant ad gloriam iudicis intuendam.

Ad tertium dicendum, quod etiam pueri ante perfectam aetatem decedentes in iudicio comparebunt; non autem ut iudicentur, sed ut videant gloriam iudicis.

#### SOLUTIO II.

Ad secundam questionem dicendum, quod ad iudicium duo pertinent, scilicet discussio meritorum, & retributio praemiorum. Quantum ergo ad receptionem praemiorum omnes iudicabuntur etiam boni, in eo quod unusquisque recipiet ex divina sententia praemium merito respondens. Sed discussio meritorum non fit nisi ubi est quaedam meritorum commixtio bonorum cum malis. Illi autem qui aedificant super fundamentum fidei aurum, & argentum, & lapides pretiosos, divinis servitiis totaliter insistentes, quia nullam admixtionem notabilem alicuius mali meriti habent, in eis discussio meritorum locum non habet; sicut illi qui rebus mundi penitus abiectis sollicite cogitant solummodo quae sunt Dei; & ideo salvabuntur, sed non iudicabuntur. Illi vero qui aedificant super fundamentum fidei lignum, & fenum, & stipulam, qui adhuc scilicet amant saecularia, & terrenis negotiis implicentur, ita tamen quod nihil Christo praepoant, sed fludeant pescara elemosynis expiare, habent (6) quandam commixtionem bonorum meritorum cum malis: & ideo discussio meritorum in eis locum habet: unde tales quantum ad hoc iudicabuntur, & tamen salvabuntur.

Ad primum ergo dicendum, (c) quod

(a) Vulgata omittit *ante tempus*. (b) *Al.* quidem. (c) *Al.* quod panisio est effectus iustitiae. *praeparatio autem misericordiae: magis autem Deo &c.*



quod quia punitio est effectus iustitiae, praemiarum autem misericordiae; magis Deo, & iudicio, quod est actus iustitiae, antonomastice punitio attribuitur, ut interdu iudicium pro ipsa condemnatione accipiat: & sic intelligitur auctoritas indulta, ut per Glossam ibidem patet.

Ad secundum dicendum, quod discussio meritum in electis non erit ad tollendum incertitudinem beatitudinis a cordibus ipsorum iudicandum; sed ut praeminentia bonorum meritum ad mala ostendatur omnibus manifeste; & sic Dei iustitia comprobetur.

Ad tertium dicendum, quod Gregorius loquitur de iustis adhuc in carne mortali existentibus: unde (a) supra praemisit: *Hi qui in corporibus reperiri poterunt; quamvis iam fortes, atque perfecti, quia adhuc in carne sunt positi, non possunt in tanti terroris turbine nulla formidine concuti.* Unde patet quod terror ille referendus est ad tempus immediate iudicium praecedens, tremendum quidem maxime malis, non autem bonis, quibus nulla erit mali suspicio.

Rationes autem quae sunt in oppositum, procedunt de iudicio quantum ad retributionem praemiorum.

### SOLUTIO III.

Ad tertiam questionem dicendum, quod iudicium quod est poenarum retributio pro peccatis, omnibus malis competit; iudicium autem quod est discussio peccatorum, solum fidelibus: quia in infidelibus non est fidei fundamentum, quo sublato omnia opera sequentia perfecta rectitudine intentionis carent: unde non est in eis aliqua permixtio bonorum meritum ad mala, quae discussionem requirant. Sed fideles in quibus manet fidei fundamentum, ad minus fidei actum laudabilem habent, (b) qui quamvis non sit meritorius sine caritate, tamen, quantum est de se, est ordinatus ad meritum: & ideo in eis iudicium discussionis locum habet. Unde ipsi fideles, qui fuerint saltem numero cives civitatis Dei, iudicabuntur ut cives, in quos sine discussione meritum sententia mortis non fertur; sed infideles condemnabuntur ut hostes, qui consueverunt apud homines absque meritorum audientia exterminari.

Ad primum ergo dicendum, quod quamvis eis qui in mortali decedunt, pro certo constet de eorum damnatione; quia ta-

men aliqua quae pertinent ad bene merendum habent annexa, oportet ad manifestationem divinae iustitiae, ut discussio de eorum meritis fiat, per quam ostendatur eis iuste a civitate sanctorum excludi, cuius esse cives numero exterius videbantur.

Ad secundum dicendum, quod allocutio illa spiritualiter intellecta, secundum hoc non erit aspera fidelibus condemnandis, quod in eis aliqua sibi placencia manifestabit, quae in infidelibus inveniri non possunt: quia sine fide impossibile est placere Deo, Hebr. x. Sed sententia condemnationis, quae in omnes feretur, omnibus terribilis erit.

Ratio vero in contrarium adducta procedebat de iudicio retributionis.

### SOLUTIO IV.

Ad quartam questionem dicendum, quod iudicium discussionis nullo modo habet locum neque in bonis Angelis, neque in malis: quia neque in bonis potest aliquid mali inveniri, neque in malis aliquid boni ad iudicium pertinens. Sed si loquamur de iudicio retributionis, sic est distinguenda duplex retributio. Una respondens propriis meritis Angelorum; & hac a principio fuit utriusque facta, dum quidam sunt ad beatitudinem sublimati, quidam vero in miseriam demersi. Alia retributio, quae respondet meritis bonis, vel malis per Angelos (c) procuratur; & hac retributio in futuro iudicio fiet: quia boni Angeli amplius gaudium habebunt de salute eorum quos ad meritum induxerunt, & mali amplius torquebuntur multiplicata malorum ruina, qui per eos ad mala sunt incitati. Unde directe loquendo, iudicium nec ex parte iudicantium, nec ex parte iudicandorum erit Angelorum, sed hominum; sed (d) indirecte quodammodo respiciet Angelos, in quantum adibus hominum fuerunt commixti.

Ad primum ergo dicendum, quod verbum illud Apostoli est intelligendum de iudicio comparationis: quia quidam homines quibusdam Angelis superiores invenientur.

Ad secundum dicendum, quod ipsi demones cunctis videtibus tunc praecipitabuntur, quia in perpetuum in inferni carcerem retrudentur, ut non sit eis liberum extra progredi: quia hoc eis non concedebatur, nisi secundum quod ordinabatur ex divina providentia ad hominum vitam exercendam.

Et similiter dicendum ad tertium.

QUAE-

(a) *Al.* supra pñl. praemisit. (b) *Al.* dñf. qui. (c) *Al.* procurat. (d) *Al.* directe.

## QUAESTIO II.

**D**Einde quaeritur de igne qui praecedet faciem iudicis : & circa hoc quaeruntur tria.

Primo . De purgatione mundi per ignem futura .

Secundo . De effectu ignis purgantis .

Tertio . De ordine illius ignis ad alia quae circa iudicium aguntur .

## ARTICULUS I.

*Utrum aliqua mundi purgatio sit futura .*

1. **A**D primum sic proceditur . Videtur quod nulla mundi purgatio sit futura . Non enim purgatione indiget nisi quod est immundum . Sed creaturae Dei non sunt immundae : unde dicitur Actuum x. 15. *Quod Deus (a) creavit, tunc commune dixeris*, id est immundum . Ergo creaturae mundi non purgabuntur .

2. Praeterea . Purgatio secundum divinam iustitiam ordinatur ad auferendum immunditiam culpae, sicut patet de purgatione post mortem . Sed in elementis huius mundi nulla potest esse culpa infusio . Ergo videtur quod purgatione non indigeant .

3. Praeterea . Unumquodque tunc dicitur purgari quando separatur quod est extraneum ab ipso, inducens in eo ignobilitatem : separatio enim eius quod nobilitatem inducit, non dicitur purgatio, sed magis diminutio . Sed hoc ad perfectionem, & nobilitatem elementorum pertinet quod aliquid extraneae naturae est eis admixtum, quia forma corporis mixti est nobilior quam forma simplicis . Ergo videtur quod elementa huius mundi nullo modo purgari possint .

Sed contra . Omnis innovatio fit per aliquam purgationem . Sed elementa innovantur : unde Apocal. xxi. 1. *Vidi caelum novum, & terram novam : primum enim caelum, & prima terra abiit* . Ergo elementa purgabuntur .

Praeterea . I. Corinth. vii. super illud, *Præter figura huius mundi*, dicit Glossa (Augustini Lib. XX. de civ. Dei cap. xvi.) „Pulchritudo huius mundi mundanorum, ignium conflagratione peribit : “ & sic idem quod prius .

1. Ulterius . Videtur quod hæc purgatio non sit futura per ignem . Ignis enim, cum sit pars mundi, purgatione indiget, sicut & aliae partes . Sed non debet idem esse purgans, & purgatum . Ergo videtur quod ignis non purgabit .

2. Praeterea . Sicut ignis habet virtutem purgativam, ita & aqua . Cum ergo non omnia sint purgabilia per ignem, sed quaedam necesse sit aqua purgari, sicut etiam vetus lex distinguit; videtur quod ignis non purget, ad minus universaliter .

3. Praeterea . Purgatio ad hoc videtur pertinere ut partes mundi ab invicem segregatae puriores reddantur . Sed segregatio partium mundi ab invicem in mundi initio sola divina virtute facta est, quia ex hoc opus distinctionis determinatur : unde & Anaxagoras segregationem posuit actum intellectus moventis omnia (ut VII. Phys. text. lxxvii.) Ergo videtur quod in fine mundi purgatio fiat immediate a Deo, & non per ignem .

Sed contra est quod in Psal. xlix. 3. dicitur : *Ignis in conspectu eius exardescet, & in circuitu tempestas valida* : & postea sequitur de iudicio : *Advocavit caelum desuperum, & terram discedere populum suum* . Ergo videtur quod ultima purgatio mundi sit futura per ignem .

Praeterea . II. Pet. ult. 12. dicitur : *Celi ardentes solventur, & elementa ignis ardore subfrescent* . Ergo purgatio illa per ignem fiet .

## QUAESTIUNCULA III.

1. Ulterius . Videtur quod ignis ille non sit eiusdem speciei cum igne elementari . Nihil enim seipsum consumit . Sed ille ignis quatuor elementa absumet, ut dicit Glossa II. Pet. ult. Ergo ignis ille non erit eiusdem speciei cum igne elementari .

2. Praeterea . Sicut virtus manifestatur per operationem, ita natura per virtutem . Sed ignis ille habebit aliam virtutem ab igne qui est elementum, quia scilicet purgabit universum, quod ignis ille facere non potest . Ergo non erit eiusdem speciei cum isto .

3. Praeterea . Ea quae sunt eiusdem speciei in corporibus naturalibus, habent eundem motum . Sed ignis ille habebit alium motum quam ignis elementum, quia circumquaque movebitur, ut totum purgare possit . Ergo ignis ille non erit eiusdem speciei cum isto .

Sed contra est quod Augustinus dicit XX. de civ. Dei ( cap. xvi. ) & habetur in Gloffa I. Corinth. vii. quod *figura huius mundi mundanorum ignis confugatione peribit*. Ergo ignis ille erit de natura ignis qui nunc est in hoc mundo.

Præterea. Sicut futura purgatio erit per ignem, ita præcedens fuit per aquam, & utraque ad invicem comparatur II. Petri iii. Sed in prima purgatione aqua fuit eiusdem speciei cum aqua elementari. Ergo & similiter in secunda purgatione ignis erit eiusdem speciei cum igne elementari.

### SOLUTIO I.

Respondeo dicendum ad primam questionem, quod quia mundus aliquo modo propter hominem factus est, oportet quod quando homo secundum corpus glorificabitur, etiam alia corpora mundi ad statum meliorem mutantur; ut sit & locus convenientior, & aspectus delectabilior. Ad hoc autem quod gloriam corporis homo consequatur, oportet prius removeri ea quæ gloriæ opponuntur, quæ sunt duo, scilicet corruptio, & infectio culpæ: quia, ut dicitur I. Corinth. xv. 50. *corruptio incorruptelam non possidebit*: & a civitate gloriæ omnes immundi foris erunt, Apoc. ult. & similiter etiam oportet elementa mundi purgari a contrariis dispositionibus, antequam in novitatem gloriæ adducantur, proportionaliter ei quod de homine dictum est. Quamvis autem res corporalis subiectum infectionis culpæ proprie esse non possit, tamen ex culpa quædam incongruitas in rebus corporalibus corruptis relinquitur ad hoc ut spiritualibus (a) dicentur: & inde videmus quod loca in quibus sunt aliqua crimina commissa, non reputantur idonea ad aliqua sacra in eis exercenda, nisi purgatione quadam præmissa. Et secundum hoc ex peccatis hominum quædam inidoneitas ad gloriæ susceptionem pars mundi recipit quæ in usum nostrum cedit: unde quantum ad hoc inundatione indiget. Similiter etiam circa medium locum propter elementorum contactum multæ sunt corruptiones, & generationes, & alterationes elementorum, quæ puritati eorum derogant: & ideo ab his oportet elementa purgari ad hoc quod decenter suscipiant novitatem gloriæ.

Ad primum ergo dicendum, quod cum dicitur, Omnis creatura Dei est munda, hoc intelligendum est, quia non habet in sub-

stantia sua alicuius malitiæ permixtionem, sicut ponebant Manichæi, dicentes bonum, & malum esse duas substantias alicubi dividas, & alicubi commixtas: non autem remouetur quin aliqua creatura habeat commixtionem naturæ extraneæ; quæ etiam natura in se bona est, sed perfectioni huiusmodi creaturæ repugnat. Similiter non remouetur ex hoc quin malum alicui creaturæ accidat, quamvis non sit permixtum ei quasi pars ipsius substantiæ.

Ad secundum dicendum, quod quamvis corporalia elementa subiectum culpæ esse non possint, tamen ex culpa in eis commissa aliquam ineptitudinem possunt consequi ad perfectionem gloriæ suscipiendam.

Ad tertium dicendum, quod forma mixti, & forma elementi possunt dupliciter considerari: aut quantum ad perfectionem speciei; & sic corpus mixtum nobilius est: aut quantum ad perpetuitatem durationis; & sic corpus simplex nobilius est, quia non habet in seipso unde corrumpatur, nisi eius corruptio fiat ab aliquo exteriori. Corpus autem mixtum in seipso habet causam suæ corruptionis, scilicet operationem contrarium: & ideo corpus simplex est sit corruptibile secundum partem, est tamen incorruptibile secundum totum; quod de mixto dici non potest. Et quia incorruptio est de perfectione gloriæ, perfectio corporis simplicis magis convenit perfectioni gloriæ quam perfectio corporis mixti, nisi etiam corpus mixtum in se habeat aliquod incorruptionis principium, sicut corpus humanum, cuius forma est incorruptibilis. Nilominus tamen quamvis aliquo modo corpus mixtum sit nobilius quam simplex, nobilius tamen esse habet corpus simplex secundum se existens quam existens in mixto, quia in mixto sunt corpora simplicia quodammodo in potentia, in seipsis autem existentia sunt in ultima sui perfectione.

### SOLUTIO II.

Ad secundam questionem dicendum, quod illa mundi purgatio, ut dictum est, remouebit a mundo imperfectionem ex culpa relictam, & impuritatem commixtionis, & erit dispositio ad gloriæ perfectionem; & ideo quantum ad hæc tria convenientissime fiet per ignem. Primo quia ignis, cum sit nobilissimum elementorum, habet naturales proprietates similiores proprietatibus gloriæ, ut maxime patet de luce. Secundo quia ignis

(a) Nisi aliter dicatur. Ab. dicitur.

ignis non ita recipit commixtionem extranei propter efficaciam virtutis activæ, sicut alia elementa. Tercio quia sphaera ignis est remota a nostra habitatione, nec ita communis est nobis usus ignis, sicut terræ, & aquæ, & aeris, unde non ita inficitur: & præter hoc habet maximam efficaciam ad purgandum, & ad dividendum subtiliando.

Ad primum ergo dicendum, quod ignis non venit in usum nostrum, prout est in materia propria (sic enim remotus est a nobis) sed solum prout est in materia aliena: & quo ad hoc poterit per ignem in sua puritate existentem purgari ipse mundus quantum ad hoc quod habet de extraneo adiunctum.

Ad secundum dicendum, quod prima purgatio mundi, quæ facta est per diluvium, non respiciebat nisi infectionem peccati. Præcipue autem tunc regnabat peccatum concupiscentiæ; & ideo convenienter per contrarium purgatio fuit facta, scilicet per aquam. Sed secunda purgatio respicit & infectionem culpæ, & commixtionis impuritatem; & quantum ad utrumque convenit magis quod fiat per ignem quam per aquam. Aqua enim non habet vim disgregandi, sed magis aggregandi: unde per aquam naturalis impuritas elementorum tolli non posset, sicut per ignem. Similiter etiam circa finem regnabit vitium tepiditatis, quasi mundo iam fenescente: quia, ut dicitur Matth. xxiv. 12. *tunc refrigescet caritas multorum*: unde tunc convenienter purgatio per ignem fiet. Nec est aliquid quod per ignem purgari non possit quodammodo; sed quædam sunt quæ sine sui corruptione per ignem non possunt purgari, sicut panni, & vasa lignea, & huiusmodi; & talia lex præcepit purgari per aquam: quæ tamen omnia finaliter per ignem corrumpuntur.

Ad tertium dicendum, quod per opus distinctionis sunt rebus diversæ formæ collatz, quibus ad invicem distinguuntur; & ideo fieri non potuit nisi per eum qui est auctor naturæ: sed per finalem purgationem deducuntur res ad puritatem in qua conditæ fuerunt; & ideo in hoc poterit natura creata exhibere ministerium Creatori: & propter hoc ministerium creaturæ committitur, quia hoc ad eius nobilitatem cedit.

### SOLUTIO III.

Ad tertiam quæstionem dicendum, quod circa hoc inveniuntur tres opiniones.

Quidam enim dicunt, quod ignis elementum quiescit in sphaera sua, descendit ad purgationem mundi. Modum autem descensionis ponunt per multiplicationem: ignis enim undique appositus combustibili augmentatur; & hoc præcipue tunc fiet quando ignis virtus exaltabitur super omnia alia elementa. Sed contra hoc esse videtur quod ignis ille non tantum descendit, sed etiam a sanctis ascendere perhibetur, ut patet II. Pet. 121. ubi videtur, quod tantum ascendit iudicii ignis, quantum aqua diluvii, ex quo videtur quod ignis ille sit circa locum medium generationis.

Et propter hoc alii dicunt, quod ignis ille generabitur circa locum terræ ex congregatione radiorum caelestium corporum, sicut videmus quod congregantur in speculo comburent: tunc autem loco speculorum erunt nubes concavæ, ad quas fiet radiorum reverbatio. Sed istud etiam non videtur conveniens: quia cum effectus caelestium corporum sequantur determinatos situs, & aspectus eorum, si ex virtute corporum caelestium ignis ille generaretur, esset notum tempus illius purgationis considerantibus motus astrorum; quod auctoritati Scripturæ repugnat.

Et ideo alii dicunt, sequentes Augustinum, quod sicut mundanarum aquarum inundatione factum est diluvium, ita mundanorum ignium conflagratione figura huius mundi peribit, ut dicitur XX. de civ. Dei (cap. xvi.) Ista autem conflagratio nihil aliud est quam congregatio omnium causarum superiorum, & inferiorum, quæ ex natura sua habent virtutem igniendi: quæ quidem (a) congregatio non naturali cursu rerum, sed virtute divina fiet, & ex omnibus istis causis sic congregatis generabitur ignis qui faciem huius mundi exuret.

Si autem hæc opiniones (b) recte considerentur, inveniuntur diversificari quantum ad causam generationis illius ignis, & non quantum ad speciem eius. Ignis enim generatus a sole, vel ab inferiori calefaciente, est eiusdem speciei cum igne qui est in sua sphaera, nisi in quantum admiscetur ei de materia aliena: quod quidem tunc oportebit: quia ignis non potest aliquid purgare, nisi secundum hoc quod alterum efficitur materia eius aliquo modo. Unde simpliciter concedendum est, quod ignis ille erit eiusdem speciei cum isto.

Ad primum ergo dicendum, quod ignis ille quamvis sit eiusdem speciei cum igne

H h h 2 qui

(a) *id. cognitio. Nicolai ignitio.* (b) *id. dice. 3e.*

qui apud nos est, non tamen est idem numero. Videmus autem quod duorum ignium eiusdem speciei unus alterum destruit, maior scilicet minorem, consumendo materiam eius: & similiter etiam ille ignis ignem qui apud nos est, consumere poterit.

Ad secundum dicendum, quod sicut operatio quæ procedit a virtute rei, est virtutis indicium, ita (a) & virtus est indicium essentiae, vel naturæ, quæ procedit a principiis essentialibus rei. Operatio autem quæ non procedit ex virtute rei operantis, non indicat virtutem ipsius, sicut patet in instrumentis: actio enim instrumenti magis manifestat virtutem agentis quam virtutem instrumenti: quia virtutem agentis manifestat ut primum operationis principium; virtutem autem instrumenti non manifestat, nisi quatenus est susceptivum influentiæ principalis agentis, secundum quod movetur ab eo. Similiter etiam virtus quæ non procedit ex principiis essentialibus rei, non manifestat naturam eius, nisi quantum ad susceptibilitatem; sicut virtus qua aqua calefacta potest calefacere, non manifestat naturam eius nisi quantum ad calefactibilitatem: & ideo nihil prohibet quin aqua habens hanc virtutem sit eiusdem speciei cum aqua non habente virtutem istam. Similiter etiam non est inconveniens quod ignis ille qui habebit vim purgandi faciem mundi, sit alterius speciei ab igne qui apud nos est, cum vis calefactiva non oriatur in ipso ex principiis essentialibus, sed ex divina operatione; sive dicatur quod illa virtus sit aliqua qualitas absoluta, sicut calor in aqua calefacta; sive sit intentio quædam, sicut de instrumentali virtute in 1. dist. dictum est: & hoc probabilius est, quia ignis ille non agit nisi ut instrumentum divinæ virtutis.

Ad tertium dicendum, quod ignis ex propria natura non fertur nisi sursum; sed in quantum sequitur materiam quam requirit extra propriam sphaeram existentem, sic sequitur materiam combustibilis situm: & per modum istum non est inconveniens quod vel in circuitu, vel in deorsum moveatur, & præcipue secundum quod agit ut instrumentum virtutis divinæ.

## ARTICULUS II.

*Utrum ille ignis purgabit etiam celos superiores.*

1. Ad secundum sic proceditur. Videtur quod ille ignis purgabit etiam celos superiores. Quia in Psal. ci. 20. dicitur: *Opera manuum tuarum sunt celi. Ipsi peribunt, tu autem permanebis.* Sed etiam superiores celi sunt opera manuum Dei. Ergo etiam ipsi in ista finali conflagratione peribunt.

2. Præterea. II. Petri 111. 12. dicitur: *Celi ardentes solvantur, & elementa ignis ardore tabescent.* Celi autem qui ab elementis distinguuntur, sunt celi superiores, in quibus fixa sunt sidera. Ergo videtur quod etiam illi per ignem illum purgabuntur.

3. Præterea. Ignis ille est ad hoc ut removeat a corporibus indispositionem ad perfectionem gloriæ. Sed in celo superiori invenitur indispositio & ex parte culpæ, quia diabolus ibi peccavit; & ex parte naturalis defectus, quia Roman. viii. super illud, *Scimus quod omnis creatura ingemiscit, & parturit usque adhuc*, dicit Glossa (Ambrosiastri). „Omnia elementa cum labore suo „explent officia, sicut sol; & luna non sine „labore statuta sibi implent spatia. „Ergo etiam celi purgabuntur per ignem illum.

Sed contra (b) est. Corpora celestia peregrinæ impressionis receptiva non sunt.

Præterea. Super illud II. Thes. 1. *In flamma ignis dantis vindictam*, dicit Glossa (Haymonis). „Ignis erit in mundo qui „precedet eum, tantum spatium aeris occupans, quantum occupavit aqua in diluvio. „Sed aqua diluvii non ascendit usque ad superiores celos, sed solum quindecim cubitis super altitudinem montium, ut habetur Gen. vii. Ergo celi superiores illo igne non purgabuntur.

## QUÆSTIUNCULA II.

1. Ulterius. Videtur quod ignis ille alia elementa consumet. Quia, ut dicit Glossa Bedæ II. Petri ult. *elementa quatuor, quibus mundus consistit, ille maximus ignis absorbet: nec cuncta (c) intantum consumantur, ut non sint; sed duo ex toto consumet, duo vero in meliorem restituet faciem.* Ergo videtur.

(a) Clarior: ista & virtus quæ procedit a principiis essentialibus rei, est indicium essentiae, vel naturæ. (b) Nicolai est quod corpora. (c) Al. inciner.

tur quod ad minus duo elementa per ignem illud destruenda sint totaliter.

2. Præterea. Apoc. xxi. 1. dicitur : *Primum celum, & primus terra abitis; & iam mare non est.* Sed per celum aer intelligitur, ut Augustinus dicit (Lib. I. super Gen. ad litter. cap. iv.) mare autem est, aquarum congregatio. Videtur ergo quod illa tria elementa totaliter destruantur.

3. Præterea. Ignis non purgat nisi secundum hoc quod alia efficiuntur materię eius. Si ergo ignis purgat alia elementa, oportet quod eius materia efficiantur. Ergo oportet quod in naturam ignis transeant; & sic a natura sua corrumpuntur.

4. Præterea. Forma ignis est nobilissima forma, ad quam perducı possit elementaris materia. Sed per illam purgationem omnia in statum nobilissimum mutantur. Ergo alia elementa in ignem totaliter convertentur.

Sed contra est (a) quod dicitur I. Corinth. vii. super illud, *Præterit figura huius mundi;* „Pulchritudo, non substantia huius mundi præterit.“ Sed ipsa substantia elementorum pertinet ad mundi perfectionem. Ergo elementa non confumuntur secundum suam substantiam.

Præterea. Illa finalis purgatio, quæ fiet per ignem, respondebit primæ purgationi, quæ facta est per aquam. Sed illa non corrupt elementorum substantiam. Ergo nec illa quæ fiet per ignem corrumpet.

### QUAESTIUNCULA III.

1. Uterius. Videtur quod nec omnia elementa per illum ignem purgabuntur. Quia, ut iam dictum est, ignis ille non ascendet, nisi quantum ascendit aqua diluvii. Sed aqua diluvii non pervenit usque ad sphaeram ignis. Ergo nec per ultimam purgationem elementum ignis purgabitur.

2. Præterea. Apoc. xxi. dicit Glossa super illud, *Vidi celum novum &c.* „Immutatio aeris, & tertæ dubitabile non est, quin per ignem fiat; sed de aqua (b) dubitatur, nam purgationem in seipsa habere creditur.“ Ergo ad minus non est certum quod omnia elementa purgentur.

3. Præterea. Locus qui est perpetuæ infectionis, nunquam purgatur. Sed in ipso erit perpetua infectio. Cum ergo infer-

nus intra elementa collocetur, videtur quod non totaliter elementa purgentur.

4. Præterea. Paradisus terrestris in terra continetur. Sed ille non purgabitur per ignem: quia nec etiam aquæ diluvii illuc ascenderunt, ut Beda dicit, & habetur in II. Sent. dist. xxvii. Ergo videtur quod non totaliter omnia elementa purgentur.

Sed contra est Glossa supra inducta, quæ habetur II. Petri ult. quod quatuor elementa ignis ille absorbet.

### SOLUTIO I.

Respondeo dicendum ad primam questionem, quod purgatio mundi ad hoc est ut removeatur a corporibus dispositio contraria perfectioni gloriæ, ut supra dictum est: quæ quidem perfectio est ultima rerum consummatio: & hæc quidam indispositio in omnibus corporibus invenitur, sed diversimode in diversis. In quibusdam enim invenitur indispositio secundum aliquid inhærens substantiæ ipsorum, sicut in istis corporibus inferioribus, quæ per mutuum mixtionem decidunt a propria puritate. In quibusdam vero corporibus invenitur indispositio non per aliud substantiæ eorum inhærens, sicut in corporibus celestibus, in quibus nihil invenitur repugnans ultimæ perfectioni universi, nisi motus, qui est via ad perfectionem: nec motus quilibet, sed localis tantum, qui non variat aliquid quod intrinsecum sit rei, ut substantiam, aut quantitatem, aut equalitatem, sed solum locum qui est extraneus. Et ideo a substantia cæli superioris non oportet quod aliquid removeatur; sed oportet quod motus eius quietetur. Quietatio autem motus localis non fit per actionem alicuius contrarii agentis, sed per hoc quod motor desistit a movendo: & ideo corpora cælestia nec per ignem, nec per alicuius creaturæ actionem purgantur; sed ipsa eorum quietatio sola voluntate divini accedens eis loco purgationis erit.

Ad primum ergo dicendum, quod, sicut dicit Augustinus XX. de civ. Dei (cap. xxiv.) verba illa Psalmi intelligenda sunt de cælis aeris, qui purgabuntur per ignem ultimæ conflagrationis. Vel dicendum, quod si etiam de superioribus cælis intelligatur, tunc dicuntur perire quantum ad motum quo nunc continue moventur.

Ad

(a) Nisi quod I. Corinth. vii. super illud *Præterit figura huius mundi*, dicit Glossa & Pulchritudo &c. ad marginem vero: Interintellectus nempe fumantem tantum ex aëre & suppositio commentario.

(b) A. dubitatur, natura purgationem.

Ad secundum dicendum, quod Petrus semas suas substantiales sine hoc quod proprias qualitates habeant, cum sint ad medium reductae, & medium neutrum extremorum est. Et huic etiam videtur consonare quod Augustinus dicit XX. de civ. Dei (cap. xvi.) *illa conflagratione mundana elementorum corruptibilium, qualitates quae corporibus nostris congruebant, ardendo penitus interibunt, atque ipsa substantia earum qualitates habebit quae corporibus immortalibus mirabili mutatione conveniant.* Sed istud non videtur probabile, cum qualitates propriae elementorum sint effectus formarum substantialium, quod formis substantialibus manentibus qualitates praedictae (a) non possint mutari, nisi per actionem violentam ad tempus; sicut in aqua calefacta videmus quod ex vi suae speciei frigiditatem recuperat, quam per actionem ignis amisit, dummodo species aquae maneat.

Ad tertium dicendum, quod ille labor, & illa servitus creaturae qui corporibus caelestibus ab Ambrosio (Ambrosiastro, ut sup.) attribuitur, nihil est aliud quam vicissitudo morus, ratione cuius temporibus subiiciuntur, & defectus ultimae consummationis, quae finaliter in eis erit. Ex culpa etiam demonum caelum empyreum infectionem non contraxit, quia peccando statim de caelo expulsi sunt.

### SOLUTIO II.

Ad secundam questionem dicendum, quod circa hanc questionem multiplex est opinio.

Quidam enim dicunt, quod omnia elementa manebunt quantum ad materiam; omnia autem mutantur quantum ad imperfectionem; sed duo eorum retinebunt propriam formam substantialem, scilicet aether, & terra; in duobus vero, scilicet igne, & aqua, non remanebit forma substantialis eorum, sed mutantur ad formam calis: & sic tria elementa, scilicet ignis, aer, & aqua caelum dicentur, quamvis aer retineat eandem formam substantialem quam nunc habet, quia nunc etiam caelum dicitur. Unde & Apoc. xxi. 1. non fit mentio nisi de caelo, & terra. *Vidi, inquit, caelum novum, & terram novam.* Sed haec opinio est omnino absurda: repugnat enim & Philosophiae, secundum quam poni non potest quod corpora inferiora sint in potentia ad formam caeli, cum nec materiam habeant communem, nec contrarietatem ad invicem; & etiam Theologiae, quia secundum hanc positionem non salvabitur perfectio universi cum integritate suarum partium, duobus elementis sublati. Unde per hoc quod dicitur caelum, intelligitur quantum corpus; omnia vero elementa intelliguntur per terram, sicut in Psalmo cxlviii. 7. dicitur: *Laudate Dominum de terra;* & sequitur: *Ignis, grandis, nix, glacies &c.*

Et ideo alii dicunt, quod omnia elementa manebunt secundum substantiam, sed qualitates activae, & passivae ab eis removebuntur; sicut etiam ponunt quod in corpore mixto elementa salvabuntur secundum for-

Et praeterea etiam ipsae qualitates elementares sunt de perfectione secunda elementorum, sicut propriae passionis eorum. Nec est probabile quod in illa finali consummatione aliquid naturalis perfectionis ab elementis tollatur.

Et ideo videtur dicendum, quod manebunt elementa quantum ad substantiam, & qualitates eorum proprias; sed purgabuntur, ut supra dictum est, ab infectione quam ex peccatis hominum contraxerunt, & ab impuritate quae per actionem, & passionem mutuam in eis accidit: quia iam cessante motu primi mobilis, in inferioribus elementis murua actio, & passio esse non poterit: & hoc Augustinus appellat *qualitates corruptibiles elementorum*, scilicet innaturales eorum dispositiones, secundum quas corruptioni appropinquant.

Ad primum ergo dicendum, quod ignis ille dicitur quatuor elementa absorbere, in quantum ea aliquo modo purgabit. Quod autem sequitur, *Duo ex toto consumet*, non est intelligendum quod duo elementa secundum substantiam destruantur, sed quia duo magis removebuntur a proprietate quam nunc habent: quae quidem duo a quibusdam dicuntur esse ignis, & aqua, quae maxime (b), excedunt in qualitatibus activis, scilicet calore, & frigore, quae sunt maxime corruptionis principia in aliis corporibus. Et quia tunc non erit actio ignis, & aquae, quae sunt maxime activa, maxime immutari videbuntur a virtute quam nunc habent. Alii dicunt haec duo esse aerem, & aquam propter varios motus istorum duorum elementorum, quos consequuntur ex motu corporum

) *Al. deest non.* (b) *Al. cedunt.*

porum caelestium: & quia isti motus non erunt, sicut fluxus, & refluxus maris, & commotiones ventorum, & huiusmodi; ideo illa elementa maxime mutabuntur a proprietate quam nunc habent.

Ad secundum dicendum, quod, sicut dicit Augustinus XX. de civit. Dei (cap. xvi.) cum dicitur, *Et mare iam non est*, per mare potest intelligi praesens saeculum, de quo supra parum ante dixerat: *Mare dedit mortuos suos*. Si tamen (a) mare ad litteram referamus, tunc est dicendum, quod in mari duo intelliguntur, scilicet substantia aquarum, & earum dispositio quantum ad saliedinem, & fluctuum (b) commotiones: & quantum ad hoc secundum, mare non remanebit, manebit autem quantum ad primum.

Ad tertium dicendum, quod ignis ille non ager nisi ut instrumentum providentiae, & virtutis divinae: unde non ager in alia elementa usque ad eorum consumptionem, sed solum usque ad purgationem. Nec oportet quod illud quod efficitur materia ignis, totaliter specie propria corruptatur, sicut patet in ferro ignito, quod a loco ignitionis remotum ex virtute speciei remanentis ad proprium statum & primum redit: & ita etiam erit de elementis per ignem purgatis.

Ad quartum dicendum, quod in partibus elementorum non oportet considerari solum quid congruat alicui parti secundum se acceptae, sed etiam quid congruat secundum ordinem ad totum. Dico ergo, quod aqua quamvis esset nobilior, si haberet formam ignis, similiter terra, & aer; universum tamen esset imperfectius, si tota elementorum materia formam ignis assumeret.

### SOLUTIO III.

Ad tertiam quaestionem dicendum, quod quidam dicunt, quod ignis ille ascendet usque ad summam spatii continentis quatuor elementa, ut sic elementa totaliter purgentur & ab infectione peccati, quo etiam superiores partes elementorum sunt infectae, ut patet per summam idolatriae superiora inficiens; & etiam a corruptione, quia elementa secundum omnes partes sui corruptibilia sunt. Sed ista opinio repugnat auctoritati sacrae Scripturae: quia II. Petri xxi. dicitur, quod illi caeli repositi sunt igni qui fuerunt per aquam purgati: & Augustinus dicit XX. de civ. Dei (cap. xxiv.)

quod ille mundus qui diluvio perit, igni reservatur. Constat autem quod aqua diluvii non ascendit usque ad summam spatii elementorum, sed solum usque ad quindecim cubitos super altitudines montium: & praeterea notum est quod vapores elevati a terra, vel fumi quicumque non possunt transire per totam sphaeram ignis, ut perveniant ad summam eius: & ita infectio peccati non pervenit usque ad spatium praedictum. A corruptibilitate etiam elementa non possunt purgari per subtractionem alicuius quod per ignem possit consumi; sed per ignem poterunt consumi impuritates elementorum quae ex eorum permixtione proveniunt. Huiusmodi autem impuritates praecipue sunt circa terram usque ad medium aeris interstitium: unde usque ad illud spatium ignis ultimae conflagrationis elementa purgabit: tantum enim etiam aquae diluvii ascenderunt; quod probabiliter aestimari potest ex montium altitudine quos determinata mensura transcendunt.

Primum ergo concedimus.

Ad secundum dicendum, quod ratio dubitationis in Glossa exprimitur, quia scilicet aqua in se virtutem purgationis habere creditur. Non tamen habet vim purgationis talis, qualis futuro statui competit, ut ex dictis patet.

Ad tertium dicendum, quod illa purgatio praecipue ad hoc erit ut quidquid est imperfectionis, a sanctorum habitatione removeatur: & ideo in illa purgatione totum quod est sordum, ad locum damnatorum congregabitur: unde infernus non purgabitur, sed ad ipsum adducentur totius mundi purgamenta.

Ad quartum dicendum, quod quamvis peccatum peccati hominis in terrestri paradiso sit commissum, non tamen locus ille est locus peccantium, sicut nec caelum empyreum: ex utroque enim loco homo, & diaboli statim propter peccatum sunt eiectiones: unde locus ille purgatione non indiget.

### ARTICULUS III.

*Utrum ignis ultimae conflagrationis iudicium sequi debeat.*

1. AD tertium sic proceditur. Videtur quod ignis ultimae conflagrationis iudicium debet sequi. Augustinus XX. de civ. Dei (cap. xxxi.) hunc ordinem ponit eorum quae in iudicio sunt futura, dicens:

In

(a) *id. mare.* (b) *id. commixtiones.*



In illo iudicio, vel circa illud iudicium *habet* (a) iudicium esse venturum: Eliam Thesititem, silem Iudeorum, Antichristum persecutorem, Christum iudicatum, mortuorum resurrectionem, bonorum malorumque divisionem, mundi conflagrationem eiusdemque renovatorem. Ergo conflagratio iudicium sequitur.

2. Præterea. Augustinus dicit in eodem Lib. (cap. xvi.) *Iudicatis impiis, & in ignem æternum missis figura huius mundi mundorum ignem conflagratione peribit.* Ergo idem quod prius.

3. Præterea. Dominus ad iudicandum veniens aliquos vivos reperiet, ut patet ex hoc quod habetur I. Thessal. iv. 14. ubi ex persona eorum Apostolus dicit: (b) *Deinde nos qui vivimus, qui residui sumus in adventum Domini, non præveniemus eos qui dormierunt.* Sed hoc non esset, si conflagratio mundi præcederet: quia per ignem dissolverentur. Ergo ignis ille iudicium sequitur.

4. Præterea. Dominus dicitur iudicaturus orbem per ignem; & ideo conflagratio finalis videtur esse executio divini iudicii. Sed executio sequitur iudicium. Ergo ille ignis iudicium sequitur.

Sed contra est quod dicitur in Psal. xcvi.

3. *Ignis ante ipsum præcedet.*

Præterea. Resurrectio præcedit iudicium: alias non videret omnis oculus Christum iudicantem. Sed mundi conflagratio resurrectionem præcedit: sancti enim qui resurgent, corpora spiritualia (c) & impassibilia habebunt; & ita non poterunt per ignem purgari, cum tamen in littera dicatur ex verbis Augustini quod per ignem illum purgabitur, si quid in aliquibus sit purgandum. Ergo ignis ille iudicium præcedet.

## QUAESTIUNCULA II.

1. Ulterius. Videtur quod ignis ille non habebit talem effectum in hominibus, qualis in littera designatur. Illud enim consumi dicitur quod reducitur ad nihilum. Sed corpora impiorum non solvantur in nihilum, sed in æternum conservabuntur, ut æternam pœnam sustineant. Ergo ignis ille non erit malis consumptio, ut in littera dicitur.

2. Si dicatur, quod consumet malorum corpora, inquantum ea resolvit in cinerem; contra. Sicut corpora malorum, ita & bonorum in cinerem resolvuntur: hoc enim est

Christi privilegium, ut caro eius corruptio nem non videat. Ergo etiam & bonis tunc repertis erit consumptio.

3. Præterea. Infectio peccati magis abundat in elementis, secundum quod veniunt ad compositionem humani corporis, in quo est corruptio fomitis, etiam quantum ad bonos, quam in elementis extra corpus humanum existentibus. Sed elementa extra corpus humanum existentia purgabuntur propter peccati infectionem. Ergo multo fortius oportet per ignem purgari elementa in corporibus humanis existentia sive bonorum, sive malorum; & ita oportet utrorumque corpora solvi.

4. Præterea. Quamdiu status viz durat, elementa similiter agunt in bonos, & in malos. Sed adhuc durabit status huiusmodi viz in illa conflagratione: quia post statum huius viz non erit mors naturalis, quæ tamen per illam conflagrationem causabitur. Ergo ignis ille æqualiter agat in bonos, & in malos; & ita videtur quod non sit aliqua discretio inter eos quantum ad effectum illius ignis suscipiendum, sicut in littera ponitur.

5. Præterea. Illa conflagratio quasi in momento perficietur. Sed multi inveniuntur vivi, in quibus erunt multa purgabilia. Ergo illa conflagratio non sufficit ad eorum purgationem.

## QUAESTIUNCULA III.

1. Ulterius. Videtur quod ignis ille non involvet reprobos. Quia Malach. 111. super illud *Purgabit filios Levi*, dicit Glossa: \* „Duos „ ignes legimus futuros: unum quo purgabit electos, & præcedet iudicium; alterum „ qui reprobos cruciabit. “ Sed hic est ignis inferni, qui malos involvet: primus autem est ignis finalis conflagrationis. Ergo ignis finalis conflagrationis non erit ille qui malos involvet.

2. Præterea. Ignis ille Deo obsequitur in purgatione mundi. Ergo debet remunerari aliis elementis remuneratis, & præcipue cum ignis sit nobilissimum elementorum. Non ergo videtur quod in infernum debeat delicti in damnationum pœnam.

3. Præterea. Ignis qui malos involvet, erit ignis inferni. Sed ignis ab initio mundi præparatus est damnatis: unde Matth. v.

le

(a) Al. *dicemus*. (b) *Vulgata, qui nos*. (c) Al. *etiam*.

EX EDIT. P. NICOLAI. \* Non sic ibi Glossa nova, nec verus ad manum est, sed super illud I. Corinthi 111. *Consumis, qui, qui quæ sit, ignis probabit*, paulo aliter.

47. *Ite maledicti in ignem aeternum, qui prae-  
paratus est diabolo* etc. & *Isai. xxx. 33. Paratus est ab-  
heri Tophet a Rege praepratus* etc. Glossa (Hieronymi: ) „ *Ab heri*, idest ab initio: *To-  
phet*, idest vallis gehennae. „ Sed ignis  
ille finalis conflagrationis non fuit ab in-  
itio praepratus, sed ex concursu mundano-  
rum ignium generabitur. Ergo ille ignis est  
alius ab igne inferni, qui reprobos invol-  
vet.

In contrarium est quod in *Psal. xcvi. 3.*  
de igne illo dicitur, quod *inflammabis in  
circum inimicos eius*.

Præterea. *Dan. vii. 10.* dicitur: *Ignis flu-  
vis rapidusque egrediebatur a facie eius*:  
Glossa ( Hieronymi: ) „ Ut peccatores tra-  
heret in gehennam. „ Loquitur autem  
auctoritas illa de igne illo de quo nunc est  
mentio, ut patet per quamdam Glossam,  
quæ ibi dicit: „ Ut bonos purget, & ma-  
los puniat. „ Ergo ignis finalis con-  
flagrationis in infernum cum reprobis demer-  
getur.

## SOLUTIO I.

Respondendo dicendum ad primam quæsti-  
onem, quod illa conflagratio secundum rei  
veritatem quantum ad sui initium iudicium  
præcedet: quod ex hinc manifeste colligitur  
quod mortuorum resurrectio iudicium præ-  
cedet: quod patet ex hoc quod dicitur *1. Thessal. iv* quod illi etiam qui dormierunt,  
rapiuntur in nubibus in aera obviam Chri-  
sto ad iudicium venienti. Simul autem erit  
resurrectio communis, & corporum sancto-  
rum glorificatio: sancti enim resurgentes cor-  
pora gloriosa resument, ut patet per illud  
quod dicitur *1. Corinth. xv. 43. Seminatur in  
ignobilitate, surget in gloria*. Simul autem  
cum corpora sanctorum glorificabuntur, &  
tota creatura suo modo renovabitur, ut pa-  
tet per id quod dicitur *Rom. viii. 21. quod  
ipsa creatura liberabitur a servitute corruptio-  
nis in libertatem gloria filiorum Dei*. Cum  
ergo conflagratio mundi sit dispositio ad re-  
novationem prædictam, ut ex dictis pater,  
manifeste potest colligi quod illa conflagra-  
tio quo ad purgationem mundi iudicium præ-  
cedet, sed quo ad aliquem actum, qui scilicet  
est involvere malos, iudicium sequetur.

Ad primum ergo dicendum, quod Au-  
gustinus non loquitur determinando, sed o-  
pinando: quod patet ex hoc quod sequitur:  
*Quæ omnia quidem ventura esse credendum est;  
sed quibus modis, & quo ordine veniant, ma-  
S. Th. Oper. Tom. Xlii.*

(a) *ut* iudicium. (b) *ut* deest aliquid. (c) *ut* annihilatione.

per tunc docebit verum experientia quam nunc  
ad perfectum hominis intelligentia valet con-  
sequi. Existimo tamen eo quo a me commemo-  
rata sunt ordine esse ventura. Ergo patet  
quod hoc dixit opinando.

Et similiter dicendum ad secundum.

Ad tertium dicendum, quod, sicut supra  
*xiii. dist. dictum* est, omnes homines mori-  
entur, & resurgent; sed tamen illi vivi  
dicuntur reperiri qui usque ad tempus con-  
flagrationis in corpore vivant.

Ad quartum dicendum, quod ignis ille non  
exequitur sententiam iudicis nisi quo ad  
involutionem malorum, & quantum ad hoc  
sequitur iudicium.

## SOLUTIO II.

Ad secundam quæstionem dicendum, quod  
ignis ille finalis conflagrationis quantum ad  
hoc (a) quod iudicium præcedet, ager ut in-  
strumentum divinæ iustitiæ, & iterum per  
virtutem naturalem ignis. Quantum ergo  
pertinet ad virtutem naturalem ipsius, si-  
militer ager in bonos, & malos, qui vivi  
reperientur, utrumque corpora in cinerem  
resolveode; in quantum vero ager ut instru-  
mentum divinæ iustitiæ, diversimode ager  
in diversos quantum ad sensum pœnæ. Ma-  
li enim per actionem ignis cruciabantur,  
boni vero in quibus nihil purgandum inven-  
nitur, omnino nullum dolorem ex igne sen-  
tient, sicut nec pueri fenserunt in camino,  
*Dan. xii. quævis eorum corpora non ser-  
ventur integra, sicut puerorum servata fue-  
runt: & hoc divioa virtute fieri poterit, ut  
sine doloris cruciatu resolutionem corporum  
patiantur. Boni vero in quibus (b) aliquid  
purgandum reperitur, sentient cruciatum do-  
loris ex illo igne plus vel minus pro meri-  
torum diversitate. Sed quantum ad actum  
quem post iudicium ille igois habebit, in  
damnatos tantum ager: quia omnes boni  
habebunt corpora impassibilia.*

Ad primum ergo dicendum, quod con-  
sumptio ibi accipitur non pro (c) annihi-  
latione, sed pro resolutione in cineres.

Ad secundum dicendum, quod boorum  
corpora quamvis in cinerem resolvantur per  
ignem, non tamen ex hoc dolorem sentient,  
sicut nec pueri in fornace existentes, ut di-  
ctum est; & quantum ad hoc est dissimile  
de bonis, & malis.

Ad tertium dicendum, quod elementa in  
corporibus humanis existentia purgabantur  
per ignem etiam in corporibus electorum;

Iii sed

sed hoc per divinam virtutem fiet sine cruciatu doloris.

Ad quartum dicendum, quod ignis ille non agit tantum secundum naturalem elementis virtutem, sed etiam ut divinæ iustitiæ instrumentum.

Ad quintum dicendum, quod tres cause sunt quare subito illi qui vivi reperiuntur, purgari poterint. Una est, quia pauca purganda in eis inveniuntur, cum terroribus, & persecutionibus præcedentibus fuerint purgati. Secunda est, quia vivi, & voluntarii sustinebunt poenam; poena autem in hac vita voluntarie suscepta multo plus purgat quam poena post mortem inflicta, sicut patet in martyribus, quod si quid purgandum in eis invenitur, passionis fæce tollitur, ut Augustinus dicit, cum tamen poena martyrum brevis (a) fuerit in comparatione ad poenam quæ in purgatorio sustinetur. Tertia est, quia calor illi recuperabit in intentione quantum amittere in temporis abbreviatione.

### SOLUTIO III.

Ad tertiam quæstionem dicendum, quod tota purgatio mundi, & innovatio ad purificationem, & innovationem hominis ordinabitur: & ideo oportet ut mundi purgatio, & innovatio purificationi, & innovationi humani generis respondeat. Humani autem generis purgatio quædam erit, quando mali segregabuntur a bonis: unde dicitur Luc. 11. 17. *Cuius ventilabrum est in manus tua, & purgabis aream tuam, & congregabis triticum suum, idest electos, in horreum suum; paleas autem, idest reprobos, combures igne inextinguibili.* Unde ita erit purgatio mundi, quod quidquid erit turpe, & foedum, in infernum cum reprobis retrudetur; quidquid autem erit pulchrum, & nobile, in superioribus (b) reservabitur ad gloriam electorum: & ita etiam erit de illo igne conflagrationis, sicut dicit Basilii super illud Psalm. xxviii. *Vox Domini intercedentis flammam ignis:* quia quo ad calidum usivum,

& quantum ad id quod in igne grossum reperiatur, descendat ad inferos ad poenam damnatorum; quod vero est ibi subtile, & lucidum, remanebit superius ad gloriam electorum.

Ad primum ergo dicendum, quod ignis qui purgabit electos ante iudicium, erit idem cum igne conflagrationis mundi; quamvis quidam contrarium dicant. Convenit enim ut, cum homo sit pars mundi, eodem igne purgetur homo, & mundus. Dicuntur autem duo ignes (c) qui purgabit bonos, & qui cruciabit malos & quantum ad officium, & aliquo modo quantum ad substantiam: quia non tota substantia ignis purgantis in infernum retrudetur, uti dictum est.

Ad secundum dicendum, quod in hoc ignis ille remunerabitur, quia illud quod est grossum in eo, separabitur ab ipso, & retrudetur in infernum.

Ad tertium dicendum, quod sicut gloria electorum post iudicium erit maior quam ante, ita & poena reproborum: & ideo sicut claritas superiori creaturæ addetur ad augmentandum gloriam electorum; ita & quidquid est turpe in creaturis, retrudetur in infernum ad augmentandum miseriam damnatorum: & ita igni ab initio præparato in inferno non est inconveniens si alter ignis addatur.

### EXPOSITIO TEXTUS.

**I**lli saltem verba iudicis audient &c. Verba hac accipiendi sunt non vocalia, sed mentalia, ut supra dictum est.

Et peribit calum, & terra non secundum substantiam, sed secundum speciem. Species hic dicitur corruptibilitas elementorum, & alia quæ ad ignobilitatem eorum spectant.

Ministerio Angelorum virtute Dei cooperante mittentur mali in cinerum ignis. Hoc intelligendum est de bonis Angelis quantum ad præceptum, sed de malis angelis quantum ad executionem.

(a) *Al. fuit in purgatione quæ in purgatorio &c.* (b) *Al. reservatus.* (c) *Nicolaï addit esse.*

## DISTINCTIO XLVIII.

*De forma iudicii.*

**S**olet etiam quæri, in qua forma Christus iudicabit. In forma utique servi iudicabit, quæ omnibus in iudicio apparebit, ut videant mali in quem pupugerunt. Divinitatem vero eius mali non videbunt: unde Isai. (xxvi. 10.) „Tol-  
„latur impius, ne videat gloriam Dei.“ Humanitatem videbunt, ut timeant; Divinitatem vero non, ne gaudeant. Divinitas enim sine gaudio videri non potest.

*Quod apparebit tunc in forma servi.*

**S**ed cum in forma humana constet eum appariturum, quæritur, an in forma illa gloriosa appareat, sicut vere est, an in forma qualis in passione exitit. Quidam putant a malis talem videri qualem crucifixerunt, idest infirmam: quia dicit Scriptura (Zach. xii. 10.) „Ut videant in quem pupugerunt.“ Sed aperte Augustinus dicit (Lib. I. de Trinit. cap. xvi. & sup. Psalm. lxxxv. ac cix.) formam servi glorificatam a bonis, & a malis tunc videri, sic. „Cum in forma „servi glorificata iudicantem viderint boni, & mali, tolletur impius, ut non „videat claritatem Dei, quæ Deus est, quam soli mundo corde videbunt, quod „erit eis vita æterna.“ Forma ergo humana in Christo glorificata videbitur „a cunctis: unde & Christus dicitur iudicaturus, quia Filius hominis est: ita „enim legitur in Evangelio Ioan. (cap. v. 27.) Et potestatem dedit ei iudicium „facere, quia Filius hominis est. Non quod ipse ex virtute hominis sit iudica- „turus, vel quod ipse solus sine Patre & Spiritu sancto iudicium sit facturus; „sed quia ipse solus in forma servi iudicans, a bonis, & malis videbitur. Cum „ergo Pater non iudicet quemquam, sed omnem potestatem dedit Filio; non „ita est intelligendum quasi Filius solus iudicet, & non Pater, sed quia forma „Filii humana cunctis in iudicio apparebit, non in forma infirma, sed gloriosa. „Iudicabit autem ex virtute Divinitatis, non sine Patre, & Spiritu sancto: & „apparebit terribilis impiis, & mitis iustis: erit enim terror malis, & lumen iu- „stis.“

*Quare secundum formam servi dicitur Christus suscitaturus corpora.*

**E**T sicut dicitur solus Christus secundum formam servi iudicaturus propter cau-  
sam præmissam; ita etiam dicitur suscitaturus corpora mortuorum secundum  
humanitatem, cum tamen virtute Divinitatis sit suscitaturus, non humanitatis. Sed hæc ratione illud dicitur, quia in humanitate suscepit quod est causa nostræ  
resurrectionis, idest passionem, & resurrectionem. Ideo ei ascribitur secundum  
hominem suscitatio mortuorum. Unde Augustinus (super Ioan. tract. xix.)  
„Per Verbum Filium Dei fit animarum resurrectio, per Verbum factum in carne  
„filium hominis fit corporum resurrectio.“ Item (tract. xxiii.) „Iudicat,  
„& suscitatur corpora non Pater, sed Filius secundum dispensationem humanitatis,  
„in qua minor Patre est Christus. In eo quod est Filius Dei, est vita quæ vi-  
„vificat animas, in eo quod est filius hominis, est iudex.“ Ecce secundum  
formam humanitatis dicitur suscitaturus corpora, & iudicaturus. Iudicaturus au-  
tem, quia illa forma cunctis in iudicio apparebit, & suscitaturus, quia in eadem  
forma meritum, & causam resurrectionis nostræ suscepit. Et quia secundum eam-  
dem formam vocem dabit, quæ mortui de monumentis resurgent, & procedent;  
secundum quod Deus est, vivificat animas, non Pater tantum: quia non tantum  
Pater vita est, sed & Filius cum eo, & Spiritus sanctus eadem vita est, quæ per-  
tinet ad animam, non ad corpus. Corpus enim non sentit vitam sapientiæ, sed

minus lumen suis in perpetuum. "Potest etiam intelligi illud Isaïæ ea ratione dictum, quia sol, & luna tunc non habebunt ortum, & occasum sicut nunc. (1) Unde Isidorus \* illud Isaïæ quasi exponens, ait: "Post iudicium sol laboris sui mercedem percipiet: unde Propheta (ubi supra) Lucebit septemplexiter, & non veniet ad occasum nec sol, nec luna; (2) sed in ordine quo creati sunt, stabunt, ne impii in tormentis sub terra positi fruantur luce eorum. Unde Habacuc (cap. 111. 11.) Sol, & luna steterunt in ordine suo. "Ecce aperte dicit, solem, & lunam tunc lucere, sed stabiliter permanere, ubi etiam significat infernum esse sub terra. Si vero quaeritur, quis sit usus lucis solis, & lunæ tunc; fateor me ignorare, quia (3) in Scripturis non memini me legisse.

## DIVISIO TEXTUS.

POSTquam determinavit Magister de divino iudicio quantum ad modum iudicii, & ad ministros iudicis, hic determinat ea quæ pertinent ad personam iudicis: & dividitur in partes duas. In prima enim parte ostendit in qua forma Christus ad iudicium veniens apparebit. In secunda determinat de his quæ iudicium circumstant, ibi, *Et putant quidam, Dominum descensurum in vallem Iosaphat in iudicio*. Prima pars dividitur in duas. In prima ostendit quod Christus iudicabit in forma hominis. In secunda inducit similitudinem, scilicet quod Christus, secundum quod est homo, est causa resurrectionis corporum, ibi, *Et sicut dicitur Christus secundum formam servi iudicaturus propter causam præmissam; ita etiam dicitur suscitaturus corpora mortuorum secundum humanitatem*. Prima pars dividitur in duas. In prima determinat quod Christus in forma hominis iudicabit; in secunda quod in forma hominis gloriosa, ibi, *Et cum in forma humana consistet eum apparitum, quaeritur* &c.

Et putant quidam Dominum descensurum in vallem Iosaphat in iudicio. Hic determinat ea quæ adventum iudicis circumstant, & circa hoc duo facit. Primo determinat ea quæ concomitantur iudicis adventum; secundo ea quæ consequuntur, ibi, *Cum autem factum fuerit celum novum, & terra nova, tunc erit lux luna sicut lux solis*. Circa primum duo facit: primo enim determinat locum adventus; secundo effectum iudicis venientis, ibi, *Veniente autem ad iudicium Domino .... sol, & luna dicuntur obscurari*.

## QUAESTIO I.

Hic est duplex quaestio. Prima est de ipso iudice. Secunda de mundi innovatione, quæ iudicium sequitur.

Circa primum quaeruntur quatuor.

Primo. Utrum Christus in forma hominis sit iudicaturus.

Secundo. Utrum in iudicio apparebit in figura gloriosa.

Tertio. Utrum possit apparere in natura Divinitatis aliquibus sine gaudio.

Quarto. De his quæ adventum iudicis circumstant.

## ARTICULUS I.

Utrum Christus in forma servi sit iudicaturus.

III. P. quæst. 11x. art. 2. in fine corp. art.

AD primum sic proceditur. Videtur quod Christus in forma servi non sit iudicaturus. Iudicium enim auctoritatem requirit in iudicante. Sed auctoritas super vivos, & mortuos est in Christo secundum quod est deus: sic enim est (a) Dominus, & Creator omnium. Ergo in forma Divinitatis iudicabit.

2. Præterea. In iudice requiritur potestas invincibilis: unde Eccli. vii. 6. *Noli quærare fieri iudex, nisi valeas virtute irumpere iniquitates*. Sed virtus invincibilis convenit Christo secundum quod est Deus. Ergo in forma Divinitatis iudicabit.

3. Præterea. Ioan. v. 22. dicitur: *Pater omne iudicium dedit Filio, ut omnes honorificent Filium sicut honorificant Patrem*. Sed honor aequalis non debetur Patri, & Filio se-

(1) *Al. desit.* Unde. (2) *Al.* Sed in quo. (3) *Al.* in Scriptis.

EX EDIT. P. NICOLAI. \* Sequens appendix Theodori nomine prænotata in operibus eius non occurrat, sed ut ex illo Glossa citat Lib. creaturarum, super prædictum Isaïæ caput; quamvis modo non esset Liber ille.

(a) *Al.* Deus.

secundum humanam naturam. Ergo non iudicabit secundum formam humanam.

4. Præterea. Daniel. vii. 9. dicitur: *Aspicietbam, donec throni positi sunt, & antiquus diem sedet.* Throni autem iudicariæ potestatem designant; antiquitas autem de Deo dicitur ratione æternitatis, ut dicit Dionysius in Lib. de divin. Nomin. (cap. x.) Ergo secundum hoc iudicare convenit Filio prout est æternus: non ergo secundum quod homo.

5. Præterea. Augustinus dicit, & habetur in littera, quod per verbum Filii Dei fit animarum resurrectio. Sed iudicium illud finale magis pertinet ad animam quam ad carnem. Ergo magis convenit iudicare Christo secundum quod est Deus quam in quantum est homo.

Sed contra. Ioan. v. 27. dicitur: *Potestatem dedit ei iudicium facere, quia filius hominis est.*

Præterea. Iob xxxvi. 17. dicitur: *Causa tua quasi impii iudicata est.* Glossa, „a Pilato,“ 10: „ideo iudicium, causamque recipies:“ Glossa, „ut iuste iudices.“ Sed Christus secundum humanam naturam iudicatus est a Pilato. Ergo secundum humanam naturam iudicabit.

Præterea. Eius est iudicare cuius est legem condere. Sed Christus in humana natura apparet nobis legem Evangelii dedit. Ergo & secundum eandem naturam iudicabit.

### SOLUTIO.

Respondeo dicendum, quod iudicium aliquod dominium in iudicando requirit: unde Rom. xiv. 4. *Tu quis es qui iudicas alienum servum?* & ideo secundum hoc Christo competit iudicare quod dominium super homines habet, de quibus principaliter erit finale iudicium. Ipse autem est noster Dominus non solum ratione creationis, quia Dominus ipse est Deus, ipse fecit nos, & non ipsi nos (Psal. xcix. 3.) sed etiam ratione redemptionis, quod ei competit secundum humanam naturam: unde Rom. xiv. 9. *In hoc Christus mortuus est, & resurrexerit, ut & vivorum, & mortuorum dominetur.* Ad primum autem vitæ æternæ nobis creationis bona non sufficerent, nisi redemptionis beneficium adderetur, propter impedimentum quod naturæ creatæ supervenit ex peccato primi parentis. Unde cum iudicium illud finale ad hoc ordinatur ut aliqui admittantur ad regnum, aliqui excludantur a regno,

conveniens est ut ipse Christus secundum humanam naturam, cuius redemptionis beneficio ad regnum (a) admittitur, illi iudicio præsideat: & hoc est quod dicitur Act. x. 42. *quod constitutus est a Deo iudex vivorum, & mortuorum.* Est quia per redemptionem humani generis non solum homines reparavit, sed etiam universaliter totam creaturam, secundum quod tota creatura reparato homine melioratur, ut habetur Coloss. 1. 20. *Pacificans per sanguinem crucis eius sive quæ in terris, sive quæ in caelis sunt: ideo non solum super homines, sed super universam creaturam Christus per suam passionem dominium promeruit, & iudicariam potestatem.* Matth. ult. 10. *Data est mihi omnis potestas in caelo, & in terra.*

Ad primum ergo dicendum, quod in Christo secundum divinam naturam est auctoritas domini respectu universalis creaturæ ex iure creationis; sed in ipso est auctoritas domini quam per passionem promeruit, & est quasi auctoritas secularia, & acquisita; sed prima est naturalis, & æterna.

Ad secundum dicendum, quod quamvis Christus secundum quod homo non habeat a se invincibilem potestatem ex naturali virtute humanæ speciei; tamen ex dono Divinitatis etiam in humana natura habet invincibilem potestatem, secundum quod (b) omnia sunt subiecta pedibus eius, ut dicitur I. Corinth. xxi. & Heb. xi. & ideo iudicabit quidem in humana natura, sed ex virtute Divinitatis.

Ad tertium dicendum, quod (c) Christus non sufficisset ad humani generis redemptionem, si purus homo fuisset: & ideo ex hoc quod secundum humanam naturam genus humanum redimere potuit, ac per hoc iudicariam potestatem consecutus est, manifeste ostenditur quod ipse est Deus, & ita æqualiter honorandus cum Patre, non in quantum homo, sed in quantum Deus.

Ad quartum dicendum, quod in illa visione Danielis manifeste exprimitur torus ordo iudiciariæ potestatis: quæ quidem sicut in prima origine est in ipso Deo, & specialius in Patre, qui est fons totius Divinitatis: & ideo primo præmittitur quod (d) *antiquus diem sedet.* Sed a Patre iudiciaria potestas tradita est in Filium non solum ab æterno secundum divinam naturam, sed etiam in tempore secundum humanam, in qua meruit: & ideo subiungitur in visione prædicta: *Ecce cum nubibus caeli quasi filius hominis veniebat, & usque ad antiquum diem* [et c.]

(a) Al. admittitur. (b) Al. deß omnia. (c) Al. Christo. (d) Al. Antiquus.

peruenit; & dedit ei potestatem, & honorem, & regnum.

Ad quintum dicendum, quod Augustinus loquitur per appropriationem quamdam, ut videlicet reducat effectus quos Christus in humana natura fecit, ad causas aliquo modo conformes. Et quia secundum animam fumus ad imaginem & similitudinem Dei, secundum carnem autem fumus eiusdem speciei cum homine Christo; ideo ea quae in animabus nostris Christus fecit, Divinitati attribuit; quae vero in carne nostra fecit, vel facturus est, attribuit carni eius: quamvis caro eius, in quantum est Divinitatis organum, ut dicit Damascenus (Lib. III. de Fid. orth. cap. xv.) habeat etiam effectum in animabus nostris, secundum illud quod dicitur Hebr. ix. 14. quod sanguis (a) eius emundabit conscientias nostras ab operibus mortuis: & sic etiam Verbum caro factum, est causa resurrectionis animarum. Unde etiam secundum humanam naturam convenienter est iudex non solum corporalium, sed spiritualium bonorum.

## ARTICULUS II.

*Utrum Christus in iudicio apparebit in forma humanitatis gloriosa.*

1. **A**D secundum sic proceditur. Videtur quod Christus in iudicio non apparebit in forma humanitatis gloriosa. Ioan. xxi. 37. *Videbunt in quem transierunt*: Glossa (interl. Bedæ) „quia in ea carne, venturus est in qua crucifixus est.“ Sed crucifixus est in forma infirma. Ergo in forma infirmitatis apparebit, non in forma gloriosa.

2. Præterea. Matth. xxiv. 30. dicitur, quod *apparebit signum Filii hominis in celo*, id est signum crucis: & Chrysostomus dicit (hom. lxxvii. in Matth.) quod veniet in iudicio Christus non solum vulnerum cicatrices, sed etiam ipsam mortem exprobratissimam ostendens. Ergo videtur quod non apparebit in forma gloriosa.

3. Præterea. Secundum hanc formam Deus in iudicio apparebit quæ ab omnibus conspici possit. Sed Christus secundum formam humanitatis gloriosam non poterit videri ab omnibus, bonis, & malis: quia oculus (b) non glorificatus non videtur esse proportio-

natus ad videndum claritatem corporis gloriosi. Ergo non apparebit in forma gloriosa.

4. Præterea. Illud quod promittitur iustis in premium, non conceditur iniustis. Sed videre gloriam humanitatis promittitur iustis in premium. Ioan. x. 9. *Ingrédietur, & egredietur, & pasca inveniet*, id est resurrectionem & in divinitate, & in humanitate, ut Augustinus exponit: „& Isa. xxxiii. 17. *Reges in decore suo videbunt*. Ergo in iudicio non apparebit omnibus in forma gloriosa.

5. Præterea. Secundum illam formam Christus iudicabit in qua iudicatus est: unde super illud Ioan. v. *Sic & Filius quem vult, vivificat*, dicit Glossa (Augustini.) „In qua forma iniuste iudicatus est, iuste iudicabit, ut possit ab impiis videri.“ Sed iudicatus est in forma infirmitatis. Ergo & in eadem in iudicio apparebit.

Sed contra est quod dicitur Luc. xxi. 27. *Tunc videbunt Filium hominis venientem in nube cum potestate magna, & maiestate*. Maiestas autem, & potestas ad gloriam pertinent. Ergo in forma gloriosa apparebit.

Præterea. Ille qui iudicat, debet eminere illis qui iudicantur. Sed electi qui iudicabuntur a Christo, corpora gloriosa habebunt. Ergo multo fortius iudex in forma gloriosa apparebit.

Præterea. Sicut iudicari est infirmitas, ita iudicare est auctoritatis, & gloriæ. Sed in primo adventu, in quo Christus venit ad hoc quod iudicaretur, in forma infirmitatis apparuit. Ergo in secundo adventu, in quo veniet ad hoc ut iudicet, apparebit in forma gloriosa.

## SOLUTIO.

Respondeo dicendum, quod Christus dicitur Dei, & hominum mediator, in quantum pro hominibus satisficit, & interpellat apud Patrem; & ea quæ sunt Patris, hominibus communicat, secundum quod dicitur Ioan. xvi. 23. *Claritatem quam dedisti mihi, dedi eis*. Secundum hoc autem utrumque convenit ei quod cum utroque communicat extremorum. In quantum enim cum hominibus communicat, vices hominum gerit apud Patrem; in quantum vero cum Patre communicat, dona Patris transmittit ad homines. Quia ergo in primo adventu ad hoc venit

ut

(a) Valgata, *Christi*. (b) *Al. desit non.*

EX EDIT. F. NICOLAI. \* Non occurrit ista interpretatio nisi apud Hugonem Victorinum Lib. de Spiritu & anima cap. ix.

ut pro nobis satisficeret apud Patrem, in forma nostræ infirmitatis apparuit; quia vero in secundo adventu ad hoc venit ut infirmitatem Patris in homines exequatur, gloriam demonstrare debebat, quæ inest ei ex communione ad Patrem: & ideo in forma gloriosa apparuit.

Ad primum ergo dicendum, quod in eadem carne apparebit, sed nunc similiter se habente.

Ad secundum dicendum, quod signum crucis apparebit in iudicio non ad indicium tunc existentis infirmitatis, sed præteritæ, ut per hoc iustior eorum condemnatio appareat qui tantam misericordiam neglexerant, & eorum præcipue qui Christum iniuste persecuti sunt. Cicatrices autem quæ in eius corpore apparebunt, non pertinebunt ad aliquam infirmitatem, sed erunt indicia maxime virtutis, qua Christus per passionis infirmitatem de hostibus triumphavit. Exprobratissimam etiam mortem ostendet, non sensibilibus oculis eam ingerens, ac si tunc eam pateretur, sed ex his quæ apparebunt, scilicet indiciiis præteritæ passionis, homines in recognitionem præteritæ mortis adducet.

Ad tertium dicendum, quod corpus gloriosum habet in potestate sua ut se demonstret, vel non demonstret oculo non glorioso, ut patet (a) ex his quæ supra xlv. dist. (quæst. 11. art. 4.) dicta sunt; & ideo in forma gloriosa Christus (b) ab hominibus poterit videri.

Ad quartum dicendum, quod sicut amici gloria est delectabilis; ita gloria, & potestas eius qui odio habetur, maxime contristat: & ideo sicut visio gloriæ humanitatis Christi erit iustis in præmium, ita inimicis Christi erit in supplicium: unde Ilia. xxvi. 11. *Videant, & confundantur zelantes populi, & ignis, scilicet invidiæ, hostes tuos devoret.*

Ad quintum dicendum, quod forma ibi accipitur pro natura humana, in qua iudicatus est, & etiam iudicabit; non autem pro qualitate naturæ, quæ non erit eadem in iudicante, scilicet infirma, quæ in iudicato fuit.

## ARTICULUS III.

*Utrum Divinitas a malis sine gaudio videri possit.*

1. Ad tertium sic proceditur. Videtur quod Divinitas a malis sine gaudio possit videri. Constat enim quod impianissimissime cognoscant Christum esse Deum. Ergo Divinitatem eius videbunt; & tamen de visione Christi non gaudebunt. Ergo Divinitas sine gaudio videri potest.

2. Præterea. Voluntas impiorum perversa non magis adversatur humanitati Christi quam eius Divinitati. Sed hoc quod videbunt gloriæ humanitatis, cedet eis in penam, ut dictum est. Ergo multo fortius, si Divinitatem viderent, magis tristerentur quam gauderent.

3. Præterea. Quæ sunt in affectu, non de necessitate sequuntur ad ea quæ sunt in intellectu: unde Augustinus dicit: *Præcedit intellectus, & sequitur tardus, aut nullus affectus.* Sed visio ad intellectum pertinet, gaudium autem ad affectum. Ergo poterit esse Divinitatis visio sine gaudio.

4. Præterea. Omne quod recipitur in aliquo, recipitur per modum recipientis, & non per modum recepti. Sed omne quod videtur quodammodo in vidente recipitur. Ergo quamvis Divinitas in se sit delectabilissima, tamen visa (c) ab illis qui sunt tristitia absorpti, non delectabit, sed magis contristabit.

5. Præterea. Sicut se habet sensus ad sensibile, ita se habet intellectus ad intelligibile. Sed ita est in sensibus quod palato non sano pœna est panis, qui sano est suavis, ut dicit Augustinus (Lib. VII. Confess. cap. xvi.) & similiter accidit in aliis sensibus. Ergo cum damnati habeant intellectum indispotum, videtur quod visio lucis increatæ magis afferet eis pœnam quam gaudium.

Sed contra est quod dicitur Ioan. xviii. 3. *Hæc est vita æterna, ut cognoscant te verum Deum:* ex quo patet quod essentia beatitudinis in Dei visione consistit. Sed de ratione beatitudinis est gaudium. Ergo Divinitas sine gaudio videri non potest.

Præterea. Essentia ipsa Divinitatis est essentia veritatis. Sed unicuique est delectabile videre verum: unde & omnes homines natura scire desiderant, ut dicitur in principio

(a) In editis ex dictis. (b) Forte ab omnibus. (c) scilicet ab illis.



capio Metaph. Ergo Divinitas sine gaudio videri non potest.

Præterea. Si aliqua visio non semper est delectabilis, convenit eam quandoque esse tristabilem. Sed visio intellectiva numquam est contristabilis: quia delectationi quæ est in intelligendo, non opponitur aliqua tristitia, ut dicit Philosophus (VII. Ethic. cap. xii. & I. Topic. cap. xiii.) Cum ergo Divinitas non possit videri nisi per intellectum, videtur quod Divinitas sine gaudio videri non possit.

## SOLUTIO.

Respondeo dicendum, quod in quolibet appetibili, vel delectabili duo possunt considerari; scilicet id quod appetitur, vel est delectabile, & id quod est ratio appetibilitatis, vel delectabilitatis in ipso. Sicut autem, secundum Boetium in Lib. de hebdomad. id quod est, habere aliquid præterquam quod ipsum est, potest; ipsum vero esse nihil aliud præter se habet admixtum: ita id quod est appetibile, vel delectabile, potest habere aliquid aliud admixtum, unde non sit delectabile, vel appetibile; sed id quod est ratio delectabilitatis, nihil habet admixtum, vel habere potest, propter quod non delectabilis sit, vel appetibilis. Res igitur quæ sunt delectabiles per participationem bonitatis, quæ est ratio appetibilitatis, & delectabilitatis, possunt apprehensa non delectare; sed id quod per essentiam suam est bonitas, impossibile est quod eius essentia apprehensa non delectet. Unde cum Deus essentialiter sit ipsa bonitas, non potest Divinitas sine gaudio videri.

Ad primum ergo dicendum, quod impii manifeste cogitant Christum esse Deum, non per hoc quod Divinitatem eius videant, sed per manifestissimam Divinitatis indicia.

Ad secundum dicendum, quod divinitatem, secundum quod est in se, nullus potest odio habere, sicut nec aliquid potest odio habere ipsam bonitatem; sed quantum ad aliquos Divinitatis effectus dicitur ab aliquibus odio haberi, inquantum scilicet aliquid agit, vel præcipit quod est contrarium voluntati: & ideo visio Divinitatis nulli potest esse non delectabilis.

Ad tertium dicendum, quod verbum Augustini est intelligendum quando id quod

S. Th. Op. Tom. XIII.

apprehenditur per intellectum præcedentem, est bonum per participationem, & non per essentiam, sicut sunt omnes creaturæ: unde potest in eis esse aliquid quare affectus non moveatur. Similiter etiam in via Deus cognoscitur per effectus, & intellectus non attingit ad ipsam essentiam bonitatis eius: unde non oportet quod affectus intellectum sequatur, sicut sequeretur, si essentiam eius videret, quæ est ipsa bonitas.

Ad quartum dicendum, quod tristitia non nominat dispositionem, sed magis passionem; omnis autem passio a contraria causa fortiori (a) superveniente tollitur, & non eam tollit: & ideo tristitia damnarum tolleretur, si Deum per essentiam viderent.

Ad quintum dicendum, quod per indispositionem organi tollitur proportio naturalis ipsius organi ad obiectum quod natum est delectare, & propter hoc delectatio impeditur; sed indispositio quæ est in damnatis, non tollit naturalem proportionem qua sunt ordinati ad divinam bonitatem, cum imago semper in eis maneat: & ideo non est simile.

## ARTICULUS IV.

*Utrum adventum Domini ad iudicium præcedat aliqua signa.*

1. AD quartum sic proceditur. Videtur quod adventum Domini ad iudicium non præcedat aliqua signa. Quia I. Thes. v. 3. Cum dixerint, Pax, & securitas, venietinus eis superveniet interitus. Sed non elict pax, & securitas, si homines per signa præcedentia terrentur. Ergo signa non præcedent illum adventum.

2. Præterea. Signa (b) ad manifestationem ordinantur. Sed adventus eius debet esse occultus: unde I. Thes. v. 2. Dies Domini sicut fur in nocte ita veniet. Ergo signa non debent ipsum præcedere.

3. Præterea. Tempus primi adventus fuit præcognitum (c) a Prophetis; quod non est de secundo adventu, ut supra dictum est. Sed primum adventum Christi non præcesserunt aliqua huiusmodi signa. Ergo nec secundum præcedent.

Sed contra est quod dicitur Lucæ xxi. 25. Erunt signa in sole, & luna, & stellis.

KKK

Præ-

(a) Al. subveniente. (b) Al. ante. (c) Al. a Philosophis.

Præterea. Hieronymus \* ponit quindecim signa præcedentia iudicium, dicens, quod primo die maria omnia exaltabuntur quindecim cubitis super montes. Secundo omnia aquora proferentur in profundum, ita ut vix videri poterunt. Tercio rediguntur in antiquum statum. Quarto bellæ omnes, & alia quæ moventur in aquis, congregabuntur, & levabuntur super pelagus more contentionis invicem mugientes. Quinto omnia volatilia cæli congregabuntur in campis, invicem plorantes, non gulfantes, neque bibentes. Sexto flumina ignea surgent ab occasu solis contra faciem firmamenti usque ad ortum contraria. Septimo omnia sidera errantia, & fixa spargent ex se igneas comas, sicut comete. Octavo erit magnus terræ motus, & omnia animalia prosterentur. Non omnes lapides tam magni quam parvi dividuntur in quatuor partes, unaquæque aliam collidente. Decimo omnes plantæ sanguineum fluent rorem. Undecimo omnes montes, & colles, & ædificia in pulverem rediguntur. Duodecimo omnia animalia venient ad campos de silvis, & montibus rugientia, & nihil gulfantia. Tertiodecimo omnia sepulcra ab ortu solis usque ad occasum patebunt cadaveribus ad resurgendum. Quattodecimo omnes homines de habitaculis suis recedent non intelligentes, neque loquentes, sed discurrentes. Quintodecimo omnes morientur, & resurgent cum mortuis longe ante defunctis.

### QUÆSTIUNCULA II.

1. Ulterius. Videtur quod circa iudicium secundum rei veritatem sol, & luna obscurerentur. Quia, ut dicit Rabanus super Matth. (cap. xxiv. super illud, *Sol obscurabitur &c.*) nihil prohibet intelligere tunc temporis veraciter solem, & lunam cum sideribus ceteris suo lumine privari, quomodo de sole constat factum tempore dominicæ passionis.

2. Præterea. Lux corporum cælestium ad generationem inferiorum corporum ordinatur: quia per eam influunt in hæc inferiora, & non solum per motum, ut dicit Averroes in Lib. de substantia orbis (cap.

11.) Sed tunc generatio cessabit. Ergo nec lux in corporibus cælestibus remanebit.

3. Præterea. Inferiora corpora purgabuntur, ut quibusdam videtur, a qualitatibus quibus agunt. Corpus autem cæleste non solum agit per motum. Sed per lumen, ut dictum est. Ergo sicut motus cæli cessabit, ita & lumen corporum cælestium.

Sed contra est quod secundum Astrologos, sol, & luna simul eclipsim pati non possunt. Sed illa obscuratio solis, & lune simul esse dicitur, scilicet Domino ad iudicium veniente. Ergo non est obscuratio secundum rei veritatem per modum eclipsidis naturalis.

Præterea. Non congruit idem esse causam defectus alicuius rei, & augmentatio. Sed veniente Domino lux luminarium promittitur augenda: unde Isa. xxx. 26. *Erit lux lune sicut lux solis, & lux solis septemplex.* Ergo non est conveniens quod veniente Domino lux illorum corporum cesset.

### QUÆSTIUNCULA III.

1. Ulterius. Videtur quod virtutes cælorum Domino veniente non moveantur. Virtutes enim cælorum dici non possunt nisi Angeli beati: Sed immutabilitas est de ratione beatitudinis. Ergo moveri non poterunt.

2. Præterea. Admirationis causa est ignorantia, ut patet in principio Metaph. (Lib. II. cap. 11. vel 111.) Sed sicut ab Angelis longe abest timor, ita & ignorantia: quia, ut dicit Gregorius, *quid est quod non videant qui videntem omnia vident?* Ergo non poterunt per admirationem moveri, ut in littera dicitur.

3. Præterea. Omnes Angeli assabunt divino iudicio: unde Apocal. vii. 11. *Et omnes Angeli stabant in circuitu throni.* Sed Virtutes nominant unum specialem ordinem in Angelis. Ergo non potius de eis dici debuit quod moveantur quam de aliis Angelis.

Sed contra est quod dicitur Iob xxvi. 11. *Columnæ cæli pavent adventum eius.* Sed columnæ cæli non possunt intelligi nisi per virtutes cælorum. Ergo virtutes commovebuntur.

Præ-

EX EDIT. F. NICOLAI. \* In Hieronymo nihil tale occurrit, ex quo tamen Petrus Comestor in historia scholastica, & Lyranus in Glossa super prædictum Lucæ locum longe alii verbis, & alia serie refert, nempe quod primo die erigatur mare super altitudines montium quadraginta cubitis, & non quasi murus: secundo sanum descendat, ut vix videri possit: tertio marina bellua appareat super mare debent rugitus usque ad cælum: quarto ardeat mare, & omnes aquæ quinto bella, & arbores dolant rorem sanguineum &c.

Præterea. Matth. xxiv. 29. dicitur: *Stellæ cadentes de celo, & virtutes celorum movēbuntur.*

## QUAESTIUNCULA IV.

1. Uterius. Videtur quod iudicium non fiet in valle Iosaphat, aut in loco circumstante. Quia ad minus oportet omnes iudicandos in terra stare, aut eos tantum levare in nubibus quorum erit iudicare. Sed tota terra promissionis capere non posset multitudinem iudicandorum. Ergo non potest esse quod circa vallem illam sit iudicium.

2. Præterea. Sicut supra dictum est, Christo in humanitate datum est iudicium, ut iuste iudicet, qui iniuste iudicatus est. Sed ipse iniuste iudicatus est in pratorio Pilati, & sententiam iniusti iudicii in Golgortha suscepit. Ergo loca illa magis determinari debent ad iudicium.

3. Præterea. Nubes sunt ex resolutione vaporum. Sed tunc nulla erit evaporatio, vel resolutio. Ergo non poterit esse quod iusti in nubibus obviam Christo in aera rapiantur; & sic oportebit & bonos, & malos esse in terra; & ita locus multo amplior requireretur quam sit ista vallis.

Sed contra est quod dicitur Ios. 11. 2. *Congregabo omnes gentes, & deducam eas in vallem Iosaphat, & disceptabo ibi cum eis.*

Præterea. Actuum 1. 11. dicitur: *Quem admodum vidistis eum ascendentem in celum, ita veniet.* Sed ipse ascendit de monte Oliveti, qui præminet valli Iosaphat. Ergo & circa loca illa ad iudicandum veniet.

## SOLUTIO I.

Respondeo dicendum ad primam questionem, quod, sicut supra dictum est, Christus ad iudicandum veniens in forma gloriosa apparebit propter auctoritatem quæ iudici debetur. Ad dignitatem autem iudicariæ potestatis pertinet habere aliqua indicia quæ ad reverentiam, & subiectionem inducant: & ideo adventum Christi ad iudicium venientis multa signa præcedent, ut corda hominum in subiectionem venturi iudicis adducantur, & ad iudicium præparentur huiusmodi signis commoniti. Quæ autem sint ista signa, de facili non potest sciri. Signa enim quæ in Evangeliiis leguntur, ut Augustinus dicit (epist. lxxviii.) ad Ephyrium de fine mundi, non solum pertinent ad adventum Christi ad iudicium, sed etiam ad tempus destructionis Hierusalem, & ad adventum Christi, quo Christus continue Ecclesiam suam

visitat, ita quod forte, si diligenter advertatur, nullum eorum invenitur ad futurum adventum pertinere, ut ipse dicit: quia ista signa quæ in Evangeliiis tanguntur, sicut pugnae, & terrores, & huiusmodi, a principio humani generis fuerunt: nisi forte dicatur, quod tunc temporis magis invalescent; sed secundum quam mensuram circumstantiæ vicinum adventum denuntiant, incertum est. Signa vero quæ Hieronymus ponit, non asserit, sed in annalibus Iudæorum se ea reperisse scripta dicit; quæ etiam valde parum verisimilitudinis habent.

Ad primum ergo dicendum, quod secundum Augustinum in Lib. ad Ephyrium prædicto, circa finem mundi erit universalis persecutio malorum contra bonos: unde simul aliqui timebunt, scilicet boni; & aliqui securi erunt, scilicet mali. Quod autem dixerunt, *Pax; & securitas* (I. Thes. v. ad malos referendum est; qui signa futuri iudicii parvipendunt; ad bonos vero pertinet quod dicitur Luc. xxi. 26. *Arsentibus hominibus præ timore &c.* Vel potest dici, quod omnia ista signa quæ circa iudicium erunt, infra tempus iudicii computantur, ut sic dies iudicii omnia illa contineat. Unde quamvis ex signis apparentibus circa diem iudicii homines terreantur, ante tamen quam signa illa apparere incipiant, in pace, & securitate se impii esse credent, post mortem Antichristi non statim videntes mundum consummari, ut existimabant.

Ad secundum dicendum, quod dies Domini dicitur sicut fur venire, quia ignoratur determinatum tempus, quod per signa illa cognosci non poterit: quamvis etiam sub die iudicii comprehendi possint omnia illa manifestissima signa quæ immediate præcedent iudicium, ut dictum est.

Ad tertium dicendum, quod in primo adventu Christi venit occultus, quamvis determinatum tempus esset prius præcognitum a Prophetis: & ideo non oportebat huiusmodi signa in primo adventu apparere, sicut apparebunt in secundo adventu, in quo manifestus veniet, quamvis determinatum tempus sit occultum.

## SOLUTIO II.

Ad secundam questionem dicendum, quod si loquamur de sole, & luna quantum ad ipsum momentum adventus Christi, sic non est credibile quod obscurerentur sui luminis privatione: quia totus mundus innovabitur Christo veniente, & sanctis surgentibus, ut dicitur

KKK 2 cum

lum est. Si autem loquamur de eis secundum tempus propinquum ante iudicium, sic esse poterit quod sol, & luna, & alia cæli luminaria sui luminis privatione obscurabuntur vel diversis temporibus, vel simul, divina virtute faciente ad hominum terrorem.

Ad primum ergo dicendum, quod Rabinus loquitur quantum ad tempus iudicii præcedens.

Ad secundum dicendum, quod lux est in corporibus cælestibus non solum ad causandum generationem in istis inferioribus, sed etiam ad eorum perfectionem, & decorem: unde non oportet quod cessante generatione, lux corporum cælestium cesseret, sed magis augeatur.

Ad tertium dicendum, quod non videtur esse probabile, ut dictum est, quod qualitates elementares removeantur ab elementis, quamvis quidam hoc posuerint. Si tamen removeantur, non est simile de eis, & de luce, eo quod qualitates elementares habent ad invicem contrarietatem, unde agunt eorum-rumpendo; lux autem non est principium actionis per viam contrarietatis, sed per viam principii regulantis contraria, & ad concordiam reducentis. Nec est etiam simile de motu corporum cælestium: motus enim est æstus imperfecti, unde & tolli debet, quando tollitur imperfectio; quod de luce non potest dici.

### SOLUTIO III.

Ad tertiam questionem dicendum, quod Virtutes in Angelis dupliciter dicuntur, ut patet per Dionysium cap. xi. cæl. Hierar. Quandoque enim nomen Virtutum uni ordini appropriatur, qui secundum ipsum est medius mediarum hierarchiarum, secundum vero Gregorium est supremus (a) infimæ hierarchiæ. Alio modo accipitur communiter pro omnibus cælestibus spiritibus; & utroque modo potest accipi in proposito. In littera enim exponitur, prout accipitur secundo modo, scilicet pro omnibus Angelis; & tunc dicuntur moveri propter admirationem novitatis quæ in mundo erit, sicut in littera dicitur. Potest etiam exponi prout Virtus est proprium nomen ordinis; & tunc ordo ille dicitur moveri præ aliis ratione effectus: quia illi ordini secundum Gregorium attribuitur miracula facere, quæ maxime circa illud tempus fient; vel quia ordo ille, cum sit de media hierarchia secundum Dionysium, non habet

potentiam limitatam, unde oportet quod eius ministerium sit circa causas universales: unde proprium officium Virtutum esse videtur corpora cælestia movere, quæ sunt causas eorum quæ in natura inferiori aguntur: & hoc etiam ipsum nomen sonat, quia Virtutes calorum dicuntur. Tunc ergo movebuntur, quia ab effectu suo cessabunt, ulterius corpora cælestia non moventes; sicut nec Angeli qui sunt ad custodiam hominum deputati, ulterius custodiæ officio vacabunt.

Ad primum ergo dicendum, quod mutatio illa non variat aliquid quod ad eorum statum pertineat, sed sefertur vel ad effectus eorum, qui immutari possunt sine eorum mutatione, vel ad novam rerum considerationem, quam prius secundum species concreatas videre non poterant. Hanc autem vicissitudinem cogitationum ab eis beatitudo non tollit: unde dicit Angustinus (Lib. VIII. super Gen. ad litter. cap. xx.) quod Deus movet creaturam spirituales per tempora.

Ad secundum dicendum, quod admiratio solet esse de his quæ nostram cognitionem excedunt, vel facultatem; & secundum hoc Virtutes calorum admirabuntur divinam virtutem talia facientem, in quantum ab eius imitatione, & comprehensione deficiunt; per quem modum dixit Agnes, quod eius pulchritudine in sol, & luna mirantur (ex Ambrosio Lib. IV. Epistolarum epist. xxxiv.) & sic non ponitur in Angelo ignorantia, sed tollitur Dei comprehensio.

Ad tertium patet responsio ex dictis.

### SOLUTIO IV.

Ad quartam questionem dicendum, quod qualiter illud iudicium sit futurum, & quomodo homines ad iudicium conveniant, non potest multum per certitudinem sciri; tamen probabiliter potest colligi ex Scripturis, quod circa locum montis Olivæ descender, sicut & inde ascendit, ut idem esse ostendatur qui ascendit, & qui descendit.

Ad primum ergo dicendum, quod magna multitudo in parvo spatio comprehendi potest. Sufficit autem ponere quantumcumque spatium circa locum illum ad capiendum multitudinem iudicandorum, dummodo ab illo spatio Christum videre possint, qui in aere eminens, & maxima claritate resurgens a longinquo inspicere poterit.

Ad secundum dicendum, quod quamvis Christus per hoc quod iniuste iudicatus est iude-

(a) M. in Eccl.

iudiciariam potestatem meruerit, non tamen iudicabit in forma infirmitatis, in qua iniuste iudicatus est, sed in forma gloriosa, in qua ad Patrem ascendit: unde locus ascensionis magis competit iudicio quam locus ubi condemnatus est.

Ad tertium dicendum, quod nubes hic appellantur, ut quidam dicunt, quædam densitates lucis replendentis a corporibus sanctorum, & non aliquæ evaporationes ex terra, & aqua. Vel potest dici, quod nubes illæ generabuntur divina virtute ad ostendendum conformitatem in adventu ad iudicium & ascensionem; ut qui ascendit in nubem, etiam in nube ad iudicium veniat. Nubes etiam propter refrigerium misericordiam indicat iudicantis.

## QUÆSTIO II.

**D**Einde queritur de innovatione mundi: & circa hoc queruntur quinque.

Primo. Utrum innovatio mundi sit futura.

Secundo. Utrum mundo innovato motus corporum cælestium cesset.

Tertio. Utrum cælestia corpora maiori claritate resurgant.

Quarto. Utrum elementa aliqua claritatis gloria ornentur.

Quinto. Utrum animalia bruta, & plantæ, & corpora mineralia maneat.

## ARTICULUS I.

*Utrum mundus aliquando innovabitur.*

**1.** **A**D primum sic proceditur. Videtur quod mundus nunquam innovabitur. Nihil enim est futurum, nisi quod aliquando fuit secundum speciem. Eccl. 1. 9. *Quid est quod fuit? Ipsum quod futurum est.* Sed nunquam mundus aliam dispositionem habuit quam nunc habet quantum ad partes essentielles, & ad genera, & species. Ergo nunquam innovabitur.

**2.** Præterea. Innovatio alteratio quedam est. Sed impossibile est universum alterari: quia omne alteratum reducitur ad aliquod alterans non alteratum, quod tamen secundum locum movetur; quod non est extra universum ponere. Ergo non potest esse quod mundus innovetur.

**3.** Præterea. Genes. 1. dicitur, quod Deus die septimo requievit ab omni opere quod patrarat: & exponunt sancti (Chrysost. hom.

x. in Gen. & Augustinus Lib. IV. sup. Gen. ad litt. cap. xxi.) quod requievit a novis creaturis condendis. Sed in illa prima conditione non fuit alius modus rebus impositus quam ille quem nunc naturali ordine tenent. Ergo nunquam alium habebunt.

**4.** Præterea. Ista rerum dispositio quæ nunc est, rebus est naturalis. Si ergo in aliam dispositionem transmutentur, illa dispositio erit eis innaturalis. Sed illud quod est innaturale, & per accidens, non potest esse perpetuum, ut patet I. cæli, & mundi (text. xv. & cxxxiv.) Ergo etiam illa dispositio novitatis quandoque ab eis removebitur; & ita erit ponere circulationem quamdam in mundo, sicut Empedocles, & Origenes posuerunt, ut post hunc mundum sit iterum alius mundus, & post illum iterum alius.

**5.** Præterea. Novitas gloriæ in præmium rationali creaturæ datur. Sed ubi non est meritum, non potest esse præmium. Cum ergo creaturæ insensibiles nihil meruerint, videtur quod non innovabuntur.

Sed contra est quod habetur Isai. lxx. 17. *Ecce ego creo novos celos, & novam terram; & non erunt in memoria priora;* & Apocal. xxi. 1. *Vidi celum novum, & terram novam: primum enim celum, & prima terra abiit.*

Præterea. Habitatio debet habitatori congruere. Sed mundus factus est, ut sit habitatio hominis. (a) Sed homo innovabitur. Ergo & mundus innovabitur.

Præterea. Omne animal diligit suum simile, Eccl. xxi. ex quo patet quod similitudo est ratio amoris. Sed homo habet aliquam similitudinem cum universo, unde & minor mundus dicitur. Ergo homo universum diligit naturaliter: ergo & eius bonum concupiscit; & ita, ut satisfiat hominis desiderio, debet etiam universum meliorari.

## SOLUTIO.

Respondeo dicendum, quod omnia corporalia propter hominem facta esse creduntur, unde & omnia dicuntur ei esse subiecta. Serviunt autem ei dupliciter. Uno modo ad sustentationem vitæ corporalis; alio modo ad profectum divinæ cognitionis, in quantum homo per ea quæ facta sunt, invisibilia Dei conspiciat, ut dicitur Rom. 1. Primo ergo ministerio creaturarum homo glorificatus nullo modo indigebit, cum eius corpus omnino incorruptibile sit futurum; virtute divina id faciente per animam, quam immediate glorificat.

(a) Sic tantum vetera exempla. Niclas. Ergo debet homini congruere. Sed homo etc.

rificat. Secundo etiam ministerio non indigebit homo quantum ad cognitionem intellectivam, quia tali cognitione Deum sancti videbunt immediate per essentiam. Sed ad hanc visionem essentiae oculus carnis attingere non poterit: & ideo ut (a) ei solatium congruens sibi de visione Divinitatis praebeatur, inspiciet Divinitatem in suis effectibus corporalibus, in quibus manifeste iudicia divinae maiestatis apparebunt, & praecipue in carne Christi, & post hoc in corporibus beatorum, & deinceps in omnibus aliis corporibus: & ideo oportebit ut etiam alia corpora maiorem influentiam a divina bonitate suscipiant, non tamen speciem variantem, sed addentem cuiusdam gloriae perfectionem: & haec erit mundi innovatio: unde simul mundus innovabitur, & homo glorificabitur.

Ad primum ergo dicendum, quod Salomon ibi loquitur de cursu naturalium; quod patet ex hoc quod subditur: *Nihil sub sole novum*. Cum enim sol circulariter moveatur, oportet ea quae solis virtuti subsunt, circulationem aliquam habere, quae consistit in hoc quod illa quae priora fuerunt, iterum redeunt specie eadem, numero diversa, ut dicitur in fine Libri de generatione. Ea vero quae ad statum gloriae pertinent, soli non subsunt.

Ad secundum dicendum, quod ratio illa procedit de alteratione naturali, quae habet agens (b) naturale, quod ex necessitate naturae agit: non enim potest tale agens variam dispositionem inducere, nisi ipsum alio modo se habeat. Sed ea quae divinitus fiunt, procedunt ex libertate voluntatis: unde sine aliqua immutatione Dei volentis potest nunc haec, nunc illa dispositio ab ipso in universo existere: & sic ista innovatio non reducit in aliquod principium motum, sed in principium immobile, scilicet Deum.

Ad tertium dicendum, quod pro tanto dicitur Deus die septimo a novis creaturis condendis cessasse, quia nihil postea factum est quod prius non praecesserit in aliqua similitudine secundum genus, vel speciem, vel ad minus sicut in principio seminali, vel etiam sicut in potentia obedientiali. Dico ergo, quod novitas mundi futura praecessit quidem in operibus sex dierum in quadam remota similitudine, scilicet in gloria, vel gratia Angelorum: praecessit etiam in potentia obedientiae, quae creaturae (c) tunc

est indita ad talem novitatem suscipiendam a Deo agente.

Ad quartum dicendum, quod illa dispositio novitatis non erit naturalis, nec contraria naturae; sed erit supra naturam, sicut gratia, & gloria sunt supra animae naturam; & erit a perpetuo agente, quod eam perpetuo conservabit.

Ad quintum dicendum, quod quamvis corpora insensibilia non meruerint illam gloriam proprie loquendo; homo tamen meruit ut illa gloria toti universo conferretur, in quantum hoc cedit in augmentum gloriae hominis: sicut aliquis homo meretur ut ornatoribus vestibus induatur, quem tamen ornatum nullo modo ipsa vestis meretur.

## ARTICULUS II.

*Utrum motus corporum caelestium in illa mundi innovatione cessabit.*

IV. cons. Gen. cap. ult.

1. AD secundum sic proceditur. Videtur in illa mundi innovatione non cessabit. Quia Gen. viii. 22. dicitur: *Cunctis diebus terra frigus, & aestus, aestas, & hiems, nox, & dies non requiescent*. Sed nox, & dies, hiems, & aestas efficiuntur per motum solis. Ergo nunquam motus solis cessabit.

2. Praeterea. Hierem. xxxi. 35. dicitur: *Hac dicit Dominus, qui dat solem in lumine diei, ordinem luna, & stellarum in lumine noctis, qui turbat mare, & sonans fluctus eius.* (d) *Si steterint leges istae coram me, tunc & semen Israel nunquam deficiet, ut non sit gens coram me cunctis diebus.* Sed semen Israel nunquam deficiet, sed in perpetuum permanebit. Ergo leges diei, & noctis, & fluxum maris, quae ex motu caeli causantur, in perpetuum erunt: ergo motus caeli nunquam cessabit.

3. Praeterea. Substantia corporum caelestium semper erit. Sed frustra est ponere aliquid, nisi ponatur illud propter quod est factum: corpora autem caelestia ad hoc sunt facta, ut dividant diem, & noctem, & sint in signa, & tempora, & dies, & annos: Gen. i. quod non possunt facere nisi per motum. Ergo motus eorum semper manebit; alias frustra (e) illa corpora remanerent.

4. Prae-

(a) *Al. eius.* (b) *Al. non naturale.* (c) *Al. sic.* (d) *Vulgata: Si steterint leges istae coram me, dicit Dominus, tunc & semen Israel deficiet.* Vide solutionem ad secundum. (e) *Al. desit illa.*

4. Præterea. In illa mundi innovatione totus mundus meliorabitur. Ergo nulli corpori remanenti auferetur id quod est de sua perfectione. Sed motus est de perfectione corporis cælestis: quia, ut dicitur in II. cæli & mundi (text. lxxv.) illa corpora participant divinam bonitatem per motum. Ergo motus cæli non cessabit.

5. Præterea. Sol successive illuminat diversas partes mundi secundum quod circulariter movetur. Si ergo motus circularis cæli cesset, sequitur quod in aliqua superficie terræ erit perpetua obscuritas, quod non convenit illi novitati.

6. Præterea. Si motus cæli cesset, hoc non (a) est nisi inquantum motus aliquam imperfectionem in cælo ponit, utpote lassitudinis, vel laboris; quod non potest esse, cum motus ille sit naturalis, & cælestia corpora sint impassibilia, unde in suo motu non fatigantur, ut dicitur in II. cæli & mundi (text. rxi.) Ergo motus cæli nunquam cessabit.

7. Præterea. Frustra est potentia quæ non reducitur ad actum. Sed in quocumque situ ponatur corpus cæli, est in potentia ad alium situm. Ergo nisi reduceretur ad actum, potentia illa frustra remaneret, & semper esset imperfecta. Sed non potest reduci ad actum nisi per motum localem. Ergo semper movebitur.

8. Præterea. Illud quod se habet indifferenter ad plura, aut utrumque attribuitur ei, aut nullum. Sed fol indifferenter se habet ad hoc quod sit in oriente, vel occidente: alias motus eius non esset uniformis per totum, quia ad locum ubi naturalius esset, velocius moveretur. Ergo vel neuter situs attribuitur soli, vel uterque. Sed (b) nec uterque, nec neuter potest ei attribui nisi successive per motum: oportet enim, si quiescit, quod in aliquo situ quiescat. Ergo corpus solis in perpetuum movebitur; & eadem ratione omnia alia corpora cælestia.

9. Præterea. Motus cæli est causa temporis. Si ergo motus cæli deficiat, oportet tempus deficere; quod si deficeret, oportet quod deficeret in instanti: definitio autem instantis est in VIII. Physic. [text. xi.] quod est initium futuri, & finis præteriti; & sic post ultimum instans temporis esset tempus, quod est impossibile. Ergo motus cæli nunquam cessabit.

10. Præterea. Gloria non tollit naturam. Sed motus cæli est ei naturalis. Ergo per gloriam non ei tollitur.

1. Sed contra est quod dicitur Apocal. x. quod Angelus qui apparuit, iuravit per viventem in sæcula, quia tempus amplius non erit, scilicet postquam septimus Angelus tuba cecinerit, qua canente mortui resurgent, ut dicitur I. Corinth. xv. Sed si non est tempus, non est motus cæli. Ergo motus cæli cessabit.

2. Præterea. Isai. lx. 20. dicitur: *Non occidet ultra sol tuus, & luna tua non minuetur.* Sed occasus solis, & diminutio lunæ ex motu cæli causatur. Ergo motus cæli quandoque cessabit.

3. Præterea. Ut probatur in II. de generatione, [text. lviij.] motus cæli est propter continuum generationem in istis inferioribus. Sed generatio cessabit impleto numero electorum. Ergo motus cæli cessabit.

4. Præterea. Omnis motus est propter aliquem finem, ut dicitur in II. Metaphysic. [text. rxi.] Sed omnis motus qui est propter finem, habito fine quiescet. Ergo vel motus cæli nunquam consequeretur finem suum, & sic esset frustra; vel aliquando quiesceret.

5. Præterea. Quies est nobilior quam motus: quia secundum hoc quod res sunt immobiles, Deo assimilantur, in quo est summa immobilitas. Sed corporum inferiorum motus terminatur naturaliter ad quietem. Ergo cum corpora cælestia sint multo nobiliora, eorum motus naturaliter ad quietem terminabitur.

### SOLUTIO.

Respondeo dicendum, quod circa istam questionem est triplex positio.

Prima est Philosophorum, qui dicunt, quod motus cæli semper durabit. Sed hoc non est consonum fidei nostræ, quæ ponit certum numerum electorum præfixum a Deo; & sic oportet quod generatio hominum non in perpetuum duret, & eadem ratione nec alia quæ ad generationem hominis ordinantur, sicut est motus cæli, & variationes elementorum.

Alii vero dicunt, quod motus cæli cessabit secundum naturam. Sed hoc etiam est falsum: quia omne corpus quod naturaliter quiescit, & naturaliter movetur, habet locum in quo naturaliter quiescit, ad quem naturaliter movetur, & a quo non recedit nisi per violentiam. Nullus autem locus potest assignari corpori cælesti: quia non est magis naturalis soli accessus ad punctum orientis quam recessus ab

eo:

(a) *Al. esset.* (b) *Al. desit nec uterque.*

eo: unde vel motus eius non esset naturalis totaliter, vel motus eius non terminatur naturaliter ad quietem.

Unde dicendum est secundum alios, quod motus cæli cessabit in illa mundi innovatione, non quidem ex aliqua naturali causa, sed divina voluntate faciente. Corpus enim illud, sicut & alia, in ministerium hominis dupliciter facta sunt, ut prius dictum est. Altero autem horum ministeriorum homo post statum gloriæ non indigebit, scilicet secundum quod corpora ei deserviunt ad sustentationem corporalis vitæ: hoc autem modo corpus cæleste servit ei per motum, in quantum per motum cæli multiplicatur genus humanum, & generantur plântæ, & alia animalia, quæ usui hominum sunt necessaria, & temperies in aere efficitur, conservans sanitatem. Unde homine glorificato motus cæli cessabit.

Ad primum ergo dicendum, quod verba illa intelliguntur de terra secundum statum istum in quo potest esse principium generationis, & corruptionis plantarum; quod patet ex hoc quod ibi dicitur: *Constitis diebus terra sementis, & messis*: & hoc simpliciter concedendum est, quod quamdiu terra erit messibus, & sementibus apta, motus cæli non cessabit.

Et similiter dicendum ad secundum, quod Dominus loquitur ibi de duratione seminis Israel secundum præsentem statum; quod patet ex hoc quod dicit: *Et semen Israel deficiet, ut non sit gens coram me cunctis diebus*: vicissitudo enim dierum post statum istum non erit: & ideo etiam leges de quibus fecerat mentionem, post istum statum non erunt.

Ad tertium dicendum, quod finis qui ibi assignatur corporibus cælestibus, est finis proximus, quia est proprius eorum actus; sed iste actus ulterius ordinatur ad alium finem, scilicet ad ministerium humanum, ut patet per illud quod habetur Deut. xv. *Ne forte oculis elevatis ad celum videas solem, & lunam, & omnia astra celi; & errore deceptus adores ea quæ fecit Dominus Deus tuus in ministeriis cunctis gentibus quæ sub celo sunt*: & ideo magis debet iudicium lumen de corporibus cælestibus secundum ministerium hominum quam secundum finem in genere assignatum. Corpora autem cælestia per alium modum in ministerium hominis glorificati cedunt, sicut prius dictum est: & ideo non sequitur quod frustra remaneant.

Ad quartum dicendum, quod motus cæli

non est de perfectione corporis cælestis, nisi in quantum per hoc est causa generationis in istis inferioribus; & secundum hoc etiam motus ille facit corpus cæleste participare divinam bonitatem per quamdam similitudinem causalitatis; non autem motus est de perfectione substantiæ cæli, quæ remanebit: & ideo non sequitur quod motu cessante, aliquid de perfectione cæli tollatur, secundum quod remanebit.

Ad quintum dicendum, quod omnia corpora electorum, ut infra dicitur, habebunt in seipsis quamdam claritatem gloriæ: unde quavis aliqua superficies terræ non illuminetur a sole, nullo tamen modo remanebit ibi obscuritas.

Ad sextum dicendum, quod Rom. viii. super illud, *Omnis creatura ingemiscit &c.* dicit Glossa Ambrosii [Ambrosiasti] expressè, quod omnia elementa cum labore sua explent officia, sicut sol, & luna non sine labore statuta sibi implent spatia: quod est causa nostri: unde quiescent nobis assumptis. Laborantem ille, ut credo, non significat aliquam fatigationem, vel passionem illis corporibus accidentem ex motu, cum motus ille sit naturalis nihil habens de violentia adiunctum, ut probatur I. cæli & mundi [text. ix.] Sed labor ibi intelligitur defectus ab eo ad quod aliquid tendit: unde quia motus ille ordinatus est ex divina providentia ad complendum numerum electorum; illo incompleto nondum consequitur illud ad quod ordinatus est: & ideo similitudinarie dicitur laborare, sicut homo qui non habet quod intendit: & hic etiam defectus a cælo tollitur impleto numero electorum. Vel etiam potest referri ad desiderium futuræ innovationis, quam ex divina dispositione expectat.

Ad septimum dicendum, quod in corpore cælesti non est aliqua potentia quæ perficiatur per locum, vel quæ facta sit propter hunc finem qui est esse in tali loco; sed hoc modo se habet potentia ad ubi in corpore cælesti, sicut se habet potentia artificis ad hoc quod facit diversas domos unus modi; quatum si unam faciat, non dicitur frustra potentiam habere: & similiter in quocumque situ ponatur corpus cæleste, potentia quæ est in ipso ad ubi, non remanebit incompleta, nec frustra.

Ad octavum dicendum, quod quavis corpus cæleste secundum suam naturam æqualiter se habeat ad omnem situm qui est ei possibilis, tamen si comparetur ad ea quæ sunt extra ipsum, non æqualiter se habet ad omnes



mones situs, sed secundum unum situm nobilius disponitur respectu quorundam quam secundum alium, sicut quo ad nos nobiliter disponitur sol in die quam in nocte: & ideo probabile est, cum tota innovatio mundi habeat ordinem ad hominem, quod caelum in illa novitate habeat nobilissimum situm, qui est possibilis in respectu ad nostram (a) habitationem. Vel secundum quosdam caelum quiescet in illo situ in quo factum fuit; alias aliqua revolutio caeli remaneret incompleta. Sed ista ratio videtur inconveniens: quia cum aliqua revolutio sit in caelo quae non finitur nisi in triginta sex millibus annorum, sequeretur quod tamdiu mundus deberet durare; quod non videtur probabile. Et praeterea secundum hoc posset sciri quando mundus finiri deberet. Probabiliter enim colligitur ab astrologis, in quo sita corpora caelestia sunt facta, considerato numero annorum qui computatur ab initio mundi; & eodem modo posset sciri certus annorum numerus in quo ad dispositionem similem reverteretur. Tempus autem finis mundi ponitur esse ignotum.

Ad nonum dicendum, quod tempus quandoque deficiet motu caeli deficiente; nec illud nunc ultimum erit principium futuri: dicta enim distinctio non datur de nunc, nisi secundum quod est continuans partes temporis, non secundum quod est terminans totum tempus: & de hoc dictum est in 1. dist. II. Libri, cum de aeternitate mundi ageretur.

Ad decimum dicendum, quod motus caeli non dicitur naturalis, quasi sit pars naturae, eo modo quo principia naturae naturalia dicuntur: nec iterum hoc modo quod habeat principium activum in natura corporis, sed receptivum tantum. Principium autem activum eius est in substantia spiritali, ut dicit Commentator in 1. caeli & mundi: & ideo est inconveniens, si per novitatem glorie motus ille tollatur: non enim eo ablato natura corporis caelestis variabitur.

Alias rationes concedimus, scilicet (b) duas primas quae sunt ad oppositum: quia debito modo concludunt.

Sed quia aliae duae videntur concludere quod motus caeli naturaliter cesset, ideo ad eas respondendum est.

Ad primam ergo earum dicendum, quod motus cessat habito eo propter quod est, si illud sequatur motum, & non concomitetur ipsum.

S. Th. Oper. Tom. XIII.

(a) Ita Nicolaus, & Supplementum. Ad. habitabilem. m. humilitatem. (b) Error 1221: quippe caelo fuit. (c) Ad. quantumcumque.

Illud autem propter quod est motus caelestis secundum Philosophos, concomitatur motum, scilicet imitatio divinae bonitatis in causalitate quam habet super inferiora: & ideo non oportet quod naturaliter motus ille cesset.

Ad secundam dicendum, quod quamvis immobilitas sit simpliciter nobilior quam motus, tamen motus in eo quod per motum potest consequi aliquam perfectam participationem divinae bonitatis, est nobilior quam quies in illo quod nullo modo per motum possit illam perfectionem consequi: & ratione ista terra, quae est infimum corporum, est sine motu; quamvis ipse Deus, qui est nobilissimus rerum, sine motu sit, a quo corpora nobiliora moventur: & inde etiam quod motus superiorum corporum possent poni secundum viam naturae perpetui, nec umquam ad quietem terminari, quamvis motus inferiorum corporum ad quietem terminetur.

### ARTICULUS III.

*Utrum corporibus caelestibus claritas augeatur in illa innovatione.*

1. AD tertium sic proceditur. Videtur non augeatur in illa innovatione. Illa enim innovatio in corporibus inferioribus erit per ignem purgantem. Sed ignis purgans numquam pertingit ad corpora caelestia, ut praecedenti distinctione dictum est. Ergo corpora caelestia non innovabuntur per maiorem claritatis susceptionem.

2. Praeterea. Sicut corpora caelestia per motum sunt causa generationis in istis inferioribus, ita & per lucem. Sed cessante generatione, cessabit motus, ut dictum est. Ergo similiter cessabit lux caelestium corporum magis quam augeatur.

3. Praeterea. Si innovato homine corpora caelestia innoventur, oportet quod eo deteriorato fiant deteriora. Sed hoc non videtur probabile, cum illa corpora sint invariabilia quantum ad id quod est in substantia eorum. Ergo nec innovato homine innovabuntur.

4. Praeterea. Si deteriorata tunc fuerint, oportet quod tantum deteriorata fuerint quantum dicuntur esse melioranda in hominis innovatione. Sed Isai. xxx. 26. dicitur, quod tunc erit lux luna sicut lux solis. Ergo & in primo statu ante peccatum luna lucebat quantum nunc lucet sol. Ergo (c) quandocumque luna erat super terram, faciebat diem

LII sicut

sicut facit sol: & hoc manifeste apparet falsum per id quod dicitur Gen. 1. quod luna facta est, ut præflet nocti. Ergo homine peccante non sunt corpora cælestia diminuta in lumine, & ita nec eorum lumen augebitur, ut videtur, in hominis glorificatione.

5. Præterea. Claritas corporum cælestium ordinatur ad usum hominis, sicut & aliæ creaturæ. Sed post resurrectionem claritas solis non cedit in hominis usum: dicitur enim Isai. lx. 19. *Non eris tibi amplius sol ad lucendum per diem, neque splendor lune illuminabit te: & Apoc. xxi. 23.* dicitur, 'quod civitas illa beatorum non egebit sole, neque luna, ut luceant in ea. Ergo eorum claritas non augebitur.

6. Præterea. Non esset sapiens artifex qui maxima instrumenta faceret ad aliquod modicum artificium constituendum. Sed homo est quoddam minimum comparatione cælestium corporum, quæ sua ingenti magnitudine quasi incomparabiliter hominis quantitatem excedunt; immo etiam totius terræ, quæ habet se ad cælum ut punctum ad sphaeram, sicut Astrologi dicunt. Ergo cum Deus sit sapientissimus, non videtur quod finis creationis cæli sit homo; & ita non videtur quod eo peccante cælum deterioratum fuerit, nec eo glorificato melioretur.

Sed contra est quod dicitur Isai. xxx. 26. *Erit lux lune sicut lux solis, & lux solis septemplex fiet.*

Præterea. Totus mundus innovabitur in melius, ut supra dictum est. Sed cælum est nobilior pars mundi corporalis. Ergo in melius mutabitur. Sed hoc non potest esse, nisi maiori claritate resplendeat. Ergo maioribitur, & crescet claritas eius.

Præterea. Omnis creatura quæ ingemiscit, & parturit, expectat revelationem gloriæ futuræ filiorum Dei, ut dicitur Rom. viii. Sed etiam corpora cælestia sunt huiusmodi, ut ibidem dicit Glossa. Ergo expectant gloriæ sanctorum. Sed non expectarent, nisi ex hoc eis aliquid accresceret. Ergo claritas eis per hoc accrescet, quæ præcipue decorantur.

### SOLUTIO.

Respondeo dicendum, quod, sicut supra dictum est, ad hoc innovatio mundi ordinatur, ut etiam mundo innovato manifestus iudicii quasi sensibiliter Deus ab homine videatur. Creatura autem præcipue in Dei cognitionem (a) ducit sua specie, & decore, quæ manifestant sapientiam facientis, &

gubernantis: unde dicitur Sap. xiiii. 5. *A magnitudine speciei cognoscibiliter poteras Creator horum videri.* Pulchritudo autem cælestium corporum præcipue consistit in luce: unde Eccli. xliii. 10. *Species cæli gloria stellarum, mundum illuminans in exteßis Dominus:* & ideo præcipue quantum ad claritatem corpora cælestia meliorabuntur. Quantitas autem, & modus meliorationis illi soli cognita est qui erit meliorationis auctor.

Ad primum ergo dicendum, quod ignis purgans non causabit innovationis formam, sed disponet tantum ad eam purgando a seditate peccati, & ab impuritate commixtionis, quæ in corporibus cælestibus non invenitur: & ideo quamvis corpora cælestia per ignem non sint purganda, sunt tamen divinitus innovanda.

Ad secundum dicendum, quod motus non importat aliquam perfectionem in eo quod movetur, secundum quod in se consideratur, cum sit actus imperfecti; quamvis possit pertinere ad perfectionem corporis, in quantum est causa alicuius. Sed lux pertinet ad perfectionem corporis lucentis etiam in substantia sua considerati: & ideo postquam corpus cælestis desinet esse causa generationis, non remanebit motus, sed remanebit claritas eius.

Ad tertium dicendum, quod super illud Isai. xxx. *Erit lux lune sicut lux solis*, dicit Glossa (interlinealis.), "Omnia propter hominem facta in eius lapsu peiora," ta sunt, & sol, & luna suo lumine minorata: "quæ quidem minoratio a quibusdam intelligitur secundum realem luminis minorationem. Nec obstat quod corpora cælestia secundum naturam sint invariabilia: quia illa variatio facta est a divina virtute. Alii autem probabilius intelligunt, minorationem illam esse dicentes non secundum realem luminis defectum, sed quo ad usum hominis, qui non tantum beneficium ex lumine corporum cælestium post peccatum consecutus est, quantum ante fuisset (b) consecutus; per quem etiam modum dicitur Genes. iii. 17. *Maledicta terra in opere tuo... spinas, & tribulos germinabit tibi:* quæ tamen etiam ante spinas, & tribulos germinabat, sed non in hominis penam. Nec tamen sequitur, si lux cælestium corporum per essentiam minorata non est homine peccante, quod realiter non sit augenda in eius glorificatione: quia peccatum hominis non immutavit statum universi, cum etiam homo prius, & post, animale vitam habuerit,

(a) *Ad* ducitur. (b) *Ad* consecutus.

erit, quæ motu, & generatione creature corporalis indigeat. Sed glorificatio hominis statum totius creature corporalis immutabit, ut dictum est; & ideo non est simile.

Ad quartum dicendum, quod minoratio illa, ut probabilius æstimatur, non fuit secundum substantiam, sed secundum effectum: unde non sequitur quod luna existens super terram diem fecisset, sed quod tantum commodum ex lumine lune homo habuisset, sicut nunc habet ex lumine solis: & post resurrectionem, quando lux lune augmentabitur secundum rei veritatem, non erit alicubi nox super terram, sed solum in centro terræ ubi erit infernus: quia tunc, ut dicitur, luna lucebit quantum nunc lucet sol; sol autem in septuaginta quatuor modis luceat; corpora autem beatorum septies magis sole: quamvis hoc non sit aliqua auctoritate, vel ratione probatum.

Ad quintum dicendum, quod aliquid potest cedere in usum hominis dupliciter. Uno modo præter necessitatem; & sic nulla creatura cedit in usum hominis, quia ex Deo plenam sufficientiam habebit; & hoc significatur in auctoritate Apostoli inducta, quæ dicit, quod civitas non eget sole, vel luna. Alius usus est ad maiorem perfectionem: & sic homo alii creatoris utetur, non tamen quasi necessariis ad perveniendum in finem, sicut nunc eis utitur.

Ad sextum dicendum, quod ratio illa est Rabbi Moysi, qui omnino nititur improbare murdum propter hominem esse factum: unde hoc quod in veteri testamento de innovatione mundi legitur, sicut patet in auctoritatibus Isaie inductis, dicit metaphoricè esse dictum; ut sicut alicui dicitur obtinebrari sol, quando in magnam tristitiam incidit, ut nesciat quid faciat (qui etiam modus loquendi consuetus est in Scriptura) ita etiam e contrario dicitur ei sol magis lucere, & totus mundus innovari, quando ex statu tristitiæ in maximam exultationem convertitur. Sed hoc dissonat ab auctoritatibus, & expositionibus sanctorum. Unde rationi illi inductæ hoc modo respondendum est, quod quamvis corpora cælestia maxime excedant corpus hominis, tamen plus multo excedit anima rationalis cælestia corpora quam ipsa excedunt corpus humanum: unde non est inconveniens, si corpora cælestia propter hominem esse facta dicantur; non tamen sicut principalem finem, quia principalis finis omnium Deus est.

## ARTICULUS IV.

*Utrum elementa innovabuntur per receptionem alicuius claritatis.*

**A**D quartum sic proceditur. Videtur quod elementa non innovabuntur per receptionem alicuius claritatis. Sicut enim lux est claritas corporis cælestis propria, ita calidum, & frigidum, & humidum, & siccum sunt propriæ qualitates elementorum. Ergo sicut cælum innovatur per augmentum claritatis, ita debent innovari elementa per augmentum qualitatum asilvarum, & passivarum.

2. Præterea. Rarum, & densum sunt propriæ qualitates elementorum, quas elementa in illa innovatione non amittent, ut dictum est. Sed raritas, & densitas elementorum resistere videntur claritati, cum corpus clarum oporteat (a) alio modo condensatum esse: unde claritas aeris non videtur quod possit claritatem pati; & similiter etiam nec densitas terræ, quæ pervietatem tollit. Ergo non potest esse quod innoventur per alicuius claritatis additionem.

3. Præterea. Constat quod damnati erunt in terra. Sed ipsi erunt in tenebris non solum interioribus, sed etiam exterioribus. Ergo terra non dotabitur claritate in illa innovatione, & eadem ratione nec alia elementa.

4. Præterea. Multiplicatio claritatis in elementis multiplicat calorem. Si igitur in illa innovatione erit maior claritas elementorum quam nunc sit, erit etiam per consequens maior caliditas; & sic videtur quod transmutentur a naturalibus suis qualitatibus, quæ sunt eis secundum certam mensuram; quod est absurdum.

5. Præterea. Bonum universi, quod consistit in ordine, & harmonia, dignius est quam bonum alicuius naturæ singularis. Sed si creatura efficiatur melior, tollitur bonum universi: quia non remanebit eadem harmonia. Ergo si corpora elementaria, quæ secundum gradum suæ naturæ quem tenent in universo, claritatis debent esse expertia, claritatem recipiant, ex hoc magis deperiet perfectioni universi quam accrescet.

Sed contra est quod dicitur Apocalyp. 21. *Vidi cælum novum, & terram novam.* Sed cælum innovabitur per maiorem claritatem. Ergo & terra, & similiter alia elementa.

Lil 2

Præ-

(a) Nicolai aliquo.

Præterea. Corpora inferiora fuerunt in usum hominis, sicut & superiora. Sed creatura corporalis remunerabitur propter ministerium quod homini exhibuit, ut videtur dicere Glossa ad Rom. viii. Ergo etiam elementa clarificabuntur, sicut & alia corpora cælestia.

Præterea. Corpus hominis est ex elementis compositum. Ergo partes elementorum quæ sunt in corpore hominis, glorificato homine, glorificabuntur per receptionem claritatis. Sed eandem convenit esse dispositionem totius, & partis. Ergo & ipsa elementa convenit claritate dotari.

### SOLUTIO.

Respondeo dicendum, quod sicut est ordo cælestium spirituum ad spiritus terrenos, scilicet humanos, ita etiam est ordo cælestium corporum ad corpora terrestria. Cum autem creatura corporalis sit facta propter spirituale, & per eam regatur, oportet similiter disponi corporalia sicut spiritualia disponuntur. In illa autem ultima rerum consummatione spiritus inferiores accipient proprietates superiorum spirituum, quia homines erunt sicut Angeli in cælis, sicut dicitur Math. xxii. & hoc erit, inquantum ad maximam perfectionem deveniet id secundum quod humanus spiritus cum Angelico convenit. Unde & similiter cum corpora inferiora cum cælestibus non communicent nisi in natura lucis, & diaphani, ut dicitur in II. de Anima (text. lxxvii) oportet corpora inferiora maxime perfici secundum claritatem. Unde omnia elementa claritate quadam vestientur; non tamen æqualiter, sed secundum modum suum. Terra enim, ut dicitur, erit in superficie exteriori pervia sicut vitrum, aqua sicut crystallus, aer ut cælum, ignis ut luminaria cæli.

Ad primum ergo dicendum, quod, sicut supra dictum est, innovatio mundi ordinatur ad hoc quod homo etiam sensu in corporibus quodammodo per manifesta indicia Divinitatem videat. Inter sensus autem nostros spiritualior est visus, & subtilior: & ideo quantum ad qualitates visivas, quarum principium est lux, oportet omnia corpora inferiora maxime meliorari. Qualitates autem elementares pertinent ad tactum, qui est maxime materialis: & earum excessus contrarietatis magis est contristativus. Excessus autem lucis erit delectabilis, cum con-

trarietatem non habeat nisi propter organi debilitatem, quæ tunc non erit.

Ad secundum dicendum, quod aer non erit clarior sicut radios proiciens, sed sicut diaphanum illuminatum; terra vero quamvis ex natura sua opacitatem habeat propter defectum lucis, tamen ex divina virtute in sui superficie claritatis gloria vestietur sine præiudicio densitatis ipsius.

Ad tertium dicendum, quod in loco inferni non erit terra glorificata per claritatem, sed loco huius gloriæ habebit pars illa terræ spiritus rationales hominum, & demonum; qui quamvis ratione culpæ sint infimi, tamen ex dignitate naturæ sunt qualibet qualitate corporali superiores. Vel dicendum, quod etiam si tota terra glorificata, nihilominus reprobi in tenebris exterioribus erunt: quia etiam ignis inferni (a) qui aliquid eis lucebit, quantum ad aliud eis lucere non poterit, ut dist. ult. dicitur.

Ad quartum dicendum, quod claritas illa erit in istis corporalibus, sicut est in corporibus cælestibus, in quibus caliditatem non causat: quia corpora ista tunc erunt inalterabilia, sicut modo cælestia.

Ad quintum dicendum, quod non tolletur propter meliorationem elementorum ordo universi: quia etiam omnes alie partes meliorabuntur; & sic remanebit eadem harmonia.

### ARTICULUS V.

*Utrum planta, & animalia remaneant in illa innovatione.*

*IV. contr. Gen. cap. ult. post med.*

1. **A**D quantum sic proceditur. Videtur quod (b) plantæ, & animalia remaneant in illa innovatione. Elementis enim non debet aliquid subtrahi quod ad eorum ornatum pertinet. Sed animalibus, & plantis elementa ornari dicuntur. Ergo non auferentur (c) in illa innovatione.

2. Præterea. Sicut elementa homini servierunt, ita etiam animalia, & plantæ, & corpora mineralia. Sed elementa propter prædictum ministerium glorificabuntur. Ergo & animalia, & plantæ, & mineralia corpora glorificabuntur.

3. Præterea. Universum remanebit imperscriptum, si aliquid quod est de eius perfectione auferatur. Sed species animalium, & plantarum.

(a) Nicolaus: qui ad aliquid: per se qui quantum ad aliquid. (b) scilicet plantæ, & alia animalia. sic & in titulo. (c) scilicet in illa.

Plantarum, & corporum mineralium sunt de perfectione universi. Cum igitur non debeat dici, quod mundus in sua innovatione imperfectus remaneat, videtur quod oportet dicere, plantas, & animalia remanere.

¶ 4. Præterea. Animalia, & plantæ habent nobiliorem formam quam ipsa elementa. Sed mundus in illa finali innovatione in melius mutabitur. Ergo magis debent remanere animalia, & plantæ quam elementa, cum sint nobiliora.

5. Præterea. Inconveniens est dicere, quod naturalis appetitus frustretur. Sed secundum naturalem appetitum animalia, & plantæ appetunt esse perpetuum, etsi non secundum individuum, saltem secundum speciem: & ad hoc ordinatur eorum generatio continua, ut in II. de generat. (text. lxx.) dicitur. Ergo inconveniens est dicere, quod istæ species aliquando deficiant.

Sed contra. Si plantæ, & animalia remanebunt, aut omnia, aut quædam. Si omnia, oportebit etiam animalia bruta quæ prius fuerunt mortua resurgere, sicut & homines resurgere: quod dici non potest, quia cum forma eorum in nihilum cedat, non potest eadem numero resumî. Si autem non omnia, sed quædam, cum non sit maior ratio de uno quam de alio quod in perpetuum maneat, videtur quod nullum eorum in perpetuum manebit. Sed quidquid remanebit post mundi innovationem, in perpetuum erit, generatione, & corruptione cessante. Ergo plantæ, & animalia penitus post mundi innovationem non erunt.

Præterea. Secundum Philosophum in II. de generat. (text. lxxv. & lxxvi.) in animalibus, & plantis, & huiusmodi corporibus speciei perpetuitas non conservatur, nisi secundum continuationem motus celestis. Sed tunc motus celestis deficit. Ergo non poterit perpetuitas in istis speciebus conservari.

Præterea. Cessante fine, cessare debet id quod est ad finem. Sed animalia, & plantæ factæ sunt ad animale vitam hominis sustentandam: unde dicitur Gen. ix. 3. *Sicut olera virentia dedi vobis (a) omnem carnem*. Sed post illam innovationem animalis vita in homine non erit. Ergo nec plantæ, nec animalia remanere debent.

### SOLUTIO.

Respondeo dicendum, quod cum innovatio mundi propter hominem fiat, oportet

quod innovationi hominis conformetur. Homo autem innovatus de statu corruptionis (b) in incorruptionem transiet, ad statum perpetuæ quietis, ut dicitur I. Corinth. xv. 53. *Oportet corruptibile hoc induere incorruptionem*: & ideo mundus hoc modo innovabitur, ut abiecta omni corruptione, & transmutatione, perpetuo remaneat in quiete: unde ad illam innovationem nihil ordinari poterit nisi quod habet ordinem ad corruptionem. Huiusmodi autem sunt corpora celestia, elementa, & homines. Corpora enim celestia secundum sui naturam incorruptibilia sunt & secundum totum, & secundum partem; elementa vero sunt quidem corruptibilia secundum partes, & incorruptibilia secundum totum; homines vero corrumpuntur & secundum totum, & secundum partes; sed hoc ex parte materiæ, non ex parte formæ, scilicet animæ rationalis, quæ post corruptionem hominis remanet incorrupta; animalia vero bruta, & plantæ, & mineralia, & omnia corpora mixta corrumpuntur & secundum totum, & secundum partem, & ex parte materiæ quæ formam amittit, & ex parte formæ quæ actu non manet; & sic nullo modo habent ordinem ad incorruptionem. Unde in illa innovatione non manebunt, sed sola ea quæ dicta sunt.

Ad primum ergo dicendum, quod huiusmodi corpora dicuntur esse ad ornatum elementorum, inquantum virtutes activæ, & passivæ generales quæ sunt in elementis, ad speciales actiones contrahuntur: & ideo sunt ad ornatum elementorum in statu actionis, & passionis. Sed hic status in elementis non remanebit: unde nec animalia, nec plantas remanere oportet.

Ad secundum dicendum, quod nec animalia, nec plantæ, nec aliqua alia corpora in ministrando homini aliquid meruerunt, cum libertate arbitrii careant; sed pro tanto dicuntur quædam corpora remunerari, quia homo meruit illa innovarentur quæ ad innovationem ordinem habent. Plantæ autem, & animalia non habent ordinem ad innovationem incorruptionis, ut prædictum est: unde ex hoc homo non meruit illa innoventur: quia nullus potest alteri mereri nisi id cuius est capax, nec etiam sibi ipsi. Unde etiam dato quod animalia bruta mererentur in ministerio hominis, non tamen essent innovanda.

Ad tertium dicendum, quod sicut perfectio hominis multipliciter assignatur: est enim perfectio naturæ conditæ, & naturæ glo-

(a) Vulgata, omnia. (b) Ad incorruptionem transiet, & statum &c.

glorificatæ: ita etiam perfectio universi est duplex: una secundum statum huius mutabilitatis, altera secundum statum future novitatis. Plantæ autem, & animalia sunt de perfectione eius secundum statum istum, non autem secundum statum novitatis illius, cum ordinem ad eam non habeant.

Ad quartum dicendum, quod quamvis animalia, & plantæ quantum ad quædam alia, sint nobiliora quam ipsa elementa; tamen quantum ad ordinem incorruptionis, elementa sunt nobiliora, ut ex dictis patet.

Ad quintum dicendum, quod naturalis appetitus ad perpetuitatem, qui inest animalibus, & plantis, est accipiendus secundum ordinem ad motum cæli, ut scilicet tantum in esse permaneat, quantum motus cæli durabit: non enim potest appetitus esse in effectu ut permaneat ultra causam suam. Et ideo si cessante motu primi mobilis, plantæ, & animalia non maneant secundum speciem, non sequitur appetitum naturalem frustrari.

#### EXPOSITIO TEXTUS.

**C**um tamen virtute Divinitatis sit suscitatus, non humanitatis. Sed contra est quod dicitur in Glossa I. Corinth. xv. quod resurrectio Christi fuit causa: nostræ resurrectionis. Sed Christus secundum humanitatem resurrexit. Ergo virtute humanitatis corpora resuscitabit.

Et dicendum, quod, sicut Damascenus in III. Lib. (cap. xv.) dicit, humanitas Christi est quasi Divinitatis organum, sicut corpus animæ: unde effectus aliquis potest attribui humanitati Christi dupliciter. Uno modo secundum se, sicut attribuitur ei tangere leprosum, & huiusmodi; alio modo in quantum est instrumentum Divinitatis, sicut attribuitur ei tactu suo leprosum mundare. Hoc autem modo attribuitur humanitati Christi sua resurrectione nostram causare, sicut tactu suo leprosum mundare. Et quia instrumentum non agit nisi in virtute principalis agentis, inde est quod dicitur Christus resuscitaturus corpora: non virtute humanitatis, sed Divinitatis; quamvis sua resurrectio sit nostræ resurrectionis causa per modum quo tactus leprosi est causa mundationis.

*Per Verbum (a) Filium Dei sit animatum resurrectio, per Verbum factum in carne (b) filium hominis sit corporum resurrectio. Sed*

contra. Quia sicut resurrectio Christi dicitur esse causa resurrectionis nostræ corporalis, ita & spiritualis, ut patet per illud Rom. iv. 25. „Resurrexit propter iustificationem nostram.“

Et dicendum, quod utrumque sit principaliter virtute divina, & quasi instrumenta. Ite per operationem humanitatis Christi; sed tamen spiritualis resurrectio appropriatur Divinitati, corporalis vero humanitati per appropriationem quamdam; ut servetur similitudo inter effectum & causam.

*Filius cum Patre, & Spiritu sancto eadem vita est, quæ pertinet ad animam, non ad corpus. Sed contra. Quia omnis vita tam spiritualis quam corporalis oritur a vita divina, & imitatur eam, ut patet per Dionysium vi. cap. de divin. Nomin.*

Et dicendum, quod dicitur non pertinere ad corpus, quia corpus non potest eius esse particeps (c) per cognitionem, & amorem.

*Angeli deferent ante signum crucis. Sed contra est quod signum illud crucis non habet aliquem ordinem ad incorruptionem; & ita non remanebit post illam innovationem.*

Et dicendum, quod signum crucis non accipitur hic pro ipso ligno crucis dominicæ, sed pro aliqua representatione ipsius.

*Columnæ cæli pavent (d) adventum eius. Columnæ cæli hic dicuntur Angeli qui cælos movent, quia in eorum virtute sustentatur tota efficacia cælestis actionis, cum omnia corpora regantur per spiritum vitæ rationalem, ut Augustinus dicit III. de Trinit. (cap. iv.)*


*Quantum luxit sol in prima conditione septem dierum ante peccatum primi hominis, tantum lucebit post iudicium. Intelligenda est hæc comparatio secundum (e) commodum quod homo percipit ex lumine cælestium corporum, quod fuit maius ante peccatum quam post; quamvis post resurrectionem realiter magis luceant, ut dictum est.*

*Significat, solem, & lunam his qui erunt in æterna beatitudine, nullum lucis usum præstare. Hoc intelligendum est de usu necessitatis, ut prius dictum est.*

*Ne impiis in tormentis suis terra posui fruentur luce eorum. Secundum hoc videtur Isidorus sensisse, quod infernus sit in alia superficie terræ, quod tamen ab aliis dicatur, quod sit in profunda terræ. Quidam vero dicunt, Isidorum etiam hoc sensisse, quod infer-*

(a) Al. Filius. (b) Al. per filium. (c) Al. ad cognitionem. (d) Vulgata ad nunc ut supra. (e) Al. modum commodum.

ferens sit in profundo terræ; sed quod ex a-) in inferno pervenire posset, si sol terram circumferens sit superficie terræ sit aliquis magnus terræ cuius: quod utrum verum sit, omnino certum non est, unde lumen solis ad alios qui sunt tum non est.



## DISTINCTIO XLIX.

*De differentiâ mansionum in celo, & in inferno.*

POST resurrectionem vero facto universo, impletoque iudicio, suos fines habebunt civitates duæ, una Christi, alia diaboli, una bonorum, & altera malorum; utraque tamen Angelorum, & hominum. I) Istis voluntas, illis facultas non poterit esse peccandi, vel ulla conditio moriendi; istis in æterna vita feliciter viventibus, illis infeliciter in æterna morte moriendi potestate durantibus: quoniam utrique sine fine, sed in beatitudine isti, alius alio præstabilis, in miseria vero illi, alius alio tolerabilis permanebunt. Ex his apparet quod sicut boni differenter glorificabuntur, alii magis, alii minus; ita & mali differenter in inferno punientur. Sicut enim in domo Patris, idest in regno cælorum, mansiones multæ sunt, idest præmiorum differentiæ; ita & in gehenna diversæ sunt mansiones, idest suppliciorum differentiæ: omnes tamen æternam pœnam patientur, sicut omnes electi eundem habebunt denarium, quem paterfamilias dedit omnibus qui operati sunt in vinea. Nomine denarii aliquid omnibus electis commune intelligitur, scilicet vita æterna, Deus ipse, quo omnes fruuntur, sed impariter: nam sicut erit differentia clarificatio corporum, ita differens gloria erit animarum. Stella enim a stella, idest electus ab electo, differt in claritate mentis. J) & corporis. Alii enim aliis vicini, clariusque Dei speciem contemplabuntur, & ipsa contemplandi differentia diversitas mansionum vocatur. Domus ergo est una, idest denarius est unus, sed diversitas est ibi mansionum, idest different claritatis: quia unum est, & summum bonum beatitudo, & vita omnium, idest Deus ipse. Hoc bono omnes electi perfuuntur, sed alii aliis plenius. Perfruuntur vero videndo per speciem, non per speculum in ænigmate. Habere ergo vitam, est videre vitam, idest cognoscere Deum in specie. Unde Veritas ait in Evangelio ( Ioan. xvii. 3. ) „ Hæc est „ vita æterna ut cognoscant te, & quem misisti Iesum Christum, esse unum, & „ solum verum Deum; “ hoc est, habere vitam, idest cognoscere te, non est ipsa cognitio quæ tu es, sed per cognitionem habere bonum quod tu es, idest vita.

*Si omnes homines volunt esse beati.*

SOlet etiam quæri de beatitudine, utrum eam omnes velint, & sciant quæ sit vera beatitudo. De hoc Augustinus in XIII. Libro de Trinit. ( cap. iv. ) ita dicit „ Mirum est, cum capescendæ, retinendæque beatitudinis voluntas una sit „ omnium, unde tanta existat de ipsa beatitudine rursus diversitas voluntatum; non „ quod eam aliquis nolit, sed quod non omnes eam norint. Si enim eam omnes noscerent, non ab aliis putaretur esse in virtute animi, ab aliis in voluptate corporis, ab aliis atque aliis alibi atque alibi. Quomodo ergo omnes amant quod non omnes sciunt? Quis potest amare quod nescit? sicut supra disputavi. Cur beatitudo amatur ab omnibus, nec tamen scitur ab omnibus? An forte sciunt omnes quæ ipsa sit, sed non omnes sciunt ubi sit, & inde contentio est? An forte falsum est quod pro vero posuimus, beate vivere omnes homines velle? Si enim beate vivere est, verbi gratia, secundum animi virtutem vivere; quomodo beatitudo vivere vult qui hoc non vult? Nonne verius dicimus: Homo ille non vult „ bea-

„ beate vivere, quia non vult secundum virtutem vivere, quod solum est beate vi-  
 „ vere? Non ergo omnes beate vivere volunt, immo pauci hoc volunt; si non est  
 „ beate vivere, nisi secundum virtutem animi vivere, quod multi nolunt. Ita ne  
 „ falsum erit, unde nec Cicero dubitavit? ait enim: Beati certe omnes esse volu-  
 „ mus. Absit ut hoc falsum esse dicamus. Quid ergo? An dicendum est etiam, si  
 „ nihil aliud sit beate vivere quam secundum virtutem animi vivere, tamen &  
 „ qui hoc non vult, beate vivere vult? Nimis quidem hoc videtur absurdum. Ta-  
 „ men enim est ac si dicamus: Qui non vult vivere beate, beate vult vivere. Istam  
 „ repugnantiam quis audiat, quis seriat? Et tamen ad hanc contrudit necessitas, si  
 „ & omnes beate vivere velle verum est, & non omnes volunt sic vivere quomodo  
 „ solum vivitur beate. An illud ab his angustulis poterit nos erui, si dicamus, ni-  
 „ hil esse beate vivere, nisi vivere secundum delectationem suam; & ideo falsum  
 „ non esse quod omnes beate vivere velint, quia omnes ita volunt ut quemque de-  
 „ lectat? Sed id quidem falsum est. Velle enim quod non deceat, est esse miserrimum.  
 „ Nec tam miserum est te adipisci quod velis, quam adipisci velle quod non  
 „ oporteat. Quis ita cæcus sit ut dicat aliquem ideo beatum, quia vivit ut vult,  
 „ cum profecto, etsi miser esset, minus tamen esset, (1) si nihil eorum quæ  
 „ perperam voluisset, habere potuisset? Mala enim voluntate vel sola miser quis-  
 „ que efficitur; sed miserior cum desiderium malæ voluntatis impletur. Quapropter  
 „ quoniam verum est quod omnes homines esse beati velint, idque ardentissimo amore  
 „ appetant, & propter hoc cetera quæcumque appetunt; nec quisquam potest ama-  
 „ re quod omnino quid, vel quale sit, nescit; nec potest nescire quid sit quod se  
 „ velle scit: sequitur ut omnes beatam vitam sciant. Omnes autem beati habent  
 „ quod volunt, quamvis non omnes qui habent quod volunt, continuo sint beati.  
 „ Continuo autem miseri sunt qui vel non habent quod volunt, vel id habent quod  
 „ non recte volunt. Beatus ergo non est, nisi qui & habet omnia quæ vult, &  
 „ nihil vult male. Ille quippe beate vivit qui vivit ut vult, nec male aliquid vult.  
 „ Cum ergo ex his duobus constet beata vita, licet in malis sit aliquis bonus, non  
 „ tamen nisi finitis omnibus malis est beatus. Cum ergo ex hac vita, qui in his  
 „ miseriis fidelis, & bonus est, venerit ad beatam vitam, tunc erit vere quod nunc  
 „ nullo modo esse potest, ut sic homo vivat quomodo vult. Non enim ibi volet  
 „ male vivere, aut volet aliquid quod deest, aut deest aliquid quod voluerit. Quid-  
 „ quid amabitur aderit, nec desiderabitur quod non aderit: & omne quod ibi erit,  
 „ bonum erit, & summus Deus summum bonum erit; & quod est omnium beatif-  
 „ simum, ita semper fore certum erit. Beatos autem esse se velle omnium boni-  
 „ num est: beatos esse se velle omnes in corde suo vident; nec tamen omnium  
 „ est fides qua ad beatitudinem pervenitur. “

*Si quid de Deo cognoscit aliquis quod ibi non intelligant omnes.*

S Olet etiam queri, utrum aliquid de Deo cognoscat aliquis magis meritis, ut  
 Petrus, quod non cognoscit aliquis minus meritis, ut Linus. Pluribus vide-  
 tur quod omnia de Deo ad beatitudinem spectantia omnes communiter electi cognos-  
 cant, sed differenter. Nihil enim in Deo noscibile maius digniusque videtur quam  
 eum intelligere trinum & unum. Hoc (2) autem omnes tunc per speciem cognos-  
 cent. Unde sequitur ut non sit aliquid ad beatitudinem pertinens incognitum alicui  
 beatorum. Omnes ergo cuncta illa videbunt quorum cognitio servit beatitudini;  
 sed in modo videndi differet: alius enim alio magis, alius alio minus ful-  
 gebit:

(1) & de S. (2) X. M. c. xim.



**S**olet etiam queri, an in gaudio dispares sint, sicut in claritate cognitionis differunt. De hoc Augustinus ait ( Lib. XXII. de Civ. Dei cap. xxx. & Lib. de virg. cap. xxvi. & tract. lxxvii. in Ioan. ) „ Multæ mansiones in una domo erunt, scilicet variz præmiorum dignitates; sed ubi Deus erit omnia in omnibus, „ erit etiam in dispari claritate per gaudium, ut quod habebunt singuli, commu- „ ne sit omnibus: quia etiam gloria capitis omnium erit per vinculum caritatis. „ Ex his datur intelligi quod par gaudium omnes habebunt, etsi disparem cognitionis claritatem: quia per claritatem, quæ in singulis erit perfecta, tantum quisque gaudebit de bono alterius, quantum gauderet, si in seipso haberet. Sed si par erit cunctorum gaudium, videtur quod par sit omnium beatitudo; quod constat omnino non esse. Ad quod dici potest, quod beatitudo par esset, si ita esset par gaudium, ut etiam par esset cognitio; sed quia hoc non erit, non faciet paritas gaudii paritatem beatitudinis. Potest etiam sic accipi par gaudium, ut non referatur paritas ad intensiorem affectionis gaudendum, sed ad universitatem rerum de quibus gaudebitur: quia de omni re unde gaudebit unus, gaudebunt omnes.

*Si maior sit beatitudo sanctorum post iudicium.*

**P**ost hoc queri solet, si beatitudo sanctorum maior sit futura post iudicium quam interim. Sine omni scrupulo credendum est eos habituros maiorem gloriam post iudicium quam ante: quia & maius erit gaudium eorum, ut supra testatus est Augustinus, & amplior erit eorum cognitio. Unde Hieronymus ( implicite in cap. vi. Oiezz. ) „ Peracto iudicio, ampliorem gloriam suæ claritatis Deus demonstrabit electis. „ \* Si quem movet, quod opus sit spiritibus defunctorum corpora „ sua in resurrectione recipere, si eis potest sine corporibus summa beatitudo præberi; „ difficilis questio est, nec potest a nobis perfecte diffiniri; sed tamen dubium non „ est & rapam a carnis sensibus hominis mentem, & post mortem ipsa carne deposita non sic videre posse incommutabilem substantiam, idest Deam, sicut sancti Angelii vident, sive alia latentiori causa, sive ideo quia inest ei naturalis quidam appetitus corpus administrandi, quo retardatur quodammodo ne tota intentione pergat in illud summum cælum, donec ille appetitus conquiescat. Porro si tale sit corpus cuius sit difficilis, & gravis administratio, sicut hæc caro quæ corrumpitur, multo magis avertitur mens ab illa visione summi cæli. Proinde cum hoc corpus iam non animale, sed spirituale receperit æquata Angelis, habebit perfectum naturæ suæ modum, obediens, & impræcans, vivificata, & vivificans, tam ineffabili facultate, ut sit ei gloriæ quod fuit sarcinæ. „

#### DIVISIO TEXTUS.

**P**ostquam determinavit Magister de his quæ pertinent ad iudicium generale, in parte hac incipit determinare de præmiis, & pœnis quæ iudicium generale sequuntur: & dividitur in partes duas. In prima determinat de præmiis bonorum; in secunda de pœnis malorum, l. dist. ibi, *Hic oritur questio* &c. Prima autem pars dividitur in partes tres. In prima enim describit qualis erit beatitudo sanctorum, quæ eis in præmium post generale iudicium dabitur. In *S. Tb. Oper. Tom. XIII.*

secunda ostendit quomodo ad eam consequendam omnis humanus appetitus tendat, ibi, *Solet etiam queri de beatitudine, utrum omnes eam velint.* In tertia qualiter eam habentes, diversimode ipsam participant, ibi, *Solet etiam queri, utrum aliquid de Deo cognoscit aliquis magis meritis, ut Petrus, quod non cognoscit aliquis minus meritis, ut Linus.* Circa hoc tria facit. Primo ostendit diversitatem quæ in beatitudine sanctorum accidit ex parte cognitionis. Secundo ex parte gaudii, vel delectationis, ibi, *Solet etiam queri, an in gaudio dispares sint.* Tertio in *Mmm qui-*

EX EDIT. P. NICOLAI. \* Quæ subiunguntur, sunt Augustini Lib. XII. super Gen. ad lit. c. 22. xxxv. verbis paululum immutatis, vel mutatis, ut videre est ibi.

quirir de augmento beatitudinis, quod accidet ex refumptione corporis; ibi, *Pest hoc queri solet, si beatitudo sanctorum maior sit futura post iudicium quam interim.*

### QUÆSTIO I.

**H**ic queruntur quinque. Primo de beatitudine. Secundo de visione Dei, in qua principaliter beatitudo consistit. Tertio de delectatione, quæ formaliter beatitudinem complet. Quarto de dotibus, quæ in beatitudine continentur. Quinto de aureolis, quibus beatitudo perficitur, & decoratur.

Circa primum queruntur quatuor.

Primo. In quo sit querenda beatitudo.

Secundo. Quid sit.

Tertio. Utrum omnes eam appetant.

Quarto. Utrum ab omnibus æqualiter participetur.

### ARTICULUS I.

*Utrum beatitudo in bonis corporis consistat.*

1. 2. quæst. 2. art. 5. II. cont. Gen. cap. XXXII. & XXXVII. in prin.

**A**D primum sic proceditur. Videtur quod beatitudo in bonis corporis consistat. Quia quod a pluribus dicitur, impossibile est falsum esse totaliter, ut Commentator dicit in Libr. de Anima, & Philosophus dicit in VII. Ethicor. (cap. XII. vel XIV.) quod *opinio non perditur, quam populi multi famantur*. Sed maior hominum multitudo inclinatur ad querendum corporales delectationes, & corporalia bona quasi finem. Ergo finis humanæ vitæ in corporalibus bonis consistit. Finem autem humanæ vitæ dicimus beatitudinem. Ergo beatitudo in bonis corporis querenda est.

2. Præterea. Quanto aliquis finis est magis ultimus in consecutione, tanto prior est in intentione, & appetitu. Sed homo prius appetit corporale bonum quam spirituale, cum ex amore corporalium rerum in amorem invisibilium manuducamur, ut Gregorius dicit (homil. XI. in Evang.) Ergo bonum corporale est ultimus finis noster. Talis autem finis est beatitudo. Ergo in bonis corporalibus beatitudo est querenda.

3. Præterea. Quanto aliquod bonum est communius, tanto divinius, ut patet in I. Ethic. (cap. I.) Sed bonum corporale com-

munius est quam spirituale: quia corporale ad plantas, & animalia bruta se extendit, non autem spirituale. Ergo corporale bonum spirituali præminet; & ita in corporalibus bonis magis est beatitudo querenda.

4. Præterea. Beatitudo ab omnibus ponitur finis virtutis. Sed virtus habet finem suum non solum in bonis spiritualibus, sed etiam in corporalibus: per virtutem enim temperantiæ, & alias virtutes homo confervatur a nocivis etiam secundum corpus. Ergo beatitudo non solum in spiritualibus, sed etiam in corporalibus bonis est querenda.

5. Præterea. Secundum Philosophum in II. Physic. (text. LVIII.) felicitas, & fortuna circa idem esse videntur. Sed bona fortunæ sunt corporalia. Ergo bona in quibus consistit beatitudo, & felicitas, sunt corporalia.

6. Præterea. Homo ex anima, & corpore constituitur. Ergo bonum hominis debet esse commune animæ, & corpori. Sed bonum spirituale non potest esse commune corpori; bonum autem corporale potest esse commune animæ, inquantum anima de corporalibus delectatur. Ergo beatitudo, quæ est bonum hominis, magis consistit in corporalibus quam in spiritualibus bonis.

Sed contra. Illud quod convenit homini secundum corpus, potest esse commune sibi, & aliis animalibus. Sed beatitudo aliis animalibus non potest competere. Ergo beatitudo non est querenda in bonis corporis.

Præterea. Beatitudo est summum bonum hominis. Ergo in præcipuis hominis bonis est querenda. Sed bona animæ sunt nobiliora (a) bonis corporis, sicut & anima corpore nobilior. Ergo beatitudo est querenda in bonis animæ.

Præterea. Illud quod est ultima mensura, non est aliquo modo mensuratum. Ergo illud quod non potest esse bonum, nisi prout est mensuratum, non potest esse mensura ultima in rebus humanis; & ita nec ultimus finis, qui est beatitudo; cum finis sit mensura imponens modum his quæ sunt ad finem. Sed bona corporalia non sunt laudabilia, nec bona, nisi inquantum sunt mensurata mensura virtutis, ut patet per Philosophum in II. Ethic. (cap. I. & V.) Ergo in bonis corporalibus non potest esse beatitudo.

QUÆ.

(a) *id est, deus* bonis.

## QUAESTIUNCULA II.

1. Ulterius. Videtur quod beatitudo magis consistat in his quae sunt voluntatis, quam in his quae sunt intellectus. Quia beatitudo est summum bonum. Sed bonum est obiectum voluntatis inquantum huiusmodi, non autem intellectus. Ergo beatitudo magis consistit in actu voluntatis quam intellectus.

2. Praeterea. Defectio secundum Philosophum in VII. Ethic. (cap. 11.) ad beatitudinem requiritur: unde & in graecum nomen beatitudinis a gaudio accipitur. Sed defectio est in voluntate, sive in affectu. Ergo & beatitudo.

3. Praeterea. Secundum Philosophum in X. Ethic. (cap. viii. vel x.) inactu nobilissime virtutis consistit felicitas, sive beatitudo. Sed caritas est excellentissima omnium virtutum, ut patet per Apostolum I. Corinth. xiii. Ergo cum caritas sit in voluntate, ibi querenda est beatitudo.

4. Praeterea. Sicut anima imperat corpori, ita voluntas imperat intellectui, & per consequens est eo superior. Sed beatitudo magis ponitur in bonis animae quam corporis, quia anima est superior corpore. Ergo eadem ratione magis debet poni in voluntate quam in intellectu.

5. Praeterea. Beatitudo hominis consistit in perfecta coniunctione ad Deum. Sed perfectus homo coniungitur Deo per voluntatem quam per intellectum: unde dicit Hugo de Sancto Victore vii. cap. cxi. Hier. super illud, *Mobile, & acutum &c.* „Dilectio supereminet scientiam, & maior est intelligentia. Plus enim Deus diligitur quam intelligatur: intrat dilectio ubi scientia foris est.“ Ergo beatitudo consistit magis in dilectione quam in cognitione, & in voluntate quam in intellectu.

Sed contra est quod dicitur Ioan. xvii. 3. *Hac est vita aeterna ut cognoscant te verum Deum, & quem misisti Iesum Christum.* Sed vita aeterna est ipsa beatitudo. Ergo beatitudo in cognitione consistit.

Praeterea. I. Corinth. xv. super illud, *Cum tradideris regnum Deo, & Patri,* dicit Glossa (ex Augustino.) „Ideo, cum perduxerit credentes ad contemplationem Dei“ Patri, ubi est finis omnium, requiescent, piteria, & gaudium. „Sed hoc est beatitudo. Ergo in contemplatione intellectus beatitudo consistit.“

Praeterea. Philosophus in X. Ethic. (ubi sup.) ostendit quod in contemplatione vir-

tutis actu ultima hominis beatitudo consistit. Sed hoc pertinet ad intellectum. Ergo beatitudo maxime consistit in intellectu.

Praeterea. Secundum Philosophum in I. Ethic. (cap. v. vel ix.) bonum in quo per se est sufficientia, est felicitas, vel beatitudo. Sed hoc est in cognitione, ut patet Ioan. xiv. 8. *Domine ostende nobis Patrem, & sufficit nobis.* Ergo idem quod prius.

## QUAESTIUNCULA III.

1. Ulterius. Videtur quod beatitudo magis consistat in actu intellectus practici quam speculativi. Quanto enim aliquid bonum est communius, tanto est divinius, ut patet in I. Ethic. (cap. 1. vel 11.) Sed bonum intellectus speculativi est singulariter eius qui speculatur; bonum autem intellectus practici potest esse commune multorum. Ergo magis consistit beatitudo in intellectu practico quam speculativo.

2. Praeterea. Beatitudo est ultima perfectio hominis. Sed maior est perfectio alicuius rei secundum quod est causa alterius, quam secundum quod in se perfecta existit: unde dicit Dionysius in 111. cap. caelest. Hierarch. quod omnium divinius est Dei cooperatorem fieri in reductione aliorum. Per intellectum autem speculativum homo habet perfectionem in seipso; intellectus autem practicus est causa aliorum. Ergo beatitudo magis consistit in intellectu practico quam in speculativo.

3. Praeterea. Finis est conformis his quae sunt ad finem. Sed beatitudo est finis, & primum virtutum, ut in I. Ethic. (cap. 1. vel xiv.) dicitur: virtutes autem magis consistunt in operatione quam in cognitione: quia scire parum, vel nihil prodest ad virtutem, ut patet II. Ethic. (cap. 111. vel xv.) Ergo beatitudo magis consistit in intellectu practico quam in speculativo.

4. Praeterea. Beatitudo hominis consistit in eo quod est in homine nobilior. Sed intellectus practicus est nobilior speculativo, quia ipse legem ponit speculativo intellectui: per prudentiam enim legislatoris ordinatur qualiter quis discere debeat disciplinas speculativas, ut patet in I. Ethic. (cap. 1. vel 11.) Ergo beatitudo magis est in intellectu practico quam speculativo.

Sed contra. Beatitudo, cum sit ultimus finis, propter seipsam queritur, & non propter alterum. Sed cognitio practica ordinatur ad alterum tamquam ad finem, quia ad opus, ut in II. Metaph. (text. 111.) di-

citur; non autem speculativa, sed propter seipsam quaeritur, ut patet in I. Metaphys. (text. 111.) Ergo beatitudo magis consistit in intellectu speculativo quam practico.

Præterea. Beatitudo nostra consistit in hoc quod Deo coniungimur. Sed nos non coniungimur Deo per intellectum practicum, sed per speculativum. Ergo beatitudo magis consistit in intellectu speculativo quam practico.

Præterea. In ratione beatitudinis est diurnitas, & sufficientia, & delectatio. Sed in actu contemplativi intellectus est homo magis sufficiens sibi quam in actu intellectus practici, ad quem multis auxiliis exterioribus indiget: nullaque actio est in qua homo possit ita diu persistere sicut in contemplatione propter remotionem a corporeis instrumentis, quorum debilitas lassitudinem inducit: neque est aliqua delectatio ita pura sicut contemplationis, quia ei nullum contrarium admisceretur, neque enim contrarium habet. Ergo beatitudo maxime in actu intellectus speculativi consistit.

#### QUAESTIUNCULA IV.

1. Uterius. Videtur quod beatitudo in hac vita habeatur. Quia Matth. v. 3. dicitur: *Beati pauperes spiritu, quoniam ipsorum est regnum celorum*: & similiter: *Beati qui persecutionem patiuntur*: & cetera huiusmodi. Sed omnia hæc in hac vita habentur. Ergo beatitudo est in hac vita.

2. Præterea. Si beatitudo non posset esse in hac vita, nullus beatitudinem cognosceret, nisi qui de alia vita notitiam haberet. Sed multi Philosophi de beatitudine tractaverunt, futuram vitam penitus ignorantes. Ergo beatitudo potest etiam esse in hac vita.

3. Præterea. Præsens vita hominis est perfectior quam præsens vita alicuius alterius animalis. Sed vita præsens aliorum animalium includit finem ultimum eorumdem. Ergo & vita præsens hominis beatitudinem includit, qui est finis eius.

4. Præterea. Unaquæque res naturaliter desiderat finem suum. Sed ex desiderio finis nascitur desiderium eorum quæ sunt ad finem. Illa autem præcipue sunt ordinata ad finem sine quibus ad finem perveniri non potest. Sic autem ad beatitudinem hominis mors esset ordinata, si in hac vita beatitudinem habere non posset. Ergo homo naturaliter desiderat mortem; quod experimento

salsum esse sentitur, & auctoritati Apostoli contradicit, qui dicit II. Corinth. v. 4. *Nolumus expoliari, sed supervestiri*. Ergo beatitudo hominis est in hac vita.

Sed contra. Nullus potest esse beatus qui non habet hoc quod bene vult. Sed quilibet beatus bene, & ordinate vult sua beatitudine numquam posse privari. Ergo quicumque hoc non habet, non est vere beatus. Sed nullus hoc in hac vita habet: quia ipsam beatitudinem quam in hac vita habere posset, oportet quod ad minus mors tollat. Ergo beatitudo in hac vita haberi non potest.

Præterea. Nullus ad ultimum vite iam pervenit, cui restat aliquid appetendum, eo quod beatitudo in se sufficientiam habeat, ut etiam Philosophus dicit (X. Ethic. cap. vi. vel ix.) Sed quantumcumque aliquis sit in hac vita perfectus vel scientia, vel virtute, vel quocumque alio modo, adhuc ei restat aliquid appetendum, scilicet multa scire quæ nescit; immo bonitas etiam suæ perfectionis, quamdiu hæc vita durat, certa esse non potest; cum etiam sapientissimi, & perfectissimi viri per infirmitates corporales possint in insaniam devenire. Ergo beatitudo in hac vita haberi non potest.

Præterea. Beatitudo ab omnibus ponitur maximum bonum. Sed maximum bonum est quod est malo penitus impermixtum. Cum ergo vita hæc absque malis esse non possit, quantumcumque aliquis sit sapiens, & virtute perfectus (ut manifeste apparet varios casus hominis intuendo) videtur quod in hac vita beatitudo esse non possit.

#### SOLUTIO I.

Respondeo dicendum ad primam questionem, quod beatitudo, cum sit naturaliter ab omnibus hominibus desiderata, nominat ultimum humane vite finem. Finis autem cuiuslibet rei est operatio propria, vel per operationem propriam ad finem venit. Cum autem forma propria sit in qualibet re operationis propriæ principium; forma autem propria hominis, in quantum est homo, sit rationalis anima; oportet quod vel in ipsis actibus rationalis animæ beatitudo consistat, vel in his ad quæ homo per actus rationalis animæ comparatur. Hæc autem bona animæ dicuntur: unde necesse est beatitudinem consistere in bonis animæ etiam secundum Philosophos. Quod autem aliqui beatitudinem in bonis corporis ponunt, ex hoc provenit quod seipsos quod essent ignorabant: non enim

nigra

nim agnoscebant se secundum id quod est in eis melius, quod eorum esse formaliter compler, sed secundum id quod de eis exterius apparet: & secundum hoc in exterius bonis suam beatitudinem quaesierunt.

Ad primum ergo dicendum, quod multorum opinionem non est necesse esse veram simpliciter, sed secundum partem. Multitudo autem hominum in bonis corporis beatitudinem ponentium, quantum ad hoc veram opinionem habet, quod illud quod sibi optimum æstimant, hoc suam beatitudinem esse putant; & quantum ad hoc opinio eorum vera est, scilicet quod optimum hominis est beatitudo. Non autem oportet quod sit vera quantum ad hoc quod ponunt eam in bonis corporis: quia hæc opinio procedit ex falsa radice, qua scilicet æstimant se principaliter esse id quod sunt secundum corpora.

Ad secundum dicendum, quod hoc quod primo desideratur bonum corporale quam spirituale, per accidens contingit. Nostra enim cognitio ab universalioribus ad specialia procedit, ut patet I. Physic. (text. iv.) & ideo in principio nihil cognoscimus de fine hominis nisi hoc generale quod est quoddam optimum: & sicut cognoscimus, ita desideramus; & ideo inter illa bona quæ primo cognitioni occurrunt, æstimamus illud bonum. Priora autem in nostra cognitione sunt sensibilia: unde in principio æstimamus quasi summa bona, sensibilia bona; sed in fine quando cognitio nostra perficitur, habemus distinctam cognitionem de hominis fine, discernendo ipsum ab aliis; & tunc appetimus summum bonum ut est, scilicet in spiritualibus. Ratio autem procedit, ac si per se loquendo appetitus boni corporalis præcederet appetitum boni spiritualis.

Ad tertium dicendum, quod dupliciter aliquid dicitur esse commune. Uno modo per predicationem: huiusmodi autem commune non est idem numero lo diversis repertum: & hoc modo habet bonum corporis, communitatem. Alio modo est aliquid commune secundum participationem unius & eiusdem rei secundum numerum; & hæc communitas maxime potest in his quæ ad animam pertinent, inveniri: quia per ipsam attingitur ad id quod est commune bonum omnibus rebus, scilicet Deum: & ideo ratio non procedit.

Ad quartum dicendum, quod duplex est finis, scilicet finis operationis, & intentionis. Bonum ergo corporis potest esse finis virtutis, quasi quidam terminus, vel effectus

virtuosæ operationis; non autem sicut in quo stet virtutis intentio: quia cum virtus sit perfectio animæ, quæ est corpore nobilior, & nihil agat propter vilius se; non potest esse quod in bono corporis intentio virtutis quiescat.

Ad quintum dicendum, quod felicitas, & fortuna dicuntur aliorum dupliciter. Uno modo sicut subiectorum; & hoc modo felicitas, & fortuna sunt eiusdem: quia utrumque non nisi in rationalibus potest esse. Alio modo sicut obiectorum, vel materiæ; & sic impossibile est quod felicitas, & fortuna sint eorundem: quia fortuna est eorum quæ propter aliquid aguntur, quando aliquid præter intentionem accidit; felicitas autem, vel beatitudo est quæ ab omnibus intenditur, nec ad alterum ordinatur: & ideo licet corporalia bona dicantur fortuosæ materialiter, non tamen sequitur quod in corporalibus bonis felicitas consistat.

Ad sextum dicendum, quod licet homo ex anima & corpore consistat, tamen esse specificum habet ex anima, non ex corpore, quia forma cuiuslibet rei est principium esse eius speciei: unde & beatitudo hominis principaliter, & originaliter consistit in bonis animæ. Sicut enim corpus est propter animam sicut propter finem, & materia propter formam, ut patet in II. de Anima (text. iv. & xxv. & xxxvii.) ita & bona corporis ordinantur in animæ bona ut in finem: unde in bonis corporis beatitudo principaliter consistere non potest.

## SOLUTIO II.

Ad secundam quæstionem dicendum, quod beatitudinem esse in voluntate dupliciter potest intelligi. Uno modo ita quod sit voluntatis obiectum; & sic beatitudo, cum sit ultimus finis, & ex fine sit ratio boni, quod est voluntatis obiectum, oportet ponere beatitudinem in voluntate esse. Alio modo ita quod sit aliquis actus voluntatis; & sic beatitudo in voluntate esse non potest. Beatitudo enim ultimum finem hominis importat. Finis autem ultimus hominis potest accipi duplex: unus in ipso, & alius extra ipsum. In ipso, sicut operatio rei dicitur esse finis eius, cum omnes sit propter suam operationem. Finis vero extra ipsum est, ad quod per suam operationem pertingit. Non autem quælibet operatio potest dici finis, sed illa quæ fini exteriori primo coniungitur. & hoc dico quando res finem extra se habet: tunc enim oportet quod finis interio-

ad exteriorem ordinetur, ut sic finis exterior sit quasi finis ultimus, & finis interior, qui est operatio, sit ad illum ordinatus, sicut videmus quod res naturales per operationes quas habent, pertingunt secundum assimilationem quamdam ad divinam bonitatem, quæ est earum exterior finis. Non autem est possibile ut ipse voluntatis actus sit ultimus finis alicuius: quia cum voluntatis obiectum sit finis, hoc ipsum quod est vel se, & quilibet alius voluntatis actus, nihil est aliud quam ordinare aliqua in finem, unde præsupponit alium finem: & ideo si ipsum velle dicatur esse volitum, oportet præsupponere ante hoc aliquid esse volitum. Non enim potest intelligi in aliqua potentia reflexio super actum suum, nisi actu suo, in quem, sit reflexio, prius terminato per obiectum proprium, quod sit aliud ab ipso actu potentie illius: alias oporteret in infinitum procedere. Si enim intellectus intelligit se intelligere, oportet quod intelligat se intelligere aliquid: & si dicas quod intelligit se intelligere hoc quod est se intelligere, adhuc oportebit aliud ponere, & sic in infinitum. Patet ergo quod ipsum intelligere non potest esse primum obiectum intellectus, & eadem ratione nec ipsum velle potest esse obiectum primum voluntatis. Cum ergo obiectum primum voluntatis sit finis ultimus, impossibile est quod aliquis voluntatis actus sit ultimus finis voluntatis. Nec etiam potest dici, quod affectio finis exterioris sit per actum voluntatis immediata: intelligitur enim esse actus voluntatis ante affectionem finis, ut motus quidam in finem, post affectionem vero ut quietatio quædam in fine. Non potest autem esse quod voluntas nunc quietetur in fine in quem prius tendebat, nisi quia voluntas alio modo se habet ad finem quam prius, vel e converso. Illud ergo quod facit voluntatem hoc modo se habere ad finem, ut voluntas quietetur in ipso, est ultimus finis interior, qui primo coniungit exteriori fini: sicut si alicuius finis exterior sit pecunia, finis interior erit possessio pecunie; per quam homo se habet ad pecuniam, ut voluntas in ea quietetur. Cum ergo ultimus finis quasi exterior humanæ voluntatis sit Deus, non potest esse quod aliquis actus voluntatis sit interior finis; sed ille actus erit ultimus finis interior quo primo hoc modo se habet ad Deum, ut voluntas quietetur in ipso. Hæc autem est visio Dei secundum intellectum, quia per hanc sit quasi quidam

contactus Dei ad intellectum; cum omne cognitum sit in cognoscente, secundum quod cognoscitur; sicut etiam corporalis tactus ad delectabile corporeum inducit quietationem affectus. Et ideo ultimus finis hominis est in actu intellectus: & ita beatitudo, quæ est ultimus finis hominis, in intellectu consistit. Tamen id quod est ex parte voluntatis, scilicet quietatio ipsius in fine, quod potest dici delectatio, est quasi formaliter completus rationem beatitudinis, sicut superveniens visioni, in qua substantia beatitudinis consistit; ut sic voluntati attribuatur & prima habitudo ad finem, secundum quod affectionem finis appetit, & ultima secundum quod in fine iam affectu quietatur.

Ad primum ergo dicendum, quod ratio illa ostendit quod beatitudo sit in voluntate sicut suum obiectum, non autem quasi eius actus.

Ad secundum dicendum, quod delectatio requiritur ad beatitudinem quasi forma completiva beatitudinis: quia delectatio perficit operationem ut quidam finis superveniens, velut si invenibus luperveniat pulchritudo, quæ iuventutem decorat, ut dicitur X. Ethic. (cap. iv. vel vi.)

Ad tertium dicendum, quod caritas protanto dicitur esse altior virtus ceteris quæ sunt in via, quia ipsa est quæ ordinat omnes in Deum, ipsa est etiam cuius erit in patria ultima quietatio in Deum. Hoc tamen non dat ei quod actus eius sit substantia ipsa beatitudinis; sed vel inclinatio quædam in ipsam, sicut in statu viæ, vel quietatio in ipsa, sicut in statu patriæ.

Ad quartum dicendum, quod actus corporis non potest pertingere ut assequatur bonum animæ: sed actus intellectus potest pertingere ad assequendum bonum quod voluntas appetit: & ideo non est simile.

Ad quintum dicendum, quod per affectum homo perfectus Deo coniungitur quam per intellectum, inquantum coniunctio quæ est per affectum, supervenit perfectæ coniunctioni quæ est per intellectum, perficiens, & decorans eam; sed tamen oportet quod prima coniunctio sit semper per intellectum. Dilectio enim prius inclinat in coniunctionem perfectam appetendam, quam intellectus perfecte coniungat, quamvis non prius quam intellectus quoquo modo cognoscat, eo quod appetitus non potest esse incogniti omnino: & ideo dicit Hugo, quod scientia foris manet, ubi dilectio intus est.

## SOLUTIO III.

Ad tertiam quæstionem dicendum, quod, sicut ex iam dictis patet, secundum hoc in actu intellectus beatus hominis constituitur quod per ipsum est prima coniunctio hominis ad suum ultimum finem exteriorem, cui intellectus coniungitur, in quantum cognoscit ipsum. Illud autem quod est cognitum per intellectum practicum, non potest esse ultimus finis exterior, quia cognitio intellectus practici ordinatur ad cognitum sicut causa ad effectum. Effectus autem alicuius non potest esse ultimus finis eius, quia perfectio cause non dependet ab effectu, sed e converso: & ideo impossibile est quod beatus in actu intellectus practici consistat, sed solum in actu intellectus speculativi: & inde est quod omnis cognitio practica est propter aliquod aliud appetibile; sed cognitio speculativa magis appetitur propter seipsam.

Ad primum ergo dicendum, quod bonum cui intellectus speculativus coniungitur per cognitionem, est communis bono cui coniungitur intellectus practicus, in quantum intellectus speculativus magis separatur a particulari quam intellectus practicus, cuius cognitio in operatione perficitur, quæ in singularibus consistit. Sed hoc est verum quod affectus finis, ad quem pervenit intellectus speculativus, in quantum huiusmodi, est propria assequenti; sed affectus finis quem intellectus practicus intendit, potest esse propria, & communis, in quantum per intellectum practicum aliquis se, & alios dirigit in finem, ut patet in rectoris multitudinis; sed aliquis ex hoc quod speculatur, ipse singulariter dirigitur in speculationis finem. Ipse autem finis intellectus speculativi tantum præminet bono intellectus practici, quantum singularis affectus: eius excedit communem affectionem boni intellectus practici: & ideo perfectissima beatitudo in intellectu speculativo consistit.

Ad secundum dicendum, quod perfectus est habere aliquam perfectionem, & transfundere ipsam in alterum, quam solum habere eam in seipso. Non enim alio modo intelligi potest comparatio diutarum perfectionum, eo quod perfectio alicuius ut est causa, non potest esse, nisi simul sit perfectio eius (a) in seipso. Contingit autem maiorem esse perfectionem alicuius prout in

se perfectum est, quam secundum quod est causa alterius, quando non eandem perfectionem communicat, vel non tantam sicut habet; sicut maior est perfectio quæ consideratur in Deo secundum quod in se consistit, quam secundum quod (b) alia causat; & sic maior est perfectio speculatoris in quantum in se in speculando perfectus est, quam fabri in quantum facit cultellum. Perfectior autem esset ille qui speculando alios speculatores æqualiter sibi constitueret, quam ille qui ipse solus posset speculari.

Ad tertium dicendum, quod finis, & ea quæ sunt ad finem, non oportet esse conformia, quasi sint unius generis; sed oportet ibi esse conformitatem proportionis, ut scilicet ea quæ sunt ad finem, sint proportionata ad finem inducendum; & hoc modo virtutes conformantur beatitudini, quia ad beatitudinem inducunt per modum dispositionis, & meriti.

Ad quartum dicendum, quod intellectus speculativus simpliciter practico nobilior est, cum sit propter seipsum, practicus vero propter opus: nec intellectus practicus legem ei ponit: non enim dirigitur intellectus speculativus in iudicando de veritate rerum secundum aliquam legem ad intellectum practicum positam; sed intellectus practicus legem ponit propter intellectum speculativum, ut dicit Philosophus in VI. Ethic. (cap. 11.) dum ordinat qualiter aliquis ad perfectionem speculativi intellectus debeat pervenire; & ex hoc ostenditur intellectus practicus esse subserviens speculativo.

## SOLUTIO IV.

Ad quartam quæstionem dicendum, quod sicut in rebus naturalibus se habet motus ad terminum, ita involuntarius se habet appetitus finis, & eorum quæ propter finem appetuntur, ad consecutionem finis: & ideo sicut quando res naturalis pervenit ad terminum, cessat motus eius; ita voluntas cum habet quod quærit, appetitus eius desinit, conversus in amorem, vel delectationem. Beatitudo ergo cum sit finis, ad quem referuntur omnia desideria, oportet quod sit tale aliquid quod habito nihil ulterius desiderandum restet. Quilibet autem naturaliter esse desiderat, & permanere in bono quod ipse habet; & ideo ab omnibus beatitudo tale aliquid esse ponitur quod immobilizet eam.

(a) *M.* in seipso. (b) *M.* aliam.

habeat, & perpetuitatem. Sed de immobilitate, & perpetuitate beatitudinis humanæ aliqui diversimode iudicaverunt. Quidam enim dixerunt, quod de ratione humanæ beatitudinis non erat perpetuitas absoluta, sed perpetuitas respectu vitæ hominis. Nec tamen in hac perpetuitate consideranda est immobilitas quæ privaret potentiam ad immutationem, sed quæ tantum privaret immutationis actum. Et hæc fuit opinio Platonis, ut tangitur I. Ethic. (cap. x vel xi.) Posuit enim, illum hominem esse beatum in hac vita cuius beatitudo continuatur usque ad mortem ipsius. Sed quia conditio hominis, quantumcumque perfecti, in hac vita mutari potest, & de contingenti futuro non possumus habere certum iudicium; ideo de nullo homine ante mortem scire possumus, an sua perfectio continuetur sibi usque ad finem; sed in eius fine sciri poterit, si usque ad finem continuata est: & ita nullus potest dici beatus nisi in morte sua. Hanc autem positionem Philosophus improbat: quia inconveniens est ponere quod aliquis debeat dici beatus quando non est, & quod non possit dici (•) quando est. Si ergo beatitudo est in vita ista, si aliquis est beatus, dum vivit, beatus est; cum autem mortuus est, beatus non esset; & ita magis potest dici beatus cum vivit quam cum mortuus est. Unde Philosophus ibidem ponit aliam sententiam de beatitudine, sive de felicitate, ut scilicet dicatur, quod beatitudo secundum suam perfectam rationem perpetuitatem, & immobilitatem absolutam habeat. Sed secundum perfectam rationem beatitudo non est possibilis homini accidere; sed possibile est hominem esse in aliqua participatione ipsius, licet modica, & ex hoc eum dici beatum: & ideo non oportet hominem beatum esse perpetuum, & immutabilem simpliciter, sed secundum conditionem humanæ naturæ: unde subiungit: *Beatos autem ut homines*. Talis autem immutabilitas accidit homini quando sunt in ipso firmati habitus virtutum, ut non de facili possit deflecti ab actu secundum virtutem. Sed ista etiam positio non videtur esse rationabilis. Ab omnibus enim communiter ponitur quod felicitas, sive beatitudo est bonum rationalis, vel intellectualis naturæ: & ideo oportet quod ubi invenitur natura rationalis, vel intellectualis per essentiam, & non solum per participationem, etiam beatitudo ponatur per essentiam, & non per participationem: & ideo cum in homine sit non

solum aliqua redundantia intellectus, sicut est in brutis quædam redundantia rationis, in quantum participant aliqua prudentia, ut in eorum moribus apparet; sed est in eis ratio, & intellectus per essentiam; oportet ponere quod ad veram beatitudinem quandoque pervenire possit, & non tantum ad aliquam beatitudinis participationem; alias appetitus naturalis intellectualis naturæ quæ est in homine, frustraretur. Beatitudo autem vera non potest poni in hac vita propter mutabiles varias quibus homo subiacet: unde necesse est beatitudinem quæ est finis humanæ vitæ, esse post hanc vitam. Et hoc quidem concesserunt omnes Philosophi qui posuerunt animam, quæ est forma corporis, esse intellectum per essentiam: posuerunt enim animam immortalem. Illi vero qui posuerunt animam, quæ est forma humani corporis, non esse intellectum per essentiam, sed in ea esse refulgentiam quamdam intellectus qui est separatus, & unus communis omnibus, ponunt animam, quæ est corporis forma, esse corruptibilem, nec pervenire ad perfectam beatitudinem, sed solum ad aliquam beatitudinis participationem, qualis dicta est. Sed hæc opinio absurda est, ut patuit distinctione xvi. II. Libri (quæst. 11. art. 1.) Et ideo simpliciter concedimus veram hominis beatitudinem esse post hanc vitam. Non negamus tamen quin aliqua beatitudinis participatio in hac vita esse possit, secundum quod homo est perfectus in bonis rationis speculativæ principaliter, & practicæ secundario: & de hac felicitate Philosophus in Lib. Ethic. determinat, aliam, quæ est post hanc vitam, nec asserens, nec negans.

Ad primum ergo dicendum, quod, sicut dictum est in III. Lib. distinct. xxvi. beatitudines ibi dicuntur actus quidam perfectarum virtutum, secundum quos homo est in quadam participatione, & similitudine futuræ beatitudinis, quæ est vera beatitudo.

Ad secundum dicendum, quod illi Philosophi qui futuram vitam non posuerunt, de beatitudine loquentes, non locuti sunt de vera beatitudine, sed de participatione beatitudinis, sicut dictum est.

Ad tertium dicendum, quod finis humanæ vitæ plus superat finem vitæ aliorum animalium, quam vita superat vitam; & ex hoc ipsa vita hominis est nobilior quod ad nobiliorem finem ordinatur: unde non oportet quod includat ultimum finem suum, sicut vita aliorum animalium includit.

Ad

(•) id est, quod non est.



Ad quantum dicendum, quod quamvis homo naturaliter desideret finem, non tamen naturaliter desideret ea quæ sunt ad finem; sed ea desiderat appetitu rationali, consiliando de eis, & eligendo ipsa. Nec est inconveniens, aliquid quod secundum se est odibile, esse appetibile in ordine ad finem, sicut sectio membri est appetibilis propter sanitatem: & hoc modo mors, quam naturaliter quilibet refugit, est appetibilis propter beatitudinem, sicut dicitur Philip. 1. 23. *Desiderium habens dissolvi, & esse cum Christo.*

## ARTICULUS II.

*Utrum beatitudo sit quid increatum.*

1. AD secundum sic proceditur. Videtur quod beatitudo sit quid increatum. Primo per hoc quod dicit Boetius in III. de Consol. (prof. x.) quod beatitudo est ipsa Divinitas: unde concludit quod omnis beatus est Deus.

2. Præterea. Quod per superabundantiam dicitur, uni soli convenit. Sed Deus est summum bonum, cum sit omnis bonitatis causa; beatitudo etiam est summum bonum, cum ab omnibus tamquam finis ultimus consideretur. Ergo beatitudo est ipse solus Deus.

3. Præterea. Illud quod propter se tantum desiderabile est, habet rationem fruibilis, ut patet per Augustinum (Lib. I. de Doctr. christ. cap. 14.) Sed beatitudo est tantum propter se appetibilis, ut patet per Philosophum in I. Ethic. (cap. v.) Ergo beatitudine fruendum est. Sed solo Deo fruendum est, ut patet per Augustinum in I. de Doctrina christiana (ubi sup.) Ergo solus Deus est beatitudo.

4. Præterea. De ratione beatitudinis est quod sit in ea sufficientia. Sed in solo Deo sufficientiam invenit appetitus humanus: unde Augustinus dicit in Libro Confessionum (I. cap. 1.) *Inquietum est cor nostrum donec perveniat ad te.* Ergo solus Deus est ipsa beatitudo.

5. Præterea. Omne quod inest nobis, vel inest nobis essentialiter, vel est accidens. Sed beatitudo non est de essentia hominis: quia sic omnis homo, & semper esset beatus. Ergo si est aliquid in homine, erit accidens. Sed accidens non potest esse finis substantiæ, cum substantia sit nobilior accidente. Ergo impossibile est beatitudinem aliquid esse in nobis; & ita erit aliquid increatum.

*S. Th. Op. Tom. XIII.*

Sed contra est quod sicut iustitia participatione dicuntur homines iusti, ita per beatitudinis participationem dicuntur homines beati, ut patet per Boetium in III. de Consolat. (prof. x.) Sed iustitia est aliquid creatum in nobis. Ergo & beatitudo.

Præterea. Felicitas addita numero bonorum est eligibilior, ut patet per Philosophum in I. Ethic. (cap. viii. & xii.) Sed Deus quocumque addito non est eligibilior. Ergo felicitas est aliquid aliud quam Deus; & ita est aliquid creatum in nobis.

## QUÆSTIUNCULA II.

1. Uterque. Videtur quod felicitas non sit actus. Quia secundum Boetium in III. de Consol. (prof. 12.) *beatitudo est status omnium bonorum congregatione perfectior.* Sed status non nominat actum. Ergo beatitudo non est actus.

2. Præterea. Actum nostrorum nos sumus causa. Si ergo beatitudo in actu nostro constaret, nos essemus causa nostra beatitudinis; quod est absurdum.

3. Præterea. Si aliquid quod est in nobis sit ultimus finis, hoc erit præcipue illud quod nunquam propter aliud quaeritur. Sed delectatio non quaeritur propter aliud, sed propter seipsam. Ergo in delectatione maxime consistit beatitudo. Sed delectatio non est actus, sed passio. Ergo felicitas non est actus.

4. Præterea. Ab uno agente, & secundum unum habitum non possunt esse actus diversi. Si ergo beatitudo esset actus, essent eiusdem beati diversæ beatitudines; quod est absurdum.

5. Præterea. Beatitudo viz est quidam similitudo beatitudinis patris. Sed beatitudo viz non potest dici actus: quia sic dormientes amitterent beatitudinem. Ergo beatitudo patris non est actus.

Sed contra est quod Philosophus dicit in I. Ethic. (ubi sup.) quod felicitas est operatio secundum perfectam virtutem.

Præterea. Illud propter quod est res, est ultimus finis rei. Sed omnis res est propter suam operationem, ut dicitur in II. cæli & mundi (text. xvii.) Ergo operatio propria hominis est ultimus finis eius; & ita beatitudo ipsius est actus quidam.

Præterea. Homo secundum hoc beatus est quod ad Dei similitudinem maxime pertingit. Sed secundum hoc quod actu agit, maxime Deo assimilatur, quia sic est maxime in actu remotus a potentialitate.

Nnn Er-

Ergo beatitudo hominis consistit in eius operatione.

### QUÆSTIUNCULA III.

1. Ulterius. Videtur quod beatitudo hominis non sit idem quod vita æterna. Vivere enim viventibus est esse, ut dicitur in II. de Anima text. xxxvii. Sed beatitudo secundum Philosophum non consistit in essendo, sed in operando. Ergo beatitudo hominis non est aliqua vita.

2. Præterea. Ratio vitæ in motu consistit, ut patet per Commentatorem in Lib. de causis. Sed beatitudo includit in sui ratione intransmutabilitatem. Ergo beatitudo non est idem quod vita æterna.

3. Præterea. Beatitudo est homini communicabilis. Sed æternitas vitæ non potest ei communicari: quia quod in tempore factum est, non potest esse æternum. Ergo vita æterna non est idem quod beatitudo.

4. Præterea. Quæcumque in perpetuum durat, quodammodo vitæ æternitatem participant, secundum quod æternum largo modo accipitur pro perpetuo. Sed damnati in perpetuum durabunt in ignem æternum missi, ut patet Matth. xxv. non autem habebunt beatitudinem, sed summam miseriam. Ergo beatitudo, & vita æterna non sunt idem.

Sed contra. Id quod est finis humanæ vitæ, est beatitudo. Sed vita æterna est finis humanæ vitæ, ut patet Rom. vi. 22. *Habetis fructum vestrum in sanctificationem, finem vero vitam æternam.* Ergo &c.

Præterea. Ultima beatitudo hominis consistit in visione Dei, ut ex supra dictis patet. Sed in hoc consistit vita æterna, ut patet Ioan. xvii. 3. *Hæc est vita æterna, ut cognoscant te solum Deum verum, & quem misisti Iesum Christum.* Ergo beatitudo est idem quod vita æterna.

### QUÆSTIUNCULA IV.

1. Ulterius. Videtur quod beatitudo sit idem quod pax. Primo per hoc quod in Psal. cxlviii. 14. dicitur: *Qui posuisti fines tuos pacem.* Sed finis civitatis Dei, de qua ibi loquitur, est beatitudo. Ergo beatitudo est idem quod pax.

2. Præterea. Augustinus dicit XIX. de civ. Dei (cap. xi.) *Possumus dicere finem bonorum nostrorum esse pacem, sicut & æternam vitam.* Sed vita æterna est idem quod beatitudo. Ergo & pax.

3. Præterea. Illud quod naturaliter desideratur ab omnibus, & propter quod alia aguntur, videtur esse hominis beatitudo. Sed pacem omnes desiderant, & propter ipsam agunt quæ agunt, ut Augustinus dicit (ubi sup. cap. xii.) & Dionysius ii. cap. de div. Nom. Ergo pax est ipsa beatitudo.

4. Præterea. Pax quietem quamdam importat. Sed omnis mutationis finis est quies, ut per exemplum in naturalibus ostendi potest. Ergo totius vitæ nostræ mutabilis finis est pax; & sic pax est idem quod beatitudo.

Sed contra. Beatitudo est operatio quædam secundum Philosophum (ubi sup.) Sed pax non nominat actum aliquem, sed immobilitatem tantum. Ergo pax non est idem quod beatitudo.

Præterea. Pax maxime ad appetitum, vel voluntatem refertur, quia est quædam ipsius quietatio; beatitudo autem præcipue consistit in intellectu, ut supra dictum est. Ergo beatitudo non est idem quod pax.

### QUÆSTIUNCULA V.

1. Ulterius. Videtur quod beatitudo non sit idem quod regnum Dei. Regnum enim, quod dicitur a regendo, ad gubernationem providentiæ pertinere videtur. Sed providentia consistit in coordinatione eorum quæ sunt ad finem ipsum. Ergo regnum Dei non videtur ad beatitudinem pertinere, quæ est ultimus finis.

2. Præterea. Dionysius dicit xii. cap. de div. Nom. quod regnum est *omnis finis, & ornatus, & legis, & ordinis distributio.* Sed hæc distributio non solum pertinet ad homines, sed ad omnes creaturas, quibus Deus prædicta distribuit; beatitudo autem ad solas creaturas rationales. Ergo beatitudo non est idem quod regnum Dei.

3. Præterea. Regnum non importat aliquam perfectionem, nisi in presidente. Sed qui præest in regimine regni, est unus tantum, ut patet per Philosophum in VIII. Ethic. (cap. xi. vel xii.) Ergo regnum Dei non dicit aliquam perfectionem, nisi in ipso Deo. Sed beatitudo non solum dicit perfectionem in Deo, sed in omnibus beatis. Ergo beatitudo non est idem quod regnum Dei.

4. Præterea. Beatitudo non patitur commixtionem alicuius mali. Sed in regno Dei possunt esse aliqua mala: unde Matth. xii. dicitur, quod in fine mundi Angeli colligent

de

de regno Dei omnia scandala. Ergo regnum Dei non est ipsa beatitudo.

Sed contra est quod Augustinus dicit xxix. sermone ad patres in eremo, \* quod tres primæ petitiones in oratione dominica ad futuram beatitudinem pertinent. Una autem earum est, *Adveniat regnum tuum*. Ergo regnum Dei ad beatitudinem pertinet.

Præterea. Illud quod promittitur sanctis in præmium, est beatitudo. Sed regnum Dei est huiusmodi, ut patet Matth. v. 10. *Beati qui persecutionem patiuntur propter iustitiam, quoniam ipsorum est regnum celorum*. Ergo regnum celorum est ipsa beatitudo.

## SOLUTIO I.

Respondeo dicendum ad primam questionem, quod bonum quod omnia concupiscunt, est esse, ut patet per Boetium in Lib. de Consolat. (III. prof. xi.) unde ultimum desideratum ab omnibus est esse perfectum, secundum quod est possibile in natura illa. Omne autem quod habet esse ab alio, perfectiorem sui esse ab alio habet: quia tanto perfectius esse recipit unumquodque, quanto verius coniungitur essendi principio: unde inferiora corpora propter longe distare a primo principio, esse corruptibile habent, ut patet II. de generat. (text. lxx.) Et ideo ultimus finis cuiuslibet rei habentis esse ab alio est duplex: unus exterior, secundum scilicet id quod est desideratum perfectionis principium; alius interior, scilicet ipsa sua perfectio, quam facit coniunctio ad principium. Unde cum beatitudo sit ultimus hominis finis, duplex erit beatitudo. Una quæ est in ipso, scilicet quæ est ultima eius perfectio, ad quam possibile est ipsum pervenire; & hæc est beatitudo creata. Alia vero est extra ipsum, per cuius coniunctionem præmissa beatitudo in eo causatur; & hæc est beatitudo increata, quæ est ipse Deus.

Ad primum ergo dicendum, quod sicut ipse Deus est bonus per essentiam suam, omnia vero alia sunt bona per participationem, ut dicitur in Libro de hebdomadibus; ita ipse solus Deus est beatitudo per suam essentiam, alii vero beati sunt participatione: unde beatitudo creata est quædam participatio, & similitudo beatitudinis increate; non est tamen essentialiter beatitudo, quasi faciens

homines per essentiam suam beatos: & sic intelligenda est auctoritas Boetii.

Ad secundum dicendum, quod beatitudo creata non est summum bonum simpliciter, sed summum bonum inter bona humana; sed Deus est summum bonum simpliciter: & ideo ratio non sequitur.

Ad tertium dicendum, quod duplex est diligibile: unum quod diligitur per modum benevolentiz, quando volumus bonum alicuius propter seipsum, sicut diligimus amicos, etiam si nihil ex eis nobis debeat accipere. Aliud quod diligitur (a) dilectione concupiscentiz; & hoc est vel bonum quod in nobis est, vel quia ex eo in nobis aliquid bonum fit; sicut diligimus delectationem, vel vinum, inquantum facit delectationem. Quidquid autem diligitur dilectione concupiscentiz, non potest esse ultimum dilectum, cum ad bonum alterius referatur, eius scilicet qui concupiscitur; sed illud quod diligitur amore benevolentiz, potest esse ultimum dilectum. Beatitudo ergo creata quæ in nobis est, non diligitur nisi dilectione concupiscentiz: unde eius dilectionem referimus ad nos, & per consequens referimus eam in Deum, cum & nos in Deum referre debeamus: & ita non potest esse ultimum dilectum; est tamen ultimum concupitum ex hoc ipso quod est maximum bonum, quod nobis ex conjunctione ad Deum provenit: & ideo dicitur esse propter se questum, vel desideratum: utrumque enim importat aliquid ultimum in his quæ diliguntur amore concupiscentiz. Etsi enim Deus concupiscatur, tamen idem est concupiscere Deum, & maximum bonorum, quod nobis ex Deo provenit, sicut idem est concupiscere vinum, & effectum vini in nobis, puta delectationem.

Ad quartum dicendum, quod in solo Deo invenitur sufficientia sicut in principio omnis boni, quod quærit appetitus; sed ex divino munere invenitur sufficientia quoad ipsos in illis quibus a Deo confertur ut omnia bona sufficienter habeant.

Ad quintum dicendum, quod quamvis omne accedens, inquantum huiusmodi, sit substantia igoobilis; tamen aliquod accedens quantum ad aliquid potest esse substantia dignius. Potest enim accedens considerari dupliciter. Uno modo secundum quod inhæret subiecto, ex quo habet rationem accidentis;

Nun 2 & sic

(a) .M. delectatione.

EX EDIT. P. NICOLAI. \* Qui Augustini tamen non sunt, etsi non desint etiam nunc qui eos illi vendicare contendunt, sed inani conatu.

& sic omne accidens substantia indignius est. Alio modo potest considerari in ordine ad aliquid extra; & sic aliquod accidens potest esse substantia nobilior, inquantum per ipsum substantia aliqua coniungitur alicui nobiliori se: & hoc modo beatitudo creata, & gratia, & huiusmodi sunt aliquid nobilior natura animæ cui inhaerent. Est etiam aliqua consideratio secundum quam omne accidens nobilior est, inquantum scilicet substantia comparatur ad accidens sibi inhaerens sicut potentia ad actum.

### SOLUTIO II.

Ad secundam questionem dicendum, quod, sicut ex dictis patet, ultimus finis rei in ipsa re acceptus, est id per quod coniungitur res suo fini exteriori, qui est principium suæ perfectionis. Deo autem, qui est ultimus finis rerum, res dupliciter coniungi possunt. Uno modo per modum assimilationis, ut sic dicatur illa res esse Deo coniunctissima quæ est Deo similissima; & secundum hoc oportet illud in unaquaque re esse ultimum eius finem, secundum quod maxime Deo assimilatur. Unumquodque autem secundum hoc ad Dei similitudinem accedit quod est actus, recedit vero secundum quod est potentia; & illud per quod res maxime est in actu, est eius ultimus finis. Alio modo pertingendo ad ipsum Deum: quæ quidem coniunctio soli creaturæ rationali est possibilis, quæ potest ipsi Deo coniungi per cognitionem, & amorem, eo quod Deus est obiectum operationis eius, non autem operationis alicuius alterius creaturæ. Quocumque autem modo consideretur ultima perfectio hominis, quæ est eius finis, oportet eam ponere in genere actus. Si enim consideremus modum coniunctionis ad Deum, quæ est communis omnibus creaturis, cum res magis sit in actu secundum quod est operans, quam secundum quod est potens operari, erit ultima perfectio uniuscuiusque rei sua operatio perfecta: unde res esse dicitur propter suam operationem. Similiter si consideremus coniunctionem quæ est propria rationalis creaturæ, ultima perfectio hominis in operatione consistit: habitus enim non coniungitur obiecto nisi mediante actu: & ideo oportet quod beatitudo in genere actus ponatur. Tamen hæc secunda consideratio propinquius inducit in considerationem beatitudinis quam prima, quia beatitudo non est nisi rationalis creaturæ.

Ad primum ergo dicendum, quod in quolibet ordine omnia quæ sunt ad finem, cooperantur ad ultimum finem: unde cum perfecta hominis operatio sit ultimus finis eius, sicut & uniuscuiusque rei, omne bonum hominis cooperatur ad perfectam operationem ipsius; sicut ad perfectam operationem hominis in hac vita cooperantur habitus, quibus (a) actus informantur, & alia bona naturalia sicut principia actuum, & bona exteriora sicut instrumentaliter necessaria ad perfectam operationem. Ita ergo omnium bonorum congregatio ponitur esse beatitudo, inquantum omnia bona congregata coadiuvant ad operationem perfectissimam hominis, quæ est essentialiter ipsa beatitudo. Prædicta etiam bona omnia ordinantur ad beatitudinem patriæ, secundum quod per eorum usum meremur: & quamvis non omnia in beatitudine illa maneant per se ipsa, manent tamen in sibi succedentibus, sicut fidei succedit visio, & divinitus temporalibus succedit sufficientia bonorum æternorum.

Ad secundum dicendum, quod in actu duo consideranda sunt, scilicet substantia actus, & forma ipsius, a qua perfectionem habet actus. Ergo secundum substantiam principium est naturalis potentia; sed secundum formam suam principium est eius habitus. Si ergo habitus ille sit acquisitus, totaliter nostri actus causa erimus; si vero (b) sit infusus, erit eius perfectio a causa exteriori, quæ habitum causat. Actus autem noster non ponitur esse beatitudo, nisi ratione suæ perfectionis, ex qua habet quod fini exteriori nobilissime coniungatur: & ideo nostræ beatitudinis non sumus nos causa, sed Deus.

Ad tertium dicendum, quod duplex est delectatio. Una quæ præcedit affectionem finis, & hæc est ordinabilis in aliud: potest enim ordinari ad perfectam operationem, inquantum videlicet illa in quibus delectamur, (c) attentius agimus. Alia delectatio est quæ consequitur affectionem finis, & illa efficitur per operationem quæ fini coniungit: & ideo hæc delectatio non est ipsa beatitudo, sed quædam beatitudinis perfectio, & forma, ut supra dictum est.

Ad quartum dicendum, quod multitudo actuum ab eodem habitu procedentium respectu eiusdem obiecti non causatur nisi ex interruptione temporis: & ideo in beatitudine perfecta, ubi non erit aliqua interruptio, sed continua operatio, non erit nisi una beatitudo.

Ad quintum dicendum, quod, sicut supra

(a) actus. (b) infusus. (c) attentius.

dictum est, beatitudo viæ non est perfecta beatitudo, sed quædam participatio beatitudinis: & ideo non semper est in actu, sed quandoque est in habitu: unde dormiens non potest dici beatus quantum ad id quod tunc habet, sed in quantum ipsa operatio est in eo habitualiter. Secundum enim quod effectus sunt in suis causis, sic operationes sunt in habitibus.

## SOLUTIO III.

Ad tertiam quæstionem dicendum, quod vita dicitur dupliciter. Uno modo ipsum esse viventis, quia, ut in II. de Anima (text. xxxvii.) dicitur, vivere viventibus est esse. Ex hoc autem dicitur aliquid vivens quod potest seipsum movere secundum aliquam actionem: unde & plantæ dicuntur vivere ex hoc quod movent se secundum augmentum; & animalia ulterius, in quantum movent se secundum locum, & in quantum movent se ad sentiendum; in homine autem ulterius, in quantum potest se movere ad volendum, & intelligendum. Cuiuslibet autem potentie perfectio est suus actus: unde secundo translatus est nomen vitæ ad significandum operationem ad quam aliquis seipsum movet, sicut sentire dicitur vita animalis, & intelligere vita hominis: & secundum hunc modum unusquisque illam operationem suam vitam reputat cui maxime intendit, quasi ad hoc sit totum esse suum ordinatum; secundum quem modum loquendi dicitur: Iste ducit talem, vel talem vitam; & sic Epicuræi posuerunt beatitudinem esse vitam voluptuosam. Operatio autem non mensuratur tempore, nisi secundum quod est motui adiuncta: unde & operationes quæ non adiunguntur motui, sed termino motus, non mensurantur tempore, sed instanti, ut patet de illuminatione. Et ideo si esset aliqua operatio omnino transcendens motum, talis operatio non mensurabitur tempore, sed mensura quæ est supra tempus. Visio autem Dei, quæ ponitur esse beatitudo hominis, non potest esse actio tempore mensurata secundum seipsam, cum non sit successiva; nec ex parte videntis, aut visi, cum utrumque sit eita motum: unde sicut nec tempore, ita nec instanti, quod est terminus temporis, mensurari potest. Non potest etiam mensurari ævo: quia ævum, secundum quod ab æternitate distinguitur, pertinet ad creaturas immutabiles; hæc autem visio excedit naturalem potentiam creaturæ, cum ad eam nulla creatura ex suis naturalibus pertingeret.

re possit: unde propria mensura eius est ipsa æternitas: & ideo visio Dei, quæ est ipsa beatitudo, est ipsa vita æterna.

Ad primum ergo patet responsio ex dictis.

Ad secundum dicendum, quod quamvis vita primo ex motu sit cognita, quia per motum primo viventia a non viventibus distincta sunt; tamen nomen vitæ se extendit ulterius ad omnes operationes quæ non sunt ab aliquo exteriori movente, sicut velle, intelligere, & huiusmodi: unde etiam ad huiusmodi operationes nomen motus transfertur, ut cum dicimus intelligere, motum esse intellectus; & velle, motum voluntatis.

Ad tertium dicendum, quod æternitas non est communicabilis homini, ita quod sit eius mensura adæquata, vel alicuius quod in ipso est, ut probat ratio inducta. Potest tamen homini communicari secundum quamdam participationem, ut sicut homo fit particeps divinæ operationis in videndo Deum, ita fiat particeps æternitatis, qua divina operatio mensuratur: & sic ipsa eius operatio dicitur vita æterna.

Ad quartum dicendum, quod vita æterna quæ a sanctis habebitur, dicitur secundum participationem æternitatis non solum quantum ad defectum finis, per quem modum etiam damnatorum pœna æterna dicitur, sed ulterius quantum ad remotionem omnis mutationis non solum in actu, quam etiam ævum excludit, sed etiam in potentia: quia sancti ex hoc quod Deo adhærebunt, stabilitatem ex divino munere consequentur, ut scilicet transmutari non possint; quod Deus habet ex natura, ratione cuius est æternus.

## SOLUTIO IV.

Ad quartam quæstionem dicendum, quod, sicut dicit Augustinus XIX. de Civit. Dei (cap. xxi.) pax omnium rerum est tranquillitas ordinis: ex quo patet quod ex hoc ratio pacis assumitur quod aliquid non impeditur a recto ordine: tranquillitas enim perturbationem impediendi excludit. Pax autem præcipue respicit illum ordinem quo voluntas in aliquid ordinatur: unde & tunc dicimus hominem pacem habere quando nihil est quod impediatur ordinem suæ voluntatis in aliquid: & similiter dicimus pacem esse in civitate, quando nihil est quod perturbet rectum ordinem civitatis, qui est ex voluntate gubernatoris civitatis: & secundum etiam quod inanimata appetitum naturalem habet.

habere dicuntur, ponimus unamquamque rem habere pacem, secundum quod non impeditur ab inclinatione quam habet in suum finem, quem naturaliter appetit. Operatio nem autem in qua beatitudo consistit, oportet esse operationem non impeditam, quia impedimentum aliquid de eius perfectione detraheret: unde etiam delectatio quae perfectam operationem consequitur, causatur ex operatione non impedita, ut dicitur in VII. Ethic. (cap. XIII. vel XIV.) & ideo ad beatitudinem requiritur pax, non quia sit ipsa essentia beatitudinis, sed sicut remotio eorum quae possent beatitudinem impedire. Et quia ex hoc ipso quod desideratur aliquid, contrarium eius refugit appetitus, ideo ex hoc ipso quod omnes appetunt beatitudinem naturaliter, etiam naturaliter refugunt beatitudinis impedimenta: & hoc est eos naturaliter desiderare pacem.

Ad primum ergo dicendum, quod pax dicitur esse finis civitatis Dei, quasi propinquissima dispositio ad finem, quae est simul cum ipso fine; & non quasi ipsa sit per se finis.

Ad secundum dicendum similiter.

Ad tertium dicendum, quod pacem omnia desiderant, non sicut finem, sed sicut id sine quo finis haberi non potest.

Ad quartum dicendum, quod ultimus finis rei non est quies, sed operatio rei, cuius perfectio non potest esse nisi re perfecta existente; motus autem est actus imperfecti: & secundum hoc quies ad quam terminatur motus, est finis propinquior quam ipse motus, & sic motus ordinatur in quietem sicut in finem.

### SOLUTIO V.

Ad quintam quaestionem dicendum, quod nomen regni a regendo est sumptum; regere autem providentiae actus est: unde secundum hoc aliquis regnum habere dicitur quod alios sub sua providentia habet: & ideo secundum hoc homines in regno Dei esse dicuntur, quod eius providentiae perfecte subduntur. Providentiae autem est ordinare in finem. In finem autem ordinantur & ea quae distant a fine, secundum quod perducuntur ad finem, & ea quae iam assecuta sunt finem, secundum quod in fine conservantur. Et cum regula providentiae sit finis, illa perfecte providentiae subduntur quae iam in ipso fine collocantur: & ideo in eis nihil potest esse ab ordine providentiae alienum. In aliis autem quae a fine distant, secundum hoc

magis, vel minus divinae providentiae subduntur, secundum quod magis, & minus a fine elongantur: propinquissimi sunt fini qui sunt in via ad finem. Via autem perveniendi ad finem est fides per dilectionem operans. Unde & regnum Dei quasi antonomastice dupliciter dicitur: quandoque congregatio eorum qui per fidem ambulant; & sic Ecclesia militans regnum Dei dicitur: quandoque autem illorum collegium qui iam in fine stabiliti sunt; & sic ipsa Ecclesia triumphans regnum Dei dicitur: & hoc modo esse in regno Dei idem est quod esse in beatitudine. Nec differt secundum hoc regnum Dei a beatitudine, nisi sicut differt bonum commune totius multitudinis a bono singulari unicuiusque.

Ad primum ergo dicendum, quod beatitudo non subest providentiae quasi ad finem ordinata, sed quia ad ipsam alia ordinantur.

Ad secundum dicendum, quod Dionysius sufficienter tangit ea quae ad regnum exiguntur, prout significat multitudinem gubernatam a providentia, ad cuius actum tria requiruntur, scilicet finis, ordo ad finem, & regula ordinis: quae quidem est duplex. Una in ordinante; & haec est lex, ex qua restitutio ordinis procedit. Alia est in ipso ordinato, per quam fit ut restitutio ordinis non deferatur; & haec regula est id quod causat ordinationem in finem, sive sit forma, vel virtus, vel aliquid huiusmodi; & hoc appellat Dionysius ornametum. Quamvis autem haec quatuor ad omnem creaturam possint pertinere, quia omnia a Deo sunt in finem ordinata secundum legem aeternae sapientiae, & rebus omnibus sunt datae virtutes quibus in finem tendant; specialiter tamen ad rationales creaturas pertinent, quae ad ipsum ultimum finem modo nobilissimae sunt pervenire, & cognoscunt rationem ordinis, & finis.

Ad tertium dicendum, quod regnum importat perfectionem & in praesente, & in eo qui subest: sed in praesente sicut in perfectionis principio, qui suam restitucionem aliis imponit; in eo vero qui subest, tamquam in accipiente perfectionem ab alio. Sancti autem qui sunt in patria, hoc modo divinae providentiae subduntur, quia etiam ipsi providentes sunt sibi ipsis, vel etiam aliis, secundum quod omnia alia erunt eis subiecta. Et ideo ad regnum Dei pertinent non solum ut existentes sub Rege, sed etiam ut Reges, qui tamen erunt sub uno summo Rege: & ideo dicitur Apocal. v. 10. *Facite*

nos Deo nostro regnum, & sacerdotes, & regnabimus super terram.

Ad quartum dicendum, quod ibi regnum Dei accipitur Ecclesia militans, & non triumphantis.

## ARTICULUS III.

*Utrum omnes appetant beatitudinem.*

I. *Part. quest. viii. art. 1. & 1. 2. quest. v. art. 8. per totum.*

1. **A**D tertium sic proceditur. Videtur quod non omnes appetant beatitudinem. Nullus enim vult quod ignorat, ut patet per Augustinum in Lib. de Trinit. (X. cap. 11.) & per Philosophum, qui dicit in III. de anima (text. xlix. & deinc.) quod obiectum voluntatis est appetibile apprehensum. Sed non omnes cognoscunt beatitudinem, cum multi circa beatitudinem erraverint. Ergo non omnes appetunt beatitudinem.

2. Præterea. Quicumque appetit beatitudinem, appetit illud quod est essentialiter ipsa beatitudo. Sed ipsa beatitudo est Dei visio, quam non omnes appetunt. Ergo non omnes appetunt beatitudinem.

3. Præterea. Illud quod non potest apprehendi, non potest desiderari. Sed duo contraria esse simul non cadit in apprehensione, ut patet IV. Metaph. (text. ix.) Ergo contraria (&) simul non possunt appeti. Sed aliqui appetunt ea quæ sunt beatitudinicontraria, sicut illi qui appetunt peccata. Ergo non omnes appetunt beatitudinem.

4. Præterea. Peccatum est spreto incommutabili bono rebus mutabilibus adhærere. Sed beatitudo est incommutabile bonum. Ergo qui peccat, eam spernit; & sic non omnes eam appetunt.

Sed contra est quod Boetius in III. de Consol. (prosa 11.) probat, quod mentibus omnium hominum veri boni cupiditas inserta est. Verum autem bonum dicit beatitudinem. Ergo beatitudo ab omnibus appetitur.

Præterea. Unicuique appetibilis est suus finis. Sed beatitudo est ultimus finis humanæ vitæ. Ergo omnes homines beatitudinem appetunt.

## QUAESTIUNCULA II.

1. **U**lterius. Videtur quod aliquis possit miseriam appetere. Omnis enim rationalis potentia ad opposita se habet. Sed voluntas

est potentia rationalis. Ergo se habet ad opposita. Beatitudini autem opponitur miseria. Ergo si potest aliquis appetere beatitudinem, potest etiam appetere miseriam.

2. Præterea. Si non potest aliquis velle miseriam, impossibile est eum velle. Ergo necesse est eum non velle. Sed necessitas coactionem, vel prohibitionem importat, ut Anselmus dicit (Lib. de similitudinibus cap. 1111.) Ergo voluntas cogi poterit; quod eius repugnat libertati.

3. Præterea. Sicut beatitudo est ab omnibus appetibilis, ita & esse. Sed quidam volunt non esse, ut patet de his qui seipsos interficiunt. Ergo & quidam possunt velle miseriam.

4. Præterea. Voluntas est de fine, ut dicitur III. Ethic. (cap. iv. vel vi.) Sed finis est bonum, vel apparens bonum, ut dicitur II. Phys. (text. xxxi.) Ergo tam bonum quam apparens bonum potest desiderari. Sed illud quod est malum, potest esse apparens bonum. Ergo miseria quantumcumque sit mala, aliquis eam velle poterit.

Sed contra est quod Augustinus in Lib. de lib. arb. (I. cap. xiv.) ostendit quod nullus homo potest velle esse miser.

Præterea. Sicut se habet intellectus ad primum intelligibile, ita se habet voluntas ad primum appetibile. Sed intellectus non potest assentire contrario primi intelligibilis, quod est affirmationem, & negationem non esse simul veram, ut probatur IV. Metaph. (text. ix.) Ergo voluntas non potest assentire miseræ, quæ est contrarium sui primi appetibilis.

## QUAESTIUNCULA III.

1. **U**lterius. Videtur quod nullus appetendo beatitudinem mereatur. Naturalibus enim non meremur. Sed appetitus beatitudinis est homini naturalis; alias non esset omnibus communis. Ergo nullus appetendo beatitudinem meretur.

2. Præterea. Cum meritum, & demeritum sint circa idem, nullus meretur in eo quod vitare non potest, sicut nec peccat, ut dicit Augustinus (Lib. I. Retra. cap. ix.) Sed homo non potest non appetere beatitudinem. Ergo nullus appetendo meretur.

3. Præterea. Nullus potest ex propriis viribus mereri vitam æternam, sicut Pelagius dicebat. Sed homo ex propriis viribus beatitudinem appetere potest. Ergo appetendo beatitudinem non meretur.

Sed

(\*) *Al. additur esse.*

Sed contra. Eodem modo aliquis desiderat beatitudinem, & Deum. Si ergo nullus desiderando beatitudinem meretur, nullus desiderando Deum merebitur; quod est absurdum.

Præterea. Caritas est principium merendi. Sed caritas principaliter respicit finem. Ergo ex motu voluntatis in ultimum finem maxime meremur; & ita in appetendo beatitudinem.

#### QUAESTIUNCULA IV.

1. Uterius. Videtur quod non omne quod aliquis vult, propter beatitudinem velit. Nullus enim delectationem propter aliquid vult, ut dicitur VII. Ethic. (cap. xii. vel xiii.) Delectatio autem non est ipsa beatitudo, ut ex supra dictis patet. Ergo non quidquid aliquis vult, propter beatitudinem vult.

1. Præterea. Id quod potest propter beatitudinem desiderari, est (a) ad beatitudinem ordinabile. Sed multi volunt aliqua quæ non sunt ordinabilia in beatitudinem, sed magis ab ea avertunt, sicut est de peccatoribus. Non ergo omne quod aliquis vult, propter beatitudinem vult.

3. Præterea. Illud quod in se nullam speciem boni habet, non potest ad beatitudinem desiderari. Sed quandoque desideratur aliquid quod nullam speciem boni habet, sicut patet per Augustinum in Lib. Confess. (II. cap. iv. & vi.) ubi dicit: *Id furatus sum quod mihi abundabat, & multo melius; nec ea re volebam frui quam furto appetebam; sed ipso furto, & peccato .... & ita quæro quid me in furto delectaveris; & ecce species nulla est.* Ergo aliquid desideratur non propter beatitudinem.

4. Præterea. Mors nullo modo ad beatitudinem potest ordinari, nisi forte sub spe vite consequendæ post mortem: quia beatitudo non nisi viventis est. Sed quidam seipsum mortem pati voluerunt vel a seipsum, vel ab aliis sub nulla spe future vite. Ergo non omne quod quis vult, propter beatitudinem vult.

5. Præterea. Ex hoc hominis voluntas recta iudicatur quod in rectum finem ordinatur. Si ergo quidquid desideratur, propter beatitudinem desideratur, omnis voluntas hominis est recta: quod falsum est.

6. Præterea. Propter quod aliquis vult aliquid actu, oportet actu esse cogitatum. Si ergo quidquid vult, propter beatitudinem

vult, in omni desiderio oportebit beatitudinem actu esse cogitatum; quod apparet esse falsum. Ergo idem quod prius.

Sed contra. In eo quod propter se desideratur, & numquam propter aliquid, stat motus desiderii. Sed illud in quo stat motus desiderii, est ultimus finis. Si ergo aliquid quam beatitudo sit desideratum propter se, & numquam propter aliquid aliud, aliquid quam beatitudo erit ultimus finis; quod esse non potest. Ergo omne aliquid desideratum, vel mediate, vel immediate ad beatitudinis desiderium refertur.

Præterea. Dionysius 11. cap. de div. Nomin. dicit, quod pacem omnia desiderant, & quod propter eam agunt quæcumque agunt. Sed pax ordinatur in beatitudinem, ut ex dictis patet. Ergo quidquid desideratur, propter beatitudinem desideratur.

#### SOLUTIO I.

Respondeo dicendum ad primam questionem, quod in omni ordine mobilium, & motorum oportet secundos motores ordinari in finem primi motoris per dispositionem impressam in eis a primo motore; sicut patet cum anima movet manum, & manus baculum, & baculus percutit, quod est finis intentus ab anima; baculus, & manus tendunt ad finem ab anima intentum per hoc quod anima in eis imprimit mediate, vel immediate. Sed hoc distat in motibus naturalibus, & violentis, quod in motibus violentis impressio relicta a primo motore in secundis motoribus, est eis causa naturalis; & ideo operatio hanc impressionem consequens est conveniens, & suavis; & ideo dicitur Sap. viii. quia Deus omnia suaviter disponit: quia unaquæque res ex natura sibi divinitus indita tendit in id ad quod per divinam providentiam ordinatur secundum exigentiam impressionis receptæ. Et quia omnia procedunt a Deo, inquantum bonus est, ut dicit Augustinus (Lib. I. de Doct. christ. cap. xxxii.) & Dionysius (cap. iv. de div. Nom.) ideo omnia creata secundum impressionem a Creatore receptam inclinantur in bonum appetendum secundum suum modum; ut sic in rebus quædam circulariter inveniatur, dum a bono gradientia in bonum tendunt. Hæc autem circ-

(a) scilicet propter beatitudinem.



circulatio in quibusdam perficitur creaturis, in quibusdam autem remanet imperfecta. Illæ enim creaturæ quæ non ordinantur ut pertingant ad illud primum bonum, a quo processerunt, sed solummodo ad consequendam eius similitudinem qualemcumque, non perfecte habent hanc circulationem; sed solum illæ creaturæ quæ ad ipsum primum principium aliquo modo pertingere possunt; quod solum est rationabilium creaturarum, quæ Deum ipsum assequi possunt per cognitionem, & amorem; in qua assecutione beatitudo eorum consistit, ut ex dictis patet. Et ideo sicut quilibet res alia naturaliter appetit suum bonum, ita quilibet creatura rationalis naturaliter suam beatitudinem appetit.

Ad primum ergo dicendum, quod sicut visibile est duplex, scilicet per se, ut color, & per accidens, ut homo: ita etiam appetibile, quod est obiectum voluntatis, dupliciter accipi potest, per se, & per accidens. Per se obiectum voluntatis est bonum, sed per accidens est hoc, vel illud bonum. Et sicut bonum, communiter loquendo, est per se obiectum voluntatis; ita & summum bonum est ultimus voluntatis finis per se loquendo; sed hoc vel illud bonum ponitur ut ultimus voluntatis finis, & principale eius obiectum quasi per accidens. Beatitudo ergo quantum ad id (a) quod in ipsa est per se voluntatis principale obiectum, est omnibus nota; sed quantum ad id quod accidit per se obiecto, non est nota. Omnes enim cognoscunt perfectum bonum, & hoc appetunt, dum beatitudinem appetunt; sed hoc perfectum bonum esse voluptatem, vel divitias, virtutem, vel quidquid huiusmodi, est per accidens: & ideo circa hoc non est inconveniens multos esse errores.

Ad secundum dicendum, quod quamvis divina visio sit ipsa beatitudo, non tamen sequitur quod quicumque appetit beatitudinem, appetat divinam visionem: quia beatitudo, inquantum huiusmodi, importat per se obiectum voluntatis, non autem ipsa divina visio; sicut aliquis appetit dulce, qui tamen non appetit mel.

Ad tertium dicendum, quod quamvis aliqui appetant ea quæ sunt contraria beatitudini secundum rei veritatem, tamen secundum suam estimationem non sunt contraria, sed perducunt ad eam.

Ad quartum dicendum, quod ille qui peccat inhærendo bonis mutabilibus sicut fini, accipit ipsas res mutabiles quasi principale

appetibile, & perfectum bonum: & ideo eis inhærendo beatitudinem appetit. Sicut enim non sequitur quod aliquis appetendo beatitudinem appetat id quod secundum rei veritatem est beatitudo; ita etiam non sequitur quod aliquis spernendo id quod secundum rei veritatem est beatitudo, beatitudinem spernat: sicut non sequitur, quod qui ignorat hominem, ignoret album, quamvis homo sit albus.

## SOLUTIO II.

Ad secundam questionem dicendum, quod operatio causæ secundæ semper fundatur super operatione causæ primæ, & præsupponit eam: & ideo oportet quod omnis operatio animæ procedat ex suppositione eius quod inditum est animæ ex impressione primi agentis, Dei scilicet: & ideo videmus ex parte intellectus quod ad nihil intelligendum anima potest procedere, nisi ex suppositione illorum quorum cognitio est ei innata: & propter hoc non potest assentire alicui quod sit contrarium his principiis quæ naturaliter cognoscit: & similiter oportet esse ex parte voluntatis. Unde cum ex impressione primæ causæ, scilicet Dei, hoc animæ insit ut bonum velit, & perfectum bonum tamquam finem ultimum appetat; impossibile est quod contrarium eius in appetitu illius cadat: & ideo nullus potest miseriam velle, vel malum, nisi per accidens; quod contingit dum appetit aliquod malum quod apprehendit ut bonum.

Ad primum ergo dicendum, quod potentia rationalis se habet ad opposita in his quæ ei subsunt; & hæc sunt illa quæ per ipsam determinantur: non autem potest in opposita illorum quæ sunt ei ab alio determinata: & ideo voluntas non potest in oppositum eius ad quod ex divina impressione determinatur, scilicet in oppositum finis ultimi; potest autem in oppositum eorum quæ ipsa sibi determinat, sicut eunt ea quæ ordinantur in finem ultimum, quorum electio ad ipsam pertinet.

Ad secundum dicendum, quod coactio, cum violentiam importet, & prohibitio similiter, non pertinent ad illam necessitatem quæ naturam rei consequitur: quia omne violentum est contra naturam: & ideo cum naturaliter voluntas necessario feratur in beatitudinem, hoc coactionem in ipsa non ponit, nec aliquam libertatis diminutionem.

O o o

Ad

S. Tb. Oer. Tom. XIII.

(a) id est, quod in ipsa est per voluntatis &amp;c.

Ad tertium dicendum, quod nihil prohibet aliquid quod secundum se est appetibile, aliquo adiuncto appetibile non esse. Unde etiam esse, quod per se ab omnibus desideratur, & secundum se est bonum, aliquo adiuncto redditur malum, & odibile, sicut esse in tristitia, vel miseria: unde & per accidens non esse appetitur, non quidem in quantum privat esse, sed in quantum tollit illud malum quod esse odiosum reddebat. Carere autem malo bonum est: unde & qui appetit non esse, appetit illud ut bonum. Sed miseria numquam potest accipi ut bonum, quia dicit rationem perfecti mali; & ideo nullus potest velle esse miser. Non esse autem non dicit ipsam rationem mali, sed id quod est malum: & ideo aliquo adiuncto, quod habet rationem boni, potest esse appetibile, sicut patet per Philosophum in IX. Ethic. (cap. v.) & per Hieronymum in Glossa Hierem. xx. (super illud, *Maledicta dies in qua natus sum.*) Quod autem Augustinus dicit, quod nullus appetit non esse, intelligendum est per se loquendo.

Ad quartum dicendum, quod non potest estimari quod albo sit nigredo, quamvis possit estimari quod id quod est album, ut homo, sit nigrum: & similiter potest estimari ut id quod est bonum, sit malum: sed quod ipsa bonitas sit malitia, autem converso, estimari non potest. Et quia miseria implicat in se rationem mali, ideo non potest estimari ut bona, & propter hoc non potest appeti.

## SOLUTIO III.

Ad tertiam questionem dicendum, quod bonum, quod est obiectum voluntatis, est in rebus, ut dicit Philosophus in VI. Metaph. (text. viii.) & ideo oportet quod motus voluntatis terminetur ad rem extrinsecam existentem. Quamvis autem res, prout est in anima, possit considerari secundum rationem communem prætermittendo rationem particularem; res tamen extra animam non potest esse secundum communem rationem nisi cum additione propriæ rationis: & ideo oportet, quantumcumque voluntas feratur in bonum, quod feratur in aliquod bonum determinatum: & similiter quantumcumque feratur in summum bonum, quod feratur in summum bonum huius, vel illius rationis. Quamvis autem ex naturali inclinatione voluntas habeat ut in beatitudine feratur secundum communem rationem, tamen quod feratur in beatitudinem talem, vel talem, hoc non est ex inclinatione nature, sed per

discretionem rationis, quæ advenit in hoc, vel in illo summum bonum hominis consistere: & ideo quantumcumque aliquis beatitudinem appetit, actualiter coniungitur ibi appetitus naturalis, & appetitus rationalis: & ex parte appetitus naturalis semper est ibi restitudo, sed ex parte appetitus rationalis quandoque est ibi restitudo, quando scilicet appetitur ibi beatitudo ubi vere est: quandoque autem perversitas, quando appetitur ubi vere non est: & sic in appetitu beatitudinis potest aliquis vel mereri adiuncta gratia, vel demereri, secundum quod eius appetitus est rectus, vel perversus.

Ad primum ergo dicendum, quod in appetitu beatitudinis semper cum eo quod est naturale, coniungitur aliquod voluntarium non naturale; & sic potest ibi eademe ratio meriti, vel demeriti.

Ad secundum dicendum, quod quamvis nullus possit vitare quin beatitudinem aliquo modo appetat, potest tamen vitare quod non appetat eam hoc modo quo est appetenda; & sic potest mereri, vel demereri.

Ad tertium dicendum, quod ad appetendam beatitudinem perfectam appetitur, qui sufficit ad merendum, homo ex propriis viribus non est sufficiens; sed habet hoc ex munere divinæ gratiæ, ut patet II. Corinth. v. 3. *Qui efficit nos in hoc ipsi Deus*; id est, qui facit nos veram gloriam appetere, secundum Glossam.

## SOLUTIO IV.

Ad quartam questionem dicendum, quod secundum Philosophum in VII. Ethic. in ordine appetibilem hoc modo se habet finis sicut principium in ordine intelligibilem. Quia autem illud quod est primum in quolibet genere, & maximum, est causa eorum quæ sunt post, ideo cognitio principii in speculativis est causa cognitionis omnium aliorum: & similiter appetitus finis est causa appetendi omnia alia quæ sunt ad finem. Unde cum beatitudo sit finis humanæ vitæ, quicquid voluntas appetit facere, ad beatitudinem ordinat: quod etiam experimento patet. Quicumque enim appetit aliquid, appetit illud in quantum est estimatum bonum. Per hoc autem quod aliquis habet aliquid quod estimat bonum, reputat se ut beatitudini propinquior: quia addit bonum super bonum facit magis appropinquare bono perfecto, quod est ipsa beatitudo. Et id eo quod appetitus in beatitudinem ordinatur.

Ad primum ergo dicendum, quod delectatio est aliquid eorum quæ ad beatitudinem exiguntur, cum sit in beatitudine: & ideo appetitus ipse quo quis delectationem appetit, in beatitudinem ordinatur, in quantum ipsa delectatio est aliqua similitudo vel propinqua, vel remota illius delectationis quæ beatitudinem perficit.

Ad secundum dicendum, quod aliquid ordinari ad beatitudinem per desiderium, dupliciter contingit: Uno modo sicut quod queritur, ut per hoc homo ad beatitudinem perveniat, sicut aliquis vult operari opera virtutis, ut per hoc beatitudinem mereatur. Alio modo cum quis appetit aliquid ex hoc ipso quod habet aliquam similitudinem beatitudinis. Cum enim voluntas appetit aliquid, ex hoc ipso efficitur ut desideret illud in quo eius aliqua similitudo invenitur, quamvis principale desideratum habere non possit: & hoc modo omnes qui peccata appetunt, ad beatitudinem tendunt, & ad Dei imitationem, ut dicit Augustinus II. Confessionis. (cap. vi.) sic dicens: *Superbia celsitudinem imitatur, cum tu sis unus super omnia Deus excelsus: ambitio quid nisi honorem querit, & gloriam, cum tu sis pater cunctis honorandus?* & similiter inducit in aliis vitiis.

Ad tertium dicendum, quod in illo furto, ut Augustinus ibidem dicit, erat aliquid speciem boni habens, hoc scilicet, facere aliquid contra legem, in quo quædam libertatis umbra apparet: unde dicit: *Quid ergo in illo furto ego dilexi, & in quo Deum meum vitiose, atque perverse imitatus sum?* & solvit dicens: (a) *An libuit facere contra legem saltem fallacia, quia potentatu non poteram, (b) ut libertatem captivus imitarer, faciendo impune quod non liceret, tenebrosa omnipotentia similitudine?*

Ad quartum dicendum, quod aliqui sine spe futura vite morti se exponunt dupliciter. Uno modo propter operationem virtutis, sicut illi qui ut salvarent patriam, vel aliqua inhonesta vitarent, mortem sustinere prælegerunt; & hoc quidem in beatitudinem ordinant secundum eorum estimationem, non consequendam post mortem, sed in ipso opere tunc consequendam: quia facere perfectum opus virtutis, quod erat in sustinendo mortem, erat ab eis desideratum maxime, in quo beatitudinem ponebant. Alio modo propter ædium miserie quod sustinebant, quam se per mortem vitare æstimabant. Vitare autem miseriam, & ap-

petere beatitudinem in idem coincidunt. Et ideo constat quod desiderium eorum qui mortem sustinere voluerunt, ad beatitudinem (c) ordinatur.

Ad quintum dicendum, quod ad hoc quod voluntas sit recta, duo requiruntur. Unum est quod sit finis debitus; aliud, ut id quod ordinatur in finem, sit proportionatum fini. Quamvis autem omnia desideria ad beatitudinem referantur, tamen contingit utrobique modo desiderium esse perverum: quia & ipse appetitus beatitudinis potest esse perversus, cum queritur ubi non est, ut ex dictis patet; & si queratur ubi est, potest contingere quod id quod propter hunc finem appetitur, non est huius proportionatum, sicut cum quis vult futuri, ut det elemosynam, per quam mereatur beatitudinem.

Ad sextum dicendum, quod sicut in intelligibilibus non oportet ut in omnibus (d) consequentibus demonstrationibus prima principia essentialiter ingredientur quasi actualiter cogitata, sed virtute tantum, dum demonstratio conficitur ex his quæ per prima principia fidem habent; ita etiam quamvis omne desiderium ad beatitudinem referatur, non tamen oportet quod in omni desiderio de beatitudine actualiter cogitur; sed desiderium beatitudinis est virtute in omnibus aliis desideriis, sicut causa in effectibus.

## ARTICULUS IV.

*Utrum beatitudo sanctorum sit maior futura post iudicium quam ante.*

1. AD quartum sic proceditur. Videtur quod beatitudo sanctorum non sit maior futura post iudicium quam ante. Quanto enim aliquid magis accedit ad similitudinem divinam, tanto perfectius beatitudinem participat. Sed anima a corpore separata Deo similior est quam corpori coniuncta. Ergo maior est eius beatitudo ante corporis resurrectionem quam post.

2. Præterea. Virtus unita magis est potens quam multiplicata. Sed anima extra corpus magis est unita quam cum est corpori coniuncta. Ergo virtus eius est maior ad operandum, & ita perfectius beatitudinem participat, quæ in actu consistit.

3. Præterea. Beatitudo consistit in actu intellectus speculativi, ut patet ex supra dictis. Sed intellectus in suo actu non utitur organo corporali; & sic corpus resurrectionis

O o o 2 non

(a) Al. aut. (b) Augustini textus: ut mancam libertatem. (c) Al. ordinatur. (d) Al. consequentibus.

non efficit ut anima perfectius intelligat. Ergo beatitudo animæ non erit maior post resurrectionem.

4. Præterea. Infinito non potest esse aliquid maius, & ita infinitum cum finito aliquo non sunt maius quam ipsum infinitum. Sed anima beata ante corporis resurrectionem beatitudinem habet de hoc quod gaudet de bono infinito, scilicet Deo; post resurrectionem autem corporis non habebit de alio gaudium, nisi forte de gloria corporis, quod est quoddam bonum finitum. Ergo gaudium eorum post corporis resurrectionem non erit maius quam ante.

Sed contra est quod Apoc. viii. super illud, *Vidi subter altare animas interfectorum*. &c. dicit Glossa: „Modo animæ sanctorum sunt existentes sub, idest in minori dignitate quam sint futuræ.“ Ergo maior erit eorum beatitudo post mortem.

Præterea. Sicut bonis redditur beatitudo pro premio, ita & malis miseria. Sed miseria malorum post corporis resurrectionem erit maior quam ante, quia non solum in anima, sed etiam in corpore punientur. Ergo & beatitudo sanctorum erit maior post resurrectionem corporis quam ante.

## QUAESTIUNCULA II.

1. Ulterius. Videtur quod beatitudo ab omnibus æqualiter participabitur. Quia Matth. xx. dicitur, quod omnes accipient singulos denarios. Denarius autem significat aliquid quod omnes communiter habebunt. Hoc autem non erit nisi beatitudo. Ergo tantum de beatitudine habebit unus quantum alius.

2. Præterea. Ultra ultimum nihil est. Sed beatitudo est ultimum eorum quæ ab hominibus desiderari possunt. Ergo ultra beatitudinem alicuius hominis in nullo homine potest esse aliquid quasi beatitudinem alterius hominis excedens; & sic idem quod prius.

3. Præterea. Sicut quilibet appetibile est bonum, ita & magis bonum. Si ergo aliquis esset beator minus beato, esset appetibilis beatitudo magis beati secundum rectum appetitum: nec eam haberet. Ergo non esset beatus: quia, ut in littera dicitur, *beatus non dicitur nisi qui habet omnia quæ vult, & nihil mali vult.*

Sed contra. I. Corinth. xv. 41. *Stella differt a stella in claritate: sic erit & resurrectio mortuorum.* Ergo unus resurgens maiorem gloriam habebit quam alius.

Præterea. Præmium debet respondere merito. Sed quidam sunt excellentioris meriti

aliis. Ergo cum beatitudo sit virtutis præmium, videtur quod maiorem beatitudinem habebunt.

## QUAESTIUNCULA III.

1. Ulterius. Videtur quod huiusmodi beatitudinis gradus mansiones dici non debeant. Beatitudo enim importat rationem præmii. Sed mansio nihil significat quod ad præmium pertineat. Ergo diversi gradus beatitudinis mansiones dici non debent.

2. Præterea. Mansio locum significare videtur. Sed locus quo sancti beatificabuntur, non est corporalis, sed spiritalis, scilicet Deus, quoniam est. Ergo non est nisi una mansio; & ita diversi gradus beatitudinis mansiones dici non possunt.

3. Præterea. Sicut in patria erunt homines diversorum meritum, ita nunc sunt in purgatorio, & in limbo patrum fuerunt. Sed in purgatorio, & in limbo non distinguuntur mansiones. Ergo nec in patria mansiones debent distinguere.

Sed contra est quod dicitur Ioan. xiv. 2. *In domo Patris mei mansiones multe sunt:* quod Augustinus (tract. lxxvi.) exponit de variis dignitatibus præmiorum.

Præterea. In qualibet civitate est ordinata mansio distictio. Sed celestis patria civitati comparatur, ut patet Apoc. xxi. Ergo oportet ibi diversas mansiones distinguere secundum diversos gradus beatitudinis gradus.

## QUAESTIUNCULA IV.

1. Ulterius. Videtur quod diversi mansiones non distinguantur penes diversos gradus caritatis. Quia Matth. xxv. 14. dicitur: *Dedit unicuique secundum propriam virtutem.* Propria autem unicuique virtus est vis naturalis. Ergo & dona gratiæ, & gloriæ distribuuntur secundum diversos gradus virtutis naturalis.

2. Præterea. In Psalm. lxi. 12. dicitur: *Tu reddes unicuique secundum opera sua.* Sed illud quod redditur, est beatitudinis mensura. Ergo gradus beatitudinis distinguetur secundum diversitatem operum, & non secundum diversitatem caritatis.

3. Præterea. Præmium debetur æqui, & non habitui: unde fortissimi non coronantur, sed agonizantes, ut patet I. Ethicor. cap. 12. vel xiii.) & II. ad Timoth. 11. 1. *Non coronabitur, nisi qui legitime certaverit.* Sed beatitudo est præmium. Ergo diversi

versæ

verſi gradus beatitudinis non erunt ſecundum diverſos gradus caritatis.

Sed contra eſt, quia quanto aliquis erit Deo magis coniunctus, tanto erit beator. Sed ſecundum modum caritatis eſt modus coniunctionis ad Deum. Ergo ſecundum diſtinctionem caritatis erit & diverſitas beatitudinis.

Præterea. Sicut ſimpliciter ſequitur ad ſimpliciter, ita magis ad magis. Sed habere beatitudinem ſequitur ad habere caritatem. Ergo & habere maiorem beatitudinem ſequitur ad habere maiorem caritatem.

### SOLUTIO I.

Reſpondeo dicendum ad primam quæſtionem, quod beatitudinem ſanctorum poſt reſurrectionem augeri extenſive quidem manifeſtum eſt: quia beatitudo tunc erit non ſolum in anima, ſed etiam in corpore; & etiam ipſius animæ beatitudo augebitur extenſive, inquantum anima non ſolum gaudebit de bono proprio, ſed etiam de bono corporis. Poſſe etiam dici, quod etiam beatitudo animæ ipſius augebitur intenſive. Corpus enim hominis dupliciter poſſe conſiderari. Uno modo ſecundum quod eſt ab anima per ſe ſibi; alio modo ſecundum quod eſt (a) in eo aliquid repugnans animæ in ſuis operibus prout non per ſe ſibi corpus per animam perfectitur. Secundum autem primam conſiderationem corporis, coniunctio corporis ad animam addit animæ aliquam perfectionem: quia omnis pars imperfecta eſt, & completur in ſuo toto, unde & totum ſe habet ad partes ſicut forma ad materiam: unde & anima perfectior eſt in eſſe ſuo naturali cum eſt in toto, ſcilicet in homine coniuncta ex anima & corpore, quam cum eſt per ſe ſeparata. Sed unio corporis quantum ad ſecundam inſus conſiderationem impedit animæ perfectionem: & ideo dicitur, quod *conſus, quod corrumpitur, aggravat animam*. Sap. 18. 15. Si ergo a corpore removeatur omne id per quod (b) aſſioni animæ reſiſtit, ſimpliciter anima erit perfectior in corpore tali exiſtens quam per ſe ſeparata. Quanto vultem aliquid eſſe perfectius in eſſe, tanto poſſeſ perfectius operari: unde & operatio animæ coniunctæ tali corpori erit perfectior quam operatio animæ ſeparatæ. Huiusmodi autem corpus eſt corpus glorioſum, quod omnino ſubdetur ſpirituui, ut ſupra diſt. xlv. dictum eſt. Unde cum beatitudo in operatione conſiſtat, perfectior erit beatitudo ani-

mæ poſt reſumptionem corporis quam ante. Sicut enim anima ſeparata a corpore corruptibili perfectius poſſeſ operari quam ei coniuncta; ita poſtquam coniuncta fuerit corpori glorioſo, perfectior erit eius operatio quam quando erat ſeparata. Omne autem imperfectum appetit ſuam perfectionem, & ideo anima ſeparata naturaliter appetit corporis coniunctionem: & propter hunc appetitum ex imperfectione procedentem, eius operatio quæ in Deum fertur, eſt minus intenſa: & hoc eſt quod dicit Hieronymus, quod ex appetitu corporis retardatur ne tota intentione pergat in illum ſummum bonum.

Ad primum ergo dicendum, quod anima coniuncta corpori glorioſo magis eſt Deo ſimilis quam ab eo ſeparata, inquantum coniuncta habet eſſe perfectius. Quanto enim aliquid eſt perfectius, tanto eſt Deo ſimilius, ſicut etiam cor, cuius vitæ perfectio in motu conſiſtit, eſt Deo ſimilius quando movetur quam quando quieſcit, quamvis Deus nunquam moveatur.

Ad ſecundum dicendum, quod virtus quæ de ſua natura habet quod ſit in materia, magis eſt potens in materia exiſtens quam a materia ſeparata: quævis abſolute loquendo virtus a materia ſeparata ſit potentior.

Ad tertium dicendum, quod quamvis in actu intelligendi anima corpore non utatur, tamen perfectio corporis quodammodo ad perfectionem operationis intellectualis cooperabitur, inquantum ex coniunctione corporis glorioſi anima erit in ſua natura perfectior, & per conſequens in operatione efficacior: & ſecundum hoc, ipſum bonum corporis conperabitur quaſi instrumentaliter ad operationem illam in qua beatitudo conſiſtit, ſicut etiam Philoſophus ponit in I. Ethic. (cap. x. vel xiv.) quod bona exteriora cooperantur instrumentaliter ad ſelicitem viæ.

Ad quartum dicendum, quod quamvis finitum infinito additum non faciat maius, tamen facit plus: quia infinitum, & finitum ſunt duo, cum finitum per ſe acceptum ſit unum. Extenſionem autem gaudi non reſpicit maius, ſed plus: unde extenſive augetur gaudium, ſecundum quod eſt de Deo, & de gloria corporis reſpectu gaudi quod erat de Deo. Gloria etiam corporis operabitur ad perfectiorem operationem qua anima in Deum ſeretur. Quanto enim operatio conveniens fuerit perfectior, tanto delectatio erit maior, ut patet ex hoc quod dicitur X. Ethic. (cap. iv. vel vii.)

S O.

(a) *Al.* in uno. (b) *Al.* actio in anima.

## SOLUTIO II.

Ad secundam quæstionem dicendum, quod cum beatitudo in operatione consistat, gradus beatitudinis est attendendus secundum gradum perfectionis in operando. Perfectio autem operationis in qua felicitas consistit, ex duobus pensatur, scilicet ex parte operantis, & ex parte obiecti. Unde Philosophus dicit in X. Ethic. (ubi sup.) quod perfectissima operatio est quæ est altissime potentie nobilissimo habitu perfectæ (quod est ex parte operantis) & respectu nobilissimi obiecti. Obiectum autem operationis, in qua beatitudo consistit, est omnino unum & idem, scilicet divina essentia, ex cuius visione omnes erunt beati: unde ex hac parte non erit aliquis gradus in beatitudine; sed ex parte operantium operatio beatitudinis non erit eodem modo perfecta: quia secundum quod habuit perficiens ad operationem prædictam, scilicet lumen gloriæ, erit perfectior in uno quam in alio, secundum hoc operatio erit perfectior, & delectatio maior; & secundum hoc non in eodem gradu beatitudinis erunt omnes beati.

Ad primum ergo dicendum, quod denarius dicitur unus qui commuioiter redderet ex parte obiecti ipsius beatitudinis, quia Deus essentiam suam omnibus ostendit; sed unusquisque eam aspiciet secundum modum suum.

Ad secundum dicendum, quod sicut ignis est subtilissimus corporum specie, & tamen unus ignis altero subtilior esse potest; ita beatitudo secundum suam speciem considerata est ultimum omnium desiderabilium humanorum: unde nihil prohibet unius beatitudinem esse perfectiorem beatitudine alterius. Cuiuslibet autem beatitudo secundum hoc ultima est, quod appetitus habentis per eam totaliter terminatur, quamvis non sit ultima tamquam existens in ultimo perfectionis gradu.

Ad tertium dicendum, quod in beatis erit perfecta caritas: unde quilibet ibi plus diligit Deum quam seipsum; & ideo magis volet id quod est convenientius Deo, quam id quod esset melius ei: & ideo magis volet divinam iustitiam salvare in hoc quod ipse minus habeat, quod est Deo convenientius, quam in hoc quod plus habeat, quod esset sibi melius.

## SOLUTIO III.

Ad tertiam quæstionem dicendum, quod quia motus localis prior est omnium alio-

rum motuum, ideo secundum Philosophum (VIII. Physic. text. iv. & deinceps) nomen motus, & distantie, & omnium huiusmodi derivatum est a motu locali ad omnes alios motus. Finis autem motus localis est locus, ad quem cum aliquod pervenerit, ibi manet quiescens, & in eo conservatur: & ideo in quolibet motu ipsam quietationem in fine motus dicimus collocationem, vel mansionem: & ideo cum nomen motus derivetur usque ad actum appetitus, & voluntatis, ipsa affectio finis appetitivi motus dicitur mansio, vel collocatio in fine: & ideo diversis modis consequendi finem ultimum diversæ mansiones dicuntur; ut sic unitas domus respondeat unitati beatitudinis, quæ est ex parte obiecti, & pluralitas mansionum respondeat differentie quæ in beatitudine invenitur ex parte beatorum. Sicut etiam videmus in rebus naturalibus quod est idem locus sursum, ad quem tendunt omnia levia; sed unumquodque pertingit propinquius secundum quod est levius; & ita habent diversas mansiones secundum differentias levitatis.

Ad primum ergo dicendum, quod mansio importat rationem finis, ut ex dictis patet; & sic per consequens importat rationem præmii, quod est finis meriti.

Ad secundum dicendum, quod quamvis sit unus locus spiritualis, tamen diversi sunt gradus appropinquandi ad locum illum, & secundum hoc constituuntur diversæ mansiones.

Ad tertium dicendum, quod illi qui erant in limbo, vel nunc sunt in purgatorio, nondum pervenerunt ad suum finem: & ideo in purgatorio, vel in limbo non distinguuntur mansiones, sed solum in paradiso, & in inferno, ubi est finis bonorum, & malorum.

## SOLUTIO IV.

Ad quartam quæstionem dicendum, quod principium distinctivum mansionum, sive graduum beatitudinis est duplex, scilicet propinquum, & remotum. Propinquum est diversa dispositio quæ erit in beatis, ex qua contingit diversitas perfectionis apud eos in operatione beatitudinis; sed principium remotum est meritum quo talem beatitudinem consecuti sunt. Primo autem modo distinguuntur mansiones secundum caritatem patriæ, quæ quanto in aliquo erit perfectior, tanto reddet eum capaciores divine claritatis, secundum cuius augmentum augebitur perfectio divine visionis. Secundo vero modo

do distinguuntur secundum caritatem viæ. Affectus enim noster non habet quod sit meritorius ex ipsa substantia affectus, sed solum ex habitu virtutis quo informatur. Vis autem merendi est in omnibus virtutibus ex caritate, quæ habet ipsum finem pro obiecto: & ideo diversitas in merendo tota reuertitur ad diversitatem caritatis; & sic caritas viæ distinguet mansiones per modum meriti.

Ad primum ergo dicendum, quod virtus ibi non solum accipitur pro naturali capacitate, sed pro naturali capacitate simul cum conatu ad habendam gratiam: & tunc virtus hoc modo accepta erit quasi materialis dispositio ad mensuram gratiæ, & gloriæ percipiendæ; sed caritas est formaliter completio meriti ad gloriā: & ideo distinctio gradus in gloria accipitur penes gradus caritatis potius quam penes gradus virtutis prædictæ.

Ad secundum dicendum, quod opera non habent quod eis retributio gloriæ reddatur, nisi inquantum sunt caritate informata: & ideo secundum diversos caritatis gradus erunt diversi gradus in gloria.

Ad tertium dicendum, quod quamvis habitus caritatis, vel cuiuslibet virtutis non sit meritum cui debeat præmiū; est tamen principium, & tota ratio merendi in actu; & ideo secundum eius diversitatem præmia distinguuntur; quamvis ex ipso genere actus possit aliquis gradus in merendo considerari non respectu præmii essentialis, quod est gaudium de Deo, sed respectu aliquis accidentalis præmii, quod est gaudium de aliquo bono creato.

## QUAESTIO II.

**D**Einde quaeritur de visione Dei: & circa hoc quaeruntur septem.

Primo. Utrum sancti videbunt Deum per essentiam.

Secundo. Utrum possint Deum videre oculis corporali.

Tertio. Utrum videndo Deum comprehendant ipsum.

Quarto. Utrum videntium Deum per essentiam alter altero perfectius videat.

Quinto. Utrum videntes divinam essentiam necesse sit omnia videre quæ Deus videt.

Sexto. Utrum ad videndum Deum per essentiam aliqua creatura ex puris naturalibus possit pertingere.

Septimo. Utrum in statu viæ possit aliquis Deum per essentiam videre.

## ARTICULUS I.

*Utrum intellectus humanus possit pervenire ad videndum Deum per essentiam.*

*1. P. quæst. xii. art. 2. II. com. Gen. cap. v. & xvii. de ver. quæst. viii. art. 1. & quodl. vii. art. 2.*

**A**D primum sic proceditur. Videtur quod intellectus humanus non possit pervenire ad videndum Deum per essentiam. Quia Ioan. 1. 18. *Deum nemo vidit unquam*; & exponit Chrysostomus (hom. xiv. in Ioan.) quod nec ipsæ cælestes essentiae, (ipsa dico Cherubim, & Seraphim) ipsum, ut est unquam videre potuerunt. "Sed hominibus non promittitur nisi æqualitas Angelorum: Matth. xxii. 30. *Erunt sicut Angeli Dei in celo*. Ergo nec sancti in patria Deum per essentiam videbunt.

2. Præterea. Dionysius sic argumentatur in 1. cap. de div. Nom. Cognito non est nisi existentium. Omne autem existens finitum est, cum sit in aliquo genere determinatum: & sic Deus, cum sit infinitus, est super omnia existentia. Ergo eius non est cognitio, sed est super cognitionem.

3. Præterea. Dionysius in 1. cap. de mystica Theologia ostendit quod perfectissimus modus quo intellectus noster Deo coniungi potest, est inquantum coniungitur ei ut ignoto. Sed illud quod est visum per essentiam, non est ignotum. Ergo impossibile est ut intellectus noster per essentiam Deum videat.

4. Præterea. Dionysius in epistola (111.) ad Caium monachum dicit, quod *superposita Dei tenebra*, quas abundantiam lucis appellat, *cooperiuntur omni luminis, & absconduntur omni cognitioni: & si aliquis videns Deum intellexit quod vidit, non ipsum vidit, sed aliquid eorum quæ sunt eius*. Ergo nullus intellectus creatus poterit Deum videre per essentiam.

5. Præterea. Sicut dicit Dionysius in epist. (v.) ad Dorotheum, *invisibilis quidem Deus est existens propter excedentem claritatem*. Sed claritas eius sicut excedit intellectum hominis in via, ita excedit intellectum hominis in patria. Ergo sicut est invisibilis in via, ita erit invisibilis in patria.

6. Præterea. Cum intelligibile sit perfectio intellectus, oportet esse proportionem aliquam inter intellectum & intelligibile, visibile & visum. Sed non est accipere proportionem aliquam inter intellectum nostrum & essentiam divinam, cum in infinitum distent. Ergo intellectus noster non potest pertingere ad essentiam divinam videndam.

7. Præterea. Plus distat Deus ab intellectu nostro quam intelligibile creatum a sensu. Sed sensus nullo modo potest pertingere ad creaturam spiritualem videndam. Ergo nec intellectus noster potest pertingere ad videndam divinam essentiam.

8. Præterea. Quandoquocumque intellectus aliquid intelligit in actu, oportet quod informetur per similitudinem intellecti, quæ est principium intellectualis operationis in tale obiectum determinatæ, sicut calor est principium calefactionis. Si ergo intellectus Deum intelligat, oportet quod fiat per aliquam similitudinem informantem ipsum intellectum. Hoc autem non potest esse ipsa divina essentia: quia formæ, & formati oportet esse unum esse; divina autem essentia ab intellectu nostro differt secundum essentiam, & esse. Oportet ergo quod forma quæ informat intellectus noster intelligendo Deum, sit aliqua similitudo impressa a Deo in intellectum nostrum. Sed similitudo illa, cum sit aliquid creatum, non potest ducere in Dei cognitionem, nisi sicut effectus in causam. Ergo impossibile est ut intellectus noster Deum videat nisi per effectum ipsum. Sed visio Dei quæ est per effectum, non est visio Dei per essentiam. Ergo intellectus noster non poterit Deum per essentiam videre.

9. Præterea. Divina essentia magis distat ab intellectu nostro quam quicumque Angelus, vel intelligentia. Sed, sicut dicit Avicenna in sua Metaph. (tract. 111. cap. viii.) intelligentiam esse in intellectu nostro non est essentiam intelligentiæ esse in intellectu: quia sic scientia quam de intelligentiis habemus, esset substantia, & non accidens. Sed hoc est impressionem intelligentiæ esse in nostro intellectu. Ergo & Deus non est in intellectu nostro ut intelligatur a nobis, nisi inquantum impressio eius est in intellectu. Sed illa impressio non potest ducere in cognitionem divinæ essentiae: quia cum in infinitum distet a divina essentia, degenerat in aliam speciem multo amplius quam si species albi degeneraret in speciem nigri. Ergo si ille in cuius visu species albi degenerat in speciem nigri, propter indispo-

sitionem organi non dicitur videre album; ita nec intellectus noster, qui solum per huius impressionem Deum intelligit, eum per essentiam videre poterit.

10. Præterea. In rebus separatis a materia idem est intelligens, & quod intelligitur, ut patet in III. de Anima (text. xxxvi.) Sed Deus est maxime a materia separatus. Cum ergo intellectus qui est creatus, non possit ad hoc pertingere ut fiat essentia increata, non poterit esse quod intellectus Deum per essentiam videat.

11. Præterea. Omne illud quod videtur per essentiam, de eo scitur quid est. Sed de Deo intellectus non potest videre quid est, sed solum quid non est, sicut dicit Dionysius, & Damascenus. Ergo intellectus (a) Deum per essentiam videre non potest.

12. Præterea. Omne infinitum, inquantum infinitum, est ignotum. Sed Deus est modis omnibus infinitus. Ergo est omnino ignotus: ergo per essentiam ab intellectu creato videri non poterit.

13. Præterea. Augustinus dicit in Lib. de videndo Deum (vel epist. cxix. ad Paulinum) *Deus est natura invisibilis*. Sed ea quæ insunt in Deo per naturam, non possunt aliter se habere. Ergo non potest esse quod per essentiam videatur.

14. Præterea. Omne quod alio modo est, & alio modo videtur, non videtur secundum id quod est. Sed Deus alio modo est, & alio modo videtur a sanctis in patria: est enim per modum suum; sed videbitur a sanctis secundum modum eorum. Ergo non videbitur a sanctis secundum id quod est; & sic non videbitur per essentiam.

15. Præterea. Illud quod per medium videtur, non videtur per essentiam. Sed Deus per medium videbitur in patria, quod est lumen gloriæ, ut patet in Psal. xxxv. 10. *In lumine tuo videbimus lumen*. Ergo non videbitur per essentiam.

16. Præterea. Deus in patria videbitur facie ad faciem, ut dicitur I. Corinth. xxi. Sed hominem quem videmus facie ad faciem, videmus per similitudinem. Ergo Deus in patria videbitur per similitudinem, & sic non per essentiam.

Sed contra est quod dicitur I. Corinth. xxi. 12. *Videmus nunc in speculo, & in ænigmate; tunc autem facie ad faciem*. Sed illud quod videtur facie ad faciem, videtur per essentiam. Ergo Deus per essentiam videbitur a sanctis in patria.

Præterea. I. Ioan. xxi. 2. *Cum apparueris, simi-*



*finiles ei erimus, & videbimus eum sicut est.*  
Ergo videbimus Deum per essentiam.

Præterea. I. Corinth. xv. super illud, *Cum tradiderit regnum Dei, & Patri*, dicit Glossa: „Ubi (scilicet in patria) essentia „Patris, & Filii, & Spiritus sancti vide-  
bitur; quod solum nuntiis cordibus dabi-  
tur; quæ est summa beatitudo. “ Ergo  
beati Deum per essentiam videbunt.

Præterea. Ioan. xiv. 21. dicitur: *Si quis dili-  
git me, diligetur a Patre meo; & ego dili-  
gam illum, & manifestabo ei nescipsum.* Sed  
illud quod manifestatur, essentialiter vide-  
tur. Ergo Deus a sanctis in patria essentia-  
liter videbitur.

Præterea. Exod. xxxiii. super illud, *Non  
videbit me homo, & vires*, Gregorius (Lib.  
XVIII. Moral. cap. xxxvi. vel xxviii.)  
improbat opinionem illorum qui dicebant,  
quod in illa regione beatitudinis Deus in  
claritate sua conspici potest, sed in natura  
videri non potest: quia aliud non est eius  
claritas, & eius natura. Sed natura est eius  
essentia. Ergo videtur per suam essentiam.

Præterea. Sanctorum desiderium non pot-  
est omnino frustrari. Sed sanctorum deside-  
rium commune est ut Deum per essentiam  
videant, ut patet Exod. xxxiii. 18. *Osten-  
de mihi (a) faciem tuam:* & Ioan. xiv. 8  
*Ostende nobis Patrem, & sufficit nobis.* Ergo  
sancti Deum per essentiam videbunt.

## S O L U T I O.

Respondeo dicendum, quod sicut secun-  
dum fidem ponimus finem ultimum huma-  
næ vitæ esse visionem Dei; ita Philosophi  
posuerunt ultimam hominis felicitatem esse  
intelligere substantias separatas a materia se-  
cundum esse: & ideo circa hanc questionem  
eadem difficultas, & diversitas invenitur apud  
Philosophos, & apud Theologos.

Quidam enim Philosophi posuerunt quod  
intellectus noster possibilis numquam potest  
ad hoc pervenire ut intelligat substantias  
separatas, sicut Alfarabius in fine suæ Es-  
thicæ, quamvis contrarium dixerit in Lib.  
de intellectu, ut Commentator refert in III.  
de Anima (com. xxxvi.) Et similiter qui-  
dam Theologi posuerunt, quod intellectus  
humanus numquam potest ad hoc pervenire  
quod Deum per essentiam videat. Et utro-  
que ad hoc movet distantia inter intellectum  
nostrum & essentiam divinam, vel alias sub-  
stantias separatas. Cum enim intellectus in

S. Tb. Oper. Tom. XIII.

(a) Vulgata, gloriam.

actu sit quodammodo unum cum intelli-  
gibili in actu, videtur difficile quod intelle-  
ctus creatus aliquo modo fiat essentia increa-  
ta: unde & Chrysostomus dicit (homil.  
xxxii. in Genes.) *Quomodo enim creabile  
videt increabile?* Et maior difficultas in hoc  
est illis qui ponunt intellectum possibilem  
esse generabilem, & corruptibilem, utpote  
virtutem a corpore dependentem non solum  
respectu visionis divinæ, sed respectu visio-  
nis quarumcumque substantiarum separata-  
rum. Sed hæc positi omnino stare non pot-  
est. Primo quia repugnat auctoritati Scrip-  
turæ canonice, ut Augustinus dicit in Lib.  
de videndo Deum (sive epist. cxii. cap. v.)  
Secundo quia cum intelligere sit maxime  
propria operatio hominis, oportet quod se-  
cundum eam assignetur sibi sua beatitudo,  
cum hæc operatio in ipso perfecta fuerit.  
Cum autem perfectio intelligentis inquan-  
tum huiusmodi, sit ipsum intelligibile, si in  
perfectissima operatione intellectus homo non  
perveniat ad videndam essentiam divinam,  
sed aliquid aliud, oportebit dicere quod ali-  
quid aliud sit beatificans ipsum hominem  
quam Deus: & cum ultima perfectio cuius-  
libet sit in coniunctione ad suum principium,  
sequitur ut aliquid aliud sit principium ef-  
fectivum hominis quam Deus; quod est ab-  
surdum secundum nos, & similiter est ab-  
surdum apud Philosophos, qui ponunt ani-  
mas nostras a substantiis separatis emanare,  
ut in fine eas possimus intelligere. Unde  
oportet ponere secundum nos, quod intelle-  
ctus noster quandoque perveniat ad viden-  
dam essentiam divinam, & secundum Phi-  
losophos quod perveniat ad videndam essen-  
tiam substantiarum separatarum. Quomodo  
autem possit hoc accidere, restat investigan-  
dum.

Quidam enim dixerunt, ut Alfarabius,  
& Avempace, quod ex hoc ipso quod intel-  
lectus noster intelligit quacumque intelligibi-  
lia, pertingit ad videndam essentiam sub-  
stantiæ separata: & ad hoc offendendum  
procedunt duobus modis. Quorum primus  
est, quod sicut materia specie non diversifi-  
catur in diversis individuis, nisi secundum  
quod coniungitur principis individuantibus;  
ita forma intellecta hominis non diversifica-  
tur apud me, & te, nisi secundum quod  
coniungitur diversis formis imaginabilibus:  
& ideo quando intellectus separat formam  
intellectam a formis imaginacionis, remanet  
quidditas intellecta, quæ est una & ea-  
dem apud diversos intelligentes, & huius-

Ppp

modi

modi est quidditas substantiæ separatae. Et ideo quando intellectus noster pervenit ad summam abstractionem quidditatis intelligibilis cuiuscumque, intelligit per hoc quidditatem substantiæ separatae, quæ est ei similis. Secundus modus est, quia intellectus noster natus est abstrahere quidditatem ab omnibus intelligibilibus habentibus quidditatem. Si ergo quidditas quam abstrahit ab hoc singulari habente quidditatem, sit quidditas non habens quidditatem, intelligendo eam, intelligit quidditatem substantiæ separatae, quæ est talis dispositionis, eo quod substantiæ separatae sunt quidditates subsistentes non habentes quidditates: quidditas enim simpliciter est ipsum simplex, ut Avicenna dicit (in Metaph. tract. iij. cap. viiij.) Si autem quidditas abstracta ab hoc particulari sensibili sit quidditas habens quidditatem, ergo illam quidditatem intellectus natus est abstrahere: & ita cum non sit abire in infinitum, erit devenire ad quidditatem non habentem quidditatem, per quam intelligitur quidditas separata. Sed iste modus non videtur esse sufficiens. Primo quia quidditas substantiæ materialis quam intellectus abstrahit, non est unius rationis cum quidditatibus separatarum substantiarum: & ita per hoc quod intellectus noster abstrahit quidditates rerum materialium, & cognoscit eas, non sequitur quod cognoscat quidditatem substantiæ separatae, & præcipue divinam essentiam, quæ maxime est alterius rationis ab omni quidditate creata. Secundo quia dato quod esset unius rationis, tamen cognita quidditate rei compositæ, non cognosceretur quidditas separatae substantiæ, nisi secundum genus remotissimum, quod est substantia: hæc autem cognitio est imperfecta, nisi deveniatur ad propria rei. Qui enim cognoscit hominem solum in quantum est animal, non cognoscit eum nisi secundum quid, & in potentia; & multo minus cognoscit eum, si non cognoscat nisi substantiæ naturam in ipso. Unde sic cognoscere Deum, vel alias substantias separatas, non est videre essentiam divinam, vel quidditatem substantiæ separatae; sed est cognoscere per effectum, & quasi in speculo.

Et ideo alius modus intelligendi substantias separatas ponitur ab Avicenna in sua Metaph. scilicet quod substantiæ separatae intelliguntur a nobis per intentiones suarum quidditatum, quæ sunt quedam eorum similitudines non abstractæ ab eis, quia ipsæmet sunt immateriales, sed impressæ ab eis

in animabus nostris. Sed hic modus etiam non videtur nobis sufficere ad visionem divinam quam querimus. Constat enim quod omne quod recipitur in aliquo, est in eo per modum recipientis: & ideo similitudo divinæ essentiae impressa ab ipso in intellectu nostro erit per modum nostri intellectus. Modus autem intellectus nostri deficiens est a receptione perfecta divinæ similitudinis. Defectus autem perfectæ similitudinis potest tot modis accidere, quot modis dissimilitudo invenitur. Uno enim modo est deficiens similitudo, quando participatur forma secundum eandem rationem speciei, sed non secundum eundem perfectionis modum; sicut est similitudo deficiens eius qui habet parum de albedine, ad illum qui habet multum. Alio modo adhuc magis deficiens, quando non pervenitur ad eandem rationem speciei, sed tantum ad eandem rationem generis; sicut est similitudo inter illum qui habet colorem citrinum, & illum qui habet colorem album. Alio modo adhuc magis deficiens, quando ad rationem eandem generis pertingit, sed solum secundum analogiam; sicut est similitudo albedinis ad hominem in eo quod utrumque est ens: & hoc modo est deficiens similitudo quæ est in creatura recepta respectu divinæ essentiae. Ad hoc autem quod visus cognoscat albedinem, oportet quod recipiatur in eo similitudo albedinis secundum rationem suæ speciei, quamvis non secundum eundem modum essendi: quia habet alterius modi esse forma in sensu, & in re extra animam. Si enim fuerit in oculo forma citrini, non diceretur videre albedinem: & similiter ad hoc quod intellectus intelligat aliquam quidditatem oportet quod in eo fiat similitudo eiusdem rationis secundum speciem, quamvis forte non sit idem modus essendi utrobique. Non enim forma existens in intellectu, vel sensu, est principium cognitionis secundum modum essendi quem habet utrobique, sed secundum rationem in qua communicat cum re exteriori. Et ita patet quod per nullam similitudinem receptam in intellectu creato potest (a) sic Deus intelligi quod essentia eius videatur immediate. Unde etiam quidam ponentes divinam essentiam solum per hunc modum videri, dixerunt, quod ipsa essentia non videbitur, sed quidam fulgor, quasi radius ipso. Unde nec ille modus sufficit ad visionem divinam quam querimus.

Et ideo accipiendus est alius modus, quem etiam quidam Philosophi posuerunt, scilicet

(a) unde dicitur sic.

scilicet Alexander, & Averroes in III.<sup>o</sup> de Anima. Cum enim in qualibet cognitione sit necessaria aliqua forma, qua res cognoscatur, aut videatur, forma ista qua intellectus percipitur ad videndas substantias separatas, non est quidditas quam intellectus abstrahit a rebus compositis, ut dicebat prima opinio; neque aliqua impressio relicta a substantia separata in intellectu nostro, ut dicebat secunda; sed est ipsa substantia separata, quæ coniungitur intellectui nostro ut forma, ut ipsa sit quod intelligitur, & qua intelligitur. Et quidquid sit de aliis substantiis separatis, tamen istum modum oportet nos accipere in visione Dei per essentiam: quia quacumque alia forma informaretur intellectus noster, non posset per eam duci in essentiam divinam: quod quidem non debet intelligi quasi divina essentia sit vera forma intellectus nostri, vel quod ex ea, & intellectu nostro efficiatur unum simpliciter, sicut in naturalibus ex forma, & materia naturali; sed quia proportio essentie divinæ ad intellectum nostrum est sicut proportio formæ ad materiam. Quando cumque enim aliqua duo, quorum unum est perfectius altero, recipiuntur in eodem receptibili, proportio unius duorum ad alterum, scilicet magis perfecti ad minus perfectum, est sicut proportio formæ ad materiam; sicut lux, & color recipiuntur in diaphano, quorum lux se habet ad calorem sicut forma ad materiam: & ita cum in anima recipiatur vis intellectiva, & ipsa essentia divina inhabitans, licet (a) non per eundem modum, essentia divina se habeat ad intellectum sicut forma ad materiam. Et quod hoc sufficiat ad hoc quod intellectus per essentiam divinam possit videre ipsam essentiam divinam, hoc modo potest ostendi. Sicut enim ex forma naturali qua aliquid habet esse, & materia efficitur unum ens simpliciter; ita ex forma qua intellectus intelligit, & ipso intellectu sit unum in intelligendo. In rebus autem naturalibus res per se subsistens non potest esse forma alicuius materie, si illa res habeat materiam partem sui, quia non potest esse ut materia sit forma alicuius; sed si illa res per se subsistens sit forma tantum, nihil prohibet eam effici formam alicuius materie, & fieri quo est ipsius compositi, sicut patet de anima. In intellectu autem oportet accipere ipsum intellectum in potentia quasi materiam, & speciem intelligibilem quasi formam; & intellectus in actu intelligens

erit quasi compositum ex utroque. Unde si sit aliqua res per se subsistens quæ non habeat aliquid in se præter id quod est intelligibile in ipsa, talis res per se poterit esse forma qua intelligitur. Res autem quælibet est intelligibilis secundum id quod habet de actu, non secundum id quod habet de potentia, ut patet in IX. Metaph. (text. xx.) & huiusmodi est, quod oportet formam intelligibilem abstrahere a materia, & omnibus proprietatibus materie: & ideo cum essentia divina sit actus purus, poterit esse forma quam intellectus intelligit; & hoc erit visio beatificans; & ideo Magister dicit in 1. dist. II. Sent. quod unio animæ ad corpus est quoddam exemplum illius beatæ unionis qua spiritus uniatur Deo.

Ad primum ergo dicendum, quod auctoritas illa potest tripliciter exponi, ut patet per Augustinum in Lib. de videndo Deum ( seu epist. cxix. cap. v. ) Uno modo ut excludatur visio corporalis, qua nemo vidit, vel visurus est Deum in essentia sua, ut dicitur. Alio modo ut excludatur visio intellectualis Dei per essentiam ab his qui in ista mortali carne vivunt. Tertio modo ut excludatur visio comprehensionis ab intellectu creato: & sic intelligit Chrysostomus: unde subdit: *Notitiam huius dicit Evangelista certissimam; & comprehensionem tantam quantum habet Pater de Filio: & hic est Evangelizæ intellectus: unde subdit: Unigenitus qui est in sinu Patris, ipse enarravit: per comprehensionem visionem volens probare Filium esse Deum.*

Ad secundum dicendum, quod sicut Deus excedit omnia existentia quæ habent esse determinatum, per essentiam suam infinitam; ita cognitio sua qua cognoscit, est super omnem cognitionem: unde quæ est proportio cognitionis nostræ ad entia creata, ea est proportio cognitionis divinæ ad suam essentiam. Ad cognitionem autem duo concurrunt, & cognoscens, & quo cognoscitur. Visio autem illa qua Deum per essentiam videbimus, est eadem cum visione qua Deus se videt ex parte eius quo videtur: quia sicut ipse se videt per essentiam suam, ita & nos videbimus: sed ex parte cognoscentis invenitur diversitas quæ est inter intellectum divinum & nostrum. In cognoscendo autem id quod cognoscitur, sequitur formam qua cognoscimus: quia per formam lapidis videmus lapidem: sed efficacia in cognoscendo sequitur virtutem cognoscentis, sicut qui habet visum

(a) *id. deip. non.*

fortem, acutius vider: & ideo in illa visione nos idem videbimus quod Deus videt, scilicet essentiam suam, sed non ita efficaciter.

Ad tertium dicendum, quod Dionysius ibi loquitur de cognitione qua Deum in vi cognoscimus per aliquam formam creatam, qua intellectus noster formatur ad eum videndum. Sed, sicut dicit Augustinus (epist. cxi. cap. vi. vii. & viii.) Deus omnem formam intellectus nostri subterfugit: quia quamcumque formam intellectus noster concipiat, illa formam non pertingit ad rationem divinæ essentiae: & ideo ipse non potest esse pervius intellectui nostro; sed in hoc eum perfectissime cognoscimus in statu viz quod scimus eum esse super omne id quod intellectus noster concipere potest, & sic ei quasi ignoto coniungimur. Sed in patria id ipsum per formam quæ est essentia sua, videbimus, & coniungemur ei quasi noto.

Ad quartum dicendum, quod Deus est lux, ut dicitur I. Ioan. i. Lumen autem est impressio lucis in aliquo illuminato: & quia essentia divina est alterius modi quam omnis similitudo ipsius impressa in intellectu, ideo dicit, quod tenebræ divinæ operiuntur omni lumini, quia scilicet essentia divina, quam tenebras vocat, propter claritatis excessum manet non demonstrata per impressionem intellectus nostri, & per hoc sequitur quod abscondatur omni cognitioni: & ita quicumque videndum Deum aliquid mente concipit, hic non est Deus, sed aliquid divinum effectuum.

Ad quintum dicendum, quod claritas Dei quamvis excedat omnem formam qua nunc intellectus formatur, non tamen excedit ipsam essentiam divinam, quæ erit quasi forma intellectus nostri in patria: & ideo licet nunc sit invisibilis, tamen tunc erit visibilis.

Ad sextum dicendum, quod quamvis finiri ad infinitum non possit esse proportio, quia excessus infiniti supra finitum non est determinatus; potest tamen esse inter ea proportionalitas quæ est similitudo proportionum: sicut enim finitum æquatur alicui finito, ita infinito infinitum. Ad hoc autem quod aliquid totaliter cognoscatur, quandoque oportet esse proportionem inter cognoscens & cognitum: quia oportet virtutem cognoscentis adæquari cognoscibilitati rei cognite: æqualitas autem proportio quædam est. Sed quandoque cognoscibilitas rei excedit virtutem cognoscentis, sicut cum nos cognoscimus Deum, aut e converso, sicut cum

ipse cognoscit creaturas; & tunc non oportet esse proportionem inter cognoscentem & cognitum, sed proportionalitatem tantum, ut scilicet sicut se habet cognoscens ad cognoscendum, ita se habeat cognoscibile ad hoc quod cognoscatur: & talis proportionalitas sufficit ad hoc quod infinitum cognoscatur a finito, & e converso. Vel dicendum, quod proportio secundum primam nominis institutionem significat habitudinem quantitatis ad quantitatem secundum aliquem determinatum excessum, vel adæquationem; sed ulterius est translatus ad significandum omnem habitudinem cuiuscumque ad aliud; & per hunc modum dicimus, quod materia debet esse proportionata ad formam: & hoc modo nihil prohibet intellectum nostrum, quamvis sit finitus, dici proportionatum ad videndum essentiam infinitam, non tamen ad comprehendendum eam, & hoc propter suam immanentiam.

Ad septimum dicendum, quod duplex est similitudo, & distantia. Una secundum convenientiam in natura; & sic magis distat Deus ab intellectu creato quam intelligibile creatum a sensu: alia secundum proportionalitatem; & sic est e converso, quia sensus non est proportionatus ad cognoscendum aliquod immateriale, sed intellectus est proportionatus ad cognoscendum quodcumque immateriale: & hæc similitudo requiritur ad cognitionem, non autem prima: quia constat quod intellectus intelligens lapidem non est similis ei in naturali esse; sicut etiam visus apprehendit mel rubeum, & fel rubeum, quamvis non apprehendat mel dulce: mellis enim rubedo magis convenit cum felle in quantum est visibile, quam dulcedo mellis cum felle.

Ad octavum dicendum, quod in visione qua Deus per essentiam videbitur, ipsa divina essentia erit quasi forma intellectus qui intelligit: nec oportet quod efficiant unum secundum esse simpliciter, sed solum quod fiat unum quantum pertinet ad actum intelligendi, ut supra dictum est.

Ad nonum dicendum, quod dictum Avicennæ quantum ad hoc non sustinemus, quia ei etiam ab aliis Philosophis in hoc contradicitur; nisi forte velimus dicere, quod Avicenna intelligit de cognitione substantiarum separatarum, secundum quod cognoscuntur per habitus scientiarum speculativarum, & similitudinum aliarum rerum. Unde hoc introducit ad ostendendum, quod scientia non est in nobis substantia, sed accidens. Et tamen divina essentia quamvis plus distet se-

cum.

secundum proprietatem naturæ suæ ab intellectu nostro quam substantia Angeli; tamen plus habet de ratione intelligibilitatis, quia est actus purus, cui non admiscetur aliquid de potentia; quod non contingit in aliis substantiis separatis. Nec illa cognitio qua Deum per essentiam videbimus, ex parte eius quod videbitur, erit in genere accidentis, sed solum quantum ad actum ipsius intelligentis, qui non erit ipsa substantia intelligentis, vel intellectus.

Ad decimum dicendum, quod substantia separata a materia intelligit se, & intelligit alia: & utroque modo potest verificari auctoritas inducta. Cum enim ipsa essentia substantiæ separatæ sit per se ipsam intelligibilis in actu, eo quod est a materia separata, constat quod quando substantia separata intelligit se, omnino idem est intelligens, & intellectus. Non enim intelligit se per aliquam intentionem abstractam a se, sicut nos intelligimus res materiales: & hic videtur esse intellectus Philosophi in III. de Anima, ut patet per Commentatorem ibidem. Secundum autem quod intelligit res alias, intellectus in actu fit unum cum intellectu in actu, in quantum forma intellectus fit forma intellectus, in quantum est intellectus in actu, non quod sit ipsam essentia intellectus, ut Avicenna probat in VI. de naturalibus: quia essentia intellectus manet una sub duabus formis, secundum quod intelligit res duas successive, ad modum quo materia prima manet una sub diversis formis: unde etiam Commentator in III. de Anima (com. v.) comparat intellectum possibilem quantum ad hoc materiam primam. Et sic nullo modo sequitur quod intellectus noster videns Deum, fiat ipsa essentia divina, sed quod ipsa essentia divina comparatur ad ipsum quasi perfectio, & forma.

Ad undecimum dicendum, quod auctoritates illæ, & omnes similes sunt intelligentie de cognitione qua cognoscimus Deum in via ratione prius posita.

Ad duodecimum dicendum, quod infinitum privative dictum, est ignotum, in quantum est huiusmodi, quia dicitur per remotionem complementi, a quo est cognitio rei: unde infinitum reducit ad materiam substantiam privationi, ut patet in III. Physic. (text. lxxx.). Sed infinitum negative acceptum dicitur per remotionem materiam terminantis, quia forma etiam quodammodo terminatur per materiam: unde infinitum hoc modo de se maxime est cognoscibile; & hoc modo infinitus est Deus.

Ad tertium decimum dicendum, quod Augustinus loquitur de visione corporali, qua nunquam videbitur: quod patet ex hoc quod præmittitur: *Sicut enim videntur visibilia ista que nominantur, Deum nemo vidit unquam, nec videre potest, & est natura invisibilis, sicut & incorruptibilis.* Sicut autem secundum suam naturam est maxime ens, ita & secundum se est maxime intelligibilis; sed quod a nobis quandoque non intelligatur, est ex defectu nostro: unde quod videatur postquam visus non fuit a nobis, non est ex mutatione sua, sed nostra.

Ad quartum decimum dicendum, quod Deus in patria videbitur a sanctis sicuti est, si hoc referatur ad modum ipsius visi: videbitur enim a sanctis Deus habere illum modum quem habet: sed si referatur modus ad ipsum cognoscentem, non videbitur sicuti est, quia non erit tanta efficacia intellectus creati ad videndum, quanta efficacia divinæ essentiae ad hoc quod intelligatur.

Ad quintum decimum dicendum, quod medium in visione corporali, & intellectuali invenitur triplex. Primum est medium sub quo videtur; & hoc est quod perficit visum ad videndum in generali, non determinans visum ad aliquod speciale obiectum, sicut se habet lumen corporale ad visum corporalem, & lumen intellectus agentis ad intellectum possibilem. Secundum est medium quo videtur; & hoc est forma visibilis qua determinatur utrique visus ad speciale obiectum, sicut per formam lapidis ad cognoscendum lapidem. Tertium est medium in quo videtur; & hoc est id per cuius inspectionem ducitur visus in aliam rem, sicut inspiciendo speculum ducitur in ea quæ in speculo representantur, & videndo imaginem ducitur in imaginatum: & sic etiam intellectus per cognitionem effectus ducitur in causam, vel e converso. In visione igitur patriæ non erit tertium medium, ut scilicet Deus per species aliorum cognoscatur, sicut nunc cognoscitur, ratione cuius dicimus nunc videre in speculo; nec erit ibi secundum medium, quia ipsa essentia divina erit qua intellectus noster videbit Deum, ut ex dictis patet; sed erit ibi tantum primum medium, quod elevari intellectum nostrum ad hoc quod possit coniungi essentiae increatæ modo prædicto. Sed ab hoc medio non dicitur cognitio mediata, quia non cadit inter cognoscentem & rem cognitam, sed est illud quod dat cognoscenti vim cognoscendi.

Ad sextum decimum dicendum, quod creaturæ corporales non dicuntur immediate videri,

deri, nisi quando id quod in eis est coniungibile visui, ei coniungitur: non sunt autem coniungibiles per essentiam suam ratione materialitatis: & ideo tunc immediate videntur quando eorum similitudo intellectui coniungitur. Sed Deus per essentiam coniungibilis est intellectui: unde non immediate videretur, nisi essentia sua coniungeretur intellectui: & hæc visio immediata dicitur visio faciei. Et præterea similitudo rei corporalis recipitur in visu secundum eandem rationem qua est in re, licet non secundum eundem modum essendi: & ideo similitudo illa ducit in illam rem directe. Non autem potest hoc modo ducere aliqua similitudo intellectum nostrum in Deum, ut ex dictis patet: & propter hoc non est simile.

## ARTICULUS II.

*Utrum sancti post resurrectionem Deum corporalibus oculis videbunt.*

*III. P. quæst. xxi. art. 3.*

1. **A**D secundum sic proceditur. Videtur quod sancti post resurrectionem Deum corporalibus oculis videbunt. Oculus enim glorificatus maioris erit virtutis quam aliquis oculus non glorificatus. Sed beatus Iob oculo suo Deum videbit: Iob xlii. 5. *Audiu auris audivi te, nunc autem oculus meus videt te*. Ergo multo fortius oculus glorificatus Deum per essentiam videre poterit.

2. Præterea. Iob xix. 26. *In carne mea videbo Deum Salvatorem meum*. Ergo videbitur quod corporalibus oculis Deus in patria videbitur.

3. Præterea. Augustinus XXII. de civ. Dei: ( cap. xxi. paulo ultra medium ) loquens de visu oculorum glorificatorum, sic dicit: *Vis præpollentior oculorum quid illorum, non ut aeris videant quam quidam perhibentur videre serpentes, vel aquila ( quantalibet enim acrimonia ornandi eadem animalia vigent, nibil aliud possunt videre quam corpora ) sed ut videant & incorporea*. Quicumque autem potentia cognoscitiva est incorporealis, potest elevari ad videndum Deum. Ergo oculi gloriosi Deum videre poterunt.

4. Præterea. Quæ est differentia corporaliæ ad incorporealiæ, eadem est et converso. Sed oculus incorporeus potest ( a ) corporaliter videre. Ergo oculus corporeus potest videre incorporealiæ, & sic idem quod prius.

5. Præterea. Gregorius in V. Moral. ( cap. xxiv. vel xxv. ) super illud Iob iv. *Sinit quidam cuius non agnoscebant vultum* &c. sic dicit: „ Homo qui si præceptum servare voluisset, etiam carne spiritualis futurus fuisset, rat, factus est peccando & mente carnalis. “ Sed ex hoc quod est mente factus carnalis, ut ibidem dicitur, solum ea cogitat quæ ad animum per corporum imagines trahit. Ergo etiam quando carne spiritualis erit, quod post resurrectionem sanctis promittitur, etiam carne spiritualia videre poterit; & sic idem quod prius.

6. Præterea. Homo solo Deo potest beatificari. Beatificabitur autem non solum quantum ad animam, sed etiam quantum ad corpus. Ergo non solum intellectu, sed etiam carne Deum videre poterit.

7. Præterea. Sicut Deus est præsens per essentiam suam in intellectu, ita etiam erit præsens in sensu: quia erit omnia in omnibus, ut dicitur I. Corinth. xv. Sed videbitur ab intellectu ex hoc quod sua essentia ei coniungatur, ut supra dictum est. Ergo poterit etiam a sensu videri.

Sed contra est quod Ambrosius dicit super Lucam ( cap. 1. ) *Nec corporalibus oculis Deus queritur, nec circumscribitur visu, nec tactu tenetur*. Ergo nullo modo corporali sensu Deus videbitur.

Præterea. Hieronymus dicit ( cap. 1. in Isai. ) *Non solum Deitatem Patris, sed nec Filii, nec Spiritus sancti oculi carnis possunt aspicere, sed oculi mentis, de quibus dicitur: Beati mundo corde* &c.

Præterea. Idem Hieronymus dicit: *Res incorporeales corporalibus oculis non videntur*. Sed Deus est maxime incorporealis. Ergo &c.

Præterea. Augustinus in Lib. de videndo Deum ( ut sup. cap. 21. ) dicit: *Deum nemo vidit unquam, vel in hac vita sicuti ipse est, vel in Angelorum vita, sicut visibilia ista qua corporali visione cernuntur*. Vita autem Angelorum dicitur vita beata, in qua resurgentes vivent. Ergo &c.

Præterea. Secundum hoc homo dicitur factus ad imaginem Dei quod Deum conspiciere potest, ut Augustinus dicit ( super Gen. ad litt. Lib. III. cap. xix. & xx. ) Sed homo est ad imaginem non secundum carnem, sed secundum mentem. Ergo mente, & non carne Deum videbit.

( a ) Forte corporalia.

## SOLUTIO.

Respondedo dicendum, quod sensu corporali aliquid sentitur dupliciter: uno modo per se, alio modo per accidens. Per se quidem sentitur illud quod per se passionem sensui corporali inferre potest. Per se autem potest aliquid passionem inferre aut sensui inquantum est sensus, aut huic sensui inquantum est hic sensus. Quod autem hoc secundo modo infert per se passionem sensui, dicitur sensibile proprium, sicut color respectu visus, & sonus respectu auditus. Quia autem sensus inquantum est sensus, utitur organo corporali, non potest in eo aliquid recipi nisi corporaliter; cum omne quod recipitur in aliquo, sit in eo per modum recipientis: & ideo omnia sensibilia inferunt passionem sensui inquantum est sensus, secundum quod habent magnitudinem: & ideo magnitudo, & omnia consequentia, ut motus, & quies, & numerus, & huiusmodi, dicuntur sensibilia communia per se tantum. Per accidens autem sentitur illud quod non infert passionem sensui neque inquantum est sensus, neque inquantum est hic sensus, sed coniungitur his quae per se sensui inferunt passionem; sicut Sortes, & filius Diaris, & amicus, & alia huiusmodi: quae per se cognoscuntur in universali intellectu; in particulari autem in virtute cognitiva in homine, affirmativa autem in aliis animalibus. Huiusmodi autem tunc sensus exterior dicitur sentire, quamvis per accidens, quando ex eo quod per se sentitur, vis apprehensiva, cuius est illud cognitum per se cognoscere, statim sine dubitatione, & discursu apprehendit; sicut videmus aliquem vivere ex hoc quod loquitur. Quando autem aliter se habet, non dicitur illud sensus videre etiam per accidens. Dico ergo, quod Deus nullo modo potest videri visu corporali, aut aliquo alio sensu sentiri, sicut per se visibile, nec hic, nec in patria: quia si a sensu removeretur id quod convenit sensui inquantum est sensus, non erit sensus: & similiter si a visu removeretur id quod est visus inquantum est visus, non erit visus. Cum ergo sensus, inquantum est sensus, percipiat magnitudinem, & visus, inquantum est talis sensus, percipiat colorem; impossibile est quod visus percipiat aliquid quod non est color, nec magnitudo, nisi sensus diceretur zquivoce. Cum ergo visus, & sensus sit futurus idem specie in corpore gloriosi, non poterit esse quod divinam ef-

sentiam videat sicut visibile per se; videbit autem eam sicut visibile per accidens, dum ex una parte visus corporalis tantam gloria<sup>m</sup> Dei inspiciet in corporibus, & praecipue gloriosis, & maxime in corpore Christi, & ex parte alia intellectus tam clare videbit Deum quod in rebus corporaliter visus Deus percipietur, sicut in locutione percipitur vita: quamvis enim nunc intellectus noster non videat Deum ex creaturis, tamen videbit eum in creaturis corporaliter visus. Et hunc modum quo Deus corporaliter possit videri, ponit Augustinus in fine de civ. Dei (Lib. XXII. cap. xxix.) ut patet verba eius inveniunt: dicit enim sic: *Valde credibile est si nos visuros mundana tunc corpora caeli novi, vel terra, ut Deum ubique praesentem, & universa corpora gubernantem clarissima perspicuitate videamus; non sicut nunc invisibilia Dei per ea quae facta sunt, intellecta conspiciuntur; sed sicut homines mox ut aspicimus, non credimus vivere, sed videmus.*

Ad primum ergo dicendum, quod verbum illud Iob intelligitur de oculo spirituali, de quo dicit Apostolus Ephes. 1. 18. *Illuminatus habere oculos cordis vestri.*

Ad secundum dicendum, quod illa austeritas non intelligitur, quod per oculos carnis Deum simus visuri, sed quia in carne existentes Deum videbimus.

Ad tertium dicendum, quod Augustinus loquitur inquirendo in verbis illis, & sub conditione; quod patet ex hoc quod praemittitur: *Longe itaque alterius potentia erunt, si per eas videbitur incorporata illa natura: & postea subdit: Vis itaque Cre. & postmodum determinat, ut dictum est.*

Ad quartum dicendum, quod omnis cognitio sit per aliquam abstractionem a materia: & ideo quanto forma corporalis magis abstrahitur a materia, magis est cognitionis principium: & inde est quod forma in materia existens nullo modo est cognitionis principium; in sensu autem aliquo modo, prout a materia separatur; & in intellectu nostro adhuc melius: & ideo oculus spiritualis, a quo removeretur impedimentum cognitionis, potest videre rem corporealem; non autem sequitur quod oculus corporalis, in quo deficit vis cognoscitiva, secundum quod participat de materia, possit cognoscere perfecte cognoscibilia quae sunt incorporata.

Ad quintum dicendum, quod quamvis mens facta carnalis non possit cogitare nisi accepta a sensibus, tamen cogitat ea immaterialiter: & similiter oportet quod visus illud

lud quod apprehendit, semper apprehendat corporaliter: unde non potest cognoscere illa quae corporaliter apprehendi non possunt.

Ad sextum dicendum, quod beatitudo est perfectio hominis in quantum est homo: & quia homo non habet quod sit homo ex corpore, sed magis ex anima, corpus autem est de essentia hominis in quantum est perfectum per animam; ideo beatitudo hominis non consistit principaliter nisi in actu animae, & ex ea derivatur ad corpus per quamdam redundantiam, sicut patet ex his quae dicta sunt xlv. dist. (quaest. 11. art. 4. in corp.) Quaedam tamen beatitudo corporis nostri erit, in quantum Deum videbit in sensibilibus creaturis, & praecipue in corpore Christi.

Ad septimum dicendum, quod intellectus est perceptivus spirituum, non autem visus incorporealis: & ideo intellectus poterit cognoscere divinam essentiam sibi coniunctam, non autem visus incorporealia.

### ARTICULUS III.

*Utrum sancti in patria videndo Deum, eum comprehendant.*

*I. P. quaest. xlii. art. 3. & III. contr. Gen. cap. lv. de ver. quaest. vii. art. 8.*

**A**D tertium sic proceditur. Videtur quod sancti in patria videndo Deum, comprehendant. I. Corinth. ix. 24. *Sic currite ut comprehendatis.* Cursus autem est ad primum. Ergo comprehensio Dei est primum virtutis, quod sanctis reddetur.

2. Praeterea. Augustinus dicit in Lib. de videndo Deum (cap. vii.) *Totum comprehenditur videndo quod ita videtur, ut nihil ipsius lateat videntem.* Sed si Deus videtur ab aliquo, nihil ipsius later videntem: quia cum sit simplex, non potest esse quod aliquid eius videatur, & aliquid lateat. Ergo Deus a quolibet ipsum vidente comprehenditur.

3. Praeterea. Omne quod totum totaliter videtur, comprehenditur. Sed Deusa videntibus essentiam suam totus videtur, & totaliter: quia totus Deus non est nisi eius essentia; quilibet etiam eius modus est eius essentia: nec potest essentia eius videri, nisi ipse totus, & totaliter videatur. Ergo ab omnibus essentiam suam videntibus comprehenditur.

4. Praeterea. Sicut dicitur in III. de Ani-

ma (text. xv.) intellectus eodem modo intelligit se, & alia. Sed, sicut dicit Augustinus in Lib. lxxxiii. Quaest. (quaest. xiv.) omne quod se intelligit, comprehendit se. Ergo omne quod intelligit aliud, comprehendit ipsum. Sed quilibet videns essentiam divinam, intelligit ipsam. Ergo comprehendit eam.

5. Praeterea. Omne illud de quo cognoscitur quid est, comprehenditur, quia hoc cognoscitur quasi per suam definitionem: comprehenditur autem cuius fines circumscribi possunt, ut dicit Augustinus in Lib. de videndo Deum (cap. vii.) Sed omne illud cuius essentia videtur, cognoscitur de eo quid est. Ergo quilibet essentiam Dei videns, comprehendit ipsum.

6. Praeterea. Quantitas actionis est secundum quantitatem formae, quae est actionis principium: secundum enim quantitatem caloris est quantitas calefactionis. Sed forma, quae est cognitionis principium, est id quo cognoscens cognoscit. Ergo secundum modum eius quo cognoscitur, est modus cognitionis. Sed illud quo cognoscitur Deus, non est aliud quam eius essentia, ut dictum est supra: haec autem infinita est. Ergo & visio infinita: ergo ea potest divina essentia comprehendere, quamvis sit infinita.

7. Praeterea. Si essentia divina non potest comprehendere, hoc non est nisi propter excessum claritatis ipsius. Sed excessus cognoscibilis impedit cognitionem, in quantum corrumpit potentiam cognoscitivam: quod accidit tantum in sensu, non autem in intellectu, ut patet ex hoc quod dicitur in III. de Anima (text. vii.) quod qui intelligit maxima, non minus potest intelligere minima, sed magis; cuius contrarium in sensu accidit. Cum ergo divina essentia non videatur nisi per intellectum, ut dictum est, videtur quod excessus divinae claritatis comprehensionem divinae essentiae non impediat.

8. Praeterea. Essentia divina comprehensibilis est ab aliquo intellectu, quia ipse Deus seipsum comprehendit. Si ergo ab intellectu humano non possit comprehendere, hoc erit propter defectum intellectus. Sed lumen gloriae aufert omnem defectum intellectus, cum etiam per gloriam auferatur omnis corporis defectus. Ergo illi qui in lumine gloriae videbunt Deum, comprehendunt ipsum.

Sed contra est quod Augustinus dicit in Lib. de videndo Deum (cap. ix.) *Dei plenitudinem non solum oculis corporis, sed nec ipsa*



*ipsa mente quisquam aliquando comprehendit.*

Præterea . Sicut dicit Augustinus in Lib. XXXIII. Quæst. ( quæst. XIV. ) quod comprehendit se, finitum esse sibi . Ergo quod comprehendit aliud, illud finitum est ei . Sed Deus non potest esse finitus alicui intellectui creato. Ergo nullus intellectus creatus potest Deum comprehendere .

Præterea . Damascenus dicit in I. Lib. ( de Fide ortho. cap. v. ) *Quoniam incomprehensibilis est Dei substantia, his qui divina credunt Scriptura, non dubium est.*

Præterea . Omne quod comprehendit aliquid, vel est maius, vel æquale illi . Sed intellectus creatus non potest esse maior Deo, nec æqualis . Ergo non potest ipsum comprehendere .

## S O L U T I O .

Respondeo dicendum, quod comprehendere dicitur quasi simul prendere, id est capere : & ideo illud proprie comprehenditur quod simul capitur, id est cum omnibus quæ eius sunt . Unde oportet quod omne comprehensum includatur in comprehendente ; includitur autem proprie contentum in continente : & ideo oportet comprehensum contineri in comprehendente . Sicut autem dicitur corporaliter aliquid in altero contineri, quia non excedit continens ex ulla parte secundum quantitatem dimensionum, ut vinum in dolio, ita dicitur contineri aliquid ab aliquo spiritualiter, quod subsistat virtuti eius, & in nullo excedit ipsum . Et ideo tunc dicitur aliquid per cognitionem comprehendendi, quando cognitum stat sub actu virtutis cognoscitivæ, & non excedit ipsam . Excessus autem omnis est secundum aliquam quantitatem . Secundum hanc autem quantitatem dicitur cognoscibile excedere potentiam cognoscitivam, secundum quam cognoscibile est ab ipsa . Sensibile autem cognoscitur & secundum quantitatem dimensionum, propter hoc quod sensus in cognoscendo utitur organo corporali, ratione cuius cognoscitur sensibilia omnia quæ reducuntur ad quantitatem dimensionum ; & secundum quantitatem virtutem, ut patet in sensibilibus propriis, quæ qualitates sunt : & ideo etiam comprehensio sensus impeditur & propter excessum quantitatis dimensionum, sicut impeditur ne comprehendat totam terram, & propter excessum quantitatis virtutis, sicut impeditur ne comprehendat clari-

*S. Th. Op. Tom. XIII.*

( a ) *Supple angulos .*

tatem solis : quia non est tanta virtus oculi ad cognoscendum, quanta est claritas solis quæ est cognoscibilis . Intelligibile autem non cognoscitur ab intellectu sub ratione quantitatis dimensionum nisi per accedens, in quantum scilicet accipit a sensu ; ex quo sequitur quod intelligat cum continuo, & tempore : & secundum hoc intellectus impeditur a comprehensione intelligibilis propter excessum quantitatis, sicut impeditur a comprehensione lineæ, vel numeri infiniti . Sed per se loquendo, intelligibile comparatur ad intellectum secundum rationem quantitatis virtualis, eo quod proprium obiectum intellectus est *quid* : & ideo in his quæ sunt separata a sensu, non impeditur comprehensio intellectus nisi per excessum quantitatis virtualis : & hoc est quando intelligibile plus est cognoscibile quam intellectus cognoscere possit, vel cognoscat . Sicut ille qui scit hanc conclusionem, *Triangulus habet tres (a)*, per probabilem rationem, quia scilicet ita communiter dicitur, non comprehendit ipsam : non quia partem eius videat, & partem non videat ; sed quia modus quo cognoscit, deficit a modo quo est cognoscibilis per demonstrationem . Essentia autem divina est cognoscibilis per veritatem suam ; intellectus autem est cognoscitivus per lumen intellectuale quod est in ipso . Veritas autem divinæ essentiae excedit lumen quodcumque intellectus creaturæ : & ideo impossibile est quod videat Deum ita perfecte sicut est visibilis : & ex hoc sequitur quod nullus intellectus creatus Deum comprehendere possit .

Ad primum ergo dicendum, quod Apostolus loquitur de comprehensione gloriæ, quæ scilicet fit ut anima capiat in se omne illud quod ad perfectionem gloriæ pertinet ; & secundum hoc dicitur gloriæ comprehendere, quamvis numquam divinam essentiam intellectu comprehendat . Vel comprehensio ibi dicitur ipsa perventio ad habendum Deum, secundum quod spei dicitur comprehensio succedere .

Ad secundum dicendum, quod Augustinus duo ponit in definitione comprehensionis : quorum uno excluditur excessus cognoscibilis supra virtutem cognoscentis, quæ est secundum quantitatem dimensionum ; & quantum ad hoc dicit : *Quod ita videtur ut nihil eius lateat videntem* ; alio autem excluditur excessus secundum quantitatem virtutis ; & quantum ad hoc dicit : *Aut cuius fines circumspici possunt* : tunc enim fines rei

Q 99

416

circumspiciuntur quando videns pervenit ad finem visionis perfecte videndo.

Ad tertium dicendum, quod totam essentiam sancti videbunt in patria, sed non totaliter: non ita quod aliquis modus sit in Deo quem non videant, vel aliquis modus sit intellectus ipsorum qui non convertatur ad Deum; sed quia modus quo convertuntur ad Deum cognoscendum, non est æqualis modo quo Deus est cognoscibilis: & hæc inæqualitas ostenditur cum dicitur, quod divina essentia non totaliter videbitur: hoc enim adverbium *totaliter* neque dicit modum videntis absolute, neque modum absolute rei visæ; sed modum videntis per comparisonem ad rem visam: hoc enim adverbium determinat ipsam visionem, secundum quam comparatur videns ad visum.

Ad quartum dicendum, quod quando aliquid intelligit se, idem est modus cognoscens, & cogniti: & ideo si intelligit se, comprehendit se. Non est autem idem modus cognoscens, & cogniti quando intellectus intelligit aliud: & ideo non est simile.

Ad quintum dicendum, quod eodem modo aliquis cognoscit quid est res quo cognoscit essentiam rei, cum ipsa essentia sit quidditas rei: & ideo ille solus comprehendit quid est res, qui comprehendit essentiam: unde sicut sancti videbunt essentiam divinam, sed non comprehendent ipsam; ita videbunt quid est Deus, sed non comprehendent: (a) & ita non videbitur Deus ab eis sicut videtur res per suam diffinitionem, cuius essentia comprehenditur.

Ad sextum dicendum, quod actio non attribuitur formæ tantum, quæ est principium actionis, sed compositio; sicut calefactio calido, non calori tantum: & ideo actionem oportet mensurare non solum secundum formam, quæ est principium actionis, sed etiam secundum subiectum formæ. Sed forma quæ non est per se subsistens, non habet alium modum a modo subiecti, quia non habet esse nisi inquantum est actus talis subiecti; & ideo mensura formæ est mensura compositi: sed forma quæ est per se subsistens, habet aliquem modum, inquantum est res quædam subsistens, & quædam modum, secundum quod est actus talis subiecti: & hic modus accipitur secundum mensuram, quæ perfectibile pertingit ut perficiatur tali forma; & ex hoc modo mensuratur actio. Essentia autem divina est per se subsistens: & ideo visio quæ per eam fit in intellectu crea-

to, non mensuratur secundum modum infinitum, qui est ipsius essentia secundum se, sed secundum modum quo intellectus pertingit ad hoc quod per ipsam perficiatur. Ad hoc autem pertingit, inquantum ei coniungitur per lumen gloriæ, quod est finitum: & ideo finita est ex parte videntis.

Ad septimum dicendum, quod claritas Dei dicitur veritas suæ essentia, per quam cognoscibilis est, sicut sol per suam claritatem: & quamvis non impediat comprehensionem per corruptionem intellectus, impedit tamen ex ipso excessu: quia non potest contingere quod intellectus creatus pertingat ad cognoscendum ita perfecte divinam essentiam sicut cognoscibilis est.

Ad octavum dicendum, quod gloria perficit naturam, & non destruit; & ideo imperfectionem, quæ est de ratione naturæ, lumen gloriæ non tollit, sicut hoc quod est ex nihilo esse: ex hoc autem ipso intellectus creatus deficit a possibilitate comprehensionis; & ideo nec per lumen gloriæ ad comprehensionem pervenire potest.

#### ARTICULUS IV.

*Utrum eorum qui vident Deum per essentiam, unus alio videat perfectius.*

*I. Par. quæst. xvi. art. 6. & III. cons. Gen. cap. lviii.*

1. **A**D quantum sic proceditur. Videtur quod eorum qui vident Deum per essentiam, unus alio videt perfectius. Quia, ut dicit Augustinus in Lib. lxxxiii. Qq. (quæst. xxxii.) eandem rem non potest unus alio magis intelligere. Sed divina essentia non videbitur nisi per intellectum. Ergo unus alio non videbit plenius.

2. Præterea. Tanto aliquid perfectius videtur, quanto expressior similitudo rei in se fit in vidente. Sed non erit expressior similitudo qua Deus videatur in uno quam in alio eorum qui Deum per essentiam vident: quia eadem essentia est in omnibus. Ergo unus alio non melius videbit.

3. Præterea. Ille melius videt a quo magis remouentur impedimenta visionis. Sed in nullo remanebit aliquod visionis impedimentum. Ergo omnes æqualiter videbunt.

4. Præterea. Omnes sancti videbunt Deum sicut est: I. Ioan. iii. Sed non potest melius videri quam sit. Ergo unus alio non melius videbit.

5. Præ-

5. Præterea. Optimus modus cognoscendi Deum est quo videtur per essentiam. Sed optimo non potest esse melius. Ergo videndum Deum per essentiam unus alio melius non videt.

Sed contra. Homines assumuntur ad fortes Angelorum. Sed superiores Angeli Deum clarius vident quam inferiores, ut patet per Dionysium in caelest. Hierar. (cap. v. viii. & x.) Ergo & hominum in gloria quidam aliis clarius videbunt.

Præterea. In visione Dei consistit essentialiter hominis beatitudo. Sed quidam aliis beatiores erunt, ut supra dictum est. Ergo quidam aliis clarius videbunt.

Præterea. In lumine gloriæ Deus a sanctis videbitur, sicut dicitur in Psal. xxxv. 10. *In lumine tuo videbimus lumen.* Sed quidam aliis maiori lumine replebuntur. Sicut enim stella differt a stella in claritate, sic erit resurrectio mortuorum, ut dicitur I. Corinth. xv. Claritas autem corporis claritatem indicabit mentis. Ergo quidam clarius videbunt Deum.

### SOLUTIO.

Respondeo dicendum, quod cum principium actionis sit forma qua agitur, oportet ex parte eius sumi actionis mensuram; aliter autem in formis subsistentibus quam in aliis formis, ut prius dictum est. In aliis enim formis est quantitas fortitudinis in actione secundum quantitatem eius quod receptum est de forma in subiecto, ut de calore in calido; in formis autem subsistentibus, secundum quod subiectum subditur formæ magis vel minus. Potentia autem cognoscitiva subditur formæ qua cognoscit, secundum hoc quod habet virtutem cognoscendi. Illud enim quod facit visum potentem ad videndum est quod facit eum receptivum similitudinis coloris. Sicut autem intellectus possibilis per lumen naturale intellectus agentis fit cognoscitivus naturalium cognoscibilium, ita per lumen gloriæ superadditum fit visus divinæ essentiae: unde secundum quantitatem recepti luminis accipitur modus quo subsistat intellectus noster essentiae divinæ, ut formæ intelligibili, & per consequens modus perfectionis in operatione, cuius talis forma est principium, scilicet in visione Dei per essentiam: & ideo eum quidam sancti aliis maiori lumine gloriæ repleantur, quidam aliis clarius videbunt.

Ad primum ergo dicendum, quod unus

alio non potest aliquid idem magis intelligere, si *ly magis* importat modum qui est ex parte intellectus. Non enim potest esse ut aliquis intelligat rem, nisi intelligendo rem habere illum modum quem habet: si enim alium modum rei attribuat, errat, & non intelligit; & sic intelligit Augustinus. Sed si *ly magis* dicat modum qui est ex parte intelligentis, sic unus alio melius potest intelligere, inquantum est limpidiore eius cognitio de uno & eodem cognoscibili.

Ad secundum dicendum, quod quamvis in intellectu unius sancti non sit expressior similitudo Dei qua ipsum cognoscit, quam in alio, quia quilibet per essentiam suam Deum videt: tamen intellectus unius perfectius subsistat formæ qua intelligit, quam intellectus alterius; & ita unus alio perfectius intelligit.

Ad tertium dicendum, quod intensio secundum quam aliquid dicitur magis & minus, non solum causatur per recessum a contrario, sed etiam per accessum ad terminum, sicut patet in intensione lucis corporalis: & sic etiam lumen spirituale intenditur in uno beatorum magis quam in alio per maiorem assimilationem ad Deum, quamvis in nullo inveniatur aliquid contrarium illi lumini.

Ad quartum dicendum, quod cum dicitur, Omnes sancti videbunt Deum sicut est, *ly sicut* importat modum qui est ex parte visus, non qui sit ex parte videtis. Quilibet enim videbit Deum esse eo modo quo est; sed tamen modus videtis non erit æqualis modo rei visæ, sed in infinitum distans; & ita modus unius videtis potest esse minus distans quam modus alterius.

Ad quintum dicendum, quod videre Deum per essentiam est perfectissimus modus cognoscendi Deum secundum genus; sed tamen in hoc genere potest maius & minus inveniri, sicut ignis est subtilissimus corporum species; & tamen unus ignis alio subtilior invenitur.

### ARTICULUS V.

*Utrum sancti videntes Deum per essentiam omnia videant que Deus in seipso videt.*

I. P. quæst. xii. art. 8. III. contra Gen. cap. lix. & de ver. quæst. viii. art. 4.

1. **A**D quintum sic proceditur. Videtur quod sancti videntes Deum per essentiam, omnia videant que Deus in seipso videt.

Q q 2

videt. Quia, ut dicit Isidorus in Lib. de summo bono ( l. cap. xii. §. xvii. ) Angeli in Verbo Dei omnia sciunt antequam niant. Sed sancti Angelis æquales erunt, ut patet Matth. xxi. Ergo & sancti videndo Deum omnia videbunt.

2. Præterea. Gregorius dicit \* ( Lib. II. Moral. cap. 111. ) *Quia illie omnes communi claritate Deum conspiciunt, quid est quod ibi nesciant, ubi scientem omnia sciunt?* Loquitur autem de beatis qui vident Deum per essentiam. Ergo qui videt Deum per essentiam, omnia cognoscit.

3. Præterea. Sicut dicitur in III. de Anima ( text. vii. ) intellectus, cum intelligit maxima, magis intelligere potest & minima. Sed maximum intelligibile est Deus. Ergo maxime augeat virtutem intellectus in intelligendo: ergo intellectus Deum videns, omnia intelligit.

4. Præterea. Intellectus non impeditur ab intelligendo aliquid, nisi inquantum illud superat ipsum. Sed intellectum Deum videntem nulla creatura superat: quia, ut dicit Gregorius in II. Dial. ( cap. xxxv. ) *anima videnti Creatorem angusta fit omnis creatura.* Ergo videntes Deum per essentiam omnia cognoscunt.

5. Præterea. Omnis potentia passiva quæ est non reducta ad actum, est imperfecta. Sed in possibili intellectu animæ humanæ est potentia quasi passiva ad cognoscendum omnia: quia intellectus possibilis est quo est omnia fieri, ut dicitur in III. de Anima ( text. xviii. ) Si ergo in illa beatitudine non intelligeret omnia, remaneret imperfectus; quod est absurdum.

6. Præterea. Quicumque videt speculum, videt ea quæ in speculo resultant. Sed in Verbo Dei omnia sicut in speculo resultant: quia ipsum est ratio, & similitudo omnium. Ergo sancti qui vident Verbum per essentiam, vident omnia creata.

7. Præterea. Ut dicitur Prover. cap. x. 24. *Desiderium suum iustus dabitur.* Sed sancti desiderant omnia scire: quia omnes homines natura scire desiderant ( ut in princ. Metaph. ) nec natura per gloriam auferetur. Ergo dabitur eis a Deo quod omnia cognoscant.

8. Præterea. Ignorantia est quædam penalitas præsentis vite. Sed omnis penalitas a sanctis per gloriam auferetur. Ergo & omnis ignorantia; & ita omnia cognoscunt.

9. Præterea. Beatitudo sanctorum per ipsum

est in anima quam in corpore. Sed corpora sanctorum reformabuntur in gloriam ad similitudinem corporis Christi, ut patet Philip. xii. Ergo & animæ perficientur ad similitudinem animæ Christi. Sed anima Christi in Verbo omnia videt, ut in III. Libro dist. xiv. ( quæst. 1. art. 2. quæstionc. 2. ) dictum est. Ergo & omnes animæ sanctorum videbunt omnia in Verbo.

10. Præterea. Sicut sensus, ita & intellectus cognoscit omne illud in cuius similitudinem informatur. Sed divina essentia expressius indicat quamlibet rem quam aliqua alia similitudo rer. Ergo cum in illa beata visione essentia divina fiat quasi forma intellectus nostri, videtur quod sancti videntes Deum omnia videant.

11. Præterea. Commentator dicit in III. de Anima ( com. xxxvi. ) quod si intellectus agens esset forma intellectus possibilis, intelligeremus omnia. Sed divina essentia clarius repræsentat omnia quam intellectus agens. Ergo intellectus videns Deum per essentiam cognoscit omnia.

12. Præterea. Propter hoc quod inferiores Angeli nunc non omnia cognoscant, illuminantur de ignotis a superioribus. Sed post diem iudicii Angelus non illuminabit Angelum: tunc enim omnis prælatio cessabit, ut dicit Glossa I. Corinth. xv. ( vers. 24. ) Ergo inferiores Angeli tunc omnia scient, & eadem ratione omnes alii sancti Deum per essentiam videntes.

Sed contra. Sicut dicit Dionysius in viii. cap. caelest. Hier. Angeli superiores inferiores a nescientia purgant. Angeli autem inferiores vident essentiam divinam. Ergo Angelus videns essentiam divinam ( a ) potest aliqua nescire. Sed anima non perfectius videbit Deum quam Angelus. Ergo animæ videntes Deum non oportet quod omnia videant.

Præterea. Solus Christus habet spiritum non ad mensuram, ut dicitur Ioan. xii. Sed Christo, inquantum habet spiritum non ad mensuram, competit quod omnia in Verbo cognoscat: unde ibidem dicitur, quod Pater omnia dedit in manu eius. Ergo nulli alii competit omnia cognoscere in Verbo nisi Christo.

Præterea. Quantoaliquod principium perfectius cognoscitur, tanto plures effectus eius cognoscuntur per ipsum. Sed quidam videntem Deum per essentiam perfectius aliis cognoscunt Deum, qui est rerum omnium principium.

( a ) id. non potest.

EX EDIT. P. NICOLAI. \* Lib. IV. Dialogi cap. xxxviii.

cipium. Ergo quidam aliis plura cognoscunt; & ita non omnes scient omnia.

## S O L U T I O.

Respondeo dicendum, quod Deus videndo suam essentiam cognoscit omnia quae sunt, vel erunt, vel fuerunt: & hoc dicitur cognoscere notitia visionis, quia ad similitudinem visionis corporalis cognoscit ea quasi praesentia. Cognoscit insuper videndo essentiam suam omnia quae potest facere, quamvis numquam fecerit, vel facturus sit: alias non perfecte cognosceret potentiam suam: non enim potest cognosci potentia, nisi scientur potentiae obiecta: & hoc dicitur cognoscere notitia simplicis intelligentiae. Impossibile est autem quod aliquis intellectus creatus cognoscat omnia videndo essentiam divinam quae Deus potest facere: quia quanto aliquod principium perfectius cognoscitur, tanto plura sciuntur in ipso; sicut in uno demonstrationis principio ille qui est perspicacioris ingenii, plures conclusiones videt quam alius qui est ingenii tardioris. Cum ergo quantitas potentiae divinae attendatur secundum ea in quae potest, si aliquis intellectus videret in divina essentia omnia quae Deus potest facere, eadem esset quantitas perfectionis in intelligendo quae est quantitas divinae potentiae in producendo effectus; & ita comprehenderet divinam essentiam; quod est impossibile omni creato intellectui. Illa autem omnia quae Deus scit notitia visionis, aliquis intellectus creatus cognoscit in Verbo, scilicet (a) anima Christi, ut in III. Lib. dist. xiv. dictum est.

Sed de aliis videntibus divinam essentiam est duplex opinio.

Quidam enim dicunt, quod omnes videntes Deum per essentiam, vident omnia quae Deus videt scientia visionis. Sed hoc repugnat sanctorum dictis, qui ponunt Angelos aliqua ignorare; quos tamen constat secundum fidem omnes Deum per essentiam videre.

Et ideo alii dicunt, quod alii a Christo, quamvis videant Deum per essentiam, non tamen vident omnia quae Deus videt, eo quod essentiam divinam non comprehendunt. Non est enim necessarium quod sciens causam, sciat omnes eius effectus, nisi causam comprehendat; quod non competit intellectui creato: & ideo unusquisque videns Deum per essentiam tanto plura in eius essentia conspiciat, quanto clarius divinam es-

sentiam intuetur: & inde est quod de his potest unus alium instruere: & sic scientia Angelorum, & animarum sanctorum potest augeri usque ad diem iudicii, sicut & alia quae ad praemium accidentale pertinent. Sed ulterius (a) non proficiet: quia tunc erit ultimus status rerum, & in illo statu possibile erit quod omnes omnia cognoscant quae Deus scientia visionis novit.

Ad primum ergo dicendum, quod hoc quod dicit Iulianus quod sciunt Angeli in Verbo omnia antequam fiant, non potest referri ad illa quae Deus scit scientia simplicis intelligentiae tantum, quia illa numquam fiunt; sed referendum est ad ea tantum quae Deus scit scientia visionis, de quibus etiam dicit, quod non omnes Angeli ea omnia cognoscant, sed forte aliqui; & illi etiam qui cognoscunt, non perfecte omnia cognoscunt. In una enim re est multas rationes intelligibiles considerare, sicut diversas eius proprietates, & habitudines ad res alias; & possibile est quod eadem re scita communiter a duobus, unus alio plures rationes percipiat, & has rationes unus ab alio accipiat: unde & Dionysius dicit vii. cap. de div. Nom. quod inferiores Angeli docentur a superioribus rerum scibiles rationes: & ideo etiam Angeli qui omnes creaturas cognoscunt, non oportet quod omnia quae in eis intelligi possunt, participent.

Ad secundum dicendum, quod ex verbo illo Gregorii ostenditur, quod in illa beata visione est sufficientia ad omnia intuenda ex parte divinae essentiae, quae est medium quo videtur, per quam Deus omnia videt; sed quod non omnia videantur, est ex defectu intellectus creati, qui divinam essentiam non comprehendit.

Ad tertium dicendum, quod intellectus creatus non videt divinam essentiam secundum modum ipsius essentiae, sed secundum modum proprium, qui finitus est: unde non oportet quod eius efficacia in cognoscendo ex visione praedicta ampliatur in infinitum ad omnia cognoscendum.

Ad quartum dicendum, quod defectus cognitionis non solum procedit ex excessu, & defectu cognoscibilis super intellectum, sed etiam ex hoc quod intellectui non coniungitur id quod est ratio coniungibilis; sicut visus non videt lapidem quandoque ex hoc quod species lapidis non est ei coniuncta. Quamvis autem intellectus videns Deum coniungatur ipsa divina essentia, quae est omnium ratio; non tamen coniungitur ei prout

(a) anima. (b) non proficiet.

prout est omnium ratio, sed secundum quod est ratio aliquorum, & tanto plurium, quanto quisque plenius divinam essentiam intuetur.

Ad quintum dicendum, quod quando potentia passiva est perfectibilis pluribus perfectionibus ordinatis, si perfecta sit sua ultima perfectione, non dicitur imperfecta, & tamen si aliquæ dispositiones precedentes ei desint. Omnis autem cognitio qua intellectus creatus perficitur, ordinatur sicut ad finem ad Dei cognitionem. Unde videns Deum per essentiam, etiam si nihil aliud cognosceret, perfectum intellectum haberet; nec est perfectior ex hoc quod aliquid aliud cum ipso cognoscit, nisi quatenus ipsum plenius videt. Unde Augustinus in V. Confess. (cap. xv.) *Infelix homo qui scit omnia illa, scilicet creaturas, se autem nescit; beatus autem qui se scit, etiam si illa nesciat.* Qui vero te, & illa novit, non propter illa, beatiore, sed propter te tantum beatus.

Ad sextum dicendum, quod speculum illud est voluntarium, & sicut se ostendit cui vult, ita in se ostendit quæ vult: nec est simile de speculo materiali, in cuius potestate non est quod videatur, vel non videatur. Unde dicendum, quod in speculo materiali tam res quam speculum videntur sub propria forma, quamvis speculum illud videatur per formam receptam, lapis vero per formam propriam resultantem in re alia: & ideo per quam rationem cognoscitur unum, & aliud. Sed in speculo increato videtur aliquid per formam ipsius speculi, sicut effectus videtur per similitudinem causæ, & e converso; & ideo non oportet quod quicumque videt speculum æternum, videat omnia quæ in speculo resultant: non enim necesse est quod videns causam, videat omnes effectus eius, nisi comprehendat causam.

Ad septimum dicendum, quod sanctorum desiderium, quo omnia scire desiderant, implebitur ex hoc solum quod Deum videbunt: sicut desiderium eorum, quo omnia bona habere cupiunt, complebitur in hoc quod Deum habebunt. Sicut enim Deus in hoc quod habet perfectam bonitatem, sufficit affectui, & eo habito omnia bona quodammodo habentur: ita eius visio sufficit intellectui. Ioan. xiv. 8: *Domine ostende nobis Patrem, & sufficit nobis.*

Ad octavum dicendum, quod ignorantia proprie accepta in privationem sonat; & sic pena est: sic enim ignorantia est nescien-

tia aliquorum quæ sciri debent, vel quæ necesse est scire. Nullus autem eorum scientia sanctis deerit in patria. Quandoque autem ignorantia accipitur communiter pro omni nescientia; & sic Angeli, & sancti in patria quædam ignorabunt: unde Dionysius dicit (de cal. Hierar. cap. vii.) quod Angeli a nescientia purgantur. Sic autem ignorantia non est poenalis, sed defectus quidam. Sic autem nec est necesse quod omnis talis defectus per gloriam auferatur: sic enim etiam posset dici, quod defectus est in Lino, quod non pervenit ad gloriam Petri.

Ad nonum dicendum, quod corpus nostrum conformabitur corpori Christi in gloria secundum similitudinem, non secundum æqualitatem: erit enim clarum sicut & corpus Christi, sed non æqualiter. Et similiter anima nostra habebit gloriam ad similitudinem animæ Christi, sed non ad æqualitatem: & ita habebit scientiam sicut anima Christi, sed non tantam, scilicet ut sciat omnia, sicut anima Christi.

Ad decimum dicendum, quod quamvis essentia divina sit ratio omnium cognoscibilium, non tamen coniungitur culibet intellectui creato, secundum quod est ratio omnium: & ideo ratio non sequitur.

Ad undecimum dicendum, quod intellectus agens est forma proportionata intellectui possibili, sicut etiam potentia materiæ est proportionata potentie agentis naturalis; ut omne quod est in potentia passiva materiæ, vel intellectus possibilis, sit in potentia activa intellectus agentis, vel naturalis agentis: & ideo si intellectus agens fuerit forma intellectus possibilis, oportet quod intellectus possibilis cognoscat omnia ad quæ se extendit virtus intellectus agentis. Divina autem essentia non est forma hoc modo intellectui nostro proportionata: & ideo non est simile.

Ad duodecimum dicendum, quod nihil prohibet dicere, quod post diem iudicii, quando gloria hominum, & Angelorum erit penitus consummata, omnes beati scient omnia quæ Deus scientia visionis novit, ita tamen quod non omnes omnia videant in essentia divina; sed anima Christi ibi plene videbit omnia, sicut & nunc videt; alii autem videbunt ibi plura, vel pauciora secundum gradum quo Deum cognoscunt; & sic anima Christi de his quæ præ aliis videt in Verbo, omnes alias illuminabit: unde dicitur Apoc. xxi. quod claritas Dei illumi-

nat civitatem beatorum, & lucerna eius est  
agnus: (a) & similiter Angeli superiores  
illuminabunt inferiores, non quidem nova  
illuminatione, ut scientia inferiorum per hoc  
augeatur, sed quadam continuatione illumi-  
nationis; sicut si intelligatur quod sol qui-  
escens illuminat aerem: & ideo dicitur Dan.  
xii. 3. quod qui ad iustitiam erudiunt mul-  
tos, fulgebunt quasi stelle in perpetuas aet-  
ernitates. Prælatio autem ordinis dicitur cessa-  
ra quantum ad ea quæ nunc circa nos per  
eorum ordinata (b) ministeria exercentur,  
ut patet etiam per Glossam ibidem.

## ARTICULUS VI.

*Utrum aliquis intellectus creatus ex propriis  
naturalibus possit Deum per essentiam  
videre.*

1. P. quæst. xxi. art. 4. III. contr. Gent.  
cap. lxi. de ver. quæst. xi. art. 3. &  
1. 2. quæst. v. art. 3.

1. **A**D sextum sic proceditur. Videtur  
quod aliquis intellectus creatus ex  
propriis naturalibus possit Deum per essen-  
tiam videre. Secundum enim multorum o-  
pinionem, Angeli in solis naturalibus crea-  
ti sunt. Sed Angeli in principio suæ crea-  
tionis videntur res in Verbo, ut dicit Au-  
gustinus super Genes. ad litteram (Lib. II.  
cap. vtti.) & hæc dicitur (c) eorum co-  
gnitio matutina. Ergo aliquis intellectus  
creatus ex propriis naturalibus Deum per  
essentiam videre potest.

2. Præterea. Boni Angeli, & mali non  
communicant nisi in naturalibus. Sed Angeli  
mali vident Deum per essentiam: quod patet  
ex hoc quod habetur Iob 1. & 2. Cum  
assisterent filii Dei, affuit etiam inter eos Sa-  
tan. Assistentes autem nominantur Angeli  
secundum Gregorium (Lib. I. Moral. cap.  
11. & 111.) qui inima contemplatione per-  
fruantur. Ergo Angeli ex propriis natura-  
libus Deum per essentiam videre possunt.

3. Præterea. Ille qui potest videre illud  
quod est minus intelligibile, potest videre il-  
lud quod est magis intelligibile, ut Commen-  
tator dicit in III. de Anima (comm.  
vii.) Sed divina essentia est magis intelli-  
gibilis quam ista materialia, quæ non sunt  
intelligibilia, nisi quia nos facimus ea esse  
intelligibilia; ipse autem Deus, cum omni-  
no sit a materia immunis, per seipsum est  
intelligibilis. Cum ergo nos videamus ex

propriis naturalibus creaturas materiales, vi-  
detur multo fortius quod ex propriis natu-  
ralibus Deum per essentiam videre possimus;  
& præcipue hoc videtur de Angelis.

4. Præterea. Ut dicitur in III. de Ani-  
ma (text. xii.) *sicut habes se visus ad  
visibile, ita se habes intellectus ad intelli-  
gibile*. Sed visus non impeditur a visione nisi  
aliquo quatuor modorum. Uno modo pro-  
pter corruptionem visus, scilicet quando est  
aliqua macula in pupilla: quod non potest  
dici de intellectu angelico etiam in statu  
naturalium, quia sunt specula munda, &  
clarissima, ut Dionysius dicit in iv. cap. de  
div. Nom. Alio modo propter absentiam vi-  
sibilis: nec hoc potest dici in proposito, quia  
Deus est præsens omni intellectui, quia omnia  
implet. Tertio modo ex hoc quod visibile  
non est visibile in actu, sicut colores in ve-  
nebris: non enim sunt visibiles actu nisi per  
lucem: quod etiam in proposito dici non  
potest, quia ipse Deus per seipsum visibilis  
est, cum sit lux intelligibilis, ut patet Ioan.  
1. Quarto modo per excellentiam obiecti,  
quod corrumpit sensum: nec hoc in propo-  
sito locum habet: excellentiæ enim intelli-  
gibilium non corrumpunt intellectum, sicut  
excellentiæ sensibilibus corrumpunt sensum,  
ut dicitur in III. de Anima (text. viii.)  
Ergo nihil est quod impediat quin aliquis  
intellectus creatus ex propriis naturalibus  
Deum videre possit per essentiam.

5. Præterea. Unumquodque cognoscitur  
per suam similitudinem. Sed Angelus secun-  
dum propriam naturam est expressa similitu-  
do ipsius Dei, ut dicit Dionysius in iv. cap.  
de div. Nom. quod Angelus est *imago Dei*,  
*manifestatio oculi luminis*, scilicet divini.  
Ergo Angelus per propriam naturam potest  
Deum per essentiam videre.

6. Præterea. In Lib. de causis (prof. x.)  
dicitur, quod omnis intelligentia intelligit  
quod est supra se, inquantum est causatum  
ab eo. Sed quilibet intellectus creatus secun-  
dum naturam suam est causatus a Deo. Er-  
go secundum suam naturalem potest Deum per  
essentiam videre.

7. Præterea. Ad immensitatem divinæ li-  
beralitatis pertinet ut creaturæ communicet  
omne id cuius ipsa est capax. Sed creatura  
est capax huius muneris quod ex propriis  
naturalibus Deum per essentiam videre pos-  
sit: ad hoc enim quod Deum per essentiam  
videat potest pertingere per lumen gloriæ: &  
quod quidem lumen sicut est naturæ super-  
additum, ita posset esse a Deo naturæ indi-  
tum.

(a) *Id.* quod similiter. (b) *Id.* mysteria. (c) *Id.* rerum.

tem. Ergo alicui creaturæ est collatum quod ex propriis naturalibus pertingat ad videndum Deum per essentiam.

8. Præterea. Commentator dicit in principio IX. Metaph. (II. Metaph. comment. x. in fine) quod si aliquid esset intelligibile, a nullo intellectu intellectum, illud intelligibile esset frustra. Sed absurdum est dicere, quod divina essentia sit frustra intelligibilis. Ergo aliquis intellectus per suam naturam potest ipsam videre.

Sed contra Roman. vi. 23. dicitur: *Gratia Dei vita æterna*. Sed videre Deum per essentiam est vita æterna, ut patet Ioan. xvii. 3. *Hæc est vita æterna, ut cognoscant te solum Deum verum, & quem misisti Iesum Christum*. Ergo ad videndum Deum per essentiam non potest perveniri nisi per gratiam.

Præterea. Ad illud quod redditur caritati in præmium, non potest perveniri per naturalia, cum etiam ipsa caritas sit supra naturam. Sed visio Dei per essentiam redditur caritati in præmium, ut patet Ioan. xiv. 21. *Si quis diligit me, diligetur a Patre meo; & ego manifestabo ei meipsum*. Ergo ad videndum Deum per essentiam (a) non potest ex propriis naturalibus intellectus creatus pervenire.

Præterea. Natura cum gratia est fortior quam natura solum. Sed sancti in limbo existentes, quamvis gratiam haberent, non viderunt Deum per essentiam: unde in eorum persona dicitur Tob. v. 12. *Quale mihi gaudium (b) est, qui in tenebris sedeo, & lumen celi non video?* Ergo multo minus ex puris naturalibus aliquis ad hoc pertinere potest.

Præterea. Secundum ordinem effectuum est & ordo causarum: nobilioris enim effectus nobilior est causa. Sed inter omnia quæ possunt puræ creaturæ præstari, hoc est maximum, ut Deum per essentiam videat. Ergo huius causa non potest esse natura, sed solum Deus, qui est summa omnium causa.

### SOLUTIO.

Respondeo dicendum, quod ad hoc quod intellectus Deum per essentiam videat, oportet quod essentia divina uniatur intellectui nostro quodammodo ut forma intelligibilis. Forma autem non coniungitur perfectibili, nisi quando perfectibile habet dispositiones quibus efficitur susceptivum talis formæ; sicut corpus non unitur animæ, nisi

quando in corpore sunt dispositiones convenientes ad animam suscipiendam. Unde oportet ad hoc quod intellectus uniatur essentia divini modo prædicto, quod sit in eo aliquid per modum dispositionis, præparans ipsum ad unionem prædictam; & hoc est lumen quo intellectus perficitur ad videndum Deum per essentiam divinam. Hæc autem dispositio non potest esse naturalis alicui creato intellectui: ultima enim dispositio ad formam secundum eandem rationem recipitur in perfectibili; & forma ipsa; ita quod si unum est naturale, & aliud: quia perfectibile per ultimam dispositionem ad formam contingit ipsam formam. Forma autem, quæ est divina essentia, omnem facultatem, & capacitatem naturalem excedit. Potentia enim, & proprius eius actus semper accipiuntur in eodem genere: unde potentia, & actus dividunt quodlibet genus entis, ut patet in III. Physic. (text. 111.) & ideo facultas, sive potentia creaturæ non se extendit nisi ad sui generis formam: & sic essentia divina, quæ est extra omne genus, excedit naturalem facultatem cuiuslibet intellectus creati: & ideo dispositio ultima quæ est ad unionem intellectus cum tali essentia, excedit omnem facultatem naturæ: unde non potest esse naturalis, sed supra naturam: & ista dispositio est lumen gloriæ, de quo dicitur ibi Psalm. xxxv. 10. *In lumine tuo videbimus lumen*. Secundum autem naturalem facultatem potest intellectus creatus pervenire ad cognitionem Dei per formas creatas ei inditas, vel acquisitas; sed hæc cognitio (c) non est visio eius per essentiam, sicut ex dictis patet: nec per eam scitur quid est, sed solum quia est, & quid non est.

Ad primum ergo dicendum, quod Angeli in prima sua conditione non viderunt Verbum per essentiam; viderunt tamen per similitudinem creatam, quæ est ipsa naturæ eorum, quæ est Dei similitudo; & hoc, sive ponantur creati in gratia, sive non, dummodo non ponantur creati in gloria: unde & cognitio vespertina qua seipsos cognoverunt in propria natura, præcessit in eis cognitionem matutinam, qua cognoscunt res in Verbo: quod pater ex hoc quod primus dies habet vespere sine mane.

Ad secundum dicendum, quod diabolus non dicitur Deo assistisse, quasi ipsum per essentiam videret, sed quia a Deo visus est, & ad eum Dei providentia se extendit, sicut ad bonos Angeles, per modum quo dicimus,

(a) *In ecclesiæ descriptio non.* (b) *Vulgata, et h.* (c) *Id. descriptio non.*



cimus, illa nobis præsto esse quæ nostræ providentiæ subiacent: unde æquivoce sumitur assidere.

Ad tertium dicendum, quod aliquid potest esse per se magis intelligibile, quod tamen est minus intelligibile intellectui alicui: quod de nostro intellectu manifeste apparet. Facultas enim intellectus nostri determinatur ad formas sensibiles quæ per intellectum agentem fiunt intellectæ in actu, eo quod phantasmata hoc modo se habent ad intellectum nostrum sicut sensibilia ad sensum, ut dicitur in III. de Anima (text. xxx.) & ideo oportet quod in omne illud quod intellectus noster intelligit, naturaliter manducatur per formas sensibiles, ut etiam Dionysius dicit (de divin. Nomin. cap. 1.) & quia substantiæ separatae, quæ sunt per se maxime intelligibiles, excedunt genus formarum sensibilibus; ideo intellectus noster invenitur debilis ad cognitionem earum: propter quod dicitur in II. Metaph. (lect. 1. D. Thom.) quod intellectus noster se habet ad manifestissimam naturam, sicut oculus nostræ ad solem. Facultas autem naturalis intellectus angelici, quamvis non sit determinata ad formas sensibiles, est tamen determinata ad formas creatas quæ sunt sui generis: & ideo sicut intellectus noster deficit a cognitione substantiarum separatarum; ita & multo amplius deficit intellectus angelicus secundum suam facultatem naturalem a visione Dei per essentiam. Dicitur autem Commentatoris intelligitur de intelligibilibus creatis.

Ad quartum dicendum, quod intellectus creatus non impeditur ad hoc quod naturaliter possit Deum per essentiam videre ex defectu divinæ essentia, quod de se non sit intelligibilis in actu, sed ex parte ipsius intellectus creati. Primo propter defectum ipsius intellectivæ virtutis creatæ, cuius naturalis facultas est determinata ad ens creatum. Hic tamen defectus aliter est in Angelo, & in homine, secundum sua naturalia considerando eos. In intellectu enim Angeli non invenitur aliquis defectus secundum rationem sui generis, sed secundum comparisonem ad intellectum qui est extra genus suum, scilicet divinum: habet enim omnem perfectionem quæ debetur generi intellectus, in quo non continetur nisi intellectus creatus: intellectus enim increatus est extra genus. Sed intellectus humanus patitur defectum etiam secundum rationem sui generis: quia in eo est lux intelligibilis obumbrata: unde dicit Isaac, quod ratio oritur in umbra intel-

ligentia. Secundo propter absentiam intelligibilis. Quamvis enim divina essentia sit cuilibet rei præsens, non tamen est præsens cuilibet intellectui, ut forma intelligibilis: quod tunc solum accidit quando in intellectu est dispositio sufficiens ad hoc quod sit unibilis divinæ essentia: ut forma intelligibilis. Tertio propter excessum claritatis divinæ essentia supra formam quæ intellectus creatus naturaliter intelligit: & sic per consequens deficit intellectus creatus a videndo Deum per essentiam, quamvis immensitas divinæ essentia intellectum non corrumpat, sed magis confortat.

Ad quintum dicendum, quod ad cognoscendum Deum per aliquam similitudinem creatam potest intellectus creatus ex sua naturalibus pervenire; sed hæc cognitio non est visio Dei per essentiam, ut supra probatum est.

Ad sextum dicendum, quod effectus retinet similitudinem suæ causæ, & ex hoc sequitur quod intelligentia naturaliter cognoscit causam suam ex similitudine eius quam habet; sed hoc non est videre Deum per essentiam, ut dictum est.

Ad septimum dicendum, quod non quidquid superadditur creaturæ, potest esse de constitutione naturæ ipsius. Illud enim quod ad proprietatem naturæ superioris pertinet, non potest communicari inferiori naturæ, ut illud naturaliter habeat, nisi transferatur in superiorem naturam; sicut diaphano non potest communicari ut absente lucido luceat, nisi ipsum lucidum fiat, quamvis lumen ei a corpore lucido communicetur. Determinari autem ad formam intelligibilem increatam est proprietas intellectus increati: & ideo lumen illud per quod intellectus unitur formæ intelligibili increatæ, communicari potest intellectui creato, sed non ut ipsum lumen naturaliter habeat, nisi in naturam intellectus increati transferatur; quod est impossibile.

Ad octavum dicendum, quod etiam si nullus intellectus intelligeret divinam essentiam nec per naturam, nec per gratiam, divinæ essentia non esset frustra intelligibilis: tum quia ipsa seipsam intelligit: tum quia non est propter aliud: frustra autem non habet locum nisi in his quæ propter aliud sunt, ad quod non pertingunt.

## ARTICULUS VII.

*Utrum Deus in statu viæ possit per essentiam  
videri.*

*I. P. quæst. xii. art. 2. III. con. Gen. cap. lxxvii.  
de ver. quæst. x. art. 11. & quodl. 1. art. 1.*

1. **A**D septimum sic proceditur. Videtur quod Deus in statu viæ possit per essentiam videri. Quia dicitur Isai. vi. 1. *Vidi Dominum sedentem super solium excelsum, & elevatum: & plena erat omnis terra maiestate eius, & Seraphim clamabant.* Sed ille cuius maiestas omnis terra impletur, est ille qui essentialiter est Deus. Ergo Isaias vidit Deum per essentiam in statu viæ existens.

2. Præterea. Videre Deum facie ad faciem, est videre Deum per essentiam, ut patet I. Corinth. xiii. sic enim beatam visionem Apostolus nominat. Sed Jacob in statu viæ existens vidit Deum facie ad faciem: unde dicit Genes. xxxii. 30. *Vidi Dominum facie ad faciem, & salva facta est anima mea.* Ergo aliquis in statu viæ potest videre Deum per essentiam.

3. Præterea. Iob xlii. *Auditu auris audi-  
vi te, nunc autem oculus meus videt te.* Vi-  
sus autem est de rebus præsentibus, auditus  
autem de absentibus. Ergo postquam Iob  
cognoverat Deum quasi absentem per audi-  
tum, adhuc in hac vita existens vidit Deum  
quasi præsentem per essentiam.

4. Præterea. De Moyse dicitur Num. xii.  
8. *Palam, & non per enigmata vides Deum.*  
Sed omnis visio Dei vel est per enigma, vel  
per essentiam, ut patet I. Corinth. xiii.  
Ergo Moyses in statu viæ existens vidit Deum  
per essentiam.

5. Præterea. II. Corinth. xii. super il-  
lud, *Raptum fui in modum usque ad tertium cæ-  
lum,* dicit Glossa (ex Augustino XII. sup.  
Gen. ad litt. cap. xxviii.) quod Deus o-  
stendit Apostolo vitam, in qua videndus est  
in æternum; & ita ad hoc raptus est Apo-  
stolus ut ipsum Deum in se, non in aliqua  
figura videret: & infra dicitur, quod in ter-  
tio ordine Angelorum sunt Throni, Cheru-  
bim, & Seraphim, qui vicinius Deum con-  
templantur; ad quorum similitudinem Deum  
vidisse dicitur Apostolus. Ex quibus omni-  
bus aperte ostenditur quod ipse vidit Deum

per essentiam; & sic idem quod prius.

6. Præterea. Secundum Augustinum XII.  
super Gen. ad litteram (cap. xxxi.) visio-  
ne intellectuali videntur ea quæ sunt in a-  
nima per sui essentiam. Sed visio intelle-  
ctualis est de rebus ipsis intelligibilibus non  
per aliquas similitudines, sed per suas essen-  
tias, ut ipse dicit. Ergo cum Deus per suam  
essentiam sit in anima viatoris, videtur quod  
per essentiam suam ipsum videatur.

7. Præterea. Affectus magis est corruptus  
per peccatum quam intellectus: quia pecca-  
tum in voluntate est, ut dicit Augustinus  
(Lib. I. Retract. cap. xv.) Sed affectus  
potest immediate diligere Deum in statu viæ.  
Ergo & intellectus potest immediate videre  
Deum.

8. Præterea. Omne illud immediate vide-  
tur per intellectum ad quod intellectus se  
convertit sine hoc quod convertatur ad ali-  
quid aliud. Sed intellectus viatoris potest  
converti ad Deum sine hoc quod converta-  
tur ad aliquid aliud. Ergo intellectus via-  
toris potest immediate videre Deum.

9. Præterea. Illud per quod iudicamus de  
aliquibus, oportet esse nobis magis notum  
quam illa. Sed secundum Augustinum in  
Lib. de vera relig. (cap. xxx.) secundum  
veritatem increatam de omnibus iudicamus,  
ipsam de omnibus consulentes etiam in sta-  
tu viæ. Ergo ipsam veritatem videmus.  
Sed veritas increata est divina essentia. Ergo  
in via Deum per essentiam videre pos-  
sumus.

10. Præterea. Propter quod unumquodque,  
illud magis (I. Post. cap. 11.) Sed omnia  
quæ cognoscimus, cognoscimus per lumen  
divinum, quod est ipsa divina essentia:  
quia, ut dicitur in Lib. de spiritu & anima  
(cap. xii.) mens nostra in actum cogni-  
tionis exire non potest, nisi divino lumine  
perfundatur. Ergo ipsum Deum per essen-  
tiam videmus magis quam aliquid aliud.

11. Præterea. Secundum Augustinum \*  
(Lib. VII. super Gen. ad litt. cap. xiii.) mens  
nostra a Deo nulla interposita creatura for-  
matur. Sed in omni mediata visione aliquid  
interponitur. Ergo & in hac vita mens no-  
stra immediate videt Deum.

12. Præterea. Per quamlibet scientiam spe-  
culativam cognoscitur de subiecto quid est.  
Sed Deus in aliqua scientia speculativa est  
subiectum, vel saltem in parte alicuius scien-  
tiæ, sicut in Theologia, & in Metaphysica,  
quæ

EX EDIT. P. NICOLAI. \* Lib. de spiritu, & anima cap. xi. hæc habentur. *Mentem dicimus ita sa-  
ctam ad imaginem Dei, ut nulla interposita natura ab ipsa veritate formetur.* Augustini tamen non est hic  
Lib. vi.

quæ etiam de Deo est, ut patet in principio Metaph. Ergo per aliquam scientiam speculativam scitur de Deo quid est: & hoc est videre ipsum per essentiam. Ergo cum omnes scientias speculativas possimus habere in via, Deum in statu viæ per essentiam videre possumus.

13. Præterea. Nihil impeditur nisi a suo contrario. Sed corruptio corporis non contrariatur dispositioni intellectus, cum non sint in eodem. Ergo dispositio intellectus non impeditur per corporis corruptionem. Sed anima in corpore (a) incorruptibili existens videbit Deum per essentiam. Ergo & corpori corruptibili iuncta potest Deum per essentiam videre.

Sed contra est quod dicitur Exod. xxxiii.

20. *Non videbit me homo, & vivet*: Glossa (Gregorii Lib. XVIII. Moral. cap. xxviii.)

„Quamdiu hic mortaliter vivitur, videtur per quasdam imagines Deus potest, sed per ipsam naturæ suæ speciem non potest.“

Præterea. Ioan. i. 18. dicitur: *Deum nemo vidit unquam*: Glossa (Augustini) „Nemo purus homo vivens in hoc corpore videt Deum ut est.“

Præterea. II. Corinth. v. 6. *Quamdiu sumus in corpore, peregrinamur a Domino: per fidem enim ambulamus, & non per speciem*: (b) Glossa: „Homini vitam mortalem adducit, huc agenti non potest contingere ut discuto atque omni discusso nubilo phantasmarum corporalium serenissima incommutabilis veritatis luce potiat.“

Præterea. Esse viatorem, & comprehensorem est solius Christi. Sed quicumque videt Deum per essentiam, est comprehensor. Ergo nullus alius a Christo adhuc viator existens, potest Deum per essentiam videre.

Præterea. Posita causa ponitur effectus. Sed causa quare anima beata sit, est divina visio, ut ex dictis patet. Si ergo aliquis in statu viæ Deum per essentiam videat, in statu viæ erit beatus; quod est absurdum.

### SOLUTIO.

Respondeo dicendum, quod cum beatitudo sit ultimus finis rationalis creaturæ, status viæ in qualibet rationali creatura dicitur esse ille in quo a beatitudine deficit. Beatitudo autem cuiuslibet rationalis creaturæ consistit in visione Dei per essentiam, ut ex dictis patet. Operatio autem delectabilissima, in qua beatitudo consistit, oportet

quod sit potentia disposita, & perfecta ad dignissimum obiectum, ut patet per Philosophum in X. Ethic. (cap. iv. vel vi.) & ideo ad hoc quod creatura rationalis sit beata per visionem Dei in essentia sua, oportet quod in hanc visionem sit potens per aliquam dispositionem sibi inhzarentem, quam dicimus esse lumen gloriæ. Sic autem nulla pura creatura in statu viæ existens videre potest Deum per essentiam: homo enim per dispositiones omnes quas in statu viæ habet, non potest in aliquid amplius, nisi ut intelligat quidquid intelligit per species a sensu abstractas: quia phantasmata sunt intellectui nostro ut sensibilia sensui, ut patet per Philosophum in II. de Anima (text. com. xxxix.) Intellectus etiam Angeli in statu viæ per omnes dispositiones naturales, vel etiam gratuitas non potest in aliquid amplius nisi ut intelligat omne quod intelligit per formas creatas, ad quas naturalis facultas intellectus eius determinatur, ut ex dictis patet. Deus autem in essentia sua videri non potest nec per aliquam formam a sensu abstractam, nec per aliquam formam creatam, ut ex dictis patet. Unde patet quod nullus intellectus puræ creaturæ in statu viæ existentis potest in visionem Dei per essentiam per aliquam dispositionem sibi inhzarentem. Sed contingit aliquando divina virtute quod aliqua res miraculose perducitur in aliquid in quod nullo modo potest per aliquas dispositiones sibi inhzarentes, sicut quod virgo pariat, quod ignis in aqua comburat: & similiter potest miraculose fieri quod divina virtute aliquis intellectus creatus non habens nisi dispositionem viæ eleveretur ad videndum Deum per essentiam: nec tamen ex tali visione potest dici beatus simpliciter, sed secundum quid tantum, in quantum scilicet communicari actu beati: sicut etiam aliquod corpus in statu gravitatis existens, potest miraculose participare actum agilitatis, vel impassibilitatis, sicut de Habacuc legitur Daniel. ult. & de tribus pueris conservatis in fornace Daniel. viii. nec tamen eorum corpora erant gloriosa. Ea autem quæ sunt miraculose, non dicuntur possibilia secundum naturam in qua sunt, sed secundum virtutem facientis tantum. Non enim dicimus, proprie loquendo, quod cæcus possit fieri videns, sed quod Deus potest eum facere videntem. Et ideo dicendum est, quod nulla pura creatura in statu viæ existens potest Deum per essentiam videre: sed Deus potest facere quod videat adhuc in

Rrr 2 statim

(a) A. corruptibili. (b) Nicolai: & rursum ibi Glossa.

statu viæ manens. Ex dictis etiam patet quod nullus homo in statu viæ essentiam Dei, nec etiam Angeli potest cognoscere: quia excedit omnes formas sensibiles, per quas intellectus noster in statu viæ cognoscit, & ipsam mentem nostram, ex cuius similitudine aliquid de substantiis intellectuales cognoscimus.

Ad primum ergo dicendum, quod secundum Dionysium iv. cap. cælest. Hierar. per hoc quod in Scriptura dicitur, quod aliquis sanctus vidit Deum, ut Isaïas, vel quilibet alius, non est intelligendum quod essentiam Dei, quæ est omnibus viatoribus occulta, viderit, sed quod ostensæ sunt eis aliquæ formæ vel corporales, vel imaginariæ, per quas manducebantur in Dei cognitionem; & hoc fiebat ministerio Angelorum, quorum illuminatione confortabatur intellectus Prophetæ ad perveniendum in aliqualem divinorum cognitionem ex apparentibus formis. Et quia Angelus non intendebat ducere in sui cognitionem principaliter, sed in cognitionem Dei, ideo in huiusmodi visis non dicebatur Angelus apparere, sed Deus, ex cuius persona apparebat Angelus, & ex cuius virtute efficaciam habebat ad illuminandum mentem: & hoc vocatur *theophania*, idest Dei apparitio, in Scriptura. Quandoque tamen & Angelus dicebatur ille qui apparebat propter ministerium quod exhibebat: unde Gregorius dicit (præfat. in Lib. Moral. cap. 1.) *Angelus qui Moyse (a) apparuisse describitur, modo Angelus, modo Dominus memoratur: Angelus, quia exterius loquendo deservit; Dominus, quia interius præfatus loquenti efficaciam tribuit.* Et hæc est etiam sententia Augustini II. de Trinit. (cap. xvii. & xviii.)

Ad secundum dicendum, quod visio illa Iacob fuit imaginaria, (b) vel corporalis. Dicitur tamen vidisse faciem ad faciem, quia illa figura in qua ei apparuit Deus, facie ad faciem est ab eo visa: unde dicit Glossa ibid. *Non quod Deus videri possit, sed formam vidit in qua Deus locutus est ei.* In hoc tamen quod dicit, *Facie ad faciem*, notatur quedam eminentia visionis: ut enim dicit Rabbi Moyse, gradus prophetiæ distinguens, eminentior est gradus prophetiæ, quando Prophetæ apparet aliquid in visione vigilis quam si appareat in dormiendo: & utrobique modo si fiat revelatio, eminentior gradus est quando apparet ille qui loquitur in aliqua figura visui, quam quando auditur locutio eius tantum sine hoc quod aliquid

videatur. Eminentior quoque gradus est, si ille qui loquitur, apparet in figura Angeli quam in figura hominis. Et hanc eminentiam habuit apparitio Iacob: quia non fuit in dormiendo, sed in vigilando: nec tantum audivit vocem secum loquentis, sed etiam figuram inspexit, hominis tamen. Unde dicitur, quod apparuit ei vir, &c. quem Angelum intellexit; & ad hanc eminentiam designandam dicitur, quod vidit Dominum facie ad faciem, Angelum Dominum vocans ratione iam dicta. Non potest dici secundum Glossam Gregorii ibidem, quod hoc intelligatur de visione spiritali, qua sanctorum mentes etiam in via vitis purgatæ Deum contemplantur adiutæ divino lumine quo perfunduntur: secundum quam quidem visionem quamvis divina natura ut est non videatur, quia illud lumen receptum non est similitudo sufficienter representans divinam essentiam, ut supra dictum est; tamen aliqua perfectior cognitio de Deo habetur, cum illud lumen sit expressior eius similitudo quam lumen naturæ, aut creaturæ sensibilis, ex quibus homo naturali cognitione ducitur ad Dei cognitionem. Nisi enim illam, scilicet veritatem, (c) increatam, utcumque conspiceret, non eam se conspiciere non posse sentiret, ut in eadem Glossa dicitur. Et quia per faciem quemlibet cognoscimus, cognitionem Dei faciem vocamus.

Ad tertium dicendum, quod verbum Iob potest intelligi de visione imaginaria, & intellectuali. Si enim intelligatur de imaginaria, designatur profectus Iob in gradu prophetiæ, cum primo non fuerit ei facta revelatio nisi per auditum loquentis, postmodum vero per visionem loquentis. Si autem intelligatur de visione intellectuali, tunc ostenditur profectus eius de cognitione fidei in intellectum divinorum, qualis hic per contemplationem prædictam habetur a sanctis; quæ quidem visio dicitur: quia sicut videndo aliqua cognoscimus, ab ipsis rebus accipiendo, ita sancti in contemplatione accipiunt lumen ab ipso Deo, per quod divina altius ceteris contemplantur; sed auditæ cognoscimus assentiendo eis qui ab ipsis rebus species acceperunt, dum nobis referunt se vidisse: & similiter per fidem adhaeremus dictis Apostolorum, & Prophetarum, qui fuerunt divino lumine illustrati. Et sic non oportet ponere quod Deum per essentiam viderit.

Ad quartum dicendum, quod duplex e-

(a) Al. decem apparuisse. (b) Al. sens vel. (c) Al. causatum.

minentia visionis Moyfi adscribitur. Una Exod. xxxiii. 11. ubi dicitur, quod loquebatur Dominus Moyfi facie ad faciem, sicut loqui solet homo ad amicum suum. Ex quibus tamen verbis haberi non potest quod Deum per essentiam viderit; quod patet ex hoc quod petit dicens (ibid. xviii.) *Ostende mihi gloriam tuam*: quod ei tunc concessum non est: unde dictum est ei (ibid. xx.) *Faciem meam videre non poteris*: & ideo dicit Glossa ibidem: „Secundum opinionem, populi loquitur Scriptura, quæ putabat, Moysen ore ad os loqui cum Deo, cum, per subiectam creaturam, idest per Angelum, & nubem, ei loqueretur, & appareret,“ reret. “Hæc autem locutio potest intelligi fuisse imaginaria, vel corporalis: unde dicit Augustinus II. de Trinit. (cap. xvi.) *Locutio illa quæ ferebat vocibus, sic modificabatur tamquam esset amici loquentis ad amicum*. Potest etiam intelligi esse intellectusualis, secundum quod intelligibilia divinorum incipiebant per modum quod dicitur in Psal. xlviii. 9. *Audiam quid loquatur in me Dominus Deus*. Et utroque modo ostenditur privilegiata eius revelatio, in quantum familiaris ceteris ei sua secreta revelavit, quasi amico, iuxta illud quod dicitur Ioan. iv. 15. *Vos dixi amicis, quia omnia quæcumque audivi a Patre meo, nota feci vobis*: & ideo dicitur Deuter. ult. 10. *Non surrexit ultra Prophetæ in Israël quem nosset Dominus facie ad faciem*. Alia eminentia visionis Moyfi ostenditur Num. xii. 8. ubi Dominus deo dixit ad Aaron, & Mariam: *Ore ad os loquar ei, & palam; non per enigmata, & figuræ Deum videt, vel gloriam Domini*, secundum Septuaginta; ubi ostenditur impleta fuisse eius petitio, quia petiverat in Exod. xxxiii. 18. *Ostende mihi faciem tuam*: ita quod ante mortem Deum per essentiam vidit, ut Augustinus dicit XII. super Gen. ad litteram (cap. xxvii.) & in Libro de videndo Deum (cap. xii.) & ideo signanter dicitur: *Ore ad os loquar ei*; quod in Exod. dictum non fuerat: quia visio Dei per essentiam non fit (a) mediante aliquo superiori spiritu; sed ipse Deus immediate se ostendit: & hoc est loqui ore ad os: non enim os corporis, sed os mentis intelligentium est, ut Augustinus dicit (ubi supra.) Sed visio contemplationis viæ fit mediante illuminatione Angelorum, ut patet per Dionysium iv. cap. cælest. Hierar. & ideo non potest dici secundum illam loqui ore ad os, sed loqui quædam per internuntium. Hæc ta-

men visio quia ante mortem Deum per essentiam vidit; non fecit eum beatum simpliciter: unde nec semper illa visio in eo permanfit, sed ad tempus, quamvis illud tempus in Scriptura non determinetur: non enim erat ex dispositione in intellectu existente, sed ex sola divina virtute quasmiraculose, ut dictum est. Quando autem natura creata miraculose elevatur ad aliquid supra naturam, non potest simul esse in contrario actu, sicut corpus Petri cum miraculose actum dotis agilitatis habuit super undas ambulando, non simul erat in eo actus gravitatis, qui est ferri deorum. Et similiter quando intellectus viatoris elevatur miraculose ad videndum Deum per essentiam, non potest simul esse in actu visionis viæ, qua anima naturaliter sensibilibus percipit: & ideo oportet in illo statu animam vidētis omnino ab actu sensuum abstrahi: & ideo Augustinus dicit XII. super Gen. ad litteram (cap. xxvii.) quia Deum per essentiam nemo videtur potest, nisi ab hac viæ quodammodo moriatur, sive omnino exiens de corpore, sive averfus, & alienatus a sensibus carnalibus: & simile dicit in Libro de videndo Deum: & sic non est contrarium ei quod dicitur Exod. xxxiii. *Non videbis me homo, & vivet.* Unde Gregorius ibidem dicit in Glosa (ex Lib. XVIII. Moral. cap. xxxvii. vel xxxviii.) *A quibusdam in carne viventibus, sed ineffabili virtute crescentibus potest æterni Dei claritas videri; non tamen videbit eum homo, & vivet:* quia qui sapientiam, que Deus est, videt, huius mundo iudicium moritur.

Ad quantum dicendum\*, quod in illo rap-  
tu Paulus hoc modo vidit Deum per effen-  
tiam, sicut & de Moyse dictum est, ut  
per Augustinum in Lib. de videndo Deum;  
& XII. super Gen. ad litteram, ut idem  
privilegium Doctor gentium, & Magister  
ludæorum consequeretur. Quamvis quidam  
dicant, quod huiusmodi visio fuit media inter  
visionem viz & visionem patriæ, volentes  
quod non viderit Deum per essentiam,  
sed eminentissimam contemplatione viz; cu-  
ius tamen contrarium videntur sonare verba  
sanctorum. Secundum hoc tamen potest  
dici fuisse media inter utramque cogniti-  
onem, quia in hoc quod vidit Deum per effen-  
tiam, fuit supra cognitionem viz; in  
hoc vero quod ex illa visione non fuit sim-  
pliciter beatus, fuit infra cognitionem patriæ.

Ad sextum dicendum, quod visio intelle-

Qualis est de his quæ sunt in anima per sui essentiam, non quocumque modo, sed de his quæ sunt in ea ut formæ intelligibiles in intellectu. Sic autem non est Deus in anima viatoris per essentiam suam, sed per similitudinem. Quod autem dicitur ab Augustino quod visio intellectualis est earum rerum quarum similitudines non sunt aliud quam ipsæ, est referendum ad obiectum visionis, non ad medium quo videtur. Constat enim quod medium quo intelligitur lapis, est species eius in anima, quæ non est ipsa lapidis essentia; sed per similitudinem lapidis pervenitur ad cognoscendam ipsam essentiam lapidis: quia obiectum intellectus est quid, id est rei essentia, seu quidditas. Sed hoc non contingit in visione imaginaria, vel corporali: quia obiectum imaginationis, vel sensus non est ipsa essentia rei, sed accidentia quæ sunt extra, sicut color, & figura, & huiusmodi. Unde etiam in visione intellectuali viatoris non oportet quod ipsa divina essentia sit medium quo videtur, sed quod per similitudinem aliquam ipsius perveniatur ad aliqualem divinæ essentiae cognitionem, non qua sciatur quid est Deus, sed qua sciatur quid non est. Vel dicendum, quod Augustinus XII. super Genes. ad litteram, unde verba illa sumuntur in Glossa II. Corinth. XI. inducit hoc ad offendendum differentiam intellectualis visionis ad alias visiones. Hoc enim intellectualis præ aliis habet quod potest cognoscere ea quæ sunt in intellectu per sui essentiam, non autem sensus, vel imaginatio. Non autem sequitur propter hoc quod intellectus nihil intelligat nisi per essentiam suam, & quod non intelligat per similitudines aliquas.

Ad septimum dicendum, quod in omnibus potentiis ad invicem ordinatis hoc est necessarium ut ubi terminatur actus prioris potentie, incipiat actus secundæ: unde cum voluntas præsupponat intellectum, voluntas fertur in illud in quod intellectus terminatur. Intellectus autem quamvis Deum in statu vite non nisi per effectus cognoscat, tamen eius operatio in ipsum Deum terminatur secundum quantalamecumque cognitionem quam de ipso accipit; & ideo intellectus non indiget ad hoc quod referatur in Deum quod redeat in illa mediâ; sed potest statim in ipsum Deum ferri, in quem intellectus devenit.

Ad octavum dicendum, quod etiam quando aliquid videtur per similitudinem alterius rei, potest contingere quod videns rei

per medium, cogitet de re immediate sine hoc quod eius cognitio convertatur ad aliquam aliam rem: quia in illud medium non convertitur ut est res quædam, sed ut imago illius rei quæ per ipsam cognoscitur. Idem autem est novus intellectus in imaginem, in quantum est imago, & in imaginatum; quamvis alius motus sit intellectus in imaginem, in quantum est res quædam, & in id cuius est imago: & ideo quando per similitudinem creaturæ quam intellectus habet peres se, non convertitur in creaturam ut est res quædam, sed solum ut est similitudo rei, tunc immediate de Deo cogitat, quamvis non immediate Deum videat.

Ad nonum dicendum, quod, sicut dicit Glossa super illud Psalm. XI. *Diminute sunt veritates* &c. ab una veritate increata resultant multæ veritates in animabus nostris, sicut ab una facie similitudines multæ in speculo fracto, sive in multis speculis: & hæc veritas in intellectu nostro resultant primo & principaliter consistit in primis principis per se notis: & ideo quando per ea de omnibus aliis iudicamus, nostrum iudicium est secundum primam veritatem, cuius est dictorum principiorum veritas similitudo.

Ad decimum dicendum, quod dupliciter cognoscitur aliquid ab altero. Uno modo, sicut ex cuius cognitione devenitur in cognitionem alterius; & sic illud quo cognoscitur, est magis notum, ut principia conclusionibus. Alio modo sicut perficiens cognoscentem ad cognoscendum; sive sit forma, sicut species lapidis in oculo perficit oculum ad videndum; sive principium effectivum huius forme, sicut dicitur quod oculus videt per solem: & hoc modo id quo aliquid cognoscitur, non oportet quod sit magis notum, immo possibile est quod non cognoscat: cognoscitur enim per quamdam inflexionem intellectus ab obiecto cognoscibili in id quod erat cognitionis principium. Sic autem in Deo omnia cognoscimus: & ideo ratio non sequitur.

Ad undecimum dicendum, quod verbum Augustini intelligendum est quantum ad hoc quod nulla creatura interponitur inter mentem nostram & Deum, qua mediante mens nostra a Deo procedat in esse, vel qua mediante formetur per gratiam, vel per gloriam, sicut efficiente medio. Nihil tamen prohibet quin aliqua forma creata, mediante mens nostra a Deo formetur, sicut gratia, vel caritatis habitus; & sic per

speciem creatam formatur mens viatoris ad videndum Deum.

Ad duodecimum dicendum, quod Avempace posuit quod intelligere essentias separatarum substantiarum poterat provenire homini per scientias speculativas, quas in hac vita addiscimus. Sed hanc positionem improbat Commentator in III. de Anima (com. xxxvi.) ex hoc quod adhuc non sunt inventa aliqua principia quibus ad hoc perveniri possit: quod non videtur esse probabile, si ad hoc per principia scientiarum speculatarum perveniri posset, & precipue cum omnis humana cognitio ad illam ordinetur: non enim esset probabile quod species humana deficeret a perfectione naturali totaliter. Et ideo dicendum, quod praedicta positio impossibilis est: cuius ratio est, quia scientia speculativa procedunt ex principis per se notis, quae a sensu accipiuntur, ut dicitur in II. Posteriorum (cap. ult.) & ideo per illa non possumus devenire in essentias illarum rerum quae omnes formas sensibiles excedunt: unde per nullam scientiam speculativam quam nunc requirimus, scimus quid est Deus, vel quid est Angelus, nisi sub quibusdam similitudinibus, magis cognoscentes de eis quid non sunt quam quid sunt: & propter hoc dicit Philosophus in principio Metaph. quod scientia de Deo non est humana possessio, quia scilicet eam ad plenum habere non possumus.

Ad tertiumdecimum dicendum, quod corpus non potest esse corruptibile, nisi quando anima non plene corpori dominatur. Si enim plene ei (a) dominaretur, suam incorruptionem ei conferret: & ideo in statu corruptionis oportet quod anima cognoscat secundum exigentiam corporis, scilicet accipiendo a sensibus. Tali autem modo cognitionis Deus per essentiam videri non potest, ut ex dictis patet; & secundum hoc status corruptionis repugnat visioni Dei per essentiam.

### QUAESTIO III.

Deinde quaeritur de delectatione: & circa hoc quaeruntur quinque.

Primo. Quid sit delectatio.

Secundo. Quae sit causa delectationis.

Tertio. De comparatione delectationis ad tristitiam.

Quarto. De bonitate, & malitia delectationis, & tristitiae.

Quinto. De comparatione delectationis spiritualis ad corporalem.

### ARTICULUS I.

*Utrum delectatio sit passio.*

1. 2. quaest. xxxi. art. 1.

1. **A**D primum sic proceditur. Videtur quod delectatio non sit passio. Omnis enim passio in motu consistit, ut dicitur in Lib. VI. principiorum (cap. ult. & X. Ethic. cap. 11. & 12.) Sed delectatio non est motus, neque generatio aliqua, ut dicit Philosophus in VII. Ethic. (cap. 12. & 11.) Ergo delectatio non est passio.

2. Praeterea. Operatio non est passio, sed magis actio, cum sit existentis in actu, secundum quod huiusmodi. Sed delectatio est quaedam operationis perfectio, ut dicitur in X. Ethic. (cap. 12.) Ergo delectatio non est passio.

3. Praeterea. In omni passione trahitur patiens ad terminos agentis: quia agens assimilatur sibi patiens. Sed causa delectationis est convenientia; & ita illud quod delectatur, in suis terminis manet. Ergo delectatio non est passio.

Sed contra. Gaudium, & delectatio sunt unius generis. Sed gaudium est passio: ponitur enim una de quatuor principalibus passionibus, ut patet IX. de Civit. Dei (cap. 12.) Ergo delectatio est passio.

Praeterea. Delectationis (b) obiectum est bonum. Sed bonum est proprium obiectum appetitus. Ergo delectatio ad appetitum pertinet. Sed alia quae pertinent ad appetitum, sunt passionibus, ut amor, ira, & huiusmodi. Ergo & delectatio est passio.

### QUAESTIUNCULA II.

1. **U**terius. Videtur quod in parte intellectiva animae, & in aliis substantiis spiritualibus delectatio esse non possit. Quia, ut dicitur in VII. Physicorum (text. 22.) omnis passio est in parte animae sensitiva. Sed delectatio est passio, ut probatum est. Ergo non potest esse in parte intellectiva, nec in substantia aliqua spirituali.

2. Praeterea. Avicenna dicit in VI. de naturalibus (par. 11. cap. 111.) quod subiectum delectationis est (c) speciei corporalis. Sed pars intellectiva non utitur aliquo

(a) *Al.* non dominaretur. (b) *Al.* deest obiectum. (c) *Forse* species.

quo corporali organo. Ergo in ea non potest esse aliqua delectatio.

3. Præterea. Illud quod est intellectivæ partis, non est commune nobis, & brutis. Sed delectatio est etiam in brutis. Ergo delectatio non est intellectivæ partis.

Sed contra est quod dicitur Lucæ xv. 10. *Gaudium est Angelis Dei super uno peccatore penitentem agente.*

Præterea. Philosophus dicit in VII. Ethic. ( cap. ult. ) quod Deus semper una & simplici operatione gaudet. Ergo & eadem ratione in aliis substantiis spiritualibus potest esse delectatio.

### QUÆSTIUNCULA III.

1. Ulterius. Videtur quod delectatio sit in tempore. Delectatio enim consequitur operationem nostram, ut dicitur in X. Ethic. ( cap. iv. vel vi. ) Sed operatio nostra est in tempore. Ergo & delectatio est in tempore.

2. Præterea. Omne illud in quo est accipere prius, & posterius, est in tempore. Sed in delectatione est accipere prius, & posterius, cum aliquis per longam horam possit continue delectari. Ergo videtur quod delectatio sit in tempore.

3. Præterea. Delectatio aliis passionibus dividitur. Sed alie passionis animæ sunt in tempore, ut ira, & huiusmodi. Ergo & delectatio.

Sed contra est quod Philosophus dicit in X. Ethic. ( ubi sup. ) *Secundum nullum tempus accipiet quis delectationem.*

Præterea. Delectatio sequitur apprehensionem convenientis. Sed visio, & alie apprehensiones non sunt in tempore, sed in instanti. Ergo & delectatio non mensutatur tempore.

### QUÆSTIUNCULA IV.

1. Ulterius. Videtur quod delectatio, & gaudium sint penitus idem, & similiter exultatio, & lætitia, & iucunditas. Passiones enim, & habitus penes objecta distinguuntur. Sed gaudium, & delectatio, & alia dicta habent idem obiectum, scilicet bonum conveniens. Ergo sunt idem.

2. Præterea. Ab eadem causa procedit idem effectus: quia idem semper natum est idem facere. Sed delectationis, & gaudii non potest poni nisi una & eadem causa, scilicet coniunctio convenientis. Ergo sunt idem.

3. Præterea. Unum uni opponitur. Sed delectationi, & gaudio opponitur unum, quod est tristitia. Ergo delectatio, & gaudium sunt unum omnino.

Sed contra est quod dicit Avicenna in VI. de naturalibus ( part. iv. cap. v. ) quod gaudium est species delectationis. Ergo non sunt omnino idem.

Præterea. Si gaudium, & delectatio essent omnino idem, ubicumque est delectatio, esset & gaudium. Hoc autem falsum est: quia in sensu dicitur esse delectatio, sed non gaudium, proprie loquendo. Ergo delectatio, & gaudium non sunt penitus idem.

### SOLUTIO I.

Respondeo dicendum ad primam quæstionem, quod quælibet res quando pertingit ad propriam perfectionem, consequitur stabilitatem, & vigorem, sicut corpora quando perveniunt ad terminos motus sui naturalis, quia in loco naturali conservantur. Cum autem motus penes terminos distinguatur, oportet quod diversum iudicium de perventione ad terminum complementi accipiat secundum differentiam motus. Movetur autem aliquid ad suam perfectionem dupliciter. Uno modo per inclinationem naturalem, sicut lapis movetur deorsum; & hic motus non præexigit cognitionem in eo quod movetur, sed in alio quod est principium causans hanc inclinationem; & hic est motus naturalis. Alio modo per inclinationem, cuius principium est cognitio eius quod movetur; & hæc quidem inclinatio dicitur appetitus animalis, aut intellectualis: unde sicut in terminatione motus naturalis est quædam vigoratio naturalis eius quod movetur, ita in affectione perfectionis in quam tendit appetitus animalis, est quædam quietatio ipsius, seu vigoratio eius, præsupponens cognitionem perfectionis iam coniunctæ, sicut appetitus præsupponebat cognitionem perfectionis nondum habitæ; & talis vigor, sive quietatio appetitus, vocatur delectatio: unde etiam Commentator dicit in X. Ethic. quod delectatio est quædam superioritio natura. Est autem duplex appetitus, sicut & cognitio, scilicet sensitivæ, & intellectivæ partis. Appetitus autem sensitivæ partis est virtus in organo corporali, & est immediatum principium corporalis motus: unde omnia quæ accidunt in appetitu sensitivo, sunt coniuncta cum quadam transmutatione corporali; quod non accidit in his quæ sunt in appetitu



titu intellectivo, nisi passione large accepta, & improprie, ut in III. Lib. dist. xv. (quæst. 11. art. 1. quæstiuur. 2. in corp.) dictum est: unde delectatio quæ est in appetitu sensitivo, quædam passio est; non autem delectatio quæ est in intellectivo, nisi passione large accepta.

Ad primum ergo dicendum, quod non est inconveniens motum per accidens terminari ad alium motum, quamvis hoc per se sit impossibile, ut probatur in V. Physic. (text. xii.) Delectatio ergo, in quantum huiusmodi, semper consistit in aliqua terminatione motus. Sed tamen quia in terminatione motus appetitivi confurgit quidam motus, in quo passio animalis consistit; ideo passionem inesse accidit delectationi; sed inest per se delectationi sensitivæ.

Ad secundum dicendum, quod quamvis operatio, in quantum operatio, non sit passio, tamen potest habere passionem annexam, vel sicut præcedentem, vel sicut subsequentem: ut præcedentem quidem, sicut sentire habet annexam receptionem speciei sensibilis, & intelligere receptionem speciei intelligibilis, secundum quod omne sentire quoddam pati est; sed ut consequens, sicut operationem appetitus sensitivi consequitur quædam corporalis transmutatio secundum dilatactionem, & constrictionem cordis, & alia huiusmodi; & sic quamvis delectatio sit circa operationem; tamen in quantum est delectatio sensitiva, est in passione quadam consistens.

Ad tertium dicendum, quod delectatus includitur terminis suæ perfectionis, ex qua delectatio confurgit: qui quidem termini sunt alieni hoc modo quo differt perfectio, & perfectibile; sunt autem proprii secundum quod perfectio est connaturalis perfectibili.

Alia duo concedimus quantum ad delectationem sensitivam.

### SOLUTIO II.

Ad secundam quæstionem dicendum, quod delectatio invenitur diversimode in Deo, Angelis, hominibus, & brutis, secundum quod diversimode se habent ad suas perfectiones, ex quarum coniunctione delectatio confurgit. Bruta enim non possent pertinere ad altiore perfectionem quam sit perfectio materialis: unde eam consequuntur materiali motu, qui scilicet est per organum corporale; & sic delectatio in eis confurgens est materialis passio. In Angelis

S. Tb. Oper. Tom. XIII.

vero, cum sint omnino a materia separati, non est accipere aliquam materialem perfectionem, sed immaterialem tantum: unde & immaterialiter eam consequuntur, & delectatio in eis consequens immaterialis est. Unde dicit Dionysius in fine celest. Hierar. *Celestes dispositiones, idest Angeli, acceptrices non sunt omnino eius quæ secundum nos est possibilis delectationis.* Homines vero ex spirituali, & materiali natura compositi sunt: & ideo quantum ad inferiorem partem, scilicet appetitum sensibilem, in quo cum brutis conveniunt, est delectatio materialis, in superiori vero appetitu, in quo cum Angelis conveniunt, habent delectationem immaterialem, ut cum gaudent de rebus spiritualibus, puta de contemplationibus, & aliis divinis donis: unde dicit Dionysius ibidem, quod in participatione angelica delectationis sepe falli sunt & viri sancti per deficiis divinarum illuminationum superadventus. In omnibus autem prædictis perfectio est aliud ab eo quod perficitur: unde possibile est plures perfectiones uni inesse; & ideo tam in brutis quam in hominibus, & Angelis sunt multiplices delectationes eis supervenientes. Sed Deus non habet perfectionem quæ non sit idem quod ipse, cum ipse sit actus purus: & ideo unica tantum est eius delectatio, non superveniens, sed essentialis: unde dicit Philosophus in VII. Ethic. (cap. ult.) quod Deus semper una & simplici gaudet delectatione.

Ad primum ergo dicendum, quod in appetitu intellectivo nulla est passio, sed solum in appetitu sensitivo: quia quod patitur, ab alio movetur, & ducitur. Appetitus autem intellectivus, cum sit liber sui, non dicitur duci; sed appetitus sensitivus ducitur: unde in eo solo passio cadit; delectatio vero quæ est in appetitu intellectivo, non est passio, sed quædam operationis perfectio, ut dictum est.

Ad secundum dicendum, quod Avicenna loquitur de delectatione sensitiva, quæ per organum compleretur corporale, sicut & cetera quæ ad sensitivam partem pertinent.

Ad tertium dicendum, quod illa quæ sunt communia nobis, & brutis secundum unam rationem non pertinent ad intellectivam partem; sed aliquid est commune nobis, & brutis, non secundum rationem eandem, quod in nobis ad intellectum pertinet, sicut cognitio, & alia huiusmodi, quæ secundum quamdam communitatem analogiz extenduntur a Deo usque ad bruta animalia,

Sic ut

ut cognitio, & etiam usque ad plantas, ut vita, & etiam usque ad lapides, ut esse, ut patet per Dionysium de div. Nom. (cap. IV. part. 1.) & secundum hoc delectatio spiritalis habet communitatem cum delectatione quæ est in brutis.

### SOLUTIO III.

Ad tertiam quæstionem dicendum, quod aliquid dicitur esse in tempore dupliciter. Uno modo per se, alio modo per accidens. Qui autem de ratione temporis est prius, & posterius, & illud per se inest alicui quod convenit ei secundum rationem suæ speciei; ideo illa per se in tempore sunt in quibus requiritur aliquid ad complementum speciei quod in futurum expectatur; & hoc modo motus est in tempore: non enim completur species motus in medio, nisi perveniatur ad terminum: & similiter etiam quies est in tempore, eo quod quiescere est eodem modo se habere nunc ut prius, & sic de ratione quietis est ut aliquid in futurum expectetur. Per accidens vero aliquid in tempore esse dicitur ad cuius speciei complementum nihil requiritur quod in futurum expectetur, sicut esse hominem quod in uno instanti completur; sed est coniunctum motui, qui per se est in tempore, prout esse hominis variabile est. Delectatio autem ad complementum suæ speciei, & rationis nihil in futurum expectat: in instanti enim verum est dicere hominem delectari: unde non est in tempore (a) nisi per accidens, inquantum scilicet perfectio illa ex cuius coniunctione surgit delectatio, motui coniuncta est: & ideo si sit aliqua perfectio quam motus non contingat, talis delectatio non erit in tempore neque per se, neque per accidens; & hæc est spiritalis delectatio in Angelis. In brutis autem est delectatio existens in tempore per accidens, inquantum eorum perfectionibus motus directe coniungitur; sed in nobis delectatio non est in tempore quo ad intellectivam partem etiam per accidens, nisi valde indirecte, inquantum scilicet operatio intellectus nostri coniungitur phantasmatibus. Tamen verum est nullam delectationem esse in tempore per se loquendo.

Ad primum ergo dicendum, quod delectatio immediate consequitur operationes animæ, quæ sunt apprehendere, & velle. Hæ autem operationes non sunt in tempore nisi

per accidens: videre enim, & intelligere, & velle statim sunt.

Ad secundum dicendum, quod (b) hoc quod aliquis dicatur diutius alio delectari, non est nisi inquantum delectatio est in tempore per accidens, sicut etiam dicitur homo diutius videre, vel vivere.

Ad tertium dicendum, quod etiam animæ passiones quantum ad id quod est ex parte animæ non sunt in tempore nisi per accidens, inquantum scilicet eis coniungitur motus ex parte corporis; tamen delectatio magis habet rationem quod non sit in tempore quam aliz passiones: quia aliz passiones consistunt in appetitu secundum quod tendit in aliquid, sicut ira in vindictam, & odium in nocumentum alterius; sed delectatio consistit in appetitu secundum quod eius motus in suo appetibili adepto terminatur: omnis autem terminus motus non est in tempore, sed in instanti.

### SOLUTIO IV.

Ad quartam quæstionem dicendum, quod delectatio, gaudium, lætitia, & omnia huiusmodi hoc habent commune quod causantur ex coniunctione perfectionis appetitæ. Perfectio autem aliqua potest alicui coniungi dupliciter: uno modo realiter, alio modo secundum comprehensionem eius. Ex hoc autem quod perfectio realiter coniungitur, consurgit delectatio; ex hoc autem quod coniungitur secundum apprehensionem, surgit gaudium, & omnia alia: & propter hoc etiam gaudium est de spe futurorum, & memoria præteritorum; sed delectatur de præsentibus tantum: ideo etiam quia sensus exterior non apprehendit rem nisi præsentem, secundum eum non dicimur gaudere, sed delectari. Sensus autem interior apprehendit & rem præsentem, & absentem: unde secundum sensum interiorem dicimur & delectari, & gaudere: delectari quidem de eo quod sibi sua perfectio coniungitur, sicut de ipsa sua operatione, de qua etiam & gaudet inquantum eam apprehendit; sed de operatione sensus exterioris, quæ sibi non coniungitur nisi apprehensione, potest quidem gaudere, sed non delectari, sicut sensus interior, vel intellectus non delectatur in comestione dulcium, sed potest gaudere de hoc inquantum hoc apprehendit ut conveniens exteriori sensui. Lætitia vero, & exultatio, & iucunditas expriment quoddam gaudii effectus. Lætitia

(a) *Al. deß nisi.* (b) *Al. ad hoc.*

titia quidem effectum interiore, secundum quod ipse affectus dilatatur quasi roboratus, & perfectus ex appetibilis conjunctione, unde & passio gaudium dilatatione cordis perficitur: dicitur enim latitia quasi latitia. Sed exultatio exprimit ulterius effectum gaudii exterioris prorumpentem in signum interioris gaudii: unde dicitur exultatio ex hoc quod interius gaudium ad exteriora prodit, quod ex magnitudine gaudii interioris contingit: unde dicit Cassiodorus super Psalm. ix. quod exultatio in magnis gaudiis dicitur. Iucunditas vero ulterius importat effectum gaudii exterioris prorumpentem, qui non solum demonstrat interius gaudium, sed etiam excitat aliquos ad gaudendum.

Ad primum ergo dicendum, quod gaudium, & delectatio licet habeant unum obiectum secundum rem, non tamen est unum obiectum secundum rationem. Bonum enim coniunctum realiter facit delectationem, sed coniunctum secundum apprehensionem facit gaudium. Latitia vero, exultatio, & iucunditas sunt idem quod gaudium, nisi quod exprimunt quosdam gaudii effectus, ut dictum est.

Ad secundum dicendum, quod idem est causa delectationis, & gaudii, sed non eodem ordine: primo enim & per se est causa delectationis, secundario vero est causa gaudii. Numquam enim (a) aliquid apprehensum facit gaudium, nisi in quantum æstimatur ut coniunctum, vel coniungibile secundum rem ad faciendum delectationem: & ideo coniunctio perfectionis primo & per se facit delectationem; sed in quantum apprehenditur ut delectationem faciens, facit gaudium etiam quando delectationem actualiter non causat: unde delectatio naturaliter prior est gaudio.

Ad tertium dicendum, quod gaudio opponitur directe tristitia; delectationi autem opponitur dolor, secundum quod delectatio est in sensu exteriori, & præcipue in tactu; sed secundum quod est interior, non habet aliud oppositum quam tristitiam; posset tamen habere, si esset nomen positum.

## ARTICULUS II.

*Utrum causa delectationis sit sola operatio connaturalis habitus non impedita.*

1. 2. quæst. xxxii, art. 1.

1. **A**D secundum sic proceditur. Videtur quod causa delectationis non sit sola operatio connaturalis habitus non impedita. Dicit enim Avicenna in Lib. de naturalibus, quod delectatio confurgit ex perceptione convenientis adiuncti. Sed non sola operatio est convenientis, sed multa alia. Ergo non sola operatio est delectationis causa.

2. Præterea. Idem non est contrarium causa. Sed operatio aliquando est causa tristitiae, etiam propria, & connaturalis: unde (b) accidia, quæ quidam tristitia est, etiam confurgit ex spiritualibus operibus. Ergo operatio non est propria delectationis causa.

3. Præterea. Si aliquid est causa alicuius, continuatio eius causa est continuationis illius. Sed continuatio operationis ooo est causa continuationis delectationis; immo continuatio operationis frequenter parit fastidium, & operationes in sui novitate sunt magis delectabiles. Ergo operatio non est causa delectationis.

4. Præterea. Quies operationi opponitur. Sed quies delectationem causat. Ergo operatio non est propria causa delectationis.

5. Præterea. Senes sunt attentioris operationis quam iuvenes. Sed in senibus est minus de delectatione quam in iuvenibus, ut patet per Philosophum in VIII. Ethic. (cap. xii.) Ergo operatio non est causa delectationis.

6. Præterea. Si operatio esset causa delectationis, similiter se haberent ad delectationem qui similiter se habent ad operationem. Sed aliqui qui similiter operantur, non similiter delectantur: melanchonici enim minus delectantur quam sanguinei. Ergo videtur quod operatio non sit per se delectationis causa.

Sed contra est quod Philosophus dicit in VII. Ethic. (cap. xiii. vel xiv.) quod delectatio est operatio connaturalis habitus: nec hoc potest intelligi nisi causaliter. Ergo operatio est delectationis causa.

Præterea. Unumquodque distinguitur secundum distinctionem suæ causæ. Sed de-

SSS 2 le-

(a) scilicet ad aliquid. (b) Nihil accidia.

lectiones distinguuntur per distinctionem operationum, ut patet per Philosophum in X. Ethic. (cap. v.) Ergo operatio est delectationis causa.

Præterea. Habitus non cognoscitur nisi per operationem, vel per aliquid per operationem causatum. Sed habitus cognoscitur ex delectatione, ut dicitur II. Ethic. (cap. 11. vel 111.) *Signum oportet accipere habitus sentem in opere delectationem.* Cum ergo delectatio non sit ipsa operatio, videtur quod sit ex operatione causata.

### SOLUTIO.

Respondendo dicendum, quod sicut anima est forma corporis, ita in his que sunt coniuncta animæ & corpori, id quod ex parte animæ se habet, est formale; quod vero ex parte corporis, materiale; sicut in ira appetitus vindictæ est formale, accessio sanguinis circa cor est materiale. Cum ergo delectatio, secundum quod est passio, sit de communibus animæ & corporis, causa eius potest quæri duplex, formalis ex parte animæ, & materialis ex parte corporis. Sed quia delectatio, secundum quod se tenet ex parte animæ, habet rationem quasi communem quantum ad omnes in quibus delectatio invenitur, scilicet Deum, Angelos, & homines, & bruta; secundum autem quod se tenet ex parte corporis, manet tantum in parte animæ sensitiva: ideo causa formalis delectationis est causa delectationis cuiuscunque, non autem causa materialis ipsius. Patet etiam quod secundum formam est aliquid actu, sed secundum materiam est aliquid in potentia; & secundum materiam dispositiones est aliquid in aptitudine, vel habilitate ad actum; & ideo secundum materiale causam delectationis scitur quomodo aliquid sit dispositus ad delectationem; sed secundum causam formalem ipsius apparet qualiter aliquid actu delectetur. Formalis igitur causa cuiuslibet passionis, vel operationis est obiectum ipsius: obiectum autem delectationis est bonum conveniens coniunctum. Ex eo enim quod delectatio est in parte appetitiva, oportet quod eius obiectum sit bonum; ex eo vero quod est appetitus iam terminati in suo obiecto, oportet quod sit conveniens etiam coniunctum. Hoc autem bonum quod est proprium delectationis obiectum, est operatio, præcipue propter tres rationes. Primo quia cum delectatio consistat in quietatione appetitus, motus autem appetitus sit in bonum; oportet

quod quietis ipsius delectatio sit in ultimo bonorum. Ultimum autem, & perfectissimum quod est in unoquoque, est sua operatio: unde omnis forma inherens comparatur ad operationem quodammodo ut potentia ad actum, propter quod forma dicitur actus primus, ut scientia, & operatio actus secundus, ut considerare, ut patet in II. de Anima (text. 111.) Secundo quia, cum delectatio sit in appetitu, & omnis passio, vel operatio appetitus præxiat apprehensionem, oportet quod bonum coniunctum quod delectationem causat, sit apprehensum. Dispositio autem quæ est iam inherens, a nobis non apprehenditur ita sicut dum est in fieri, ut Avicenna dicit in VI. de naturalibus (part. 11. cap. 111.) unde (a) heclicet nimis sentiunt calorem febrem quam alii feblicitantes, quamvis in eis febris sit intensior, quia iam calor ille est infusus membrum quasi complexio illorum: & hoc ideo quia nostrum sentire, & intelligere sunt ex aliqua permutatione intellectus, & sensus a suis obiectis: ab eo autem quod iam in se quiescit, nihil immutatur. Unde cum esse nostrum, & vivere nostrum, & omnis actus proprii insint nobis ut in nobis quiescentes, sola autem operatio insint in nobis ut in fieri exilens, in ipsa operatione percipimus & esse nostrum, & vivere nostrum: & inde est quod in operando delectamur, & in vivendo, & sentiendo, & alii huiusmodi, in quibus indicatur quodammodo nostrum esse, & vivere, ut patet per Philosophum in X. Ethic. (cap. 1v. vel vi.) Tercio quia operatio procedit ex his bonis quæ in nobis sunt, & quodammodo in se continet sicut effectus causam: per eam etiam bonis exterioribus coniungimur: unde omne bonum quod a nobis est diligibile, quietat nostrum appetitum mediante operatione: unde operatio est per se causa delectationis. Non autem omnis operatio est delectationis causa, sed illa quæ est ab habitu procedens, & non impedita: bonum enim coniunctum non delectat nisi inquantum est conveniens. Operatio autem efficitur nobis conveniens, & quasi connaturalis per habitum: quia habitus inclinat in actum per modum naturæ, ut Tullius dicit de virtute (Lib. II. de invent. num. xxxiv.) & ideo dicitur in II. Ethic. (cap. ult.) quod delectatio in opere facta est dignum habitus inherens. Quamvis autem operatio connaturalis nobis fiat secundum habitum, tamen potest esse nobis non conveniens

veniens ratione alicuius accidentis, inquantum videlicet habemus aliqua impedimenta progrediendi in talem operationem: unde oportet operationem quae delectationem causat, esse non impeditam; & hoc est quod dicit Philosophus in VII. Ethic. ( ubi sup. ) quod in operatione connaturalis habitus non impedita delectatio consistit.

Sic ergo causa formalis propria delectationis est operatio connaturalis habitus non impedita; materialis autem causa delectationis accipienda est ex parte subiecti eius. Subiectum autem delectationis, & omnium animae passionum est spiritus animalis, qui est proximum instrumentum animae in operationibus quae per corpus exercentur. Ad hoc autem quod spiritus aptetur ad delectationem, duo requiruntur, scilicet debita quantitas, & debita qualitas. Quantitas quidem debita est ut sit abundantia spirituum propter duo. Primo quia spiritus abundans in quantitate abundat etiam in virtute. Secundo quia cum ad passionem delectationis requiratur delectatio cordis, & spirituum, non potest (a) delectatio perfici, quando sunt pauci spiritus, quia natura constringit eos, & retinet in suo principio. Sed quando sunt multi spiritus, natura potest retinere pattem in principio suo, & effundere abunde ad dilatationem: & ideo convalescentes, in quibus sunt pauci spiritus, sunt praeiudicium magis quam ad delectationem. Debita vero qualitas attenditur quantum ad tria. Primo ut sit temperata complexionis; & ideo agri non sunt apti ad delectationem. Secundo ut spiritus sit clarus, & non nubilosus; & ideo melancholici, in quibus sunt spiritus terrestres, & obscuri, sunt praeiudicium ad tristitiam. Tertio ut eius substantia sit mediocris inter spissitudinem & tenuitatem. Si enim sit nimis grossus, sicut in senibus, vel nimis tenuis, sicut in macilentis, non est aptus ad delectationem, quia non est facile dilatabilis. Et propter has causas vinum laetificat, quia generat multos spiritus claros, temperatos, & mediocres inter spissitudinem & tenuitatem. Quanto ergo fuerit maior dispositio ex parte materialium causarum ad gaudium, vel tristitiam, tanto minus quid requiritur ex parte causae formalis, & e converso: & ideo quidam ex modica occasione laetantur, vel tristantur, quidam vero non nisi ex magna.

Ad primum ergo dicendum, quod quavis multa alia sine convenientia quam ope-

ratio, tamen ex omnibus eis non confurget (b) delectatio, nisi operatione median- te: quia exteriora convenientia nobis per aliquam operationem coniunguntur, interiora vero in operationibus apprehenduntur.

Ad secundum dicendum, quod non quilibet operatio est delectationis causa, sed operatio connaturalis habitus non impedita: & ideo quando cogimur ad aliquas operationes contrarias habitibus qui nobis insunt, vel in quibus impedimenta patimur, ratione quorum accidit nobis fatigatio, & labor; in huiusmodi operationibus non delectamur, sed contristamur.

Ad tertium dicendum, quod triplex ratio est quare non similiter delectamur in processu operationis sicut in principio. Primam assignat Philosophus in X. Ethic. ( cap. iv. vel vi. ) quia scilicet cum operatio sit delectationis causa, quanto aliquis attentius operatur, tanto maior delectatio ex operatione confurget: homo autem in principio operationis attentior est ad operationem quam in progressu. Omnia enim nova magis ad se nostram intentionem trahunt: & ideo in progressu operationis, quando aliquis negligentius intendit operationem, non sentit tantam in opere delectationem. Secundam ponit in VII. Ethic. ( cap. ult. ) quae etiam est ratio praemissa. Oportet enim in nobis delectationem esse secundum modum naturae nostrae: unde cum nostra natura sit mutabilis, non erit nobis semper idem delectabile, quia iam mutati erimus a pristina dispositione; & sic post pauca non erit nobis conveniens quod prius conveniens erat: & ideo quod prius erat delectabile, sit nobis minus delectabile, vel etiam triste: & haec etiam est ratio quare continuas unus rei in nobis fastidium parit, (c) alternatio vero delectat. In Deo vero qui semper eodem modo se habet, est semper eadem operatio delectabilis, nec aliqua alternatio delectatur; & similis ratio est de Angelis, & hominibus beatis. Tertia ratio potest sumi ex verbis Avicennae in VI. de naturalibus ( ubi supra. ) Cum enim ad delectationem requiratur convenientis perceptio, quanto aliquid minus sentitur, tanto minus est delectabile: res autem in sui novitate magis sentiuntur, quia postmodum eorum dispositio fit quasi qualitas quadam inherens sentientibus: unde subri questionum mallicorum consueverunt audire, non ita muventur a talibus sonis, sicut

(a) *id.* delectatio. (b) *id.* declaratio. (c) *id.* alteratio, & = x alteratione.

sicut alii : & ideo in principio operationis homo magis delectatur quam postmodum in processu ipsius continuatur ; quamvis forte in processu operatio sit intensior .

Ad quantum dicendum , quod quamvis operatio secundum se sit delectabilis , tamen inquantum adiungitur ei motus , qui fatigationem inducit , est aliquo modo penosa , & contristans : unde & per accidens quies est delectabilis , inquantum tollit contristationis causam , scilicet motum .

Ad quantum dicendum , quod quantum ad causam materialem delectationis fines sunt minus apti ad delectationem quam iuvenes : & ideo etiam ex maiori causa formali non tantum afficiuntur ex delectatione sicut iuvenes ex minori , loquendo de delectatione quae est passio , quae scilicet in appetitum sensibilem redundat , & magis sensibilis est nobis : sicut sulphur modico igne accenditur , quia est ad hoc aptum ; ligna vero quae sunt ad hoc minus apta , maiore igne non accenduntur . Tamen spiritualis delectatio , quae non est passio , non minor est in senibus quam in iuvenibus , sed forte maior .

Ad sextum dicendum , quod illi qui similes operationem exercent , quandoque non eodem modo delectantur : quod potest contingere & ex parte causae materialis , quia non habent spiritus similiter ad operationem dispositos ; & ex parte causae formalis , quia eadem operatio uni est conveniens per habitum sibi inherenterem , & alteri non est conveniens qui habitum non habet ; immo forte est ei contraria , si contrarium habitum habeat : & propter hoc dare , quod est libere delectabile , est avaro triste .

### ARTICULUS III.

*Unum delectationi tristitia sit contraria .*

*I. P. quæst. xxxi. art. 8. ad 2.*

1. **A**D tertium sic proceditur . Videtur quod delectationi tristitia non sit contraria . Passiones enim non distinguuntur secundum suas causas . Sed causa tristitiae est motus , & labor , ut dicit Philosophus in VII. Ethic. ( cap. ult. ) unde iuvenes , qui sunt in motu , delectationes appetunt quasi medicinas contra tristitiam : causa autem delectationis est operatio . Motus autem , & operatio non sunt contraria , cum aliquando ad invicem coniungantur . Ergo nec delectatio tristitiae contrariatur .

2. Præterea . Unum contrarium non est

materia alterius . Sed delectatio potest esse materia tristitiae : quia , ut dicit Philosophus in IX. Ethic. ( cap. iv. vel v. ) pravus post parum tristatur de hoc quod delectatus est : similiter etiam tristitia est materia delectationis , & gaudii : unde & penitentia indicitur ut semper doleat , & de dolore gaudeat . Ergo delectatio & tristitia non sunt contraria .

3. Præterea . Delectatio , & gaudium non sunt penitus idem , ut ex prædictis patet . Sed tristitia opponitur gaudio . Ergo non opponitur delectationi .

Sed contra . Medicinae sunt per contraria , ut dicitur in II. Ethic. ( cap. xii. ) Sed delectationes sunt medicinae contra tristitias , ut dicitur in VII. Ethic. ( cap. xiv. ) Ergo delectatio , & tristitia sunt contraria .

Præterea . Bonum , & malum sunt contraria . Sed delectatio opponitur tristitiae , ut bonum malo , ut dicitur in VII. Ethic. ( ubi sup. ) Ergo sunt contraria .

### QUAESTIUNCULA II.

1. Ulterius . Videtur quod delectationi quae est in considerando , sit aliqua tristitia contraria . Fatigatio enim est tristitiae causa . Sed in considerando accidit fatigatio . Ergo in considerando accidit tristitia : ergo delectationi quae est in considerando , aliqua tristitia contraria est .

2. Præterea . Sicut contingit aliquid considerare ut conveniens , ita contingit considerare aliquid ut nocivum . Sed consideratio convenientis causat delectationem . Ergo consideratio nocivi causat tristitiam ; & sic idem quod prius .

3. Præterea . Omnis actio quae est contraria habitui inherenti , est tristitiae causa ; sicut ei qui habitum iniustitiae habet , est contristabilis operatio iusti . Sed contingit aliquem habentem habitum alicuius scientiae prodire in actum contra rationem habitus inherens ; sicut cum grammaticus non grammatice loquitur , & dialecticus non recte syllogizat . Ergo in considerando potest esse tristitia ; & sic idem quod prius .

Sed contra est quod Philosophus dicit in I. Topic. ( cap. xiiii. ) quod delectationi quae est ab eo quod est considerare , non est aliqua tristitia contraria .

Præterea . Considerationes procedunt ex rationibus rerum in anima existentibus . Sed rationes rerum etiam contrariarum in anima existentes non sunt contrariae , ut dicitur in VII. Metaph. ( text. xiiii. ) Ergo nec delectatio

delectationi quæ ex consideratione causatur, aliquid potest esse contrarium.

### QUAESTIUNCULA III.

1. Ulterius. Videtur quod tristitia fortius afficiat quam delectatio. Quia; ut dicit Augustinus in Lib. lxxxiii. Quæst. (quæst. xxxvi.) *nemo est qui non magis dolorem suæpiat quam appetat voluptatem*. Ergo magis homo afficitur tristitia quam delectatione.

2. Præterea. Sicut tristitia vehementia sua movet ad fugam, ita delectatio movet ad desiderium. Sed non omnes delectationes appetunt, immo quidam, ut temperati, eas vitant; tristitias autem quilibet fugit, ut dicit Philosophus in Ethic. (Lib. VII. cap. xiii. vel xiv.) Ergo delectatio minus afficit quam tristitia.

3. Præterea. Secundum Philosophum in X. Ethic. (cap. v. vel vii.) omnis tristitia hominem in operando impedit; non autem omnis delectatio adiuvat, sed solum propria. Ergo tristitia vehementius afficit quam delectatio.

Sed contra. Bonum est efficacius in agendo quam malum: quia malum non agit nisi in virtute boni, ut dicit Dionysius iv. cap. de divin. Nom. Sed bonum est causa delectationis, malum vero tristitiæ. Ergo delectatio magis afficit quam tristitia.

Præterea. Ut dicitur in VII. Ethic. (cap. xiv.) delectatio expellit tristitiam non solum sibi contrariam, sed & quamlibet aliam. Ergo delectatio est fortior tristitia.

### SOLUTIO I.

Respondeo dicendum ad primam questionem, quod cuiuslibet passionis ratio formalis ex obiecto sumitur: unde & passiones, & actus penes obiecta distinguuntur. Obiectum autem delectationis bonum est, tristitiæ vero malum: unde oportet tristitiam delectationi formaliter contrariari.

Ad primum ergo dicendum, quod quavis motus per se operationi non contrarietur, est tamen in motu aliquid invenire ex quo tristitiam causat, quod contrariatur operationi, secundum quod est delectationis causa. Operatio enim delectationis causa existit, secundum quod est convenientis operanti. In motu autem, in quo est processus de uno ad aliud, oportet aliquid esse non convenientis ei quod movetur, cum ea inter quæ est motus, sint contraria; & ideo motus ratione contrarietatis quam habet ad mobile,

lassitudinem, & tristitiam inducit; & propter hoc præcipue motus innaturales, & violenti lassitudinem causant. Sic ergo motus ratione contrarietatis causat tristitiam, operatio vero delectationem ratione convenientiæ: unde oportet quod delectatio, & tristitia opponantur secundum oppositionem convenientiæ, & contrarietatis.

Ad secundum dicendum, quod tristitia non est materia delectationis, nec delectatio tristitiæ, per se loquendo, sed per accidentantum, in quantum accidit delectationi esse malum, quod est propria tristitiæ materia, & tristitiæ esse bonum, quod est propria materia delectationis: & hoc quidem accidere potest in istis contrariis, ut unum per accidens sit alterius materia propter communitatem suorum obiectorum, quæ sunt bonum, & malum; quorum unum potest alteri adungi ratione diverforum. Quod enim est secundum unam rationem bonum, potest esse secundum alteram rationem malum. Accidit etiam quod huiusmodi contraria consistunt in actu animæ, quæ reflectitur super actum suum, in quantum scit se scire, & vult se velle: unde & tristitia potest esse materia gaudii, & etiam ipsum gaudium: quod in rebus naturalibus accidere non potest, ut aliquid sit materia sui ipsius, vel etiam contrarii.

Ad tertium dicendum, quod si fiat vis in verbis, sicut delectatio distinguitur a gaudio, ita dolor a tristitia, ut sic per oppositum tristitia respondeat gaudio, dolor vero delectationi; sed quia dolor proprie accipitur in sensu, & præcipue in sensu tactus, delectatio etiam proprie loquendo se extendit ad interiores vires; ideo delectationi non solum dicimus opponi dolorem, sed etiam tristitiam.

### SOLUTIO II.

Ad secundam questionem dicendum, quod apprehensio potest dici delectationis causa dupliciter. Uno modo ex parte ipsius apprehensio, sicut cum apprehendimus aliquod bonum nobis conveniens, & inde delectamur; & per hunc modum apprehensio est omnis delectationis causa: unde nihil prohibet delectationi quæ sic ex apprehensione causatur sive sensibili, sive intelligibili, aliquid contrarium esse: alias nulli delectationi esset tristitia contraria. Alio modo ex parte ipsius apprehensionis, ut cum quis delectatur non quidem de apprehensio, sed de ipsa apprehensione qua apprehendit; & sic, per se loquendo, delectationi quæ ex quacunque ap-

prehensione causatur, non potest esse tristitia contraria. Oportet enim huiusmodi tristitiam etiam ex aliqua apprehensione causatam esse: contraria enim circa idem sunt. Apprehensio autem, per se loquendo, nullo modo potest tristitiam facere: quia illud solum tristitiam facere potest quod est contrarium; nulla autem apprehensio inquantum huiusmodi est contraria, vel repugnans apprehendenti, immo est perfectio ipsius: quia species quibus fit apprehensio, sunt perfectiones apprehenditis: unde nulla apprehensio nec sensibilis, nec intelligibilis, per se loquendo, tristitiam causat, sed delectationem tantum, quandoque plus, quandoque minus, secundum quod apprehensio est perfectior, & delectantior convenientior. Unde Philosophus dicit in X. Ethicor. (cap. iv. vel vi.) quod perfectissima, ac per hoc delectabilissima visio est visus optime dispositi ad pulcherrimum sub visum cadentium. Per accidens autem contingit ex apprehensione causari tristitiam dupliciter. Uno modo ex parte apprehenditis, qui scilicet apprehendit per organum aliquod corporale, cui potest accidere lassitudo, & corruptio propter organi permutationem; & sic apprehensio sensitiva partis per accidens est contristativa; apprehensio vero intellectiva non nisi per accidens valde remotum, inquantum scilicet considerationi intellectus adiungitur operatio sensitivarum virium, ex quibus accidit in consideratione intellectus nostri lassitudo; quod non esset, si sine phantasmatibus intelligere possemus. Alio modo ex parte ipsius effectus apprehensionis, inquantum ex hoc quod apprehensioni vacavimus, aliquid damnum incurrimus, ut puta si ex hoc impedimur ab aliquo utiliori, vel pertrahimur in peccatum occasionaliter. Sed tunc proprie loquendo, non causatur tristitia ex apprehensione, sed ex consideratione effectus apprehensionis. Et ideo, proprie loquendo, delectationi quæ est ex hoc quod est considerare secundum intellectum, non est aliqua tristitia contraria.

Ad primum ergo, & secundum patet responsio ex dictis.

Ad tertium dicendum, quod operatio contraria habitui scientiæ quandoque procedit ab aliquo scienter; & tunc talis operatio est habitui convenientis, quia per habitum scientiæ non solum cognoscimus id quod est rectum, sed etiam id quod est erroneum: unde

de etiam scire aliquid esse erroneum, est de perfectione scientiæ. Si autem consideratio scientiæ contraria procederet ab aliquo nescienter, ut puta cum quis habet falsam considerationem, quam æstimat veram, adhuc talis consideratio erit delectabilis, quia apprehenditur ut conveniens, quamvis non sit conveniens; sicut & iustus esset operatio iniusta delectabilis, si eam æstimaret esse iustam.

### SOLUTIO III.

Ad tertiam questionem dicendum, quod tam delectatio, quam tristitia consequuntur causam aliquam apprehensam: unde & possunt dupliciter considerari. Uno modo ex parte causæ delectantis, vel contristantis; alio modo ex parte apprehensionis quam delectatio, & tristitia sequitur. Causa autem delectationis est bonum conveniens coniunctum, tristitia vero repugnans malum coniunctum. Potest autem inveniri aliquid bonum quod totaliter conveniens est, nec ex aliqua parte dissonantiam habet; non autem potest inveniri aliquid malum quod ita sit dissonum quod quantum ad nihil conveniens sit: quia non est aliquid pure malum, quod secundum aliquid non sit bonum; & ideo causa delectationis perfectius se habet ad delectandum quam causa tristitia ad contristandum, generaliter loquendo; sed in speciali non potest una regula dari propter diversos ordines causarum in malitia, & bonitate: unde quædam causa delectans excedit contristantem aliquam, & e converso. Sed ex parte apprehensionis tristitia secundum genus, generaliter loquendo, delectationem excedit, eo quod res similes minus sentiuntur quam res contrariæ: unde cum convenientia delectationem causet, repugnantia vero tristitiam, quantum ad apprehensionem tristitia delectationi prævaler, quamvis in speciali aliqua delectatio alicui tristitiam præmineat quantum ad apprehensionem. Dicendum ergo est, quod si proprie loquamur, delectatio vehementius afficit quam tristitia; sed tristitia magis sentitur quam delectatio, (a) sicut etiam & amor rei præsentis, ut Augustinus dicit X. de Trinit. (prope finem.)

Ad primum ergo dicendum, quod magis fingitur tristitia quam appetatur delectatio, quia magis sentitur.

Ad secundum dicendum, quod omnis tristitia per se loquendo est mala, ut infra dicitur (art. sequenti quæst. ii.) quamvis per

(a) Nihil est sicut etiam de amore rei præsentis magis percipitur quam rei absæntis, ut Augustinus dicit



per accidens possit esse bona; sed non omnis delectatio est bona per se loquendo: ideo tam boni quam mali fugiunt tristitiam quamlibet, sed non omnes delectationes quaslibet appetunt.

Ad tertium dicendum, quod pluribus modis potest impediri aliqua operatio quam perfici: quia non perficitur nisi omnibus causis concurrentibus; impeditur autem operatio, si quodcumque eorum quae sunt ad operationem necessaria, impediatur: & ideo omnis tristitia operationem aliquam impedit, inquantum est contraria operanti; non autem omnis delectatio coadiuvat ad operandum, immo extranea impedit, inquantum avertit intentionem ad aliud quam attentio, quae necessaria est ad perfecte agendum; sed propria delectatio & operantem expedit, eum quodammodo corroborando, inquantum est conveniens, & attentionem eius facit inherere ad operationem delectabilem.

## ARTICULUS IV.

*Utrum qualibet delectatio sit bona.*

1. 2. *quest. xxxiv. art. 2.*

1. **A**D quartum sic proceditur: Videtur quod quilibet delectatio sit bona. Omne enim quod coniunctum aliis facit (a) ea eligibilius, est per se bonum. Sed delectatio coniuncta quibuscumque bonis facit ea eligibilius. Ergo delectatio est per se bonum; & sic quilibet delectatio bona erit.

2. **Præterea.** Nihil appetitur nisi bonum. Sed unumquodque est appetibile ex hoc quod est delectabile. Ergo delectatio per se loquendo est bona; & sic idem quod prius.

3. **Præterea.** Omne esse, inquantum huiusmodi, est bonum. Ergo & illud quod est ultima entis perfectio, universaliter est bonum. Sed delectatio est ultima entis perfectio: perficit enim operationem, quae est actus secundus, ut per Philosophum patet (X. Ethic. cap. iv. vel vi.) Ergo omnis delectatio est bona.

1. **Sed contra.** Illud quod fugit virtuosus, est malum. Sed delectationem fugit temperatus. Ergo delectatio est mala.

2. **Præterea.** Illud quod iudicium rationis impedit, est malum. Sed delectatio corrumpit estimationem prudentis, ut dicitur in VI. Ethic. (cap. iv. vel v.) Ergo delectatio est mala.

*S. Th. Op. Tom. XIII.*

(a) A. de 1. 2. (b) A. & architecton.

3. **Præterea.** Illud cuius desiderium facit aliquid malum, est per se malum. Sed desiderium delectationis facit aliquos malos, sicut intemperatos, qui delectationem prosequuntur ut finem, & blandos, qui ad delectationem solummodo dulcia loquuntur. Ergo delectatio est mala.

## QUAESTIUNCULA II.

1. **Uterius.** Videtur quod non omnis tristitia sit mala. Nullum enim saluterum est malum. Sed aliqua tristitia est salutifera: *qua enim secundum Deum est tristitia, penitentiam in salutem stabilem operatur*: II. Corinth. vii. 10. Ergo aliqua tristitia est bona.

2. **Præterea.** Nullum laudabile est malum. Sed aliquae tristitiae sunt laudabiles, sicut misericordia, quae est tristitia de alieno malo, & penitentia, quae est tristitia de peccatis praeteritis. Ergo non omnis tristitia est mala.

3. **Præterea.** Sicut delectatio se habet ad bonum, ita tristitia ad malum. Sed non omnis delectatio est bona. Ergo nec omnis tristitia est malum.

**Sed contra.** Omne illud quod impedit operationem rectam, est malum. Sed omnis tristitia operationem impedit, ut patet in X. Ethic. (cap. v.) Ergo omnis tristitia est mala.

**Præterea.** Quod adiunctum alicui facit ipsum minus bonum, est per se malum. Sed tristitia cuiuscumque bono adiuncta facit ipsum minus eligibile: unde II. Corinth. ix. 7. dicitur: *Non ex tristitia, aut ex necessitate: bilarem enim datorem diligit Deus*: & eadem ratio est, cuiuscumque virtutis actui tristitia adiungitur. Ergo tristitia est secundum se malum.

## QUAESTIUNCULA III.

1. **Uterius.** Videtur quod aliqua delectatio sit optimum. Illud enim quod est ultimus finis, est optimum. Sed delectatio est ultimus finis: ut enim dicitur VII. Ethicor. (cap. xii. vel xiv.) est finis (b) architecton. Architectonicarum autem fines sunt nobiliores, & desiderabiliores, ut dicitur in I. Ethicor. (cap. i.) Ergo delectatio est optimum.

2. **Præterea.** Dicitur in II. Caeli, & mundi (text. com. xvii.) *Omnis res est propter suam operationem*. Sed operatio est

T 11 pro-

propter defectionem, cum defectio sit operationis perfectio, ut dicitur in X. Ethic. (cap. iv.) Ergo defectio est ultimus finis.

3. Præterea. Illud quod desideratur tantum propter se, & nunquam propter aliud, est ultimus finis. Sed defectio est huiusmodi: stultum enim est querere quare aliquis velit defectari. Ergo defectio est ultimus finis.

4. Præterea. Illud quod omnes appetunt, & cum cuius contrario nihil est eligibile, videtur esse optimum, & ultimus finis. Sed omnes defectionem appetunt, & pueri, & bestiae, & homines sapientes, & insipientes: nec aliquod bonum esset eligibile, si esset triste: nec etiam esset possibile in aliquo bono continue perseverare, si esset triste. Ergo defectio est optimum.

1. Sed contra. Ultimus finis hominis, & optimum eius est beatitudo ipsius. Sed beatitudo non est defectio, sed magis operatio, ut ex supra dictis patet. Ergo defectio non est optimum.

2. Præterea. Secundum Platonem defectio est generatio sensibilis in natura. Sed nulla generatio est optimum: quia generatio est motus ad perfectionem. Ergo nulla defectio potest esse optimum.

3. Præterea. Omne quod eligitur, eligitur in ordine ad optimum. Sed, sicut dicit Philosophus in X. Ethic. (cap. ii. vel iv.) circa multa studium faceremus, etiam si nullam defectionem inferrent, puta videre, recordari, scire, & virtutes habere. Ergo defectio non est optimum.

4. Præterea. Omne illud quod a natura ordinatur ad aliquid, non est ultimus finis. Sed natura ordinat defectionem ad operationem: unde operationibus nutritivæ, & generativæ ordinatis ad conservationem individui, & speciei, natura defectionem apposuit, ut ad hæc opera animalia magis inclinarentur. Ergo defectio non est optimum, vel ultimus finis.

### SOLUTIO I.

Respondeo dicendum ad primam questionem, quod defectio dupliciter potest considerari. Uno modo inquantum est defectio; alio modo inquantum est hæc defectio. Defectio ergo, inquantum est defectio, aliquod bonum nominat; sed inquantum est talis defectio, potest rationem mali habere ex parte eius ex quo specificatur;

sicut etiam omnis actio quantum ad hoc quod habet de natura actionis est bona, sed quantum ad hoc quod adiungitur defectu, aliqua actio est mala. Similiter etiam inquantum alicui defectioni adiungitur defectu, secundum hoc adiungitur ei de malo. Hoc autem modo adiungitur defectus defectioni quo & operationi, cum defectio ex operatione causetur; & sic ex deficienti operatione (a) deficiens defectio: & ideo, ut dicitur in X. Ethicor. (cap. v. vel viii.) sicut operationes differunt ab invicem bonitate, & malitia, ita & defectiones; ut secundum hoc defectio dicatur bona quod ex bona operatione procedat, mala vero quæ est de mala operatione.

Ad primum ergo dicendum, quod defectio quæ facit bona eligibilia, est defectio eius propria, utpote cum iustus defectatur de iusta operatione; sed si defectiones intemperati adiungerentur operationibus iustis, non facerent eas deficiabiles: unde non sequitur omnes defectiones esse bonas.

Ad secundum dicendum, quod non solum appetitur bonum, sed etiam apparet bonum. Quia autem omnis defectio ex hoc quod est defectio, bona est, quantumcumque ex aliquo adiuncto efficiatur mala, habet unde apparere possit bona, & per consequens unde possit appeti; & sic appetibilis est non habenti rectum iudicium; sed habenti rectum iudicium defectiones quædam appetibiles non sunt; sicut prudens, & temperatus non appetit defectiones intemperati.

Ad tertium dicendum, quod illa ratio non probat defectionem esse bonam, nisi inquantum est defectio.

Sed quia ex rationibus quæ sunt in contrarium, quidam ostendere volebant omnem defectionem esse malam, ideo ad eas est etiam respondendum.

Ad primum ergo dicendum est, quod virtuosus non fugit quamlibet defectionem, immo propriam defectionem amplectitur, quod est defectari in operibus virtutum; fugit autem defectiones inordinatas: & has concedimus malas esse.

Ad secundum dicendum, quod non quilibet defectio impedit iudicium rationis, sed defectio immoderata, & extranea; sicut defectio corporalis iudicium rationis perturbat, si sit vehemens; sed spiritualis defectio iudicium rationis confortat, quia unusquisque attentius operatur in his in quibus

(a) def. deficiet.

bus delectatur, ut dicitur in X. Ethic. (cap. v. vel vii.) & sic etiam non sequitur omnem delectationem esse malam.

Ad tertium dicendum, quod illæ delectationes quæ faciunt hominem malum, non sunt dicendæ simpliciter, & vere delectationes: quia non sunt convenientes homini, inquantum est homo, sed inquantum bonum hominis est in eo quodammodo corruptum: sicut etiam non est dicendum dulce simpliciter quod videtur habenti corruptum gustum: & dato etiam quod sint delectationes veræ, differunt tamen specie ab illis delectationibus quæ bonæ sunt.

## SOLUTIO II.

Ad secundam quæstionem dicendum, quod aliquid dicitur bonum dupliciter. Uno modo ut per se eligibile; alio modo ut ordinatum ad illud; sicut porciones austeræ non sunt per se bonæ, vel appetibiles, sed solum inquantum sunt utiles ad sanitatem. Tristitia ergo nulla, per se loquendo, est bona, ut per se appetibilis: unde etiam Augustinus in Lib. de confes. (X. cap. xxviii.) tolerari eas iubet, non amari, scilicet tribulationes, & tristitias: cuius ratio est, quia omnis tristitia procedit ex aliquo inconvenienti; habere autem aliquod inconveniens non potest esse per se appetibile; sed tamen aliquæ tristitiæ sunt bonæ, vel appetibiles, inquantum sunt utiles ad aliquid, vel ad expellendum pravas delectationes, vel ad aliquid huiusmodi.

Et per hoc patet responsio ad primum: quia illa tristitia secundum Deum esse dicitur, & salutifera quæ ordinatur ad salutem: unde non sequitur quod sit bona, nisi ut medicina quædam.

Ad secundum dicendum, quod tristitia non potest esse laudabilis nisi ex suppositione alicuius mali existentis: supposita enim miseria, laudabilis est misericordia; & similiter peccato præexistente eligibilis est poenitentia. Tamen ubi est bonorum perfectio, nec est locus misericordiæ, nec poenitentiae. Unde non sequitur quod tristitia sit bona simpliciter, sed secundum quid tantum.

Ad tertium dicendum, quod quamvis omnis tristitia secundum se sit fugienda, non tamen sequitur quod omnis delectatio sit secundum se appetenda, & bona. Ad hoc enim quod aliquid sit bonum, oportet multa concurrere, quorum quodlibet deficiens rationem mali inducit; & ita omne illud quod habet aliquid de malo, est fugendum;

nec tamen omne illud quod habet aliquid de bono, est simpliciter appetendum: & sic omnis tristitia, inquantum aliquid habet de defectu, est fugienda; non autem omnis delectatio est appetenda, quamvis habeat aliquid de bono.

## SOLUTIO III.

Ad tertiam quæstionem dicendum, quod de delectatione fuit triplex opinio.

Una fuit Epicuræorum, qui ponebant delectationem, inquantum huiusmodi, esse optimum, volentes per hoc etiam omnem delectationem esse bonam. Alia fuit opinio Stoicorum, & Platoniorum, qui ponebant omnem delectationem esse malam. Tertia fuit opinio Aristotelis, & Peripateticorum, qui posuerunt quasdam delectationes esse bonas, & quasdam malas; & quod nihil prohibet aliquam delectationem esse optimum in genere humanorum bonorum: delectatio enim operationem consequitur: unde cum aliqua operatio sit optimum in genere humanorum bonorum, quod est felicitas, & delectatio ipsam consequens optimum erit. Nec illa duo sunt consideranda quasi duo bona, sed quasi unum bonum. Sicut enim ex perfectione, & perfectibili fit una res perfecta; ita ex delectatione, & operatione fit una operatio perfecta, quæ est felicitas, cum delectatio sit operationis perfectio, ut dicitur in X. Ethic. (cap. iv. vel vi.) Quid autem horum sit propter alterum eligendum, utrum scilicet delectatio propter operationem, vel e converso, Philosophus ibi insolutum relinquit. Sed tamen secundum rei veritatem videtur dicendum, quod delectatio ad operationem ordinetur sicut ad finem, sicut omnes perfectiones secundæ non propter aliud sunt nisi propter suam perfectibilitatem perficienda. Delectatio autem est quædam perfectio operationi superveniens, ut decor iuventuti: unde delectatio ad operationem ordinatur. Sic ergo, proprie loquendo, delectatio aliqua non est optimum, sed est aliquid optimi, scilicet felicitatis. Felicitas enim delectationem includit, ut patet per Philosophum in X. Ethic. (cap. vii. vel viii.)

Sic ergo ad utrasque rationes respondendum est.

Ad primum ergo dicendum, quod delectatio dicitur esse finis architecton, non quia sit architectonicæ, scilicet civilis, finis ultimus, nisi forte inquantum est aliquid ultimæ finis, ut dictum est. Dicitur autem

esse finis architecton, ut regula quorundam, ad quam architecton, scilicet civilis, omnia iudicat: unde ibi subiungitur: *Ad quam respicientes hoc quidem bonum* — *hoc quidem malum dicimus*: ex hoc enim aliquis bonus cognoscitur quod delectatur in bonis; malus autem ex hoc quod delectatur in malis.

Ad secundum dicendum, quod delectatio non est perfectio operationis, a qua operatio speciem habeat, sed magis quæ superadditur ei per modum perfectionis secundæ, sicut sanitas ad hominem se habet, & non sicut anima. Hoc autem interest inter perfectiones primas & secundas, quod ad primam perfectionem ordinatur perfectibile sicut ad finem, ut materia ad formam; sed e converso secunda perfectio ordinatur ad perfectibile, ut scilicet perfectibile per eam esse perfectum habeat; & sic delectatio ad operationem ordinatur.

Ad tertium dicendum, quod de illis ordinatis ad finem consuevimus querere propter quem fiant quæ fini non sunt coniuncta; de his vero quæ fini coniunguntur, talis questio non fit, quia statim apparet ea esse appetibilia. Et quia delectatio non est coniuncta operationi perfectæ, quæ est finis, ideo non consuevit queri propter quid aliquis velit delectari. Et præterea delectatio dicit quietationem appetitus in aliquo: unde querere, quare aliquis velit delectari, est idem quod querere, quare velit appetitum suum quietari; quod idem est ac si quereretur, quare aliquis velit finem voluntatis consequi. Licet autem operatio aliqua sit finis, tamen operatio de suo nomine non importat rationem finis, vel quietationem in fine: & inde est quod magis querimus propter quid vis operari, quam propter quid vis delectari.

Ad quartum dicendum, quod cuiuslibet rei finis est sua perfectissima operatio: ideo omnes delectationem appetunt, qua operatio perficitur, sicut & propriam operationem perfectam; & sicut accidit error in appetitu operationis, quia quidam insunt operationibus extraneis, dimissis propriis operationibus, ut omnes mali sequentes operationes bestiales prætermittis humanis; ita etiam quidam loco propriarum delectationum extraneas sequuntur.

Ad primum vero eorum quæ obijciuntur in oppositum, dicendum, quod non qualibet operatio est felicitas, sed operatio per-

fecta, quam oportet delectabilem esse; & sic delectatio est aliquid optimi.

Ad secundum dicendum, quod definitio illa Platonis non est conveniens, ut patet per Philosophum in VIII. & X. Ethic. Non enim delectatio in generatione consistit, sed magis in esse generatum: tunc enim res potest habere propriam operationem, quæ est delectationis causa, quando iam perfecta est, non autem quando est imperfecta, & in heri.

Aliæ duæ rationes concludunt quod operatio sit melior delectatione; & hoc quidem verum est. Sed utroque est melius operatio perfecta, cuius aliquod est delectatio.

## ARTICULUS V.

*Utrum delectationes corporales sint potiores spiritualibus.*

I. 2. quæst. XXXII. art. I. & 5.

1. **A**D quintum sic proceditur. Videtur quod delectationes corporales sint potiores spiritualibus. Delectabile enim, in quantum est delectabile, est appetibile. Ergo in quod magis inclinatur appetitus, est magis delectabile. Sed pluries, & frequentius inclinatur in delectationes corporales quam spirituales. Ergo delectationes corporales sunt (a) potiores spiritualibus.

2. Præterea. Maioris efficacis est res ipsa quam similitudo rei. Sed delectationes corporales, utpote tactus, & gustus, proveniunt ex ipsis rebus coniunctis; delectationes autem spirituales, utpote quæ sunt in contemplando, proveniunt ex similitudinibus rerum, quibus intelligimus. Ergo delectationes corporales sunt potiores spiritualibus.

3. Præterea. Ut Avicenna dicit in V. de naturalibus, operatio causarum utilium præsentium est efficacior quam operatio causarum utilium futurarum: & similiter operatio causarum utilium ad delectandum est efficacior quam operatio causarum utilium (b) honestati: & similiter operatio eius quod est secundum opinionem, est efficacior quam operatio eius quod est secundum rationem. Sed operationes corporales proveniunt ex bonis præsentibus utilibus ad delectandum secundum opinionem boni; delectationes vero spirituales proveniunt præcipue ex bonis futuris honestis, & secundum rationem existen-

(a) ut. altiores. (b) ut. honestati.

iscentibus. Ergo delectatio corporalis est potior spiritali.

4. Præterea. Delectationes corporales sua efficacia quandoque rationem evertunt, & corpus transmutant, & ideo indigent refrenari, ut Philosophus dicit in VII. Ethic. (cap. III. vel v.) *Concubiscentia venerum manifeste corpus transmutant, & quibusdam infans faciunt.* Delectationes autem spirituales hoc facere non videntur, unde & eas refrenare non oportet. Ergo corporales sunt potiores spiritalibus.

Sed contra est quod Philosophus dicit in X. Ethic. (cap. VII. vel VIII.) quod *delectabilissima operatio est illa quæ est secundum sapientiam. Videtur enim Philosophia admirabiles delectationes habere puritate, & firmitate.* Et ad hoc est etiam quod dicitur Eccli. XXIV. 10. *ex ore Sapientis: Spiritus meus super mel dulcis, & hereditas mea super mel, & favum.*

Præterea. Bonum est causa delectationis. Sed spirituale bonum præeminet corporali. Ergo & spiritalis delectatio corporali.

Præterea. Album est quod est nigro impermixtius. Sed delectatio corporalis habet admixtam tristitiam, quæ ei contrariatur; delectationi autem spiritali non est aliqua tristitia contraria quæ possit ei admisceri. Ergo delectatio spiritalis est potior corporali.

#### QUAESTIUNCULA II.

1. Ulterius. Videtur quod inter delectationes corporales non est potissima illa quæ est secundum tactum. Spiritualis enim delectatio est potior quam corporalis. Ergo & quanto aliqua delectatio corporalis est spiritali vicinior, tanto est potior. Sed delectatio visus, & auditus est propinquior spiritali delectationi quam delectatio tactus. Ergo est potior.

2. Præterea. Delectationis causa est perceptio convenientis. Sed visus inter alios sensus est magis perceptivus, & cognoscitivus, ut patet per Philosophum in I. Metaphys. (cap. 1.) Ergo & delectatio visus est potissima inter corporales.

3. Præterea. Præcipue delectationes tactus sunt in actibus nutritivæ, & generativæ. Actus autem illi sunt communes etiam plantis, in quibus nulla delectatio invenitur. Ergo tactus habet minimum de delectatione.

Sed contra est quod temperantia est circa maximas delectationes, & tristitias corporales. Est autem circa delectationes tactus,

ut dicitur in III. Ethic. (cap. XIII. vel XIX.) Ergo delectationes tactus sunt potiores aliis corporalibus.

Præterea. Delectationi corporali opponitur dolor. Sed dolor præcipue ad sensum tactus pertinet, cum ex divisione continui proveniat. Ergo & inter delectationes corporales delectatio tactus est potior.

#### QUAESTIUNCULA III.

1. Ulterius. Videtur quod inter delectationes spirituales delectatio quæ est in operibus activæ, sit potior ea quæ est in operibus contemplativæ. Delectatio enim ad affectum pertinet. Sed activa vita ex rectitudine voluntatis dependet; contemplativa vero magis consistit in perfectione intellectus. Ergo delectatio in operibus activæ est potior delectatione quæ est in operibus contemplativæ.

2. Præterea. Delectationis causa est operatio connaturalis habitus. Sed habitus virtutum moralium, quæ perficiunt in activa, magis movet per modum naturæ quam habitus intellectualium virtutum: sciens enim sine difficultate potest aliquod falsum considerare, sed iustus non potest sine difficultate operari iniuste, ut dicitur Lib. IX. Ethic. (cap. 2. & XIII.) Ergo delectatio virtutum moralium, quæ ad activam pertinent, est potior delectatione intellectualium, quæ pertinent ad contemplativam.

3. Præterea. Convenientia est ratio delectationis. Sed delectatio magis convenit cum virtute morali quam cum intellectuali: & virtutem, & malitiam moralem circa delectationem, & tristitiam ponimus, ut dicitur in II. & VII. Ethic. Ergo delectatio activæ potior est delectatione contemplativæ.

Sed contra. Operationibus contemplativæ non admisceatur amaritudo, aut tedium: unde Sap. VIII. 16. *Non habes amaritudinem conversatio illius, scilicet sapientis, nec tedium convivis illius.* Sed operationes activæ vitæ sunt multis amaritudinibus repletae. Ergo delectationes contemplativæ vitæ sunt potiores.

Præterea. Quanto aliqua operatio est delectabilior, tanto magis potest continuari. Sed operatio contemplationis maxime potest continuari, ut dicitur in X. Ethic. Ergo operatio contemplationis est maxime delectabilis.

## QUÆSTIUNCULA IV.

1. Ulterius. Videtur quod in beatis omnibus est æqualis delectatio. Quia, ut dicitur in Glossa I. Corinth. xv. super illud *Stella differat a stella in claritate*, in dispari claritate erit par gaudium.

2. Præterea. In beatis erit perfecta caritas: unde unusquisque perfecte implebit illud præceptum (Matth. xxii. 39.) *Dilige proximum tuum sicut teipsum*. Ergo tantum gaudet unusquisque de bono alterius, sicut de bono suo; & sic videtur quod omnes æquale gaudium habebunt.

3. Præterea. Gaudium non diminuitur nisi ex aliquo impedimento. Sed in nullo beatorum erit aliquod impedimentum gaudii. Cum igitur omnibus sit una gaudendi ratio, scilicet Dei visio, videtur quod omnes æqualiter gaudebunt.

Sed contra. Homines assumuntur pro diversitate meritorum ad diversos ordines Angelorum, sicut dicit Gregorius (homil. xxxiv. in Evang.) Sed non in omnibus Angelis est æquale gaudium; unde dicit Dionysius vii. cap. cælest. Hierar. quod suprema hierarchia est sola digna effecta domesticæ unitate divinæ refectionis; perquam refectionem delectatio intelligitur. Ergo nec omnes beati æqualiter gaudebunt.

Præterea. Visio Dei in beatis erit causa delectationis. Sed quidam sancti clarius Deum videbunt, ut supra dictum est. Ergo non omnes æqualiter delectabuntur.

## SOLUTIO I.

Respondendo dicendum ad primam questionem, quod sicut aliquid dicitur dupliciter magis notum; vel simpliciter, vel quo ad nos; ita potest una delectatio potior altera iudicari vel simpliciter, vel quo ad nos. Loquendo igitur simpliciter, delectatio spiritualis incomparabiliter præeminet corporali propter sex rationes. Primo quia spiritualis perfectio, quæ spiritualem delectationem causat, incomparabiliter perfectionem corporalem excedit, quæ causat delectationem corporalem. Secundo quia cum hæc sit melior, est delectanti convenientior: unusquisque enim maxime est illud quod est in eo perfectissimum, ut patet per Philosophum in X. Ethic. (cap. vii. vel xi.) In nobis autem perfectissimum est spiritualis natura, secundum quam res spirituales sunt nobis convenientes, sicut in unoquoque forma est potior materia; & id quod convenit nobis secundum spiritalem naturam

est nobis convenientius: & propter hoc quantum est de se, natum est magis delectare. Tercio quia perfectio spiritualis est naturaliter magis dilecta quam corporalis; & hoc experimento patet: homines enim multa sustinent incommoda corporalia, ut vitent infamiam, vel habeant victoriam, seu eminentiam, quæ sunt perfectiones intelligibiles, & non corporales. Quanto autem aliquid magis diligitur, tanto habitum magis delectat: unde dicit Philosophus in XI. de animalibus (vel Lib. I. de partibus animal. cap. v.) quod amator quando diligit aliquid, afficitur ad id quod comprehendit de eo, quamvis aliquando quod comprehendit, sit modicum quantum ad multa quæ comprehendit de aliis rebus: & sic parva cognitio quam habemus de sublimantibus spiritualibus cælestibus, est nobis delectabilissima. Quarto quia cum coniunctio sit delectationis causa, quanto aliquid vehementius coniungitur, magis delectat. Res autem spirituales intellectivæ intimius nobis coniunguntur quam res corporales apprehensæ per sensum: sensus enim per apprehensionem coniungitur rebus corporalibus quasi superficialiter tantum; sed intellectus pertingit usque ad intimam rei quidditatem: unde delectatio intelligibilis est potior quam sensibilis. Quinto quia cum operatio sit causa delectationis per hoc quod procedit ab operante perfecto, sicut cum perficitur per habitum, quanto in operante invenitur maior perfectio respectu operationis, tanto eius operatio est delectabilior. Motus autem est actus imperfecti: unde operationes admixtæ motui tantum deficient a perfectione delectationis, in quantum motui adiunguntur: ex motu enim lassitudinem inducunt: & ideo cum operationibus corporalibus adiungatur motus, operationes autem spirituales sunt a motu remotæ; spirituales delectationes erunt corporalibus puriores, & per consequens vehementiores. Sexto quia spirituales delectationes sunt diuturniores, & firmiores corporalibus, utpote ex causis incorruptibilibus, & immobilibus provenientes.

Loquendo autem de delectatione quo ad nos, delectatio corporalis est nobis perceptibilior propter quatuor rationes. Primo quia res corporales sensibiles magis percipimus quam res spirituales, eo quod oportet ex sensibilibus pervenire in intelligibilia: ante delectationem autem requiritur perceptio convenientis; & inde est quod plures inclinantur ad delectationes corporales quam ad spirituales.

zituæ

virtuales, quia plures cognoscunt sensibilia quam intelligibilia. Secundo propter dispositionem affectus nostri, qui est assuetus delectationibus corporalibus: unde sicut gustus infectus non percipit dulcedinem puram, ita etiam affectus nostri delectationibus corporalibus inquinati delectationes purissimas, scilicet spirituales, percipere non possunt: & ideo homines virtuosus, qui habent affectum depuratum a corporalibus delectationibus, magis spiritualibus delectationibus fruuntur. Unde & Philosophus dicit in X. Ethic. (cap. v. vel viii.) quod illa est potissima delectatio quæ videtur potior virtuosus. Tercio quia delectationes corporales propinquiores sunt virtutibus corporalibus morivis: unde ex delectationibus, & doloribus corporalibus statim sequitur corporis transmutatio; non autem ex delectationibus, & tristitiis spiritualibus, nisi sint adeo fortes quod ex eis fiat redundantia in appetitum sensibilem. Transmutationes autem corporis maxime percipiuntur: unde & delectatio corporalis magis percipitur quam spiritualis. Quarto quia, ut dicit Augustinus VII. Confess. (cap. xii.) gaudium, vel delectatio maior sequitur, ubi maior molestia præcessit. In rebus autem corporalibus continue molestamur propter continuos motus, qui omnes cum labore quodam sunt; sed in rebus spiritualibus non inveniuntur huiusmodi molestiæ: unde delectationes corporales (a) maiores apparent, utpote magis e vicino remedium præbentes contra molestias corporales: unde secundum Philosophum in VII. Ethic. (cap. xiv.) corporales delectationes appetuntur ut medicinæ quædam contra corporales molestias; & propter hoc iuvenes, in quibus natura laborat continue ex augmento corporis, & aliis moribus, magis afficiuntur ad delectationes corporales: & similiter melancholici, quorum corpus semper mordetur ex malitia complexionis, sunt in vehementi appetitu delectationis, utpote semper indigentes medicina, ut ibidem dicit Philosophus.

Ad primum ergo dicendum, quod ratio illa procedit de comparatione delectationum quo ad nos.

Ad secundum dicendum, quod per similitudines spirituales nobis coniunctas magis pertingimus ad intimam quam per ipsam conjunctionem realem quæ nobis secundum sensum exhibetur, cum tactus, & gustus non cognoscant nisi accidentia, intellectus vero ipsam rei quidditatem.

Ad tertium dicendum, quod Avicenna ibi loquitur de comparatione delectationum quo ad nos: unde contrarium dicit in sua Metaph. loquens de comparatione delectationum secundum se, ubi dicit, quod delectationes corporales non sunt etiam nominandæ delectationes respectu spiritualium. Vel potest dici, quod Avicenna ibi loquitur de delectationibus quæ in passione consistunt, quæ sunt per motum spiritus corporis animalis: vult enim quod huiusmodi delectationes sensibiles minus proveniant ex rebus spiritualibus quam ex corporalibus.

Ad quartum dicendum, quod delectationes corporales propter hoc quod faciunt transmutationem corporalem magis quam (b) spirituales, naturæ summationem impedire, sicut & aliæ transmutationes corporales; sed delectationes spirituales, quamvis mentem ad se rapiant, tamen nunc rationis in nullo impediunt, unde sobriæ nominantur. Ideo autem potest in delectationibus corporalibus secundum Philosophum in VII. Ethic. (cap. ult.) superabundantia inveniri, quia non sunt homini secundum seipsas eligibiles, sed solum per accedens, inquantum scilicet sunt ut medicinæ corporales tristitias prohibentes: & ideo appetendæ sunt servata quadam mensura, quæ eius ratio præfigit; & si eam exceßerint, noxiæ reputantur. Sed delectationes spirituales appetuntur secundum seipsas quasi homini connaturales, & non ut medicinæ, cum non habeant tristitias contrarias: & ideo delectationibus spiritualibus nullam mensuram præfigit ratio; sed quanto sunt maiores, tanto sunt eligibiliores.

## S O L U T I O II.

Ad secundam quæstionem dicendum, quod delectationes sensus tactus comparantur delectationibus aliorum sensuum dupliciter. Uno modo quantum ad vehementiam; & sic delectationes tactus sunt aliis vehementiores propter quatuor rationes. Primo quia tangibile coniungitur nobis realiter; sed visibile, & audibile, & odorabile coniungitur nobis per aliquid sui; & tamen nullus sensus ad interiora rei ingredi potest. Res autem corporalis efficacior est ad delectandum corporaliter quam species rei, vel aliquid a re causatum. Secundo quia tangibilia sunt nobis magis connaturalia, eo quod ex calido, & frigido, & humido, & siccato constituitur animal: & ideo maiorem delecta-

(a) *id est* maiores, (b) *id est* spirituales.

stationem inferunt nobis tangibilia quam alia sensibilia, sicut & maiorem lesionem: quia eorum excellentia non solum corrumpunt unum sensum, sed totum animal. Tertio quia cum sensus tactus sit quasi fundamentum aliorum sensuum, ratione cuius immobilitate eius organo omnes sensus immobilitantur, ut dicitur in Lib. de somno, & vigilia, id quod in tactu accidit tam de delectatione, quam de lesione redundat in hos sensus; & propter hoc delectatio tactus inter corporales est vehementior. Quarto quia delectationes tactus sunt circa necessaria ad conservationem individui, & speciei, sicut in cibis, & potibus, & venereis; & propter hoc apposita est in eis maxima delectatio, ne ab animalibus negligantur; & inde est quod circa has delectationes maxime est temperantia, ut dicitur in III. Ethic. (cap. xiii. vel xiv.) Secundo comparantur delectationes tactus aliis delectationibus quantum ad nobilitatem; & sic sunt magis materiales, & magis bestiales, & per consequens minus nobiles. Alii enim sensus spiritalius recipiunt sua obiecta quam tactus: unde & alia animalia non delectantur aliis sensibus, nisi in ordine ad tactum, ut dicitur in III. Ethic. (ubi sup.) sed homo delectatur etiam eis inquantum ordinantur ad cognitionem solam.

Ad primum ergo dicendum, quod ex hoc quod delectationes aliorum sensuum sunt propinquiores aliis delectationibus spiritalibus quam delectationes tactus, potest haberi quod sunt nobiliores, non autem quod sint vehementiores, cum modum delectationum corporalium non transcendunt.

Ad secundum dicendum, quod quamvis visus sit magis perceptivus aliis sensibus, tamen eius perceptio est secundum minorem coniunctionem ad rem quam in sensu tactus: & ideo delectatio quae est de sensibili delectabili, magis est per tactum quam per visum: sed tamen delectatio quae est de cognitione visus, est maior quam quae est de cognitione tactus. Sed hoc modo non delectantur alia animalia in sentiendo, sed solum homines in ordine ad scientiam quam ex sensibus acquirunt: unde talis delectatio cadit quodammodo in genus spiritalium delectationum.

Ad tertium dicendum, quod quamvis ea de quibus sunt praecipue delectationes tactus, inveniuntur in plantis, non tamen ea percipiunt: unde (a) hoc est ex defectu perceptionis.

## SOLUTIO III.

Ad tertiam quaestionem dicendum, quod delectationes quae sunt in operibus speculativae vitae, praeminent delectationibus quae sunt in operibus activae, & hoc propter quatuor rationes. Primo quia sunt nobiliores utpote ex nobilioribus rebus provenientes: actus enim vitae activae sunt secundum conversionem inferioris partis animae ad ea quae infra ipsam sunt, sicut ad passiones circa quas morales virtutes consistunt, & ad usus bonorum exteriorum, in quibus aliquae virtutes consistunt, ut iustitia, & liberalitas; sed actus vitae contemplativae sunt secundum quandam animam convertitur (b) per superiorem rationem ad res aeternas, quae sunt supra ipsam. Secundo quia sunt convenientiores: sicut enim ratio in nobis excellit sensum, ita id quod est convenientius rationis, est nobis convenientius quam quod convenit sensui. Similiter speculativus intellectus praecedit practicum: unde perfectiones intellectus speculativi sunt homini convenientiores. Tertio quia sunt puriores. Opera enim activae vitae sunt circa passiones sensitivae partis, & circa corporales motus, & sic admiscetur eis de lassitudine, & materialitate: quod non contingit de spiritalibus delectationibus. Quarto quia spiritalis delectationes sunt perfectiores. Homo enim ad opera vitae activae multis indiget; sed in operibus contemplativae est tibi unusquisque magis sufficiens: unde contemplativae delectatio non ita patitur defectum sicut delectatio activae ex hoc quod desit aliquid eorum quae ad perfectam operationem requiruntur.

Ad primum ergo dicendum, quod affectus se habet communiter & ad activam, & ad contemplativam vitam: Sicut enim aliquis volens opera activae exercet, ita & contemplativae opera; & sic in affectu est communiter delectatio de utroque; sed causa delectationis contemplativae vitae est in intellectu quantum ad superiorem partem; causa vero delectationis activae vitae est in parte superiori animae. Affectus autem non minus allicitur ex his quae sunt superioris partis rationis quam ex his quae sunt inferioris, sed magis.

Ad secundum dicendum, quod habitus inclinat ad actum dupliciter. Uno modo ad hoc ut actus exerceatur; & sic inclinat ad actum non est nisi habitus in parte appetitiva

(a) vel. non est. (b) vel. ad superiorem.



tiva existentis : quia appetitus qui habet bonum, & finem pro obiecto, movet seipsum, ( a ) & vim cognitivam in actum : ex desiderio enim actus, vel finis provenit quod aliquis aliquid actum exerceat, dummodo non sit ex necessitate naturæ. Alio modo quantum ad modum agendi, ut scilicet illud quod agitur, recte agatur; & sic quilibet habitus inclinatur ad actum. Habitus ergo contemplativus, utpote sapientia, vel intellectus, non intelligit ad hoc quod aliquis utatur contemplationis actum, sed ut quando utatur, recte utatur. Sed ad hoc quod utatur non inclinatur nisi habitus qui est in appetitu non inferiori, sed superiori, utpote caritas. Unde etiam caritas ad vitam contemplativam pertinet, utpote inclinans habitus contemplativos ad actus suos. Sed habitus activæ vitæ, ut virtutes morales, sunt in parte appetitiva, utpote in irascibili, & concupiscibili, ut temperantia, & fortitudo: unde habitus isti inclinant & ad hoc quod agatur, & ad hoc quod recte agatur; & pro tanto naturæ comparantur, quæ est principium movendi. Nihilominus tamen illud in quod inclinatur habitus speculativus, est nobis magis connaturale quam illud in quod inclinatur habitus activus.

Ad tertium dicendum, quod delectationis causa est convenientia, non quidem delectationis, sed causæ eius ad delectatum. Delectationes autem quæ cum virtute morali conveniunt, sunt delectationes corporales, vel corporalibus admixtæ, quæ sunt materia virtutum moralium; sed contemplativæ vitæ conveniunt aliæ nobiliores delectationes, scilicet spirituales; non tamen ita quod delectatio sit contemplationis materia, sed est contemplationem consequens.

#### SOLUTIO IV.

Ad quartam questionem dicendum, quod intensio delectationis potest provenire ex duobus, scilicet ex causa delectationis quæ est sortior, & ex dispositione delectati quæ est delectationis capax. Causa autem delectationis proxima est operatio, sed remotior operatio obiectum; sicut in delectatione beatorum, de qua nunc agitur, causa proxima est Dei visio, sed prima causa est Deus. Hæc igitur causa prima una est, & communis omnibus beatis : unde quantum ad hoc eorum delectatio est æqualis; visio autem, & dispositio ad delectationem non est æqualis, quia unus alio clarius videt,

S. Th. Oper. Tom. XIII.

( a ) Ali. ut vim.

ut ex supradictis patet: unus etiam alio est delectationis capax propter perfectiorem habitum, qui est lumen gloriæ; & ideo quidam magis delectantur aliis, quamvis secundum quid omnes æqualiter delectentur, materialiter loquendo, inquantum scilicet gaudent de æquali re, scilicet de Deo; & sic intelligitur Glossa inducta, quod in dispari claritate erit par gaudium.

Unde pater responsio ad primum. Vel dicendum ad primum, quod omnium beatorum dicitur esse par gaudium, inquantum unusquisque ad summum gaudii pervenit secundum modum suum; sed modus unus erit amplior quam alterius, & secundum hoc gaudium unus erit maius gaudio alterius, ut sic illa paritas importet non æqualitatem quantitatis, sed proportionis.

Ad secundum dicendum, quod quamvis in regno celorum minor gaudet non solum de bono suo, sed etiam de bono superioris, non tamen tantum gaudet de eo quantum superior: quia ratio gaudii in omnibus erit Deus; & ideo quanto aliquis plus gaudet de Deo, tantum plus gaudebit de quocunque alio: unde superior plus gaudebit de bono inferioris quam ipse inferior.

Ad tertium dicendum, quod quamvis in nullo beatorum sit aliquod delectationis impedimentum, sunt tamen ibi aliæ causæ intentionis: non enim intenditur aliquod solum per remotionem a contrario, sed etiam per accessum ad terminum.

#### QUAESTIO IV.

Deinde queritur de dotibus: & circa hoc queruntur quinque.

Primo. An beatis sint assignandæ aliquæ dotes.

Secundo. Utrum dos a beatitudine differat.

Tertio. Utrum Christo insint dotes.

Quarto. Utrum Angelis.

Quinto. De numero dotium.

#### ARTICULUS I.

Utrum sint ponendæ aliquæ dotes in hominibus beatis.

IV. contr. Gen. exp. lxxxvi. & I. Corinb. xv. lect. vi.

1. Ad primum sic proceditur. Videtur quod non sint ponendæ aliquæ dotes

V u u

tes in hominibus beatis. Dos enim secundum iura datur sponſo ad ſuſtinenda onera matrimonii. Sed ſancti non gerunt figuram ſponſi, ſed magis figuram ſponſæ, in quantum ſunt membra Eccleſiæ. Ergo eis dotes non dantur.

2. Præterea. Dotes non dantur ſecundum iura a patre ſponſi, ſed a patre ſponſæ. Omnia autem dona beatitudinis beatis dantur a patre ſponſi, ſcilicet Chriſti: Iacob. 1. 17. *Omne datum optimum, & omne donum perfectum deſcenſum eſt, deſcendens a Patre lumine.* Ergo huiusmodi dona quæ beatis dantur, non ſunt dotes appellandæ.

3. Præterea. In matrimonio dantur dotes ad facilius toleranda onera matrimonii. Sed in matrimonio ſpirituali non ſunt aliqua onera, maxime ſecundum ſtatum Eccleſiæ triumphantis. Ergo non ſunt ibi aliquæ dotes assignandæ.

4. Præterea. Dotes non dantur niſi cauſa matrimonii. Sed matrimonium ſpirituale contrahitur cum Chriſto per fidem ſecundum ſtatum Eccleſiæ militantis. Ergo eadem ratione ſi beatis aliquæ dotes conveniunt, conveniunt etiam ſanctis in via exiſtentibus. Sed iſtis non conveniunt. Ergo nec beatis.

5. Præterea. Dotes ad bona exteriora pertinent, quæ dicuntur bona fortunæ. Sed præmia beatorum erunt de interioribus bonis. Ergo non debent dotes (a) numerari.

Sed contra. Ephes. v. 32. dicitur: *Sacramentum hoc magnum eſt, dico autem in Chriſto, & Eccleſia: ex quo habetur quod ſpirituale matrimonium per carnale ſignificatur.* Sed in carnali matrimonio ſponſa dotata traditur in domum ſponſi. Ergo cum ſancti in domum Chriſti traduntur cum beatificantur, videtur quod aliquibus dotibus dotentur.

Præterea. Dotes in matrimonio corporali assignantur in matrimonii ſolatio. Sed matrimonium ſpirituale eſt deſcendibilis quam corporale. Ergo ei dotes ſunt maxime assignandæ.

Præterea. Ornamenta ſponſatum ad dotem pertinent. Sed ſancti ornati in gloriam introducuntur, ut dicitur Iſai. lx. 10. *Induit me veſtimenta ſalutis. . . quaſi ſponſam ornatum monilibus ſuis.* Ergo ſancti in patria dotes habent.

## S O L U T I O.

Reſpondeo dicendum, quod abſque dubio beatis, quando in gloriam tranſferuntur, aliqua dona divinitus dantur ad eorum ornatum; & hi ornatus a magiſtris dotes ſunt nominati: unde datur quidam diſtinctio de dote, de qua nunc loquimur, talis: *Dos eſt perpetuus ornatus anime, & corporis, viſe ſufficiens, in æterna beatitudine iugiter perfeverans.* Et ſumitur hæc deſcriptio ad ſimilitudinem dotis corporalis, per quam ſponſa ornatur, & providetur viro unde poſſit ſufficienter ſponſari, & liberos nutrire: & tamen inamiſſibiliter dos ſponſæ conſervatur, ut ad eam matrimonium ſeparato reverteretur. Sed de ratione nominis diverſi diverſimode opinantur.

Quidam enim dicunt, quod dos non accipitur ex aliqua ſimilitudine ad matrimonium corporale, ſed ſecundum modum loquendi quo omnem perfectionem, ſeu ornatum cuiuſcumque hominis dotem nominamus, ſicut dicitur aliquis eſſe dotatus ſcientia qui ſcientia poſſet; & ſic Ovidius uſus eſt nomine dotis, dicens:

*Et quacumque potes dote placere, place.*

Sed iſtud non videtur uſquequaque conveniens: quia quodcumque aliquod nomen eſt impoſitum ad aliquid principaliter ſignificandum, non conſuevit ad alia tranſferri, niſi ſecundum aliquam ſimilitudinem. Unde cum ſecundum primam inſtitutionem nominis dos ad matrimonium carnale pertineat, (b) videtur quod in qualibet alia acceptione attendatur aliqua ſimilitudo ad principale ſignificatum.

Et ideo alii dicunt, quod ſecundum hoc ſimilitudo attenditur quod dos proprie dicitur donum quod in matrimonio corporali datur ſponſæ ex parte ſponſi, quando traditur in domum ſponſi, ad ornatum ſponſæ pertinens; quod patet ex hoc quod dixit Sichem Iacob, & filiis eius Gen. xxxiv. 12. *Augete dotem, & manere poſſitis: & Exod. xxii. 16. Si ſeduxeris quæ virginem... dormieritque cum ea, dotabis eam, & accipiet eam in uxorem: unde & ornatus qui a Chriſto ſanctis exhibetur, quando traduntur in domum gloriæ, dos nominatur. Sed hoc eſt maniſeſte contra id quod Iuſtini dicunt, ad quos pertinent de his tractare. Dicunt enim, quod eos proprie eſt quædam ratio ex parte mulieris his qui ſunt ex parte viri, taſta pro onere matrimonii quod ſuti-*

(a) Forte nominati, vel dotes dotes numerari. (b) Al. additur ergo.

fusinet vir. Sed illud quod sponsus dat sponse, vocatur donatio propter nuptias; & secundum hunc modum accipitur dos III. Reg. ix. ubi dicitur, quod Pharaon Rex Aegypti cepit Gazer, & dedit in dotem filiae suae uxori Salomonis. Nec contra hoc faciunt auctoritates inductae: quamvis enim dotes a parente puellae consueverunt assignari, tamen quandoque contingit quod sponsus, vel pater sponsi assignat dotes vice patris puellae: quod contingit dupliciter: vel pro nimio affectu ad sponsum, sicut fuit de Sichem, qui voluit assignare dotem quam debebat accipere propter vehementem amorem filii sui ad puellam: vel hoc fit in potestatem sponsi, ut virgini a se corruptae dotem de suo assignet, quam pater puellae debebat assignare; & in hoc casu loquitur Moyses in auctoritate inducta.

Et ideo secundum alios dicendum, quod dos in matrimonio carnali proprie dicitur quod datur ab his qui sunt ex parte mulieris, his qui sunt ex parte viri, ad sustentanda onera matrimonii, ut dictum est. Sed tunc remanet difficultas, quomodo haec significatio aptari possit ad propositum, cum ornatus qui sunt in beatitudine, dentur sponse spirituali a patre sponsi: quod manifestabitur respondendo ad argumenta.

Ad primum ergo dicendum, quod dotes quamvis assignentur sponso in carnali matrimonio ad usum, tamen proprietates, & dominium pertinent ad sponsum; quod patet ex hoc quod solum matrimonio dos remanet sponse secundum iura; & sic etiam in matrimonio spirituali ipsi ornatus qui sponse spirituali dantur, scilicet Ecclesiae in membris suis, sunt quidem ipsius sponsi, in quantum ad eius gloriam, & honorem cedunt, sed sponse, in quantum per eas ornatur.

Ad secundum dicendum, quod pater sponsi, scilicet Christi, est persona sola Patris; pater autem sponsae est tota Trinitas. Effectus autem in creaturis ad totam pertinent Trinitatem: unde huiusmodi dotes in spirituali matrimonio, proprie loquendo, magis dantur a patre sponsae quam a patre sponsi. Sed tamen haec collatio quamvis ab omnibus personis fiat, singulis personis potest appropriari per aliquem modum: personae quidem Patris ut danti, quia in ipso est auctoritas, ei etiam paternitas respectu creaturae appropriatur, ut dictum est in I. Libro distinct. xviii. (quasi. 1. art. 5. in corp.) ut sic idem sit pater sponsi, & spon-

sae; Filio vero appropriatur, in quantum propter ipsum, & per ipsum dantur; sed Spiritui sancto, in quantum in ipso, & secundum ipsum dantur: amor (a) enim est omnis donationis ratio.

Ad tertium dicendum, quod dotes per se conveniunt illud quod per dotes efficitur, scilicet solatium matrimonii; sed per accidens illud quod per eas removetur, scilicet onus matrimonii, quod per dotes alleviatur: sicut gratiae per se conveniunt facere iustum, sed per accidens quod de impio faciat iustum. Quamvis ergo in matrimonio spirituali non sint aliqua onera, est tamen ibi summa iucunditas; & ad hanc perficiendam iucunditatem dotes sponse conferuntur, ut scilicet delectabiliter per eas sponso coniungatur.

Ad quartum dicendum, quod dotes non consueverunt assignari sponse, quando desponsatur, sed quando in domum sponsi traditur, ut praesentialiter sponsum habeat. Quamdiu autem in hac vita sumus, peregrinamur a Domino: II. Corinth. v. & ideo dona quae sanctis in hac vita conferuntur, non dicuntur dotes, sed illa quae conferuntur eis quando transferuntur in gloriam, in qua sponso praesentialiter perscrutuntur.

Ad quintum dicendum, quod in spirituali matrimonio interior decor requiritur, ut in Psalm. xlv. 15. *Omnis gloria eius filiae Regis ab intus etc.* Sed in matrimonio corporali requiritur decor exterior: unde non oportet quod huiusmodi dotes assignentur in matrimonio spirituali sicut assignantur in corporali.

## ARTICULUS II.

*Utrum dos sit idem quod beatitudo.*

1. AD secundum sic proceditur. Videtur quod dos sit idem quod beatitudo. Ut enim ex distinctione praedicta patet, est ornatus animae, & corporis, in aeterna beatitudine iugiter perseverans. Sed beatitudo animae est quidam ornatus eius. Ergo beatitudo est dos.

2. Praeterea. Dos dicitur illud per quod sponsa delectabiliter sponso coniungitur. Sed in spirituali matrimonio beatitudo est huiusmodi. Ergo beatitudo est dos.

3. Praeterea. Visio secundum Augustinum (in Psalm. xc.) est tota substantia beati-

Vuu 2 tu-

tudinis. Sed visio ponitur una de dotibus. Ergo beatitudo est dos.

4. Præterea. Fructio beatum facit. Fructio autem est dos. Ergo dos beatum facit; & sic est beatitudo.

5. Præterea. Secundum Boetium in III. de Consolatione (prof. 11.) beatitudo est status omnium honorum congregatione perfectus. Sed status beatorum perficitur ex dotibus. Ergo dotes sunt beatitudinis partes.

Sed contra. Dos datur sine meritis. Sed beatitudo non datur, sed redditur. Ergo beatitudo non est dos.

Præterea. Beatitudo est una tantum; dotes vero sunt plures. Ergo beatitudo non est dos.

Præterea. Beatitudo inest homini secundum id quod inest potissimum in eo, ut dicitur in I. Ethic. (cap. iv.) Sed (a) dos etiam in corpore ponitur. Ergo dos, & beatitudo non sunt idem.

### S O L U T I O.

Respondeo dicendum, quod circa hoc est duplex opinio.

Quidam enim dicunt, quod beatitudo, & dos sunt idem in re, sed differunt tantum ratione: quia dos respicit spirituale matrimonium quod est inter Christum & animam, non autem beatitudo. Sed hoc non potest esse, ut videtur; cum beatitudo in operatione consistat, dos autem non sit operatio, sed magis sit qualitas, vel dispositio quædam.

Et ideo secundum alios dicendum, quod beatitudo, & dos etiam realiter differunt, ut beatitudo dicatur ipsa operatio perfecta qua anima beata Deo coniungitur; sed dotes dicuntur habitus, vel dispositiones, vel quæcumque alie qualitates, quæ ordinantur ad huiusmodi perfectam operationem; ut sic dotes ordinentur ad beatitudinem magis quam sint in beatitudine ut partes ipsius.

Ad primum ergo dicendum, quod beatitudo, proprie loquendo, non est animæ ornatus, sed est aliquid quod ex ornatu animæ provenit, cum sit operatio quædam; ornatus vero dicitur aliquis decor ipsius beati.

Ad secundum dicendum, quod beatitudo

non ordinatur ad coniunctionem, sed est ipsa coniunctio animæ cum Christo, quæ est per operationem; sed dotes sunt dona disponentia ad huiusmodi coniunctionem.

Ad tertium dicendum, quod visio dupliciter potest accipi. Uno modo actualiter, idest pro ipso actu visionis; & sic visio non est dos, sed est ipsa beatitudo. Alio modo potest accipi habitualiter, idest pro habitu a quo talis operatio elicitur, idest pro ipsa gloriæ claritate, qua anima divinitus illustratur ad Deum videndum; & sic est dos & principium beatitudinis, non autem est ipsa beatitudo.

Et similiter dicendum ad quartum de fructione.

Ad quintum dicendum, quod beatitudo colligit omnia bona, non quasi partes essentialiter beatitudinis, sed quasi aliquo modo ad beatitudinem ordinata, ut supra dictum est.

### A R T I C U L U S I I I.

*Utrum Christo competat habere dotes.*

*III. Par. quæst. lxxx. art. 3. in corp.*

1. AD tertium sic proceditur. Videtur quod Christo competat habere dotes. Sancti enim Christo per gloriam conformabuntur: unde dicitur Philip. iii. 21. *Qui reformabis corpus humilitatis nostre figuratum corpori claritatis sue.* Ergo Christus etiam dotes habet.

2. Præterea. In spiritali matrimonio assignantur dotes ad similitudinem matrimonii corporalis. Sed in Christo invenitur quoddam spirituale matrimonium quod est sibi singulare, scilicet duarum naturarum in una persona, secundum quod dicitur natura humana in ipso esse desponsata a Verbo, ut patet ex Glossa \* super illud Psalm. xviii. 6. *In sole posuisti tabernaculum suum; & Apoc. xxi. 3. Ecce tabernaculum Dei cum hominibus.* Ergo Christo competit habere dotes.

3. Præterea. Ut dicit Augustinus in Libro Doctr. christ. (III. cap. xxxi.) Christus secundum regulam Ticonii propter unitatem corporis myrici, quæ est inter caput & membra, nominat se etiam sponsam, & non solum sponsum, ut patet Iesai. lxi. 10.

*Quasi*

a) *ut. desit dos.*

EX EDIT. P. NICOLAI. \* Vel super sequentis potius verba, *Et ipse tangens sponsas procedens de thalamo suo, ubi nomine Augustini sic habet: De thalamo, id est virginis utero, ubi Deus humana natura, ut sponsus sponsa, copulatus est.*

*Quasi sponsum decoratum corona, & quasi sponsam ornatum monilibus suis.* Cum ergo sponsae debeantur dotes, oportet in Christo dotes, ut videtur, ponere.

4. Præterea. Omnibus membris Ecclesiae debetur dos, cum Ecclesia sit sponsa. Sed Christus est Ecclesiae membrum, ut patet I. Corinth. xii. 27. *Vos estis corpus Christi, & membra de membro*, Glossa (interl.) „de Christo.“ Ergo Christo debentur dotes.

5. Præterea. Christus habet perfectam visionem, fruitionem, & delectationem. Hæ autem ponuntur dotes. Ergo Christus habuit dotes.

Sed contra. Inter sponsum & sponsam exigitur discretio personarum. Sed in Christo non est aliquod personaliter distinctum a Filio Dei, qui est sponsus, ut patet Ioan. i. 12. 29. *Qui habet sponsum, sponsus est.* Ergo cum dotes sponsæ assignentur, vel pro sponsa, videtur quod Christo non competat habere dotes.

Præterea. Non est eiusdem dare dotes, & recipere. Sed Christus est qui dat spirituales dotes. Ergo Christo non competit dotes habere.

## SOLUTIO.

Respondeo dicendum, quod circa hanc difficultatem est duplex opinio.

Quidam enim dicunt, quod in Christo est triplex unio. Una quæ dicitur consentanea, qua unitur Deo per connexionem amoris; alia dignativa, qua humana natura unitur divinæ; tertia qua ipse Christus unitur Ecclesiae. Dicunt ergo, quod secundum duas uniones competit Christo habere dotes sub ratione dotis; sed quantum ad tertiam convenit ei id quod est dos excellentissime, non tamen sub ratione dotis: quia in tali coniunctione Christus est ut sponsum, sed Ecclesia ut sponsa. Dos autem datur sponsæ quantum ad proprietatem, & dominium, quamvis detur sponso ad usum. Sed hoc non videtur conveniens. In illa enim coniunctione qua Christus unitur Patri per consensum amoris, etiam inquantum est Deus, non dicitur esse aliquod matrimonium, quia non est ibi aliqua subiectio, quam oportet esse sponsæ ad sponsum. Similiter etiam nec in coniunctione humanæ naturæ ad divinam quæ est in unitate personæ, vel etiam per conformitatem voluntatis, potest esse proprie ratio dotis propter tria. Primo quia exigitur conformitas naturæ inter sponsum

& sponsam in matrimonio illo in quo dantur dotes; & hoc deficit in coniunctione humanæ naturæ ad divinam. Secundo quia exigitur ibi distinctio personarum: humana autem natura non est personaliter distincta a Verbo. Tercio quia dos datur, quando sponsa de novo introducit in domum sponsi; & sic videtur ad sponsam pertinere, quæ de non coniuncta fit coniuncta. Humana autem natura, quæ est assumpta in unitatem personæ a Verbo, numquam fuit quin esset perfecte coniuncta.

Unde secundum alios dicendum, quod vel omnino non convenit Christo ratio dotis, vel non ita proprie sicut aliis sanctis; ea tamen quæ dotes dicuntur, excellentissime ei conveniunt.

Ad primum ergo dicendum, quod conformatio illa est intelligenda secundum id quod est dos, & non secundum rationem dotis quæ sit in Christo: non enim oportet quod illud in quo Christo conformamur, sit eodem modo in nobis, & in Christo.

Ad secundum dicendum, quod natura humana non proprie dicitur esse sponsa in coniunctione illa qua Verbo coniungitur, cum non servetur ibi personarum distinctio, quæ inter sponsum & sponsam requiritur. Sed quod quandoque desponsata dicatur humana natura, secundum quod Verbo coniuncta est, hoc est inquantum habet aliquem actum sponsæ, quia scilicet inseparabiliter coniungitur: & quia in illa coniunctione humana natura est Verbo inferior, & per Verbum regitur sicut sponsa per sponsum.

Ad tertium dicendum, quod hoc quod aliquando dicitur Christus sponsa, non est quia ipse vere sit sponsa, sed inquantum assumit personam sponsæ suæ, scilicet Ecclesie, quæ est ei spiritaliter coniuncta: unde nihil prohibet quin per illum modum loquendi possit dici habere dotes, non quod ipse habeat, sed quia Ecclesia habet.

Ad quartum dicendum, quod nomen Ecclesie dupliciter accipitur. Quandoque enim nominat tantummodo corpus quod Christo coniungitur sicut capiti; & sic tantum Ecclesia habet rationem sponsæ: sic vero Christus non est Ecclesie membrum, sed est caput influens omnibus Ecclesie membris. Alio modo accipitur Ecclesia secundum quod nominat caput, & membra coniuncta; & sic Christus dicitur membrum Ecclesie, inquantum habet officium distinctum ab omnibus aliis, scilicet influere aliis vitam; quamvis non multum proprie dicatur membrum, quia membrum importat partialitatem quamdam.

In Christo autem bonum spirituale non est particulatum, sed est totaliter, & integrum: unde ipse est totum Ecclesiam bonum, nec est aliquid maius (a) ipse, & alii quam ipse solus. Sic autem loquendo de Ecclesia, Ecclesia non nominat solum sponfam, sed (b) sponsum, & sponfam, prout per coniunctionem spirituales est ex eis unum ecclesiam. Unde licet Christus aliquo modo dicatur membrum Ecclesiae, nullo tamen modo potest dici membrum sponse: & sic ei non convenit ratio dicti.

Ad quantum dicendum, quod in processu illo est fallacia accidentis: non enim illa Christo conveniunt secundum quod habent rationem dotis.

#### ARTICULUS IV.

*Utrum Angeli habeant dotem.*

1. AD quantum sic proceditur. Videtur quod Angeli habeant dotem. Quia super illud Cantic. vi. *Una est columba mea*, dicit Glossa: „Una est Ecclesia in hominibus, & in Angelis.“ Sed Ecclesia est sponsa, & sic membris Ecclesiae convenit habere dotem. Ergo Angeli dotem habent.

2. Praeterea. Luc. xii. super illud, *Er vos similes hominibus expellentibus dominum suum, quando revertatur a nuptiis*, dicit Glossa: „Ad nuptias Dominus ivit, cum post resurrectionem novus homo Angelorum multitudinem sibi copulavit.“ Ergo multitudo Angelorum est sponsa Christi; & sic Angelis debentur dotem.

3. Praeterea. Spirituale matrimonium in spirituali coniunctione consistit. Sed spiritualis coniunctio non minor est inter Angelos & Deum, quam inter homines beatos & Deum. Ergo cum dotem, de quibus nunc agimus, ratione spiritualis matrimonii assignentur, videtur quod Angelis conveniant dotem.

4. Praeterea. Spirituale matrimonium requirit spirituales sponsum, & spirituales sponfam. Sed Christo, in quantum est summus spiritus, magis sunt conformes in natura Angeli quam homines. Ergo magis potest esse spirituale matrimonium Angelorum ad Christum quam hominum.

5. Praeterea. Maior convenientia exigitur inter caput & membra, quam inter sponsum & sponfam. [Sed conformitas quae est inter Christum & Angelos, sufficit ad hoc quod

Christus dicatur caput Angelorum. Ergo eadem ratione sufficit ad hoc quod dicatur sponsus respectu eorum.]

Sed contra. Origenes super Cantic. (homil. xi. super illud cap. i. *Indica mihi ubi pascas, ne vegari incipiam* etc.) distinguit quatuor personas, scilicet sponsum, & sponfam, adolescentulas, & sodales sponsi; & dicit, quod Angeli sunt sodales sponsi. Cum ergo dotes non debeantur nisi sponz, videtur quod Angelis dotes non conveniant.

Praeterea. Christus desponsavit sibi Ecclesiam per incarnationem, & passionem: unde figurat per hoc quod dicitur Exod. iv. 25. *Sponsus sanguinum tu mihi es*. Sed Christus per passionem, & incarnationem non aliter fuit coniunctus Angelis quam prius fuerat. Ergo Angeli non pertinent ad Ecclesiam, secundum quod Ecclesia dicitur sponsa: ergo Angelis non conveniunt dotes.

#### SOLUTIO.

Respondeo dicendum, quod ea quae ad dotes animae pertinent, non est dubium Angelis sicut & hominibus convenire; sed secundum rationem dotis non ita eis sicut hominibus conveniunt, eo quod non ita proprie convenit Angelis ratio sponse sicut hominibus. Exigitur enim inter sponsum & sponfam naturae conformitas, ut sint eiusdem speciei. Hoc modo autem homines cum Christo conveniunt, in quantum naturam humanam assumpserunt, per quam assumptionem factus est conformis in natura speciei humanae omnibus hominibus. Angelis autem non est conformis secundum unitatem speciei, neque secundum naturam divinam, neque secundum humanam naturam: & ideo ratio dotis non ita proprie convenit Angelis sicut hominibus. Tamen in his quae metaphorice dicuntur, cum non requiratur similitudo quantum ad omnia, non potest ex aliqua dissimilitudine concludi quod metaphorice aliquid de alio non praedicetur; & sic ex ratione inducta non potest simpliciter haberi quod Angelis dotes non conveniant; sed solum quod non ita proprie sicut hominibus ratione dissimilitudinis praedicatur.

Ad primum ergo dicendum, quod quamvis Angeli pertineant ad unitatem Ecclesiae, non tamen sunt membra Ecclesiae secundum quod Ecclesia dicitur sponsa per conformitatem.

(a) *Id.* ipso, & aliis. (b) *Id.* solum sponsam.

tatem naturæ; & sic non convenit eis proprie habere dotes.

Ad secundum dicendum, quod desponsatio illa large accipitur pro unione, quæ non habet conformitatem naturæ in specie; & sic etiam nihil prohibet, large accipiendo dotes, ponere dotes in Angelis.

Ad tertium dicendum, quod quamvis in matrimonio spirituali non sit nisi coniunctio spiritualis, tamen illos qui coniunguntur ad perfectam matrimonii rationem, oportet in specie naturæ convenire; & propter hoc desponsatio ad Angelos proprie non pertinet.

Ad quartum dicendum, quod illa conformatio qua Angeli conformantur Christo in quantum est Deus, non est talis quæ sufficiat ad perfectam matrimonii rationem, cum non sit secundum convenientiam in specie; sed magis adhuc remanet distantia infinita.

Ad quintum dicendum, quod nec etiam Christus proprie dicitur caput Angelorum secundum illam rationem qua caput requirit conformitatem naturæ. Tamen sciendum, quod licet caput, & alia membra sint partes individui unius speciei, non tamen, si unumquodque per se consideretur, cum alio est eiusdem speciei: manus enim habet aliam speciem partis a capite. Unde loquendo de membris secundum se, non requiritur inter ea alia convenientia quam proportionis, ut unum ab alio accipiat, & unum alii subserviat: & sic convenientia quæ est inter Deum & Angelos, magis sufficit ad rationem capitis quam ad rationem sponsi.

## ARTICULUS V.

*Utrum convenienter ponantur tres esse animæ dotes.*

*1. P. quæst. xxi. art. 7. ad 1. & III. P. quæst. xlv. art. 1. & IV. cont. Gent. cap. lxxxvi.*

**A**D quintum sic proceditur. Videtur quod inconvenienter ponantur tres animæ esse dotes, scilicet *visio, dilectio, & fructio*. Anima enim coniungitur Deo secundum mentem, in qua est imago Trinitatis secundum memoriam, intelligentiam, & voluntatem. Sed dilectio ad voluntatem pertinet, visio ad intelligentiam. Ergo debet aliquid poni quod memoriam respondeat; cum fructio non pertineat ad memoriam, sed magis ad voluntatem.

2. Præterea. Dotes beatitudinis dicuntur

respondere virtutibus viæ, quibus Deo coniungimur, quæ sunt fides, spes, & caritas, quibus est ipse Deus obiectum. Sed dilectio respondet caritati, visio autem fidei. Ergo deberet aliquid poni quod pertineret ad spem, cum fructio magis pertineat ad caritatem.

3. Præterea. Deo non fruimur nisi per dilectionem, & visionem: illis enim dicimus frui quæ diligimus propter se, ut patet per Augustinum in Lib. I. de Doctr. christiana (cap. xv.) Ergo fructio non debet poni alia dos a dilectione.

4. Præterea. Ad perfectionem beatitudinis requiritur comprehensio. I. Corin. ix. 24. *Sic currite ut comprehendatis*. Ergo deberet adhuc quarta dos poni.

5. Præterea. Anselmus dicit (Lib. de similitudinibus cap. xxviii.) quod hæc pertinent ad beatitudinem animæ, *sapientia, amicitia, concordia, potestas, honor, securitas, gaudium*; & sic videntur prædictæ dotes inconvenienter assignari.

6. Præterea. Augustinus in fin. de Civit. Dei (Lib. XXII. cap. xxx.) dicit, quod *Deus in illa beatitudine sine fine videbitur, sine fastidio amabitur, sine fatigatione laudabitur*. Ergo laus præassignatis dotibus annumerari debet.

7. Præterea. Boetius ponit quinque ad beatitudinem pertinentia in III. de Consolatione (prosa xi.) quæ sunt hæc: *sufficiencia, quam promittit divitiæ; incunctitas, quam promittit voluptas; celebritas, quam promittit fama; securitas, quam promittit potentia; reverentia, quam promittit dignitas*; & sic videtur quod ista potius deberent assignari dotes quam prædicta.

## QUAESTIUNCULA II.

1. Ulterius. Videtur quod non sint ponendæ aliquæ dotes in corpore præter dotes animæ. Dotes enim ordinantur ad coniunctionem spirituales, in qua beatitudo consistit, ut dictum est. Sed ea quæ sunt in corpore, non inclinant ad huiusmodi coniunctionem: quia operationes mentis, per quam anima Deo coniungitur, non exercentur organis corporalibus. Ergo non sunt ponendæ aliquæ dotes corporis.

2. Præterea. Homini debetur dos, & beatitudo secundum quod est ad imaginem Dei. Sed homo non est ad imaginem secundum corpus, sed secundum animam, ut patet per Augustinum in Lib. de Trin. (XII. cap. vi. & vii.) Ergo corpori non debentur dotes.

3. Præ-

3. Præterea. Vires inferiores animæ sensitive, & vegetativæ sunt perfectiores quam ipsum corpus. Sed non assignantur aliquæ dotes respondentes viribus inferioribus animæ. Ergo non debent aliquæ dotes assignari corpori respondentem.

Sed contra. Dotes debentur beatis secundum quod Christo conformantur. Sed homines non solum conformantur Christo secundum animam, sed etiam secundum corpus. Ergo etiam dotes corpori debentur.

Præterea. Hoc idem apparet ex definitione dotis supra posita, quæ talis est: *Dos est quatuor animæ, & corporis &c.*

### QUAESTIUNCULA III.

1. Ulterius. Videtur quod dotes corporis inconvenienter ponantur quatuor, scilicet subtilitas, agilitas, claritas, & impassibilitas. Anselmus enim (ubi sup.) videtur ponere septem: dicit enim quod septem erunt beatitudines corporis, scilicet *pulchritudo, velocitas, fortitudo, libertas, finitas, voluntas, distinctio*.

2. Præterea. Ad perfectionem corporis viventis non solum pertinet motus, sed etiam sensus. Sed una dos ponitur quæ pertinet ad motum, scilicet agilitas. Ergo debet alia poni quæ pertinet ad sensum.

3. Præterea. Corpora sanctorum erunt delectabilia secundum omnes sensus. Ergo sicut ponitur claritas, quæ pertinet ad visum, ita debent poni alie dotes pertinetes ad alios sensus.

4. Præterea. Sicut impassibilitas convenit corpori glorioso, ita & animæ glorificatæ. Ergo non oportet poni dos corporis, cum non ponatur dos animæ.

5. Præterea. Sicut subtilitas est dos corporis, ita & pervietas, ut patet per Gregorium in Moral. (Lib. XVIII cap. xxvii. vel xxxi.) super illud Job xxviii. *Non adequabitur ei aurum, vel vitrum*. Ergo inter dotes corporis debet poni pervietas.

### SOLUTIO I.

Respondeo dicendum ad primam quæstionem, quod ab omnibus communiter ponuntur tres animæ dotes, diversimode tamen. Quidam enim dicunt, quod tres animæ dotes sunt *visio, dilectio, & fructio*; quidam vero, quod sunt *visio, comprehensio, & fructio*; quidam vero, quod sunt *visio, dilectio, & comprehensio*. Omnes tamen hæc assignationes reducuntur in unam, & eodem modo

earum numerus assignatur: dictum est enim, quod dos est aliquid animæ inherens, per quod ordinatur ad operationem, in qua consistit beatitudo: in qua quidem operatione duo requiruntur, scilicet ipsa substantia operationis, quæ est visio, & perfectio eius, quæ est delectatio: oportet enim beatitudinem esse operationem perfectam. Visio autem aliqua est delectabilis dupliciter. Uno modo ex parte obiecti, inquantum id quod videtur, est delectabile; alio modo ex parte visionis, inquantum ipsum videre delectabile est, sicut delectamur in cognoscendo mala, quamvis mala nos non delectent: & quia operatio illa in qua ultima beatitudo consistit, debet esse perfectissima, ideo requiritur quod visio illa sit utroque modo delectabilis. Ad hoc autem quod ipsa visio sit delectabilis ex parte visionis, requiritur quod sit facta connaturalis videnti per habitum aliquem. Sed ad hoc quod sit delectabilis ex parte visionis, duo requiruntur, scilicet quod ipsum visibile sit conveniens, & quod sit coniunctum. Sic ergo ad delectabilitatem visionis ex parte sui requiritur habitus qui visionem eliciat; & sic est una dos, quæ dicitur ab omnibus *visio*. Sed ex parte visibilis requiruntur duo, scilicet convenientia quæ est per affectum; & quantum ad hoc ponitur dos a quibusdam *dilectio*, & a quibusdam *fructio*, secundum quod *fructio* ad affectum pertinet: illud enim quod summe diligimus, convenientissimum estimamus. Requiritur etiam ex parte visibilis coniunctio; & sic ponitur a quibusdam *comprehensio*, quæ nihil est aliud quam in præsentia Deum habere, & in seipso tenere; sed secundum alios *fructio*, prout *fructio* est non spei sicut est in via, sed iam rei sicut est in patria: & sic dotes tres respondent tribus virtutibus theologicis, scilicet *visio fidei*, spei vero *comprehensio*, vel *fructio* secundum unam acceptionem, caritati vero *dilectio*, vel *fructio* secundum aliam assignationem: fructio enim perfecta, qualis in patria habebitur, includit in se delectionem, & comprehensionem: & ideo a quibusdam accipitur pro uno, a quibusdam vero pro alio. Quidam vero attribuit hæc tres dotes tribus animæ viribus, *visionem* scilicet rationali, *dilectionem* concupiscibili, *fructiorem* vero irascibili, inquantum talis fructio est per quamdam victoriam adeptæ. Sed hoc non proprie dicitur: quia irascibilis, & concupiscibilis non sunt in parte intellectiva, sed sensitiva, ut in III. distinct. xxvi. (quæst. 1. art. 2. in corp.) dictum



Ad primum ergo dicendum, quod memoria, & intelligentia non habent nisi unam operationem: quia vel ipsa intelligentia est operatio memoriae, vel si intelligentia dicatur esse potentia quidam, memoria non exit in operationem nisi mediante intelligentia, quia memoriae est notitiam tenere: unde etiam memoriae, & intelligentiae non responderet nisi unus habitus, scilicet notitia: & ideo utrique respondet una tantum dos, scilicet visio.

Ad secundum dicendum, quod fruitio respondet spei, in quantum includit comprehensionem, quae spei succedit: quod enim speratur, nondum habetur: & ideo spes quodammodo affligit propter distantiam amati: & propter hoc in patria non remanet, sed succedit ei comprehensio.

Ad tertium dicendum, quod fruitio, secundum quod comprehensionem includit, distinguitur a visione, & dilectione, alio tamen modo quam dilectio a visione: dilectio enim, & visio diversos habitus nominant, quorum unus pertinet ad intellectum, alter vero ad affectum: sed comprehensio, vel fruitio secundum quod ponitur pro comprehensione, non importat alium habitum ab illis duobus, sed importat remotionem, ex quibus ethicetur ut non posset mens Deo praesentialiter coniungi: & hoc quidem fit per hoc quod ipse habitus gloriae animam ab omni defectu liberat, sicut quod facit eam sufficientem ad cognoscendum sine phantasmatis, & ad praedominandum corpori, & alia huiusmodi, per quae excluduntur impedimenta, quibus fit ut nunc peregrinemur a Domino.

Ad quantum patet responsio ex dictis.

Ad quintum dicendum, quod proprie dotes sunt immediata principia illius operationis in qua perfecta beatitudo consistit, per quam anima Christo coniungitur: illa autem quae Anselmus enunserat, non sunt huiusmodi, sed sunt qualitercumque beatitudinem concomitantia, vel consequentia, non solum in comparatione ad sponsum, ad quem sola sapientia inter enumerata ab eo pertinet, sed etiam in comparatione ad alios vel pares, ad quos pertinet amicitia quantum ad unionem affectuum, & concordia quantum ad consensum in agendis: vel ad inferiores ad quos pertinet potestas, secundum quod a superioribus inferiora disponuntur, & honor secundum id quod ab inferioribus superioribus exhibetur: & etiam per comparationem ad seipsum, ad quod pertinet securitas quantum ad remotionem mali, & gaudium quantum ad ademptionem boni.

S. Tb. Oper. Tom. XIII.

Ad sextum dicendum, quod *laus* quae ab Augustino ponitur tertium eorum quae in patria erunt, non est dispositio ad beatitudinem, sed magis beatitudinem consequens: ex hoc enim ipso quod anima Deo coniungitur in qua beatitudo consistit, sequitur quod in laudem prorumpat, unde *laus* non habet rationem dotis.

Ad septimum dicendum, quod illa quinque quae enumerat Boetius, sunt quaedam beatitudinis conditiones, non autem dispositiones ad beatitudinis actum, eo quod beatitudo ratione perfectionis suae sola & singulariter habet per seipsam quiddam ab hominibus in diversis rebus quaeritur, ut patet etiam per Philosophum in I. & X. Ethic. & secundum hoc Boetius offendit illa quinque in vera beatitudine esse: quia haec sunt quae ab hominibus in temporali felicitate quaeruntur, quae vel pertinent ad immunitatem a malo, sicut *securitas*, vel ad consecutionem boni, sicut *convenientis*, sicut *inconditas*, vel perfecti, sicut *sufficientia*, vel ad manifestationem boni, sicut *celebritas*, in quantum bonum unius est in notitia multorum, & *reverentia*, in quantum illius notitiae, vel boni signum aliquod exhibetur: reverentia enim consistit in exhibitione honoris qui est testimonium virtutis. Unde patet quod ista quinque non debent dici dotes, sed quaedam beatitudinis conditiones.

## SOLUTIO II.

Ad secundam quaestionem dicendum, quod secundum hoc homo est beatitudinis princeps quod ad imaginem Dei consistit. Imago autem Dei primo & principaliter in mente consistit: sed per quamdam derivationem etiam in corpore hominis quaedam representatio imaginis invenitur, secundum quod oportet corpus anima esse proportionatum, ut etiam patet ex his quae Magister dicit in II. Sent. dist. xvi. unde etiam beatitudo, vel gloria primo & principaliter est in mente, sed per quamdam redundantiam derivatur etiam ad corpus: ut beatitudo hominis secundum corpus dicatur, quod imperium animae Deo coniunctae perfecte exequitur. Unde sicut dispositiones quae sunt in anima beata ad perfectam operationem, quae Deo coniungitur, dicuntur animae dotes: ita dispositiones quae sunt in corpore glorioso, ex quibus corpus efficitur perfecte animae subiectum, dicuntur corporis dotes.

Ad primum ergo dicendum, quod etiam

X x x per-

perfectio corporis gloriosi aliquo modo coadiuvat ad hoc quod anima liberius, & perfectius Deo inhaereat, inquantum videlicet non retrahitur aliquibus corporeis impedimentis a divina inhaesione, & inquantum etiam anima perfectius esse habet corpori coniuncta, quam a corpore separata; & sic etiam eius operatio est perfectior, ut supra dictum est.

Ad secundum patet responsio ex dictis.

Ad tertium dicendum, quod, sicut dicit August. in Libr. de Trinit. (XII. cap. 1.) ad exteriorem hominem non solum pertinet corpus, sed etiam corporis sensus: unde omnes inferiores potentiae quae sunt organis affixae, simul cum corpore computantur, & cum eo etiam simul dotantur.

### SOLUTIO III.

Ad tertiam questionem dicendum, quod anima est forma corporis, & motor: unde cum dotes corporis ad hoc ordinantur ut corpus perfecte animae subiciatur, hoc erit ut subiciatur ei perfecte & sicut formae, & sicut motori. A forma autem in materia tria causantur, scilicet esse substantiale, vires, & formae secundariae, scilicet accidentales, & amborum conservatio. Corpus ergo gloriosum, inquantum perfecte animae subditur quantum ad esse substantiale quod ab ea habet, sic est dos *subtilitatis*: ex hoc enim corpus gloriosum fortius dicitur, ut supra distinct. xlv. dictum est, quod perfecte ab anima informatur. Inquantum vero perfecte subditur ei ut formae secundum accidentales formas quae sunt in corpore ab anima, sic est dos *claritatis*. Inquantum vero corpus gloriosum perfecte ab anima conservatur, sic est dos *impassibilitatis*: ex hoc enim impassibile dicitur quod ex vi animae servatur immune ab omni laesione. Sed inquantum corpus perfecte subditur animae ut motori, sic est dos *agilitatis*: corpus enim secundum hoc dicitur agile quod ad omnes animae actus est expeditum, & paratum. Quidam autem quatuor dotes corporis quatuor virtutibus cardinalibus adaptant, eo quod cardinalium virtutum materia sunt bona corporalia: ut scilicet prudentiae respondeat *claritas* propter cognitionem: iustitiae, quae est perpetua, & immortalis, *impassibilitas*: fortitudini *agilitas*, ex qua contingit ut nihil corpori possit resistere: unde agilitas notatur I. Corinth. xv. 43. per hoc quod dicitur: *Surges in virtute*: temperantiae vero, quae corpus attenuat, *subtilitas*: & sic qua-

tuor dotes corporis respondent quatuor virtutibus cardinalibus, sicut tres animae tribus theologicis, ut dictum est.

Ad primum ergo dicendum, quod illa septem quae Anselmus ponit, continentur sub istis quatuor. *Pulchritudo* enim in coetum sub claritate; *velocitas*, & *libertas*, & *fortitudo* sub agilitate; *sanitas*, & *diuturnitas* sub impassibilitate; *voluptas* vero potest reduci ad subtilitatem, quia ex hoc quod corpus est perfecte informatum per animam, est ad delectationem dispositum.

Ad secundum dicendum, quod agilitas non solum pertinet ad motum, sed etiam ad sensum, & ad omnes alias operationes animae; ut secundum hoc dicatur corpus gloriosum esse agile, quod est perfecte habitatum ad omnes operationes quae per corpus exercentur.

Ad tertium dicendum, quod secundum Philosophum in II. de generatione (text. xvii.) qualitates visibiles sunt aliis qualitatibus sensibilibus nobiliores quantum ad hoc quod in visibilitate conveniunt inferiora corpora cum superioribus corporibus, non autem quantum ad alias sensibiles qualitates: unde lux, vel claritas, quae est qualitas propria caelestium corporum, inter alias qualitates corporales est nobilior, & magis similis ad exprimendam intelligibilem claritatem: & ideo ex redundantia gloriae ab anima in corpus magis ponitur in corpore glorioso claritas ut dos, quam alia sensibilis qualitas.

Ad quartum dicendum, quod anima non est passibilis secundum naturam, sed per accidens, inquantum corpus patitur: vel per divinam iustitiam est passibilis ex culpa, quae ab animabus beatorum est procul propter Dei dilectionem: unde ex quo impassibilitas ponitur corporis dos, non oportet quod ponatur dos animae.

Ad quintum dicendum, quod clarum, & pervium ad idem genus reducitur, eo quod lux est actus diaphani: & ideo pervietas non ponitur dos distincta a claritate.

De praedictis autem dotibus tam animae, quam corporis, in speciali dictum est, de frustione quidem in 1. dist. I. Lib. de dilectione, in III. Lib. tractatu de caritate, de visione supra hac eadem dist. de quatuor dotibus corporis supra dist. xlv.

### QUAESTIO V.

**D**Einde quaeritur de aureolis: & circa hoc quaeruntur quinque.

Primo. Quid sit aureola.

Se-

Secundo. Quomodo differat a fructu.

Tertio. Ratione quorum debeat aureola.

Quarto. Quibus debeat.

Quinto. De numero aureolarum.

### ARTICULUS I.

*Utrum aureola sit aliquod aliud premium ab essentiali premio, quod aurea dicitur.*

1. **A**D primum sic proceditur. Videtur quod aureola non sit aliquod aliud premium ab essentiali premio, quod aurea dicitur. Premium enim essentialis est ipsa beatitudo. Sed beatitudo secundum Boetium (III. Lib. de consol. prola 11.) est status omnium bonorum aggregatione perfectus. Ergo premium essentialis includit omne bonum quod habetur in patria; & sic aureola includitur in aurea.

2. Præterea. Magis & minus non diversificant speciem. Sed illi qui servant consilia, & præcepta, magis præmiantur quam illi qui servant præcepta tantum: nec in aliquo premium eorum videtur differre, nisi quod unum est altero maius. Cum ergo aureola nominer premium quod debetur operibus perfectionis, videtur quod aureola non dicat aliquid distinctum ab aurea.

3. Præterea.  $\frac{1}{2}$  Premium respondet merito. Sed radix totius meriti est caritas. Cum ergo caritati respondeat aurea, videtur quod in patria non erit aliquod premium ab aurea distinctum.

4. Præterea. Homines beati assumuntur ad Angelorum ordines, ut dicit Gregorius (homil. xxxiv. in Evang.) Sed in Angelis licet quædam data sint quibusdam excellenter, ibi tamen nihil possident singulariter, omnia enim in omnibus sunt, non quidem æqualiter, quia alii aliis sublimius possident, quæ tamen omnes habent, ut etiam Gregorius dicit. Ergo & in beatis non erit aliquod aliud premium nisi omnium commune: ergo aureola non est premium distinctum ab aurea.

5. Præterea. Excellentiori merito excellentius premium debetur. Si ergo aurea debetur operibus quæ sunt in præcepto, aureola vero his quæ sunt in consilio, aureola erit perfectior quam aurea; & ita non deberet diminutive signari: & sic videtur quod aureola non sit premium distinctum ab aurea.

Sed contra. Exod. xxv. super illud, Fa-

ciet alteram coronam aureolam, dicit Glossa:

„Ad coronam (a) hanc pertinet canticum novum, quod virgines tantum coram agnovum, concinunt. “ Ex quo videtur quod aureola sit quædam corona non omnibus, sed aliquibus specialiter reddita. Aurea autem omnibus beatis redditur. Ergo aureola est aliud quam aurea.

Præterea. Pugna quam sequitur victoria, debetur corona. II. ad Timoth. 11. 5. Non coronabitur nisi qui legitime certaverit. Ergo ubi est specialis ratio certaminis, ibi debet esse specialis corona. Sed in aliquibus operibus est specialis ratio certandi. Ergo præ aliis aliquam coronam habere debent, & hanc dicimus aureolam.

Præterea. Ecclesia militans descendit a triumphante, ut patet Apoc. xxi. 2. Vidi civitatem sanctam Hierusalem novam descendentem de celo a Deo. Sed in Ecclesia militante specialia opera habentibus specialia præmia redduntur, sicut victoribus corona, currentibus braviu. Ergo similiter debet esse in Ecclesia triumphante.

### SOLUTIO.

Respondeo dicendum, quod premium essentialis hominis, quod est eius beatitudo, consistit in perfecta coniunctione animæ ad Deum, in quantum eo perfecte fruatur, ut visio, & amato perfecte. Hoc autem premium metaphotice corona dicitur, vel aurea: tum ex parte meriti, quod cum quadam pugna agitur, militia enim est vita hominis super terram: Iob vii. 1. tum etiam ex parte præmii, per quod homo efficitur quodammodo Divinitatis particeps, & per consequens regis potestatis: Apoc. v. 10. Fecisti nos Deo nostro regnum, & sacerdotes. Corona autem est proprium signum regis dignitatis: & eadem ratione premium quod essentiali additur, coronæ rationem habet. Significat etiam corona perfectionem quamdam ratione figuræ circularis, ut ex hoc etiam competat perfectioni beatorum. Sed quia nihil potest superaddi quin sit eo minus, ideo superadditum premium aureola nominatur. Huic autem essentiali præmio, quod aurea dicitur, aliquid additur dupliciter. Uno modo ex conditione naturæ eius quæ præmiatur, sicut supra beatitudinem animæ gloria corporis adiungitur, unde & ipsa gloria corporis interdum aureola nominatur: unde & super illud Exod. xxv. Faciet alteram coronam aureolam, dicit quædam

(a) *Ad deum hanc.*

dam Glossa ( Bedæ Lib. I. de tabern. cap. vi. ) quod „ in fine aureola superponitur „ cum in Scriptura dicitur, quod eis subli- „ mior gloria in receptione corporum fer- „ vetur. “ Sic autem nunc de aureola non agitur. Alio modo ex ratione operis meriti: quod quidem rationem meriti ex duobus habet, ex quibus habet etiam bonitatis rationem: scilicet ex radice caritatis, quæ refertur in finem ultimum; & sic debetur ei essentiale præmium, scilicet pervenit ad finem, quæ est aurea: & ex ipso genere actus laudabilitatem quamdam habet ex debitis circumstantiis, & ex habitu eliciente, & proximo fine; & sic debetur ei quoddam accidentale præmium, quod aureola dicitur: & hoc modo de aureola ad præsens intendimus. Et sic dicendum, quod aureola dicit aliquid aureæ superadditum, id est quoddam gaudium de operibus a se factis, quæ habent rationem victoriæ excellentis, quod est aliud gaudium ab eo quod coniunctione ad Deum gaudetur, quod gaudium dicitur aurea. Quidam tamen dicunt, quod ipsum præmium commune, quod est aurea, accipit nomen aureolæ secundum quod virginibus, vel martyribus, vel doctoribus redditur, sicut & denarius accipit nomen debiti ex hoc quod alicui debetur, quamvis omnino idem sint debitum, & denarius; non tamen ita quod præmium essentiale oporteat esse maius quando aureola dicitur, sed quia excellentiori actui responderet, non quidem secundum meriti intensionem, sed secundum modum merendi; ut quamvis in duobus sit æqualis limpitas divinæ visionis, in uno tamen dicatur aureola, non in altero, in quantum responderet excellentiori merito secundum modum agendi. Sed hoc videtur esse contra intentionem Glossæ Exod. xxx. Si enim idem esset aurea, & aureola, non diceretur aureola aureæ superponi. Et præterea, cum merito respondeat præmium, oportet quod illi excellentiori meriti quæ est ex modo agendi, respondeat aliqua excellentia in præmio: & hanc excellentiam vocamus aureolam: unde oportet aureolam ab aurea differre.

Ad primum ergo dicendum, quod beatitudo includit in se omnia bona quæ sunt necessaria ad perfectam hominis vitam, quæ consistit in perfecta hominis operatione; sed quædam possunt superaddi non quasi necessaria ad perfectam operationem, ut sine quibus esse non possit, sed quia his additis est beatitudo clarior: unde pertinet ad bene-

esse beatitudinis, & ad decentiam quamdam ipsius, sicut & felicitas sollicita ornatur nobilitate, & corporis pulchritudine, & huiusmodi, sine quibus tamen esse potest, ut patet in I. Ethicor. ( cap. vii. & xii. & xiii. ) & hoc modo se habet aureola ad beatitudinem patriæ.

Ad secundum dicendum, quod ille qui servat consilia, & præcepta, semper magis meretur quam ille qui servat præcepta tantum, secundum quod ratio meriti consideratur in operibus ex ipso genere operum, non autem semper secundum quod ratio meriti pensatur ex radice caritatis; cum quandoque ex maiori caritate aliquis servet præcepta tantum quam aliquis præcepta, & consilia. Sed ut pluries accidit & converso: quia probatio dilectionis est exhibitio operis, sicut dicit Gregorius ( homil. xxx. in Evang. ) Non ergo ipsum præmium essentiale magis intentionem dicitur aureola, sed id quod præmio essentiali superadditur indifferenter, sive sit maius præmium essentiale habentis aureolam, sive minus, sive æquale præmio essentiali non habentis.

Ad tertium dicendum, quod caritas est principium merendi; sed actus noster est quasi instrumentum quo meremur. Ad effectum autem consequendum non solum requiritur debita dispositio ( a ) in primo movente, sed etiam recta dispositio in instrumento: & ideo in effectu aliquid consequitur ex parte primi principii, quod est principale, & aliquid ex parte instrumenti, quod est secundarium: unde & in præmio aliquid est ex parte caritatis, scilicet aurea, & aliquid ex genere operationis, ut aureola.

Ad quartum dicendum, quod Angeli omnes ex eodem genere actus suam beatitudinem meruerunt, scilicet in hoc quod sunt conversi ad Deum: & ideo nullum singulare præmium invenitur in uno quod aliis non habeat aliquo modo. Homines autem diversis generibus actuum beatitudinem merentur, & ideo non est simile. Tamen illud quod unus videtur specialiter habere inter homines, quodammodo omnes communiter habent, in quantum scilicet per caritatem perfectam unusquisque bonum alterius suum reputat. Non tamen hoc gaudium quo unus alteri congaudet, potest aureola nominari: quia non datur in præmium victoriæ eius, sed magis respicit victoriam alienam: corona vero ipsi victoribus redditur, non victoriæ congaudentibus.

Ad

( a ) vel. in præmio.

Ad quintum dicendum, quod maior est excellentia meriti, quæ confurgit ex caritate, quam illa quæ confurgit ex genere actus, sicut finis ad quem ordinatur caritas, est potior his quæ sunt ad finem, circa quæ actus nostri consistunt. Unde etiam præmium respondens merito ratione caritatis, quantumcumque sit parvum, est maius quolibet præmio respondente actui ratione sui generis: & ideo aureola diminutive dicitur respectu aureæ.

## ARTICULUS II.

*Utrum aureola differat a fructu.*

1. **A**D secundum sic proceditur. Videtur eadem enim merito non debentur diversa præmia. Sed eidem merito respondet aureola, & fructus centesimus, scilicet virginitati, ut patet in Glossa (veteri) Matth. xxi. Ergo aureola est idem quod fructus.

2. Præterea. Augustinus dicit in Lib. de virginitate (cap. xxv.) quod centesimus fructus debetur martyri, & idem debetur virgini. Ergo fructus est quoddam præmium commune virginibus, & martyribus. Sed eisdem etiam debetur aureola. Ergo aureola est idem quod fructus.

3. Præterea. In beatitudine non invenitur nisi duplex præmium, scilicet essentialia, & accidentalia, quod essentiali superadditur. Sed præmium essentialia superadditum dictum est esse aureolam; quod patet ex hoc quod Exod. xxv. aureola coronæ aureæ superponi dicitur. Sed fructus non est præmium essentialia, quia sic deberetur omnibus beatis. Ergo est idem quod aureola.

Sed contra. Quicumque non sunt eiusdem divisionis, non sunt etiam eiusdem rationis. Sed fructus, & aureola non similiter dividuntur: quia aureola dividitur in aureolam virginum, martyrum, & doctorum; fructus autem in fructum coniugatorum, viduarum, & virginum. Ergo fructus, & aureola non sunt idem.

Præterea. Si fructus, & aureola essent idem, cuiusque deberetur fructus, deberetur aureola. Hoc autem patet esse falsum: viduitati enim debetur fructus, sed non aureola. Ergo &c.

## QUAESTIUNCULA II.

1. Uterius. Videtur quod fructus non debeat soli virtuti continentie. Quia I.

Corinth. xv. super illud, *Alia claritas solis* &c. dicit Glossa (ex Augustino) quod claritati solis illorum dignitas comparatur qui centesimum fructum habent, lunari autem qui sexagesimum, stellæ qui trigessimum. Sed illa diversitas claritatum secundum intentionem Apolloli pertinet ad quantumque beatitudinis differentiam. Ergo diversi fructus non debent respondere soli continentie.

2. Præterea. Fructus a fruitione dicuntur. Sed fruitio ad præmium essentialia pertinet, quod omnibus virtutibus respondet. Ergo &c.

3. Præterea. Fructus labori debetur: Sapientie 111. 15. *Bonorum laborum gloriosus est fructus*. Sed maior labor est in fortitudine quam in temperantia, vel in continentia. Ergo fructus non respondet soli continentie.

4. Præterea. Difficilius est modum non excedere in cibis qui sunt necessarii ad vitam, quam in venereis, sine quibus vita conservari potest; & sic maior est labor parsimonie quam continentie. Ergo parsimonie magis respondent fructus quam continentie.

5. Præterea. Fructus refectionem importat. Refectio autem præcipue est in fine. Cum ergo virtutes theologice finem habeant pro obiecto, scilicet ipsum Deum, videtur quod eis fructus maxime debeant respondere.

Sed contra est quod habetur in Glossa (veteri) Matth. xxi. quæ fructus assignat virginitati, viduitati, & continentie coniugali; quæ sunt continentie partes.

## QUAESTIUNCULA III.

1. Uterius. Videtur quod inconvenienter assignentur tres fructus tribus continentie partibus. Quia Galat. v. ponuntur duodecim fructus Spiritus, scilicet gaudium, pax &c. & ideo videtur quod non debeant poni tres tantum.

2. Præterea. Fructus nominat aliquod præmium speciale. Sed præmium quod assignatur virginibus, & viduis, & coniugatis, non est speciale: quia omnes salvandi continentur sub aliquo horum trium, cum nullus salvetur qui continentia careat, & continentia per has partes sufficienter dividatur. Ergo inconvenienter tribus prædictis tres fructus assignantur.

3. Præterea. Sicut viduitas excedit continentiam coniugalem, ita virginitas vidui-

tatem. Sed non similiter excedit sexagenarius tricenarius, & centenarius sexagenarius; neque secundum arithmeticam proportionalitatem, quia sexagenarius excedit tricenarium in triginta, & centenarius sexagenarium in quadraginta; neque etiam secundum proportionalitatem geometricam, quia sexagenarius se habet in dupla portione ad tricenarium, centenarius vero ad sexagenarium (6) in sesquitercia, quia continet totum, & duas tertias eius. Ergo inconvenienter aptantur fructus tribus convenientiae gradibus.

4. Præterea. Ea quæ in sacra Scriptura dicuntur, perpetuitatem habent: [Luc. xxi. 33. *Cælum, & terra transibunt; verba autem mea non transibunt.*]. Sed ea quæ ex institutione hominum sunt facta, quotidie possunt mutari. Ergo ex his quæ ex institutione hominum sunt, non est accipienda ratio eorum quæ in Scriptura dicuntur; & sic videtur quod inconveniens sit ratio quam Beda assignat de istis fructibus, dicens, quod fructus tricesimus debetur coniugatis, quia in representatione quæ fit in Abacho triginta significatur per contactum pollicis, & indicis secundum suam summitatem, unde ibi quodammodo osculantur se; & sic tricenarius numerus significat coniugatorum oscula: sexagenarius vero numerus significatur per tactum indicis super medium articulum pollicis; & sic per hoc quod index iacet super pollicem opprimens ipsum, significat oppressionem quam videtur patiuntur in mundo: cum autem numerando ad centenarium pervenimus, transimus a læva in dexteram: unde per centenarium virginitas designatur, quæ habet portionem angelicæ dignitatis, qui sunt in dextera, scilicet in gloria, nos autem in sinistra propter imperfectionem præsentis vitæ.

### SOLUTIO I.

Respondeo dicendum ad primam questionem, quod ea quæ metaphorice dicuntur, possunt varie accipi secundum adaptationem ad diversas proprietates eius unde fit transumptio. Cum autem fructus proprie in rebus corporalibus dicatur de terræ nascens secundum diversas condiciones quæ in fructibus corporalibus inveniri possunt, diversimode fructus spiritualiter accipitur. Fructus enim corporalis dulcedo est quæ reficit, secundum quod in usum hominis venit: est etiam ultimum ad quod operatio

naturæ pervenit: est etiam id quod ex agricultura expectatur per seminationem, vel quoscumque alios modos. Quandoque igitur fructus spiritualiter accipitur pro eo quod reficit quasi ultimus finis; & secundum hanc significationem dicimur Deo frui perfecte quidem in patria, imperfecte autem in via; & ex hac significatione accipitur fructio quæ dos est. Sic autem nunc de fructibus non loquimur. Quandoque autem sumitur spiritualiter fructus pro eo quod reficit tantum, quamvis non sit ultimus finis; & sic virtutes fructus dicuntur, in quantum mentem sincera dulcedine reficiunt, ut Ambrosius dicit, & sic accipitur fructus Galat. v. 22. *Fructus autem spiritus caritas, gaudium, pax &c.* Sic autem de fructibus nunc non queritur: de hoc enim habitum est in III. Lib. dist. xxiii. xxiv. xxv. xxvi. & xxvii. Potest autem sumi alio modo fructus spiritualis ad similitudinem corporalis fructus, in quantum corporalis fructus est quoddam commodum quod ex labore agriculturæ expectatur; ut sic fructus dicatur illud præmium quod homo ex labore consequitur quo in hac vita laborat; & sic omne præmium quod in futuro habetur ex nostris laboribus, fructus dicitur; & sic accipitur fructus Roman. vi. 22. *Habitis fructum vestrum in sanctificationem; sive vero vitam æternam.* Sic etiam nos nunc de fructu non agimus; sed agimus nunc de fructu secundum quod ex semine nascitur: sic enim de fructu loquitur Dominus Matth. xxi. ubi fructum dividit in tricesimum, sexagesimum, & centesimum. Fructus autem secundum hoc potest prodire ex semine, quod vis sementina est efficax ad convertendum humores terræ in suam naturam: & quanto hæc virtus est efficacior, & terra ad hoc paratior, tanto fructus sequitur uberius. Spirituale autem semen quod in nobis seminatur, est verbum Dei: unde quanto aliquis magis in spiritualitatem convertitur a carne recedens, tanto in eo est maior fructus verbi Dei. Secundum ergo hoc fructus differt ab aurea, & ab aureola: quia aurea consistit in gaudio quod habetur de Deo, aureola vero in gaudio quod habetur de operum perfectione; sed fructus in gaudio quod habetur de ipsa dispositione operantis secundum gradum spiritualitatis, in quem proficit ex semine verbum Dei.

Quidam distinguunt inter aureolam & fructum, dicentes, quod aureola debetur pugnanti.

(6) *A.* in superabundantia. *Superabundantiam vero quæst. xcvi. art. 4. in superabundantia.*

Pugnanti, secundum illud II. Timoth. 2. 5. *Non coronabitur nisi qui legitime certaverit*: fructus autem laboranti, secundum illud quod dicitur Sapientie cap. 3. 11. 25. *Bonorum laborum gloriosus est fructus*. Alii vero dicunt, quod aurea respicit conversionem ad Deum, sed aureola, & fructus consistunt in his quæ sunt ad finem; ita tamen quod fructus principaliter respicit voluntatem, aureola autem magis corpus. Sed cum in eodem sit labor, & pugna, & secundum idem; & præmium corporis ex præmio animæ dependet; secundum prædicta non esset differentia inter fructum, auream, & aureolam, nisi ratione tantum: & hoc non potest esse, cum quibidam assignetur fructus quibus non assignatur aureola.

Ad primum ergo dicendum, quod non est inconveniens eidem merito, secundum diversa quæ in ipso sunt, diversa præmia respondere: unde & virginitati respondet aurea, secundum quod propter Deum servatur imperio caritatis; aureola vero, secundum quod est quoddam perfectionis opus habens rationem victoriæ excellentis; fructus vero, secundum quod per virginitatem homo in quamdam spiritualitatem transit a carnalitate recedens.

Ad secundum dicendum, quod fructus secundum propriam acceptionem, prout nunc loquimur, non dicit præmium commune matrimonio, & virginitati, sed tribus continentie gradibus. Glossa autem illa quæ ponit fructum centesimum martyribus respondere, large accipit fructum secundum quod quilibet remuneratio fructus dicitur; ut sic per centesimum fructum remuneratio designetur quæ quibuslibet operibus perfectionis debetur.

Ad tertium dicendum, quod quamvis aureola sit quoddam accidentale præmium essentiali superadditum; non tamen omne accidentale præmium est aureola, sed præmium de operibus perfectionis, quibus homo maxime Christo conformatur secundum perfectam victoriam: unde non est inconveniens quod abstractioni a carnali vita aliquod aliud præmium accidentale debeat, quod fructus dicitur.

## SOLUTIO II.

Ad secundam quæstionem dicendum, quod,

sicut dictum est, fructus est quoddam præmium quod debetur homini ex hoc quod a carnali vita in spiritualem transit: & ideo illi virtuti præcipue respondet quæ hominem præcipue a subiectione carnis liberat: hoc autem facit continentia, quia per delectationes venereas anima præcipue carni subditur, adeo ut in actu carnali, secundum Hieronymum, \* nec spiritus prophetie corda Prophetarum tangat, nec in illa delectatione est possibile aliquid intelligere, ut Philosophus dicit in VII. Ethicor. (cap. 11. vel 12.) & ideo continentie magis respondet fructus quam alii virtuti.

Ad primum ergo dicendum, quod Glossa illa accipit fructum large, secundum quod quilibet remuneratio fructus nominatur.

Ad secundum dicendum, quod fruitio non sumitur a fructu secundum illam similitudinem qua nunc de fructu loquimur, ut ex dictis patet.

Ad tertium dicendum, quod fructus, secundum quod nunc loquimur, non respondet labori ratione fatigationis, sed secundum quod per laborem semina fructificant: unde & ipsæ segetes labores dicuntur, in quantum propter eas laboratur, vel labore acquiruntur. Similitudo autem fructus, secundum quod oritur ex semine, magis aptatur in continentia, quam in fortitudine: quia per passiones fortitudinis homo non subditur carni, sicut per passiones circa quas est continentia.

Ad quartum dicendum, quod quamvis delectationes quæ sunt in cibis, sint magis necessariae illis quæ sunt in venereis; non tamen sunt ita vehementes: unde per eas anima non ita carni subditur.

Ad quintum dicendum, quod fructus non sumitur hic, secundum quod frui dicitur qui reficitur in fine; sed alio modo: & ideo ratio non sequitur.

## SOLUTIO III.

Ad tertiam quæstionem dicendum, quod per continentiam, cui fructus respondet, ut dictum est, homo in quamdam spiritualitatem adducitur carnalitate abiecta: & ideo secundum diversum modum spiritualitatis, quem continentia facit, diversi fructus distinguuntur. Est enim quædam spiri-

EX EDIT. P. NICOLAI. \* Ex Hieronymo quidem in Decretis refertur can. xxxii. quæst. 2. cap. cxxxvii. & indicatur ut ex eius comm. in Matth. ut & ex illo citat S. Thomas 2. 2. quæst. cxxxii. art. 3. Sed Origenis potius est hom. vi. super Numeros.

tualitas necessaria, & quadam superabundans. Necessaria quidem spiritualitas est in hoc quod rectitudo spiritus ex delectatione carnis non pervertatur; quod si dum aliquis secundum rectum ordinem rationis utitur delectabilibus carnis: & hæc est spiritualitas coniugatorum. Spiritualitas vero superabundans est per quam homo ab huiusmodi delectationibus carnis spiritum suffocantibus omnino se abstrahit. Sed hoc contingit dupliciter, vel respectu cuiuslibet temporis, præteriti, præsentis, & futuri, & hæc est spiritualitas virginum; vel secundum aliquod tempus, & hæc est spiritualitas viduarum. Servantibus ergo continentiam coniugalem datur fructus tricesimus, vidualem sexagesimus, virginalem centesimus, ratione illa quam Be'la assignat; quamvis possit & alia ratio assignari ex ipsa natura numerorum. Tricenarius enim numerus ex ductu ternarii in denarium surgit: ternarius enim est numerus omnis rei, ut dicitur in I. Cel. (text. 1.) & habet in se perfectionem quamdam omnibus communem, scilicet principii, medii, & finis: unde convenienter tricenarius numerus coniugatus assignatur, in quibus super observationem dealogi, qui per denarium signatur, non additur aliqua perfectio nisi communis, sine qua non potest esse salus. Senarius autem, ex cuius ductu in denarium sexagenarius surgit, habet perfectionem ex partibus, cum consistat ex omnibus partibus suis simul aggregatis: unde convenienter viduitati respondet, in qua invenitur perfecta abstrahio a delectabilibus carnis quantum ad omnes circumstantias, quæ sunt quasi partes virtuosæ ætatis: cum nulla enim persona, & nullo loco delectabilibus carnis viduitas utitur; & sic de aliis circumstantiis carnis; quod non erat in continentia coniugali. Sed centenarius convenienter respondet virginitati, quia denarius, ex cuius ductu centenarius surgit, est limes numerorum: & similiter virginitas tenet spiritualitatis limitem, quia ad eam nihil de spiritualitate adici potest: habet enim centenarius, in quantum est quadratus numerus, perfectionem ex figura: figura enim quadrata secundum hoc perfecta est quod ex omni parte æqualitatem habet, utpote habens omnia latera æqualia: unde competit virginitati, in qua quantum ad omne tempus æqualiter incorruptio invenitur.

Ad primum ergo dicendum, quod ibi fructus non accipiuntur hoc modo sicut hic de fructibus loquimur, ut ex dictis patet.

[ 2 ] *Id. & contra. idem.*

Ad secundum dicendum, quod nihil cogit ad ponendum fructum esse præmium non omnibus salvandis conveniens. Non solum enim essentiale præmium commune est omnibus, sed etiam aliquod accidentale, sicut gaudium de operibus illis sine quibus non est salus. Potest tamen dici, quod fructus non omnibus conveniunt salvandis, sicut patet de his qui in fine penitent, & incontinententer vixerunt: eis enim non fructus, sed essentiale præmium tantum debetur.

Ad tertium dicendum, quod distinctio fructuum magis accipitur secundum species, vel figuras numerorum, quam secundum quantitates eorum; tamen etiam quantum ad quantitatis excessum potest aliqua ratio assignari. Coniugatus enim abstinere tantum a non sua, vidua vero a suo, & a non suo; & sic invenitur ibi quadam ratio duplici, sicut sexagenarius est duplex ad tricenarium. Centenarius vero supra sexagenarium addit quadragenarium, qui confurgit ex ductu quaternarii in denarium, quaternarius autem est primus numerus solidus, & cubus, & sic convenit talis additio virginitati, quæ supra perfectionem viduitatis perpetuam incorruptionem adiungit.

Ad quartum dicendum, quod quamvis illa representatio numerorum sit ex humana institutione, tamen fundatur aliquo modo supra rerum naturam, in quantum secundum ordinem digitorum, & articularum, (a) & contactuum numeri gradatim designantur.

### ARTICULUS III.

*Utrum ratione virginitatis debeatur aureola.*

1. **A**d tertium sic proceditur. Videtur quod ratione virginitatis non debeat aureola. Ubi enim est maior difficultas in opere, ibi debetur maius præmium. Sed maiorem difficultatem patientium in abstinendo a delectabilibus carnis viduarum, quam virgines: dicit enim Hieronymus. (epist. ad Ageruchiam) quod quanto maior est difficultas ex parte quadam a voluptatibus illecebris abstinere, tanto maius est præmium: & loquitur in commendationem viduarum. Philosophus etiam in Libro de animalibus (Lib. VII. de hist. animal. c. vttt.) quod iuvenes corruptæ magis appetunt cotum propter rememorationem delectationis. Ergo aureola, quæ est maximum præmium, debetur magis viduis quam virginibus.

2. Præterea. Si virginitati deberetur aureola,



reola, ubi esset perfectissima virginitas, maxime inveniretur aureola. Sed in beata Virgine est perfectissima virginitas: unde & Virgo virginum nominatur; & tamen ei non debetur aureola, quia nullam pugnam sustinuit in continendo, cum corruptione fornicis non fuerit infestata. Ergo virginitati aureola non debetur.

3. Præterea. Ei quod non est secundum omne tempus laudabile, non debetur præmium excellens. Sed virginitatem servare non fuisset laudabile in statu innocentie, cum tunc esset homini præceptum: *Crescite, & multiplicamini, & replete terram* (Gen. 1. 28.) nec etiam tempore legis, quando steriles erant maledictæ. Ergo virginitati aureola non debetur.

4. Præterea. Non debetur idem præmium virginitati servatæ, & virginitati amissæ. Sed pro virginitate amissa quandoque debetur aureola, utpote si aliqua invita prostituta a tyranno, quia Christum proficetur. Ergo virginitati aureola non debetur.

5. Præterea. Excelles præmium non debetur ei quod inest nobis a natura. Sed virginitas innascitur cuilibet homini & bono, & malo. Ergo virginitati aureola non debetur.

6. Præterea. Sicut ita habet viduitas ad fructum sexagenarium, ita virginitas ad fructum centesimum, & aureolam. Sed non cuilibet viduæ debetur fructus sexagenarius, sed solum viduitatem foventi, ut quidam dicunt. Ergo videtur quod nec cuilibet virginitati aureola debeatur, sed solum virginitati ex voto servatæ.

7. Præterea. Præmium non respondet necessitati, cum omne meritum in voluntate consistat. Sed quidam sunt virgines ex necessitate, ut naturaliter frigidi, & eunuchi. Ergo virginitati non semper debetur aureola.

Sed contra est quod habetur Exod. xxv. 25. *Facies alteram coronam aureolam*: Glossa (Bede): „Ad coronam pertinet canticum novum quod virgines coram agno concinnunt, scilicet qui sequuntur agnum quousque summe ierit.“ Ergo præmium quod virginitati debetur, dicitur aureola.

Præterea. Isaia vi. 4. dicitur: *Hæc dicit Dominus eunuchis*: & sequitur: *Dabo eis nomen novum a filiis, & filiiabur*: Glossa (Augustini): „Propriam gloriam, excellentemque“, signat. „Sed per eunuchos qui seipso castraverunt propter regnum celorum, virgines designantur. Ergo virginitati debetur

S. Tb. Op. Tom. XIII.

aliquid excellens præmium, & hæc vocatur aureola.

## QUAESTIUNCULA II.

1. Ulterius. Videtur quod martyribus aureola non debetur. Aureola enim est præmium quod operibus supererogationis redditur: unde dicit Beda (Lib. 1. de tabernac. cap. vi.) super illud Exod. xxv. *Aliam coronam aureolam etc.* „De eorum præmio potest recte intelligi qui generalia mandata spontanea vitæ perfectioris electione transcendunt“. Sed mori pro confessione fidei quandoque est necessitatis, non supererogationis, ut patet ex hoc quod dicitur Roman. x. 10. *Corde creditur ad iustitiam, ore autem confessio fit ad salutem*. Ergo martyrio non semper debetur aureola.

2. Præterea. Secundum Gregorium (Lib. II. Epistol. indict. x. epistol. xxxvi.) servitia tanto magis sunt grata, quanto magis sunt libera. Sed martyrium minimum habet de libertate, cum sit pœna ab alio violentè inflicta. Ergo martyrio aureola non debetur, quæ respondet merito excellenti.

3. Præterea. Martyrium non solum consistit in exteriori passione mortis, sed etiam in interiori voluntate: unde Bernardus (in sermone 68. Innoc.) distinguit tria genera martyrii: voluntate, non nece, ut Joannes; voluntate, & nece, ut Stephanus; nece, non voluntate, ut Innocentes. Si ergo martyrio aureola deberetur, magis deberetur martyrio voluntatis quam exteriori martyrio, cum meritum ex voluntate procedat. Hoc autem non ponitur. Ergo martyrio aureola non debetur.

4. Præterea. Afflicto corporis est minor quam afflicto mentis, quæ est per interiores dolores, & interiores animæ passiones. Sed interior etiam afflicto quoddam martyrium est: unde dicit Hieronymus (alius Auctor) in sermone de assumptione: *Recte dixerim, Dei genitrix virgo, & martyr suis, quamvis in pace vitam finiveris*: unde etiam ipse animam pertransiit gladius, scilicet dolor de morte filii. Cum ergo interiori dolori aureola non respondeat, nec exteriori respondere debet.

5. Præterea. Ipsa penitentia quoddam martyrium est: unde dicit Gregorius (homil. xxxiii. in Evang.) *Quamvis occasio perfectionis desit, habet tamen & pax nostra martyrium suum: quia estis carnis colla ferro non subicimus, spiritali tamen gladio carnalia desideria in mente cruciamus*. Pœna autem quæ

Y y y

in

in exterioribus operibus consistit, aureola non debetur. (a) Ergo nec etiam omni exteriori martyrio.

6. Præterea. Illicito operi non debetur aureola. Sed illicitum est sibi ipsi manus iniicere, ut patet per Augustinum in Lib. de Civ. Dei (I. cap. xx. & xxi.) & tamen quorumdam martyria in Ecclesia celebrata sunt, qui sibi manus iniecerunt, tyrannorum rabiem fugientes, ut patet in ecclesiastica historia (Sophronii Lib. VIII. c. xii.) de quibusdam mulieribus apud Alexandriam. Ergo non semper martyrio debetur aureola.

7. Præterea. Contingit aliquando aliquem pro fide vulnerari, & etiam aliquo tempore supervivere. Hunc constat martyrem esse; & tamen ei, ut videtur, aureola non debetur, quia eius pugna non duravit usque ad mortem. Ergo non semper martyrio debetur aureola.

8. Præterea. Quidam magis affliguntur in amissione temporalium rerum quam etiam in proprii corporis afflictione; quod patet ex hoc quod multas afflictiones sustinent ad lucra acquirenda. Si ergo eis propter Christum temporalia bona diripiuntur, videtur quod sint martyres; nec tamen eis, ut videtur, debetur aureola. Ergo idem quod prius.

9. Præterea. Martyr videtur esse ille qui pro fide occiditur: unde dicit Ildorus (Lib. VII. ethimol. cap. xi.) *Martyres græce, testes latine dicuntur, quia propter testimonium Christi passionem sustinent, vel sustinuerunt, & usque ad mortem pro veritate certaverunt*. Sed aliquæ aliæ virtutes sunt fide excellentiores, ut iustitia, caritas, & huiusmodi, quæ sine gratia esse non possunt; quibus tamen non debetur aureola. Ergo videtur quod nec martyrio aureola debeat.

10. Præterea. Sicut veritas fidei est a Deo, ita & quælibet alia veritas, ut dicit Ambrosius (Ambrosiaster in I. Corinth. xii. 3.) quia omne verum a quocumque dicatur, a Spiritu sancto est. Si ergo sustinent mortem pro veritate fidei debetur aureola, eadem ratione & sustinentibus mortem pro qualibet alia veritate; quod tamen non videtur.

11. Præterea. Bonum commune est potius bono particulari. Sed si aliquis pro conservatione Reipublicæ moriatur in bello iusto, non debetur ei aureola. Ergo etiam si occidatur pro conservatione fidei in seipso; & sic martyrio aureola non debetur.

12. Præterea. Omne meritum ex libero

arbitrio procedit. Sed quorundam martyria celebrat Ecclesia qui usum liberi arbitrii non habuerunt. Ergo aureolam non meruerunt; & sic non omnibus martyribus debetur aureola.

Sed contra. Augustinus dicit in Lib. de sancta virginitate (cap. xlv.) *Nemo, quantum puto, ausus fuit præferre virginitatem martyrio*. Sed virginitati debetur aureola. Ergo & martyrio.

Præterea. Corona debetur certanti. Sed in martyrio est specialis difficultas pugne. Ergo ei debetur specialis aureola.

### QUAESTIUNCULA III.

1. Ulterius. Videtur quod doctoribus aureola non debeat. Omne enim præmium quod in futuro habebitur, alicui actui virtutis respondet. Sed prædicare, vel docere non est actus alicuius virtutis. Ergo doctrinæ, vel prædicationi non debetur aureola.

2. Præterea. Docere, & prædicare, ex doctrina, & studio proveniunt. Sed ea quæ præmiantur in futuro, non sunt acquisita per humanum studium: quia naturalibus acquisitis non meremur. Ergo pro doctrina, & prædicatione nullus in futuro meretur aureolam.

3. Præterea. Exaltatio in futuro respondet humiliationi in præsentem: quia *qui se humiliat, exaltabitur* (Luc. xiv. 11.) sed in docendo, & prædicando non est humiliatio, immo magis superbiæ occasio: unde Glossa dicit Matth. xv. quod diabolus multos decepti honore magisterii inflatos. Ergo videtur quod prædicationi, & doctrinæ aureola non debeat.

Sed contra est. Ephes. i. super illud, *Ut sciatis quæ sit imminens &c.* dicit Glossa (Be-dæ.). „Quoddam crementum habebunt sancti doctores ultra id quod alii communiter habebunt.“ Ergo &c.

Præterea. Cant. viii. super illud, *Vinea mea est coram me*, dicit Glossa (eiusdem). „Ostendit quid singularis præmii doctoribus eius disponit.“ Ergo doctores habebunt singulare præmium; & hoc vocamus aureolam.

### SOLUTIO I.

Respondeo dicendum ad primam questionem, quod ubi est præcellens ratio victoriæ, ibi debetur aliqua specialis corona: unde

(a) *Id. deß* Ergo.

de cum per virginitatem aliquis singularem quamdam victoriam obtineat de carne, contra quam continue bellum geritur, ut patet Gal. v. 17. *Spiritus concupiscit adversus carnem*: virginitati (a) specialis corona debetur, quæ aureola nominatur: & hoc quidem communiter ab omnibus tenetur; sed cui virginitati debeatur aureola, non omnes dicunt. Quidam enim dicunt, aureolam actui deberi: unde illa quæ actu virginitatem servat, aureolam habebit, si sit de numero salvandorum. Sed hoc non videtur esse conveniens: quia secundum hoc illæ quæ habent voluntatem nubendi, & tamen antequam nupsent decedunt, habebunt aureolam. Unde alii dicunt, quod aureola debeatur statui, & non actui; ut illæ tantum virgines aureolam mereantur, quæ in statu virginitatis perpetuæ servandæ per votum se poluerunt. Sed hoc etiam non videtur conveniens: quia aliquis ex pari voluntate potest servare virginitatem non vovens, sicut alius vovens. Et ideo aliter potest dici, quod meritum omne actui virtutis debetur a caritate imperato. Virginitas autem secundum hoc ad genus virtutis pertinet secundum quod perpetua incorruptio mentis, & corporis sub electione cadit, ut patet ex his quæ dicta sunt xxxiii. dist. & ideo illis tantum virginibus aureola proprie debetur quæ propositum habuerunt virginitatem perpetuo conservandi, sive hoc propositum voto (b) firmaverint, sive non: & hoc dico secundum quod aureola proprie accipitur ut præmium quoddam merito redditum; quamvis hoc propositum aliquando fuerit interruptum, integritate tamen carnis manente, dummodo in fine vitæ invenitur: quia virginitas mentis reparari potest, quamvis non virginitas carnis, ut supra dist. xxxiii. dictum est. Si autem aureolam large accipiamus pro quocumque gaudio quod in patria habebunt super gaudium essentialia; sic etiam incorruptis carne aureola respondebit, etiam si propositum non habuerint perpetuo virginitatem servandi: non enim est dubium quod de incorruptione corporis gaudebunt, sicut & innocentes de hoc quod immunes a peccato fuerunt, quamvis etiam peccandi opportunitatem non habuerint, ut patet in pueris baptizatis. Sed hæc non est propria acceptio aureolæ, sed valde communis.

Ad primum ergo dicendum, quod in continentendo secundum aliquid maiorem pugnam sustinent virgines, & secundum aliquid viduæ, ceteris paribus. Virginibus enim con-

cupiscentiam inflammat & experiendi desiderium, quod ex quadam quasi curiositate procedit, quæ etiam sit ut homo libentius videat quæ nunquam vidit; & etiam quandoque eis concupiscentiam auget aestimatio maioris delectationis quam sit secundum veritatem, & inconsideratio eorum incommodorum quæ delectationi huiusmodi adiunguntur: & quantum ad hoc viduæ minorem sustinent pugnam, maiorem autem propter delectationis memoriam: & in diversis unum alteri præiudicabit secundum diversas hominis dispositiones: quia quidam magis moventur hoc, quidam illo. Quidquid autem sit de quantitate pugnæ, tamen hoc certum est quod perfectior est victoria virginum quam viduarum. Perfectissimum enim genus victoriæ est, & pulcherrimum, hosti nunquam cessisse. Corona autem non debetur pugnæ, sed victoriæ de pugna.

Ad secundum dicendum, quod duplex est circa hoc opinio. Quidam enim dicunt, quod beata Virgo pro virginitatis præmio non habet aureolam, si aureola proprie accipitur secundum quod respicit pugnam; tamen habet aliquid maius aureola propter perfectissimum propositum virginitatis servandæ. Alii vero dicunt, quod aureolam etiam sub propria ratione aureolæ habet excellentissimam: quamvis enim pugnam non senserit, pugnam tamen aliquam carnis habuit; sed ex vehementia virtutis adeo habuit carnem subditam, quod huiusmodi pugna ei insensibilis erat. Sed istud non videtur convenienter dici: quia cum beata Virgo credatur omnino fuisse immunis a fomitis inclinatione propter eius sanctificationem perfectam, non est pius ponere aliquam pugnam a carne fuisse in ea; quod talis pugna non sit nisi ex fomitis inclinatione, nec tentatio quæ est a carne, sine peccato esse possit, ut patet per Glossam II. Corinth. xii. super illud, *Datus est mihi stimulus carnis meæ*. Unde dicendum est, quod aureolam proprie habet, ut in hoc membris aliis Ecclesiæ conformetur in quibus virginitas invenitur: & quamvis non habuerit pugnam per tentationem quæ est a carne, habuit tamen pugnam per tentationem ab hoste, qui nec etiam ipsum Christum reveritus est, ut patet Matth. iv.

Ad tertium dicendum, quod virginitati non debetur aureola, nisi in quantum addit quamdam excellentiam super alios continentium gradus. Si autem Adam non peccasset, virginitas nullam perfectionem addidisset su-

(a) *Ad spiritualis*. (b) *Ad servandam*.

pra continentiam conjugalem: quia fuissent tunc nuptiae honorabiles, & torus immaculatus, nulla concupiscentiae sorditate existente: unde virginitas tunc servata non fuisset, nec ei tunc aureola deberetur. Sed mutata humanae naturae conditione virginitas specialem decorem habet; & ideo speciale prae-mium ei redditur. Etiam tempore legis Moy-si, quando cultus Dei etiam per carnalem-actum propagandus erat, non erat omnino laudabile a commixtione carnis abstinere: unde nec tali proposito speciale prae-mium red-deretur, nisi ex divino processisset instinctu, ut creditur de Hieremia, & de Elia, quo-rum coniugia non leguntur.

Ad quartum dicendum, quod si aliqua per violentiam oppressa fuerit, non amittit pro-pter hoc aureolam, dummodo propositum perpetuo virginitatem servandi inviolabili-ter servet, si illi actui nullo modo est con-sentens. Non tamen per hoc virginitatem perdit, ut supra dist. xxxiii. dictum est: & hoc dico sive pro fide, sive pro quacum-que alia causa violenter corrumpatur. Sed si hoc pro fide sustineat, hoc erit ei merito-rium, & ad genus martyrii pertinebit: unde Lucia dixit: *Si me invitavit violari feceris, mihi castitas duplicabitur ad coronam*: non quod habeat duas virginitatis aureolas, sed quia duplex prae-mium reportabit, unum pro virginitate custodita, aliud pro iniuria quam passa est. Dico etiam, quod si talis violent-ter oppressa concipiat, nec ex hoc meritum virginitatis perdit; nec tamen matri Christi aequabitur, in qua fuit cum integritate men-tis integritas carnis.

Ad quintum dicendum, quod virginitas nobis a natura innascitur quantum ad id quod in virginitate materiale est; sed pro-positum perpetuae incorruptionis secundae, ex quo virginitas meritum habet, non est in-natum, sed ex munere gratiae proveniens.

Ad sextum dicendum, quod non cuilibet viduae fructus sexagenarius debetur, sed ei solum quae propositum viduitatis servandae retinet, quamvis etiam votum non emittat, sicut & de virginitate dictum est.

Ad septimum dicendum, quod si frigidi, & eunuchi voluntatem habeant incorruptio-nem perpetuam servare, etiam si facultas adesse coeundi, virgines sunt dicendi, & aureolam merentur: faciunt enim de necessi-tate virtutem. Si vero voluntatem habeant ducendi coniugem, si possent, aureolam non merentur. Unde dicit Augustinus in Lib. de sancta virginitate (cap. xxxiv.) *Quibus*

*ipsum virile membrum debilitatur, ut genera-re non possint, ut sunt eunuchi, sufficit, cum Christiani fiant, & Dei praecepta custodiunt eo tamen proposito sunt, ut coniuges, (a) si possent, haberent, conjugatis fidelibus ad-aequari.*

## SOLUTIO II.

Ad secundam quaestionem dicendum, quod sicut inest quadam pugna spiritui contra in-teriores concupiscentias, ita etiam inest homi-ni quadam pugna contra passiones exterius illatas: unde sicut perfectissimae victori-ae qua de concupiscentiis carnis triumphatur, scilicet virginitati, debetur specialis corona, quae aureola dicitur; ita etiam perfectissimae victori-ae quae habetur de impugnatione ex-teriori, debetur aureola. Perfectissima autem victoria de exterioribus passionibus confide-ratur ex duobus. Primo ex magnitudine pas-sionis. Inter omnes autem passiones illatas exterius praecipue locum mors tenet, sicut & in passionibus interioribus praecipue sunt ve-nereorum concupiscentiae: & ideo quando al-iquis obtinet victoriam de morte, & ordi-natis ad mortem, perfectissima vincit. Se-cundo perfectio victori-ae consideratur ex cau-sa pugnae, quando scilicet pro honestissima causa pugnatur, quae scilicet est ipse Chris-tus. Et haec duo in martyrio considerantur, quod est mors suscepta propter Christum. Martyrem enim non facit poena, sed causa. Et ideo martyrio aureola debetur, sicut & virginitati.

Ad primum ergo dicendum, quod susti-nere mortem propter Christum, quantum est de se, est opus supererogationis: non enim quilibet tenetur fidem suam coram persecu-tore profiteri: sed in casu est de necessitate salutis, quando scilicet aliquis a persecuto-re deprehensus de fide sua requiritur, quam confiteri tenetur. Nec tamen sequitur quod aureolam non mereatur. Aureola enim non debetur operi supererogationis, inquantum est supererogatio, sed inquantum perfectio-nem quamdam habet: unde tali perfectione manente, etiam si non sit supererogatio, al-iquis aureolam meretur.

Ad secundum dicendum, quod martyrio non debetur aliquod prae-mium secundum hoc quod ab exteriori indigitur, sed secundum hoc quod voluntarie sustinetur: quia non meremur nisi per ea quae sunt in nobis: & quanto id quod quis sustinet voluntarie, est difficilius, & magis natum voluntati repu-gnare, tanto voluntas quae propter Christum illud sustinet, ostenditur firmiter fixa in Chri-sto:

fit: & ideo excellentius ei præmium debetuisse creduntur; & propter hoc eorum martyria Ecclesia celebrat.

Ad tertium dicendum, quod quidam actus sunt qui in ipso actu habent quamdam vehementiam delectionis, vel difficultatis; & in talibus actus semper addit ad rationem meriti, vel demeriti, secundum quod in actu oportet voluntatem variari ex vehementia actus a statu in quo prius erat: & ideo ceteris paribus actu luxuriam exercens plus peccat quam qui solum in actu consentit, quia in ipso actu voluntas augeatur. Similiter cum actus martyrii maximam difficultatem habeat, voluntas martyrii non pertingit ad illud meritum quod actui martyrii debetur ratione difficultatis; quamvis possit etiam pervenire ad ulterius præmium, considerata radice merendi: quia aliquis ex maiori caritate potest velle sustinere martyrium, quam alius sustineat. Uode voluntarie martyr potest mereri sua voluntate præmium essentiale æquale, vel maius eo quod martyri debetur. Sed aureola debetur difficultati quæ est ipsa pugna martyrii: unde aureola voluntarie tantum martyribus non debetur.

Ad quartum dicendum, quod sicut delectiones tactus, circa quas est temperantia, præcipuum locum tenent inter omnes delectiones interiores, & exteriores; ita dolores tactus omnibus aliis doloribus præminent: & ideo difficultati illi quæ accidit in sustinendo dolores tactus, puta qui sunt in verberibus, & huiusmodi, debetur aureola magis quam difficultati sustinendi interiores dolores; pro quibus tamen aliquis non proprie dicitur martyr, nisi secundum quamdam similitudinem; & hoc modo Hieronymus loquitur.

Ad quintum dicendum, quod afflictio patientiæ non est proprie loquendo martyrium, quia non consistit in his quæ ad mortem interfendam ordinantur, cum ordinetur solum ad carnem domandam; quam mensuram & exceßerit, erit afflictio culpanda. Dicitur ergo propter similitudinem afflictionis martyrium: quæ quidem afflictio excedit martyrii afflictionem diuturnitate, sed excedit infensione.

Ad sextum dicendum, quod secundum Augustinum in l. de civ. Dei (cap. xxvi.) nulli licitum est sibi manus incutere quancumque ex causa, nisi forte divino instinctu fiat ad exemplum fortitudinis extendendum, ut mors contemnatur. Illi autem de quibus est obiectum, divino instinctu mortem sibi in-

Ad septimum dicendum, quod si aliquis propter fidem vulnus mortale accipiat, & supervivat, non est dubium quod aureolam meretur, sicut de beata Cæcilia patet, quæ triduo supervixit, & de multis martyribus qui in carcere sunt defuncti. Sed etiam si vulnus non mortale accipiat, & tamen exinde mortem incurrat, creditur aureolam promereri; quamvis quidam dicant, quod aureolam non meretur, si ex incuria, vel negligentia propria mortem incurrat: non enim ista negligentia eum ad mortem perduxisset, nisi præiussisset vulnere quod pro fide acceptum est; & ita vulnus propter Christum susceptum est ei plena occasio mortis. Unde propter hoc aureolam non videtur amittere, nisi sit talis negligentia quæ culpam mortalem inducat, quæ ei & auream aufert, & aureolam. Si vero ex vulnere mortali suscepto non moriatur aliquo casu contingente, vel etiam vulnere non mortali suscepto, & adhuc carcerem sustinens moriatur; adhuc aureolam meretur: unde & quorundam sanctorum martyria in Ecclesia celebrantur qui in carcere mortui sunt aliquibus verberibus longe ante susceptis, sicut patet de Marcello Papa. Qualitercumque igitur afflictio propter Christum illata usque ad mortem continetur (sive mors inde sequatur, sive non) aliquis martyr efficitur, & aureolam meretur. Si vero non continetur usque ad mortem, non propter hoc aliquis dicitur martyr; sicut patet de Silvestro, de quo non solemnizatur Ecclesia sicut de martyre, quia in pace vitam finivit, quamvis prius aliquas passiones sustinuerit.

Ad octavum dicendum, quod sicut temperantia non est circa delectiones in pecuniis, vel in honoribus, & huiusmodi, sed solum in delectionibus tactus quasi præcipuis; ita etiam fortitudo est circa pericula mortis sicut circa præcipua, ut dicitur in III. Ethic. (cap. x. vel xiv.) & ideo soli iniuriæ quæ irrogatur circa corpus proprium, ex qua oata est mors sequi, debetur aureola. Sive igitur aliquis propter Christum res temporales, sive famam, vel quidquid huiusmodi amittat, non efficitur propter hoc proprie martyr, nec meretur aureolam; nec plus aliquis potest ordinate res exteriores diligere quam proprium corpus: amor autem inordinatus non coadiuvat ad meritum aureolæ: nec etiam potest dolor de amissione rerum

rerum conquari doloride corporis occisione, & aliis huiusmodi.

Ad nonum dicendum, quod causa sufficiens ad martyrium non solum est confessio fidei, sed quæcumque alia virtus, non politica, sed infusa, quæ finem habeat Christum. Quolibet enim actu virtutis aliquis testis Christi efficitur, inquantum opera quæ in nobis Christus perficit, testimonium bonitatis eius sunt: unde aliquæ virgines sunt occisæ pro virginitate, quam servare volebant, sicut beata Agnes, & quædam aliz, quarum martyria in Ecclesia celebrantur.

Ad decimum dicendum, quod veritas fidei habet Christum pro fine, vel pro obiecto: & ideo confessio ipsius aureolam meretur, si poena addatur non solum ex parte finis, sed ex parte materiæ. Sed confessio cuiuscumque alterius veritatis non est causa sufficiens ad martyrium ratione materiæ, sed solum ratione finis, utpote si aliquis prius vellet occidi quam quodcumque mendacium dicendo contra ipsum peccare.

Ad undecimum dicendum, quod etiam bonum increatum excedit omne bonum creatum: unde quicumque finis creatus, sive sit bonum commune, sive bonum privatum, non potest actui tantam bonitatem præstare quantum finis increatus, eum scilicet aliquid propter Deum agitur: & ideo cum quis propter bonum commune non relatum ad Christum mortem sustinet, aureolam non meretur; sed si hoc referatur ad Christum, aureolam merebitur, & martyr erit, utpote si Republicam defendat ab hostium impugnatione, qui fidem Christi corrumpere moliantur, & in tali defensione mortem sustineat.

Ad duodecimum dicendum, quod quidam dicunt, quod in innocentibus occisis pro Christo virtute divina acceleratus est usus rationis, sicut & in Ioanne Baptista, dum adhuc esset in materno utero; & secundum hoc vere martyres fuerunt & voluntate, & actu, & aureolam habent. Sed alii dicunt, quod fuerunt martyres actu tantum, & non voluntate; quod videtur sentire Bernardus (ubi sup.) distinguens tria genera martyrum, ut dictum est: & secundum hoc innocentes sicut non pertingunt ad perfectam rationem martyrii; sed aliquid martyrii habent ex hoc quod passi sunt pro Christo; ita etiam aureolam habent non quidem secundum perfectam rationem, sed secundum aliquam participationem, inquantum scilicet gaudent se in obsequium Christi occisos ef-

se, ut dictum est de pueris baptizatis, quod habebunt aliquod gaudium de innocentia, & carnis integritate.

### SOLUTIO III.

Ad tertiam questionem dicendum, quod sicut per martyrium, & virginitatem aliquis perfectissimam victoriam obtinet de carne, & mundo; ita & perfectissima victoria contra diabolum obtinetur, quando aliquis non solum diabolo impugnanti non cedit, sed etiam eum expellit, & non soluma se, sed etiam ab aliis. Hoc autem fit per predicationem, & doctrinam: & ideo predicationi, & doctrinæ aureola debetur, sicut & virginitati, & martyrio. Nec est dicendum, ut quidam dicunt, quod tantum debeatur prælati quibus competit ex officio prædicare, & docere; sed quibuscumque qui licite hunc actum exercent. Prælati autem non debent, quamvis habeant officium prædicandi, nisi actu prædicent: quia corona non debetur habitui, sed actuali pugne, secundum illud II. Timoth. 11. 5. *Non coronabitur nisi qui legitime certaverit.*

Ad primum ergo dicendum, quod prædicare, & docere sunt actus alicuius virtutis, scilicet misericordiz: unde & inter spirituales elemosynas computantur, ut patet supra distinct. xxv. (quæst. 11. art. 3.)

Ad secundum dicendum, quod quamvis facultas prædicandi, & docendi quandoque ex studio proveniat, tamen usus doctrinæ ex voluntate procedit, quæ per caritatem informatur a Deo infusam; & sic actus eius meritorius esse potest.

Ad tertium dicendum, quod exaltatio in hac vita non diminuit alterius vite præmium, nisi ei qui in tali exaltatione propriam gloriam querit; qui autem talem exaltationem in utilitatem aliorum convertit, ex ea sibi mercedem acquirit. Cum enim dicitur, quod doctrinæ debetur aureola, intelligendum est doctrinæ quæ est de pertinentibus ad salutem, per quam diabolus a cordibus hominum expugnatur, sicut quibuscumque spiritualibus armis, de quibus dicitur II. Corinth. x. 4. *Arma militie nostræ non sunt carnalia, sed (a) spiritualia.*

## ARTICULUS IV.

*Utrum Christo aureola debeat.*

¶ **A**D quantum sic proceditur. Videtur quod Christo aureola debeat. Debetur enim aureola virginitati, martyrio, & doctrinæ. Sed in Christo hæc tria præcipue fuerunt. Ergo Christo præcipue aureola competit.

1. Præterea. Omne quod est perfectissimum in rebus humanis, præcipue Christo est attribuendum. Sed præmium aureolæ debetur excellentissimis meritis. Ergo Christo debetur.

2. Præterea. Cyprianus dicit ( tract. de habitu virginum circa princip. ) quod imaginem Dei virginitas portat. Virginitatis ergo exemplar in Deo est; & sic videtur quod Christo etiam, in quantum est Deus, aureola competit.

Sed contra. Aureola est gaudium de conformitate ad Christum, ut dicitur. Sed nullus conformatur, vel similatur sibi ipsi, ut patet per Philosophum ( 1. Topicor. cap. xiv. ) Ergo Christo non debetur aureola.

Præterea. Christi præmium numquam est augmentatum. Sed Christus ab instanti conceptionis suæ non habuit aureolam, quia tunc numquam pugnaverat. Ergo numquam postea aureolam habuit.

## QUÆSTIUNCULA II.

1. Uterius. Videtur quod Angelis aureola debeat. Quia, ut dicit Hieronymus ( Sophronius ferm. 1. de assumpt. B. Virg. inter opera Hieron. ) de virginitate loquens: *In carne præter carnem vivere potius est visa angelica quam humana*: & 1. Cor. vii. dicit Glossa, quod virginitas est portio angelica. Cum igitur virginitati respondeat aureola, videtur quod Angelis debeatur.

2. Præterea. Nobilior est incorruptio spiritus quam incorruptio carnis. Sed in Angelis invenitur incorruptio spiritus, quia numquam peccaverunt. Ergo eis magis debetur aureola quam hominibus incorruptis carne, qui alias aliquando peccaverunt.

3. Præterea. Doctrinæ debetur aureola. Sed Angeli nos docent purgando, illuminando, & perficiendo, ut Dionysius dicit ( in Lib. cælestis Hierar. cap. xii. ) Ergo eis debetur aureola saltem doctorum.

Sed contra. II. Timoth. ii. 5. Non co-

ronabitur nisi qui legitime certaverit. Sed Angelis non est pugna. Ergo nec eis aureola debetur.

Præterea. Aureola non debetur alicui qui per corpus non exercetur: unde amantibus virginitatem, & martyrium, & doctrinam, si exterius hæc eis non insunt, aureola non debetur. Sed Angeli sunt incorporei. Ergo aureolam non habent.

## QUÆSTIUNCULA III.

1. Uterius. Videtur quod aureola etiam corpori debeat. Præmium enim essentialē est potius quam accidentale. Sed dos, quæ ad præmium essentialē pertinet, non solum est in anima, sed etiam in corpore. Ergo & aureola quæ pertinet ad præmium accidentale.

2. Præterea. Peccato quod per corpus exercetur, respondet pœna in anima, & corpore. Ergo & merito quod exercetur per corpus, debetur præmium & in anima, & in corpore. Sed meritum aureolæ per corpus exercetur. Ergo aureola etiam debetur corpori.

3. Præterea. In corporibus martyrum apparebit quædam virtutis pulchritudo in ipsis cicatricibus corporis: unde dicit Augustinus XXII. de civ. Dei ( cap. xx. in princ. ) *Nescio quomodo sic afficiuntur amore martyrum beatorum, ut velimus in illo regno in eorum corporibus videre vulnèrum cicatrices, quas pro Christi nomine pertulerunt: Et fortasse videbimus: non enim erit in eis deformitas, sed dignitas: Et quædam, quamvis in corpore, non corporis, sed virtutis pulchritudo fulgebis*. Ergo videtur quod aureola martyrum sit in corpore; & eadem ratione de aliis.

Sed contra. Animæ quæ modo sunt in paradiso, habent aureolas, nec tamen habent corpora. Ergo proprium subiectum aureolæ non est corpus, sed anima.

Præterea. Omne meritum est ab anima. Ergo præmium totum in anima esse debet.

## SOLUTIO I.

Respondeo dicendum ad primam quæstionem, quod circa hoc duplex est opinio. Quidam enim dicunt, quod in Christo est aureola secundum propriam aureolæ rationem, cum ( a ) in eo pugna inveniat, & victoria, & per consequens corona secundum propriam rationem. Sed diligenter con-

sider-

( a ) id est cum in pugna.

fiderando, quamvis Christo competat ratio aureæ, vel coronæ, non tamen ei competit ratio aureolæ: aureola enim ex hoc ipso quod diminutive dicitur, importat aliquid quod participative, & non secundum sui plenitudinem possidetur: unde illis competit aureolam habere in quibus est aliqua perfectioris victoriæ participatio secundum imitationem eius in quo perfectæ victoriæ plena ratio consistit: & ideo cum in Christo inveniatur huiusmodi principalis, & plena victoriæ ratio, per cuius victoriam omnes alii victores constituuntur, ut patet Ioan. xvi. 33. *Confidite: ego vici mundum:* & Apoc. v. 5. *Eccc vicit Leo de tribu Iuda:* Christo non competit aureolam habere, sed aliquid unde omnes aureolæ originantur: unde Apoc. 11. 21. *Qui viciit, (a) faciam cum sedere in throno meo, sicut ego vici, & sedeo in throno Patris mei.* Unde secundum alios dicendum est, quod quamvis id quod est in Christo, non habeat rationem aureolæ, tamen est excellentius omni aureola.

Ad primum ergo dicendum, quod Christus fuit verissime virgo, martyr, & doctor; sed tamen primum accidentale his respondens in Christo non habet aliquam notabilem quantitatem in comparatione ad magnitudinem essentialis pramii: unde non habet aureolam sub ratione aureolæ.

Ad secundum dicendum, quod aureola, quamvis debeat operi perfectissimo quo ad nos, tamen aureola inquantum diminutive dicitur, significat quamdam participationem perfectionis ab aliquo in quo plenarie invenitur; & secundum hoc ad quamdam minorationem pertinet: & sic in Christo non invenitur, in quo omnis perfectio plenissime invenitur.

Ad tertium dicendum, quod quamvis virginitas habeat aliquo modo exemplar in Deo, non tamen habet exemplar unius rationis: incorruptio enim Dei, quam virginitas imitatur, non eadem ratione est in Deo, & in aliquo virgine.

### SOLUTIO II.

Ad secundam quæstionem dicendum, quod Angelis aureola non debetur: cuius ratio est, quia aureola proprie respondet cuidam perfectioni in excellenti merito. Ea vero quæ in hominibus ad perfectionem meriti pertinent, Angelis sunt connaturalia, vel

etiam spectant ad communem eorum statum, aut etiam ad ipsum pramium: & ideo (b) propter quæ hominibus debetur aureola, Angeli non habent aureolas.

Ad primum ergo dicendum, quod virginitas dicitur esse vita angelica, inquantum per gratiam virgines imitantur id quod Angeli habent per naturam: non enim virtus est in Angelis quod omnino a delectationibus carnis ablineant, cum huiusmodi delectationes in eis esse non possint.

Ad secundum dicendum, quod perpetua incorruptio spiritus in Angelis primum essentialiter meretur: est enim de necessitate salutis, cum in eis non possit subsequi reparatio post ruinam.

Ad tertium dicendum, quod illi actus secundum quos Angelis nos docent, pertinent ad gloriam eorum, & ad communem ipsorum statum: unde per huiusmodi actus aureolam non merentur.

### SOLUTIO III.

Ad tertiam quæstionem dicendum, quod aureola proprie est in mente, est enim gaudium de operibus illis quibus aureola debetur. Sed sicut ex gaudio essentialis pramii, quod est aurea, redundat quidam decor in corpore, qui est gloria corporis; ita ex gaudio aureolæ resultat aliquis decor in corpore; ut sic aureola principaliter sit in mente, sed per quamdam redundantiam fulgeat etiam in carne.

Et per hoc patet responsio ad obiecta.

Tamen sciendum est, quod decor cicatricum quæ in corporibus martyrum apparebunt, non potest dici aureola: quia aliqui martyres aureolam habebunt in quibus huiusmodi cicatrices non erunt, utpote illi qui sunt submersi, aut famis inedia, vel squalore carceris interempti.

### ARTICULUS V.

*Utrum convenienter designentur tres aureolæ.*

1. AD quintum sic proceditur. Videtur quod inconvenienter designentur tres aureolæ, virginum, martyrium, & prædicatorum. Aureola enim martyrum responderet virtuti fortitudinis, aureola virginum virtuti temperantiæ, aureola vero doctorum vir-

(a) Vulgata: *dabo ei sedere mecum in throno &c.* (b) *scilicet* ratione eorum quæ hominibus &c.



virtuti prudentiæ. Ergo videtur quod debeat esse quarta aureola, quæ debeat in-  
stitui.

2. Præterea. Exod. xxv. dicit Glossa (ex Beda Lib. I. de tabern. cap. vi.) quod corona aurea additur, cum per Evangelium his qui mandata custodiunt, vita æterna promittitur. Matth. xix. 17. *Si vis ad vitam ingredi, serva mandata.* Huic aureola superponitur cum dicitur: (ibid. 22.) *Si vis perfectus esse, vende, & vende omnia que habes, & da pauperibus.* Ergo paupertati debetur aureola.

3. Præterea. Per votum obedientiæ aliquis se Deo subicit totaliter. Ergo in voto obedientiæ maxima perfectio consistit; & ita videtur quod ei aureola debeat.

4. Præterea. Multa sunt etiam alia supererogationis opera, de quibus homo in futuro speciale gaudium habebit. Ergo multe sunt etiam aureolæ præter illas tres.

5. Præterea. Sicut aliquis divulgat fidem predicando, & docendo, ita scripta compilando. Ergo & talibus quarta aureola debetur.

## QUAESTIUNCULA II.

1. Ulterius. Videtur quod aureola virginum sit inter alias potissima. Quia Apoc. xiv. dicitur de virginibus quod sequuntur agnum quocumque ierit; & quod nemo alius poterat dicere canticum quod virgines cantabant. Ergo virgines habent excellentiorem aureolam.

2. Præterea. Cyprianus dicit de virginibus (sive tract. seu lib. de habit. virg. circ. princ.) quod sunt illustrior portio gregis Christi. Ergo eis magis aureola debetur.

3. Præterea. Videtur quod potissima sit aureola martyrum. Quia dicit Haymo (super Apocal. cap. xiv.) quod non omnes virgines conjugatos præcedunt; sed hi specialiter qui in tormento passionis virginitate insuper custodita coquantur martyribus coniugatis. Ergo martyrium dat virginitati præminentiam superalios status. Ergo martyrio potior aureola debetur.

4. Præterea. Videtur quod potissima debeatur doctori. Quia Ecclesia militans exemplata est ab Ecclesia triumphante. Sed in Ecclesia militante maximum honor debetur doctoribus. I. Timoth. v. 17. *Qui bene præfuerunt presbyteri, duplici honore digni habentur, maxime qui laborant in verbo, & doctrina.* Ergo in Ecclesia triumphante ei potior aureola debetur.

S. Th. Oper. Tom. XIII.

(a) In ecclesia supponitur.

1. Ulterius. Videtur quod unus aureolam virginitalis, vel martyrii, vel doctoris excellentius alio non habet. Quia ea quæ sunt in termino perfectionis, non intenduntur, & remittuntur. Sed aureola debetur operibus quæ sunt in termino perfectionis. Ergo aureola non intenditur, nec remittitur.

2. Præterea. Virginitas non suscipit magis & minus, cum importet privationem quamdam; & negationes non intenduntur, nec remittuntur. Ergo nec primum virginitatis, scilicet aureola virginum, intenditur, & remittitur.

Sed contra. Aureola (a) superponitur aureæ. Sed aurea est intensior in unoquam in alio. Ergo & aureola.

## SOLUTIO I.

Respondeo dicendum ad primam questionem, quod aureola est quoddam privilegiatum primum, privilegiate victoriæ respondens, ut patet ex dictis; & ideo secundum privilegiatas victorias in tribus pugnis, quæ cuilibet homini imminet, tres aureolæ sumuntur. In pugna enim quæ est contra carnem, ille potissimum victoriam obtinet qui a delectabilibus veneris, quæ sunt præcipua in hoc genere, omnino abstinet; & ideo virginitati aureola debetur. In pugna vero quæ contra mundum pugnatur, illa est præcipua, cum a mundo persecutionem usque ad mortem sustinemus: unde & martyribus, qui in ista pugna victoriam obtinent, secunda aureola debetur. In pugna vero quæ contra diabolum pugnamus, illa est præcipua victoria, cum aliquis hostem non solum a se, sed a cordibus aliorum removet; quod fit per predicationem, & doctrinam; & ideo doctoribus, & prædicatoribus tertia aureola debetur. Quidam vero distinguunt tres aureolas secundum tres vires animæ, ut dicantur tres aureolæ respondere potissimis trium virium animæ actibus. Potissimus enim actus rationalis est veritatem fidei etiam in aliis diffundere; & huic actui debetur doctorum aureola. Irascibilis vero actus potissimus est etiam mortem propter Christum superare; & huic actui debetur aureola martyrum. Concupiscibilis autem actus potissimus est a delectabilibus maximis penitus abstinere; & huic debetur aureola virginum. Alii vero aureolas tres distinguunt secundum ea quibus Christo nobilissime con-

Zzz

for-

formatur. Ipse enim mediator fuit inter mundum & Patrem. Fuit ergo doctor, secundum quod veritatem quam a Patre acceperat, mundo manifestavit; fuit autem martyr, secundum quod a mundo persecutionem sustinuit; fuit vero virgo, inquantum puritatem in seipso conservavit. Et ideo doctores, martyres, virgines ei perfectissime conformantur: unde talibus debetur aureola.

Ad primum ergo dicendum, quod in actu iustitiæ non attenditur aliqua pugna, sicut in actibus aliarum virtutum: nec tamen hoc verum est, quod docere sit actus prudentiæ; immo potius est actus caritatis, vel misericordie, secundum quod ex tali habitu inclinamur ad huiusmodi exercitium, vel etiam sapientiæ ut dirigentis. Vel potest dici secundum alios, quod iustitia circum omnes virtutes: & ideo ei specialis aureola non debetur. Quomodo autem hoc sit verum, dictum est in Lib. III. dist. xxxiii. (quæst. 111. art. 4.)

Ad secundum dicendum, quod paupertas quamvis sit opus perfectionis, non tamen tenet summum locum in aliqua spiritali pugna: quia amor eorum alius minus impugnat quam concupiscentia carnis, vel persecutio inflicta in corpus proprium. Unde paupertati non debetur aureola, sed debetur ei iudiciaria potestas ratione humilitationis, quæ consequitur paupertatem, ut supra dictum est. Glossa autem inducta large accipit aureolam pro quolibet præmio quod redditur merito excellenti.

Et similiter dicendum ad tertium, & quartum.

Ad quintum dicendum, quod etiam scriptis sacra doctrina debetur aureola; sed hæc non distinguitur ab aureola doctorum, quia scripta componere quidam modus docendi est.

## SOLUTIO II.

Ad secundam quæstionem dicendum, quod præminencia aureolæ ad aureolam potest dupliciter attendi. Primo ex parte pugne, ut dicatur aureola potior quæ fortiori pugne debetur; & per hunc modum aureola martyrum aliis aureolis supereminet quodammodo, & aureola virginum alio modo. Pugna enim martyrii est fortior secundum seipsam, & vehementius affligens: pugna carnis est periculosior, inquantum est diuturnior, & magis nobis imminet e vicino. Secundo ex parte eorum de quibus est pugna; & sic aureola doctorum inter omnes est potior

quia huiusmodi pugna versatur circa bona intelligibilia, aliæ vero pugne circa sensibiles passionibus. Sed illa eminentia quæ attenditur ex parte pugne, est aureolæ essentialior: quia aureola secundum propriam rationem respicit victoriam, & pugnam. Difficultas etiam pugne quæ attenditur ex parte ipsius pugne, est potior quam illa quæ attenditur ex parte nostri, inquantum est nobis viciniore. Et ideo, simpliciter loquendo, aureola martyrum inter omnes est potior; & ideo dicitur Matth. v. in Glossa (Ambrosii) quod in octava beatitudine, quæ ad martyres pertinet, scilicet *Beati qui persecutionem patiuntur* &c. omnes aliæ perficiuntur. Propter hoc etiam Ecclesia in connumeratione sanctorum martyres doctoribus, & virginibus præordinat. Sed quantum ad aliquid, nihil prohibet alias aureolas excellentiores esse.

Et per hoc patet solutio ad obiecta.

## SOLUTIO III.

Ad tertiam quæstionem dicendum, quod cum meritum sit quodammodo præmii causa, oportet diversificari præmia, secundum quod merita diversificantur. Aliquid enim intenditur, & remittitur per intensiorem, & remissionem suæ causæ. Meritum autem aureolæ potest esse maius, & minus: unde & aureola potest esse maior, & minor. Sciendum tamen, quod meritum aureolæ potest intendi dupliciter: uno modo ex parte radicis, alio modo ex parte operis. Contingit enim esse aliquos duos, quorum unus ex minori caritate maius tormentum martyrii sustinet, vel magis prædicationis instat, aut etiam magis se a delectabilibus carnis elongat. Intensiōi ergo meriti, quæ attenditur penes radicem, non respondet intensio aureolæ, sed intensio aureæ; sed intensio meriti quæ est ex genere actus, respondet intensio aureolæ. Unde potest esse quod aliquis qui minus in martyrio meretur quantum ad essentielle præmium, habeat pro martyrio maiorem aureolam.

Ad primum ergo dicendum, quod merita quibus debentur aureolæ, non attingunt ad terminum perfectionis simpliciter, sed secundum speciem, sicut ignis est specie subtilissimum corporum: unde nihil prohibet unam aureolam alia esse excellentiorem, sicut unus ignis est alio subtilior.

Ad secundum dicendum, quod una virginitas potest esse alia maior propter maiorem recessum a virginitatis contrario, ut dicatur

in illa esse maior virginitas quæ magis occasionem corruptionis vitæ; sicut privationes intendi possunt, ut cum dicitur homo magis cæcus, quia magis elongatur a visu.

## EXPOSITIO TEXTUS.

**S**uos fines habebunt duæ civitates. Hoc ideo dicitur, quia usque ad diem iudicii numerus electorum, & damnatorum augetur; & etiam gloria, & pœna augeri potest saltem quantum ad præmium, & pœnam accidentalem; sed post iudicium ulterius augeri non poterit.

*Denarius enim unus.* Hoc dicitur propter hoc quod idem est obiectum omnium beatorum.

*Ille quippe beate vivit quid vivit ut vult, nec male aliquid vult.* Hæc sententia Augustinus concordat cum sententia Philosophi (II. de Anima tex. com. xxxvii.) ut per vivere operatio vitæ intelligatur; per hoc autem quod dicitur, *ut vult*, ostenditur operatio non impedita; per hoc autem quod dicitur, *nec aliquid male vult*, ostenditur esse connaturalis, quia mala sunt contra naturam.

*Quo retardatur quodammodo, ne tota intentione pergat in illud summum celum, donec appetitus ille conquiescat.* Ista retardatio intelligitur quantum ad hoc quod anima a corpore separata non habet perfectum esse, & ita nec perfectam operationem, qua possit Deo perfecte coniungi.



## DISTINCTIO L.

*Si mali in inferno peccabunt.*

**H**IC oritur quæstio, ex præmissis ducens originem. Supra enim Augustinus (in Enchirid. cap. xxi.) loquens de malis in inferno damnatis, & de bonis in cælo glorificatis, dixit, quod nec bonis voluntas, nec malis facultas esse peccandi poterit. Et de bonis quidem constat; sed de malis, a quibus voluntatem malam non removet, quæritur, quomodo sit verum eos non posse peccare, immo quomodo verum sit eos non peccare, cum malam habeant voluntatem. Quidam autem illam voluntatem non esse peccatum, sed supplicium tantum. Alii vero peccatum esse fatentur, sed per illud eos non mereri aliquam pœnam, quia non est ibi locus merendi. Illud ergo peccatum dicunt non esse meritum supplicii, sed supplicium mali meriti quod in hac vita præcessit. De hoc autem Augustinus (Fulgentius de Fide ad Petrum cap. iiii.) ita dicit: „Tempus acquirendi vitam æternam in hac „tantum vita Deus hominibus dedit, ubi voluit etiam pœnitentiam esse fructuo- „sam. (1) Ideo hic pœnitentia fructuosa est, quia potest hic homo deposita ne- „quitia bene vivere, & mutata voluntate (2) iniusta, merita simul, operaque „mutare, & ea gerere quæ Deo placeant: quod qui in hac vita non fecerit, ha- „bebit quidem pœnitentiam in futuro sæculo de malis suis, sed indulgentiam in „spectu Domini non inveniet: quia etsi erit stimulus pœnitentiae, tamen nul- „la erit ibi correctio voluntatis. A talibus enim ita culpabitur iniquitas sua, ut „nullatenus ab eis possit vel diligi, vel desiderari iustitia: voluntas enim eorum „talis erit, ut habeat semper in se malignitatis suæ supplicium, numquam tamen „recipere possit bonitatis affectum. Quia sicut illi qui cum Christo regnabunt, „nullas in se malæ voluntatis reliquias habebunt; ita illi qui erunt in supplicio „æterni ignis cum diabolo, & Angelis eius deputati, sicut nullam habebunt ulte- „rius requiem, sic bonam nullatenus poterunt habere voluntatem: & sicut cohe- „redibus Christi dabitur perfectio gratiæ ad æternam gloriam; ita confortibus dia- „boli cumulabit ipsa malignitas pœnam, quando exterioribus deputati tenebris, „nullo illustrabuntur interiori lumine veritatis.“ Ex his apparet reprobos in infer- „no pœnitentiam sic gesturos, ut per eam pravam voluntatem non deferant; & il-

Zzz 2

la

(1) *Id.* ideo hæc.(2) *Id.* deest iniusta.

la maligna voluntas erit eis ad cumulum poenae, per quam tamen non crebretur, quia nullus meretur nisi in hac vita.

*Quare dicuntur tenebrae exteriores.*

**H**IC quæri potest, quare illæ tenebræ quibus involventur mali in gehenna, dicuntur tenebræ exteriores. Quia tunc mali penitus extra lucem corporalem, & spiritualem, scilicet Domini, erunt. Nunc enim etsi patiantur tenebras in cæcitate mentis, non tamen penitus extra lucem Dei sunt, nec corporali luce privantur. De hoc Augustinus sic ait (in Psal. vi. vers. 6. aliis verbis) „Ira Dei & in iudicio erit, & hic est in cæcitate mentis, cum dantur mali in reprobum sensum. Ibi exteriores tenebræ erunt, quia tunc peccatores penitus erunt extra Deum. Quid est enim penitus esse extra Deum, nisi in summa cæcitate? Si quidem habitat Deus lucem inaccessibilem. Hæ autem tenebræ hic iam incipiunt in peccante, cum ab interiori Dei luce secluditur, sed non penitus dum in hac vita est.“ Ecce quare ibi peccator dicitur pati exteriores tenebras, & non hic: quia ibi secluditur penitus a luce Dei, quod non hic. Sed quomodo intelligenda est illa seclusio? An quia non videbunt Deum per speciem? Sed nec aliquis videt hic Deum per speciem. An per dissimilitudinem quam facit peccatum inter Deum & hominem? Sed & hic multi per gravia peccata elongantur a Deo. An quia Deum (1) odium, ira ut velint eum non esse? Sed & hic multi Deum oderunt, de quibus scriptum est (Psal. lxxiii. 23.) „Superbia eorum qui te oderunt, ascendet semper.“ Quæ est ergo illa elongatio? Sane exteriores tenebræ intelligi possunt quædam malignitas odii, & voluntatis, quæ tunc excrecet in mentibus reproborum, & quædam oblivio Dei: quia tormentorem interiorum, & exteriorum doloribus adeo afficiuntur, & turbantur, ut ab illis ad cogitandum aliquid de Deo vix, vel raro, vel nunquam mentem revocent: ut qui nimio premuntur pondere, adeo stupefunt, & turbantur, ut interim in aliam cogitationem non se extendant; sed illuc tendit impetus cogitationis, ubi sentitur vis doloris. Sed in hac vita nullus adeo malus est ut penitus secludatur a cogitatione Dei, qui nec perdit appetitum beatitudinis, & quemdam boni amorem quem naturaliter habet rationalis creatura. Illas autem exteriores, & profundissimas tenebras reprobos perpeffus post iudicium dicit Augustinus, opponens de illo divite qui in inferno positus, elevans oculos vidit Abraham, & in sinu eius Lazarum; cuius comparatione coactus est confiteri mala sua usque adeo ut fratres roget ab his præmereri (Luc. xvi.) quod ante iudicium factum legitur; sed post iudicium in profundioribus tenebris erunt impii, & nullam Dei lucem videbunt cui consistantur.

*De animabus damnatarum, si quam habent notitiam eorum quæ hic sunt.*

**P**RAETerea quæri solet, si reproborum animæ quæ nunc in inferno cruciantur, notitiam habent eorum quæ circa suos in hac vita geruntur, etsi aliquo modo doleant super infortuniis suorum carorum. Hanc quæestionem Augustinus (super Psal. cviii. versus finem) commemorat, ex parte eam explicans, ex parte vero insolutam relinquens: ait enim: „Quæret aliquis, an ullus dolor tangat mortuos de his quæ in suis post mortem contingunt, vel quomodo ea quæ circa nos aguntur, noverint spiritus defunctorum. Cui respondeo, magnam esse quæestionem, nec in præfenti disserendam. Verumtamen breviter dici potest, quod est cura mortuis de suis caris, ut de divite legitur, qui dum tormenta apud inferos pateretur, levavit oculos ad Abraham, & inter alia dixit (Luc. xvi. 28.) Habeo enim quinquæ fratres: mitte aliquem ex mortuis, ut testetur illis, ne & ipsi veniant in hunc locum tormentorum. Habent enim mortui curam de vivis, quos sciunt.

(1) Nihil odere.

„ vivere : quia nec in locis pœnarum vident eos, ubi dives sine fratribus erat, nec  
 „ in requie beatorum, ubi Lazarus, & Abraham, quamvis a longe agnoscebat.  
 „ Non tamen ideo consequens est eos scire quæ circa caros suos aguntur hic vel  
 „ læta, vel tristica. “

*Quomodo accipienda sunt quæ de Lazaro, & divite leguntur.*

**S**i quis autem quærat, quomodo intelligitur quod de Lazaro, & divite legitur ;  
 „ audiat Augustini responsum dicentis (Lib. VIII. super Gen. ad litteram cap. v.)  
 „ Si quis putat animas corpore exutas locis corporalibus contineri, cum sint sine  
 „ corpore, non deerunt qui faveant, & divitem sitientem in loco corporali fuisse  
 „ contendant, ipsamque animam corpoream præparasse linguam, & stillam de La-  
 „ zari digito cupisse. Sed melius est dubitare de occultis, quam litigare de incer-  
 „ tis. Divitem in supplicio, pauperem in refrigerio esse non dubito; sed quomodo  
 „ intelligatur divitis lingua, digitus Lazari, flamma inferni, sinus Abraham, & hu-  
 „ iusmodi, vix a maniferis, a contentiosis numquam invenitur. “

*Si se vident boni, & mali.*

**Q**uari etiam solet, utrum vicissim se videant illi qui sunt in inferno, & illi qui  
 „ sunt in gloria. Sicut sancti tradunt, & boni malos, & mali bonos vident us-  
 „ que ad iudicium. Post iudicium vero boni videbunt malos, sed non mali bonos.  
 „ Unde Gregorius ( hom. xl. in Evang. ) „ Infideles in imo positi ante diem iudi-  
 „ cii fideles super se in requie attendunt, quorum gaudia post contemplari non  
 „ possunt. “

*De chaos inter bonos & malos.*

**S**ED cum sancti malos in tormentis videant, nonne aliqua compassione erga eos  
 „ moventur? Nonne eos de tormentis liberari cupiunt? Recole illud evangeli-  
 „ cum, quod Abraham diviti respondit (Luc. xvi. 26.), „ Inter nos & vos chaos ma-  
 „ gnum firmatum est, ut hi qui volunt hinc transire ad vos, non possint, neque  
 „ inde huc transire. “ Quid est illud chaos inter bonos & malos, nisi hinc  
 „ iustitia, inde iniquitas, qua nullatenus sociari valent? Adeo enim sancti Dei iusti-  
 „ tiæ addicti sunt, ut nulla compassione ad reprobos transire valeant, nulla pro eis  
 „ inter sanctos fiat intercessio. Quomodo ergo inde volunt aliqui transire ad illos,  
 „ sed non possunt? Quia si Dei iustitia admitteret, non fieret eis molestia liberatio  
 „ eorum. Vel ita dicuntur velle, & non posse, non quia velint, & non possint, sed  
 „ quia etsi vellet, non possent eos iuvare. De hoc ita Gregorius ait ( ubi supra. )  
 „ Sicut reprobi a pœnis ad gloriam sanctorum transire volunt, & non possunt; ita  
 „ & iusti per misericordiam mente ire volunt ad positos in tormentis, ut eos li-  
 „ berent, sed non possunt: quia iustorum animæ etsi in naturæ suæ bonitate miseri-  
 „ cordiam habent, iam tunc auctoris sui iustitiæ coniunctæ tanta rectitudine con-  
 „ stringuntur, ut nulla ad reprobos compassione moveantur. “

*Quod visa impiorum pœna non minuit beatorum gloriam.*

**P**ostremo quæritur, an pœna reproborum visa decoloret gloriam beatorum, an  
 „ eorum beatitudini proficiat. De hoc ita Gregorius ait ( ut supra. ), „ Apud ani-  
 „ mum iustorum non obscurat beatitudinem aspecta pœna reproborum: quia iam  
 „ ubi compassio miseræ non erit, minuere beatorum lætitiarum non valebit. Et li-  
 „ cet iustis sua gaudia sufficiant, ad maiorem tamen gloriam vident pœnas malo-  
 „ rum, quas per gratiam evaserunt: quia qui Dei claritatem vident, nil in crea-  
 „ tura agit quod videre non possint. Non est autem mirandum quod sancti iam  
 „ im-

„ immortales reprobos videant mentis intelligentia, cum Prophetae mortales adhuc  
 „ videre hæc omnia inmeruerint. Egreſſentur ergo electi non loco, ſed intelligentia,  
 „ vel viſione manifeſta ad videndum impiorum cruciatus (ut Hieronymus ait in  
 „ cap. lxxvi. Iſaie) quos videntes non dolore afficiuntur, ſed lætitia ſatiabuntur,  
 „ agentes gratias de ſua liberatione, viſa impiorum ineffabili calamitate. Unde Iſa-  
 „ ias impiorum tormenta deſcribens, & ex eorum viſione lætitiā bonorum expri-  
 „ mens, ait (cap. lxxvi.) Egreſſentur (electi ſcilicet) & videbunt cadavera viro-  
 „ rum qui prævaricari ſunt in me. Vermis eorum non morietur, & ignis non  
 „ extinguetur, & erunt uſque ad ſatietatem viſionis omni carni (id eſt electis.)  
 „ Lætabitur enim iuſtus, cum viderit vindictam.“  
 „ (1) Hæc de pedibus ſedentis ſuper ſolum excelſum, quos Seraphim duabus  
 „ alis velabant, ſcriptori, etſi non auditori, commemorariſſe ſufficiat, qui a facie ex-  
 „ orſus ſedentis, per media ad pedes uſque via duce peruenit.

## DIVISIO TEXTUS.

POſtquam determinavit Magiſter de glo-  
 ria ſanctorum poſt iudicium generale,  
 hic determinat de pœnis impiorum: & di-  
 viditur in partes duas. In prima propoſitum  
 præloquitur. In ſecunda ponit totius operæ  
 epilogum, ibi, *Hæc de pedibus ſedentis ſuper  
 ſolum excelſum .... commemorariſſe ſufficiat.*  
 Prima autem pars dividitur in duas partes.  
 In prima determinat de pœnis damnatorum  
 quantum ad effectum. In ſecunda determinat  
 de pœnis eorum quantum ad cognitionem,  
 ſive intellectum, ibi, *Hic queri ſolet,  
 quare ille tenebra, quibus involvuntur mali in  
 guberna, dicuntur tenebra exteriores.* Et hæc  
 pars dividitur in partes tres. In prima oſtendit  
 quomodo excluduntur a cognitione Dei  
 per hoc quod ſunt in tenebris exterioribus.  
 In ſecunda oſtendit qualiter ſe habeat eo-  
 rum cognitio ad ea quæ in hoc mundo ag-  
 untur, ibi, *Præterea queri ſolet, ſi reprobo-  
 rum anime que nunc in inferno cruciantur,  
 notiā habeant eorum qua circa ſuos in hac  
 vita geruntur.* In tertia qualiter ſe habeat  
 ad cognoscenda ea quæ erga ſanctos aguntur,  
 ibi, *Queri etiam ſolet, utrum viciffim ſe vi-  
 deant illi qui ſunt in inferno, & illi qui ſunt  
 in gloria.* Secunda pars dividitur in duas.  
 In prima inquit, utrum mortui cognoscant  
 ea quæ hic aguntur. In ſecunda movet du-  
 bitationem quamdam ex diſcis, ibi, *Si quis  
 autem querat quomodo intelligatur quod de La-  
 zaro, & divite legitur, audias Auguſtini  
 reſponſum.* Tertia vero pars dividitur in duas.  
 In prima oſtendit quomodo boni, & mali  
 invicem ſe videant. In ſecunda inquit,  
 quid accidat ſanctis ex viſione damnatorum,  
 ibi, *Sed cum ſancti malos in tormentis vi-*

*deant, nomine aliqua compaſſione erga eos mo-  
 ventur?* Et hæc pars dividitur in duas. In  
 prima inquit, utrum ſancti videntes dam-  
 natorum miſeriam eis compatiuntur. In  
 ſecunda, utrum ex hoc quod pœnam damna-  
 torum vident, eorum gloria minuat, ibi.  
*Poſtremo queritur, an pœna reproborum viſa  
 decoloret gloriam beatorum.*

## QUAESTIO I.

Hæc queruntur duo. Primo de cogitatio-  
 ne naturali animæ ſeparatæ. Secundo  
 de pœna damnatorum.

Circa primum queruntur quatuor.

Primo. Utrum anima poſſit aliquid in-  
 telligere a corpore ſeparata.

Secundo. Utrum poſſit intelligere per ſpe-  
 cies quas a ſenſibilibus accepit, dum corpo-  
 ri eſſet iuncta.

Tertio. Utrum anima ſeparata ſingularia  
 cognoscat.

Quarto. Utrum localis diſtantia eius cog-  
 nitionem impediat.

Utrum autem ſenſibus utatur, quæſitum eſt  
 ſupra diſt. xlv.

## ARTICULUS I.

Utrum anima aliquid intelligere poſſit a cor-  
 pore ſeparata.

I. P. quæſt. lxxxix. art. 1. & de ver. quæſt. xix.  
 art. 1.

AD primum ſic proceditur. Videtur  
 quod anima nihil intelligere poſſit a  
 corpore ſeparata. Quia, ut dicit Philoſophus  
 in I. de Anim. (text. lxxvi.) intelligere  
 & con-

(1) Sequens appendix cum eius expoſitione ſeuſſim ad calcem Libri ponitur in editione Pariſienſi Nico-  
 lai.

& considerare consumitur quodam interius corrupto. Sed per mortem illud quod est interius ex parte corporis, corrumpitur. Ergo post mortem non potest anima intelligere aliquid, & considerare.

2. Præterea. Nulla actio communis corpori, & animæ potest remanere in anima, corpore corrupto. Sed intelligere est quædam actio corpori, & animæ communis, sicut & texere, & ædificare, ut patet in I. de Anima (text. lxxv.) Ergo, corpore corrupto, anima non potest intelligere.

3. Præterea. Anima nihil potest intelligere sine intellectu possibili. Sed intellectus iste est corruptibilis, ut dicitur in III. de Anima (text. xx.) non autem corrumpitur nisi corpore corrupto. Ergo anima a corpore separata nihil potest intelligere.

4. Præterea. Ut dicitur in III. de Anima (text. xxx.) sicut se habent colores ad visum, ita se habent phantasmata ad animam intellectivam. Sed destructis coloribus visus nihil posset videre. Ergo destructis phantasmatibus anima nihil poterit intelligere. Phantasmata autem non remanent in anima separata, cum sint in imaginatione, quæ habet organum corporale. Ergo anima separata nihil potest intelligere.

5. Præterea. Perfectius esse habet anima in corpore quam a corpore separata, sicut pars in toto perfectior est quam per se existens. Sed anima intellectiva, cum est in corpore, non potest intelligere sine phantasmatibus, ut patet in I. & III. de Anima. Ergo nec separata a corpore sine eis intelligere poterit; & sic idem quod prius.

6. Præterea. Intellectus humanus est factus sicut tabula in qua nihil est scriptum, ut dicitur in III. de Anima (text. xiv.) Ergo anima in sui creatione non habet aliquas formas concreatas. Si ergo intelligit aliquid, oportet quod intelligat per formas a sensibus acceptas, cum omnis cognitio fiat per aliquam formam quæ sit similitudo rei cognitæ. Sed animæ puerorum defunctorum in utero matris non habent aliquas formas a sensibus acceptas. Ergo saltem animæ puerorum non possunt intelligere aliquid, cum non habeant aliquas intelligibiles formas.

7. Præterea. Anima ad hoc dicitur esse corpori coniuncta, ut scientiis, & virtutibus perficiatur. Ergo antequam in corpore fuerit scientia perfecta, non potest intelligere aliquid: alias frustra corpori coniungeretur. Sed animæ parvulorum prædictorum non fue-

tunt aliqua scientia in corporibus perfectæ. Ergo idem quod prius.

Sed contra. Philosophus dicit in II. Celi & mundi (text. xvii.) quod omnis res est propter suam operationem: unde re remanente remanet eius operatio: & hoc est quod Damascenus dicit (Lib. II. de Fide orthod. cap. ii.) quod nulla substantia est otiosa. Si ergo anima post corpus remanet, sicut fides ponit, oportet quod aliqua eius operatio remaneat: quia, ut dicitur in I. de Anima (text. xiii.) si nulla operatio animæ est ei propria sine corpore, non contingit eam separari. Sed intelligere est maxime propria eius operatio. Ergo anima separata aliquid intelligere potest.

Præterea. Sicut dicit Avicenna in sua Metaph. (tract. iiii. cap. viii.) immunitas a materia est causa quare aliqua substantia sit intellectiva. Sed anima separata a corpore immuniore est a materia quam corpori coniuncta: quia tunc non est actus alicuius materię, sicut modo est. Cum ergo anima modo intelligat, multo magis intelliget cum erit a corpore separata.

Præterea. Avicenna dicit in VI. de naturalibus (part. v. cap. iiii.) quod anima non indiget imaginatione, & aliis virtutibus sensibilibus, nisi in principio tantum, & non postea, nisi parum. Cum ergo proficit, & roboratur, sola per se operatur actiones suas absolute; & sic anima indiget sensibus sicut homo indiget iumento, & eius apparatu, ut perveniat eo quo proponit; quo cum acceperit, non eius ulterius indigebit. Ergo anima non semper indiget corpore ad intelligendum; & sic separata intelligere poterit.

## S O L U T I O.

Respondeo dicendum, quod ponentibus intellectum a potentiis sensitivis differre, necesse est ponere intellectus substantiam incorruptibilem esse, eo quod necesse est eum immaterialem ponere, nec a materia secundum esse dependentem. Omnem autem huiusmodi substantiam oportet incorruptibilem esse: quia materia, in quantum potest esse subiectum privationis, & formæ, est corruptionis causa in rebus materialibus. Unde dicit Philosophus in I. de Anima (text. lxxv.) quod intellectus videtur esse substantia quædam, & non corrupti. Quidam vero hunc intellectum corruptibilem dixerunt non esse partem animæ humanæ, sed esse aliquam

liquam substantiam omnino a corpore separata; animam vero humanam non dici intellectivam nisi secundum quamdam participationem intellectualitatis ex refugentia intellectus separati super ipsam: unde destructo corpore anima humana nec remanebat, nec aliquid intelligere poterat. Sed hoc videtur esse contra intentionem Philosophi: dicit enim in II. de Anima (text. xxi.) de intellectu loquens, quod intellectus videtur esse alterum genus animæ; & hoc solum conringit separari sicut perpetuum a corruptibili. In XII. etiam Metaph. (text. xxi.) dicit, quod anima est talis dispositionis, ut scilicet possit separari non tota, sed intellectus. Ex quo patet quod intellectum, qui est pars animæ, ponit a corpore separari: & ideo oportet animam intellectivam, quæ est anima humana, post corpus remanere, sicut fides ponit: & per consequens necesse est quod intelligat, cum intelligere sit eius propria operatio. Sed quomodo intelligat, diversimode a quibusdam ponitur.

Quidam enim dicunt, quod anima separata a rebus cognitionem accipit, sicut & nunc facit. Sed hæc opinio videtur omnino irrationabilis: anima enim humana a corpore separata non poterit uti sensitivis potentiis, ut supra distinct. xlv. (quæst. iiii. art. 3. quæst. 2.) dictum est, cum habuerint portum actus per organa corporea necesse sit exerceri: unde non erit nisi in usu portumiarum intellectivæ partis. Intellectus autem non est natus accipere cognitionem a rebus sensibilibus immediate, sed mediantibus potentiis sensitivis; cum oporteat esse quamdam convenientiam inter recipiens & receptum. Species autem in sensibus existentes habent convenientiam & cum intellectu, inquantum sunt sine materia, & cum rebus materialibus, inquantum sunt cum conditionibus materiæ: unde convenienter sensus a rebus materialibus accipit, & intellectus a sensibus; non autem intellectus immediate a rebus materialibus: & ideo non potest poni quod anima separata cognitionem a rebus materialibus accipiat. Nec sufficit ponere in ea cognitionem solum quæ fuit a sensibus accepta in corpore, propter animas puerorum decedentium in matris uteris, quæ a sensibus cognitionem non acceperunt.

Et ideo alii dicunt, quod sicut Angelus habet apud se formas innatas causarum ordinis universi, ita & anima a sui creatione; sed dum est in corpore, a corpore opprimitur, ut illis formis uti non possit ad intel-

ligendum; sed utitur formis quas a sensu accipit, vel etiam ipsis formis innatis, secundum quosdam qui posuerunt quod addicere non est aliud quam reminisci; sed postquam a corpore fuerit separata, utetur illis formis innatis. Sed illud contradicit sententiæ Philosophi, qui dicit intellectum humanum esse sicut tabulam in qua nihil est scriptum: contradicit (\*) etiam experientiæ, qua experimur nos nihil posse intelligere, nisi ex præceptis a sensu ad intelligendum manducantur. Nec esset probabile quod, cum anima naturaliter corpori uniatur, totaliter impediretur per conjunctionem ad corpus, ut formis innatis uti posset. Sed hoc consensum videretur opinioni illorum qui posuerunt animam ante corpus creatam, & postea corpori accidentaliter coniunctam: non enim ea quæ uni & eidem naturaliter insunt, ita se habent, quod unum eorum totaliter impediatur alterum; alias in natura aliquid esset onosum.

Et ideo aliter dicendum est, quod anima in sui creatione nullas habet formas concretas: nec ad hoc quod post separationem a corpore intelligat, requiruntur aliquæ formæ a rebus acceptæ vel tunc, vel prius; sed intelligit, de naturali cognitione loquendo, per influentiam a substantiis superioribus, Deo scilicet, vel Angelis: & loquor de naturali influentia: & hoc sic patet. Intellectus enim noster est medius inter substantias intelligibiles & res corporales: unde anima intellectiva dicitur esse creata in orizonte æternitatis in Libro de causis (prop. ii.) & hoc ideo quia ipsa per intellectum attingit ad substantias intelligibiles; inquantum veto est actus corporis, contingit res corporales. Omne autem medium quanto magis appropinquat uni extremorum, tanto magis recedit ab alio; & quanto magis recedit ab uno, tanto magis alteri appropinquat. Unde cum anima nostra in statu viæ maxime ad corpus accedat, utpote actus eius existens, non habet respectum ad res intelligibiles nisi aliquo modo contingendo corpus: & propter hoc animam in statu huius viæ non recipit influentiam a superioribus substantiis, nisi ut cognoscat sub speciebus a sensibus acceptis: unde Dionysius dicit cap. i. cxi. Hierarch. quod non est possibile nobis in hac vita aliter superlucere divinum radium, nisi cum varietate sensibilibus formatum: & ideo etiam in hac vita quanto anima magis a corpore abstrahitur, tanto magis a substantiis spiritualibus influxum cognitionis recipit:



pit: & inde est quod quædam occulta cognoscunt iō dormiendo, & in excessu mentis, quando anima a corporis sensibus abstrahitur: unde cum actu erit a corpore separata, erit paratissima ad recipiendum influentiam a substantiis superioribus, scilicet Deo, vel Angelis; & sic per huiusmodi influentiam cognitionem habebit maiorem, vel minorem secundum modum naturalis capacitatis ipsius animæ: & sic etiam Commentator in III. de Anima, qui ponit intellectum possibilem esse substantiam separatam, quamvis in hoc erret, tamen quantum ad hoc recte dicit quod ex hoc quod ponitur substantia separata, habet respectum ad alias substantias spirituales superiores, ut eas intelligat; sed secundum illum respectum quo comparatur ad nostrum corpus recipiendi species a phantasmatibus, non coniungitur substantiis altioribus.

Ad primum ergo dicendum, quod Philosophus loquitur de actu intellectus quo nunc in via intelligimus, abstrahendo a phantasmatibus: hic enim actus esse definit, phantasmatibus destructis, in separatione animæ a corpore.

Ad secundum dicendum, quod intelligere, secundum quod (a) exit ab intellectu, non est actio communis animæ, & corpori (non enim intellectus intelligit mediante aliquo organo corporali) sed est communis animæ, & corpori ex parte obiecti, in quantum intelligimus abstrahendo a phantasmatibus, quæ sunt in organo corporali: & hunc modum intelligendi anima separata non habet.

Ad tertium dicendum, quod passivus intellectus, de quo Philosophus loquitur, non est intellectus possibilis, sed ratio particularis, quæ dicitur vis cogitativa habens determinatum organum in corpore, scilicet mediam cellulam capitis, ut Commentator ibidem dicit: & sine hoc anima nihil modo intelligit, intelligit autem in futuro, quando a phantasmatibus abstrahere non indiget.

Ad quartum dicendum, quod comparatio illa intelligitur de anima intellectiva ex parte illa qua corpori coniungitur, & non prout est intellectiva simpliciter: quia intellectus, in quantum huiusmodi, non respicit phantasmatia, sicut patet de intellectu angelico.

Ad quintum dicendum, quod anima habet esse perfectius in corpore quam separata, in quantum est forma, non autem inquantum

rum est intellectus; nisi forte coniungatur tali corpori: quod est omnino animæ subdium, in nullo intellectu distrahens, sicut erit corpus gloriosum. Corpus enim quod corrumpitur, aggravat animam, & deprimit terrenam habitatio sensum multa cogitantem: Sapientie ix. 15.

Ad sextum dicendum, quod animæ puerorum quamvis non habeant formas innatas, vel acquisitas, habebunt tamen aliquas formas intelligibiles ex influenza divini luminis cooperante ministerio Angelorum.

Ad septimum dicendum, quod anima ex hoc quod in corpore scientia perfecta fuit, etiam separata magis intelligit, ut infra dicitur; non tamen sequitur quod, si non fuerit iō scientia perfecta, nullo modo intelligat.

## ARTICULUS II.

*Utrum anima per species quas nunc a corpore abstrahit, separata postmodum per eas aliqui intelligat.*

*I. P. quæst. lxxxix. art. 6. & l. 2. quæst. lxxv. art. 2.*

1. AD secundum sic proceditur. Videtur quod anima per species quas nunc a corpore abstrahit, separata postmodum per eas nihil intelligat. Huiusmodi enim species eiusdem rationis erunt in anima separata cuius modo sunt. Sed nunc per eas non potest anima intelligere sine phantasmatibus: quod patet ex hoc quod leso organo phantasie anima impeditur in consideratione eorum quæ prius a sensu acceptit. Ergo nec anima separata per illas species intelligere poterit, cum in ea nulla phantasmata sunt.

2. Præterea. Ex similibus actibus similes habitus relinquuntur. Sed habitus scientiæ nunc acquiritur ex actu intelligendi, quo anima a phantasmatibus abstrahit. Ergo habitus scientiæ acquisitæ non inclinat nisi in similes actus. Cum ergo talis actus intelligendi non possit esse in anima separata, scilicet accipiendo a phantasmatibus, videtur quod per scientiam hie acquisitam, vel per species hic a sensibus acceptas, anima separata nihil intelligat.

3. Præterea. In operibus naturæ nihil est superfluum; nec natura facit per duo quod per unum facere potest. Sed anima separata

A a a a pot-

S. Th. Op. Tom. XIII.

(a) id. est.

poterit intelligere per influentiam a substantiis superioribus, ut supra dictum est. Ergo non intelligit per aliquas species a sensibus acceptas.

4. Præterea. Impossibile est duas formas eiusdem speciei esse in eodem subiecto. Sed anima separata recipiet aliquas formas intelligibiles ex influentia substantiarum superioris, per quas poterit res intelligere. Ergo in ipsa non possunt remanere intelligibiles formæ earumdem rerum a sensibus acceptæ.

5. Præterea. Ex hoc intellectus noster actu intelligit quod forma intelligibilis in eo existit. Ergo postquam desinit actu intelligere, forma intelligibilis in eo non remanet; & sic videtur quod non remaneant in anima separata aliquæ formæ intelligibiles a sensibus acceptæ, per quas intelligere possit.

6. Præterea. Considerate illud cuius scientiam aliquis prius accepit, videtur ad memoriam, vel reminiscenciam pertinere. Sed destructo corpore anima non reminiscitur, ut dicit Philosophus in I. & III. de Anima. Anima ergo separata non intelligit per species in hac vita a sensibus acceptas.

Sed contra est quod Philosophus dicit, quod anima est locus specierum: & loquitur de parte intellectiva. Sed locus conservat locatum. Ergo species a sensibus acceptæ in intellectiva conservantur; & sic videtur quod per eas possit intelligere anima separata a corpore, sicut & nunc potest.

Præterea. Finis remanet memoris etiam his quæ sunt ad finem. Sed sensus ordinatur ad cognitionem animæ intellectivæ sicut ad finem, inquantum ex sensibus cognitionem accipit. Ergo cognitio quam anima accipit a sensibus, remanet in ea etiam destructis sensibus corporis; quod erit cum anima fuerit a corpore separata.

Præterea. Quod recipitur in aliquo, recipitur in eo per modum recipientis. Sed anima est incorruptibilis, & perpetua. Ergo quod in ea recipitur, recipitur ut perpetuo conservabile in ipsa: ergo species intelligibiles quas a sensibus accipit, remanent in ea post separationem a corpore. Frustra autem remanerent, nisi per eas intelligeret formas prius a sensibus acceptas.

### SOLUTIO.

Respondeo dicendum, quod circa hoc duplex est opinio.

Una occasionatur ex opinione Avicennæ (Lib. VI. natural. par. v. cap. xv.) qui dicit, quod intellectus noster possibilis non

servat aliquas formas postquam actu intelligere desinit: quia formæ intelligibiles non possunt esse in intellectu possibili, nisi ut in vi apprehendente. Non enim utitur organo corporali, ut ex parte eius possit aliquid esse in intellectu non ut in apprehendente actu; per quem modum aliquid est in potentiis sensitivæ parti, quæ potentie thesauri dicuntur, sicut memoria, & imago; sed intellectus possibilis cum convertit se ad intelligentiam agentem, quam ponit separatam, accipit species intelligibiles ex influentia eius, cuius est formas a phantasmaribus abstrahere, & ponere eas in intellectu possibili; & cum desinit se convertere ad intellectum agentem, formæ illæ desinunt esse in eo; sicut forma visibilis desinit esse in oculo, cum oculus desinit se convertere ad rem visam. Oportet autem ut si iterum velit intellectus possibilis considerare quod prius consideravit, de novo se convertat ad intellectum agentem, & de novo species intelligibiles recipiat: & secundum hoc quidam eum sequentes dicunt, quod in anima nostra nullæ species intelligibiles reservantur, quibus possit post mortem uti ad intelligendum; & sic etiam dicunt, quod scientia hic acquisita nullo modo manet neque quantum ad actum, neque quantum ad habitum. Sed hæc opinio non videtur esse conveniens. Primo quia contrariatur manifeste sententiæ Philosophi, qui ponit animam esse locum specierum: unde oportet quod species in illa conserventur. Secundo quia ex quo species in intellectu possibilem imprimuntur, non est probabile eas aboleri, nisi aliqua causa corruptens eas fuerit; cum multo nobilius recipiantur formæ intelligibiles in intellectu possibili quam formæ sensibiles in materia prima. Tertio quia Augustinus (Lib. XIV. de Trinit. cap. xii.) ponit partem mentis esse memoriam; & sic in ea species intelligibiles reservantur. Quarto quia dato quod nullæ species intelligibiles remanerent in anima separata, non propter hoc tolleretur quin habitus scientiæ remaneret etiam secundum prædictam opinionem Avicennæ. Vult enim quod quamvis species intelligibiles non remaneant in intellectu possibili, cum actu non intelligit, remanet tamen in eo quædam habitatio, ut facilius se convertat ad recipientem species intelligibiles ab intellectu agente, ratione cuius non oportet quod semper aliquis ita laboret ad aliquid intelligendum, sicut cum de novo didicit, vel invenit: & habitas hæc nihil aliud est quam

quam habitus scientiæ. Unde etiam in anima separata huiusmodi habitus remanebit, ut scilicet paratior sit ad recipiendum cognitionem ex influentia superioris substantiæ anima quæ habitu scientiæ in hoc mundo fuit perfecta, quam anima quæ huiusmodi habitu caruit.

Et ideo ponendum secundum alios videtur, quod species intelligibiles remanent in anima postquam actu intelligere desierit, & etiam maior habilitas ad recipiendum ab intellectu agente; & quod utrumque eorum remanebit in anima separata, & utroque uti poterit in intelligendo: alio tamen modo eis utitur cum est corpori coniuncta. Cum enim est coniuncta corpori, eius intellectus non potest aliquid considerare nec per species acquisitas, nec per aliquem influxum superioris substantiæ, nisi convertendo se ad phantasmata: quia propter perfectam coniunctionem eius ad corpus potentia intellectiva eius nihil cognoscit nisi per ea quæ per corpus recipiuntur, unde habet phantasmata quasi obiecta ad quæ respicit; sed cum erit a corpore separata, intelliget per alium modum, ut supra dictum est, scilicet non aspiciendo ad phantasmata.

Ad primum ergo dicendum, quod quavis species intelligibiles, per se loquendo, sint eiusdem rationis dum sunt in anima coniuncta corpori, & cum sunt in anima separata; tamen per accidens sunt rationis diversæ, inquantum anima in qua sunt, diversimode se habet in coniunctione ad materiam, vel separatione ab ea: & ideo per species illas anima coniuncta non intelligit nisi convertendo se ad phantasmata; sed cum fuerit separata, intelliget per eas etiam sine tali conversione.

Ad secundum dicendum, quod actus non specificantur a termino a quo, sed magis a termino ad quem: unde idem specie motus est dealbatio, sive per eam aliquis fiat de nigro albus, sive de rubeo albus. Unde & intelligere non diversificatur specie per hoc quod intelligitur abstrahendo a phantasmatibus, vel non abstrahendo, dummodo sit unius modi quod intelligitur, & quo intelligitur: & propterea habitus scientiæ, qui acquiritur ex actibus intellectus accipientis a phantasmate, inclinatur in actum intelligendi quo phantasmata non respicit. Et præterea intelligere nostrum secundum statum istum est secundum phantasmata illustrata lumine intellectus agentis: unde est unius rationis cum cognitione animæ separatae, quæ est per influentiam luminis a superiori sub-

stantia, quantum ad ipsam illustrationem, quamvis non quantum ad phantasmata.

Ad tertium dicendum, quod ex ipsis speciebus intelligibilibus præexistentibus in intellectu possibili efficitur intellectus possibilis paratior ad perfectius recipiendum cognitionem ex influentia superioris substantiæ: unde non sequitur quod frustra huiusmodi species in anima separata remaneant ad intelligendum per eas.

Ad quartum dicendum, quod formæ intelligibiles a sensibus acceptæ non sunt omnino unius rationis cum illis formis quæ immediate ex influentia divina proveniunt: quia ex diversis imprimentibus diversæ impressiones relinquuntur: sic etiam & habitus virtutis acquisitæ non est eiusdem rationis cum habitu virtutis infusæ. Unde nihil prohibet utrasque formas in anima separata remanere, & formas illas tunc acceptas ex influxu superioris substantiæ esse formales, & completivas respectu formarum acquisitarum a sensibus.

Ad quintum dicendum, quod in intellectu nostro remanent formæ intelligibiles, etiam postquam actu intelligere desinit: nec in hoc opinionem Avicennæ sequimur. Remanent autem huiusmodi formæ intelligibiles in intellectu possibili, cum actu non intelligit, non sicut in actu completo, sed in actu medio inter potentiam puram & actum perfectum: sicut etiam forma quæ est in fieri, hoc modo se habet.

Ad sextum dicendum, quod Philosophus loquitur de memoria, & reminiscencia quæ est pars animæ sensitivæ, cuius actus corrupto corpore non potest remanere: & hac indigemus ad intelligendum ad præsens ea quæ prius intelleximus: propter hoc oportet nos ad phantasmata converti, quæ quandoque oportet de thesauro memoriæ adduci; sed memoria prout ab Augustino ponitur in mente, remanebit in anima post mortem.

### ARTICULUS III.

*Utrum anima separata singularia cognoscat.*

*I. Par. quæst. lxxxix. art. 4. & de ver. quæst. xix. art. 4.*

1. **A**D tertium sic proceditur. Videtur quod anima separata singularia non cognoscat. Anima enim separata non utitur potentiis sensitivis. Sed singularia non cognoscuntur ab anima nisi per potentias sensitivas: singulare est enim aliquid, dum subicitur, ut Boetius dicit ( in prædic. sub-

Aaaa 2 flau-

stant: & in princ.) Ergo anima separata singularia non cognoscet.

2. Præterea. Intellectus animæ separatae magis erit a materia remotus quam intellectus animæ coniunctæ corpori. Sed anima coniuncta corpori non potest intellectu cognoscere singularia propter intellectus immaterialitatem. Ergo nec cum est a corpore separata.

3. Præterea. Differentia hic ponitur præcipue inter sensum & intellectum, eo quod sensus cognoscit hic & nunc, intellectus autem abstrahit ab utroque. Si ergo intellectus animæ separatae possit singularia cognoscere, in nullo etus cognitio a sensu differet; quod est inconveniens.

4. Præterea. Sicut in statu viæ per sensum particularia cognoscimus, ita per intellectum universalia. Sed sensus numquam potest devenire ad hoc quod universalia cognoscit. Ergo nec intellectus ad hoc quod cognoscit singularia.

5. Præterea. Eadem est natura animæ separatae, & corpori coniunctæ. Sed per naturam intellectivæ animæ, formæ quæ in intellectu recipiuntur, dum corpori est coniuncta, non ducunt in cognitionem singularium, sunt enim in ea per modum ipsius. Ergo eodem modo erunt in ipsa postquam fuerit a carne separata; & sic non ducunt in singularium cognitionem.

1. Sed contra. Luc. xvi. 28. dicitur quod dives in inferno existens secundum animam tantum dixit: *Habeo enim quinque fratres*. Ergo &c. ex quo patet quod singularia cognoscunt animæ separatae.

2. Præterea. Intellectus animæ corpori coniunctæ singularia cognoscit; quod patet ex hoc quod propositionem format, cuius prædicatum est universale, & subiectum singulare; & syllogismum componit, cuius minor est singularis. Ergo etiam a corpore separata anima per intellectum singularia cognoscet.

3. Præterea. Nullus potest dispauere de his quæ ignorat. Sed anima in corpore existens per intellectum disponit de his quæ circa singularia sunt agenda. Ergo etiam in corpore existens singularia cognoscit per intellectum. Cum ergo intellectus in anima separata integer maneat, videtur quod anima separata singularia cognoscit.

### S O L U T I O .

Respondeo dicendum, quod cum omnis cognitio sit per formas, quibus cognoscens

rebus cognitis assimilatur, duplex erit cognoscendi modus: unus per formas a rebus acceptas; alius per formas quæ sunt causæ rerum, vel a causis rerum acceptæ. Ad hoc enim quod aliqua duo sint similia, oportet unum esse causam alterius, vel ambo sub eadem causa procedere, cum unitas effectus causæ indicet unitatem. In illa ergo cognitione quæ sit per formas a rebus acceptas, ipsæ res per suam actionem sunt cognitionis causa. Cum ergo omnis actio sit per formam, forma autem quantum est de se sit universalis; per talem modum non potest deveniri in cognitionem rerum singularium: quia per hunc modum non cognoscitur materia, quæ est individuationis principium, nisi in generali, inquantum scilicet habet habitudinem ad formam universalem, sicut qui cognoscit simum, cognoscit nasum inquantum est subiectum simi; nisi quando formæ individualiter recipiuntur in cognoscente, ut sunt in rebus extra animam, sicut accidit in potentiis cognoscitivis per organum corporale. Sed in illa cognitione quæ est per formas quæ sunt rerum causæ, vel earum impressiones, pervenitur usque ad singularem, quamvis huiusmodi formæ sint omnino immateriales, eo quod causa rei prima est quæ rebus esse inluit: esse autem communiter materiam, & formam respicit. Unde huiusmodi formæ ducunt directe in cognitionem utriusque, scilicet materiarum, & formarum; & propter hoc per talem cognitionem cognoscuntur res & in generali, & in generali. Anima ergo, cum est corpori coniuncta, non cognoscit nisi per formas a rebus acceptas: & ideo per potentiam illam cognoscitivam in qua formæ a rebus omnino immaterialiter recipiuntur, directe singularia non cognoscit, sed solummodo per potentias organici affixas; sed indirecte, & per quamdam reflexionem etiam per intellectum, qui organo non utitur, cognoscit singularia, prout scilicet ex obiecto proprio redit ad cognoscendum suum actum, ex quo actu redit in speciem, quæ est intelligendi principium, & ex ea procedit ad considerandum phantasma, a quo species huiusmodi est abstracta: & sic per phantasma singulare cognoscit. Anima vero separata utitur utraque cognitione: quia & cognoscit per species acceptas a sensibus, & per species receptas a superioribus substantiis, quæ species sunt causarum impressiones, idest rationum idealium in Deo existentium: & ideo secundum illum modum quo cognoscit per species a sensibus acce-

acceptas, singularia directe non cognoscit; sed per illum modum quo cognoscit ex influxu superioris substantiae, cognoscere potest singularia eadem ratione qua & Angeli, de quorum cognitione dictum est II. Lib. dist. 111. (quasi. 11. per totam.)

Ad primum ergo dicendum, quod anima in statu viz non cognoscit singularia directe, nisi per potentias sensitivas, quia non cognoscit nisi per formas a rebus acceptas; quae cum ad intellectum pervenerint, in quo omnino immaterialiter recipiuntur, non possunt esse principium cognoscendi singulare: sed cum fuerit a corpore separata, habebit alium modum cognoscendi, quo singularia cognoscere poterit, ut dictum est (in corp. art.)

Ad secundum dicendum, quod ex hoc ipso quod anima separata est quodammodo immaterialior quam corpori coniuncta, est propinquo substantiis superioribus, quae sunt omnino immateriales, & magis parata ad recipiendum earum influxum, & per consequens ad intelligendum eo modo quo ipse intelligunt.

Ad tertium dicendum, quod intellectus qui singulare cognoscit, alio modo cognoscit quam sensus. Sensus enim singulare cognoscit per formam quodammodo materialem: unde per illam formam non potest se extendere eius cognitio ultra singulare: sed intellectus singulare cognoscit per formam immaterialem, quae potest esse principium cognoscendi universale, & singulare: & sic adhuc remanet differentia inter sensum & intellectum.

Ad quartum dicendum, quod virtus sensitiva est infra virtutem intellectivam: unde magis potest intellectus se extendere ad id quod est sensus, quam sensus ad id quod est intellectus.

Ad quintum dicendum, quod eodem modo recipitur forma in intellectu animae separatae, & in intellectu animae coniunctae, scilicet immaterialiter; sed tamen forma quae est in anima separata, erit alterius rationis, & virtutis, prout scilicet erit effluens a substantiis superioribus, sicut dictum est (in corp. art.)

Primum obiectum in contrarium est concedendum. Sed ad alia duo oportet respondere: quia concludunt quod intellectus animae coniunctae corpori singularia cognoscat.

Ad secundum dicendum, quod intellectus noster in statu viz utitur singularibus componendo propositiones, & formando syllogismos, inquantum reflectitur ad potentias

sensitivae partis, ut dictum est, & quodammodo continuatur cum eis, secundum quod earum motus, & operationes ad intellectum terminantur, prout intellectus ab eis accipit.

Ad tertium dicendum, quod intellectus practicus ad hoc quod de singularibus disponat, ut dicitur in III. de Anima (text. xlviii.) indiget ratione particulari, quae mediante opinio quae est universalis (quae est in intellectu) ad particulare opus applicetur: ut sic quidem fiat syllogismus, cuius maior est universalis, quae est opinio intellectus practici; minor vero singularis, quae est aestimatio rationis particularis, quae alio nomine dicitur cognitiva; conclusio vero consistit in electione operis.

#### ARTICULUS IV.

*Utrum localis distantia impediatur cognitionem animae separatae.*

*Ubi supra art. 7.*

1. **A**D quartum sic proceditur. Videtur quod localis distantia impediatur cognitionem animae separatae. Anima enim hic existens ea quae hic aguntur cognoscit. Sed existens in receptaculo sibi debito, ea quae hic aguntur non cognoscit: unde dicit Augustinus in Libro de cura pro mortuis agenda (cap. xiiii.) *Ibi sunt defunctorum animae ubi ea quae hic aguntur, scire non possunt.* Ergo localis distantia cognitionem animae separatae impedit.

2. Praeterea. Naturalis cognitio animae separatae non est potior quam naturalis cognitio daemonis. Sed daemones naturali cognitione non cognoscunt absentia: unde Augustinus in Libro de divinatione daemonum (cap. iiii.) dicit, quod *ea quae etiam alibi fiunt, celeritate motus sui cito ad nos deferunt, ut quasi ea praedicere videantur quae nos postea nuntiatis hominibus sumus scituri.* Ad hoc autem nihil faceret celeritas motus, si hic nobiscum existentes absentia cognoscere possent. Ergo anima separata non cognoscit absentia; & sic eius cognitio per localem distantiam impeditur.

3. Praeterea. Omnis cognoscens rem sub hic & nunc, aliter cognoscit sub hic & nunc, quae sunt hic, & quae sunt alibi. Sed anima separata cognoscit sub hic & nunc, quia cognoscit singularia, ut dictum est. Ergo aliter cognoscit propinqua, & remota: & sic idem est quod prius.

4. Præterea. Sicut est aliquid distans secundum tempus, ita est distans aliquid secundum locum. Sed anima separata non potest cognoscere distantia secundum tempus, ut puta futura: hoc enim solius Dei est, ut patet per id quod habetur Isa. xli.

23. *Annuntiate nobis quæ ventura sunt (a)*, & dicemus quia dii estis vos. Ergo nec distantia secundum locum potest cognoscere.

5. Præterea. Operatio non excedit substantiam operantis: unde Damascenus dicit (Lib. II. cap. 111.) quod Angeli ibi sunt ubi operantur. Sed anima separata est in aliquo loco, cum ei locus corporalis pro receptaculo assignetur. Ergo operatio animæ separata non potest se extendere ultra locum illum; & sic ea quæ sunt distantia secundum locum, cognoscere non potest.

Sed contra. Sancti a damnatis distant maxime etiam secundum locum. Sed damnati vident beatos, ut patet Luc. xvi. de divite, qui in tormentis positus Abraham, & Lazarum vidit. Ergo localis distantia cognitionem animæ separatæ non impedit.

Præterea. Nulla operatio impeditur per loci distantiam, nisi sit actualis: quia propinquum, & distans secundum locum ad situm pertinere videntur. Sed anima separata non habet aliam cognitionem nisi intellectivam, cum potentiis sensitivis non utatur; intellectiva autem cognitio nullo modo est actualis, cum non fiat per corporea instrumenta. Ergo ad cognitionem animæ separatæ nihil loci propinquitas facit, vel distantia.

Præterea. Lux intelligibilis est potentior quam lux aliqua sensibilis. Sed lux sensibilis solis non impeditur a sua operatione per aliquam localem distantiam, quia totum mundum illuminat. Ergo nec lux intelligibilis animæ separatæ impeditur a sua cognitione per distantiam aliquam corporalem.

#### S O L U T I O.

Respondeo dicendum, quod, sicut dictum est, quidam ponunt, quod anima separata cognoscat accipiendo a rebus: quod si verum esset, localis distantia proculdubio cognitionem animæ separatæ impediret, eo quod rerum sensibilium actiones non æqualiter se extendunt ad propinquum, & distans, cum per propinqua in distantia moveantur; & sic in remotis virtus primi agentis paulatim deficit: & inde est quod non possumus sentire ea quæ sunt procul a nobis. Sed si ponamus, quod anima

separata cognoscat per formas aliquas vel concreatas, vel influxus a superioribus substantiis, non potest esse quod eius cognitio per rei distantiam impediatur. Non enim per huiusmodi formas cognosceret, in quantum res aliquid agant in animam, vel anima in res, ut sic medium corporale, per quod actio fiat, cognitionem impedire possit; sed cognitio prædicta perficitur ex hoc solo quod formæ in anima existentes representant res quæ sunt extra animam; quas æqualiter representant, siue sint propinquæ, siue sint distantes; sicut imago Herculis æqualiter representat Herculem, ubicumque sit Hercules: unde etiam potentia cognoscitiva quæ cognoscunt res per formas a rebus acceptas, dummodo non cognoscant solummodo accipiunt, æqualiter cognoscunt res distantes, & propinquas; sicut intellectus noster in statu viæ æqualiter cognoscit solem, & lunam; & imaginatio æqualiter imaginatur hominem propinquum, & distans. Sed quia cognitio sensus perficitur in hoc ipso quod sensus a sensibili movetur, inde est quod sensitiva cognitio per localem distantiam impeditur. Si ergo cognitio animæ separatæ non fit per acceptionem formarum a rebus sensibilibus, ut supra positum est, nullo modo esse poterit ut eius cognitionem localis distantia impediatur.

Ad primum ergo dicendum, quod quamvis aliquæ animæ defunctorum in suis receptaculis existentes ea quæ hic aguntur ignorent, non tamen hoc contingit propter localem distantiam, sed propter aliquam aliam causam, utpote quia afficiuntur vehementer ad ea quæ in illis receptaculis patiuntur: vel etiam quia influentia superioris substantiæ quamvis eas perficiat ad aliqua cognoscenda, non tamen ad omnia, sed ad illa tantum quæ ei secundum modum suum competunt.

Ad secundum dicendum, quod Augustinus frequenter utitur illa positione qua ponuntur dæmones habere corpora sibi unita, sicut etiam in libello indulto apparet: quod si esset, tunc oporteret ponere eos corpus sensibile habere, & per sensum cognitionem a rebus accipere, & sic eorum cognitionem locali distantia impediri: unde non est simile de anima separatæ, quæ hoc modo non cognoscit.

Ad tertium dicendum, quod ratio illa recte procederet, si anima separatæ cognosceret ea quæ sunt hic & nunc, accipiendo a rebus quæ sunt hic & nunc, sicut in sensu.

(a) Vulgata: in futurum, & semper etc.

sensu accidit. Sed hoc dictum est esse falsum: unde ratio non sequitur.

Ad quartum dicendum, quod ea quae distant secundum tempus, scilicet futura, deficiunt ab eo quod esse rei mensuratur tempore. Unde cum res secundum hoc sint cognoscibiles quod habent esse, quia cognitiones sunt existentium, ut dicit Dionysius 1. cap. de div. Nom. futura ex seipsis sunt incognoscibilia. Sed distantia secundum locum non deficiunt ab esse: locus enim non mensurat esse rei, sed res existentes. Unde per hoc quod sunt distantes res, in seipsis nihil minus sunt cognoscibiles; possunt tamen esse minus cognoscibiles quo ad aliquos, qui in patiendo a rebus res ipsas cognoscunt: quod non est de anima separata.

Ad quintum dicendum, quod operatio, prout est accidens quoddam habens esse in subiecto, non extenditur ultra suum subiectum; sed prout comparatur ad obiectum, sic ultra suum subiectum extenditur, sicut nunc per animam existentem in corpore cognoscimus ea quae in caelo sunt; & sic etiam nihil prohibet animam separatam distantia secundum locum cognoscere.

### QUAESTIO II.

**D**Einde quaeritur de poenis damnatorum: & circa hoc quaeruntur quatuor.

Primo. De poenis eorum quantum ad effectum eorum.

Secundo. Quantum ad intellectum.

Tertio. Quantum ad corpus.

Quarto. De poenis eorum per comparisonem ad beatorum intuitum.

### ARTICULUS I.

*Utrum omnis voluntas damnatorum sit mala.*

*I. P. quest. lxiv. art. 2. & II. contra Gent. cap. lxxxiii.*

**A**D primum sic proceditur. Videtur quod non omnis voluntas damnatorum sit mala. Quia, ut dicit Dionysius 1v cap. de divin. Nomin. daemones bonum, & optimum concupiscunt, esse, vivere, & intelligere. Cum ergo damnati homines non sint prioris conditionis quam daemones, videtur quod & ipsi bonam voluntatem habere possint.

2. Praeterea. Malum, ut dicit Dionysius (ubi sup.) est omnino involuntarium. Er-

go si damnati aliquid volunt, illud volunt inquantum bonum, vel apparens bonum.

Sed voluntas quae per se ordinatur ad bonum, est bona. Ergo damnati possunt habere voluntatem bonam.

3. Praeterea. Aliqui erunt damnati qui in hoc mundo existentes aliquos virtutum habitus secum detulerunt, utpote gentiles, qui habent virtutes politicas. Sed ex habitibus virtutum elicitur laudabilis voluntatis actus. Ergo in aliquibus damnatis poterit esse laudabilis voluntas.

Sed contra. Obstinata voluntas numquam potest fieri nisi in malum. Sed damnati homines erunt obstinati, sicut & daemones. Ergo voluntas eorum numquam poterit esse bona.

Praeterea. Sicut se habet voluntas beatorum ad bonum, ita se habet voluntas damnatorum ad malum. Sed beati numquam habent voluntatem malam. Ergo nec damnati habent aliquam voluntatem bonam.

### QUAESTIUNCULA II.

1. Ulterius. Videtur quod damnati numquam poeniteant de malis quae fecerunt. Quia dicit Bernardus in Cantic. (implicite serm. xxxv.) quod damnatus semper vult iniquitatem quam fecit. Ergo numquam de peccato commisso poenitet.

2. Praeterea. Velle se non peccasse, est bona voluntas. Sed damnati non habebunt bonam voluntatem. Ergo damnati numquam volent se non peccasse; & sic idem quod prius.

3. Praeterea. Secundum Damascenum (Lib. II. de Fide orthod. cap. 1v.) hoc est hominibus mors quod Angelis casus. Sed Angeli voluntas post casum est invertibilis hoc modo, ut non possit recedere ab electione qua prius peccavit. Ergo & damnati non possunt poenitere de peccatis a se commissis.

4. Praeterea. Maior erit perversitas damnatorum in inferno quam peccatorum in hoc mundo. Sed peccatores aliqui in hoc mundo non poenitent de peccatis commissis, vel propter execrationem mentis, sicut haeretici, vel propter obstinationem, sicut qui latant cum male fecerint, & exultant in rebus pessimis, ut dicitur Proverb. 11. 14. Ergo & damnati in inferno de peccatis non poenitebunt.

Sed contra. Sapientiae v. 3. dicitur de damnatis: *Intra se poenitentiam agentes.*

Praeterea. Philosophus dicit in IX. Ethic. (cap.

( cap. iv. ) quod poenitudine replentur pravi: mox enim tristantur de hoc quod prius delectati sunt. Ergo damnati, cum sint maxime pravi, magis poenitent.

### QUAESTIUNCULA III.

1. Uterius. Videtur quod damnati recta ratione, & deliberativa non possint velle se non esse. Augustinus enim dicit in Lib. de lib. arbit. ( III. cap. vii. ) *Considera quantum bonum est esse, quod & beati, & miseri volunt. Maius enim est esse, & esse miserum, quam omnino non esse.*

2. Præterea. Augustinus ibidem ( cap. viii. ) sic arguit. Præelectio supponit electionem. Sed non esse non est eligibile, cum non habeat appetentiam boni, cum nihil sit. Ergo non esse non potest esse magis appetibile damnatis quam esse.

3. Præterea. Magis malum est magis fugiendum. Sed non esse est maximum malum, cum tollat totaliter bonum, eo quod nihil relinquit. Ergo non esse est magis ugiendum quam miserum esse; & sic idem quod prius.

Sed contra est quod dicitur Apocalypf. ix. 6. *In diebus illis desiderabunt homines mori, & fugiet mors ab eis.*

Præterea. Damnatorum miseria omnem huius mundi miseriam excedit. Sed ad vitandam miseriam huius mundi appetibile est aliquibus mori: unde dicitur Eccli. xli. 3. *O mors, quam bonum est iudicium tuum homini indigenti, & qui minoratur viribus, (a) deficit ætate, & cui de omnibus cura est, & incredibili, qui perdit (a) sapientiam.* Ergo multo fortius est damnatis appetibile non esse secundum rationem deliberatam.

### QUAESTIUNCULA IV.

1. Uterius. Videtur quod damnati in inferno non vellent esse aliquos damnatos qui non sunt damnati. Quia Luc. xvi. dicitur de divite, quod rogabat pro fratribus suis, ne venirent in locum tormentorum. Ergo eadem ratione & damnati alii non vellent ad minus carnales suos amicos in inferno damnari.

2. Præterea. Affectiones inordinatæ a damnatis non auferuntur. Sed aliqui damnati inordinate aliquos non damnatos dilexerunt. Ergo non vellent eorum malum, quod est esse damnatos.

3. Præterea. Damnati non desiderant augmentum suæ poenæ. Sed si plures damnarentur, maior esset damnatorum poena; sicut etiam multiplicatio bonorum amplificat eorum gaudium. Ergo damnati non vellent salvatos damnari.

Sed contra est quod Isa. xiv. super illud, *Supererunt de solis*, dicit Glossa: „Solatium „est malorum multos socios habere penarum.“

Præterea. In damnatis maxime regnat invidia. Ergo dolent de felicitate bonorum, & eorum damnationem appetunt.

### QUAESTIUNCULA V.

1. Uterius. Videtur quod damnati non habeant odio Deum. Quia, ut dicit Dionysius xv. capit. de divinis Nomin. omnibus diligibile est bonum, & pulchrum, quod est omnis boni, & pulchritudinis causa. Hoc autem Deus est. Ergo a nullo potest odio haberi.

2. Præterea. Nullus potest ipsam bonitatem odio habere, sicut nec ipsam malitiam velle: malum enim est omnino involuntarium, ut dicit Dionysius xv. cap. de divin. Nom. Deus autem est bonitas ipsa. Ergo nullus potest Deum odio habere.

Sed contra est quod dicitur in Psalm. lxxviii. 23. *Superbia eorum qui se oderunt, ascendis semper.*

### QUAESTIUNCULA VI.

1. Uterius. Videtur quod damnati demerentur. Damnati enim habent voluntatem malam, ut dicitur in littera. Sed per malam voluntatem quam hic habuerunt, demeruerunt. Ergo si ibi non demerentur, ex sua damnatione commodum reportant.

2. Præterea. Damnati sunt eiusdem conditionis cum demonibus. Sed demones demerentur post suum casum: unde serpentis, qui hominem ad peccandum induxit, est a Deo poena infligita, ut dicitur Genes. iii. Ergo & damnati demerentur.

3. Præterea. Actus inordinatus ex libertate arbitrii procedens non excusatur quin sit demeritorius, etiam si aliqua necessitas adsit, cuius aliquis sit sibi causa: ebrius enim meretur duplices maledictiones, si ex ebrietate aliquid aliud peccatum committat, ut dicitur in III. Ethic. ( cap. vii. vel xi. ) Sed ipsi damnati fuerunt sibi causa pro-

( a ) Vulgata, deficit. ( b ) Ibid. patientiam.



proprie oblationis, per quam quamdam necessitatem patiuntur peccandi. Ergo cum eorum actus inordinatur ex libero arbitrio procedat, non excusatur a demerito.

Sed contra. Pœna contra culpam dividitur. Sed perversa voluntas in damnatis ex obstinatione procedit, quæ est eorum pœna. Ergo perversa voluntas in damnatis non est culpa, ut per eam demerentur.

Præterea. Post ultimum terminum non relinquitur aliquis motus, sive profectus in bonum, sive in malum. Sed damnati, maxime post diem iudicii, ad ultimum terminum suæ damnationis perveniunt: quia tunc finem habebunt duæ civitates, ut Augustinus dicit (super Platon. cxxxvi. & Enchir. cap. cxi.) Ergo damnati post diem iudicii perversa voluntate non demerentur: quia sic cresceret eorum damnatio.

## SOLUTIO I.

Respondeo dicendum ad primam questionem, quod in damnatis potest duplex voluntas considerari, scilicet voluntas deliberativa, & voluntas naturalis. Naturalis quidem non est eis ex ipsis, sed ex auctore naturæ, qui in natura hanc inclinationem posuit, quæ naturalis voluntas dicitur: unde cum natura in eis remaneat, secundum hoc bona poterit in eis esse voluntas naturalis. Sed voluntas deliberativa est eis ex seipsis, secundum quod in potestate eorum est inclinari per affectum ad hoc, vel illud; & talis voluntas in eis est solum mala: & hoc ideo, quia sunt perfecte averſi a fine ultimo rectæ voluntatis: nec aliqua voluntas potest esse bona, nisi per ordinem ad finem prædictum: unde etiam si aliquod bonum velint, non tamen bene bonum volunt illud, ut ex hoc voluntas eorum bona dici possit.

Ad primum ergo dicendum, quod verbum Dionysii intelligitur de voluntate naturali, quæ est inclinatio naturæ in aliquod bonum; sed tamen ista naturalis inclinatio per eorum malitiam corrumpitur, inquantum hoc bonum quod naturaliter desiderant, sub quibuscumque malis circumstantiis appetunt.

Ad secundum dicendum, quod malum inquantum est malum non movet voluntatem, sed inquantum est æstimatum bonum; sed hoc ex eorum malitia procedit, ut id quod est malum, æstimetur bonum: & ideo voluntas eorum est mala.

Ad tertium dicendum, quod habitus vir-

S. Th. Oper. Tom. XIII.

(2) *id. quis qui peccatum.*

tutum politicarum non remanent in anima separata, eo quod virtutes illæ perficiunt solum in vita civili, quæ non erunt post hanc vitam; si tamen remanerent, nunquam in actum exirent, quasi ligatæ ex obstinatione mentis.

## SOLUTIO II.

Ad secundam questionem dicendum, quod pœnitere de peccato est dupliciter. Uno modo per se, & alio modo per accidens. Per se quidem de peccato pœnitent qui peccatum in eo quod est peccatum abominatur; per accidens vero qui illud odit ratione alicuius adiuncti, utpote pœnæ, vel alicuius huiusmodi. Mali igitur non pœnitebunt per se loquendo de peccatis, quia voluntas malitiæ peccati in eis remanet; pœnitebunt autem per accidens, inquantum affligentur de pœna quam pro peccato sustinent.

Ad primum ergo dicendum, quod damnati iniquitatem volunt, sed pœnam refugiunt; & sic per accidens de iniquitate commissa pœnitent.

Ad secundum dicendum, quod velle se non peccasse propter turpitudinem iniquitatis est bona voluntas; sed hoc non erit in damnatis.

Ad tertium dicendum, quod sine aliqua aversione voluntatis contingit quod damnati de peccatis pœniteant: quia non hoc refugiunt in peccatis quod prius appetiverunt, sed aliquid aliud, scilicet pœnam.

Ad quartum dicendum, quod homines in hoc mundo, quantumcumque obstinati, per accidens de peccatis suis pœnitent, si pro eis puniantur: quia hoc dicit Augustinus in Lib. lxxxiii. Qq. (quæst. xxxvi.) *Videmus etiam ferocissimas bestias dolore pœnarum a maximis voluptatibus abstinere.*

## SOLUTIO III.

Ad tertiam questionem dicendum, quod non esse dupliciter potest considerari. Uno modo secundum se; & sic nullo modo potest esse appetibile, cum non habeat aliquam rationem boni, sed sit pura boni privatio. Alio modo potest considerari inquantum est ablativum pœnalis, vel miseriæ vitæ; & sic non esse accipit rationem boni. Carere enim malo est quoddam bonum, ut dicit Philosophus in V. Ethic. (cap. 1. vel 11.) & per hunc modum melius est damnatis non esse quam miseros esse. Unde Matth. xxvi.

Bbb

24 di

24. dicitur: *Bonum erat ei, si natus non fuisset bono ille*: & Hier. xx. super illud, *Maledicta dies in qua natus sum* &c. dicit Glossa Hieronymi ibi: „Melius est non esse quam male esse.“ Et secundum hoc damnati possunt præflegere non esse secundum deliberativam rationem.

Ad primum ergo dicendum; quod verbum Augustini est intelligendum; quod non esse per se non est eligibile; sed per accidens eligibile est, inquantum scilicet est miserie terminativum; Quod enim dicitur, quod esse, & vivere ab omnibus appetitur naturaliter, non oportet hoc accipere quantum ad malam vitam, & corruptam, & eam quæ est in tristitia, ut dicit Philosophus in IX. Ethic. (cap. ix. vel xi.)

Ad secundum dicendum, quod non esse non est eligibile per se, sed per accidens tantum, ut dictum est.

Ad tertium dicendum, quod non esse, licet maxime sit malum, inquantum privat esse, tamen est valde bonum, inquantum privat miseriam, quæ est maximum malorum; & sic non esse eligitur.

#### SOLUTIO IV.

Ad quartam questionem dicendum, quod sicut in beatis in patria erit perfectissima caritas, ita in damnatis erit perfectissimum odium: unde sicut sancti gaudebunt de omnibus bonis, ita etiam mali de omnibus bonis dolebunt: unde & felicitas sanctorum considerata eos maxime affligit: unde dicitur Iai. xxv. 11. *Videant, & confundantur zelantes populi, & ignis hostes suos devoret.* Unde vellent omnes bonos esse damnatos.

Ad primum ergo dicendum, quod tanta erit invidia in damnatis, quod etiam propinquorum gloriæ inviderebunt, cum ipsi sint in summa miseria; cum etiam in hac vita hoc accidat crescente invidia. Sed tamen minus invidet propinquis quam aliis; & maior esset eorum pœna, si omnes propinqui damnarentur, & alii salvarentur, quam si aliqui de suis propinquis salvarentur: & exinde fuit quod dives petiit fratres suos a damnatione eripi: sciebat enim quod aliqui eriperentur: maluisset tamen fratres suos cum omnibus aliis damnari.

Ad secundum dicendum, quod dilectio quæ non fundatur super honestum, facile rescinditur, & præcipue in malis hominibus, ut Philosophus dicit in IX. Ethic. (cap. iv. vel v. & xii. vel xiv.) unde damnati non conservabunt amicitiam ad eos quos inordi-

nate dilexerunt; sed in hoc voluntas eorum remanebit perversa, quod causam inordinatæ dilectionis adhuc diligunt.

Ad tertium dicendum, quod quamvis ex damnatorum multitudinis pœna singulorum augeatur, tamen tantum superexcrecet odium & invidia, quod magis eligerent torqueri magis cum multis quam minus soli.

#### SOLUTIO V.

Ad quintam questionem dicendum, quod affectus movetur ex bono, vel malo apprehenso. Deus autem apprehenditur dupliciter: in se, sicut a beatis, qui eum per essentiam vident; & per effectus, sicut a nobis, & damnatis. Ipse igitur in seipso, cum sit per essentiam bonitas, non potest alicui voluntati displicere: unde quicumque eum per essentiam videret, eum odio habere non posset. Sed effectuum eius aliqui sunt voluntati repugnantes, inquantum contrariantur alicui volito; & secundum hoc aliquis non in seipso, sed ratione effectuum Deum odire potest: unde damnati Deum percipientes in effectu iustitiæ, qui est pœna, eum odio habent, sicut & pœnas quas sustinent.

Ad primum ergo dicendum, quod verbum Dionysii est intelligendum de appetitu naturali, qui tamen in damnatis pervertitur per illud quod additur ex deliberata voluntate, ut dictum est.

Ad secundum dicendum, quod ratio illa procederet, si damnati Deum in seipso conspicerent, inquantum est per essentiam bonus.

#### SOLUTIO VI.

Ad sextam questionem dicendum, quod de damnatis ante diem iudicii, & post distinguendum est. Omnes enim communiter continentur, quod post diem iudicii non erit aliquid meritum, vel demeritum: & hoc ideo est, quia meritum, vel demeritum ordinatur ad aliquid bonum, vel malum ulterius consequendum; post diem autem iudicii erit ultima consummatio bonum, & malorum, ita quod nihil erit addendum ulterius de bono, vel malo. Unde bona voluntas in beatis non erit meritum, sed primum, & mala voluntas non erit in damnatis demeritum, sed pœna tantum. Operationes enim virtutis sunt præcipue in felicitate, & eorum contrariæ sunt præcipue in miseria: ut dicitur in I. Ethic. (cap. x. vel xiv.) Sed ante diem iudicii quidam di-

END

tunt & beatos mereri, & damnatos demereri. Sed hoc non potest esse respectu præmii essentialis, vel pœnæ principalis, cum quantum ad hoc utrique ad terminum pervenerint; potest tamen hoc esse respectu præmii accidentalis, vel pœnæ secundariæ, quæ possunt augeri usque ad diem iudicii: & hoc præcipue in dæmonibus, vel Angelis bonis, quorum officio aliqui trahuntur ad salutem, ex quo bonorum Angelorum gaudium crescit; vel ad damnationem, ex quo crescit pœna dæmonum.

Ad primum igitur dicendum, quod hoc est summum incommodum ad summum malorum pervenisse, ex quo contingit in damnatis quod demereri non possunt: unde patet quod ex peccato commodum non reperiunt.

Ad secundum dicendum, quod ad damnatorum hominum officium non pertinet alios ad damnationem pertrahere, sicut peccat ad officium dæmonum, ratione cuius demerentur quantum ad secundariam pœnam.

Ad tertium dicendum, quod non propter hoc excusantur a demerito, quia necessitatem peccandi habeant, sed quia ad summum malorum pervenerint. Tamen necessitas peccandi, cuius causa sumus, excusat a culpa, inquantum est necessitas quædam, quia omne peccatum oportet esse voluntarium; sed quod non excuset, hoc est inquantum a voluntate præcedente processit; & sic totum demeritum sequentis culpæ videtur ad primam culpam pertinere.

## ARTICULUS II.

*Utrum damnati possint uti notitia quam in hoc mundo habuerunt.*

**A**D secundum sic proceditur. Videtur quod damnati non possint uti notitia quam in hoc mundo habuerunt. In consideratione enim scientiæ est maxima delectatio. Sed in eis nullam delectationem est ponere. Ergo non possunt uti scientia prius habita secundum aliquam considerationem.

2. Præterea. Damnati sunt in maioribus pœnis quam sint aliquæ pœnæ huius mundi. Sed in hoc mundo dum aliquis est in maximis tormentis constitutus, non potest considerare aliquas intelligibiles conclusiones abstractas a pœnis quas patitur. Ergo multo minus in inferno.

3. Præterea. Damnati sunt subiecti temporis. Sed longitudo temporis est causa obli-

visionis, ut dicitur in IV. Physicis. Ergo damnati obliviscuntur eorum quæ hic sciverunt.

Sed contra est quod dicitur Lucæ XVI. 25. diviti damnato: *Recordare quia recepisti bona in vita tua*. Ergo considerabat ea quæ hic sciverunt.

Præterea. Species intelligibiles in anima separata remanent, ut supra dictum est. Si igitur eis non uti possent, frustra remanerent in eis.

## QUAESTIUNCULA II.

1. Ulterius. Videtur quod cogitabant aliquando de Deo. Quia non potest haberi odio actus, nisi illud de quo cogitatur. Sed damnati Deum odio habebunt, ut in littera dicitur. Ergo de Deo aliquando cogitabant.

2. Præterea. Damnati habebunt remorsum conscientiæ. Sed conscientia patitur remorsum de actis contra Deum. Ergo de Deo aliquando cogitabant.

Sed contra. Perfectissima cogitatio hominis est quæ cogitat de Deo. Sed damnati erunt in statu imperfectissimo. Ergo de Deo non cogitabant.

## QUAESTIUNCULA III.

1. Ulterius. Videtur quod damnati gloriam beatorum non videant. Magis enim ab eis distat gloria beatorum quam ea quæ in hoc mundo aguntur. Sed ipsi non vident quæ circa nos aguntur: unde dicit Gregorius XII. Moral. (cap. XLII. vel XLV.) super illud Iob XIV. *Sive fuerint nobiles filii eius &c.* Sicut hi qui adhuc vivi sunt, mortuorum animæ quo loco habeantur, ignorant; ita mortui qui carnaliter vixerunt, vitam in carne positurum, qualiter post eos disponantur, ignorant. Ergo multo minus possunt videre gloriam beatorum.

2. Præterea. Illud quod conceditur sanctis in hac vita pro magno munere, nunquam conceditur damnatis. Sed Paulo pro magno munere fuit concessum ut videret illam vitam qua sancti æternaliter cum Deo vivunt, ut dicitur Corinth. XII. in Glossa. Ergo damnati sanctorum gloriam non videbunt.

Sed contra est quod dicitur Lucæ XIX. quod dives in tormentis positus vidit Abraham, & Lazarum in sinu eius.

## SOLUTIO I.

Respondeo dicendum ad primam questionem, quod sicut propter perfectam sanctorum beatitudinem nihil erit in eis quod non sit gaudii materia, ita nihil erit in damnatis quod non sit eis materia, & causa tristitiae, nec aliquid quod ad tristitiam pertinere possit, deerit, ut sit eorum miseria consummata. Consideratio ergo aliquorum notorum quantum ad aliquid inducit gaudium, vel ex parte cognoscibilium, in quantum diliguntur, vel ex parte ipsius cognitionis, in quantum est conveniens, & perfecta. Potest etiam tristitia esse ratio & ex parte cognoscibilium quae sunt contristare, & ex parte ipsius cognitionis, prout eius imperfectio consideratur, utpote cum aliquis considerat se deficere in cognitione alicuius rei, cuius perfectionem appeteret. Sic ergo in damnatis erit actualis consideratio eorum quae prius sciverunt, ut materia tristitiae, non autem ut delectationis causa. Considerabunt enim & mala quae gesserunt, ex quibus damnati sunt, & bona dilecta quae amisserint; & ex utroque torquebuntur. Similiter etiam torquebuntur de hoc quod considerabunt notitiam quam de rebus speculabilibus habuerunt; imperfectam esse, & amissam summam perfectionem eius, quam potuerant adipisci.

Ad primum ergo dicendum, quod quamvis consideratio scientiae per se sit delectabilis, tamen ex aliquo accidente potest esse tristitia causa, ut dictum est; & sic erit in damnatis.

Ad secundum dicendum, quod in hoc mundo anima coniungitur corruptibili corpori: unde per hoc quod corpus affigitur, consideratio animae impeditur: sed in futuro anima non ita trahetur ex corpore; sed quantumcumque corpus affligatur, tamen anima semper considerabit lucidissime illa quae ei possunt esse causa mœoris.

Ad tertium dicendum, quod tempus est causa oblivionis per accidens, in quantum motus, cuius est mensura, est causa transmutationis; sed post diem iudicii non erit motus caeli, unde nec oblivio esse poterit ex quantumcumque diuturnitate; sed ante diem iudicii anima separata non mutatur a sua dispositione per motum.

## SOLUTIO II.

Ad secundam questionem dicendum, quod Deus potest considerari dupliciter. Uno modo secundum se, & secundum illud quod est ei proprium, scilicet esse totius bonitatis principium; & sic nullo modo a damnatis cogitabitur. Alio modo secundum aliquid quod est ei quasi accidentale in effectibus suis, utpote punire, vel aliquid huiusmodi; & secundum hoc consideratio de eo potest tristitiam inducere: & hoc modo damnati de eo cogitabunt.

Ad primum ergo dicendum, quod damnati, ut dictum est, non habent odio Deum, nisi ratione punitionis, & prohibitionis eius; quod malae voluntati eorum consonat: unde non considerabunt eum nisi ut punitorem, & prohibitorum.

Et per hoc patet solutio ad secundum: quia conscientia non remordet de peccato, nisi in quantum est divino praecepto contraria.

## SOLUTIO III.

Ad tertiam questionem dicendum est, sicut in littera dicitur, quod damnati ante diem iudicii videbunt beatos in gloria, non hoc modo quod gloria eorum qualis sit cognoscant, sed solum cognoscant eos esse in gloria quadam inestimabili; & ex hoc turbabuntur, tum propter invidiam dolentes de felicitate bonorum, tum propter hoc quod talem gloriam amiserunt; unde dicitur Sap. v. 2. de impiis: *Videntes turbabuntur timore horribili*. Sed post diem iudicii omnino beatorum visione privabuntur. Nec tamen ex hoc eorum poena minuetur, sed augebitur: quia memoriam habebunt gloriæ beatorum quam in iudicio viderunt, vel ante iudicium; & hoc erit eis in tormentum: sed ulterius affligentur in hoc quod videbunt indignos se reputari etiam videre gloriam quam sancti merentur habere.

Ad primum ergo dicendum, quod ea quae in hac vita aguntur, non ita affligent damnatos in inferno, si viderentur, sicut sanctorum gloria inspecta: unde non ita ostenduntur damnatis ea quae hic aguntur, sicut sanctorum gloria; quamvis etiam eorum quae hic aguntur, ostendantur eis ea quae in eis tristitiam (a) augere possunt.

Ad

Ad secundum dicendum, quod Paulus in-  
spexit vitam illam in qua sancti cum Deo  
vivunt, eam (a) experiendo, & in futurum  
perfectius sperando; quæ ratio non est de  
damnatis; & ideo non est simile.

## ARTICULUS III.

*Utrum damnati in inferno sola pœna ignis  
affligantur.*

1. **A**D tertium sic proceditur. Videtur  
quod damnati in inferno sola pœna  
ignis affligantur. Quia Matth. xxv. 4. ut  
eorum damnatio exprimat, fit mentio solum  
de igne, cum dicitur: *Ite maledicti in  
ignem æternum.*

2. Præterea. Sicut pœna purgatorii debet  
peccato veniali, ita pœna inferni debet  
mortali. Sed in purgatorio non dicitur  
esse nisi pœna ignis, ut patet per hoc quod  
dicitur 1. Corinth. xiii. 13. *Uniuscuiusque opus  
quale sit, ignis probabit.* Ergo nec in infer-  
no erit nisi ignis pœna.

3. Præterea. Pœnarum varietas refrigerium  
præstat, sicut calido cum transferatur ad frigi-  
dum. Sed nullum refrigerium est ponere  
in damnatis. Ergo non erunt diversæ pœ-  
næ, sed sola pœna ignis.

Sed contra est quod dicitur in Psalm. x.  
7. *Ignis, sulphur, & spiritus procellarum pars  
calicis eorum.*

Præterea. Iob xxiv. 19. (b) *Transibunt  
ab aquis nivium ad calorem nivium.*

## QUAESTIUNCULA III.

1. Uterius. Videtur quod vermis quo af-  
figuntur damnati, sit corporalis. Quia caro  
non potest affigi per vermem spirituales.  
Sed caro damnatorum affligetur per vermem.  
Iudith xvi. 21. *Dabit ignem, & vermes in  
carnes eorum;* & Eccli. vii. 19. *Vindi-  
cta carnis implet ignis, & vermis.* Ergo ver-  
mis ille erit corporalis.

2. Præterea. Augustinus dicit XXI. de Civ.  
Dei (cap. ix.) *Utrumque, id est ignis, & ver-  
mis, pœna erunt carnis; & sic idem quod  
prius.*

Sed contra est quod Augustinus dicit XX.  
de Civitate Dei (cap. xxi.) *In pœnis malo-  
rum inextinguibilis ignis, & vivacissimus ver-  
mis ab aliis aliter atque aliter est expositus.  
Alii utrumque ad corpus, alii utrumque ad*  
*S. Th. Oper. Tom. XIII.*

*animam revolvunt; alii propriè ad corpus  
ignem, tropicè ad animam vermem; quod esse  
credibilis videtur.*

## QUAESTIUNCULA III.

1. Uterius. Videtur quod fletus qui est in  
damnatis, erit corporalis. Quia Luc. xlii.  
dicit quidam Glossa, quod per fletum quem  
Dominus reprobis comminatur, potest pro-  
bari vera corporum resurrectio; quod non  
esset, si fletus ille esset tantum spiritualis.  
Ergo &c.

2. Præterea. Tristitia quæ est in pœna,  
respondet delectationi quæ fuit in culpa, se-  
cundum illud Apocal. xviii. 7. *Quantum  
glorificavit se, & in deliciis fuit, tantum da-  
te illi tormentum, & luctum.* Sed peccato-  
res in culpa habuerunt delectationem & in-  
teriorem, & exteriorem. Ergo habebunt fle-  
tum etiam exteriorem.

Sed contra. Fletus corporalis fit per quam-  
dam resolutionem lacrymarum. Sed a cor-  
poribus damnatorum non potest fieri perpe-  
tua resolutio, cum nihil in eis per cibum  
restauretur: omne enim finitum consumitur,  
si aliquid ab eo continue abstrahatur. Ergo  
in damnatis non erit corporalis fletus.

## QUAESTIUNCULA IV.

1. Uterius. Videtur quod damnati non  
sint in tenebris corporalibus. Quia, ut dicit  
Gregorius in IX. Lib. Moral. (cap. xlviii.  
vel xx. xix.) *Super illud Iob x. Sed semper  
horror inhabitat, quamvis ignis illic ad con-  
solationem non luceat, tamen ut magis  
torqueat ad aliquid lucet: nam sequaces  
quos secum traxerunt de mundo reprobi,  
flamma illustrante visum sunt.* Ergo non  
erunt ibi tenebræ corporales.

2. Præterea. Damnati vident pœnam suam:  
hoc enim est eis augmentum pœnæ. Sed ni-  
hil videtur sine lumine. Ergo non sunt ibi  
tenebræ corporales.

3. Præterea. Damnati habebunt ibi poten-  
tiam visivam post corporum resurrectionem.  
Sed frustra esset in eis, nisi viderent aliquid.  
Ergo cum nihil videatur nisi in lumine, vi-  
detur quod non sint omnino in tenebris.

Sed contra est quod dicitur Matth. xxiii. 13.  
*Ligatis pedibus, & manibus (c) proicitur eum in  
tenebras exteriores: super quod dicit Gregorius  
(Lib. IX. Mor. cap. xlv. vel xxxviii.), Signis  
Bbbb 3*  
*„ ille*

(a) Al. reperiendo. (b) Vulgata, transcat. (c) Vulgata emiserit.

„ ille lucem haberet, in tenebras exteriores  
 „ nequaquam mitti diceretur. “

Præterea. Basilus dicit super illud Psalm.  
 xxviii. *Vox Domini intercedentis flammam  
 ignis*, quod virtute Dei separabitur claritas  
 ignis ab eius virtute adustiva; ita quod cla-  
 ritas cedit in gaudium sanctorum, & ulti-  
 mum ignis in tormentum damnatorum. Er-  
 go damnati habebunt tenebras corporales.

Quædam vero alia quæ ad pœnam damna-  
 torum pertinent, determinata sunt supra  
 xlv. dist.

### SOLUTIO I.

Respondeo dicendum ad primam quæstio-  
 nem, quod secundum Basilium (conc. xxiv.  
 sive orat. xxiii. de futuro iudicio) in ul-  
 tima mundi purgatione fiet quædam separa-  
 tio in elementis; ut quicquid est purgatum, &  
 nobile, remaneat superius accrescat, & glori-  
 am; quicquid vero est ignobile, & fe-  
 culentum, in inferno proiciatur ad pœnam  
 damnatorum; ut sicut omnis creatura Dei est  
 beatis materia gaudii, ita damnatis ex omni-  
 bus creaturis tormentum accrescat, secun-  
 dum illud Sap. v. 27. *Pugnabit cum illo or-  
 dis terrarum contra insensatos*. Hoc etiam di-  
 vine iustitiæ competit, ut sicut ab uno re-  
 cedentes per peccatum, in rebus materialibus  
 (quæ sunt multa, & vana) finem suum  
 constituerunt; ita etiam multipliciter affli-  
 gantur, & ex multis.

Ad primum ergo dicendum, quod quia  
 ignis est maxime afflictivus propter hoc quod  
 abundat virtute activa; ideo nomine ignis  
 omnis afflictio designatur ut sit vehemens.

Ad secundum dicendum, quod pœna put-  
 gatorii non est principaliter ad affligendum,  
 sed ad purgandum: unde per solum ignem  
 fieri debet, qui habet maximam vim pur-  
 gativam. Sed damnatorum pœna non ordi-  
 natum ad purgandum: unde non est simile.

Ad tertium dicendum, quod damnati transi-  
 bunt ex vehementissimo calore ad vehe-  
 mentissimum frigus, sine hoc quod in eis  
 sit aliquod refrigerium: quia passio ab ex-  
 terioribus non erit per transmutationem cor-  
 poris a sua pristina naturali dispositione, ut  
 contraria passio ad æqualitatem, vel tempe-  
 rariem reducendo refrigerium causet, sicut ac-  
 cidit nunc; sed erit per actionem spiritua-  
 lem, secundum quod sensibilia agunt per  
 sensum, prout sentiuntur imprimendo for-  
 mas illas secundum esse spirituale in orga-  
 num, & non secundum esse materiale, ut  
 supra dist. xlv. dictum est.

### SOLUTIO II.

Ad secundam quæstionem dicendum, quod,  
 sicut supra dictum est, dist. xlviii. post  
 diem iudicii in mundo innovato non rema-  
 nebit aliquod animal, vel aliquod corpus  
 mixtum, nisi corpus hominis tantum, eo  
 quod non habeat aliquem ordinem ad cor-  
 ruptionem, nec post illud tempus fit futura  
 generatio, & corruptio. Unde vermis qui  
 in damnatis ponitur, non debet intelligi esse  
 materialis, sed spiritalis, qui est consci-  
 entia remorsus: qui dicitur vermis, in-  
 quantum oritur ex putredine peccati, & ani-  
 mam affligit, sicut corporalis vermis ex pu-  
 tredine ortus affligit pungendo.

Ad primum ergo dicendum, quod ipsæ  
 animæ damnatorum dicuntur carnes eorum  
 pro eo quod carni subiectæ fuerunt. Vel  
 potest dici quod etiam per vermem spiri-  
 tualem caro affligitur, secundum quod pas-  
 siones animæ redundant in corpus; & hoc  
 in futuro.

Ad secundum dicendum, quod Augusti-  
 nus loquitur sub quadam comparatione:  
 non enim vult simpliciter asserere quod il-  
 le vermis sit materialis, sed quod potius ef-  
 ferat asserendum, ignem, & vermem mate-  
 rialiter intelligi, quam quod utrumque spiri-  
 tualiter tantum intelligatur, quia sic dam-  
 nati nullam pœnam corporalem sustinerent,  
 ut patet seriem verborum eius ibidem in-  
 spicienti.

### SOLUTIO III.

Ad tertiam quæstionem dicendum, quod  
 in fletu corporali duo inveniuntur: quorum  
 unum est lacrymarum resolutio, & quan-  
 tum ad hoc fletus corporalis in damnatis  
 esse non potest: quia post diem iudicii qui-  
 esciente motu primi mobilis non erit aliqua  
 generatio, & corruptio, vel corporalis al-  
 teratio; in lacrymarum autem resolutione  
 oportet esse illius humoris generationem  
 qui per lacrymas distillat: unde quantum  
 ad hoc corporalis fletus in damnatis esse non  
 poterit. Aliud quod invenitur in corporali  
 fletu, est quædam commotio, & perturba-  
 tio capitis, & oculorum; & quantum ad  
 hoc fletus in damnatis esse poterit post re-  
 surrectionem. Corpora enim damnatorum  
 non solum ex exteriori affligentur, sed et-  
 iam ab interiori, secundum quod corpus  
 immutatur ad passionem animæ in bonum,  
 vel

vel malum: & quantum ad hoc fletus carnis resurrectionem indicat, & respondet delectationi culpæ quæ fuit in anima, & in corpore.

Et per hoc patet responsio ad obiecta.

## SOLUTIO IV.

Ad quartam quæstionem dicendum, quod dispositio inferni talis erit quod maxime miseris damnatorum competet: unde secundum hoc sunt ibi lux, & tenebra, prout maxime spectant ad miseriam damnatorum. Ipsa autem visio secundum se est delectabilis: ut enim dicitur in I. Metaph. sensus oculorum est maxime diligibilis, eo quod per ipsum plura cognoscimus. Sed per accidens contingit visionem esse afflictivam, in quantum videmus aliqua nobis nociva, vel nostræ voluntati repugnantia. Ideo & in inferno hoc modo debet esse locus dispositus ad videndum secundum lucem, & tenebras, quod nihil ibi perspicue videatur, sed solummodo sub quadam umbrositate videantur illa quæ afflictionem cordiingere possunt. Unde simpliciter loquendo, locus est tenebrosus, sed tamen ex divina dispositione, est ibi aliquid luminis, quantum sufficit ad videndum illa quæ animam torquere possunt: & ad hoc satis facit naturalis situs loci: quia in terræ medio, ubi infernus ponitur, non potest esse ignis nisi sæculentus, & turbidus, & quasi fumosus. Quidam tamen tenebrarum harum causam assignant ex commassatione, (\*) & compressione corporum damnatorum, quæ propter multitudinem ita replebunt locum inferni, quod nihil ibi de aere remanebit: & sic non erit ibi aliquid de diaphano quod possit esse subiectum lucis, & tenebræ, nisi oculi damnatorum, qui erunt obtenebrati.

Et per hoc patet responsio ad obiecta.

## ARTICULUS IV.

*Utrum beati qui erunt in patria, videant pœnas damnatorum.*

1. **A**D quartum sic proceditur. Videtur quod beati qui erunt in patria, non videant pœnas damnatorum. Maior enim est distantia damnatorum a beatis quam viatorum. Sed beati semper viatorum facta non vident: unde Isai. xl. 12. 16. *Abraham*

*nescitis vos*, dicit Glossa: „Nesciunt mortui, tui, etiam sancti, quid faciunt vivi, etiam iam eorum filii.“ Ergo multo minus vident pœnam damnatorum.

2. Præterea. Perfectio visionis dependet a perfectione visibilis: unde Philosophus dicit in X. Ethicor. (cap. 17. vel 21.) quod perfectissima sensus operatio est sensus optime dispositi ad pulcherrimum sub sensu iacentium. Ergo e contrario turpitudinem visibilis redundat in imperfectionem visionis. Sed nulla imperfectio erit in beatis. Ergo non videbunt miseriam damnatorum, in quibus est summa turpitudinem.

Sed contra est quod dicitur Isa. ult. 24. *Egredientur, & videbunt cadavera viatorum qui prævaricati sunt in me.* Glossa: „Ele-“  
„sti egredientur intelligentia, vel visione“  
„manifesta, ut ad laudem Dei magis ac-“  
„cedantur.“

## QUAESTIUNCULA II.

1. Uterius. Videtur quod beati miseris damnatorum compatiantur. Compassio enim ex caritate procedit. Sed in beatis erit perfectissima caritas. Ergo maxime miseris damnatorum compatientur.

2. Præterea. Beati numquam erunt tantum elongati a passione, quantum Deus est. Sed Deus quodammodo miseris compatitur nostris, unde & misericors dicitur: & similiter Angeli. Ergo beati compatientur miseris damnatorum.

Sed contra. Quicumque alii compatitur, sit eius miseris quodammodo particeps. Sed beati non possunt esse participes alicuius miseris. Ergo beati miseris damnatorum non compatiuntur.

## QUAESTIUNCULA III.

1. Uterius. Videtur quod beati non lætentur de pœnis impiorum. Lætare enim de malo ad odium alterius pertinet. Sed in beatis nullum erit odium. Ergo non lætabuntur de miseris damnatorum.

2. Præterea. Beati in patria erunt summe Deo conformes. Sed Deus non delectatur in pœnis nostris. Ergo nec beati delectabuntur de pœnis damnatorum.

3. Præterea. Illud quod est vituperabile in viatore, nullo modo cadit in comprehensorem. Sed in homine viatore est maxi-  
me

a) M. & impressione.

me vituperabile quod reficiatur aliorum pœnis, & maxime commendabile ut de pœnis doleat. Ergo beati nullo modo letantur de pœnis damnatorum.

Sed contra est quod in Psalm. lxx. ii. dicitur: *Letabitur iustus, cum viderit vindictam.*

Præterea. Isai. ult. 24. dicitur: *Erunt usque ad satiетatem visionis omni carni.* Satietas autem refecionem mentis designat. Ergo beati gaudebunt de pœnis impiorum.

### SOLUTIO I.

Respondeo dicendum ad primam questionem, quod a beatis nihil subtrahi debet quod ad perfectionem beatitudinis eorum pertineat. Unumquodque autem ex operatione contrarii magis cognoscitur, quia contraria iuxta se posita magis elucescunt: & ideo ut beatitudo sanctorum eis magis complaccat, & de ea uberiores gratias Deo agant, dantur eis ut pœnam impiorum perfecte intueantur.

Ad primum ergo dicendum, quod Glossa illa loquitur de sanctis mortuis secundum impossibilitatem nature: non enim oportet ut naturali cognitione cognoscant omnia quæ erga vivos aguntur. Sed sancti qui sunt in patria, omnia clare cognoscunt quæ aguntur & apud viatores, & apud damnatos: unde Gregorius dicit XII. Lib. Moral. (cap. xlii. vel xiv.) de animabus sanctis: *Sentiendum non est hoc (scilicet quod Iob dicit: Sive nobiles fuerint filii eius, sive ignobiles, nescient &c.) quia qui intus habens Dei claritatem, nullo modo credendum est quod sit foris aliquid quod ignoret.*

Ad secundum dicendum, quod quamvis pulchritudo visibilis ad perfectionem faciat visionis, visibilis tamen turpitudine sine visionis imperfectione esse potest: species enim rerum in anima, per quas contraria cognoscuntur, non sunt contrariæ: unde etiam Deus, qui perfectissimam cognitionem habet, omoia pulchra, & turpia videt.

### SOLUTIO II.

Ad secundam questionem dicendum, quod misericordia, vel compassio potest inveniri in aliquo dupliciter: uno modo per modum passionis; alio modo per modum electionis. In beatis autem non erit aliqua passio in parte inferiori, nisi consequens electionem rationis: uode non erit in eis compassio,

vel misericordia, nisi secundum rationis electionem. Hoc autem modo ex electione misericordia, vel compassio nascitur, prout scilicet aliquis vult malum alterius repelli: unde in illis quæ non volumus secundum iudicium rationis repelli, compassionem talem non habemus. Peccatores autem, quoniam sunt in hoc mundo, in tali statu sunt quod sine præiudicio divinæ iustitiæ possunt in beatitudinem transferri a statu miseriæ, & peccati: & ideo beatorum compassio ad eos locum habet & secundum electionem voluntatis, prout Deus, Angeli, & beati eis compati dicuntur, eorum salutem volendo; & secundum compassionem, sicut compatiuntur eis homines boni in statu viæ existentes. Sed in futuro non poterunt transferri a sua miseria: unde ad eorum miseriæ non poterit esse compassio secundum electionem rectam: & ideo beati qui erunt in gloria, nullam compassionem ad damnatos habebunt.

Ad primum ergo dicendum, quod caritas tunc est principium compassionis, quando possumus ex caritate velle remotionem malitiæ alicuius; sed sancti ex caritate hoc velle non possunt de damnatis, cum divinæ iustitiæ repugnet: unde ratio non sequitur.

Ad secundum dicendum, quod Deus dicitur esse misericors, inquantum subvenit ipsis quos secundum ordinem sapientiæ, & iustitiæ suæ convenit a miseria liberari; non quod damnatorum miseretur, nisi forte puniendo citra condignom.

### SOLUTIO III.

Ad tertiam questionem dicendum, quod aliquid potest esse materia gaudii dupliciter. Uno modo per se, scilicet quando de aliquo gaudetur, inquantum huiusmodi; & sic sancti non letabuntur de pœnis impiorum. Alio modo per accedens, idest ratione alicuius adiuncti; & hoc modo sancti de pœnis impiorum gaudebunt considerando in eis ordinem divinæ iustitiæ, & suam liberationem, de qua gaudebunt: & sic divina iustitia, & sua liberatio erunt per se causa gaudii bonorum, sed pœnæ damnatorum per accedens.

Ad primum ergo dicendum, quod letari de malo alterius, inquantum huiusmodi, pertinet ad odium; non autem letari de malo alterius ratione alicuius adiuncti. Sic autem aliquis quandoque de malo proprio letatur, sicut cum aliquis gaudet de propriis af-



afflictionibus, secundum quod profunt ei ad meritum vitae. Iac. 1. 2. *Omne gaudium exultatione, fructus mei, cum in tentationes varias incidieris.*

Ad secundum dicendum, quod quamvis non delectetur in penis, in quantum huiusmodi, delectatur tamen in eis in quantum sunt per suam iustitiam ordinatae.

Ad tertium dicendum, quod in viatore non est laudabile quod delectetur de poenis aliorum secundum se; est tamen laudabile, si delectetur de eis, in quantum habent aliquid annexum. Tamen alia ratio est de viatore, & comprehensore: quia in viatore passiones frequenter insurgunt sine iudicio rationis, & tamen tales passiones sunt interdu laudabiles, secundum quod bonam dispositionem mentis indicant, sicut patet de verecundia, & misericordia, & poenitentia de malo; sed in comprehensoribus non potest esse passio, nisi consequens iudicium rationis.

## EXPOSITIO TEXTUS.

**N**Ec malis facultas peccandi esse poteris. Peccare hic accipitur, non quantum (a) ad deordinationem actus, sed quantum ad demeritum culpae.

*Quid est enim esse poenitus extra Deum nisi in summa eacitate?* Extra Deum dicuntur esse reprobi, non quod ad eos providentia Dei non se extendat, sed quia in ipso non delectantur, nec eum considerant nisi ad suam tristitiam; & iterum mens eorum est totaliter a Deo averfa.

*Ubi (b) nullam lucem videbunt, cui confiteantur.* Non quod nullam veritatem cognoscant, sed quia cognitio veritatis non erit causa confessionis, sed magis tribulationis, & odii.

*Sed melius est dubitare de occultis etc.* Non quod de hoc sit dubitandum, an anima separata corporalem linguam habeat, sed quia nobis certus esse non potest status animae separatae.

*Egredientur, & videbunt cadavera impiorum etc.* Egredientur non loco, sed intelligentia, ut Glossa dicit Isa. ult. Per cadavera vero, ut Augustinus dicit de civ. Dei (Lib. XX. cap. xxi.) „significatur evidens cor-  
porum poena; quamvis cadaver nisi caro „exanimis non soleat nuncupari. Illa ve-

ro animata erunt corpora, alioquin nulla poterunt sentire tormenta. Nisi qui a sorte mortuorum erunt corpora, id est eorum qui in secundam cadent mortem; id est eo non absurde hic cadavera dici possunt: unde est & illud ab eodem Propheta dictum, quod iam supra posui: *Terra vero impiorum cadet*: „Isai. xxv. 19. ubi nos habemus: *Terram gigantum detrahes in ruinam*. „Quis autem non videat a cadavera, do esse appellata cadavera?

*Hec de pedibus sedentis . . . commemorasse sufficit.* Hic Magister in fine operis tangit visionem quamdam Isaie, ut dicitur Isa. vi. 1. Vidit enim Deum „sedentem „super solum excelsum, & elevatum, & „plena erat domus maiestate eius, & ea quae sub ipso erant, replebant templum: & „Seraphim stabant subter altare, sex alae „uni, & sex alae alteri: duabus velabant „faciem eius, & duabus velabant pedes „eius, & duabus volabant: „quae quidem visio a Hieronymo allegorice exponitur, volente per sedentem super solum excelsum Christum significari: per solum autem excelsum, & elevatum significari Angelos, in quibus Deus sedet, ut dicitur in Psalm. ix. 1. „Qui sedet super Cherubim: „per domum autem superiorem, Ecclesiam triumphantem, quae Dei maiestate impletur: per templum vero inferius, Ecclesiam militantem, quae inferioribus donis perficitur, nec videt divinae essentiae maiestatem. Sed Dionysius per sedentem in solo dicit significari ipsum Deum: per solum autem excelsum, ipsam eminentiam divinae naturae: per domum vero superiorem, creaturas excellentiores Deo magis propinquas, quae eius maiestatem plenius representant; quae templum vero inferius, inferiores creaturas, scilicet corporales, quae in inferiori mundo divinam participant bonitatem. Huiusmodi autem sedentis super thronum facies ipsam divinam essentiam designat, & ea quae in aeternitate fuerunt ante mundi constitutionem: per pedes vero, ea quae post mundum erunt in gloria beatorum, & in poenis damnatorum: per media vero, ea quae cursu temporis medio aguntur. Seraphim ergo faciem, & pedes sedentis super thronum velare dicuntur, quia mysteria aeternae Deitatis, & futurae beatitudinis, & miseriae nobis ad plenum non revelant; sed duabus aliis volabant, quia de his quae in medio

(a) Al. ad ordinationem. (b) Textus: Et nullam Dei lucem etc.

medio tempore aguntur, nos quantum opus est Angelorum ministerio instruimur, inter quos Seraphim primatum teneat. Volatur ergo eorum, processum revelationis eorum in nos demonstrat, quem etiam rectum modum ipsorum Dionysius nominat in 11. cap. de div. Nom. Magister ergo in hoc Libro exorsus a Deo, idest incipiens a facie sedentis super thronum, idest ab ipsa Trinitate Divinitatis, de qua in I. Lib. egit, procedens per media, quae dum durat mundus aguntur, ut sunt creaturae, & peccata, de quibus egit in II. Lib. (a) vel repa-

ratio, & virtutes, de quibus egit in III. & ecclesiastica sacramenta, de quibus egit in prima parte IV. duce Christo, qui est via, pervenit usque ad pedes, idest usque ad ea quae in fine mundi, & etiam postmodum agentur, sicut est resurrectio corporum, puniatio damnatorum, & gloria beatorum, quae in Dei visione consistit; ut sic a Deo incipiens eius doctrina, etiam terminetur in Deo, qui est principium a quo omnia, & finis ad quem omnia ordinantur: cui est honor, & gloria in saecula saeculorum. Amen.

(a) vel ut reparatio.



**F I N I S.**





